



11.1.91

11-1-11

D I V I
T H O M A E
A Q U I N A T I S
D O C T O R I S A N G E L I C I
O R D I N I S P R A E D I C A T O R U M
O P E R A .

EDITIO ALTERA VENETA
ad plurima exempla comparata, & emendata.

A C C E D U N T

Vita, seu Elogium eius a IACOBO ECHARDO diligentissime concinnatum,
& BERNARDI MARIAE DE RUEIS in singula Opera
Admonitiones praeviae.

TOMUS VICESIMUS
complectens SUMMAE THEOLOGICAE PRIMAM PARTEM.



VENETIIS, MDCCLV.

Cudebat SIMON OCCHI
EX PRIVILEGIO EXCELLENTISSIMI SENATUS.


III

FR. JO. FRANC. BERNARDI MARIAE
DE RUBEIS

ORDINIS PRÆDICATORUM

ADMONITIO PRÆVIA

De Summa Theologica, genuino certissimoque Sancti Thomæ Aquinatis Opere, adversus Joannem Launojum, & Petrum de Alva, & Astorga: deque Supplemento Tertix Partis: ac etiam tempore, quo idem Opus elucubravit Aquinas: eiusque versione Græca, Armenica, aliisque.



CAPUT I.

Imperita Joannis Launoji censura. Natalis Alexandri, & Jacobi Echarði apologetica scripta. Aquinasi Summam Theologiae adjudicant Prothomachus de Luca, & Bartholomæus Logorbeta, Protonotarius Regni Sicilia.

PRæstantissimum Theologicæ Summæ Opus, quod Angelico Præceptorî maximam apud omnes Christiani orbis Academiæ, omnesque Sacræ Theologiæ additos Viros, auctoritatem conciliavit, veluti dubium factum (quis crederet?) habuerunt nonnulli, plagioque manifesto ex parte defloratum ex aliorum lucubrationibus putarunt alii. Joannes Launojus, Sacræ Facultatis Parisiensis Magister, Socius Navarricus, Opusculum Parisiis edidit anno 1675. inscriptum, *Veneranda Romanæ Ecclesiæ circa Simonianam traditionem*, apud Viduam Edmundi Martini in 3. ubi cap. lviii. in observatione octava sententiam, ac verba Divi Thomæ allegaturus: *Beatus Thomas*, inquit, *vel alius quis sub illius nomine*. Tum mentem suam, æquicunque judicium proderit: *Porro autem*, inquit, *dixi (Beatus Thomas, vel alius quis sub ejus nomine:)* quia ut id dicerem, effecit Clemens Papa VI. in Sermonem, quem de Beato Thoma recens numero Calitum adscripto habuit. Petrus Rogerius, (postea Clemens VI. electus Avenione die 7. Maji anni 1342. eodemque anno redimitus corona in sedibus sacris Fratrum Prædicatorum Avenionensium die 19. ejusdem Maji,) in ipsa solemnî Sacræ apothecis die sermonem habuit de laudibus Beati Thomæ, coram Joanne XXI. dicto XXII. anno 1342. mense Julio. Incipit hic Sermo, *Vir Dei es tu etc.* quo & nos hæcenus usi sumus, genuina Aquinatis opera recententes, ac vindicantes in Superioribus Dissertationibus.

Et in Sermonem Summam Theologicam Tripartitam a Rogerio prætermisam exillimavit Launojus: indeque argumenta promit, quæ sequuntur, ut Opus illud in dubium revocet. 1. „ Quomodo, inquit, opus tam grande, si Beati

Thomæ factus est, fugere potuit Clementis diligentiam, qui sibi sumpsit;
 Doctorem Sanctum a librorum, quos edidit, multitudine laudare? Quomodo
 tam insigne opus prætermisisset, qui tot minuta opuscula recenset? 2. Dein-
 de Clemens Parisiensis erat Theologus, Beato Thomæ ætate suppar, & for-
 san natus antequam Thomas de vita decederet: & eam ob causam facile
 nosse potuit, quæ Thomas opera conscripserat: & cum primis *Summam tri-*
partitam, quæ ab eo sub extremo vitæ tempore edita fuisset. 3. Tum credi-
 bile non est, Clementem ulque adeo accuratum librorum Thomæ texuisse
 catalogum inconsultis Dominicanis, a quibus quin adjutus fuerit vix dubitari
 potest. Omississent ne *Summam*, si hæc inter Opera illius tunc exstiteret? 4.
 Postremo non niemini legere me, fuisse, qui tunc Clementem de imperfectione
 librorum Thomæ catalogo accusaverit. Accusatus esset sine dubio, quia in-
 toleranda fuisset Clementis negligentia. 5. Non me later, in præfatione li-
 brorum Durandi super Sententias, *Summa* mentionem fieri, eamque citari.
 Sed non me quoque latet, Durandi in *Sententias* esse scripta duo, quæ ex-
 stant in Bibliotheca Cœnobii Sancti Victoris ad Lutetiam. In Scripto priori
 nulla est præfatio: in posteriori est præfatio, quæ alterius esse potest, quam
 Durandi, cum ex aliis, tum ex eo quoque, quod in illis Scriptis *Summa* no-
 minatim meminerit nusquam, etiam Thomæ placita passim retellat. Dein-
 de si Durandi esset, diceretur verisimiliter, unum vel plures fuisse, qui stat-
 tim atque Thomas in Sanctorum numerum relatus est, *Summam* ex variis
 Beati Thomæ commentariis jam confecerant, cum Durandus præfationem
 posteriori Scripto adiecit: Durandus vero relationi Thomæ in Sanctorum
 numerum annis x. supervixit.

Ex silentio, quod Petrum Rogerium, postea Clementem VI. tenuisse putat,
 colligit Launojus, *Theologicam Summam*, quæ Sancto Thomæ attribuitur, non-
 dum anni 1323. mense Julio, quo laudatum Rogerius habuit sermonem, pro-
 diisse in lucem: conjectatque vir, ingenio suo genioque indulgens, intra decen-
 nium frastasse, quod Sancti Doctoris apothecum sequutum est, opus illud ab
 uno vel pluribus consodalibus ex variis ab eodem elucubratis commentariis con-
 gestum, consarcinatumque fuisse. Addit vero oblationem, pro germano Thomæ
 fratre habiturum se *Tripartitam Summam*, si vetustior Clemente VI. & ante
 ann. 1323. afferatur Scriptor, qui operum Thomæ catalogum texens, *Summam*
 ei adscripserit: Cæterum, inquit, si vetustior Clemente Scriptor operum Thomæ
 catalogum composuit, eique *Summam* indidit, illi potius, quam Clementi assentiar.

II. Id ultro offerenti Launojo latis ut faceret, sibi munus adsumpsit Natalis
 Alexander, anno 1675. Mense Junio, novus tunc renunciatus Parisiensis Doctor,
 edito Opusculo, quod inscribitur: *Summa Sancti Thomæ vindicata*, & eidem
 Angelico Doctori asserta, contra præposteram Johannis Leunoij Parisiensis Theologi
 dubitationem: item contra Launojanas circa Simoniam observationes animadvertio:
 Parisiis, typis Andreæ Cramoisy 1675. in 8. Omnium paulu exceptæ Doctissimi
 Viri vindiciæ fuerunt. Auctor Dissertationis Launojanæ, quæ Tomo iv. ope-
 rum Launoij habetur, refert Parte 111. *Responsionem* ipsius Launoij ad Alexan-
 dri opusculum ad calcem pene perductam fuisse, & prelo committi ceptam, cum
 repente morbo correptus ille, vita mortali migravit die 10. Martii 1678. An hæc
 responsio partem dumtaxat illam Opusculi ab Alexandro concinnati impeteret
 in qua *Annatas*, ut vocant, labe Simonizæ purgandas Vir doctus susceperat; an
 alteram etiam partem, quæ *Summam Theologicam* Aquinati vindicabat, non
 constat. Opusculi sui exemplaria a longo tempore dilata cum essent, præ-
 tium operæ existimavit clarissimus Auctor, illud ipsum in novam formam reda-
 tum, emendatum, novis etiam auctum observationibus, selectis dissertationibus in
 Historiam Ecclesiasticam XIII. seculi, quo floruit Thomas, & quatuordecimi, quo
 in Sanctorum cætum relatus est, inferere, ut ad posteros facilius transmitteretur.

Pro-

Prodierunt Dissertationes illæ Parisiis, typis Antonii Dezallier anno 1684. & 1687. in 8. & 1699. & 1714. in fol. itemque postea in Italia Venetiis, & Lucæ, eadem forma.

Novam solidissimam, omnibusque numeris absolutam molitus est apologiam Jacobus Echardus, quam inscripsit, *Sancti Thomæ Summa suo Auctori vindicata*. Parisiis prodit opus anno 1708. in 8. apud Jo. Baptistam Delepine. Launoji dubia vocat ad examen Sectione 111. §. 1. eademque luculentissimis argumentis depellit. Hanc egregii Operis partem, novis documentis auctam, inseruit Auctor Tomo primo Scriptorum Ordinis Prædicatorum, qui Parisiis typis J. B. Christophori Ballard, & Nicolai Simart lucem vidit anno 1718. in Elogio Sancti Thomæ. Tam ampla vero testium Clemente VI. antiquiorum fide, & auctoritate rem pertrahat Alexander: tot alia plura peremptoria monumenta, ex vetustis Auctoribus, & Manuscriptis codicibus desumpta, addidit Echardus, ac omnia peragit diligentissima crisi; ut sententiam dubio prorsus omni pro obblata muraret, ejuraretque pollicitatione Launojus.

Muneris etiam mei ratio postulat, ut ejusdem Doctoris Parisiensis dubia & ego pro virili discutiam: eademque probatissimis testibus, & argumentis validissimis elidam. Si nova proferre non liceat, dabo vetera meliore fortasse collocata ordine, novisque animadversionibus illustrata, ac munita. Illud vero mihi probandum ædsumo, *Theologicam Summam*, velut opus germanissimum Aquinatis, tum decennio illo, quod sacram ejus apotheosin anno 1323. peractam sequutum est, laudatam celebratamque fuisse: tum etiam longe ante sermonem a Petro Rogerio in ipsis canonizationis solemnibus habitum, eidem Thomæ abs Scriptoribus synchronis supparibusque tributam, & in codicibus ætate illa manu exaratis nomine ejus inscriptam.

III. Primus adest luculentissimus tellis, Ptolomæus Lucensis. Divo Thomæ mortalem vitam agenti familiarissimus ipse fuit: testaturque Libro XXIII. Hist. Eccles. capite viii. ubi refert Aquinatis obitum, *suam sæpe confessionem se audivisse, & cum ipso multo tempore conversatum esse familiari ministerio*. Probatiorem talem vel ipse Launojus non exorabit. Ad ipsam Ecclesiasticam Historiam libris 24. comprehensam quod attinet: perduxit eam Auctor vel ad annum 1295. ad ipsam usque Bonifacii VIII. Summi Pontificis electionem, vel ut summum ad annum 1313. Plurimum Codicum manu exaratorum fide, priorem de fine Historiæ ab Ptolomæo nostro adornatæ sententiam confirmat Jacobus Echardus: alteramque præferre videtur Ludovicus-Antonius Muratorius in amplissima Scriptorum Italiæ collectione Tomo xi. fide adhibita Codicis Patavini optimæ noræ. Hinc vero, quæ in aliquibus Mss. additamenta occurrunt ad annum 1336. vel 1342. auctorem non habent Ptolomæum. Utut sese res habeat: Chronicon adest, quod ante Aquinatis apotheosin, habitumque a Petro Rogerio sermonem concinnatum fuit. Anno demum circiter 1322. vita illum migrasse, Echardus conjectat: adhuc ipsum egisse vitam anno 1325. ex monumentis Ecclesiæ Torcellanæ, cui præfuit Episcopus, satis patefactum legitur in ejusdem Ecclesiæ Tabulis apud Ughellum in Italia Sacra Tomo V. Venetæ editionis anni 1720. Sed ipsum jam anno 1327. vita functum, colligitur ex successione Bartholomæi de Piscialis, quam refert Ughellus ad annum 1328. quo anno, ait, die 28. Mensis Februarii Sacro Collegio solvit subsidium; nimirum intra decennium, quod apotheosin Thomæ sequutum est.

Probatissimi tellis, omni majoris exceptione, jam accipe testimonium, quod ipse perhibet Libro XXII. Historiæ capite xxxix. „Hujus (Pontificis, Clementis IV. qui a die 5. Februarii anni 1265. tenuit Sedem ad diem 29. Octobris anni 1268.) tempore, dictus Doctor scripsit *summam*, quam in tres partes dividit: videlicet *Naturalem*, quia ibi definitur de naturis rerum, & primo de Divina essentia, & secundo de rebus creatis. *Secundam partem* vocat

„*Mor-*

„ *Moralem*, quam divisi in duo *Volumina*. Unum volumen accepit in universali-
 „ *salibus* materiis, quæ *Prima Secundæ* vocatur respectu Philosophiæ (al.
 „ *Scientiæ*) *Moralis*. Alia vero pars principales materias continet omnium vir-
 „ *tutum* & vitiorum, tota fundata & ornata Philosophorum dictis, & rationi-
 „ *bus*, ac Doctorum sacrorum auctoritatibus, quam *Secundam Secundæ* res-
 „ *ctu* ejusdem materiæ appellamus. *Tertia* autem pars *Summa*, quæ est
 „ *quartum Volumen*, Sacramentalis vocatur, quia in ea de Sacramentis agitur,
 „ & Incarnatione Verbi: & *ultima pars* dicitur, quia ultimo facta, sive quia
 „ *finis* est aliarum. „ Lauroji votis cumulatissime factum satis. Synchronus
 „ nempe testis, Clemente VI. antiquior, Aquinati adjudicat *Summam Theologicam*,
 „ eamque *Tripartitam*, ac secundam partem ejus in volumina duo distributam,
 „ quorum alterum *Prima Secundæ*, alterumque *Secunda Secundæ* jam tum appel-
 „ labatur, postrema vitæ Thomæ periodo elucubratam.

Sequitur Bartholomæus de Capua, Logotheta & Protonotarius Regni Siciliae,
 in Processu Canonizationis testis citatus & juratus, qui de vita, & moribus,
 ac Scriptis Divi Thomæ testimonium perhibuit anno 1319. die 8. Augusti:
 quatuor scilicet ferme annis ante Sermonem, quem habuit Rogerius, postea
 Clemens VI. in solemnii apotheosis. Lati testimonii fragmentum vulgavit Ba-
 luzius, quod in ejusdem Processus capite nono desideratur apud Bollandianos
 num. 83. linea 20. post illa verba, quem dixerat ipse Dei electus: Opera Divi
 Thomæ eo in loco recensentur, ac inter alia *Tres partes Summa*. Rursum
 Fragmenti initio hæc habentur luculentissima: „ Item dixit dictus testis, quod
 „ cum ipse legisset aliquibus annis in Scriptis dicti Fratris Thomæ, occurrit si-
 „ bi quadam vice memorix, se legisse in eis: quod *consuetudo populi Christiani*
 „ *pro lege servanda* est. Et dum hæc verba idem testis studiose perquireret per
 „ plures dies, cum esset sibi opportuna, nullo modo potuit illa invenire. Fi-
 „ naliter tamen idem testis genu flexit, & rogavit dictum Fratrem Thomam,
 „ quod revelaret sibi. Qui statim aperto libro *Secundæ partis Secundæ*, sine
 „ revolutione chartarum invenit ipsa verba in Tractatu de *Jejunio*. „ Artic-
 „ lum quartum centesimæ quadragesimæ septimæ Questionis indicat Logotheta,
 „ ubi hæc habentur ad 3. In *Jejunio* autem *Quadragesimali* interdiciuntur universa-
 „ liter etiam ova, & lacticia: circa quorum abstinentiam in aliis *Jejuniis* diversa
 „ consuetudines existunt apud diversos, quas quisque observare debet secundum mo-
 „ rem eorum, inter quos conversatur. Unde Hieronymus dicit, de *Jejuniis* loquens:
 „ *Unaqueque Provincia abundet in suo sensu, & præcepta majorum leges Apostoli-
 „ cas arbitretur*; in Epistola ad Lucinium num. 6. Splendide ergo constat, ante
 „ annum 1319. laudatam, vulgatamque fuisse *Theologicam Summam* Divi Thomæ,
 „ tres in partes tributam: ac *Secundæ partis* voluminem alterum appellari consue-
 „ visse *Secundam Secundæ*.

In eodem Processu capite num. 79. sic ipse fari inducitur Logotheta: „ quod
 „ cum dictus Frater Thomas celebraret Missam in dicta Capella Sancti Nicolai
 „ Neapoli, fuit mira mutatione commotus; & post ipsam Missam non scripsit
 „ neque distavit aliquid, imo suspendit organa inscriptionis in *Tertia parte*
 „ *Summa* in Tractatu de *Penitentia*. „ Diligentissime commemoratam habes &
 „ ipsam Theologicæ *Summæ* tertiam partem, veluti opus cuique notum vul-
 „ gatumque, ante Sacram Canonizationem Divi Auctoris, habitumque sermonem
 „ a Rogerio. Id vero sibi a Fratre Joanne de *Judice* relatum, Logotheta testatur,
 „ Anagninæ in loco Fratrum Predicatorum ... paullo antequam Dominus Papa Bo-
 „ nifacius (VIII.) eaperetur. Captum Anagninæ Summum Pontificem Historiæ
 „ produnt, anno 1303. intempesta nocte Sabbati ante VII. idus Septembris: unde
 „ eodem anno 1303. manibus omnium *Summa* Divi Thomæ tripartita terebatur.
 „ Sed idem Logotheta de nique testatur, rem hanc Joanni de *Judice* narratam fuisse
 „ a Fratre Reginaldo de *Piperno*, socio Aquinatis fidiſſimo, ejusque arcanorum
 „ omnium

omnium confcio. Mortali fato fundum Reginaldum inter annum 1250. & annum 1300. adnotat Echardus in ejus Elogio: unde merito colligat quisque, pro indubio Thomæ factu ante annum 1300. habitam fuisse Tripartitam Theologiæ Summam. Splendidus exoptari non potest rei testimonium, qua de agimus: fide dignissimum omni, si spectetur vel ab uno Logotheta latum: eoque magis luculentum probatumque, utpote Joannis de Judice, & Reginaldi Privetnotis auctoritate munitum.

C A P U T I I.

De germano eodem Sancti Thomæ factu testimonium perhibent Nicolaus Trivetus, & Guillelmus de Tocco. Perperam in dubium vocat Antonius Pagius, laudatum Guillelmum vulgatum scripsisse Aquinatis vitam.

I. Nicolaus Trivetus, rei qua de agimus, testis accedit tertius. Chronicon Regum Angliæ a Dacherio in lucem editum perduxit ad annum usque 1307. vitamque suam egit ad annum 1328. teste Balzo, quem excipiunt Pitiscus & Caveus apud Echardum: unde lucis usura fruebatur intra decennium a Launojo præstitutum, & ante illud conscripsisse Chronicon dicendus est. Ad annum 1274. de Thoma Aquinate agit: ipsumque cum vocet *Venerabilem Doctorem Fratrem Thomam de Aquino* satis indicat, hanc a se Chronici partem elucubratam ante sacram ejusdem Canonizationem. Neque hominis, utpote Angli, respuenda fides: cum enim in *Studio Parisensi*, ut ipse testatur in Chronici prologo, diuturnam traxerit *moram*, litteras Theologicas accepturus, addiscere perquam facile potuit ibidem gesta Thomæ, compositosque ab eo libros. Testis ergo probatissimi, contra quem exceptione intercedi nulla potest, accipe verba loco citato: *Item (scripsit) Summam Theologiæ: quam in tres partes divisit: & Secundum in duas partes.*

Quartum locum tenet Guillelmus de Tocco. Testem scilicet advoco, præcipuum Canonizationis Divi Thomæ promotorem, Scriptoremque Vitæ ejus, anno 1323. adhuc inter vivos agentem, hisdem, quas postulabat Launojus, conditionibus munitum ornatumque. Quinimo synchronus Thomæ fuit, quem vidit scribentem, ut in Processu apud Bollandianos capite VII. num. 53. testatur ipse; & audiuit prædicantem & legentem. Opera ejus, quæ noverat, capite IV. Vitæ recenset, & ait: „Præter opus, quod fecit super quatuor libros Sententiarum Summam fecit, quam distinxit libris, materias quatuor librorum aliter ordinans: quam cum pluribus Articulis amplificavit subtilioribus rationibus, ipsas determinans Sanctorum auctoritatibus.“

II. Dubium ingerit Antonius Pagius num istam, quam Bollandi Continuatores vitam Aquinatis ediderunt, confecerit Guillelmus de Tocco? Ad annum 1190. num. 10. sic habet: „Juvabit hic obiter observare, dubitandi locum esse, an Guillelmus istius vitæ Scriptor fuerit; cum id tantum meris conjecturis adstruat: conseqe ex ea, ipsum anno 1319. collaborasse, ut fieret processus Canonizationis Doctoris Angelici, quæ postea anno 1323. peracta fuit. Nam eo tempore Doctor subtilis scholam suam habebat, sicut Doctor Angelicus: & tamen in ea vita num. 17. legitur: *Est omnibus manifestum, quod in toto mundo inter fideles catholicos, in Philosophia & Theologia, in omnibus Scholis nihil aliud legitur, quam quod de ejus Scripserit bauritur: quamvis multi alii Magistri eius system scribendi, quo potuerunt studio, imitantes, quasi ex ejus (S. Thomæ) scriptis clavem habentes scientia, ingressi sunt divinarum secreta cellaria: & multa volumina scripserunt suum excrevitantes studium supra positum divi Doctoris fundamentum: divina dispensatione mirabiliter permittente, ut quicumque ab hujus Doctoris* „Scriptum-

„Scriptura voluit divertere, contingat eos aut in fide, aut moribus aberrare;
 „Quod vere dici non potuit a Guillelmo de Tocco; cum anno 1320. Schola
 „Scotistarum jam viguerit, ut manifeste ostendit Codex Manuscriptus Fran-
 „cisci Mayronis. Joannis Scoti discipuli, in primum librum Sententiarum, qui
 „asservatur in Bibliotheca Conventus nostri Celsennæ, manuscriptis diviti, a
 „me alias lectus. In illius enim Codicis fine legitur: *Explicit lectura super*
 „*primum Sententiarum Fratris Francisci Mayronis de Provincia Provincie Or-*
 „*dinis Fratrum Minorum*, reportata sub eo Parisiis anno Domini millesimo tre-
 „centesimo vigesimo. . . . Quare cum Mayronius tam in illo codice, quam in
 „aliis omnibus libris Theologicis in lucem editis, doctrinam Scoti propugna-
 „verit, liquet Scholam Scotistarum jam ab eo saltem anno floruisse. Pergit
 num. 11. præfatio tempore Scholam Scotistarum jam institutam ostendere:
 „Ex quibus. inquit, necessario sequitur, aut Guillelmum de Tocco non edidisse
 vitam S. Thome ipsi adscriptam, aut eum non vere scripsisse, quæ superius ex
 eodem desumpta sunt.

Mera & inani conjectura dubitare mihi Pagius videtur de vero vitæ Aquinatis parente: quem non meris conjecturis, sed solidis rationibus, Guillelmum de Tocco habuerunt Bibliographi. Unum proculdubio, eundemque fuisse Vitæ auctorem, & promotorem Canonizationis, verba declarant, quæ num. 29. habentur: *De huius Doctoris puritate mirabili, & inviolata, ac modernis temporibus inaudita, facta est revelatio cuidam Fratri devoto dicti Sancti, de quo inferius dicitur. . . . cum cogitasset ejus historiam texere, & de quibus posset ipsum virtutibus commendare. Qui cum prosequitur prædicti Doctoris Canonizationem, rediit ad Curiam, & esset in portu Asturii &c.* Quo loco idem ipse est, qui Canonizationis negotium agebat, cogitabatque Aquinatis vitam texere. Imo illam eodem tempore jam elucubraram servabar. Eo quippe in portu intolerabili tempestate detentus dum apparentem sibi Divum adloqueretur: *Magister, inquit, ego scripsi totam historiam tuam: unum tamen mirabile est, de quo dicas mihi, si est ut scripsi, plenus veritatem.* Hæc acciderunt, cum ipse rediret ad Curiam, negotium scilicet Apotheuseos prosequitur, ulterioremque postulat miraculorum perquisitionem: quæ demum novis curis ut perageretur, jussit Pontifex datis literis Apostolicis Avenioni Kal. Junii, Pontificatus anno v. Christi 1321. Mutilum Diploma refert Raynaldus ad eundem annum 46. unde tempus denique constat, quo Vitam Aquinatis jam ille composuerat, qui Canonizationem eius promovebat.

Qui nam ille fuerit, loca duo invicem collata splendidissime patefaciunt. Quæ sequuntur, assero primum verba ex capite xxi. vitæ, de qua agimus, num. 80. *Ad gloriam etiam dicti Sancti scribenda sunt miracula, quæ in prosecutione Canonizationis ejus divinitus contigerunt Fratribus, quibus commissa fuit inquisitio de miraculis a Deo meritis ejus factis. . . . cum dicti Fratres in quadam galea Provincialium plurimis onerata, de Neapoli versus Romanam Curiam navigarent. . . . cum ad montem Argentarium ventus galeam impelleret &c.* Fratres adiunt, quibus de ulteriori miculorum inquisitione commissum fuerat: quive maris iter fuerant aggressi, ut ad Romanam Curiam apud Avenionem proficiterentur. Rem hanc pariter scripto reliquit Bernardus Guidonis in ea, quam ipse Vitam Aquinatis elucubravit: Fratresque prædictus proprio nomine appellat. Verba accipe, quæ habentur Parte 111. capite 99. apud Bollandi Continuatores: *Cum Frater Guillelmus de Tocco Ordinis Predicatorum, Prior Conventus Beneventani, cum socio suo Fratre Roberto Lectore, venerit per mare ad Romanam Curiam apud Avenionem, inventarius factis de miraculis Sancti Thome, de cuius Canonizatione tunc temporis tractabatur; accidit, ut ipsi navigantibus quadam nocte. . . . tempestate gravissima excitata in mari, galea, in qua cum aliis navigabat, ad montem Argentarium violentia ventorum nimia im-*

impellebatur &c. Utrumque modo conferas locum: compertumque fiet, illum eundem, qui & Canonizationis Thomæ negotium præcipue urgebat, & Vitam ejus scripserat, Bernardi Guidonis fide & testimonio, fuisse Guillelmum de Tocco. Nomen scilicet suum, quem ipse præ modestia ubique reticuit, Bernardus Guidonis patefacit; ut meritissimus illius vitæ auctor innotesceret.

Quidni vero laudatus Guillelmus, qui anno 1321. ut adnotavimus, vitam Aquinatis jam elucubraverat, scribere potuerit, in toto mundo inter fideles Catholicos in Philosophia & Theologia in omnibus Scholis nihil aliud legi, quam quod de ejus scriptis bauriretur? Ipse Pagius loco citato num. xi. ultro fatetur: certum videri, doctrinam Doctoris Angelici ante annum 1300. communiter a Professoribus lectam fuisse. At subdit tamen ille: postquam anno 1304. Joannes Scotus lauream Doctoratus Parisiis accepit, quam plurimos doctrinam ejus professos esse: tandemque, ut quam tardissime, ante annum 1320. Theologiam & Philosophiam in duas Scholas divisam fuisse. Res ita se habeat. Quidni vero scribere Guillelmus de Tocco potuerit debueritque, doctrinam Aquinatis communiter ab Doctoribus traditam in Scholis fuisse, eo quidem tempore, quo vix emerlerat Scoti Schola? Satis hæc sunt superque, ut levi motum conjectura Pagium vocasse in dubium vitæ Aquinatis auctorem, constet.

C A P U T III.

Testes accedunt Nicolaus de Freaville S. R. E. Cardinalis, & Joannes de Sriburgo. Alii etiam confodales. Itemque exteri, Galienus de Orto, Guillelmus de la Mare, S. Ludovicus Episcopus Tolosanus. Codices denique MSS.

I. AD alios cumulandos testes redit oratio, qui intra decennium, quod apothefism Thomæ sequutum est, & ante ipsam apothefism, Theologicam Summam pro germano habuerunt ejusdem Aquinatis særu. Quintum numero Nicolaum de Freaville, Conventus Rotomagensis alumnum, anno circiter 1296. a sacris Philippi Pulchri Regis Francorum confessionibus adscitum, ad purpuram petitione ejusdem Regis anno 1305. evectum, vitæque mortali functum anno 1324. die 13. Februarii. Ornatissimum testem non respuat Launojus. Ultimæ voluntatis ejus Tabulas divulgavit Baluzius Tomo II. Paparum Avenionensium pag. 410. scriptas, consecratæque anno Nativitatis Domini M. CCC. XXI. Indictione IIII. die xvi. Mensis Octobris. Hæc in illis verbis leguntur: „Item declaramus, quod libri, videlicet Biblia, Summa Decretalium in duobus voluminibus, Summa contra Gentiles, & Secunda Secunda, quos habemus, antequam essemus sacri Cardinalis, fuerunt dicti Conventus Ordinis Prædicatorum Rotomagensium.“ Opinacionem Launoji evertit tam insignis testimonium. Putabat morosissimus senior, Summam Theologicam ejusque partes consecratas, confarcinatasque fuisse a confodalibus Dominicanis intra decennium; quod apothefism Thomæ, æcepte, ex veris Beati Thomæ Commentariis. At Secunda Secunda Summæ illius egregiam partem, ante annum 1305. iam possidebat Conventus Rotomagensis: ab eo anno commodatam habuit Nicolaus de Freaville, cum facram purpuram indutus esset: eandemque restituit demum anno 1321. integro fere biennio ante Canonizationem Thomæ.

Audiendus sexto loco venit Joannes de Friburgo, quem etiam Theutonicum nuncupatum legimus, & Joannem Lectorem. Ipsum commendat Leander Albertus, utpote virum devotum, & litteraturæ præstantissimum: ejusque refert obitum ad anni 1314. sextum idus Martias. Dotibus ornatus adest, quas Launojus expolcit omnes. Fæctus ejusdem sunt Questiones casuales, sive de causibus. An opus typis aliquando prodierit, incertum mihi. Lucem vidit attamen ejusdem operis Præfatio, in alia ipsius Joannis elucubratione, quæ inscribitur, Summa S. Th. Oper. Tom. XX.

ma Confessorum. Editione utor Parisina, *expensis Johannis Petit denuo impressa anno millesimo CCCC. XIX. idibus Januarii*. Quæ sequuntur, accipe: „Prologus Fratris Johannis Lectoris in priorem libellum *Questionum causalium* . . . „Sunt autem hæc collecta maxime de Libris horum Doctorum memorati Ordinis: videlicet Fratris Alberti quondam Ratisponensis Episcopi, *Fratris Thomæ de Aquino*, & Fratris Petri de Tarantasia. „Ex appellatione, *Fratris Thomæ de Aquino*, collige operis elucubratum tempus, ante illius Apotheosim. Pergit ille: „Sed hic considerandum est, quod cum *Secunda Pars Secunda* de „Summa Fratris Thomæ prædicti, quasi pro maiori parte sit moralis & casualis, plurima de illa sumpta in hoc Opusculo posui: & ideo ubicumque solum dicitur, *Resp. Secundum Thomam in Summa*, vel simile, nullo addito; semper intelligendum est de *Secunda Secunda*, nisi alia pars specialiter exprimitur. „Summam eo tempore, quo a Launojo definitum est, ejusque partes, vulgaras jam quisque videt, laudatasque a Scriptoribus.

Sequitur in editione citata *Prologus eiusdem Fratris Johannis Lectoris in Summam Confessorum*. Hæc profero verba: „Modum autem eundem tenui in hac compilatione, quem in priori libello. Videlicet, quod cum nominatur hic *Summa Thomæ*, semper intelligitur de *Secunda parte Secunda*, nisi alia pars specialiter exprimitur. „Constantissimo nempe Joannis de Friburgo testimonio evincitur, revinciturque de præcipiti & iniquo judicio Launojus.

Verba sequuntur, quæ digna sunt animadversione: „Similiter cum nominatur hic *glosa*, semper intelligendum est de *glosa Vilelmi super Summam Raimundi*, nisi alia *glosa* specificetur: ut *glosa Innocentii*, vel *Hosienensis*, aut *Bernardi*, vel *glosa super aliquod decretum*. „Quod argumentum est clarissimum, (vebis utor Doctissimi Echardi,) *Glossas super Summam S. Raimundi* opus esse *F. Guillelmi Redonensis*: easque falso in editis, *F. Joanni Lectori*, seu de Friburgo adscribi. Viri utriusque Elogia consule apud ipsum.

II. Dominicanos testes, qui vel eadem, qua superiores, floruerunt ætate, vel etiam sequiori, tamenque probatissimos, advocare superfedeo, Bernardum Guidonis, S. Antoninum, Pignorum, & Valleletanum. Fidem vero Joannis de Columna ne confidentius urgerem, ea me permovit ratio, quod opus de *Viris illustribus*, absynchrone quidem Scriptore confectum, interpolatrices tamen sequioris ævi manus passum est, ut argumentis luculentissimis in Dissertatione prima ostendimus. Verba solum, quæ eodem in Opere habentur, describere liceat, ut iis pro ea, qua pollent auctoritate, uti quisque valeat: *Scriptis . . . Summam Theologicam, quam divisi in quatuor Volumina*.

III. Exteros audire testes aliquos præstat conditionibus insignitos abs Launojo postulatis, qui suffragium ferant. Galienus de Orto primus est. Virum fuisse votis religiosis adstrictum, notum est compertumque apud Jacobum Echardum ad annum 1238. inter Scriptores Ordinis Prædicatorum: ignotum vero cui nomen suum dederit Ordini. Codex MS. membranaceus in Victorina Parisiensis Bibliotheca adservatur, cujus initium: *Incipit abbreviatio Fratris Galieni de Orto super Secundam Secundam Fratris Thomæ de Aquino*. Notam accipe in calce Codicis appositam: *Explicit anno Domini M. CC. octingentesimo VIII. Mense Aprilis*. Jam ergo tot ante sacram apothecosim Thomæ annis, imo quartodecimo dumtaxat anno post ejus obitum, *Secunda Secunda* sub nomine *Fratris Thomæ de Aquino* in compendium redacta fuerat: quod est argumento, ante illum annum vulgatissimum fuisse egregium *Summa Theologicæ* opus, illudque Doctorum omnium manibus die nocturne tritum, versatumque.

Similem prætermittere nolim Dominicani licet Scriptoris lucubrationem, quam manu exaratam in Bibliotheca Colbertina vidit, iustitavitque diligentissimus Echardus, longe diversa ab ea, quæ Galienum de Orto auctorem habet. Hæc assero verba, quæ idem Echardus descripsit in sua Sancti Thomæ Summa

vindicata: „Explicit Summa utcumque abbreviata, & per quasdam decisiones dearticulata: excerpta de 2. 2. S. Thomae de Aquino Ordinis Fratrum Praedicatorum, per Fratrem Joannem Dominici ejusdem Ordinis, de expresso mandato Sanctissimi Patris & Domini nostri D. Joannis divina providentia Sacrosanctae Romanae ac universalis Ecclesiae Papae XXII. Completa in Avenione anno Domini M. CCC. XXIII. Pontificatus sui anno Sabbato post Festum Venerabilis Doctoris S. Thomae predicti immediate subsequente.“ Annum intellige stylo novo 1324. quo hanc Epitomen complevit Joannes Dominici: indeque certum argumentum prome de fufioris Theologicae Thomae Summae exstantia ante Canonizationem ejusdem. Quomodo enim de opere, quod nondum exstaret, ac post Sacram Apotheosim collectum fuerit, ut vana ac futilis Launoii conjectura serebat, abbreviando & in epitomen redigendo cogitari anno 1324. potuisset?

Notum nemini non est opus Guillelmi de la Mare, Angli natione, professione Ordinis Minorum, quod inscribitur: *Correktorium Fratris Thomae de Aquino*. Florebat auctor anno 1290. teste VVadingo; eodemque seculo cadente decimo tertio *Correktorium*, quod vere *Corruptorium* dixere vindices Thomae, prodit. Latiore sermone de homine doctrinae Divi Thomae insensu agendum erit. Theses quamplures ex universis operibus ejus decerpit inimica manus, quos in invidiam traduceret, ac praesertim ex Theologica Summa; nempe novem ex quadraginta ex Prima parte, ex prima Secundae duodecim, & ex Secunda Secundae sexdecim. Quam luculentum ergo testimonium, quod primus ac vetustissimus hostis fert contra novissimum hostem Launojum, pro vendicando Aquinati Opere praestantissimo!

In calce *Sermouum de Sanctis* Divi Antonii Paduani, legitur in editione ab Antonio Pagio curata *Testamentum S. Ludovici Episcopi Tolosani*, qui anno 1297. ad caelites evolavit. In hoc monumento tam vetusto Theologicam D. Thomae Summam laudari, ipse Pagius testatur. Verba ejus sunt ad an. 1190. num. XI. in Critica ad Annales Baronii: „Hic obiter Lectorem monebo, me ex eo (Testamento) demonstrasse, *Summam Theologicam*, cujus in eo mentio, genuinum solum esse Doctoris Angelici.“

IV. Tam frequenti testium agmini, quo praelium cum Launojo commissimus, accedunt vetustissimi Codices, quibus eadem insertur pugna ad intercessionem, abs diligentissimo Echardeo recensiti. Codices nempe sunt, suismet oculis accuratissime lustrati in Parisiensibus Bibliothecis, Navarrae, Sorbonica, Victorina, Colbertina, aliisque: ipso tertiodecimo seculo cadente, quo floruit, docuit, scripsit, obiitque Thomas, manu exarati: Summam ipsam Theologicam, ejusque singulas partes, sub ejusdem Fratris Thomae de Aquino nomine, praestantes. Plurimos ejus aetatis, similisque optima notae, nullus dubito alios adievari Codices in Hispaniis, in Belgio, in Germania, in Italia: quos etiam in Indicibus librorum manuscriptorum preli beneficio in lucem editis memoratos legimus. His vero sistema Launojanum quis non videat eversum plane, profligatumque?

CAPUT IV.

Petrus Rogerius, postea Clemens VI. quem Launojus imperite putavit, silentio præterisse Theologiam Summam, amplissimis eam memorat verbis in primo Sermone de laudibus Sancti Thomæ. Itemque in alio, quem eodem de argumento sermonem habuit.

I. Quid ergo adversus tot luculentissima antiquitatis, longe majoris quam Launojus expetere, monumenta valeat illud Petri Rogerii, postea Clementis VI. in sua de laudibus Divi Thomæ oratione silentium, quod unicuique pro suo sistemate laudatus urget Launojus? Verum & hocce telum insensitissimo Censori eripiendum. Rogerii verba sub oculis pono, quæ Censor desumpsit ex Codice M. Caroli Mauricii Tellerii Archiepiscopi Remensis, nunc Regio-Thema sermonis est: *Vir Dei es tu &c.* in eoque hæc habentur, quod attinet ad libros ab Aquinate elucubratos: „Scriptis enim tam *super Sententias*, quam *alias Quaestiones*, xvi. volumina. “ Quo loco diligentius animadvertere numerum *Voluminum*, quæ *sexdecim* numerantur: ac materiem expendere, argumentumque eorum, res nempe Theologicas, ut statim infra. Numerata quippe universim volumina, sic recenset singula: „Scilicet *quatuor scripta super Sententias: quatuor libros in Summa contra Gentiles*: (ita nempe legebat in Codice Doctor Parisiensis Launojus:) *quaestiones de Veritate*: item *quaestiones de Potentia*: item *quaestiones de Anima*: item *quaestiones de Virtutibus*: item *quaestiones de Malo*: item *quaestiones de Spiritualibus creaturis*: item *undecim quodlibeta disputata*. “ Commentarios addit, quos *super Bibliam* scripsit, eosque numerat: tam opera *super Philosophiam* memorat, quæ singula recenset: ac demum de Opusculis agit, item *sunt parva Opuscula*, inquirens, *cir-*
citer XL.

Locum habes, ubi de *Summa* Divi Thomæ *Theologica*, auctore Launojo, mentio nulla, altumque silentium. Imo disertam Operis præstantissimi, expressamque mentionem nemo non videat, qui mente & oculis captus non sit. Jam tene, quod animadvertendum proposuimus, *sexdecim* numerari *Volumina*, quæ de rebus Theologicis consecravit Aquinas. Atqui vero si lectioni adhaereas, quam exhibet Launojus: si *quatuor* nempe libros in *Sententias*, itemque *quatuor* in *Summa contra Gentiles*, ac *septem* quæ sequuntur volumina, in summan redigas, *quindecim* Volumina colligis, numquam *sexdecim*. Fac vero, post illa verba *Quatuor in Summa*, & ante illa, *Contra Gentiles*, punctum adesse: iam numerus prodit *sexdecim voluminum*: nempe *super Sententias quatuor*, in *Summa quatuor*, & *contra Gentiles unius*; quod opus, tametsi *quatuor* in libros tributum sit, uno semper volumine comprehensum recensuerunt veteres. *Novem* jam adiungunt volumina. Adde *septem*, quæ sequuntur: simulque collecta sunt *sexdecim*. Uti vero conjectamus, habere se rem in Codicibus, Casimirus Oudinus testatur: „Ego, inquiens, qui Codicem tenui, ac volvi: logo illius meminisse legens cum puncto, (*typum sphaalma corrige, ac lege*, memini me legisse cum puncto:) *quatuor libros in Summa. Contra Gentiles*: quomodo certe legendum, & punctuandum est. Itaque recte de Joanne Launojo dicere possumus, quod de alio vulgus effatur: *solo pro puncto cecidit Martinus aſtello*. “

Diligentiore adhibita crisi, Echardus rem hanc pertrahat. Codicem Tellerianum, modo Regium, quo Launojus usus est, vidit ipse, lustravitque accuratissime: notatque, laudatum Rogerii sermonem *bus* in eodem Codice reperiri. In utroque ea primum habentur verba: *Scriptis enim tam super Sententias, quam alias quaestiones, sexdecim Volumina*. Hic definitus voluminum numerus proface habendus est, qua verborum sequentium, si quid inſit obſcuritatis, ex-

plorari sensus tuto valeat. Priore in Sermone verba sequuntur: *Quatuor Scripta super Sententias. Quatuor libros contra Gentiles*; sed in altero: *quatuor scripta super sententias. Quatuor in Summa. Contra Gentiles*; cum puncto, prima sine dubio manu apposito. Collige plura. 1. Memoriae lapsu Oudinum testari, se legisse in Codice: *Quatuor libros in Summa. contra Gentiles*. 2. Ex utraque Codicis utriusque lectione tertiam conlasse Launoium: scilicet, *Quatuor libros in Summa contra Gentiles*. 3. Primo in Sermone desiderari *70*, in *Summa*; in altero, ejusdem Sermonis exemplo *Mf. 70 Libros*. 4. Facta porro utriusque *Mf.* exempli collatione, maximeque numero *sexdecim*, non librorum, sed *Voluminum* inspecto, ita vere scripsisse Rogerium, ut S. Thomas ediderit *quatuor Scripta* (seu Volumina) *super Sententias*: itemque *quatuor Scripta* (seu Volumina) *in Summa*: ac rursus Volumen unum *contra Gentiles*: quibus demum si addas *novem* alia questionum Theologicarum volumina, *sexdecim* illa volumina producent, quæ ante omnia numeraverat Rogerius.

II. Nondum vero pro veritate satis, quam vindicamus. Bonis utique avibus, eodem in Codice Sermonem alium nactus est Echardus, ab ipso Rogerio habitum in Parisiensi Fratrum Prædicatorum Templo sub nuncupatione S. Jacobi, in primo Divi Thomæ post sacram apotheosin Fello, anno 1323. stylo veteri. seu 1324. stylo novo, die 7. Martii, coram Doctorum Parisiensium cœtu, Thema est: *Ecce plusquam Salomon hic &c.* Mirum est, Launoji, qui ipsissimum manu sua vertavit Codicem, oculos fugisse alterum istum Sermonem: aut ab ipso insuper habitum, neglectumque. Texitur in eodem brevis operum S. Thomæ elenchus, his verbis: „In Theologia, quatuor Scripta *super Sententias*: post, *tres Summas*; quarum *Scientiam* (lege, *Secundam*,) tractantem de Virtutibus, in duas divisit; fere loquentes de omni materia subtilissimi me, composuit: postea, de *Veritate*, & *potentia Dei*: de *Malis*: *contra Gentiles*: qualibet etiam determinavit.“ Quo splendidissimo in loco animadvertet, Opus *contra Gentiles*, quod etiam *Summa* appellari solet, longe diversum representari ab illis tribus Theologiæ *Summis*, quarum illa, quæ de virtutibus tractat, nempe *Secunda*, dividitur in duas. Cæcus esto, qui non videat, & agnoscat discretissime recensitam inter germana Thomæ opera *Summam* Theologicam, ac *tres* Operis præstantissimi partes, ac *secundam* partem demum in duas distributam. Hinc voces illas in ejusdem Sermonis textu, *quarum Scientiam*, librarii manu corruptas, emenda: ac lege: *Quarum Secundam* (*Summam*, seu partem *Summæ*) *tractantem de virtutibus &c.* An ergo Petrus Rogerius, postea Clemens VI. elucubratam a Divo Thoma *Summam* Theologicam silentio præterierit? Imo amplissimis utroque in Sermone verbis memorat eam, ac partes distinguit itemque *secundam partem in duas* distributam notat. Quæ de re si quis imposterum ambigat, næ se deridendum omnibus, & sibilandum dabit.

C A P U T V.

Tertia Summæ Theologiæ pars ad xc. usque questionem, veterum testimonio, & ipsius Thomæ fide, genuinus ostenditur ejusdem Aquinatis factus. Petri de Alva & Astorga dubia, & objecta depellantur.

I. **E**Gregium, quod hæcenus adversus Launoium vindicavimus Opus Doctori Angelico, Petri de Alva & Astorga in *Tertia* & postrema *Parte* effugere censuram non potuit. Hanc ille suppletam cum legeret, completamque post obitum Aquinatis, confidentius pronunciare ausus est: illi *Tertiæ Parti* non debere absolutam fidem præstari: imo, cum ignoremus, (ut inquit,) ubi fuerit illud complementum, an in principio, *hæc*, medio, totam *Tertiam partem* suspensa

ham esse. Hæc ille, & similia in suo *Sole Veritatis*, suoque in *Nodo & Funiculus*, ac in *Libello*, quem inscripsit, *Certum quid certissime falsitas*.

Quantum a vero deviauerit Alva, quam gravi mentis vertigine se in hocce negotio verti & circumagi siverit, luce meridiana clarius patefaciunt synchroni probatissimi Scriptores. Partem hanc *Summe Theologiæ* tertiam ab Sancto Thoma Aquinate elucubratam scribunt: tempus definiunt, quo eidem componendæ operam impendit: argumenta Quæstionum, quæ in eadem pertractantur, satis indicant: ipsamque demum Quæstionem memorant, quam postremam reliquit mortali fato sublatus. Primus adest Ptolomæus Lucensis, cujus verba sunt Libro XXIII. Histor. Eccl. capite XI. *Hic Doctor tempore hujus Pontificis* (Gregorii X.) *scripsit ultimam partem Summæ, quæ Sacramentalis dicitur, quia de Sacramentis ibidem agit, & de Incarnatione Verbi, in qua Articuli fidei continentur secundum ipsius humanitatem: sed non complevit mortem præveniente.* Tertiam, seu postremam partem discrete memoratam habes: imperfectam quidem, incompletamque mortem præveniente relictam: sed quæ tamen Quæstiones complecteretur *De Incarnatione Verbi, deque Sacramentis*: adeoque vulgo *Sacramentalem* appellatam: eandemque demum ab Aquinate confectam tempore Pontificis Gregorii X. quem, cum abiens foret, electum anno 1271. die 1. Septembris, coronatumque anno inséquente 1272. die 27. Martii, nescis nemo.

Par est Nicolai Triveti, & Bernardi Guidonis testimonium. In Chronico apud Dacherium inquit ille: *Item Summam Theologiæ, quam in tres Partes divisit, & Secundam in duas Partes: mortem autem præveniens, Tertiam totius & ultimam non complevit.* Apud Echardum, & Oudinum hæc habet alter: *Summam prædictam in tres partes distinxit: videlicet in Naturalem, Moralem, & Sacramentalem. . . . Tertia autem pars Summæ est quartum Volumen ejusdem, quæ ideo Sacramentalis vocatur, quia in ea agit de Sacramentis Christi & Ecclesiæ, & de toto Mysterio Incarnationis Filii Dei: & initulatur ultima pars Summæ, quia finis est aliarum, & ultima facta fuit: in qua scribendi, & vitæ suæ finem fecit, & mortem præveniens incompletam reliquit.* Mens fuerat Angelici Præceptoris Theologiæ Summam elucubrare, in tres partes tributam: partemque secundam distinxit in duas. Tertiæ Parti conscribendæ applicuerit ne manum? Testes adsunt, qui perhibent, eam ab Aquinate confectam, incompletamque relictam: dubiumque nullum ut supersit, *Tertiam, & ultimam Summæ partem* vocant, ac insuper *quartum Volumen ejusdem*. Quænam vero ab ipso argumenta pertractata fuerint? Satis vero faciunt laudati testes, inquierentes: in eadem Tertia parte agi de *tozo Mysterio Incarnationis filii Dei*, & agi de *Sacramentis Christi & Ecclesiæ*. Manum ultimam operi suo non imposuit Thomas mortem præveniens: unde anno 1274. emortuali adhuc in eo elucubrando insudabat.

Sed hanc denique Tertiam partem eo usque ad Angelico Doctore deductam fuisse, prout in Codicibus Mss. omnibus, omnibusque editis exemplis prostat ipsa, luculentissimo docet testimonio *Magnificus Dominus Bartholomæus de Capua, Legorberta & Protonotarius Regni Sicilia*, in Processu Canonizationis testis citatus & juratus, anno 1319. dieque 8. Augusti. Hæc ab ipso relata leguntur num. 79. apud Bollandi Continuatores ad diem VII. Martii: Item dixit idem Testis: quod cum dictus „Frater Thomas celebraret Missam in dicta Capella „S. Nicolai Neapoli, fuit mira mutatione commotus: & post ipsam Missam „non scripsit, neque distinxit aliquid, imo suspendit organa scriptiois in Tertia „Parte Summæ, in Tractatu de Penitentia. “ An luculentiora optari possint? Non ambigat ergo nisi caput infirmum, elucubrari cæptam ab Aquinate Tertiæ partem, perductum etiam opus ad Tractatum de Penitentia, ipsumque incompletum ab eodem relictum prævento mortem. Incipit in editis, & Mss. exem-

exemplis prædictis *Traſatus de Pœnitentia* a quæſtione 84. ac deſinit in quæſtione 90. minime abſolutus, completuſque.

Fidem Logothetæ hæc referentiſ fides auget Joannis de Judice, & Reginaldi Privernatis, ſidiſſimi Sancti Thomæ Socii. Ex loco namque citato in Proceſſu Canonizationis conſtat: Logothetam rem hanc accepiſſe a *F. Joanne de Judice Anagninæ, paullo antequam Dominus Papa Bonifaciuſ (VIII.) caperetur* inieſta nocte diei Sabbati ante v111. iduſ Septembris anno 1303. Fratriemque Joannem rem eandem didiciſſe a *Fratre Raynaldo* Privernate, dum extremo circa annum 1300. morbo laboraret: coram demum palamque id a Logothera vulgatum *Fratri Guillelmo de Tocco, & pluribus aliis Prædicatoribus, & poſtea ſel. rec. Domino Benediſto Papæ in Urbe moranti*, qui Bonifacio VIII. ſuccceſſit anno 1303. die 22. Octobris. Neque firmiuſ adduci, neque optari teſtimonium poteſt, quod motum a Petro de Alva dubium dirimat, ac diſſipet.

Quamquam demum & ipſe Thomas poſtremæ ſui Operis parti teſtimonium perhibet, tamquam genuino fœtui, quem mente concepit, propriæque manu conſcripſit. Frequentiuſ enim in hac Tertia parte ad Nonageſimam ulque Quæſtionem occurrunt indices, quibuſ ad ea ſe remittit, quæ Prima parte, & Prima Secundæ, & Secunda Secundæ pertractaverat, hiſ verbis ac ſimilibuſ, *ut in prima parte, vel in ſecunda parte habitum eſt, dictum eſt &c.* Adde, Commentariuſ in quatuor Sententiarum libros neminem hæcenus in dubium vocaſſe, num germani ſint Aquinatiſ fœtuſ: eoſdemque in hac Tertia Summæ parte ita allegari, ut unus idemque utriuſque Operis appareat Auctoſ, ipſe nempe Thomas. Hæc verba legimuſ 3. par. Quæſt. 9. Art. 4. *Et ideo quamvis aliter alibi ſcripſim, dicendum eſt in Chriſto fuiſſe ſcientiam acquiſitam &c.* quibuſ ſententiam revocat, quam in 3. Diſt. 14. Quæſt. 1. Art. 3. Qu. 5. ad 3. tradiderat: *Per lumen intellectus agentis*, inquiens, *in Chriſto non fuit aliqua ſpecies, de novo recepta in intellectu poſſibili ejus: quo poſito inſerebat, ſcientiam acquiſitam locum in Chriſto non habere.* Similiſ revocatio ſententiæ proſtat in ejusdem Tertiæ partiſ Quæſtione 70. & Articulo 4. ubi ſic ait: „ Alii dixerunt, quod in Circumciſione conferebatur gratia: ſed quæ non ſufficiebat reprimere concupiſcentiam fomitiſ, nec ad implendum mandata legiſ: quod etiam aliquando mihi viſum eſt. Sed diligenter conſideranti apparet, hoc non eſſe verum, quia minima gratia poteſt reſiſtere cuiſlibet concupiſcentiæ. “ Se nempe ad eam opinionem reſert, quam in 4. Diſt. 1. Quæſt. 2. Art. 4. Q. 3. amplexuſ fuerat, docueratque hiſ verbis: *Ad quod, (totaliter concupiſcentiam reprimendam, & meritorie agendum,) gratia in Circumciſione data ſufficere non valebat.*

II. Hæc ignoraſſe omnia Petrum de Alva oportet, cum Tertiæ Summæ Theologicæ Partem in ſuſpicionem vocare auſuſ eſt. Quid enim ſanæ mentis fuerit, qui teſtimonia tam luculenta, & argumenta tam ſolida noverit; ſimulque dubitationem moveat, num eadem Tertia pars ab Aquinate prodierit auctore? An graves aliæ præſto illi fuerint hæſitandi rationeſ? Suppletam, inquit, completamque Partem illam fuiſſe poſt obituſ Thomæ, inſiciatur nemo: cum vero ignoremuſ, ubi fuerit illud complementum, an in principio, ſine, aut medio, totam Tertiæ partem ſuſpectam eſſe. Accedit, (pergit ille oppoſita proferre argumenta,) Partem eandem laudari nuſpiam ab Alberto de Brixia, a Nicolao Eymerico, a Girardo Renerio, ab Egidio Romano in Correctorio Corruptorii. En machinas omneſ a Petro de Alva adhibitaſ. Quænam illiſ viſe inſint, experiamur.

Suppleta, inquit, completaque fuit Tertia Summæ pars poſt obituſ Thomæ. Ita eſt. Proſtat vero, quod alii conſecerunt, *Supplementum* in Codicibuſ Mſiſ.

Mss. ac editis exemplis. Prima, quæ cietur quæstioh, agit de *partibus pœnitentiæ in speciali*, & *primo de contritione*, in tres *Articulos* divisa. Locum scilicet sibi vendicat post Quæstionem 90. ad quam usque calamus Thomæ pervenit; quæ de *partibus pœnitentiæ in generali* pertractat, in *quatuor Articulis* divisa. Integrum vero hocce *Supplementum* ex Quarto S. Doctōris in Sententias Commentario decerptum est. Hinc palam sit, ex eodem Supplemento ingeri nullam suspicionem posse contra Tertiam Aquinatis partem; imo solidissimum argumentum promi, quo *Nonaginta* priores *Quæstiones* ab ipso Aquinate scriptas, confectasque fuisse mirifice confirmatur.

Mirum est, silentium opponi Alberti de Brixia, Nicolai Eymerici, Girandi Renerii, Ægidii Romani! Vita migravit Albertus anno 1314. Ad annum usque 1399. pervenit Eymericus. Ante annum 1390. florebat Renerius. Hanc illustrat Echardus Chronographiam, quam Petrus de Alva turbaverat; ac plura castigat, & corrigit alia, quæ minus perite dixerat ille. Sileant vero laudati Scriptores, Quid inde? Disertissime namque eloquuntur Synchroni, & suppare testes, Ptolomæus Lucensis, Nicolaus Trivetius, Bernardus Guidonis, Bartholomæus Logotheta, & his omnibus antiquior Reginaldus de Priverno, fidiſſimus ac individuus Thomæ Aquinatis focus. Quid ipsi vero tēſſentur, jam recensuimus: confectam a Thoma Tertiam partem: Quæſtiones in ea pertractari de *1010* *Mysterio Incarnationis Filii Dei*, & de *Sacramentis Christi* & *Ecclesie*; ipsumque denique Thomam, dum *Tractatum de Pœnitentia* scriberet, vita mortali migrasse inter Cœlites collocatum. Pudeat Alvam, levissimum Scriptorum, quos laudat, opposuisse silentium.

At minime silet Albertus de Brixia. Is vel Parisiis, vel in Italia auditor fuit S. Thomæ. Opus elucubravit, cui titulus: *De Officio Sacerdotis*, sive *Summa Casuum conscientie*. Manuscriptum servant Bibliothecæ. Prolegum in Auctoris Elogio profert Echardus, ipsumque ante vulgaverat Alva in Sole Veritatis. Ea sunt inter alia animadversione dignissima verba: „Ideo ego Frater „Albertus de Brixia de Ordine Fratrum Prædicatorum . . . hunc librum „compilavi ex verbis, & Quæſtionibus, & Tractatibus Fratris Thomæ, de „Aquino de Ordine prædicto Fratrum Prædicatorum.“ Codicem diligentius expendit Echardus: testaturque in Recensione Supplementi ad 3. partem, compendio breviori collecta ab Alberto Brixiano fuisse, quæ omnia lato calamo differt in Tertia parte Thomas de *Incarnatione Verbi*, deque *Sacramentis Ecclesie*. Si verbis ergo Tertiam partem non laudarit Albertus Brixianus; factō certe, quod omnia verba superat, de eadem Tertia parte genuino Thomæ factu testimonium perhibet.

Abjudicandum ab Ægidio de Columna opus, quod Venetiis anno 1516. typis Octaviani Scoti prodit sub titulo, *Correctorium Corruptorii Fratris Thomæ*, consent Viri peritissimi: qua de re in alia Dissertatione. Quid interest vero, sive Ægidium, sive alium Operis illius Auctorem Tertiam Summæ Theologicæ partem non laudasse? Guillelmum de la Mare insequitur Auctor, qui Thomæ theses nonnullas, veluti damnatas traducebat, scilicet novem & quadraginta ex Prima parte desumptas, duodecim ex Prima Secunda, & ex Secunda Secunda sexdecim. Cur ergo aut Tertiam partem laudasset, aut tradita Theologica dogmata vindicasset, quæ intacta reliquit imprudens Lammæzi censura?

Silentium denique Girandi Renerii, qui ante annum 1390. florebat, & Nicolai Eymerici, qui ad annum 1399. vitam protraxit, quis non videat frustra ac irritō conatu opponi? Diligentius eorum lustrare opera non vacat, ut certiores reddamur, num Tertiam aliquando partem laudaverint, an eam præterierint? Nonne satis fuerint anterioris xvi testes luculentissimi, quos allegavimus?

Sed

Sed accipe sequioris ætatis testimonia, quæ postulas. Joannem Bromiardum profero, qui anno 1390. florebat. In sua *Tradicantium Summa* non pauca is decerpit ex *Tertia* S. Thomæ *Parie*: citatque Quæstionem 27. quam ab eodem Aquinate scriptam, superis tamen invitis, dubitat Petrus de Alva. Adæ etiam profero, quæ anno 1387. & insequentibus habita fuerunt Parisiis contra Joannem de Montefono. Prostant ea Tomo I. *Judiciorum de novis erroribus*, quæ collegit Carolus Duplessis d' Argentrè: in quibus frequens *Tertiæ Summæ Paris*, & Quæstionis 27. mentio. Vereor, ne si plura addiderim, & lectorum patientia abutar, & tempore.

C A P U T V I.

Supplementi ad Tertiam Partem auctor non videtur esse Albertus de Brixia: neque Petrus de Alvernia. Henrico de Gorcomio probabilis adjudicatur opus, ex Commentario in quartum Sententiarum librum confectum.

I. Satiùs erit ultra procedere, ac investigare, quisnam ille fuerit, qui memoratum Supplementum *Tertiæ Partis* compilaverit, totum ac integrum ex Commentario in librum quartum *Sententiarum* decerptum? Laudato Alberto de Brixia opus istud a Vincentio Bandello tribui, refert Petrus de Alva in *Sole Veritatis*. Tractatum Bandelli, quem citat, de *Veritate Conceptionis gloriosæ Virginis Mariæ*, præ manibus non habeo, ut ipsum diligentius expendam, deque mente Auctoris certiora documenta teneam. Æquivocatione fortasse vel Bandellus, vel Alva laborat. Quod enim opus de *Sacerdotis officio* elucubravit Albertus, compilatum fateretur ipse in Prologo ex verbis, & *Quæstionibus*, & *Tractatibus Fratris Thomæ de Aquino*. Compendio scilicet collecta eo in Opere prostant, quæ de *Incarnatione Verbi*, deque *Sacramentis Ecclesiasticis* fule pertractantur in *Tertia parte*: quæve cætera desiderantur, ex quarto in *Sententiarum libris Commentario*, pluribus quidem refectis, totidem tamen omnia verbis, decerpta sunt. Hinc ansa data, ut Alberto quoddam attribueretur Supplementum *Tertiæ Partis*: quod aliud ab illo est, de quo agimus.

II. Hunc laborem adscribi Petro de Alvernia in quodam Mss. codice Lovaniensis S. Martini Monasterii, prodit laudatus Alva. Codicis inscriptio est, „Incipit complementum, quod Petrus de Alvernia, Doctoris Sancti sequens vestigia, ex Quarto Scripto ejusdem super sententias consummavit.“ Et in calce hæc habentur: „Explicit Tertia pars Summæ S. Thomæ de Aquino, quam ipse morte præventus incompletam reliquit, Deo aliqua melius de eo disponente: quam Petrus de Alvernia, Doctoris Sancti sequens vestigia, ex Quarto Scripto ejusdem super Sententias consummavit.“

Virum eximium Ordini Prædicatorum frequentius accensent Nostrates, ac etiam Casimirus Oudinns ad Annum 1280. & Dionysius Sammarthanus Tomo II. Gallicæ Christianæ in Episcopis Claromontensibus num. 69. Addunt postremi duo laudati Scriptores, ejusdem Ecclesiæ Claromontensis cathedram ipsum tenuisse: quod ante traditum legimus a Ptolomeo Lucensi in Hist. Eccl. Libro XXIII. capite 21. Hanc ejus dignitatem pro dubia Echardus habet: Domineanam vero professionem nihil hæsitans pernegat: ipsumque Collegio Canoniorum Ecclesiæ Parisiensis, ac Sociis Domus Sorbonicæ restituit. Thomæ Aquinatis, ejusque doctrinæ addictissimus fuit: ejusdemque Commentarios *Politico-rum*, de *Celo & Mundo*, deque *Generatione*, imperfectos relictos, proprio Marte supplavit, complevitque. Hac fortasse ratione ductus Notarius quispian Petro de Alvernia adscripserit Supplementum *Tertiæ partis*, minime proprio alicujus Marte confectum, sed ex Quarto Scripto Aquinatis super *Sententias*, totidem Quæstionibus, & Articulis, & verbis compilatum.

S. Tb. Oper. Tom. XX.

c

III.

III. Tertius adest Henricus de Gorichen, seu de Gorcomio, a loco natali in Batavia nuncupatus. Codices duo Petrus de Alva a se vivos testatur Coloniz apud Regulares Cruciferos, quorum primus hunc præferebat titulum: *Sequuntur Quaestiones ex Quarto Scripto S. Thomæ de Aquino Ord. Præd. S. T. D. eximii, per Ven. Mag. Henricum de Gorichen Doctorem Theologum, pro completionem materiæ in Tertia parte supradicti S. Doctoris declarandæ, ut in principio patuit, compilata.* In altero Codice ad calcem sic idem Alva legebat: *Explicit 111. pars Summæ S. Thomæ de Aquino Ord. Præd. quam ut intendebat, non complevit morte prævenit; cuius supplementationem ex Scripto ejusdem Doctoris Magister Henricus de Gorichen bonæ memoriæ compilavit.* Mirum est, hæc Alvam in Codicibus MSS. legisse; proprio rursus addiscere potuisse experimento in prima Supplementii quaestione de partibus penitentiae in speciali, & primo de contritione agi; ac nihilominus veluti se ignarum prodere, ubi fuerit illud complementum Tertiæ partis, an in principio, sine, medio; ipsamque totam Tertiam partem in suspicionem vocasse! Doctorem Theologum Coloniensem anno 1420. renunciarum. ejusdemque Universitatis Vicecancellarium fuisse Gorcomium, & Gynnasii Bursæmontis collegam, inquit Alva, annuit Echardus.

Num ergo ipse revera fuerit Supplementi compilator? Id jam dixerat ante Alvam in sua Bibliotheca Belgica anno 1643. typis edita Valerius Andreas. Id ab ipso exceptum verisimile est ex *Indice Codicum MSS. in Bibliothecis Belgii, vicinarumque Provinciarum anno 1500. adhuc extantium*, quem Joannes Bunderius Originis Prædicatorum concinnavit. Id antea forsasse tradiderat Guillelmus Cornificus ejusdem Ordinis Prædicatorum anno 1525. denatus, qui prædictorum Codicum titulos collegit, a Bunderio postea in ordinem redactos. Adde, Manuscriptos Codices nullos, teste Echardo, indicari posse, laudatum Supplementum præstantes, qui Seculo XIII. & XIV. exarati fuerint; unde neque Alberto Brixiensi, neque Petro de Alvernia collectio illa adjudicari posse videtur. Atque superiores duo Codices, ac tertius in Parisiensi Navairea Bibliotheca servatus, ad insequentem Seculum quintumdecimum spectant, quo etiam florebat Henricus de Gorichen. Hujus ergo Auctoris fuerit opus. Quod cum nihil aliud esse constet, quam *Commentarii in quartum Sententiarum librum* partem, totidem transcriptam verbis; ulla certe ratio non erat, ob quam Nostros, veluti Gorcomii gloriæ invidentes, Opus istud sibi vendicarent. Ita nihilominus, (an serio, an joco,) suspicabatur Petrus de Alva.

CAPUT VII.

Scriptores nonnulli referuntur, qui Summam Theologiæ a Thoma Juniore, & Commentarios in Sententias ab eodem Seniore confectos, arbitrati sunt. Opposita chronographia vindicatur.

I. Tempus jam innotescit, quo præstantissimum Opus elucubravit verus Auctor S. Thomas, extremis videlicet vitæ ejus annis. Certam chronographiam, incepto consilio ducti, nonnulli vexare ausi sunt. Refert eos Auctor Elucidarii Deiparæ in Defensione Cantabrica, qui laudatam *Theologiæ Summam* opinati sunt a juniore Thoma confectam; ab eodemque jam ætate profecto Commentarios in quatuor *Sententiarum* libros elucubratos. Tam absconditæ adhæsit etiam opinionioni Paulus Sherlogus in Anteloquio XI. in Canticum Canticorum. Sic ait Sect. 11. num. 14. „ In nupera editione Operum Bellovacensis, quæ „ studio Theologorum Vedaolini Collegii Duacensis S. Benedicti prodit, itum „ est in examine Elogii Bellarmini in eam sententiam, quæ a *juvene* Beato „ Aquinate composita esse *Summam* autumat. Cujus opinionis aliquid esse „ valeat fulcimentum: quod Beatus Doctor, quam in 3. p. Q. 27. Art. 2. su-

„ sti-

„Rinuit cogitationem de læsa Dei Genitrice a peccato originali, maturiori ju-
 „dicio *senior* retractavit in 1. Sent. Dist. 44. Qu. 1. Art. 3. ad 3. *Et talis, in-*
 „quit, *fuit puritas Beatæ Virginis, quæ peccato originali & actuali immunis*
 „*fuit.*“ Hinc num. 15. demum: *ceterius esse, Vincentiam a B. Thoma mutua-*
 „*tum esse, quando in Studiorum exordio Summam confecerit.* Vedaſtini illi Mona-
 „chi in Prologo, quem Duacenæ Speculi Vincentiani editioni anno 1674. accu-
 „ratæ præfixerunt, Vincentium Bellovacensem ad annum 1274. pervenire potuiſſe
 „putant, imo & Aquinati fuiſſe ſuperſtitem: qua poſita chronographia, facillime
 „impacti Sancto Doctore plagii, de quo in alia mihi agendum Diſſertatione,
 „maculam abſtergi poſſe ediſſerunt. Hanc Vedaſtinorum Monachorum opinionem
 „validiſſimis argumentis reſellit Echardus, [qui in ejuſdem Bellovacenſis elogio,
 „tum obitum ejus ante annum 1263. non accidiſſe probat, tum ipſum clariſſi-
 „mum Virum inſequentem anno 1264. vita demum mortali migraviſſe. At ex anno
 „Vincentii Bellovacenſis emortuali, ſive quem conſtituit Echardus, ſive quem
 „Monachi Vedaſtini definiunt, colligas numquam Theologiæ Summam a juniore
 „Thoma conſectam eſſe. Commentum iſtud eſt, quod Auſtor Elucidari, &
 „Paulus Sherlogus excogitarunt.

II. Otioſorum hominum ſiſtema convellunt ſynchroni Scriptores. Ptolomæus
 „Lucenſis rem diligentiffime conſecit omnem. Hæc habet Lib. XXII. Hiſt. Eccl.
 „capite xxxix. „Hujus (Clementis IV. Summi Pontificis) tempore (a die 5.
 „Menſis Februarii anni 1265. quo ad Summum Sacerdotium erectus eſt), di-
 „xit *Doſtor* ſcripſit *Summam*: quam in tres partes diviſit. . . . Iſtius ergo
 „*Summa tres partes* quaſi ſcripſit tempore illius Pontificis, & ſequentis vaca-
 „tionis. „Diem clauſit extremum Clemens anno 1268. die 29. Novembris:
 „vacavitque Romana Sedes ad annum uſque 1271. diemque 1. Septembris: quo
 „Gregorius X. cum abſens foret, electus fuit, anno inſequentem 1272. die 27.
 „Martii Diademate ſacro redimitus. Hinc ſeptem annos habes: quo temporis
 „ſpatio, *Summa* ſuæ Theologiæ *tres partes quaſi ſcripſerit*, ipſius nempe operis
 „partem majorem, Thomas Aquinas. Pergit namque Ptolomæus Libro XXIII,
 „capite xi. ſic adnotare: „Tempore hujus Pontificis (Gregorii X.) ſcripſit
 „*ultimam partem Summæ*, quæ *Sacramentalis* vocatur; quia de *Sacramentis*
 „ibidem agit, & de *Incarnatione Verbi*, in qua articuli fidei continentur ſo-
 „cundum ipſius humanitatem: ſed non complevit, morte præventus“ (anno
 „1274. die 7. Martii.) Tempus innotefcit, ſcilicet poſtremum vitæ decennium,
 „quo Thomas Theologiæ edendæ Summæ conſilium cepit, ipſumque elucu-
 „bravit opus. Dum verſaretur in Italia, poſt annum 1265. manum admovit o-
 „peri: in illo Parisiis incumbibat, dum iterum anno 1269. regendam ſuſcepit
 „Sanjacobæam Scholam: ipſumque ut ad complementum redigeret, in Italiam
 „anno 1271. redux. inſudabat: at morte prævento ultimam non licuit manum
 „eidem imponere. Ita vero ad id opus conſiciendum mentem operamque conſe-
 „rebat, ut ſimul & Scholas regeret, ubi diverſabatur, & ab aliis edendis lucubra-
 „tionibus non ceſſaret, quas partim recenſuimus, ac porro notabimus alias.

Hanc eandem temporis epocham. indicant, confirmantque cæteri operum
 „Thomæ vetuſti Nomenclatores, qui diſerte adnotant: *Tertiam Summam partem*
 „*fuiffe incompletam ab eo morte prævento relictam.* Trivetius ait: *Morte autem*
 „*præventus, Tertiam totius (Operis) & ultimam (partem) non complevit.*
 „Bernardus Guidonis: *In qua (Tertia parte) ſcribendis, & vitæ ſuæ finem fe-*
 „*cit: & morte præventus incompletam reliquit.* His vetuſtior, Reginaldus de
 „Priverno, intimus Thomæ ſocius, inſigne demum teſtimonium perhibet, a Bar-
 „tholomæo de Capua allegatus in Proceſſu Canonizationis apud Bol'andi Con-
 „tinuatores num. 79. teſtaturque: *Suſpendiſſe Aquinatem organa Scriptoris: in*
 „*Tertia Parte Summæ in Tractatu de Penitentia.* A quaſtione 84. initium ſu-
 „mit hic de *Penitentia* tractatus: idemque mancus, incompletusque deſinit in

nonagesima quaestione, Quae eum certissime & explorata haberi debeant, quis non miretur, dici ad Auctorem Elucidarii potuisse, *Iuvenem* Thomam elucubrassse *Theologicam Summam*; provecumque & senem, Commentarios edidisse in quatuor *Sententiarum libros*; Maxima subit etiam miratio. eam Sherlogo infedisse opinionationem de nonnullis doctrinae capitibus, quae Thomas tradiderit in *Summa*, ac revocaverit in *Commentario*? Gerrae sunt, ac nugae, & somnia vanissima.

CAPUT VIII.

De Graeca versione ejusdem Summae Theologicae. Quis fuerit auctor, inquiritur. Versio Armenica, aliaque vulgares.

I. **P**raestantissimi Operis totius versionem Graecam praestant Codices Mss, plures, qui adervantur in Bibliothecis. Vaticanos numerat Jacobus Echardus, Regios Parisienses, Coislinianos, Vindobonenses, Anglos, Venetos Sancti Marci. Diligentissima ejusdem Scriptoris recensio operam nostram praevertit omnem, ac inhibet. Unam ille ex Tomasino *Primam Secundam* graece versam inter Codices Mss. Cardinalis Bessarionis memorat: *Partem* etiam *Primam* retentam lego in Graeca Divi Marci Bibliotheca Codicum Mss, quae anno 1740. ypis prodiit Venetiis, hoc modo: Codex cxlvi. in fol. chartaceus, S. Thomae, *Aquinatis Summa Theologica prima pars, graece versa*. Adjicitur nota: „Επληρωθῆν τῇ ἐπιτακτικῇ τῇ Ἀπριλίου τῆς πρώτης πρ. κατὰ τὸ ἐξακισχιλῆς δὲ ἑκατοσίου ἐβδόμενος πρῶτον ἔτος: completus est die decimaquarta (decimaleptima) Aprilis Ind. prima anno 6871. (Christi 1363.) Codex cxlviii. in fol. chartaceus... *Primae Secundae partis Summae Theologicae*. Codex cxlviii. in 4. chartaceus.... *Primae partis Summae Theologicae*. Epitome *Primae Secundae partis Summae Theologicae*.“

Ex Casareo-Vindobonensi Codice 204. chartaceo apud Lambecium Libro I. refert idem Echardus, *Thomae de Aquino Quaestiones de Divina Incarnatione*: quae sunt, inquit, vel priores *Quaestiones Tertiae partis Summae S. Thomae*, vel *Quaestio inter Disputatas de Unione Verbi Incarnati*. Sed apud Nesselium Cod. cexliiii. num. 4. & Cod. cexlvi. num. 4. sic titulus effertur: *Ex Sancti Thomae Aquinatis libris quatuor de Veritate Catholicae Fidei contra Gentiles, & ex ejusdem Summae Theologiae, Capita Miscellanea Quadraginta quinque*. Primi capitis initium affert Nesselius, quod sumptum constat ex Capite quadragesimo Libri quarti contra Gentiles. Vide, quae adnotavimus in Dissertatione iis Libris praemissa.

In Codice Regio Parisiensi 2422. qui *Secundam Secundae* continet, haec latine ab Echardo versa legi. idem testatur Vir doctissimus: *Utinam, o Thoma, non in Occidente, sed in Oriente natus fuisses, ut esses orthodoxus, ac de Spiritus Sancti processione sic recte sentiret, ut de aliis praclare differis*. Itemque: *Sapiens est iste (Thomas,) excepto quod est Latinus, & Barlaamita, nisi potius Barlaam Thomista fuerit, & Latinus: cetera admirandum (ipse nempe Thomas.)* Barlaamus Monachus Calaber Graecus, pro versatili ingenio Latinis, & Graecis infensus, anno 1340. florebat. Duas praedictas adnotationes ad ipsum Summae Thomisticae interpretem pertinere, verisimilimum putat Echardus: unde colligit, Graecam *Summae Theologicae* versionem Demetrio Cydonio non adscribendam; qui Latinorum dogma de Spiritu Sancti ex Patre Filioque processione constanter tenuit.

II. Maximo Planudi, quem constat dogmatis ejusdem hostem acerrimum fuisse, Graecam istam versionem tribuendam censet. Conjecturam confirmat fide Codicis Mss. versionem praedictam continentis, in quo eadem translatio Maximo Planu-

Planudi tribuitur. Codex est, inquit, *Bibliotheca Barocyniana* (Barocynæ,) quæ olim Venetiis erat, postea in Angliam translata. Indicem Codicum reliquit Tomafinus: quos ipse adnotat, *Jacobi Barocii Patricii Veneti non minori diligentia, quam sumptu conquisitor*: Et *Thomæ Comitis Arundeliani ære in Britanniam translato*. Codicem, quo de agimus, his verbis recenset pag. 8r. *D. Thomæ Summa Theologiæ in Græcum translata a Maximo Planudo: in bomb. fol. 412.* Planudes florebat anno 1327. & adhuc anno 1353. lucis usura fruebatur, Guillelmo Cave, & Jo. Alberto Fabricio adnotantibus. Hinc animadvertit in augmentum conjecturæ: Planudis ætati proximum esse Codicem, quem servat Veneta S. Marci Bibliotheca, anno 1363. completum: eidemque homini Græco maxime convenire disterium, quo Thomas *Barlaamita* vocatur.

III. Armenicam integræ *Summæ Theologiæ* versionem debemus D. *Michitar* Sebasteno, Abbati Monachorum e Congregatione S. Antonii. Hanc ipse Michitar, vir Catholica fide, moribus antiquis, ac litterarum peritiâ conspicuus, anno 1712. instituit Methone in Peloponneso. In Peloponnesiaca clade a Turcis inlata, Venetias anno 1716. confugerunt Monachi: receptique sunt in Ælthuariis prope Urbem in Insula Sancti Lazari anno 1717. Congregationem suam ad obitum usque, idest anno 1749. ipse Michitar prudentissime rexit primus Abbas. In laborioso conficiendo opere sibi socium adscivit *Joannem* ejusdem Congregationis Monachum, qui vitam adhuc agit. Confectæ versionis plura, quæ vidi, adservantur Volumina Mss. in 4.

Eandem *Summam* Carminibus Armenicis expressit, *sex in partes tributam*, D. *Caciat*ur Arzerumensis, Doctor Theologus, qui Venetæ Armenorum Ecclesiæ plures annos præfuit. Primus Tomus, & secundus primæ partis prodierunt Venetiis anno 1729. typis Antonii Bortoli: lucemque vidit Tomus primus Secundæ partis anno 1734. Cæteri desiderantur.

Mutilum laudari Monachi S. Antonii servant Mss. Codicem, qui antiquiorem, ut ajunt, præstat ejusdem *Summæ Theologiæ* versionem Armenicam. An fuerit Bartholomæi, cognomento Parvi, ex Ordine nostro, Armenorum Apostolici Viri Sanctissimi, ad Armenorum reconciliationem a Joanne XXII. anno circiter 1320 missi, vitæque mortali anno 1333. functi in Monasterio de *Charnâ*, elogium consule apud Echardum. Armenicam *Summâ contra Gentiles*, & *Summæ Theologiæ tertiæ partis* versionem eidem attribuit Ambrosius de Altamura in Bibliothecæ Dominicanæ Centuria II. ad annum 1333. Hæc sibi si consent, novus accedit pro *Summa Theologica*, genuino Aquinatus fœtu, adversus imperitani Launoji censuram fide omni dignissimus tellis.

Vulgares etiam apud Europæos linguæ ad idem opus exprimendum adhibitæ fuerunt ab Interpretibus, Auctori sanctissimo addictis. Manuscriptam Hiipanæ *Primæ partis* versionem ex Antonio Augustino, & ex Tamajo refert Echardus Tomo II. Scriptorum Ord. Præd. pag. 339. inter Anonymos Seculi sextidecimi. Gallicas aliquot, sive integras versiones totius Operis, sive epitomes, eorumque Auctores, aut Editores recenset Antoninus Touron in Aquinatis Vita Libro VI. capite ix. Mirum vero, laborem hujusmodi ab Itatorum nemine, quem sciam, susceptum fuisse. Translationem Sinensem loco citato Touronius memorat, quæ confecta a P. Ruglo Siculo dicitur in *Catalogo Patrum Societatis Jesu, qui post obitum S. Francisci Xaverii in Imperio Sinarum fidem propagaverunt*, Parisiis edito 1686. in 8.

LECTORI

TYPOGRAPHUS.

POST innumeras fere *Summa Theologica* D. THOMAE AQUINATIS editiones, quas inter nonnullæ clari nominis viris curantibus prodire, illud tantum superesse videbatur ut ex iis optima deligeretur, quam fide summa recudendam curarem. Quum vero collatio variorum exemplorum in eiusdem Operibus hæcenus editis adhibita valde profuerit ipsorum sinceritati & nitori, eidem methodo insistendum putavi, ne qua in parte, mea qualiscumque sollicitudo torpere videretur. Cum itaque inter ceteras editio Patavina anni 1712. in 12. ut vocant, absolutissima censeretur, hanc quidem exemplaris loco adhibui, sed ad illustrandum, pristinaeque sinceritati reddendum D. Thomæ textum (a qua descivisse suspicabantur nonnulli) eorum omnium laboribus uri decrevi qui vel *Summam Theologicam* cum laude ediderunt, vel in eam pro ea qua pollebant doctrina, & codicum bonæ notæ copia, crissin exercuere. Præcipui sunt *Franciscus Garcias*, *Gregorius Donatus*, *Lovanienſes* ac *Duacenses* Theologi, *Joannes Nicolai*, & *Thomas Madalena*: cuius postremi *Observationes theologicae, literales in D. Thomæ Summam*, e codice præsertim Alcanitiensis erutæ, & publici iuris factæ Cæsaraugustæ anno 1719. utilissimæ alioquin, in Patavinis posterioribus editionibus prætermissæ, omnino fuere. Qua de re uberius notitiam si cupis, legis. Dissertationem huic editioni annexam quæ de *Summæ Theologicæ* editionibus agit. Itaque horum omnium diligentissima instituta collatione, variantes omnes alicuius momenti lectiones inferiori margini apposui, ea in textu retenta quæ aut communissima, aut probatissima visa est. Quod attinet ad loca e sacra Scriptura, Patribus, aliisque Scriptoribus accita, curam hucusque adhibitam non prætermisi, quæ profecto supervacanea non fuit. Quis vero mei laboris fructus, illorum esto iudicium quibus hoc eum antea cuss exemplis conferre libuerit. Magnum profecto huic ornamentum accessisse ex Doctissimi *Bernardi Mariæ de Rubéis* Ord. Præd. Dissertationibus cuique Tomo præfixis, negaverit nemo.

Illud adverto, cum in notis Theologi citantur, de *Lovanienſibus* atque *Duacensis* id esse intelligendum, licet non ubique exprimantur; item nomine editionis *Romana* intelligi eam quæ sub Pio V. anno 1570. curata est, aliis enim Romanis editionibus annus apponitur; cum scribitur edit. *Pat.* tum eam quæ an. 1698. in fol. tum aliam quæ 1712. in 12. e typis Patavinis prodit, comprehendi. Sic vero legito compendiarie codicum signa. *Cod. Alcan.* Codex Alcanitiensis; *Camer.* Cameracensis; *Tarrac.* Tarracoenſis; *Colon.* Colonienſis; *Rom.* Romanus. Eorum tandem commoditatil prospiciens qui ex hac mea editione nihil præter *Theologicam Summam* penes se habuerint, in citandis Opusculis D. Thomæ eum ordinem secutus sum quem post Romanam editiones plurimæ servant: facili enim negotio ea alio posita loco inveniet quisquis indices Tomo XIX. editionis meæ, Opuscula continenti, præmissos scrutatus fuerit. Hæc satis. Vale.

I N.

I N D E X

QUAESTIONUM, & ARTICULORUM

quae in hoc volumine continentur.

PRIMAE PARTIS

SUMMAE THEOLOGICAE

QUAESTIO I.

De ipsa sacra doctrina, qualis sit, & ad quae se extendat.

ARTICULI.

- 1 *Utrum prae aliis scientiis doctrina theologica sit necessaria.*
- 2 *utrum sacra doctrina sit scientia.*
- 3 *utrum sit una scientia, vel plures.*
- 4 *utrum sit speculativa, vel practica.*
- 5 *utrum sit dignior aliis scientiis.*
- 6 *utrum sit sapientia.*
- 7 *utrum Deus sit subiectum huius scientiae.*
- 8 *utrum sit argumentativa.*
- 9 *utrum uti debeat metaphoricis, vel symbolicis locutionibus.*
- 10 *utrum sacra Scriptura sub una littera habeat plures sensus.*

QUAESTIO II.

De Deo an sit.

- 1 *utrum Deum esse sit per se notum.*
- 2 *utrum Deum esse sit demonstrabile.*
- 3 *utrum Deus sit.*

QUAESTIO III.

De simplicitate Dei.

- 1 *utrum Deus sit corpus.*
- 2 *utrum in Deo sit compositio materiae, & formae.*
- 3 *utrum in Deo sit idem Deus, & Deitas.*
- 4 *utrum in Deo sit compositio essentiae, & esse.*
- 5 *utrum in Deo sit compositio generis, & differentiae.*
- 6 *utrum in Deo sit compositio subiecti, & accidentis.*
- 7 *utrum Deus sit quocumque modo compositus, vel rationaliter simplex.*
- 8 *utrum Deus veniat in compositionem cum aliis.*

QUAESTIO IV.

De perfectioni Dei.

- 1 *utrum Deus sit perfectus.*
- 2 *utrum Deus universaliter sit perfectus, omnium in se perfectionem habens.*
- 3 *utrum creatura possint esse Deo similes.*

QUAESTIO V.

De bono in communi.

- 1 *utrum bonum, & ens sint idem secundum rem.*
- 2 *utrum, supposito quod differant ratione tantum, sit prae secundum rationem bonum, vel ens.*
- 3 *utrum, supposito quod ens sit prius, omne ens sit bonum.*
- 4 *Ad quam causam ratio boni reducat.*
- 5 *utrum ratio boni consistat in modo, specie, & ordine.*
- 6 *utrum bonum dividatur convenienter per honestum, utile, & delectabile.*

QUAESTIO VI.

De bonitate Dei.

- 1 *utrum esse bonum conveniat Deo.*
- 2 *utrum Deus sit summum bonum.*
- 3 *utrum ipse solus sit bonus per se essentiam.*
- 4 *utrum omnia sint bona bonitate divina.*

QUAESTIO VII.

De infinitate Dei.

- 1 *utrum Deus sit infinitus.*
- 2 *utrum aliquid prae ipsum sit infinitum secundum essentiam.*
- 3 *utrum aliquid possit esse infinitum secundum magnitudinem.*
- 4 *utrum possit esse infinitum in rebus secundum multitudinem.*

QUAESTIO VIII.

De existentia Dei in rebus.

- 1 *utrum Deus sit in omnibus rebus.*
- 2 *utrum Deus sit ubique.*
- 3 *utrum Deus sit ubique per essentiam, praesentiam, & potentiam.*

4 *utrum*

- 4 *utrum esse ubique sit proprium Dei.*

QUAESTIO IX.

De immutabilitate Dei.

- 1 *utrum Deus sit omnino immutabilis.*
2 *utrum esse immutabile sit proprium Dei.*

QUAESTIO X.

De aeternitate Dei.

- 1 *quid sit aeternitas.*
2 *utrum Deus sit aeternus.*
3 *utrum esse aeternum sit proprium Dei.*
4 *utrum aeternitas differat ab aeterno, & tempore.*
5 *utrum aeternum sit aliud a tempore.*
6 *utrum sit tantum unum aeternum, sicut est unum tempus, & una aeternitas.*

QUAESTIO XI.

De unitate divina.

- 1 *utrum unum addat aliquid supra ens.*
2 *utrum unum, & multa opponantur.*
3 *utrum Deus sit unus.*
4 *utrum Deus sit maxime unus.*

QUAESTIO XII.

De cognitione, & visione Dei.

- 1 *utrum aliquis intellectus creatus possit videre essentiam Dei.*
2 *utrum essentia Dei videatur ab intellectu creato secundum aliquam speciem creatam.*
3 *utrum essentia Dei possit videri oculo corporeo.*
4 *utrum aliqua substantia intellectualis creata ex suis naturalibus sufficienter sit videre Dei essentiam.*
5 *utrum intellectus creatus ad videndum Dei essentiam indigeat lumine creato.*
6 *utrum videntium Dei essentiam unus alio perfectius videat.*
7 *utrum aliquis intellectus creatus possit comprehendere Dei essentiam.*
8 *utrum intellectus creatus videntis Dei essentiam, omnia in ipsa cognoscat.*
9 *utrum ea, quae ipse cognoscit, per aliquas similitudines cognoscat.*
10 *utrum simul cognoscat omnia quae in Deo videntur.*
11 *utrum in statu huius vitae aliquis homo possit essentiam Dei videre.*
12 *utrum per rationem naturalem Deum in hac vita cognoscere possimus.*
13 *utrum supra cognitionem naturalem in praesenti vita aliqua cognitio Dei habeatur per gratiam.*

QUAESTIO XIII.

De nominibus Dei.

- 1 *utrum Deus sit nominabilis a nobis.*
2 *utrum aliqua nomina dicta de Deo predicentur de ipso substantialiter.*
3 *utrum aliqua nomina dicta de Deo proprie dicantur de ipso, an vero omnia ei attribuantur metaphorice.*
4 *utrum multa nomina dicta de Deo sint synonyma.*
5 *utrum aliqua nomina dicantur de Deo, & creaturis univoce, vel equivoco.*
6 *utrum, supposito quod dicantur analogice, dicantur per prius de Deo, vel de creaturis.*
7 *utrum aliqua nomina dicantur de Deo ex tempore.*
8 *utrum hoc nomen, Deus, sit nomen naturae, vel operationis.*
9 *utrum hoc nomen, Deus, sit nomen communicabile.*
10 *utrum accipiat univoce, vel equivoco, secundum quod significat Deum per naturam, per participationem, & secundum opinionem.*
11 *utrum hoc nomen, qui est, sit maxime proprium nomen Dei.*
12 *utrum propositiones affirmativae possint fermari de Deo.*

QUAESTIO XIV.

De scientia Dei.

- 1 *utrum in Deo sit scientia.*
2 *utrum Deus intelligat seipsum.*
3 *utrum Deus comprehendat se.*
4 *utrum suum intelligere sit sua essentia.*
5 *utrum intelligat alia a se.*
6 *utrum Deus habeat de rebus propriam cognitionem.*
7 *utrum scientia Dei sit discursiva.*
8 *utrum scientia Dei sit causa rerum.*
9 *utrum scientia Dei sit eorum quae non sunt.*
10 *utrum scientia Dei sit malorum.*
11 *utrum scientia Dei sit singularium.*
12 *utrum scientia Dei sit infinitorum.*
13 *utrum scientia Dei sit futurorum contingentium.*
14 *utrum scientia Dei sit enuntiabilem.*
15 *utrum scientia Dei sit variabilis.*
16 *utrum Deus de rebus habeat scientiam speculativam, vel practicam.*

QUAESTIO XV.

De ideis.

- 1 *utrum sint ideae.*

2 *utrum*

- 2 *utrum sint plures idae, vel una tantum.*
 3 *utrum idae sint omnium quae cognoscuntur a Deo.*

QUAESTIO XVI.

De veritate.

- 1 *utrum veritas sit in re, vel in intellectu tantum.*
 2 *utrum veritas sit in intellectu componente, & dividente.*
 3 *de comparatione veri ad ens.*
 4 *de comparatione veri ad bonum.*
 5 *utrum Deus sit veritas.*
 6 *utrum omnia sint vera una veritate, vel pluribus.*
 7 *utrum veritas sit aeterna.*
 8 *utrum veritas sit immutabilis.*

QUAESTIO XVII.

De falsitate.

- 1 *utrum falsitas invenitur in rebus.*
 2 *utrum falsitas sit in sensu.*
 3 *utrum falsitas sit in intellectu.*
 4 *utrum verum, & falsum sint contraria.*

QUAESTIO XVIII.

De vita Dei.

- 1 *quorum sit vivere.*
 2 *quid sit vita.*
 3 *utrum vita Deo conveniat.*
 4 *utrum omnia in Deo sint vita.*

QUAESTIO XIX.

De voluntate Dei.

- 1 *utrum in Deo sit voluntas.*
 2 *utrum Deus velit alia a se.*
 3 *utrum quicquid Deus vult, ex necessitate velit.*
 4 *utrum voluntas Dei sit causa rerum.*
 5 *utrum voluntas divina sit assignare aliquam causam.*
 6 *utrum voluntas Dei semper impleatur.*
 7 *utrum voluntas Dei sit immutabilis.*
 8 *utrum voluntas Dei imponat necessitatem rebus volitis.*
 9 *utrum voluntas Dei sit malorum.*
 10 *utrum Deus habeat liberum arbitrium.*
 11 *utrum sit distinguenda in Deo voluntas signi.*
 12 *utrum convenienter ponantur circa divinam voluntatem quinque signa.*

QUAESTIO XX.

De amore Dei.

- 1 *utrum in Deo sit amor.*
 2 *utrum Deus amet omnia.*
 3 *utrum Deus magis amet unum quam aliud.*
 4 *utrum Deus meliora magis amet.*

QUAESTIO XXI.

De iustitia, & misericordia Dei.

- 1 *utrum in Deo sit iustitia.*
 2 *utrum iustitia Dei veritas dici possit.*
 3 *utrum in Deo sit misericordia.*
 4 *utrum in omni opere Dei sit iustitia, & misericordia.*

QUAESTIO XXII.

De providentia Dei.

- 1 *utrum providentia Deo conveniat.*
 2 *utrum providentia divina subdantur omnia.*
 3 *utrum providentia divina immediate sit de omnibus.*
 4 *utrum providentia divina imponat necessitatem rebus provisis.*

QUAESTIO XXIII.

De praedestinatione Dei.

- 1 *utrum Deo competat praedestinatio hominum.*
 2 *utrum praedestinatio ponat aliquid in praedestinato, & quid sit.*
 3 *utrum Deo competat reprobatio aliquorum hominum.*
 4 *utrum praedestinati eligantur a Deo.*
 5 *utrum merita sint causa, vel ratio praedestinationis, reprobationis, & electionis.*
 6 *utrum praedestinati infallibiliter salventur.*
 7 *utrum numerus praedestinatorum sit certus.*
 8 *utrum praedestinatio possit iuxta precibus Sanctorum.*

QUAESTIO XXIV.

De libro vitae.

- 1 *quid sit liber vitae.*
 2 *cuius vita sit liber.*
 3 *utrum aliquis possit deleri de libro vitae.*

QUAESTIO XXV.

De potentia Dei.

- 1 *utrum in Deo sit potentia.*
 2 *utrum potentia Dei sit infinita.*
 3 *utrum Deus sit omnipotens.*
 4 *utrum possit facere quod ea quae sunt praeterita, non fuerint.*

d

g utrum

- 1 *utrum Deus possit facere quæ non facit, vel prætermittere quæ facit.*
 2 *utrum Deus possit ea quæ facit, meliora facere.*

QUÆSTIO XXVI.

De beatitudine Dei.

- 1 *utrum beatitudo competat Deo.*
 2 *utrum Deus dicatur beatus secundum actum intellectus.*
 3 *utrum Deus sit essentialiter beatitudo cuiuslibet beati.*
 4 *utrum in beatitudine Dei includatur omnis beatitudo.*

QUÆSTIO XXVII.

De processione, sive origine divinarum personarum.

- 1 *utrum processio sit in divinis.*
 2 *utrum aliqua processio in divinis possit dici generatio.*
 3 *utrum præter generationem possit esse aliqua processio in divinis.*
 4 *utrum ista alia processio possit dici generatio.*
 5 *utrum sint in divinis plures processionis quam duæ.*

QUÆSTIO XXVIII.

De relationibus divinis.

- 1 *utrum in Deo sint aliqua relationes reales.*
 2 *utrum istæ relationes sint ipsa essentia divina, vel sint extrinsecus affixæ.*
 3 *utrum possint esse in Deo plures relationes realiter distinctæ ab invicem.*
 4 *de numero harum relationum.*

QUÆSTIO XXIX.

De personis divinis.

- 1 *de definitione personæ.*
 2 *utrum persona sit idem quod hypostasis, substantia, & essentia.*
 3 *utrum nomen personæ competat in divinis.*
 4 *utrum nomen personæ in divinis significet relationem, vel substantiam.*

QUÆSTIO XXX.

De pluritudine personarum in divinis.

- 1 *utrum sint plures personæ in divinis.*
 2 *Quæ sint personæ in divinis.*
 3 *utrum termini numerales ponant aliquid in divinis.*
 4 *utrum hoc nomen, persona, sit commune tribus personis in divinis.*

QUÆSTIO XXXI.

De his quæ pertinent in divinis ad unitatem, vel pluritudinem personarum.

- 1 *utrum in divinis sit trinitas.*
 2 *utrum filius possit dici alius a patre.*
 3 *utrum dictio exclusivæ, solus, sit addenda termino essentiali in divinis.*
 4 *utrum dictio exclusivæ possit adungi terminæ personali.*

QUÆSTIO XXXII.

De cognitione divinarum personarum.

- 1 *utrum per rationem naturalem possit cognosci trinitas divinarum personarum.*
 2 *utrum sint aliqua notiones divinis personis attributendæ.*
 3 *utrum sint tantum quinque notiones in divinis, vel plures.*
 4 *utrum liceat circa notiones diversimodè opinari.*

QUÆSTIO XXXIII.

De his quæ pertinent ad personam patris.

- 1 *utrum patri competat esse principium filii, vel Spiritus sancti.*
 2 *utrum hoc nomen, pater, sit proprium nomen personæ patris.*
 3 *utrum hoc nomen, pater, per prius dicatur in divinis personaliter, quam essentialiter.*
 4 *utrum sit proprium patri esse ingenitum.*

QUÆSTIO XXXIV.

De verbo in divinis.

- 1 *utrum verbum dicatur in divinis essentialiter, vel personaliter.*
 2 *utrum verbum sit proprium nomen filii.*
 3 *utrum in nomine verbis importetur respectus ad creaturas.*

QUÆSTIO XXXV.

De hoc nomine filii, quod est imago.

- 1 *utrum hoc nomen imago in divinis dicatur personaliter.*
 2 *utrum imago sit proprium nomen filii.*

QUÆSTIO XXXVI.

De pertinentibus ad nomen Spiritus sancti.

- 1 *utrum nomen Spiritus sancti sit proprium nomen alicuius divini personæ.*
 2 *utrum persona illa quæ dicitur Spiritus sanctus, procedat a patre, & filio.*
 3 *utrum*

- 3 *utrum Spiritus sanctus procedat a patre per filium.*
4 *utrum pater, & filius sint unum principium Spiritus sancti.*

QUAESTIO XXXVII.

De nomine Spiritus sancti, quod est amor.

- 1 *utrum amor sit proprium nomen Spiritus sancti.*
2 *utrum pater, & filius diligant se spiritu sancto.*

QUAESTIO XXXVIII.

De nomine Spiritus sancti, quod est donum.

- 1 *utrum donum possit esse nomen personale.*
2 *utrum sit proprium nomen Spiritus sancti.*

QUAESTIO XXXIX.

De personis in comparatione ad essentiam.

- 1 *utrum essentia in divinis sit idem quod persona.*
2 *utrum dicendum sit, quod tres personae sunt unius essentiae.*
3 *utrum nomina essentialia predicanda sint de personis in singulari, vel in plurali.*
4 *utrum adiectiva nomina, aut verba, vel participia predicari possint de nominibus essentialibus concrete acceptis.*
5 *utrum predicari possint de nominibus essentialibus in abstracto acceptis.*
6 *utrum nomina personarum predicari possint de nominibus essentialibus.*
7 *utrum essentialia attributa sint approprianda personis.*
8 *quod attributum cui persona debeat appropriari.*

QUAESTIO XL.

De personis in comparatione ad relationes, sive proprietates.

- 1 *utrum relatio sit idem, quod persona.*
2 *utrum relationes distinguant, & constituent personam.*
3 *utrum abstracti per intellectum relationibus a personis remaneant hypostases distinctae.*
4 *utrum relationes secundum intellectum praesupponant actus personarum, vel e converso.*

QUAESTIO XLI.

De personis per comparationem ad actus notionales.

- 1 *utrum actus notionales sint attribuendi personis divinis.*

- 2 *utrum huiusmodi actus sint voluntarii, vel necessarii.*

- 3 *utrum per huiusmodi actus persona procedat de aliquo, vel de nullo.*

- 4 *utrum in divinis sit potentia respectu actuum notionalium.*

- 5 *utrum potentia generandi, vel spirandi significet relationem, vel substantiam.*

- 6 *utrum actus notionales ad plures personas terminari possint.*

QUAESTIO XLII.

De aequalitate, & similitudine divinarum personarum ad invicem.

- 1 *utrum aequalitas locum habeat in personis divinis.*

- 2 *utrum persona procedens sit aequali secundum aeternitatem ei a qua procedit.*

- 3 *utrum sit aliquis ordo in personis divinis.*

- 4 *utrum personae divinae sint aequales secundum magnitudinem.*

- 5 *utrum una personarum divinarum sit in alia.*

- 6 *utrum personae divinae sint aequales secundum potentiam.*

QUAESTIO XLIII.

De missione divinarum personarum.

- 1 *utrum alicui persona divina conveniat mitti.*

- 2 *utrum missio in divinis sit aeterna, vel tantum temporalis.*

- 3 *secundum quid persona divina invisibiliter mittatur.*

- 4 *utrum cuilibet persona conveniat mitti, & praecipue patri.*

- 5 *utrum invisibiliter mittatur tam filius, quam Spiritus sanctus.*

- 6 *ad quos fiat missio invisibilis.*

- 7 *de missione visibili.*

- 8 *utrum alia persona divina tantum mittatur ab ea a qua est.*

QUAESTIO XLIV.

De prima causa omnium entium.

- 1 *utrum Deus sit causa efficiens omnium entium.*

- 2 *utrum materia prima sit creata a Deo, vel sit principium ex aequo coordinatum ei.*

- 3 *utrum Deus sit causa exemplaris rerum, vel sit aliqua alia exemplaria praeter ipsum.*

- 4 *utrum Deus sit causa finalis rerum.*

QUAESTIO XLV.

De creatione.

- 1 *quid sit creatio.*

- 2 *utrum Deus possit aliquid creare.*

- 3 *utrum creatio sit aliquid in creatura.*

d 2 4 cui

- 4 cui competat creari.
 5 utrum solus Dei sit creare.
 6 utrum sit commune toti trinitati, aut proprium alicuius persone.
 7 utrum in rebus creatis sit vestigium trinitatis.
 8 utrum opus creationis admisceatur operibus naturæ, & artis.

QUAESTIO XLVI.

De principio durationis rerum creaturarum.

- 1 utrum creatura semper fuerint.
 2 utrum eas incepisse, sit articulus fidei.
 3 quomodo dicatur Deus in principio calum, & terram creasse.

QUAESTIO XLVII.

De distinctione rerum in communi.

- 1 utrum rerum multitudo, & distinctio sit a Deo.
 2 utrum rerum inequalities sit a Deo.
 3 utrum sit unus tantum mundus, vel plures.

QUAESTIO XLVIII.

De distinctione rerum in speciali, & primo de malo.

- 1 utrum malum sit natura aliqua.
 2 utrum malum inveniat in rebus.
 3 utrum bonum sit subiectum mali.
 4 utrum malum totaliter corrumpat bonum.
 5 utrum malum sufficienter dividatur per culpam, & penam.
 6 utrum plus habeat de ratione mali poena, quam culpa.

QUAESTIO XLIX.

De causa mali.

- 1 utrum bonum esse possit causa mali.
 2 utrum summum bonum, quod est Deus, sit causa mali.
 3 utrum sit aliquod summum malum, quod sit causa omnis mali.

QUAESTIO L.

De substantia angelorum absolute.

- 1 utrum sit aliqua creatura omnino spiritalis, & penitus incorporea.
 2 utrum angelus sit compositus ex materia, & forma.
 3 de multitudine angelorum.
 4 utrum angeli differant specie.
 5 utrum angeli sint incorruptibiles.

QUAESTIO LI.

De angelis in comparatione ad corpus.

- 1 utrum angeli habeant corpora naturaliter sibi unita.
 2 utrum angeli assumant corpora.
 3 utrum angeli in corporibus assumptis exercent opera vitae.

QUAESTIO LII.

De angelis in comparatione ad locum.

- 1 utrum angelus sit in loco.
 2 utrum possit esse in pluribus locis simul.
 3 utrum plures angeli possint esse in eodem loco.

QUAESTIO LIII.

De motu locali angelorum.

- 1 utrum angelus possit moveri localiter.
 2 utrum moveatur de loco ad locum pertranscundo medium.
 3 utrum motus angeli sit in tempore, an in instanti.

QUAESTIO LIV.

De virtute cognoscitiva angeli.

- 1 utrum intelligere angeli sit sua substantia.
 2 utrum esse angeli sit suum intelligere.
 3 utrum essentia angeli sit sua virtus intellectiva.
 4 utrum in angelis sit intellectus agens, & possibilis.
 5 utrum in eis sit aliqua alia potentia cognoscitiva, quam intellectus.

QUAESTIO LV.

De medio cognitionis angelicæ.

- 1 utrum angeli cognoscant omnia per suam substantiam, vel per aliquam speciem.
 2 si per species, an per species connaturales, vel per species a rebus acceptas.
 3 utrum angeli superiores cognoscant per species magis universales, quam inferiores.

QUAESTIO LVI.

De cognitione angelica ex parte rerum immaterialium.

- 1 utrum angelus cognoscat seipsum.
 2 utrum unus cognoscat alium.
 3 utrum angelus per sua naturalia cognoscat Deum.

QUAESTIO LVII.

De cognitione angelorum quantum ad res materiales.

- 1 utrum angeli cognoscant naturaliter rerum materialium.
 2 utrum cognoscant singularia.
 3 utrum cognoscant futura.

4 *utrum cognoscant cogitationes cordium.*

3 *utrum cognoscant mysteria gratia.*

QAESTIO LVIII.

De modo cognitionis angelicæ.

1 *utrum intellectus angeli quandoque sit in potentia, quandoque in actu.*

2 *utrum angelus possit simul multa intelligere.*

3 *utrum angelus intelligat discurrendo.*

4 *utrum angelus intelligat componendo, & dividendo.*

5 *utrum in intellectu angeli possit esse falsitas.*

6 *utrum cognitio angeli possit dici matutina, & vespertina.*

7 *utrum de due cognitiones sint eadem, vel diversa.*

QAESTIO LIX.

De voluntate angelorum.

1 *utrum in angelis sit voluntas.*

2 *utrum voluntas in angelis sit ipsa natura eorum, vel ipse intellectus.*

3 *utrum in angelis sit liberum arbitrium.*

4 *utrum in eis sit vis irascibilis, & concupiscibilis.*

QAESTIO LX.

De amore, seu dilectione angeli.

1 *utrum in angelis sit dilectio naturalis.*

2 *utrum in angelis sit dilectio electiva.*

3 *utrum angelus diligat seipsum dilectione naturali, an electiva.*

4 *utrum angelus unus diligat alium naturali dilectione, sicut seipsum.*

5 *utrum angelus naturali dilectione diligat Deum plus quam seipsum.*

QAESTIO LXI.

De productione angelorum in esse naturæ.

1 *utrum angeli habeant causam sui esse.*

2 *utrum angelus sit productus a Deo ab æterno.*

3 *utrum angelus sit creatus ante corporalem creaturam.*

4 *utrum angeli fuerint creati in celo empto.*

QAESTIO LXII.

De productione angeli in esse gratiæ, & gloriæ.

1 *utrum angeli in sua creatione fuerint beati.*

2 *utrum indiguerint gratia ad hoc quod converterentur in Deum.*

3 *utrum fuerint creati in gratia.*

4 *utrum meruerint suam beatitudinem.*

5 *utrum statim post unum actum meritorium beatitudinem habuerint.*

6 *utrum adepti fuerint gratiam, & gloriam secundum capacitatem suorum naturalium.*

7 *utrum post consecutionem gloriæ remanserit in eis cognitio, & dilectio naturalis.*

8 *utrum angelus beatus peccare possit.*

9 *utrum angeli post adeptionem gloriæ possint proficere.*

QAESTIO LXIII.

De malicia angelorum quoad culpam.

1 *utrum malum culpa possit esse in angelis.*

2 *cuimodi peccata in eis esse possint.*

3 *quid appetendo angelus peccaverit.*

4 *utrum angelus naturaliter sint mali.*

5 *utrum aliqui angelus in primo instanti sue creationis potuerit esse malus per actum propria voluntatis.*

6 *utrum aliqua mora fuerit inter creationem, & lapsum angeli.*

7 *utrum supremus inter eademes fuerit simpliciter inter omnes angelos summus.*

8 *utrum peccatum primi angeli fuerit aliis causa peccandi.*

9 *utrum tot remanserint, quos eeciderunt.*

QAESTIO LXIV.

De pena dæmonum.

1 *utrum intellectus angeli mali sit omnino obtebratus.*

2 *utrum voluntas dæmonis sit obstinata in malo.*

3 *utrum in dæmonibus possit esse dolor.*

4 *de loco penali dæmonum.*

QAESTIO LXV.

De opere creationis quoad creaturam corporalem.

1 *utrum creatura corporalis sit a Deo.*

2 *utrum facta sit propter boni aem Deo.*

3 *utrum sit facta a Deo medianibus angelis.*

d 3

4 *utrum*

- 4 *utrum forma corporum sint ab angelis, an immediate a Deo.*

QUAESTIO LXVI.

De ordine creationis ad distinctionem.

- 1 *utrum informitas materia praecesserit tempore formationem ipsius.*
 2 *utrum sit una materia omnium corporalium.*
 3 *utrum celum empyreum sit concretum materiae informi.*
 4 *utrum tempus sit concretum materiae informi.*

QUAESTIO LXVII.

De opere distinctionis primae diei.

- 1 *utrum lux proprie in spiritualibus dicatur.*
 2 *utrum lux corporalis sit corpus.*
 3 *utrum lux sit qualitas.*
 4 *utrum conveniens fuerit prima die fieri lucem.*

QUAESTIO LXVIII.

De opere secundae diei.

- 1 *utrum firmamentum factum sit secunda die.*
 2 *utrum aliqua aqua sint supra firmamentum.*
 3 *utrum firmamentum dividat aquas ab aquis.*
 4 *utrum sit tantum unum celum, vel plures.*

QUAESTIO LXIX.

De opere tertiae diei.

- 1 *utrum congregatio aquarum facta fuerit convenienter tertia die.*
 2 *utrum eadem die debuerit fieri productio plantarum.*

QUAESTIO LXX.

De opere ornatus quarta die facti.

- 1 *utrum quarta die debuerint fieri luminaria.*
 2 *utrum convenienter describatur causa productionis luminarium.*
 3 *utrum luminaria caeli sint animata.*

QUAESTIO LXXI.

De opere quintae diei.

- 1 *utrum opus quinta diei convenienter describatur.*

QUAESTIO LXXII.

De opere sextae diei.

- 1 *utrum opus sextae diei convenienter describatur.*

QUAESTIO LXXIII.

De pertinentibus ad diem septimam.

- 1 *utrum completio divinorum operum adscribi debeat septima diei.*
 2 *utrum Deus die septima ab omni opere quiescerit.*
 3 *utrum benedictio, & sanctificatio debeatur septima diei.*

QUAESTIO LXXIV.

De omnibus sex diebus in communi.

- 1 *utrum dicti dies sufficienter enumerentur.*
 2 *utrum omnes isti dies sint unus dies.*
 3 *utrum Scriptura usatur convenientibus verbis ad exprimendum opera sex dierum.*

QUAESTIO LXXV.

De homine quantum ad essentiam animae.

- 1 *utrum anima sit corpus.*
 2 *utrum anima humana sit aliquid subsistens.*
 3 *utrum animae brutorum sint subsistentes.*
 4 *utrum anima sit homo, vel homo patius sit aliquid compositum ex corpore, & anima.*
 5 *utrum anima humana sit composita ex materia, & forma.*
 6 *utrum anima humana sit incorruptibilis.*
 7 *utrum sit eiusdem speciei cum angelo.*

QUAESTIO LXXVI.

De unione animae ad corpus.

- 1 *utrum intellectivum principium unatur corpori ut forma.*
 2 *utrum intellectivum principium multiplicetur secundum multiplicationem corporum, vel sit unus intellectus omnium hominum.*
 3 *utrum praeter animam intellectivam sint in homine*

homine alia anima per essentiam differen-
tes.

- 4 utrum in homine sit alia forma præter ani-
malem intellectivam.
- 1 quale debeat esse corpus, cuius huiusmodi
principium est forma.
- 6 utrum uniantur tali corpori medianibus ali-
quibus dispositionibus accidentalibus.
- 7 utrum uniantur corpori animalis mediante
aliquo corpore.
- 8 utrum anima sit tota in qualibet parte cor-
poris.

QUAESTIO LXXVII.

De his quæ pertinent ad potentias ani-
mæ in generali.

- 1 utrum essentia animæ sit eius potentia.
- 2 utrum sit tantum una potentia animæ, vel
plures.
- 3 utrum potentie animæ distinguantur per ac-
tus, & obiecta.
- 4 utrum in potentiis animæ sit aliquis ordo.
- 5 utrum anima sit subiectum omnium suarum
potentiarum.
- 6 utrum potentie animæ fluant ab eius essenti-
a.
- 7 utrum una potentia animæ oriatur ab alia.
- 8 utrum omnes potentie animæ remaneant in
anima a corpore separata.

QUAESTIO LXXVIII.

De potentiis animæ in speciali, & pri-
mo de iis quæ sunt præambula
ad intellectum.

- 1 utrum sint distinguenda quinque genera po-
tentiarum animæ.
- 2 utrum convenienter assignentur partes vege-
tative.
- 3 utrum convenienter distinguantur quinque
sensūs exteriores.
- 4 utrum sensus interiores convenienter distin-
guantur.

QUAESTIO LXXIX.

De potentiis intellectivis.

- 1 utrum intellectus sit potentia animæ, vel
eius essentia.
- 2 utrum intellectus sit potentia passiva.
- 3 utrum sit ponere intellectum agentem.
- 4 utrum intellectus agens sit aliquid animæ
nostræ.
- 5 utrum intellectus agens sit unus omnium.
- 6 utrum memoria sit in parte intellectiva a-
nimæ.

- 7 utrum memoria intellectiva sit alia potentia
ab intellectu.
- 8 utrum ratio sit alia potentia ab intellectu.
- 9 utrum ratio superior, & inferior sint diver-
sæ potentie.
- 10 utrum intelligentia sit alia potentia ab in-
tellectu.
- 11 utrum intellectus speculativus, & practi-
cus sint diversæ potentie.
- 12 utrum synderefsis sit aliqua potentia specia-
lis ab aliis distincta.
- 13 utrum conscientia sit aliqua potentia intel-
lectivæ partis.

QUAESTIO LXXX.

De appetitu in communi.

- 1 utrum appetitus sit aliqua specialis potentia
animæ.
- 2 utrum appetitus dividatur in appetitum sen-
sitivum, & intellectivum, sicut in potentiis
diversas.

QUAESTIO LXXXI.

De sensualitate.

- 1 utrum sensualitas sit vis appetitiva tantum,
an etiam cognitiva.
- 2 utrum appetitus sensitivus dividatur in ira-
scibilem, & concupiscibilem, sicut in diver-
sas potentias.
- 3 utrum irascibilis, & concupiscibilis obediant
rationi.

QUAESTIO LXXXII.

De voluntate.

- 1 utrum voluntas aliquid appetat ex neces-
sitate.
- 2 utrum omnia ex necessitate velit, quæcum-
que vult.
- 3 utrum voluntas sit eminentior quam intel-
lectus.
- 4 utrum moveat intellectum.
- 5 utrum voluntas distinguatur per irascibilem,
& concupiscibilem.

QUAESTIO LXXXIII.

De libero arbitrio.

- 1 utrum homo sit liberi arbitrii.
- 2 utrum liberum arbitrium sit potentia, vel
actus, vel habitus.
- 3 utrum liberum arbitrium sit potentia appe-
titiva, vel cognitiva.

4 utrum

- 4 *utrum liberum arbitrium sit eadem potentia cum voluntate, vel alia.*

QUAESTIO LXXXIV.

Quomodo anima corpori unita intelligat corporalia, quæ sunt infra ipsam.

- 1 *utrum anima cognoscat corpora per intellectum.*
- 2 *utrum cognoscat corpora per essentiam suam, vel per aliquas species.*
- 3 *utrum anima intelligat omnia per species sibi naturaliter inditas.*
- 4 *utrum species intelligibiles effluant in ipsam ab aliquibus formis separatis.*
- 5 *utrum anima nostra omnia quæ intelligit, videat in rationibus æternis.*
- 6 *utrum intelligibilem cognitionem acquirat a sensu.*
- 7 *utrum indigeat phantasmatis ad hoc quod actu intelligat.*
- 8 *utrum iudicium intellectus impediatur per impedimentum sensitivorum virium.*

QUAESTIO LXXXV.

De modo, & ordine intelligendi.

- 1 *utrum intellectus noster intelligat res corporeas, & materiales, abstrahendo species a phantasmatis.*
- 2 *utrum species intelligibilis abstracta a phantasmatis se habeat ad intellectum nostrum, ut quod intelligitur, vel sicut quo intelligitur.*
- 3 *utrum intellectus noster prius intelligat magis universalia.*
- 4 *utrum intellectus noster possit multa simul intelligere.*
- 5 *utrum intellectus noster intelligat componendo, & dividendo.*
- 6 *utrum intellectus noster possit errare.*
- 7 *utrum unus possit eandem rem melius intelligere quam alius.*
- 8 *utrum intellectus prius cognoscat indivisibile, quam divisibile.*

QUAESTIO LXXXVI.

Quid intellectus hominis cognoscat in rebus corporalibus, & materialibus.

- 1 *utrum intellectus noster cognoscat singularia.*
- 2 *utrum cognoscat infinita.*
- 3 *utrum cognoscat contingensia.*
- 4 *utrum cognoscat futura.*

QUAESTIO LXXXVII.

Quomodo anima intellectiva cognoscat seipsam, & ea quæ in ea sunt.

- 1 *utrum anima intellectiva cognoscat seipsam per essentiam suam.*
- 2 *quomodo cognoscat habitus in se existentes.*
- 3 *quomodo intellectus cognoscat actum proprium.*
- 4 *quomodo intellectus cognoscat actum voluntatis.*

QUAESTIO LXXXVIII.

Quomodo anima humana cognoscat ea quæ sunt supra se.

- 1 *utrum anima humana in statu præsentis vite cognoscat angelos per seipsam.*
- 2 *utrum possit ad eorum noticiam pervenire per cognitionem rerum materialium.*
- 3 *utrum Deus sit illud quod a nobis primo cognoscitur.*

QUAESTIO LXXXIX.

De cognitione animæ separatæ.

- 1 *utrum anima separata a corpore possit aliquid intelligere.*
- 2 *utrum anima separata intelligat substantias separatas.*
- 3 *utrum anima separata cognoscat omnia naturalia.*
- 4 *utrum anima separata cognoscat singularia.*
- 5 *utrum habitus scientiæ hic acquisita remaneat in anima separata.*
- 6 *utrum possit uti habitu scientiæ hic acquisita.*
- 7 *utrum distantia localis impediatur cognitionem animæ separatæ.*
- 8 *utrum anima separata cognoscant ea quæ hic aguntur.*

QUAESTIO XC.

De productione hominis quantum ad animam.

- 1 *utrum anima humana sit de substantia Dei, vel aliquid factum.*
- 2 *utrum anima humana sit producta in esse per creationem.*
- 3 *utrum anima rationalis sit facta mediantribus angelis.*
- 4 *utrum anima humana sit facta ante corpus.*

QUAESTIO XCL

De productione corporis primi hominis.

- 1 utrum corpus primi hominis sit factum de limo terre.
- 2 utrum corpus primi hominis sit immediate productum a Deo.
- 3 utrum corpus primi hominis habuerit convenientem dispositionem.
- 4 utrum productio corporis humani conveniret in Scriptura describatur.

QUAESTIO XCII.

De productione mulieris.

- 1 utrum in prima rerum productione debuisset mulier produci.
- 2 utrum mulier debuisset fieri ex viro.
- 3 utrum mulier debuisset formari ex costa viri.
- 4 utrum mulier formata fuerit immediate a Deo.

QUAESTIO XCIII.

De fine, sive termino productionis hominis, prout dicitur factus ad imaginem, & similitudinem Dei.

- 1 utrum in homine sit imago Dei.
- 2 utrum imago Dei sit in irrationalibus creaturis.
- 3 utrum imago Dei sit magis in homine quam in angelo.
- 4 utrum imago Dei sit in omni homine.
- 5 utrum imago Dei sit in homine per comparisonem ad essentiam, vel ad personas omnes, vel ad unam earum.
- 6 utrum imago Dei inveniat in homine solum secundum mentem.
- 7 utrum imago Dei sit in homine secundum potentiam, aut secundum habitum, aut actum.
- 8 utrum per comparisonem ad omnia obiecta.
- 9 de differentia imaginis, & similitudinis.

QUAESTIO XCIV.

De statu, vel conditione primi hominis quoad intellectum.

- 1 utrum primus homo videret Deum per essentiam.

- 2 utrum Adam in statu innocentiae angelos per essentiam videret.
- 3 utrum primus homo habuerit omnium scientiam.
- 4 utrum homo in primo statu potuisset errare, vel decipi.

QUAESTIO XCV.

De his quæ pertinent ad voluntatem primi hominis, scilicet de gratia, & virtute, & iustitia.

- 1 utrum primus homo fuerit creatus in gratia.
- 2 utrum primus homo in statu innocentiae habuerit animæ passiones.
- 3 utrum Adam habuerit omnes virtutes.
- 4 utrum opera primi hominis fuerint æque efficacia ad merendum, sicut modo sunt.

QUAESTIO XCVI.

De dominio, quod homini competeat in statu innocentiae.

- 1 utrum Adam in statu innocentiae dominabatur animalibus.
- 2 utrum homo habuisset dominium super omnes alias creaturas.
- 3 utrum in illo statu fuissent omnes homines æquales.
- 4 utrum in illo statu homo dominaretur homini.

QUAESTIO XCVII.

De his quæ pertinent ad statum primi hominis quantum ad conservationem individui.

- 1 utrum homo in statu innocentiae erat immortalis.
- 2 utrum esset impassibilis.
- 3 utrum indigeret cibis.
- 4 utrum per lignum vitæ consequeretur immortalitatem.

QUAESTIO XCVIII.

De his quæ pertinent ad conservationem speciei per generationem.

- 1 utrum in statu innocentiae fuisset generatio.
- 2 utrum in statu innocentiae fuisset generatio per coitum.

QUAE-

QUAESTIO XCIX.

De conditione prolis generandæ quantum ad corpus in illo statu.

- 1 utrum in statu illo pueri mox nati habuissent perfectam virtutem ad matum membrum.
- 2 utrum omnes fuissent nati in sexu masculino.

QUAESTIO C.

De conditione prolis tunc generandæ quoad iustitiam.

- 1 utrum homines fuissent nati cum iustitia.
- 2 utrum pueri nascerentur in iustitia conformati.

QUAESTIO CI.

De conditione prolis tunc generandæ quoad scientiam.

- 1 utrum pueri nascerentur in scientia perfecti.
- 2 utrum statim post natiuitatem habuissent perfectum usum rationis.

QUAESTIO CII.

De loco producti hominis, qui est paradysus.

- 1 utrum paradysus sit locus corporeus.
- 2 utrum sit locus conueniens habitationi humane.
- 3 ad quid homo in paradiso positus fuit.
- 4 utrum homo factus fuerit in paradiso.

QUAESTIO CIII.

De gubernatione rerum in communi.

- 1 utrum mundus ab aliquo gubernetur.
- 2 quis sit finis gubernationis ipsius.
- 3 utrum mundus gubernetur ab uno.
- 4 de effectibus gubernationis.
- 5 utrum omnia subsint diuina gubernationi.
- 6 utrum omnia gubernentur a Deo immediate.
- 7 utrum diuina gubernatio cesset in aliquo.
- 8 utrum aliquid contrarietur diuinæ providentiæ.

QUAESTIO CIV.

De effectibus diuinæ gubernationis in speciali.

- 1 utrum creatura indigeant ut conseruentur a Deo in esse.
- 2 utrum conseruentur in esse a Deo immediate.
- 3 utrum Deus possit aliquid redigere in nihilum.
- 4 utrum aliquid in nihilum redigatur.

QUAESTIO CV.

De mutatione creaturarum a Deo.

- 1 utrum Deus possit immediate mouere materiam ad formam.
- 2 utrum Deus possit immediate mouere aliquid corpus.
- 3 utrum Deus moveat immediate intellectum creatum.
- 4 utrum possit mouere voluntatem creatam.
- 5 utrum Deus operetur in omni operante.
- 6 utrum Deus possit aliquid facere præter ordinem rebus inditum.
- 7 utrum omnia quæ Deus facit præter ordinem naturalem rerum, sint miracula.
- 8 de diuersitate miraculorum.

QUAESTIO CVI.

De actu angelorum, qui est inuicem illuminare.

- 1 utrum unus angelus moveat intellectum alterius illuminando.
- 2 utrum unus angelus moveat voluntatem alterius.
- 3 utrum inferior angelus possit illuminare superiorem.
- 4 utrum superior angelus illuminet inferiorem de omnibus quæ cognoscit.

QUAESTIO CVII.

De locutione angelorum.

- 1 utrum unus angelus loquatur alii.
- 2 utrum inferior loquatur superiori.
- 3 utrum angelus loquatur Deo.
- 4 utrum in locutione angeli aliquid operetur distantia localis.
- 5 utrum omnes cognoscant locutionem unius angeli ad alterum.

QUAESTIO CVIII.

De ordinatione angelorum secundum hierarchias, & ordines.

- 1 utrum omnes angeli sint unius hierarchie.
- 2 utrum in una hierarchia sit tantum unus ordo.
- 3 utrum in uno ordine sint plures angeli.
- 4 utrum distinctio hierarchiarum, & ordinum sit a natura.
- 5 de nominibus, & propriis singulorum ordinum.
- 6 de comparatione ordinum ad invicem.
- 7 utrum ordines durent post diem iudicii.
- 8 utrum homines assumantur ad ordinem angelorum.

QUAESTIO CIX.

De ordine malorum angelorum, scilicet daemonum.

- 1 utrum ordines sint in demonibus.
- 2 utrum sit in eis prelatio.
- 3 utrum unus demon illuminet alium.
- 4 utrum subiciantur prelationi beatorum angelorum.

QUAESTIO CX.

De praesidentia angelorum super corporalem creaturam.

- 1 utrum corporalis creatura administretur per angelos.
- 2 utrum materia corporalis obediat angelis a nutu.
- 3 utrum angeli possint movere corpora localiter sua virtute.
- 4 utrum angeli boni, & mali possint facere miracula.

QUAESTIO CXI.

De actione angelorum in homines.

- 1 utrum angelus possit illuminare intellectum hominis.
- 2 utrum angelus possit immutare affectum, & voluntatem hominis.
- 3 utrum possit immutare imaginationem hominis.
- 4 utrum possit immutare sensum humanum.

QUAESTIO CXII.

De missione angelorum ad homines.

- 1 utrum aliqui angeli mittantur in ministerium.
- 2 utrum omnes angeli mittantur in ministerium.
- 3 utrum illi qui mittantur, assistant.
- 4 utrum omnes angeli secundae hierarchie mittantur.

QUAESTIO CXIII.

De custodia hominum a bonis angelis.

- 1 utrum homines ab angelis custodiantur.
- 2 utrum singulis hominibus singuli angeli ad custodiam deputentur.
- 3 utrum custodia pertineat solum ad ultimum ordinem angelorum.
- 4 utrum omni homini conveniat habere angelum eundem.
- 5 quando incipiat custodia angeli circa hominem.
- 6 utrum angelus semper custodiat hominem.
- 7 utrum angeli doleant de malis eorum quos custodiunt.
- 8 utrum inter angelos sit pugna, seu discordia.

QUAESTIO CXIV.

De impugnatione daemonum.

- 1 utrum homines a demonibus impugnentur.
- 2 utrum tentare sit proprium diaboli.
- 3 utrum omnia peccata procedant ex tentatione diaboli.
- 4 utrum demones possint facere vera miracula ad seducendum.
- 5 utrum demon ab aliquo superatus ab impugnatione arceatur.

QUAESTIO CXV.

De actione corporalis creaturae.

- 1 utrum aliquid corpus sit altivum.
- 2 utrum in materia corporali sint aliqua rationes seminales.
- 3 utrum corpora caelestia sint causa eorum quae hic in inferioribus corporibus sunt.
- 4 utrum corpora caelestia sint causa humanorum altivum.
- 5 utrum corpora caelestia possint imprimere in demones.
- 6 utrum corpora caelestia imponant necessitatem his quae eorum actioni subduntur.

QUAE.

QUAESTIO CXVI.

De fato.

- 1 *utrum fatum sit.*
- 2 *utrum fatum sit in rebus creatis.*
- 3 *utrum fatum sit immobile.*
- 4 *utrum omnia subdantur fato.*

QUAESTIO CXVII.

De his quae pertinent ad actionem hominis.

- 1 *utrum homo possit docere alium, causando scientiam in ipso.*
- 2 *utrum homines possint docere angelos.*
- 3 *utrum homo per virtutem animae possit immutare materiam corporalem.*
- 4 *utrum anima hominis separata possit movere corpora motu locali.*

QUAESTIO CXVIII.

De traductione hominis ex homine quantum ad animam.

- 1 *utrum anima sensitiva traducatur cum semine.*
- 2 *utrum anima intellectiva causetur ex semine.*
- 3 *utrum omnes animae humanae fuerint simul creatae a principio mundi.*

QUAESTIO CXIX.

De propagatione hominis quantum ad corpus.

- 1 *utrum aliquid de alimento convertatur in veritatem humanae naturae.*
- 2 *utrum semen, quod est principium humanae generationis, sit de superfluo alimenti.*

F I N I S.

D I V I
T H O M A E
A Q U I N A T I S
D O C T O R I S A N G E L I C I
S U M M A E T H E O L O G I C A E
P A R S P R I M A .

P R O L O G U S .



UIA catholicæ veritatis Doctor non solum proveſtos debet inſtruere, ſed ad eum pertinet etiam incipientes erudire (ſecundum illud Apoſtoli I. ad Corinth. III. 1. *Tantumquam parvulis in Chriſto, lac vobis potum dedi, non eſcam.*) propoſitum noſtræ intentionis in hoc opere eſt, ea quæ ad chriſtianam religionem pertinent, eo modo tradere ſecundum quod congruit ad eruditionem incipientium.

Conſideravimus naſque, huius doctrinæ novitios, in iis quæ a diverſis ſcripta ſunt, plurimum impediri: partim quidem propter multiplicationem inutilium quæſtionum, articulorum, & argumentorum: partim etiam quia ea quæ ſunt neceſſaria talibus ad ſciendum, non traduntur ſecundum ordinem diſciplinæ, ſed ſecundum quod requirebat librorum expoſitio, vel ſecundum quod ſe præbebat occasio diſputandi: partim quidem quia eorundem frequens repetitio & faſtidium, & confuſionem generabat in animis auditorum.

Hæc igitur, & alla huiusmodi evitare ſtudentes, tentabimus cum confidentia divini auxilii, ea quæ ad ſacram doctrinam pertinent, breviter ac dilucide proſequi, ſecundum quod materia patietur.

QUAESTIO PRIMA.

De sacra doctrina, qualis sit, & ad quae se extendat,

in decem articulos divisa.

ET ut intentio nostra sub aliquibus certis limitibus comprehendatur, necessarium est primo investigare de ipsa sacra doctrina, qualis sit, & ad quae se extendat.

Circa quae quaerenda sunt decem.

Primo de necessitate huius doctrinae.

Secundo, utrum sit scientia.

Tertio, utrum sit una, vel plures.

Quarto, utrum sit speculativa, vel practica.

Quinto de comparatione eius ad alias scientias.

Sexto, utrum sit sapientia.

Septimo, quid sit subiectum eius.

Octavo, utrum sit argumentativa.

Nono, utrum uti debeat metaphoricis, vel symbolis locutionibus.

Decimo, utrum scriptura sacra huius doctrinae sit secundum plures sensus exponenda.

ARTICULUS PRIMUS.

Utrum sit necessarium praeter philosophicas disciplinas aliam doctrinam haberi.

2. 2. *quaest. 11. art. 3. & 4. & I. prol. art. 2. & I. contra gent. cap. IV. & VI. & ver. quaest. XIV. art. 11.*

AD primum sic proceditur. Videtur quod non sit necessarium praeter philosophicas disciplinas aliam doctrinam haberi. Ad ea enim quae supra rationem sunt, homo non debet conari, secundum illud Eccli. 111. 22. *Altiore te ne quaesieris*. Sed ea quae rationi subdantur, sufficienter traduntur in philosophicis disciplinis. Superfluum igitur videtur praeter philosophicas disciplinas aliam doctrinam haberi.

2. Praeterea. Doctrina non potest esse nisi de ente: nihil enim scitur nisi verum, quod cum ente convertitur. Sed de omnibus entibus tractatur in disciplinis philosophicis, & etiam de Deo: unde quaedam pars Philosophiae dicitur Theologia, sive scientia divina, ut patet per Philosophum in VI. Metaphys. (com. 11.)

Non fuit igitur necessarium praeter (a) philosophicas disciplinas aliam doctrinam haberi.

Sed contra est quod dicitur II. ad Timothy. 111. 16. *Omnis scriptura divinitus inspirata, utilis est ad docendum, ad arguendum, ad corripiendum, ad erudiendum, ad iustitiam*. Scriptura autem divinitus inspirata non pertinet ad philosophicas disciplinas, quae sunt secundum rationem humanam inventae. Utile igitur est praeter philosophicas disciplinas esse aliam scientiam divinitus inspiratam.

Respondeo dicendum, quod necessarium fuit ad humanam salutem esse doctrinam quamdam secundum revelationem divinam praeter philosophicas disciplinas, quae ratione humana investigantur. Primo quidem quia homo ordinatur ad Deum sicut ad quemdam finem, qui comprehensionem rationis excedit, secundum illud Isai. lxxv. 4. *Oculus non vidit, Deus, absque te, quia preparasti diligentiis te*. Finem autem oportet esse praecognitum hominibus, qui suas intentiones, & actiones debent ordinare in finem. Unde necessarium fuit homini ad salutem quod ei nota fierent quaedam per revelationem divinam quae rationem humanam excedunt.

Ad ea etiam quae de Deo ratione humana investigari possunt, necessarium fuit hominem instrui revelatione divina: quia veritas de Deo per rationem investigata, a paucis, & per longum tempus, & cum admixtione multorum errorum homini proveniret: a cuius tamen veritatis cognitione dependet tota hominis salus, quae in Deo est. Ut igitur salus hominibus & convenientius, & certius proveniat, necessarium fuit quod de divinis per divinam revelationem instruerentur. Necessarium igitur fuit praeter philosophicas disciplinas, quae per rationem investigantur, sacram doctrinam per revelationem haberi.

Ad primum ergo dicendum, quod licet ea quae sunt altiora hominis cognitione, non sint ab homine per rationem inquirenda: sunt tamen a Deo revelata, suscipienda per fidem: unde & ibidem (Eccli. 111. 25.) subditur: *Flumina supra sensum hominum ostensa sunt tibi*. Et in huiusmodi sacra doctrina consistit.

Ad secundum dicendum, quod diversa ratio cognoscibilis diversitatem scientiarum inducit. Eandem enim conclusionem demonstrat Astrologus, & Naturalis, puta quod terra est rotunda: sed Astrologus per medium mathematicum, id est a materia

(a) Ita edit. Rom. & Paris. Navai. Paris. physicas: sic etiam infra sapies,

teria abstractum; Naturalis autem per modum circa materiam consideratum. Unde nihil prohibet de eisdem de quibus philosophicæ disciplinæ tractant, secundum quod sunt cognoscibilia lumine naturalis rationis, etiam aliam scientiam tractare, secundum quod cognoscuntur lumine divinæ revelationis. Unde Theologia, quæ ad sacram doctrinam pertinet, differt secundum genus ab illa Theologia quæ pars Philosophiæ ponitur.

ARTICULUS II.

Utrum sacra doctrina sit scientia.

III. diff. xxxiii. quest. 1. art. 2. quest. 4. & I. Sentent. prol. art. 3. quest. 2. & verit. quest. xiv. artic. 9. ad 3. & Boet. tract. 1. quest. 11. art. 2.

AD secundum sic proceditur. Videtur quod sacra doctrina non sit scientia. Omnis enim scientia procedit ex principiis per se notis. Sed sacra doctrina procedit ex articulis fidei, qui non sunt per se noti, cum non ab omnibus concedantur: non enim *omnis est fides*, ut dicitur II. Thessal. 11. 2. Non igitur sacra doctrina est scientia.

2. Præterea. Scientia non est singularium. Sed sacra doctrina tractat de singularibus, puta de gestis Abraham, Isaac, & Iacob, & similibus. Ergo sacra doctrina non est scientia.

Sed contra est quod Augustinus dicit XIV. de Trin. (cap. 1. a med.) *Huius scientiæ attribuitur illud tantummodo quo fides saluberrima gignitur, nutritur, defenditur, roboratur.* Hoc autem ad nullam scientiam pertinet nisi ad sacram doctrinam. Ergo sacra doctrina est scientia.

Respondeo dicendum, sacram doctrinam esse scientiam. Sed sciendum est, quod duplex est scientiarum genus. Quædam enim sunt quæ procedunt ex principiis notis lumine naturali intellectus, sicut Arithmetica, Geometria, & huiusmodi; quædam vero sunt quæ procedunt ex principiis notis lumine superioris scientiæ, sicut Perspectiva procedit ex principiis notificatis per Geometriam, & Musica ex principiis per Arithmeticam notis. Et hoc modo sacra doctrina est scientia, quia procedit ex principiis notis lumine superioris scientiæ, quæ scilicet est scientia Dei, & beatorum. Unde sicut Musica creditur princi-

pia tradita sibi ab Arithmetico, ita doctrina sacra creditur principia revelata sibi a Deo.

Ad primum ergo dicendum, quod principia cuiuslibet scientiæ vel sunt nota per se, vel reducuntur ad notitiam superioris scientiæ; & talia sunt principia sacre doctrinæ, ut dictum est (in corp. art.)

Ad secundum dicendum, quod singularia traduntur in sacra doctrina, non quia de eis principaliter tractetur, sed introducuntur tum in exemplum vitæ, sicut in scientiis moralibus, tum etiam ad declarandum auctoritatem virorum per quos ad nos revelatio divina processit, super quam fundatur sacra Scriptura, seu doctrina.

ARTICULUS III.

Utrum sacra doctrina sit una scientia.

Inf. art. 4. & I. prol. art. 2. 3. & 4. c. & 5. ad 2.

AD tertium sic proceditur. Videtur quod sacra doctrina non sit una scientia. Quia secundum Philosophum in I. Posteriorum (tex. xliii.) *una scientia est quæ est unius generis subiecti.* Creator autem, & creatura, de quibus in sacra doctrina tractatur, non continentur sub uno genere subiecti. Ergo sacra doctrina non est una scientia.

2. Præterea. In sacra doctrina tractatur de Angelis, de creaturis corporalibus, de moribus hominum. Huiusmodi autem ad diversas scientias philosophicas pertinent. Igitur sacra doctrina non est una scientia.

Sed contra est quod sacra Scriptura de ea loquitur sicut de una scientia: dicitur enim Sap. x. 10. *Dedit illi scientiam Sanctorum.*

Respondeo dicendum, sacram doctrinam scientiam esse. Est enim unitas potentie, & habitus consideranda secundum obiectum, non quidem materialiter, sed secundum rationem formalem obiecti: puta, homo, asinus, & lapis conveniunt in una formali ratione colorati, quod est obiectum visus. Quia igitur sacra scriptura, (a) seu doctrina considerat aliqua, secundum quod sunt divinitus revelata, secundum quod dictum est (art. præc.) omnia quæcumque sunt divinitus revelabilia, communicant in una ratione formali obiecti huius scientiæ; & ideo com-

A 2 pro-

(a) Ita eduxit Alcuinensis, adjuvante Thoma Madalena in Cris. Thomistica anno 1779. Casparangus huius editio. Al. deip seu doctrina.

prehenduntur sub sacra doctrina sicut sub scientia una.

Ad primum ergo dicendum, quod sacra doctrina non determinat de Deo, & de creaturis ex æquo; sed de Deo principaliter, & de creaturis secundum quod referuntur ad Deum ut ad principium, vel finem. Unde unitas scientiæ non impeditur.

Ad secundum dicendum, quod nihil prohibet inferiores potentias, vel habitus diversificari circa illas materias quæ communiter eadem sub una potentia, vel habitu superiori, quia superior potentia, vel habitus respicit obiectum sub universaliori ratione formali; quod obiectum sensus communis est sensibile, quod comprehendit sub se visibile, & audibile: unde sensus communis, cum sit una potentia, extendit se ad omnia obiecta quinque sensuum. Et similiter ea quæ in diversis scientiis philosophicis tractantur, potest sacra doctrina una existens considerare sub una ratione, inquantum scilicet sunt divinitus revelabilia; ut sic sacra doctrina sit velut quædam impressio divini scientiæ, quæ est una simplex omnium.

ARTICULUS IV.

Utrum sacra doctrina sit scientia practica.

Inf. art. 5. c. & I. prolog. art. 3. quæst. 1.

AD quartum sic proceditur. Videtur quod sacra doctrina sit scientia practica. *Finis enim practica est operatio*, secundum Philosophum in II. Metaphys. (text. 3.) Sacra autem doctrina ad operationem ordinatur, secundum illud Iacobi. 1. 22. *Estote factores verbi, & non auditores tantum.* Ergo sacra doctrina est practica scientia.

2. Præterea. Sacra doctrina dividitur per legem veterem, & novam. Lex autem pertinet ad scientiam moralem, quæ est scientia practica. Ergo sacra doctrina est scientia practica.

Sed contra. Omnis scientia practica est de rebus operabilibus ab homine, ut moralis de actibus hominum, & ædificativa de ædificiis. Sacra autem doctrina est principaliter de Deo, cuius magis homines sunt opera. Non ergo est scientia practica, sed magis speculativa.

Respondendo dicendum, quod sacra doctrina, ut dictum est (art. præc.) una

existens se extendit ad ea quæ pertinent ad diversas scientias philosophicas, propter rationem formalem quam in diversis attendit, scilicet prout sunt divino lumine cognoscibilia: unde licet in scientiis philosophicis alia sit speculativa, & alia practica; sacra tamen doctrina comprehendit sub se utramque, sicut & Deus eadem scientia se cognoscit, & ea quæ facit. Magis tamen est speculativa quam practica: quia principaliter agit de rebus divinis quam de actibus humanis: de quibus agit, secundum quod per eos ordinatur homo ad perfectam Dei cognitionem, in qua æterna beatitudo consistit.

Et per hoc patet responso ad obiecta.

ARTICULUS V.

Utrum sacra doctrina sit dignior aliis scientiis.

1. 2. quæst. lxxvi. art. 5. ad 3. & I. prolog. art. 1. & II. con. c. xv. fin.

AD quintum sic proceditur. Videtur quod sacra doctrina non sit dignior aliis scientiis. Certitudo enim pertinet ad dignitatem scientiæ. Sed alix scientiæ, de quarum principiis dubitari non potest, videntur esse certiores sacra doctrina, cuius principia, scilicet articuli fidei, dubitationem recipiunt. Aliæ igitur scientiæ videntur ista digniores.

2. Præterea. Inferiores scientiæ est a superiori accipere, sicut Musicus ab Arithmetico. Sed sacra doctrina accipit aliquid a philosophicis discipulis: dicit enim Hieronymus in epist. lxxxiv. (quæ incipit *Seraphum nostrum*, declinando ad nra. illius) ad Magnum oratorem Urbis Romæ, quod *doctores antiqui in tantum Platipodorum doctrinis, aique sententiis suis respuerunt libros, ut nescias quid in illis prius admirari debeas, eruditionem sæculi, an sententiam Scripturarum.* Ergo sacra doctrina est inferior aliis scientiis.

Sed contra est quod alix scientiæ dicuntur ancillæ huius. Prover. ix. 3. *Misit ancillas suas (a) vocare ad arcem.*

Respondendo dicendum, quod cum ista scientia quantum ad aliquid sit speculativa, & quantum ad aliquid sit practica; omnes alias transcendit tam speculativas, quam practicas. Speculativarum enim scientiarum una altera dignior dicitur tum propter certitudinem, tum propter dignitatem materiæ. Et quantum ad utrumque hæc scientia alias speculativas scientias ex-

cc-

(a) Vulgata ut vocarent ad arcem.

cedit. Secundum certitudinem quidem, quia aliae scientiae certitudinem habent ex naturali lumine rationis humanae, quae potest errare; haec autem certitudinem habet ex lumine divinae scientiae, quae decipi non potest. Secundum dignitatem vero materiae, quia ista scientia est principaliter de his quae sua altitudine rationem transcendunt. Aliae vero scientiae considerant ea tantum quae rationi subduntur. Practicarum vero scientiarum ista dignior est, (a) quae ad ultimorum finem ordinatur, sicut civilis militari. Nam bonum exercitus ad bonum civitatis ordinatur. Finis autem huius doctrinae, in quantum est practica, est beatitudo aeterna, ad quam sicut ad ultimum finem ordinantur omnes alii fines scientiarum practicarum. Unde manifestum est secundum omnem modum eam digniorem esse aliis.

Ad primum ergo dicendum, quod nihil prohibet id quod est certius secundum naturam, esse quoad nos minus certum (b) propter debilitatem intellectus nostri: quae habet ad manifestissimam naturam, sicut oculi nostrum ad lumen solis, sicut dicitur in II. Metaphys. Circa dubitatio quae accidit in aliquibus circa articulos fidei, non est propter incertitudinem rei, sed propter debilitatem intellectus humani: & tamen minimum quod potest haberi de cognitione rerum altissimarum, desiderabilius est quam certissima cognitio quae habetur de minimis rebus, ut dicitur in XI. de animal. (Lib. I. de partibus animalium cap. v. in princ.)

Ad secundum dicendum, quod haec scientia accipere potest aliquid a philosophicis disciplinis, non quod ex necessitate eis indigeat, sed ad maiorem manifestationem eorum quae in hac scientia traduntur. Non enim accipit sua principia ab aliis scientiis, sed immediate a Deo per revelationem. Et ideo non accipit ab aliis scientiis tanquam a superioribus, sed utitur eis tanquam inferioribus, & ancillis; sicut architectonicae utuntur subministrantibus, ut civilis militari. Et hoc ipsum quod sic utitur eis, non est propter defectum, vel insufficienciam eius, sed propter defectum intellectus nostri, qui ex his quae per naturalem rationem (ex qua procedunt aliae (c) scientiae) cognoscuntur, facilius manuducitur in ea quae sunt supra rationem, quae in hac scientia traduntur.

ARTICULUS VI. 6

Utrum haec doctrina sit sapientia.

I. prol. artic. 3. quest. 3. & II. prol. princ. & I. con. cap. xv. fin.

AD sextum sic proceditur. Videtur quod haec doctrina non sit sapientia. Nulla enim doctrina quae supponit sua principia aliunde, digna est nomine sapientiae: quia sapientia est ordinare, & non ordinari: I. Metaph. (cap. 11. in princ.) Sed haec doctrina supponit principia sua aliunde, ut ex dictis patet (art. 2. huius quest.) Ergo haec doctrina non est sapientia.

2. Praeterea. Ad sapientiam pertinet probare principia aliarum scientiarum: unde & caput dicitur scientiarum, ut VI. Ethic. patet (cap. vii. paulo a princ.) Sed haec doctrina non probat principia aliarum scientiarum. Ergo non est sapientia.

3. Praeterea. Haec doctrina per studium acquiritur; sapientia autem per insulionem habetur: unde inter septem dona Spiritus sancti connumeratur, ut patet Ista. xi. Ergo haec doctrina non est sapientia.

Sed contra est quod dicitur Deuter. 17. 6. in principio legis: Haec est (d) nostra sapientia, & intellectus coram populo.

Respondendo dicendum, quod haec doctrina maxime sapientia est inter omnes sapientias humanas, non quidem in aliquo genere tantum, sed simpliciter. Cum enim sapientia sit ordinare, & indicare; iudicium autem per altiore causam de inferioribus habeatur: ille sapiens dicitur in unoquoque genere qui considerat causam altissimam illius generis; ut in genere aedificii artifex, qui disponit formam domus, dicitur sapiens; & architecto, respectu inferiorum artificum, qui dolant ligna, vel parant lapides: unde dicitur I. Cor. 13. 10. *Ut sapiens architecto fundamentum posui.* Et rursum in genere totius humanae vitae prudens sapiens dicitur, in quantum ordinat humanos actus ad debitum finem: unde dicitur Proverb. x. 23. *Sapientia est viro prudentia.* Ille igitur qui considerat simpliciter altissimam causam totius universi, quae Deus est, maxime sapiens dicitur: unde & sapientia dicitur esse divinum cognitio, ut patet per Augustinum.

(a) Ita videtur Alcan. Al. quae ad ultimum finem non ordinatur: item quae ad altiore finem ordinatur. (b) Al. debilitate. (c) Al. deest scientiae. (d) Vulgata vultus.

gustinum de Trinit. (Lib. XII. cap. xiv. parum a princ.) Sacra autem doctrina propriissime determinat de Deo secundum quod est altissima causa: quia non solum quantum ad illud quod est per creaturas cognoscibile (quod Philosophi cognoverunt, ut dicitur Rom. i. 19. *Quod notum est Dei, manifestum est (a) illis*;) sed etiam quantum ad id quod notum est sibi soli de se ipso, & aliis per revelationem communicatum. Unde sacra doctrina maxime dicitur sapientia.

Ad primum ergo dicendum, quod sacra doctrina non supponit sua principia ab aliqua scientia humana, sed a scientia divina, a qua, sicut a summa sapientia, omnis nostra cognitio (b) ordinatur.

Ad secundum dicendum, quod aliarum scientiarum principia vel sunt per se nota, & probari non possunt; vel per aliquam rationem naturalem probantur in aliqua alia scientia. Propria autem huius scientiae cognitio est quae est per revelationem, non autem quae est per naturalem rationem. Et ideo non pertinet ad eam probare principia aliarum scientiarum, sed solum iudicare de eis. Quidquid enim in aliis scientiis invenitur veritati huius scientiae repugnant, totum condemnatur ut falsum. Unde dicitur II. Corint. x. 4. *Confutatio destruens, & omnem altitudinem exaltantem se adversus scientiam Dei*.

Ad tertium dicendum, quod cum iudiciaria ad sapientiam pertineat, secundum duplicem modum iudicandi, dupliciter sapientia accipitur. Contingit enim aliquem iudicare uno modo per modum inclinationis, sicut qui habet habitum virtutis, recte iudicat de his quae sunt secundum virtutem agenda, inquantum ad illa inclinatur: unde & in X. Ethic. (cap. v. parum ante fin. & Lib. III. cap. iv.) dicitur, quod *virtuosus est mensura, & regula actuum hominum*. Alio modo per modum cognitionis, sicut aliquis instructus in scientia morali posset iudicare de actibus virtutis, etiam si virtutem non haberet. Primus igitur modus iudicandi de rebus divinis pertinet ad sapientiam, quae ponitur donum Spiritus sancti, secundum illud I. Cor. ii. 15. *Spiritualis homo iudicat omnia* &c. & Dionysius cap. ii. de divin. Nom. (par. i.) dicit: *Hieronymus doctus est non solum discens, sed & patiens divina*. Secundus autem modus iudicandi pertinet ad hanc doctrinam, secundum

quod per studium habetur, licet eius principia ex revelatione habeantur.

ARTICULUS VII. 7

Utrum Deus sit subiectum huius scientiae.

I. prol. art. 4. & V. Met. lect. vi.

AD septimum sic proceditur. Videtur quod Deus non sit subiectum huius scientiae. In qualibet enim scientia oportet supponere de subiecto quid est, secundum Philosophum in II. Posteriorum (non procul a princ.) Sed haec scientia non supponit de Deo quid est: dicit enim Damascenus (Lib. III. de orthod. Fid. cap. xxv.) *In Deo quid est, dicere impossibile est*. Ergo Deus non est subiectum huius scientiae.

2. Praeterea. Omnia quae determinantur in aliqua scientia, comprehenduntur sub subiecto illius scientiae. Sed in sacra Scriptura determinatur de multis aliis quam de Deo, puta de creaturis, & de moribus hominum. Ergo Deus non est subiectum huius scientiae.

Sed contra. Illud est subiectum scientiae de quo est sermo in scientia. Sed in hac scientia fit sermo de Deo: dicitur enim Theologia, quasi sermo de Deo. Ergo Deus est subiectum huius scientiae.

Respondeo dicendum, quod Deus est subiectum huius scientiae. Sic enim se habet subiectum ad scientiam, sicut obiectum ad potentiam, vel habitum. Proprie autem illud assignatur obiectum alicuius potentiae, vel habitus, sub cuius ratione omnia referuntur ad potentiam, vel habitum; sicut homo, & lapis referuntur ad visum, inquantum sunt colorata: unde coloratum est proprium obiectum visus. Omnia autem pertractantur in sacra doctrina sub ratione Dei, vel quia sunt ipse Deus, vel quia habent ordinem ad Deum ut ad principium, & finem. Unde sequitur quod Deus vere sit subiectum huius scientiae. Quod etiam manifestum sit ex principiis huius scientiae, quae sunt articuli fidei, quae est de Deo. Idem autem est subiectum principiorum, & totius scientiae, cum tota scientia virtute contineatur in principiis.

Quidam vero attendentes ad ea quae in hac scientia tractantur, & non ad rationem secundum quam considerantur, assignant

(a) *Pulchra in illis.* (b) *Numquid originatus?*

gnaverunt aliter subiectum huius scientiæ, vel res, & signa, vel opera reparationis, vel totum Christum, idest caput, & membra: de omnibus enim istis tractatur in ista scientia, sed secundum ordinem ad Deum.

Ad primum ergo dicendum, quod licet de Deo non possimus scire quid est, utimur tamen eius effectu in hac doctrina, vel natura, vel gratia, loco definitionis ad ea quæ de Deo in hac doctrina considerantur; sicut & in aliquibus scientiis philosophicis demonstratur aliquid de causa per effectum, accipiendo effectum loco definitionis causæ.

Ad secundum dicendum, quod omnia alia quæ determinantur in sacra doctrina, comprehenduntur sub Deo, non ut partes, vel species, vel accidentia, sed ut ordinata aequaliter ad ipsum.

ARTICULUS VIII. 2

Utrum hac doctrina sit argumentativa.

I. prol. art. 5. & I. cont. cap. 111. & VIII. & Boet. Tri. quæst. 111. art. 7.

AD octavum sic proceditur. Videtur quod hæc doctrina sit argumentativa. Dicit enim Ambrosius in Lib. I. de Fide cathol. (cap. v. non longe a fin.) *Tolle argumenta ubi fides quaeritur.* Sed in hac doctrina præcipue fides quaeritur: unde dicitur Ioan. xx. 31. *Hæc scripta sunt ut credatis.* Ergo sacra doctrina non est argumentativa.

2. Præterea. Si sit argumentativa, aut argumentatur ex auctoritate, aut ex ratione. Si ex auctoritate, non videtur hoc congruere eius dignitati: nam *locus ab auctoritate est infirmissimus* secundum Boetium (ex comm. super Topica Cic. Lib. VI. non procul a fin.) Si etiam ex ratione, hoc non congruit eius fini: quia secundum Gregorium (homil. xxvi. in Evang. in princ.) *fides non habet meritum, ubi humana ratio præbet experimentum.* Ergo sacra doctrina non est argumentativa.

Sed contra est quod dicitur ad Tit. 1. 19. de Episcopo *amplectente eum qui secundum doctrinam est, fidelem sermonem, ut potens sit exhortari in doctrina sana, & eos qui contradicunt, arguere.*

Respondendo dicendum, quod sicut aliæ scientiæ non argumentantur ad sua principia probanda, sed ex principiis argumentantur ad ostendendum alia in ipsis scientiis; ita hæc doctrina non argumen-

tatur ad sua principia probanda, quæ sunt articuli fidei; sed ex eis procedit ad aliquid ostendendum, sicut Apostolus I. ad Cor. xv. ex resurrectione Christi argumentatur ad resurrectionem communem probandam. Sed tamen considerandum est in scientiis philosophicis, quod inferiores scientiæ nec probant sua principia, nec contra negantem principia disputant, sed hoc relinquunt superiori scientiæ; superna vero inter eas, scilicet Metaphysica disputat contra negantem sua principia, si adversarius aliquid concedit; si autem nihil concedit, non potest cum eo disputare, potest tamen solvere rationes ipsius. Unde sacra Scriptura, cum non habeat superiorem, disputat cum negante sua principia, argumentando quidem, si adversarius aliquid concedat eorum quæ per divinam revelationem habentur; sicut per auctoritates sacræ doctrinæ disputamus contra hæreticos, & per unum articulum contra negantes alium. Si vero adversarius nihil credat eorum quæ divinitus revelantur, non remanet amplius via ad probandum articulos fidei per rationes, sed ad solvendum rationes, si quas inducit contra fidem. Cum enim fides infallibili veritati innitatur, impossibile autem sit de vero demonstrari contrarium; manifestum est probationes, quæ contra fidem inducuntur, non esse demonstrationes, sed solubilia argumenta.

Ad primum ergo dicendum, quod licet argumenta rationis humanæ non habeant locum ad probandum quæ fidei sunt; tamen ex articulis fidei hæc doctrina ad alia argumentatur, ut dictum est (in corp. art.)

Ad secundum dicendum, quod argumentari ex auctoritate est maxime proprium huius doctrinæ, eo quod principia huius doctrinæ per revelationem habentur. Et sic oportet quod credatur auctoritati eorum quibus revelatio facta est. Nec hoc derogat dignitati huius doctrinæ: nam licet locus ab auctoritate quæ fundatur super ratione humana, sit infirmissimus; locus tamen ab auctoritate quæ fundatur super revelatione divina, est efficacissimus. Utitur tamen sacra doctrina etiam ratione humana, non quidem ad probandum fidem (quia per hoc tolleret meritum fidei) sed ad manifestandum aliqua alia quæ traduntur in hac doctrina. Cum igitur gratia non tollat naturam, sed perficiat, oportet quod naturalis ratio subserviat fidei, sicut & naturalis inclinatio voluntatis obsequitur caritati.

tati. Unde & Apostolus dicit II. ad Cor. x. 5. *In captivitate regentes omnem intellectum in obsequium Christi*. Et inde est quod etiam auctoritatibus Philosophorum sacra doctrina utitur, ubi per rationem naturalem veritatem cognoscere potuerunt, sicut Paulus A&. XVII. 28. inducit verbum Arati, dicens: *Sicut & quidam poetarum vestrorum dixerunt: Genus Dei sumus*. Sed tamen sacra doctrina huiusmodi auctoritatibus utitur quasi extraneis argumentis, & probabilibus. Auctoritatibus autem canonicæ Scripturæ utitur proprie ex necessitate arguendo; auctoritatibus autem aliorum doctorum Ecclesiæ quasi arguendo ex propriis, sed probabiliter. Innititur enim fides nostra revelationi Apostolorum, & Prophetis factæ, qui canonicos libros scripserunt, non autem revelationi, si qua fuit aliis doctoribus facta. Unde dicit Augustinus in epistola ad Hieronymum (xix. cap. 1. prop. fin.) *Solis est Scripturarum libri qui canonici appellantur, disdici hunc timorem, honoremque deferre, ut nullum auctorem eorum in scribendo crasse aliquid firmissime credam. Alios autem ita lego, ut quantalibet sanctitate, doctrinaque præpollent, non ideo verum putem, quod ipsi ita senserunt, vel scripserunt*.

ARTICULUS IX.

Utrum sacra Scriptura debeat uti metaphoris.

I. prol. artic. 5. & dist. xxxiv. quæst. III. art. 1. & 2. & III. cont. cap. cl. & Tri. art. 8. & quod. xv. quæst. 1. & opusc. lx. cap. xi. fin.

AD nonum sic proceditur. Videtur quod sacra Scriptura non debeat uti metaphoris. Illud enim quod est proprium infimæ doctrinæ, non videtur competere huic scientiæ, quæ inter alias tenet locum supremum, ut iam dictum est (art. præc.) Procedere autem per similitudines varias, & repræsentationes, est proprium Poeticæ, quæ est infima inter omnes doctrinas. Ergo huiusmodi similitudinibus uti non est conveniens huic scientiæ.

2. Præterea. Hæc doctrina videtur esse ordinata ad veritatis manifestationem; unde & manifestatoribus eius præmium promittitur Eccli. xxiv. 21. *Qui elucidant me, vitam æternam habebunt*. Sed per huiusmodi similitudines veritas occultatur. Non ergo convenit huic doctrinæ divi-

na tradere sub similitudine corporalium rerum.

3. Præterea. Quanto aliquæ creaturæ sunt sublimiores, tanto magis ad divinam similitudinem accedunt. Si igitur aliquæ ex creaturis transumerentur ad Deum, tunc oporteret talem transumptionem maxime fieri ex sublimioribus creaturis, & non ex infimis; quod tamen in Scripturis frequenter invenitur.

Sed contra est quod dicitur Ofes xii. 10. *Ego responsum multiplicavi eis, & in manibus Prophetarum assimilatus sum*. Tradere autem aliquid sub similitudine, est metaphoricum. Ergo ad sacram doctrinam pertinet uti metaphoris.

Respondendo dicendum, quod conveniens est sacre Scripturæ divina, & spiritualia sub similitudine corporalium tradere. Deus enim omnibus providet, secundum quod competit eorum naturæ. Est autem naturale homini ut per sensibilia ad intelligibilia veniat: quia omnis nostra cognitio a sensu initium habet. Unde convenienter in sacra Scriptura traduntur nobis spiritualia sub metaphoris corporalium: & hoc est quod dicit Dionysius I. cap. cælestis Hierarch. (circa med.) *Impossibile est nobis aliter lucere divinum radium, nisi varietate sacrorum velaminum circumvelatum*. Convenit etiam sacre Scripturæ, quæ communiter omnibus proponitur (secundum illud ad Rom. I. 14. *Sapientibus, & insipientibus debitor sum*) ut spiritualia sub similitudinibus corporalium proponantur, ut saltem vel sic rudes eam capiant, qui ad intelligibilia secundum se capienda non sunt idonei.

Ad primum ergo dicendum, quod (a) Poetica utitur metaphoris propter repræsentationem: repræsentatio enim naturaliter homini delectabilis est. Sed sacra doctrina utitur metaphoris propter necessitatem, & utilitatem, sicut iam dictum est (in corp. art.)

Ad secundum dicendum, quod radium divinæ revelationis non destruitur propter figuras sensibiles, quibus circumvelatur, ut dicit Dionysius (cap. II. cæl. Hierar.) sed remanet in sua veritate, ut mentes, quibus fit revelatio, non permittat in similitudinibus permanere, sed elevet eas ad cognitionem intelligibilem, & per eos quibus revelatio facta est, alii etiam circa hæc instruantur. Unde ea quæ in uno loco Scripturæ traduntur sub metaphoris, in aliis locis expressius exponuntur. Et ipsa etiam occultatio figura-

(a) Ita cit. cod. aliis adspulantibus. Al. Poeta.

rum utilis est ad exercitium studiosorum, & contra irrationes infidelium: de quibus dicitur Matth. VII. 6. *Nolite sanctum dare canibus.*

Ad tertium dicendum, quod, sicut docet Dionysius cap. 11. cælestis Hierarchiæ (non tamen remote ante med.) magis est conveniens quod divina in Scripturis tradantur sub figuris vilium corporum quam corporum nobilium. Et hoc propter tria. Primo quia propter hoc magis liberatur humanus animus ab errore. Manifestum enim apparet quod hæc secundum proprietatem non dicuntur de divinis; quod posset esse dubium, si sub figuris nobilium corporum describerentur divina, maxime apud illos qui nihil aliud a corporibus nobilibus excogitare novērunt. Secundo quia hic modus convenientior est cognitioni quam de Deo habemus in hac vita. Magis enim manifestatur nobis de ipso quid non est, quam quid est: & ideo similitudines illarum rerum quæ magis elongantur a Deo, veriorem nobis faciunt æstimationem, quod sit supra illud quod de Deo dicimus, vel cogitamus. Tercio quia per huiusmodi divina magis occultantur indignis.

ARTICULUS X.

Utrum sacra Scriptura sub una littera habeat plures sensus.

Quod VII. quæst. VI. art. 1. 2. & 3. & pot. quæst. IV. art. 1. & IV. dist. XXI. quæst. 1. art. 2. quæst. 1. ad 3. & Gal. IV. lect. VI. Corin. III.

AD decimum sic proceditur. Videtur quod sacra Scriptura sub una littera non habeat plures sensus, qui sunt historicus vel literalis, allegoricus, tropologicus sive moralis, & anagogicus. Multiplicitas enim sensuum in una scriptura parit confusionem, & deceptionem, & tollit arguendi firmitatem: unde ex multiplicitibus propositionibus non procedit argumentatio; sed secundum hoc aliquæ fallaciæ assignantur. Sacra autem Scriptura debet esse efficax ad ostendam veritatem absque omni fallacia. Ergo non debent in ea sub una littera plures sensus tradi.

2. Præterea. Augustinus dicit in Lib. de utilitate credendi (cap. 111. cir. prin.) quod Scriptura quæ testamentum vetus vocatur, quadrifariam traditur, scilicet secundum S. Th. Oper. Tom. XX.

(1) Al. textum.

historiam, secundum ætiologiam, secundum a-nalogiam, secundum allegoriam. Quæ quidem quatuor a quatuor prædictis videntur esse aliena omnino. Non igitur conveniens videtur quod eadem littera sacre Scripturæ secundum quatuor sensus prædictos exponatur.

3. Præterea. Præter prædictos sensus invenitur sensus parabolicus, qui inter illos sensus quatuor non continetur.

Sed contra est quod dicit Gregorius XX. Moral. (cap. 1. circa med.) Sacra Scriptura omnes scientias ipso locutionis sue more transcendit: quia uno eodemque sermone, dum narrat (a) gestum, prodit mysterium.

Respondeo dicendum, quod auctor sacre Scripturæ est Deus, in cuius potestate est ut non solum voces ad significandum accommodet (quod etiam homo facere potest) sed etiam res ipsas. Et ideo cum in omnibus scientiis voces significant, hoc habet proprium ista scientia quod ipsæ res significantur per voces etiam significant aliquid. Illa ergo prima significatio qua voces significant res, pertinet ad primum sensum, qui est sensus historicus, vel literalis. Illa vero significatio qua res significantur per voces, iterum res alias significant, dicitur sensus spiritualis, qui super litteralem fundatur, & eum supponit.

Hic autem sensus spiritualis trifariam dividitur. Sicut enim dicit Apostolus ad Hebr. VII. lex vetus figura est novæ legis; & ipsa nova lex, ut dicit Dionysius in eccles. Hierar. (cap. v. part. 1.) est figura futura gloriæ. In nova etiam lege ea quæ in capite sunt gesta, sunt signa eorum quæ nos agere debemus. Secundum ergo quod ea quæ sunt veteris legis, significant ea quæ sunt novæ legis, est sensus allegoricus; secundum vero quod ea quæ in Christo sunt facta, vel in iis quæ Christum significant, sunt signa eorum quæ nos agere debemus, est sensus moralis; prout vero significant ea quæ sunt in æterna gloria, est sensus anagogicus. Quia vero sensus literalis est quem auctor intendit; auctor autem sacre Scripturæ Deus est, qui omnia simul suo intellectu comprehendit; non est inconveniens, ut dicit Augustinus XII. Confess. (elicitur ex cap. XVIII. XIX. XX. XXIV. & XXXI.) si etiam secundum litteralem sensum in una littera Scripturæ plures sint sensus.

Ad primum ergo dicendum, quod multiplicitas horum sensuum non facit æqui-

B VO-

vocationem, aut aliam speciem multiplicatis: quia, sicut iam dictum est (in corp. art.) sensus isti non multiplicantur propter hoc quod una vox multa significet, sed quia ipsae res significatae per voces aliarum rerum possunt esse signa.

Et ita etiam nulla confusio sequitur in sacra Scriptura, cum omnes sensus fundentur super unum, scilicet litteralem, ex quo solo potest trahi argumentum, non autem ex iis quae secundum allegoriam dicuntur, ut dicit Augustinus in epist. cont. Vincentium Donatistam (quae est XLVIII. cir. med.) Non tamen ex hoc aliquid deperit sacrae Scripturae: quia nihil sub spirituali sensu continetur huius necessarium quod Scriptura per litteralem sensum alicubi manifeste non tradat.

Ad secundum dicendum, quod illa tria, historia, aetologia, analogia, ad unum litteralem sensum pertinent: nam historia est, ut ipse Augustinus exponit (loc. dicto in argum.) cum simpliciter aliquid proponitur; aetologia vero, cum causa dicti assignatur, sicut cum Dominus assignavit causam quare Moyses permisit licentiam repudiandi uxores, scilicet propter duritiam cordis ipsorum, Matth. XIX. Analogia vero est cum veritas unius Scripturae ostenditur veritati alterius non repugnare. Sola autem allegoria inter illa quatuor pro tribus spiritualibus sensibus ponitur, sicut & Ugo de Sancto Victore sub sensu allegorico etiam analogicum comprehendit, ponens in III. suarum Sententiarum solum tres sensus, scilicet historicum, allegoricum, & tropologicum. (Id habet in prol. Lib. I. de Sacram. cap. IV.)

Ad tertium dicendum, quod sensus parabolici sub litterali continentur: nam per voces significatur aliquid proprie, & aliquid figurative. Nec est litteralis sensus ipsa figura; sed id quod est figuratum. Non enim cum Scriptura nominat Dei brachium, est litteralis sensus quod in Deo sit membrum huiusmodi corporale; sed id quod per hoc membrum significatur, scilicet virtus operativa: in quo patet quod sensui litterali sacrae Scripturae nunquam potest subesse falsum.

QUAESTIO SECUNDA.

De Deo, an Deus sit.

Quia igitur principalis intentio huius sacrae doctrinae est Dei cognitionem

tradere, & non solum secundum quod in se est, sed etiam secundum quod est principium rerum, & huius earum, & specialiter rationalis creaturae, ut ex dictis est manifestum (artic. 7. quae. praeced.) ad huius doctrinae expositionem intendentes.

Primo tractabimus de Deo.

Secundo de motu rationalis creaturae in Deum.

Tertio de Christo, qui secundum quod homo, via est nobis tendendi in Deum.

Consideratio autem de Deo tripartita erit.

Primo considerabimus ea quae ad essentiam divinam pertinent.

Secundo ea quae pertinent ad distinctionem personarum.

Tertio ea quae pertinent ad processum creaturarum ab ipso.

Circa essentiam vero divinam

Primo considerandum est, an Deus sit.

Secundo, quomodo sit, vel potius quomodo non sit.

Tertio considerandum erit de his quae ad operationem ipsius pertinent, scilicet de scientia, & de voluntate, & potentia.

Circa primum quaeruntur tria.

Primo, utrum Deum esse sit per se notum.

Secundo, utrum sit demonstrabile.

Tertio, an Deus sit.

ARTICULUS I. 11

Utrum Deum esse sit per se notum.

I. dist. III. quae. 1. art. 2. & III. con. cap. x. & XI. & ver. quae. x. art. 12. & pot. quae. VII. art. 2. ad 11.

AD primum sic proceditur. Videtur quod Deum esse sit per se notum. Illa enim nobis dicuntur per se nota quorum cognitio nobis naturaliter inest, sicut patet de primis principiis. Sed, sicut dicit Damascenus in princ. Lib. (I. de Fide orthod. cap. 1. & III.) omnibus cognitio existendi Deum naturaliter est inserta. Ergo Deum esse est per se notum.

2. Præterea. Illa dicuntur esse per se nota quae statim cognitis terminis, cognito-

gnoseantur : quod Philosophus attribuit primis demonstrationis principiis in I. Post. (cap. 11.) Scito enim quid est totum, & quid pars, statim scitur quod omne totum maius est sua parte. Sed intellecto quid significet hoc nomen *Deus*, statim habetur, quod *Deus* est. Significatur enim hoc nomine id quo maius significari non potest : maius autem est quod est in re, & intellectu, quam quod est in intellectu tantum : unde cum intellecto hoc nomine *Deus*, statim fit in intellectu, sequitur etiam quod sit in re. Ergo *Deum* esse est per se notum.

3. Præterea. Veritatem esse est per se notum : quia qui negat veritatem esse, concedit veritatem non esse : si enim veritas non est, verum est veritatem non esse ; si autem est aliquid verum, oportet quod veritas sit. *Deus* autem est ipsa veritas : Ioan. xiv. 6. *Ego sum via veritas, & vita*. Ergo *Deum* esse est per se notum.

Sed contra. Nullus potest cogitare oppositum eius quod est per se notum, ut patet per Philosophum in IV. Metaphys. (text. 1x.) & I. Post. (text. ult. ad mod. illius, & text. v. circa fin.) circa primam demonstrationis principia. Cogitari autem potest oppositum eius quod est *Deum* esse, secundum illud Psal. lxxi. 1. *Dixit insipiens in corde suo : Non est Deus*. Ergo *Deum* esse non est per se notum.

Respondeo dicendum, quod contingit aliquid esse per se notum dupliciter. Uno modo secundum se, & non quoad nos ; alio modo secundum se, & quoad nos. Ex hoc enim aliqua propositio est per se nota, quod prædicatum includitur in ratione subiecti, ut Homo est animal : nam animal est de ratione hominis. Si igitur notum sit omnibus de prædicato, & de subiecto quid sit, propositio illa erit omnibus per se nota ; sicut patet in primis demonstrationum principiis, quorum termini sunt quedam communia, quæ nullus ignorat, ut ens, & non ens, totum, & pars, & similia. Si autem apud aliquos notum non sit de prædicato, & subiecto quid sit ; propositio quidem, quantum in se est, erit per se nota, non tamen apud illos qui prædicatum, & subiectum propositionis ignorant. Et ideo contingit, ut dicit Boetius in Lib. de hebdom. (cuius tit. est : *An omne quod est, sit bonum*, circa princip. illius) quod quædam sunt communes animi conceptiones, & per se notæ apud sapientes tantum, ut incorporalia in loco non esse. Dico ergo, quod hæc propo-

sitio, *Deus est*, quantum in se est, per se nota est : quia prædicatum est idem cum subiecto. *Deus* enim est suum esse, ut infra patebit (quaest. 111. artic. 4.) Sed quia nos non scimus de Deo quid est, non est nobis per se nota, sed indiget demonstrari per ea quæ sunt magis nota quoad nos, & minus nota quoad naturam, scilicet per effectus.

Ad primum ergo dicendum, quod cognoscere *Deum* esse in aliquo communi, sub quadam confusione est nobis naturaliter infertum, in quantum scilicet *Deus* est hominis beatitudo : homo enim naturaliter desiderat beatitudinem ; & quod naturaliter desideratur ab homine, naturaliter cognoscitur ab eodem. Sed hoc non est simpliciter cognoscere *Deum* esse, sicut cognoscere venientem, non est cognoscere Petrum, quamvis sit Petrus veniens : multi enim perfectum hominis bonum, quod est beatitudo, existimant divitias ; quidam vero voluptates ; quidam autem aliquid aliud.

Ad secundum dicendum, quod forte ille qui audit hoc nomen *Deus*, non intelligit significari aliquid, quo maius cogitari non possit, cum quidam crediderint *Deum* esse corpus. Dato etiam quod quilibet intelligat hoc nomine *Deus* significari hoc quod dicitur, scilicet illud quo maius cogitari non potest ; non tamen propter hoc sequitur quod intelligat id quod significatur per nomen, esse in rerum natura, sed in apprehensione intellectus tantum. Nec potest argui, quod sit in re, nisi daretur quod sit in re aliquid quo maius cogitari non potest : quod non est datum a ponentibus *Deum* non esse.

Ad tertium dicendum, quod veritatem esse in communi, est per se notum, sed primam veritatem esse, hoc non est per se notum quoad nos.

ARTICULUS II. 12

Utrum Deus esse sit demonstrabile.

I. cor. cap. xii. xiiii. & xiv. & per
quaest. vii. artic. 3. ad 6. & opusc.
ii. cap. 111.

AD secundum sic proceditur. Videtur quod *Deum* esse non sit demonstrabile. *Deum* enim esse est articulus fidei. Sed ea quæ sunt fidei, non sunt demonstrabilia : quia demonstratio facit scire, fides autem de non apparentibus est, ut

B 2 pa-

patet per Apostolum ad Hebræos xi. Ergo Deum esse non est demonstrabile.

2. Præterea. Medium demonstrationis est quod quid est. Sed de Deo non possumus scire quid est, sed solum quid non est, ut dicit Damascenus (Lib. I. orthod. fidei cap. 1v.) Ergo non possumus demonstrare Deum esse.

3. Præterea. Si demonstraretur Deum esse, hoc non esset nisi ex effectibus eius. Sed effectus eius non sunt proportionati ei, cum ipse sit infinitus, & effectus finiti; finiti autem ad infinitum non est proportio. Cum ergo causa non possit demonstrari per effectum sibi non proportionatum, videtur quod Deum esse non possit demonstrari.

Sed contra est quod Apostolus dicit ad Rom. 1. 20. *Invisibilia Dei, per ea quæ facta sunt, intellecta conspiciuntur.* Sed hoc non esset, nisi per ea quæ facta sunt, posset demonstrari Deum esse: primum enim quod oportet intelligi de aliquo, est, an sit.

Respondendo dicendum, quod duplex est demonstratio. Una quæ est per causam, & dicitur *propter quia*, & hæc est per priora simpliciter; alia est per effectum, & dicitur demonstratio *quia*, & hæc est per ea quæ sunt priora quoad nos. Cum enim effectus aliquis nobis est manifestior quam sua causa, per effectum procedimus ad cognitionem causæ. Ex quolibet autem effectu potest demonstrari propriam causam eius esse, si tamen eius effectus sint magis noti quoad nos: quia cum effectus dependeat a causa, posito effectu, necesse est causam præexistere. Unde Deum esse secundum quod non est per se notum quoad nos, demonstrabile est per effectus nobis notos.

Ad primum ergo dicendum, quod Deum esse, & alia huiusmodi, quæ per rationem naturalem nota possunt esse de Deo, ut dicitur Rom. 1. non sunt articuli fidei, sed præambula ad articulos. Sic enim fides præsupponit cognitionem naturalem sicut gratia naturam, & ut perfectio perfectibile; nihil tamen prohibet illud quod secundum se demonstrabile est, & scibile, ab aliquo accipi ut credibile, qui demonstrationem non capit.

Ad secundum dicendum, quod cum demonstratur causa per effectum, necesse est uti effectu loco definitionis causæ ad probandum causam esse: & hoc maxime contingit in Deo, quia ad probandum aliquid esse, necesse est accipere pro medio quid

significet nomen, non autem quod quid est, quia quæstio *quid est*, sequitur ad quæstionem *an est*. Nomina autem Dei inponuntur ab effectibus, ut postea ostenderetur (quaest. xiiii. art. 1.) unde demonstrando Deum esse per effectum, accipere possumus pro medio, quid significet hoc nomen Deus.

Ad tertium dicendum, quod per effectus non proportionatos causæ non potest perfectæ cognitio de causa haberi, sed tamen (a) ex quocumque effectu potest manifeste nobis demonstrari causam esse, ut dictum est (in corp. artic.) & sic ex effectibus Dei potest demonstrari Deum esse, licet per eos non perfecte possumus eum cognoscere secundum suam essentiam.

ARTICULUS III. 13

Utrum Deus sit.

1. dist. viii. quæst. 1. art. 1. & 1. con. cap. xiiii. & opusc. 111. cap. 111. & verit. quæst. 1. art. 3. 7. & pot. 2v. art. 7.

AD tertium sic proceditur. Videtur quod Deus non sit. Quia si unum contrariorum fuerit infinitum, totaliter destruetur aliud. Sed hoc intelligitur in hoc nomine *Deus*, scilicet quod sit quoddam bonum infinitum. Si ergo Deus esset, nullum malum inveniretur. Invenitur autem malum in mundo. Ergo Deus non est.

2. Præterea. Quod potest compleri per pauciora principia, non fit per plura. Sed videtur quod omnia quæ apparent in mundo, possunt compleri per alia principia, supposito quod Deus non sit: quia ea quæ sunt naturalia, reducuntur in principium quod est natura; ea vero quæ sunt a proposito, reducuntur in principium quod est ratio humana, vel voluntas. Nulla igitur necessitas est ponere Deum esse.

Sed contra est quod dicitur Exod. 17. 14. ex persona Dei: *Ego sum qui sum.*

Respondendo dicendum, quod Deum esse, quinque viis probari potest.

Prima autem, & manifestior via est quæ sumitur ex parte motus. Certum est enim, & sensu constat, aliqua moveri in hoc mundo. Omne autem quod movetur, ab alio movetur: nihil enim movetur nisi secundum quod est in potentia ad illud ad quod movetur; movet autem alii-

(a) Al. ex quocumque effectu manifesto nobis &c.

aliquid, secundum quod est actu : move-
re enim nihil aliud est quam educere ali-
quid de potentia in actum . De potentia
autem non potest aliquid reduci in actum
nisi per aliquod ens in actu ; sicut cali-
dum in actu , ut ignis , facit lignum ,
quod est calidum in potentia , esse actu
calidum , & per hoc movet , & alterat ip-
sum . Non autem est possibile ut idem
sit simul in actu , & potentia secundum
idem , sed solum secundum diversa : quod
enim est calidum in actu , non potest si-
mul esse calidum in potentia , sed est si-
mul frigidum in potentia . Impossibile est
ergo quod secundum idem , & eodem mo-
do aliquid sit movens , & motum , vel
quod moveat seipsum . Omne ergo quod
movetur , oportet ab alio moveri . Si er-
go id a quo movetur , moveatur , oportet
& ipsum ab alio moveri , & illud ab
alio . Hic autem non est procedere in in-
finitum , quia sic non esset aliquod pri-
mum movens , & per consequens nec ali-
quod aliud movens , quia moventia secun-
da non movent nisi per hoc quod sunt
mota a primo movente , sicut baculus
non movet , nisi per hoc quod est motus
a manu . Ergo necesse est devenire ad ali-
quod primum movens , quod a nullo mo-
vetur ; & hoc omnes intelligunt Deum .

Secunda via est ex ratione causæ effi-
cientis . Invenimus enim in istis sensibili-
bus esse ordinem causarum efficientium ;
nec tamen invenitur , nec est possibile ,
quod aliquid sit causa efficiens sui ipsius ,
quia sic esset prius se ipso , quod est im-
possibile . Non autem est possibile quod
in causis efficientibus procedatur in in-
finitum , quia in omnibus causis efficien-
tibus ordinatis primum est causa medii , &
medium est causa ultimi , sive media sint
plura , sive unum tantum . Remota au-
tem causa , removetur effectus . Ergo si
non fuerit primum in causis efficien-
tibus , non erit ultimum , nec medium .
Sed si procedatur in infinitum in causis
efficientibus , non erit prima causa effi-
ciens , & sic non erit nec effectus ulti-
mus , nec causæ efficientes mediæ : quod
patet esse falsum . Ergo est necesse pone-
re aliquam causam efficientem primam ,
quam omnes Deum nominant .

Tertia via est sumpta ex possibili , &
necessario ; quæ talis est . Invenimus eni-
m in rebus quædam quæ sunt possible
esse , & non esse , cum quædam invenian-
tur generari , & corrumpi , & per conse-
quens possible esse , & non esse . Impos-
sibile est autem omnia quæ sunt talia ,

semper esse , quia quod possibile est non
esse , quandoque non est . Si igitur omnia
sunt possible non esse , aliquando nihil
fuit in rebus . Sed si hoc est verum , et-
iam nunc nihil esset , quia quod non est ,
non incipit esse , nisi per aliquid quod
est . Si igitur nihil fuit ens , impossibile
fuit quod aliquid inciperet esse ; & sic
modo nihil esset : quod patet esse falsum .
Non ergo omnia entia sunt possible ,
sed oportet aliquid esse necessarium in re-
bus . Omne autem necessarium vel habet
causam suæ necessitatis aliunde , vel non
habet . Non est autem possibile quod pro-
cedatur in infinitum in necessariis , quæ
habent causam suæ necessitatis , sicut nec
in causis efficientibus , ut probatum est
(in isto art.) Ergo necesse est ponere ali-
quid quod sit per se necessarium , non ha-
bens causam necessitatis aliunde , sed quod
est causa necessitatis alii ; quod omnes di-
cunt Deum .

Quarta via sumitur ex gradibus qui in
rebus inveniuntur . Invenitur enim in re-
bus aliquid magis , & minus bonum , &
verum , & nobile , & sic de aliis huius-
modi . Sed magis , & minus dicuntur de
diversis , secundum quod appropinquant
diversimode ad aliquid , quod maxime est ;
sicut magis calidum est quod magis ap-
propinquat maxime calido . Est igitur ali-
quid quod est verissimum , & optimum ,
& nobilissimum , & per consequens ma-
xime ens . Nam quæ sunt maxime vera ,
sunt maxime entia , ut dicitur II. Meta-
phys. (tex. xv.) Quod autem dicitur ma-
xime tale in aliquo genere , est causa
omnium quæ sunt illius generis ; sicut ig-
nis , qui est maxime calidus , est causa
omnium calidorum , ut in eodem Libro
dicitur (tex. eod.) Ergo est aliquid quod
omnibus entibus est causa esse , & boni-
tatis , & cuiuslibet perfectionis ; & hoc
dicimus Deum .

Quinta via sumitur ex gubernatione re-
rum . Videmus enim quod aliqua quæ co-
gnitione carent , scilicet corpora natura-
lia , operantur propter finem : quod ap-
paret ex hoc quod semper , aut frequen-
tius eodem modo operantur , ut conse-
quantur id quod est optimum . Unde pa-
tet quod non a casu , sed ex intentione
perveniant ad finem . Ea autem quæ non
habent cognitionem , non tendunt in fi-
nem nisi directæ ab aliquo cognoscente ,
& intelligente , sicut sagitta a sagitante .
Ergo est aliquid intelligens , a quo omnes
res naturales ordinantur ad finem ; & hoc
dicimus Deum .

Ad

Ad primum ergo dicendum, quod, sicut dicit Augustinus in Enchirid. (cap. xi. circa princ.) *Deus, cum sit summe bonus, nullo modo fineret aliquid mali esse in operibus suis, nisi esset adeo omnipotens, & bonus, ut bene faceret etiam de malo.* Hoc ergo ad infinitam Dei bonitatem pertinet, ut esse permittat mala, & ex eis eliciat bona.

Ad secundum dicendum, quod cum natura propter determinatum finem operetur ex directione alicuius superioris agentis, necesse est ea quæ a natura fiunt, etiam in Deum reducere sicut in primam causam. Similiter etiam quæ ex proposito fiunt, oportet reducere in aliquam altiore causam, quæ non sit ratio, & voluntas humana: quia hæc mutabilia sunt, & defectibilia; oportet autem omnia mobilia, & defectiva possibilia reduci in aliquod primum principium immobile, & per se necessarium, sicut ostensum est (in corp. art.)

QUAESTIO TERTIA.

De Dei simplicitate.

in octo articulos divisa.

Cognito de aliquo an sit, inquirendum restat quomodo sit, ut sciatur de eo quid sit. Sed quia de Deo scire non possumus quid sit, sed quid non sit; non possumus considerare de Deo, quomodo sit, sed potius quomodo non sit.

Primo ergo considerandum est, quomodo non sit.

Secundo, quomodo a nobis cognoscatur.

Tertio, quomodo nominetur.

Potest autem ostendi de Deo, quomodo non sit, removendo ab eo ea quæ ei non conveniunt, utpote compositionem, motum, & alia huiusmodi.

Primo ergo inquiretur de simplicitate ipsius, per quam removetur ab eo compositio. Et quia simplicitas in rebus corporalibus sunt imperfecta, & partes;

Secundo inquiretur de perfectione ipsius.

Tertio de infinitate eius.

Quarto de immutabilitate.

Quinto de unitate.

Circa primum quaeruntur octo.

Primo, (a) utrum Deus sit corpus.

(a) *MS. Alex.* utrum Deus sit corpus quod componitur ex partibus quantitatibus.

Secundo, utrum sit in eo compositio formæ, & materiæ.

Tertio, utrum sit in eo compositio quidditatis, sive essentiae, vel naturæ, & subiecti.

Quarto, utrum sit in eo compositio quæ est ex essentia, & esse.

Quinto, utrum sit in eo compositio generis, & differentiae.

Sexto, utrum sit in eo compositio subiecti, & accidentis.

Septimo, utrum sit quocumque modo compositus, vel totaliter simplex.

Octavo, utrum veniat in compositionem cum aliis.

ARTICULUS I. 14

Utrum Deus sit corpus.

I. cont. cap. xx. & Lib. II. cap. III. princ. & Lib. IV. cap. xi. & opusc. II. cap.

XXI. & XXVII.

Ad primum sic proceditur. Videtur quod Deus sit corpus. Corpus enim est quod habet trinam dimensionem. Sed sacra Scriptura attribuit Deo trinam dimensionem: dicitur enim Iob xl. 18. *Excelsior celo est, & quid facies? profundior inferno, & unde cognosces? longior terra mensura eius, & latior mari.* Ergo Deus est corpus.

2. Præterea. Omne figuratum est corpus, cum figura sit qualitas circa quantitatem. Sed Deus videtur esse figuratus, cum scriptum sit Gen. 1. 26. *Faciamus hominem ad imaginem & similitudinem nostram:* figura enim imago dicitur, secundum illud Hebr. 1. 3. *Cum sit splendor gloriæ, & figura substantiæ eius, idest imago.* Ergo Deus est corpus.

3. Præterea. Omne quod habet partes corporeas, est corpus. Sed Scriptura attribuit Deo partes corporeas: dicitur enim Iob xl. 4. *Si habes brachium ut Deus:* & in Psal. (xxxiii. 16. & cxvii. 16.) *Oculi Domini super iustos:* & *Dextera Domini fecit virtutem.* Ergo Deus est corpus.

4. Præterea. Situs non convenit nisi corpori. Sed ea quæ ad situm pertinent, in Scripturis dicuntur de Deo: dicitur enim Isa. vi. 1. *Vidi Dominum sedentem:* & Isa. xli. 13. *Stat ad iudicandum Dominus.* Ergo Deus est corpus.

5. Præterea. Nihil potest esse terminus localis a quo, vel ad quem, nisi sit corpus,

pus, vel aliquid corporeum. Sed Deus in Scriptura dicitur esse terminus localis, ut ad quem, secundum illud Psal. (xxxiii. 26.) *Accedite ad eum, & illuminamini: & ut a quo*, secundum illud Ierem. xvi. 13. *Recedentes a te in terra scribentur*. Ergo Deus est corpus.

Sed contra est quod dicitur Ioan. iv. 44. *Spiritus est Deus*.

Respondendo dicendum absolute, Deum non esse corpus: quod tripliciter ostendi potest.

Primo quidem quia nullum corpus movetur non motum, ut patet inducendo per singula. Ostensum est autem supra (quaest. 11. art. 3.) quod Deus est primum movens immobilitate. Et manifestum est quod Deus non est corpus.

Secundo quia necesse est id quod est primum ens, esse in actu, & nullo modo in potentia. Licet enim in uno & eodem, quod exit de potentia in actum, prius sit potentia quam actus, tempore; simpliciter tamen actus prior est potentia, quia quod est in potentia, non reducit in actum nisi per ens actu. Ostensum est autem supra (quaest. praeced. art. 3.) quod Deus est primum ens. Impossibile est igitur quod in Deo sit aliquid in potentia. Omne autem corpus est in potentia, quia continuum, inquantum huiusmodi, divisible est in inanimatum. Impossibile est igitur Deum esse corpus.

Tertio quia Deus est id quod est nobilissimum in entibus, ut ex dictis patet (quaest. praec. art. 3.) Impossibile est autem aliquod corpus esse nobilissimum in entibus, quia corpus aut est vivum, aut non vivum. Corpus autem vivum, manifestum est quod est nobilior corpore non vivo. corpus autem vivum non vivit, inquantum corpus, quia sic omne corpus viveret. Oportet igitur quod vivat per aliquid aliud, sicut corpus nostrum vivit per animam. Illud autem per quod vivit corpus, est nobilior quam corpus. Impossibile est igitur Deum esse corpus.

Ad primum ergo dicendum, quod, sicut supra dictum est (quaest. 1. art. 9.) sacra Scriptura tradit nobis spiritualia, & divina sub similitudinibus corporalium: unde cum triam dimensionem Deo attribuit, sub similitudine quantitatis corporis, quantitatem virtutalem ipsius designat; utpote per profunditatem, virtutem ad cognoscendum occultis; per altitudinem, excellentiam virtutis super omnia; per longitudinem, durationem sui esse; per latitudinem, affectum dilectionis

ad omnia. Vel, ut dicit Dionysius cap. ix. de div. Nom. (parum a mod.) *per profunditatem Dei, intelligitur incomprehensibilitas ipsius essentiae; per longitudinem, processus virtutis eius omnia penetrantis; per latitudinem vero, superextensio eius ad omnia, inquantum scilicet sub eius protectione omnia continentur*.

Ad secundum dicendum, quod homo dicitur esse ad imaginem Dei, non secundum corpus, sed secundum id quo homo excelsit alia animalia: unde sequitur Genes. i. 26. postquam dictum est: *Faciamus hominem ad imaginem & similitudinem nostram: Ut praefigat pectus maris &c.* Excelsit autem homo omnia animalia quantum ad rationem, & intellectum: unde secundum intellectum, & rationem, quae sunt incorporea, homo est ad imaginem Dei.

Ad tertium dicendum, quod partes corporis attribuantur Deo in Scripturis, ratione suorum actuum secundum quamdam similitudinem; sicut actus oculi est videre, unde oculus de Deo dictus significat virtutem eius ad videndum modo intelligibili, non sensibili: & simile est de aliis partibus.

Ad quartum dicendum, quod etiam ea quae ad firmum pertinent, non attribuantur Deo nisi secundum quamdam similitudinem, sicut dicitur sedens propter suam immobilitatem, & auctoritatem, & stans propter suam fortitudinem ad debellandum omne quod adversatur.

Ad quintum dicendum, quod ad Deum non acceditur passibus corporalibus, cum ubique sit, sed affectibus mentis; & eodem modo ab eo receditur: & sic accessus, & recessus sub similitudine localis motus designant spirituales affectus.

ARTICULUS II. 15

Utrum in Deo sit compositio formae, & materiae.

I. cont. cap. xii. & xxvi. & opus. 11. cap. ix.

AD secundum sic proceditur. Videtur quod in Deo sit compositio formae, & materiae. Omne enim quod habet animam, est compositum ex materia, & forma, quia anima est forma corporis. Sed Scriptura attribuit animam Deo: introducit enim ad Hebr. x. 38. ex persona Dei: *Iustus autem meus ex fide vivit: quod subtraxeris se, non placebit anima mea*. Er-

Ergo Deus est compositus ex materia, & forma.

2. Præterea. Ira, gaudium, & huiusmodi sunt passionibus coniuncti, ut dicitur I. de Anima (text. xii. & xiv. & xv.) Sed huiusmodi attribuantur Deo in Scriptura: dicitur enim in Psalm. (cv. 40.) *Iraus furor Domini in populum suum.* Ergo Deus ex materia, & forma est compositus.

3. Præterea. Materia est principium individuationis. Sed Deus videtur esse individuum, non enim de multis prædicatur. Ergo est compositus ex materia, & forma.

Sed contra. Omne compositum ex materia, & forma est corpus: quantitas enim dimensiva est quæ primo inheret materiæ. Sed Deus non est corpus, ut ostensum est (art. præced.) Ergo Deus non est compositus ex materia, & forma.

Respondeo dicendum, quod impossibile est in Deo esse materiam.

Primo quidem quia materia est id quod est in potentia. Ostensum est autem (quæst. xi. art. 3.) quod Deus est purus actus, non habens aliquid de potentialitate. Unde impossibile est quod Deus sit compositus ex materia, & forma.

Secundo quia omne compositum ex materia, & forma est perfectum, & bonum per suam formam: unde oportet quod sit bonum per participationem, secundum quod materia participat formam. Primum autem quod est bonum, & optimum, quod Deus est, non est bonum per participationem: quia bonum per essentiam prius est bono per participationem. Unde impossibile est quod Deus sit compositus ex materia, & forma.

Tertio quia unumquodque agens agit per suam formam: unde secundum quod aliquid se habet ad suam formam, sic se habet ad hoc quod sit agens. Quod igitur primum est, & per se agens, oportet quod sit primum, & per se forma. Deus autem est primum agens, cum sit prima causa efficiens, ut ostensum est (quæst. præc. artic. 3.) Est igitur per essentiam suam forma, & non compositus ex materia, & forma.

Ad primum igitur dicendum, quod anima attribuitur Deo per similitudinem actus: quod enim volumus aliquid nobis ex anima nostra est: unde illud dicitur esse placitum animæ Dei quod est placitum voluntati ipsius.

Ad secundum dicendum, quod ira, & huiusmodi attribuantur Deo secundum si-

militudinem effectus: quia enim proprium est irati punire, eius punitio ira metaphorice vocatur.

Ad tertium dicendum, quod formæ quæ sunt receptibiles in materia, individuatur per materiam, quæ non potest esse in alio, cum sit primum subiectum subsistens: forma vero, quantum est de se, nisi aliquid aliud impediat, recipi potest a pluribus. Sed illa forma quæ non est receptibilis in materia, sed est per se subsistens, ex hoc ipso individuatur quod non potest recipi in alio: & huiusmodi forma est Deus: unde non sequitur quod habeat materiam.

ARTICULUS III. 16

Utrum sit idem Deus quod sua essentia, vel natura.

I. cont. cap. xxi. & xlv. & opusc. 11. cap. x.

Ad tertium sic proceditur. Videtur quod non sit idem Deus quod sua essentia, vel natura. Nihil enim est in se ipso. Sed essentia, vel natura Dei, quæ est Deitas, dicitur esse in Deo. Ergo videtur quod Deus non sit idem quod sua essentia, vel natura.

2. Præterea. Effectus assimilatur suæ causæ, quia omne agens agit sibi simile. Sed in rebus creatis non est idem suppositum quod sua natura: non enim idem est homo quod sua humanitas. Ergo nec Deus est idem quod sua Deitas.

Sed contra. De Deo dicitur, quod est vita, & non solum quod est vivens, ut patet Ioan. xiv. 6. *Ego sum via, veritas, & vita.* Sicut autem se habet vita ad viventem, ita Deitas ad Deum. Ergo Deus est ipsa Deitas.

Respondeo dicendum, quod Deus est idem quod sua essentia, vel natura. Ad cuius intellectum sciendum est, quod in rebus compositis ex materia, & forma necesse est quod differant natura vel essentia, & suppositum: quia essentia vel natura comprehendit in se illa tantum quæ cadunt in definitione speciei; sicut humanitas comprehendit in se ea quæ cadunt in definitione hominis: his enim homo est homo, & hoc significat humanitas, hoc scilicet quo homo est homo. Sed materia individualis cum accidentibus omnibus individuatur ipsam non cadit in definitione speciei: non enim cadunt in definitione hominis hæc carnes, & hæc ossa,

ossa, aut albedo, vel nigredo, vel aliqua huiusmodi: unde hæc carnes, & hæc ossa, & accidentia designantia hanc materiam non concluduntur in humanitate, & tamen in eo quod est homo, includuntur: unde id quod est homo, habet in se aliquid quod non habet humanitas: & propter hoc non est totaliter idem homo, & humanitas; sed humanitas significatur ut pars formalis hominis, quia principia definitiva habent se formaliter respectu materie individuantis. In his igitur quæ non sunt composita ex materia, & forma, in quibus individuatio non est per materiam individualement, id est per hanc materiam, sed ipsæ formæ per se individuantur, oportet quod ipsæ formæ sint supposita subsistentia, unde in eis non differt suppositum, & natura. Et sic cum Deus non sit compositus ex materia, & forma, ut ostensum est (art. præc.) oportet quod Deus sit sua Deitas, sua vita, & quicquid aliud sic de Deo prædicatur.

Ad primum ergo dicendum, quod de rebus simplicibus loqui non possumus, nisi per modum compositorum, a quibus cognitionem accipimus; & ideo de Deo loquentes utimur nominibus concretis, ut significemus eius subsistentiam, quia apud nos non subsistunt nisi composita; & utimur nominibus abstractis, ut significemus eius simplicitatem. Quod ergo dicitur Deitas, vel vita, vel aliquid huiusmodi esse in Deo, referendum est ad diversitatem quæ est in acceptione intellectus nostri, & non ad aliquam diversitatem rei.

Ad secundum dicendum, quod effectus Dei imitantur ipsum non perfecte, sed secundum quod possunt; & hoc ad defectum imitationis pertinet, quod id quod est simplex, & unum, non potest representari nisi per multa; & sic accidit in eis compositio, ex qua provenit quod in eis non est idem suppositum quod natura.

ARTICULUS IV.

17

Utrum in Deo sit idem essentia, & esse.

I. dist. VIII. q. 1. art. 1. & I. cons. c. XXII. & xxv. & Lib. II. cap. III. & Lib. IV. cap. II. & po. quæst. VII. art. 2. & quod. XII. quæst. XII. & opus. II. cap. XI. XII. & CIX.

AD quartum sic proceditur. Videtur quod in Deo non sit idem essentia, & esse. Si enim hoc sit, tunc ad esse divinum nihil additur. Sed esse cui nulla sit additio, est esse commune, quod de omni-

bus prædicatur. Sequitur ergo quod Deus sit ens commune prædicabile de omnibus. Hoc autem est falsum secundum illud Sap. XIV. 21. *Incommunicabile nomen illi, & lapidibus imposuerunt.* Ergo esse Dei non est eius essentia.

¶ Præterea. De Deo scire possumus an sit, ut supra dictum est (quæst. II. art. 2. ad 3.) Non autem possumus scire quid sit. Ergo non est idem esse Dei, & quod quid est eius, sive quidditas, vel natura.

Sed contra est quod Hilarius dicit in VII. de Trinit. (non longe a pr.) *Esse non est accidens in Deo, sed substantia veritas.* Id ergo quod subsistit in Deo, est suum esse.

Respondetur dicendum, quod Deus non solum est sua essentia, ut ostensum est (art. præc.) sed etiam suum esse: quod quidem multipliciter ostendi potest.

Primo quidem quia quicquid est in aliquo, quod est præter essentiam eius, oportet esse causatum vel a principiis essentiae, sicut accidentia propria consequentia speciem, ut risibile consequitur hominem, & causatur ex principiis essentialibus speciei; vel ab aliquo exteriori, sicut calor in aqua causatur ab igne. Si igitur ipsum esse rei sit aliud ab eius essentia, necesse est quod esse illius rei vel sit causatum ab aliquo exteriori, vel a principiis essentialibus eiusdem rei. Impossibile est autem quod esse sit causatum tantum ex principiis essentialibus rei, quia nulla res sufficit quod sit sibi causa efficiendi, si habeat esse causatum. Oportet ergo quod illud cuius esse est aliud ab essentia sua, habeat esse causatum ab alio. Hoc autem non potest dici de Deo, quia Deum dicimus esse primam causam efficientem. Impossibile est ergo quod in Deo sit aliud esse, & aliud eius essentia.

Secundo quia esse est actualitas omnis formæ, vel naturæ: non enim bonitas, vel humanitas significatur in actu, nisi prout significamus eam esse. Oportet igitur quod ipsum esse comparetur ad essentiam, quæ est aliud ab ipso, sicut actus ad potentiam. Cum igitur in Deo nihil sit potentiale, ut ostensum est supra (quæst. II. art. 3.) sequitur quod non sit aliud in eo essentia quam suum esse. Sna igitur essentia est suum esse.

Tertio quia sicut illud quod habet ignem, & non est ignis, est ignitum per participationem; ita illud quod habet esse, & non est esse, est ens per participationem. Deus autem est sua essentia, ut ostensum est (art. 3. huius quæst.) Si igitur

C

tur

S. Tb. Oper. Tom. XX.

tur non sit suum esse, erit ens per participationem, & non per essentiam. Non ergo erit primum ens, quod absurdum est dicere. Est igitur Deus suum esse, & non solum sua essentia.

Ad primum ergo dicendum, quod aliquid cui non sit additio, potest intelligi dupliciter. Uno modo, ut de ratione eius sit quod non fiat ei additio; sicut de ratione animalis irrationalis est ut sit sine ratione. Alio modo intelligitur aliquid, cui non sit additio, quia non est de ratione eius quod sibi fiat additio; sicut animal commune est sine ratione, quia non est de ratione animalis communis ut habeat rationem, sed nec de ratione eius est ut careat ratione. Primo igitur modo, esse sine additione est esse divinum; secundo modo esse sine additione est esse commune.

Ad secundum dicendum, quod esse dupliciter dicitur. Uno modo significat actum essendi; alio modo significat compositionem propositionis, quam anima adinvenit coniungens praedicatum subiecto. Primo igitur modo accipiendo esse, non possumus scire esse Dei, sicut nec eius essentiam, sed solum secundum modo. Scimus enim, quod haec propositio, quam formamus de Deo, cum dicimus, *Deus est*, vera est; & hoc scimus ex eius effectibus, ut supra dictum est (quaest. 11. art. 2.)

ARTICULUS V. 18

Utrum Deus sit in genere aliquo.

I. d. 8. quaest. 1v. & d. 19. quaest. 1v. a. 2. & I. contra c. 17. & 25. & po. quaest. v. 11. a. 3. & opus. 11. cap. x11.

AD quintum sic proceditur. Videtur quod Deus sit in genere aliquo. Substantia enim est ens per se subsistens. Hoc autem maxime convenit Deo. Ergo Deus est in genere substantiae.

2. Praeterea. Unumquodque mensuratur per aliquid sui generis, sicut longitudo, & numeri per numerum. Sed Deus est mensura omnium substantiarum, ut patet per Commentatorem X. Metaphysic. Ergo Deus est in genere substantiae.

Sed contra. Genus est prius secundum intellectum eo quod genere continetur. Sed nihil est prius Deo nec secundum rem, nec secundum intellectum. Ergo Deus non est in aliquo genere.

Respondetur dicendum, quod aliquid est

in genere dupliciter: uno modo simpliciter, & proprie, sicut species, quae sub genere continentur; alio modo per reductionem, sicut principia, & privationes; sicut punctus, & unitas reducuntur ad genus quantitatis sicut principia, caecitas autem, & omnis privatio reducitur ad genus sui habitus. Neutro autem modo Deus est in genere. Quod enim non possit esse species alicuius generis, tripliciter ostendi potest.

Primo quidem quia species constituitur ex genere, & differentia: semper autem id a quo sumitur differentia constituens speciem, se habet ad illud unde sumitur genus, sicut actus ad potentiam: animal enim sumitur a natura sensitiva per modum concretionis, hoc enim dicitur animal quod naturam sensitivam habet; rationale vero sumitur a natura intellectiva, quia rationale est quod naturam intellectivam habet; intellectivum autem comparatur ad sensitivum sicut actus ad potentiam: & similiter manifestum est in aliis. Unde cum in Deo non adiungatur potentia alicui, impossibile est quod sit in genere tanquam species.

Secundo quia cum esse Dei sit eius essentia, ut ostensum est (art. praec.) si Deus esset in aliquo genere, oporteret quod genus eius esset ens, nam genus significat essentiam rei, cum praedicatur in eo quod quid est. Ostendit autem Philosophus in III. Metaph. (tex. x.) quod ens non potest esse genus alicuius omne enim genus habet differentias, quae sunt extra essentiam generis; nulla autem differentia posset inveniri quae esset extra ens, quia non ens non potest esse differentia. Unde relinquitur quod Deus non sit in genere.

Tertio quia omnia quae sunt in genere uno, communicant in quidditate, vel essentia generis, quod praedicatur de eis in eo quod quid est; differunt autem secundum esse: non enim idem est esse hominis, & equi, nec huius hominis, & illius hominis; & sic oportet quod quaecumque sunt in genere, differant in eis esse, & quod quid est, id est essentia. In Deo autem non differt, ut ostensum est (artic. praec.) Unde manifestum est quod Deus non est in genere sicut species.

Ex hoc patet quod non habet genus, neque differentias, neque est definitio ipsius, neque demonstratio, nisi per effectum: quia definitio est ex genere, & differentia; demonstratio autem medium est definitio.

Quod

Quod autem Deus non sit in genere per reductionem ad principium, manifestum est ex eo quod principium, quod reducitur in aliquod genus, non se extendit ultra genus illud; sicut punctum non est principium nisi quantitatibus continetur, & unitas quantitatibus discretetur. Deus autem est principium totius esse, ut infra ostendetur (quaest. xlv. art. 1.) unde non continetur in aliquo genere sicut principium.

Ad primum ergo dicendum, quod substantiae nomen non significat hoc solum quod est per se esse, quia hoc quod est esse, non potest per se esse genus, ut ostensum est (in cor. art.) sed significat essentiam, cui competit sic esse, id est per se esse, quod tamen esse non est ipsa eius essentia; & sic patet quod Deus non est in genere substantiarum.

Ad secundum dicendum, quod obiectio illa procedit de mensura proportionata, hanc enim oportet esse homogeneam mensurato. Deus autem non est mensura proportionata alicui; dicitur tamen mensura omnium ex eo quod unumquodque tantum habet de esse, quantum ei appropinquat.

ARTICULUS VI. 19

Utrum in Deo sint aliqua accidentia.

I. dist. viii. quaest. iv. art. 3. & I. cont. cap. xxxiii. & xxxi. & po. quaest. vii. art. 4. & opus. ii. cap. xlii. xxxiii. lvi. lxi. & lxi.

AD sextum sic proceditur. Videtur quod in Deo sint aliqua accidentia. Substantia enim nulli est accidens, ut dicitur in I. Physic. (tex. xxvii. & xxx.) Quod ergo in uno est accidens, non potest in alio esse substantia; sicut probatur, quod calor non sit forma substantialis ignis, quia in aliis est accidens. Sed sapientia, virtus, & huiusmodi, quae in nobis sunt accidentia, Deo attribuantur. Ergo & in Deo sunt accidentia.

2. Præterea. In quolibet genere est unum primum. Multa autem sunt genera accidentium. Si igitur prima illorum generum non sunt in Deo, erunt multa prima extra Deum: quod est inconveniens.

Sed contra. Omne accidens in subiecto est. Deus autem non potest esse subiectum: quia forma simplex non potest esse subiectum, ut dicit Boetius in Lib. de Trinit. (ante med.) Ergo in Deo non potest esse accidens.

Respondeo dicendum, quod secundum praemissa, manifeste apparet quod in Deo accidens esse non potest.

Primo quidem quia subiectum comparatur ad accidens sicut potentia ad actum: subiectum enim secundum accidens est aliquo modo in actu; esse autem in potentia omnino remouetur a Deo, ut ex praedictis patet (quaest. ii. art. 3.)

Secundo quia Deus est suum esse, ut Boetius dicit in Lib. de Hebed. & licet id quod est, aliquid possit habere adiunctum, tamen ipsum esse nihil aliud adiunctum habere potest; sicut quod est calidum, potest habere aliquid extraneum quam calidum, ut albedinem, sed ipse calor nihil habet præter calorem.

Tertio quia omne quod est per se, prius est eo quod est per accidens. Unde cum Deus sit simpliciter primum ens, in eo non potest esse aliquid per accidens. Sed nec accidentia per se in eo esse possunt, sicut risibile est per se accidens hominis, quia huiusmodi accidentia causantur ex principiis subiecti. In Deo autem nihil potest esse causarum, cum sit causa prima. Unde relinquatur quod in Deo nullum sit accidens.

Ad primum ergo dicendum, quod virtus, & sapientia non univocè dicuntur de Deo, & de nobis, ut infra patebit (quaest. xlii. art. 5.) Unde non sequitur quod accidentia sint in Deo sicut in nobis.

Ad secundum dicendum, quod cum substantia sit prior accidentibus, principia accidentium reducuntur in principia substantiarum sicut in priora; quamvis Deus non sit primum contentum in genere substantiarum, sed primum extra omne genus respectu totius esse.

ARTICULUS VII. 20

Utrum Deus sit omnino simplex.

I. dist. viii. quaest. iv. art. 1. & I. cont. cap. xvi. xviii. & po. quaest. ii. art. 1. & opus. ii. cap. ix. & xxv. & de causis cap. xxi.

AD septimum sic proceditur. Videtur quod Deus non sit omnino simplex. Ea enim quae sunt a Deo, imitantur ipsum: unde a primo ente sunt omnia entia, & a primo bono sunt omnia bona. Sed in rebus quae sunt a Deo, nihil est omnino simplex. Ergo Deus non est omnino simplex.

2. Præterea. Omne quod est melius, Deo

C 2 atti-

attribuendum est. Sed apud nos composita sunt meliora simplicibus, sicut corpora mixta elementis, & animalia plantis. Ergo non est dicendum, quod Deus sit omnino simplex.

Sed contra est, quod Augustinus dicit VI. de Trin. (cap. vi. & vii.) quod *Deus vere, & summe simplex est*.

Respondetur dicendum, quod Deum omnino esse simplicem, multipliciter potest esse manifestum.

Primo quidem per supradicta (articulis praeced.) Cum enim in Deo non sit compositio neque quantitativarum partium, quia corpus non est; neque compositio formae, & materiae; neque in eo sit aliud natura, & suppositum; neque aliud essentia, & esse; neque in eo sit compositio generis, & differentiae; neque subiecti, & accidentis: manifestum est quod Deus nullo modo compositus est, sed est omnino simplex.

Secundo quia omne compositum est posterius suis componentibus, & dependens ex eis: Deus autem est primum ens, ut supra ostensum est (quaest. ii. art. 3.).

Tertio quia omne compositum causam habet: quae enim secundum se diversa sunt, non conveniunt in aliquod unum nisi per aliquam causam adunantem ipsa: Deus autem non habet causam, ut supra ostensum est (eodem art. nunc proxime cit. quaest.) cum sit prima causa efficiens.

Quarto quia in omni composito oportet esse potentiam, & actum; quod in Deo non est, quia vel una partium est actus respectu alterius, vel saltem omnes partes sunt sicut in potentia respectu totius.

Quinto quia omne compositum est ali- quid, quod non convenit alicui suarum partium. Et quidem in totis dissimilium partium manifestum est: nulla enim partium hominis est homo, neque aliqua partium pedis est pes. In totis vero simi- lium partium, licet aliquid quod dicitur de toto, dicatur de parte, sicut pars aeris est aer, & aquae aqua; aliquid tamen dicitur de toto quod non convenit alicui partium; non enim si tota aqua est bicu- bita, & pars eius. Sic igitur in omni composito est aliquid quod non est ipsum. Hoc autem est possibile dici de habente for- mam, quod scilicet habeat aliquid quod non est ipsum, puta in albo est aliquid quod non pertinet ad rationem albi: tamen in ipsa forma nihil est alienum. Unde cum Deus sit ipsa forma, vel potius ipsum esse, nullo modo compositus esse potest. Et hanc rationem tangit Hilarius VII. de Trinit.

dicens: *Deus, qui vivus est, ex infirmis non continetur; neque qui lux est, ex obscuris coaptatur.*

Ad primum ergo dicendum, quod ea quae sunt a Deo, imitantur Deum, sicut causata primam causam. Est autem hoc de ratione causati quod sit aliquo modo compositum, quia ad minus esse eius est aliud quam quod quid est, ut infra pate- bit (quaest. iv. art. 3. arg. 3.).

Ad secundum dicendum, quod apud nos composita sunt meliora simplicibus, quia perfectio bonitatis creaturae non invenitur in uno simplici, sed in multis; sed perfectio divinae bonitatis invenitur in uno simplici, ut infra ostendetur (quaest. iv. art. 1. & quaest. vi. art. 2.).

ARTICULUS VIII. 21

Utrum Deus in compositionem aliorum veniat.

I. dist. VIII. quaest. III. art. 2. & contr. Gen. Lib. I. cap. XVII. XXVII. XXVIII. & quaest. XXI. de verit. art. 6. & quaest. XVI. de malo art. 11. & opusc. XXI. cap. XII. XVIII. & XXIV.

AD octavum sic proceditur. Videtur quod Deus in compositionem alio- rum veniat. Dicit enim Dionysius iv. cap. caelest. Hierar. (non remote a prin- cipe) *Esse omnium est, quae super esse est Deitas*. Sed esse omnium intrat compositionem uni- versalemque. Ergo Deus in compositionem aliorum venit.

2. Praeterea. Deus est forma. Dicit enim Augustinus in Lib. de ver. Dom. (ser. xxxviii. sup. ill. In principio erat Verbum cap. 11. circ. med.) quod *Verbum Dei, quod est Deus, est forma quaedam non formata*. Sed forma est pars compositi. Ergo Deus est pars alicuius compositi.

3. Praeterea. Quaecunque sunt, & nullo modo differunt, sunt idem. Sed Deus, & materia prima sunt, & nullo modo differunt. Ergo penitus sunt idem. Sed materia prima intrat compositionem rerum. Ergo & Deus. Probatio mediae. Quaecumque differunt, aliquibus differentibus differunt, & ita oportet ea esse composita. Sed Deus, & materia prima sunt omnino simplici. Ergo nullo modo differunt.

Sed contra est quod dicit Dionysius 11. cap. de div. Nom. (parum a princ.) quod *neque tactus est eius, scilicet Dei, neque alia quaedam ad partes commiscendas commi- nis*.

Secundo. Praeterea dicitur in Libro de cau-

causis (inter op. Aristot. prop. vi.) quod causa prima regit omnes res, praeterquam commiscetur eis.

Respondendo dicendum, quod circa hoc fuerunt tres errores. Quidam enim posuerunt, quod Deus esset anima mundi, ut patet per Augustinum in Lib. VII. de civit. Dei (cap. vi.) & ad hoc etiam reductur quod quidam dixerunt, Deum esse animam primi caeli. Alii autem dixerunt, Deum esse principium formale omnium rerum; & haec dicitur fuisse opinio Almarianorum. Sed tertius error fuit David de Dinando, qui stultissime posuit, Deum esse materiam primam. Omnia enim haec manifestam continent falsitatem: neque est possibile Deum aliquo modo in compositionem alicuius venire nec sicut principium formale, nec sicut principium materiale.

Primo quidem quia supra diximus (quaest. II. art. 3.) Deum esse primam causam efficientem. Causa autem efficiens cum forma rei factae non incidit in idem numerum, sed solum in idem specie: homo enim generat hominem. Materia vero cum causa efficiens non incidit in idem numerum, nec in idem specie: quia hoc est in potentia, illud vero in actu.

Secundo quia cum Deus sit prima causa efficiens, eius est primo, & per se agere: quod autem venit in compositionem alicuius, non est primo, & per se agens, sed magis compositum: non enim manus agit, sed homo per manum, & ignis calefacit per calorem. Unde Deus non potest esse pars alicuius compositi.

Tertio quia nulla pars compositi potest esse simpliciter prima in entibus, neque etiam materia, & forma, quae sunt primae partes compositorum: nam materia est in potentia, potentia autem est posterior actu simpliciter, ut ex dictis patet (quaest. III. art. 1.) Forma autem quae est pars compositi, est forma pars cipata. Sicut autem participans est posterior eo quod est per essentiam, ita & ipsum participatum; sicut ignis in ignitis est posterior eo quod est per essentiam. Ostensum est autem (quaest. II. art. 3.) quod Deus est primum ens simpliciter.

Ad primum ergo dicendum, quod Dicitur dicitur esse omnium effective, & exemplariter, non autem per essentiam.

Ad secundum dicendum, quod verbum est forma exemplaris, non autem forma, quae est pars compositi.

Ad tertium dicendum, quod simpliciter non differunt aliquibus aliis differentiis:

hoc enim compositorum est: homo enim, & equus differunt rationali, & irrationali differentiis; quae quidem differentiae non differunt amplius ab invicem aliis differentiis: unde si fiat vis in verbo, non proprie dicuntur differre, sed diversa esse. Unde secundum Philosophum X. Metaph. (text. xxiv. & xxv.) *diversum absolute dicitur, sed omne differens aliquo deservit*. Unde si fiat vis in verbo, materia prima, & Deus non differunt, sed sunt diversa se ipsis: unde non sequitur quod sint idem.

QUAESTIO QUARTA.

De Dei perfectione,

in tres articulos divisa.

Post considerationem divinae simplicitatis, de perfectione ipsius Dei dicendum est. Et quia unumquodque, secundum quod perfectum est, sic dicitur bonum; primo agendum est de perfectione divina, secundo de eius bonitate.

Circa primum quaeruntur tria.

Primo, utrum Deus sit perfectus.

Secundo, utrum Deus sit universaliter perfectus, omnium in se perfectiones habens.

Tertio, utrum creaturae similes Deo dici possint.

ARTICULUS I. 22

Utrum Deus sit perfectus.

I. con. cap. xxviii. & ver. quaest. II. art. 3. & 13.

Ad primum sic proceditur. Videtur quod esse perfectum non conveniat Deo. Perfectum enim dicitur quasi totaliter factum. Sed Deo non convenit esse factum. Ergo nec esse perfectum.

2. Praeterea. Deus est primum rerum principium. Sed principia rerum videntur esse imperfecta: semper enim est principium animalium, & plantarum. Ergo Deus est imperfectus.

3. Praeterea. Ostensum est supra (quaest. praec. art. 4.) quod essentia Dei est ipsum esse. Sed ipsum esse videtur esse imperfectissimum, cum sit communissimum, & recipiens omnium additiones. Ergo Deus est imperfectus.

Sed

Sed contra est quod dicitur Matth. v. 48. *Estote perfecti, sicut & Pater vester celsis perfectus est.*

Respondeo dicendum, quod, sicut Philosophus narrat XII. Metaph. (text. xl.) quidam antiqui Philosophi, scilicet Pythagorici, & (a) Leucippus, non attribuerunt optimum, & perfectissimum primo principio. Cuius ratio est, quia Philosophi antiqui consideraverunt principium materiale tantum: primum autem principium materiale imperfectissimum est. Cum enim materia, in quantum huiusmodi, sit in potentia, oportet quod primum principium materiale sit maxime in potentia, & ita maxime imperfectum.

Deus autem ponitur primum principium, non materiale, sed in genere causae efficientis; & hoc oportet esse perfectissimum: sicut enim materia, in quantum huiusmodi, est in potentia; ita agens, in quantum huiusmodi, est in actu: unde primum principium activum oportet maxime esse in actu, & per consequens maxime esse perfectum: secundum hoc enim dicitur aliquid esse perfectum, secundum quod est actu: nam perfectum dicitur cui nihil deest secundum modum suae perfectionis.

Ad primum ergo dicendum, quod, sicut dicit Gregorius (V. Moral. cap. xxvi. & xxxi.) *balbutiendo, ut possumus, excelsa Dei resonamus*: quod enim factum non est, perfectum proprie dici non potest. Sed quia in his quae hunc, tunc dicitur esse aliquid perfectum, cum de potentia educitur in actum, transfunditur hoc nomen perfectum ad significandum omne illud cui non deest esse in actu, sive hoc habeat per modum perfectionis, sive non.

Ad secundum dicendum, quod principium materiale, quod apud nos imperfectum invenitur, non potest esse simpliciter primum, sed praeceditur ab alio perfecto. Nam semen, licet sit principium animalis generati ex femine, tamen habet ante se animal, vel plantam, unde deciditur. Oportet enim ante id quod est in potentia, esse aliquid actu, cum ens in potentia non reducat in actum nisi per aliquod ens in actu.

Ad tertium dicendum, quod ipsum esse est perfectissimum omnium: comparatur enim ad omnia ut actus: nihil enim habet actualitatem, nisi in quantum est: unde ipsum esse est actualitas omnium rerum, & etiam ipsarum formarum: unde non comparatur ad alia sicut recipiens ad

receptum, sed magis sicut receptum ad recipiens: cum enim dico esse hominis, vel equi, vel cuiuscumque alterius, ipsum esse consideratur ut formale, & receptum, non autem ut illud cui competere esse.

ARTICULUS II. 23

Utrum in Deo sint perfectiones omnium rerum.

III. diff. 11. art. 2. & 3. & I. con. cap. xxviii. & xxxi. & Lib. II. cap. 11. & opus. 11. cap. xxi. xxii. xxviii. & xxxiii.

AD secundum sic proceditur. Videtur quod in Deo non sint perfectiones omnium rerum. Deus enim simplex est, ut ostensum est (quaest. praec. art. 7.) Sed perfectiones rerum sunt multae, & diversae. Ergo in Deo non sunt omnes perfectiones rerum.

2. Praeterea. Opposita non possunt esse in eodem. Sed perfectiones rerum sunt oppositae: unaquaeque enim species pertinetur per suam differentiam specificam: differentiae autem, quibus dividitur genus, & constituuntur species, sunt oppositae. Cum ergo opposita non possint simul esse in eodem, videtur quod non omnes rerum perfectiones sint in Deo.

3. Praeterea. Vivens est perfectius quam ens, & sapiens quam vivens. Ergo & vivere est perfectius quam esse, & sapere quam vivere. Sed essentia Dei est ipsum esse. Ergo non habet in se perfectionem vitae, & sapientiae, & alias huiusmodi perfectiones.

Sed contra est quod dicit Dionysius v. cap. de divin. Nomin. (parum ante med. lect. 11.) *quod Deus in una existentia omnia praebat.*

Respondeo dicendum, quod in Deo sunt perfectiones omnium rerum: unde & dicitur universaliter perfectus, quia non deest ei aliqua nobilitas quae invenitur in aliquo genere, ut dicit Commentator in V. Metaph. (text. xxi.) Et hoc quidem ex duobus considerari potest.

Primo quidem per hoc quod quidquid perfectionis est in effectu, oportet inveniri in causa effectiva vel secundum eamdem rationem, si sit agens univocum, ut homo generat hominem; vel eminentiori modo, si sit agens aequivocum, sicut in Sole est similitudo eorum quae generantur per virtutem Solis. Manifestum est enim quod effectus praexistit virtuti in

cau-

causa agente : præexistere autem in virtute causæ agentis , non est præexistere imperfectiori modo , sed perfectiori ; licet præexistere in potentia causæ materialis sit præexistere imperfectiori modo : eo quod materia , inquantum huiusmodi , est imperfecta ; agens vero , inquantum huiusmodi , est perfectum . Cum ergo Deus sit prima causa effectiva rerum , oportet omnium rerum perfectiones præexistere in Deo secundum eminentiorem modum . Et hanc rationem tangit Dionysius cap. v. de divin. Nom. (a mod. lect. 1.) dicens de Deo , quod non quidem hoc est , hoc autem non est ; sed omnia est , ut omnium causa .

Secundo vero ex hoc quod supra ostensum est (quæst. III. art. 4.) quod Deus est ipsum esse per se subsistens : ex quo oportet quod totam perfectionem essendi in se contineat . Manifestum est enim quod si aliquid calidum non habeat totam perfectionem calidi , hoc ideo est , quia calor non participatur secundum perfectam rationem ; sed , si calor esset per se subsistens , non posset ei aliquid deesse de virtute caloris . Unde cum Deus sit ipsum esse subsistens , nihil de perfectione essendi potest ei deesse . Omnium autem perfectiones pertinent ad perfectionem essendi : secundum hoc enim aliqua perfecta sunt , quod aliquo modo esse habent : unde sequitur quod nullius rei perfectio Deo desit . Et hanc etiam rationem tangit Dionysius v. cap. de div. Nom. (a mod. lect. 1.) dicens , quod Deus non quodam modo est existens ; sed simpliciter , & in circumscriptis totum in se ipso uniformiter esse præcipit : & postea subdit , quod ipse est esse subsistentibus .

Ad primum ergo dicendum , quod sicut Sol , ut dicit Dionysius v. cap. de div. Nom. (a mod. lect. 11.) sensibilibus substantiis , & qualitates multas , & differentes , ipse unus existens , & uniformiter lucendo , in se ipso uniformiter præcipit ; ita multo magis in causa omnium necesse est præexistere omnia secundum naturalem unionem : & sic quæ sunt diversa , & opposita in se ipsis , in Deo præexistunt ut unum , absque detrimento simplicitatis ipsius .

Et per hoc patet solutio ad secundum .

Ad tertium dicendum , quod , sicut in eod. cap. idem Dionysius dicit , licet ipsum esse sit perfectius quam vita , & ipsa vita quam ipsa sapientia , si considerentur , secundum quod distinguuntur ratione ; tamen vivens est (a) perfectius

quam ens tantum : quia vivens etiam est ens , & sapiens est ens , & vivens . Licet igitur ens non includat in se vivens , & sapiens , quia non oportet quod illud quod participat esse , participet ipsum secundum omnem modum essendi ; tamen ipsum esse Dei includit in se vitam , & sapientiam : quia nulla de perfectionibus essendi potest deesse ei quod est ipsum esse subsistens .

ARTICULUS III. 24

Utrum aliqua creatura possit esse similis Deo .

II. dist. III. quæst. 1. art. 2. & I. con. cap. XXXIX. & Lib. II. cap. 11. & ver. quæst. 11. art. 12. & pr. quæst. VII. art. 7.

AD tertium sic proceditur . Videtur quod nulla creatura possit esse similis Deo . Dicitur enim in Psalmo (lxxxv. 8.) Non est similis tui in diis , Domine . Sed inter omnes creaturas excellentiores sunt quæ dicuntur dii participative . Multo ergo minus aliæ creaturæ possunt dici Deo similes .

1. Præterea . Similitudo est comparatio quædam . Non est autem comparatio eorum quæ sunt diversorum generum . Ergo nec similitudo : non enim dicimus , quod dulcedo sit similis albedini . Sed nulla creatura est eiusdem generis cum Deo , cum Deus non sit in genere , ut supra ostensum est (quæst. III. art. 5.) Ergo nulla creatura est similis Deo .

3. Præterea . Similia dicuntur quæ conveniunt in forma . Sed nihil convenit cum Deo in forma : nullius enim essentia rei est ipsum esse , nisi solius Dei . Ergo nulla creatura potest esse similis Deo .

4. Præterea . In similibus est mutua similitudo : nam simile est simili simile . Si igitur aliqua creatura est similis Deo , & Deus erit similis alicui creaturæ : quod est contra id quod dicitur Isa. xl. 18. Cui similem fecisti Deum ?

Sed contra est quod dicitur Gen. 1. 26. Faciamus hominem ad imaginem & similitudinem nostram : & 1. Ioan. III. 2. Cum apparuerit , similes ei erimus .

Respondetur dicendum , quod cum similitudo attendatur secundum convenientiam , vel communicationem in forma , multiplex est similitudo secundum multos modos communicandi in forma . Quædam enim dicuntur similia , quæ communicant in eadem forma secundum eandem rationem ,

(a) Cód. Alex. nobilior .

nem, & secundum eundem modum : & hæc non solum dicuntur similia, sed æqualia in sua similitudine ; sicut duo æqualiter alba dicuntur similia in albedine : & hæc est perfectissima similitudo. Alio modo dicuntur similia, quæ communicant in forma secundum eandem rationem, & non secundum eundem modum, sed secundum magis & minus ; ut minus album dicitur simile magis albo : & hæc est similitudo imperfecta. Tertio modo dicuntur aliqua similia, quæ communicant in eadem forma, sed non secundum eandem rationem, ut patet in agentibus non univocis. Cum enim omne agens agat sibi simile, inquantum est agens, agit autem unumquodque secundum suam formam ; necesse est quod in effectu sit similitudo formæ agentis. Si ergo agens sit contentum in eadem specie cum suo effectu, erit similitudo inter faciens, & factum in forma, secundum eandem rationem speciei, sicut homo generat hominem. Si autem agens non sit contentum in eadem specie, erit similitudo, sed non secundum eandem rationem speciei, sicut ea quæ generantur ex virtute Solis, accedunt quidem ad aliquam similitudinem Solis, non tamen ut recipiant formam Solis secundum similitudinem speciei, sed secundum similitudinem generis. Si igitur sit aliquod agens quod non in genere contineatur, effectus eius adhuc magis remote accedet ad similitudinem formæ agentis, non tamen ita quod participet similitudinem formæ agentis secundum eandem rationem speciei, aut generis, sed secundum aliquam analogiam, sicut ipsum esse est commune omnibus. Et hoc modo illa quæ sunt a Deo, assimilantur ei, inquantum sunt entia, ut primo & universali principio totius esse.

Ad primum ergo dicendum, quod, sicut dicit Dionysius ix. cap. de div. Nom. (vers. fin. lect. 111.) cum sacra Scriptura dicat aliquid non esse simile Deo, non est contrarium assimilationis ad ipsum. *Eadem enim sunt similia Deo, & dissimilia : similia quidem, secundum quod imitantur ipsum, prout continent eum imitari, qui non perfecte imitabiles est ; dissimilia vero, secundum quod deficiunt a sua causa : non solum secundum intentionem, & remissionem, sicut minus album deficit a magis albo ; sed quia non est convenientia nec secundum speciem, nec secundum genus.*

Ad secundum dicendum, quod Deus non se habet ad creaturas sicut res diversorum generum ; sed sicut id quod est extra or-

mine genus, & principium omnium generum.

Ad tertium dicendum, quod non dicitur esse similitudo creaturæ ad Deum propter communicantiam in forma secundum eandem rationem generis, & speciei, sed secundum analogiam tantum, prout scilicet Deus est ens per essentiam, & alia per participationem.

Ad quartum dicendum, quod licet aliquo modo concedatur, quod creatura sit similis Deo, nullo tamen modo concedendum est, quod Deus sit similis creaturæ : quia, ut dicit Dionysius cap. ix. de div. Nom. (a med. lect. 111. quod dictum declaratur infra quest. xlii. artic. 1. ad 3.) in his quæ unius ordinis sunt, recipitur mutua similitudo, non autem in causa, & causato : dicimus enim, quod imago sit similis homini, & non e converso : & similiter dici potest aliquo modo, quod creatura sit similis Deo, non tamen quod Deus sit similis creaturæ.

QUAESTIO QUINTA.

De bono in communi,

in sex articulis divisa.

DEinde quaeritur de bono.
Et primo de bono in communi.
Secundo de bonitate Dei.

Circa primum quaeruntur sex.

Primo, utrum bonum, & ens sint idem secundum rem.

Secundo, supposito quod differant ratione tantum, quid sit prius secundum rationem, utrum bonum, vel ens.

Tertio, supposito quod ens sit prius, utrum omne ens sit bonum.

Quarto, ad quam causam ratio boni reducatur.

Quinto, utrum ratio boni consistat in modo, specie, & ordine.

Sexto, quomodo dividatur bonum in honestum, utile, & delectabile.

ARTICULUS I.

25

Utrum bonum differat secundum rem ab ente.

I. dist. VIII. quest. 1. art. 3. & ver. quest. XXI. art. 1.

AD primum sic proceditur. Videtur quod bonum differat secundum rem ab ente. Dicit enim Boetius in Lib. de hebdom. (circ. med.) *Intus in rebus aliud esse quod sunt bona, & aliud esse quod sunt.* Ergo bonum, & ens differunt secundum rem.

2. Præterea. Nihil informatur se ipso. Sed bonum dicitur per informationem entis, ut habetur in comm. Lib. de causis (in text. propo. XXI. & XXII.) Ergo bonum differt secundum rem ab ente.

3. Præterea. Bonum suscipit magis & minus. Esse autem non suscipit magis & minus. Ergo bonum differt secundum rem ab ente.

Sed contra est quod Augustinus dicit in Lib. de doctrina christiana (Lib. I. cap. XXXII. circa princ.) quod *inquantum sumus, boni sumus.*

Respondendo dicendum, quod bonum, & ens sunt idem secundum rem; sed differunt secundum rationem tantum: quod sic patet. Ratio enim boni in hoc consistit quod aliquid sit appetibile: unde Philosophus in I. Ethic. (in princip.) dicit, quod *bonum est quod omnia appetunt.* Manifestum est autem quod unumquodque est appetibile, secundum quod est perfectum, nam omnia appetunt suam perfectionem. In tantum est autem perfectum unumquodque, inquantum est in actu. Unde manifestum est quod in tantum est aliquid bonum, inquantum est ens: esse enim est actualitas omnis rei, ut ex superioribus patet (quest. III. art. 4. & quest. IV. art. 1. ad 3.) Unde manifestum est quod bonum, & ens sunt idem secundum rem; sed bonum dicitur rationem appetibilis, quam non dicitur ens.

Ad primum ergo dicendum, quod licet bonum, & ens sint idem secundum rem; quia tamen differunt secundum rationem, non eodem modo dicitur aliquid ens simpliciter, & bonum simpliciter. Nam cum ens dicat aliquid proprie esse in actu; actus autem proprie ordinem habeat ad potentiam: secundum hoc simpliciter aliquid dicitur ens, secundum

S. Th. Oper. Tom. XX.

quod primo discernitur ab eo quod est in potentia tantum: hoc autem est esse substantiale rei uniuscuiusque: unde per suum esse substantiale dicitur unumquodque ens simpliciter; per actus autem superadditos dicitur aliquid esse secundum quid, sicut esse album significat esse secundum quid. Non enim esse album aufert esse in potentia simpliciter, cum adveniat rei iam præexistenti in actu. Sed bonum dicitur rationem perfecti, quod est appetibile; & per consequens dicitur rationem ultimi: unde id quod est ultimo perfectum, dicitur bonum simpliciter; quod autem non habet ultimam perfectionem quam debet habere, quantumvis habeat aliquam perfectionem, inquantum est actu, non tamen dicitur perfectum simpliciter, nec bonum simpliciter, sed secundum quid. Sic ergo secundum primum esse, quod est substantiale, dicitur aliquid ens simpliciter, & bonum secundum quid, id est inquantum est ens; secundum vero ultimum actum dicitur aliquid ens secundum quid, & bonum simpliciter. Sic ergo quod dicit Boetius (loc. cit. in arg.) quod in rebus aliud est quod sunt bona, & aliud quod sunt, referendum est ad esse bonum simpliciter, & ad esse simpliciter: quia secundum primum actum est aliquid ens simpliciter, & secundum ultimum, bonum simpliciter; & tamen secundum primum actum est quodammodo bonum, & secundum ultimum actum est quodammodo ens.

Ad secundum dicendum, quod bonum dicitur per informationem, prout accipitur bonum simpliciter secundum ultimum actum.

Et similiter dicendum ad tertium, quod bonum dicitur secundum magis & minus, secundum actum supervenientem, puta secundum scientiam, vel virtutem.

ARTICULUS II. 26

Utrum bonum secundum rationem sit prius quam ens.

I. dist. XVIII. quest. 1. artic. 3. & III. com. cap. XX. & veris. quest. XXI. artic. 2. ad 5.

AD secundum sic proceditur. Videtur quod bonum secundum rationem sit prius quam ens. Ordo enim nominum est secundum ordinem rerum si-

D

gni-

gnificatarum per nomina. Sed Dionysius inter alia nomina Dei primo ponit bonum quam ens, ut patet in III. cap. de div. Nom. (in princ. lect. 1.) Ergo bonum secundum rationem est prius quam ens.

1. Præterea. Illud est prius secundum rationem quod ad plura se extendit. Sed bonum ad plura se extendit quam ens: quia, ut dicit Dionysius V. cap. de div. Nom. (parum a princ. lect. 1.) *bonum se extendit ad existentia, & non existentia; ens vero ad existentia tantum*. Ergo bonum est prius secundum rationem quam ens.

3. Præterea. Quod est universalius, est prius secundum rationem. Sed bonum videtur universalius esse quam ens: quia bonum habet rationem appetibilis; quibusdam autem appetibile est ipsum non esse: dicitur enim Matth. XXVI. 24. de Iuda: *bonum erat ei, si natus non fuisset*. Ergo bonum est prius quam ens secundum rationem.

4. Præterea. Non solum esse est appetibile, sed & vita, & sapientia, & multa huiusmodi: & sic videtur quod esse sit quoddam particulare appetibile, & bonum universale. Bonum ergo simpliciter est prius secundum rationem quam ens.

Sed contra est quod dicitur in Lib. de causis (prop. IV.) quod *prima rerum creaturarum est esse*.

Respondendo dicendum, quod ens secundum rationem est prius quam bonum. Ratio enim significata per nomen est id quod concipit intellectus de re, & significat illud per vocem. Illud ergo est prius secundum rationem quod prius cadit in conceptione intellectus. Primo autem in conceptione intellectus cadit ens, quia secundum hoc unumquodque cognoscibile est, inquantum est actu, ut dicitur in IX. Metaphys. (text. XX.) unde ens est proprium obiectum intellectus, & sic est primum intelligibile, sicut sonus est primum audibile: ita ergo secundum rationem prius est ens quam bonum.

Ad primum ergo dicendum, quod Dionysius (cap. I. & III. de div. Nomin. lect. 1.) determinat de divinis nominibus, secundum quod important circa Deum habitudinem causæ: nominamus enim Deum, ut ipse dicit, ex creaturis, sicut causam ex effectibus. Bonum autem, cum habeat rationem appetibilis, importat habitudinem causæ finalis, cuius causalitas prima est, quia agens

non agit nisi propter finem, & ab agente materia movetur ad formam: unde dicitur, quod finis est causa causarum. Et sic in causando bonum est prius quam ens, sicut finis quam forma: & hac ratione inter nomina significantia causalitatem divinam, prius ponitur bonum quam ens. Et iterum quia secundum Platonicos, qui materiam a privatione non distinguunt, dicebant materiam esse non ens, ad plura se extendit participatio boni quam participatio entis: nam materia prima participat bonum, cum appetat ipsum: nihil autem appetit nisi simile sibi: non autem participat ens, cum ponatur non ens. Et ideo dicit Dionysius (cap. super. cit. in 2. arg.) quod *bonum extenditur ad non existentia*.

Unde patet solutio ad secundum. Vel dicendum, quod bonum extenditur ad existentia, & non existentia, non secundum prædicationem, sed secundum causalitatem: ut per non existentia intelligamus non ea simpliciter quæ penitus non sunt, sed ea quæ sunt in potentia, & non in actu: quia bonum habet rationem finis, in quo non solum quiescunt quæ sunt in actu, sed ad ipsum etiam ea moventur quæ in actu non sunt, sed in potentia tantum. Ens autem non importat habitudinem causæ nisi formalis tantum, vel inhærentis, vel exemplaris: cuius causalitas non se extendit nisi ad ea quæ sunt in actu.

Ad tertium dicendum, quod non esse secundum se non est appetibile, sed per accedens, inquantum scilicet ablatio alicuius mali est appetibilis, quod malum quidem aufertur per non esse: ablatio vero mali non est appetibilis, nisi inquantum per malum privatur quodam esse. Illud igitur quod per se est appetibile, est esse; non esse vero per accedens tantum, inquantum scilicet quoddam esse appetitur, quo homo non sufficit privari; & sic etiam per accedens non esse dicitur bonum.

Ad quartum dicendum, quod vita, & sapientia, & alia huiusmodi sic appetuntur, ut sunt in actu: unde in omnibus appetitur quoddam esse; & sic nihil est appetibile nisi ens, & per consequens nihil est bonum nisi ens.

ARTICULUS III. 27

Utrum omne ens sit bonum.

1. *cont. cap. xxxvii. xxxix. & xl. & Lib. III. cap. xx. & verit. quest. xxi. art. 2. & 3.*

AD tertium sic proceditur. Videtur quod non omne ens sit bonum. Bonum enim addit supra ens, ut ex dictis patet (art. 1. huius quest.). Ea vero quae addunt aliquid supra ens, contrahunt ipsum, sicut substantia, quantitas, qualitas, & alia huiusmodi. Ergo bonum contrahit ens: non igitur omne ens est bonum.

2. Præterea. Nullum malum est bonum. Ita v. 20. *Pe qui dicitis malum bonum, & bonum malum.* Sed aliquid ens dicitur malum. Ergo non omne ens est bonum.

3. Præterea. Bonum habet rationem appetibilis. Sed materia prima non habet rationem appetibilis, sed appetentis tantum. Ergo materia prima non habet rationem boni: non igitur omne ens est bonum.

4. Præterea. Philosophus dicit in III. *Metaphys. (text. 111.) quod in mathematicis non est bonum.* Sed mathematica sunt quaedam entia, alioquin de eis non esset scientia. Ergo non omne ens est bonum.

Sed contra. Omne ens quod non est Deus, est Dei creatura. Sed omnis creatura Dei est bona, ut dicitur I. ad Timotheum. iv. cap. Deus vero est maxime bonus. Ergo omne ens est bonum.

Respondendo dicendum, quod omne ens, inquantum est ens, est bonum.

Omne enim ens inquantum est ens est in actu, & quodammodo perfectum: quia omnis actus perfectio quaedam est: perfectum vero habet rationem appetibilis, & boni, ut ex dictis patet (art. 1. huius quest.) unde sequitur, omne ens, inquantum huiusmodi, bonum esse.

Ad primum ergo dicendum, quod substantia, quantitas, & qualitas, & ea quae sub eis continentur, contrahunt ens applicando ens ad aliquam quidditatem, seu naturam: sic autem bonum non addit aliquid super ens, sed rationem tantum appetibilis, & perfectionis, quod convenit ipsi esse in quacumque natura sit: unde bonum non contrahit ens.

Ad secundum dicendum, quod nullum ens dicitur malum, inquantum est ens, sed inquantum caret quodam esse: sicut homo dicitur malus, inquantum caret esse virtutis; & oculus dicitur malus, inquantum caret acumine visus.

Ad tertium dicendum, quod materia prima, sicut non est ens nisi in potentia, ita nec bonum nisi in potentia. Licet secundum Platonicos dici possit, quod materia prima est non ens propter privationem adiunctam; sed tamen participat aliquid de bono, scilicet ipsum ordinem, vel aptitudinem ad bonum: & ideo non convenit sibi quod sit appetibile, sed quod appetat.

Ad quartum dicendum, quod mathematica non subsistunt separata secundum esse: quia si subsisterent, esset in eis bonum, scilicet ipsum esse ipsorum: sunt autem mathematica separata secundum rationem tantum, prout (a) abstrahunt a motu, & a materia; & sic abstrahunt a ratione finis, qui habet rationem moventis. Non est autem inconveniens quod in aliquo ente secundum rationem non sit bonum, vel ratio boni, cum ratio entis sit prior quam ratio boni, sicut supra dictum est (art. præc.)

ARTICULUS IV. 28

Utrum bonum habeat rationem causae finalis.

11. *dist. xxxviii. quest. 111. & I. cont. cap. xl. fin. & Lib. III. cap. xvi. xvii. & xix. & ver. quest. xxi. art. 1. cor. & ad 1.*

AD quartum sic proceditur. Videtur quod bonum non habeat rationem causae finalis, sed magis aliarum. Ut enim dicit Dionysius iv. de divin. Nom. (par. 1. ante med. & par. iv. circa princip.) *bonum laudatur ut pulchrum.* Sed pulchrum importat rationem causae formalis. Ergo bonum habet rationem causae formalis.

2. Præterea. Bonum est diffusivum sui esse, ut ex verbis Dionysii accipitur (cap. iv. circa princ. de divin. Nomin.) quibus dicit, quod bonum est ex quo omnia subsistunt, & sunt. Sed esse diffusivum importat rationem causae efficientis. Ergo bonum habet rationem causae efficientis.

3. Præterea. Dicit Augustinus in I. de doctrina christiana (cap. xxxi. in fin.) *quod quia Deus bonus est, non sumus.* Sed

D 2 ex

(a) Al. abstrahuntur.

ex Deo fumus sicut ex causa efficiente. Ergo bonum importat rationem causae efficientis.

Sed contra est quod Philosophus dicit in II. Physic. (text. xxxi.) quod illud cuius causa (a) est, est sicut finis, & bonum alicuius. Bonum ergo habet rationem causae finalis.

Respondeo dicendum, quod cum bonum sit quod omnia appetunt; hoc autem habet rationem finis; manifestum est quod bonum rationem finis importat; sed tamen ratio boni praesupponit rationem causae efficientis, & rationem causae formalis. Videmus enim, quod id quod est primum in causando, ultimum est in causato: ignis enim (b) prius calefacit quam formam ignis inducat; cum tamen calor in igne consequatur formam substantialem. In causando autem primo invenitur bonum, & finis, qui movet efficientem: secundo actio efficientis movens ad formam: tertio advenit forma. Unde e converso esse oportet in causato, quod primum sit ipsa forma, per quam est ens: secundo consideratur in ea virtus effectiva, secundum quod est perfectum in esse, quia unumquodque tunc perfectum est quando potest sibi simile facere, ut dicit Philosophus in IV. Meteororum (& II. de Anima text. xxxiv.) tertio consequitur ratio boni, per quam in ente perfectio fundatur.

Ad primum ergo dicendum, quod pulchrum, & bonum in subiecto quidem sunt idem, quia super eandem rem fundantur, scilicet super formam; & propter hoc bonum laudatur ut pulchrum: sed ratione differunt: nam bonum proprie respicit appetitum: est enim bonum, quod omnia appetunt; & ideo habet rationem finis, nam appetitus est quasi quidam motus ad rem. Pulchrum autem respicit vim cognoscitivam. pulchra enim dicuntur, quae visa placent: unde pulchrum in debita proportionem consistit: quia sensus delectatur in rebus debite proportionatis, sicut in sibi similibus, nam & sensus ratio quaedam est; & omnis virtus cognoscitiva. Et quia cognitio fit per assimilationem, similitudo autem respicit formam: pulchrum proprie pertinet ad rationem causae formalis.

Ad secundum dicendum, quod bonum dicitur diffusivum sui esse eo modo quo finis dicitur movere.

Ad tertium dicendum, quod quilibet habens voluntatem dicitur bonus, in-

quantum habet bonam voluntatem, quia per voluntatem unum omnibus quae in nobis sunt: unde non dicitur bonus homo, quia habet bonum intellectum; sed quia habet bonam voluntatem: voluntas autem respicit finem ut obiectum proprium; & sic quod dicitur, *quia deus est bonus, nos sumus*, refertur ad causam finalem.

ARTICULUS V. 29

Utrum ratio boni consistat in modo, specie, & ordine.

1. 2. *quest. lxxxv. art. 4. cor. & ver. quest. xxi. art. 6.*

AD quintum sic proceditur. Videtur quod ratio boni non consistat in modo, specie, & ordine. Bonum enim, & ens ratione differunt, ut supra dictum est (art. 1. huius quest.). Sed modus, species, & ordo pertinet ad rationem entis videntur: quia, sicut dicitur Sap. xi. 21. *omnia in numero, pondere, & mensura dispositi*: ad quae tria reducuntur species, modus, & ordo: quia, ut dicit Augustinus IV. super Gen. ad litteras (cap. iij. in med.) *mensura omni rei modum praestit, & numerus omni rei speciem praebet, & pondus omni rem ad quaterem, & stabilitatem trahit*. Ergo ratio boni non consistit in modo, specie, & ordine.

2. Praeterea. Ipse modus, species, & ordo bona quaedam sunt. Si ergo ratio boni consistit in modo, specie, & ordine, oportet etiam, quod modus habeat modum, speciem, & ordinem, & similiter species, & ordo: ergo procederetur in infinitum.

3. Praeterea. Malum est privatio modi, speciei, & ordinis. Sed malum non tollit totaliter bonum. Ergo ratio boni non consistit in modo, specie, & ordine.

4. Praeterea. Illud in quo consistit ratio boni, non potest dici malum. Sed dicitur malus modus, mala species, malus ordo. Ergo ratio boni non consistit in modo, specie, & ordine.

5. Praeterea. Modus, species, & ordo ex pondere, numero, & mensura causantur, ut ex auctoritate Augustini inducta (in arg. primo) patet. Non autem omnia bona habent pondus, numerum, & mensuram: dicit enim Ambrosius Lib. I. Hexameron (cap. ix. post med.) *quod lucis natura est, ut non in numero, non*

(a) Supple aliquid (b) Al. primo.

in pondere, non in mensura creata sit. Non ergo ratio boni consistit in modo, specie, & ordine.

Sed contra est quod dicit Augustinus in Lib. de natura boni (cap. III. in m. 2.). *Hec tria, modus, species, & ordo, amquam generalia bona, sunt in rebus a Leo factis: & tria haec tria magna sunt, magna bona sunt; ubi parva, parva bona sunt; ubi nulla, nullum bonum est: quod non eliet, nisi ratio boni in eis consisteret. Ergo ratio boni consistit in modo, specie, & ordine.*

Respondendo dicendum, quod unumquodque dicitur bonum, in quantum est perfectum: sic enim est appetibile, ut supra ostentum est (art. 1. & 3. huius quaest.). perfectum autem dicitur cui nihil deest secundum modum suae perfectionis. Cum autem unumquodque sit id quod est per suam formam; forma autem praesupponit quendam, & quadam ad ipsam ex necessitate consequuntur, ad hoc quod aliquid sit perfectum, & bonum, necesse est quod formam habeat, & ea quae (a) praeelegantur, & ea quae consequuntur ad ipsam. Praeelegitur autem ad formam determinatio, sive commensuratio principiorum seu materialium, seu efficientium ipsam: & hoc significatur per modum: unde dicitur, quod mensura modum praefigit. Ipsa autem forma significatur per speciem, quia per formam unumquodque in specie constituitur: & propter hoc dicitur, quod numerus speciem praebet, quia definitiones significantes speciem sunt sicut numeri, secundum Philosophum in VIII. Met. (text. x.) Sicut enim unitas addita, vel subtracta variat speciem numeri; ita in definitionibus differentia appositae, vel subtractae. Ad formam autem consequitur inclinatio ad finem, aut ad actionem, aut ad aliquid huiusmodi: quia unumquodque, in quantum est actu, agit, & tendit in id quod sibi convenit secundum suam formam: & hoc pertinet ad pondus, & ordinem: unde ratio boni, secundum quod consistit in perfectione, consistit in modo, specie, & ordine.

Ad primum ergo dicendum, quod ista tria non consequuntur ens, nisi in quantum est perfectum; & secundum hoc est bonum.

Ad secundum dicendum, quod modus, species, & ordo eo modo dicuntur bona, sicut & entia, non quia ipsa sint quasi substantia, sed quia eis alia sunt & entia, & bona: unde non oportet

quod ipsa habeant aliqua alia quibus sint bona: non enim sic dicuntur bona, quasi formaliter alius sint bona, sed quia ipsis formaliter aliqua sunt bona; sicut albedo non dicitur ens, quasi ipsa aliquid sit; sed quia ipsa aliquid est secundum quid, scilicet album.

Ad tertium dicendum, quod quodlibet esse est secundum formam aliquam. unde secundum quodlibet esse rei, consequuntur ipsam modus, species, & ordo, sicut homo habet speciem, modum, & ordinem, in quantum est homo; & similiter, in quantum est abus, habet similiter modum, speciem, & ordinem; & in quantum est virtuosus, & in quantum est sciens, & secundum omnia quae de ipso dicuntur. Malum autem privat quodam esse, sicut cecitas privat esse visus: unde non tollit omnem modum, speciem, & ordinem, sed solum modum, speciem, & ordinem, quae consequuntur esse visus.

Ad quartum dicendum, quod, sicut dicit Augustinus in Libro de natura boni (cap. xxxiii.) omnis modus, in quantum modus, bonus est; & sic potest dici de specie, & ordine: sed malus modus, vel mala species, vel malus ordo autem ideo dicuntur, quia minora sunt quam esse debuerunt; aut quia non his rebus accommodantur quibus accommodanda sunt; vel ideo dicuntur mala, quia sunt aliena, & incongrua.

Ad quintum dicendum, quod natura lucis dicitur esse sine numero, & pondere, & mensura, non simpliciter, sed per comparisonem ad corporalia, quia virtus lucis ad omnia corporalia se extendit, in quantum esse qualitas activa primi corporis alterantis, scilicet caeli.

ARTICULUS VI. 30

Utrum convenienter dividatur bonum per honestum, utile, & delectabile.

Quaest. xcix. art. 5. cor. & 2. 2. quaest. xlv. art. 3. & 1. Eib. lect. v. & 11. dist. xxi. quaest. 1. art. 2. cor.

AD sextum sic proceditur. Videtur quod non convenienter dividatur bonum per honestum, utile, & delectabile. Bonum enim, sicut dicit Philosophus in I. Ethic. (cap. vi. text. 3.) dividitur per decem praedicamenta; honestum autem, utile, & delectabile inveniri possunt in uno praedicamento. Ergo non

non convenienter per hæc dividitur bonum.

2. Præterea. Omnis divisio fit per opposita. Sed hæc tria non videntur esse opposita: nam honesta sunt etiam delectabilia; nullumque inhonestum est utile; quod tamen oportet, si divisio fieret per opposita, ut opponeretur honestum, & utile, ut etiam dicit Tullius in Lib. de officiis (Lib. II. in cap. cuius tit. est. *Utilitatem hic accipi non tam quam vulgus etc.*) Ergo prædicta divisio non est convenientis.

3. Præterea. Ubi unum propter alterum, ibi unum tantum est. Sed utile non est bonum, nisi propter delectabile, vel honestum. Ergo non debet utile dividi contra delectabile, & honestum.

Sed contra est quod Ambrosius Lib. I. de offic. (cap. ix.) utitur ista divisione boni.

Respondeo dicendum, quod hæc divisio proprie videtur esse boni humani. Si tamen altius, & communius rationem boni consideremus, invenitur hæc divisio proprie competere bono, secundum quod bonum est. Nam bonum est aliquid, in quantum est appetibile, & terminus motus appetitus: cuius quidem motus terminatio considerari potest ex consideratione motus corporis naturalis. Terminatur autem motus corporis naturalis, simpliciter quidem ad ultimum, secundum quid autem etiam ad medium, per quod itur ad ultimum, quod terminatur motum; & dicitur aliquid terminus motus, in quantum aliquam partem motus terminat. Id autem quod est ultimus terminus motus, potest accipi dupliciter; vel ipsa res, in quam tenditur, utpote locus, vel forma; vel quies in re illa. Sic ergo in motu appetitus id quod est appetibile terminans motum appetitus secundum quid, ut medium, per quod tenditur in aliud, vocatur utile. Id autem quod appetitur ut ultimum terminans totaliter motum appetitus, sicut quaedam res, in quam per se appetitus tendit, vocatur honestum, quia honestum dicitur quod per se desideratur. Id autem quod terminat motum appetitus, ut quies in re desiderata, est delectabile.

Ad primum ergo dicendum, quod bonum, in quantum est idem subiecto cum ente, dividitur per decem prædicamenta; sed secundum propriam rationem competit sibi ista divisio.

Ad secundum dicendum, quod hæc divisio non est per oppositas res, sed per

oppositas rationes; dicuntur tamen illa proprie delectabilia quæ nullam habent aliam rationem appetibilitatis nisi delectationem, cum aliquando sint & noxia, & inhonesta. Utilia vero dicuntur quæ non habent in se unde desiderentur, sed desiderantur solum, ut sunt delectantia in alterum, sicut sumptio medicinarum amararum. Honestæ vero dicuntur quæ in se ipsis habent unde desiderentur.

Ad tertium dicendum, quod bonum non dividitur in ista tria, sicut univocum æqualiter de his prædicatum, sed sicut analogum, quod prædicatur secundum prius, & posterius: per prius enim prædicatur de honesto, & secundario de delectabili, tertio de utili.

QUAESTIO SEXTA.

De bonitate Dei,

in quatuor articulos divisa.

DEinde quaeritur de bonitate Dei: & circa hoc quaeruntur quatuor.

Primo, utrum esse bonum conveniat Deo.

Secundo, utrum Deus sit summum bonum.

Tertio, utrum ipse solus sit bonus per suam essentiam.

Quarto, utrum omnia sint bona bonitate divina.

ARTICULUS I. 31

Utrum esse bonum Deo conveniat.

I. cont. cap. XXXVII. 1^a ver. quæst. XXI. art. 1. ad 1.

AD primum sic proceditur. Videtur quod esse bonum non conveniat Deo. Ratio enim boni consistit in modo, specie, & ordine. Hæc autem non videntur Deo convenire, cum Deus immensus sit, & ad aliquid non ordinetur. Ergo esse bonum non convenit Deo.

2. Præterea. Bonum est quod omnia appetunt. Sed Deum non omnia appetunt, quia non omnia cognoscunt ipsum; nihil autem appetitur nisi notum. Ergo esse bonum non convenit Deo.

Sed contra est quod dicitur Thren. III. 25. *Bonus est Dominus sperantibus in eum, anima querentis illum.*

Re-

Respondeo dicendum, quod bonum esse praecipue Deo convenit. Bonum enim aliquid est, secundum quod est appetibile; unumquodque autem appetit suam perfectionem; perfectio autem, & forma effectus est quaedam similitudo agentis, cum omne agens agat sibi simile: unde ipsum agens est appetibile, & habet rationem boni. Hoc autem est quod de ipso appetitur ut eius similitudo participetur. Cum ergo Deus sit prima causa effectiva omnium, manifestum est quod sibi competit ratio boni, & appetibilis: unde Dionysius in Lib. de div. Nom. (cap. iv. lect. r.) attribuit bonum Deo sicut primae cause efficiendi, dicens, quod boni dicitur Deus, sicut ex quo omnia subsistunt.

Ad primum ergo dicendum, quod habere modum, speciem, & ordinem pertinet ad rationem boni (a) creati; sed bonum in Deo est sicut in causa: unde ad eum pertinet imponere aliis modum, speciem, & ordinem: unde ista tria sunt in Deo sicut in causa.

Ad secundum dicendum, quod omnia, appetendo proprias perfectiones, appetunt ipsum Deum, in quantum perfectiones omnium rerum sunt quaedam similitudines divini esse, ut ex dictis patet (quaest. iv. art. 3.) Et sic eorum quae Deum appetunt quaedam cognoscunt ipsum secundum se ipsum, quod est proprium creaturae rationalis; quaedam vero cognoscunt aliquas participationes suae bonitatis, quod etiam extenditur ad cognitionem sensibilem; quaedam vero appetunt naturalem habentem abique cognitione, utpote inclinata ad suos fines ab alio superiori cognoscente.

ARTICULUS II.

Utrum Deus sit summum bonum.

II. diff. 1. quaest. 11. art. 2. ad 4. & I. con. cap. xli. lxxiv. xcv. & ci. fi. & Lib. III. cap. xvii. & po. quaest. vii. art. 1. in corp. & mal. quaest. 111. art. 1. corp.

AD secundum sic proceditur. Videtur quod Deus non sit summum bonum. Summum enim bonum addit aliquid supra bonum; aliquem omni bono conveniret. Sed omne quod se habet ex additione ad aliquid, est compositum. Ergo summum bonum est compositum. Sed Deus est summe simplex, ut supra ostensum est (quaest. 111. art. 7.) Ergo Deus non est summum bonum.

2. Praeterea. Bonum est quod omnia appetunt, ut dicit Philosophus (in princ. I. Lib. Ethic.). Sed nihil aliud est quod omnia appetunt, nisi solus Deus, qui est summus omnium. Ergo nihil est aliud bonum, nisi Deus. Quod etiam videtur per id quod dicitur Luc. xviii. 19. *Nemo bonus nisi solus Deus.* Sed summum dicitur in comparatione aliorum, sicut summum calidum in comparatione ad alia calida dicitur. Ergo Deus non potest dici summum bonum.

3. Praeterea. Summum comparationem importat. Sed quae non sunt unius generis, non sunt comparabilia; sicut dulcedo inconvenienter dicitur maior, vel minor quam linea. Cum igitur Deus non sit in eodem genere cum aliis bonis, ut ex superioribus patet (quaest. 111. art. 5. & quaest. iv. art. 3. ad 3.) videtur quod Deus non possit dici summum bonum respectu eorum.

Sed contra est quod dicit Augustinus I. de Trinit. (cap. 11. circa princ.) quod *Trinitas divinarum personarum est summum bonum, quod purissimius mentibus cernitur.*

Respondeo dicendum, quod Deus est summum bonum simpliciter, & non solum in aliquo genere, vel ordine rerum. Sic enim bonum Deo attribuitur, ut dictum est (art. praec.) in quantum omnes perfectiones desideratae effluunt ab eo sicut a prima causa: non autem effluunt ab eo sicut ab agente univoce, ut ex superioribus patet (quaest. iv. art. 3.) sed sicut ab agente quod non convenit cum iis effectibus neque in ratione speciei, nec in ratione generis. Similitudo autem effectus in causa quidem univoca invenitur uniformiter; in causa autem aequivoca invenitur excellentius, sicut calor excellentiori modo est in Sole quam in igne. Sic ergo oportet quod cum bonum sit in Deo sicut in prima causa omnium non univoca, quod sit in eo excellentissimo modo; & propter hoc dicitur summum bonum.

Ad primum ergo dicendum, quod summum bonum addit supra bonum non rem aliquam absolutam, sed relationem tantum: relatio autem, qua aliquid de Deo dicitur relative ad creaturas, non est realiter in Deo, sed in creaturis, in Deo vero secundum rationem; sicut scibile relative dicitur ad scientiam, non quia ad ipsam referatur, sed quia scientia refertur ad ipsam. Et sic non oportet, quod in summo bono sit aliqua compositio, sed solum quod alia deficient ab ipso.

Ad

(a) Ali. causati.

Ad secundum dicendum, quod cum dicitur, Bonum est quod omnia appetunt, non sic intelligitur, quasi unumquodque bonum ab omnibus appetatur; sed quia quicquid appetitur, rationem boni habet. Quod autem dicitur, *Nemo bonus nisi solus Deus*, intelligitur de bono per essentiam, ut post dicatur (art. seq.)

Ad tertium dicendum, quod ea quæ non sunt in eodem genere, si quidem sint in diversis generibus contenta, nullo modo comparabilia sunt: Deus autem negatur esse in eodem genere cum aliis bonis: non quod ipse sit in quodam alio genere, sed quia ipse est extra genus, & principium omnis generis (quæst. III. art. 5.) & sic comparatur ad alia per excessum, & huiusmodi comparationem importat summum bonum.

ARTICULUS III. 33

Utrum esse bonum per essentiam sit proprium Dei.

I. con. cap. xxxix. & xl. & apusc. II. cap. cix. cx. cxi. & cxii. & ver. quæst. xxi. art. 5.

AD tertium sic proceditur. Videtur quod esse bonum per essentiam, non sit proprium Dei. Sicut enim unum convertitur cum ente, ita & bonum, ut supra habitum est (quæst. v. art. 1.) Sed omne ens est unum per suam essentiam, ut patet per Philosophum in IV. Metaph. (tex. 3.) Ergo omne ens est bonum per suam essentiam.

2. Præterea. Si bonum est quod omnia appetunt, cum ipsum esse sit desideratum ab omnibus, ipsum esse cuiuslibet rei est eius bonum. Sed quælibet res est ens per suam essentiam. Ergo quælibet res est bona per suam essentiam.

3. Præterea. Omnis res per suam bonitatem est bona. Si igitur aliqua res est quæ non sit bona per suam essentiam, oportebit quod eius bonitas non sit sua essentia. Illa ergo bonitas, cum sit ens quoddam, oportet quod sit bona; & si quidem alia bonitate, iterum de illa bonitate quæretur: aut ergo erit procedere in infinitum. Aut venire ad aliquam bonitatem quæ non erit bona per aliam bonitatem. Eadem ergo ratione standum est in primo. Res igitur quælibet est bona per suam essentiam.

Sed contra est quod dicit Boetius in Lib.

de hebdom. (cuius tit. est *An omne quod est, bonum sit*, a magistro præcipue ad finem usque) quod *alia omnia a Deo sunt bona per participatorem*. Non igitur per essentiam.

Respondeo dicendum, quod solus Deus est bonus per suam essentiam. Unumquodque enim dicitur bonum, secundum quod est perfectum. Perfectio autem alicuius rei triplex est. Prima quidem, secundum quod in suo esse constituitur; secunda vero, prout ei aliqua accidentia superadduntur ad suam perfectam operationem necessaria; tertia vero perfectio alicuius est per hoc quod aliquid aliud attingit sicut finem; utpote prima perfectio ignis consistit in esse, quod habet per suam formam substantialem; secunda vero eius perfectio consistit in caliditate, levitate, & siccitate, & huiusmodi; tertia vero perfectio eius est, secundum quod in loco suo quiescit. Hæc autem triplex perfectio nulli creato competit secundum suam essentiam, sed soli Deo, cuius solius essentia est suum esse, & cui non adveniunt aliqua accidentia; sed quæ de aliis dicuntur accidentaliter, sibi conveniunt essentialiter, ut esse potentem, sapientem, & alia huiusmodi, sicut ex dictis patet (quæst. III. art. 6.) ipse etiam ad nihil aliud ordinatur sicut ad finem, sed ipse est ultimus finis omnium rerum. Unde manifestum est quod solus Deus habet omnimodam perfectionem secundum suam essentiam; & ideo ipse solus est bonus per suam essentiam.

Ad primum ergo dicendum, quod unum non importat rationem perfectionis, (a) sed indivisionis tantum, quæ unicuique rei competit secundum suam essentiam. Simpliciter autem essentia sunt indivisæ & actus, & potentia. Compositorum vero essentia sunt indivisæ secundum actum tantum; & ideo oportet quod quælibet res sit una per suam essentiam, non autem bona, ut ostensum est (in cor. art.)

Ad secundum dicendum, quod licet unumquodque sit bonum, inquantum habet esse; tamen essentia rei creatæ non est ipsum esse; & ideo non sequitur quod res creatæ sit bona per suam essentiam.

Ad tertium dicendum, quod bonitas rei creatæ non est ipsa eius essentia, sed aliquid superadditum, vel ipsum esse eius, vel aliqua perfectio superaddita, vel ordo ad finem. Ipsa tamen bonitas sic superaddita dicitur bona, sicut & ens.

Hac

(a) *et. seu indivisionis.*

Hac autem ratione dicitur ens, quia ea est aliquid, non quia ipsa aliquo alio sit: unde hac ratione dicitur bona, quia ea est aliquid bonum, non quia ipsa habeat aliquam aliam bonitatem, qua sit bona.

ARTICULUS IV. 34

Utrum omnia sint bona bonitate divina.

- 2.2. *quaest. xxvii. art. 3. c. & I. contr. cap. xl. & xli. & ut. quaest. xxi. art. 4. & opus. lxxii. cap. vi.*

AD quartum sic proceditur. Videtur quod omnia sint bona bonitate divina. Dicit enim Augustinus VIII. de Trinit. (cap. xii. circa princ.) Bonum hoc, & bonum illud: tolle hoc, & illud, & vide ipsum bonum, si potes: ita Deum videbis, non alio bono bonum, sed bonum omnis boni. Sed unumquodque est bonum suo bono. Ergo unumquodque est bonum ipso bono, quod est Deus.

2. Praeterea. Sicut dicit Boetius Lib. de hebdom. (ante med.) omnia dicuntur bona, in quantum ordinantur ad Deum, & hoc ratione bonitatis divinae. Ergo omnia sunt bona bonitate divina.

Sed contra est quod omnia sunt bona, in quantum sunt. Sed non dicuntur omnia entia per esse divinum, sed per esse proprium. Ergo non omnia sunt bona bonitate divina, sed bonitate propria.

Respondeo dicendum, quod nihil prohibet in his quae relationem important, aliquid ab extrinseco denominari, sicut aliquid denominatur locatum a loco, & mensuratum a mensura. Circa vero ea quae absolute dicuntur, diversa sunt opinio.

Plato enim posuit omnium rerum species separatas (Lib. I. Metaph. apud Aristotelem tex. vi.) & quod ab eis individua denominantur, quasi species separatas participando, ut puta quod Socrates dicitur homo secundum ideam hominis separatam. Et sicut ponebat ideam hominis, & equi separatam, quam vocabat per se hominem, & per se equum; ita ponebat ideam entis, & ideam unius separatam, quam dicebat per se ens, & per se unum; & eius participatione unumquodque (a) dici ens, vel unum: hoc autem quod est per se ens, & per se unum, ponebat esse summum bonum; & quia bonum convertitur cum ente, sicut &

S. Th. Oper. Tom. XX.

(a) ut dicitur.

unum, ipsum per se bonum dicebat esse Deum, a quo omnia dicuntur bona per modum participationis.

Et quamvis haec opinio irrationalis videatur quantum ad hoc quod ponebat species rerum naturalium separatas per se subsistentes, ut Aristoteles multipliciter improbat (Lib. III. Met. a tex. x. usque ad finem Lib.) tamen hoc absolute verum est, quod aliquid est primum, quod per suam essentiam est ens, & bonum, quod dicimus Deum, ut ex superioribus patet (quaest. II. art. 3.) Huic etiam sententiae concordat Aristoteles. A primo igitur per suam essentiam ente, & bono unumquodque potest dici bonum, & ens, in quantum participat ipsum per modum cuiusdam assimilationis, licet remote, & efficienter, ut ex superioribus patet (quaest. IV. art. 3.)

Sic ergo unumquodque dicitur bonum bonitate divina, sicut primo principio exemplari effectivo, & finali totius bonitatis. Nihilominus tamen unumquodque dicitur bonum similitudine divinae bonitatis sibi inhaerente, quae est formaliter sua bonitas, denominans ipsum. Et sic est bonitas una omnium, & etiam multae bonitates.

Et per hoc patet responsio ad obiecta.

QUAESTIO SEPTIMA.

De infinitate Dei,

in quatuor articulis divisae.

Post considerationem divinae perfectionis, considerandum est de eius infinitate, & de existentia eius in rebus: attribuitur enim Deo, quod sit ubique, & in omnibus rebus, in quantum est incorruptibilis, & infinitus.

Circa primum quaeruntur quatuor.

Primo, utrum Deus sit infinitus.

Secundo, utrum aliquid praeter ipsum sit infinitum secundum essentiam.

Tertio, utrum aliquid possit esse infinitum secundum magnitudinem.

Quarto, utrum possit esse infinitum in rebus secundum multitudinem.

E

A R-

ARTICULUS I. 35

Utrum Deus sit infinitus.

I. diff. xlIII. quest. II. art. 1. & I. com. cap. xlIII. & per. quest. 1. art. 2. & opusc. II. art. 18. 19. & 20.

AD primum sic proceditur. Videtur enim quod Deus non sit infinitus. Omne enim infinitum est imperfectum, quia habet rationem partis, & materię, ut dicitur in III. Physic. (text. lxi.) Sed Deus est perfectissimus. Ergo non est infinitus.

2. Præterea. Secundum Philosophum in I. Physic. (text. xv.) finitum, & infinitum conveniunt quantitati. Sed in Deo non est quantitas, cum non sit corpus, ut supra ostensum est (quest. III. artic. 1.) Ergo non competit sibi esse infinitum.

3. Præterea. Quod ita est hic quod non alibi, est finitum secundum locum. Ergo quod ita est hoc quod non est aliud, est finitum secundum substantiam. Sed Deus est hoc, & non est aliud: non enim est lapis, nec lignum. Ergo Deus non est infinitus secundum substantiam.

Sed contra est quod dicit Damascenus (Lib. I. orthod. Fidei cap. iv.) quod *Deus est infinitus, & æternus, & incorruptibilis*.

Respondeo dicendum, quod omnes antiqui Philosophi attribuant infinitum primo principio, ut dicitur in III. Physic. (text. xxx.) & hoc rationabiliter, considerantes res effluere a primo principio in infinitum. Sed quia quidam erraverunt circa naturam primi principii, consequens fuit ut errarent circa infinitatem ipsius: quia enim ponebant primum principium materiam, consequenter attribuerunt primo principio infinitatem materialem, dicentes, aliquid corpus infinitum esse primum principium rerum.

Considerandum est igitur, quod infinitum dicitur aliquid ex eo quod non est finitum: finitur autem quodammodo & materia per formam, & forma per materiam. Materia quidem per formam, inquantum materia, antequam recipiat formam, est in potentia ad multas formas, sed tunc recipit unam, terminatur per illam. Forma vero finitur per materiam, inquantum forma in se considerata communis est ad multa, sed per hoc quod recipitur in materia, fit forma de-

terminata huius rei. Materia autem pericitur per formam, per quam finitur: & ideo infinitum, secundum quod attribuitur materię, habet rationem imperfecti, est enim quasi materia non habens formam. Forma autem non pericitur per materiam, sed magis per eam eius amplitudo contrahitur: unde infinitum, secundum quod se tenet ex parte formę non determinatę per materiam, habet rationem perfecti.

Illud autem quod est maxime formale omnium, est ipsum esse, ut ex superioribus patet (quest. IV. art. 1.) Cum igitur esse divinum non sit esse receptum in aliquo, sed ipse sit suum esse subsistens, ut supra ostensum est (quest. III. artic. 4.) manifestum est quod ipse Deus sit infinitus, & perfectus.

Et per hoc patet responsio ad primum.

Ad secundum dicendum, quod terminus quantitatis est sicut forma ipsius: cuius signum est, quod figura, quę consistit in terminatione quantitatis, est quędam forma circa quantitatem. Unde infinitum, quod competit quantitati, est inanimatum quod tenet ex parte materię; & tale infinitum non attribuitur Deo, ut dictum est (in corp. artic.)

Ad tertium dicendum, quod ex hoc ipso quod esse Dei est per se subsistens non receptum in aliquo, prout dicitur infinitum, distinguitur ab omnibus aliis, & alia remouentur ab eo. Sicut si esset albedo subsistens, ex hoc ipso quod non esset in alio, differret ab omni albedine existente in subiecto.

ARTICULUS II. 36

Utrum aliquid aliud quam Deus possit esse infinitum per essentiam.

Quest. I. art. 2. ad 4. & quest. lxxxvi. art. 2. cap. & I. diff. xlIII. quest. 1. art. 2. corp. & I. Met.

AD secundum sic proceditur. Videtur enim quod aliquid aliud quam Deus possit esse infinitum per essentiam. Virtus enim rei proportionatur essentię eius. Si enim essentia Dei est infinita, oportet quod eius virtus sit infinita. Ergo potest producere effectum infinitum, cum quantitas virtutis per effectum cognoscatur.

2. Præ-

2. Præterea. Quidquid habet virtutem infinitam, habet scientiam infinitam. Sed intellectus creatus habet virtutem infinitam: apprehendit enim universale, quod se potest extendere ad infinita singularia. Ergo omnis substantia intellectualis creata est infinita.

3. Præterea. Materia prima aliud est a Deo, ut supra ostensum est (quæst. III. art. 2. & 8. ad 3.) Sed materia prima est infinita. Ergo aliquid aliud præter Deum potest esse infinitum.

Sed contra est quod infinitum non potest esse ex principio aliquo, ut dicitur in III. Phys. (text. xxx.) Omne autem quod est præter Deum, est ex Deo sicut ex primo principio. Ergo nihil quod est præter Deum, potest esse infinitum.

Respondeo dicendum, quod aliquid præter Deum potest esse infinitum secundum quid, sed non simpliciter. Si enim loquamur de infinito, secundum quod competit materię, manifestum est quod omne existens in actu habet aliquam formam, & sic materia eius est determinata per formam. Sed quia materia, secundum quod est sub una forma substantiali, remanet in potentia ad multas formas accidentales; quod est finitum simpliciter, potest esse infinitum secundum quid; ut pote lignum est finitum secundum suam formam, sed tamen est infinitum secundum quid, inquantum est in potentia ad figuras infinitas. Si autem loquamur de infinito, secundum quod convenit formę, sic manifestum est quod illa quorum formę sunt in materia, sunt simpliciter finita, & nullo modo infinita. Si autem sint aliquę formę creatę non receptę in materia, sed per se subsistentes, ut quidam de Angelis opinantur; erunt quidem infinitę secundum quid, inquantum huiusmodi formę non terminantur, neque contrahuntur per aliquam materiam. Sed quia forma creata sic subsistens habet esse, & non est suum esse, necesse est quod ipsum eius esse sit receptum, & contractum ad terminatam naturam. Unde non potest esse infinitum simpliciter.

Ad primum ergo dicendum, quod hoc est contra rationem facti, quod essentia rei sit ipsum esse eius, quia esse subsistens non est esse creatum: unde contra rationem facti est quod sit simpliciter infinitum. Sicut ergo Deus, licet habeat potentiam infinitam, non tamen potest facere aliquid non factum (hoc enim esset contradictoria esse simul); ita

non potest facere aliquid infinitum simpliciter.

Ad secundum dicendum, quod hoc ipsum quod virtus intellectus extendit se quodammodo ad infinita, procedit ex hoc quod intellectus est forma non in materia, sed vel totaliter separata, sicut sunt substantię Angelorum, vel ad minus potentia intellectiva, quę non est actus aliquis organi in anima intellectiva corpori coniuncta.

Ad tertium dicendum, quod materia prima non existit in rerum natura per se ipsam, cum non sit ens in actu, sed potentia tantum: unde magis est aliquid concretum, quam creatum. Nihilominus tamen materia prima etiam secundum potentiam non est infinita simpliciter, sed secundum quid: quia eius potentia non se extendit nisi ad formas naturales.

ARTICULUS III. 37

Utrum possit esse aliquid infinitum actu secundum magnitudinem.

Verit. quęst. II. artic. 1. & 10. & quol. IX. artic. 1. & quol. XII. artic. 3.

AD tertium sic proceditur. Videtur quod possit esse aliquid infinitum actu secundum magnitudinem. In scientiis enim mathematicis non invenitur falsum: quia *abstractum non est mendacium*, ut dicitur in II. Physic. (text. xviii.) Sed scientię mathematicę utuntur infinito secundum magnitudinem: dicit enim Geometra in suis demonstrationibus: Sit linea talis infinita. Ergo non est impossibile, aliquid esse infinitum secundum magnitudinem.

2. Præterea. Id quod non est contra rationem alicuius, non est impossibile convenire sibi. Sed esse infinitum non est contra rationem magnitudinis; sed magis finitum, & infinitum videntur esse passiones quantitatis. Ergo non est impossibile aliquam magnitudinem esse infinitam.

3. Præterea. Magnitudo divisibilis est in infinitum: sic enim definitur continuum, quod est in infinitum divisibile, ut patet in III. Physic. (text. 1.) Sed contraria nata sunt fieri circa idem. Cum ergo divisioni opponatur additio, & diminutioni augmentum, videtur quod magnitudo possit crescere in infinitum.

Ergo possibile est esse magnitudinem infinitam.

4. Præterea. Motus, & tempus habent quantitatem, & continuantem a magnitudine, super quam transit motus, ut dicitur in IV. Physic. (text. xcix.) Sed non est contra rationem temporis, & motus, quod sint infinita, cum unumquodque indivisibile signatum in tempore, & motu circulari sit principium, & finis. Ergo nec contra rationem magnitudinis erit quod sit infinita.

Sed contra. Omne corpus superficiem habet. Sed omne corpus superficiem habens est finitum, quia superficies est terminus corporis finiti. Ergo omne corpus est finitum. Et similiter potest dici de superficie, & linea. Nihil est ergo infinitum secundum magnitudinem.

Respondendo dicendum, quod aliud est esse infinitum secundum suam essentiam, & secundum magnitudinem. Dato enim quod esset aliquid corpus infinitum secundum magnitudinem, utpote ignis, vel aer, non tamen esset infinitum secundum essentiam, quia essentia sua esset terminata ad aliquam speciem per formam, & ad aliquod individuum per materiam. Et ideo habito ex præmissis, quod nulla creatura est infinita secundum essentiam, adhuc restat inquirere, utrum aliquid creatum sit infinitum secundum magnitudinem.

Sciendum est igitur, quod corpus, quod est magnitudo completa, dupliciter sumitur; scilicet mathematice, secundum quod consideratur in eo sola quantitas; & naturaliter, secundum quod consideratur in eo materia, & forma.

Et de corpore quidem naturali, quod non possit esse infinitum in actu, manifestum est. Nam omne corpus naturale aliquam formam substantialem habet determinatam. Cum igitur ad formam substantialem consequatur accidentia, necesse est quod ad determinatam formam consequatur determinata accidentia, inter quæ est quantitas. Unde omne corpus naturale (III. Physic. text. xl.) habet determinatam quantitatem & in maius, & in minus. Unde impossibile est aliquod corpus naturale infinitum esse. Hoc etiam ex motu patet: quia omne corpus naturale habet aliquem motum naturalem; corpus autem infinitum non posset habere aliquem motum naturalem: nec rectum, quia nihil movetur naturaliter motu recto, nisi cum est extra suum lo-

cum, quod corpori infinito accidere non posset, occuparet enim omnia loca, & sic indifferenter quilibet locus esset locus eius: & similiter etiam neque secundum motum circularem, quia in motu circulari oportet quod una pars corporis (I. de cæl. text. xxxv.) transferatur ad locum in quo fuit alia pars: quod in corpore circulari, si ponatur innitum, esse non posset: quia duæ lineæ protractæ a centro, quanto longius protrahuntur a centro, tanto longius distant ab invicem. Si ergo corpus esset infinitum, in infinitum lineæ distarent ab invicem, & sic una nunquam posset pervenire ad locum alterius.

De corpore etiam mathematico eadem ratio est. Quia si imaginemur corpus mathematicum existens actu, oportet quod imaginemur ipsum sub aliqua forma, quia nihil est actu nisi per suam formam: unde cum forma quanti, inquantum huiusmodi, sit figura, oportebit quod habeat aliquam figuram; & sic erit finitum, est enim figura, quæ termino, vel terminis comprehenditur.

Ad primum ergo dicendum, quod Geometria non indiget finire aliquam lineam esse infinitam actu, sed indiget accipere aliquam lineam tantam actu, & a posset subtrahi quantum necesse est, & hanc nominat lineam infinitam.

Ad secundum dicendum, quod sicut infinitum non sit contra rationem magnitudinis in communi, est tamen contra rationem cuiuslibet speciei eius, scilicet contra rationem magnitudinis bicubitæ, vel tricubitæ, sive circularis, vel triangularis, & similium. Non autem est possibile in genere esse quod in nulla specie est: unde non est possibile esse aliquam magnitudinem infinitam, cum nulla species magnitudinis sit infinita.

Ad tertium dicendum, quod infinitum quod convenit quantitati, ut dictum est (artic. 1. huius quæst. ad 2.) se tenet ex parte materie; per divisionem autem totius acceditur ad materiam, nam partes se habent in ratione materie; per additionem autem acceditur (a) ad totum, quod se habet in ratione forme: & ideo non invenitur infinitum in additione magnitudinis, sed in divisione tantum.

Ad quartum dicendum, quod motus, & tempus non sunt secundum totum in actu, sed successive: unde habent potentiam permixtam actui. Sed magnitudo

do est tota in actu : & ideo infinitum quid infinitas multitudinis , sed accidit quod convenit quantitati , & se tenet ita esse . Et hoc sic manifestari potest . It ex parte materię , repugnat totalitati magnitudinis , non autem totalitati temporis , vel motus : esse enim in potentia convenit materię .

ARTICULUS IV. 38

Utrum possit esse infinitum in rebus secundum multitudinem .

I. dist. XLIII. quæst. I. artic. 1. ad 3. & 11. dist. I. quæst. 1. artic. 3. ad 17. & veris. quæst. 11. artic. 2. ad 3. & quod. 11. art. 2. & quod. 4. artic. 1. corp. & quod. XII. artic. 2.

AD quantum sic proceditur . Videtur quod possibile sit esse multitudinem infinitam secundum actum . Non enim est impossibile , id quod est in potentia , reduci ad actum . Sed numerus est in infinitum multiplicabilis . Ergo non est impossibile esse multitudinem infinitam in actu .

2. Præterea . Cuiuslibet speciei possibile est esse aliquod individuum in actu . Sed species figuræ sunt infinitæ . Ergo possibile est esse infinitas figuras in actu .

3. Præterea . Ea quæ non opponuntur ad invicem , non impediunt se invicem . Sed posita aliqua multitudine rerum , adhuc possunt fieri alia multa , quæ eis non opponuntur . Ergo non est impossibile aliqua iterum simul esse cum eis , & sic in infinitum : ergo possibile est esse infinita in actu .

Sed contra est quod dicitur Sap. XI. 21. *Omnia in pondere , numero , & mensura desuperasti .*

Respondetur dicendum , quod circa hoc fuit duplex opinio . Quidam enim , sicut Avicenna , & Algazel , dixerunt (super III. Phys.) quod impossibile est esse multitudinem actu infinitam per se , sed infinitam per accedens multitudinem esse non est impossibile . Dicitur enim multitudo esse infinita per se , quando requiritur ad aliquid ut multitudo infinita sit ; & hoc est impossibile esse : quia sic oporteret quod aliquid dependeret ex infinito , unde eius generatio nunquam completeretur , cum non sit infinita pertransire .

Per accedens autem dicitur multitudo infinita , quando non requiritur ad ali-

quodammodo esse . Et hoc sic manifestari potest . It ex operatione fabri , ad quam quædam multitudo requiritur per se , scilicet quod sit ars in anima , & manus movens , & martellus : & si hæc in infinitum multiplicarentur , nunquam opus facile completeretur , quia dependeret ex infinito causis . Sed multitudo martellorum , quæ accidit ex hoc quod unum frangitur , & accipitur aliud , est multitudo per accedens : accidit enim , quod multis martellis operetur , & nihil differt utrum uno , vel duobus , vel pluribus operetur , vel infinitis , si infinito tempore operaretur . Per hunc igitur modum posuerunt , quod possibile est esse actu multitudinem infinitam per accedens .

Sed hoc est impossibile : quia omnem multitudinem oportet esse in aliqua specie multitudinis . Species autem multitudinis sunt secundum species numerorum . Nulla autem species numeri est infinita , quia quilibet numerus est multitudine mensurata per unum . Unde impossibile est esse multitudinem infinitam actu , sive per se , sive per accedens . Item omnis multitudo in rerum natura existens est creata , & omne creatum sub aliqua certa intentione creatis comprehenditur , non enim in vanum agens aliquid operatur . Unde necesse est quod sub certo numero omnia creata comprehendantur . Impossibile est ergo esse multitudinem infinitam in actu , etiam per accedens . Sed esse multitudinem infinitam in potentia possibile est : quia augmentum multitudinis consequitur divisionem (4) magnitudinis . Quanto enim aliquid plus dividitur , tanto plura secundum numerum resultant . Unde sicut infinitum invenitur in potentia in divisione continui , quia proceditur ad materiam , ut supra ostensum est (art. præced.) eadem ratione etiam infinitum invenitur in potentia in additione multitudinis .

Ad primum ergo dicendum , quod unumquodque quod est in potentia , reducit in actum secundum modum sui esse : dies enim non reducit in actum , ut sit tota simul , sed successive : & similiter infinitum multitudinis non reducit in actum , ut sit totum simul , sed successive : quia post quamlibet multitudinem potest sumi alia multitudo in infinitum .

Ad secundum dicendum , quod species figu-

(4) *Id. multitudinis .*

figurarum habent infinitatem ex infinitate numeri. Sunt enim species figurarum, ut trilaterum, quadrilaterum, &c. sic inde. Unde sicut multitudo infinita numerabilis non reducitur in actum, quod sit tota simul, ita nec multitudo figurarum.

Ad tertium dicendum, quod licet quibusdam politis, alia poni non sit eis oppositum, tamen infinita poni opponitur cuilibet speciei multitudinis. Unde non est possibile esse aliquam multitudinem actu infinitam.

QUAESTIO OCTAVA.

De existentia Dei in rebus,

in quatuor articulos diuisa.

Quia vero infinito convenire videtur quod ubique, & in omnibus sit, considerandum est, utrum hoc Deo conveniat: & circa hoc quaeruntur quatuor.

Primo, utrum Deus sit in omnibus rebus.

Secundo, utrum Deus sit ubique.

Tertio, utrum Deus sit ubique per essentiam, & potentiam, & praesentiam.

Quarto, utrum esse ubique sit proprium Dei.

ARTICULUS I.

Utrum Deus sit in omnibus rebus.

II. dist. xxxvii. quest. 1. art. 1. & III. contr. cap. lxxviii.

AD primum sic proceditur. Videtur quod Deus non sit in omnibus rebus. Quod enim est supra omnia, non est in omnibus rebus. Sed Deus est supra omnia, secundum illud Psal. (cxii. 4.) *Excelsus super omnes gentes Dominus &c.* Ergo Deus non est in omnibus rebus.

2. Præterea. Quod est in aliquo, continetur ab eo. Sed Deus non continetur a rebus, sed magis continet res. Ergo Deus non est in rebus, sed magis res sunt in eo. Unde Augustinus in Lib. lxxxiii. Q. dicit (quest. xx. in princ.) quod in ipso ponitur sunt omnia quam ipse alibi.

3. Præterea. Quanto aliquod agens est virtuosius, tanto ad magis distans eius

actio procedit. Sed Deus est virtuosissimus agens. Ergo eius actio pertingere potest ad ea etiam quæ ab ipso distant, nec oportet quod sit in omnibus.

4. Præterea. Dæmones res aliquæ sunt, nec tamen Deus est in dæmonibus: non enim est conventio lucis ad tenebras, ut dicitur II. ad Corinth. vi. 15. Ergo Deus non est in omnibus rebus.

Sed contra. Ubicumque operatur aliquid, ibi est. Sed Deus operatur in omnibus, secundum illud Isaie xxvi. 12. *Omnia opera nostra operatus es in nobis Domine.* Ergo Deus est in omnibus rebus.

Respondeo dicendum, quod Deus est in omnibus rebus, non quidem sicut pars essentiae, vel sicut accidens, sed sicut agens adest ei in quod agit. Oportet enim omne agens coniungi ei in quod immediate agit, & sua virtute illud contingere: unde in VII. Physic. (a text. x. usque ad xiiii. inclus.) probatur, quod motum, & movens oportet esse simul. Cum autem Deus sit ipsum esse per suam essentiam, oportet quod esse creatum sit proprius effectus eius, sicut ignis est proprius effectus ipsius ignis. Hunc autem effectum causat Deus in rebus, non solum quando primo esse incipiunt, sed quamdiu in esse conservantur, sicut lumen causatur in aere a Sole, quamdiu aer illuminatus manet. Quamdiu igitur res habet esse, tamdiu oportet quod Deus addit ei secundum modum quo esse habet. Esse autem est illud quod est magis intimum cuilibet, & quod profundius omnibus inest, cum sit formale respectu omnium quæ in re sunt, ut ex supra dictis patet (quest. vii. art. 1.) Unde oportet quod Deus sit in omnibus rebus, & intime.

Ad primum ergo dicendum, quod Deus est supra omnia per excellentiam suæ naturæ, & tamen est in omnibus rebus ut causans omnium esse, ut supra dictum est (in corp. art.)

Ad secundum dicendum, quod licet corporalia dicantur esse in aliquo sicut in continente, tamen spiritualia continent ea in quibus sunt, sicut anima continet corpus. Unde & Deus est in rebus sicut continens res; tamen per quamdam similitudinem corporalium dicuntur omnia esse in Deo, in quantum continentur ab ipso.

Ad tertium dicendum, quod nullus agens, quantumcumque virtuosus, actio procedit ad aliquid distans, nisi in quantum in illud per media agit. Hoc autem

ad

ad maximam virtutem Dei pertinet, quod immediate in omnibus agit. Unde nihil est distans ab eo, quasi in se illud Deum non habeat. Dicuntur tamen res distare a Deo per dissimilitudinem naturae, (a) vel gratiae, sicut & ipse est super omnia per excellentiam suae naturae.

Ad quartum dicendum, quod in demonibus intelligitur & natura, quae est a Deo, & deformitas culpae, quae non est ab ipso: & ideo non est absolute concedendum, quod Deus sit in demonibus, sed cum hac additione, inquantum sunt res quaedam. In rebus autem quae nominant naturam non deformatam, absolute dicendum est Deum esse.

ARTICULUS II.

40

Utrum Deus sit ubique.

1. dist. xxxviii. quest. 11. art. 1. &
3. & III. contr. cap. lxviii.

AD secundum sic proceditur. Videtur quod Deus non sit ubique. Ete enim ubique significat esse in omni loco. Sed esse in omni loco non convenit Deo, cui non convenit esse in loco: nam incorporea, ut dicit Boetius in Lib. de heb. (circa princ.) non sunt in loco. Ergo Deus non est ubique.

2. Praeterea. Sicut se habet tempus ad successiva, ita se habet locus ad permanentia. Sed unum indivisibile actionis, vel motus non potest esse in diversis temporibus. Ergo nec unum indivisibile in genere rerum permanentium potest esse in omnibus locis. Ete autem divinum non est successivum, sed permanentis. Ergo Deus non est in pluribus locis: & ita non est ubique.

3. Praeterea. Quod est totum alicubi, nihil eius est extra locum illum. Sed Deus, si est in aliquo loco, totus est ibi, non enim habet partes. Ergo nihil eius est extra locum illum: ergo Deus non est ubique.

Sed contra est quod dicitur Hierem. xxviii. 24. *Caelum, & terram ego impleo.*

Respondens dicendum, quod cum locus sit res quaedam, esse aliquid in loco potest intelligi dupliciter: vel per modum aliarum rerum, idest sicut dicitur aliquid esse in aliis rebus quocumque modo, sicut accidentia loci sunt in loco; vel

per modum proprium loci, sicut locata sunt in loco.

Utroque autem modo secundum aliquid Deus est in omni loco, quod est esse ubique. Primo quidem sic est in omnibus rebus ut dans eis esse, & virtutem, & operationem: sic enim est in omni loco ut dans eis esse, & virtutem locativam. Item locata sunt in loco, inquantum replent locum, & Deus omnem locum replet, non sicut corpus: corpus enim dicitur replere locum, inquantum non comparatur secum aliud corpus; sed per hoc quod Deus est in aliquo loco, non excluditur quin alia sint ibi; immo per hoc replet omnia loca quod dat esse omnibus locatis, quae replent omnia loca.

Ad primum ergo dicendum, quod incorporalia non sunt in loco per contactum quantitatis dimensionaliter, sicut corpora, sed per contactum virtutis.

Ad secundum dicendum, quod indivisibile est duplex. Unum, quod est terminus continuus, ut punctus in permanentibus, & momentum in successivis: & huiusmodi indivisibile in permanentibus, quia habet determinatum situm, non potest esse in pluribus partibus loci, vel in pluribus locis; & similiter indivisibile actionis, vel motus, quia habet determinatum ordinem in motu, vel actione, non potest esse in pluribus partibus temporis. Aliud autem indivisibile est quod est extra totum genus continuus; & hoc modo instantiae incorporeae, ut Deus, Angelus, & anima, dicuntur esse indivisibiles. Tale igitur indivisibile non applicatur ad continuum sicut aliquid ens, sed inquantum contingit illud sua virtute: unde secundum quod virtus sua se potest extendere ad unum, vel multa, ad parvum, vel magnum, secundum hoc est in uno, vel pluribus locis, & in loco parvo, vel magno.

Ad tertium dicendum, quod totum dicitur respectu partium. Est autem duplex pars, scilicet pars essentiae, ut forma, & materia dicuntur partes compositi, & genus, & differentia partes speciei; & etiam pars quantitatis, in quam scilicet dividitur aliqua quantitas. Quod ergo est totum in aliquo loco totalitate quantitatis, non potest esse extra locum illum, quia quantitas locati commensuratur quantitati loci; unde non est totalitas quantitatis, si non sit totalitas loci. Sed totalitas essentiae non commensuratur totalitati loci. Unde non oportet quod illud quod

(a) Edit. Rom. vel gloriæ; in margine autem al. gratiae.

quod est totum totalitate essentiae in aliquo, nullo modo sit extra illud. Sicut apparet etiam in formis accidentalibus, quae secundum accidens quantitatem habent: albedo enim est tota in qualibet parte superficies, si accipiat totalitas essentiae, quia secundum perfectum rationem suae speciei invenitur in qualibet parte superficies. Si autem accipiat totalitas secundum quantitatem quam habet per accidens, sic non est tota in qualibet parte superficies. In substantiis autem incorporeis non est totalitas nec per se, nec per accidens, nisi secundum perfectam rationem essentiae. Et ideo sicut anima est tota in qualibet parte corporis, ita Deus totus est in omnibus, & singularis.

ARTICULUS III. 41

Utrum Deus sit ubique per essentiam, praesentiam, & potentiam.

I. dist. XXXVII. quaest. 1. art. 2. & in exp. liti.

AD tertium sic proceditur. Videtur quod male assignentur modi existendi Deum in rebus, cum dicitur, quod Deus est in omnibus rebus per essentiam, potentiam, & praesentiam. Id enim per essentiam est in aliquo quod essentialiter est in eo. Deus autem non est essentialiter in rebus, non enim est de essentia alicuius rei. Ergo non debet dici, quod Deus sit in rebus per essentiam, praesentiam, & potentiam.

2. Praeterea. Hoc est esse praesentem alicui rei, scilicet non deesse illi. Sed hoc est Deum esse per essentiam in rebus, scilicet non deesse alicui rei. Ergo idem est esse Deum in omnibus per essentiam, & praesentiam. Superfluum ergo fuit dicere, quod Deus sit in rebus per essentiam, praesentiam, & potentiam.

3. Praeterea. Sicut Deus est principium omnium rerum per suam potentiam, ita per scientiam, & voluntatem. Sed non dicitur Deus esse in rebus per scientiam, & voluntatem. Ergo nec per potentiam.

4. Praeterea. Sicut gratia est quaedam perfectio superaddita substantiae rei, ita multae sunt aliae perfectiones superadditae. Si ergo Deus dicitur esse speciali modo in quibusdam per gratiam, videtur quod secundum quolibet perfectionem debeat accipi specialis modus existendi Deum in rebus.

Sed contra est quod Glossa (ordin.) dicit super Cantica Canticorum (cap. v. & desumitur ex Gregorio in Ezechiel. hom. VIII. circa med.) quod *Deus communi modo est in omnibus rebus praesentia, potentia, & substantia; tamen familiari modo dicitur esse in aliquibus per gratiam.*

Respondendo dicendum, quod Deus dicitur esse in re aliqua dupliciter: uno modo per modam causae agentis, & sic est in omnibus rebus creatis ab ipso; alio modo sicut obiectum operationis est in operante, quod proprium est in operationibus animae, secundum quod cognitum est in cognoscendo, & desideratum in desiderando. Hoc igitur secundo modo Deus specialiter est in rationali creatura, quae cognoscit, & diligit illum actu, vel habitu. Et quia hoc habet rationalis creatura per gratiam, ut infra patebit (quaest. XII. art. 4.) dicitur esse hoc modo in sanctis per gratiam.

In rebus vero aliis ab ipso creatis quomodo sit, considerandum est ex his quae in rebus humanis esse dicuntur. Rex enim dicitur esse in toto regno, scilicet per suam potentiam, licet non sit ubique praesens. Per praesentiam vero suam dicitur aliquid esse in omnibus quae in conspectu ipsius sunt; sicut omnia quae sunt in aliqua domo, dicuntur esse praesentia alicui, qui tamen non est secundum substantiam suam in qualibet parte domus. Secundum vero substantiam vel essentiam dicitur aliquid esse in loco in quo eius substantia habetur.

Fuerunt ergo aliqui, scilicet Manichaei, qui dixerunt divinae potestati subiecta spiritualia esse, & incorporalia; visibilia vero, & corporalia subiecta esse debebant potestati principii contrarii. Contra hos ergo oportet dicere, quod Deus sit in omnibus per potentiam suam.

Fuerunt vero alii, qui licet crederent omnia esse subiecta divinae potentiae, tamen providentiam divinam usque ad haec inferiora corpora non extendebant, ex quorum persona dicitur Iob xxxi. 14. *Girca cardines cali perambulat, nec nostra confiderat.* Et contra hos oportuit dicere, quod Deus sit in omnibus per suam praesentiam.

Fuerunt vero alii, qui licet dicerent omnia ad Dei providentiam pertinere, tamen posuerunt omnia non immediate esse a Deo creata, sed quod immediate creavit primas creaturas, & illae creaverunt alias. Et contra hos oportet dicere, quod sit in omnibus per essentiam.

Sic

Sic ergo est in omnibus per potentiam, inquantum omnia eius potestati subduntur: est per praesentiam in omnibus, inquantum omnia nuda sunt, & aperta oculis eius: est in omnibus per essentiam, inquantum adest omnibus ut causa essendi, sicut dictum est (art. 1. huius quaest.)

Ad primum ergo dicendum, quod Deus dicitur esse in omnibus per essentiam, non quidem rerum, quasi sit de essentia earum, sed per essentiam suam: quia substantia sua adest omnibus ut causa essendi, sicut dictum est (art. prox. cit.)

Ad secundum dicendum, quod aliquid potest dici praesens alicui, inquantum subiaceat eius conspectui, quod tamen distat ab eo secundum suam substantiam, ut dictum est (in corp. art.) & ideo oportuit duos modos poni, scilicet per essentiam, & praesentiam.

Ad tertium dicendum, quod de ratione scientiae, & voluntatis est quod scitum est in sciente, & volitum in volente. Unde secundum scientiam, & voluntatem magis res sunt in Deo quam Deus in rebus. Sed de ratione potentiae est quod sit principium agendi in aliud: unde secundum potentiam agens comparatur, & applicatur rei exteriori; & sic per potentiam potest dici agens esse in altero.

Ad quartum dicendum, quod nulla alia perfectio superaddita substantiae facit Deum esse in aliquo nisi obiectum cognitum, & amatum, nisi gratia; & ideo sola gratia facit singularem modum essendi Deum in rebus. Est autem alius singularis modus essendi Deum in homine per unionem, de quo modo suo loco agetur tertia parte (quaest. 11. art. 1.)

ARTICULUS IV. 42

Utrum esse ubique sit proprium Dei.

1. dist. XXXVII. quaest. 11. art. 3. & III. cont. cap. LXVIII. & Lib. IV. cap. XVII. & XIX. & quod. XIII. quaest. 1. art. 3.

AD quartum sic proceditur. Videtur quod esse ubique non sit proprium Dei. Universale enim secundum Philosophum (1. Post. tex. XIII.) est ubique, & semper: materia etiam prima, cum sit in omnibus corporibus, est ubique. Neutrum autem horum est Deus, ut ex praemissis patet (quaest. III. art. 1. usque ad 5. incl.) Ergo esse ubique non est proprium Dei.

S. Tb. Oper. Tm. XX.

2. Praeterea. Numerus est in numeratis. Sed totum universum est constitutum in numero, ut patet Sap. 11. Ergo aliquis numerus est qui est in toto universo, & ita ubique.

3. Praeterea. Totum universum est quoddam totum corpus perfectum, ut dicitur in 1. de cael. & mundo (tex. 4.) Sed totum universum est ubique, quia extra ipsum nullus locus est. Non ergo solus Deus est ubique.

4. Praeterea. Si aliquod corpus esset infinitum, nullus locus esset extra ipsum. Ergo esset ubique, & sic esse ubique non videtur proprium Dei.

5. Praeterea. Anima, ut dicit Augustinus in VI. de Trin. (cap. vi. non procul a fin.) *est tota in toto corpore, & tota in qualibet eius parte.* Si ergo non esset in mundo nisi unum solum animal, anima eius esset ubique: & sic esse ubique non est proprium Dei.

6. Praeterea. Ut Augustinus dicit in epist. 3. ad Volusianum (post princ.) *Anima ubi videt, ibi sentit, & ubi sentit, ibi vivit, & ubi vivit, ibi est.* Sed anima videt quasi ubique, quia successive videt etiam totum caelum. Ergo anima est ubique.

Sed contra est quod Ambrosius dicit de Spiritu sancto (Lib. I. cap. VII. circa princ.) *Quis audeat creaturam dicere Spiritum sanctum, qui in omnibus, & ubique, & semper est? quod utique Divinitatis est proprium.*

Respondendo dicendum, quod esse ubique primo, & per se, est proprium Dei. Dico autem esse ubique primo, quod secundum se totum est ubique: si quid enim esset ubique secundum diversas partes in diversis locis existens, non esset primo ubique, quia quod convenit alicui ratione partis suae, non convenit ei primo; sicut si homo est albus dentem, albedo non convenit primo homini, sed denti. Esse autem ubique per se dico id cui non convenit esse ubique per accidens, propter aliquam suppositionem factam: quia sic granum nulli esset ubique, supposito quod nullum aliud corpus esset. Per se igitur convenit esse ubique alicui, quando tale est quod, qualibet positione facta, sequitur illud esse ubique.

Et hoc proprie convenit Deo: quia quocumque loca ponantur, etiamsi ponerentur infinita praeter ista quae sunt, oporteret in omnibus esse Deum, quia nihil potest esse nisi per ipsum. Sic igitur esse ubique primo, & per se, convenit Deo, & est proprium eius: quia quocum-

cumque loca ponantur, oportet quod in quolibet sit Deus, non secundum partem, sed secundum se ipsum.

Ad primum ergo dicendum, quod universale, & materia prima sunt quidem ubique, sed non secundum idem esse.

Ad secundum dicendum, quod numerus, cum sit accidens, non est per se, sed per acciden in loco; nec est totus in quolibet numerationem, sed secundum partem; & sic non sequitur quod sit primo, & per se ubique.

Ad tertium dicendum, quod totum corpus univērsū est ubique, sed non primo, quia non totum est in quolibet loco, sed secundum suas partes: nec iterum per se, quia si ponerentur aliqua alia loca, non esset in eis.

Ad quartum dicendum, quod si esset corpus infinitum, esset ubique, sed secundum suas partes.

Ad quintum dicendum, quod si esset unum solum animal, anima eius esset ubique (a) primo quidem, sed per acciden-

Ad sextum dicendum, quod cum dicitur anima alicubi videre, potest intelligi dupliciter. Uno modo secundum quod hoc adverbium *alicubi* determinat actum videndi ex parte obiecti: & sic verum est quod dum cælum videt, in cælo videt, & eadem ratione in cælo sentit; non tamen sequitur quod in cælo vivat, vel sit, quia vivere, & esse non important actum transeuntem in exterius obiectum. Alio modo potest intelligi secundum quod adverbium determinat actum videntis, secundum quod exit a vidente: & sic verum est quod anima ubi sentit, & videt, ibi est, & vivit secundum istum modum loquendi, & ita non sequitur quod sit ubique.

QUAESTIO NONA.

De Dei immutabilitate,

in duos articulos divisa.

Consequenter considerandum est de immutabilitate, & aeternitate divina, quæ immutabilitatem consequitur.

Circa immutabilitatem vero quaeruntur duo.

Primo, utrum Deus sit omnino immutabilis.

(a) *Id. non primo.* (b) *Incognita Dominus.*

Secundo, utrum esse immutabile sit proprium Dei.

ARTICULUS I.

43

Utrum Deus sit omnino immutabilis.

I. dist. VIII. quest. III. art. I. & quæst. III. cap. IV.

AD primum sic proceditur. Videtur quod Deus non sit omnino immutabilis. Quicquid enim movet se ipsum, est aliquo modo mutabile. Sed, sicut dicit Augustinus VIII. super Gen. ad litteram (cap. xx. in fin.) *spiritus creator movet se, nec per tempus, nec per locum.* Ergo Deus est aliquo modo mutabilis.

2. Præterea. Sap. VII. 24. dicitur de sapientia, quod *est mobilior omnibus mobilibus.* Sed Deus est ipsa sapientia. Ergo Deus est mobilis.

3. Præterea. Appropinquare, & elongari morum significant. Huiusmodi autem dicuntur de Deo in Scriptura Jac. IV. 8. *Appropinquate Deo, & appropinquabit vobis.* Ergo Deus est mutabilis.

Sed contra est quod dicitur Malach. III. 6. *Ego (b) Deus, & non mutar.*

Respondeo dicendum, quod ex præmissis (quæst. II. art. 3.) ostenditur, Deum esse omnino immutabilem.

Primo quidem quia supra ostensum est (ib.) esse aliquod primum ens, quod Deum dicimus; & quod huiusmodi primum ens oportet esse purum actum absque permutatione alicuius potentie, eo quod potentia simpliciter est posterior actu. Omne autem quod quocumque modo mutatur, est aliquo modo in potentia. Ex quo patet quod impossibile est Deum aliquo modo mutari.

Secundo quia omne quod movetur, quantum ad aliquid manet, & quantum ad aliquid transit; sicut quod movetur de albedine in nigredinem, manet secundum substantiam: & sic in omni eo quod movetur, attenditur aliqua compositio. Ostensum est autem supra (quæst. III. art. 7.) quod in Deo nulla est compositio, sed est omnino simplex. Unde manifestum est quod Deus moveri non potest.

Tertio, quia omne quod movetur, notu suo aliquid acquirit, & pertingit ad illud ad quod prius non pertingebat. Deus autem, cum sit infinitus, comprehendens in se omnem plenitudinem perfectionis totius esse, non potest aliquid acquirere, nec

nec extendere se in aliquid ad quod prius non pertingebat. Unde nullo modo sibi competit motus. Et inde est quod quidam antiquorum, quasi ab ipsa veritate coacti, potuerunt primum principium esse immobile.

Ad primum ergo dicendum, quod Augustinus ibi loquitur secundum modum quo Plato dicebat primum movens movere se ipsum: omnem operationem nominans motum, secundum quod etiam ipsum intelligere, & velle, & amare motus quidam dicuntur. Quia ergo Deus intelligit, & amat se ipsum, secundum hoc dixerunt, quod Deus movet se ipsum, non autem secundum quod motus, & mutatio est existentis in potentia, ut nunc loquimur de mutatione, & motu.

Ad secundum dicendum, quod sapientia dicitur mobilis esse similitudinarie, secundum quod suam similitudinem diffundit usque ad ultima rerum: nihil enim esse potest quod non procedat a divina sapientia per quamdam imitationem, sicut a primo principio effectivo, & formali, prout etiam artificata procedunt a sapientia artificis. Sic igitur, inquantum similitudo divinæ sapientiæ gradatim procedit a supremis, quæ magis participant de eius similitudine, usque ad infra rerum, quæ minus participant, dicitur esse quidam processus, & motus divinæ sapientiæ in res, sicut si dicamus Solem procedere usque ad terram, inquantum radius luminis eius usque ad terram pertingit: & hoc modo exponit Dionysius cap. i. cæl. Hier. (in princ.) dicens, quod omnis processus divina manifestationis venit ad nos a Patre luminum (a) moto.

Ad tertium dicendum, quod huiusmodi dicuntur de Deo in Scripturis metaphorice. Sicut enim dicitur Sol intrare domum, vel exire, inquantum radius eius pertingit ad domum; sic dicitur Deus appropinquare ad nos, vel recedere a nobis, inquantum percipimus influentiam bonitatis ipsius, vel ab eo decedimus.

Utrum esse immutabile sit Dei proprium.

I. dist. VIII. quest. 111. art. 1. & 2. & dist. XIX. quest. v. art. 3. & I. cont. cap. XIII. XIV. & XV. & opusc. 11. cap. IV. XVI. XVII. CXXIV. & CXXIX.

AD secundum sic proceditur. Videtur quod esse immutabile non sit proprium Dei. Dicit enim Philosophus in II. Metaph. (text. XII.) quod *materia est in omni eo quod movetur*. Sed substantiæ quædam creatæ, sicut Angeli, & animæ, non habent materiam, ut quibusdam videtur. Ergo esse immutabile non est proprium Dei.

2. Præterea. Omne quod movetur, movetur propter aliquem finem. Quod ergo iam pervenit ad ultimum finem, non movetur. Sed quædam creaturæ iam pervenerunt ad ultimum finem, sicut omnes beati. Ergo aliquæ creaturæ sunt immobiles.

3. Præterea. Omne quod est mutabile, est variabile. Sed formæ sunt invariabiles: dicitur enim in Lib. sex principiorum (cap. de forma in prin.) quod *forma est simplicis, & invariabilis essentia consistens*. Ergo non est solius Dei proprium esse immutabile.

Sed contra est quod dicit Augustinus in Lib. de natura boni (cap. i. in princip.) *Solus Deus immutabilis est; quæ autem fecit, quia ex nihilo sunt, mutabilia sunt*.

Respondeo dicendum, quod solus Deus est omnino immutabilis; omnis autem creatura aliquo modo est mutabilis. Sciendum est enim, quod mutabile potest aliquid dici dupliciter: uno modo per potentiam quæ in ipso est; alio modo per potentiam quæ in altero est: omnes enim creaturæ, antequam essent, non erant possibiles esse per aliquam potentiam creatam, cum nullum creatum sit æternum; sed per solam potentiam divinam, inquantum Deus poterat eas in esse producere. Sicut autem ex voluntate Dei dependet quod res in esse producit; ita ex voluntate eius dependet quod res in esse conservat: non enim aliter eas in esse conservat quam semper eis esse dando: unde si suam actionem eis subtraheret, omnia in nihilum

F 2 radi-

redigerentur, ut patet per Augustinum IV. super Genes. ad litteram (cap. xii. circa princip.) Sicut igitur in potentia creatoris fuit ut res essent, antequam essent in se ipsis; ita in potentia creatoris est, postquam sunt in se ipsis, ut non sint. Sic igitur per potentiam quæ est in altero, scilicet in Deo, sunt mutabiles, inquantum ab ipso ex nihilo potuerunt produci in esse, & de esse possunt reduci in non esse.

Si autem dicatur aliquid mutabile per potentiam in ipso existentem, sic etiam aliquo modo omnis creatura est mutabilis. Est enim in creatura duplex potentia, scilicet activa, & passiva: dico autem potentiam passivam, secundum quam aliquid alicui potest suam perfectionem vel in efficiendo, vel in conservando finem. Si igitur attendatur mutabilitas rei secundum potentiam ad esse, sic non in omnibus creaturis est mutabilitas, sed in illis solum in quibus illud quod est possibile in eis, potest stare cum non esse. Unde in corporibus inferioribus est mutabilitas & secundum esse substantiale, quia materia eorum potest esse cum privatione formæ substantialis ipsorum, & quantum ad esse accidentale, si subiectum compatitur secum privationem accidentis; sicut hoc subiectum bono compatitur secum non album, & ideo potest mutari de albo in non album. Si vero sit tale accidens quod consequatur principia essentialia subiecti, privatio illius accidentis non potest stare cum subiecto. Unde subiectum non potest mutari secundum illud accidens, sicut nix non potest fieri nigra. In corporibus vero cælestibus materia non compatitur secum privationem formæ, quia forma per se totam potentialitatem materię: & ideo non sunt mutabilia secundum esse substantiale, sed secundum esse locale: quia subiectum compatitur secum privationem huius loci vel illius. Substantię vero incorporeę, quia sunt ipse formę subsistentes, quæ tamen se habent ad esse ipsarum sicut potentia ad actum, non compatiuntur secum privationem huius actus: quia esse consequitur formam; & nihil corrumpitur nisi per hoc quod amittit formam: unde in ipsa forma non est potentia ad non esse: & ideo huiusmodi substantię sunt immutabiles, & invariabiles secundum esse: & hoc est quod dicit Dionysius iv. cap. de divin. Nomin. (parum a princ. lect. 1.) quod substantię immutabiles creatae mundo sunt a generatione,

ne, & ab omni variatione, sicut incorporeę; & immutabiles. Sed tamen remanet in eis duplex mutabilitas: una secundum quod sunt in potentia ad finem; & sic est in eis mutabilitas secundum electionem de bono in malum, ut Damascenus (Lib. II. cap. xii. & xv.) dicit: alia secundum locum, inquantum virtute sua finita possunt attingere quædam loca quæ prius non attingebant: quod de Deo dici non potest, qui sua infinitate omnia loca replet, ut supra dictum est (quæst. viii. art. 2.)

Sic igitur in omni creatura est potentia ad mutationem vel secundum esse substantiale, sicut corpora corruptibilia; vel secundum esse locale tantum, sicut corpora cælestia; vel secundum ordinem ad finem, & applicationem virtutis ad diversa, sicut in Angelis: & universaliter omnes creature communiter sunt mutabiles secundum potentiam creatis, in cuius potestate est esse, & non esse eorum. Unde cum Deus nullo istorum modorum sit mutabilis, proprium eius est omnino immutabilem esse.

Ad primum ergo dicendum, quod obiectio illa procedit de eo quod est mutabile secundum esse substantiale, vel accidentale: de tali enim motu Philosophi tractaverunt.

Ad secundum dicendum, quod Angelus boni supra immutabilitatem essendi, quæ competit eis secundum naturam, habent immutabilitatem electionis ex divina virtute; tamen remanet in eis mutabilitas secundum locum.

Ad tertium dicendum, quod formę dicuntur invariabiles, quia non possunt esse subiectum variationis; subiciuntur tamen variationi, inquantum subiectum secundum eas variatur: unde patet quod secundum quod sunt, sic variantur: non enim dicuntur entia quasi sint subiectum essendi sed quia eis aliquid est.

QUAESTIO DECIMA.

De Dei æternitate,

in sex articulos divisa.

Deinde quaeritur de æternitate: & circa hoc quaeruntur sex.

Primo, quid sit æternitas.

Secundo, utrum Deus sit æternus.

Tertio, utrum esse æternum sit proprium Dei.

Quar-

Quarto, utrum aeternitas differat (a) a tempore.

Quinto de differentia aevi, & temporis.

Sexto, utrum sit unum aevum tantum, sicut est unum tempus, & una aeternitas.

ARTICULUS I. 45

Utrum convenienter definiatur aeternitas, quod est interminabilis vita tota simul, & perfecta possessio.

I. dist. VIII. quest. II. art. 1. & dist. XIX. quest. II. art. 1. & po. quest. III. art. 14. & 20.

AD primum sic proceditur. Videtur quod non sit convenienter definitio aeternitatis quam Boetius ponit III. de consol. (prof. 2. circ. princ.) dicens, quod aeternitas est interminabilis vita tota simul, & perfecta possessio. Interminabile enim negative dicitur. Sed negatio non est de ratione nisi eorum quae sunt deficientia, quod aeternitati non competit. Ergo in definitione aeternitatis non debet poni interminabile.

1. Praeterea. Aeternitas durationem quandam significat. Duratio autem magis respicit esse quam vitam. Ergo non debuit poni in definitione aeternitatis vita, sed magis esse.

3. Praeterea. Totum dicitur quod habet partes. Hoc autem aeternitati non convenit, cum sit simplex. Ergo inconvenienter dicitur tota.

4. Praeterea. Plures dies non possunt esse simul, nec plura tempora. Sed in aeternitate pluraliter dicuntur dies, & tempora: dicitur enim Michae v. 2. *Egressus eius ab initio a diebus aeternitatis*: & ad Roman. XVI. 25. *Secundum revelationem mysteriorum temporibus aeternis tactis*. Ergo aeternitas non est tota simul.

5. Praeterea. Totum, & perfectum sunt idem. Posito igitur quod sit tota, superflue additur, quod sit perfecta.

6. Praeterea. Possessio ad durationem non pertinet. Aeternitas autem quaedam duratio est. Ergo aeternitas non est possessio.

Respondeo dicendum, quod sicut in cognitionem simplicium oportet nos venire per composita, ita in cognitionem aeternitatis oportet nos venire per tempus, quod nihil aliud est quam numerus mo-

tus secundum prius & posterius. Cum enim in quolibet motu sit successio, & una pars post alteram, ex hoc quod numeramus prius, & posterius in motu, apprehendimus tempus, quod nihil aliud est quam numerus prioris, & posterioris in motu. In eo autem quod caret motu, & semper eodem modo se habet, non est accipere prius, & posterius. Sicut igitur ratio temporis consistit in numeratione prioris, & posterioris in motu; ita in apprehensione uniformitatis eius, quod est omnino extra motum, consistit ratio aeternitatis.

Item ea dicuntur tempore mensurari quae principium, & finem habent in tempore, ut dicitur in IV. Physic. (tex. lxx.) & hoc ideo quia in omni eo quod movetur, est accipere aliquid principium, & aliquem finem. Quod vero est omnino immutabile, sicut nec successionem, ita nec principium, aut finem habere potest.

Sic ergo ex duobus notificatur aeternitas. Primo ex hoc quod id quod est in aeternitate, est interminabile, id est principio, & fine carens, ut terminus ad utrumque referatur. Secundo per hoc quod ipsa aeternitas successionem caret, tota simul existens.

Ad primum ergo dicendum, quod simplicia consueverunt per negationem definiri, sicut punctus est cuius pars non est: quod non ideo est, quod negatio sit de essentia eorum, sed quia intellectus noster, qui primo apprehendit composita, in cognitionem simplicium pervenire non potest nisi per remotionem compositionis.

Ad secundum dicendum, quod illud quod est vere aeternum, non solum est ens, sed vivens: & ipsum vivere se extendit quodammodo ad operationem, non autem esse. Protenso autem durationis videtur attendi secundum operationem magis quam secundum esse: unde & tempus est numerus motus.

Ad tertium dicendum, quod aeternitas dicitur tota, non quia habet partes, sed inquantum nihil ei deest.

Ad quartum dicendum, quod sicut Deus, cum sit incorporeus, nominibus rerum corporalium metaphorice in Scripturis nominatur, sic aeternitas tota simul existens nominibus temporalibus successivis.

Ad quintum dicendum, quod in tempore est duo considerare; scilicet ipsum tempus.

(a) Al. ab aeo & tempore.

tempus, quod est successivum; & nunc temporis, quod est imperfectum. Dicit ergo *tota simul* ad removendum tempus, & *perfecta* ad excludendum nunc temporis.

Ad sextum dicendum, quod illud quod possidetur, firmitur, & quiete habetur: ad designandam ergo immutabilitatem, & indeficientiam aeternitatis, usus est nomine possessionis.

ARTICULUS II.

Utrum Deus sit aeternus.

II. dist. 11. quæst. 1. art. 1. & 1. cont. c. XV. po. quæst. 111. art. 17. 23. & opus. II. cap. V. VI. VII. & VIII.

AD secundum sic proceditur. Videtur quod Deus non sit aeternus. Nihil enim factum potest dici de Deo. Sed aeternitas est aliquid factum: dicit enim Boetius (Lib. V. de consol. prof. ult.) quod *nunc fluens facit tempus, nunc stans facit aeternitatem*: & Augustinus dicit in Lib. lxxxiii. quæstionum (quæst. xxiii. in princ.) quod *Deus est auctor aeternitatis*. Ergo Deus non est aeternus.

2. Præterea. Quod est ante aeternitatem, & post aeternitatem, non mensuratur aeternitate. Sed *Deus est ante aeternitatem*, ut dicitur in Libro de causis (prop. 2.) & *post aeternitatem*: dicitur enim Exod. xv. 18. quod *Dominus regnabit in æternum, & ultra*. Ergo esse æternum non convenit Deo.

3. Præterea. Aeternitas mensura quædam est. Sed Deo non convenit esse mensuratum. Ergo non competit ei esse æternum.

4. Præterea. In aeternitate non est præsens, præteritum, vel futurum; cum sit *tota simul*, ut dictum est (art. præced.) Sed de Deo dicuntur in Scripturis verba præsentis temporis, præteriti, vel futuri. Ergo Deus non est aeternus.

Sed contra est quod dicit Athanasius (in suo symb. de confes. fidei) *Aeternus Pater, æternus Filius, æternus Spiritus sanctus*.

Respondeo dicendum, quod ratio aeternitatis consequitur immutabilitatem, sicut ratio temporis consequitur motum, ut ex dictis patet (art. præced.) Unde cum Deus sit maxime immutabilis, sibi maxime competit esse æternum. Nec solus est aeternus, sed est sua aeternitas:

cum tamen nulla alia res sit sua duratio, quia non est suum esse. Deus autem est suum esse uniforme: unde sicut est sua essentia, ita sua aeternitas.

Ad primum ergo dicendum, quod *nunc stans* dicitur facere aeternitatem secundum nostram apprehensionem. Sicut enim causatur in nobis apprehensio temporis, eo quod apprehendimus fluxum ipsius *nunc*, ita causatur in nobis apprehensio aeternitatis, inquantum apprehendimus *nunc stans*. Quod autem dicit Augustinus (loco cit. in arg.) quod *Deus est auctor aeternitatis*, intelligitur de aeternitate participata. Eo enim modo communicat Deus suam aeternitatem aliquibus quo & suam immutabilitatem.

Et per hoc patet solutio ad secundum. Nam Deus dicitur esse ante aeternitatem, prout participatur a subsistentiis immaterialibus. Unde & ibidem (eadem propositione. 2. circa fin.) dicitur, quod *intelligentia participatur aeternitati*. Quod autem dicitur in Exod. *Dominus regnabit in æternum, & ultra*, sciendum, quod æternum accipitur ibi pro sæculo, sicut habet alia translatio. Sic igitur dicitur, quod regnabit ultra æternum: quia durat ultra quodcumque sæculum, id est ultra quamcumque durationem datam. Nihil est enim aliud sæculum quam periodus cuiuslibet rei, ut dicitur in Lib. I. de cælo (tex. c.) Vel dicitur etiam ultra æternum regnare: quia si etiam aliquid aliud semper esset, ut motus cæli secundum quosdam Philosophos, tamen Deus ultra regnat, inquantum eius regnum est totum simul.

Ad tertium dicendum, quod aeternitas non est aliud quam ipse Deus. Unde non dicitur Deus æternus, quasi sit aliquo modo mensuratus; sed accipitur ibi ratio mensuræ secundum apprehensionem nostram tantum.

Ad quartum dicendum, quod verba diversorum temporum attribuantur Deo, inquantum eius aeternitas omnia tempora includit; non quod ipse varietur per præsens, præteritum, & futurum.

ARTICULUS III. 47

Utrum esse æternum sit proprium Dei.

1. *dist. VIII. quest. II. art. 2. & dist. XIX. quest. 1. art. 1. & IV. dist. XLIX. quest. 1. art. 2. quest. III. & I. cont. cap. V.*

AD tertium sic proceditur. Videtur quod esse æternum non sit soli Deo proprium. Dicitur enim Danielis XII. 3. quod *qui ad iustitiam erudiunt plurimos, erunt quasi stellæ in perpetuas æternitates*. Non autem essent plures æternitates, si solus Deus esset æternus. Non igitur solus Deus est æternus.

2. Præterea. Matth. xxv. 41. dicitur: *(a) Itē maledicti in ignem æternum*. Non igitur solus Deus est æternus.

3. Præterea. Omne necessarium est æternum. Sed multa sunt necessaria, sicut omnia principia demonstrationis, & omnes propositiones demonstrativæ. Ergo non solus Deus est æternus.

Sed contra est quod dicit Augustinus (Fulgentius) Lib. de fide ad Petrum cap. vi. (& Hieronymus ad Damasum ep. LVII.) *Deus solus est qui exordium non habet*. Quicquid autem exordium habet, non est æternum. Solus ergo Deus est æternus.

Respondendo dicendum, quod æternitas vere & proprie in solo Deo est: quia æternitas immutabilitatem consequitur, ut ex dictis patet (art. præc.) Solus autem Deus est omnino immutabilis, ut est superius ostensum (quest. IX. art. 1. & 2.)

Secundum tamen quod aliqua ab ipso immutabilitatem percipiunt, secundum hoc aliqua eius æternitatem participant. Quædam ergo quantum ad hoc immutabilitatem fortiuntur a Deo quod nunquam esse desinunt; & secundum hoc dicitur Eccle. I. de terra, quod *in æternum stat*; & sic æternitas Angelis attribui potest, secundum illud Psal. LXXV. 5. *Illuminans in immutabilitate a mensuris æternis*. Quædam etiam æterna in Scripturis dicuntur propter diuturnitatem durationis, licet corruptibilia sint; sicut in Psal. dicuntur montes æterni, & Deuteronom. XXXIII. 15. etiam dicitur: *De pomis colium æternorum*. Quædam autem amplius participant de ratione æternitatis, inquantum habent intransmutabilitatem vel secundum esse, vel interius secundum operationem, sicut Angeli, & beati, qui Verbo fruuntur: quia quantum ad illam visionem Verbi non sunt in

sanctis volabiles cogitationes, ut dicit Augustinus XV. de Trinitate (cap. XVI. in fin.) Unde & videntes Deum dicuntur habere vitam æternam, secundum illud Iacobi XVII. 3. *Hæc est vita æterna, ut cognoscant te solum Deum verum &c.*

Ad primum ergo dicendum, quod dicuntur multæ æternitates, secundum quod sunt multi participantes æternitatem ex ipsa Dei contemplatione.

Ad secundum dicendum, quod ignis inferni dicitur æternus propter internabilitatem tantum. Est tamen in pœnis eorum transmutatio, secundum illud Iob XXIV. 19. *Ad nimium calorem transibunt ab aquis nivium*. Unde in inferno non est vera æternitas, sed magis tempus, secundum illud Psal. LXXX. 16. *Erit tempus eorum in secula*.

Ad tertium dicendum, quod necessarium significat quemdam modum veritatis. Verum autem, secundum Philosophum VI. Metaphys. (text. VIII.) est in intellectu. Secundum hoc igitur vera, & necessaria sunt æterna, quia sunt in intellectu æterno, qui est intellectus divinus solus: unde non sequitur quod aliquid extra Deum sit æternum.

ARTICULUS IV. 48

Utrum æternitas differat a tempore.

Intra art. 5. & I. dist. X. quest. II. art. 1. & II. dist. II. quest. 1. art. 1. & quo. V. qu. IV. & quo. X. quest. II. & po. quest. III. art. 14. ad 18.

AD quartum sic proceditur. Videtur quod æternitas non sit aliud a tempore. Impossibile est enim duas esse mensuras durationis simul, nisi una sit: pars alterius. Non enim sunt simul duo dies, vel duæ horæ; sed dies, & hora sunt simul, quia hora est pars diei. Sed æternitas, & tempus sunt simul: quorum utrumque mensuram quandam durationis importat. Cum igitur æternitas non sit pars temporis, quia æternitas excedit tempus, & includit ipsum; videtur quod tempus sit pars æternitatis, & non aliud ab æternitate.

2. Præterea. Secundum Philosophum in IV. Phys. (text. CIV. & 121.) nunc temporis manet idem in toto tempore. Sed hoc videtur constituere rationem æternitatis, quod sit idem indivisibiliter se habens in toto decursu temporis. Ergo æ-

(a) Vulgata: Discedite a me maledicti.

ternitas est nunc temporis. Sed nunc temporis non est aliud secundum substantiam a tempore. Ergo aternitas non est aliud secundum substantiam a tempore.

3. Præterea. Sicut mensura primi motus est mensura omnium motuum, ut dicitur in IV. Physic. (text. cxxxiii.) ita videtur quod mensura primi esse sit mensura omnis esse. Sed aternitas est mensura primi esse, quod est esse divinum. Ergo aternitas est mensura omnis esse. Sed esse rerum corruptibilium mensuratur tempore. Ergo tempus vel est aternitas, vel aliquid aternitatis.

Sed contra est quod aternitas est tota simul. In tempore autem est prius, & posterius. Ergo tempus, & aternitas non sunt idem.

Respondeo dicendum, quod manifestum est, tempus, & aternitatem non esse idem. Sed huius diversitatis rationem quidam assignaverunt ex hoc quod aternitas caret principio, & fine, tempus autem habet principium, & finem.

Sed hæc est differentia per accidens, & non per se: quia dato quod tempus semper fuerit, & semper futurum sit secundum positionem eorum qui motum cæli ponunt sempiternum, adhuc remanebit differentia inter aternitatem, & tempus, ut dicit Boetius in Lib. de consolat. (prosa iv. Lib. V.) ex hoc quod aternitas est tota simul, quod tempori non convenit: quia aternitas est mensura esse permanentis, tempus vero est mensura motus. Si tamen prædicta differentia attendatur quantum ad mensurata, & non quantum ad mensuras, sic habet aliam rationem: quia solum illud mensuratur tempore quod habet principium, & finem in tempore, ut dicitur in IV. Physic. (text. cxx.) Unde si motus cæli semper duraret, tempus non mensuraret ipsum secundum suam totam durationem, cum infinitum non sit mensurabile, sed mensuraret quamlibet circulationem, quæ habet principium, & finem in tempore.

Potest tamen & aliam rationem habere ex parte istarum mensurarum, si accipiat finis, & principium in potentia: quia etiam dato quod tempus semper dureret, tamen possibile est signare in tempore & principium, & finem, accipiendo aliquas partes ipsius, sicut dicimus principium, & finem dici, vel anni; quod non contingit in aternitate. Sed tamen istæ differentię consequuntur eam, quæ est per se, & primo, differentiam, per

hoc quod aternitas est tota simul, non autem tempus.

Ad primum ergo dicendum, quod ratio illa procederet, si tempus, & aternitas essent mensuræ unius generis: quod patet esse falsum ex his quorum est tempus, & aternitas mensura.

Ad secundum dicendum, quod nunc temporis est idem subiecto in toto tempore, sed differens ratione, eo quod sicut tempus respondet motui, ita nunc temporis respondet mobili: mobile autem est idem subiecto in toto decursu temporis, sed differens ratione, inquantum est hic, & ibi; & ista alternatio est motus. Similiter fluxus ipsius nunc, secundum quod alternatur ratione, est tempus. Aternitas autem manet eadem & subiecto, & ratione: unde aternitas non est idem quod nunc temporis.

Ad tertium dicendum, quod sicut aternitas est propria mensura ipsius esse permanentis, ita tempus est propria mensura motus: unde secundum quod aliquid esse recedit a permanentia essendi, & subditur transmutationi, secundum hoc recedit ab aternitate, & subditur tempori. Esse ergo rerum corruptibilium, quia est transmutabile, non mensuratur aternitate, sed tempore: tempus enim mensurat non solum quæ transmutantur in actu, sed quæ sunt transmutabilia: unde non solum mensurat motum, sed etiam quietem, quæ est eius quod natum est moveri, & non movetur.

ARTICULUS V. 49

De differentia ævi, & temporis.

Locis sup. art. 4. notat. 15.

AD quintum sic proceditur. Videtur quod ævum non sit aliud a tempore. Dicit enim Augustinus VIII. super Gen. ad litt. (cap. xx. xxii. xxiii.) quod *Deus movet creaturam spirituales per tempus*. Sed ævum dicitur esse mensura spiritualium substantiarum. Ergo tempus non differt ab ævo.

2. Præterea. De ratione temporis est quod habeat prius, & posterius; de ratione vero aternitatis est quod sit tota simul, ut dictum est (art. i. huius quæst.) Sed ævum non est aternitas: dicitur enim Eccli. i. quod *sapientia æterna est ante ævum*. Ergo non est totum simul, sed habet prius, & posterius; & ita est tempus.

3. Præ-

3. Præterea. Si in ævo non est prius, & posterius, sequitur quod in æviteris non differat esse, vel fuisse, vel futurum esse. Cum igitur sit impossibile æviteris non fuisse, sequitur quod impossibile sit ea non futura esse: quod falsum est, cum Deus possit ea reducere in nihilum.

4. Præterea. Cum duratio æviteris sit innata ex parte post, si ævum sit eorum simul, sequitur quod aliquod creatum sit infinitum in actu; quod est impossibile. Non igitur ævum differt a tempore.

Sed contra est quod dicit Boetius (Lib. III. de consol. metro ix. in princ.)

... Qui tempus ab ævo
Ite habet.

Respondeo dicendum, quod ævum differt a tempore, & ab æternitate, sicut medium existens inter illa.

Sed horum differentiam aliqui sic assignant dicentes, quod æternitas principio, & fine caret; ævum habet principium, sed non finem; tempus autem habet principium, & finem. Sed hæc differentia est per accidens, sicut supra dictum est (art. præc.) quia si etiam semper æviteris fuissent, & semper futura essent, ut aliqui ponunt, vel etiam quandoque deficerent (quod Deo possibile esset); adhuc ævum distingueretur ab æternitate, & tempore.

Alii vero assignant differentiam inter hæc tria per hoc quod æternitas non habet prius, & posterius; tempus autem habet prius, & posterius cum innovatione, & veteratione; ævum habet prius, & posterius sine innovatione, & veteratione.

Sed hæc positio implicat contradictionem. Quod quidem manifeste apparet, si nes, & intelligentias, in quibus est successio, mensurantur tempore. Unde & Augustinus ibidem (Lib. cit. in arg. cap. xx.) dicit, quod per tempus movetur, est per affectiones moveri. Quantum vero ad eorum esse naturale mentes, posterior de novo adveniat; & sic erit innovatio in ipso ævo, sicut in tempore. Si vero referatur ad mensurata, adhuc sequitur inconveniens. Ex hoc enim res temporalis invenitur tempore quod habet esse transmutabile, & ex transmutabilitate mensuratur est prius, & posterius in mensura, ut patet ex IV. Phys. (text. cx. & cxvii.) Si igitur i-

psum æviteris non sit inveterabile, nec innovabile, hoc erit, quia esse eius est intransmutabile. Mensura ergo eius non habet prius, & posterius.

Est ergo dicendum, quod cum æternitas sit mensura esse permanentis, secundum quod aliquid recedit a permanentia essendi, secundum hoc recedit ab æternitate. Quædam autem sic recedunt a permanentia essendi quod esse eorum est subiectum transmutationis, vel in transmutatione consistit; & huiusmodi mensurantur tempore, sicut omnis motus, & etiam esse omnium corruptibilium. Quædam vero recedunt minus a permanentia essendi, quia esse eorum nec in transmutatione consistit, nec est subiectum transmutationis; tamen habent transmutationem adiunctam vel in actu, vel in potentia; sicut patet in corporibus celestibus, quorum esse substantiale est intransmutabile; tamen esse intransmutabile (a) habent cum transmutabilitate secundum locum: & similiter patet de Angelis, quod scilicet habent esse intransmutabile cum transmutabilitate secundum electionem, (b) & cum transmutabilitate intelligentiarum, & affectionum, & locorum suo modo: & ideo huiusmodi mensurantur ævo, quod est medium inter æternitatem, & tempus. Esse autem quod mensurat æternitas, nec est mutabile, nec mutabilitati adiunctum. Sic ergo tempus habet prius, & posterius; ævum autem non habet in se prius, & posterius, sed ei coniungi possunt; æternitas autem non habet prius, neque posterius, neque ea comparatur.

Ad primum ergo dicendum, quod creature spirituales quantum ad affectionem, & intelligentias, in quibus est successio, mensurantur tempore. Unde & Augustinus ibidem (Lib. cit. in arg. cap. xx.) dicit, quod per tempus movetur, est per affectiones moveri. Quantum vero ad eorum esse naturale mentes, posterior de novo adveniat; & sic erit innovatio in ipso ævo, sicut in tempore. Si vero referatur ad mensurata, adhuc sequitur inconveniens. Ex hoc enim res temporalis invenitur tempore quod habet esse transmutabile, & ex transmutabilitate mensuratur est prius, & posterius in mensura, ut patet ex IV. Phys. (text. cx. & cxvii.) Si igitur i-

Ad secundum dicendum, quod ævum est eorum simul, non tamen est æternitas: quia comparatur secum prius, & posterius.

Ad tertium dicendum, quod in ipso esse Angeli in se considerato non est differentia præteriti, & futuri, sed solum

(a) Alii habent. (b) Ita add. Alcan. & Taurac. In editis add. tamen quantum ad eorum naturam pertinet.

lum secundum adiunctas mutationes. Sed quod dicimus Angelum esse, vel fuisse, vel futurum esse, differt secundum acceptionem intellectus nostri, qui accipit esse Angeli per comparationem ad diversas partes temporis. Et cum dicit, Angelum esse, vel fuisse, supponit aliquid cum quo eius oppositum non subditur divinæ potentiae. Cum vero dicit futurum esse, nondum supponit aliquid. Unde cum esse, & non esse Angeli subdit divinæ potentiae; absolute considerando, potest Deus facere quod esse Angeli non sit futurum; tamen non potest facere quod non sit, dum est, vel quod non fuerit, postquam fuit.

Ad quartum dicendum, quod duratio ævi est infinita, quia non finitur tempore. Sic autem esse aliquod creatum infinitum, quod non finitur quodam alio, non est inconveniens.

ARTICULUS VI. 50

Utrum sit unum ævum tantum.

II. dist. II. quæst. I. art. 2. & quod. v. quæst. IV.

AD sextum sic proceditur. Videtur quod non sit tantum unum ævum. Dicitur enim in apocryphis *Eldæ: Maieſtas, & potestas ævorum est apud te, Domine.*

2. Præterea. Diversorum generum diversæ sunt mensuræ. Sed quædam æviterna sunt in genere corporalium, scilicet corpora cælestia; quædam vero sunt spirituales substantiæ, scilicet Angeli. Non ergo est unum ævum tantum.

3. Præterea. Cum ævum sit nomen durationis, quorum est unum ævum, est una duratio. Sed non omnium æviternorum est una duratio: quia quædam post alia esse incipiunt, ut maxime patet in animabus humanis. Non est ergo unum ævum tantum.

4. Præterea. Ea quæ non dependent ab invicem, non videntur habere unam mensuram durationis: propter hoc enim omnium temporalium videtur esse unum tempus, quia omnium motuum quodammodo causa est primus motus, qui prius tempore mensuratur. Sed æviterna non dependent ab invicem, quia unus Angelus non est causa alterius. Non ergo est unum ævum tantum.

Sed contra. Ævum est simplicius tempore, & propinquius se habens ad æternitatem. Sed tempus est unum tantum. Ergo multo magis ævum.

Respondetur dicendum, quod circa hoc est duplex opinio. Quidam enim dicunt, quod est unum ævum tantum; quidam, quod multa.

Quid autem horum verius sit, oportet considerare ex causa unitatis temporis: in cognitionem enim spiritualium per corporalia devenimus.

Dicunt autem quidam, esse unum tempus omnium temporalium, propter hoc quod est unus numerus omnium numeratorum; cum tempus sit numerus secundum Philosophum (Lib. IV. Physic. text. ci.) Sed hoc non sufficit: quia tempus non est numerus, ut abstractus extra numeratum, sed ut in numerato existens; alioquin non esset continuus: quia decem ulnæ panni continuitatem habent non ex numero, sed ex numerato. Numerus autem in numerato existens non est idem omnium, sed diversus diversorum. Unde alii assignant causam unitatis temporis ex unitate æternitatis, quæ est principium omnis durationis. Et sic omnes durationes sunt unum, si consideretur eorum principium; sunt vero multe, si consideretur diversitas eorum quæ recipiunt durationem ex influxu primi principii. Alii vero assignant causam unitatis temporis ex parte materiæ primæ, quæ est primum subiectum motus, cuius mensura est tempus. Sed neutra assignatio sufficiens videtur: quia ea quæ sunt unum principio, vel subiecto, & maxime remoto, non sunt unum simpliciter, sed secundum quid. Est ergo ratio unitatis temporis unitas primi motus, secundum quem, cum sit simplicissimus, omnes alii mensurantur, ut dicitur in X. Metaphys. (text. 111.) Sic ergo tempus ad illud motum comparatur, non solum ut mensura ad mensuratum, sed etiam ut accidens ad subiectum; & sic ab eo recipit unitatem. Ad alios autem motus comparatur solum ut mensura ad mensuratum. Unde secundum eorum multitudinem non multiplicatur, quia una mensura separata multa mensurari possunt.

Hoc igitur habito, sciendum, quod de substantiis spiritualibus duplex fuit opinio. Quidam enim dixerunt, quod omnes processerunt a Deo in quadam equalitate, ut Origenes dixit (Lib. I. Periar- chon

chon cap. viii.) vel etiam muleæ earum, ut quidam posuerunt. Alii vero dixerunt, quod omnes substantiæ spirituales processerunt a Deo quodam gradu, & ordine: & hoc videtur sentire Dionysius, qui dicit x. cap. celest. Hierarchy. (& cap. v. a. med.) quod inter substantias spirituales sunt primæ, mediæ, & ultimæ, etiam in uno ordine Angelorum. Secundum igitur primam opinionem necesse est dicere, quod sunt plura æva, secundum quod sunt plura æviterna prima æqualia. Secundum autem secundam opinionem oportet dicere, quod sit unum ævum tantum: quia cum unumquodque mensuretur simplicissimo sui generis, ut dicitur in X. Met. (tex. 4.) oportet quod esse omnium æviteriorum mensuretur esse primi æviterii, quod tanto est simplicius, quanto prius. Et quia secunda opinio verior est, ut infra ostendetur (quæst. xlvii. art. 2.) concedimus ad præsens unum esse ævum tantum.

Ad primum ergo dicendum, quod ævum aliquando accipitur pro sæculo, quod est periodus durationis alicuius rei, & sic dicuntur multa æva, sicut multa sæcula.

Ad secundum dicendum, quod licet corpora celestia, & spiritualia differant in genere naturæ, tamen conveniunt in hoc quod habent esse intransmutabilia, & sic mensurantur ævo.

Ad tertium dicendum, quod nec omnia temporalia simul incipiunt, & tamen omnium est unum tempus propter primum, quod mensuratur tempore; & sic omnia æviterna habent unum ævum propter primum, etiam si non omnia simul incipiant.

Ad quartum dicendum, quod ad hoc quod aliqua mensurentur per aliquod unum, non requiritur quod illud unum sit causa omnium eorum, sed quod sit simplicius.

QUAESTIO XI.

De unitate Dei,

in quatuor articulis divisæ.

POST præmissa considerandum est de divina unitate: & circa hoc quaeruntur quatuor.

Primo, utrum unum addat aliquid supra ens.

Secundo, utrum opponantur unum, & multa.

Tertio, utrum Deus sit unus,
Quarto, utrum sit maxime unus?

ARTICULUS I. 51

Utrum unum addat aliquid supra ens.

I. dist. xxiv. quæst. iv. art. 3. & III. contr. cap. xxxviii. & vii. quæst. viii. art. 2.

AD primum sic proceditur. Videtur quod unum addat aliquid supra ens. Omne enim quod est in aliquo genere determinatum, se habet ex additione ad ens, quod circuit omnia genera. Sed unum est in genere determinatum: est enim principium numeri, qui est species (2) quantitatis. Ergo unum addit aliquid supra ens.

2. Præterea. Quod dividit aliquid commune, se habet ex additione ad illud. Sed ens dividitur per unum, & multa. Ergo unum addit aliquid supra ens.

3. Præterea. Si unum non addit supra ens, idem esset dicere unum, & ens. Sed nugatorie dicitur: ens, ens. Ergo nugatio esset dicere, ens unum, quod falsum est. Addit igitur unum supra ens.

Sed contra est quod dicit Dionysius ult. cap. de div. Nom. (non procul a princ. lect. 1.) *Nihil est existentium non participans uno*: quod non esset, si unum adderet supra ens, quod contraheret ipsum. Ergo unum non habet se ex additione ad ens.

Respondendo dicendum, quod unum non addit supra ens rem aliquam, sed tantum negationem divisionis. Unum enim nihil aliud significat quam ens indivisum. Et ex hoc ipso apparet quod unum convertitur cum ente. Nam omne ens aut est simplex, aut compositum. Quod autem est simplex, est indivisum & actu, & potentia. Quod autem est compositum, non habet esse, quamdiu partes eius sunt divise, sed postquam constituitur, & componunt ipsum compositum. Unde manifestum est quod est cuiuslibet rei consistit in indivisione: & inde est quod unumquodque sicut custodit suum esse, ita custodit suam unitatem.

Ad primum igitur dicendum, quod quidam putantes idem esse unum quod convertitur cum ente, & quod est principium numeri, divisi sunt in contrarias positiones. Pythagoras enim, & Plato videntes, quod unum quod convertitur cum ente, non addit aliquam rem supra ens,

G 2 sed

(2) Rom. edit. species

sed significat substantiam entis, prout est indivisa, existimaverunt, sic se habere de uno quod est principium numeri. Et quia numerus componitur ex unitatibus, crediderunt, quod numeri essent substantiae omnium rerum. E contrario autem Avicenna considerans, quod unum quod est principium numeri, addit aliquam rem supra substantiam entis (alias numerus ex unitatibus compositus non esset species quantitatis) credidit, quod unum quod convertitur cum ente, addat rem aliquam super substantiam entis, sicut album supra hominem. Sed hoc manifeste falsum est: quia quaelibet res est una per suam substantiam. Si enim per aliquid aliud esset una quaelibet res, cum illud iterum sit unum, si esset iterum unum per aliquid aliud, esset abire in infinitum. Unde standum est in primo. Sic igitur dicendum est, quod unum quod convertitur cum ente, non addit aliquam rem supra ens, sed unum quod est principium numeri, addit aliquid supra ens ad genus quantitatis pertinet.

Ad secundum dicendum, quod nihil prohibet id quod est uno modo divisum, esse alio modo indivisum; sicut quod est divisum numero, est indivisum secundum speciem: & sic contingit aliquid esse uno modo unum, alio modo multa. Sed tamen si sit indivisum simpliciter, vel quia est indivisum secundum id quod pertinet ad essentiam rei; licet sit divisum quantum ad ea quae sunt extra essentiam rei, sicut quod est unum subiecto, & multa secundum accidentia; vel quia est indivisum in actu, & divisum in potentia, sicut quod est unum toto, & multa secundum partes: huiusmodi erit unum simpliciter, & multa secundum quid. Si vero aliquid e converso sit indivisum secundum quid, & divisum simpliciter, utpote quia est divisum secundum essentiam, & indivisum secundum rationem, vel secundum principium, sive causam; (a) inerunt multa simpliciter, & unum secundum quid; (b) ut quae sunt multa numero, & unum specie, vel unum principio. Sic igitur ens dividitur per unum, & multa, quasi per unum simpliciter, & multa secundum quid. Nam & ipsa multitudo non contineretur sub ente, nisi contineretur aliquo modo sub uno. Dicit enim Dionysius ult. de div.

Nom. (leff. 1.) quod non est multitudo non participans uno. Sed quae sunt multa partibus, sunt unum toto; & quae sunt multa accidentibus, sunt unum subiecto; & quae sunt multa numero, sunt unum specie; & quae sunt speciebus multa, sunt unum genere; & quae sunt multa processibus, sunt unum principio.

Ad tertium dicendum, quod ideo non est nugatio, cum dicitur ens unum, quia unum addit aliquid secundum rationem supra ens.

ARTICULUS II. 53

Utrum unum, & multa opponantur.

I. dist. XXIV. quest. 1. art. 3. ad 4. & X. Met. leff. iv.

AD secundum sic proceditur. Videtur quod unum, & multa non opponantur. Nullum enim oppositum praedicatur de suo opposito. Sed omnis multitudo est quodammodo unum, ut ex praedictis patet (art. praec.) Ergo unum non opponitur multitudini.

2. Praeterea. Nullum oppositum constituitur ex suo opposito. Sed unum constituit multitudinem. Ergo non opponitur multitudini.

3. Praeterea. Unum uni est oppositum. Sed multo opponitur paucum. Ergo non opponitur ei unum.

4. Praeterea. Si unum opponitur multitudini, opponitur ei sicut indivisum diviso, & sic opponitur ei ut privatio habitui. Hoc autem videtur inconveniens: quia sequeretur quod unum sit posterius multitudinem, & definiatur per eam, cum tamen multitudo definiatur per unum. Unde erit circulus in definitione: quod est inconveniens. Non ergo unum, & multa sunt opposita.

(c) Sed contra. Quorum rationes sunt oppositae, ipsa sunt opposita. Sed ratio unius consistit in indivisibilitate, ratio vero multitudinis divisionem continet. Ergo unum, & multa sunt opposita.

Respondeo dicendum, quod unum opponitur multis, sed diversimode. Nam unum quod est principium numeri, opponitur multitudini, quae est numerus, ut mensura mensurato. Unum enim habet rationem primae mensurae, &

(a) Al. exit, forte melius. (b) Al. & quae. (c) Desit hoc argumentum sed contra in MSS. Aleu.

& numerus est multitudo mensurata per unum, ut patet ex X. Met. (text. 2.) Unum vero quod convertitur cum ente, opponitur multitudini per modum privationis, ut indivisum divisio.

Ad primum ergo dicendum, quod nulla privatio tollit totaliter esse, quia privatio est *negatio in subiecto*, secundum Philosophum (tum in *Postpradicamentis cap. de oppositis text. 4. tum in II. Metaph. text. eod.*) Sed tamen omnis privatio tollit aliquod esse: & ideo in ente ratione suae communicatis accidit quod privatio entis fundatur in ente: quod non accidit in privationibus formarum (a) specialium, ut vitius, vel albedinis, vel alicuius huiusmodi. Et sicut est de ente, ita est de uno, & bono, quae convertuntur cum ente. Nam privatio boni fundatur in aliquo bono, & similiter renotio unitatis fundatur in aliquo uno. Et exinde contingit quod multitudo est quoddam unum, & malum est quoddam bonum, & non ens est quoddam ens. Non tamen oppositum praedicatur de opposito, quia alterum horum est simpliciter, & alterum secundum quid: quod enim secundum quid est ens (ut in potentia) est non ens simpliciter, id est actu; vel quod est ens simpliciter in genere substantiae, est non ens secundum quid, quantum ad aliquod esse accidentale. Similiter ergo quod est bonum secundum quid, est malum simpliciter, vel e converso; & similiter, quod est unum simpliciter, est multa secundum quid, & e converso.

Ad secundum dicendum, quod duplex est totum: quoddam homogeneum, quod componitur ex similibus partibus, quoddam vero heterogeneum, quod componitur ex dissimilibus partibus. In quolibet autem toto homogeneo totum constituitur ex partibus habentibus formam totius, sicut quaelibet pars aquae est aqua; & talis est constitutio continui ex suis partibus. In quolibet autem toto heterogeneo quaelibet pars caret forma totius: nulla enim pars domus est domus, nec aliqua pars hominis est homo. Et tale totum est multitudo. In quantum ergo pars eius non habet formam multitudinis, componitur multitudo ex unitatibus, sicut domus ex non domibus, non quod unitates constituent multitudinem secundum id quod habent de ratione indivisionis, prout opponuntur multitudini, sed secundum hoc quod habent de entitate; sicut & partes domus constituunt

domum per hoc quod sunt quaedam corpora; non per hoc quod sunt non domus.

Ad tertium dicendum, quod nullum accipitur dupliciter: uno modo absolute, & sic opponitur uni; alio modo secundum quod importat excessum quemdam, & sic opponitur paucis: unde primo modo duo sunt multa, non autem secundo.

Ad quartum dicendum, quod unum opponitur privative multis, in quantum in ratione multorum est quod sint divisa.

Unde oportet quod divisio sit prius unitate non simpliciter, sed secundum rationem nostrae apprehensionis. Apprehendimus enim simpliciter per composita: unde definimus punctum, cuius pars non est, vel principium lineae. Sed multitudo etiam secundum rationem consequenter se habet ad unum: quia divisa non intelligimus habere rationem multitudinis, nisi per hoc quod utrique diversorum attribuiamus unitatem. Unde unum ponitur in definitione multitudinis, non autem multitudo in definitione unius. Sed divisio cadit in intellectu ex ipsa negatione entis, ita quod primo cadit in intellectu ens; secundo quod hoc ens non est illud ens, & sic secundo apprehendimus divisionem; tertio unum; quarto multitudinem.

ARTICULUS III. 53

Utrum Deus sit unus.

Infra 9. III. art. 3. & I. diff. 11. art. 1. & diff. XXIV. quest. 1. art. 1. & I. cont. cap. XII. & po. quest. 111. art. 6. & opusc. 11. cap. XII. & XI. Metaph. fin.

AD tertium sic proceditur. Videtur quod Deus non sit unus. Dicitur enim I. ad Corinth. VIII. 5. *Siquidem sunt dii multi, & domini multi.*

2. Praeterea. Unum quod est principium numeri, non potest praedicari de Deo, cum nulla quantitas de Deo praedicetur; similiter nec unum quod convertitur cum ente, quia importat privationem, & omnis privatio imperfectio est, quae Deo non competit. Non est igitur dicendum, quod Deus sit unus.

Sed contra est quod dicitur Deuteronom. VI. 4. *Audi Israel, Dominus Deus noster Deus unus est.*

Respondeo dicendum, quod Deum esse unum, ex tribus demonstratur. Primo

G 3 qui-

(b) Ita eod. *Aleam. & Tarrac. Al. Spiritualium.*

quidem ex eius simplicitate. Manifestum est enim quod illud, unde aliquid singulare est hoc aliquid, nullo modo est multis communicabile. Illud enim unde Sortes est homo, multis communicari potest; sed id unde est hic homo, non potest communicari nisi uni tantum. Si ergo Sortes per id esset homo per quod est hic homo, sicut non possunt esse plures Sortes, ita non possent esse plures homines. Hoc autem convenit Deo: nam ipse Deus est sua natura, ut supra ostensum est (quæst. 111. art. 3.) Secundum igitur idem est Deus, & hic Deus. Impossibile est igitur esse plures deos.

Secundo vero ex infinitate eius perfectionis. Ostensum est enim supra (quæst. 14. art. 2.) quod Deus comprehendit in se totam perfectionem essendi. Si ergo essent plures dii, oporteret eos differre. Aliquid ergo conveniret uni quod non alteri. (a) Si autem hoc esset, perfectio alteri eorum deesset; & sic ille in quo esset privatio, non esset simpliciter perfectus. Impossibile est ergo esse plures deos. Unde & antiqui Philosophi quasi ab ipsa coacti veritate ponentes principium infinitum, posuerunt unum tantum principium.

Tertio ab unitate mundi. Omnia enim quæ sunt, inveniuntur esse ordinata ad invicem, dum quædam quibusdam deferunt. Quæ autem diversa sunt, in unum ordinem non convenirent, nisi ab aliquo uno ordinarentur. Melius enim multa reducuntur in unum ordinem per unum quam per multa: quia per se unius unum est causa, & multa non sunt causa unius nisi per accedens, in quantum scilicet sunt aliquo modo unum. Cum igitur illud quod est primum, sit perfectissimum, & per se, non per accedens; oportet quod primum reducens omnia in unum ordinem sit unum tantum. Et hoc est Deus.

Ad primum ergo dicendum, quod dicuntur dii multi secundum errorem quorundam, qui multos deos colebant, existimantes planetas, & alias stellas esse deos, vel etiam singulas partes mundi. Unde subdit ibid. Apostolus: *Nobis autem unus Deus &c.*

Ad secundum dicendum, quod unum, secundum quod est principium numeri, non prædicatur de Deo, sed solum de his quæ habent esse in materia. Unum

enim quod est principium numeri, est de genere mathematicorum, quæ habent esse in materia, sed sunt secundum rationem a materia abstracta. Unum vero quod convertitur cum ente, est quoddam metaphysicum, quod secundum esse non dependet a materia. Et licet in Deo non sit aliqua privatio, tamen secundum modum apprehensionis nostræ non cognoscitur a nobis nisi per modum privationis, & remotionis. Et sic nihil prohibet aliqua privative dicta de Deo prædicari, sicut quod est incorporeus, infinitus; & similiter de Deo dicitur, quod sit unus.

ARTICULUS IV. 54

Utrum Deus sit maxime unus.

Inf. quæst. XVIII. art. 3. cor. & quæst. XXXVIII. art. 3. cor.

AD quartum sic proceditur. Videtur quod Deus non sit maxime unus. Unum enim dicitur secundum privationem divisionis. Sed privatio non recipit magis, & minus. Ergo Deus non dicitur magis unus quam alia quæ sunt unum.

2. Præterea. Nihil videtur esse magis indivisibile quam id quod est indivisibile actu, & potentia, cuiusmodi est punctus, & unitas. Sed in tantum dicitur aliquid magis unum, in quantum est indivisibile. Ergo Deus non est magis unum quam unitas, & punctus.

3. Præterea. Quod est per essentiam bonum, est maxime bonum. Ergo quod est per essentiam suam unum, est maxime unum. Sed omne ens est unum per suam essentiam, ut patet per Philosophum in IV. Metaph. (tex. 3.) Ergo omne ens est maxime unum: Deus igitur non est magis unum quam alia entia.

Sed contra est quod dicit (b) Bernardus (Lib. V. de consid. cap. viii. in fin.) quod *inter omnia quæ unum dicuntur, arcem tenet unitas divine Trinitatis.*

Respondeo dicendum, quod cum unum sit ens indivisibile, ad hoc quod aliquid sit maxime unum, oportet quod sit & maxime ens, & maxime indivisibile. Utrumque autem competit Deo. Est enim maxime ens, in quantum est non habens aliquid esse determinatum per aliquam naturam, cui adveniat; sed est ipsum esse sub-

(a) *At.* Et sic ille in quo esset privatio, non esset simpliciter perfectus. Si autem hoc esset, perfectio alteri eorum deesset. MSS. *Cambr. & Alcan.* Et si hoc esset privatio, non esset simpliciter perfectus; si autem hoc esset, perfectio alteri eorum deesset. (b) *At.* Boetius.

subsistens omnibus modis indeterminatum. Est autem maxime indivisum, in quantum neque dividitur actu, neque potentia secundum quemcumque modum divisionis, cum sit omnibus modis simplex, ut supra ostensum est (quaest. III. art. 7.) Unde manifestum est quod Deus est maxime unus.

Ad primum ergo dicendum, quod licet privatio secundum se non recipiat magis & minus, tamen secundum quod eius opposita recipit magis & minus, etiam ipsa privativa dicitur secundum magis & minus. Secundum igitur quod aliquid est magis divisum, vel divisibile, vel minus, vel nullo modo, secundum hoc aliquid dicitur magis, & minus, vel maxime unum.

Ad secundum dicendum, quod punctus, & unitas, (a) quae est principium numeri, non sunt maxime entia, cum non habeant esse nisi in subiecto aliquo. Unde neutrum eorum est maxime unum. Sicut enim subiectum non est maxime unum propter diversitatem accidentis, & subiecti, ita nec accidens.

Ad tertium dicendum, quod licet omne ens sit unum per suam substantiam, non tamen se habet aequaliter substantia cuiuslibet ad causandam unitatem: quia substantia quorundam est ex multis composita, quorundam vero non.

QUAESTIO XII.

Quomodo Deus a nobis cognoscatur,

in tredecim articulos divisa.

Quia in superioribus consideravimus, qualiter Deus sit secundum se ipsum, restat considerandum, qualiter sit in cognitione nostra, id est quomodo cognoscatur a creaturis: & circa hoc quaeruntur tredecim.

Primo, utrum aliquis intellectus creatus possit videre essentiam Dei.

Secundo, utrum Dei essentia videatur ab intellectu per aliquam speciem creatam.

Tertio, utrum oculo corporeo Dei essentia possit videri.

Quarto, utrum aliqua substantia intellectualis creata ex suis naturalibus sufficiens sit videre Dei essentiam.

Quinto, utrum intellectus creatus ad

videndum Dei essentiam indigeat aliquo lumine creato.

Sexto, utrum videndum essentiam Dei unus alio perfectius videat.

Septimo, utrum aliquis intellectus creatus possit comprehendere Dei essentiam.

Octavo, utrum intellectus creatus videns Dei essentiam, omnia in ipsa cognoscat.

Nono, utrum ea quae ibi cognoscit, per aliquas similitudines cognoscat.

Decimo, utrum simul cognoscat omnia quae in Deo videt.

Undecimo, utrum in statu huius vitae possit aliquis homo essentiam Dei videre.

Duodecimo, utrum per rationem naturalem Deum in hac vita possimus cognoscere.

Tertiodecimo, utrum supra cognitionem naturalis rationis sit in praesenti vita aliqua cognitio Dei per gratiam.

ARTICULUS I. 55

Utrum aliquis intellectus creatus possit Deum videre per essentiam.

1. 2. *quaest. lvi. art. 1. cor. & quaest. xciii. art. 2. cor. & lli. com. cap. li. liv. & lvii. & ver. quaest. viii. art. 1. & quod. 7. art. 2. & opusc. ii. cap. cv.*

Ad primum sic proceditur. Videtur quod nullus intellectus creatus possit Deum per essentiam videre. Chrysostomus enim super Ioan. (hom. xiv. aliquantulum a princ.) exponens illud, quod dicitur Ioan. 1. *Deum nemo vidit unquam*, sic dicit: *Ipsam quod est Deus, non solum Propheta, sed nec Angeli viderunt, nec Archangeli. Quod enim creabilis est natura, qualiter videre poteris quod increabile est?* Dionysius etiam in 1. cap. de div. Nomin. (a med. illius lect. 3.) loquens de Deo dicit: *Neque sensus est eius, neque phantasia, neque opinio, nec ratio, nec scientia.*

2. Praeterea. Omne infinitum, in quantum huiusmodi, est ignotum. Sed Deus est infinitus, ut supra ostensum est (quaest. vii. art. 1.) ergo secundum se est ignotus.

3. Praeterea. Intellectus creatus non est cognoscitivus nisi existentium. Primum enim quod cadit in apprehensione intellectus, est ens. Sed Deus non est existens, sed supra existentia, ut dicit Dionysius.

G 4

ny-

(a) Ita ed. Alcan. cum edis plurimis. Duacenses vero & Leuanienses legunt ex Camer. quae sunt principia quantitatis.

nylius (cap. i. & ii. de div. Nom.) Ergo non est intelligibilis, sed est supra omnem intellectum.

4. Præterea. Cognoscens ad cognitum oportet esse aliquam proportionem, cum cognitum sit perfectio cognoscens. Sed nulla est proportio intellectus creati ad Deum, quia in infinitum distat. Ergo intellectus creatus non potest videre essentiam Dei.

Sed contra est quod dicitur I. Ioan. iii. 2. *Videbimus eum sicuti est.*

Respondendo dicendum, quod cum unumquodque sit cognoscibile, secundum quod est in actu, Deus, qui est actus purus absque omni permixtione potentiae, quantum in se est, maxime cognoscibilis est. Sed quod est maxime cognoscibile in se, alicui intellectui cognoscibile non est, propter excessum intelligibilis supra intellectum; licet Sol, qui est maxime visibilis, videri non potest a vespertione propter excessum luminis.

Hoc igitur attendentes quidam posuerunt, quod nullus intellectus creatus essentiam Dei videre potest.

Sed hoc inconvenienter dicitur. Cum enim ultima hominis beatitudo in altissima eius operatione consistat, quæ est operatio intellectus; si nunquam essentiam Dei videre potest intellectus creatus, vel nunquam beatitudinem obtinebit, vel in alio eius beatitudo consistet quam in Deo: quod est alienum a fide. In ipso enim est ultima perfectio rationalis creaturæ, quod est ei principium essendi: intantum enim nunquamque perfectam est, in quantum ad suum principium attingit. Simuliter etiam est præter rationem. Intellectus enim homini naturale debetiam cognoscendi causam, cum intrinetur effectum; & ex hoc admiratio in hominibus consurgit. Si igitur intellectus rationalis creaturæ pertingere non possit ad primam causam rerum, remanebit inane desiderium naturæ.

Unde simpliciter concedendum est, quod beati Dei essentiam vident.

Ad primam ergo dicendum, quod utraque auctoritas loquitur de visione comprehensivis. Unde præmittitur Dionysius (cit. cap. in arg.) immediato ante verba, proposita dicens: *Omnibus igitur est unversaliter incomprehensibilis, & nec sensus est* &c. & Chrysostomus (eodem hom. xiv. parum ante mod.) parum post verba prædicta subdit: *Visionem hoc dicit certigiam Patri considerationem, & comprehensionem deitatis, quam Pater habet de Filio.*

Ad secundum dicendum, quod infinitum quod se tenet ex parte materie non perfectæ per formam, ignotum est secundum se, quia omnis cognitio est per formam; sed infinitum, quod se tenet ex parte formæ non limitat per materiam, est secundum se maxime notum. Sic autem Deus est infinitus, & non primo modo, ut ex superioribus patet (quæst. vii. art. 1.)

Ad tertium dicendum, quod Deus non sic dicitur non existens, quasi nullo modo sit existens; sed quia est supra omne existens, in quantum est summus esse. Unde ex hoc non sequitur quod nullo modo possit cognosci, sed quod omnem cognitionem excedat, quod est ipsum non comprehendi.

Ad quartum dicendum, quod proportio dicitur dupliciter. Uno modo certa habitudo unius quantitatis ad alteram, secundum quod duplum, triplum, & æquale sunt species proportionis. Alio modo quælibet habitudo unius ad alterum proportio dicitur. Et sic potest esse proportio creaturæ ad Deum, in quantum se habet ad ipsum ut effectus ad causam, & ut potentia ad actum: & secundum hoc intellectus creatus proportionatus esse potest ad cognoscendum Deum.

ARTICULUS II. 36

Utrum essentia Dei ab intellectu creato per aliquam similitudinem videatur.

IV. dist. xlix. quæst. ii. art. 1. & ver. quæst. viii. art. 1. & III. cont. cap. xlix. & opusc. xi. cap. cv.

AD secundum sic proceditur. Videtur quod essentia Dei ab intellectu creato per aliquam similitudinem videatur. Dicitur enim I. Ioan. iii. 2. *Scimus quoniam cum apparuerit, similes ei erimus, & videbimus eum sicuti est.*

2. Præterea. Augustinus dicit IX. de Trinitate (cap. xi. in princ.) *Cum Deus movemus, sic aliqua Dei similitudo in nobis.*

3. Præterea. Intellectus in actu est intelligibilis in actu, sicut sensus in actu est sensibilis in actu. Hoc autem non est, nisi in quantum informatur sensus similitudine rei sensibilis, & intellectus similitudine rei intellectæ. Ergo si Deus ab intellectu creato videtur in actu, oportet quod per aliquam similitudinem videatur.

Sed contra est quod dicit Augustinus XV.

XV. de Trinitate (cap. ix. parum a mod.) quod cum Apostolus dicit: *Videmus nunc per speculum, & in enigmate; Speculi, & enigmas nomine quaecunque similitudines ab ipso significare intelligi possunt, quae accommodata sunt ad intelligendum Deum.* Sed videtur Deum per essentiam non esse visio enigmatica, vel (a) specularis, sed contra eam dividitur. Ergo divina essentia non videtur per similitudinem.

Respondetur dicendum, quod ad visionem tam sensibilem, quam intellectualem duo requiruntur, scilicet virtus visiva, & unio rei visae cum visu. Non enim fit visio in actu, nisi per hoc quod res visae quodammodo est in vidente. Et in rebus quidem corporalibus apparet quod res visa non potest esse in vidente per suam essentiam, sed solum per suam similitudinem; sicut similitudo lapidis est in oculo, per quam fit visio in actu, non autem ipsa substantia lapidis. Si autem esset una & eadem res quae esset principium visivae virtutis, & quae esset res visa, oporteret videntem ab illa rei & virtutem visivam habere, & formam per quam videret.

Manifestum est autem quod Deus & est auctor intellectus & virtutis, & ad intellectum videri potest. Et cum ipsa intellectiva virtus creaturae non sit Dei essentia, relinquatur quod sit aliqua participativa similitudo ipsius, qui est primus intellectus. Unde & virtus intellectualis creaturae lumen quoddam intelligibile dicitur, quasi a prima luce derivatum, sive hoc intelligatur de virtute naturali, sive de aliqua perfectione superaddita gratiae, vel gloriae. Requiritur ergo ad videndum Deum aliqua Dei similitudo ex parte visivae potentiae, quae scilicet intellectus sit efficax ad videndum Deum. Sed ex parte visae rei, quam necesse est aliquo modo uniri videnti, per nullam similitudinem creaturae Dei essentia videri potest. Primo quidem quia, sicut dicit Dionysius i. cap. de divin. Nominibus (non multum procul a princ.) per similitudines interioris ordinis rerum nullo modo superiora possunt cognosci; sicut per speciem corporis non potest cognosci essentia rei incorporae. Multo igitur minus per speciem creatam quancumque potest essentia Dei videri. Secundo quia essentia Dei est ipsum esse eius, ut supra ostensum est (quaest. 111. art. 4.) quod nulli formae create competere potest. Non potest igitur aliqua forma creatae ef-

se similitudo representans videnti Dei essentiam. Tercio quia divina essentia est aliquod incircumscriptum, continens in se supereminenter quicquid potest significari, vel intelligi ab intellectu creato. Et hoc nullo modo per aliquam speciem creatam representari potest, quia omnis forma creata est determinata secundum aliquam rationem vel sapientiae, vel virtutis, vel ipsius esse, vel alicuius huiusmodi. Unde dicere Deum per similitudinem videri, est dicere divinam essentiam non videri: quod est erroneum.

Dicendum ergo, quod ad videndum Dei essentiam requiritur aliqua similitudo ex parte visivae potentiae, scilicet lumen divinae gloriae confortans intellectum ad videndum Deum: de quo dicitur in Psal. xxxv. 10. *In lumine tuo videbimus lumen.* Non autem per aliquam similitudinem creatam Dei essentia videri potest, quae ipsam divinam essentiam representet ut in se est.

Ad primum ergo dicendum, quod auctoritas illa loquitur de similitudine quae est per participationem luminis gloriae.

Ad secundum dicendum, quod Augustinus ibi loquitur de cognitione Dei quae habetur in via.

Ad tertium dicendum, quod divina essentia est ipsum esse. Unde sicut aliae formae intelligibiles, quae non sunt suum esse, ununtur intellectui secundum aliquod esse, quo informant ipsum intellectum, & faciunt ipsum in actu; ita divina essentia unitur intellectui creato, ut intellectum in actu, per se ipsam faciens intellectum in actu.

ARTICULUS III. 57

Utrum essentia Dei videri possit oculis corporalibus.

2. 2. *quaest. cxxxv. art. 4. & IV. dist. xlix. quaest. 11. art. 2.*

AD tertium sic proceditur. Videtur quod essentia Dei videri possit oculis corporali. Dicitur enim Iob xix. 26. *In carne mea videbo Deum &c.* & xlii. 5. *Auditu auris audivi te, nunc autem oculis meis videt te.*

2. Praeterea. Augustinus dicit ult. de civitat. Dei cap. xxi. (circa mod.) *Vis itaque praepollens oculorum eris illorum, scilicet glorificatorum, non ut (b) acutus viderent quam quidam perbiberant videre ser-*

(a) Edit. Rom. specularis. (b) Al. acutus.

penes, vel aquila: (quantalibet enim acriter, motusque vitales (a) exercentes vivimus, maxime cernendi eadem animalia vigeant, nihil aliud possunt videre quam corpora:.) sed ut videantur & incorporalia. Quicumque autem potest videre incorporalia, potest elevari ad videndum Deum. Ergo oculus glorificatus potest videre Deum.

3. Præterea. Deus potest videri ab homine visione imaginaria. Dicitur enim Ista. vi. 1. *Vidi Dominum sedentem super solium &c.* Sed visio imaginaria a sensu originem habet, phantasia enim est motus factus a sensu secundum actum, ut dicitur in III. de Anima (cap. 111. tex. clx.) Ergo Deus sensibili visione videri potest.

Sed contra est quod dicit Augustinus in Libro de videndo Deum ad Paulinam (cap. ix. in hn.) *Deum nemo vidit unquam vel in hac vita, sicut ipse est, vel in Angelorum rata, sicut visibilia ista quæ corporali visione cernuntur.*

Respondeo dicendum, quod impossibile est Deum videri sensu visus, vel quocumque alio sensu, aut potentia sensitivæ partis. Omnis enim potentia huiusmodi est actus corporalis organi, ut infra dicitur (art. seq. & quest. lxxviii.) Actus autem proportionatur ei cuius est actus. Unde nulla huiusmodi potentia potest se extendere ultra corporalia. Deus autem incorporeus est, ut supra ostensum est (quest. 111. art. 1.) Unde nec imaginatione videri potest, sed solo intellectu.

Ad primum ergo dicendum, quod cum dicitur, *In carne mea videbo Deum Salvatorem meum*, non intelligitur quod oculo carnis sit Deum visurus, sed quod in carne existens post resurrectionem visurus sit Deum. Similiter quod dicitur, *Nunc oculus meus videt te*, intelligitur de oculo mentis; sicut Ephes. 1. 17. dicit Apostolus: *Dei vobis spiritum sapientie in agnitione eius illuminator oculos cordis vestri.*

Ad secundum dicendum, quod Augustinus loquitur inquirendo in verbis illis, & sub conditione. Quod patet ex hoc quod (ibidem) præmittitur: *Longe itaque potentia alterius erunt, scilicet oculi glorificati, si per eos videbitur incorporea illa natura: sed postmodum hoc determinat dicens: Valde credibile est, sic nos visuros mundana tunc corpora celi novi, & terra nova, ut Deum ubique præsentem, & universa etiam corporalia gubernantem clarissima perspicuitate videamus; non sicut nunc invisibilia Dei per ea quæ facta sunt, intellecta conspiciuntur, sed sicut homines, inter quos vivemus.*

ut aspicimus, non credimus (b) vivere, sed videmus. Ex quo patet quod hoc modo intelligit oculos glorificatos Deum visuros, sicut nunc oculi nostri vident alicuius vitam. Vita autem non videtur oculo corporali, sicut per se visibile, sed sicut sensibile per accidens: quod quidem (c) a sensu non cognoscitur, sed statim cum sensu ab aliqua alia virtute cognoscitur. Quod autem statim visis corporibus divina præsentia ex eis cognoscatur per intellectum, ex duobus contingit, scilicet ex perspicuitate intellectus, & ex refulgentia divinæ claritatis in corporibus innovatis.

Ad tertium dicendum, quod in visione imaginaria non videtur Dei essentia, sed aliqua forma in imaginatione formatur, representans Deum secundum aliquem modum similitudinis, prout in Scripturis divinis divina per res sensibiles metaphorice describuntur.

ARTICULUS IV. 58

Utrum aliquis intellectus creatus per sua naturalia divinam essentiam videre possit.

II. dist. xlix. quest. 11. art. 6. & ver. quest. viii. art. 3. & III. con. cap. 50.

AD quartum sic proceditur. Videtur quod aliquis intellectus creatus per sua naturalia divinam essentiam videre possit. Dicit enim Dionisius iv. cap. de divin. Nom. (parum ante med.) quod *Angelus est speculum purum, clarissimum, suscipiens totam, si fas est dicere, pulchritudinem Dei.* Sed unusquodque videtur, dum videtur eius speculum. Cum igitur Angelus per sua naturalia intelligat se ipsum, videtur quod etiam per sua naturalia intelligat divinam essentiam.

2. Præterea. Illud quod est maxime visibile, sit minus visibile nobis propter defectum nostri visus vel corporalis, vel intellectualis. Sed intellectus Angeli non patitur aliquem defectum. Cum ergo Deus secundum se sit maxime intelligibilis, videtur quod ab Angelo sit maxime intelligibilis. Si igitur alia intelligibilia per sua naturalia intelligere potest, multo magis Deum.

3. Præterea. Sensus corporeus non potest elevari ad intelligendam substantiam incorpoream, quia est supra eius naturam. Si igitur videre Deum per essentiam

(a) Al. exercentes. (b) Al. videre. (c) Al. a visis.

tiam sit supra naturam cuiuslibet intellectus creati, videtur quod nullus intellectus creatus ad videndum Dei essentiam pertinere possit: quod est erroneum, ut ex supradictis patet (art. 1. huius quæst.) videtur ergo quod intellectui creato sit naturale divinam essentiam videre.

Sed contra est quod dicitur Roman. vi. 23. *Gratia Dei vita æterna*. Sed vita æterna consistit in visione divinæ essentiae, secundum illud Ioann. xvii. 3. *Hæc est vita æterna, ut cognoscant te solum verum Deum &c.* Ergo videre Dei essentiam convenit intellectui creato per gratiam, & non per naturam.

Respondeo dicendum, quod impossibile est quod aliquis intellectus creatus per sua naturalia essentiam Dei videat. Cognitio enim contingit secundum quod cognitum est in cognoscente. Cognitum autem est in cognoscente secundum modum cognoscentis. Unde cuiuslibet cognoscentis cognitio est secundum modum suæ naturæ. Si igitur modus essendi alicuius rei cognitæ excedat modum naturæ cognoscentis, oportet quod cognitio illius rei sit supra naturam illius cognoscentis. Est autem multiplex modus essendi rerum. Quædam enim sunt quorum natura non habet esse nisi in hac materia individuali; & huiusmodi sunt omnia corporalia. Quædam vero sunt quorum naturæ sunt per se subsistentes, non in materia aliqua, quæ tamen non sunt suum esse, sed sunt esse habentes. Et huiusmodi sunt substantiæ incorporeæ, quas Angelos dicimus. Solius autem Dei proprius modus essendi est ut sit suum esse subsistens. Ea igitur quæ non habent esse nisi in materia individuali, cognoscere est nobis connaturale, eo quod anima nostra, per quam cognoscimus, est forma alicuius materiæ. Quæ tamen habet duas virtutes cognoscitivas. Unam, quæ est actus alicuius corporei organi; & huic connaturale est cognoscere res, secundum quod sunt in materia individuali: unde sensus non cognoscit nisi singularia. Alia vero virtus cognoscitiva eius est intellectus, qui non est actus alicuius organi corporalis. Unde per intellectum connaturale est nobis cognoscere naturas quæ quidem non habent esse nisi in materia individuali; non tamen secundum quod sunt in materia individuali, sed secundum quod abstrahuntur ab ea, per considerationem intellectus: unde secundum intellectum possumus cognoscere huiusmodi res in universali, quod est supra fa-

cultatem sensus. Intellectui autem angelico connaturale est cognoscere naturas non in materia existentes; quod est supra naturalem facultatem intellectus animæ secundum statum præsentis vitæ, quo corpori unitur. Relinquitur ergo quod cognoscere ipsum esse subsistens sit connaturale soli intellectui divino, & quod sit supra facultatem naturalem cuiuslibet intellectus creati: quia nulla creatura est suum esse, sed habet esse participatum. Non igitur potest intellectus creatus Deum per essentiam videre, nisi inquantum Deus per suam gratiam se intellectui creato coniungit ut intelligibile ab ipso.

Ad primum ergo dicendum, quod iste modus cognoscendi Deum est Angelo connaturalis, ut scilicet cognoscat eum per similitudinem eius in ipso Angelo refulgentem. Sed cognoscere Deum per aliquam similitudinem creatam non est cognoscere essentiam Dei, ut supra ostensum est (art. 2. huius quæst.) Unde non sequitur quod Angelus per sua naturalia possit cognoscere essentiam Dei.

Ad secundum dicendum, quod intellectus Angeli non habet defectum, si defectus accipitur privative, ut scilicet careat eo quod habere debet. Si vero accipitur negative, sic quælibet creatura invenitur deficiens, Deo comparata, dum non habet illam excellentiam quæ invenitur in Deo.

Ad tertium dicendum, quod sensus visus, quia omnino materialis est, nullo modo elevari potest ad aliquid immateriale. Sed intellectus noster, vel angelicus, quia secundum naturam a materia aliquantulum elevatus est, potest ultra suam naturam per gratiam ad aliquid altius elevari. Et huius signum est, quia visus nullo modo potest in abstractione cognoscere id quod in concrectione cognoscit; nullo enim modo potest percipere naturam nisi ut hanc: sed intellectus noster potest in abstractione considerare quod in concrectione cognoscit. Est enim cognoscit res habentes formam in materia, tamen resolvit compositum in utrumque, & considerat ipsam formam per se. Et similiter intellectus Angeli, licet connaturale sit ei cognoscere esse concretum in aliqua natura, tamen potest ipsum esse discernere per intellectum, dum cognoscit quod aliud est ipse, & aliud est suum esse. Et ideo cum intellectus creatus per suam naturam natus sit apprehendere formam concretam, & esse concre-

creatum in abstractione per modum resolutionis cuiusdam; potest per gratiam elevari ut cognoscat substantiam separatam subsistentem, & esse separatam subsistens.

ARTICULUS V. 59

Utrum intellectus creatus ad videndum Dei essentiam aliquo creato lumine indigeat.

III. cont. cap. 11. 111. & IV. & opus. 11. cap. cv. & III. dist. xiv. art. 1. quæst. 11. ad 1. & IV. dist. xlix. quæst. 11. art. 7. & verit. quæst. viii. art. 3. ad 6.

AD quantum sic proceditur. Videtur quod intellectus creatus ad videndum essentiam Dei, aliquo lumine creato non indigeat. Illud enim quod est per se lucidum in rebus sensibilibus, alio lumine non indiget, ut videatur. Ergo nec in intelligibilibus. Sed Deus est lux intelligibilis. Ergo non videtur per aliquod lumen creatum.

2. Præterea. Cum Deus videtur per medium, non videtur per suam essentiam. Sed cum videtur per aliquod lumen creatum, videtur per medium. Ergo non videtur per suam essentiam.

3. Præterea. Illud quod est creatum, nihil prohibet alicui creaturæ esse naturale. Si ergo per aliquod lumen creatum Dei essentia videtur, poterit illud lumen esse naturale alicui creaturæ; & ita illa creatura non indigebit aliquo alio lumine ad videndum Deum: quod est impossibile. Non est ergo necessarium quod omnis creatura ad videndum Dei essentiam, lumen superadditum requirat.

Se contra est, quod dicitur in Psalm. xxxv. 10. *In lumine tuo videbimus lumen.*

Respondendo dicendum, quod omne quod elevatur ad aliquid quod excedit suam naturam, oportet quod disponatur aliqua dispositione, quæ sit supra suam naturam; sicut si aer debeat accipere formam ignis, oportet quod disponatur aliqua dispositione ad talem formam. Cum autem aliquis intellectus creatus videt Deum per essentiam, ipsa essentia Dei sit forma intelligibilis intellectus. Unde oportet quod aliqua dispositio supernaturalis ei superaddatur ad hoc quod elevetur in tantam sublimitatem. Cum igitur virtus naturalis intellectus creati non sufficiat ad Dei essentiam videndam, ut ostensum est (art. præc.) oportet quod ex divina

gratia superaccreseat ei virtus intelligentiæ. Et hoc augmentum virtutis intelligentiæ illuminationem intellectus vocamus, sicut & ipsum intelligibile vocatur lumen, vel lux. Et istud est lumen de quo dicitur Apoc. xxi. 23. *quod claritas Dei illuminabit eam*, scilicet societatem beatorum Deum videndum. Et secundum hoc lumen efficiuntur desermes, idest Deo similes, secundum illud I Ioann. 111. 2. *Cum apparueri, similes ei erimus, & videbimus eum sicuti est.*

Ad primum ergo dicendum, quod lumen creatum est necessarium ad videndum Dei essentiam, non quod per hoc lumen Dei essentia intelligibilis fiat, quæ secundum se intelligibilis est, sed ad hoc quod intellectus fiat potens ad intelligendum, per modum quo potentia sit potentior ad operandum per habitum. Sicut etiam & lumen corporale necessarium est in visu exteriori, inquantum facit medium transparentem in actu, ut possit moveri a colore.

Ad secundum dicendum, quod lumen istud non requiritur ad videndum Dei essentiam quali similitudo in qua Deus videtur, sed quasi perfectio quædam intellectus confortans ipsum ad videndum Deum. Et ideo potest dici, quod non est medium in quo Deus videtur, sed sub quo videtur: & hoc non tollit immediatam visionem Dei.

Ad tertium dicendum, quod dispositio ad formam ignis non potest esse naturalis nisi habenti formam ignis. Unde lumen gloriæ non potest esse naturale creaturæ, nisi creatura esset naturæ diviniæ; quod est impossibile. Per hoc enim lumen fit creatura rationalis deiformis, ut dicitur est (in corp. art.)

ARTICULUS VI. 60

Utrum videntium essentiam Dei unus alio perfectius videat.

IV. dist. xlix. quæst. 11. art. 4. & III. cont. cap. lvi.

AD sextum sic proceditur. Videtur quod videntium essentiam Dei unus alio perfectius non videat. Dicitur enim I Ioann. 111. 2. *Videbimus eum sicuti est.* Sed ipse uno modo est. Ergo uno modo videbitur ab omnibus; non ergo perfectius, & minus perfecte.

2. Præterea. Augustinus dicit Lib. lxx-xiii. Q. (quæst. xxxii.) quod *unam rem*

rem non potest unus alio plus intelligere. Sed omnes videntes Deum per essentiam intelligunt Dei essentiam; intellectu enim videtur Deus, non sensu, ut supra habitum est (art. 3. huius quaest.). Ergo videntium divinam essentiam unus alio non clarius videt.

3. Præterea. Quod (a) aliquid altero perfectius videtur, ex duobus contingere potest, vel ex parte obiecti visibilis, vel ex parte potentiae visivæ videntis. Ex parte autem obiecti per hoc quod obiectum perfectius in vidente recipitur, scilicet secundum perfectiorem similitudinem; quod in proposito locum non habet: Deus enim non per aliquam similitudinem, sed per eius essentiam præfens est intellectui essentiam eius videnti. Relinquitur ergo quod si unus alio perfectius eum videat, hoc sit secundum differentiam potentie intellectivæ: & ita sequitur quod cuius potentia intellectiva naturaliter est sublimior, clarius eum videat; quod est inconveniens, cum hominibus promittatur in beatitudine æqualitas Angelorum.

Sed contra est quod vita æterna in visione Dei consistit, secundum illud Ioann. xvii. 3. *Hæc est vita æterna ut cognoscant te solum Deum &c.* Ergo si omnes æqualiter Dei essentiam vident in vita æterna, omnes erunt æquales: cuius contrarium dicit Apostolus I. Cor. xv. 4. *Stella differat a stella in claritate.*

Respondendo dicendum, quod videntium Deum per essentiam unus alio perfectius eum videbit. Quod quidem non erit per aliquam Dei similitudinem perfectiorem in uno quam in alio, cum illa visio non sit futura per aliquam similitudinem, ut ostensum est (art. 2. huius quaest.) sed hoc erit per hoc quod intellectus unius habebit maiorem virtutem, seu facultatem ad videndum Deum, quam alterius. Facultas autem videndi Deum non competit intellectui creato secundum suam naturam, sed per lumen gloriæ, quod intellectum in quadam deformitate constituit, ut ex superioribus patet (art. præc.)

Unde intellectus plus participans de lumine gloriæ perfectius Deum videbit. Plus autem participabit de lumine gloriæ qui plus habet de caritate: quia ubi est maior caritas, ibi est maius desiderium; & desiderium quodammodo facit desiderantem aptum, & paratum ad susceptionem desiderati. Unde qui plus habebit de caritate, perfectius Deum videbit, & beator erit.

Ad primum ergo dicendum, quod cum dicitur, *Videbimus eum sicutus est*, hoc ad verbum *sicutus* determinat modum visionis ex parte rei visæ, ut sit sensus: *Videbimus eum ita esse sicuti est*, quia ipsum esse eius videbimus, quod est eius essentia. Non autem determinat modum visionis ex parte videntis, ut sit sensus, quod ita erit perfectus modus videndi, sicut est in Deo perfectus modus cernendi.

Et per hoc etiam patet solutio ad secundum. Cum enim dicitur, quod rem unam unus alio melius non intelligit, hoc habet veritatem, si referatur ad modum rei intellectæ, quia quicumque intelligit rem esse alter quam sit, non vere intelligit; non autem si referatur ad modum intelligendi, quia intelligere unum est perfectius quam intelligere alterius.

Ad tertium dicendum, quod diversitas videndi non erit ex parte obiecti, quia idem obiectum omnibus præsentabitur, scilicet Dei essentia; nec ex diversâ participatione obiecti per differentes similitudines; sed erit per diversam facultatem intellectus, non quidem naturalem, sed gloriosam, ut dictum est (art. præc.)

ARTICULUS VII. 61

Utrum videntes Deum per essentiam ipsam comprehendant.

II. dist. xix. art. 2. ad 3. & III. cont. cap. lxi. & ver. quæst. viii. art. 2.

AD septimum sic proceditur. Videtur quod videntes Deum per essentiam, ipsum comprehendant. Dicit enim Apostolus Phil. iiii. 12. *Sequitur autem, si quo modo comprehendam.* Non autem frustra sequebatur: dicit enim ipse I. Corinth. ix. 26. *Sic curro, non quasi in incertum.* Ergo ipse comprehendit, & eadem ratione alii, quos ad hoc invitat dicens ibid. *Sic currite, ut comprehendatis.*

2. Præterea. Ut dicit Augustinus in Lib. de videndo Deum ad Paulinum (epist. cxii. cap. ix. in princ.) *illud comprehenditur quod ita totum videtur, ut nihil eius lateat videntem.* Sed si Deus per essentiam videtur, totus videtur, & nihil eius latet videntem, cum Deus sit simplex. Ergo a quocunque videtur per essentiam, comprehenditur.

3. Si dicatur, quod videtur totus, sed non totaliter; contra. *Totaliter* vel dicitur

mo-

(a) Aliquis . . . videtur?

modum vidētis, vel modum rei viſæ. Sed ille qui videt Deum per eſſentiam, videt eum totaliter, ſi ſignificetur modus rei viſæ, quia videt eum ſicuti eſt, ut dictum eſt (art. præc. ad 1.) ſimiliter videt eum totaliter, ſi ſignificetur modus vidētis, quia tota virtute ſua intellexit, Dei eſſentiam videbit. Quilibet ergo videns Deum per eſſentiam, totaliter eum videbit: ergo eum comprehendet.

Sed contra eſt quod dicitur Hierem. xxxiii. t8. *Fortiſſime, magne, potens Dominus exercitiarum nomen tibi, magnus conſilio, & incomprehenſibilis cogitatu*. Ergo comprehendere non poſſet.

Reſpondeo dicendum, quod comprehendere Deum impoſſibile eſt cuiusque intellectui creato; attingere vero mente Deum qualitercumque magna eſt beatitudo, ut dicit Auguſtinus (ſer. xxxviii. de verb. Domini cap. iiii. circ. med.)

Ad cuius evidentiam ſciendum eſt, quod illud comprehenditur quod perfecte cognoscitur: perfecte autem cognoscitur quod tantum cognoscitur, quantum eſt cognoscibile. Unde ſi id quod eſt cognoscibile per ſcientiam demonſtrativam, opinione teneatur ex aliqua ratione probabiliter concepta, non comprehenditur: puta, ſi hoc quod eſt triangulum habere tres angulos æquales duobus rectis, aliquis ſciat per demonſtrationem, comprehendit illud, ſi vero aliquis eius opinionem accipiat probabiliter. per hoc quod a ſapientibus, vel pluribus ita dicitur, non comprehendit ipſum, quia non pergit ad illum perfectum modum cognitionis quo cognoscibilis eſt. Nullus autem intellectus creatus pertingere poſſet ad illum perfectum modum cognitionis divinæ eſſentia, quo cognoscibilis eſt: quod ſic patet. Unumquodque enim ſic cognoscibile eſt, ſecundum quod eſt eſſe actū. Deus igitur, cuius eſſe eſt infinitum, ut ſupra oſtenſum eſt (quæſt. vii. art. 11.) infinite cognoscibilis eſt. Nullus autem intellectus creatus poſſet Deum infinite cognoscere. Intantum enim intellectus creatus divinam eſſentiam perfectiſſe, vel minus perfecte cognoscit, inquantum maiori, vel minori lumine gloriæ perfunditur. Cum igitur lumen gloriæ creatum in quocumque intellectu creato receptum non poſſit eſſe infinitum, impoſſibile eſt quod aliquis intellectus creatus Deum infinite cognoscat. Unde impoſſibile eſt quod Deum comprehendat.

Ad primum ergo dicendum, quod cum

prehenſio dicitur dupliciter. Uno modo ſtriſſe & proprie, ſecundum quod aliquid includitur in comprehendente: & ſic nullo modo Deus comprehenditur nec intellectu, nec aliquo alio: quia cum ſit infinitus, nullo finito includi poſſet, ſicut ipſe infinitus eſt. Et ſic de comprehensione nunc quæritur. Alio modo comprehenſio largius ſumitur, ſecundum quod comprehenſio inſecutioni opponitur: qui enim attingit aliquem, quando iam tenet ipſum, comprehendere eum dicitur. Et ſic Deus comprehenditur a beatis, ſecundum illud Cant. iii. 4. *Tenui eum, nec dimittam*. Et ſic intelliguntur auctoritates Apoſtoli de comprehensione. Et hoc modo comprehenſio eſt una de tribus dotibus animæ, quæ reſpondet ſpei, ſicut viſio fidei, & fructio caritati. Non enim apud nos omne quod videtur, iam tenetur, vel habetur, quia videntur interdum diſtancia, vel quæ non ſunt in poteſtate noſtra: neque itorum omnibus quæ habemus, fruimur, vel quia non delectamur in eis, vel quia non ſunt ultimiſſis finis deſiderii noſtri, ut deſiderium noſtrum impleant, & quietent. Sed hæc tria habent beati in Deo: quia & vident ipſum, & videndo tenent ſibi præſentem, in poteſtate habentes ſemper eum videre, & tenentes fruuntur, ſicut ultimo fine deſiderium impleant.

Ad ſecundum dicendum, quod non propter hoc Deus incomprehenſibilis dicitur, quaſi aliquid eius ſit quod non videatur; ſed quia non ita perfecte videtur ſicut viſibilis eſt: ſicut cum aliqua demonſtrabilis propoſitio per aliquam probabilem rationem cognoscitur, non eſt aliquid eius quod non cognoscatur, nec ſubiectum, nec prædicatum, nec compoſitio; ſed tota non ita perfecte cognoscitur ſicut cognoscibilis eſt. Unde Auguſtinus (loco citat. in argument.) definiendo comprehensionem dicit, quod totum comprehenditur videndo, quod ita videtur, ut nihil eius lateat videnti, aut cuius fines circumſpici, vel circumſcribi poſſunt: tunc enim fines alicuius circumſpiciuntur, quando ad finem in modo cognoscendi illam rem pervenitur.

Ad tertium dicendum, quod totaliter dicitur modum obiecti, non quidem ita quod totus modus obiecti non cadat ſub cognitione, ſed quia modus obiecti non eſt modus cognoscentis. Qui igitur videt Deum per eſſentiam, videt hoc in eo quod

quod infinite existit, & infinite cognoscibilis est; sed hic infinitus modus non competit ei, ut scilicet ipse infinite cognoscat; sicut aliquis probabiliter scire potest aliquam propositionem esse demonstrabilem, licet ipse eam demonstrative non cognoscat.

ARTICULUS VIII. 63

Utrum videntes Deum per essentiam omnia in Deo videant.

IV. dist. xlix. quest. 21. art. 5. & veris. quest. viii. art. 4. & xx. art. 4. & 5. & III. cont. cap. lrv. & lrvii.

AD octavum sic proceditur. Videtur quod videntes Deum per essentiam omnia in Deo videant. Dicit enim Gregorius in IV. Dial. (cap. xxxiii. in fin. & Lib. II. Mor. cap. 11.) (a) *Quid est quod non videant qui videntem omnia vident?* Sed Deus est videns omnia. Ergo qui vident Deum, omnia vident.

1. Item. Quicumque videt speculum videt ea quae in speculo resplendent. Sed omnia quaecumque sunt, vel fieri possunt, in Deo resplendent sicut in quodam speculo: ipse enim omnia in se ipso cognoscit. Ergo quicumque videt Deum, videt omnia quae sunt, & quae fieri possunt.

3. Praeterea. Qui intelligit id quod est maius, post intelligere minima, ut dicitur III. de Anima (cap. iv. tex. 7.) Sed omnia quae Deus facit, vel facere potest, sunt minus quam eius essentia. Ergo quicumque intelligit Deum, potest intelligere omnia quae Deus facit, vel facere potest.

4. Praeterea. Rationalis creatura omnia naturaliter scire desiderat. Si igitur videndo Deum non omnia sciat, non quietatur eius naturale desiderium; & ita videndo Deum non erit beata; quod est inconveniens. Videndo igitur Deum omnia scit.

Sed contra est quod Angeli vident Deum per essentiam, & tamen non omnia sciunt. Inferiores enim Angeli purgantur a superioribus a nescientia ut dicit Dionysius vii. cap. caelest. Hierar. (a med.) Ipsi etiam nesciunt futura contingentia, & cogitationes cordium: hoc enim solius Dei est. Non ergo quicumque vident Dei essentiam, vident omnia.

Respondeo dicendum, quod intellectus

creatus videndo divinam essentiam non videt in ipsa omnia quae facit Deus, vel facere potest. Manifestum est enim quod sic aliqua videntur in Deo, secundum quod sunt in ipso. Omnia autem alia sunt in Deo sicut effectus sunt virtute in sua causa. Sic igitur videntur omnia in Deo sicut effectus in sua causa. Sed manifestum est quod quanto aliqua causa perfectius videtur, tanto plures eius effectus in ipsa videri possunt. Qui enim habet intellectum elevatum, statim uno principio demonstrativo proposito, ex ipso multarum conclusionum cognitionem accipit: quod non convenit ei qui debiliore intellectus est, sed oportet quod ei singula explanentur. Ille igitur intellectus potest in causa cognoscere omnes causas effectus, & omnes rationes effectuum, qui causam totaliter comprehendit. Nullus autem intellectus creatus totaliter Deum comprehendere potest, ut ostensum est (art. praec.) Nullus igitur intellectus creatus videndo Deum potest cognoscere omnia quae Deus facit, vel potest facere: hoc enim esset comprehendere eius virtutem: sed horum, quae Deus facit, vel facere potest, tanto aliquis intellectus plura cognoscit, quanto perfectius Deum videt.

Ad primum ergo dicendum, quod Gregorius loquitur quantum ad sufficientiam obiecti, scilicet Dei, quod, quantum in se est, sufficienter continet omnia, & demonstrat; non tamen sequitur quod unusquisque videns Deum omnia cognoscat, quia non perfecte comprehendit ipsum.

Ad secundum dicendum, quod videns speculum non est necessarium quod omnia in speculo videat, nisi speculum visu suo comprehendat.

Ad tertium dicendum, quod licet maius sit videre Deum quam omnia alia; tamen maius est videre sic Deum, quod omnia in eo cognoscantur, quam videre sic ipsum quod non omnia, sed pauciora, vel plura cognoscantur in eo. Iam enim ostensum est (in cor. art.) quod multitudo cognitorum in Deo consequitur modum videndi ipsum vel magis perfectum, vel minus perfectum.

Ad quartum dicendum, quod naturale desiderium rationalis creature est ad sciendum omnia illa quae pertinent ad perfectionem intellectus: & haec sunt species, & genera rerum, & rationes earum, quae in Deo videbit quilibet videns.

(a) *M. Quid est quod ibi nesciant qui scientem omnia sciunt?*

dens essentiam divinam. Cognoscere autem alia singularia, & cogitata, & facta eorum non est de perfectione intellectus creati; nec ad hoc eius naturale desiderium tendit: nec iterum cognoscere illa quæ nondum sunt, sed fieri a Deo possunt. Si tamen solus Deus videretur, qui est fons, & principium totius esse, & veritatis, ita repletur naturale desiderium sciendi, quod nihil aliud quæreretur; & beatus esset. Unde dicit Augustinus V. Confel. (cap. xv. in prin.) *Infelix homo, qui scit omnia illa, scilicet creaturas, se tamen nescit; beatus autem qui se scit, etiam si illa nesciat. Qui vero te, & illa novit, non propter illa beator est, sed propter te solum beatus.*

ARTICULUS IX. 63

Utrum ea quæ videntur in Deo a videntibus divinam essentiam, per aliquas similitudines videantur.

2. 2. quæst. cxxxv. art. 4. & III. dist. xiv. art. 1. quæst. 111. cap. & IV. dist. xlix. quæst. 11. art. 1. cap. & ad 3. & ver. quæst. viii. art. 5. & quæst. x. art. 11. corp.

AD nonum sic proceditur. Videtur quod ea quæ videntur in Deo a videntibus divinam essentiam, per aliquas similitudines videantur. Omnis enim cognitio est per assimilationem cognoscens ad cognitum: sic enim intellectus in actu fit intellectum in actu, & visus in actu visibile in actu, in quantum eius similitudine informatur, ut pupilla similitudine coloris. Si igitur intellectus videntis Deum per essentiam intelligat in Deo aliquas creaturas, oportet quod earum similitudinibus informetur.

2. Præterea. Ea quæ prius vidimus, memoriter tenemus. Sed Paulus videns in raptu essentiam Dei, ut dicit Augustinus XII. super Genes. ad lit. (cap. 111. & xxviii.) postquam defuit essentiam Dei videre, recordatus est multorum quæ in illo raptu viderat: unde ipse dicit, quod *audiret arcana verba, quæ non licet homini loqui*: II. Cor. xii. 4. Ergo oportet dicere, quod aliquæ similitudines eorum quæ recordatus est, in eius intellectu remanserint: & eadem ratione, quando præsentialiter videbat Dei essentiam, eorum quæ in ipsa videbat, aliquas similitudines, vel species habebat.

Sed contra est quod per unam speciem,

videtur speculum, & ea quæ in speculo apparent. Sed omnia sic videntur in Deo sicut in quodam speculo intelligibili. Ergo si ipse Deus non videretur per aliquam similitudinem, sed per suam essentiam, nec ea quæ in ipso videntur, per aliquas similitudines, sive species videntur.

Respondeo dicendum, quod videntes Deum per suam essentiam ea quæ in ipsa essentia Dei vident, non vident per aliquas species, sed per ipsam essentiam divinam intellectus eorum unitam. Sic enim cognoscitur unumquodque, secundum quod similitudo eius est in cognoscente; sed hoc contingit dupliciter. Cum enim quicumque uni & eidem sunt similia, sibi invicem sint similia, virtus cognoscitiva dupliciter assimilari potest alicui cognoscibili. Uno modo secundum se, quando directe eius similitudine informatur; & tunc cognoscitur illud secundum se. Alio modo secundum quod informatur specie alicuius quod est ei simile; & tunc non dicitur res cognosci in se ipsa, sed in suo simili. Alia enim est cognitio qua cognoscitur aliquis homo in se ipso, & alia qua cognoscitur in sua imagine. Sic ergo cognoscere res per earum similitudines in cognoscente existentes, est cognoscere eas in se ipsis, seu in propriis naturis; sed cognoscere eas, prout earum similitudines præexistunt in Deo, est videre eas in Deo. Et hæc duæ cognitiones differunt. Unde secundum illam cognitionem qua res cognoscuntur a videntibus Deum per essentiam, in ipso Deo non videntur per aliquas similitudines alias, sed per solam essentiam divinam intellectui præsentem, per quam & Deus videtur.

Ad primum ergo dicendum, quod intellectus creatus videntis Deum assimilatur rebus quæ videntur in Deo, in quantum unitur essentiae divinæ, in qua rerum omnium similitudines præexistunt.

Ad secundum dicendum, quod aliquæ potentie cognoscitivæ sunt quæ ex speciebus primo conceptis alias formare possunt, sicut imaginatio ex præconceptis speciebus montis, & auri format speciem montis aurei; & intellectus ex præconceptis speciebus generis, & differentie format rationem speciei; & similiter ex similitudine imaginis formare possumus in nobis similitudinem eius cuius est imago. Et sic Paulus, vel quicumque alius videns

Deum

Deum ex ipsa visione essentiae divinae potest formare in se similitudines rerum quae in essentia divina videntur: quae remanserunt in Paulo etiam postquam desit Dei essentiam videre. Ista tamen visio qua videntur res per huiusmodi species sic conceptas, est alia a visione qua videntur res in Deo.

ARTICULUS X.

64

Utrum videntes Deum per essentiam simul videant omnia quae in ipso videntur.

De his etiam contra Genes. Lib. III. cap. lix.

AD decimum sic proceditur. Videtur quod videntes Deum per essentiam non simul videant omnia quae in ipso videntur. Quia secundum Philosophum (II. Top. cap. xv. in princ.) contingit multa scire, intelligere vero unum. Sed ea quae videntur in Deo, intelliguntur: intellectu enim videtur Deus. Ergo non contingit a videntibus Deum simul multa videri in Deo.

2. Præterea. Augustinus dicit VIII. super Genes. ad litteram (cap. xxii. & xxxiii.) quod Deus movet creaturam spiritualement per tempus, hoc est per intelligentiam, & affectionem. Sed creatura spiritualis est Angelus, qui Deum videt. Ergo videntes Deum successive intelligunt, & afficiuntur: tempus enim successione importat.

Sed contra est quod Augustinus dicit XV. de Trinitate (cap. xvi. circa fin.) Non erunt volubiles nostrae cogitationes, ab aliis in alia euntes, atque redeuntes; sed omnem scientiam nostram uno simul conspectu videbimus.

Respondendo dicendum, quod ea quae videntur in Verbo, non successive, sed simul videntur. Ad cuius evidentiam considerandum est, quod ideo nos simul non possumus multa intelligere, quia multa per diversas species intelligimus. Diversis autem speciebus non potest intellectus unus simul actu informari ad intelligendum per eas; sicut nec unum corpus potest simul diversis figuris (a) figurari. Unde contingit quod quando

S. Tb. Oper. Tom. XX.

aliqua multa una specie intelligi possunt, simul intelliguntur: sicut diversae partes alicuius totius, si singulae propriis speciebus intelligantur, successive intelliguntur, & non simul; si autem omnes intelligantur una specie totius, simul intelliguntur. Ostensum est autem (art. præc.) quod ea quae videntur in Deo, non videntur singula per suas similitudines, sed omnia per unam essentiam Dei. Unde simul, & non successive videntur.

Ad primum ergo dicendum, quod sic unum tantum intelligimus, inquantum una specie intelligimus; sed multa una specie intellecta simul intelliguntur; sicut in specie hominis intelligimus animal, & rationale, & in specie domus parietem, & tectum.

Ad secundum dicendum, quod Angeli, quantum ad cognitionem naturalem, qua cognoscunt res per species diversas eis inditas, non simul omnia cognoscunt; & sic moventur secundum intelligentiam per tempus, sed secundum quod vident res in Deo, simul eas vident.

ARTICULUS XI.

65

Utrum aliquis in hac vita possit videre Deum per essentiam.

1. 2. quaest. v. art. 3. cor. & IV. dist. xlix. quaest. 11. art. 7. & VII. quaest. x. art. 11. & quod. 1. quaest. 1. art. 1. & III. cont. cap. xlv.

AD undecimum sic proceditur. Videtur quod aliquis in hac vita possit Deum per essentiam videre. Dicit enim Iacob Genes. xxxiii. 30. *Vidi Deum facie ad faciem.* Sed videre facie ad faciem est videre per essentiam, ut patet per illud quod dicitur I. Corinth. xiii. 12. *Videmus nunc per speculum, & in enigmate, tunc autem facie ad faciem.* Ergo Deus in hac vita per essentiam videri potest.

2. Præterea. Numer. xii. 8. dicit Dominus de Moysè: *Ore ad os loquor ei.* Sed qui ore ad os loquitur Deo, palam, & non per ænigmata, & figuras, videt

det Deum: sed hoc videre est Deum per essentiam videre. Ergo aliquis in statu huius vitae potest Deum per essentiam videre.

3. Præterea. Illud in quo alia omnia cognoscimus, & per quod de aliis iudicamus, est nobis secundum se notum. Sed omnia etiam nunc in Deo cognoscimus: dicit enim Augustinus XII. Confess. (cap. xxv. circa med.) *Si ambo videmus verum esse quod dicitur; & ambo videmus verum esse quod dico: ubi, quæso, illud videmus?* (a) *Nec ego in te, nec tu in me; sed ambo in ipsa, quæ supra mentes nostras est, incommutabili veritate.* Idem etiam in Lib. de vera Religione (cap. xxxi. per totum) dicit, quod secundum veritatem divinam de omnibus iudicamus: & XII. de Trinit. (cap. 11. vers. fin.) dicit, quod rationis est iudicare de istis corporalibus secundum rationes incorporeales, & sempiternas: quæ nisi supra mentem essent, incommutabiles profecto non essent. Ergo & in hac vita ipsum Deum videmus.

4. Præterea. Secundum Augustinum XII. super Genes. ad litteram (cap. xxv. & præcipue) intellectualem videntur ea quæ sunt in anima per suam essentiam. Sed vitio intellectualis est de rebus intelligibilibus, non per aliquas similitudines, sed per suas essentias, ut ipse ibidem dicit. Ergo cum Deus sit per essentiam suam in anima nostra, per essentiam suam videtur a nobis.

Sed contra est quod dicitur Exod. xxxiii. 20. *Non videbit me homo, & vivit:* Glossa ord. „Quamdiu hic mortaliter vivitur, videri per quasdam imagines.” Deus potest, sed per ipsam naturam suam speciem non potest.

Respondeo dicendum, quod ab homine puro Deus videri per essentiam non potest, nisi ab hac vita mortali separetur. Cuius ratio est, quia, sicut supra dictum est (art. 4. huius quæst.) modus cognitionis sequitur modum naturæ rei cognoscentis. Anima autem nostra, quamdiu in hac vita vivimus, habet eam in materia corporali: unde naturaliter non cognoscit aliqua, nisi quæ habent formam in materia, vel quæ per huiusmodi cognosci possunt. Manifestum est autem quod per naturas rerum materialium divina essentia cognosci non potest. Obsum est enim supra (art. 1. & 9. huius quæst.) quod cognitio Dei per quamcumque similitudinem creaturæ non est

visio essentiae ipsius. Unde impossibile est animæ hominis secundum hanc vitam viventis essentiam Dei videre. Et huius signum est quod anima nostra quanto magis a corporalibus abstrahitur, tanto intelligibilius abstractorum fit capax. Unde in somniis, & alienationibus a sensibus corporis magis divinæ revelationes percipiuntur, & prævisiones futurorum. Quod ergo anima elevetur usque ad supremum intelligibilem, quod est essentia divina, esse non potest, quamdiu hac mortali vita utitur.

Ad primum ergo dicendum, quod secundum Dionysium iv. cap. cælest. Hierar. (circa med.) sic in Scripturis dicitur aliquis Deum vidisse, inquantum formatae sunt aliquæ figuræ vel sensibiles, vel imaginariæ secundum aliquam similitudinem aliquid divinum representantes. Quod ergo dicit Iacob, *Vidi Deum facie ad faciem*, referendum est non ad ipsam divinam essentiam, sed ad figuram, in qua representabatur Deus. Et hoc ipsum ad quamdam prophetiam eminentiam pertinet (b) ut videatur loquens Deus, licet imaginaria visione, ut infra patebit (a. 2. quæst. clxxv.) cum de gradibus prophetiarum loquemur. Vel hoc dicit Iacob ad designandam quamdam eminentiam intelligibilem contemplationis suam communem statum.

Ad secundum dicendum, quod sicut Deus miraculose aliquid supernaturaliter in rebus corporeis operatur, ita etiam & supernaturaliter, & præter communem ordinem mentes aliquorum in hac carne viventium, sed non sensibus carnis utentium, usque ad visionem suæ essentiae elevavit, ut dicit Augustinus XII. super Genes. ad litteram (cap. xxvi. xxvii. & xxviii.) & in Libro de videndo Deum (cap. xiii. præcipue) de Moyse, qui fuit magister Iudeorum, & de Paulo, qui fuit magister Gentium. Et de hoc plenius tractabitur, cum de raptu eius agemus (2. 2. quæst. clxxv. art. 3. præcipue.)

Ad tertium dicendum, quod omnia dicimur in Deo videre, & secundum ipsum de omnibus iudicare, inquantum per participationem sui luminis omnia cognoscimus, & iudicamus: nam & ipsum lumen naturale rationis participatio quædam est divini luminis: sicut etiam omnia sensibilia dicimur videre, & iudicare in

(a) *Al.* „Nec ego utique in te.” (b) *Ita codd. Aitan. & Camer. Al.* ut videatur persona Dei loquentis, vel loquens Deus.

in Sole; idest per lumen Solis. Unde dicit Augustinus I. Soliloquiorum (cap. VIII. in princ.) *Disciplinarum spectamina videri non possunt, nisi aliquo velus suo sole illustrentur*, videlicet Deo. Sicut ergo ad videndum aliquid sensibiliter non est necessesse quod videatur substantia Solis; ita ad videndum aliquid intelligibiliter, non est necessarium quod videatur essentia Dei.

Ad quartum dicendum, quod visio intellectualis est eorum quae sunt in anima per suam essentiam, sicut intelligibilia in intellectu. Sic autem Deus est in anima beatorum, non autem in anima nostra, sed per praesentiam, essentiam, & potentiam.

ARTICULUS XII 66

Utrum per rationem naturalem Deum in hac vita cognoscere possimus.

I. dist. III. quest. 1. art. 1. & IV. contr. cap. 1. & Boetius de Trinitate quest. 1. art. 2.

AD duodecesimum sic proceditur. Videtur quod per naturalem rationem Deum in hac vita cognoscere non possimus. Dicit enim Boetius in Lib. de consol. (V. inter med. & fin. profae iv.) quod ratio non capis simplicem formam. Deus autem maxime est simplex forma, ut supra ostensum est (quest. III. art. 7.) Ergo ad eius cognitionem ratio naturalis pervenire non potest.

2. Praeterea. Ratione naturali sine phantasmate nihil intelligit anima, ut dicitur in III. de Anima (tex. 30. habetur etiam de mem. & remin. cap. 1.) Sed Dei, cum sit incorporeus, phantasma in nobis esse non potest. Ergo cognosci non potest a nobis cognitione naturalis.

3. Praeterea. Cognitionis quae est per rationem naturalem, communis est bonis, & malis, sicut natura eis communis est. Sed cognitio Dei competit tantum bonis: dicit enim Augustinus I. de Trinitate (cap. 11. parum a prin.) quod *mentis humanae acies in tam excellenti luce non figitur, nisi (a) per iustitiam fidei emundetur*. Ergo

Deus per rationem naturalem cognosci non potest.

Sed contra est quod dicitur Rom. 1. 19. *Quod notum est Dei, manifestum est in illis*, idest quod cognoscibile est de Deo per rationem naturalem.

Respondendo dicendum, quod naturalis nostra cognitio a sensu principium sumit. Unde tantum se nostra naturalis cognitio extendere potest, in quantum manuduci potest per sensibilia. Ex sensibilibus autem non potest usque ad hoc intellectus noster pertingere quod divinam essentiam videat: quia creaturae sensibiles sunt effectus Dei, virtutem causae non adequantes. Unde ex sensibilibus cognitione non potest tota Dei virtus cognosci, & per consequens nec eius essentia videri. Sed quia sunt eius effectus a causa dependentes, ex eis in hoc perducimus ut cognoscamus de Deo an est, & ut cognoscamus de ipso ea quae necesse est ei convenire, secundum quod est prima omnium causa, excedens omnia sua causata.

Unde cognoscimus de ipso habitudinem ipsius ad creaturas, quod scilicet omnium est causa; & differentiam creaturarum ab ipso, quod scilicet ipse non est aliquid eorum quae ab eo causantur; & quod haec non remouentur ab eo propter eius defectum, sed quia superexcedit.

Ad primum ergo dicendum, quod ratio ad formam simplicem pertingere non potest, ut sciat de ea quid est; potest tamen de ea cognoscere, ut sciat, an est.

Ad secundum dicendum, quod Deus naturali cognitione cognoscitur per phantasmata effectus sui.

Ad tertium dicendum, quod cognitio Dei per essentiam, cum sit per gratiam, non competit nisi bonis; sed cognitio eius quae est per rationem naturalem, potest competere bonis, & malis: unde dicit Augustinus in Lib. I. Retractionum (cap. 15. retractans quod dixerat I. Lib. Soliloq. cap. 1.) *Non approbo quod in oratione dixi: Deus, qui non nisi mundos verum scire voluisti. Respondere enim potest, multos etiam non mundos multa scire vera, scilicet per rationem naturalem.*

(a) Al. per iustitiam fidei natura vegetetur;

ARTICULUS XIII. 67

*Utrum per gratiam habeatur altior cognitio
Dei quam ea quae habetur per rationem
naturalem.*

*Quaest. XXXII. art. 1. & I. dist. III. quaest. 1.
art. 4. & ver. quaest. x. art. ult. & Boet.
Tri. quaest. 1. art. 4.*

AD decimumtertium sic proceditur.
Videtur quod per gratiam non habeatur altior cognitio Dei quam ea quae habetur per naturalem rationem. Dicit enim Dionysius I. Lib. de mystica Theologia (cap. 1. in fin.) quod illi qui melius unitur Deo in hac vita, unitur ei sicut omnino ignoto. Quod etiam de Moyse dicit; qui tamen excellentiam quandam obtinuit in gratiae cognitione. Sed coniungi Deo, ignorando de eo quid est, hoc contingit etiam per rationem naturalem. Ergo per gratiam non plenius cognoscitur a nobis Deus quam per rationem naturalem.

2. Præterea. Per rationem naturalem in cognitionem divinorum pervenire non possumus, nisi per phantasmata, (a) similiter etiam nec secundum cognitionem gratiae. Dicit enim Dionysius 1. cap. cæl. Hierarchiz (cir. med.) quod impossibile est nobis aliter lucere divinum radium, nisi (b) varietate sacrorum velaminum circumvelatum. Ergo per gratiam non plenius cognoscimus Deum quam per rationem naturalem.

3. Præterea. Intellectus noster per gratiam fidei Deo adhæret. Fides autem non videtur esse cognitio: dicit enim Gregorius in hom. (xxvi. in Evang. a med. illius) quod ea quae non videntur, fidem habent, & non agnitionem. Ergo per gratiam non additur nobis aliqua excellentior cognitio de Deo.

Sed contra est quod dicit Apostolus I. Cor. 11. 10. Nobis revelavit Deus per spiritum suum, illa scilicet quae nemo principum huius saeculi novit, idest Philosophorum, ut exponit Glossa (Hier. in illum loc.)

Respondeo dicendum, quod per gratiam perfectior cognitio de Deo habetur a nobis quam per rationem naturalem: quod sic patet. Cognitio enim quam per naturalem rationem habemus, duo requirit, scilicet phantasmata ex sensibilibus accepta, & lumen naturale intel-

ligibile, cuius virtute intelligibiles conceptiones ab eis abstrahimus.

Et quantum ad utrumque iuvatur humana cognitio per revelationem gratiae. Nam & lumen naturale intellectus confortatur per infusionem luminis gratuiti; & interdum etiam phantasmata in imaginatione hominis formantur divinitus magis exprimentia res divinas quam ea qua naturaliter a sensibilibus accipimus, sicut apparet in visionibus propheticalibus: & interdum etiam alique res sensibiles formantur divinitus, aut etiam voces ad aliquid divinum exprimendum; sicut in baptismo visus est Spiritus sanctus in specie columbae, & vox Patris audita est: *Hic est Filius meus dilectus*: Matth. 11. 17.

Ad primum ergo dicendum, quod licet per revelationem gratiae in hac vita non cognoscamus de Deo quid est, & sic ei quasi ignoto coniungamur; tamen plenius ipsum cognoscimus, inquantum plures, & excellentiores effectus eius nobis demonstrantur, & inquantum ei aliqua attribuiamus ex revelatione divina, ad quae ratio naturalis non pertingit, ut Deum esse trinum, & unum.

Ad secundum dicendum, quod ex phantasmatibus vel a sensu acceptis secundum naturalem ordinem, vel divinitus in imaginatione formatis tanto excellentior cognitio intellectualis habetur, quanto lumen intelligibile in homine fortius fuerit: & sic per revelationem ex phantasmatibus plenior cognitio accipitur ex infusione divini luminis.

Ad tertium dicendum, quod fides cognitio quaedam est, inquantum intellectus determinatur per idem ad aliquod cognoscibile. Sed hæc determinatio ad unum non procedit ex visione credentis, sed a visione eius cui creditur. Et sic inquantum deest visio, deficit a ratione cognitionis quæ est in scientia: nam scientia determinat intellectum ad unum per visionem, & intellectum primorum principiorum.

QUAE-

(a) Edit. Rom. sic etiam. (b) Edit. eadem veritate.

QUAESTIO XIII.

De nominibus Dei,

in duodecim articulos diuisa.

Consideratis his quæ ad divinam cognitionem pertinent, procedendum est ad considerationem divinorum nominum. Unumquodque enim nominatur a nobis, secundum quod ipsum cognoscimus.

Circa hoc ergo quærentur duodecim.

Primo, utrum Deus sit nominabilis a nobis.

Secundo, utrum aliqua nomina dicta de Deo prædicentur de ipso substantia-liter.

Tertio, utrum aliqua nomina dicta de Deo proprie dicantur de ipso, an omnia attribuantur ei metaphorice.

Quarto, utrum multa nomina dicta de Deo sint synonyma.

Quinto, utrum nomina aliqua dicantur de Deo, & creaturis univoce, vel æquivoce.

Sexto, supposito quod dicantur analogice, utrum dicantur de Deo per prius, vel de creaturis.

Septimo, utrum aliqua nomina dicantur de Deo ex tempore.

Octavo, utrum hoc nomen *Deus* sit nomen nature, vel operationis.

Nono, utrum hoc nomen *Deus* sit nomen communicabile.

Decimo, utrum accipiat univoce, vel æquivoce, secundum quod significat Deum per naturam, & per participationem, & secundum opinionem.

Undecimo, utrum hoc nomen *quis est* sit maxime proprium nomen Dei.

Duodecimo, utrum propositiones affirmativæ possint formari de Deo.

ARTICULUS I.

Utrum aliquod nomen Deo conveniat.

I. dist. xxii. quæst. 1. art. 1.

Ad primum sic proceditur. Videtur quod nullum nomen Deo conveniat. Dicit enim Dionysius 1. cap. de div. Nom. (a med. ill. lect. 3.) quod *neque nomen eius est, neque opinio*: & Proverb. xxx. 4. dicitur: *Quod nomen eius, & quod nomen filiis eius, si nescis?*

S. Th. Oper. Tom. XX.

(1) Rom. edit. perfectionem.

1. Præterea. Omne nomen aut dicitur in abstracto, aut in concreto. Sed nomina significantia in concreto non competunt Deo, cum simplex sit; neque nomina significantia in abstracto, quia non significant aliquid perfectum subsistens. Ergo nullum nomen potest dici de Deo.

3. Præterea. Nomina significant substantiam cum qualitate; verba autem, & participia significant cum tempore; pronomina autem cum demonstratione, vel relatione: quorum nihil competit Deo: quia sine qualitate est, & sine omni accidente, & sine tempore, & sentiri non potest, ut demonstrari possit, nec relative significari; cum relativa sint aliquorum antedictorum recordativa, vel nominum, vel participiorum, vel pronominum demonstrativorum. Ergo Deus nullo modo potest nominari a nobis.

Sed contra est quod dicitur Exod. xv.

3. *Quasi vir pugnator, Omnipotens nomen eius.*

Respondeo dicendum, quod secundum Philosophum (1. Periher. cap. 1. in princ.) voces sunt signa intellectuum, & intellectus sunt rerum similitudines: & sic patet quod voces referuntur ad res significandas mediante conceptione intellectus. Secundum igitur quod aliquid a nobis intellectu cognosci potest, sic a nobis potest nominari. Ostensum est autem supra (art. 11. quæst. præced.) quod Deus in hac vita non potest a nobis videri per suam essentiam, sed cognoscitur a nobis ex creaturis secundum habitudinem principii, & per modum excellentiæ, & remotionis. Sic igitur potest nominari a nobis ex creaturis; non tamen ita quod nomen significans ipsum exprimat divinam essentiam, secundum quod est; sicut hoc nomen *homo* exprimit suam significationem essentiam hominis, secundum quod est, significat enim eius definitionem declarantem eius essentiam; ratio enim quam significat nomen, est definitio.

Ad primum ergo dicendum, quod ea ratione dicitur Deus non habere nomen, vel esse supra nominationem, quia essentia eius est supra id quod de Deo intelligimus, & voce significamus.

Ad secundum dicendum, quod quia ex creaturis in Dei cognitionem venimus, & ex ipsis eum nominamus; nomina quæ Deo attribuitur, hoc modo significant, secundum quod competit creaturis materialibus, quarum cognitio est nobis connaturalis, ut supra dictum est (quæst.

H 3

præc.

præc. art. 4.) Et quia in huiusmodi creaturis ea quæ sunt perfecta, & substantia, sunt composita; forma autem in eis non est aliquid completum subsistens, sed magis quo aliquid est: inde est quod omnia nomina a nobis imposita ad significandum aliquid completum subsistens, significant in concretionem, prout competit compositis; quæ autem imponuntur ad significandas formas simplices, significant aliquid non ut subsistens, sed ut quo aliquid est; sicut albedo significat ut quo aliquid est album. Quia igitur & Deus simplex est, & subsistens est, attribuiamus ei (a) nomina abstracta ad significandam simplicitatem eius, & nomina concreta ad significandam substantiam, & perfectionem ipsius; quamvis utraque nomina deficiant a modo ipsius, sicut intellectus noster non cognoscit eum ut est, secundum hanc vitam.

Ad tertium dicendum, quod significare substantiam cum qualitate est significare suppositum cum natura, vel forma determinatam, in qua subsistit. Unde sicut de Deo dicuntur aliqua in concretionem ad significandum (b) substantiam, & perfectionem ipsius, sicut iam dictum est (in solut. præc.) ita dicuntur de Deo nomina significantia substantiam cum qualitate. Verba vero, & participia significancia tempus dicuntur de ipso ex eo quod æternitas includit omne tempus. Sicut enim simplicia substantia non possumus apprehendere, & significare nisi per modum compositorum; ita simplicem æternitatem non possumus intelligere, vel voce exprimere nisi per modum temporalium rerum: & hoc propter connaturalitatem intellectus nostri ad res compositas, & temporales. Pronomina vero demonstrativa dicuntur de Deo, secundum quod faciunt demonstrationem ad id quod intelligitur, non ad id quod sentitur. Secundum enim quod a nobis intelligitur, secundum hoc sub demonstratione cadit. Et sic secundum illum modum quo nomina, & participia, & pronomina demonstrativa de Deo dicuntur, secundum hoc (c) & pronomibus, & nominibus relativis significari potest.

ARTICULUS II. 69

Utrum aliquid nomen dicatur de Deo substantialiter.

Pot. quæst. VII. art. 4. & 5. & I. diff. II. art. 2. & I. con. cap. II.

AD secundum sic proceditur. Videtur quod nullum nomen dicatur de Deo substantialiter. Dicit enim Damascenus (Lib. I. de Fid. orth. cap. IV.) Oportet singula eorum quæ de Deo dicuntur, non quid est secundum substantiam significare, sed quid non est ostendere, aut habitudinem quandam, aut aliquid eorum quæ assequuntur naturam, vel operationem.

2. Præterea. Dicit Dionysius 1. cap. de div. Nom. (ante med. lect. 3.) Omnium (d) sanctorum Theologorum hymnum invenies (e) ad beatos Thearchie processus manifestative, & laudative Dei nominationes dividendum. Et est sensus, quod nomina quæ in divinam laudem sancti doctores asserunt, secundum processum ipsius Dei distinguuntur. Sed quod significat processum alicuius rei, nihil significat ad eius essentiam pertinet. Ergo nomina dicta de Deo non dicuntur de ipso substantialiter.

3. Præterea. Secundum hoc nominatur aliquid a nobis, secundum quod intelligitur. Sed non intelligitur Deus a nobis in hac vita secundum suam substantiam. Ergo nec aliquid nomen impositum a nobis dicitur de Deo secundum suam substantiam.

Sed contra est quod dicit Augustinus VII. de Trinit. (cap. I. & VII. per tot. & Lib. VI. cap. IV.) Deus hoc est esse quod forte esse, vel sapientem esse, & si quid de illa simplicitate dixeris, qua eius substantia significatur. Ergo omnia nomina huiusmodi significant divinam substantiam.

Respondeo dicendum, quod de nominibus quæ de Deo dicuntur negative, vel quæ relationem ipsius ad creaturam significant, manifestum est quod substantiam eius nullo modo significant, sed remotionem alicuius ab ipso, vel relationem eius ad alium, vel potius alicuius ad ipsum.

Sed de nominibus quæ absolute, & affirmative de Deo dicuntur, sicut bonus, fa-

(a) Nom. edit. nomina simplicia, & nomina abstracta. (b) Edit. eis. in sensu substantiam, in margine substantiam. (c) Al. a pronomibus, vel nominibus relativis. (d) Al. sanctum. (e) Al. ad bonos.

Sapiens, & huiusmodi, multipliciter alii quod sunt opinati. Quidam enim dixerunt, quod hæc omnia nomina, licet affirmative de Deo dicantur, tamen magis inventa sunt ad aliquod removendum a Deo, quam ad aliquod ponendum in ipso. Unde dicunt, quod cum dicimus Deum esse viventem, significamus quod Deus non hoc modo est sicut res inanimata; & similiter accipiendum est in aliis: & hoc posuit Rabbi Moyses (in Lib. qui dicitur **בבא קדמי**, id est doctorum dubiorum.) Alii vero dicunt, quod hæc nomina imposita sunt ad significandum habitudinem eius ad creatura; ut cum dicimus, Deus est bonus, sit sensus, Deus est causa bonitatis in rebus: & eadem ratio est in aliis.

Sed utrumque istorum videtur esse inconveniens propter tria. Primo quidem quia secundum neutram harum positionum posset assignari ratio quare quedam nomina magis de Deo dicerentur quam alia. Sic enim est causa corporum, sicut est causa bonorum: unde si nihil aliud significatur, cum dicitur, Deus est bonus, nisi Deus est causa bonorum; poterit similiter dici, quod Deus est corpus, quia est causa corporum. Item per hoc quod dicitur, quod est corpus, removetur quod non sit ens in potentia tantum, sicut materia prima. Secundo quia sequeretur quod omnia nomina dicta de Deo, per posterius dicerentur de ipso, sicut sanum per posterius dicitur de medicina, eo quod significat hoc tantum quod sit causa sanitatis in animali, quod per prius dicitur sanum. Tertio quia hoc est contra intentionem loquentium de Deo. Aliud enim intendunt dicere, cum dicunt Deum viventem, quam quod sit causa vitæ nostræ, vel quod differat a corporibus inanimatis.

Et ideo aliter dicendum est, quod huiusmodi quidem nomina significant substantiam divinam, & prædicantur de Deo substantialiter, sed debentur a representatione ipsius. Quod sic patet. Significant enim sic nomina Deum, secundum quod intellectus noster cognoscit ipsum. Intellectus autem noster, cum cognoscit Deum ex creaturis, sic cognoscit ipsum, secundum quod creaturæ ipsum representant. Offensum est autem supra (quaest. xiii. art. 2.) quod Deus in se præhabet omnes perfectiones creaturarum, quasi simpliciter, & universaliter perfectus. Unde quilibet creatura intantum cum representat, & est ei similis

inquantum perfectionem aliquam habet, non tamen ita quod representet eum sicut aliquid eiusdem speciei, vel generis, sed sicut excellens principium, cuius forma effectus debentur, cuius tamen aliqualem similitudinem effectus consequuntur; sicut formæ corporum inferiorum representant virtutem solarem. Et hoc supra expositum est (quaest. xiv. art. 3.) cum de perfectione divina agebatur. Sic igitur prædicta nomina divinam substantiam significant, imperfecte tamen, sicut & creaturæ imperfecte eam representant. Cum igitur dicitur, Deus est bonus, non est sensus, Deus est causa bonitatis, vel Deus non est malus; sed est sensus, Id quod bonitatem dicimus in creaturis, præexistit in Deo, & hoc quidem secundum modum altiore. Unde ex hoc non sequitur quod Deo, competat esse bonum, inquantum causas bonitatem; sed potius e converso, quia est bonus, bonitatem rebus diffundit, secundum illud Augustini de doctrina christiana (Lib. I. cap. xxxii.) *Inquantum bonus est, sumus.*

Ad primum ergo dicendum, quod Damascenus ideo dicit, quod hæc nomina non significant quid est Deus, quia a nullo istorum nominum exprimitur, quid est Deus perfecte, sed unumquodque imperfecte eum significat, sicut & creaturæ imperfecte eum representant.

Ad secundum dicendum, quod in significatione nominum aliud est quandoque a quo imponitur nomen ad significandum, & aliud ad quod significandum nomen imponitur; sicut hoc nomen *lapis* imponitur ab eo quod lædit pedem, non tamen imponitur ad hoc significandum quod significet lædens pedem, sed ad significandam quandam speciem corporum, alioquin omne lædens pedem esset lapis. Sic igitur dicendum est, quod huiusmodi divina nomina imponuntur quidem a processibus Deitatis: sicut enim secundum diversos processus perfectionem creaturæ Deum representant, licet imperfecte; ita intellectus noster secundum unumquemque processum Deum cognoscit, & nominat; sed tamen hæc nomina non imponit ad significandum ipsos processus, ut cum dicitur, Deus est vivens, sit sensus, ab eo procedit vita; sed ad significandum ipsum rerum principium, prout in eo præexistit vita, licet eminentiori modo quam intelligatur, vel significetur.

Ad tertium dicendum, quod essentiam

H 4 Dei

Dei in hac vita cognoscere non possumus, secundum quod in se est, sed cognoscimus eam, secundum quod repræsentatur in perfectionibus creaturarum: & sic nomina a nobis imposita eam significant.

ARTICULUS III. 70

Utrum aliquod nomen dicatur de Deo proprie.

Pot. quæst. VII. art. 4. ad 6. & I. diff. VIII. quæst. IV. art. 3. & diff. XXII. art. 2. & I. cons. cap. XXX.

AD tertium sic proceditur. Videtur quod nullum nomen dicatur de Deo proprie. Omnia enim nomina quæ de Deo dicimus, sunt a creaturis accepta, ut dictum est (art. 1. huius quæst.) Sed nomina creaturarum metaphorice dicuntur de Deo, sicut cum dicitur, Deus est lapis, vel leo, vel aliquid huiusmodi. Ergo nomina dicta de Deo dicuntur metaphorice.

2. Præterea. Nullum nomen proprie dicitur de aliquo, a quo verius remouetur quam de eo prædicetur. Sed omnia huiusmodi nomina, *bonus, sapiens, & similia*, verius remouentur a Deo quam de eo prædicentur, ut patet per Dionysium 11. capit. cælestis Hierarchiæ (parum ante med. & 14. similiter.) Ergo nullum istorum nominum proprie dicitur de Deo.

3. Præterea. Nomina corporum non dicuntur de Deo nisi metaphorice, cum sit incorporeus. Sed omnia huiusmodi nomina implicant quasdam corporales condiciones: significant enim cum tempore, & cum compositione, & cum aliis huiusmodi, quæ sunt conditiones corporum. Ergo omnia huiusmodi nomina dicuntur de Deo metaphorice.

Sed contra est quod dicit Ambrosius in Lib. II. de fide (in princip. prologi.) *Sunt quedam nomina quæ evidentem proprietatem Divinitatis ostendunt, & quedam quæ perspicuam divine maiestatis exprimunt (a) veritatem; alia vero sunt quæ translativè per similitudinem de Deo dicuntur.* Non igitur omnia nomina dicuntur de Deo metaphorice, sed aliqua dicuntur proprie.

Respondet dicendum, quod, sicut dictum est (ar. præc.) Deum cognoscimus ex perfectionibus procedentibus in creaturas ab ipso: quæ quidem perfectiones in Deo sunt secundum eminentiorem mo-

dum quam in creaturis, intellectus autem noster eo modo apprehendit eas secundum quod sunt in creaturis: & secundum quod apprehendit, ita significat per nomina. In nominibus igitur quæ Deo attribui-mus, est duo considerare, scilicet perfectiones ipsas significatas, ut bonitatem, vitam, & huiusmodi: & modum significandi. Quantum igitur ad id quod significant huiusmodi nomina, proprie competunt Deo, & magis proprie quam ipsis creaturis, & per prius dicuntur de eo. Quantum vero ad modum significandi non proprie dicuntur de Deo: habent enim modum significandi qui creaturis com-petit.

Ad primum ergo dicendum, quod quædam nomina significant huiusmodi perfectiones a Deo procedentes in res creatas hoc modo quod ipse modus imperfectus quo a creatura participatur divina perfectio, in ipso nominis significato includitur; sicut lapis significat aliquid materialiter ens: & huiusmodi nomina non possunt attribui Deo nisi metaphorice. Quædam vero nomina significant ipsas perfectiones absolute absque hoc quod aliquis modus participandi claudatur in eorum significatione, ut *ens, bonum, vivens*, & huiusmodi: & talia proprie dicuntur de Deo.

Ad secundum dicendum, quod ideo huiusmodi nomina dicit Dionysius (loco in arg. citato) negari a Deo, quia id quod significatur per nomen, non convenit eo modo ei quo nomen significat, sed excellentiori modo. Unde ibidem dicit Dionysius, quod est super omnem substantiam, & vitam.

Ad tertium dicendum, quod ista nomina quæ proprie dicuntur de Deo, important conditiones corporales non in ipso significato nominis, sed quantum ad modum significandi; ea vero quæ metaphorice de Deo dicuntur, important conditionem corporalem in ipso suo significato.

ARTICULUS IV. 71

Utrum nomina dicta de Deo sint nomina synonyma.

Pot. quæst. VIII. art. 4. & I. cons. cap. V.

AD quartum sic proceditur. Videtur quod ista nomina dicta de Deo sint nomina synonyma. Synonyma enim nomina dicuntur quæ omnino idem significant. Sed ista

ista nomina dicta de Deo omnino idem significant in Deo: quia bonitas Dei est eius essentia, & similiter sapientia. Ergo ista nomina sunt omnino synonyma.

2. Præterea. Si dicatur, quod ista nomina significant idem secundum rem, sed secundum rationes diversas; contra. Ratio cui non respondet aliquid in re, est vana. Si ergo istae rationes sunt multae, & res est una, videtur quod rationes istae sint vanae.

3. Præterea. Magis est unum quod est unum re, & ratione, quam quod est unum re, & multiplex ratione. Sed Deus est maxime unus. Ergo videtur quod non sit unus re, & multiplex ratione; & sic nomina dicta de Deo non significant rationes diversas, & ita sunt synonyma.

Sed contra. Omnia synonyma sibi invicem adiuncta negationem adducunt, sicut si dicatur vestis, indumentum. Si igitur omnia nomina dicta de Deo sunt synonyma, non posset convenienter dici Deus bonus, vel aliquid huiusmodi; cum tamen scriptum sit Hier. xxxii. 19. *Foris sume, magnus, potens, Dominus exercituum, nominis tui.*

Respondeo dicendum, quod huiusmodi nomina dicta de Deo non sunt synonyma.

Quod quidem facile esset videre, si diceremus, quod huiusmodi nomina sunt inducta ad removendam, vel ad designandam habitudinem causae respectu creaturarum: sic enim essent diversae rationes horum nominum secundum diversa negata, vel secundum diversos effectus connotatos.

Sed secundum quod dictum est (art. 3. huius qu.) huiusmodi nomina substantiam divinam significare, licet imperfecte, etiam plane apparet secundum praemissa (art. 1. huius quaest.) quod habent rationes diversas. Ratio enim quam significat nomen, est conceptio intellectus de re significata per nomen. Intellectus autem noster, cum cognoscat Deum ex creaturis, format ad intelligendum Deum conceptiones proportionatas perfectionibus procedentibus a Deo in creaturas: quae quidem perfectiones in Deo praexistunt unite & simpliciter, in creaturis vero recipiuntur diverse & multipliciter. Sicut igitur diversis perfectionibus creaturarum respondet unum simplex principium representatum per diversas perfectiones creaturarum varie & multipliciter; ita variis & multiplicibus conceptibus intellectus nostri respondet unum omnino

simplex, secundum huiusmodi conceptiones imperfecte intellectum. Et ideo nomina Deo attributa licet significant unam rem, tamen quia significant eam sub rationibus multis, & diversis, non sunt synonyma.

Et sic patet solutio ad primum: quia nomina synonyma dicuntur quae significant unum secundum unam rationem: quae enim significant rationes diversas unius rei, non primo & per se unum significant, quia unum non significat rem nisi mediante conceptione intellectus, ut dictum est (art. 1. huius quaest.).

Ad secundum dicendum, quod rationes plures horum nominum non sunt causae & vanae: quia omnibus eis respondet unum quid simplex per omnia huiusmodi multipliciter, & imperfecte representatum.

Ad tertium dicendum, quod hoc ipsum ad perfectionem Dei unitatem pertinet quod ea quae sunt multipliciter, & divilim in aliis, in ipso sunt simpliciter, & unite. Et ex hoc contingit quod est unus re, & plures secundum rationem: quia intellectus noster ita multipliciter apprehendit eum, sicut res multipliciter ipsum representant.

ARTICULUS V. 73

Utrum ea quae de Deo dicuntur, & creaturis, univoce dicantur de ipsis.

Por. quaest. vii. art. 7. & opus. ii. cap. xxvii. & i. cont. cap. xxxiii. xxxiii. & xxxiv.

AD quintum sic proceditur. Videtur quod ea quae dicuntur de Deo, & creaturis, univoce de ipsis dicantur. Omne enim equivocum reducitur ad univocum, sicut multa ad unum: nam si hoc nomen *canis* equivoco dicitur de latrabili; & marino, oportet quod de aliquibus univoce dicatur, scilicet de omnibus latrabilibus; aliter enim esset procedere in infinitum. Inveniuntur autem quaedam agentia univoca, quae conveniunt cum suis effectibus in nomine, & definitione, ut homo generat hominem; quaedam vero agentia equivoca, sicut Sol causat calidum, cum tamen ipse non sit calidus nisi equivoco. Videtur igitur, quod primum agens, ad quod omnia agentia reducuntur, sit agens univocum; & ita quae de Deo, & creaturis dicuntur, univoce praedicantur.

3. Prae-

2. Præterea. Secundum æquivoca non esse ipsius, & ab omnibus huiusmodi; attenditur aliqua similitudo. Cum igitur creaturæ ad Deum sit aliqua similitudo, secundum illud Genes. 1. 26. *Faciamus hominem ad imaginem, & similitudinem nostram*: videtur quod aliquid univoce de Deo, & creaturis dicatur.

3. Præterea. Mensura est homogenea mensurato, ut dicitur in X. Metaphys. (tex. 4.) Sed Deus est prima mensura omnium entium, ut ibidem dicitur. Ergo Deus est homogeneus creaturis; & ita aliquid univoce de Deo, & creaturis dici potest.

Sed contra. Quicquid prædicatur de aliquibus secundum idem nomen, & non secundum eandem rationem, prædicatur de eis æquivoce. Sed nullum nomen convenit Deo secundum illam rationem secundum quam dicitur de creatura: nam sapientia in creaturis est qualitas, non autem in Deo: genus autem variatum mutat rationem, cum sit pars definitionis: & eadem ratio est in aliis. Quicquid ergo de Deo, & creaturis dicitur, æquivoce dicitur.

2. Præterea. Deus plus distat a creaturis quam quæcunque creaturæ ab invicem. Sed propter distantiam quarundam creaturarum contingit quod nihil univoce de eis prædicari potest, sicut de his quæ non conveniunt in aliquo genere. Ergo multo minus de Deo, & creaturis aliquid univoce prædicatur, sed omnia prædicantur æquivoce.

Respondeo dicendum, quod impossibile est aliquid prædicari de Deo, & creaturis univoce. Quia omnis effectus non adæquans virtutem causæ agentis recipit similitudinem agentis non secundum eandem rationem, sed deficienter; ita quod id quod & divisum, & multipliciter est in effectibus, in causa est simpliciter, & eodem modo; sicut Sol secundum unam virtutem multiformes, & varias formas in istis inferioribus producit. Eodem modo, ut supra dictum est (art. præc.) omnes rerum perfectiones, quæ sunt in rebus creatis divisim, & multipliciter, in Deo præexistunt unite, & simpliciter. Sic igitur cum aliquod nomen ad perfectionem pertinens de creatura dicitur, significat illam perfectionem (a) distinctam secundum rationem (b) definitionis ab aliis; puta, cum hoc nomen *sapiens* de homine dicitur, significamus aliquam perfectionem distinctam ab essentia hominis, & a potentia, & ab

esse ipsius, & ab omnibus huiusmodi; sed cum hoc nomen de Deo dicimus, non intendimus significare aliquid distinctum ab essentia, vel potentia, vel esse ipsius. Et sic cum hoc nomen *sapiens* de homine dicitur, quodammodo describit, & comprehendit rem significatam, non autem cum dicitur de Deo; sed relinquit rem significatam ut incomprehensam, & excedentem nominis significationem. Unde patet quod non secundum eandem rationem hoc nomen *sapiens* de Deo, & de homine dicitur. Et eadem ratio est de aliis. Unde nullum nomen univoce de Deo, & creaturis prædicatur.

Sed nec etiam pure æquivoce, ut aliqui dixerunt. Quia secundum hoc ex creaturis nihil posset cognosci de Deo, nec demonstrari, sed semper incideret fallacia æquivocationis. Et hoc est tam contra Philosophum (VIII. Phys. & XII. Met.) qui multa demonstrative de Deo probat, quam etiam contra Apostolum dicentem Rom. 1. 20. *Invisibilia Dei per ea quæ facta sunt, intellecta conspiciuntur*. Dicendum igitur, quod huiusmodi nomina dicuntur de Deo, & creaturis secundum analogiam, id est proportionem.

Quod quidem dupliciter contingit in nominibus: vel quia multa habent proportionem ad unum, sicut sanum dicitur de medicina, & urina, inquantum utrumque habet ordinem, & proportionem ad sanitatem animalis: cuius hoc quidem signum est, illud vero causa: vel ex eo quod unum habet proportionem ad alterum, sicut sanum dicitur de medicina, & animali, inquantum medicina est causa sanitatis, quæ est in animali. Et hoc modo aliqua dicuntur de Deo, & creaturis analogice, & non æquivoce pure, neque univoce. Non enim possumus nominare Deum nisi ex creaturis, ut supra dictum est (art. 1. huius quæst.) Et sic quicquid dicitur de Deo, & creaturis, dicitur secundum quod est aliquis ordo creaturæ ad Deum ut ad principium, & causam, in qua præexistunt excellenter omnes rerum perfectiones. Et iste modus communitatis medius est inter puram æquivocationem, & simplicem univocationem. Neque enī in iis quæ analogice dicuntur, est una ratio, sicut est in univocis, nec totaliter diversa, sicut in æquivocis; sed nomen quod sic multipliciter dicitur, significat diversas proportionem ad aliquid unum.

(a) Nicolaius ut distinctam. (b) A. definitionis.

num; sicut sanum de urina dictum significat signum sanitatis animalis, de medicina vero dictum significat causam eiusdem sanitatis.

Ad primum ergo dicendum, quod licet in prædicationibus oporteat æquivocare ad univoca reduci, tamen in actionibus agens non univocum ex necessitate præcedit agens univocum. Agens enim non univocum est causa universalis totius speciei, ut Sol est causa generationis omnium hominum; agens vero univocum non est causa agens universalis totius speciei, alioquin esset causa sui ipsius, cum sub specie continetur, sed est causa particularis respectu huius individui, quod in participatione speciei constituit. Causa igitur universalis totius speciei non est agens univocum. Causa autem universalis est prior particulari. Hoc autem agens universale, licet non sit univocum, non tamen est omnino æquivocum, quia sic non faceret sibi simile; sed potest dici agens analogicum; sicut in prædicationibus omnia univoca reducuntur ad unum primum non univocum, sed analogicum, quod est ens.

Ad secundum dicendum, quod similitudo creature ad Deum est imperfecta: quia etiam nec idem secundum genus repræsentat, ut supra dictum est (quæst. iv. art. 3.)

Ad tertium dicendum, quod Deus non est mensura proportionata mensuratis: unde non oportet quod Deus, & creature sub uno genere contineantur.

Ea vero quæ sunt in contrarium, concludunt, quod non univoce huiusmodi nomina de Deo, & creaturis prædicantur, non autem quod æquivocè.

ARTICULUS VI. 73

Utrum nomina per prius dicantur de creaturis quam de Deo.

I. cont. cap. XXXIV. & pot. quæst. VII. art. 3. ad 8.

AD sextum sic proceditur. Videtur quod nomina per prius dicantur de creaturis quam de Deo. Secundum enim quod cognoscimus aliquid, secundum hoc illud nominamus, cum nomina secundum Philosophum (Lib. I. Perih. cap. 1.) *sunt signa intellectuum*. Sed per prius cognoscimus creaturam quam Deum. Ergo

nomina a nobis imposita per prius conveniunt creaturis quam Deo.

2. Præterea. Secundum Dionysium in Lib. de divin. Nom. (cap. 1. aliquantulum ante fin. lect. 4.) *Dicim ex creaturis nominamus*. Sed nomina a creaturis translata in Deum, per prius dicuntur de creaturis quam de Deo, sicut leo, lapis, & huiusmodi. Ergo omnia nomina quæ de Deo, & de creaturis dicuntur, per prius de creaturis quam de Deo dicuntur.

3. Præterea. Omnia nomina quæ communiter de Deo, & creaturis dicuntur, dicuntur de Deo sicut de causa omnium, ut dicit Dionysius (cap. 1. de myst. Theol. parum ante med.) Sed quod dicitur de aliquo per causam, per posterius de illo dicitur: per prius enim dicitur animal sanum quam medicina, quæ est causa sanitatis. Ergo huiusmodi nomina per prius dicuntur de creaturis quam de Deo.

Sed contra est quod dicitur Ephes. III.

14. *Flecto genua mea ad Patrem Domini nostri Iesu, ex quo omnis paternitas in celo, & in terra nominatur: & eadem ratio videtur de nominibus aliis quæ de Deo, & creaturis dicuntur. Ergo huiusmodi nomina per prius de Deo quam de creaturis dicuntur.*

Respondeo dicendum, quod in omnibus nominibus quæ de pluribus analogice dicuntur, necesse est quod omnia dicantur per respectum ad unum. Et ideo illud unum oportet quod ponatur in definitione omnium. Et quia ratio quam significat nomen, est definitio, ut dicitur in IV. Metaph. (tex. 28.) necesse est quod illud nomen per prius dicatur de eo quod ponitur in definitione aliorum, & per posterius de aliis secundum ordinem quo appropinquant ad illud primum vel magis, vel minus: sicut sanum quod dicitur de animali, cadit in definitione sani quod dicitur de medicina, quæ dicitur sana, inquantum causat sanitatem in animali; & in definitione sani quod dicitur de urina, quæ dicitur sana, inquantum est signum sanitatis animalis.

Sic ergo omnia nomina quæ metaphorice de Deo dicuntur, per prius de creaturis dicuntur quam de Deo: quia dicta de Deo nihil aliud significant quam similitudines ad tales creaturas. Sicut enim ridere dictum de prato nihil aliud significat quam quod pratum similiter se habet in decore, cum floret, sicut homo cum ridet, secundum similitudinem propor-

portionis; sic nomen leonis dictum de Deo nihil aliud significat quam quod Deus similiter se habet, ut fortiter operetur in suis operibus, sicut leo in suis. Et sic patet quod, secundum quod dicuntur de Deo, eorum significatio definiri non potest, nisi per illud quod de creaturis dicitur.

De aliis autem nominibus quæ non metaphorice dicuntur de Deo, esset etiam eadem ratio, si dicerentur de Deo causaliter tantum, ut quidam posuerunt. Sic enim cum dicitur, Deus est bonus, nihil aliud esset quam Deus est causa bonitatis creaturæ; & sic hoc nomen bonum dictum de Deo clauderet in suo intellectu bonitatem creaturæ. Unde bonum per prius diceretur de creatura quam de Deo.

Sed supra ostensum est (art. 2. huius quæst.) quod huiusmodi nomina non solum dicuntur de Deo causaliter, sed etiam essentialiter. Cum enim dicitur, Deus est bonus, vel sapiens, non solum significatur, quod ipse sit causa sapientiæ, vel bonitatis, sed quod hæc in eo eminentius præexistunt. Unde secundum hoc dicendum est, quod quantum ad rem significatam per nomen, per prius dicuntur de Deo quam de creaturis, quia a Deo huiusmodi perfectiones in creaturas manant; sed quantum ad impositionem nominis per prius a nobis imponuntur creaturis, quas prius cognoscimus. Unde & modum significandi habent qui competit creaturis, ut supra dictum est (art. 3. huius quæst.)

Ad primum ergo dicendum, quod obiectio illa procedit quantum ad impositionem nominis.

Ad secundum dicendum, quod non est eadem ratio de nominibus quæ metaphorice de Deo dicuntur, & de aliis, ut dictum est (in corp. art.)

Ad tertium dicendum, quod obiectio illa procederet, si huiusmodi nomina solum de Deo causaliter dicerentur, & non essentialiter, sicut sanum de medicina.

ARTICULUS VII. 74

Utrum nomina quæ important relationem ad creaturas, dicantur de Deo ex tempore.

Infr. quæst. xxxiv. art. 3. ad 2. & quæst. xxxiii. art. 2. & 1. dist. xiv. quæst. 1. art. 1. ad 3. & dist. xxx. art. 1. per totum, & 2. corp. & dist. xxxvii. quæst. 11. art. 3. c. & ad 3. & dist. xxxviii. art. 4. ad 1. & 111. dist. xxxii. art. 3.

AD septimum sic proceditur. Videtur quod nomina quæ important relationem ad creaturas, non dicantur de Deo ex tempore. Omnia enim huiusmodi nomina significant divinam substantiam, ut communiter dicitur. Unde & Ambrosius (Lib. I. de fid. cap. 1. circa med.) dicit, quod hoc nomen *Dominus* est nomen potestatis, quæ est divina substantia, (a) & *Creator* significat Dei actionem, quæ est eius essentia. Sed divina substantia non est temporalis, sed æterna. Ergo huiusmodi nomina non dicuntur de Deo ex tempore, sed ab æterno.

2. Præterea. Cuicumque convenit aliquid ex tempore, potest dici factum; quod enim ex tempore est album, sit album. Sed Deo non convenit esse factum. Ergo de Deo nihil prædicatur ex tempore.

3. Præterea. Si aliqua nomina dicuntur de Deo ex tempore, propter hoc quod important relationem ad creaturas, eadem ratio videtur de omnibus quæ relationem ad creaturas important. Sed quædam nomina importantia relationem ad creaturas dicuntur de Deo ab æterno: ab æterno enim scivit creaturam, & dilexit, secundum illud Hierem. xxxi. 3. *In caritate perpetua dilexi te*. Ergo & alia nomina quæ important relationem ad creaturas, ut *Dominus*, & *Creator*, dicuntur de Deo ab æterno.

4. Præterea. Huiusmodi nomina relationem significant. Oportet igitur quod relatio illa vel sit aliquid in Deo, vel in creatura tantum. Sed non potest esse quod sit in creatura tantum, quia sic Deus denominaretur Dominus a relatione opposita, quæ est in creaturis; nihil autem denominatur a suo opposito. Relinquitur ergo quod relatio esse aliquid in Deo. Sed in Deo nihil potest esse

ex

ex tempore, cum ipse sit supra tempus. Ergo videtur quod huiusmodi nomina non dicantur de Deo ex tempore.

5. Præterea. Secundum relationem dicitur aliquid relative, puta secundum dominium dominus, sicut secundum albedinem albus. Si igitur relatio domini non est in Deo secundum rem, sed solum secundum rationem, sequitur quod Deus non sit realiter dominus, quod patet esse falsum.

6. Præterea. In relativis quæ non sunt simul natura, unum potest esse altero non existente; sicut scibile existit non existente scientia, ut dicitur in Prædic. (cap. viii. tex. 5.) Sed relativa quæ dicuntur de Deo, & creaturis, non sunt simul natura. Ergo potest aliquid dici relative de Deo ad creaturam, etiam creatura non existente; & sic huiusmodi nomina, *Dominus*, & *Creator* dicuntur de Deo ab æterno, & non ex tempore.

Sed contra est quod dicit Augustinus V. de Trinit. (cap. xvi.) quod hæc relativa appellatio *Dominus* Deo convenit ex tempore.

Respondeo dicendum, quod quædam nomina importantia relationem ad creaturam, ex tempore de Deo dicuntur, & non ab æterno.

Ad cuius evidentiā sciendum est, quod quidam posuerunt relationem non esse rem naturæ, sed rationis tantum. Quod quidem apparet esse falsum ex hoc quod ipsæ res naturalem ordinem, & habitudinem habent ad invicem.

Verumtamen sciendum est, quod, cum relatio requiratur duo extrema, tripliciter se habet ad hoc quod sit res naturæ, aut rationis. Quandoque enim ex utraque parte est res rationis tantum, quando scilicet ordo, vel habitudo non potest esse inter aliqua nisi secundum apprehensionem rationis tantum, utpote cum dicimus idem eidem idem. Nam secundum quod ratio apprehendit bis aliquid unum, statuit illud ut duo; & sic apprehendit quandam habitudinem ipsius ad se ipsum. Et similiter est de omnibus relationibus quæ sunt inter ens, & non ens, quas format ratio, inquantum apprehendit non ens ut quoddam extremum. Et idem est de omnibus relationibus quæ consequuntur actum rationis, ut genus, & species, & huiusmodi. Quædam vero relationes sunt quantum ad utrumque extremum, res naturæ, quando scilicet est habitudine inter aliqua duo secundum aliquid realiter conveniens utrique; sicut patet de

omnibus relationibus quæ consequuntur quantitatem, ut magnum, & parvum, duplum, & dimidium, & huiusmodi:

nam quantitas est in utroque extremo: & simile est de relationibus quæ consequuntur actionem, & passionem, ut motivum, & mobile, pater, & filius, & similia. Quandoque vero relatio in uno extremorum est res naturæ, & in altero est res rationis tantum: & hoc contingit quodcumque duo extrema non sunt unius ordinis; sicut sensus, & scientia referuntur ad sensibile, & scibile: quæ quidem, inquantum sunt res quædam in esse naturali existentes, sunt extra ordinem esse sensibilis, & intelligibilis. Et ideo in scientia quidem, & sensu est relatio realis, secundum quod ordinantur ad sciendum, vel sentiendum res; sed res ipsæ in se consideratæ sunt extra ordinem huiusmodi: unde in eis non est aliqua relatio realiter ad scientiam, & sensum, sed secundum rationem tantum, inquantum intellectus apprehendit ea ut terminos relationum scientiæ, & sensus. Unde Philoſophus dicit in V. Metaph. (tex. 20.) quod non dicuntur relative, eo quod ipsa referantur ad alia, sed quia alia referuntur ad ipsa. Et similiter dextrum non dicitur de columna, nisi inquantum ponitur animali ad dexteram. Unde huiusmodi relatio non est realiter in columna, sed in animali.

Cum igitur Deus sit extra totum ordinem creaturæ, & omnes creaturæ ordinentur ad ipsum, & non e converso; manifestum est quod creaturæ realiter referuntur ad ipsum Deum; sed in Deo non est aliqua realis relatio eius ad creaturas, sed secundum rationem tantum, inquantum creaturæ referuntur ad ipsum. Et sic nihil prohibet, huiusmodi nomina importantia relationem ad creaturam prædicari de Deo ex tempore, non propter aliquam mutationem ipsius, sed propter creaturæ mutationem, sicut columna fit dextera animalis, nulla mutatione circa ipsum existentem, sed animalis translatio.

Ad primum ergo dicendum, quod relativa quædam sunt imposita ad significandum ipsas habitudines relativæ, ut dominus, & servus, pater, & filius, & huiusmodi; & hæc dicuntur relativa secundum esse. Quædam vero sunt imposita ad significandas res quas consequuntur quædam habitudines, sicut movens, & motum, caput, & capiatum, & alia huiusmodi; quæ dicuntur relativa secundum dici. Sic igitur & circa nomina divina

vina hæc differentia est consideranda dupliciter. Nam quædam significant ipsam habitudinem ad creaturam, ut *Dominus*; & huiusmodi non significant substantiam divinam directe, sed indirecte, in quantum præsupponunt ipsam, sicut dominium præsupponit potestatem, quæ est divina substantia. Quædam vero significant directe essentiam divinam, & ex consequenti important habitudinem, sicut *Salvator*, *Creator*; & huiusmodi significant actionem Dei, quæ est eius essentia. Utraque tamen nomina ex tempore de Deo dicuntur quantum ab habitudinem, quam important vel principaliter, vel consequenter, non autem quantum ad hoc quod significant essentiam vel directe, vel indirecte.

Ad secundum dicendum, quod sicut relationes quæ de Deo dicuntur ex tempore, non sunt in Deo nisi secundum rationem; ita nec fieri, nec factum esse dicitur de Deo nisi secundum rationem, nulla mutatione circa ipsum existente, sicut est id: *Dominus*, *refugium factus es nobis*. Ps. lxxxix. 1.

Ad tertium dicendum, quod operatio intellectus, & voluntatis est in operante: & ideo nomina quæ significant relationes consequentes actionem intellectus, vel voluntatis, dicuntur de Deo ab æterno; quæ vero consequuntur actiones procedentes secundum modum intelligendi ad exteriores effectus, dicuntur de Deo ex tempore, ut *Salvator*, *Creator*, & huiusmodi.

Ad quartum dicendum, quod relationes significant per huiusmodi nomina quæ dicuntur de Deo ex tempore, sunt in Deo secundum rationem tantum; oppositæ autem relationes in creaturis sunt secundum rem. Nec est inconveniens quod a relationibus realiter existentibus (a) in re Deus denominetur, tamen secundum quod cointelliguntur per intellectum nostrum oppositæ relationes in Deo; ut sic Deus dicatur relative ad creaturam, quia creatura refertur ad ipsum, sicut Philosophus dicit in V. Metaph. (tex. 2.) quod scibile dicitur relative, quia scientia refertur ad ipsum.

Ad quintum dicendum, quod cum ea ratione referatur Deus ad creaturam, quia creatura refertur ad ipsum; cum relationis subiectionis realiter sit in creatura; sequitur quod Deus non secundum rationem tantum, sed realiter sit Dominus:

eo enim modo dicitur Dominus quo creatura ei subiecta est.

Ad sextum dicendum, quod ad cognoscendum, utrum relativa sint simul natura, vel non, non oportet considerare ordinem eorum de quibus relativa dicuntur, sed significationes ipsorum relativorum. Si enim unum in sui intellectu claudat aliquid, & e converso, tunc sunt simul natura, sicut duplum, dimidium, & pater, & filius, & similia. Si autem unum in sui intellectu claudat aliud, & non e converso, tunc non sunt simul natura. Et hoc modo se habent scientia, & scibile: nam scibile dicitur secundum potentiam, scientia autem secundum habitum, vel secundum actum. Unde scibile secundum modum suæ significationis præexistit scientiæ; sed si accipiat scibile secundum actum, tunc est simul cum scientia secundum actum: nam scitum non est aliquid, nisi sit eius scientia. Licet igitur Deus sit prior creaturis, quia tamen in significatione domini claudatur quod habeat servum, & e converso, ista duo relativa, *dominus*, & *servus* sunt simul natura. Unde Deus non fuit Dominus, antequam haberet creaturam sibi subiectam.

ARTICULUS VIII. 75

Utrum hoc nomen Deus sit nomen natura.

I. dist. 11. in expo. lit. & dist. xviii. art. 5. ad 6. & dist. xxxii. quest. 11. art. 2.

AD octavum sic proceditur. Videtur quod hoc nomen Deus non sit nomen naturæ. Dicit enim Damascenus in I. Lib. (orth. Fidei cap. xii.) quod *Deus dicitur a θεω, quod est (b) curare, & fovere universa; vel ab αἰθερά id est ardere: Deus enim noster ignis consumens est: vel a θεοδότης, quod est considerare omnia*. Hæc autem omnia ad operationem pertinent. Ergo hoc nomen Deus operationem significat, & non naturam.

2. Præterea. Secundum hoc aliquid nominatur a nobis, secundum quod cognoscitur. Sed divina natura est nobis ignota. Ergo hoc nomen Deus non significat naturam divinam.

Sed contra est quod dicit Ambrosius in Lib. de Fide (in prologo Lib. II. cir. pr. cap. 111.) quod *Deus* est nomen naturæ.

Respondendo dicendum, quod non est sem-

(a) *Al.* in creatura. (b) *Al.* curare, & disponere omnia;

Semper idem id a quo imponitur nomen ad significandum, & id ad quod significandum nomen imponitur. Sicut enim substantiam rei ex proprietatibus, vel operationibus eius cognoscimus; ita substantiam rei denominamus quandoque ab aliqua eius operatione; vel proprietate. Sicut substantiam lapidis denominamus ab aliqua actione eius, quia laedit pedem; non tamen hoc nomen impositum est ad significandum hanc actionem, sed substantiam lapidis. Si qua vero sunt quae secundum se sunt nota nobis, ut calor, frigus, albedo, & huiusmodi, non ab aliis denominantur. Unde in talibus idem est quod nomen significat, & id a quo imponitur nomen ad significandum.

Quia igitur Deus non est notus nobis in sui natura, sed innoteceit nobis ex operationibus, vel effectibus eius; ex his possumus eum nominare, ut supra dictum est (art. 1. huius quæst.) Unde hoc nomen Deus est nomen operationis, quantum ad id a quo imponitur ad significandum. Imponitur enim hoc nomen ab universali rerum providentia. Omnes enim loquentes de Deo hoc intendunt nominare Deum quod habet providentiam universalem de rebus: unde dicit Dionysius XII. cap. de divin. Nominibus (cir. princ. lect. 1.) quod *Deitas est quæ omnia videt providentia, & bonitate perfecta*. Ex hac autem operatione hoc nomen Deus assumptum, impositum est ad significandum divinam naturam.

Ad primum ergo dicendum, quod omnia quae posuit Damascenus, pertinent ad providentiam, a qua imponitur hoc nomen Deus ad significandum.

Ad secundum dicendum, quod secundum quod naturam alicuius rei ex eius proprietatibus, & effectibus cognoscere possumus, sic eam nomine possumus significare. Unde quia substantiam lapidis ex eius proprietate possumus cognoscere secundum se ipsam, sciendo quid est lapis, hoc nomen lapis ipsam lapidis naturam, secundum quod in se est, significat: significat enim definitionem lapidis, per quam scimus quid est lapis: ratio enim quam significat nomen, est definitio, ut dicitur in IV. Metaph. (text. 28.) Sed ex effectibus divinis divinam naturam non possumus cognoscere, secundum quod in se est, ut sciamus de ea quid est, sed per modum eminentiae, & causalitatis, & negationis, ut supra dictum est (quæst. XII. art. 12.) Et sic

hoc nomen Deus significat naturam divinam: impositum est enim nomen hoc ad aliquid significandum supra omnia existens, quod est principium omnium, & remotum ab omnibus: hoc enim intendunt significare nominantes Deum.

ARTICULUS IX. 76

Utrum hoc nomen Deus sit communicabile.

Quæst. XXXIX. art. 4. ad 1. & 1. diff. IV. quæst. 1. art. 2. ad 3. & diff. XXI. quæst. 11. art. 1. ad 4. & po. quæst. VII. art. 3. ad 1.

AD nonum sic proceditur. Videtur quod hoc nomen Deus sit communicabile. Cuicumque enim communicatur res significata per nomen, communicatur & nomen ipsum. Sed hoc nomen Deus, ut dictum est (art. præc.) significat divinam naturam, quæ est communicabilis aliis, secundum illud II. Petri 1. 4. (a) *Magna, & preiosa promissa nobis donavit, ut per hoc efficiamur divinae consortes naturæ*. Ergo hoc nomen Deus est communicabile.

2. Præterea. Sola nomina propria non sunt communicabilia. Sed hoc nomen Deus non est nomen proprium, sed appellativum: quod patet ex hoc quod habet plurale, secundum illud Psalm-lxxxi. *Ego dixi, Dei es tu*. Ergo hoc nomen Deus est communicabile.

3. Præterea. Hoc nomen Deus imponitur ab operatione, ut dictum est (art. proxime cit.) Sed alia nomina quæ imponuntur Deo ab operationibus, sive ab effectibus, sunt communicabilia, ut bonus, sapiens, & huiusmodi. Ergo hoc nomen Deus est communicabile.

Sed contra est quod dicitur Sapient. XIV. 21. *Incommunicabile nomen lignis, & lapidibus imposuerunt*: & loquitur de nomine Deitatis. Ergo hoc nomen Deus est nomen incommunicabile.

Respondeo dicendum, quod aliquid nomen potest esse communicabile dupliciter: uno modo proprie; alio modo per similitudinem. Proprie quidem communicabile est quod secundum totam significationem nominis est communicabile multis; per similitudinem autem communicabile est quod est communicabile secundum aliquid eorum quæ includuntur in nominis significatione. Hoc enim nomen *leo* proprie communicatur omnibus illis in quibus invenitur natura quam significat hoc nomen *leo*; per similitudinem vero commu-

nica-

(a) *Palæstra Magna, & infra effluamini.*

nicabile est illis qui participant quid leoninum, ut puta audaciam, vel fortitudinem, qui metaphorice leones dicuntur.

Ad sciendum autem, quæ nomina proprie sunt communicabilia, considerandum est, quod omnis forma in supposito singulari existens, per quod individuat, communis est multis vel secundum rem, vel secundum rationem saltem: sicut natura humana communis est multis secundum rem, & rationem; natura autem Solis non est communis multis secundum rem, sed secundum rationem tantum: potest enim natura Solis intelligi ut in pluribus suppositis existens; & hoc ideo quia intellectus intelligit naturam cuiuslibet speciei per abstractionem a singulari. Unde esse in uno supposito singulari, vel in pluribus est præter intellectum naturæ speciei. Unde servato intellectu naturæ speciei potest intelligi ut in pluribus existens. Sed singulare ex hoc ipso quod est singulare, est divisum ab omnibus aliis. Unde omne nomen impositum ad significandum aliquod singulare est incommunicabile & re, & ratione. Non enim potest in apprehensionem cadere pluralitas huius individui. Unde nullum nomen significans aliquod individuum est communicabile multis proprie, sed solum secundum similitudinem; sicut aliquis metaphorice potest dici Achilles, inquantum habet aliquid de proprietatibus Achilles, scilicet fortitudinem. Formæ vero quæ non individuantur per aliud suppositum, sed per se ipsas, quia scilicet sunt formæ subsistentes, si intelligerentur, secundum quod sunt in se ipsis, non possent communicari nec re, neque ratione, sed forte per similitudinem, sicut dictum est de individuis. Sed quia formas simplices per se subsistentes non possumus intelligere, secundum quod sunt, sed intelligimus eas ad modum rerum compositarum habentium formas in materia; ideo, ut dictum est (art. 1. huius quæst. ad 2. arg.) imponimus eis nomina concreta significantia naturam in aliquo supposito. Unde quantum pertinet ad rationem nominum, eadem ratio est de nominibus quæ a nobis imponuntur ad significandum naturas rerum compositarum, & de nominibus quæ a nobis imponuntur ad significandum naturas simplices subsistentes.

Unde cum hoc nomen *Deus* impositum sit ad significandum naturam divinam, ut dictum est (art. præc.) natura autem divina multiplicabilis non sit, ut supra

ostensum est (quæst. xi. art. 3.) sequitur quod hoc nomen *Deus* incommunicabile quidem sit secundum rem, sed communicabile secundum opinionem, quemadmodum hoc nomen *Sol* esset communicabile secundum opinionem ponentium multos Soles. Et secundum hoc dicitur Galat. iv. 8. *His qui natura non sunt dii serviebatis*: Glossa (interlinearis ibi:), „Non sunt dii natura, sed opinione hominum.“ Est nihilominus communicabile hoc nomen *Deus* non secundum suam totam significationem, sed secundum aliquid eius per quamdam similitudinem, ut dii dicantur qui participant aliquid divinum per similitudinem, secundum illud Psalm. lxxxv. 6. *Ego dixi, Dii estis*.

Si vero esset aliquod nomen impositum ad significandum Deum non ex parte naturæ, sed ex parte suppositi, secundum quod consideratur ut hoc aliquid; illud nomen esset omnibus modis incommunicabile, sicut forte est nomen tetragrammaton apud Hebræos: & est simile, si quis imponeret nomen Soli designans hoc individuum.

Ad primum ergo dicendum, quod natura divina non est communicabilis nisi secundum similitudinis participationem.

Ad secundum dicendum, quod hoc nomen *Deus* est nomen appellativum & non proprium, quia significat naturam divinam ut in habente, licet ipse *Deus* secundum rem non sit nec universalis, nec particularis. Nomina enim non sequuntur modum essendi qui est in rebus, sed modum essendi, secundum quod in cognitione nostra est. Et tamen secundum rei veritatem est incommunicabile, secundum quod dictum est de hoc nomine *Sol* (in cor. art.)

Ad tertium dicendum, quod hæc nomina *bonus*, *sapiens*, & similia imposita quidem sunt a perfectionibus procedentibus a Deo in creaturas, non tamen sunt imposita ad significandum divinam naturam, sed ad significandum ipsas perfectiones absolute: & ideo etiam secundum rei veritatem sunt communicabilia multis. Sed hoc nomen *Deus* impositum est ab operatione propria Deo, quam experimur continue, ad significandam divinam naturam.

ARTICULUS X. 77

Utrum hoc nomen Deus univoce dicatur de Deo per participationem, secundum naturam, & secundum opinionem.

Sup. art. 5. corp. & infra quaest. XXIX. art. 4. & prol. art. 2. & II. dist. XXXV. art. 4. & I. contr. cap. XXXII. & XXXIII. & XXXIV. & ver. quaest. II. art. II. & po. quaest. VII. art. 7. & opus. II. cap. XXV.

AD decimum sic proceditur. Videtur quod hoc nomen *Deus* univoce dicatur de Deo per naturam, & per participationem, & secundum opinionem. Ubi enim est diversa significatio, non est contradictio affirmantis, & negantis: æquivocatio enim impedit contradictionem. Sed catholicus dicens, Idolum non est Deus, contradicit pagano dicenti, Idolum est Deus. Ergo Deus utrobique sumptum univoce dicitur.

2. Præterea. Sicut idolum est Deus secundum opinionem, & non secundum veritatem, ita fruitio carnalium delectationum dicitur felicitas secundum opinionem, & non secundum veritatem. Sed hoc nomen *beatitudo* univoce dicitur de hac beatitudine opinata, & de hac beatitudine vera. Ergo & hoc nomen *Deus* univoce dicitur de Deo secundum veritatem, & de Deo secundum opinionem.

3. Præterea. Univoce dicuntur quorum est ratio una. Sed catholicus, cum dicit unum esse Deum, intelligit nomine Dei rem omnipotentem, & super omnia venerandam; & hoc idem intelligit gentilis, cum dicit, idolum esse Deum. Ergo hoc nomen univoce dicitur utrobique.

4. Sed contra. Illud quod est in intellectu, est similitudo eius quod est in re, ut dicitur in I. Periher. (cap. I.) Sed animal dictum de animali vero, & de animali picto, æquivoce dicitur. Ergo hoc nomen *Deus* dictum de Deo vero, & de Deo secundum opinionem æquivoce dicitur.

5. Præterea. Nullus potest signare id quod non cognoscit. Sed gentilis non cognoscit naturam divinam. Ergo cum dicit, Idolum est Deus, non signat veram Deitatem. Hanc autem signat catholicus dicens, unum esse Deum. Ergo hoc nomen *Deus* non dicitur univoce, sed æquivoce de Deo vero, & de Deo secundum opinionem.

Respondeo dicendum, quod hoc nomen *Deus* in præmissis tribus significationibus

S. Th. Oper. T. III. XX.

non accipitur neque univoce, neque æquivoce, sed analogice. Quod ex hoc patet. Quia univocorum est omnino eadem ratio; æquivocorum est omnino ratio diversa; in analogicis vero oportet quod nomen secundum unam significationem acceptum ponatur in definitione eiusdem nominis secundum alias significationes accepti; sicut ens de substantia dictum ponitur in definitione entis, secundum quod de accidente dicitur; & sanum dictum de animali, ponitur in definitione sani, secundum quod dicitur de urina, & de medicina. Huius enim sani quod est in animali, urina est significativa, & medicina factiva. Sic accidit in proposito. Nam hoc nomen *Deus* secundum quod pro Deo vero sumitur, in ratione Dei sumitur secundum quod dicitur Deus secundum opinionem, vel participationem. Cum enim aliquem nominamus Deum secundum participationem, intelligimus nomine Dei aliquid habens similitudinem veri Dei. Similiter cum idolum nominamus Deum, hoc nomine *Deus* intelligimus significari aliquid de quo homines opinantur quod sit Deus: & sic manifestum est quod alia, & alia est significatio nominis, sed una illarum significationum clauditur in significationibus aliis. Unde manifestum est quod analogice dicitur.

Ad primum ergo dicendum, quod nominum multiplicitas non attenditur secundum nominis prædicationem, sed secundum significationem. Hoc enim nomen *homo* de quocunque prædicetur, sive vere, sive false, dicitur uno modo. Sed tunc multipliciter diceretur, si per hoc nomen *homo* intenderemus significare diversa; puta, si unus intenderet significare per hoc nomen *homo* id quod vere est homo, & alius intenderet significare eodem nomine lapidem, vel aliquid aliud. Unde patet quod catholicus dicens, idolum non esse Deum, contradicit pagano hoc asserenti: quia uterque utitur hoc nomine *Deus* ad significandum verum Deum. Cum enim paganus dicit, idolum esse Deum, non utitur hoc nomine, secundum quod significat Deum opinabilem: sic enim verum diceret, cum etiam catholicus interduum in tali significatione hoc nomine utantur ut cum dicitur (Psal. xcvi. 5.) *Omnes dei gentium demonia.*

Et similiter dicendum ad secundum, & tertium. Nam illæ rationes procedunt secundum diversitatem prædicationis nominis, & non secundum diversam significationem.

I

Ad

Ad quartum dicendum, quod animal dictum de animali vero, & de p[er]so, non dicitur pure æquivoce. Sed Philosophus (in Antep[re]d. cap. de æquivoc.) largo modo accipit æquivoca, secundum quod includunt in se analogia: quia & ens, quod analogice dicitur, aliquando dicitur æquivoce prædicari de diversis prædicamentis.

Ad quintum dicendum, quod ipsam naturam Dei, prout in se est, neque catholicus, neque paganus cognoscit; sed uterque cognoscit eam secundum aliquam rationem causalitatis, vel excellentiæ, vel remotionis, ut supra dictum est (quæst. xii. art. 12.) Et secundum hoc in eadem significatione accipere potest gentilis hoc nomen *Deus*, cum dicit, Idolum est Deus, in qua accipit ipsum catholicus dicens, Idolum non est Deus. Si vero aliquis esset qui secundum nullam rationem Deum cognosceret, nec ipsum nominaret, nisi forte sicut professoris nomina quorum significationes ignoramus.

ARTICULUS XI. 78

Utrum hoc nomen qui est sit maxime nomen Dei proprium.

I. dist. viii. quæst. 1. art. 1. & p[ri]m. quæst. 111. art. 6. & quæst. vii. art. 1. c. fin. & quæst. x. art. 1. 9.

AD undecimum sic proceditur. Videtur quod hoc nomen *qui est* non sit maxime proprium nomen Dei. Hoc enim nomen *Deus* est nomen incommunicabile, ut dictum est (art. 9. huius quæst.) Sed hoc nomen *qui est* non est nomen incommunicabile. Ergo hoc nomen *qui est* non est maxime proprium nomen Dei.

2. Præterea. Dionysius dicit 111. cap. de divin. Nomin. (in princ. lect. 1.) quod boni nominatio excellenter est manifestativa omnium Dei processionum. Sed hoc maxime Deo convenit quod sit universale rerum principium. Ergo hoc nomen *bonum* est maxime proprium Dei, & non hoc nomen *qui est*.

3. Præterea. Omne nomen divinum videtur importare relationem ad creaturas, cum Deus non cognoscatur a nobis nisi per creaturas. Sed hoc nomen *qui est* nullam importat habitudinem ad

creaturas. Ergo hoc nomen *qui est* non est maxime proprium nomen Dei.

Sed contra est quod dicitur Exod. 112. 13. quod Moyse querenti: si dixerim mihi, quod est nomen eius? quid dicam ei? respondit ei Dominus: Sic dices ei: *Qui est*, misit me ad vos. Ergo hoc nomen *qui est* est maxime proprium nomen Dei.

Respondendo dicendum, quod hoc nomen *qui est* triplici ratione est maxime proprium nomen Dei.

Primo quidem propter sui significationem. Non enim significat formam aliquam, sed ipsum esse. Unde cum esse Dei sit ipsa eius essentia, & hoc nulli alii conveniat, ut supra ostensum est (quæst. 111. art. 4.) manifestum est quod inter alia nomina hoc maxime proprie nominat Deum: unumquodque enim denominatur a sua forma.

Secundo propter eius universalitatem. Omnia enim alia nomina vel sunt minus communia, vel si convertantur cum ipso, tamen addunt aliqua supra ipsum secundum rationem. Unde quodammodo informant, & determinant ipsum. Intellectus autem noster non potest ipsam Dei essentiam cognoscere in statu viæ, secundum quod in se est, sed quemcumque modum determinet circa id quod de Deo intelligit, deficit a modo quo Deus in se est. Et ideo quanto aliqua nomina sunt minus determinata, & magis communia, & absoluta, tanto magis proprie dicuntur de Deo a nobis. Unde Damascenus (Lib. I. orthod. Fid. cap. xii. ante med.) dicit, quod principalis omnibus, quæ de Deo dicuntur, nominibus est qui est: (a) totum enim in se ipso comprehendens habet ipsum esse velut quoddam pelagus substantiæ infinitum, & indeterminatum. Quolibet enim alio nomine determinatur aliquis modus substantiæ rei; sed hoc nomen *qui est* nullum modum essendi determinat, sed se habet indeterminate ad omnes & ideo nominat ipsum pelagus substantiæ infinitum.

Tertio vero ex eius significatione: significat enim esse in presenti; & hoc maxime proprie de Deo dicitur, cuius esse non novit præteritum, vel futurum, ut dicit Augustinus in V. de Trinit. (cap. 11. & lib. lxxxviii. Q[uestio]ne. xvi.)

Ad primum ergo dicendum, quod hoc nomen *qui est* est magis proprium nomen Dei quam hoc nomen *Deus* quantum ad id a quo imponitur, scilicet ab esse, & quantum

ad

(a) *Ad*. totum enim in se ipso comprehendens velut quoddam pelagus etc.

ad modum significandi, & confignificandi, ut dictum est (in corp. art.) Sed quantum ad id ad quod imponitur nomen ad significandum, est magis proprium hoc nomen *Deus*, quod imponitur ad significandum naturam divinam: & adhuc magis proprium nomen est tetragrammaton, quod est impositum ad significandam ipsam *Dei* substantiam incommunicabilem, & (ut sic liceat loqui) singularem.

Ad secundum dicendum, quod hoc nomen *bonum* est principale nomen *Dei*, inquantum est causa, non tamen simpliciter: nam esse absolute præintelligitur causæ.

Ad tertium dicendum, quod non est necessarium quod omnia divina important habitudinem ad creaturas, sed sufficit quod imponentur ab aliquibus perfectionibus procedentibus a *Deo* in creaturas, inter quas prima est ipsum esse, a qua sumitur hoc nomen *qui est*.

ARTICULUS XII. 79

Utrum propositiones affirmativæ possint formari de Deo.

Pot. quæst. VII. art. 5. ad 2. & I. dist. IV. quæst. 11. art. 2. & I. cont. cap. XXXV1.

AD duodecimum sic proceditur. Videtur quod propositiones affirmativæ non possint formari de *Deo*. Dicit enim Dionysius 11. cap. cæl. Hierarch. (parum ante med.) quod *negationes de Deo sunt veræ, affirmationes autem incompactæ*.

2. Præterea. Boetius dicit in Lib. de Trin. (ante med.) quod *forma simplex subiectum esse non potest*. Sed *Deus* maxime est forma simplex, ut supra ostensum est (quæst. XII. art. 7. & 8.) Ergo non potest esse subiectum. Sed omne illud de quo propositio affirmativa formatur, accipitur ut subiectum. Ergo de *Deo* propositio affirmativa formari non potest.

3. Præterea. Omnis intellectus intelligens rem aliter quam sit, est falsus. Sed *Deus* habet esse absque omni compositione, ut supra probatum est (quæst. XII. art. 7.) Cum igitur omnis intellectus affirmativus intelligat aliquid cum compositione, videtur quod propositio affirmativa vere de *Deo* formari non possit.

Sed contra est quod fidei non subest falsum. Sed propositiones quædam affirmativæ subduntur fidei, utpote quod

Deus est trinus & unus, & quod est omnipotens. Ergo propositiones affirmativæ possunt vere formari de *Deo*.

Respondetur dicendum, quod propositiones affirmativæ possunt vere formari de *Deo*. Ad cuius evidentiam sciendum est, quod in qualibet propositione affirmativa vera oportet quod prædicatum, & subiectum significant idem secundum rem aliquo modo, & diversum secundum rationem. Et hoc patet tam in propositionibus quæ sunt de prædicato accidentali, quam in illis quæ sunt de prædicato substantiali. Manifestum est enim quod homo, & albus sunt idem subiecto, & differunt ratione: alia enim est ratio hominis, & alia ratio albi. Et similiter cum dico, *Homo est animal*: illud enim ipsum quod est homo, vera animal est: in eodem enim supposito est & natura sensibilis, a qua dicitur animal, & natura rationalis, a qua dicitur homo: unde & hic etiam prædicatum, & subiectum sunt idem supposito, sed diversa ratione. Sed in propositionibus in quibus idem prædicatur de se ipso, hoc aliquo modo invenitur, inquantum intellectus id quod ponit ex parte subiecti, trahit ad partem suppositi; quod vero ponit ex parte prædicati, trahit ad naturam formæ in supposito existentis, secundum quod dicitur, quod prædicata tenentur formaliter, & subiecta materialiter. Hinc vero diversitati quæ est secundum rationem, respondet pluralitas prædicati, & subiecti; identitatem vero rei significat intellectus per ipsam compositionem. *Deus* autem in se consideratus est & omnino unus, & simplex; sed tamen intellectus noster secundum diversas conceptiones ipsum cognoscit, eo quod non potest ipsum, ut in se ipso est, videre.

Sed quamvis intelligat ipsum sub diversis conceptionibus, cognoscit tamen quod omnibus suis conceptionibus respondet una & eadem res simpliciter. Hanc ergo pluralitatem, quæ est secundum rationem, repræsentat per pluralitatem prædicati, & subiecti; unitatem vero repræsentat intellectus per compositionem.

Ad primum ergo dicendum, quod Dionysius dicit, affirmationes de *Deo* esse incompactas, vel inconvenientes secundum aliam translationem, inquantum nullum nomen *Deo* competit secundum modum significandi, ut supra dictum est (art. 3. huius quæst.)

Ad secundum dicendum, quod intellectus

lectus noster non potest formas simplices subsistentes, secundum quod in se ipsis sunt, comprehendere; sed apprehendit eas secundum modum compositorum, in quibus est aliquid quod subiicitur, & est aliquid quod inest. Et ideo apprehendit formam simplicem in ratione subiecti, & attribuit ei aliquid.

Ad tertium dicendum, quod hæc propositio, *Intellectus intelligens rem aliter quam sit, est falsus*, est duplex, ex eo quod hoc adverbium *aliter* potest determinare hoc verbum *intelligens* ex parte intellecti, vel ex parte intelligentis. Si ex parte intellecti, sic propositio vera est, & est sensus: Quicumque intellectus intelligit rem esse aliter quam sit, falsus est. Sed hoc non habet locum in proposito, quia intellectus noster formans propositionem de Deo non dicit eum esse compositum, sed simplicem. Si vero ex parte intelligentis, sic propositio falsa est. Alius est enim modus intellectus in intelligendo quam rei in essendo. Manifestum est enim quod intellectus noster res materiales infra se existentes intelligit immaterialiter, non quod intelligat eas esse immateriales, sed habet modum immateriali in intelligendo. Et similiter cum intelligit simplicia, quæ sunt supra se, intelligit ea secundum modum situm, scilicet compositæ, non tamen ita quod intelligat ea esse composita. Et sic intellectus noster non est falsus formans compositionem de Deo.

QUAESTIO XIV.

*De scientia Dei,
in sexdecim articulis divisa.*

Post considerationem eorum quæ ad divinam substantiam pertinent, restat considerandum de his quæ pertinent ad operationem ipsius. Et quia operatio quædam est quæ manet in operante, quædam vero quæ procedit in exteriorem effectum; primo agemus de scientia, & voluntate (nam intelligere in intelligente est, & velle in volente) & postmodum de potentia Dei, quæ consideratur ut principium operationis divinæ in effectu exteriori procedentis. Quia vero intelligere quoddam vivere est, post considerationem divinæ scientiæ; considerandum est de vita divina. Et quia scientia verorum est, erit etiam considerandum de veritate, & falsitate. Rursum quia omne cognitum in cognoscente est; rationes autem rerum, secundum quod

sunt in Deo cognoscente, idem vocantur, cum consideratione scientiæ erit etiam adiungenda consideratio de ideis.

Circa scientiam vero quæruntur sexdecim.

Primo, utrum in Deo sit scientia.

Secundo, utrum Deus intelligat se ipsum.

Tertio, utrum comprehendat se.

Quarto, utrum suum intelligere sit sua substantia.

Quinto, utrum intelligat alia a se.

Sexto, utrum habeat de eis propriam cognitionem.

Septimo, utrum scientia Dei sit diffusiva.

Octavo, utrum scientia Dei sit causa rerum.

Nono, utrum scientia Dei sit eorum quæ non sunt.

Decimo, utrum sit malorum.

Undecimo, utrum sit singularium.

Duodecimo, utrum sit infinitorum.

Tertiodecimo, utrum sit contingentium futurorum.

Quartodecimo, utrum sit enuntiabilem.

Quintodecimo, utrum scientia Dei sit variabilis.

Sexdecimo, utrum Deus de rebus habeat speculativam scientiam, vel practicam.

ARTICULUS I. 85

Utrum in Deo sit scientia.

I. dist. xxxv. art. 1. & I. cont. cap. xlv. & pot. quest. vii. art. 1. corp. & art. 5. corp. & ver. quest. 11. art. 1. & opusc. 111. cap. xxviii. & xxxv. & XII. Met. lect. vi.

Ad primum sic proceditur. Videtur quod in Deo non sit scientia. Scientia enim habitus est, qui Deo non competit, cum sit medius inter potentiam, & actum. Ergo scientia non est in Deo.

2. Præterea. Scientia, cum sit conclusionum, est quædam cognitio ab alio causata, scilicet ex cognitione principiorum. Sed nihil causatum est in Deo. Ergo scientia non est in Deo.

3. Præterea. Omnis scientia vel univversalis, vel particularis est. Sed in Deo non est univversalis, & particularis, ut ex superioribus patet (quest. 111. art. 5.) Ergo in Deo non est scientia.

Sed contra est quod Apostolus dicit Rom. xi. 33. *O altitudo divinarum sapientiarum & scientiarum Dei!*

Respondeo dicendum, quod in Deo perfectissime est scientia. Ad cuius evidentiam con-

considerandum est, quod cognoscencia a non cognoscencia in hoc distinguuntur, quia non cognoscencia nihil habent nisi formam suam tantum, sed cognoscencia naturam est habere formam etiam rei alterius, nam species cogniti est in cognoscencia. Unde manifestum est quod natura rei non cognoscencia est magis coarctata, & limitata; natura autem rerum cognoscencia habet maiorem amplitudinem, & extensionem: propter quod dicit Philosophus III. de Anima (tex. 37.) quod *anima est quoddammodo omnia*. Coarctatio autem formae est per materiam. Unde & supra diximus, quod formae, secundum quod sunt magis immateriales, secundum hoc magis accedunt ad quandam infinitatem. Patet igitur quod immaterialitas alicuius rei est ratio quod sit cognoscitiva, & secundum modum immaterialitatis est modus cognitionis. Unde in II. de Anima (tex. 124.) dicitur, quod plantae non cognoscunt propter suam materialitatem. Senius autem cognoscitivus est, quia receptivus est specierum suae materiae; & intellectus adhuc magis cognoscitivus, quia magis separatus est a materia, & immixtus, ut dicitur in III. de Anima (tex. 4. usque ad 7.) Unde cum Deus sit in summo immaterialitatis, ut ex superioribus patet (quaest. VII. art. 1.) sequitur quod ipse sit in summo cognitionis.

Ad primum ergo dicendum, quod quia perfectiones procedentes a Deo in creaturas altiori modo sunt in Deo, ut supra dictum est (quaest. VI. art. 4.) oportet quod quodcumque nomen sumptum quacumque perfectione creaturae Deo attribuitur, secludatur ab eius significatione omne illud quod pertinet ad imperfectum modum, qui competit creaturae. Unde scientia non est qualitas in Deo, vel habitus, sed substantia, & actus purus.

Ad secundum dicendum, quod ea quae sunt divisim, & multipliciter in creaturis, in Deo sunt simpliciter, & unite, ut supra dictum est (quaest. XII. art. 4.) Homo autem secundum diversa cognita habet diversas cognitiones. Nam secundum quod cognoscit principia, dicitur habere intelligentiam; scientiam vero, secundum quod cognoscit conclusiones; sapientiam, secundum quod cognoscit causam altissimam; consilium, vel prudentiam, secundum quod cognoscit agibilia. Sed haec omnia Deus una & simplici cognitione cognoscit, ut infra patebit (art. 7. huius quaest.) Unde simplex Dei co-

S. Tb. Oper. Tom. XX.

gnitio omnibus istis nominibus nominari potest; ita tamen quod ab unoquoque eorum, secundum quod in divinis praedicationem venit, secludatur quicquid imperfectionis est, & retineatur quicquid perfectionis est. Et secundum hoc dicitur Iob XII. 13. *Apud ipsum est sapientia, & fortitudo, & ipse habet consilium, & intelligentiam*.

Ad tertium dicendum, quod scientia est secundum modum cognoscenciae: scitum enim est in sciente secundum modum scientis. Et ideo cum modus divinae scientiae sit altior quam modus quo creaturae sunt, scientia divina non habet modum creaturae scientiae, ut scilicet sit universalis, vel particularis, vel in habitu, vel in potencia, vel secundum aliquem talem modum disposita.

ARTICULUS II. 81

Utrum Deus intelligat se.

Verit. quaest. II. art. 2. & I. cont. cap. XLVII. & XLVIII. & IV. cap. II. co. 3. & I. dist. XXV. art. 2. & II. Metaph. lect. VIIII.

AD secundum sic proceditur. Videtur quod Deus non intelligat se. Dicitur enim in Lib. de causis (prop. 13. in princ.) quod *omnis sciens, qui sit suam essentiam, est rediens ad essentiam suam reductione completa*. Sed Deus non exit extra essentiam suam, nec aliquo modo movetur: & sic non competit sibi redire ad essentiam suam. Ergo ipse non est sciens essentiam suam.

2. Praeterea. Intelligere est quoddam pati, & moveri, ut dicitur in III. de Anima (tex. 12. & 18.) scientia etiam est assimilatio ad rem scitam; & scitum etiam est perfectio scientis. Sed nihil movetur, vel patitur, vel perficitur a se ipso, neque similitudo sibi ipsi est, ut Hilarius dicit (Lib. III. de Trinit. non multum remote ante fin.) Ergo Deus non est sciens se ipsum.

3. Praeterea. Praecipue Deo sumus similes secundum intellectum: quia secundum mentem sumus ad imaginem Dei, ut dicit Augustinus (Lib. XV. de Trinit. cap. 1. & Lib. VI. super Genes. cap. XII.) Sed intellectus noster non intelligit se, nisi sicut intelligit alia, ut dicitur in III. de Anima (tex. 15.) Ergo Deus non intelligit se, nisi forte intelligendo alia.

Sed contra est quod dicitur I. ad Cor. II. 11. *Qua sunt Dei nemo novit nisi spiritus Dei*.

1 3

Re-

Respondeo dicendum, quod Deus se per se ipsum intelligit. Ad cuius evidentiam sciendum est, quod licet in operationibus quae transeunt in exteriorem effectum, obiectum operationis, quod significatur ut terminus, sit aliquid extra operantem; tamen in operationibus quae sunt in operante, obiectum, quod significatur ut terminus operationis, est in ipso operante: & secundum quod est in eo, sic est operatio in actu. Unde dicitur in lib. III. de Anima (text. 36. & 37.) quod *sensibile in actu est sensus in actu, & intelligibile in actu est intellectus in actu*. Ex hoc enim aliquid in actu sentimus, vel intelligimus, quod intellectus noster, vel sensus informatur in actu per speciem sensibilis, vel intelligibilis. Et secundum hoc tantum sensus, vel intellectus aliud est a sensibili, vel intelligibili, quia utrumque est in potentia. Cum igitur Deus nihil potentialitatis habeat, sed sit actus purus, oportet quod in eo intellectus, & intellectum sint eadem omnibus modis, ita scilicet ut neque careat specie intelligibili, sicut intellectus noster, cum intelligit in potentia; neque species intelligibilis sit aliud a substantia intellectus divini, sicut accidit in intellectu nostro, cum est actu intelligens; sed ipsa species intelligibilis est ipse intellectus divinus, & sic se ipsum per se ipsum intelligit.

Ad primum ergo dicendum, quod redire ad essentiam suam nihil aliud est quam rem subsistere in se ipsa. Forma enim, in quantum perficit materiam dando ei esse, quodammodo supra ipsam effunditur; in quantum vero in se ipsa habet esse, in se ipsam redit. Virtutes igitur cognoscitivae, quae non sunt subsistentes, sed actus aliquorum organorum, non cognoscunt se ipsas, sicut patet in singulis sensibus; sed virtutes cognoscitivae per se subsistentes cognoscunt se ipsas: & propter hoc dicitur in Libro de causis, quod *sciens essentiam suam redit ad essentiam suam*. Per se autem subsistere maxime convenit Deo. Unde secundum hunc modum loquendi ipse est maxime rediens ad essentiam suam, & cognoscens se ipsum.

Ad secundum dicendum, quod moveri, & pati sumuntur aequivoce, secundum quod intelligere dicitur esse quoddam moveri, vel pati, ut dicitur in III. de Anima (loc. cit. in argum.) Non enim intelligere est motus, qui est actus im-

perfecti, qui est ab alio in aliud; sed actus perfecti existens in ipso agente. Similiter etiam quod intellectus perficitur ab intelligibili, vel assimilatur ei, hoc convenit intellectui, qui quandoque est in potentia: quia per hoc quod est in potentia, differt ab intelligibili, & assimilatur ei per speciem intelligibilem, quae est similitudo rei intellectae, & perficitur per ipsam, sicut potentia per actum. Sed intellectus divinus, qui nullo modo est in potentia, non perficitur per intelligibile, neque assimilatur ei, sed est sua perfectio, & suum intelligere.

Ad tertium dicendum, quod esse naturale non est materiae primae, quae est in potentia, nisi secundum quod est reducta in actum per formam. Intellectus autem noster possibilis non potest habere (a) intelligibilem operationem, nisi in quantum perficitur per speciem intelligibilem alicuius: & sic intelligit se ipsum per speciem intelligibilem, sicut & alia. Manifestum est autem quod ex eo quod cognoscit intelligibile, intelligit ipsum suum intelligere, & per actum cognoscit potentiam intellectivam. Deus autem est sicut actus purus tam in ordine existentium, quam in ordine intelligibilium; & ideo per se ipsum se ipsum intelligit.

ARTICULUS III. 85

Utrum Deus comprehendat se ipsum.

III. dist. XIV. art. 2. quæst. 1. & 2. & I. cont. cap. III. & ver. quæst. II. art. 2. ad 5. & quæst. XX. art. 4. & opus. II. cap. VI. cccxiii. & cclxiv. & opus. IX. cap. lxxix.

Ad tertium sic proceditur. Videtur quod Deus non comprehendat se ipsum. Dicit enim Augustinus in Lib. lxxxiii. Quæstionum (quæst. XIV.) quod id quod comprehendit se, finitum est sibi. Sed Deus est omnibus modis infinitus. Ergo non comprehendit se.

2. Si dicatur, quod Deus infinitus est nobis, sed sibi finitus; contra. Verius est unumquodque, secundum quod est apud Deum quam secundum quod est apud nos. Si igitur Deus tibi ipse est fi-

(*) *Id. intelligibilem operationem.*

nitus, nobis autem infinitus, verius est Deum esse finitum quam infinitum; quod est contra prius determinata (quaest. vii. art. 1.) Non ergo Deus comprehendit se ipsum.

Sed contra est quod Augustinus dicit ibidem: *Omne quod intelligit se, comprehendit se*. Sed Deus intelligit se. Ergo comprehendit se.

Respondeo dicendum, quod Deus perfecte comprehendit se ipsum. Quod sic patet. Tunc enim dicitur aliquid comprehendere quando pervenitur ad finem cognitionis ipsius; & hoc est quando res cognoscitur ita perfecte sicut cognoscibilis est; sicut propositio demonstrabilis comprehenditur quando scitur per demonstrationem, non autem quando cognoscitur per aliquam rationem probabilem. Manifestum est autem quod Deus ita perfecte cognoscit se ipsum sicut perfecte cognoscibilis est: est enim unumquodque cognoscibile secundum modum sui actus. Non enim cognoscitur aliquid, secundum quod in potentia est, sed secundum quod est in actu, ut dicitur in IX. Metaph. (text. 20.) Tanta est autem virtus Dei in cognoscendo, quanta est actualitas eius in existendo: quia per hoc quod actu est, & ab omni materia, & potentia separatus, Deus cognoscitivus est, ut ostensum est (art. 1. huius quaest.) Unde manifestum est quod tantum se ipsum cognoscit, quantum cognoscibilis est; & propter hoc se ipsum perfecte comprehendit.

Ad primum ergo dicendum, quod comprehendere, si proprie accipitur, significat aliquid habens, & includens alterum: & sic oportet quod omne comprehensum sit finitum, sicut omne inclusum. Non sic autem comprehendit dicitur Deus a se ipso, ut intellectus suus sit aliud quam ipse, & capiat ipsum, & includat; sed huiusmodi locutiones per negationem sunt exponendae. Sicut enim Deus dicitur esse in se ipso, quia a nullo exteriori continetur; ita dicitur comprehendere a se ipso, quia nihil est sui quod lateat ipsum. Dicit enim Augustinus in Lib. de videndo Deum (epist. cxii. ad Paulin. cap. ix. circa princ.) *quod tantum comprehenditur videndo, quod ita videtur, ut nihil eius lateat videntem*.

Ad secundum dicendum, quod cum dicitur, Deus finitus est sibi, intelligendum est secundum quamdam similitudinem proportionis: quia sic se habet in non excedendo intellectum suum, sicut

se habet aliquid finitum in non excedendo intellectum finitum. Non autem sic dicitur Deus sibi finitus, quod ipse intelligat se esse aliquid finitum.

ARTICULUS IV. 83

Utrum ipsum intelligere Dei sit eius substantia.

I. cor. cap. xvi. & xlvii. & IV. cor. xi. & xii. & opus. ii. cap. xxix. & xxx. & xxxi.

AD quartum sic proceditur. Videtur quod ipsum intelligere Dei non sit eius substantia. Intelligere enim est quaedam operatio: operatio autem aliquid significat procedens ab operante: substantia autem operantis non procedit ab operante. Ergo ipsum intelligere Dei non est ipsa substantia.

2. Præterea. Cum aliquis intelligit se intelligere, hoc non est intelligere aliquid magnum, vel principale intellectum, sed intelligere quoddam secundarium, & accessorium. Si igitur Deus sit ipsum suum intelligere, intelligere Dei erit sicut cum intelligimus intelligere; & sic non erit aliquid magnum intelligere Dei.

3. Præterea. Omne intelligere est aliquid intelligere. Cum ergo Deus intelligit se, si ipsemet non est aliud quam suum intelligere, intelligit se intelligere, & intelligere se intelligere se, & sic in infinitum. Non ergo ipsum intelligere Dei est eius substantia.

Sed contra est quod dicit Augustinus Lib. VII. de Trinitate (cap. vii.) *Deo hoc est esse quod sapientem esse*. Hoc autem est sapientem esse quod intelligere. Ergo Deo hoc est esse quod intelligere. Sed esse Dei est eius substantia, ut supra ostensum est (quaest. iii. art. 4.) Ergo intelligere Dei est eius substantia.

Respondeo dicendum, quod est necesse dicere, quod intelligere Dei est eius substantia. Nam si intelligere Dei sit aliud quam eius substantia, oporteret, ut dicit Philosophus in XII. Metaph. (text. 39.) quod aliquid aliud esset actus, & perfectio substantiæ divinæ, ad quod se haberet substantia divina sicut potentia ad actum; quod est omnino impossibile. Nam intelligere est perfectio, & actus intelligentis. Hoc autem qualiter sit, considerandum est. Sicut enim supra dictum est (art. 2. huius quaest.) intelligere non est actio progrediens ad aliquid extrinsecum, sed manet in operante sicut

1 + actus,

actus, & perfectio eius, prout esse est perfectio existentis. Sicut enim esse consequitur formam, ita intelligere sequitur speciem intelligibilem. In Deo autem non est forma, quæ sit aliud quam suum esse, ut supra ostensum est (quaest. 11. art. 4. & 7.) Unde cum ipsa sua essentia sit etiam species intelligibilis, ut dictum est (quaest. 11. art. 7. præcipue) ex necessitate sequitur quod ipsum eius intelligere sit eius essentia, & eius esse.

Et sic patet ex omnibus præmissis quod in Deo intellectus intelligens, & id quod intelligitur, & species intelligibilis, & ipsum intelligere sunt omnino unum & idem. Unde patet quod per hoc quod Deus dicitur intelligens, nulla multiplicitas ponitur in eius substantia.

Ad primum ergo dicendum, quod intelligere non est operatio exiens ab ipso operante, sed manens in ipso.

Ad secundum dicendum, quod cum intelligitur illud intelligere quod non est subsistens, non intelligitur aliquid magnum, sicut cum intelligimus intelligere nostrum: & ideo non est simile de ipso intelligere divino; quod est subsistens.

Et per hoc patet responsio ad tertium. Nam intelligere divinum, quod est in se ipso subsistens, est sui ipsius, & non alicuius alterius, ut sic oporteat procedere in infinitum.

ARTICULUS V. 84

Utrum Deus cognoscat alia a se.

I. dist. xxxv. art. 2. & ver. quest. 11. art. 4. & I. cont. cap. xlviii. & xlix.

AD quantum sic proceditur. Videtur quod Deus non cognoscat alia a se. Quacumque enim sunt alia a Deo, sunt extra ipsum. Sed Augustinus dicit in Lib. lxxxiii. Q9. (quest. xli. post medium) quod neque quicquam Deus extra se ipsum intuetur. Ergo non cognoscat alia a se.

2. Præterea. Intellectus est perfectio intelligentis. Si ergo Deus intelligat alia a se, aliquid aliud erit perfectio Dei, & nobilius ipso: quod est impossibile.

3. Præterea. Ipsum intelligere speciem habet ab intelligibili, sicut & omnis alius actus a suo obiecto. Unde & ipsum intelligere tanto est nobilius, quanto etiam nobilius est ipsum quod intelligitur. Sed Deus est ipsum suum intelligere, ut ex dictis patet (art. præc.) Si igitur Deus intelligit aliquid aliud a se, ipse Deus spe-

cificatur per aliquid aliud a se; quod est impossibile. Non igitur intelligit alia a se.

Sed contra est quod dicitur Hebr. 1v. 13. *Omnia nuda, & aperta sunt oculis eius.*

Respondeo dicendum, quod necesse est Deum cognoscere alia a se. Manifestum est enim quod se ipsum perfecte intelligit: alioquin suum esse non esset perfectum, cum suum esse sit suum intelligere. Si autem perfecte aliquid cognoscitur, necesse est quod virtus eius perfecte cognoscatur. Virtus autem alicuius rei perfecte cognosci non potest, nisi cognoscantur ea ad quæ virtus se extendit. Unde cum virtus divina se extendat ad alia, eo quod ipsa est prima causa effectiva omnium entium, ut ex supradictis patet (quaest. 11. art. 3.) necesse est quod Deus alia a se cognoscat. Et hoc etiam evidentius fit, si adiungatur, quod ipsum esse causæ agentis primæ, scilicet Dei, est eius intelligere. Unde quicumque effectus præexistunt in Deo sicut in causa prima, necesse est quod sint in ipso eius intelligere, & quod omnia in eo sint secundum modum intelligibilem. Nam omne quod est in altero, est in eo secundum modum eius in quo est.

Ad sciendum autem, qualiter alia a se cognoscat, considerandum est, quod dupliciter aliquid cognoscitur: uno modo in se ipso; alio modo in altero. In se ipso quidem cognoscitur aliquid, quando cognoscitur per speciem propriam adæquatam ipsi cognoscibili; sicut cum oculus videt hominem per speciem hominis: in alio autem videtur id quod videtur per speciem continentis; sicut cum pars videtur in toto per speciem totius, vel cum homo videtur in speculo per speciem speculi, vel quocumque alio modo contingat aliquid in alio videri.

Sic igitur dicendum est, quod Deus se ipsum videt in se ipso, quia se ipsum videt per essentiam suam; alia autem a se videt non in ipsis, sed in se ipso, inquantum essentia sua continet similitudinem aliorum ab ipso.

Ad primum ergo dicendum, quod verbum Augustini dicentis, quod Deus nihil extra se intuetur, non est sic intelligendum, quasi nihil quod sit extra se, intueatur, sed quia id quod est extra se ipsum, non intuetur nisi in se ipso, ut dictum est (in corp. art.)

Ad secundum dicendum, quod intellectus est perfectio intelligentis, non quidem secundum suam substantiam, sed secundum suam speciem, secundum quam est

est in intellectu ut forma, & perfectio eius. Lapis enim non est in anima sed species eius, ut dicitur in III. de Anima (tex. 38.) Ea vero quæ sunt alia a Deo, intelliguntur a Deo, inquantum essentia Dei continet species eorum, ut dictum est (in cor. art.) unde non sequitur quod aliquid aliud sit perfectio divini intellectus quam ipsa essentia Dei.

Ad tertium dicendum, quod ipsum intelligere non specificatur per id quod in alio intelligitur, sed per principale intellectum, in quo alia intelliguntur. Intantum enim ipsum intelligere specificatur per obiectum suum, inquantum forma intelligibilis est principium intellectualis operationis. Nam omnis operatio specificatur per formam, quæ est principium operationis, sicut calefactio per calorem. Unde per illam formam intelligibilem specificatur intellectualis operatio, quæ facit intellectum in actu. Et hæc est species principalis intellectus, quæ in Deo nihil est aliud quam essentia sua, in qua omnes species rerum comprehenduntur. Unde non oportet quod ipsum intelligere divinum, vel potius ipse Deus specificetur per aliud quam per essentiam divinam.

ARTICULUS VI. 85

Utrum Deus cognoscat alia a se propria cognitione.

I. dist. xxxv. art. 3. & dist. xxxvi. quæst. 1. art. 1. & I. contr. cap. xxxix. lxxii. & lxxiii. & III. cap. lxxv. & lxxvi. & vero quæst. 11. art. 4. & 5. & opusc. 11. cap. cxxxiv. & cxxxv.

AD sextum sic proceditur. Videtur quod Deus non cognoscat alia a se propria cognitione. Sic enim cognoscit alia a se, ut dictum est (art. præc.) secundum quod alia ab ipso in eo sunt. Sed alia ab eo sunt in ipso sicut in prima causa communi & universali. Ergo alia cognoscuntur a Deo sicut in causa prima, & universali. Hoc autem est cognoscere in universalibus, & non secundum propriam cognitionem. Ergo Deus cognoscit alia a se in universalibus, & non secundum propriam cognitionem.

2. Præterea. Quantum distat essentia creaturæ ab essentia divina, tantum distat essentia divina ab essentia creaturæ. Sed per essentiam creaturæ non potest cognosci essentia divina, ut supra dictum

est (quæst. xii. art. 1.) Ergo nec per essentiam divinam potest cognosci essentia creaturæ. Et sic cum Deus nihil cognoscat nisi per essentiam suam, sequitur quod non cognoscat creaturam secundum eius essentiam, ut cognoscat de ea quid est: quod est propriam cognitionem de re habere.

3. Præterea. Propria cognitio non habetur de re nisi per propriam eius rationem. Sed cum Deus cognoscat omnia per essentiam suam, non videtur quod unumquodque per propriam rationem cognoscat: idem enim non potest esse propria ratio multorum, & diversorum. Non ergo habet propriam cognitionem Deus de rebus, sed communem: nam cognoscere res non secundum propriam rationem, est cognoscere res solum in communi.

Sed contra. Habere propriam cognitionem de rebus, est cognoscere res non solum in communi, sed secundum quod sunt ab invicem distinctæ. Sic autem Deus cognoscit res: unde dicitur Hebr. iv. 12. quod *pertingit usque ad divisionem spiritus, & animæ, compagum quoque, & medullarum; & discretor cogitationum, & intentionum cordis: & non est ulla creatura invisibilis in conspectu eius.*

Respondeo dicendum, quod circa hoc quidam erraverunt, dicentes, quod Deus alia a se non cognoscit nisi in communi, scilicet inquantum sunt entia. Sicut enim ignis, si cognosceret seipsum, ut est principium caloris, cognosceret naturam caloris, & omnia alia, inquantum sunt calida; ita Deus, inquantum cognoscit se ut principium essendi, cognoscit naturam entis, & omnia alia, inquantum sunt entia.

Sed hoc non potest esse. Nam intelligere aliquid in communi, & non in speciali, est imperfecte aliquid cognoscere. Unde intellectus noster, dum de potentia in actum reducitur, pertingit prius ad cognitionem universalem & confusam de rebus quam ad propriam rerum cognitionem, sicut de imperfecto ad perfectum procedens, ut patet in I. Physic. (in princ. com.) Siquidem cognitio Dei de rebus aliis a se esse in universali tantum, & non in speciali, sequeretur quod eius intelligere non esset omnibus modis perfectum, & per consequens nec ejus esse; quod est contra ea quæ superius ostensa sunt (quæst. iv. art. 1. & art. 3. 4. & 5. huius quæst.)

Oportet igitur dicere, quod alia a se cognos-

cognoscat propria cognitione, non solum secundum quod communicant in ratione entis, sed secundum quod unum ab alio distinguitur. Et ad huius evidentiam considerandum est, quod quidam volentes ostendere, quod Deus per unum cognoscit multa, utuntur quibusdam exemplis; ut puta, quod si centrum cognosceret se ipsum, cognosceret omnes lineas progredientes a centro; vel lux, si cognosceret se ipsam, cognosceret omnes colores.

Sed hæc exempla, licet quantum ad aliquid similia sint, scilicet quantum ad universalem causalitatem, tamen deficiunt quantum ad hoc quod multitudo, & diversitas non causantur ab illo uno principio universali quantum ad id quod principium distinctionis est, sed solum quantum ad id in quo communicant. Non enim diversitas coloris causatur ex luce solum, sed ex diversa dispositione diaphani recipientis; & similiter diversitas linearum ex diverso situ. Et inde est quod huiusmodi diversitas, & multitudo non potest cognosci in suo principio secundum propriam cognitionem, sed solum in communi. Sed in Deo non sic est. Supra enim ostensum est (quæst. iv. art. i.) quod quicquid perfectionis est in quacunque creatura, totum præexistit, & continetur in Deo secundum modum excellentem. Non solum autem id in quo creaturæ communicant, scilicet ipsum esse, ad perfectionem pertinet, sed etiam ea per quæ creaturæ ab invicem distinguuntur, sicut vivere, & intelligere, & huiusmodi, quibus viventia a non viventibus, & intelligentia a non intelligentibus distinguuntur. Et omnis forma, per quam quælibet res in propria specie constituitur, perfectio quædam est. Et sic omnia in Deo præexistunt, non solum quantum ad id quod commune est omnibus, sed etiam quantum ad ea secundum quæ res distinguuntur.

Et sic cum Deus in se omnes perfectiones contineat, comparatur Dei essentia ad omnes rerum essentias, non sicut commune ad propria, ut unitas ad numeros, vel centrum ad lineas; sed sicut perfectus actus ad imperfectos; ut si dicerem, homo ad animal, vel senarius, qui est numerus perfectus, ad imperfectos sub ipso contentos. Manifestum est autem quod per actum perfectum cognosci possunt actus imperfecti non solum in communi, sed etiam propria cognitione: sicut qui cognos-

cit hominem, cognoscit animal propria cognitione; & qui cognoscit lenarium, cognoscit triarium propria cognitione. Sic igitur cum essentia Dei habeat in se quicquid perfectionis habet essentia cuiuscunque rei alterius, & adhuc amplius; Deus in se ipso potest omnia propria cognitione cognoscere. Propria enim natura unicuique consistit, secundum quod per aliquem modum divinam perfectionem participat. Non autem Deus perfecte se ipsum cognosceret, nisi cognosceret quomodocunque participabilis est ab aliis sua perfectio. Nec etiam ipsam naturam essendi perfecte sciret, nisi cognosceret omnes modos essendi. Unde manifestum est quod Deus cognoscit omnes res propria cognitione, secundum quod ab aliis distinguitur.

Ad primum ergo dicendum, quod sic cognoscere aliquid sicut in cognoscente est, potest dupliciter intelligi. Uno modo secundum quod hoc adverbium *sic* importat modum cognitionis ex parte rei cognite; & sic falsum est. Non enim semper cognoscens cognoscit cognitum secundum illud esse quod habet in cognoscente: oculus enim non cognoscit lapidem secundum esse quod habet in oculo, sed per speciem lapidis, quam habet in se, cognoscit lapidem secundum esse quod habet extra oculum. Et si aliquis cognoscens cognoscit cognitum secundum esse quod habet in cognoscente, nihilominus cognoscit ipsum secundum esse quod habet extra cognoscentem: sicut intellectus cognoscit lapidem secundum esse intelligibile, quod habet in intellectu, in quantum cognoscit se intelligere; sed nihilominus cognoscit esse (a) lapidis in propria natura. Si vero intelligatur, secundum quod hoc adverbium *sic* importat modum ex parte cognoscentis; verum est quod sic solum cognoscens cognoscit cognitum, secundum quod est in cognoscente. Quia quanto perfectius est cognitum in cognoscente, tanto perfectior est modus cognitionis.

Sic igitur dicendum est, quod Deus non solum cognoscit res esse in se ipso; sed per id quod in se ipso continet res, cognoscit eas in propria natura, & tanto perfectius, quanto perfectius est unumquodque in ipso.

Ad secundum dicendum, quod essentia creaturæ comparatur ad essentiam Dei ut actus imperfectus ad perfectum. Et ideo essentia creaturæ non sufficienter ducit in co-

(a) Ita add. Alcan. & Cam. Al. lapidem.

in cognitionem essentiae divinae, sed e converso.

Ad tertium dicendum, quod idem non potest accipi ut ratio diversiorum per modum adquisitionis. Sed divina essentia est aliquid excedens omnes creaturas. Unde potest accipi ut propria ratio uniuscuiusque, secundum quod diversimode est participabilis, vel imitabilis a diversis creaturis.

ARTICULUS VII. 86

Utrum scientia Dei sit discursiva.

I. *cap. lv. lvs. & lvi. & por. quest. ix. art. 2. ad 10. & quod. xi. art. 2. & opus. 11. cap. xxix.*

AD septimum sic proceditur. Videtur quod scientia Dei sit discursiva. Scientia enim Dei non est secundum scire in habitu, sed secundum intelligere in actu. Sed secundum Philosophum in 11. Topic. (cap. iv. in declaratione loci 33.) *scire in habitu contingit multa simul; sed intelligere actu unum tantum.* Cum ergo Deus multa cognoscat, quia & se, & alia, ut ostensum est (art. 2. & 5. huius quest.) videtur quod non simul omnia intelligat, sed de uno in aliud discurrat.

2. Præterea. Cognoscere effectum per causam est scientia discurrentis. Sed Deus cognoscit alia per se ipsum, sicut effectum per causam. Ergo cognitio sua est discursiva.

3. Præterea. Perfectius Deus scit unanquamque creaturam quam nos sciamus. Sed nos in causis creatis cognoscimus eam effectus; & sic de causis ad causata discurrimus. Ergo videtur similiter esse in Deo.

Sed contra est quod Augustinus dicit in XV. de Trinit. (cap. xiv. a med.) quod *Deus non particulatim, vel sigillarim omnia videt velut alternante (a) conceptu binis illuc, inde huc; sed omnia videt simul.*

Respondendo dicendum, quod in scientia divina nullus est discursus: quod sic patet. In scientia enim nostra duplex est discursus. Unus secundum successionem tantum; sicut cum, postquam intelligimus aliquid in actu, convertimus nos ad intelligendum aliud. Alius discursus est secundum causalitatem; sicut cum per principia pervenimus in cognitionem conclusionum. Primus autem discursus Deo convenire non potest. Multa enim, quae successive intelligimus, si unumquodque eorum in se ipso consideretur, omnia si-

mul intelligimus, si in aliquo uno ea intelligamus; puta si partes intelligamus in toto, vel diversas res videamus in speculo. Deus autem omnia videt in uno, quod est ipse, ut habitum est (art. 4. & 5. huius quest.) Unde simul, & non successive omnia videt. Similiter etiam & secundus discursus Deo competere non potest. Primo quidem quia secundus discursus praesupponit primum: procedentes enim a principis ad conclusiones non simul utrumque considerant. Deinde quia discursus talis est procedentes de noto ad ignotum. Unde manifestum est quod quando cognoscitur primum, adhuc ignoratur secundum; & sic secundum non cognoscitur in primo, sed ex primo. (b) Terminus vero discursus est, quando secundum videtur in primo, resolutis effectibus in causas: & tunc cessat discursus. Unde cum Deus effectus suos in se ipso videat sicut in causa, eius cognitio non est discursiva.

Ad primum ergo dicendum, quod licet sit unum tantum intelligere in se ipso, tamen contingit multa intelligere in aliquo uno, ut dictum est (in cor. art. & art. præc.)

Ad secundum dicendum, quod Deus non cognoscit per causam, quasi prius cognitam, effectus incognitos; sed eos cognoscit in causa: unde eius cognitio est sine discursu, ut dictum est (in cor. ar.)

Ad tertium dicendum, quod effectus causarum creaturarum videt quidem Deus in ipsis causis multo melius quam nos; non tamen ita quod cognitio effectuum causetur in ipso ex cognitione causarum creaturarum, sicut in nobis: unde eius scientia non est discursiva.

ARTICULUS VIII. 87

Utrum scientia Dei sit causa rerum.

I. *dist. xxxviii. art. 1. & 7. con. cap. lxi. & lxii. & ver. quest. 11. art. 14.*

AD octavum sic proceditur. Videtur quod scientia Dei non sit causa rerum. Dicit enim Origenes super epistolam ad Romanos. *sup. illud, Quis vocavit, vos & iustificavit: Non propterea aliquid erit, quid si scit Deus futurum; sed quia futurum est, ideo scitur a Deo, antequam fiat.*

2. Præterea. Posita causa, ponitur effectus. Sed scientia Dei est aeterna. Si ergo scientia Dei est causa rerum creaturarum, videtur quod creaturae sint ab aeterno.

3. Præ-

(a) Al. conspectu. (b) Al. Textus vero:

3. Præterea. *Scibile est prius scientia, & mensura eius*, ut dicitur in X. Metaph. (tex. 5.) Sed id quod est posterius, & mensuratum, non potest esse causa. Ergo scientia Dei non est causa rerum.

Sed contra est quod dicit Augustinus XV. de Trinit. (cap. xxi. in med.) *Universas creaturas & spirituales, & corporales, non quia sunt, ideo novit Deus; sed ideo sunt, quia novit.*

Respondeo dicendum, quod scientia Dei est causa rerum. Sic enim scientia Dei se habet ad omnes res creatas sicut scientia artificis se habet ad artificiatum. Scientia autem artificis est causa artificiatorum, eo quod artifex operatur per suum intellectum. Unde oportet quod forma intellectus sit principium operationis, sicut calor est principium calcificationis. Sed considerandum est, quod forma naturalis, in quantum est forma manens in eo cui dat esse, non nominatur principium actionis, sed secundum quod habet inclinationem ad effectum: & similiter forma intelligibilis non nominatur principium actionis, secundum quod est tantum in intelligente, nisi adiungatur ei inclinatio ad effectum, quæ est per voluntatem. Cum enim forma intelligibilis ad opposita se habeat, cum sit eadem scientia oppositorum, non produceret determinatum effectum, nisi determinaretur ad unum per appetitum, ut dicitur in IX. Metaph. (tex. 10.) Manifestum est autem quod Deus per intellectum suum causat res, cum suum esse sit suum intelligere: unde necesse est quod sua scientia sit causa rerum, secundum quod habet voluntatem coniunctam. Unde scientia Dei, secundum quod est causa rerum, consuevit nominari scientia approbationis.

Ad primum ergo dicendum, quod Origenes locutus est attendens rationem scientiæ, cui non competit ratio causalitatis, nisi adiuncta voluntate, ut dicitur est (in cor. art.)

Sed quod dicit, ideo præscire Deum aliqua, quia sunt futura, intelligendum est secundum causam consequentem, non secundum causam efficiendam. Sequitur enim, si aliqua sunt futura, quod Deus ea præscierit; non tamen res futuræ sunt causa quod Deus sciat.

Ad secundum dicendum, quod scientia Dei est causa rerum, secundum quod res sunt in scientia. Non sunt autem in scientia Dei quod res essent ab æterno: unde quamvis scientia Dei sit æterna, non sequitur tamen quod creaturæ sint ab æterno.

Ad tertium dicendum, quod res naturales sunt mediæ inter scientiam Dei, & scientiam nostram. Nos enim scientiam accipimus a rebus naturalibus, quarum Deus per suam scientiam causa est: unde sicut scibilia naturalia sunt priora quam scientia nostra, & mensura eius; ita scientia Dei est prior quam res naturales, & mensura ipsarum: sicut aliqua domus est mediæ inter scientiam artificis, qui eam fecit, & scientiam illius qui eius cognitionem ex ipsa iam facta capit.

ARTICULUS IX. 88

Utrum Deus habeat scientiam non entium.

I. dist. xxxviii. art. 4. & ver. quest. 1. art. 8. & I. con. cap. lxvi.

Ad notum sic proceditur. Videtur quod Deus non habeat scientiam nisi entium. Scientia enim Dei non est nisi verorum. Sed verum, & ens convertuntur. Ergo scientia Dei non est non entium.

1. Præterea. Scientia requirit similitudinem inter scientem, & scitum. Sed ea quæ non sunt, non possunt habere aliquam similitudinem ad Deum, qui est ipsum esse. Ergo ea quæ non sunt, non possunt sciri a Deo.

3. Præterea. Scientia Dei est causa scitorum ab ipso. Sed non est causa non entium, quia non ens non habet causam. Ergo Deus non habet scientiam de non entibus.

Sed contra est quod dicit Apostolus ad Rom. iv. 17. *Qui vocat ea quæ non sunt; tamquam ea quæ sunt.*

Respondeo dicendum, quod Deus scit omnia quæcumque sunt quocumque modo. Nihil autem prohibet ea quæ non sunt simpliciter, aliquo modo esse. Simpliciter enim sunt quæ actu sunt; ea vero quæ non sunt actu, sunt in potentia vel ipsius Dei, vel creaturæ; sive in potentia activa, sive in passiva; sive in potentia opinandi, vel imaginandi, vel quocumque modo significandi. Quæcumque igitur possunt per creaturam fieri, vel cogitari, vel dici, & etiam quæcumque ipse facere potest, omnia cognoscit Deus, etiam si actu non sint. Et pro tanto dici potest, quod habet etiam non entium scientiam.

Sed horum quæ actu non sunt, est attendenda quedam diversitas. Quædam enim licet non sint nunc in actu, tamen vel fuerant, vel erunt; & omnia ista dicitur Deus scire scientia visionis. Quia cum

cum intelligere Dei, quod est eius esse, æternitate mensuretur, quæ sine successione existens totum tempus comprehendit, præsens intuitus Dei fertur in totum tempus, & in omnia quæ sunt in quocumque tempore, sicut in subiecta sibi præsentialiter. Quædam vero sunt, quæ sunt in potentia Dei, vel creaturæ, quæ tamen nec sunt, nec erunt, neque fuerunt: & respectu horum non dicitur habere scientiam visionis, sed simplicis intelligentiæ. Quod ideo dicitur, quia ea quæ videtur apud nos, habent esse distinctum extra videntem.

Ad primum ergo dicendum, quod secundum quod sunt in potentia, sic habent veritatem ea quæ non sunt actu, verum est enim ea esse in potentia; & sic sciuntur a Deo.

Ad secundum dicendum, quod cum Deus sit ipsum esse, intantum unumquodque est, inquantum participat de Dei similitudine; sicut unumquodque intantum est calidum, inquantum participat calorem. Sic & ea quæ sunt in potentia, etiam si non sunt in actu, cognoscuntur a Deo.

Ad tertium dicendum, quod Dei scientia est causa rerum voluntate adiuncta. Unde non oportet quod quæcumque scit Deus, sint, vel fuerint, vel futura sint; sed solum ea quæ vult esse, vel permittere esse. Et iterum non est in scientia Dei ut illa sint, sed quod esse possint.

ARTICULUS X. 89

Utrum Deus cognoscat mala.

I. dist. xxxvi. quæst. I. art. 2. & ver. quæst. II. art. I. ad 5. & I. cont. cap. lxxi. & xi. quol. quæst. II. art. unico.

AD decimum sic proceditur. Videtur quod Deus non cognoscat mala. Dicit enim Philosophus in III. de Anima (text. xxv.) quod intellectus qui non est in potentia, non cognoscit privationem. Sed malum est privatio boni, ut dicit Augustinus (Ench. cap. xi. & Lib. III. conf. test. cap. 7.) Igitur cum intellectus Dei nunquam sit in potentia, sed semper actu, ut ex dictis patet (art. 4. huius quæst.) videtur quod Deus non cognoscat mala.

2. Præterea. Omnis scientia vel est causa sciti, vel causatur ab eo. Sed scientia Dei non est causa mali, nec causatur a malo. Ergo scientia Dei non est malorum.

3. Præterea. Omne quod cognoscitur, cognoscitur per suam similitudinem, vel per suum oppositum. Quicquid autem cognoscit Deus, cognoscit per suam essentiam, ut ex dictis patet (præcipue art. 5. huius quæst.) Divina autem essentia neque est similitudo mali, neque ei malum opponitur: divinæ enim essentiæ nihil est contrarium, ut dicit Augustinus XII. de civitate Dei (cap. II. circa fin.) Ergo Deus non cognoscit mala.

4. Præterea. Quod cognoscitur non per se ipsum, sed per aliud, imperfecte cognoscitur. Sed malum non cognoscitur a Deo per se ipsum: quia sic oporteret quod malum esset in Deo, oportet enim cognitum esse in cognoscente. Si ergo cognoscitur per aliud, scilicet per bonum, imperfecte cognoscetur ab ipso: quod est impossibile, quia nulla cognitio Dei est imperfecta. Ergo scientia Dei non est malorum.

Sed contra est quod dicitur Prov. xv. 12. Infernus: & perditio coram Deo.

Respondeo dicendum, quod quicumque perfecte cognoscit aliquid, oportet quod cognoscat omnia quæ possunt illi accideret. Sunt autem quædam bona, quibus accidere potest ut per mala corrumpantur: unde Deus non perfecte cognosceret bona, nisi etiam cognosceret mala. Sic autem est cognoscibile unumquodque, secundum quod est: unde cum hoc sit esse mali quod est privatio boni; per hoc ipsum quod Deus cognoscit bona, cognoscit etiam mala, sicut per lucem cognoscuntur tenebræ. Unde dicit Dionysius vii. cap. de divin. Nomin. (non procul a med. lect. 3.) quod Deus per semetipsum tenebrarum accipit visionem, non aliunde videns tenebras quam a lumine.

Ad primum ergo dicendum, quod verbum Philosophi est sic intelligendum, quod intellectus qui non est in potentia, non cognoscit privationem per privationem in ipso existentem: & hoc congruit cum eo quod supra dixerat, quod punctum, & omne indivisibile per privationem divisionis cognoscitur. Quod contingit ex hoc quia formæ simplices, & indivisibiles non sunt actu in intellectu nostro, sed potentia tantum: nam si essent actu in intellectu nostro, non per privationem cognoscerentur: & sic cognoscuntur simplicia a substantiis separatis. Deus igitur non cognoscit malum per privationem in se existentem, sed per bonum oppositum.

Ad secundum dicendum, quod scientia Dei

Dei non est causa mali, sed est causa boni, per quod cognoscitur malum.

Ad tertium dicendum, quod licet malum non opponatur essentiae divinae, quae non est corruptibilis per malum, opponitur tamen effectibus Dei, quos per essentiam suam cognoscit: & eos cognoscens mala opposita cognoscit.

Ad quartum dicendum, quod cognoscere aliquid per aliud tantum est imperfecta cognitio, si illud sit cognoscibile per se; sed malum non est per se cognoscibile, quia de ratione mali est quod sit privatio boni: & sic neque determinari, neque cognosci potest nisi per bonum.

ARTICULUS XI. 90

Utrum Deus cognoscat singularia.

I. dist. 111. art. 3. dist. xxxvi. quest. 1. art. 1. & 1. cont. cap. l. lxiii. usque lxxiii. & III. cap. lxxv. & lxxvi. & ver. quest. 11. art. 4. & 5. & oppos. 111. cap. cxxxiv. & cxxxv.

AD undecimum sic proceditur. Videtur quod Deus non cognoscat singularia. Intellectus enim divinus immaterialior est quam intellectus humanus. Sed intellectus humanus propter suam immaterialitatem non cognoscit singularia; sed, sicut dicitur in II. de Anima (text. 60.) ratio est universalium, sensus vero particularium. Ergo Deus non cognoscit singularia.

2. Praeterea. Illae solae virtutes in nobis sunt singularium cognoscitivae, quae recipiunt species non abstractas a materialibus conditionibus. Sed res in Deo sunt maxime abstractae ab omni materialitate. Ergo Deus non cognoscit singularia.

3. Praeterea. Omnis cognitio est per aliquam similitudinem. Sed similitudo singularium, inquantum sunt singularia, non videtur esse in Deo, quia principium singularitatis est materia; quae, cum sit eius in potentia tantum, omnino est dissimilis Deo, qui est actus purus. Non ergo Deus potest cognoscere singularia.

Sed contra est quod dicitur Prov. xvi. 2. *Omnis via hominum patenti oculis eius.*

Respondendo dicendum, quod Deus cognoscit singularia. Omnes enim perfectiones in creaturis inventae in Deo praexistunt secundum altiores modum, ut ex dictis patet (quest. 1v. art. 2.) Cognoscere autem singularia pertinet ad perfe-

ctionem nostram. Unde necesse est quod Deus singularia cognoscat. Nam & Philosophus pro inconvenienti habet quod aliquid cognoscatur a nobis quod non cognoscatur a Deo: unde contra Empedoclem arguit in I. de Anima (text. 80.) & in III. Metaph. (text. 15.) quod accideret Deum esse insipientissimum, si discordiam ignoraret. Sed perfectiones quae in inferioribus dividuntur, in Deo simpliciter, & unite existunt: unde licet nos per aliam potentiam cognoscamus universalia, & immaterialia, & per aliam singularia, & materialia; Deus tamen per unum simplicem intellectum utraque cognoscit.

Sed qualiter hoc esse possit, quidam manifestare volentes dixerunt, quod Deus cognoscit singularia per causas universales. Nam nihil est in aliquo singularium quod non ex aliqua causa oriatur universalis. Et ponunt exemplum, sicut si aliquis Astrologus cognosceret omnes motus universales caeli, posset praenuntiare omnes eclipses futuras. Sed istud non sufficit: quia singularia ex causis universalibus sortiuntur quasdam formas, & virtutes, quae, quantumcumque ad invicem coniungantur, non individuamur nisi per materiam individuaem. Unde qui cognosceret Socratem per hoc quod est albus, vel Sophronici filius, vel quicquid aliud sic dicatur, non cognosceret ipsum, inquantum est hic homo. Unde secundum modum praedictum Deus non cognosceret singularia in sua singularitate.

Alii vero dixerunt, quod Deus cognoscit singularia, applicando causas universales ad particulares effectus. Sed hoc nihil est: quia nullus potest applicare aliquid ad alterum, nisi illud praecognoscat: unde dicta applicatio non potest esse ratio cognoscendi particularia, sed cognitionem singularium praesupponit.

Et ideo aliter dicendum est, quod cum Deus sit causa rerum per suam scientiam, ut dictum est (art. 8. huius quest.) inquantum se extendit scientia Dei, inquantum se extendit eius causalitas. Unde cum virtus activa Dei se extendat non solum ad formas, a quibus accipitur ratio universalis, sed etiam usque ad materiam, ut infra ostendetur (quest. xlv. art. 2.) necesse est quod scientia Dei usque ad singularia se extendat, quae per materiam individuamur. Cum enim sciat alia a se per essentiam suam, inquantum est similitudo rerum, vel ut

prin-

principium activum earum, necesse est quod scientia sua sit principium sufficienti cognoscendi omnia quae per ipsum fiunt, non solum in universalibus, sed etiam in singularibus. Et esset simile de scientia artemis, si esset productiva totius rei, & non formae tantum.

Ad primum ergo dicendum, quod intellectus noster speciem intelligibilem abstrahit a principis individuibus. Unde species intelligibilis nostri intellectus non potest esse similitudo principiorum individualium; & propter hoc intellectus noster singularia non cognoscit. Sed species intelligibilis divini intellectus, quae est Dei scientia, non est immaterialis per abstractionem, sed per se ipsam principium existentium omnium principiorum quae intrant rei compositionem, sive sint principia speciei, sive principia individui: unde per eam Deus cognoscit non solum universalia, sed etiam singularia.

Ad secundum dicendum, quod quamvis species intellectus divini secundum esse suum non habeat conditiones materiales, sicut species receptae in imaginatione, & sensu; tamen virtute se extendit ad immaterialia, & materialia, ut dictum est (in cor. art.)

Ad tertium dicendum, quod materia licet recedat a Dei similitudine secundum suam potentialitatem, tamen in quantum vel sic esse habet, similitudinem quandam retinet divini esse.

ARTICULUS XII. 91

Utrum Deus possit cognoscere infinita.

III. P. quest. X. art. 3. & I. dist. XXXIX. quest. 1. art. 3. & ver. quest. 11. art. 9. & art. 5. ad 4. & I. con. cap. LXIX. & LXXI. & apusc. 11. cap. CXXXV.

AD duodecimum sic proceditur. Videtur quod Deus non possit cognoscere infinita. Infinitum enim, secundum quod est infinitum, est ignotum: quia infinitum est cuius quantitatem accipientibus semper est aliquid extra asumere, ut dicitur in III. Phys. (tex. 63.) Augustinus etiam dicit XII. de civitate Dei (cap. XVIII. post med.) quod quicquid scientia comprehenditur, scientis comprehensione finitur. Sed infinita non possunt finiri. Ergo non possunt scientia Dei comprehendi.

2. Si dicatur, quod ea quae in se sunt

infinita, scientiae Dei finita sunt; contra. Ratio infiniti est quod sit impertransibile, (a) & finiti, quod sit pertransibile, ut dicitur in III. Phys. (tex. 34.) Sed infinitum non potest transiri nec a finito, nec ab infinito, ut probatur in VI. Phys. (a text. 40. usque ad 66.) Ergo infinitum non potest esse finitum finito, neque etiam infinito; & ita infinita non sunt finita scientiae Dei, quae est infinita.

3. Praeterea. Scientia Dei est mensura scitorum. Sed contra rationem infiniti est quod sit mensuratum. Ergo infinita non possunt sciri a Deo.

Sed contra est quod dicit Augustinus XII. de civit. Dei (cap. XVIII. a med.) *Quamvis infinitorum numerorum nullus sit numerus, non tamen est incomprehensibilis ei cuius (b) scientia non est numerus.*

Respondeo dicendum, quod cum Deus sciat non solum ea quae sunt actu, sed etiam ea quae sunt in potentia, vel sua, vel creaturae, ut ostensum est (art. 9. huius quest.) haec autem constat esse infinita; necesse est dicere, quod Deus sciat infinita.

Et licet scientia visionis, quae est tantum eorum quae sunt, vel erunt, vel fuerunt, non sit infinitorum, ut quidam dicunt, cum non ponamus mundum ab aeterno fuisse, nec generationem, & motum in aeternum mansura, ut individua in infinitum multiplicentur; tamen, si diligentius considerentur, necesse est dicere, quod Deus etiam scientia visionis sciat infinita. Quia Deus scit etiam cogitationes, & affectiones cordium, quae in infinitum multiplicabuntur, creaturis rationalibus permanentibus absque fine.

Hoc autem ideo est, quia cognitio cuiuslibet cognoscentis se extendit secundum modum formae, quae est principium cognitionis. Species enim sensibilis, quae est in sensu, est similitudo solum unius individui, unde per eam solum individuum cognosci potest. Species autem intelligibilis intellectus nostri est similitudo rei quantum ad naturam speciei, quae est participabilis a particularibus infinitis: unde intellectus noster per speciem intelligibilem hominis cognoscit quodammodo homines etiam infinitos; sed tamen non in quantum distinguuntur ab invicem, sed secundum quod communicant in natura speciei, propter hoc quod species intelligibilis intellectus nostri

(a) Ita add. Alcan. & Cambr. dist. & finiti quod sit pertransibile. (b) scilicet intelligentiae.

firi non est similitudo hominum quantum ad principia individualia, sed solum quantum ad principia speciei. Essentia autem divina, per quam intellectus divinus intelligit, est similitudo sufficiens omnium quæ sunt, vel esse possunt, non solum quantum ad principia communia, sed etiam quantum ad principia propria uniuscuiusque, ut ostensum est (art. præc.) unde sequitur quod scientia Dei se extendat ad infinita etiam secundum quod sunt ab invicem distincta.

Ad primum ergo dicendum, quod infiniti ratio congruit quantitati secundum Philosophum in I. Physicorum (tex. 15.) De ratione autem quantitatis est ordo partium. Cognoscere ergo infinitum secundum modum infiniti, est cognoscere partem post partem; & sic nullo modo contingit cognosci infinitum. Quia quantacumque quantitas partium accipiat, semper remanet aliquid extra accipientem. Deus autem non sic cognoscit infinitum, vel infinita, quasi enumerando partem post partem, cum cognoscat omnia simul, non successive, ut supra dictum est (art. 7. huius quæst.) Unde nihil prohibet ipsum cognoscere infinita.

Ad secundum dicendum, quod transitio importat quandam successionem in partibus: & inde est quod infinitum transiri non potest neque a finito, neque ab infinito; sed ad rationem comprehensionis sufficit adæquatio, quia id comprehendit dicitur, cuius nihil est extra comprehendentem. Unde non est contra rationem infiniti quod comprehendatur ab infinito: & sic quod in se est infinitum, potest dici finitum scientiæ Dei, tamquam comprehensum, non tamen tamquam pertransibile.

Ad tertium dicendum, quod scientia Dei est mensura rerum non quantitativa, quia quidem mensura caret infinita; sed quia mensurat essentiam, & veritatem rei. Unumquodque enim in tantum habet de veritate suæ naturæ, in quantum imitatur Dei scientiam, sicut artificiatum, in quantum concordat arti. Dato autem quod essent aliqua infinita actu secundum numerum, puta infiniti homines, vel secundum quantitatem continuam, ut si esset aer infinitus, ut quidam antiqui dixerunt; tamen manifestum est quod haberent esse determinatum, & finitum, quia esse eorum esset limitatum ad aliquas determinatas naturas. Unde mensurabilia essent secundum scientiam Dei.

ARTICULUS XIII. 97

Utrum scientia Dei sit futurorum contingentium.

Infr. quæst. lxxxvi. art. 3. & 4. & I. dist. xxxviii. art. 5. & I. contr. cap. lxxii. & veri. quæst. 11. art. 12. & quol. xii. quæst. 111.

AD decimumtertium sic proceditur. Videtur quod scientia Dei non sit futurorum contingentium. A causa enim necessaria procedit effectus necessarius. Sed scientia Dei est causa scitorum, ut supra dictum est (art. 8. huius quæst.) Cum ergo ipsa sit necessaria, sequitur scientia eius esse necessaria. Non ergo scientia Dei est contingentium.

2. Præterea. Omnis conditionalis cuius antecedens est necessarium absolute, consequens est necessarium absolute: sic enim se habet antecedens ad consequens sicut principia ad conclusionem. Ex principiis autem necessariis non sequitur conclusio nisi necessaria, ut in I. Poster. (tex. 18.) probatur. Sed hæc est quedam conditionalis vera, Si Deus scivit hoc contingens futurum esse, hoc erit, quia scientia Dei non est nisi verorum. Huius autem conditionalis antecedens est necessarium absolute tum quia est æternum, tum quia significatur ut præteritum. Ergo & consequens est necessarium absolute. Igitur quicquid scitur a Deo, est necessarium; & sic scientia Dei non est contingentium.

3. Præterea. Omne scitum a Deo necesse est esse, quia etiam omne scitum a nobis necesse est esse; cum tamen scientia Dei certior sit quam scientia nostra. Sed nullum contingens futurum necesse est esse. Ergo nullum contingens futurum est scitum a Deo.

Sed contra est quod dicitur in Psalm. xxxii. 15. *Qui firmat singillatim corda eorum, qui intelligit omnia opera eorum*, scilicet hominum. Sed opera hominum sunt contingentia, utpote libero arbitrio subiecta. Ergo Deus scit futura contingentia.

Respondeo dicendum, quod cum supra ostensum sit (art. 9. huius quæst.) quod Deus sciat omnia non solum quæ actu sunt, sed etiam quæ sunt in potentia sua, vel creaturæ; horum autem quedam sunt contingentia nobis futura: sequitur quod Deus contingentia futura cognoscat.

Ad cuius evidentiam considerandum est,

est, quod contingens aliquid dupliciter potest considerari. Uno modo in se ipso, secundum quod iam in actu est; & sic non consideratur ut futurum, sed ut praesens, neque ut ad utrumlibet contingens, sed ut determinatum ad unum; & propter hoc sic infallibiliter subdi potest certae cognitioni, utpote sensui viuis, sicut cum video Socratem sedere. Alio modo potest considerari contingens ut est in sua causa; & sic consideratur ut futurum, & ut contingens nondum determinatum ad unum, quia causa contingens se habet ad opposita; & sic contingens non subditur per certitudinem alicui cognitioni. Unde quicumque cognoscit effectum contingentem in causa sua tantum, non habet de eo nisi coniecturalem cognitionem. Deus autem cognoscit omnia contingentia, non solum prout sunt in suis causis, sed etiam prout unumquodque eorum est actu in se ipso. Et licet contingentia fiant in actu successive, non tamen Deus successive cognoscit contingentia, prout sunt in suo esse, sicut nos, sed simul: quia sua cognitio mensuratur aeternitate, sicut etiam suum esse: aeternitas autem tota simul existens ambit totum tempus, ut supra dictum est (quaest. x. art. 2. & 4.) Unde omnia quae sunt in tempore, sunt Deo ab aeterno praesentia, non solum ea ratione qua habet rationes rerum apud se praesentes, ut quidam dicunt, sed quia eius intuitus fertur ab aeterno supra omnia, prout sunt in sua praesentialitate. Unde manifestum est quod contingentia infallibiliter a Deo cognoscuntur, inquantum subduntur divino conspectui secundum suam praesentialitatem, & tamen sunt futura contingentia, suis causis (a) proximis comparata.

Ad primum ergo dicendum, quod licet causa suprema sit necessaria, tamen effectus potest esse contingens propter causam proximam contingentem: sicut germinatio plantae est contingens propter causam proximam contingentem, licet motus Solis, qui est causa prima, sit necessarius: & similiter scita a Deo sunt contingentia propter causas proximas, licet scientia Dei, quae est causa prima, sit necessaria.

Ad secundum dicendum, quod quidam dicunt, quod hoc antecedens, Deus scivit hoc contingens futurum, non est necessarium, sed contingens: quia licet sit praeteritum, tamen importat respectum

ad futurum. Sed hoc non tollit ei necessitatem, quia id quod habuit respectum ad futurum, necesse est habuisse, licet etiam futurum non sequatur quandoque. Alii vero dicunt, hoc antecedens esse contingens, quia est compositum ex necessario, & contingenti, sicut illud dictum est contingens, Socratem esse hominem album. Sed hoc etiam nihil est: quia cum dicitur, Deus scivit esse futurum hoc contingens, contingens non ponitur ibi nisi ut materia verbi, & non sicut principalis pars propositionis. Unde contingentia eius, vel necessitas nihil refert ad hoc quod propositio sit necessaria, vel contingens, vera, vel falsa. Ita enim potest esse verum, nec dixisse hominem esse asinum, sicut me dixisse Sortem currere, vel Deum esse: & eadem ratio est de necessario, & contingenti. Unde dicendum est, quod antecedens esse necessarium absolute. Nectamen sequitur, ut quidam dicunt, quod consequens sit necessarium absolute, quia antecedens est causa remota consequentis, quod propter causam proximam contingens est. Sed hoc nihil est. Eset enim conditionalis falsa, cuius antecedens esset causa remota necessaria, & consequens effectus contingens; ut puta, si dicerem: Si sol movetur, herba germinabit. Et ideo aliter dicendum est, quod quando in antecedente ponitur aliquid pertinens ad actum animae: consequens est accipiendum non secundum esse quod in se est, sed secundum quod est in anima. Aliud enim est esse rei in se ipsa; & esse rei in anima, ut puta, si dicam: Si anima intelligit aliquid, illud est immateriale: intelligendum est, quod illud est immateriale, secundum quod est in intellectu, non secundum quod est in se ipso. Et similiter, si dicam: Si Deus scivit aliquid, illud erit: consequens intelligendum est, prout subest divinae scientiae, scilicet prout est in sua praesentialitate. Et sic necessarium est, sicut & antecedens. Quia omne quod est, dum est, necesse est esse, ut dicitur in I. Periherm.

(cap. vi. declinando ad fin.)
Ad tertium dicendum, quod ea quae temporaliter in actum reducuntur, a nobis successive cognoscuntur in tempore, sed a Deo in aeternitate, quae est supra tempus. Unde nobis, quia cognoscimus futura contingentia, inquantum talia sunt, certa esse non possunt, sed soli Deo, cuius intelligere est in aeternitate

K su-

(a) *Cod. Romanus* immediatus in *cod. Alex.* deest utrumque.

supra tempus : sicut ille qui vadit per viam , non videt illos qui post eum veniunt ; sed ille qui ab aliqua altitudine totam viam intuetur , simul videt omnes transeuntes per viam . Et ideo illud quod scitur a nobis , oportet esse necessarium etiam secundum quod in se est , quia ea quae in se sunt contingencia futura , a nobis sciri non possunt ; sed ea quae sunt scita a Deo , oportet esse necessaria secundum modum quo subiunt divinae scientiae , ut dictum est (in cor. art.) non autem absolute , secundum quod in propriis causis considerantur . Unde & haec propositio , Omne scitum a Deo necessarium est esse , conuevit distingui : quia potest esse de re , vel de dicto . Si intelligatur de re , est divisa , & falsa ; & est sensus : Omnis res quam Deus scit , est necessaria . Vel potest intelligi de dicto , & sic est composita , & vera ; & est sensus : Hoc dictum scitum a Deo esse est necessarium . Sed obstant quidam dicentes , quod ista distinctio habet locum in formis separabilibus a subiecto ; ut si dicam : Album possibile est esse nigrum : quae quidem de dicto est falsa , & de re est vera . Res enim quae est alba , potest esse nigra ; sed hoc dictum , album esse nigrum , nunquam potest esse verum . In formis autem inseparabilibus a subiecto non habet locum praedicta distinctio ; ut si dicam , corvum nigrum possibile est esse album , quia in utroque sensu est falsa . Esse autem scitum a Deo est inseparabile a re : quia quod est scitum a Deo , non potest esse non scitum . Haec autem instantia locum haberet , si hoc quod dico scitum , importaret aliquam dispositionem subiecto inhaerentem ; sed cum importet actum scientis , ipsi rei scita (licet semper sciatur) potest aliquid attribui secundum se , quod non attribuitur ei , inquantum stat sub actu sciendi ; sicut esse materiale attribuitur lapidi secundum se , quod non attribuitur ei secundum quod est intelligibile .

ARTICULUS XIV. 99

Utrum Deus cognoscat enuntiabilia .

Inf. quest. XVI. art. 3. ad 1. & I. diff. xxxviii. art. 3. & diff. xxxxi. art. 3. cap. & I. cont. cap. lviii. ad 6. & cap. lxx. & ver. quest. xi. art. 7.

AD decimumquartum sic proceditur . Videtur quod Deus non cognoscat enuntiabilia . Cognoscere enim enuntiabilia convenit intellectui nostro , secundum quod componit , & dividit . Sed in intellectu divino nulla est compositio . Ergo Deus non cognoscat enuntiabilia .

2. Praeterea . Omnis cognitio fit per aliquam similitudinem . Sed in Deo nulla est similitudo enuntiabilium , cum sit omnino simplex . Ergo Deus non cognoscat enuntiabilia .

Sed contra est quod dicitur in Psal. xciii. 11. *Dominus scit cogitationes hominum* . Sed enuntiabilia continentur in cogitationibus hominum . Ergo Deus cognoscat enuntiabilia .

Respondeo dicendum , quod cum formare enuntiabilia sit in potestate intellectus nostri ; Deus autem sciat quicquid est in potentia sua , vel creaturae , ut supra dictum est (art. 9. huius quest.) necesse est quod Deus sciat omnia enuntiabilia quae formari possunt .

Sed sicut scit materialia immaterialiter , & composita simpliciter , ita scit enuntiabilia non per modum enuntiabilium , quod scilicet in intellectu eius sit compositio , vel divisio enuntiabilium ; sed unumquodque cognoscit per simplicem intelligentiam , intelligendo essentiam uniuscuiusque : sicut nos hoc ipso quod intelligimus quid est homo , intelligemus omnia quae de homine praediri possunt . Quod quidem in intellectu nostro non contingit , qui de uno in aliud discurrit , propter hoc quod species intelligibilis sic repraesentat unum , quod non repraesentat aliud . Unde intelligendo quid est homo , non ex hoc in ipso alia quae ei insunt , intelligimus , sed divinum secundum quandam successionem . Et propter hoc ea quae seorsum intelligimus , oportet nos in unum redigere per modum compositionis , vel divisionis , enuntiationem formando . Sed species intellectus divini , scilicet eius essentia , sufficit ad demonstrandum omnia . Unde intelligendo essentiam suam , cognoscat essentias

omn-

omnium, & quaecumque eis accidere possunt.

Ad primum ergo dicendum, quod ratio illa procederet, si Deus cognosceret enuntiabilia per modum enuntiabilium.

Ad secundum dicendum, quod compositio enuntiabilis significat aliquod esse rei: & sic Deus per suum esse, quod est eius essentia, est similitudo omnium eorum quae per enuntiabilia significantur.

ARTICULUS XV. 94

Utrum scientia Dei sit variabilis.

Infr. quaest. XIX. ar. 7. corp. & I. dist. XXXVIII. art. 2. & ar. 5. cor. & I. dist. XXXIX. quaest. 1. art. 3. ad 5. & ver. quaest. II. ar. 5.

AD decimumquintum sic proceditur. Videtur quod scientia Dei sit variabilis. Scientia enim relative dicitur ad scibile. Sed ea quae important relationem ad creaturam, dicuntur de Deo ex tempore, & variantur secundum variationem creaturarum, ut *Dominus, Creator, & huiusmodi*. Ergo scientia Dei est variabilis secundum variationem creaturarum.

2. Praeterea. Quicquid potest Deus facere, potest scire. Sed Deus potest plura facere quam faciat. Ergo potest plura scire quam sciat. Et sic scientia sua potest variari secundum augmentum, & diminutionem.

3. Praeterea Deus scivit Christum nasciturum. Nunc autem nescit Christum nasciturum, quia Christus nasciturus non est. Ergo non quicquid Deus scivit, scit; & ita scientia Dei videtur esse variabilis.

Sed contra est quod dicitur Iacobi 1. 17. quod *apud Deum non est transmutatio, neque visusumini obumbratio*.

Respondetur dicendum, quod cum scientia Dei sit eius substantia, ut ex dictis patet (art. 1. huius quaest.) sicut substantia eius est omnino immutabilis,

ut supra ostensum est (quaest. IX. art. 1.) ita oportet scientiam eius omnino invariabilem esse.

Ad primum ergo dicendum, quod *Dominus, & Creator, & huiusmodi* important relationes ad creaturas, secundum quod in se ipsis sunt. Sed scientia Dei importat relationem ad creaturas, secundum quod sunt in Deo: quia secundum hoc est unumquodque intellectum in actu, secundum quod est in intelligente. Res autem creatae sunt in Deo invariabiliter, in se ipsis autem variabiliter. Vel aliter dicendum est, quod *Dominus, & Creator, & huiusmodi* important relationes quae consequuntur actus, qui intelliguntur terminari ad ipsas creaturas, secundum quod in se ipsis sunt: & ideo huiusmodi relationes varie de Deo dicuntur secundum variationem creaturarum. Sed *scientia, & amor, & huiusmodi* important relationes quae consequuntur actus, qui intelliguntur in Deo esse: & ideo invariabiliter praedicantur de Deo. (a)

Ad secundum dicendum, quod Deus scit etiam ea quae potest facere, & non facit. Unde ex hoc quod potest plura facere quam facit, non sequitur quod possit plura scire quam sciat, nisi hoc referatur ad scientiam visionis, secundum quam dicitur scire ea quae sunt in actu secundum aliquod tempus. Ex hoc tamen quod scit quod aliqua possunt esse, quae non sunt, vel etiam non esse, quae sunt, non sequitur quod scientia sua sit variabilis, sed quod cognoscat rerum variabilitatem. Si tamen aliquid esset quod prius Deus nescivisset, & postea sciret, esset eius scientia variabilis. Sed hoc esse non potest: quia quicquid est, vel potest esse secundum aliquod tempus, Deus in aeterno suo scit. Et ideo ex hoc quod ponitur aliquid esse secundum quodcumque tempus, oportet poni quod ab aeterno sit scitum a Deo. Et ideo non debet concedi, quod Deus possit plura scire quam sciat, quia haec propositio implicat quod ante nesciverit, & postea faciat.

Ad tertium dicendum, quod antiqui

K. 2

Noni-

(a) Haec omnes, quas vidimus, edidit. Mss. Alcan. & Tarrac. secundum eandem rationem exhibent solam variationem, tempore ab illis verbis circa medium dicendum est; quod Dominus hoc, usque ad illa. Et ideo invariabiliter praedicantur de Deo. Codex vero Camer. hoc modo omnia comprehendit. Ad primum ergo dicendum, quod *Dominus, & Creator, & huiusmodi* important relationes quae consequuntur actus, qui intelliguntur terminari ad ipsas creaturas, secundum quod in se ipsis sunt: & ideo huiusmodi relationes varie de Deo dicuntur secundum variationem creaturarum. Sed *scientia, & amor, & huiusmodi* important relationes quae sequuntur actus, qui intelliguntur in Deo esse: & ideo invariabiliter praedicantur de Deo, secundum quod sunt in Deo: quia secundum hoc est unumquodque intellectum in actu, secundum quod est in intelligente. Res autem creatae sunt invariabiliter in Deo; in se ipsis autem variabiliter.

Nominales dixerunt, idem esse enuntiabile, Christum nasci, & esse nasciturum, & esse natum: quia eadem res significatur per hæc tria, scilicet nativitas Christi: & secundum hoc sequitur quod Deus, quicquid scivit, sciat: quia modo scit Christum natum, quod significat idem ei quod est Christum esse nasciturum. Sed hæc opinio falsa est: tum quia diversitas partium orationis diversitatem enuntiabilem causat: tum etiam quia sequeretur quod propositio quæ semel est vera, esset semper vera; quod est contra Philosophum (in Prædicam. cap. 1. de substantia, post med.) qui dicit, quod hæc oratio, Sortes sedet, vera est eo sedente; & eadem falsa est, eo surgente. Et ideo concedendum est, quod hæc non est vera, Quicquid Deus scivit, scit, si ad enuntiabilia refertur. Sed ex hoc non sequitur quod scientia Dei sit variabilis. Sicut enim absque variatione divinæ scientiæ est quod sciat unam & eandem rem quandoque esse, & quandoque non esse; ita absque variatione divinæ scientiæ est quod scit aliquid enuntiabile quandoque esse verum, & quandoque esse falsum. Esset autem ex hoc scientia Dei variabilis, si enuntiabilia cognosceret per modum enuntiabilium, componendo, & dividendo, sicut accidit in intellectu nostro. Unde cognitio nostra variatur vel secundum veritatem, & falsitatem; puta, si mutata re, eandem opinionem de re illa retineamus: vel secundum diversas opiniones, ut si primo opinemur aliquid sedere, & postea opinemur eum non sedere: quorum neutrum potest esse in Deo.

ARTICULUS XVI. 95

Utrum Deus de rebus habeat scientiam speculativam.

Inf. quæst. XXXIV. art. 3. corp. & 1. 2. quæst. III. art. 5. ad 1. & 1. Sen. in prol. & verit. quæst. III. art. 3.

AD decimumsextum sic proceditur. Videtur quod Deus de rebus non habeat scientiam speculativam. Scientia enim Dei est causa rerum, ut supra ostensum est (art. 8. huius quæst.) Sed scientia rerum non est causa rerum scitarum. Ergo scientia Dei non est speculativa.

2. Præterea. Scientia speculativa est per abstractionem a rebus: quod divinæ scientiæ non competit. Ergo scientia Dei non est speculativa.

Sed contra. Omne quod est nobilius, Deo est attribuendum. Sed scientia speculativa est nobilior quam practica, ut patet per Philosophum in princ. Metaph. (Lib. I. cap. 11. non procul a prin.) Ergo Deus habet de rebus scientiam speculativam.

Respondeo dicendum, quod aliqua scientia est speculativa tantum, aliqua practica tantum, aliqua vero secundum aliquid speculativa, & secundum aliquid practica.

Ad cuius evidentiam sciendum est, quod aliqua scientia potest dici speculativa tripliciter. Primo ex parte rerum scitarum, quæ non sunt operabiles a sciente, sicut est scientia hominis de rebus naturalibus, vel divinis. Secundo quantum ad modum sciendi; ut puta, si ædificator consideret domum definiendo, & dividendo, & considerando universalia prædicata ipsius: hoc siquidem est operabile modo speculativo considerare, & non secundum quod operabilia sunt: operabile enim est aliquid per applicationem formæ ad materiam, non per resolutionem compositi in principia universalia formalia. Tertio quantum ad finem. Nam intellectus practicus differt sine a speculativo sicut dicitur in de III. Anima (tex. 49.) Intellectus enim practicus ordinatur ad finem operationis; finis autem intellectus speculativi est consideratio veritatis. Unde si quis ædificator consideret, qualiter posset fieri aliqua domus, non ordinans ad finem operationis, sed ad cognoscendum tantum, erit quantum ad finem speculativa consideratio, tamen de re operabili. Scientia igitur quæ est speculativa ratione ipsius rei scitæ, est speculativa tantum. Quæ vero speculativa est secundum modum, vel finem, est secundum quid speculativa, & secundum quid practica. Cum vero ordinatur ad finem operationis, est simpliciter practica.

Secundum hoc ergo dicendum est, quod Deus de se ipso habet scientiam speculativam tantum; ipse enim operabilis non est.

De omnibus vero aliis habet scientiam & speculativam, & practicam. Speculativam quidem quantum ad modum: quicquid enim in rebus nos speculative cognoscimus definiendo, & dividendo, hoc scitum Deus multo perfectius novit.

Sed

Sed de his quæ potest quidem facere, sed secundum nullum tempus facit, non habet practicam scientiam, secundum quod practica scientia dicitur a fine. Sic autem habet practicam scientiam de his quæ secundum aliquod tempus facit. Mala vero licet ab eo non sint operabilia, tamen sub cognitione practica ipsius cadunt, sicut & bona, inquantum permittit, vel impedit, vel ordinat ea; sicut & ægritudines cadunt sub practica scientia medicorum, inquantum per artem suam curat eas.

Ad primum ergo dicendum, quod scientia Dei est causa, non quidem sui ipsius, sed aliorum: quorundam quidem actu, scilicet eorum quæ secundum aliquod tempus sunt; quorundam vero virtute, scilicet eorum quæ potest facere, & tamen nunquam sunt.

Ad secundum dicendum, quod scientiam esse acceptam a rebus scitis non per se convenit scientiæ speculativæ, sed per accidens, inquantum est humana.

Ad id vero quod in contrarium obicitur, dicendum, quod de operabilibus perfecta scientia non habetur, nisi scientur, inquantum operabilia sunt. Et ideo cum scientia Dei sit omnibus modis perfecta, oportet quod sciat ea quæ sunt a se operabilia, inquantum huiusmodi, & non solum secundum quod sunt speculabilia. Sed tamen non receditur a nobilitate speculativæ scientiæ, quia omnia alia a se videt in se ipso. Se ipsum autem speculative cognoscit; & sic in speculativa sui ipsius scientia habet cognitionem & speculativam, & practicam omnium aliorum.

QUAESTIO XV.

De ideis,

in tres articulos divisa.

Post considerationem de scientia Dei, restat considerare de ideis: & circa hoc quaeruntur tria.

Primo, an sint ideæ.

Secundo, utrum sint plures, vel una tantum.

Tertio, utrum sint omnium quæ cognoscuntur a Deo.

ARTICULUS I.

96

Utrum idea sit.

Inf. quest. xlv. art. 3. & I. dist. xxxvi. quest. 11. art. 2. & ver. quest. 111. art. 1.

Ad primum sic proceditur. Videtur quod idem non sint. Dicit enim Dionysius vii. cap. de divin. Nom. (a med. lect. 3.) quod Deus non cognoscit res secundum ideam. Sed idem non ponuntur ad aliud nisi ut per eas cognoscantur res. Ergo idem non sunt.

2. Præterea. Deus in se ipso cognoscit omnia, ut supra dictum est (quest. xiv. art. 5.) Sed se ipsum non cognoscit per ideam. Ergo nec alia.

3. Præterea. Idea ponitur ut principium cognoscendi, & operandi. Sed essentia divina est sufficientis principium cognoscendi, & operandi omnia. Non ergo necesse est ponere ideam.

Sed contra est quod dicit Augustinus in Lib. lxxxiii. Q. (quest. xlv. parum a prin.) *Tanta vis in ideis constituitur, ut nisi his intellectis, sapienti esse nemo possit.*

Respondeo dicendum, quod necesse est ponere in mente divina ideam.

Idea enim græce, latine forma dicitur. Unde per ideam intelliguntur formæ aliarum rerum præter ipsas res existentes. Forma autem alicuius rei præter ipsam existens ad duo esse potest, vel ut sit exemplar eius cuius dicitur forma, vel ut sit principium cognitionis ipsius, secundum quod formæ cognoscibilem dicuntur esse in cognoscente.

Et quantum ad utrumque est necesse ponere ideam: quod sic patet. In omnibus enim quæ non a casu generantur, necesse est formam esse finem generationis cuiuscumque. Agens autem non ageret propter formam, nisi inquantum similitudo formæ est in ipso. Quod quidem contingit dupliciter. In quibusdam enim agentibus præfixit formam rei fiendæ secundum esse naturale, sicut in his quæ agunt per naturam; sicut homo generat hominem, & ignis ignem. In quibusdam vero secundum esse intelligibile, ut in his quæ agunt per intellectum; sicut similitudo domus præfixit in mente ædificatoris: & hæc potest dici idea domus, quia artifex intendit domum assimilare formæ quam mente concepit. Quia

igitur mundus non est casu factus, sed est factus a Deo per intellectum (a) agente, ut infra patebit (quaest. xlv. art. 1.) necesse est quod in mente divina sit forma, ad similitudinem cuius mundus est factus. Et in hoc consistit ratio ideæ.

Ad primum ergo dicendum, quod Deus non intelligit res secundum ideam extrinsecam existentem: & sic etiam Aristoteles (Lib. III. Metaph. a text. 10. usque ad fin. Lib.) improbat opinionem Platonis de ideis, secundum quod ponebat eas per se existentes, non in intellectu.

Ad secundum dicendum, quod licet Deus per essentiam suam se, & alia cognoscat; tamen essentia sua est principium operativum aliorum, non autem sui ipsius: ideo habet rationem ideæ, secundum quod ad alia comparatur, non autem secundum quod comparatur ad ipsum Deum.

Ad tertium dicendum, quod Deus secundum essentiam suam est similitudo omnium rerum. Unde idea in Deo nihil est aliud quam Dei essentia.

ARTICULUS II. 97

Utrum sint plures ideæ.

I. dist. xxxvi. quest. 11. art. 2. & I. con. cap. ltv. & ver. quest. 111. art. 2. & opusc. 1x. quest. lxyi.

AD secundum sic proceditur. Videtur quod non sint plures ideæ. Idea enim in Deo est eius essentia. Sed essentia Dei est una tantum. Ergo & idea est una.

2. Præterea. Sicut idea est principium cognoscendi, & operandi, ita ars, & sapientia. Sed in Deo non sunt plures artes, & sapientiæ. Ergo nec plures ideæ.

3. Si dicatur, quod ideæ multiplicentur secundum respectus ad diversas creaturas; contra. Pluralitas idearum est ab æterno. Si ergo ideæ sunt plures, creaturæ autem sunt temporales; ergo temporale erit causa æterni.

4. Præterea. Respectus isti aut sunt secundum rem in creaturis tantum, aut etiam in Deo. Si in creaturis tantum, cum creaturæ non sint ab æterno, pluralitas idearum non erit ab æterno, si multiplicentur solum secundum huiusmodi respectus. Si autem realiter sunt in Deo, sequitur quod alia pluralitas realis sit in Deo quam pluralitas personarum; quod

est contra Damascenum dicentem (Lib. I. de Fid. orthod. cap. ix. x. & xi.) quod in divinis omnia unum sunt præter ingenerationem, generationem, & processionem. Sic igitur non sunt plures ideæ.

Sed contra est quod dicit Augustinus in Lib. lxxxiii. Qq. (quaest. xlv. a med.) *Ideæ sunt principales quedam formæ, vel rationes rerum stabiles, atque incommutabiles, quia ipsæ formatae non sunt; ac per hoc æternæ, ac semper eodem modo se habentes, quæ divina intelligentia continentur. Sed cum ipsæ neque oriantur, neque intereant, secundum eas tamen formari dicitur omne quod oriri, & interire potest, & omne quod oritur, & interit.*

Respondeo dicendum, quod necesse est ponere plures ideæ. Ad cuius evidentiam considerandum est, quod in quolibet effectu illud quod est ultimus finis, proprie est intentum a principali agente sicut ordo exercitus a duce. Illud autem quod est optimum in rebus existens, est bonum ordinis universi, ut patet per Philosophum in XII. Metaph. (text. 52.) Ordo igitur universi est proprie a Deo intentus, & non per accidens proveniens secundum successionem agentium: prout quidam dixerunt, quod Deus creavit primum creatum tantum, quod creatum creavit secundum creatum, & sic inde, quousque producta est tanta rerum multitudo: secundum quam opinionem Deus non haberet nisi ideam primi creati. Sed si ipse ordo universi est per se creatus ab eo, & intentus ab ipso, necesse est quod habeat ideam ordinis universi. Ratio autem alicuius totius haberi non potest, nisi habeantur propriæ rationes eorum ex quibus totum constituitur; sicut ædicator speciem domus concipere non posset, nisi apud ipsum esset propria ratio cuiuslibet partium eius. Sic igitur oportet quod in mente divina sint propriæ rationes omnium rerum. Unde dicit Augustinus in Lib. lxxxiii. Qq. (quaest. xlv. post med.) quod *singula propriis rationibus a Deo creata sunt.* Unde sequitur quod in mente divina sint plures ideæ.

Hoc autem quomodo divine simplicitati non repugnet, facile est videre, si quis consideret ideam operati esse in mente operantis sicut quod intelligitur, non autem sicut species qua intelligitur, quæ est forma faciens intellectum in actu. Forma enim domus in mente ædicatoris est aliquid ab eo intellectum, ad cuius similitudinem donum in materia format. Non est autem contra simplicitatem divi-

(a) *Id. agentem.*

ARTICULUS III. 98

*Utrum omnium quæ cognoscit Deus,
sint ideae.*

*I. dist. xxxvi. quæst. 11. art. 3. & I. dist. 1.
quæst. 1. art. 2. & 3. & 4. & 5. & 6. & 7. & 8.*

divini intellectus quod multa intelligat ; sed contra simplicitatem eius esset, si per plures species eius intellectus formaretur.

Unde plures idæe sunt in mente divina ut intellectæ ab ipsa: quod hoc modo potest videri. Ipse enim essentiam suam perfecte cognoscit: unde cognoscit eam secundum omnem modum quod cognoscibilis est. Potest autem cognosci non solum secundum quod in se est, sed secundum quod est participabilis secundum aliquem modum similitudinis a creaturis. Unaquæque autem creatura habet propriam speciem, secundum quod aliquo modo participat divinæ essentiae similitudinem. Sic igitur inquantum Deus cognoscit suam essentiam ut sic imitabilem a tali creatura, cognoscit eam ut propriam rationem, & ideam huius creaturæ: & similiter de aliis. Et sic patet quod Deus intelligit plures rationes proprias plurium rerum, quæ sunt plures idæe.

Ad primum ergo dicendum, quod idea non nominat divinam essentiam, inquantum est essentia, sed inquantum est similitudo, vel ratio huius vel illius rei. Unde secundum quod sunt plures rationes intellectæ ex una essentia, secundum hoc dicuntur plures idæe.

Ad secundum dicendum, quod sapientia, & ars significantur ut quo Deus intelligit; sed idea, ut quod Deus intelligit. Deus autem uno intellectu intelligit multa, & non solum secundum quod in se ipsis sunt, sed etiam secundum quod intellecta sunt: quod est intelligere plures rationes rerum: sicut artifex dum intelligit formam domus in materia, dicitur intelligere domum; dum autem intelligit formam domus ut a se speculatam, ex eo quod intelligit se intelligere eam, intelligit ideam, vel rationem domus. Deus autem non solum intelligit multas res per essentiam suam, sed etiam intelligit se intelligere multa per essentiam suam. Sed hoc est intelligere plures rationes rerum, vel plures idæe est in intellectu eius ut intellectas.

Ad tertium dicendum, quod huiusmodi respectus, quibus multiplicatur idæe, non causantur a rebus, sed ab intellectu divino comparante essentiam suam ad res.

Ad quartum dicendum, quod respectu multiplicantes idæe non sunt in rebus creatis, sed in Deo; non tamen sunt reas respectus, sicut illi quibus distinguuntur personæ, sed respectus intellectus a Deo.

AD tertium sic proceditur. Videtur quod non omnium quæ cognoscit Deus, sint idæe in ipso. Mali enim idea non est in Deo, quia sequeretur malum esse in Deo. Sed mala cognoscuntur a Deo. Ergo non omnium quæ cognoscuntur a Deo, sunt idæe.

2. Præterea. Deus cognoscit ea quæ nec sunt, nec erunt, nec fuerunt, ut supra dictum est (art. 9. præc. quæst.) Sed horum non sunt idæe: quia dicit Dionysius v. cap. de div. Nom. (non multum remote ante finem) quod *exemplaria sunt divina voluntati determinativa, & effectiva rerum*. Ergo non omnium quæ a Deo cognoscuntur, sunt idæe in ipso.

3. Præterea. Deus cognoscit materiam primam, quæ non potest habere ideam, cum nullam habeat formam. Ergo idem quod prius.

4. Præterea. Constat quod Deus scit non solum species, sed etiam genera, & singularia, & accidentia. Sed horum non sunt idæe secundum positionem Platonis, qui primus idæas introduxit, ut dicit Augustinus (Lib. lxxxiii. Q. quæst. xlvii.) Non ergo omnium cognitorum a Deo sunt idæe in ipso.

Sed contra. Idæe sunt rationes in mente divina existentes, ut per Augustinum patet (in cit. quæst. xlvii. post med.) Sed omnium quæ cognoscit Deus, habet proprias rationes. Ergo omnium quæ cognoscit, habet ideam.

Respondeo dicendum, quod cum idæe a Platone ponerentur principia cognitionis rerum, & generationis ipsarum, ad utrumque se habet idea, prout in mente divina ponitur. Et secundum quod est principium factionis rerum, exemplar dici potest, & ad practicam cognitionem pertinet; secundum autem quod principium cognoscitivum est, proprie dicitur ratio, & potest etiam ad scientiam speculativam pertinere. Secundum ergo quod exemplar est, secundum hoc se habet ad omnia quæ a Deo sunt secundum aliquod tempus; secundum vero quod

principium cognoscitum est, se habet ad omnia quae cognoscuntur a Deo, etiam si nullo tempore fiant; & ad omnia quae a Deo cognoscuntur secundum propriam rationem, & secundum quod cognoscuntur ab ipso per modum speculationis.

Ad primum ergo dicendum, quod malum cognoscitur a Deo non per propriam rationem, sed per rationem boni: & ideo malum non habet in Deo ideam, neque secundum quod idea est exemplar, neque secundum quod est ratio.

Ad secundum dicendum, quod eorum quae neque sunt, neque erunt, neque fuerunt, Deus non habet practica cognitionem, nisi virtute tantum. Unde respectu eorum non est idea in Deo, secundum quod idea significat exemplar, sed solum secundum quod significat rationem.

Ad tertium dicendum, quod Plato secundum quosdam posuit materiam non creatam; & ideo non posuit ideam esse materiae, sed materiae concausam. Sed quia nos ponimus materiam creatam a Deo, non tamen sine forma, habet quidem materia ideam in Deo, non tamen aliam ab idea compositi: nam materia secundum se neque esse habet, neque cognoscibilis est.

Ad quartum dicendum, quod genera non possunt habere ideam aliam ab idea speciei, secundum quod idea significat exemplar: quia numquam genus sit nisi in aliqua specie. Similiter etiam est de accidentibus quae inseparabiliter concomitantur subiectum, quia haec simul fiunt cum subiecto; accidentia autem quae superveniunt subiecto, speciem ideam habent. Artifex enim per formam domus facit omnia accidentia quae a principio concomitantur domui; sed ea quae superveniunt domui iam factae, ut picturae, vel aliquid aliud, facit per aliquam aliam formam. Individua vero secundum Platonem non habebant aliam ideam quam ideam speciei: tum quia singularia individuuntur per materiam, quam ponebat esse increatam, ut quidam dicunt, & concausam ideae: tum quia intentio naturae consistit in speciebus, nec particularia producit, nisi ut in eis species salventur. Sed providentia divina non solum se extendit ad species, sed ad singularia, ut infra dicitur (quaest. xxii. art. 3.)

QUAESTIO XVI.

De veritate,

in octo articulis divisa.

Quoniam autem scientia verorum est, post considerationem scientiae Dei de veritate inquirendum est: circa quam quaeruntur octo.

Primo, utrum veritas sit in re, vel tantum in intellectu.

Secundo utrum sit tantum in intellectu componente, & dividente.

Tertio de comparatione veri ad ens.

Quarto de comparatione veri ad bonum.

Quinto, utrum Deus sit veritas.

Sexto, utrum omnia sint vera veritate una, vel plumbus.

Septimo de aeternitate veritatis.

Octavo de incommutabilitate ipsius.

ARTICULUS I. 99

Utrum veritas sit tantum in intellectu.

I. dist. xix. quaest. v. art. 5. ad 7. & contra quaest. i. art. 1.

Ad primum sic proceditur. Videtur quod veritas non sit tantum in intellectu, sed magis in rebus. Augustinus enim Lib. II. Soliloq. (cap. v.) reprobat hanc notationem veri: *Verum est id quod videtur: quia secundum hoc lapides, qui sunt in abissiisimo terra sinu, non essent veri lapides, quia non videntur.* Reprobat etiam (eod. Lib.) istam: *Verum est quod ita se habet ut videtur cognitori, si velit, & possit cognoscere: quia secundum hoc sequeretur quod nihil esset verum, si nullus posset cognoscere.* Et definit sic verum: *Verum est id quod est.* Et sic videtur quod veritas sit in rebus, & non in intellectu.

2. Praeterea. Quicquid est verum, veritate verum est. Si igitur veritas est in intellectu solo, nihil erit verum, nisi secundum quod intelligitur: quod est error antiquorum Philosophorum (ut patet XI. Metaph. tex. 6. & IV. a. tex. 19. usque ad 25.) qui dicebant, omne quod videtur, esse verum: ad quod sequitur contradictoria simul esse vera, cum contradictoria simul a diversis vera esse videantur.

3. Prae-

3. Præterea. Propter quod unumquodque, & illud magis, ut patet I. Posteriorum (tex. 5.) Sed ex eo quod res est, vel non est, est opinio, vel oratio vera, vel falsa secundum Philosophum in Prædicationibus (cap. 1. de substantia non procul a fin.) Ergo veritas magis est in rebus quam in intellectu.

Sed contra est quod Philosophus dicit VI. Metaphys. (tex. 8.) quod verum, & falsum non sunt in rebus, sed in intellectu.

Respondeo dicendum, quod sicut bonum nominat id in quod tendit appetitus, ita verum nominat id in quod tendit intellectus. Hoc autem distat inter appetitum, & intellectum, siue quamcumque cognitionem: quia cognitio est, secundum quod cognitum est in cognoscente; appetitus autem est, secundum quod appetens inclinatur in ipsam rem appetitam: & sic terminus appetitus, quod est bonum, est in re appetibili; sed terminus cognitionis, quod est verum, est in ipso intellectu. Sicut autem bonum est in re, inquantum habet ordinem ad appetitum, & propter hoc ratio bonitatis derivatur a re appetibili in appetitum, secundum quod appetitus dicitur bonus, prout est boni; ita, cum verum sit in intellectu, secundum quod conformatur rei intellectæ, necessè est quod ratio veri ab intellectu ad rem intellectam derivetur, ut res etiam intellecta vera dicatur, secundum quod habet aliquem ordinem ad intellectum.

Res autem intellecta ad intellectum aliquem potest habere ordinem vel per se, vel per accidens. Per se quidem habet ordinem ad intellectum, a quo dependet secundum suum esse; per accidens autem ad intellectum, a quo cognoscibilis est: sicut si dicamus, quod domus comparatur ad intellectum artificis per se, per accidens autem comparatur ad intellectum a quo non dependet. Iudicium autem de re non sumitur secundum id quod inest ei per accidens, sed secundum id quod inest ei per se. Unde unaquæque res dicitur vera absolute secundum ordinem ad intellectum a quo dependet. Et inde est quod res artificiales dicuntur veræ per ordinem ad intellectum nostrum: dicitur enim domus vera quæ assequitur similitudinem formæ quæ est in mente artificis; & dicitur oratio vera, inquantum est signum intellectus veri. Et similiter res naturales dicuntur esse veræ, secundum quod

assequuntur similitudinem specierum quæ sunt in mente divina: dicitur enim verus lapis, quia assequitur propriam lapidis naturam secundum præconceptionem intellectus divini. Sic ergo veritas principaliter est in intellectu, secundario vero in rebus, secundum quod comparantur ad intellectum ut ad principium.

Et secundum hoc veritas diversimode notificatur. Nam Augustinus in Lib. de vera Relig. (cap. xxxv.) dicit, quod *veritas est qua ostenditur id quod est*: & Hilarius dicit (Lib. V. de Trinit. ante med.) quod *verum est declarativum, aut manifestativum esse*: & hoc pertinet ad veritatem, secundum quod est in intellectu. Ad veritatem autem rei secundum ordinem ad intellectum pertinet definitio Augustini in Lib. de vera Relig. (cap. eod. a med.) talis: *Veritas est summa similitudo principii, quæ sine ulla dissimilitudine est*: & quædam definitio Anselmi (in dial. de verit. cap. xii.) talis: *Veritas est relictio sola mente perceptibilis*; nam rectum est quod principio concordat: & quædam definitio Avicennæ, talis: *Veritas uniuscuiusque rei est proprietas sui esse, quod stabilitum est ei*. Quod autem dicitur, quod veritas est adequatio rei, & intellectus, potest ad utrumque pertinere.

Ad primum ergo dicendum, quod Augustinus loquitur de veritate rei, & excludit a ratione huius veritatis comparisonem ad intellectum nostrum. Nam id quod est per accidens, ab unaquaque definitione excluditur.

Ad secundum dicendum, quod antiqui Philosophi species rerum naturalium non dicebant procedere ab aliquo intellectu, sed eas provenire a casu. Et quia considerabant quod verum importat comparisonem ad intellectum, cogeantur veritatem rerum constituere in ordine ad intellectum nostrum: ex quo inconvenientia sequebantur quæ Philosophus prosequitur in IV. Metaphysic. (loco cit. in arg.) Quæ quidem inconvenientia non accidunt, si ponamus veritatem rerum consistere in comparatione ad intellectum divinum.

Ad tertium dicendum, quod licet veritas intellectus nostri a re causetur, non tamen oportet quod in re per prius invenitur ratio veritatis, sicut neque in medicina per prius invenitur ratio sanitatis quam in animali: virtus enim medicinæ, non sanitas eius causat sanitatem, cum non sit agens univocum. Et simi-

similiter esse rei, non veritas eius, cau-
sat veritatem intellectus. Unde Philoso-
phus dicit (loco cit. in arg.) quod opio-
nio, & oratio vera est ex eo quod res
est, non ex eo quod res vera est.

ARTICULUS II. 100

*Utrum veritas sit tantum in intellectu com-
ponente, & dividente.*

*I. dist. XIX. quest. 1. ad 7. & ver. quest.
1. art. 3.*

AD secundum sic proceditur. Videtur
quod veritas non sit solum in intel-
lectu componente, & dividente. Dicit
enim Philosophus in III. de Anima
(tex. 26.) quod sicut sensus propriorum sen-
sibilium semper veri sunt, ita & intel-
lectus eius quod quid est. Sed compositio,
& divisio non est neque in sensu,
neque in intellectu cognoscente quod
quid est. Ergo veritas non solum est in
compositione, & divisione intellectus.

2. Præterea. Isaac dicit in Lib. de de-
initionibus, quod veritas est adæquatio
rei, & intellectus. Sed sicut intellectus
complexorum potest adæquari rebus, ita
intellectus incomplexorum, & etiam sen-
sus sentiens rem ut est. Ergo veritas
non est solum in compositione, & divi-
sione intellectus.

Sed contra est quod dicit Philosophus in
VI. Metaph. (tex. 8.) quod circa sim-
plicia, & quod quid est, non est veritas
nec in intellectu, neque in rebus.

Respondeo dicendum, quod verum,
sicut dictum est (art. præc.) secundum
sui primam rationem est in intellectu. Cum
autem omnis res sit vera, secundum quod
habet propriam formam naturæ suæ, neces-
se est quod intellectus, in quantum est co-
gnoscens, sit verus, in quantum habet simi-
litudinem rei cognitæ, quæ est forma ei-
us, in quantum est cognoscentis: & pro-
pter hoc per conformitatem intellectus,
& rei veritas definitur: unde conformi-
tatem istam cognoscere est cognoscere
veritatem. Hanc autem nullo modo sen-
sus cognoscit. Licet enim visus habeat si-
militudinem visibilis, non tamen cogno-
scit comparationem quæ est inter rem vi-
sam, & id quod ipse apprehendit de ea. In-
tellectus autem conformitatem sui ad rem

intelligibilem cognoscere potest; sed ta-
men non apprehendit eam, secundum
quod cognoscit de aliquo quod quid est.
Sed quando iudicat remita se habere sic,
ut est forma quam de re apprehendit,
tunc primo cognoscit, & dicit verum;
& hoc facit componendo, & dividendo.
Nam in omni propositione aliquam for-
mam significatam per prædicatum, vel
applicat alicui rei significatæ per subic-
tum, vel removerat ea: & ideo bene
invenitur quod sensus est verus de ali-
qua re, vel intellectus cognoscendo quod
quid est; sed non quod cognoscit, aut
dicat verum. Et similiter est (a) de vo-
cibus incomplexis. Veritas (b) igitur po-
test esse in sensu, vel in intellectu cogno-
scente quod quid est, ut in quadam re
vera, non autem ut cognitum in cogno-
scente: quod importat nomen veri. Per-
fectio enim intellectus est verum, ut co-
gnitum. Et ideo proprie loquendo veritas
est in intellectu componente, & di-
vidente, non autem in sensu, neque in
intellectu cognoscente quod quid est.

Et per hoc patet solutio ad obiecta.

ARTICULUS III. 101

Utrum verum, & ens convertantur.

*Ver. quest. 1. art. 21. & I. dist. XIX. quest.
v. art. 1. ad 7.*

AD tertium sic proceditur. Videtur
quod verum, & ens non convertan-
tur. Verum enim est proprie in intel-
lectu, ut dictum est (art. 1. huius quest.)
ens autem proprie est in rebus. Ergo non
convertuntur.

2. Præterea. Id quod se extendit ad
ens, & non ens, non convertitur cum
ente. Sed verum se extendit ad ens, &
non ens: nam verum est, quod est, esse,
& quod non est, non esse. Ergo verum
& ens non convertuntur.

3. Præterea. Quæ se habent secundum
prius & posterius, non videtur converti.
Sed verum videtur prius esse quam ens,
nam non intelligitur (c) ens nisi sub
ratione veri. Ergo videtur quod non sint
convertibilia.

Sed contra est quod dicit Philosophus
II. Metaph. (text. 4.) quod eadem est dispo-
sicio rerum in esse, & veritate.

Re-

(a) Ita edd. Alcan. & Turret. quibus consonant editiones Patavina. Romana edit. aliæque de vo-
cibus complexis, aut incomplexis. (b) Rom. edit. quidem igitur. (c) Editiones Rom. 1570.
Patavina 1698. aliæque mittunt ens: habet vero edd. Alcan. & edit. Patav. 1712.

Respondeo dicendum, quod sicut bonum habet rationem appetibilis, ita verum ordinem ad cognitionem. Unumquodque autem inquantum habet de esse, intantum est cognoscibile. Et propter hoc dicitur in III. de Anima (text. 37.) quod *anima est quodammodo omnia secundum sensum, & intellectum*. Et ideo sicut bonum convertitur cum ente, ita & verum. Sed tamen sicut bonum addit rationem appetibilis supra ens, ita & verum comparationem ad intellectum.

Ad primum ergo dicendum, quod verum est in rebus, & in intellectu, ut dictum est (art. 1. huius quaest.) Verum autem quod est in rebus, convertitur cum ente secundum substantiam; sed verum quod est in intellectu, convertitur cum ente, ut manifestativum cum manifestato. Hoc enim est de ratione veri, ut dictum est (ibid.) Quamvis posset dici, quod etiam ens est in rebus, & in intellectu, sicut & verum; licet verum principaliter in intellectu, ens vero principaliter in rebus. Et hoc accidit propter hoc quod verum, & ens differunt ratione.

Ad secundum dicendum, quod non ens non habet in se unde cognoscatur, sed cognoscitur, inquantum intellectus facit illud cognoscibile: unde verum fundatur (a) in ente, inquantum non ens est quoddam ens rationis, apprehensum scilicet a ratione.

Ad tertium dicendum, quod cum dicitur, quod ens non potest apprehendi sine ratione veri, hoc potest dupliciter intelligi. Uno modo ita quod non apprehendatur ens, nisi ratio veri (b) allequatur apprehensionem entis: & sic locutio habet veritatem. Alio modo posset sic intelligi, quod ens non posset apprehendi, nisi apprehenderetur ratio veri: & hoc falsum est. Sed verum non potest apprehendi, nisi apprehendatur ratio entis, quia ens cadit in ratione veri. Et est simile, sicut si comparemus intelligibile ad ens: non enim potest intelligi ens, quin ens sit intelligibile; sed tamen potest intelligi ens ita quod non intelligatur eius intelligibilitas. Et similiter ens intellectum est verum, non tamen intelligendum ens, intelligitur verum.

ARTICULUS IV. 67

Utrum bonum secundum rationem sit prius quam verum.

Verit. quaest. XXI. art. 3.

AD quartum sic proceditur. Videtur quod bonum secundum rationem sit prius quam verum. Quod enim est universalius, secundum rationem prius est, ut patet ex I. Physic. (text. 3. & 4.) Sed bonum est universalius quam verum: nam verum est quoddam bonum, scilicet intellectus. Ergo bonum prius est secundum rationem quam verum.

2. Præterea. Bonum est in rebus, verum autem in compositione, & divisione intellectus, ut dictum est (art. 2. huius quaest.) Sed ea quæ sunt in re, priora sunt his quæ sunt in intellectu. Ergo prius est secundum rationem bonum quam verum.

3. Præterea. Veritas est quædam species virtutis, ut patet in III. Ethic. (cap. VII.) Sed virtus continetur sub bono: est enim bona qualitas mentis, ut dicit Augustinus (Lib. VI. contr. Iulian. cap. VII. & Lib. II. de lib. arb. cap. XVIII. & XIX.) Ergo bonum est prius quam verum.

Sed contra. Quod est in pluribus, est prius secundum rationem. Sed verum est in quibusdam, in quibus non est bonum, scilicet in mathematicis. Ergo verum est (c) prius quam bonum.

Respondeo dicendum, quod licet bonum, & verum supposito convertantur cum ente, tamen ratione differunt. Et secundum hoc verum, absolute loquendo, (d) prius est quam bonum: quod ex duobus apparet. Primo quidem ex hoc quod verum propinquius se habet ad ens, quod est prius, quam bonum. Nam verum respicit ipsum esse simpliciter, & immediate; ratio autem boni consequitur esse, secundum quod est aliquo modo perfectum, sic enim appetibile est. Secundo apparet ex hoc quod cognitio naturaliter præcedit appetitum. Unde cum verum respiciat cognitionem, bonum autem appetitum, prius erit verum quam bonum secundum rationem.

Ad primum ergo dicendum, quod voluntas, & intellectus mutuo se includunt: nam

(a) Ita edit. Rom. cum edd. Alcan. Duacenses veras, & Levanenses Theologi editionesque Patavina, ex Camer. & Rom. habent in non ente. (b) Al. consequatur. (c) Ita Codex Alcan. & edit. Rom. 1570. & Patav. 1698. Cod. Camer. edit. Levan. & Duac. & Patavina 1712 prius secundum rationem quam bonum. (d) Al. prius est secundum rationem quam bonum.

nam intellectus intelligit voluntatem, & voluntas vult intellectum intelligere. Sic ergo inter illa quæ ordinantur ad obiectum voluntatis, continentur etiam ea quæ sunt intellectus, & e converso. Unde in ordine appetibilem bonum se habet ut universale, & verum ut particulare; in ordine autem intelligibilem est e converso. Ex hoc ergo quod verum est quoddam bonum, sequitur quod bonum sit prius in ordine appetibilem, non autem quod sit prius simpliciter.

Ad secundum dicendum, quod secundum hoc est aliquid prius ratione quod prius cadit in intellectu. Intellectus autem per prius apprehendit ipsum ens, & secundario apprehendit se intelligere ens, & tertio apprehendit se appetere ens. Unde primo est ratio entis, secundo ratio veri, tertio ratio boni; licet bonum sit in rebus.

Ad tertium dicendum, quod virtus, quæ dicitur veritas, non est veritas communis, sed quædam veritas, secundum quam homo in dictis, & factis ostendit se ut est. Veritas autem vitæ dicitur particulariter, secundum quod homo in vita sua implet illud ad quod ordinatur per intellectum divinum, sicut etiam dictum est (art. 1. huius quæst.) veritatem esse in ceteris rebus. Veritas autem iustitiæ est, secundum quod homo servat id quod debet alteri secundum ordinem legum. Unde ex his particularibus veritatibus non est procedendum ad veritatem communem.

ARTICULUS V. 103

Utrum Deus sit veritas.

1. 2. quæst. 111. art. 7. cor. & quæst. XXXIX. art. 1. ad 3. & 2. quæst. XXVII. art. 4. cap. & 1. cor. cap. 11. & 1x. 1x1. & 1x11. & 1. cor. 11. cap. 11. & quæst. 11. cap. cv. & 1. cor. 14. lect. 2.

AD quantum sic proceditur. Videtur quod Deus non sit veritas. Veritas enim consistit in compositione, & divisione intellectus. Sed in Deo non est compositio, & divisio. Ergo non est ibi veritas.

1. Præterea. Veritas secundum Augustinum in Lib. de vera Relig. (cap. xxxv.) est similitudo principii. Sed Dei non est similitudo ad principium. Ergo in Deo non est veritas.

3. Præterea. Quicquid dicitur de Deo,

dicatur de eo ut de prima causa omnium, sicut esse Dei est causa omnis esse, & bonitas eius est causa omnis boni. Si ergo in Deo sit veritas, omne verum erit ab ipso. Sed aliquem peccare est verum. Ergo hoc erit a Deo: quod patet esse falsum.

Sed contra est quod dicitur Ioan. xiv. 6. *Ego sum via, veritas, & vita.*

Respondetur dicendum, quod, sicut dictum est (art. 1. huius quæst.) veritas invenitur in intellectu, secundum quod apprehendit rem ut est; & in re, secundum quod habet esse conformabile intellectui. Hoc autem maxime invenitur in Deo. Nam esse suum non solum est conforme suo intellectui, sed etiam esse ipsum suum intelligere: & suum intelligere est mensura, & causa omnis alterius esse, & omnis alterius intellectus: & ipse est suum esse, & intelligere. Unde sequitur quod non solum in ipso sit veritas, sed quod ipse sit ipsa summa, & prima veritas.

Ad primum ergo dicendum, quod licet in intellectu divino non sit compositio, & divisio, tamen secundum suam simplicem intelligentiam iudicat de omnibus, & cognoscit omnia complexa: & sic in intellectu eius est veritas.

Ad secundum dicendum, quod verum intellectus nostri est, secundum quod conformatur suo principio, scilicet rebus a quibus cognitionem accipit: veritas etiam rerum est, secundum quod conformantur suo principio, scilicet intellectui divino. Sed hoc proprie loquendo non potest dici in veritate divina, nisi forte secundum quod veritas appropriatur Filio, qui habet principium. Sed si de veritate essentialiter dicta loquamur, non potest intelligi, nisi resolvatur affirmativa in negativam; sicut cum dicitur: Pater est a se, quia non est ab alio. Et similiter dici potest similitudo principii veritas divina, in quantum esse suum non est suo intellectui dissimile.

Ad tertium dicendum, quod non ens, & privationes non habent ex se ipsis veritatem, sed solum in apprehensione intellectus. Omnis autem apprehensio intellectus a Deo est. Unde quicquid est veritatis in hoc quod dico, istum fornicari est verum, totum est a Deo; sed si arguatur, Ergo istum fornicari est a Deo, est fallacia accidentis.

ARTICULUS VI. 104

*Utrum sit una sola veritas, secundum
quam omnia sunt vera.*

1. 2. *quest. xcv. art. 1. & 1. dist. xix. quest.
v. art. 2. & ver. quest. 1. art. 4. &
8. & Psalm. xi.*

AD sextum sic proceditur. Videtur quod una sola sit veritas, secundum quam omnia sunt vera. Quia secundum Augustinum (Lib. XIV. de Trinit. cap. viii. & Lib. V. cap. 1. circa fin.) *nihil est maius mente humana nisi Deus*. Sed veritas est maior mente humana, alioquin mens iudicaret de veritate: nunc autem omnia iudicat secundum veritatem, & non se ipsam. Ergo solus Deus est veritas: ergo non est alia veritas quam Deus.

2. Præterea. Anselmus dicit in Lib. de veritate (cap. xiv. circa fin.) quod sicut tempus se habet ad temporalia, ita veritas ad res veras. Sed unum est tempus omnium temporalium. Ergo una est veritas, qua omnia vera sunt.

Sed contra est quod in Psalm. xi. 2. dicitur: *Diminuta sunt veritates a filiis hominum*.

Respondeo dicendum, quod quodammodo una est veritas, qua omnia sunt vera, & quodammodo non. Ad cuius evidentiam sciendum est, quod quando aliquid prædicatur univoce de multis, illud in quolibet eorum secundum propriam rationem invenitur, sicut animal in quolibet specie animalis. Sed quando aliquid dicitur analogice de multis, illud invenitur secundum propriam rationem in uno eorum tantum, a quo alia denominantur; sicut sanum dicitur de animali, & urina, & medicina, non quod sanitas sit nisi in animali tantum, sed a sanitate animalis denominatur medicina sana, inquantum est illius sanitatis effectiva, & urina, inquantum est illius sanitatis significativa. Et quavis sanitas non sit in medicina, neque in urina; tamen in utroque est aliquid per quod illud quidem facit, istud autem significat sanitatem. Dicitur veritas autem (art. 1. huius quest.) quod veritas per prius est in intellectu, & per posterius in rebus, secundum quod ordinantur ad intellectum divinum. Si ergo loquamur de veritate, prout existit in intellectu secundum propriam rationem, sic in multis intellectibus creatis sunt multæ veritates, & in

uno & eodem intellectu secundum plura cognita. Unde dicit Glossa super illud Psalm. xi. (est autem Glossa Augustini in istum Pl.) *Diminuta sunt veritates a filiis hominum*, quod „sicut ab una facie hominis resultant plures similitudines in speculo, sic ab una veritate divina resultant plures veritates.“ Si vero loquamur de veritate, secundum quod est in rebus, sic omnes sunt veræ una prima veritate, cui unumquodque assimilatur secundum suam entitatem. Et sic licet plures sint essentiae, vel formæ rerum, tamen una est veritas divini intellectus, secundum quam omnes res denominantur veræ.

Ad primum ergo dicendum, quod anima non secundum quancunque veritatem iudicat de rebus omnibus, sed secundum veritatem primam, inquantum resultat in ea sicut in speculo, secundum prima intelligibilia. Unde sequitur quod veritas prima sit maior anima: & tamen etiam veritas creata, quæ est in intellectu nostro, est maior anima non simpliciter, sed secundum quid, inquantum est perfectio eius, sicut etiam scientia posset dici maior anima. Sed verum est quod nihil subsistens est maius mente rationali nisi Deus.

Ad secundum dicendum, quod dictum Anselmi veritatem habet, secundum quod res dicuntur veræ per comparisonem ad intellectum divinum.

ARTICULUS VII. 105

Utrum veritas creata sit æterna.

1. dist. xix. quest. v. art. 3. & ver.
quest. 1. art. 5.

AD septimum sic proceditur. Videtur quod veritas creata sit æterna. Dicit enim Augustinus in Lib. II. de lib. arbitri. (cap. 8.) quod *nihil est magis æternum quam ratio circularis, & duo & tria esse quinque*. Sed horum veritas est veritas creata. Ergo veritas creata est æterna.

2. Præterea. Omne quod est semper, est æternum. Sed universalis sunt ubique, & semper. Ergo sunt æterna: ergo & verum, quod est maxime universale.

3. Præterea. Id quod est verum in præsentī, semper fuit verum esse futurum. Sed sicut veritas propositionis de præsentī est veritas creata, ita veritas pro-

propositionis de futuro. Ergo aliqua veritas creata est æterna.

4. Præterea. Omne quod caret principio, & fine, est æternum. Sed veritas enuntiabilem caret principio, & fine: quia si veritas inceptit, cum ante non esset, verum erat veritatem non esse, & utique aliqua veritate verum erat; & sic veritas erat, antequam inciperet. Et similiter si ponatur, veritatem habere finem, sequitur quod sit, postquam desinit: verum enim erit veritatem non esse. Ergo veritas est æterna.

Sed contra est quod solus Deus est æternus, ut supra habitum est (quaest. x. art. 3.)

Respondetur dicendum, quod veritas enuntiabilem non est aliud quam veritas intellectus. Enuntiabile enim est in intellectu, & est in voce. Secundum autem quod est in intellectu, habet per se veritatem; sed secundum quod est in voce, dicitur verum enuntiabile, secundum quod significat aliquam veritatem intellectus, non propter aliquam veritatem in enuntiabili existentem sicut in subiecto; sicut urina dicitur sana non a sanitate quæ in ipsa sit, sed a sanitate animalis, quam significat. Similiter etiam supra dictum est (art. 1. huius quaest.) quod res denominantur veræ a veritate intellectus. Unde si nullus intellectus esset æternus, nulla veritas esset æterna. Sed quia solus intellectus divinus est æternus, in ipso solo veritas æternitatem habet. Nec propter hoc sequitur quod aliquid aliud sit æternum quam Deus, quia veritas intellectus divini est ipse Deus, ut supra ostensum est (art. 5. huius quaest.).

Ad primum ergo dicendum, quod ratio circuli, & duo & tria esse quinque, habent æternitatem in mente divina.

Ad secundum dicendum, quod aliquid esse semper, & ubique, potest intelligi dupliciter. Uno modo quia habet in se unde se extendat ad omne tempus, & ad omnem locum, sicut Deo competit esse ubique, & semper. Alio modo quia non habet in se quod determinetur ad aliquem locum, vel tempus; sicut materia prima dicitur esse una, non quia habet unam formam, sicut homo est unus ab unitate unius formæ, sed per remotionem omnium formarum distinguendum. Et per hunc modum quodlibet universale dicitur esse ubique, & semper, inquantum universalis abstrahuntur ab hic & nunc. Sed ex hoc non sequitur ea

esse æterna nisi in intellectu, si quis sit æternus.

Ad tertium dicendum, quod illud quod nunc est, ex eo futurum fuit, antequam esset, quia in causa sua erat ut fieret. Unde, sublata causa, non esset futurum illud fieri. Sola autem causa prima est æterna. Unde ex hoc non sequitur quod ea quæ sunt, semper fuerint verum esse futura, nisi quatenus in causa sempiterna fuit ut essent futura: quæ quidem causa solus Deus est.

Ad quartum dicendum, quod quia intellectus noster non est æternus, nec veritas enuntiabilem quæ a nobis formatur, est æterna, sed quandoque inceptit: & antequam huiusmodi veritas esset, non erat verum dicere, veritatem talem esse, nisi ab intellectu divino, in quo solum veritas est æterna; sed nunc verum est dicere, veritatem tunc non fuisse. Quod quidem non est verum, nisi veritate quæ nunc est in intellectu nostro, non autem per aliquam veritatem ex parte rei, quia ista est veritas de non ente. Nouens autem non habet ex se ut sit verum, sed solummodo ex intellectu apprehendente ipsum. Unde inquantum est verum dicere, veritatem non fuisse, inquantum apprehendimus non esse ipsum ut præcedens esse eius.

ARTICULUS VIII. 106

Utrum veritas sit immutabilis.

1. dist. XIX. quaest. 1. art. 3. & ver. quaest. 1. art. 6.

AD octavum sic proceditur. Videtur quod veritas sit immutabilis. Dicit enim Augustinus in Lib. II. de libero arbitrio. (cap. XII. non procul a fine, & de vera Religione cap. xxx.) quod *veritas non est equalis menti, quia esset mutabilis, sicut & mens.*

2. Præterea. Id quod remanet post omnem mutationem, est immutabile; sicut prima materia est ingenta, & incorruptibilis, quia remanet post omnem generationem, & corruptionem. Sed veritas remanet post omnem mutationem, quia post omnem mutationem verum est dicere esse, vel non esse. Ergo veritas est immutabilis.

3. Præterea. Si veritas enuntiationis mutatur, maxime mutatur ad mutationem rei. Sed sic non mutatur: veritas enim secundum Anselmum (in dial. de veritate cap. v.) est *resistit quædam*, inquantum aliquid implet id quod est.

est de ipso in mente divina. Hæc autem propositio, Socrates sedet, accipit a mente divina ut significet Socratem sedere; quod significat etiam, eo non sedente. Ergo veritas propositionis nullo modo mutatur.

4. Præterea. Ubi est eadem causa, est idem effectus. Sed eadem res est causa veritatis harum trium propositionum. Socrates sedet, sedebat, & sedit. Ergo eadem est harum veritas. Sed oportet quod alterum horum sit verum. Ergo veritas harum propositionum immutabiliter manet, & eadem ratione cuiuslibet alterius propositionis.

Sed contra est quod dicitur in Psal. xxi. 3. *Divinita sunt veritates a filiis hominum.*

Respondendo dicendum, quod, sicut supra dictum est (art. i. huius quæst.) veritas proprie est in solo intellectu: res autem dicuntur veræ a veritate quæ est in aliquo intellectu. Unde mutabilitas veritatis consideranda est circa intellectum. Cuius quidem veritas in hoc consistit quod habeat conformitatem ad res intellectas. Quæ quidem conformitas variari potest dupliciter, sicut & quælibet alia similitudo ex mutatione alterius extremi. Unde uno modo variatur veritas ex parte intellectus ex eo quod de re eodem modo se habente aliquis aliam opinionem accipit. Alio modo, si opinio eadem manente, res mutetur. Et utroque modo fit mutatio de vero in falsum. Si ergo sit aliquis intellectus in quo non possit esse alternatio opinionum, vel cuius acceptionem non potest subterfugere res aliqua, in eo est immutabilis veritas. Talis autem est intellectus divinus, ut ex superioribus patet (quæst. xiv. art. 13.) Unde veritas divini intellectus est immutabilis; veritas autem intellectus nostri mutabilis est, non quod ipsa sit subiectum mutationis, sed in quantum intellectus noster mutatur de veritate in falsitatem: sic enim formæ mutabiles dici possunt. Veritas autem intellectus divini est, secundum quam res naturales dicuntur veræ, quæ est omnino immutabilis.

Ad primum ergo dicendum, quod Augustinus loquitur de veritate divina.

Ad secundum dicendum, quod verum, & ens sunt convertibilia. Unde sicut ens non generatur, neque corrumpitur per se, sed per accedens, in quantum hoc vel illud ens corrumpitur, vel generatur, ut dicitur in I. Phys. (tex. 76.) ita veritas mutatur, non quod nulla veritas remaneat, sed quia non remanet illa veritas quæ prius erat.

Ad tertium dicendum, quod propositio non solum habet veritatem, sicut res aliæ veritatem habere dicuntur, in quantum implent id quod de eis est ordinatum ab intellectu divino; sed dicitur habere veritatem quodam speciali modo, in quantum significat veritatem intellectus: quæ quidem consistit in conformitate intellectus, & rei: qua quidem subtrahitur mutatur veritas opinionis, & per consequens veritas propositionis. Sicigitur hæc propositio, Socrates sedet, eo sedente, vera est & veritate rei, in quantum est quædam vox significativa, & veritate significationis, in quantum significat opinionem veram; Socrate vero surgente, remanet prima veritas, sed mutatur secunda.

Ad quartum dicendum, quod sessio Socratis, quæ est causa veritatis huius propositionis, Socrates sedet, non eodem modo se habet, dum Socrates sedet, & postquam sederit, & antequam sederet. Unde & veritas ab hoc causata diversimode se habet, & diversimode significatur propositionibus de præsentī, præterito, & futuro. Unde non sequitur quod licet altera trium propositionum sit vera, quod eadem veritas invariabilis maneat.

QUAESTIO XVII.

De falsitate,

in quatuor articulos divisa.

DEinde quæritur de falsitate: & circa hoc quærantur quatuor. Primo, utrum falsitas sit in rebus. Secundo, utrum sit in sensu. Terrio, utrum sit in intellectu. Quarto, de oppositione veri, & falsi.

ARTICULUS I. 107

Utrum falsitas sit in rebus.

Sup. quæst. xvi. art. 3. & 2. & I. dist. xix. quæst. v. art. 1. & I. contr. cap. lx. & ver. quæst. i. art. 10. & Perib. lect. 3.

AD primum sic proceditur. Videtur quod falsitas non sit in rebus. Dicit enim Augustinus in Lib. II. Soliloq. (cap. viii. in fin.) *Si verum est id quod est, falsum non esse uspiam, concludetur quovis repugnante.*

2. Præ-

2. Præterea. Falsum dicitur a fallendo. Sed res non fallunt, ut dicit Augustinus in Lib. de vera Relig. (cap. xxxiii. a. med.) quia non ostendunt aliud quam suam speciem. Ergo falsum in rebus non invenitur.

3. Præterea. Verum dicitur in rebus per comparationem ad intellectum divinum, ut supra dictum est (quæst. xvi. art. 1.) (a) in quantum imitatur ipsum. Sed quælibet res, in quantum est, imitatur Deum. Ergo quælibet res vera est absque falsitate: & sic nulla res est falsa.

Sed contra est quod dicit Augustinus in Lib. de vera Relig. (cap. xxxiv. cir. prin.) quod *omne corpus est verum corpus, & falsa unitas: quia imitatur unitatem, & non esse unitas*. Sed quælibet res imitatur divinam unitatem, & ab ea deficit. Ergo in omnibus rebus est falsitas.

Respondendo dicendum, quod cum verum & falsum opponantur; opposita autem sint circa idem; necesse est ut ibi prius quærat falsitas ubi primo veritas invenitur, hoc est in intellectu. In rebus autem neque veritas, neque falsitas est nisi per ordinem ad intellectum. Et quia unumquodque secundum id quod convenit ei per se, simpliciter nominatur, secundum autem id quod convenit ei per accidens, non nominatur nisi secundum quid: res quidem simpliciter falsa dici posset per comparationem ad intellectum, a quo dependet, cui comparatur per se; in ordine autem ad alium intellectum cui comparatur per accidens, non posset dici falsa nisi secundum quid. Dependens autem ab intellectu divino res naturales, sicut ab intellectu humano res artificiales. Dicuntur igitur res artificiales falsæ simpliciter & secundum se, in quantum deficient a forma artis: unde dicitur aliquis artifex opus falsum facere, quando deficit ab operatione artis.

Sic autem in rebus dependentibus a Deo falsitas inveniri non potest per comparationem ad intellectum divinum; cum quicquid in rebus accidit, ex ordinatione divini intellectus procedat; nisi forte in voluntariis agentibus tantum, in quorum potestate est subducere se ab ordinatione divini intellectus, in quo malum culpæ consistit, secundum quod ipsa peccata falsitates, & mendacia dicuntur in Scripturis, secundum illud Psal. iv. 3. *Ut quid diligitis vanitatem, & quaritis*

mendacium? sicut per oppositum operatio virtuosa veritas vitæ nominatur, in quantum subditur ordini divini intellectus, sicut dicitur Ioan. iii. 21. *Qui facit veritatem, venit ad lucem*.

Sed per ordinem ad intellectum nostrum, ad quem comparantur res naturales per accidens, possunt dici falsæ, non simpliciter, sed secundum quid; & hoc dupliciter. Uno modo secundum rationem significati, ut dicatur illud esse falsum in rebus quod significatur, vel representatur oratione, vel intellectu falso: secundum quem modum quælibet res potest dici esse falsa quantum ad id quod ei non inest; sicut si dicamus, diametrum esse falsum commensurabile, ut dicit Philosophus in V. Metaph. (tex. 34.) & sicut dicit Augustinus in Lib. II. Soliloquior. (cap. x.) quod *tragedus est falsus Hector*; sicut e contrario potest unumquodque dici verum secundum id quod competit ei. Alio modo per modum causæ, & sic dicitur res esse falsa, quæ nata est facere de se opinionem falsam. Et quia innatum est nobis per ea quæ exterius apparent, de rebus iudicare, eo quod nostra cognitio a sensu ortum habet, qui primo & per se est exteriorum accidentium; ideo ea quæ in exterioribus accidentibus habent similitudinem aliarum rerum, dicuntur esse falsæ secundum illas res; sicut sel est falsum mel, & stannum est falsum argentum. Et secundum hoc dicit Augustinus in Lib. II. Soliloq. (cap. vi. in fin.) quod *eas res esse falsas nominamus, quæ verisimilia apprehendimus*. Et Philosophus dicit in V. Metaphys. (tex. 34.) quod falsa dicuntur quæcumque apta nata sunt apparere aut qualia non sunt, aut quæ non sunt. Et per hunc modum etiam dicitur homo falsus, in quantum est amativus falsarum opinionum, vel locutionum; non autem ex hoc quod potest eas confingere; quia sic etiam sapientes, & scientes falsi dicentur, ut dicitur in V. Met. (loco proxime cit.)

Ad primum ergo dicendum, quod res comparata ad intellectum, secundum id quod est, dicitur vera; secundum id quod non est, dicitur falsa. Unde *verus tragedus est falsus Hector*, ut dicitur in II. Solil. (loco in corp. cit.) Sicut igitur in his quæ sunt, invenitur quoddam non esse, ita in his quæ sunt, invenitur quoddam ratio falsitatis.

Ad secundum dicendum, quod res per se

(a) Ita add. Alcan. Colon. & Camer. Editores quas vidimus, omittunt in quantum imitatur ipsum. Forte imitantur.

se non fallunt, sed per accidens. Dant enim occasionem falsitatis, eo quod similitudinem eorum gerunt quorum non habent existentiam.

Ad tertium dicendum, quod per comparationem ad intellectum divinum non dicuntur res falsæ, quod esset eas esse falsas simpliciter; sed per comparationem ad intellectum nostrum, quod est eas esse falsas secundum quid.

Ad quartum, quod in oppositum obicitur, dicendum, quod similitudo, vel representatio deficiens non inducit rationem falsitatis, nisi inquantum præstat occasionem falsæ opinionis. Unde non ubicumque est similitudo, dicitur res falsa; sed ubicumque est talis similitudo, quæ nata est facere opinionem falsam, non ubicumque, sed ut in pluribus.

ARTICULUS II. 108

Utrum in sensu sit falsitas.

Per. quest. 1. art. 10. & Periberm. 1. 3.

AD secundum sic proceditur. Videtur quod in sensu non sit falsitas. Dicit enim Augustinus in Lib. de vera relig. (cap. xxxiii. circa med.) *Si omnes corporis sensus ita nuntiant ut afficiuntur, quid ab his amplius exigere debeamus, ignoro.* Et sic videtur quod ex sensibus non fallimur; & sic falsitas in sensu non est.

2. Præterea. Philosophus dicit in IV. Metaphys. (tex. 24.) quod falsitas non est propria sensui, sed phantasæ.

3. Præterea. In incomplexis non est verum, nec falsum, sed solum in complexis. Sed componere, & dividere non pertinet ad sensum. Ergo in sensu non est falsitas.

Sed contra est quod dicit Augustinus in Lib. II. Soliloq. (cap. vi. in fin.) *Apparet nos in omnibus sensibus similitudine leuocinante falli.*

Respondeo dicendum, quod falsitas non est querenda in sensu, nisi sicuti ibi est veritas. Veritas autem non sic est in sensu, ut sensus cognoscat veritatem, sed inquantum veram apprehensionem habet de sensibilibus, ut supra dictum est (quest. xvi. art. 2.) Quod quidem contingit, eo quod apprehendit res ut sunt. Unde contingit falsitatem esse in sensu ex hoc quod apprehendit, vel iudicat res aliter quam sunt.

Sic autem se habet ad cognoscendum res, inquantum similitudo rerum est in sensu. Similitudo autem alicuius rei est

S. Tb. Oper. Tom. XX.

(a) Ita pluri edidit; in cod. Alcan. aliiq.ue dicit omnium.

in sensu tripliciter. Uno modo primo, & per se; sicut in visu est similitudo colorum, & aliorum propriorum sensibilibus. Alio modo per se, sed non primo; sicut in visu est similitudo figuræ, vel magnitudinis, & aliorum communium sensibilibus (a) omnium. Tertio modo nec primo, nec per se, sed per accidens; sicut in visu est similitudo hominis, non inquantum est homo, sed inquantum huic colorato accidit esse hominem.

Et circa propria sensibilia sensus non habet falsam cognitionem, nisi per accidens, & in paucioribus, ex eo scilicet quod propter indispositionem organi non convenienter recipit formam sensibilem; sicut & alia passiva propter suam indispositionem deficienter recipiunt impressionem agentium: & inde est quod propter corruptionem linguæ infirmis dulcia amara esse videntur. De sensibilibus vero communibus, & per accidens potest esse falsum iudicium etiam in sensu recte disposito: quia sensus non directe refertur ad illa, sed per accidens, vel ex consequenti, inquantum refertur ad alia.

Ad primum ergo dicendum, quod sensum affici est ipsum eius sentire. Unde per hoc quod sensus ita nuntiant, sicut afficiuntur, sequitur quod non decipiatur in iudicio, quod iudicamus nos sentire aliquid; sed ex eo quod sensus aliter afficitur interdum quam res sit, sequitur quod nuntiet nobis aliquando rem aliter quam sit: & ex hoc fallimur per sensum circa rem, non circa ipsum sentire.

Ad secundum dicendum, quod falsitas dicitur non esse propria sensui, quia non decipitur circa proprium obiectum. Unde in alia translatione planius dicitur, quod *sensus proprii sensibilibus falsus non est*. Phantasæ autem attribuitur falsitas, quia representat similitudinem rei etiam absens. Unde quando aliquis convertitur ad similitudinem rei tamquam ad rem ipsam, provenit ex tali apprehensione falsitas: unde etiam Philosophus in V. Metaph. (tex. 34.) dicit, quod umbræ, & picturæ, & somnia dicuntur falsa, inquantum non subsunt res quarum habent similitudinem.

Ad tertium dicendum, quod ratio illa procedit, quod falsitas non sit in sensu sicut in agnoscendo verum, & falsum.

L

AR-

ARTICULUS III. 109

Utrum falsitas sit in intellectu.

Ver. quæst. 1. ar. 12. & 1. dis. XIX. quæst. v. art. 17. & III. cont. cap. CVIII. §. 4.

AD tertium sic proceditur. Videtur quod falsitas non sit in intellectu. Dicit enim Augustinus in Libr. lxxxiii. Qq. (quæst. xxxii. in pr.) *Omni qui fallitur, id quo fallitur, non intelligit.* Sed falsum dicitur esse in aliqua cognitione, secundum quod per eam fallimur. Ergo in intellectu non est falsitas.

2. Præterea. Philosophus dicit in III. de Anima (tex. 5r.) quod intellectus semper est rectus. Non ergo in intellectu est falsitas.

Sed contra est quod dicitur in III. de Anima (tex. 21. & 22.) quod *ubi compositio intellectuum est, ibi verum, & falsum est.* Sed compositio intellectuum est in intellectu. Ergo verum, & falsum est in intellectu.

Respondendo dicendum, quod sicut res habet esse per propriam formam, ita virtus cognoscitiva habet cognoscere per similitudinem rei cognite. Unde sicut res naturalis non deicit ab esse, quod sibi competit secundum suam formam, potest autem deficere ab aliquibus accidentalibus, vel consequentibus; sicut homo ab hoc quod est habere duos pedes, non autem ab hoc quod est esse hominem: ita virtus cognoscitiva non deicit in cognoscendo respectu illius rei cuius similitudine informatur; potest autem deficere circa aliquid consequens ad ipsam, vel accidens ei; sicut est dictum (art. præc.) quod visus non decipitur circa sensibile proprium, sed circa sensibilia communia, quæ consequenter se habent ad illud, & circa sensibilia per accidens. Sicut autem sensus informatur directe similitudine propriorum sensibilibus, ita intellectus informatur similitudine quidditatis rei. Unde circa quod quid est intellectus non decipitur, sicut neque sensus circa sensibilia propria. In componendo vero, vel dividendo potest decipi, dum attribuit rei, cuius quidditatem intelligit, aliquid quod eam non consequitur, vel quod ei opponitur. Sic enim se habet intellectus ad iudicandum de huiusmodi, sicut sensus ad iudicandum de sensibilibus communibus, vel per accidens.

Hac tamen differentia servata, quæ supra circa veritatem dicta est (quæst.

xvi. art. 2.) quod falsitas in intellectu esse potest, non solum quia cognitio intellectus falsa est, sed quia intellectus eam cognoscit, sicut & veritatem; in sensu autem falsitas non est ut cognita, ut dictum est (art. præc.)

Quia vero falsitas intellectus per se solum circa compositionem intellectus est, per accidens etiam in operatione intellectus, qua cognoscit quod quid est, potest esse falsitas, inquantum ibi compositio intellectus admiscetur. Quod potest esse dupliciter. Uno modo secundum quod intellectus definitionem unius attribuit alteri, ut si definitionem circuli attribuat homini: unde definitio unius rei est falsa de altera. Alio modo secundum quod partes definitionis componit ad invicem, quæ simul sociari non possunt: sic enim definitio non est solum falsa respectu alicuius rei, sed est falsa in se; ut si formet talem definitionem, Animal rationale quadrupes, falsus est intellectus sic definiendo, propterea quod falsus est in formando hanc compositionem, Aliquod animal rationale est quadrupes. Et propter hoc in cognoscendo quidditates simplices non potest esse intellectus falsus, sed vel est verus, vel totaliter nihil intelligit.

Ad primum ergo dicendum, quod quia quidditas rei est proprium obiectum intellectus, propter hoc tunc proprie dicimur aliquid intelligere quando reducentes illud in quod quid est, sic de eo indicamus; sicut accidit in demonstrationibus, in quibus non est falsitas. Et hoc modo intelligitur verbum Augustini (loco cit. in 1. argum.) quod *omni qui fallitur, non intelligit id in quo fallitur*; non autem ita quod in nulla operatione intellectus aliquis fallatur.

Ad secundum dicendum, quod intellectus semper est rectus, secundum quod intellectus est principiorum, circa quæ non decipitur ex eadem causa qua non decipitur circa quod quid est. Nam principia per se nota sunt illa quæ statim intellectus terminis cognoscuntur ex eo quod prædicatum ponitur in definitione subiecti.

ARTICULUS IV. 110

*Utrum verum, & falsum sint contraria.*I. 2. *quæst. lxxiv. art. 3. & I. dist. ix. quæst. 5. art. 1. & ver. quæst. 1. art. 10.*

Ad quantum sic proceditur. Videtur quod verum, & falsum non sint contraria. Verum enim, & falsum opponuntur, sicut quod est, & quod non est: nam verum est id quod est, ut dicit Augustinus (Lib. II. Solil. cap. v. in fine). Sed quod est, & quod non est, non opponuntur ut contraria. Ergo verum, & falsum non sunt contraria.

2. Præterea. Unum contrarium non est in alio. Sed falsum est in vero: quia, sicut dicit Augustinus in Lib. II. Soliloq. (cap. x.) *Tragædus non esset falsus si non esset verus tragædus*. Ergo verum, & falsum non sunt contraria.

3. Præterea. In Deo non est contrarietas aliqua. *Nihil enim divina substantia est contrarium*, ut dicit Augustinus XII. de civit. Dei (cap. 11: circa fin.). Sed Deo opponitur falsitas: nam idolum in Scriptura mendacium nominatur Ierem. viii. 8. *Apprehenderunt mendacium*: Glossa (Hieronym. in hunc locum), *id est idola*. Ergo verum, & falsum non sunt contraria.

Sed contra est quod dicit Philosophus in II. Periher. (cap. ult.) ponit enim falsam opinionem veræ contrariam.

Respondendo dicendum, quod verum, & falsum opponuntur ut contraria, & non sicut affirmatio, & negatio, ut quidam dixerunt.

Ad cuius evidentiam sciendum est, quod negatio neque ponit aliquid, neque determinat sibi aliquid subiectum: & propter hoc potest dici tam de ente, quam de non ente; sicut non videns, & non sedens. Privatio autem non ponit aliquid, sed determinat sibi subiectum: est enim *negatio in subiecto*, ut dicitur IV. Metaphys. (tex. 4. & Lib. V. tex. 27.) cæcum enim non dicitur nisi de eo quod est natum videre. Contrarium vero & aliquid ponit, & subiectum determinat, nigrum enim est aliqua species coloris. Falsum autem aliquid ponit: est enim falsum, ut dicit Philosophus IV. Metaphys. (tex. 27.) ex eo quod dicitur, vel videtur aliquid esse quod non est, vel non esse quod est. Sicut enim verum ponit acceptionem adæquatam rei, ita falsum acceptionem rei non adæquatam. Unde manifestum est

quod verum, & falsum sunt contraria.

Ad primum ergo dicendum, quod id quod est in rebus, est veritas rei; sed id quod est ut apprehensum, est verum intellectus, in quo primo est veritas. Unde & falsum est id quod non est, ut apprehensum. Apprehendere autem esse, & non esse, contrarietatem habet, sicut probat Philosophus in II. Periher. (cap. ult.) quod huic opinioni, Bonum est bonum, contraria est, Bonum non est bonum.

Ad secundum dicendum, quod falsum non fundatur in vero sibi contrario, sicut nec malum in bono sibi contrario, sed in eo quod sibi subicitur. Et hoc ideo in utroque accidit, quia verum, & bonum contraria sunt falso, & malo, & convertuntur cum ente. Unde sicut omnis privatio fundatur in subiecto, quod est ens; ita omne malum fundatur in aliquo bono, & omne falsum in aliquo vero.

Ad tertium dicendum, quod quia contraria, & opposita privative nata sunt fieri circa idem, ideo Deo, prout in se consideratur, non est aliquid contrarium neque ratione suæ bonitatis, neque ratione suæ veritatis, quia in intellectu eius non potest esse falsitas aliqua; sed in apprehensione nostra habet aliquid contrarium, nam veræ opinioni de ipso contrariatur falsa opinio. Et sic idola mendacia dicuntur opposita veritati divinæ, in quantum falsa opinio de idolis contrariatur veræ opinioni de unitate Dei.

QUAESTIO XVIII. 111

*De vita Dei,**in quatuor articulos divisa.*

Quoniam autem intelligere viventium est, post considerationem de scientia, & intellectu divino considerandum est de vita ipsius: & circa hoc quaeruntur quatuor.

Primo, quorum sit vivere.

Secundo, quid sit vita.

Tertio, utrum vita Deo conveniat.

Quarto, utrum omnia in Deo sint vita.

ARTICULUS I. 111

*Utrum omnium naturalium rerum sit vivere.**I. cont. cap. xcvi.*

Ad primum sic proceditur. Videtur quod omnium rerum naturalium sit

L. 2. vi.

vivere. Dicit enim Philosophus in VIII. Physicorum (tex. 1.) quod motus est ut vita quaedam natura existentibus omnibus. Sed omnes res naturales participant motum. Ergo omnes res naturales participant vitam.

2. Præterea. Plantæ dicuntur vivere, inquantum habent in se ipsis principium motus augmenti, & decrementi. Sed motus localis est perfectior, & prior secundum naturam quam motus augmenti, & decrementi, ut probatur in VIII. Physicor. (tex. 55. & 57.) Cum igitur omnia corpora naturalia habeant aliquod principium motus localis, videtur quod omnia corpora naturalia vivant.

3. Præterea. Inter corpora naturalia imperfectiora sunt elementa. Sed eis attribuitur vita: dicuntur enim aquæ vivæ. Ergo multo magis alia corpora naturalia vitam habent.

Sed contra est quod dicit Dionysius vi. cap. de divin. Nom. (prope princ.) quod plantæ secundum ultimam resonantiam vite habent vivere: ex quo potest accipi, quod ultimum gradum vitæ obtinent plantæ. Sed corpora inanimata sunt infra plantas. Ergo eorum non est vivere.

Respondeo dicendum, quod ex his quæ manifeste vivunt, accipere possumus, quorum sit vivere, & quorum non sit vivere. Vivere autem manifeste animalibus convenit. Dicitur enim in Libro de vegetabilibus (Aristot. in Lib. I. de plantis cap. 1. in princ.) quod vita in animalibus manifesta est. Unde secundum illud oportet distinguere viventia a non viventibus, secundum quod animalia dicuntur vivere. Hoc autem est in quo primo manifestatur vita, & in quo ultimo remanet.

Primo autem dicimus animal vivere quando incipit ex se motum habere, & tamdiu iudicatur animal vivere, quamdiu talis motus in eo appareat; quando vero iam ex se non habet aliquem motum, sed movetur tantum ab alio, tunc dicitur animal mortuum per defectum vitæ. Ex quo patet quod illa proprie sunt viventia quæ se ipsa secundum aliquam speciem motus movent; sive accipiatur motus proprie, sicut motus dicitur actus imperfecti, id est existentis in potentia; sive motus accipiatur communiter, prout motus dicitur actus perfecti, prout intelligere, & sentire dicitur moveri, ut dicitur in III. de Anima (tex. 28. & Lib. I. tex. 118.) ut sic viventia dicantur quæcumque se agunt ad motum,

vel operationem aliquam; ea vero in quorum natura non est ut se agant ad aliquem motum, vel operationem, viventia dici non possunt nisi per aliquam similitudinem.

Ad primum ergo dicendum, quod verbum illud Philosophi potest intelligi vel de motu primo, scilicet corporum celestium, vel de motu communiter: & utroque modo motus dicitur quasi vita corporum naturalium per similitudinem, & non per proprietatem. Nam motus cæli est in universo corporalium naturarum sicut motus cordis in animali, quo conservatur vita. Similiter etiam quicumque motus naturalis hoc modo se habet ad res naturales ut quædam similitudo vitalis operationis. Unde si totum universum corporale esset unum animal, ita quod iste motus esset a movente intrinseco, ut quidam posuerunt, sequeretur quod motus esset vita omnium naturalium corporum.

Ad secundum dicendum, quod corporibus gravibus, & levibus non competit moveri, nisi secundum quod sunt extra dispositionem suæ naturæ, utpote cum sunt extra locum proprium: cum enim sunt in loco proprio, & naturali, quiescunt. Sed plantæ, & aliæ res viventes moventur motu vitali, secundum hoc quod sunt in sua dispositione naturali, non autem in accedendo ad eam, vel in recedendo ab ea; immo secundum quod recedunt a tali motu, recedunt a naturali dispositione. Et præterea corpora gravia, & levia moventur a motore extrinseco, vel generante, quidam formam, vel removere prohibens, ut dicitur in VIII. Physicor. (tex. 32.) & ita non movent se ipsa, sicut corpora viventia.

Ad tertium dicendum, quod aquæ vivæ dicuntur quæ habent continuum fluxum. Aquæ enim stantes, quæ non continuantur ad principium continue fluens, dicuntur mortuæ, ut aquæ cisternarum, & lacunarum. Et hoc dicitur per similitudinem: inquantum enim videntur se movere, habent similitudinem vitæ; sed tamen non est in eis vera ratio vitæ, quia hunc motum non habent a se ipsis, sed a causa generante eas, sicut accidit circa motum aliorum gravium, & levium.

ARTICULUS II. 112

Utrum vita sit quaedam operatio.

1. 2. *quest.* 111. *art.* 2. 3. & *quest.* 141. *art.*
1. 2. & 2. 2. *quest.* XIX. *art.* 7. *cor.* &
1. *Met.* *com.* 5. *in princ.*

AD secundum sic proceditur. Videtur quod vita sit quaedam operatio. Nihil enim dividitur nisi per ea quae sunt sui generis. Sed vivere dividitur per operationes quasdam, ut patet per Philosophum in II. Lib. de Anima (rex. 13.) qui distinguit vivere per quatuor, scilicet alimento uti, sentire, moveri secundum locum, & intelligere. Ergo vita est operatio quaedam.

2. Præterea. Vita activa dicitur alia esse a contemplativa. Sed contemplativi ab activis non differantur nisi secundum operationes quasdam. Ergo vita est quaedam operatio.

3. Præterea. Cognoscere Deum est operatio quaedam. Hæc autem est vita, ut patet per illud Iohann. xvii. 3. *Hæc est autem vita æterna, ut cognoscant te solum verum Deum.* Ergo vita est operatio.

Sed contra est quod dicit Philosophus in II. de Anima (tex. 37.) *Vivere vivere est esse.*

Respondeo dicendum, quod, sicut ex dictis patet (quest. præced. art. 3.) intellectus noster, qui proprie est cognoscitivus quidditatis rei ut proprii obiecti, accipit a sensu, cuius propria obiecta sunt accidentia exteriora. Et inde est quod ex his quæ exterius apparent de re, devenimus ad cognoscendam essentiam rei. Et quia sic nominamus aliquid, sicut cognoscimus illud, ut ex supradictis patet (quest. xiii. art. 1.) inde est quod plerumque a proprietatibus exterioribus imponuntur nomina ad significandas essentias rerum. Unde huiusmodi nomina quandoque accipiuntur proprie pro ipsis essentis rerum, ad quas significandas principaliter sunt imposita; aliquando autem sumuntur pro proprietatibus, a quibus imponuntur; & hoc minus proprie; sicut patet quod hoc nomen *corpus* impositum est ad significandum quoddam genus substantiarum ex eo quod in eis inveniuntur tres dimensionis: & ideo aliquando ponitur hoc nomen *corpus* ad significandas tres dimensiones, secundum quod *corpus* ponitur specie quantitatibus.

Sic ergo dicendum est & de vita.

S. Tb. Oper. Tom. XX.

(4.) Ita Edit. Rom. & Nicolai; at Papay, amba conferantur.

Nam vitæ nomen sumitur ex quodam exteriori apparenti circa rem, quod est movere se ipsum: non ramen est impositum hoc nomen ad hoc significandum, sed ad significandam substantiam, cui convenit secundum suam naturam movere se ipsam, vel agere se quocunque modo ad operationem. Et secundum hoc vivere nihil aliud est quam esse in tali natura, & *vita* significat hoc ipsum, sed in abstracto; sicut hoc nomen *cursus* significat ipsum currere in abstracto. Unde vivum non est prædicatum accidentale, sed substantiale. Quandoque tamen *vita* sumitur minus proprie pro operationibus vitæ, a quibus nomen vitæ assumitur, sicut dicit Philosophus IX. Ethicorum (cap. ix.) quod vivere principaliter est sentire, vel intelligere.

Ad primum ergo dicendum, quod Philosophus ibi accipit vivere pro operatione vitæ. Vel dicendum est melius, quod sentire, & intelligere, & huiusmodi quandoque sumuntur pro quibusdam operationibus, quandoque autem pro ipso esse sic operantium. Dicitur enim IX. Ethicorum (cap. cit.) quod vivere est sentire, vel intelligere, id est habere naturam ad sentiendum, vel intelligendum; & hoc modo distinguit Philosophus vivere per illa quatuor. Nam in istis inferioribus quatuor sunt genera viventium: quorum quædam habent naturam solum ad utendum alimento, & ad consequentia, quæ sunt augmentum, & generatio: quædam ulterius ad sentiendum, ut patet in animalibus immobilibus, sicut sunt ostrea: quædam vero cum his ulterius ad movendum se secundum locum, sicut animalia perfecta, ut quadrupedia, & volatilia, & huiusmodi: quædam vero ulterius ad intelligendum, sicut homines.

Ad secundum dicendum, quod opera vitæ dicuntur quorum principia sunt in operantibus, ut se ipsos inducant in tales operationes. Contingit autem aliquorum operum inesse hominibus non solum principia naturalia, ut sunt potentæ naturales; sed etiam quædam superaddita, ut sunt habitus inclinantés ad quædam operationum genera, quasi per modum naturæ, & facientes illas operationes esse delectabiles. Et ex hoc dicitur, quasi per quamdam similitudinem, quod illa operatio, quæ est homini delectabilis, & ad quam inclinatur, & in qua (s) convertatur, &

L 3 or-

ordinat vitam suam ad ipsam, dicitur vita hominis: unde quidam dicuntur agere vitam luxuriosam, quidam vitam honestam. Et per hunc modum vita contemplativa ab activa distinguitur; & per hunc etiam modum cognoscere Deum dicitur vita æterna.

Unde patet solutio ad tertium.

ARTICULUS III. 113

Utrum Deo conveniat vita.

I. cont. cap. xcvi. xcvi. xcix. & Lib. IV. cap. xii. fin. & Joann. xiv. lect. 2. con. 2. & XII. Met. lect. 6. con. 5. fin.

AD tertium sic proceditur. Videtur quod Deo non conveniat vita. Vivere enim dicuntur aliqua, secundum quod movent se ipsa, ut dictum est (art. præc.) Sed Deo non competit moveri. Ergo neque vivere.

2. Præterea. In omnibus quæ vivunt, est accipere aliquid vivendi principium: unde dicitur in II. de Anima (tex. 36.) quod anima est vivens corporis causa, & principium. Sed Deus non habet aliquod principium. Ergo sibi non competit vivere.

3. Præterea. Principium vitæ in rebus viventibus, quæ apud nos sunt, est anima vegetabilis, quæ non est nisi in rebus corporalibus. Ergo rebus incorporeis non competit vivere.

Sed contra est quod dicitur in Psalm. lxxxiii. 3. *Cor meum, & caro mea exultaverunt in Deum vivum.*

Respondeo dicendum, quod vita maxime proprie in Deo est.

Ad cuius evidentiam considerandum est, quod cum vivere dicantur aliqua, secundum quod operantur ex se ipsis, & non quali ab aliis mota, quanto perfectius competit hoc alicui, tanto perfectius in eo invenitur vita. In viventibus autem, & motis tria per ordinem inveniuntur. Nam primo finis movet agentem; agens vero principale est quod per suam formam agit; & hoc interdum agit per aliquod instrumentum, quod non agit ex virtute suæ formæ, sed ex virtute principalis agentis; cui instrumentum competit sola executio actionis. (a) Inveniuntur igitur quædam quæ movent se ipsa, non habito respectu ad formam, vel finem, quæ

inest eis a natura, sed solum quantum ad executionem motus; sed forma, per quam agunt, & finis, propter quem agunt, determinantur eis a natura: & huiusmodi sunt plantæ, quæ secundum formam inditam eis a natura, movent se ipsas secundum augmentum, & decrementum. Quædam vero ulterius movent se ipsa, non solum habito respectu ad executionem motus, sed etiam quantum ad formam, quæ est principium motus, quam per se acquirunt: & huiusmodi sunt animalia, quorum motus principium est forma non a natura indita, sed per sensum accepta. Unde quanto perfectiorem sensum habent, tanto perfectius movent se ipsa. Nam (b) movent solum se ipsa motu dilationis, & constrictionis, ut ostrea, parum excedentia motum plantæ. Quæ vero habent virtutem sensitivam perfectam, non solum ad cognoscendum coniuncta, & tangentia, sed etiam ad cognoscendum distantia, movent se ipsa in remotum motu processivo.

Sed quamvis huiusmodi animalia formam, quæ est principium motus, per sensum accipiant, non tamen per se ipsa præstunt sibi finem suæ operationis, vel sui motus; sed est eis inditus a natura, cuius instinctu ad aliquid agendum moventur per formam sensu apprehensam. Unde supra talia animalia sunt illa quæ movent se ipsa, etiam habito respectu ad finem, quem sibi præstunt. Quod quidem non fit nisi per rationem, & intellectum, cuius est cognoscere proportionem finis, & eius quod est ad finem, & unum ordinare in alterum.

Unde perfectior modus vivendi est eorum quæ habent intellectum: hæc enim perfectius movent se ipsa: & huius est signum, quod in uno & eodem homine virtus intellectiva movet potentias sensitivas, & potentie sensitivæ per suum imperium movent organa, quæ exequantur motum. Sicut etiam in artibus videmus, quod ars ad quam pertinet usus navis, scilicet ars gubernatoria, præcipit ei quæ inducit formam navis, & hæc præcipit illi quæ habet executionem tantum in disponendo materiam. Sed quamvis intellectus noster ad aliqua se

agat,

(a) Ita omnes edd: at vid. Alcan. se. Inveniuntur ergo quædam quæ movent se ipsa solum quantum ad executionem motus; sed forma per quam agunt &c. intermedium omittit. (b) Edid. Rem. moventur solum infra se ipsa motu &c. Nostram lectionem habent eddii reliqui omnes, & M.S. Alcan.

agat, tamen aliqua sunt ei praestituta a natura, sicut sunt prima principia, circa quae non potest aliter se habere, & ultimus finis, quem non potest non velle. Unde licet quantum ad aliud moveatur se, tamen oportet quod quantum ad aliqua ab alio moveatur.

Aliud igitur cuius sua natura est ipsum eius intelligere, & cui id quod naturaliter habet, non determinatur ab alio, hoc est quod obtinet summum gradum vitae: tale autem est Deus; unde in Deo maxime est vita. Unde Philosophus in XII. Metaph. (tex. 31.) ostenso quod Deus sit intelligens, concludit, quod habeat vitam perfectissimam, & sempiternam, quia intellectus eius est perfectissimus, & semper in actu.

Ad primum ergo dicendum, quod, sicut dicitur in IX. Metaph. (tex. 16.) duplex est actio: una quae transit in exteriora: materiam, ut calefacere, & secare; alia quae manet in agente, ut intelligere, sentire, & velle: quarum haec est differentia, quia prima actio non est perfectio agentis, quod movet, sed ipsius moti; secunda autem actio est perfectio agentis. Unde quia motus est actus mobilis, secunda actio, in quantum est actus operantis, dicitur motus eius ex hac similitudine, quod sicut motus est actus mobilis, ista huiusmodi actio est actus agentis; licet motus sit actus imperfecti, scilicet existentis in potentia: huiusmodi autem actio est actus perfecti, id est existentis in actu, ut dicitur in III. de Anim. (tex. 28.) Hoc igitur modo quo intelligere est motus, id quod se intelligit, dicitur se movere: & per hunc modum etiam Plato posuit, quod Deus movet se ipsum, non eo modo quo motus est actus imperfecti.

Ad secundum dicendum, quod sicut Deus est ipsum suum esse, & suum intelligere, ita & suum vivere: & propter hoc sic vivit, quod non habet vivendi principium.

Ad tertium dicendum, quod vita in istis inferioribus recipitur in natura corruptibilis, quae indiget & generatione ad conservationem speciei, & alimento ad conservationem individui: & propter hoc in istis inferioribus non invenitur vita sine anima vegetabilis; sed hoc non habet locum in rebus incorruptibilibus.

ARTICULUS IV. 114

Utrum omnia sint vita in Deo.

I. contr. c. xlii. fin. & ver. quæst. IV. art. 8.

AD quantum sic proceditur. Videtur quod non omnia sint vita in Deo. Dicitur enim Act. xvii. 28. *In ipso vivimus, movemur, & sumus.* Sed non omnia in Deo sunt motus. Ergo non omnia in ipso sunt vita.

2. Præterea. Omnia sunt in Deo sicut in primo exemplari. Cum igitur non omnia vivant in se ipsis, videtur quod non omnia in Deo sint vita.

3. Præterea. Sicut Augustinus dicit in Lib. de vera Religione (cap. xxix. circa med.) substantia vivens est melior qualibet substantia non vivente. Si igitur ea quae in se ipsis non vivunt, in Deo sunt vita, videtur quod verius sit res in Deo quam in se ipsis: quod tamen videtur esse falsum, cum in se ipsis sint in actu, in Deo vero in potentia.

4. Præterea. Sicut sciuntur a Deo bona, & ea quae sunt secundum aliquod tempus, ita mala, & ea quae Deus potest facere, sed nunquam (a) fiunt. Si ergo omnia sunt vita in Deo, in quantum sunt scita ab ipso, videtur quod etiam (b) mala, & quae nunquam fiunt, sint vita in Deo, in quantum sunt scita ab eo: quod videtur inconvenientia.

Sed contra est quod dicitur Ioan. 1. 4. *Quod factum est, in ipso vita erat.* Sed omnia præter Deum facta sunt. Ergo omnia in Deo sunt vita.

Respondeo dicendum, quod, sicut dictum est (art. præc.) vivere Dei est eius intelligere; in Deo autem est idem intellectus, & quod intelligitur, & ipsum intelligere eius. Unde quicquid est in Deo ut intellectum, est ipsum vivere, vel vita eius. Unde cum omnia quae facta sunt a Deo, sint in ipso ut intellecta, sequitur quod omnia in ipso sunt ipsa vita divina.

Ad primum ergo dicendum, quod creaturae in Deo esse dicuntur dupliciter. Uno modo in quantum continentur, & conservantur virtute divina; sicut dicimus, ea esse in nobis quae sunt in nostra potestate; & sic creaturae dicuntur esse in Deo, etiam prout sunt in propriis naturis: & hoc modo intelligendum est verbum Apostoli dicentis: *In ipso vivimus, movemur, & sumus*: quia etiam nostrum

L 4

(a) *Al. fiunt.* (b) *Ite Codd. Alex. & Tarrac. cum plurimis edis. Al. mala quae nunquam fiunt.*

strum vivere, & nostrum esse, & nostrum moveri causantur a Deo. Alio modo dicuntur res esse in Deo sicut in cognoscente: & sic sunt in Deo per proprias rationes, quæ non sunt aliud in Deo ab essentia divina. Unde res prout sic in Deo sunt, sunt essentia divina. Et quia essentia divina est vita, non autem motus, inde est quod res hoc modo loquendi in Deo non sunt motus, sed vita.

Ad secundum dicendum, quod exemplata oportet conformari exemplari secundum rationem formæ, non autem secundum modum essendi. Nam alterius modi esse habet forma quandoque in exemplari, & in exemplo: sicut forma domus in mente artificis habet esse immateriale, & intelligibile; in domo autem, quæ est extra animam, habet esse materiale, & sensibile. Unde & rationes rerum quæ in se ipsis non vivunt, in mente divina sunt vita, quia in mente divina habent esse divinum.

Ad tertium dicendum, quod si de ratione rerum naturalium non esset materia, sed tantum forma, omnibus modis veriori modo essent res naturales in mente divina per suas ideas quam in se ipsis: propter quod & Plato posuit, quod homo separatus erat verus homo, homo autem materialis est homo per participationem. Sed quia de ratione rerum naturalium est materia, dicendum, quod res naturales verius esse habent simpliciter in mente divina, quam in se ipsis, quia in mente divina habent esse increatum, in se ipsis autem esse creatum; sed esse hoc, utpote homo, vel equus, verius habent in propria natura quam in mente divina, quia ad veritatem hominis pertinet esse materiale, quod non habent (a) in mente divina: sicut domus nobilior esse habet in mente artificis quam in materia; sed tamen verius dicitur domus quæ est in materia, quam quæ est in mente, quia (b) illa est domus in actu, hæc autem domus in potentia.

Ad quartum dicendum, quod licet naturalia in Dei scientia, inquantum sub Dei scientia comprehenduntur, non tamen sunt in Deo sicut creata a Deo, vel conservata ab ipso, neque sicut habentia rationem in Deo. Cognoscuntur enim a Deo per rationes bonorum. Unde non potest dici, quod mala sint vita in Deo. Ea vero quæ secundum nullum tempus sunt, possunt dici esse vita in

Deo, secundum quod vivere nominat intelligere tantum, inquantum intelliguntur a Deo; non autem secundum quod vivere importat principium operationis.

QUAESTIO XIX.

De voluntate Dei,

in duodecim articulis divisa.

Post considerationem eorum quæ ad divinam scientiam pertinent, considerandum est de his quæ pertinent ad voluntatem divinam; ut sit prima consideratio de ipsa Dei voluntate; secunda de his quæ ad voluntatem absolute pertinent; tertia de his quæ ad intellectum in ordine ad voluntatem pertinent.

Circa ipsam autem voluntatem quaeruntur duodecim.

Primo, utrum in Deo sit voluntas.

Secundo, utrum Deus velit alia a se.

Tercio, utrum quidquid Deus vult, ex necessitate velit.

Quarto, utrum voluntas Dei sit causa rerum.

Quinto, utrum voluntatis divinæ sit assignare aliquam causam.

Sexto, utrum voluntas divina semper impleatur.

Septimo, utrum voluntas Dei sit mutabilis.

Octavo, utrum voluntas Dei necessitate rebus volitis imponat.

Nono, utrum in Deo sit voluntas malorum.

Decimo, utrum Deus habeat liberum arbitrium.

Undecimo, utrum sit distinguenda in Deo voluntas signi.

Duodecimo, utrum convenienter circa divinam voluntatem ponantur quinque signa.

ARTICULUS I.

Utrum in Deo sit voluntas.

III. P. quæst. XVIII. art. 1. corp. & 1. dist. XLV. art. 1. & 1. cont. cap. LXXII. & LXXIII. ad 2. & Lib. IV. cap. XIX. & ver. quæst. XXIII. art. 1. & apus. 11. cap. XXXII. & XXXIV.

AD primum sic proceditur. Videtur quod in Deo non sit voluntas. Obiectum enim voluntatis est finis, & bonum. Sed Dei non est assignare aliquem finem. Ergo voluntas non est in Deo.

2. Præterea. Voluntas est appetitus quidam. Appetitus autem, cum sit rei non habitæ, imperfectionem designat, quæ

(a) *Al. habet. (b) Al. habet, & infra illa.*

quæ Deo non competit. Ergo voluntas non est in Deo.

3. Præterea. Secundum Philosophum in III. de Anima (tex. 54.) voluntas est movens motum. Sed Deus est primum movens immobile, ut probatur VIII. Physic. (tex. 49.) Ergo in Deo non est voluntas.

Sed contra est quod dicit Apostolus Rom. XII. 2. *Ut probetur, quæ sit voluntas Dei.*

Respondendo dicendum, in Deo voluntatem esse, sicut & in eo est intellectus: voluntas enim intellectum consequitur.

Sicut enim res naturalis habet esse in actu per suam formam, ita intellectus (a) est intelligens actu per suam formam intelligibilem. Quælibet autem res ad suam formam naturalem hanc habet habitudinem, ut quando non habet ipsam, tendat in eam, & quando habet ipsam, quietat in ea: & idem est de qualibet perfectione naturali, quod est bonum naturæ. Et hæc habitudo ad bonum in rebus carentibus cognitione vocatur appetitus naturalis. Unde & natura intellectualis ad bonum apprehensum per formam intelligibilem similem habitudinem habet, ut scilicet cum habet ipsum, quiescat in illo; cum vero non habet, querat ipsum: & utrumque pertinet ad voluntatem. Unde in quolibet habente intellectum est voluntas, sicut in quolibet habente sensum est appetitus animalis.

Et sic oportet in Deo esse voluntatem, cum sit in eo intellectus: & sicut suum intelligere est suum esse, ita suum velle.

Ad primum ergo dicendum, quod licet nihil aliud a Deo sit finis Dei, tamen ipsemet est finis respectu omnium quæ ab eo fiunt, & hoc per suam essentiam, cum per suam essentiam sit bonus, ut supra ostensum est (quæst. vi. art. 3.) Finis enim habet rationem boni.

Ad secundum dicendum, quod voluntas in nobis pertinet ad appetitivam partem; quæ licet ab appetendo nominetur, non tamen hunc solum habet actum, ut appetat quæ non habet; sed etiam ut amet quod habet, & delectetur in illo: & quantum ad hoc voluntas in Deo ponitur, quæ semper habet bonum, quod est eius obiectum, cum sit indifferens ab eo secundum essentiam, ut dictum est (in corp. art.)

Ad tertium dicendum, quod voluntas cuius obiectum principale est bonum,

quod est (b) extra volentem, oportet quod sit mota ab alio; sed obiectum divinæ voluntatis est bonitas ipsa, quæ est eius essentia: unde cum voluntas Dei sit eius essentia, non movetur ab alio a se, sed a se tantum, eo modo loquendi quo intelligere, & velle dicitur motus. Et secundum hoc Plato dixit, quod primum movens movet se ipsum.

ARTICULUS II. 116

Utrum Deus velit alia a se.

I. dist. xlv. art. 2. & I. cont. cap. lxxiv. lxxv. & lxxxiv. & ver. quæst. xxiii. art. 4.

Ad secundum sic proceditur. Videtur quod Deus non velit alia a se. Velle enim divinum est eius esse. Sed Deus non est aliud a se. Ergo non vult aliud a se.

2. Præterea. Volitum movet volentem, sicut appetibile appetitum, ut dicitur in III. de Anima (text. 54.) Si igitur Deus velit aliquid aliud a se, movebitur eius voluntas ab aliquo alio: quod est impossibile.

3. Præterea. Quicumque voluntati sufficit aliquid volitum, nihil querit extra illud. Sed Deo sufficit sua bonitas, & voluntas eius ex ea satiatur. Ergo Deus non vult aliquid aliud a se.

4. Præterea. Actus voluntatis multiplicatur secundum volita. Si igitur Deus velit se, & alia a se, sequitur quod actus voluntatis eius sit multiplex, & per consequens eius esse, quod est eius velle. Hoc autem est impossibile. Non ergo vult alia a se.

Sed contra est quod Apostolus dicit I. Theti. iv. 3. *Hæc est voluntas Dei, sanctificationis vestra.*

Respondendo dicendum, quod Deus non solum se vult, sed etiam alia a se; quod apparet a simili prius introducto. Res enim naturalis non solum habet naturalem inclinationem respectu proprii boni, ut acquirat ipsum, cum non habet, vel ut quietat in illo, cum habet; sed etiam ut proprium bonum in alia diffundat, secundum quod possibile est. Unde videmus quod omne agens, in quantum est actus, & perfectum, facit sibi simile. Unde & hoc pertinet ad rationem (c) voluntatis ut bonum quod quis habet, aliis communicet, secundum quod possibile est. Et hoc præcipue pertinet (d) ad voluntatem divinam, a qua per quendam

(a) Ita Nicolaus. Al. omittitur est. (b) Ita cod. Alexan. editio omnes quos vidimus exte voluntatem. (c) Al. bonitatis. (d) Al. ad bonitatem.

dam similitudinem derivatur omnis perfectio. Unde si res naturales, inquantum perfectae sunt, suum bonum aliis communicant, multo magis pertinet ad voluntatem divinam ut bonum suum aliis per similitudinem communicet, secundum quod possibile est. Sic igitur vult & se esse, & alia; sed se ut finem, alia vero ut ad finem, inquantum concedet divinam bonitatem, etiam alia ipsam participare.

Ad primum ergo dicendum, quod licet divinum velle sit eius esse secundum rem, tamen differt ratione secundum diversum modum intelligendi, & significandi, ut ex superioribus patet (quaest. xiiii. art. 4.) In hoc enim quod dico, Deum esse, non importatur habitudo ad aliquid, sicut in hoc quod dico, Deum velle. Et ideo licet non sit aliquid aliud a se, vult tamen aliquid aliud a se.

Ad secundum dicendum, quod in his quae volumus propter finem, tota ratio (a) volendi est finis; & hoc est quod movet voluntatem. Et hoc maxime apparet in his quae volumus tantum propter finem. Qui enim vult sumere potionem amaran, nihil in ea vult nisi sanitatem: & hoc solum est quod movet eius voluntatem. Secus autem est in eo qui sumit potionem dulcem, quam non solum propter sanitatem, sed etiam propter se aliquid velle potest. Unde cum Deus alia a se non velit nisi propter finem, qui est sua bonitas, ut dictum est (art. praec.) non sequitur quod aliquid aliud moveat voluntatem eius nisi bonitas sua: & sic sicut alia a se intelligit intelligendo essentiam suam, ita alia a se vult volendo bonitatem suam.

Ad tertium dicendum, quod ex hoc quod voluntati divinae sufficit sua bonitas, non sequitur quod nihil aliud velit, sed quod nihil aliud vult nisi ratione suae bonitatis. Sicut etiam intellectus divinus, licet sit perfectus ex hoc ipso quod essentiam divinam cognoscit, tamen in ea cognoscit alia.

Ad quartum dicendum, quod sicut intelligere divinum est unum, quia multa non videt nisi in uno; ita velle divinum est unum, & simplex: quia multa non vult nisi per unum, quod est bonitas sua.

ARTICULUS III. 117

Utrum quicquid Deus vult, ex necessitate velit.

I. dist. xliiii. quest. 11. per tot. & dist. xlviii. art. 1. & I. cont. cap. lxxx. lxxxii. lxxxiii. lxxxiiii. & lxxxix. fin. & Lib. II. cap. xxv. & xxvii. fin. & Lib. III. cap. xcvi. & verit. quest. xxiii. art. 4. & pot. quest. 11. art. 15.

AD tertium sic proceditur. Videtur quod quicquid Deus vult, ex necessitate velit. Omne enim aeternum est necessarium. Sed quicquid Deus vult, ab aeterno vult; alias voluntas eius esset mutabilis. Ergo quicquid vult, ex necessitate vult.

2. Praeterea. Deus vult alia a se, inquantum vult bonitatem suam. Sed Deus bonitatem suam ex necessitate vult. Ergo alia a se ex necessitate vult.

3. Praeterea. Quicquid est Deo naturale, est necessarium: quia Deus est per se necesse esse, & principium omnis necessitatis, ut supra ostensum est (quaest. 11. art. 3. in corp.) Sed naturale est ei velle quicquid vult: quia in Deo nihil potest esse praeter naturam, ut dicitur in V. Metaph. (tex. 6.) Ergo quicquid vult, ex necessitate vult.

4. Praeterea. Non necesse esse, & possibile non esse aequipollent. Si igitur non necesse est Deum velle aliquid eorum quae vult, possibile est etiam eum non velle illud, & possibile est eum velle illud quod non vult. Ergo voluntas divina est contingens ad utrumlibet, & sic imperfecta: quia omne contingens est imperfectum, & mutabile.

5. Praeterea. Ab eo quod est ad utrumlibet, non sequitur aliqua actio, nisi ab aliquo alio inclinetur ad unum, ut dicit Commentator in II. Physic. (tex. 48.) Si ergo voluntas Dei in aliquibus re habet ad utrumlibet, sequitur quod ab aliquo alio determinetur ad effectum, & sic habet aliquam causam priorem.

6. Praeterea. Quicquid Deus scit, ex necessitate scit. Sed sicut scientia divina est eius essentia, ita voluntas divina. Ergo quicquid Deus vult, ex necessitate vult.

Sed contra est quod dicit Apostolus Eph. 1. 11. *Qui operatur omnia secundum consilium voluntatis suae.* Quod autem operamur ex consilio voluntatis, non ex necessitate volumus. Non ergo quicquid Deus vult, ex necessitate vult.

Respon-

Respondeo dicendum, quod necessarium dicitur aliquid dupliciter, scilicet absolute, & ex suppositione. Necessarium absolute iudicatur aliquid ex habitudine terminorum, utpote quia praedicatum est in definitione subiecti, sicut necessarium est hominem esse animal; vel quia subiectum est de ratione praedicati, sicut hoc est necessarium, numerum esse parem, vel imparem. Sic autem non est necessarium Socratem sedere. Unde non est necessarium absolute, sed potest dici necessarium ex suppositione: supposito enim quod sedeat, necesse est eum sedere, dum sedet.

Circa divina igitur volita hoc considerandum est, quod aliquid Deum velle est necessarium absolute; non tamen hoc est verum de omnibus quae vult. Voluntas enim divina necessarium habitudinem habet ad bonitatem suam, quae est proprium eius obiectum. Unde bonitatem suam esse Deus ex necessitate vult, sicut & voluntas nostra ex necessitate vult beatitudinem; sicut & quaelibet alia potentia necessarium habitudinem habet ad proprium & principale obiectum, ut visus ad colorem, quia de sui ratione est ut in illud tendat. Alia autem a se Deus vult, inquantum ordinantur ad suam bonitatem ut in finem. Ea autem quae sunt ad finem, non ex necessitate volumus volentes finem, nisi sint talia sine quibus finis esse non potest; sicut volumus cibum, volentes conservationem vitae; & navem, volentes transiretate. Non sic autem ex necessitate volumus ea sine quibus finis esse potest, sicut equum ad ambulandum, quia sine hoc possumus ire: & eadem ratio est in aliis. Unde cum bonitas Dei sit perfecta, & esse possit sine aliis, cum nihil ei perfectionis ex aliis accrescat, sequitur quod alia a se enim velle non sit necessarium absolute, & tamen necessarium est ex suppositione. Supposito enim quod velit, non potest non velle, quia non potest voluntas eius mutari.

Ad primum ergo dicendum, quod ex hoc quod Deus vult ab aeterno quicquid vult, non sequitur quod necesse est eum illud velle, nisi ex suppositione.

Ad secundum dicendum, quod licet Deus ex necessitate velit bonitatem suam, non tamen ex necessitate vult ea quae vult propter bonitatem suam, quia bonitas eius potest esse sine aliis.

Ad tertium dicendum, quod non est naturale Deo velle aliquid aliorum quae

ex necessitate vult; neque tamen innaturale, aut contra naturam, sed est voluntarium.

Ad quartum dicendum, quod aliquando aliqua causa necessaria habet non necessarium habitudinem ad aliquem effectum, quod est propter defectum effectus, & non propter defectum causae. Sicut virtus Solis habet non necessarium habitudinem ad aliquid eorum quae contingenter hic eveniunt, non propter defectum virtutis solaris, sed propter defectum effectus non necessario ex causa provenientis. Et similiter quod Deus non ex necessitate velit aliquid eorum quae vult, non accidit ex defectu voluntatis divinae, sed ex defectu qui competit volito secundum suam rationem, quia scilicet est tale ut sine eo esse possit perfecta bonitas Dei. Qui quidem defectus consequitur omne bonum creatum.

Ad quintum dicendum, quod causa quae est ex se contingens, oportet ut determinetur ab aliquo exteriori ad effectum; sed voluntas divina, quae ex se necessitatem habet, determinat se ipsam ad volitum, ad quod habet habitudinem non necessarium.

Ad sextum dicendum, quod sicut divinum esse in se est necessarium, ita & divinum velle, & divinum scire; sed divinum scire habet necessarium habitudinem ad scita, non autem divinum velle ad volita: quod ideo est, quia scientia habetur de rebus, secundum quod sunt in sciente; voluntas autem comparatur ad res, secundum quod sunt in se ipsis. Quia igitur omnia alia habent necessarium esse, secundum quod sunt in Deo, non autem secundum quod sunt in se ipsis, habent necessitatem absolutam, ita quod sint per se ipsa necessaria: propter hoc Deus quaecumque scit, ex necessitate scit; non autem quaecumque vult, ex necessitate vult.

ARTICULUS IV. 118

Utrum voluntas Dei sit causa rerum.

I. dist. xlv. art. 3. & III. cont. cap. xcvi. & IV. cap. x. princ. & pos. quest. 111. art. 13. & Fl. l. cont. 2. & Jo. v. lect. 3.

AD quartum sic proceditur. Videtur quod voluntas Dei non sit causa rerum. Dicit enim Dionysius cap. iv. de divinis Nominibus (circa princ. lect. 1.) *Sicut noster Sol non ratiocinatur, aut praedicat, sed per ipsum esse illuminat omnia participare lumen ipsius potentia; ita & bonum di-*

divinum per ipsam essentiam omnibus existentibus immittit bonitatis divinae radios. Sed omne quod agit per voluntatem, agit ut ratiocinans, & praeiudicans. Ergo Deus non agit per voluntatem: ergo voluntas Dei non est causa rerum.

2. Præterea. Id quod est per essentiam, est primum in quolibet ordine; sicut in ordine ignitorum est primum quod est ignis per essentiam. Sed Deus est primum agens. Ergo est agens per essentiam suam, quæ est natura eius. Agit igitur per naturam, & non per voluntatem: voluntas igitur divina non est causa rerum.

3. Præterea. Quicquid est causa alicuius per hoc quod est tale, est causa per naturam, & non per voluntatem: ignis enim causa est calefactionis, quia est calidus; sed artifex est causa domus, quia vult eam facere. Sed Augustinus dicit in l. de doctrina christiana (cap. xxxi. in fin.) quod quia Deus bonus est, sumus. Ergo Deus per suam naturam est causa rerum, & non per voluntatem.

4. Præterea. Unius rei una est causa. Sed rerum creaturarum est causa scientia Dei, ut supra dictum est (quæst. xiv. art. 8.) Ergo voluntas Dei non debet poni causa rerum.

Sed contra est quod dicitur Sapient. 11.

26. Quomodo posses aliquid permanere, nisi tu voluisses?

Respondetur dicendum, quod necesse est dicere, voluntatem Dei esse causam rerum, & Deum agere per voluntatem, non per necessitatem naturæ, ut quidam existimaverunt. Quod quidem apparere potest tripliciter.

Primo quidem ex ipso ordine causarum agentium. Cum enim propter finem agat intellectus, & natura, ut probatur in II. Physicorum (tex. 49.) necesse est ut agenti per naturam prædeterminetur finis, & media necessaria ad finem ab aliquo superiori intellectu; sicut sagittæ prædeterminatur finis, & certus (a) motus a sagittante. Unde necesse est quod agens per intellectum, & voluntatem sit prius agente per naturam. Unde cum primum in ordine agentium sit Deus, necesse est quod per intellectum, & voluntatem agat.

Secundo ex ratione naturalis agentis, ad quod pertinet ut unum effectum producat: quia natura uno & eodem modo operatur, nisi impediatur; & hoc ideo quia, secundum quod est tale, agit: unde quandoque est tale, non facit nisi tale:

omne enim agens per naturam habet esse determinatum. Cum igitur esse divinum non sit determinatum, sed contineat in se totam perfectionem eliciendi, non potest esse quod agat per necessitatem naturæ, nisi forte clauderet aliquid indeterminatum, & inchoatum in efferendo: quod est impossibile, ut ex superioribus patet (quæst. vii. art. 2.) Non igitur agit per necessitatem naturæ, sed effectus determinati ab infinita ipsius perfectione procedunt secundum determinationem voluntatis, & intellectus ipsius.

Tertio ex habitudine effectuum ad causam. Secundum hoc enim effectus procedunt a causa gente, secundum quod præexistunt in ea: quia omne agens agit libi simile. Præexistunt autem effectus in causa secundum modum causæ. Unde cum esse divinum sit ipsum eius intelligere, præexistunt in eo effectus eius secundum modum intelligibilem, & per modum intelligibilem procedunt ab eo, & sic per consequens per modum voluntatis. Nam inclinatio eius ad agendum quod intellectu conceptum est, pertinet ad voluntatem. Voluntatis igitur Dei est causa rerum.

Ad primum ergo dicendum, quod Dionysius per verba illa non intendit excludere electionem a Deo simpliciter, sed secundum quid, inquantum scilicet non quibusdam solum bonitatem suam communicat, sed omnibus, prout scilicet electio discretionem quandam importat.

Ad secundum dicendum, quod quia essentia Dei est eius intelligere, & velle, ex hoc ipso quod per essentiam suam agit, sequitur quod agat per modum intellectus, & voluntatis.

Ad tertium dicendum, quod bonum est obiectum voluntatis. Pro tanto ergo dicitur, *quia Deus bonus est, sumus*, inquantum sua bonitas est ei ratio volendi omnia alia, ut supra dictum est (art. 2. in solut. ad 2. præcipue.)

Ad quartum dicendum, quod unius & eiusdem effectus etiam in nobis est causa (b) scientia ut dirigens, qua concipitur forma operis; & voluntas ut imperans: quia forma, ut est in intellectu tantum, non determinatur ad hoc quod sit, vel non sit in effectu, nisi per voluntatem. Unde intellectus speculativus nihil dicit de operando. Sed potentia est causa ut exequens, quia nominat immediatum principium operationis. Sed hæc omnia in Deo unum sunt.

A R-

(a) *Id.* modus; (b) *Id.* scientia.

ARTICULUS V. 119

Utrum voluntatis divinae sit assignare aliquam causam.

I. dist. xli. art. 3. cor. & I. cont. cap. lxxxvi. & Lib. II. cap. xxviii. & xxx. & Lib. III. cap. xcvi.

AD quintum sic proceditur. Videtur quod voluntatis divinae sit assignare aliquam causam. Dicit enim Augustinus Lib. lxxxiii. Q. (quæst. xlv. parum a med.) *Quis audeat dicere, Deum irrationabiliter omnia condidisse?* Sed agenti voluntario, quod est ratio operandi, est etiam causa volendi. Ergo voluntas Dei habet aliquam causam.

2. Præterea. In his quæ sunt a volente, qui propter nullam causam aliquid vult, non oportet aliam causam assignare nisi voluntatem volentis. Sed voluntas Dei est causa omnium rerum, ut ostensum est (art. præc.) Si igitur voluntatis eius non sit aliqua causa, non oportebit in omnibus rebus naturalibus aliam causam querere nisi solam voluntatem divinam: & sic omnes scientiæ essent supervacuae, quæ causis aliquorum effectuum assignare nituntur: quod videtur inconveniens. Est igitur assignare aliquam causam voluntatis divinæ.

3. Præterea. Quod sit a volente non propter aliquam causam, dependet ex simplici voluntate eius. Si igitur voluntas Dei non habeat aliquam causam, sequitur quod omnia quæ sunt, dependant ex simplici eius voluntate; & non habeant aliquam causam aliam: quod est inconveniens.

Sed contra est quod dicit Augustinus in Lib. lxxxiii. Q. (quæst. xxviii.) *Omnis causa efficiens maior est eo quod efficitur: nihil (a) autem maius est voluntate Dei. Non ergo causa eius querenda est.*

Respondendo dicendum, quod nullo modo voluntas Dei causam habet.

Ad cuius evidentiam considerandum est, quod cum voluntas consequatur intellectum, eodem modo contingit effectum aliquid volentis, ut velit, & aliquid intelligentis, ut intelligat. In intellectu autem sic est, quod si seorsum intelligat principium, & seorsum conclusionem, intelligentia principii est causa scientiæ

conclusionis. Sed si intellectus in ipso principio inspicere conclusionem, uno intuitu apprehendens utrumque, in eo scientia conclusionis non causaretur ab intellectu principiorum, quia idem non est causa sui ipsius; sed tamen intelligeret principia esse causas conclusionis. Similiter est ex parte voluntatis, circa quam sic se habet finis ad ea quæ sunt ad finem, sicut in intellectu principia ad conclusiones. Unde si aliquis uno actu velit finem, & alio actu ea quæ sunt ad finem, velle finem erit ei causa volendi ea quæ sunt ad finem. Sed si uno actu velit finem, & ea quæ sunt ad finem, hoc esse non poterit: quia idem non est causa sui ipsius. Et tamen erit verum dicere, quod velit ordinare ea quæ sunt ad finem, in finem. Deus autem sicut uno actu omnia in essentia sua intelligit, ita uno actu vult omnia in sua bonitate. Unde sicut in Deo intelligere causam non est causa intelligendi effectus, sed ipso intelligit effectus in causa; ita velle finem non est ei causa volendi ea quæ sunt ad finem, sed tamen vult ea quæ sunt ad finem, ordinari in finem. Vult ergo hoc esse propter hoc, sed non propter hoc vult (b) hoc.

Ad primum ergo dicendum, quod voluntas Dei rationabilis est, non quod aliquid sit Deo causa volendi, sed inquantum vult unum esse propter aliud.

Ad secundum dicendum, quod cum velit Deus effectus sic esse, ut ex causis certis proveniant, ad hoc quod servetur ordo in rebus, non est supervacuum etiam cum voluntate Dei alias causas querere. Esset tamen supervacuum, si alie causæ quærerentur ut primæ, & non dependentes a divina voluntate. Et sic loquitur Augustinus in III. de Trinit. (cap. ii. in med.) *Placuit (c) vanitati Philosophorum etiam aliis causis effectus contingentes tribuere, cum omnino videre non possent superiorem ceteris omnibus causam, id est voluntatem Dei.*

Ad tertium dicendum, quod cum Deus velit effectus esse propter causas, quicumque effectus præsupponunt aliquem alium effectum, non dependent ex sola Dei voluntate, sed ex aliquo alio; sed primi effectus ex sola divina voluntate dependent; utpote si dicamus, quod Deus vult hominem habere manus, ut deseruirent intellectui operando diversa opera; &

(a) *Al. tamen. Augustini statum sic habet: Omnis causa efficiens est. Omne autem efficiens maius est quam id quod efficitur. Nihil autem &c.* (b) *Iq. edit. omnes. Codd. Aliqui & Camer. non habent ultimum hoc.* (c) *Al. Licuit vanitati.*

& voluit cum habere intellectum ad hoc, quod esset homo; & voluit eum esse hominem, ut frueretur ipso, vel ad complementum univ. Quæ quidem non est reducere ad alios fines creatos superiores. Unde huiusmodi dependent ex simplici voluntate Dei, alia vero ex ordine etiam aliarum causarum.

ARTICULUS VI. 120

Utrum voluntas Dei semper impletur.

I. *dist. XLVII. art. 1. & 2. & III. dist. XXXI. quæst. 11. art. 3. quæst. 1. & ver. quæst. XXIII. art. 2. corp. & quolib. XI. art. 3. corp. & quolib. XII. art. 4. cor.*

AD sextum sic proceditur. Videtur quod voluntas Dei non semper impletur. Dicit enim Apostolus I. ad Timoth. II. 4. quod *Deus vult omnes homines salvos fieri, & ad agnitionem veritatis venire*. Sed hoc non ita evenit. Ergo voluntas Dei non semper impletur.

2. Præterea. Sicut se habet scientia ad verum, ita voluntas ad bonum. Sed Deus scit omne verum. Ergo vult omne bonum. Sed non omne bonum fit; multa enim bona possunt fieri, quæ non fiunt. Non ergo voluntas Dei semper impletur.

3. Præterea. Voluntas Dei, cum sit causa prima, non excludit causas medias, ut dictum est (art. præc.) Sed effectus causæ primæ potest impediri per defectum causæ secundæ; sicut effectus virtutis motivæ impeditur propter debilitatem tibiæ. Ergo & effectus divinæ voluntatis potest impediri propter defectum secundarum causarum: non ergo voluntas Dei semper impletur.

Sed contra est quod dicitur in Psalm. cxlIII. 3. *Omnia, quæcumque voluit Deus, fecit*.

Respondendo dicendum, quod necesse est voluntatem Dei semper impleri.

Ad cuius evidentiam considerandum est, quod cum effectus conformetur agenti secundum suam formam, eadem ratio est in causis agentibus quæ est in causis formalibus. In formis autem sic est quod licet aliquid possit deficere ab aliqua forma particulari, tamen a forma universali nihil deficere potest. Potest enim esse aliquid quod non est homo, vel vivum; non autem potest esse aliquid, quod non sit ens. Unde hoc idem in causis agentibus contingere oportet: potest enim aliquid fieri extra ordinem alicuius causæ particularis agentis, non autem extra ordinem alicuius causæ universalis, sub qua omnes causæ particulares comprehen-

duntur. Quod si aliqua causa particularis deficiat a suo effectu, hoc est propter aliquam aliam causam particularem impediendam, quæ continetur sub ordine causæ universalis. Unde effectus ordinem causæ universalis nullo modo potest exire. Et hoc etiam patet in corporalibus. Potest enim impediri quod aliqua stella non inducat suum effectum; sed tamen quicumque effectus ex causa corporea impediens in rebus corporalibus consequatur, oportet quod reducat per aliquas causas medias in universalem virtutem primæ cæli. Cum igitur voluntas Dei sit universalis causa omnium rerum, impossibile est quod divina voluntas suum effectum non consequatur. Unde quod recedere videtur a divina voluntate secundum unum ordinem, relabitur in ipsam secundum alium; sicut peccator, qui quantum est in se, recedit a divina voluntate peccando, incidit in ordinem divinæ voluntatis, dum per eius iustitiam puniatur.

Ad primum ergo dicendum, quod illud verbum Apostoli, quod *Deus vult omnes homines salvos fieri* &c. potest tripliciter intelligi. Uno modo, ut sit æconomica distributio secundum hunc sensum: Deus vult salvos fieri omnes homines qui salvantur, non quia nullus homo sit quem salvum fieri non velit, sed quia nullus salvus sit quem non velit salvum fieri, ut dicit Augustinus (Lib. I. de prædest. Sanct. cap. VIII. & Enchirid. cap. CIII.) Secundo potest intelligi, ut fiat distributio pro generibus singulorum, & non pro singulis generum, secundum hunc sensum: Deus vult de quolibet statu hominum salvos fieri, mares, & feminas, Iudeos, & Gentiles, parvos, & magnos; non tamen omnes de singulis statibus. Tertio secundum Damascenum (Lib. II. orthod. Fid. cap. XXIX. non multum a fin.) intelligitur de voluntate antecedente, non de voluntate consequente. Quæ quidem distinctio non accipitur ex parte ipsius voluntatis divinæ, in qua nihil est prius, vel posterius, sed ex parte volitorum.

Ad cuius intellectum considerandum est, quod unumquodque, secundum quod bonum est, sic est volitum a Deo. Aliquid autem potest esse in prima sui consideratione, secundum quod absolute consideratur, bonum, vel malum; quod tamen prout cum aliquo adiuncto consideratur, quæ est consequens consideratio eius, e contrario se habet: sicut homi-

nem

hunc vivere est bonum, & hominem occidi est malum, secundum absolutam considerationem; sed si addatur circa aliquem hominem, quod sit homicida, vel vivens in periculo multitudinis, sic bonum est eum occidi, & malum est eum vivere: unde potest dici, quod iudex iustus antecesserit vult omnem hominem vivere, sed consequenter vult homicidam suspendi. Similiter Deus antecesserit vult omnem hominem salvari, sed consequenter vult quosdam damnari secundum exigentiam suae iustitiae. Neque tamen id quod antecesserit volumus, simpliciter volumus, sed secundum quid: quia voluntas comparatur ad res, secundum quod in se ipsis sunt, in se ipsis autem sunt in particulari. Unde simpliciter volumus aliquid, secundum quod volumus illud consideratis omnibus circumstantiis particularibus: quod est consequenter velle. Unde potest dici, quod iudex iustus simpliciter vult homicidam suspendi, sed secundum quid vellet eum vivere, scilicet inquantum est homo. Unde magis potest dici velleitas quam absoluta voluntas. Et sic patet quod quicquid Deus simpliciter vult, sit, licet illud quod antecesserit vult, non fiat.

Ad secundum dicendum, quod actus cognoscitivus virtutis est secundum quod cognitum est in cognoscente; actus autem virtutis appetitivus est ordinatus ad res, secundum quod in se ipsis sunt. Quicquid autem potest habere rationem entis, & veri, totum est virtualiter in Deo, sed non totum existit in rebus creatis: & ideo Deus cognoscit omne verum, non tamen vult omne bonum, nisi inquantum vult se, in quo virtualiter omne bonum existit.

Ad tertium dicendum, quod causa prima tunc potest impediri a suo effectu per defectum causae secundae, quando non est universaliter prima, sub se omnes causas comprehendens: quia sic effectus nullo modo posset suum ordinem evadere: & sic est de voluntate Dei, ut dictum est (in corp. art.)

ARTICULUS VII. 121

Utrum voluntas Dei sit mutabilis.

Art. 1. corp. & ad 3. & 4. & 1. cont. cap. lxxxii. & II. cap. xxv. fin. & III. cap. xci. & xcvi. fin. & pot. quaest. 111. art. 7.

AD septimum sic proceditur. Videtur quod voluntas Dei sit mutabilis. Dicit enim Dominus Genes. vi. 7. *Poenitentiam egit gens illa a malo suo, & ego poenitentiam super malo quod cogitavi ut facerem ei.* Ergo Deus habet mutabilem voluntatem.

2. Praeterea. Hierem. xviii. 7. ex persona Domini dicitur: *Loquar adversus gentem, & adversus regnum, ut eradicem, & destruiam, & disperdam illud; sed si poenitentiam egerit gens illa a malo suo, & ego poenitentiam super malo quod cogitavi ut facerem ei.* Ergo Deus habet mutabilem voluntatem.

3. Praeterea. Quicquid Deus facit, voluntarie facit. Sed Deus non semper eadem facit: nam quandoque praecipit legalia observari, quandoque prohibuit. Ergo habet mutabilem voluntatem.

4. Praeterea. Deus non ex necessitate vult quod vult, ut supra dictum est (art. 3. huius quaest.) Ergo potest velle, & non velle idem. Sed omne quod habet potentiam ad opposita, est mutabile; licet quod potest esse, & non esse, est mutabile secundum substantiam; & quod potest esse hic, & non esse hic, est mutabile secundum locum. Ergo Deus est mutabilis secundum voluntatem.

Sed contra est quod dicitur Num. xxiii. 19. *Non est Deus quasi homo, ut mentiar, neque ut filius hominis, ut mutetur.*

Respondeo dicendum, quod voluntas Dei est omnino immutabilis. Sed circa hoc considerandum est, quod aliud est mutare voluntatem, & aliud est velle aliquarum rerum mutationem. Potest enim aliquis eadem voluntate immobiliter permanente velle quod nunc fiat hoc, & postea fiat contrarium. Sed tunc voluntas mutaretur, si aliquis inciperet velle quod prius non voluit, vel desineret velle quod voluit. Quod quidem accidere non potest, nisi praesupposita mutatione vel ex parte cognitionis, vel circa dispositionem substantiae ipsius (a) volentis. Cum enim voluntas sit boni, ali-

(a) Ita codd. Alcon. Camera Rom. & Turret quibus emendavit Nicolai, & Patavii editi Rom. voluntatis.

aliquis de novo dupliciter potest incipere aliquid velle. (a) Uno modo sic quod de novo incipiat sibi illud esse bonum, quod non est absque mutatione eius; sicut adveniente frigore, incipit esse bonum federe ad ignem, quod prius non erat. Alio modo sic quod de novo cognoscat illud esse sibi bonum, cum prius hoc ignorasset. Ad hoc enim consiliatur, ut sciamus quid nobis sit bonum. Ostensum est autem supra (quaest. ix. art. 1. & quaest. xiv. art. 15.) quod tam substantia Dei, quam eius scientia est omnino immutabilis. Unde oportet voluntatem eius omnino esse immutabilem.

Ad primum ergo dicendum, quod illud verbum Domini metaphorice intelligendum est secundum similitudinem nostram. Cum enim nos poenitet, destruimus quod fecimus; quamvis hoc esse possit absque mutatione voluntatis; cum etiam aliquis homo absque mutatione voluntatis interdum velit aliquid facere, simul intendens postea illud destruere. Sic igitur Deus poenituisse dicitur secundum similitudinem operationis, in quantum hominem, quem fecerat, per diluvium a facie terrae delevit.

Ad secundum dicendum, quod voluntas Dei, cum sit causa prima, & universalis, non excludit causas medias, in quarum virtute est ut aliqui effectus producantur. Sed quia omnes causae mediae non adaequant virtutem causae primae, multa sunt in virtute, & scientia, & voluntate divina, quae non continentur sub ordine causarum inferiorum, sicut resuscitatio Lazari. Unde aliquis respiciens ad causas inferiores dicere poterat, Lazarus non resurget; respiciens vero ad causam primam divinam poterat dicere, Lazarus resurget. Et utrumque horum Deus vult, scilicet quod aliquid quandoque sit futurum secundum causam inferiorem, quod tamen futurum non sit secundum causam superiorem, vel e converso. Sic ergo dicendum est, quod Deus aliquando pronuntiat aliquid futurum, secundum quod continetur in ordine causarum inferiorum, ut puta secundum dispositionem naturae, vel meritum; quod tamen non fit, quia aliter est in causa superiori divina. Sicut cum praedixit Ezechiae: *Dispone domus tua, quia morieris, & non vires*, ut habetur Isaiae xxxviii. 1. neque tamen ita evenit, quia ab aeterno aliter fuit in-

scientia, & voluntate divina, quae immutabilis est. Propter quod dicit Gregorius (Moral. XVI. cap. v. in princ.) quod Deus (b) *immutat sententiam, non tamen mutat consilium*, scilicet voluntatis suae. Quod ergo dicit, *Poenitentiam agam & ego*, intelligitur metaphorice dictum: nam homines quando non implent quod comminati sunt, poenitere videntur.

Ad tertium dicendum, quod ex ratione illa non potest concludi, quod Deus habeat mutabilem voluntatem, sed quod mutationem velit.

Ad quartum dicendum, quod licet Deum velle aliquid non sit necessarium absolute, tamen necessarium est ex suppositione propter immutabilitatem divinae voluntatis, ut supra dictum est (art. 3. huius quaest.)

ARTICULUS VIII. 128

Utrum voluntas Dei necessitatem rebus volitis imponat.

1. 2. *quaest. x. art. 4. & I. cont. cap. lxxxv. & III. cap. lxxiii. usque lxxviii. & lxxix. fin. & I. Peribet. lect. 14.*

AD octavum sic proceditur. Videtur quod voluntas Dei rebus volitis necessitatem imponat. Dicit enim Augustinus in Enchir. (cap. ciii.) *Nullus fit saluus, nisi quem Deus voluerit salvum. Et ideo rogandus est ut velis, quia necesse est fieri, si volueris.*

2. Praeterea. Omnis causa quae non potest impediri, ex necessitate suum effectum producit: quia & natura semper idem operatur, nisi aliquid impediatur, ut dicitur in II. Physic. (tex. 84.) Sed voluntas Dei non potest impediri: dicit enim Apostolus ad Rom. ix. 19. *Voluntati enim eius quis resistit?* Ergo voluntas Dei imponit rebus volitis necessitatem.

3. Praeterea. Illud quod habet necessitatem ex priori, est necessarium absolute; sicut animal mori est necessarium, quia est ex contrariis compositum. Sed res creatae a Deo comparantur ad voluntatem divinam sicut ad aliquid prius, a quo habent necessitatem; cum haec conditionalis sit vera, Si aliquid Deus vult, illud est: omnis autem conditionalis vera est necessaria. Sequitur ergo quod omne quod Deus vult, fit necessarium absolute.

Sed contra. Omnia bona quae sunt, Deus

(a) *Cod. Alcan.* Uno modo si de novo &c. & infra. Alio modo, si de novo &c. (b) *Al. immutat rem.*

Deus vult fieri. Si igitur eius voluntas imponat rebus volitis necessitatem, sequitur quod omnia bona ex necessitate eveniant: & sic perit liberum arbitrium, & consilium, & omnia huiusmodi.

Respondendo dicendum, quod divina voluntas quibusdam volitis necessitatem imponit, non autem omnibus.

Cuius quidem rationem aliqui assignare voluerunt ex causis mediis: quia ea quæ producit per causas necessarias, sunt necessaria; ea vero quæ producit per causas contingentes, sunt contingentia. Sed hoc non videtur sufficienter dictum propter duo. Primo quidem quia effectus alicuius primæ causæ est contingens propter causam secundam ex eo quod impeditur effectus causæ primæ per defectum causæ secundæ, sicut virtus Solis per defectum plantæ impeditur. Nullus autem defectus causæ secundæ impedire potest quin voluntas Dei effectum suum producat. Secundo quia si distinctio contingentium a necessariis referatur solum in causas secundas, sequitur hoc esse præter intentionem, & voluntatem divinam: quod est inconveniens.

Et ideo melius dicendum est, quod hoc contingit propter efficaciam divinæ voluntatis. Cum enim aliqua causa efficiax fuerit ad agendum, effectus consequitur causam, non tantum secundum id quod fit, sed etiam secundum modum fieri, vel essendi. Ex debilitate enim virtutis activæ in semine contingit quod filius nascitur dissimilis patri in accidentibus quæ pertinent ad modum essendi. Cum igitur voluntas divina sit efficacissima, non solum sequitur quod fiant ea quæ Deus vult fieri, sed & quod eo modo fiant quo Deus ea fieri vult. Vult autem quædam Deus necessario, quædam contingenter, ut sit ordo in rebus ad complementum universi. Et ideo quibusdam effectibus aptavit causas necessarias, quæ decedere non possunt, ex quibus effectus de necessitate proveniunt; quibusdam effectibus aptavit causas contingentes defectibiles, ex quibus effectus contingenter proveniunt. Non igitur propterea effectus voliti a Deo eveniunt contingentes, quia causæ proximæ sunt contingentes; sed propterea quia Deus voluit eos contingenter evenire, contingentes causas ad eos præparavit.

Ad primum ergo dicendum, quod per illud verbum Augustini intelligenda est necessitas in rebus volitis a Deo non absoluta, sed conditionalis: necesse est enim hanc conditionalem veram esse:

S. Tb. Oper. Tom. XX.

Si Deus hoc vult, necesse est hoc esse.

Ad secundum dicendum, quod ex hoc ipso quod nihil voluntati divinæ resistit, sequitur quod non solum fiant ea quæ Deus vult fieri, sed quod fiant contingenter, vel necessario, quæ sic fieri vult.

Ad tertium dicendum, quod posteriora habent necessitatem a prioribus secundum modum priorum. Unde & ea quæ sunt a voluntate divina, talem necessitatem habent, qualem Deus vult ea habere, scilicet vel absolutam, vel conditionalem tantum. Et sic non omnia sunt necessaria absolute.

ARTICULUS IX. 123

Utrum voluntas Dei sit malorum.

I. dist. xlvj. art. 4. & I. com. cap. xcv. & lb. cap. xxv. fin. & po. quæst. 1. art. 6. & quol. v. quæst. 2. art. 2.

AD nonum sic proceditur. Videtur quod voluntas Dei sit malorum. Omne enim bonum quod fit, Deus vult. Sed mala fieri bonum est: dicit enim Augustinus in Enchir. (cap. xcvi. circa princip.) *Quamvis ea quæ mala sunt, in quantum mala sunt, non sunt bona; tamen ut non solum sint bona, sed etiam ut sint mala, bonum est fieri.* Ergo Deus vult mala.

2. Præterea. Dicit Dionysius iv. cap. de div. Nom. *Erit malum ad omnia, id est universi, perfectionem conferens: & Augustinus dicit in Ench. (cap. x. in fin. & xi. in princ.) Ex omnibus consilii universitatis admirabilis pulchritudo; in qua etiam illud quod malum dicitur, bene ordinatum, & loco suo positum, eminentius commendat bona, ut magis placeant, & laudabiliora sint, dum comparantur malis.* Sed Deus vult omne illud quod pertinet ad perfectionem, & decorum universi: quia hoc est quod Deus maxime vult in creaturis. Ergo Deus vult mala.

3. Præterea. Mala fieri, & non fieri sunt contradiatorie opposita. Sed Deus non vult mala non fieri: quia, cum mala quædam fiant, non semper voluntas Dei impletur. Ergo Deus vult mala fieri.

Sed contra est quod dicit Augustinus in Lib. lxxxiii. Qq. (quæst. 11.) *Nullo sapiente homine auctore sit homo deterior. Est autem Deus omni sapiente homine præstantior. Multo igitur minus Deo auctore sit aliquis deterior. Illo autem auctore sit aliquid, quod sit illo volente.* Non ergo volen-

M

lente Deo fit homo deterior. Constat autem quod quolibet malo fit aliquis deterior. Ergo Deus non vult mala.

Respondendo dicendum, quod, cum ratio boni sit ratio appetibilis, ut supra dictum est (quaest. v. art. 1.) malum autem opponatur bono; impossibile est quod aliquod malum, inquantum huiusmodi, appetatur neque appetitu naturali, neque animali, neque intellectualem, qui est voluntas. Tamen aliquod malum appetitur per accidens, inquantum consequitur ad aliquod bonum: & hoc apparet in quolibet appetitu. Non enim agens naturale intendit privationem, vel corruptionem, sed formam, cui coniungitur privatio alterius formae, & generationem unius, quae est corruptio alterius. Leo enim occidens cervum intendit cibum, cui coniungitur occisio animalis; similiter fornicator intendit delectationem, cui coniungitur deformitas culpae. Malum autem, quod coniungitur alicui bono, est privatio alterius boni. Numquam igitur appetitur malum, nec per accidens, nisi bonum cui coniungitur malum, magis appeteretur, quam bonum quod privatur per malum.

Nullum autem bonum Deus magis vult quam suam bonitatem; vult tamen aliquod bonum magis quam aliud quoddam bonum. Unde malum culpae, quod privatur ordinem ad bonum divinum, Deus nullo modo vult; sed malum naturalis defectus, vel malum poenae vult, volendo aliquod bonum, cui coniungitur tale malum: sicut volendo iustitiam vult poenam, & volendo ordinem naturae servari, vult quaedam naturaliter corruptum.

Ad primum ergo dicendum, quod quidam dixerunt, quod licet Deus non velit mala, vult tamen mala esse, vel fieri: quia licet mala non sint bona, bonum tamen est mala esse, vel fieri: quod ideo dicebant, quia ea quae in se mala sunt, ordinantur ad aliquod bonum: quem quidem ordinem importari credebant in hoc quod (a) dicitur mala esse, vel fieri. Sed hoc non recte dicitur: quia malum non ordinatur ad bonum per se, sed per accidens. Præter intentionem enim peccantis est quod ex hoc sequatur aliquod bonum; sicut præter intentionem tyrannorum fuit quod ex eorum persecutionibus claresceret patientia Martyrum. Et ideo non potest dici, quod talis ordo ad bonum importeretur per

hoc quod dicitur, quod malum esse, vel fieri sit bonum: quia nihil iudicatur secundum illud quod competit ei per accidens, sed secundum illud quod competit ei per se.

Ad secundum dicendum, quod malum non operatur ad perfectionem, & deinde universi, nisi per accidens, ut dictum est (in solut. ad arg. præced.) Unde & hoc quod dicit Dionysius, quod malum est ad universi perfectionem confensum, concludit inducendo quasi ad inconveniens.

Ad tertium dicendum, quod licet mala fieri, & mala non fieri contradictorie opponantur; tamen velle mala fieri, & velle mala non fieri non opponuntur contradictorie, cum utrumque sit affirmativum. Deus igitur neque vult mala fieri, neque vult mala non fieri, sed vult permittere mala fieri; & hoc est bonum.

ARTICULUS X. 124

Utrum Deus habeat liberum arbitrium.

II. dist. xxv. quaest. 1. art. 1. & I. cont. cap. lxxxviii. & verit. quaest. xxiv. art. 4. & mal. quaest. xvi. art. 5. cor.

AD decimum sic proceditur. Videtur quod Deus non habeat liberum arbitrium. Dicit enim Hieronymus in homilia de filio prodigo (& est epist. cxlv. ad Damasum prop. fin.) *Solus Deus est in quem peccatum non cadit, nec cadere potest; cetera, cum sint liberi arbitrii, in utramque partem stetit possunt.*

2. Præterea. Liberum arbitrium est facultas rationis, & voluntatis, qua bonum, & malum eligitur. Sed Deus non vult malum, ut dictum est (art. præc.) Ergo liberum arbitrium non est in Deo. Sed contra est quod dicit Ambrosius in Lib. II. de Fide (cap. 111. parum a med.) *Spiritus sanctus dicitur singulari, prout vult, id est libero voluntatis arbitrio; non necessitatis obsequio.*

Respondendo dicendum, quod liberum arbitrium habemus respectu eorum quae non necessario volumus, vel naturali instinctu. Non enim ad liberum arbitrium pertinet quod volumus esse felices, sed ad naturalem instinctum: unde & alia animalia, quae naturali instinctu moventur ad aliquid, non dicuntur libero arbitrio moveri. Cum igitur Deus ex necessitate suam voluntatem velit, alia vero non ex necessitate, ut supra ostensum est

(a) Ita forte omnes edit. Nicolaus; dicitur: Bonum est mala esse, vel fieri.

est (art. 3. huius quæst.) respectu illorum quæ non ex necessitate vult, liberum arbitrium habet.

Ad primum ergo dicendum, quod Hieronymus videtur excludere a Deo liberum arbitrium non simpliciter, sed solum quantum ad hoc quod est defectu in peccatum.

Ad secundum dicendum, quod cum malum culpæ dicatur per aversionem a bonitate divina, per quam Deus omnia vult, ut supra ostensum est (loc. proxime cit.) manifestum est quod impossibile est cum malum culpæ velle: & tamen ad opposita se habet, in quantum velle potest hoc esse, vel non esse: sicut & nos, non peccando, possumus velle sedere, & non velle sedere.

ARTICULUS XI. 135

Utrum sit distinguenda in Deo voluntas signi.

II. dist. xlv. art. ult. & ver. quæst. xlii. art. 3.

AD undecimum sic proceditur. Videtur quod non sit distinguenda in Deo voluntas signi. Sicut enim voluntas Dei est causa rerum, ita & scientia. Sed non assignantur aliqua signa ex parte divinæ scientiæ. Ergo neque debent assignari aliqua signa ex parte divinæ voluntatis.

2. Præterea. Omne signum quod non concordat ei cuius est signum, est falsum. Si igitur signa quæ assignantur circa voluntatem divinam, non concordant divinæ voluntati, sunt falsa; si autem concordant, superflue assignantur. Non igitur sunt aliqua signa circa voluntatem divinam assignanda.

Sed contra est quod voluntas Dei est una, cum ipsa sit Dei essentia: quandoque autem pluraliter significatur, ut cum dicitur (Psal. cx. 2.) *Magna opera Domini, ex quibus in omnes voluntates eius.* Ergo oportet quod aliquando signum voluntatis pro voluntate accipitur.

Respondendo dicendum, quod in Deo quedam dicuntur proprie, & quedam secundum metaphoram, ut ex supra dictis patet (quæst. xlii. art. 3. præcipue.) Cum autem aliquæ passionis humanæ in divinam prædicationem metaphoricè assumuntur, hoc fit secundum similitudinem effectus. Unde illud quod est signum talis passionis in nobis, in Deo nomine illius passionis metaphoricè significatur. Sicut apud nos irati punire consueverunt, unde ipsa punitio est signum iræ; & propter hoc ipsa punitio nomine iræ significatur,

cum Deo attribuitur. Similiter id quod solet esse in nobis signum voluntatis, quandoque metaphoricè in Deo voluntas dicitur; sicut cum aliquis præcipit aliquid, signum est quod velit illud fieri. Unde præceptum divinum quandoque metaphoricè voluntas Dei dicitur, secundum illud Matth. vi. 10. *Fiat voluntas tua sicut in celo, & in terra.* Sed hoc distat inter voluntatem, & iram: quia ira de Deo nunquam proprie dicitur, cum in suo principali intellectu includat passionem; voluntas autem proprie de Deo dicitur; & ideo in Deo distinguitur voluntas proprie, & metaphoricè dicta. Voluntas enim proprie dicta vocatur voluntas beneplaciti; voluntas autem metaphoricè dicta est voluntas signi, eo quod ipsum signum voluntatis voluntas dicitur.

Ad primum ergo dicendum, quod scientia non est causa eorum quæ sunt, nisi per voluntatem: non enim quæ scimus, facimus, nisi velimus; & ideo signum non attribuitur scientiæ, sicut attribuitur voluntati.

Ad secundum dicendum, quod signa voluntatis dicuntur voluntates divinæ, non quia volunt signa quod Deus velit; sed quia ea quæ in nobis solent esse signa volendi, in Deo divinæ voluntates dicuntur: sicut punitio non est signum quod in Deo sit ira, sed punitio, eo ipso quod in nobis est signum iræ, in Deo dicitur ira.

ARTICULUS XII. 136

Utrum convenienter circa divinam voluntatem ponantur quinque signa.

I. dist. xlv. art. 4. & verit. quæst. xxiii. art. 3.

AD duodecimum sic proceditur. Videtur quod inconvenienter circa divinam voluntatem ponantur quinque signa, scilicet *prohibitio, præceptum, consilium, operatio, & permissio*. Nam eadem quæ nobis præcipit Deus, vel consilium, in nobis quandoque operatur; & eadem quæ prohibet, quandoque permittit. Ergo non debent ex opposito dividi.

2. Præterea. Nihil Deus operatur nisi volens, ut dicitur Sapient. xi. Sed voluntas signi distinguitur a voluntate beneplaciti. Ergo operatio sub voluntate signi comprehendere non debet.

3. Præterea. Operatio, & permissio communiter ad omnes creaturas pertinent: quia in omnibus Deus operatur, & in omnibus aliquid fieri permittit. Sed præ-

ceptum, consilium, & prohibitio pertinent ad solam rationalem creaturam. Ergo non veniunt convenienter in unam divisionem, cum non sint unius ordinis.

4. Præterea. Malum pluribus modis contingit quam bonum: quia bonum contingit uno modo, sed malum commissarium, ut patet per Philosophum in II. Ethic. (cap. vi. a med.) & per Dionysium in iv. cap. de div. Nom. (aliquantulum a med.) Inconvenienter igitur respectu mali assignatur unum signum tantum, scilicet prohibitio; respectu vero boni duo signa, scilicet consilium, & præceptum.

Respondetur dicendum, quod huiusmodi signa voluntatis dicuntur ea quibus conluevimus demonstrare nos aliquid velle. Potest autem aliquis declarare se velle aliquid vel per se ipsum, vel per alium. Per se ipsum quidem, inquantum facit aliquid vel directe, vel indirecte & per accidens. Directe quidem, cum per se aliquid operatur; & quantum ad hoc dicitur esse signum operatio. Indirecte autem, inquantum non impedit operationem: nam removens prohibens dicitur movens per accidens, ut dicitur in VIII. Physic. (tex. 32.) Et quantum ad hoc dicitur signum permissio. Per alium autem declarat se aliquid velle, inquantum ordinat alium ad aliquid faciendum; vel necessaria inductione, quod fit præcipiendo quod quis vult, & prohibendo contrarium; vel aliqua persuasoria inductione, quod pertinet ad consilium. Quia igitur his modis declarat aliquem velle aliquid, propter hoc ista quinque nominantur interdum nomine voluntatis divinæ, tamquam signa voluntatis.

Quod enim præceptum, consilium, & prohibitio dicantur Dei voluntas, patet per id quod dicitur Matth. vi. 10. Fiat voluntas tua sicut in celo, & in terra. Quod autem permissio, vel operatio dicantur Dei voluntas, patet per Augustinum, qui dicit in Enchirid. (cap. xcv. in fin.) Nihil est, nisi omnipotens fieri velit, vel sciendo ut fiat, vel sciendo. Vel potest dici, quod permissio, & operatio referantur ad præsens; permissio quidem ad malum, operatio vero ad bonum: ad futurum vero prohibitio respectu mali; respectu vero boni necessarii præceptum; respectu vero superabundantis boni consilium.

Ad primum ergo dicendum, quod nihil prohibet circa eandem rem aliquem diversimode declarare se aliquid velle; sicut inveniuntur multa nomina idem significancia. Unde nihil prohibet idem

subiacere præcepto, & consilio, & operationi, & prohibitioni, vel permissioni.

Ad secundum dicendum, quod sicut Deus potest significari metaphorice velle id quod non vult voluntate proprie accepta; ita potest metaphorice significari velle id quod proprie vult. Unde nihil prohibet de eodem esse voluntatem beneplaciti, & voluntatem signi. Sed operatio semper est eadem cum voluntate beneplaciti, non autem præceptum, vel consilium: tum quia hæc est de præsenti, illud de futuro: tum quia hæc per se est effectus voluntatis, illud autem per alium, ut dictum est (in corp. art.)

Ad tertium dicendum, quod creatura rationalis est domina sui actus: & ideo circa ipsam specialia quedam signa divinæ voluntatis assignantur, inquantum rationalem creaturam Deus ordinat ad agendum voluntarie, & per se. Sed aliæ creaturæ non agunt nisi motæ ex operatione divina: & ideo circa alias non habent locum nisi operatio, & permissio.

Ad quartum dicendum, quod omne malum culpæ, licet multipliciter contingat, tamen in hoc convenit quod discordat a voluntate divina: & ideo unum signum respectu malorum assignatur, scilicet prohibitio. Sed diversimode bona se habent ad bonitatem divinam: quia quedam sunt sine quibus fructum divinæ bonitatis consequi non possumus; & respectu horum est præceptum: quedam vero sunt, quibus perfectius consequimur; & respectu horum est consilium. Vel dicendum, quod consilium est non solum de melioribus bonis assequendis, sed etiam de minoribus malis vitandis.

QUAESTIO XX.

De amore Dei,

in quatuor articulos divisa.

DEINDE considerandum est de his quæ absolute ad voluntatem Dei pertinent. In parte autem appetitiva inveniuntur in nobis & passionibus animæ, ut gaudium, amor, & huiusmodi; & habitus moralium virtutum, ut iustitia, fortitudo, & huiusmodi. Unde primo considerabimus de amore Dei; secundo de iustitia Dei, & misericordia eius.

Circa primum quaeruntur quatuor.

Primo, utrum in Deo sit amor.

Secundo, utrum amet omnia.

Tertio, utrum magis amet unum quam aliud.

Quarto, utrum meliora magis amet.

AR-

ARTICULUS I. 127

Utrum amor sit in Deo.

Inf. quæst. lxxxii. art. 5. ad 1. & III. dist. xxxii. art. 1. & I. con. cap. lxxxix. xc. xc1. & xcvi. & Lib. IV. cap. xix.

AD primum sic proceditur. Videtur quod amor non sit in Deo. Nulla enim passio est in Deo. Amor autem est passio. Ergo amor non est in Deo.

2. Præterea. Amor, ira, tristitia, & huiusmodi contra se dividuntur. Sed tristitia, & ira non dicuntur de Deo nisi metaphorice. Ergo nec amor.

3. Præterea. Dionysius dicit iv. cap. de div. Nom. *Amor est vis uniusque, & concurrens.* Hoc autem in Deo locum habere non potest, cum sit simplex. Ergo in Deo non est amor.

Sed contra est quod dicitur I. Ioan. ix. 16. *Deus caritas est.*

Respondendo dicendum, quod necesse est ponere amorem in Deo. Primus enim motus voluntatis, & cuiuslibet appetitivæ virtutis est amor. Cum enim actus voluntatis, & cuiuslibet appetitivæ virtutis tendat in bonum, & malum sicut in propria obiecta; bonum autem principalis & per se sit obiectum voluntatis, & appetitus; malum autem secundario, & per aliud, inquantum scilicet opponitur bono: oportet naturaliter esse priores actus voluntatis, & appetitus, qui respiciunt bonum, his qui respiciunt malum, ut gaudium quam tristitiam, & amorem quam odium. Semper enim quod est per se, prius est eo quod est per aliud.

Rursus quod est communius, naturaliter est prius: unde & intellectus per prius habet ordinem ad verum commune quam ad particularia quædam vera. Sunt autem quidam actus voluntatis, & appetitus respicientes bonum sub aliqua speciali conditione; sicut gaudium, & delectatio est de bono præfenti, & habito; desiderium autem, & spes de bono nondum adeptio. Amor autem respicit bonum in communi, sive sit habitum, sive non habitum: unde amor naturaliter est primus actus voluntatis, & appetitus: & propter hoc omnes alii motus appetitivi præsupponunt anorem quasi primam radicem: nullus enim desiderat aliquid nisi bonum amatum; neque aliquis gaudet nisi de bono amato: odium etiam non est nisi de eo quod contrariatur rei amatæ: & similiter tristitiam, & cetera huiusmodi manifestum est in amorem referri sicut in primum principium. Unde in

quocumque est voluntas, vel appetitus, oportet esse amorem. Remoto enim primo, remouetur alia. Offensum est autem (quæst. xix. ar. 1.) in Deo esse voluntatem: unde necesse est in eo ponere amorem.

Ad primum ergo dicendum, quod vis cognitiva non movet nisi mediante appetitiva; & sicut in nobis ratio universalis movet mediante ratione particulari, ut dicitur in III. de Anima (tex. 57. & 58.) ita appetitus intellectivus, qui dicitur voluntas, movet in nobis mediante appetitu sensitivo: unde proximum motivum corporis in nobis est appetitus sensitivus. Unde semper actum appetitus sensitivi concomitatur aliqua transmutatio corporis, & maxime circa cor, quod est primum principium motus in animali. Sic igitur actus appetitus sensitivi, inquantum habent transmutationem corporalem annexam, passiones dicuntur, non autem actus voluntatis. Amor igitur, & gaudium, & delectatio, secundum quod significant actus appetitus sensitivi, passiones sunt; non autem secundum quod significant actus appetitus intellectivi: & sic ponuntur in Deo. Unde dicit Philosophus in VII. Ethicor. (cap. ult. ad fin.) quod Deus una & simplici operatione gaudet: & eadem ratione sine passione amat.

Ad secundum dicendum, quod in passionibus sensitivi appetitus est considerare aliquid quasi materiale, scilicet corporalem transmutationem, & aliquid quasi formale, quod est ex parte appetitus: sicut in ira, ut dicitur in I. de Anima (tex. 15. 63. & 64.) materiale est accensio sanguinis circa cor, vel aliquid huiusmodi; formale vero appetitus vindictæ. Sed rursus ex parte eius quod est formale, in quibusdam horum designatur aliqua imperfectio; sicut in desiderio, quod est boni non habiti, & in tristitia, quæ est mali habiti: & eadem ratio est de ira, quæ tristitiam supponit. Quædam vero nullam imperfectionem designant, ut amor, & gaudium. Cum igitur nihil horum Deo conveniat secundum illud quod est materiale in eis, ut dictum est (ad præc. arg.) illa quæ imperfectionem important etiam formaliter, Deo convenire non possunt, nisi metaphorice propter similitudinem effectus, ut supra dictum est (quæst. 111. ar. 2. ad 2. & quæst. præc. art. 11.) Quæ autem imperfectionem non important, de Deo proprie dicuntur, ut amor, & gaudium; tamen sine passione, ut dictum est (in isto ar. & quæst. præc. ar. 11.)

S. Tho. Oper. Tom. XX.

M 3 Ad

Ad tertium dicendum, quod affectus amoris semper tendit in duo, scilicet in bonum quod quis vult alicui, & in eum cui vult bonum. Hoc enim est proprie amare aliquem, velle ei bonum. Unde in eo quod aliquis amat se, vult bonum sibi; & sic illud bonum quaerit sibi venire, inquantum potest. Et pro tanto dicitur amor vis unitiva etiam in Deo, sed absque compositione: quia illud bonum quod vult sibi, non est aliud quam ipse, qui est per suam essentiam bonus, ut supra ostensum est (quaest. iv. art. 1. & 3.) In hoc vero quod aliquis amat alium, vult bonum illi; & sic utitur eo tamquam se ipso, referens bonum ad illum sicut ad se ipsum. Et pro tanto dicitur amor vis concretiva, quia alium aggregat sibi, habens se ad eum sicut ad se ipsum. Et sic etiam amor divinus est vis concretiva absque compositione: quae fit in Deo, inquantum aliis bona vult.

ARTICULUS II. 128

Utrum Deus omnia amet.

1. 2. *quaest. cx. art. 1. cor. & III. dist. xxxii. art. 1. & 2. & I. con. cap. xc1. & III. cap. princ. & ver. quaest. xxviii. art. 1. cor. & vir. quaest. 11. ar. 7. ad 2.*

AD secundum sic proceditur. Videtur quod Deus non omnia amet. Quia secundum Dionysium iv. cap. div. Nom. (par. 1. vers. finem lect. 10.) amor amantem extra se ponit, & eum quodammodo in amatum transfert. Inconveniens autem est dicere, quod Deus extra se positus in alia transferatur. Ergo inconveniens est dicere, quod Deus alia se amet.

2. Praeterea. Amor Dei aeternus est. Sed ea quae sunt alia a Deo, non sunt ab aeterno nisi in Deo. Ergo Deus non amat ea nisi in se ipso. Sed secundum quod sunt in eo, non sunt aliud ab eo. Ergo Deus non amat alia a se ipso.

3. Praeterea. Duplex est amor, scilicet concupiscentiae, & amicitiae. Sed Deus creaturas irracionales non amat amore concupiscentiae, quia nullius extra se eget; nec etiam amore amicitiae, quia non potest ad res irracionales haberi, ut patet per Philosophum in VIII. Ethicorum (cap. 11.) Ergo Deus non omnia amat.

4. Praeterea. In Psal. v. 7. dicitur: *Diffili omnes qui operantur iniquitatem.* Diffili autem simul odio habetur, & amatur. Ergo Deus non omnia amat.

Sed contra est quod dicitur Sapien.

xi. 25. *Diligis omnia quae sunt, & nihil odisti eorum quae fecisti.*

Respondeo dicendum, quod Deus omnia existentia amat: nam omnia existentia, inquantum sunt, bona sunt. Ipsum enim esse cuiuslibet rei quoddam bonum est, & similiter quaelibet perfectio ipsius. Ostensum est autem supra (quaest. xix art. 4.) quod voluntas Dei est causa omnium rerum: & sic oportet quod inquantum habeat aliquid esse, aut quodcumque bonum, inquantum est volitum a Deo. Cuiuslibet igitur existentiae Deus vult aliquod bonum. Unde cum amare nihil aliud sit quam velle bonum alicui, manifestum est quod Deus omnia quae sunt, amat, non tamen eo modo sicut nos. Quia enim voluntas nostra non est causa bonitatis rerum, sed ab ea movetur sicut ab obiecto, amor nostrer, quo bonum alii volumus, non est causa bonitatis ipsius, sed e converso bonitas eius vel vera, vel aestimata provocat amorem, quo ei volumus & bonum conservari quod habet, & addi quod non habet; & ad hoc operamur. Sed amor Dei est infundens, & creans bonitatem in rebus.

Ad primum ergo dicendum, quod amans sic fit extra se, in amatum translatum, inquantum vult amato bonum, & operatur per suam providentiam, sicut & sibi. Unde dicit Dionysius iv. cap. de divin. Nomin. (loco cit. in arg. 1.) *Audendum est autem & hoc pro veritate dicere, quod & ipse omnium causa per abundantiam amat: a bonitatis extra se ipsum fit ad omnia existentia (a) providentius.*

Ad secundum dicendum, quod licet creaturae ab aeterno non fuerint nisi in Deo; tamen per hoc quod ab aeterno in Deo fuerint, ab aeterno Deus cognovit res in propriis naturis, & eadem ratione amavit, sicut & nos per similitudines rerum; quae in nobis sunt, cognoscimus res in se ipsis existentes.

Ad tertium dicendum, quod amicitia non potest haberi nisi ad rationales creaturas, in quibus contingit esse redamationem, & communicationem in operibus vitae, & quibus contingit bene evenire, vel male secundum fortunam, & felicitatem; sicut & ad eas proprie benevolentia est. Creaturae autem irracionales non possunt pertinere ad amandum Deum, neque ad communicationem intellectuales, & beatæ vitae, qua Deus

(a) *Ad providentia.*

vivit. Sic igitur Deus, proprie loquendo, non amat creaturas irracionales amore amicitiae, sed amore concupiscentiae, inquantum ordinat eas ad rationales creaturas, & etiam ad se ipsum, non quasi eis indigeat, sed propter suam bonitatem, & nostram utilitatem. Concupiscentius enim aliquid & nobis, & aliis.

Ad quartum dicendum, quod nihil prohibet unum & idem secundum aliquid amari, & secundum aliquid odio haberi. Deus autem peccatores, inquantum sunt naturae quaedam, amat: sic enim & sunt, & ab ipso sunt. Inquantum vero peccatores sunt, non sunt, sed ab esse deficient; & hoc in eis a Deo non est: unde secundum hoc ab ipso odio habentur.

ARTICULUS III. 129

Utrum Deus equaliter diligat omnia.

II. dist. xxvi. art. 1. ad 2. & III. dist. xix. art. 5. quæst. 1. & dist. xxiii. art. 4. & I. cont. cap. xci.

AD tertium sic proceditur. Videtur quod Deus equaliter diligat omnia. Dicitur enim Sapient. vi. 8. *Equaliter est ei cura de omnibus.* Sed providentia Dei, quam habet de rebus, est ex amore quo amat res. Ergo equaliter amat omnia.

2. Præterea. Amor Dei est eius essentia. Sed essentia Dei magis, & minus non recipit. Ergo nec amor eius: non igitur quædam aliis magis amat.

3. Præterea. Sicut amor Dei se extendit ad res creatas, ita scientia, & voluntas. Sed Deus non dicitur scire quædam magis quam alia, neque magis velle. Ergo nec magis quædam aliis diligit.

Sed contra est quod dicit Augustinus super Ioann. (tract. ex. a med. æquivalenter:) Omnia diligit Deus quæ fecit, & inter ea magis diligit creaturas rationales, & in illis eas amplius quæ sunt membra. Unigeniti sui, & multo magis ipsum Unigenitum suum.

Respondetur dicendum, quod cum amare sit velle bonum alicui, duplici ratione potest aliquid magis, vel minus amari. Uno modo ex parte ipsius actus voluntatis, qui est magis, vel minus intensus: et sic Deus non magis quædam aliis amat, quia omnia amat uno & simplici actu voluntatis, & semper eodem modo se habente. Alio modo ex parte ipsius boni, quod aliquis vult amare: & sic dicimus aliquem magis alio amare, cui volumus maius bonum, quamvis non magis intensâ voluntate: & hoc modo

necesse est dicere, quod Deus quædam aliis magis amat. Cum enim amor Dei sit causa bonitatis rerum, ut dictum est (art. præc.) non esset aliquid alio melius, si Deus non vellet uni maius bonum quam alteri.

Ad primum ergo dicendum, quod dicitur Deo æqualiter esse cura de omnibus, non quia æqualia bona sua cura omnibus dispenset, sed quia ex æquali sapientia, & bonitate omnia administrat.

Ad secundum dicendum, quod ratio illa procedit de intentione amoris ex parte actus voluntatis, qui est divina essentia. Bonum autem quod Deus creaturæ vult, non est divina essentia. Unde nihil prohibet illud intendi, vel remitti.

Ad tertium dicendum, quod intelligere, & velle significant solum actus; non autem in sua significatione includunt aliqua obiecta, ex quorum diversitate possit dici Deus magis, vel minus scire, aut velle, sicut circa amorem dictum est (in corp. art.)

ARTICULUS IV. 130

An Deus semper magis diligat meliora.

III. dist. xxxii. art. 5. quæst. 1. 2. 3. & 4. & dist. xxxi. quæst. 11. art. 3. quæst. 3.

AD quartum sic proceditur. Videtur quod Deus non semper magis diligat meliora. Manifestum est enim quod Christus est melior toto genere humano, cum sit Deus, & homo. Sed Deus magis dilexit genus humanum quam Christum: quia dicitur Rom. viii. 32. *Propter Filium suum non pepercit, sed pro nobis omnibus tradidit illum.* Ergo Deus non semper magis diligit meliora.

2. Præterea. Angelus est melior homine: unde in Psal. viii. 7. dicitur de homine: *Minuisti eum paulo minus ab Angelis.* Sed Deus plus dilexit hominem quam Angelum: dicitur enim Hebr. ii. 16. *Nuquam Angelos apprehendit, sed semen Abraham apprehendit.* Ergo Deus non semper magis diligit meliora.

3. Præterea. Petrus fuit melior Ioanne, quia plus Christum diligebat: unde Dominus sciens hoc esse verum, interrogavit Petrum, dicens: *Simon Ioannis diligis me plus his?* Sed tamen Christus plus dilexit Ioannem quam Petrum: ut enim dicit Augustinus super illud Ioann. xx. *Vidit discipulum quem diligebat Iesus* (tract. ult. in Ioann. post princ.), Hoc ipso signo Ioannes a ceteris discipulis

discernitur : non quod solum eum , sed quod plus eum ceteris diligebat . Non ergo semper magis diligit meliora .

4. Præterea . Melior est innocens poenitente , cum poenitentia sit secunda tabula post naufragium , ut dicit Hieronymus (cap. 111. in Isaiam super illud , *Pecatum suum ut Sodoma predicaverunt .*) Sed Deus plus diligit poenitentem quam innocentem , quia plus de eo gaudet : dicitur enim Luc. xv. 7. *Dico vobis , quod maius gaudium erit in celo super uno peccatore poenitentem agente quam super novaginta iustis iustis , qui non indigent poenitentia .* Ergo Deus non semper magis diligit (a) meliora .

5. Præterea . Melior est iustus præscitus quam peccator prædestinatus . Sed Deus plus diligit peccatorem prædestinatum , quia vult ei maius bonum , scilicet vitam æternam . Ergo Deus non semper magis diligit meliora .

Sed contra . Unumquodque diligit sibi simile , ut patet per illud quod habetur Eccli. xiii. 19. *Omne animal diligit sibi simile .* Sed intantum aliquid est melius , inquantum est Deo similis . Ergo meliora magis diliguntur a Deo .

Respondendo dicendum , quod necesse est dicere secundum prædicta , quod Deus magis diligit meliora . Dictum est enim (art. 2. & 3. præc.) quod Deum diligere magis aliquid nihil aliud est quam ei maius bonum velle : voluntas enim Dei est causa bonitatis in rebus ; & sic ex hoc sunt aliqua meliora , quod Deus eis maius bonum vult . Unde sequitur quod meliora plus aniet .

Ad primum ergo dicendum , quod Deus Christum diligit non solum plus quantum humanum genus , sed etiam magis quam totam universitatem creaturarum : quia scilicet ei maius bonum voluit , quia dedit ei nomen quod est super omne nomen , ut verus Deus esset . Nec aliquid eius excellentiæ deperit ex hoc quod Deus dedit eum in mortem pro salute humani generis ; quinimmo ex hoc factus est victor gloriosus : factus enim est princeps super humerum eius , ut dicitur Isa. ix. 6.

Ad secundum dicendum , quod naturam humanam assumptam a Dei Verbo in persona Christi , secundum prædicta (in arg. præc.) Deus plus amat quam omnes Angelos ; & melior est , maxime ratione unionis . Sed loquendo de humana natura communiter , eam angelicæ comparando , se-

cundum ordinem ad gratiam , & gloriam æqualitas invenitur , cum eadem mensura hominis , & Angeli , ut dicitur Apoc. xx. ita tamen quod quidam Angeli quibusdam hominibus , & quidam homines quibusdam Angelis , quantum ad hoc , potiores inveniuntur . Sed quantum ad conditionem naturæ , Angelus est melior homine . Nec ideo naturam humanam assumpsit Deus , quia hominem absolute plus diligeret , sed quia plus indigebat ; sicut bonus paterfamilias aliquid pretiosius dat servo ægrotanti , quod non dat filio sano .

Ad tertium dicendum , quod hæc dubitatio de Petro , & Ioanne multipliciter solvitur . Augustinus namque (tract. hic supra cit.) refert hoc ad mysterium , dicens , quod vita activa , quæ significatur per Petrum , plus diligit Deum quam vita contemplativa , quæ significatur per Ioannem : quia magis sentit præsentis vite angustias , & æstuantius ab eis liberari desiderat , & ad Deum ire . Contemplativam vero vitam Deus plus diligit , quia magis eam conservat : non enim finitur simul cum vita corporis , sicut vita activa .

Quidam vero dicunt , quod Petrus plus dilexit Christum in membris , & sic etiam a Christo plus fuit dilectus : unde ei Ecclesiam commendavit . Ioannes vero plus dilexit Christum in se ipso , & sic etiam plus ab eo fuit dilectus : unde ei commendavit Matrem . Alii vero dicunt , quod incertum est , quis horum plus Christum dilexerit amore caritatis ; & similiter quem Deus plus dilexerit in ordine ad maiorem gloriam vite æternæ . Sed Petrus dicitur plus dilexisse quantum ad quamdam promptitudinem , vel fervorem ; Ioannes vero plus dilectus quantum ad quædam familiaritatis indicia quæ Christus ei magis demonstrabat propter eius iuventutem , & puritatem . Alii vero dicunt , quod Christus plus dilexit Petrum quantum ad excellentius donum caritatis , Ioannem vero plus quantum ad donum intellectus . Unde simpliciter Petrus fuit melior , & magis dilectus , sed Ioannes secundum quid . Præsumptuosum tamen videtur hoc iudicare : quia , ut dicitur Prov. xvi. 2. *spiritum ponderator est Dominus , & non ailius .*

Ad quartum dicendum , quod poenitentes , & innocentes se habent sicut excedentia , & excessa . Nam sive sint inno-

(a) Edit. Rom. & Paris. meliorem .

Innocentes, sive poenitentes, illi sunt meliores, & magis dilecti qui plus habent de gratia; ceteris tamen paribus innocentia dignior est, & magis dilecta. Dicitur tamen Deus plus gaudere de poenitente quam de innocente: quia plerumque poenitentes cautiore, humiliores, & ferventiores resurgunt. Unde Gregorius dicit ibidem (hom. xxxiv. in Evang. aliquant. a princ.) quod *duo in prelio: cum militem plus digne qui post fugam (a) conversus fortiter hostem premit, quam qui nunquam (b) fugit, nec unquam fortiter fecit. Vel alia ratione, quia quale donum gratiae plus est comparatum poenitenti, qui meruit poenam, quam innocentem, qui non meruit; sicut centum marchae maius donum est, si dentur pauperi, quam si dentur Regi.*

Ad quintum dicendum, quod cum voluntas Dei sit causa bonitatis in rebus, secundum illud tempus pensanda est bonitas eius qui amatur a Deo, secundum quod dandum est ei ex bonitate divina aliquid bonum. Secundum ergo illud tempus pro praedestinato peccatori dandum est ex divina voluntate maius bonum, melior est, licet secundum aliquid aliud tempus sit peior: quia & secundum aliquid tempus non est nec bonus, neque malus. (c)

QUAESTIO XXI.

De iustitia, & misericordia Dei, in quatuor articulos divisa.

Post considerationem divini amoris de iustitia, & misericordia eius agendum est: & circa hoc quaeruntur quatuor.

Primo, utrum in Deo sit iustitia.

Secundo, utrum iustitia eius veritas dici possit.

Tertio, utrum in Deo sit misericordia.

Quarto, utrum in omni opere Dei sit iustitia, & misericordia.

ARTICULUS I.

Utrum in Deo sit iustitia.

IV. dist. xlvj. quest. 1. ar. 1. quest. 1. & 1. cons. cap. xciii.

Ad primum sic proceditur. Videtur quod in Deo non sit iustitia. Iustitia enim contra temperantiam dividitur.

Temperantia autem non est in Deo. Ergo nec iustitia.

2. Præterea. Quicumque facit omnia pro libito suae voluntatis, non secundum iustitiam operatur. Sed, sicut dicit Apostolus ad Eph. 1. 11. *Deus operatur omnia secundum consilium suae voluntatis.* Non ergo ei iustitia debet attribui.

3. Præterea. Actus iustitiae est reddere debitum. Sed Deus nulli est debitor. Ergo Deo non competit iustitia.

4. Præterea. Quicquid est in Deo, est eius essentia. Sed hoc non competit iustitiae: dicit enim Boetius in Lib. de heb. (cuius Lib. titulus est *An omne quod est, bonum sit*, circa fin.) quod *bonum essentiam, iustum vero actum respicit.* Ergo iustitia non competit Deo.

Sed contra est quod dicitur in Psal. x. 8. *Iustus Dominus, & iustitiam dilexit.*

Respondeo dicendum, quod duplex est species iustitiae. Una quae consistit in mutua datione, & acceptione, ut puta quae consistit in emptione, & venditione, & aliis huiusmodi communicationibus, vel commutationibus: & hæc dicitur a Philosopho in V. Ethic. (cap. iv.) iustitia commutativa, vel directiva commutationum, sive communicationum. Et hæc non competit Deo, quia, ut dicit Apostolus Rom. 11. 31. *quis prior dedit illi, & retribuatur ei?* Alia quae consistit in distribuendo, & dicitur distributiva iustitiae, secundum quod aliquis gubernator, vel dispensator dat unicuique secundum suam dignitatem. Sicut igitur ordo congruus familiae, vel cuiuscunque multitudinis gubernatae demonstrat huiusmodi iustitiam in gubernate; ita ordo universi, qui apparet tam in rebus naturalibus, quam in rebus voluntariis, demonstrat Dei iustitiam. Unde dicit Dionysius viii. cap. de div. Nom. (non procul a fine lect. 4.) *Oportet videre in hoc veram Dei esse iustitiam, quod omnibus tribuit propria secundum unicuique existentium dignitatem, & unicuique naturam in proprio salvat ordine, & variat.*

Ad primum ergo dicendum, quod virtutum moralium quaedam sunt circa passionem, sicut temperantia circa concupiscentiam, fortitudo circa timores, & audacias, mansuetudo circa iram: & huiusmodi virtutes Deo attribui non possunt nisi secundum metaphoram: quia in Deo neque passionem sunt, ut supra dictum est (quest. xx. art. 1.) neque appetit.

(a) Gregorius textus reversus. (b) Ibid. terga praebuit, & nunquam aliquid fortiter gessit. (c) Adde Nicolaus nempe cum artus adhuc non est.

petitus sensitivus, in quo sunt huiusmodi virtutes sicut in subiecto, ut dicit Philosophus in III. Ethic. (cap. x.) Quaedam vero virtutes morales sunt circa operationes, ut puta caritatives, & sumptus, ut iustitia, & liberalitas, & magnificentia: quæ etiam non sunt in parte sensitiva, sed in voluntate. Unde nil prohibet huiusmodi virtutes in Deo ponere, non tamen circa actiones civiles, sed circa actiones Deo convenientes. Ridiculum est enim secundum virtutes politicas Deum laudare, ut dicit Philosophus in X. Ethic. (cap. viii.)

Ad secundum dicendum, quod cum bonum intellectum sit obiectum voluntatis, impossibile est Deum velle nisi quod ratio suæ sapientiæ habet. Quæ quidem est sicut lex iustitiæ, secundum quam eius voluntas recta, & iusta est. Unde quod secundum voluntatem facit, iuste facit; sicut & nos, quod secundum legem facimus, iuste facimus; sed nos quidem secundum legem alicuius superioris, Deus autem sibi ipsi est lex.

Ad tertium dicendum, quod unicuique debetur quod suum est. Dicitur autem esse suum alicuius quod ad ipsum ordinatur; sicut est servus domini, & non e converso: nam liberum est quod sui causa est. In nomine ergo debiti importatur quidam ordo exigentiæ, vel necessitatis alicuius, ad quod ordinatur.

Est autem duplex ordo considerandus in rebus. Unus, quo aliquid creatum ordinatur ad aliud creatum, sicut partes ordinantur ad totum, & accidentia ad substantias, & unaquæque res ad suum finem. Alius ordo, quo omnia creata ordinantur in Deum. Sic igitur & debitum attendi potest dupliciter in operatione divina. Aut secundum quod aliquid debetur Deo, aut secundum quod aliquid debetur rei creatæ: & utroque modo Deus debitum reddit. Debitum enim est Deo ut impleatur in rebus id quod eius sapientia, & voluntas habet, & quod suæ bonitatem manifestat: & secundum hoc iustitia Dei respicit decemtam ipsius, secundum quam reddit sibi quod sibi debetur. Debitum etiam est alicui rei creatæ quod habeat id quod ad ipsam ordinatur; sicut homini, quod habeat manus, & quod ei alia animalia ierviant: & sic etiam Deus operatur iustitiam, quando dat unicuique quod ei debetur secundum rationem suæ naturæ & conditionis. Sed hoc debitum depen-

det ex primo: quia hoc unicuique debetur quod est ordinatum ad ipsum secundum ordinem divinæ sapientiæ. Et licet Deus hoc modo debitum alicui det, non tamen ipse est debitor, quia ipse ad alia non ordinatur, sed potius alia in ipsum. Et ideo iustitia quandoque dicitur in Deo condescendia suæ bonitatis, quandoque vero retributio pro meritis. Et utrumque modum tangit Anselmus dicens (Prologii cap. x.) *Cum parvis malis, iustum est, quia illorum (a) meritis convenit; cum vero parvis malis, iniustum est, quia bonitati suæ condescens est.*

Ad quartum dicendum, quod licet iustitia respiciat actum, non tamen per hoc excluditur quin sit essentia Dei, quia etiam id quod est de essentia rei, potest esse principium actionis. Sed bonum non semper respicit actum: quia aliquid dicitur esse bonum non solum secundum quod agit, sed etiam secundum quod in sua essentia perfectum est. Et propter hoc ibidem dicitur, quod bonum comparatur ad iustum sicut generale ad speciale.

ARTICULUS II. 132

Utrum iustitia Dei sit veritas.

IV. dist. xlv. quest. 1. art. 1. quest. 3.

AD secundum sic proceditur. Videtur quod iustitia Dei non sit veritas. Iustitia enim est in voluntate: est enim rectitudo voluntatis, ut dicit Anselmus (in dial. verit. cap. xiii.) veritas autem est in intellectu secundum Philosophum in VI. Metaph. (tex. 8.) & in VI. Ethic. (cap. ii. & vi.) Ergo iustitia non pertinet ad veritatem.

2. Præterea. Veritas secundum Philosophum in IV. Eth. (cap. vii.) est quædam alia virtus a iustitia. Non ergo veritas pertinet ad rationem iustitiæ.

Sed contra est quod in Psal. lxxxiv. dicitur *Misericordia, & veritas obviaverunt sibi*: & ponitur ibi veritas pro iustitia.

Respondendo dicendum, quod veritas consistit in adæquatione intellectus, & rei, sicut supra dictum est (quest. xvi. art. 1.) Intellectus autem, qui est causa rei, comparatur ad ipsam sicut regula rei, & mensura; e converso autem est de intellectu qui accipit scientiam a rebus. Quando igitur res sunt mensura, & regula intellectus, veritas consistit in hoc quod intellectus adæquatur rei, ut in

nobis accidit: ex eo enim quod res est, vel non est, opinio nostra, & oratio vera, vel falsa est. Sed quando intellectus est regula, vel mensura rerum, veritas consistit in hoc quod res adaequantur intellectui; sicut dicitur artifex facere verum opus, quando concordat arti. Sicut autem se habent artificia ad artem, ita se habent opera iusta ad legem, cui concordant. Iustitia igitur Dei, quae constituit ordinem in rebus conformem rationi sapientiae suae, quae est lex eius, convenienter veritas nominatur. Et sic etiam dicitur in nobis veritas iustitiae.

Ad primum ergo dicendum, quod iustitia quantum ad legem regulantem est in ratione, vel intellectu; sed quantum ad imperium, quo opera regulantur secundum legem, est in voluntate.

Ad secundum dicendum, quod veritas illa de qua loquitur Philosophus ibi, est quaedam virtus, per quam aliquis demonstrat se talem in dictis, vel factis, qualis est: & sic consistit in conformitate signi ad significatum, non autem in conformitate effectus ad causam, & regulam, sicut de veritate iustitiae dictum est (in corp. art.)

ARTICULUS III. 133

Utrum misericordia competat Deo.

2. 2. *quest. xxx. art. 2. ad 1. & IV. dist. xlv. quest. 11. art. 2. quest. 1. & I. cont. cap. xci.*

AD tertium sic proceditur. Videtur quod misericordia Deo non competat. Misericordia enim est species tristitiae, ut dicit Damascenus (Lib. II. orth. fid. cap. xiv.) Sed tristitia non est in Deo. Ergo nec misericordia.

2. Praeterea. Misericordia est relaxatio iustitiae. Sed Deus non potest praetermittere id quod ad iustitiam suam pertinet: dicitur enim II. ad Timoth. 11. 23. *Si non credimus, ille fidelis permanet, se ipsum negare non potest.* Negaret autem se ipsum, ut dicit Glossa (interl. ibidem) si dicta sua negaret. Ergo misericordia Deo non competit.

Sed contra est quod dicitur in Psalm. cx. 4. *Miserator, & misericors Dominus.*

Respondeo dicendum, quod misericordia est Deo maxime attribuenda, tamen secundum effectum, non secundum passionis affectum.

Ad cuius evidentiam considerandum est, quod misericors dicitur aliquis, quasi habens miserum cor, quia scilicet affici-

tur ex miseria alterius per tristitiam, ac si effectus eius propria miseria: & ex hoc sequitur quod operetur ad depellendam miseriam alterius, sicut miseriam propriam; & hic est misericordiae effectus. Tristari ergo de miseria alterius non competit Deo; sed repellere miseriam alterius hoc maxime ei competit, ut per miseriam quicumque defectum intelligamus. Defectus autem non tolluntur nisi per alicuius bonitatis perfectionem. Prima autem origo bonitatis Deus est; ut supra dictum est (quest. vi. art. 4.)

Sed considerandum est, quod elargiri perfectiones rebus pertinet quidem & ad bonitatem divinam, & ad iustitiam, & ad liberalitatem, & misericordiam, tamen secundum aliam, & aliam rationem. Communicatio enim perfectionum absolute considerata pertinet ad bonitatem, ut supra ostensum est (quest. vi. art. 2. & 4.) Sed inquantum perfectiones rebus a Deo dantur secundum earum proportionem, pertinet ad iustitiam, ut dictum est supra (art. 2. huius quest.) Inquantum vero non attribuit rebus perfectiones propter utilitatem suam, sed solum propter suam bonitatem, pertinet ad liberalitatem. Inquantum vero perfectiones datur rebus a Deo omnino defectum expellunt, pertinet ad misericordiam.

Ad primum ergo dicendum, quod obiectio illa procedit de misericordia quantum ad passionis affectum.

Ad secundum dicendum, quod Deus misericorditer agit, non quidem contra iustitiam suam faciendo, sed aliquid supra iustitiam operando; sicut si alieni, cui debentur centum denarii, aliquis ducentos det de suo; tamen non contra iustitiam facit, sed liberaliter, vel misericorditer operatur: & similiter si aliquis offensam in se commissam remittit. Qui enim aliquid remittit, quodammodo donat illud: unde Apostolus remissionem donationem vocat Ephes. 17. 32. *Donate invicem, sicut & Christus vobis donavit.*

Ex quo patet quod misericordia non tollit iustitiam, sed est quaedam iustitiae plenitudo. Unde dicitur Iac. 11. 13. *quod misericordia superexaltat iudicium.*

ARTICULUS IV. 134

Utrum in omnibus operibus Dei sit misericordia, & iustitia.

IV. dist. xlvii. quest. 11. art. 2. quest. 2. & 11. con. cap. xxviii. & ver. quest. xxviii. art. 1. ad 8. & per. quest. v. art. 4. ad 6. & Psal. xxv. & ad Rom. xv.

AD quartum sic proceditur. Videtur quod non in omnibus Dei operibus sit misericordia, & iustitia. Quaedam enim opera Dei attribuuntur misericordiae, ut iustificatio impii; quaedam vero iustitiae, ut damnatio impiorum. Unde dicitur Iac. 11. 13. *Iudicium sine misericordia fiet ei qui non fecerit misericordiam*. Non ergo in omni opere Dei apparet misericordia, & iustitia.

1. Præterea. Apostolus ad Roman. xv. conversionem Iudeorum attribuit iustitiae, & veritati; conversionem autem gentium misericordiae. Ergo non in quolibet opere Dei est iustitia, & misericordia.

2. Præterea. Multi iusti in hoc mundo asiluntur. Hoc autem est iniustum. Non ergo in omni opere Dei est iustitia, & misericordia.

3. Præterea. Iustitiae est reddere debitum, misericordiae autem sublevare miseriam; & sic tam iustitia, quam misericordia aliquid præsupponit in suo opere. Sed creatio nihil præsupponit. Ergo in creatione neque misericordia est, neque iustitia.

Sed contra est quod dicitur in Psalm. xxv. 10. *Omnes via Domini misericordia, & veritas*.

Respondendo dicendum, quod necesse est quod in quolibet opere Dei misericordia, & veritas inveniantur; si tamen misericordia pro remotione cuiuscumque defectus accipitur, quamvis non omnis defectus proprie possit dici miseria, sed solum defectus rationalis naturae, quam contingit esse felicem: nam miseria felicitati opponitur.

Huius autem necessitatis ratio est, quia cum debitum, quod ex divina iustitia redditur, sit vel debitum, Deo, vel debitum alicui creaturae, neutrum potest in aliquo opere Dei prætermitti. Non enim potest facere aliquid Deus quod non sit conveniens sapientiae, & bonitati ipsius; secundum quem modum diximus, aliquid esse debitum Deo. Similiter

etiam quicquid in rebus creatis facit, secundum convenientem ordinem, & proportionem facit; in quo consistit ratio iustitiae. Et sic oportet in omni opere Dei esse iustitiam.

Opus autem divinae iustitiae semper præsupponit opus misericordiae, & in eo fundatur. Creaturae enim non debetur aliquid, nisi propter aliquid in ea præexistens, vel præconsideratum. Et rursus si illud creaturae debetur, hoc erit propter aliquid prius. Et cum non sit procedere in infinitum, oportet devenire ad aliquid quod ex sola bonitate divinae voluntatis dependeat, quae est ultimus finis; utpote si dicamus, quod habere manus debitum est homini propter animam rationalem, animam vero rationalem habere ad hoc quod sit homo, hominem vero esse propter divinam bonitatem. Et sic in quolibet opere Dei apparet misericordia quantum ad primam radicem eius; cuius virtus salvatur in omnibus consequentibus, & etiam vehementius in eis operatur, sicut causa primaria vehementius influit quam causa secunda. Et propter hoc etiam ea quae alicui creaturae debentur, Deus ex abundantia suae bonitatis largius dispensat quam exigit proportio rei. Minus enim est quod sufficeret ad conservandum ordinem iustitiae, quam quod divina bonitas conferat, quae omnem proportionem creaturae excedit.

Ad primum ergo dicendum, quod quaedam opera attribuuntur iustitiae, & quaedam misericordiae, quia in quibusdam vehementius apparet iustitia, in quibusdam misericordia. Et tamen in damnatione reproborum apparet misericordia, non quidem totaliter relaxans, sed aequaliter allevians, dum punit citra condignum; & in iustificatione impii apparet iustitia, dum culpas relaxat propter dilectionem, quam tamen ipse misericorditer infundit; sicut de Magdalena legitur Lucæ vii. 47. *(a) Dimissa sunt ei peccata multa, quoniam dilexit multum*.

Ad secundum dicendum, quod iustitia, & misericordia Dei apparet in conversione Iudeorum, & Gentium. Sed aliqua ratio iustitiae apparet in conversione Iudeorum quae non apparet in conversione Gentium, sicut quod salvati sunt propter promissiones patribus factas.

Ad tertium dicendum, quod in hoc etiam quod iusti puniuntur in hoc mundo, apparet iustitia, & misericordia, inquantum

(a) *Vulgata*: Remittuntur ei.

tum per huiusmodi afflictiones aliqua levitas purgantur, & ab affectu terrenorum in Deum maioris eriguntur, secundum illud Gregorii (Lib. XXVI. Moral. cap. ix) *Malis quæ in hoc mundo nos premunt, ad Deum nos ire compellunt.*

Ad quartum dicendum, quod licet creationi non præsupponatur aliquid in rerum natura, præsupponitur tamen aliquid in Dei cognitione: & secundum hoc etiam salvatur ibi ratio iustitiæ, in quantum res in esse producitur, secundum quod convenit divinæ sapientiæ, & bonitati; & salvatur quodammodo ratio misericordię, in quantum res de non esse in esse mutantur.

QUAESTIO XXII.

De providentia Dei,

in quatuor articulis divisa.

Consideratur autem his quæ ad voluntatem absolute pertinent, procedendum est ad ea quæ respiciunt simul intellectum, & voluntatem. Huiusmodi autem est providentia quidem respectu omnium, prædestinatio vero, & reprobatio, & quæ ad hæc consequuntur, respectu hominum specialiter in ordine ad æternam salutem. Nam & post morales virtutes in scientia morali consideratur de prudentia, ad quam providentia pertinet videtur.

Circa providentiam autem Dei quæruntur quatuor.

Primo, utrum Deo conveniat providentia.

Secundo, utrum omnia divinæ providentiæ subint.

Tertio, utrum divina providentia immediate sit de omnibus.

Quarto, utrum providentia divina imponat necessitatem rebus provis.

ARTICULUS I. 135

Utrum providentia Deo conveniat.

III. cont. cap. XCIV. & ver. quæst. v. art. 1.

Ad primum sic proceditur. Videtur quod providentia Deo non conveniat. Providentia enim secundum Tullium (Lib. II. de invent. ante finem) est pars prudentiæ. Prudentia autem, cum sit bene consultativa secuti dum Philosophum in VI. Eth. (cap. v. & viii in princ. & cap. xxiix. cir. fin.) Deo compete re non potest, qui nullum dubium habet, unde

Deum consiliari oporteat. Ergo providentia Deo non competit.

2. Præterea. Quicquid est in Deo, est æternum. Sed providentia non est aliquid æternum: est enim circa existentia, quæ non sunt æterna secundum Damascenum (Lib. II. de Fid. orthod. cap. xxix.) Ergo providentia non est in Deo.

3. Præterea. Nullum compositum est in Deo. Sed providentia videtur esse aliquid compositum, quia includit in se voluntatem, & intellectum. Ergo providentia non est in Deo.

Sed contra est quoddicatur Sap. xvi. 3. *(a) Tu autem Pater gubernas omnia providentia.*

Respondeo dicendum, quod necesse est ponere providentiam in Deo. Omne enim bonum quod est in rebus, a Deo creatum est, ut supra ostensum est (quæst. vi. art. 4.) In rebus autem creatis invenitur bonum non solum quantum ad substantiam rerum, sed etiam quantum ad ordinem earum in finem, & præcipue in finem ultimum, qui est bonitas divina, ut supra habitum est (quæst. præced. ar. 4.) Hoc igitur bonum ordinis in rebus creatis existens a Deo creatum est. Cum autem Deus sit causa rerum per suum intellectum, & sic cuiuslibet sui effectus oportet rationem in ipso præexistere, ut ex superioribus patet (quæst. xix. ar. 4.) necesse est quod ratio ordinis rerum in finem in mente divina præexistat: ratio autem ordinandorum in finem proprie providentia est: est enim principalis pars prudentiæ, ad quam aliaæ duæ partes ordinantur, scilicet memoria præteritorum, & intelligentia præsentium; prout ex præteritis memoratis, & præsentibus intellectus coniectamus de futuris providendis. Prudentiæ autem proprium est secundum Philosophum in VI. Ethic. (cap. xii. circa med.) ordinare alia in finem, sive respectu sui ipsius, sicut dicitur homo prudens qui bene ordinat actus suos ad finem vite sue; sive respectu aliorum sibi subiectorum in familia, vel civitate, vel reipso; secundum quem modum dicitur Matth. xxiv. 45. *Fidelis servus, & prudens, quem constituit dominus super familiam suam:* secundum quem modum prudentia, vel providentia Deo convenire (b) potest. Nam in ipso Deo nihil est in finem ordinabile, cum ipse sit finis ultimus. Ipsa igitur ratio ordinis rerum in finem providentia in Deo nominatur. Unde Boetius IV. de Consol. (prof. vi. paulo a prin.)

(a) *Vulgata:* Tu autem, Pater, providentia gubernas: quoniam &c. (b) *Ita ed., Alcan. cum plurimis editis: alii, non potest.*

prin.) dicit, quod *providentia est ipsa divina ratio in summo omnium principe constituta, quae cuncta disponit*. Dispositio autem potest dici tam ratio ordinis rerum in finem, quam ratio ordinis partium in toto.

Ad primum ergo dicendum, quod secundum Philosophum VI. Eth. c. (cap. ix. & x.) *prudencia proprie est praeceptiva eorum de quibus ambula recte consiliatur, & sensus recte iudicat*. Unde licet consilium non competat Deo, secundum quod consilium est inquisitio de rebus dubiis; tamen praecipere de ordinandis in finem, quorum rectam rationem habet, competit Deo, secundum illud Psalm. clxviii. 6. *Peaceprum posuit, & non praeteribit*. Et secundum hoc competit Deo ratio prudentiae, & providentiae. Quamvis etiam dici possit, quod ipsa ratio rerum agendarum consilium in Deo dicitur, non propter inquisitionem, sed propter certitudinem cognitionis, ad quam consistentes inquirendo perveniunt. Unde dicitur Ephes. I. 11. *Qui operatur omnia secundum consilium voluntatis suae*.

Ad secundum dicendum, quod ad eam duo pertinent, scilicet ratio ordinis, quae dicitur providentia, & dispositio, & executio ordinis, quae dicitur gubernatio: quorum primum est aeternum, secundum temporale.

Ad tertium dicendum, quod providentia est in intellectu, sed praesupponit voluntatem finis. Nullus enim praecipit de agendis propter finem, nisi velit finem. Unde & prudentia praesupponit virtutes morales, per quas appetitus se habet ad bonum, ut dicitur in VI. Eth. (cap. xii. in med.) Et tamen si providentia ex aequali respiciat voluntatem, & intellectum divinum, hoc esset absque detrimento divinae simplicitatis, cum voluntas, & intellectus in Deo sint idem, ut supra dictum est (quaest. xix. art. 2. & 4.)

ARTICULUS II. 136

Utrum omnia sint subiecta divinae providentiae.

Inf. quaest. ciii. art. 5. & I. dist. xxxix. quaest. 11. art. 2. & III. contr. cap. lxiv. xciv. & cxi. & ver. quaest. v. art. 2. 3. & 4. 5. 6. 7. 8. & op. 11. cap. cxxvi. cxxxii. & cxxxiii. & opusc. xv. cap. xxi. xiii. xiv. & xv.

AD secundum sic proceditur. Videtur quod non omnia sint subiecta divinae providentiae. Nullum enim provisi-

est sortitum. Si ergo omnia sunt provisa a Deo, nihil erit sortitum; & sic perit calus, & fortuna: quod est contra communem opinionem.

2. Praeterea. Omnis sapiens provisor excludit defectum, & malum, quantum potest, ab his quorum curam gerit. Videmus autem multa mala in rebus esse. Aut igitur Deus non potest ea impedire, & sic non est omnipotens; aut non de omnibus curam habet.

3. Praeterea. Quae ex necessitate eveniunt, providentiam, seu prudentiam non requirunt. Unde secundum Philosophum in VI. Eth. (cap. iv. ix. x. & xi.) *prudencia est recta ratio contingentium, de quibus est consilium, & electio*. Cum igitur multa in rebus ex necessitate eveniant, non omnia providentiae subduntur.

4. Praeterea. Quicumque dimittitur sibi, non subest providentiae alicuius gubernantis. Sed homines sibi ipsis dimittuntur a Deo, secundum illud Ecclesi. xv. 14. *Deus ab initio constituit hominem, & reliquit eum in manu consilii sui*; & specialiter mali, secundum illud Psalm. lxxx. 13. *Dimisi illos secundum desideria cordis eorum*.

Non igitur omnia divinae providentiae subduntur.

5. Praeterea. Apostolus I. Corint. ix. 9. dicit, quod *non est Deo cura de bobus*; & eadem ratione de aliis creaturis irrationalibus. Non igitur omnia subduntur divinae providentiae.

Sed contra est quod dicitur Sapient. viii. 1. de divina sapientia, quod *attigit a fine usque ad finem forster, & disponit omnia suaviter*.

Respondendo dicendum, quod quidam totaliter providentiam negaverunt, sicut Democritus, & Epicurus, ponentes mundum factum esse casu.

Quidam vero posuerunt incorruptibilia tantum providentiae subiacere, corruptibilia vero non secundum individua, sed secundum species, sic enim incorruptibilia sunt: ex quorum persona dicitur Iob xxii. 14. *Nubes lapidulum eius, & circa cardinis calu perambulat, neque noxia considerat*.

A corruptibilibus autem generalitate exceptit Rabbi Moyses homines propter splendorem intellectus, quem participant. In aliis autem individuis corruptibilibus aliorum opinio est secutus.

Sed necesse est dicere, omnia divinae providentiae subiacere, non in universali tantum, sed etiam in singulari. Quod sic

fic patet. Cum enim omne agens agat propter finem, tantum se extendit ordinatio effectuum in finem, quantum se extendit causalitas primi agentis. Ex hoc enim contingit in operibus alicuius agentis aliquid provenire non ad finem ordinatum, quia effectus ille consequitur ex aliqua alia causa præter intentionem agentis. Causalitas autem Dei, qui est primum agens, se extendit usque ad omnia entia non solum quantum ad principia speciei, sed etiam quantum ad individua illa principia, non solum incorruptibilia, sed etiam corruptibilia. Unde necesse est omnia quæ habent quocumque modo esse, ordinata esse a Deo in finem, secundum illud Apostoli ad Rom. xii. 1. *Quæ a Deo sunt, ordinata sunt.* Cum ergo nihil aliud sit Dei providentia quam ratio ordinis rerum in finem, ut dictum est (ar. præced.) necesse est omnia, in quantum participant esse, intantum subdi divinæ providentiæ.

Similiter etiam supra ostensum est (quæst. xiv. art. 6. & 11.) quod Deus omnia cognoscit, & universalia, & particularia. Et cum cognitio eius comparatur ad res sicut cognitio artis ad artificia, ut supra dictum est (loc. prox. cit.) necesse est quod omnia supponantur suo ordini, sicut omnia artificia subduntur ordini artis.

Ad primum ergo dicendum, quod aliter est de causa universali, & de causa particulari. Ordinem enim causæ particularis aliquid potest exire, non autem ordinem causæ universalis. Non enim subducitur aliquid ab ordine causæ particularis, nisi per aliquam aliam causam particularem impediens, sicut lignum impeditur a combustionem per actionem aquæ. Unde cum omnes causæ particulares concludantur sub universali causa, impossibile est aliquem effectum ordinem causæ universalis effugere. In quantum igitur aliquis effectus ordinem alicuius causæ particularis effugit, dicitur esse casuale, vel fortuitum respectu causæ particularis; sed respectu causæ universalis, a cuius ordine subtrahi non potest, dicitur esse provisor: sicut & concursus duorum fervorum, licet sit casualis in quantum ad eos, est tamen provisor a domino, qui eos scienter sic ad unum locum mittit, ut unus de alio nesciat.

Ad secundum dicendum, quod aliter de eo est qui habet curam alicuius particularis, & de provisorio universalis: quia provisor particularis excludit defe-

ctum ab eo quod eius curæ subditur, quantum potest; sed provisor universalis permittit aliquem defectum in aliquo particulari accidere, ne impediatur bonum totius. Unde corruptiones, & defectus in rebus naturalibus dicuntur esse contra naturam particularem; sed tamen sunt de intentione naturæ universalis, in quantum defectus unius cedit in bonum alterius, vel etiam totius universi: nam corruptio unius est generatio alterius, per quam species conservatur. Cum igitur Deus sit universalis provisor totius entis, ad ipsius providentiam pertinet ut permittat quoddam defectus esse in aliquibus particularibus rebus, ne impediatur bonum universi periclitum. Si enim omnia mala impediuntur, multa bona deessent universo: non enim esset vita leonis, si non esset occisio animalium; nec esset patientia Martyrum, si non esset persecutio tyrannorum. Unde dicit Augustinus in Enchirid. (cap. xi. in princ.) *Deus omnipotens nullo modo faceret malum aliud, quod esse in operibus suis, nisi usque adeo esset omnipotens, & bonus, ut bene faceret etiam de malo.* Ex duobus autem rationibus, quas nunc solvimus, videntur moti fuisse qui divinæ providentiæ subtraxerunt corruptibilia, in quibus inveniuntur casualia, & mala.

Ad tertium dicendum, quod homo non est institutor naturæ, sed utitur in operibus artis, & virtutis ad sumum usum rebus naturalibus. Unde providentia humana non se extendit ad necessaria, quæ ex natura proveniunt, ad quæ tamen se extendit providentia Dei, qui est auctor naturæ. Et ex hac ratione videntur moti fuisse qui cursum rerum naturalium subtraxerunt divinæ providentiæ, attribuentes ipsum necessitati materiæ, ut Democritus, & alii Naturales antiqui.

Ad quartum dicendum, quod in hoc quod dicitur, Deum hominem sibi reliquisse, non excluditur homo a divina providentia; sed ostenditur quod non præfigitur ei virtus operativa determinata ad unum, sicut rebus naturalibus, quæ aguntur tantum, quasi ab altero directæ in finem, non autem se ipsa agunt, quasi se dirigentia in finem, ut creaturæ rationales per liberum arbitrium, quo consulantur, & eligunt: unde signanter dicit: *In manus consilii sui.* Sed quia ipse actus liberi arbitrii reducitur in Deum sicut in causam, necesse est ut ea quæ ex libero arbitrio fiunt, divinæ providentiæ subdantur. Providentia enim hominis

minis continetur sub providentia Dei sicut causa particularis sub causa universali. Hominum autem illorum quodam excellentiori modo Deus habet providentiam, quam impiorum, inquantum non permittit contra eos evenire aliquid quod finaliter impediat salutem eorum: nam *aliquibus Deum omnia cooperantur in bonum*, ut dicitur Roman. viii. 28. Sed ex hoc ipso quod impios non retrahit a malo usque, dicitur eos dimittere, non tamen ut quod totaliter ab eius providentia excludantur, alioquin in nihilum deciderent, nisi per eius providentiam conservarentur. Et ex hac ratione videtur motus fuisse Tullius, qui res humanas, de quibus consiliamur, divinae providentiae subiecit.

Ad quantum dicendum, quod quia creatura rationalis habet per liberum arbitrium dominium sui actus, ut dictum est (quaest. xix. art. 10.) speciali quodam modo subditur divinae providentiae, ut scilicet ei imputetur aliquid ad culpam, vel ad meritum, & reddatur ei aliquid ut poena, vel praemium. Et quantum ad hoc curam Dei Apostolus a bobus removet, non tamen ita quod individua irrationalium creaturarum ad Dei providentiam non pertineant, ut Rabbi Moyses existimavit.

ARTICULUS III. 117

Utrum Deus immediate omnibus provideat.

Inf. quaest. cxi. art. 6. & II. dist. xi. quaest. 1. art. 1. cor. & III. con. cap. lxxvi. lxxvii. lxxviii. & xciv. & opusc. 11. cap. cxxx. & cxxxi. & opusc. xv. cap. xiv.

AD tertium sic proceditur. Videtur quod Deus non immediate omnibus provideat. Quicquid enim est dignitatis, Deo est attribuendum. Sed ad dignitatem alicuius Regis pertinet quod habeat ministros, quibus mediantibus subditis provideat. Ergo multo magis Deus non immediate omnibus provideat.

2. Praeterea. Ad providentiam pertinet res in finem ordinare. Finis autem cuiuslibet rei est eius perfectio, & bonum. Ad quamlibet autem causam pertinet effectum suum perducere ad bonum. Quaelibet igitur causa agens est causa effectus providentiae. Si igitur Deus omnibus immediate provideat, suberantur omnes causae secundae.

3. Praeterea. Augustinus dicit in Ench. (cap. xvii.) quod *invisum est quodam nescire*

quam scire ut vilia: & idem dicit Philosophus in XII. Metaph. (tex. 51.) Sed omne quod est melius, Deo est attribuendum. Ergo Deus non habet immediate providentiam quorundam vilium, & minimorum.

Sed contra est quod dicitur Iob xxxiv 13. *Quem constituit alium super terram? aut quem posuit super orbem, quem fabricavit est?* Super quo dicit Gregorius (Lib. XIV. Mor. cap. xxvi. ante med.) „Mundum „per se ipsum regit, quem per se ipsum „condidit.“

Respondeo dicendum, quod ad providentiam duo pertinent, scilicet ratio ordinis rerum provisarum in finem, & executio huius ordinis, quae gubernatio dicitur.

Quantum igitur ad primum horum, Deus immediate omnibus providet, qui in suo intellectu habet rationem omnium etiam minimorum, & quascumque causas aliquibus effectibus praeficit, dedit eis virtutem ad illos effectus producentes. Unde oportet quod ordinem illorum effectuum in sua ratione praehabuerit.

Quantum autem ad secundum, sunt aliqua media divinae providentiae, quia inferiora gubernat per superiora, non propter defectum suae virtutis, sed propter abundantiam suae bonitatis, ut dignitatem causalitatis etiam creaturis communicet.

Et secundum hoc excluditur opinio Platonis, quam narrat Gregorius Nyssenus (Lib. VIII. de providentia cap. iiii.) triplicem providentiam ponentis. Quarum prima est summi Dei, qui primo & principaliter providet rebus spiritualibus, & consequenter toti mundo quantum ad genera, species, & causas universales. Secunda vero providentia est qua providetur singularibus generabilium, & corruptibilium: & hanc attribuit diis qui circumcunt caelos, id est substantiis separatis, quae movent corpora caelestia circulariter. Tertia vero providentia est rerum humanarum, quam attribuebat daemones, quos Plato ponebat medios inter nos & deos, ut narrat Augustinus IX. de civitate Dei (cap. i. & 11. & Lib. VIII. cap. xiv.)

Ad primum ergo dicendum, quod habere ministros executores suae providentiae pertinet ad dignitatem Regis. Sed quod non habeat rationem eorum quae per eos agenda sunt, est ex defectu ipsius. Omnis enim scientia operativa tanto perfectior

fectior est, quanto magis particularia considerat, in quibus est actus.

Ad secundum dicendum, quod per hoc quod Deus habet immediate providentiam de rebus omnibus, non excluduntur causae secundae, quae sunt executrices huius ordinis, ut ex supra dictis patet (quaest. xix. art. 5. & 8.)

Ad tertium dicendum, quod nobis melius est non cognoscere mala, & vilia, in quantum per ea impedimur a consideratione aliquorum meliorum, quia non possumus simul multa intelligere, & in quantum cogitatio malorum pervertit interdum voluntatem in malum. Sed hoc non habet locum in Deo, qui simul omnino intuitu videt, & cuius voluntas ad malum flecti non potest.

ARTICULUS IV. 138

Utrum providentia rebus provisio necessitatem imponat.

Sup. quaest. xix. art. 8. & 1. 2. quaest. x. art. 4. & 1. dist. xxxix. quaest. 11. art. 2. & III. cont. cap. lxx. lxx. lxxi. xciii. & xciv. & opusc. 11. cap. cxli. & cxlii. & opusc. xv. cap. xv.

AD quartum sic proceditur. Videtur quod divina providentia necessitatem rebus providis imponat. Omnis enim effectus qui habet aliquam causam per se, quae iam est, vel fuit, ad quam de necessitate sequitur, provenit ex necessitate, ut Philosophus probat in VI. Metaph. (text. 7.) Sed providentia Dei, cum sit aeterna, praexistit, & ad eam sequitur effectus de necessitate: non enim potest divina providentia frustrari. Ergo providentia divina necessitatem rebus provisio imponit.

1. Praeterea. Unusquisque provisor stabilit opus suum, quantum potest, ne deficiat. Sed Deus est summe potens. Ergo necessitatis firmitatem rebus a se provisio tribuit.

2. Praeterea. Boetius dicit IV. de cons. (prosa vi. parum ante med.) quod *fatum ab immobilibus providentia praesciens exordis, actus, fortunaeque bonorum indissolubili causarum connexionem astringit*. Videtur ergo quod providentia necessitatem rebus provisio imponat.

Sed contra est quod dicit Dionysius xv. cap. de divin. Nom. (parum ante fin.) quod *corrumperet naturam non est divina providentia*. Hoc autem habet quorundam rerum natura quod sint contingentia. Non igitur divina providentia ne-

cessitatem rebus imponit, contingentiam excludens.

Respondeo dicendum, quod providentia divina quibuldam rebus necessitatem imponit, non autem omnibus, ut quidam crediderunt.

Ad providentiam enim pertinet ordinare res in finem. Post bonitatem autem divinam, quae est finis a rebus separatus, principale bonum in ipsis rebus existens est perfectio universi: quae quidem non esset, si non omnes gradus essendi invenirentur in rebus. Unde ad divinam providentiam pertinet omnes gradus entium producere. Et ideo quibuldam effectibus praeparavit causas necessarias, ut necessario evenirent; quibuldam vero causas contingentes, ut evenirent contingenter, secundum conditionem proximarum causarum.

Ad primum ergo dicendum, quod effectus divinae providentiae non solum est aliquid evenire quocumque modo, sed aliquid evenire vel contingenter, vel necessario. Et ideo evenit infallibiliter, & necessario quod divina providentia disponit evenire infallibiliter, & necessario; & evenit contingenter quod divinae providentiae ratio habet ut contingenter eveniat.

Ad secundum dicendum, quod in hoc est immobilis, & certus divinae providentiae ordo, quod ea quae ab ipso providentur, cuncta eveniunt eo modo quo ipse providet, sive necessario, sive contingenter.

Ad tertium dicendum, quod indissolubilitas illa, & immutabilitas quam Boetius tangit, pertinet ad certitudinem providentiae, quae non deficit a suo effectu, neque a modo eveniendi, quem providit; non autem pertinet ad necessitatem effectuum. Et considerandum est, quod necessarium, & contingens proprie consequuntur ens, in quantum huiusmodi. Unde modus contingentiae, & necessitatis cadit sub provisione Dei, qui est universalis provisor totius entis, non autem sub provisione aliquorum particularium provisorum.

QUAESTIO XXIII.

De praedestinatione,

in octo articulos divisa.

Post considerationem divinae providentiae agendum est de praedestinatione, & de libro vitae.

Et circa praedestinationem quaeruntur octo.

N

Pri-

S. Th. Oper. Tom. XX.

Primo, utrum Deo conveniat prædestinatio.

Secundo, quid sit prædestinatio, & utrum ponat aliquid in prædestinato.

Tertio, utrum Deo competat reprobatio aliquorum hominum.

Quarto de comparatione prædestinationis ad electionem, utrum scilicet prædestinati eligantur.

Quinto, utrum merita sint causa, vel ratio prædestinationis, vel reprobationis, aut electionis.

Sexto de certitudine prædestinationis, utrum scilicet prædestinati infallibiliter salventur.

Septimo, utrum numerus prædestinatorum sit certus.

Octavo, utrum prædestinatio possit iuvare precibus Sanctorum.

ARTICULUS I. 139

Utrum homines prædestinentur a Deo.

I. dist. lx. quæst. 11. art. unico, & III. cont. cap. ult. & verit. quæst. vi. art. 1.

AD primum sic proceditur. Videtur quod homines non prædestinentur a Deo. Dicit enim Damascenus in II. Lib. (orth. Fid. cap. xxx. in princ.) *Operetur cognoscere, quod omnia quidem præcognoscit Deus, non autem omnia prædeterminat. Præcognoscit enim ea quæ in nobis sunt, non autem prædeterminat ea.* Sed merita, & demerita humana sunt in nobis, in quantum sumus nostrorum actuum domini per liberum arbitrium. Ea ergo quæ pertinent ad meritum, vel demeritum, non prædestinantur a Deo: & sic hominum prædestinatio tollitur.

2. Præterea. Omnes creaturæ ordinantur ad suos fines per divinam providentiam, ut supra dictum est (quæst. præced. art. 1. & 2.) Sed aliæ creaturæ non dicuntur prædestinari a Deo. Ergo nec homines.

3. Præterea. Angeli sunt capaces beatitudinis, sicut & homines. Sed Angelis non competit prædestinari, ut videtur, cum in eis nunquam fuerit miseria; prædestinatio autem est propositum miserendi, ut dicit Augustinus (de prædest. Sanct. cap. xvii.) Ergo homines non prædestinantur.

4. Præterea. Beneficia hominibus a Deo collata per Spiritum sanctum viris sanctis revelantur, secundum illud Apostoli I. Cor. 11. 12. *Nos autem non spiritum huius mundi accepimus, sed spiritum qui ex Deo est, ut sciamus quæ a Deo donata*

sunt nobis. Si ergo homines prædestinantur a Deo, cum prædestinatio sit Dei beneficium, esset prædestinationis nota sua prædestinatio: quod patet esse falsum.

Sed contra est quod dicitur Rom. viii. 30. *Quos prædestinavit, his & vocavit.*

Respondetur dicendum, quod Deo conveniens est homines prædestinare. Omnia enim divine providentiæ subiacent, ut supra ostensum est (quæst. præced. art. 4.)

Ad providentiam autem pertinet res in finem ordinare, ut dictum est (quæst. præced. art. 1. & 2.) Finis autem ad quem res creatæ ordinantur a Deo, est duplex.

Unus, qui excedit proportionem naturæ creatæ, & facultatem; & hic finis est vita æterna, quæ in divina visione consistit, quæ est supra naturam cuiuslibet creaturæ, ut supra habitum est (quæst. xii. art. 4.)

Alius autem finis est naturæ creatæ proportionatus, quem scilicet res creata potest attingere secundum virtutem suam naturæ.

Ad illud autem ad quod non potest aliquid virtute suæ naturæ pervenire, oportet quod ab alio transmittatur, sicut sagitta a sagittante mittitur ad signum.

Unde proprie loquendo, rationalis creatura, quæ est capax vitæ æternæ, perducitur in ipsam quasi a Deo transmissa.

Cuius quidem transmissionis ratio in Deo præexistit, sicut & in eo est ratio ordinis omnium in finem, quam diximus esse providentiam.

Ratio autem alicuius hendi in nente actoris existens est quædam præexistentia rei fiendæ in eo. Unde ratio prædictæ transmissionis creaturæ rationalis in finem vitæ æternæ prædestinatio nominatur: nam destinare est mittere.

Et sic patet quod prædestinatio, quantum ad objecta, est quædam pars providentiæ.

Ad primum ergo dicendum, quod Damascenus nominat prædeterminationem impositionem necessitatis; sicut est in rebus naturalibus, quæ sunt prædeterminatæ ad unum.

Quod patet ex eo quod subdit: *Non enim vult malitiam, neque compellit virtutem.* Unde prædestinatio non excluditur.

Ad secundum dicendum, quod creaturæ irrationales non sunt capaces illius finis qui facultatem humanæ naturæ excedit. Unde non proprie dicuntur prædestinari, etsi aliquando abusive prædestinatio nominetur respectu cuiuscunque alterius finis.

Ad tertium dicendum, quod prædesti-

stinari convenit Angelis, sicut & hominibus, licet nunquam fuerint miseri. Nam mortui non accipit speciem a termino a quo sed a termino ad quem. Nihil enim refert, quantum ad rationem dealbationis, utrum ille qui dealbatur, fuerit niger, aut pallidus, vel rubeus: & similiter nihil refert ad rationem, praedestinationis, utrum aliquis praedestinetur in vitam aeternam a statu miseriae, vel non. Quamvis dici possit, quod omnis collatio boni supra debitum eius cui confertur, ad misericordiam pertineat, ut supra dictum est (quaest. XXI. art. 3. & 4.)

Ad quartum dicendum, quod etiam si aliquibus ex speciali privilegio sua prae-destinatio reveletur; non tamen convenit ut reveletur omnibus: quia sic illi qui non sunt prae-destinati, desperarent, & securitas in prae-destinatis negligentiam pareret.

ARTICULUS II. 140

Utrum prae-destinatio aliquid ponat in prae-destinato.

I. dist. xl. quaest. 1. art. 1. & 3. & dist. VII. quaest. III. art. 3. corp.

AD secundum sic proceditur. Videtur quod prae-destinatio ponat aliquid in prae-destinato. Omnis enim actio ex se passionem infert. Si ergo prae-destinatio actio est in Deo, oportet quod prae-destinatio passio sit in prae-destinato.

2. Praeterea. Origenes dicit super illud Rom. 1. *Qui prae-destinatus est &c.* „Prae-destinatio eius est qui non est, sed destinatio eius est qui est:“ & Augustinus dicit in Lib. de prae-destinatione Sanctorum: „Quid est prae-destinatio nisi destinatio alicuius existentis?“ Ergo prae-destinatio non est nisi alicuius existentis; & ita ponit aliquid in prae-destinato.

3. Praeterea. Praeparatio est aliquid in praeparato. Sed prae-destinatio est praeparatio beneficiorum Dei, ut dicit Augustinus in Lib. II. de praedest. Sanctorum (cap. XIV. aliquanto post princ.) Ergo prae-destinatio est aliquid in prae-destinatis.

4. Praeterea. Temporale non ponitur in definitione aeterni. Sed gratia, quae est aliquid temporale, ponitur in definitione prae-destinationis: nam prae-destinatio dicitur esse praeparatio gratiae in praesenti, & gloriae in futuro. Ergo prae-destinatio non est aliquid aeternum: & ita

oportet quod non sit in Deo, sed in prae-destinatis: nam quicquid est in Deo, est aeternum.

Sed contra est quod Augustinus dicit (ibid.) quod prae-destinatio est *praescientia beneficiorum Dei*. Sed praescientia non est in praescitis, sed in praesente. Ergo nec prae-destinatio est in prae-destinatis, sed in prae-destinante.

Respondeo dicendum, quod prae-destinatio non est aliquid in prae-destinatis, sed in prae-destinante tantum. Dicitur enim, quod prae-destinatio est quaedam pars providentiae. Providentia autem non est in rebus provisus, sed est quaedam ratio in intellectu provisoris, ut supra dictum est (quaest. XXI. art. 1.)

Sed executio providentiae, quae gubernatio dicitur, passive quidem est in gubernatis, active autem est in gubernante. Unde manifestum est quod prae-destinatio est quaedam ratio ordinis aliquorum in salutem aeternam in mente divina existens; executio autem huius ordinis est passive quidem in prae-destinatis, active autem est in Deo. Est autem executio prae-destinationis vocatio, & magnificatio, secundum illud Apostoli Rom. VIII. 30. *Quos prae-destinavit, hos & vocavit, & quos vocavit, (a) hos & magnificavit.*

Ad primum ergo dicendum, quod actiones in exteriori materia transientes inferunt ex se passionem, ut calefactio, & secatio, non autem actiones in agente manentes, ut sunt intelligere, & velle, ut supra dictum est (quaest. XIV. art. 4. & XVIII. art. 3. ad 1.) & talis actio est prae-destinatio. Unde prae-destinatio non ponit aliquid in prae-destinatis; sed executio eius, quae transit in exteriores res, ponit in eis aliquem effectum.

Ad secundum dicendum, quod destinatio aliquando sumitur pro reali missione alicuius ad aliquem terminum; & sic destinatio non est nisi eius quod est. Alio modo sumitur destinatio pro missione quam aliquis mente concepit, secundum quod dicitur destinare quod mente firmiter proponimus. Et hoc secundo modo dicitur in II. Mach. VI. 20. quod *Eleazarus destinavit non admittere illicita propter vitam aeternam*. Et sic destinatio potest esse eius quod non est. Tamen prae-destinatio ratione antecessoris, quam importat, potest esse eius quod non est, qualitercumque eius destinatio sumatur.

Ad tertium dicendum, quod duplex est praeparatio. Quaedam patientis, ut

N 2 pa-

(a) *Vulgata illos & glorificavit.*

patiatur; & hæc præparatio est in præparato. Quædam alia est agentis, ut agat, & hæc est in agente; & talis præparatio est prædestinatio; prout aliquod agens per intellectum dicitur se præparare ad agendum, inquantum præconcepit rationem operis fiendi. Et sic Deus ab æterno præparavit prædestinando concipiens rationem ordinis aliquorum in salutem.

Ad quartum dicendum, quod gratia non ponitur in definitione prædestinationis, quasi aliquid existens de essentia eius, sed inquantum prædestinatio importat respectum ad gratiam, ut causæ ad effectum, & actus ad obiectum. Unde non sequitur quod prædestinatio sit aliquid temporale.

ARTICULUS III. 141

Utrum Deus aliquem hominem reprobet.

L. dist. xl. quæst. 19. art. 1. & 2. & III. cont. cap. ult. & Rom. 1x. lect. 2. fin.

AD tertium sic proceditur. Videtur quod Deus nullum hominem reprobet. Nullus enim reprobatur quem diligit. Sed Deus omnem hominem diligit, secundum illud Sapientie x1. 25. *Diligis omnia quæ sunt, & nihil odisti eorum quæ fecisti.* Ergo Deus nullum hominem reprobatur.

2. Præterea. Si Deus aliquem hominem reprobet, oportet quod sic se habeat reprobatio ad reprobatos, sicut prædestinatio ad prædestinatos. Sed prædestinatio est causa salutis prædestinatorum. Ergo reprobatio erit causa perditionis reprobatorum. Hoc autem est falsum: dicitur enim Osæ x111. 9. (a) *Perditio tua, Israel, ex te est: tantummodo ex me auxilium tuum.* Non ergo Deus aliquem reprobatur.

3. Præterea. Nulli debet imputari quod vitare non potest. Sed si Deus aliquem reprobatur, non potest vitare quin ipse pereat: dicitur enim Eccl. vii. 14. *Considera opera Dei, quod nemo possit corrigere quem ipse desuperat.* Ergo non esset hominibus imputandum, quod pereunt. Hoc autem est falsum: non ergo Deus aliquem reprobatur.

Sed contra est quod dicitur Malach. 1. 2. *Iacob dilexi, Esau autem odio habui.*

Respondetur dicendum, quod Deus aliquos reprobatur. Dicitur enim est supra (art. 1. huius quæst.) quod prædestinatio est pars providentiæ. Ad providentiam autem pertinet permittere aliquem

defectum in rebus quæ providentiæ subdantur, ut supra dictum est (quæst. xxix. art. 2.) Unde cum per divinam providentiam homines in vitam æternam ordinantur, pertinet etiam ad divinam providentiam ut permittat aliquos ab isto fine deficere: & hoc dicitur reprobare.

Sic igitur sicut prædestinatio est pars providentiæ respectu eorum qui divinitus ordinantur in æternam salutem, ita reprobatio est pars providentiæ respectu illorum qui ab hoc fine decidunt. Unde reprobatio non nominatur præscientiam tantum, sed aliquid addit secundum rationem, sicut & providentia, ut supra dictum est (quæst. præced. art. 1. & ex Augustino Lib. I. ad Simplicianum quæst. 111.) Sicut enim prædestinatio includit voluntatem conferendi gratiam, & gloriam; ita reprobatio includit voluntatem permittendi aliquem cadere in culpam, & inferendi damnationis penam pro culpa.

Ad primum ergo dicendum, quod Deus omnes homines diligit, & etiam omnes creaturas, inquantum omnibus vult aliquid bonum, non tamen quodcumque bonum vult omnibus. Inquantum igitur quibusdam non vult hoc bonum quod est vita æterna, dicitur eos habere odio, vel reprobare.

Ad secundum dicendum, quod aliter se habet reprobatio in causando quam prædestinatio. Nam prædestinatio est causa & eius quod expectatur in futura vita a prædestinatis, scilicet gloriæ, & eius quod percipitur in presenti, scilicet gratiæ. Reprobatio vero non est causa eius quod est in presenti, scilicet culpæ; sed est causa derelictionis a Deo. Est tamen causa eius quod redditur in futuro, scilicet pænæ æternæ. Sed culpa provenit ex libero arbitrio eius qui reprobatur, & a gratia deseritur. Et secundum hoc verificatur dictum Prophetæ, scilicet *Perditio tua, Israel, ex te.*

Ad tertium dicendum, quod reprobatio Dei non subtrahit aliquid de potentia reprobati. Unde cum dicitur, quod reprobatus non potest gratiam adipisci, non est hoc intelligendum secundum impossibilitatem absolutam, sed secundum impossibilitatem conditionatam, sicut supra dictum est (quæst. xix. art. 3.) quod prædestinatum necesse est salvari necessitate conditionata, quæ non tollit libertatem arbitrii. Unde licet aliquis non possit gratiam adipisci qui reprobatur a Deo; tamen quod in hoc peccatum, vel illud

(a) *Vulgata: Perditio tua, Israel: tantummodo in me auxilium tuum.*

illud labatur, ex eius libero arbitrio contingit. Unde & merito sibi imputatur in culpam.

ARTICULUS IV. 142

Utrum prædestinati eligantur a Deo.

Inf. quaest. XXIV. art. 1. corp. & 1. dist. XII. art. 1. & 2. & ver. quaest. VI. art. 1. corp. & 1X. Rom. lect. 3. con. 3.

AD quantum sic proceditur. Videtur quod prædestinati non eligantur a Deo. Dicit enim Dionysius IV. cap. de divin. Nom. (circa princ. lect. 1.) quod sicut Sol corporeus non eligendo omnibus corporibus lumen immittit, ita & Deus suam bonitatem. Sed bonitas divina communicatur præcipue aliquibus secundum participationem gratiæ, & gloriæ. Ergo Deus absque electione gratiam, & gloriæ communicat; quod ad prædestinationem pertinet.

2. Præterea. Electio est eorum quæ sunt. Sed prædestinatio ab æterno est etiam eorum quæ non sunt. Ergo prædestinantur aliqui absque electione.

3. Præterea. Electio quamdam discretionem importat. Sed Deus vult omnes homines salvos fieri, ut dicitur I. Timoth. II. 4. Prædestinatio, quæ præordinat homines in salutem, est absque electione.

Sed contra est quod dicitur Ephes. I. 4. *Electi nos in ipso ante mundi constitutionem.*

Respondeo dicendum, quod prædestinatio secundum rationem præsupponit electionem, & electio dilectionem. Cuius ratio est, quia prædestinatio, ut dictum est (art. 1. huius quaest.) est pars providentiæ. Providentia autem, sicut & prudentia, est ratio in intellectu existens præceptiva ordinationis aliorum in finem, ut supra dictum est (quaest. XXII. art. 2.) Non autem præcipitur aliquid ordinandum in finem nisi præexistente voluntate finis. Unde prædestinatio aliorum in salutem æternam præsupponit secundum rationem, quod Deus illorum velit salutem: ad quod pertinet electio, & dilectio. Dilectio quidem, inquantum vult eis hoc bonum salutis æternæ: nam diligere est velle alicui bonum, ut supra dictum est (quaest. XX. art. 2. & 3.) Electio autem, inquantum hoc bonum aliquibus præ aliis vult, cum quosdam reprobet, ut supra dictum est (art. 3. huius quaest.) Electio tamen, & dilectio aliter ordinantur in nobis, &

S. Tho. Oper. Tom. XX.

in Deo: eo quod in nobis voluntas diligendo non causat bonum, sed ex bono præexistente incitatur ad diligendum; & ideo eligimus aliquem, quem diligamus; & sic electio dilectionem præcedit in nobis: in Deo autem est e converso: nam voluntas eius, qua vult bonum alicui diligendo, est causa quod illud bonum ab eo præ aliis habeatur. Et sic patet quod dilectio præsupponitur electioni secundum rationem, & electio prædestinationi. Unde omnes prædestinati sunt electi, & dilecti.

Ad primum ergo dicendum, quod si consideretur communicatio bonitatis divinæ in communi, absque electione bonitatem suam communicat, inquantum scilicet nihil est quod non participet aliquid de bonitate eius, ut supra dictum est (quaest. VI. art. 4.) Sed si consideretur communicatio istius, vel illius boni, non absque electione tribuit: quia quædam bona dat aliquibus quæ non dat aliis. Et sic in collatione gratiæ, & gloriæ attenditur electio.

Ad secundum dicendum, quod quando voluntas eligentis provocatur ad eligendum a bono in re præexistente, tunc oportet quod electio sit eorum quæ sunt, sicut accidit in electione nostra. Sed in Deo est aliter, ut dictum est (in corp. art. & quaest. XX. art. 2.) Et ideo, sicut dicit Augustinus (ser. XI. de verb. Apost. aliquant. a princ.) eliguntur a Deo qui non sunt; neque tamen errat qui eligit.

Ad tertium dicendum, quod, sicut supra dictum est (quaest. XIX. art. 6.) Deus vult omnes homines salvos fieri antecedenter (quod non est simpliciter velle, sed secundum quid) non autem consequenter, quod est simpliciter velle.

ARTICULUS V. 143

Utrum præscientia meritum sit causa prædestinationis.

I. dist. XII. art. 3. & III. cont. cap. ult. & ver. quaest. VI. art. 2. & Ioann. XV. lect. 3. & Rom. I. lect. 3. & cap. VIII. lect. 6. & cap. IX. lect. 3. & Ephes. VIII. lect. 15.

AD quantum sic proceditur. Videtur quod præscientia meritum sit causa prædestinationis. Dicit enim Apostolus Rom. VIII. 30. *Quos præcivit, hos & prædestinavit*: & Glossa Ambrosii super illud Rom. IX. *Misereror cui miseror &c.* dicit: „Misericordiam illi dabo quem „præcior toto corde reversionem ad me,”

N 3 Ergo

Ergo videtur quod præscientia meritorum sit causa prædestinationis.

2. Præterea. Prædestinatio divina includit divinam voluntatem, quæ irrationalis esse non potest; cum prædestinatio sit propositum miserendi, ut Augustinus dicit (Lib. II. de prædest. Sanct. cap. xvii.) Sed nulla alia ratio potest esse prædestinationis nisi præscientia meritorum. Ergo præscientia meritorum est causa, vel ratio prædestinationis.

3. Præterea. Non est iniquitas apud Deum, ut dicitur Rom. ix. 14. Iniquum autem esse videtur ut æqualibus inæqualia denter: omnes autem homines sunt æquales & secundum naturam, & secundum peccatum originale; attenditur autem in eis inæqualitas secundum merita, vel demerita proprium actuum. Non igitur inæqualia præparat Deus hominibus prædestinando, & reprobando, nisi propter differentiam meritorum præscientiam.

Sed contra est quod dicit Apostolus ad Titulum iii. 5. *Non ex operibus iustitiæ, quæ fecimus nos, sed secundum suam misericordiam salvos nos fecit.* Sicut autem salvos nos fecit, ita prædestinavit nos salvos fieri. Non ergo præscientia meritorum est causa, vel ratio prædestinationis.

Respondeo dicendum, quod, cum prædestinatio includat voluntatem, ut supra dictum est (art. præc.) sic inquirenda est ratio prædestinationis, sicut inquiretur ratio divinæ voluntatis. Dictum est autem supra (quæst. xix. art. 3.) quod non est assignare causam divinæ voluntatis ex parte actus volendi; sed potest assignari ratio ex parte volitorum, in quantum scilicet Deus vult esse aliquid propter aliud. Nullus ergo fuit ita instantie mentis qui diceret, merita esse causam divinæ prædestinationis ex parte actus prædestinantis; sed hoc sub questione vertitur, utrum ex parte effectus prædestinatio habeat aliquam causam. Et hoc est querere, utrum Deus præordinaverit se daturum effectum prædestinationis alicui propter merita aliqua.

Fuerunt igitur quidam qui dixerunt, quod effectus prædestinationis præordinatur alicui propter merita præexistentia in alia vita; & hæc fuit positio Origenis, qui posuit animas humanas ab initio creatas, & secundum diversitatem suorum operum diversos status eas sortiri in hoc mundo corporibus unitas. Sed hanc opinionem excludit Apostolus

Rom. ix. 11. dicens: *Cum nondum nati fuissent, aut aliquid egissent boni, vel mali, non ex operibus, sed ex vocante dictum est, quia maior serviet minori.*

Fuerunt ergo alii qui dixerunt, quod merita præexistentia in hac vita sunt ratio, & causa effectus prædestinationis. Posuerunt enim Pelagiani, quod initium bene faciendi sit ex nobis, consummatio autem a Deo. Et sic ex hoc contingit quod alicui datur prædestinationis effectus, & non alteri: quia unus initium dedit se præparando, & non alius. Sed contra hoc est quod dicit Apostolus II. Cor. iiii. 5. *quod non sumus sufficientes cogitare aliquid a nobis quasi ex nobis.* Nullum autem anterius principium inveniri potest quam cogitatio. Unde non potest dici, quod aliquid in nobis initium existat quod sit ratio effectus prædestinationis.

Unde fuerunt alii qui dixerunt, quod merita sequentia prædestinationis effectum sunt ratio prædestinationis, ut intelligatur, quod ideo Deus dat gratiam alicui, & præordinavit se ei daturum, quia præsevit eum bene usurum gratia; sicut si Rex det alicui militi equum, quem se ita bene usurum. Sed isti videntur distinguere inter id quod est ex gratia, & id quod est ex libero arbitrio, quasi non possit esse idem ex utroque. Manifestum est autem quod id quod est gratiæ, est prædestinationis effectus; & hoc non potest poni ut ratio prædestinationis, cum hoc sub prædestinatione concludatur. Si igitur aliquid aliud ex parte nostra sit ratio prædestinationis, hoc erit præter effectum prædestinationis. Non est autem distinctum quod est ex libero arbitrio, & ex prædestinatione, sicut nec est distinctum quod est causa secunda, & causa prima. Divina enim providentia producit effectus per operationes causarum secundarum, ut supra dictum est (quæst. xix. art. 3.) Unde & id quod est per liberum arbitrium, est ex prædestinatione.

Dicendum est ergo, quod effectum prædestinationis considerare possumus dupliciter. Uno modo in particulari; & sic nihil prohibet aliquem effectum prædestinationis esse causam, & rationem alterius; posteriorem quidem prioris secundum rationem causæ finalis; priorem vero posterioris secundum rationem causæ meritorie, quæ reducitur ad dispositionem materiæ: sicut si dicamus, quod Deus præordinavit se daturum alicui gloriam

riam ex meritis, & quod præordinavit futurum alicui gratiam ut mereretur gloriam. Alio modo potest considerari prædestinationis effectus in communi; & sic impossibile est quod totus prædestinationis effectus in communi habeat aliquam causam ex parte nostra: quia quicquid est in homine ordinans ipsum in salutem, comprehenditur totum sub effectu prædestinationis, etiam ipsa præparatio ad gratiam. Neque enim hoc fit nisi per auxilium divinum, secundum illud Thren. ult. 21. *Convertite nos Domine ad te, & convertemur*. Habet tamen hoc modo prædestinationis ex parte effectus pro ratione divinam (a) bonitatem, ad quam totus effectus prædestinationis ordinatur ut in finem, & ex qua procedit sicut ex principio primo movente.

Ad primum ergo dicendum, quod usus gratiæ prædictus non est ratio collationis gratiæ, nisi secundum rationem causæ finalis, ut dictum est (in cor. art. 2.)

Ad secundum dicendum, quod prædestinationis habet rationem ex parte effectus in communi ipsam divinam bonitatem; in particulari autem unus effectus est ratio alterius, ut dictum est (in cor. art. 2.)

Ad tertium dicendum, quod ex ipsa bonitate divina ratio sumi potest prædestinationis aliquorum, & reprobationis aliquorum. Sic enim Deus dicitur omnia propter suam bonitatem fecisse, ut in rebus divina bonitas repræsentetur. Necessè est autem quod divina bonitas, quæ in se est una, & simplex, multiformiter repræsentetur in rebus, propter hoc quod res creatæ ad simplicitatem divinam attingere non possunt. Et inde est quod ad completionem universi requiruntur diversi gradus rerum, quarum quedam altum & quedam infimum locum teneant in universo. Et ut multiformitas graduum conferretur in rebus, Deus permittit aliqua mala fieri, ne multa bona impediatur, ut supra dictum est (quæst. xxii. art. 2. & colligitur ex Aug. Lib. I. ad Simplician. quæst. 11. & de bono Perlever. Lib. II. cap. viii). Sic igitur consideremus totum genus humanum sicut totam rerum universalitatem. Vult igitur Deus in hominibus quantum ad aliquos, quos prædestinat, suam repræsentare bonitatem, per modum misericordiae parcendo, & quantum ad aliquos, quos reprobavit, per modum iustitiæ puniendo. Et hæc est ratio quare Deus quos-

dam eligit, & quosdam reprobavit. Et hanc causam assignat Apostolus ad Roman. ix. 22. dicens: *Volens Deus offendere iram, idest vindictam iustitiæ, & notam facere potentiam suam, iussit, idest permisit, in multa patientia vasa ire apta in interitum, ut ostenderet divitiis gloriæ suæ in vasa misericordiae, quæ præparavit in gloriam*: & II. Timoth. ii. 20. dicit: *In magna domo non solum sunt vasa aurea, & argentea, sed etiam lignea, & fictilia, & quedam quidem in honorem, quedam in contumeliam*. Sed quare hos elegit in gloriam, & illos reprobavit, non habet rationem nisi divinam voluntatem. Unde Augustinus dicit super Joannem (tract. xxvi. non remote a princ.) *Quare hunc trahat, & illum non trahat, noli velle diiudicare, si non vis errare*. Sicut etiam in rebus naturalibus potest assignari ratio, cum prima materia tota sit in se uniformis, quare una pars eius est sub forma ignis, & alia sub forma terræ a Deo in principio condita, ut sic sit diversitas specierum in rebus naturalibus; sed quare hæc pars materiæ est sub ista forma, & illa sub alia, dependet ex simplici divina voluntate; sicut ex simplici voluntate artificis dependet quod ille lapis est in ista parte parietis, & ille in alia, quamvis ratio artis habeat quod aliqui sint in hac, & aliqui sint in illa. Neque tamen propter hoc est iniquitas apud Deum, si inæqualia non inæqualibus præparat. Hoc enim esset contra iustitiæ rationem, si prædestinationis effectus ex debito redderetur, & non daretur ex gratia. In his enim quæ ex gratia dantur, potest aliquis pro libito suo dare cui vult plus, vel minus, dummodo nulli subtrahat debitum, absque præiudicio iustitiæ. Et hoc est quod dicit paterfamilias Matth. xx. 15. *Tolle quod tuum est, & vade: an non licet mihi, quod volo, facere?*

ARTICULUS VI. 144

Utrum prædestinatio sit certa.

I. dist. xl. quæst. 111. art. uni. & v. quol. quæst. 1. ar. 2. & x1. quol. ar. 3. & quol. x11. quæst. 111. art. 4. & ver. quæst. vi. art. 3. & 5. & ad Heb. x11. l. 4. fin.

AD sextum sic proceditur. Videtur quod prædestinatio non sit certa. Quia super illud Apocal. 3. 11. *Tene quod habes, ne alius accipias coronam tuam*, dicit Augustinus (Lib. de correptione & gratia cap. x111.) quod „alius non est accepturus, nisi iste perdidit.“ Potest ergo &

N 4 acqui-

(a) Ita codd. Alcan. Camer. & Rom. Edisti voluntatem.

acquiri, & perdi corona, quæ est prædestinationis effectus. Non est igitur prædestinatio certa.

2. Præterea. Posito possibili, nullum sequitur impossibile. Possibile est autem aliquem prædestinatum, ut Petrum, peccare, & tunc occidi: hoc autem posito, sequitur prædestinationis effectum frustrari. Hoc igitur non est impossibile: non ergo est prædestinatio certa.

3. Præterea. Quicquid Deus potuit, potest. Sed potuit non prædestinare quem prædestinavit. Ergo nunc potest non prædestinare: ergo prædestinatio non est certa.

Sed contra est quod super illud Rom. **¶**111. *Quos præcavit, hos & prædestinavit* &c. dicit Glossa (ex Augustino Lib. II. de don. persev. cap. XIV. parum a princ.)

„Prædestinatio est præscientia, & præparatio beneficiorum Dei, (a) qua certissime liberantur quicumque liberantur.”

Respondendo dicendum, quod prædestinatio certissime, & infallibiliter consequitur suum effectum, nec tamen imponit necessitatem, ut scilicet effectus eius ex necessitate proveniat. Dicitur enim supra (art. 1. huius quæst.) quod prædestinatio est pars providentiæ. Sed non omnia quæ providentiæ subduntur, necessaria sunt; sed quædam contingenter eveniunt secundum conditionem causarum proximarum, quas ad tales effectus divina providentiæ ordo ordinavit. Et tamen providentiæ ordo est infallibilis, ut supra ostensum est (quæst. XXII. art. 4.) Sic igitur & ordo prædestinationis est certus, & tamen libertas arbitrii non tollitur, ex qua contingenter provenit prædestinationis effectus.

Ad hoc etiam considerata sunt quæ supra dicta sunt (quæst. XIV. art. 13. & quæst. XIX. art. 4.) de divina scientia, & de divina voluntate, quæ contingentiam a rebus non tollunt, licet certissimam, & infallibilem sint.

Ad primum ergo dicendum, quod corona dicitur esse alicuius dupliciter. Uno modo ex prædestinatione divina; & sic nullus coronam suam amittit. Alio modo ex merito gratiæ. Quod enim mereamur, quodammodo nostrum est; & sic suam coronam aliquis amittere potest per peccatum mortale sequens. Alius autem illam coronam amissam accipit, inquantum loco eius subrogatur: non enim permittit Deus aliquos cadere, qui

alios erigat, secundum illud Iob XXXIV. **¶**24. *conteret multos, & innumerabiles, & flare faciet alios pro eis.* Sic enim in locum Angelorum cadentium substituti sunt homines, & in locum Iudeorum Gentiles. Substitutus autem in statum gratiæ etiam quantum ad hoc coronam cadentis accipit quod de bonis quæ alius fecit, in æterna vita gaudebit, in qua unusquisque gaudebit de bonis tam a se, quam ab aliis factis.

Ad secundum dicendum, quod licet sit possibile eum qui est prædestinatus, mori in peccato mortali secundum se consideratum; tamen hoc est impossibile, posito, prout scilicet ponitur, eum esse prædestinatum. Unde non sequitur quod prædestinatio falli possit.

Ad tertium dicendum, quod cum prædestinatio includat divinam voluntatem; sicut supra dictum est (art. 4. huius quæst.) quod Deum velle aliquid creatum est necessarium ex suppositione, propter immutabilitatem divinæ voluntatis, non tamen absolute, ita dicendum est hic de prædestinatione. Unde non oportet dicere, quod Deus possit non prædestinare quem prædestinavit, in sensu composito accipiendo; licet absolute considerando, Deus possit prædestinare, vel non prædestinare. Sed ex hoc non tollitur prædestinationis certitudo.

ARTICULUS VII. 145

Utrum numerus prædestinatorum sit certus.

1. *dist. XI. quæst. III. art. III. & verit. quæst. VI. art. 4.*

AD septimum sic proceditur. Videtur quod numerus prædestinatorum non sit certus. Numerus enim cui potest fieri additio, non est certus. Sed numero prædestinatorum potest fieri additio, ut videtur: dicitur enim Deuteronomio. I. 11. *Dominus Deus noster addat ad hunc numerum multa millia:* Glossa (ordinaria), *de-* sunt eius. “Ergo numerus prædestinatorum non est certus.”

2. Præterea. Non potest assignari ratio quare magis in hoc numero quam in alio Deus homines præordinet ad salutem. Sed nihil a Deo sine ratione disponitur. Ergo non est certus numerus salvandorum præordinatus a Deo.

3. Præterea. Operatio Dei est perfectior quam operatio naturæ. Sed in operibus naturæ bonum invenitur ut in plu-

(a) Augustinus quibus.

ribus, defectus autem, & malum ut in paucioribus. Si igitur a Deo institueretur numerus salvandorum, plures essent salvandi quam damnandi: cuius contrarium ostenditur Matth. VII. 13. ubi dicitur: *Lata, & spatiosa est via quae ducit ad perditionem; & multi sunt qui intrant per eam. Angusta est porta, & arcta via quae ducit ad vitam; & pauci sunt, qui inveniunt eam.* Non ergo est praedeterminatus a Deo numerus salvandorum.

Sed contra est quod Augustinus dicit in Lib. de correptione & gratia (cap. XI. 1.) *Certus est praedestinatorum numerus, qui neque augeri potest, neque minui.*

Respondetur dicendum, quod numerus praedestinatorum est certus.

Sed quidam dixerunt, eum esse certum formaliter, sed non materialiter; ut puta, si diceremus certum esse quod centum, vel mille salventur, non autem quod hi, vel illi. Sed hoc tollit certitudinem praedestinationis, de qua iam diximus (art. praec.)

Et ideo oportet dicere, quod numerus praedestinatorum fit certus Deo non solum formaliter, sed etiam materialiter. Sed advertendum est, quod numerus praedestinatorum certus Deo dicitur, non solum ratione cognitionis, quia scilicet scit quot sunt salvandi, sic enim Deo certus est etiam numerus guttarum pluviae, & arenae maris; sed ratione electionis, & definitionis cuiusdam.

Ad cuius evidentiam est sciendum, quod omne agens intendit facere aliquid finitum, ut ex praedictis de infinito (quaest. VII. art. 2. & 3.) apparet. Quicumque autem intendit aliquam determinatam mensuram in suo effectu, excogitat aliquem numerum in partibus essentialibus eius quae per se requiruntur ad perfectionem totius. Non enim per se eligit aliquem numerum in his quae non principaliter requiruntur, sed solum propter aliud; sed in tanto numero accipit huiusmodi, inquantum sunt necessaria propter aliud: sicut aedificator excogitat determinatam mensuram domus, & etiam determinatum numerum mansionum, quas vult facere in domo, & determinatum numerum mensurarum parietis, vel tecti; non autem eligit determinatum numerum lapidum, sed accipit tot quot sufficiunt ad explendam tantam mensuram parietis. Sic igitur considerandum est in Deo respectu totius universalitatis, quae est eius effectus. Praedeterminavit enim

in qua mensura deberet esse totum universum, & quis numerus esset conveniens essentialibus partibus universi; quae scilicet habent aliquo modo ordinem ad perpetuitatem, quot scilicet species stellarum, quot elementa, quot species rerum. Individua vero corruptibilia non ordinantur ad bonum universi quasi principaliter, sed quasi secundario, inquantum in eis salvatur bonum speciei. Unde licet Deus sciat numerum omnium individuum, non tamen numerus vel bonum, vel culcum, vel aliquorum huiusmodi est per se praedeterminatus a Deo. Sed tot huiusmodi divina providentia producit, quot sufficiunt ad specierum conservationem. Inter omnes autem creaturas principales ordinantur ad bonum universi creaturae rationales, quae, inquantum huiusmodi, incorruptibiles sunt, & potissime illae quae beatitudinem consequuntur, quae immediatius attingunt ultimum finem. Unde certus est Deo numerus praedestinatorum, non solum per modum cognitionis, sed etiam per modum cuiusdam principalis praedestinationis.

Non sic autem omnino est de numero reproborum, qui videntur esse praedeterminati a Deo in bonum electorum, quibus omnia cooperantur in bonum.

De numero autem omnium praedestinatorum hominum, quis fit, dicunt quidam, quod tot ex hominibus salvabuntur, quot Angeli ceciderunt. Quidam vero, quod tot salvabuntur, quot Angeli remanserunt. Quidam vero, quod tot ex hominibus salvabuntur, quot Angeli ceciderunt, & insuper tot, quot fuerint Angeli creati. Sed melius dicitur, quod *soli Deo est cognitus numerus electorum in superna felicitate locandus* (ut habet Collecta pro vivis & defunctis).

Ad primum ergo dicendum, quod verbum illud Deuteronomio est intelligendum de illis qui sunt praenotati a Deo respectu praesentis iustitiae. Horum enim numerus & augetur, & minuitur, & non numerus praedestinatorum.

Ad secundum dicendum, quod ratio quantitatis alicuius partis accipienda est ex proportionem illius partis ad totum. Sic enim est apud Deum ratio quare tot stellas fecerit, vel tot rerum species, & quare tot praedestinavit, ex proportionem partium principalium ad bonum universi.

Ad tertium dicendum, quod bonum proportionatum communi statui naturae

accidit ut in pluribus, (a) & deficit ab hoc bono ut in paucioribus; sed bonum quod excedit communem statum naturæ, invenitur ut in paucioribus; & deficit ab hoc bono ut in pluribus: sicut patet quod plures homines sunt qui habent sufficientem scientiam ad regimen vitæ suæ; pauciores autem qui hac scientia carent, qui moriones, vel stulti dicuntur; sed paucissimi sunt respectu aliorum, qui attingunt ad habendam profundam scientiam intelligibilium rerum. Cum igitur beatitudo æterna in visione Dei consistens excedat communem statum naturæ, & præcipue secundum quod est gratia destituta per corruptionem originalis peccati, pauciores sunt qui salvantur. Et in hoc etiam maxime misericordia Dei apparet quod aliquos in illam salutem erigit, a qua plurimi deficient secundum communem cursum, & inclinationem naturæ.

ARTICULUS VIII. 146

Utrum prædestinatio possit iuvare precibus Sanctorum.

1. *dist. xli. art. 4. & III. dist. xvi. art. 3. & IV. dist. xlv. quæst. 111. art. 3. ad 5. & ut. quæst. vi. art. 6.*

AD octavum sic proceditur. Videtur quod prædestinatio non possit iuvare precibus Sanctorum. Nullum enim æternum (b) præcedit ab aliquo temporali; & per consequens non potest temporale iuvare ad hoc quod aliquod æternum sit. Sed prædestinatio est æterna. Cum igitur preces Sanctorum sint temporales, non possunt iuvare ad hoc quod aliquis prædestinetur. Non ergo prædestinatio iuvatur precibus Sanctorum.

2. Præterea. Sicut nihil indiget consilio nisi propter defectum cognitionis, ita nihil indiget auxilio nisi propter defectum virtutis. Sed neutrum horum competit Deo prædestinanti: unde dicitur Roman. xi. 34. (c) *Quis adiuvit Spiritum Domini? aut quis consiliarius eius fuit?* Ergo prædestinatio non iuvatur precibus Sanctorum.

3. Præterea. Eiusdem est adiuvare, & impediri. Sed prædestinatio non potest aliquo impediri. Ergo non potest aliquo iuvari.

Sed contra est quod dicitur Gen. xxv.

quod Isaac rogavit Deum pro Rebecca uxore sua, & dedit conceptum Rebecca. Ex illo autem conceptu natus est Iacob, qui prædestinatus fuit. Non autem fuisset impleta prædestinatio, si natus non fuisset. Ergo prædestinatio iuvatur precibus Sanctorum.

Respondetur dicendum, quod circa hanc questionem diverſi errores fuerunt.

Quidam enim attendentes certitudinem divinæ prædestinationis dixerunt, superfluas esse orationes, vel quicquid aliud fiat ad salutem æternam consequendam: quia his factis, vel non factis, prædestinati consequuntur, reprobat non consequuntur. Sed contra hoc sunt omnes admonitiones sacræ Scripturæ exhortantes ad orationem, & ad alia bona opera.

Alii vero dixerunt, quod per orationes mutatur divina prædestinatio: & hæc dicitur fuisse opinio Aegyptiorum, qui ponebant ordinationem divinam, quam fatum appellabant, aliquibus sacrificiis, & orationibus impediri posse. Sed contra hoc etiam est auctoritas sacræ Scripturæ: dicitur enim I. Reg. xv. 29. Porro triumphator Israel non parces, neque persequere flebitur: & Roman. xi. 29. dicitur, quod sine penitentia sunt dona Dei, & vocatio.

Et ideo aliter dicendum, quod in prædestinatione duo sunt consideranda, scilicet ipsa præordinatio divina, & effectus eius. Quantum igitur ad primum, nullo modo prædestinatio iuvatur precibus Sanctorum. Non enim precibus Sanctorum fit quod aliquis prædestinetur a Deo. Quantum vero ad secundum dicitur prædestinatio iuvare precibus Sanctorum, & aliis bonis operibus: quia providentia, cuius prædestinatio est pars, non subtrahit causas secundas; sed sic providet effectus, ut etiam ordo causarum secundarum subiaceat providentiæ. Sicut igitur sic providentur naturales effectus, ut etiam causæ naturales ad illos naturales effectus ordinentur, sine quibus illi effectus non provenirent; ita prædestinatur a Deo salus alicuius, ut etiam sub ordine prædestinationis cadat quicquid hominem promoveat in salutem, vel orationes propriæ, vel aliorum, vel alia bona, vel quicquid humilium, sine quibus aliquis salutem non consequitur. Unde prædestinati conandum est ad bene operandum, & orandum: quia per huiusmodi prædesti-

(a) Ita cod. Alcan. cui consonant edit. Rom. & Parav. at Tobul. Ducas et Levan. ac Nicolaus: & deficit ut in paucioribus. (b) Ita idem cod. Editi impeditur. (c) Vulgata. Quis cognovit sensum Domini? Isaac vero xl. 27. unde Apostolus sumptis, habetur: Quis adiuvit Spiritum?

stinationis effectus certitudinaliter impletur. Propter quod dicitur II. Petr. 1. *Id. Salutate ut per bona opera certam vestram vacationem, & electiorem faciat.*

Ad primum ergo dicendum, quod ratio illa offendit quod prædestinatio non iuvatur precibus Sanctorum quantum ad ipsam præordinationem.

Ad secundum dicendum, quod aliquis dicitur adjuvari per alium dupliciter. Uno modo in quantum ab eo accipit virtutem, & sic adjuvari infirmi est: unde Duo non competit; & sic intelligitur illud: *Quis adiuvit Spiritum Domini?* Alio modo dicitur quis adjuvari per aliquem, per quem exequitur suam operationem, sicut dominus per ministrum: & hoc modo Deus adjuvatur per nos, in quantum (a) exequimur suam ordinationem, secundum illud I. ad Corinth. 111. 9. *Dei enim adiutores sumus.* Neque hoc est propter defectum divinæ virtutis, sed quia utitur causis mediis, ut ordinis pulchritudo fervetur in rebus, & ut etiam creaturis dignitatem causalitatis communicet.

Ad tertium dicendum, quod secundæ causæ non possunt egredi ordinem causæ primæ universalis, ut supra dictum est (quaest. xix. art. 6.) sed ipsum exequuntur: & ideo prædestinatio per creaturas potest adjuvari, sed non impediri.

QUAESTIO XXIV.

De libro vitæ,

in tres articulos divisa.

DEinde considerandum est de libro vitæ: & circa hoc quaeruntur tria.

Primo, quid sit liber vitæ.

Secundo, cuius vitæ sit liber.

Tertio, utrum aliquis possit deleri de libro vitæ.

ARTICULUS I.

147

Utrum liber vitæ sit idem quod prædestinatio.

I. diff. xl. quaest. 1. art. 2. ad 5. & III. diff. xxxi. quaest. 1. art. 2. quaest. 2. per totum & quaest. 1. ad 1. & ver. quaest. vii. art. 4. & Psalm. xxxix. & Psal. xv.

AD primum sic proceditur. Videtur quod liber vitæ non sit idem quod prædestinatio. Dicitur enim Eccli. xxiv. 32. *Hæc omnia liber vitæ:* Glossa (interlinearis), id est novum, & vetus testamentum. "Hoc autem non est prædestinatio. Ergo liber vitæ non est idem quod prædestinatio.

2. Præterea. Augustinus in Lib. XX. de civit. Dei (cap. xrv. a med.) ait, *quod liber vitæ est quadam vis divina, qua fiet ut cuiusque opera sua bona, vel mala in memoriam reducantur.* Sed vis divina non videtur pertinere ad prædestinationem, sed magis ad attributum potentie. Ergo liber vitæ non est idem quod prædestinatio.

3. Præterea. Prædestinationi opponitur reprobatio. Si igitur liber vitæ esset prædestinatio, inveniretur liber mortis, sicut liber vitæ.

4. Sed contra est quod dicitur in Glossa (ordinar. & sumitur ex Cassiodoro) super illud Psalm. lxxviii. *Deleantur de libro viventium:* "Liber iste est notitia Dei, qua prædestinavit ad vitam quos" præcivit.

Respondo dicendum, quod liber vitæ in Deo dicitur metaphorice secundum similitudinem a rebus humanis acceptam. Est enim consuetum apud homines quod illi qui ad aliquid eliguntur, conscribuntur in libro, utpote milites, vel consilarii, qui olim dicebantur patris conscripti. Patet autem ex præmissis (art. 4. quaest. præc.) quod omnes prædestinati eliguntur a Deo ad habendum vitam æternam.

Ipsa ergo prædestinatorum conscriptio dicitur liber vitæ. Dicitur autem metaphorice aliquid conscriptum in intellectu alicuius quod firmiter in memoria tenet, secundum illud Proverb. 111. 3. *Næ obliviscaris legis meæ, & præcepta meæ cor tuum custodiat:* & post pauca sequitur: *Describe illa in tabulis cordis tui:* nam & in libris materialibus aliquid conscribitur ad succurrendum memoriæ. Unde ipsa Dei notitia, qua firmiter retinet se aliquos prædestinasse ad vitam æternam, dicitur liber vitæ: nam sicut scriptura libri est signum eorum quæ fienda sunt; ita Dei notitia est quoddam signum apud ipsum eorum qui sunt perducendi ad vitam æternam, secundum illud II. Timoth. 11. 19. *Firmum fundamentum Dei stat, habens signaculum hoc: Novit Dominus qui sunt eius.*

Ad primum ergo dicendum, quod liber vitæ potest dici dupliciter. Uno modo conscriptio eorum qui sunt electi ad vitam; & sic loquimur nunc de libro vitæ. Alio modo potest dici liber vitæ conscriptio eorum quæ dicunt in vitam: & hoc dupliciter: vel sicut agendorum; & sic novum, & vetus testamentum dicitur li-

liber vitæ: vel sicut iam factorum; & sic illa vis divina, qua fiet ut cuilibet in memoriam reducantur facta sua, dicitur liber vitæ; sicut etiam liber militiæ potest dici vel in quo scribuntur electi ad militiam, vel in quo traditur ars militaris, vel in quo recitantur facta militum.

Unde pater solutio ad secundum.

Ad tertium dicendum, quod non est consuetum conscribi eos qui repudiantur, sed eos qui eliguntur. Unde reprobationi non respondet liber mortis, sicut prædestinationi liber vitæ.

Ad quartum dicendum, quod secundum rationem differt liber vitæ a prædestinatione: importat enim notitiam prædestinationis, sicut etiam ex Glossa inducta apparet (in argum. *Sed contra.*)

ARTICULUS II. 148

Utrum liber vitæ sit solum respectu vitæ gloriæ prædestinationum.

Ver. quæst. VII. art. 5. 6. 7. & III. dist. XXXI. quæst. 1. art. 2. quæst. 1.

AD secundum sic proceditur Videtur quod liber vitæ non sit solum respectu vitæ gloriæ prædestinationum. Liber enim vitæ est notitia vitæ. Sed Deus per vitam suam cognoscit omnem aliam vitam. Ergo liber vitæ præcipue dicitur respectu vitæ divinæ, & non solum respectu vitæ prædestinationum.

2. Præterea. Sicut vita gloriæ est a Deo, ita vita naturæ. Si igitur notitia vitæ gloriæ dicitur liber vitæ, etiam notitia vitæ naturæ dicitur liber vitæ.

3. Præterea. Aliqui eliguntur ad gratiam, qui non eliguntur ad vitam gloriæ, ut patet per id quod dicitur Ioan. VI. 71. *Nonne duodecim vos elegi, & unus ex vobis diabolus est?* Sed liber vitæ est conscriptio electionis divinæ, ut dictum est (art. præc.) Ergo etiam est respectu vitæ gratiæ.

Sed contra est quod liber vitæ est notitia prædestinationis, ut dictum est (ibid.) Sed prædestinatio non respicit vitam gratiæ, nisi secundum quod ordinatur ad gloriam: non enim sunt prædestinati qui habent gratiam, & deficiunt a gloria. Liber igitur vitæ non dicitur nisi respectu gloriæ.

Respondeo dicendum, quod liber vitæ, ut dictum est (ibid.) importat conscriptionem quandam, sive notitiam electionis ad vitam. Eliguntur autem aliqui

ad id quod non competit sibi secundum suam naturam. Et iterum id ad quod eligitur aliquis, habet rationem finis. Non enim miles eligitur, aut conscribitur ad hoc quod armetur, sed ad hoc quod pugnet: hoc enim est proprium officium ad quod militia ordinatur. Finis autem supra naturam existens est vita gloriæ, ut supra dictum est (quæst. XXXI. art. 1.) Unde proprie liber vitæ respicit vitam gloriæ.

Ad primum ergo dicendum, quod vita divina, etiam prout est (a) gloriosa, est Deo naturalis: unde respectu eius non est electio, & per consequens neque liber vitæ: non enim dicimus, quod aliquis homo eligatur ad habendum sensum, vel aliquid eorum quæ consequuntur naturam.

Unde per hoc etiam patet solutio ad secundum: respectu enim vitæ naturalis non est electio, neque liber vitæ.

Ad tertium dicendum, quod vita gratiæ non habet rationem finis, sed rationem eius quod est ad finem. Unde ad vitam gratiæ non dicitur aliquis eligi, nisi inquantum vita gratiæ ordinatur ad gloriam. Et propter hoc illi qui habent gratiam, & excedunt a gloria, non dicuntur esse electi simpliciter, sed secundum quid: & similiter non dicuntur esse scripti simpliciter in libro vitæ, sed secundum quid, prout scilicet de eis in ordinatione, & notitia divina existit quod sint habituri aliquem ordinem ad vitam æternam secundum participacionem gratiæ.

ARTICULUS III. 149

Utrum aliquis deleatur de libro vitæ.

I. dist. XI. quæst. 1. art. 2. ad 5. & quæst. III. art. unic. ad 3. & III. dist. XXXI. quæst. 1. art. 2. ad 5. & Philip. IV. fin. & Hebr. XII. lect. 4. fin.

AD tertium sic proceditur. Videtur quod nullus deleatur de libro vitæ. Dicit enim Augustinus in XX. de civ. Dei (cap. xv. in fin.) quod *præscientia Dei, quæ non potest falli, liber vitæ est.* Sed a præscientia Dei non potest aliquid subtrahi, similiter neque a prædestinatione. Ergo nec de libro vitæ potest (b) aliquid deleri.

2. Præterea. Quicquid est in aliquo, est in eo per modum eius in quo est. Sed liber vitæ est quid æternum, &

(a) Ita est. Aliqui enim Nicetas. Edit. Rom. & Paris. vita gloriosa. (b) Nicetas aliquis.

immutabile. Ergo quicquid est in eo, est ibi non temporaliter, sed immobiliter, & indelebiter.

3. Præterea. Deletio scripturæ opponitur. Sed aliquis non potest de novo scribi in libro vitæ. Ergo neque inde deleri potest.

Sed contra est quod dicitur in Psal. lxxviii. 29. *Deleantur de libro viventium.*

Respondendo dicendum, quod quidam dicunt, quod de libro vitæ nullus potest deleri secundum rei veritatem, potest tamen aliquis deleri secundum opinionem hominum. Est enim consuetum in Scripturis ut aliquid dicatur fieri, quando innoscitur: & secundum hoc aliqui dicuntur esse scripti in libro vitæ, in quantum homines opinantur eos ibi scriptos propter præsentem iustitiam, quam in eis vident; sed quando apparet vel in hoc sæculo, vel in futuro, quod ab hac iustitia exciderint, dicuntur inde deleri. Et sic etiam exponitur in Glossa (ordin.) deletio talis, super illud Psal. lxxviii. *Deleantur de libro viventium.*

Sed quia non deleri de libro vitæ ponitur inter præmia iustorum secundum illud Apocal. iii. 5. *Qui vicerit sic, vestietur vestimentis albis; & non delebo nomen eius de libro vitæ* (quod autem Sanctis re-promittitur, non est solum in hominum opinione) potest dici, quod deleri, vel non deleri de libro vitæ, non solum ad opinionem hominum referendum est, sed etiam quantum ad rem. Est enim liber vitæ conscriptio ordinatorum in vitam æternam, ad quam ordinatur aliquis ex duobus; scilicet ex prædestinatione divina, & hæc ordinatio nunquam deficit; & ex gratia; quicumque enim gratiam habet, ex hoc ipso est dignus vita æterna; & hæc ordinatio debet interdum, quia aliqui ordinati sunt ex gratia habita ad habendum vitam æternam, a qua tamen deficiunt per peccatum mortale. Illi igitur qui sunt ordinati ad habendum vitam æternam ex prædestinatione divina, sunt simpliciter scripti in libro vitæ, quia sunt ibi scripti ut habituri vitam æternam in seipsa; & isti nunquam delentur de libro vitæ. Sed illi qui sunt ordinati ad habendum vitam æternam non ex prædestinatione divina, sed solum ex gratia, dicuntur esse scripti in libro vitæ non simpliciter, sed secundum quid quia sunt ibi scripti ut habituri vitam æternam non in seipsa, sed in sua causa; & tales possunt deleri de libro vitæ; ut deletio non referatur

ad notitiam Dei, quasi Deus aliquid præciat, postea nesciat, sed ad rem scitam, quia scilicet Deus scit aliquem prius ordinari in vitam æternam, & postea non ordinari, cum deficit a gratia.

Ad primum ergo dicendum, quod deletio, ut dictum est (in corp. art.) non refertur ad librum vitæ ex parte præscientiæ, quasi in Deo sit aliqua mutabilitas, sed ex parte præcitorum, quæ sunt mutabilia.

Ad secundum dicendum, quod licet res in Deo sint immutabiliter, tamen in se ipsis mutabiles sunt: & ad hoc pertinet deletio libri vitæ.

Ad tertium dicendum, quod eo modo quo aliquis dicitur deleri de libro vitæ, potest dici, quod ibi scribatur de novo vel secundum opinionem hominum, vel secundum quod de novo incipit habere ordinem ad vitam æternam per gratiam: quod etiam sub divina notitia comprehenditur, licet non de novo.

QUAESTIO XXV.

De divina potentia,

in sex articulos divisa.

Post considerationem divinæ præscientiæ, & voluntatis, & eorum quæ ad hoc pertinent, restat considerandum de divina potentia: & circa hoc quaeruntur sex.

Primo, utrum in Deo sit potentia.

Secundo, utrum eius potentia sit infinita.

Tertio, utrum sit omnipotens.

Quarto, utrum possit facere quod ea quæ sunt præterita, non fuerint.

Quinto, utrum Deus possit facere quæ non facit, vel prætermittere quæ facit.

Sexto, utrum quæ facit, possit facere meliora.

ARTICULUS I. 150

Utrum in Deo sit potentia.

1. dist. xlii. quæst. 1. art. 1. & 1. conj. cap. xvi. & 11. cap. vii. viii. ix. & x. & po. quæst. 1. art. 1.

Ad primum sic proceditur. Videtur quod in Deo non sit potentia. Sicut enim prima materia se habet ad potentiam, ita Deus, qui est agens primum, se habet ad actum. Sed prima materia secundum se considerata est absque omni actu. Ergo agens primum, quod est Deus, est absque potentia.

2. Præterea. Secundum Philosophum in

IX.

IX. Metaphys. (tex. 19.) *qualibet potentia melior est eius actus*: nam forma est melior quam materia, & actio quam potentia activa, est enim finis eius. Sed nihil est melius eo quod est in Deo, quia quicquid est in Deo, est Deus, ut supra ostensum est (quaest. III. art. 3.) Ergo nulla potentia est in Deo.

3. Præterea. Potentia est principium operationis. Sed operatio divina est eius essentia, cum in Deo nullum sit accidens: essentiae autem divinae non est aliud principium. Ergo nulla potentia est in Deo.

4. Præterea. Supra ostensum est (quaest. XIV. art. 8. & quaest. XIX. art. 4.) quod scientia Dei, & voluntas eius sunt causa rerum. Causa autem, & principium idem sunt. Ergo non oportet in Deo assignare potentiam, sed solum scientiam, & voluntatem.

Sed contra est quod dicitur in Psalm. LXXXVIII. 9. *Potent es, Domine, & veritas tua in circuitu tuo.*

Respondendo dicendum, quod duplex est potentia; scilicet passiva, quæ nullo modo est in Deo; & activa, quam oportet in Deo summe ponere. Manifestum est enim quod unumquodque, secundum quod est actu, & perfectum, secundum hoc est principium activum alienius. Patitur autem unumquodque, secundum quod est deficiens, & imperfectum. Ostensum est autem supra (quaest. II. art. 3. & quaest. XV. art. 1. & 2.) quod Deus est purus actus, & simpliciter & universaliter perfectus, neque in eo aliqua imperfectio locum habet. Unde sibi maxime competit esse principium activum, & nullo modo pati. Ratio autem activi principii convenit potentiae activæ: nam potentia activa est principium agendi in aliud; potentia vero passiva est principium patendi ab alio, ut Philosophus dicit V. Metaph. (tex. 17.) Relinquitur ergo quod in Deo maxime sit potentia activa.

Ad primum ergo dicendum, quod potentia activa non dividitur contra actum, sed fundatur in eo: nam unumquodque agit, secundum quod est in actu: potentia vero passiva dividitur contra actum: nam unumquodque patitur, secundum quod est in potentia. Unde hæc potentia excluditur a Deo, non autem activa.

Ad secundum dicendum, quod quando-

cumque actus est aliud a potentia, oportet quod actus sit nobilior potentia. Sed actio Dei non est aliud ab eius potentia, sed utrumque est essentia divina, quia nec esse eius est aliud ab eius essentia. Unde non oportet quod aliquid sit nobilius quam potentia Dei.

Ad tertium dicendum, quod potentia in rebus creatis non solum est principium actionis, sed etiam effectus. Sic igitur in Deo salvatur ratio potentiae quantum ad hoc quod est principium effectus, non autem quantum ad hoc quod est principium actionis, quæ est divina essentia; nisi forte secundum modum intelligendi, prout divina essentia, quæ in se simpliciter præhabet quicquid perfectionis est in rebus creatis, potest intelligi & sub ratione actionis, & sub ratione potentiae, sicut etiam intelligitur & sub ratione positi habentis naturam, & sub ratione naturæ. Sic igitur in Deo salvatur ratio potentiae quantum ad hoc quod est principium effectus.

Ad quartum dicendum, quod potentia non ponitur in Deo ut aliquid differens a scientia, & voluntate (a) secundum rem, sed solum secundum rationem, in quantum scilicet potentia importat rationem principii, exequentis id quod voluntas imperat, & ad quod scientia dirigit: quæ tria Deo secundum idem conveniunt.

(b) Vel dicendum, quod ipsa scientia, vel voluntas divina, secundum quod est principium effectivum, habet rationem potentiae. Unde consideratio scientiae, & voluntatis præcedit in Deo considerationem potentiae, sicut causa præcedit operationem, & effectum.

ARTICULUS II. 151

Utrum potentia Dei sit infinita.

I. dist. XLIII. quaest. 1. art. 1. & IV. con. cap. XLIV. & cap. LXV. & per. quaest. 1. art. 2. & opusc. 11. cap. XIX. & opusc. 1X. cap. IV. & XII. Meta. lect. 6. fm.

AD secundum sic proceditur. Videtur A quod potentia Dei non sit infinita. Omne enim infinitum est imperfectum, secundum Philosophum in III. Physic. (tex. 63. 64. & 65.) Sed potentia Dei non est imperfecta. Ergo non est infinita.

2. Præterea. Omnis potentia manifestatur

(a) Ita omnes edidi. In Cod. Alexan. deest secundum rem. (b) Deest hæc secunda responsio in cod. Alexan. aliique. Habent edidi omnes quæ vidimus. Vide infra art. 3. corp. & supra quaest. XIX. artic. 4. ad 4. & II. contr. Gent. cap. 1. ad 4.

rarur per effectum, alias frustra esset. Si igitur potentia Dei esset infinita, posset facere effectum infinitum; quod est impossibile.

3. Præterea. Philosophus probat in VIII. Physicorum (tex. 79.) quod si potentia alicuius corporis esset infinita, moveret in instanti. Deus autem non movet in instanti, sed movet creaturam spiritua-lem per tempus, creaturam vero corporalem per locum, & tempus, secundum Augustinum VIII. super Genesim ad litteram (cap. xx. xxiii. & xxiiii.) Non ergo est eius potentia infinita.

Sed contra est quod dicit Hilarius VIII. de Trin. (non procul a med. & Dam. Lib. I. cap. xviii.) quod (a) *Deus est immensa virtutis, vivens, potens*. Omne autem immensum est infinitum. Ergo virtus divina est infinita.

Respondeo dicendum, quod, sicut iam dictum est (ar. præc.) secundum hoc potentia activa invenitur in Deo, secundum quod ipse actu est: esse autem eius est infinitum, inquantum non est limitatum per aliquid recipiens, ut patet per hæc quæ supra dicta sunt (quæst. vii. art. 1.) cum de infinitate divinæ essentiae ageretur. Unde necesse est quod activa potentia Dei sit infinita. In omnibus enim agentibus hoc invenitur quod quanto aliquid agens perfectius habet formam qua agit, tanto est maior eius potentia in agendo; sicut quanto est aliquid magis calidum, tanto habet maiorem potentiam ad calefaciendum: & haberet utique potentiam infinitam ad calefaciendum, si eius calor esset infinitus. Unde cum ipsa essentia divina, per quam Deus agit, sit infinita, sicut supra ostensum est (loco proxime citat.) sequitur quod eius potentia sit infinita.

Ad primum ergo dicendum, quod Philosophus loquitur de infinito quod est ex parte materiae non terminatae per formam, cuiusmodi est infinitum quod congruit quantitati. Sic autem non est infinita divina essentia, ut supra ostensum est (loc. cit.) & per consequens nec eius potentia. Unde non sequitur quod sit imperfecta.

Ad secundum dicendum, quod potentia agentis univoci tota manifestatur in suo effectu: potentia enim generativa hominis nihil potest plus quam generare hominem: sed potentia agentis non univoci non tota manifestatur in sui effectus productione; sicut potentia Solis non tota manifestatur in productione alicuius

animalis ex putrefactione generati. Manifestum est autem quod Deus non est agens univocum. Nihil enim aliud potest cum eo convenire neque in specie, neque in genere, ut supra ostensum est (quæst. xiii. artic. 5. & quæst. iv. art. 3.) Unde relinquatur quod effectus eius semper est minor quam potentia eius. Non ergo oportet quod manifestetur infinita potentia Dei in hoc quod producat effectum infinitum. Et tamen etiam nullum effectum produceret, non esset Dei potentia frustra: quia frustra est quod ordinatur ad finem quem non attingit; potentia autem Dei non ordinatur ad effectum sicut ad finem, sed magis ipsa est finis sui effectus.

Ad tertium dicendum, quod Philosophus in VIII. Physicorum (tex. 79.) probat, quod si aliquid corpus haberet potentiam infinitam, moveret in non tempore: & tamen ostendit, quod potentia motoris cæli est infinita, quomovere potest tempore infinito. Relinquitur ergo secundum eius intentionem quod potentia infinita corporis, si esset, moveret in non tempore, non autem potentia incorporei motoris. Cuius ratio est, quia corpus movens aliud corpus est agens univocum: unde oportet quod tota potentia agentis manifestetur in motu. Quia igitur quanto movens corporis potentia est maior, tanto velocius movet, necesse est quod si fuerit infinita, moveat improporcionabiliter citius, quod est movere in non tempore. Sed movens incorporeum est agens non univocum. Unde non oportet quod tota virtus eius manifestetur in motu, ita quod moveat in non tempore: & præsertim quia movet secundum dispositionem suæ voluntatis.

ARTICULUS III. 152

Utrum Deus sit omnipotens.

III. P. quæst. xiii. art. 1. cor. & I. con. cap. xxii. & xxv. & pot. quæst. vii. art. 1.

Ad tertium sic proceditur. Videtur quod Deus non sit omnipotens. Mo- veri enim, & pati aliquid omnium sit. Sed hoc Deus non potest: est enim immobilis, ut supra dictum est (quæst. ii. art. 3. & quæst. ix. art. 1.) Non igitur est omnipotens.

2. Præterea. Peccare aliquid agere est. Sed Deus non potest peccare, neque se ipsum

(a) *Hilarius: Deus immensa virtutis, virtus potens, quæ nusquam pon ædit, nec desit usquam, &c.*

ipsum negare, ut dicitur II. Tim. 11. Ergo Deus non est omnipotens.

3. Præterea. De Deo dicitur (in collecta Domin. x. post Pent.) quod omnipotentiam suam parcendo maxime, & miserando manifestat. Ultimum igitur quod potest divina potentia, est parcere, & misereri. Aliquid autem est multo magis quam parcere, & misereri, sicut creare alium mundum, vel aliquid huiusmodi. Ergo Deus non est omnipotens.

4. Præterea. Super illud I. Corinth. 1. *Stultam fecit Deus sapientiam huius mundi*, dicit Glossa (Ambrosii in hunc locum) „Sapientiam huius mundi fecit „Deus stultam, ostendendo possibile „quod illa impossibile iudicabat.“ Unde videtur quod non sit aliquid iudicandum possibile, vel impossibile secundum inferiores causas, prout sapientia huius mundi iudicat, sed secundum potentiam divinam. Si igitur Deus sit omnipotens, omnia erunt possible: nihil ergo impossibile. Sublato autem impossibili, tollitur necessarium. Nam quod necesse est esse, impossibile est non esse. Nihil ergo erit necessarium in rebus, si Deus est omnipotens. Hoc autem est impossibile. Ergo Deus non est omnipotens.

Sed contra est quod dicitur Lucæ 1. 37. *Non erit impossibile apud Deum omne verbum.*

Respondeo dicendum, quod communiter consentiunt omnes, Deum esse omnipotentem. Sed ratione omnipotentiae assignare videtur difficile. Dubium enim potest esse quid comprehendatur sub ista distributione, cum dicitur, omnia posse Deum.

Sed si quis recte consideret (cum potentia dicatur ad possible) cum Deus omnia posse dicitur, nihil rectius intelligitur quam quod possit omnia possible, & ob hoc omnipotens dicatur. Possible autem dicitur dupliciter secundum Philosophum V. Metaph. (tex. 17.) Uno modo per respectum ad aliquam potentiam; sicut quod subditur humanæ potentiae, dicitur esse possibile homini. Non autem potest dici, quod Deus dicatur omnipotens, quia possit omnia quæ sunt possible naturæ creatæ, quia divina potentia in plura extenditur. Si autem dicatur, quod Deus sit omnipotens, quia potest omnia quæ sunt possible suæ potentiae, erit circulatio in manifestatione omnipotentiae: hoc enim non erit aliud quam dicere, quod Deus est omnipotens,

quia potest omnia quæ potest. Relinquitur igitur quod Deus dicatur omnipotens, quia potest omnia possible absolute; quod est alter modus dicendi possibile. Dicitur autem aliquid possibile, vel impossibile absolute ex habitudine terminorum. Possible quidem, quia prædicatum non repugnat subiecto, ut Socratem sedere; impossibile vero absolute, quia prædicatum repugnat subiecto, ut hominem esse alium.

Est autem considerandum, quod cum unumquodque agens agat sibi simile, unicuique potentiae activæ correspondet possibile ut obiectum proprium secundum rationem illius actus in quo fundatur potentia activa; sicut potentia calefactiva refertur, ut ad proprium obiectum, (a) ad esse calefactibile. Esse autem divinum, super quod ratio divinæ potentiae fundatur, est esse infinitum, non limitatum ad aliquod genus entis, sed præhabens in se totius esse perfectionem. Unde quicquid potest habere rationem entis, continetur sub possiblebus absolute, respectu quorum Deus dicitur omnipotens.

Nihil autem opponitur rationi entis nisi non ens. Hoc igitur repugnat rationi possiblebus absolute, quod subditur divinæ omnipotentiae, quod implicat in se esse, & non esse simul: hoc enim omnipotentiae non subditur, non propter defectum divinæ potentiae, sed quia non potest habere rationem factibilis, neque possible. Quæcumque igitur contradictionem non implicat, sub illis possiblebus continentur respectu quorum dicitur Deus omnipotens. Ea vero quæ contradictionem implicat, sub divina omnipotentia non continentur, quia non possunt habere possiblem rationem. Unde convenientius dicitur, quod ea non possunt fieri, quam quod Deus non possit facere. Neque hoc est contra verbum Angeli dicentis: *Non erit impossibile apud Deum omne verbum*: id enim quod contradictionem implicat, verbum esse non potest, quia nullus intellectus potest illud concipere.

Ad primum ergo dicendum, quod Deus dicitur omnipotens secundum potentiam activam, non secundum potentiam passivam, ut dictum est (art. 1. huius quæst. & in isto.) Unde quod non potest moveri, & pari, non repugnat omnipotentiae.

Ad secundum dicendum, quod peccare est

(a) Nihil ad omne calefactibile.

est deficere a perfecta (a) actione: unde posse peccare est posse deficere in agendo, quod repugnat omnipotentiae: & propter hoc Deus peccare non potest, qui est omnipotens. Quamvis Philosophus dicat in IV. Topic. (cap. 111.) quod potest Deus, & studiosius prava agere, si velit: nihil enim prohibet conditionalem esse veram, cuius antecedens, & consequens est impossibile; sicut fidicatur, Si homo est asinus, habet quatuor pedes: vel ut intelligatur, quod Deus potest aliqua agere quae nunc prava videntur, quae tamen, si ageret, bona essent. Vel loquitur secundum communem opinionem gentilium, qui homines dicebant transferri in deos, ut Iovem, vel Mercurium.

Ad tertium dicendum, quod Dei omnipotentia ostenditur maxime in parcendo, & miserando, quia per hoc ostenditur Deum habere summam potestatem, quod libere peccata dimittit: eius enim qui superioris legi astringitur, non est libere peccata condonare. Vel quia parcendo hominibus, & miserando perducit eos ad participationem infiniti boni, qui est ultimus effectus divinae virtutis. Vel quia, ut supra dictum est (quaest. xxi. art. 4.) effectus divinae misericordiae est fundamentum omnium divinarum operum: nihil enim debetur alicui nisi propter id quod est datum ei a Deo non debitum. In hoc autem maxime divina omnipotentia manifestatur quod ad ipsum pertinet prima institutio omnium bonorum.

Ad quartum dicendum, quod possibile absolutum non dicitur neque secundum causas superiores, neque secundum causas inferiores, sed secundum se ipsum. Possibile vero quod dicitur secundum aliquam potentiam, nominatur possibile secundum proximam causam. Unde ea quae immediate nata sunt fieri a Deo solo, ut creare, iustificare, & huiusmodi, dicuntur possibilia secundum causam superiorem. Quae autem nata sunt fieri a causis inferioribus, dicuntur possibilia secundum causas inferiores. Nam secundum conditionem causae proximae effectus habet contingentiam, vel necessitatem, ut supra dictum est (quaest. xv. art. 13. ad 2.) In hoc autem reputatur stulta mundi sapientia, quia ea quae sunt impossibilia naturae, etiam Deo impossibilia iudicabat. Et sic patet quod omnipotentia Dei impossibilitatem, & necessitatem a rebus non excludit.

ARTICULUS IV. 153

Utrum Deus possit facere quod praeterita non fuerint.

2. 2. quaest. c. lxx. art. 3. ad 3. *1. diff. xlii. quaest. 11. art. 2. 1. con. cap. xxv. 1. pot. quaest. 1. art. 3. 1. quod. v. quaest. 11. art. 1.*

AD quartum sic proceditur. Videtur quod Deus possit facere quod praeterita non fuerint. Quod enim est impossibile per se, magis est impossibile per accidens. Sed Deus potest facere id quod est impossibile per se, ut caecum illuminare, vel mortuum resuscitare. Ergo multo magis potest Deus facere illud quod est impossibile per accidens. Sed praeterita non fuisse est impossibile per accidens: accidit enim Socratem non currere, esse impossibile, ex hoc quod praeteriit. Ergo Deus potest facere quod praeterita non fuerint.

2. Praeterea. Quicquid Deus facere potuit, potest, cum eius potentia non minuat. Sed Deus potuit facere, antequam Socrates curreret, quod non curreret. Ergo postquam ecurrat, potest Deus facere quod non ecurrerit.

3. Praeterea. Caritas est maior virtus quam virginitas. Sed Deus potest reparare caritatem amissam. Ergo & virginitatem: ergo potest facere quod illa quae corrupta fuit, non fuerit corrupta.

Sed contra est quod Hieronymus (ep. 11. ad Eustochium de custodia virginitatis, aliquantulum a princ.) dicit: *Cum Deus omnia possit, non potest de corrupta facere incorruptam.* Ergo eadem ratione non potest facere de quocumque alio praeterito, quod non fuerit.

Respondeo dicendum, quod, sicut supra dictum est (art. praec. & quaest. vii. art. 2. ad 1.) sub omnipotentia Dei non cadit aliquid quod contradictionem implicat: praeterita autem non fuisse, contradictionem implicat. Sicut enim contradictionem implicat dicere, quod Socrates sedet, & non sedet, ita quod sedet, & non sedet. Dicere autem, quod sederit, est dicere, quod sit praeteritum; dicere autem, quod non sederit, est dicere, quod non fuerit. Unde praeterita non fuisse non subiacet divinae potentiae. Et hoc est quod Augustinus dicit contra Faustum (Lib. XXV. cap. v. in princ.) *Quisquis ita dicit: Si Deus omnipotens est, faciat ut quae facta sunt, facta non fuerint: non videt hoc se dicere, si Deus omnipotens est,*

est, faciat ut ea quæ vera sunt, eo ipso quod vera sunt, falsa sint. Et Philosophus dicit in VI. Ethicor. (cap. 11. in fin.) quod hoc solo privatur Deus, ingenua facere quæ sunt falsa.

Ad primum ergo dicendum, quod licet præterita non fuisse sit impossibile per accidens, si consideretur id quod est præteritum, idest curius Socratis; tamen si consideretur præteritum sub ratione præteriti, ipsum non fuisse est impossibile, non solum per se, sed absolute contradictionem implicans; & sic est magis impossibile secundum aliquam potentiam, scilicet naturalem: talia enim impossibilia divinæ potentie subduntur.

Ad secundum dicendum, quod sicut Deus, quantum est ad perfectionem divinæ potentie, omnia potest, sed quædam non subiacent eius potentie, quia deficiunt a ratione possibilem; ita si attendatur immutabilitas divinæ potentie, quicquid Deus potuit potest. Aliqua tamen olim habuerunt rationem possibilem, dum erant fienda, quæ iam deficiunt a ratione possibilem, dum sunt facta: & sic dicitur Deus ea non posse, quia ea non possunt fieri.

Ad tertium dicendum, quod omnem corruptionem mentis, & corporis Deus auferre potest a muliere corrupta; hoc tamen ab ea removeri non poterit, quod corrupta non fuerit: sicut etiam ab aliquo peccatore auferre non potest quod non peccaverit, & quod caritatem non amiserit.

ARTICULUS V. 154

Utrum Deus possit facere quæ non facit.

1. dist. XLIII. quæst. II. & II. con. cap. XXIII. usque XXX. & III. cap. XCVIII. fin. & præ. quæst. I. art. 5.

AD quintum sic proceditur. Videtur quod Deus non possit facere nisi ea quæ facit. Deus enim non potest facere quæ non præcivit, & præordinavit se facturum. Sed non præcivit, neque præordinavit se facturum nisi ea quæ facit. Ergo non potest facere nisi ea quæ facit.

2. Præterea. Deus non potest facere nisi quod debet, & quod iustum est fieri. Sed Deus non debet facere quod non facit; nec iustum est ut faciat quæ non facit. Ergo Deus non potest facere nisi quæ facit.

3. Præterea. Deus non potest facere

nisi quod bonum est, & conveniens rebus factis. Sed rebus factis a Deo non est bonum, nec conveniens aliter esse quam sint. Ergo Deus non potest facere nisi quæ facit.

Sed contra est quod dicitur Matth. XXVI. 53. *An non possum rogare Patrem meum, & exhibebit mihi modo plusquam duodecim legiones Angelorum?* Neque autem ipse rogabat, neque Pater exhibebat ad repugnandum Iudeis. Ergo Deus potest facere quod non facit.

Respondeo dicendum, quod circa hoc quidam dupliciter erraverunt.

Quidam enim posuerunt, Deum agere quasi ex necessitate nature; ut sicut ex actione rerum naturalium non possunt alia provenire nisi quæ eveniunt, utpote ex semine hominis homo, ex semine olive oliva; ita ex operatione divina non possint alie res, vel alius ordo rerum effluere, nisi sicut nunc est. Sed supra ostendimus (quæst. XIX. art. 3.) Deum non agere quasi ex necessitate nature, sed voluntatem eius esse omnium rerum causam, neque etiam ipsam voluntatem naturaliter, & ex necessitate determinari ad has res. Unde nullo modo iste cursus rerum sit ex necessitate a Deo provenit, quod alia provenire non possent.

Alii vero dixerunt, quod potentia divina determinatur ad hunc cursum rerum propter ordinem sapientie, & iustitie divinæ, sine quo Deus nihil operatur. Cum autem potentia Dei, quæ est eius essentia, non sit aliud quam Dei sapientia, convenienter quidem dici potest, quod nihil sit in Dei potentia quod non sit in ordine divinæ sapientie: nam divina sapientia totum posse potentie comprehendit.

Sed tamen ordo a divina sapientia rebus inditus, in quo ratio iustitie consistit, ut supra dictum est (quæst. XXI. art. 2.) non adequat divinam sapientiam sic ut divina sapientia limitetur ad hunc ordinem. Manifestum est autem quod tota ratio ordinis, quam sapiens rebus a se factis imponit, a fine sumitur. Quando igitur finis est proportionatus rebus propter finem factis, sapientia facientis limitatur ad aliquem determinatum ordinem. Sed divina bonitas est finis inproportionabiliter excedens res creatas. Unde divina sapientia non determinatur ad aliquem ordinem rerum, ut non possit alius cursus rerum effluere. Unde dicendum est simpliciter, quod Deus potest alia facere quam quæ facit.

Ad

Ad primum ergo dicendum, quod in nobis, in quibus est aliud potentia, & essentia a voluntate, & intellectu, & iterum intellectus aliud a sapientia, & voluntas aliud a iustitia, potest esse aliquid in potentia quod non potest esse in voluntate iusta, vel intellectu sapiente. Sed in Deo est idem potentia, & essentia, & voluntas, & intellectus, & sapientia, & iustitia. Unde nihil potest esse in potentia divina quod non possit esse in voluntate iusta ipsius, & intellectu sapiente eius. Tamen quia voluntas non determinatur ex necessitate ad hæc, vel illa, nisi forte ex suppositione, ut supra dictum est (quaest. xix. art. 3.) neque sapientia Dei, & iustitia determinatur ad hunc ordinem, ut supra dictum est (in cor. art.) nihil prohibet esse aliquid in potentia divina, quod non vult, & quod non continetur sub ordine quem statuit rebus. Et quia potentia intelligitur ut exequens, voluntas autem ut imperans, & intellectus, & sapientia ut dirigens; quod attribuitur potentiae secundum se consideratæ, dicitur Deus posse secundum potentiam absolutam; & huiusmodi est omne illud in quo potest salvari ratio entis, ut supra dictum est (art. 3. huius quaest.) quod autem attribuitur potentiae divinae, secundum quod exequitur imperium voluntatis iustæ, & hoc dicitur Deus posse facere de potentia ordinata. Secundum hoc ergo dicendum est, quod Deus potest alia facere de potentia absoluta quam quæ præcivit, & præordinavit se facturum; non tamen potest esse quod aliqua faciat quæ non præciverit, & præordinaverit se facturum: quia ipsum facere subiaceret præscientiæ, & præordinationi, non autem ipsum posse, quod est naturale. Ideo enim Deus aliquid facit, quia vult; non tamen ideo potest, quia vult, sed quia talis est in sui natura.

Ad secundum dicendum, quod Deus non debet aliquid alicui nisi sibi. Unde cum dicitur, quod Deus non potest facere nisi quod debet, nihil aliud significatur nisi quod Deus non potest facere, nisi quod ei est conveniens & iustum. Sed hoc quod dico conveniens, & iustum, potest intelligi dupliciter. Uno modo sic quod hoc quod dico conveniens, & iustum, prius intelligatur coniungi cum hoc verbo *est*, ita quod restringatur ad standum pro præsentibus, & sic referatur ad potentiam; & sic falsum est, quod dicitur: est enim sensus: Deus non potest

facere nisi quod modo conveniens est, & iustum. Si vero prius coniungatur cum hoc verbo *potest* (quod habet vim ampliandi) & postmodum cum hoc verbo *est*, significabitur quoddam præsens, & confusum; & erit locutio vera sub hoc sensu: Deus non potest facere nisi id quod si faceret, esset conveniens, & iustum.

Ad tertium dicendum, quod licet iste cursus rerum sit determinatus istis rebus quæ nunc sunt; non tamen ad hunc cursum limitatur divina sapientia, & potestas. Unde licet istis rebus quæ nunc sunt, nullus alius cursus esset bonus, & conveniens; tamen Deus posset alias res facere, & alium eis imponere ordinem.

ARTICULUS VI. 155

Utrum Deus possit meliora facere ea quæ facit.

1. dist. lxxiv. art. 1. 2. & 3. & III. dist. xiii. quaest. 1. art. 2. quaest. 2. ad. 2. & 3. & pot. quaest. lxx. art. 16. ad 17.

AD sextum sic proceditur. Videtur quod Deus non possit meliora facere ea quæ facit. Quicquid enim Deus facit, potentissime, & sapientissima facit. Sed tanto sit aliquid melius, quanto sit potentius, & sapientius. Ergo Deus non potest aliquid facere melius quam facit.

1. Præterea. Augustinus contra Maximinum (Lib. III. cap. vii. ad fin.) sic argumentatur. Si Deus potuit, & noluit gignere Filium sibi æqualem, invidus fuit: eadem ratione si Deus potuit res meliores facere quam fecerit, & noluit; invidus fuit. Sed invidia est omnino relegata a Deo. Ergo Deus unumquodque fecit optimum: non ergo Deus potest aliquid facere melius quam fecit.

3. Præterea. Id quod est maxime, & valde bonum, non potest melius fieri, quia maximo nihil est maius. Sed, sicut Augustinus dicit in Ench. (cap. xi.) *bona sunt singula quæ Deus fecit, sed simul universa valde bona, quia ex omnibus consistit universitatis admirabilis pulchritudo*. Ergo bonum universi non potest melius fieri a Deo.

4. Præterea. Homo Christus est plenus gratia, & veritate, & Spiritum habet non ad mensuram; & sic non potest esse melior. Beatitudo etiam creata dicitur esse summum bonum; & sic non potest

est esse melius. Beata etiam Virgo Maria est super omnes choros Angelorum exaltata; & sic non potest esse melior. Non igitur omnia quae fecit Deus, potest facere meliora.

Sed contra est quod dicitur ad Ephes. 111. 30. quod Deus potest omnia facere abundantius quam petimus, aut intelligimus.

Respondetur dicendum, quod bonitas aliquius rei est duplex. Una quidem quae est de essentia rei, sicut esse rationale est de essentia hominis; & quantum ad hoc bonum Deus non potest facere aliquam rem meliorem quam ipsa sit, licet possit facere aliquam aliam ea meliorem; sicut etiam non potest facere quaternarium maiorem, quia si esset maior, iam non esset quaternarius, sed alius numerus: sic enim se habet additio differentiae substantialis in definitionibus, sicut additio unitatis in numeris, ut dicitur VIII. Metaph. (tex. 10.)

Alia bonitas est quae est extra essentiam rei, sicut bonum hominis est esse virtuosum, vel sapientem; & secundum tale bonum potest Deus res a se factas facere meliores. Simpliciter autem loquendo qualibet res a se facta potest Deus facere aliam meliorem.

Ad primum ergo dicendum, quod cum dicitur Deum posse aliquid facere melius quam facit, si ly melius sit nomen, verum est: qualibet enim res potest facere aliam meliorem. Eandem vero potest facere meliorem quodammodo, & quodammodo non, sicut dictum est (in corp. artic.) Si vero ly melius sit adverbium, & importet modum ex parte facientis, sic Deus non potest facere melius quam facit: quia non potest facere ex maiori sapientia, & bonitate. Si autem importet modum ex parte facti, sic potest facere melius: quia potest dare rebus a se factis meliorem modum essendi quantum ad accidentalitatem, licet non quantum ad essentialitatem.

Ad secundum dicendum, quod de ratione filii est quod requiritur patri, cum ad perfectum venerit; non est autem de ratione creaturae aliquis quod sit melior quam a Deo facta est. Unde non est similis ratio.

Ad tertium dicendum, quod Universum (suppositis istis rebus) non potest esse melius propter decentissimum ordinem his rebus attributum a Deo, in quo bonum Universi consistit. Quorum si unum aliquod esset melius, corrumpere pro- portio ordinis; sicut si una chorda plus

debito intenderetur, corrumpere- tur ci- tharæ melodia. Posset tamen Deus alias res facere, vel alias addere istis rebus factis: & sic esset illud Univer- sum melius.

Ad quantum dicendum, quod humanitas Christi ex hoc quod est unita Deo, & beatitudo creata ex hoc quod est fructio Dei, & Beata Virgo ex hoc quod est mater Dei, habent quandam dignitatem infinitam ex bono infinito, quod est Deus: & ex hac parte non potest aliquid fieri melius eis, sicut non potest aliquid melius esse Deo.

QUAESTIO XXVI.

De divina beatitudine,

in quatuor articulis divisa.

Ultimo autem post considerationem eorum quae ad divinae essentiae unitatem pertinent, considerandum est de divina beatitudine: & circa hoc quaeruntur quatuor.

Primo, utrum beatitudo Deo competat.

Secundo, secundum quid dicitur Deus esse beatus, utrum secundum actum intellectus.

Tertio, utrum ipse sit essentialiter beatitudo cuiuslibet beati.

Quarto, utrum in eius beatitudine omnis beatitudo includatur.

ARTICULUS I. 156

Utrum beatitudo Deo competat.

Inf. quæst. 121. art. 4. cor. & 11. dist. 1. quæst. 111. art. 2. ad 4. & dist. xv. quæst. 111. art. 3. ad 1. & 1. cor. cap. c. & c.

Ad primum sic proceditur. Videtur quod beatitudo Deo non conveniat. Beatitudo enim secundum Boetium in IV. de Consol. (prol. 11 parum a princ.) est status omnium bonorum aggregatione perfectus. Sed aggregatio bonorum non habet locum in Deo, sicut nec compositio. Ergo Deo non convenit beatitudo.

2. Præterea. Beatitudo, sive felicitas est premium virtutis, secundum Philosophum in I. Ethicor. (cap. 1. x. paulo 2 prin.) Sed Deo non convenit premium, sicut nec meritum. Ergo nec beatitudo.

Sed contra est quod dicit Apostolus I. ad Timoth. ultim. 16. *Quem suis temporibus ostendit Deus beatus, & solus potens, Rex regum, & Dominus dominantium.*

Respon-

Respondeo dicendum, quod beatitudo maxime Deo competit. Nihil enim aliud sub nomine beatitudinis intelligitur nisi bonum perfectum intellectualis naturae, cuius est suam sufficientiam cognoscere in bono quod habet; & cui competit ut ei contingat aliquid vel bene, vel male, & sit suarum operationum domina. Utinamque autem istorum excellentissime Deo convenit, scilicet perfectum esse, & intelligentem. Unde beatitudo maxime convenit Deo.

Ad primum ergo dicendum, quod aggregatio bonorum est in Deo, non per modum compositionis, sed per modum simplicitatis: quia quae in creaturis multiplicia sunt, in Deo praexistunt simpliciter, & unito, ut supra dictum est (quaest. IV. artic. 2. & quaest. XVIII. artic. 4.).

Ad secundum dicendum, quod esse praemium virtutis accidit beatitudini, vel felicitati, inquantum aliquis beatitudinem acquirit; sicut esse terminum generationis accidit enti, inquantum exit de potentia in actum. Sicut igitur Deus habet esse, quamvis non generetur; ita habet beatitudinem, quamvis non mereatur.

ARTICULUS II. 157

Utrum Deus dicatur beatus secundum intellectum.

II. dist. XVI. art. 2. cor.

AD secundum sic proceditur. Videtur quod Deus non dicatur beatus secundum intellectum. Beatitudo enim est summum bonum. Sed bonum dicitur in Deo secundum essentiam; & bonum respicit esse secundum essentiam, secundum Bonum in 1. lib. de hebdom. (sive in Lib. An omne quod est, bonum sit.) Ergo & beatitudo dicitur in Deo secundum essentiam, & non secundum intellectum.

2. Praeterea. Beatitudo habet rationem finis. Finis autem est obiectum voluntatis, sicut & bonum. Ergo beatitudo dicitur in Deo secundum voluntatem, & non secundum intellectum.

Sed contra est quod Gregorius dicit XXXII Moralium (cap. VII. in princ. super illud Iob xl. *Circumdatus tibi decorum*) *Ipsa glorijs est, qui dum se ipso perfruitur, accedens laudis indigena non est.* Esse autem gloriosum significat esse beatum. Cum igitur Deo fruamur secundum intellectum, quia visio est tota merces, ut dicitur 3. Tb. Oper. 7. an. XX.

scit Augustinus (Lib. XXII. de civ. Dei cap. XXVI. aliquantulum a princ.) videtur quod beatitudo dicatur in Deo secundum intellectum.

Respondeo dicendum, quod beatitudo, sicut dictum est (art. praec.) significat bonum perfectum intellectualis naturae: & inde est quod sicut unaquaeque res appetit suam perfectionem, ita & intellectualis natura naturaliter appetit esse beata. Id autem quod est perfectissimum in qualibet intellectuali natura, est intellectualis operatio, secundum quam capit quodammodo omnia. Unde cuiuslibet intellectualis naturae creatae beatitudo consistit in intelligendo. In Deo autem non est aliud esse, & intelligere secundum rem, sed tantum secundum intelligentiae rationem. Attribuenda ergo est Deo beatitudo secundum intellectum, sicut & aliis beatis, qui per assimilationem ad beatitudinem ipsius beati dicuntur.

Ad primum ergo dicendum, quod ex illa ratione probatur quod Deus sit beatus secundum suam essentiam, non autem quod beatitudo ei conveniat secundum rationem essentiae, sed magis secundum rationem intellectus.

Ad secundum dicendum, quod beatitudo, cum sit bonum, est obiectum voluntatis: obiectum autem praetelligitur actui potentiae. Unde secundum modum intelligendi prius est beatitudo divina quam actus voluntatis in ea requiescentis. Et hoc non potest esse nisi actus intellectus. Unde in actu intellectus attenditur beatitudo.

ARTICULUS III. 158

Utrum Deus sit beatitudo cuiuslibet beati.

1. 2. quaest. III. artic. 2. & IV. dist. XLII. quaest. 1. artic. 2. quaest. 1. & 1. cor. cap. CII. §. 2.

AD tertium sic proceditur. Videtur quod Deus sit beatitudo cuiuslibet beati. Deus enim est summum bonum, ut supra ostensum est (quaest. VI. art. 2. & 4.) Impossibile est autem esse plura summa bona, ut etiam ex superioribus patet (quaest. XI. artic. 3.) Cum igitur de ratione beatitudinis sit quod sit summum bonum, videtur quod beatitudo non sit aliud quam Deus.

2. Praeterea. Beatitudo est finis rationalis naturae ultimus. Sed esse ultimum finem rationalis naturae soli Deo convenit.

nir. Ergo beatitudo cuiuslibet beati est solus Deus.

Sed contra. Beatitudo unius est maior beatitudine alterius, secundum illud I. Cor. xv. 41. *Stella differat a stella in claritate*. Sed Deo nihil est maius. Ergo beatitudo est aliquid aliud quam Deus.

Respondendo dicendum, quod beatitudo intellectualis naturæ consistit in actu intellectus: in quo duo possunt considerari, scilicet obiectum actus, quod est intelligibile, & ipse actus, qui est intelligere.

Si igitur beatitudo consideretur ex parte ipsius obiecti, sic solus Deus est beatitudo: quia ex hoc solo est aliquis beatus quod Deum intelligit, secundum illud Augustini in V. Lib. Confessi. (cap. xv. in princ.) *Beatus est (a) qui se novit, etiam si alia ignoret*. Sed ex parte actus intelligentis beatitudo est quid creatum in creaturis beatis; in Deo autem est etiam secundum hoc aliquid increatum.

Ad primum ergo dicendum, quod beatitudo, quantum ad obiectum, est summum bonum simpliciter; sed quantum ad actum in creaturis beatis, est summum bonum non simpliciter, sed in genere bonorum participabilem a creatura.

Ad secundum dicendum, quod finis est duplex, scilicet *cuius*, & *quo*, ut Philosophus dicit (Libr. I. Magn. Mor. capit. xxi.) scilicet ipsa res, & usus rei; sicut avaro est finis pecunia, & acquisitio pecuniæ. Creaturæ igitur rationalis est quidem Deus finis ultimus ut res; beatitudo autem creata ut usus, vel magis fructio rei.

ARTICULUS IV. 159

Utrum in Dei beatitudine omnis beatitudo includatur.

I. cont. cap. ult.

AD quartum sic proceditur. Videtur quod beatitudo divina non completatur omnes beatitudines. Sunt enim quædam beatitudines falsæ. Sed in Deo nihil potest esse falsum. Ergo divina beatitudo non completatur omnem beatitudinem.

2. Præterea. Quædam beatitudo secundum quosdam consistit in rebus corporalibus, sicut voluptatibus, divitiis, & huiusmodi: quæ quidem Deo convenire non possunt, cum sit incorporeus. Ergo beatitudo eius non completitur omnem beatitudinem.

(a) Augustinus: qui se scit, etiam illa nesciat.

Sed contra est quod beatitudo est perfectio quædam. Divina autem perfectio completitur omnem perfectionem, ut supra ostensum est (quæst. xv. art. 2.) Ergo divina beatitudo completitur omnem beatitudinem.

Respondendo dicendum, quod quidquid est desiderabile in quacumque beatitudine vel vera, vel falsa, totum eminentius in divina beatitudine præexistit. De contemplativa enim felicitate habet continuam, & certissimam contemplationem sui, & omnium aliorum; de activa vero gubernationem totius universi. De terrena vero felicitate, quæ consistit in voluptate, divitiis, potestate, dignitate, & fama, secundum Boetium in III. de cons. (prof. x.) habet gaudium de se, & de omnibus aliis pro delectatione; pro divitiis habet omnimodam sufficientiam, quam divitiæ promittunt; pro potestate omnipotentiam; pro dignitate omnium regimen; pro fama vero admirationem totius creaturæ.

Ad primum ergo dicendum, quod beatitudo aliqua secundum hoc est falsa, secundum quod deficit a ratione veræ beatitudinis; & sic non est in Deo: sed quidquid habet de similitudine quantumcumque tenuis beatitudinis, totum præexistit in divina beatitudine.

Ad secundum dicendum, quod bona quæ sunt in corporalibus corporaliter, in Deo sunt spiritualiter secundum modum suum.

Et hæc dicta sufficiunt de his quæ pertinent ad divinæ essentiae unitatem.

TRACTATUS DE TRINITATE.

QUAESTIO XXVII.

De processione divinarum personarum,

in quinque articulos divisa

Consideratis autem his quæ ad divinæ essentiae unitatem pertinent, restat considerare de his quæ pertinent ad trinitatem personarum in divinis. Et quia personæ divinæ secundum relationes originis distinguuntur, secundum ordinem doctrinæ prius considerandum est de origine, sive de processione; secundo de relationibus originis; tertio de personis.

Cir-

Circa processionem quaeruntur quinque.

Primo, utrum processio sit in divinis.
Secundo, utrum aliqua processio in divinis generatio dici possit.

Tertio, utrum prae generacionem aliqua alia processio possit esse in divinis.

Quarto, utrum illa alia processio possit dici generatio.

Quinto, utrum in divinis sint plures processionem quam duae.

ARTICULUS I.

Utrum processio sit in divinis.

I. dist. XIII. art. 1. 1^o IV. cont. cap. XI. 1^o pot. quæst. X. art. 1.

AD primum sic proceditur. Videtur quod in Deo non possit esse aliqua processio. Processio enim significat motum ad extra. Sed in divinis nihil est mobile, neque extraneum. Ergo neque processio.

1. Præterea. Omne procedens est diversum ab eo a quo procedit. Sed in Deo non est aliqua diversitas, sed summa simplicitas. Ergo in Deo non est processio aliqua.

2. Præterea. Procedere ab alio, videtur rationi primi principii repugnare. Sed Deus est primum principium, ut supra ostensum est (quæst. 11. art. 3.) Ergo in Deo processio locum non habet. Sed contra est quod dicit Dominus Ioan. VIII. 42. *Ego ex Deo processio.*

Respondeo dicendum, quod divina Scriptura in rebus divinis, nominibus ad processionem pertinentibus utitur.

Hanc autem processionem diversi diversimode acceperunt.

Quidam enim acceperunt hanc processionem, secundum quod effectus procedit a causa: & sic accepit Arius dicens, Filium procedere a Patre sicut primam eius creaturam, & Spiritum sanctum procedere a Patre, & Filio sicut creaturam utriusque. Et secundum hoc neque Filium, neque Spiritum sanctum esset verus Deus. Quod est contra id quod dicitur de Filio I. Ioan. ult. 20. *Ut... sumus in vero Filio eius. Hic est verus Deus.* Et de Spiritu sancto dicitur I. Corin. VI. 19. *Nescitis, quia membra vestra templum sunt Spiritus sancti? templum autem habere solius Dei est.*

Alii vero hanc processionem acceperunt, secundum quod causa dicitur pro-

cedere in effectum, in quantum vel movere ipsum, vel similitudinem suam ipsi imprimi: & sic accepit Sabellius dicens, ipsum Deum Patrem Filium dici, secundum quod carnem assumpsit ex Virgine; & eundem dici Spiritum sanctum, secundum quod creaturam rationalem sanctificat, & ad vitam movet. Huic autem acceptioni repugnant verba Domini de se dicentis Ioan. V. 19. *Non possit facere a se Filius quidquam:* & multa alia, per quae ostenditur, quod non est ipse Pater, qui Filius.

Si quis autem diligenter consideret, uterque accepit processionem, secundum quod est ad aliquid extra: unde neuter posuit processionem in ipso Deo; sed cum omnis processio sit secundum aliquam actionem, sicut secundum actionem quae tendit in exteriorem materiam, est aliqua processio ad extra; ita secundum actionem quae manet in ipso agente, attenditur processio quædam ad intra. Et hoc maxime patet in intellectu, cuius actio, scilicet intelligere, manet in intelligente. Quicumque autem intelligit, ex hoc ipso quod intelligit, procedit aliquid intra ipsum, quod est (a) conceptio rei intellectæ, ex eius notitia procedens. Quam quidem conceptionem vox significat, & dicitur verbum cordis significatum verbo vocis. Cum autem Deus sit super omnia, ea quæ in Deo dicuntur, non sunt intelligenda secundum modum infimarum creaturarum, quæ sunt corpora, sed secundum similitudinem supremarum creaturarum, quæ sunt intellectuales substantiæ, a quibus etiam similitudo accepta deficit a representatione divinarum. Non ergo accipienda est processio, secundum quod est in corporalibus vel per motum localem, vel per actionem alicuius causæ in exteriorem effectum, ut calor a calefaciente in calefactum; sed secundum emanationem intelligibilem, utpote verbi intelligibilis a dicente, quod manet in ipso. Et sic fides catholica processionem ponit in divinis.

Ad primum ergo dicendum, quod obiectio illa procedit de processione quæ est motus localis, vel quæ est secundum actionem tendentem in exteriorem materiam, vel in exteriorem effectum: talis autem processio non est in divinis, ut dictum est (in corp. art.)

Ad secundum dicendum, quod id quod

O 4 pro-

(a) Ita ord. Alex. quibus plures. Edisi? conceptio rei intellectæ ex vi intellectiva proveniens, & ex eius notitia procedens.

procedit secundum processionem quæ est ad extra, oportet esse diversum ab eo a quo procedit; sed id quod procedit ad intra processum intelligibili, non oportet esse diversum; immo quanto perfectius procedit, tanto magis est unum cum eo a quo procedit. Manifestum est enim quod quanto aliquid magis intelligitur, tanto conceptio intellectualis est magis intima intelligenti, & magis unum. Nam intellectus secundum hoc quod actu intelligit, secundum hoc fit (a) unum cum intellectu. Unde cum divinum intelligere sit (b) in fine perfectionis, ut supra dictum est (quæst. xiv. art. 2.) necesse est quod verbum divinum sit perfecte unum cum eo a quo procedit, absque omni diversitate.

Ad tertium dicendum, quod procedere a principio ut extraneum, & diversum, repugnat rationi primi principii; sed procedere ut intimum, & absque diversitate per modum intelligibilem, includitur in ratione primi principii. Cum enim dicimus edificatorem principium domus, in ratione huius principii includitur conceptio suæ artis, & includeretur in ratione primi principii, si edificator esset primum principium. Deus autem, qui est primum principium rerum, comparatur ad res creatas ut artifex ad artificata.

ARTICULUS II. 161

Utrum aliqua processio in divinis generatio dici possit.

IV. cent. cap. x. q. xi. & opus. 11. cap. xl.

AD secundum sic proceditur. Videtur quod processio quæ est in divinis, non possit dici generatio. Generatio enim est mutatio de non esse in esse, corruptioni opposita, & utriusque subiectum est materia. Sed nihil horum competit divinis. Ergo non potest generatio esse in divinis.

2. Præterea. In Deo est processio secundum modum intelligibilem, ut dictum est (art. præced.) Sed in nobis talis processio non dicitur generatio. Ergo neque in Deo.

3. Præterea. Omne genitum accipit esse a generante. Esse ergo cuiuslibet geniti est esse receptum. Sed nullum esse receptum est per se subsistens. Cum igitur esse divinum sit esse per se subsistens, ut supra probatum est (quæst. vii. art. 1. & quæst. xi. art. 4.) sequitur quod nullius geniti esse sit esse di-

vinum. Non est ergo generatio in divinis.

Sed contra est quod dicitur in Psalm. 11. 7. *Ego bodie genui te.*

Respondeo dicendum, quod processio Verbi in divinis dicitur generatio.

Ad cuius evidentiam sciendum est, quod nomine generationis dupliciter utimur. Uno modo communiter ad omnia generabilia, & corruptibilia; & sic generatio nihil aliud est quam mutatio de non esse ad esse. Alio modo proprie in viventibus; & sic generatio significat originem alicuius viventis a principio vivente coniuncto; & hæc proprie dicitur nativitas. Non tamen omne huiusmodi dicitur genitum, sed proprie quod procedit secundum rationem similitudinis. Unde pilus, vel capillus non habet rationem geniti, & filii, sed solum quod procedit secundum rationem similitudinis, non cuiuscumque; nam vermes, qui generantur in animalibus, non habent rationem generationis, & filiationis, licet sit similitudo secundum genus: sed requiritur ad rationem talis generationis quod procedat secundum rationem similitudinis in natura eiusdem speciei; sicut homo procedit ab homine, & equus ab equo. In viventibus autem, quæ de potentia in actum vitæ procedunt, sicut sunt homines, & animalia, generatio utramque generationem includit. Si autem sit aliquod vivens cuius vita non exeat de potentia in actum, processio (si qua in tali vivente invenitur) excludit omnino primam rationem generationis; sed potest habere rationem generationis quæ est propria viventium.

Sic igitur processio Verbi in divinis habet rationem generationis: procedit enim per modum intelligibilis actionis, quæ est operatio vitæ, & a principio coniuncto, ut supra iam dictum est (art. præc.) & secundum rationem similitudinis: quia conceptio intellectus est similitudo rei intellectæ, & in eadem natura existens: quia in Deo idem est intelligere, & esse, ut supra ostensum est (quæst. 111. art. 4. & quæst. xiv. art. 4.)

Unde processio Verbi in divinis dicitur generatio, & ipsum Verbum procedens dicitur Filius.

Ad primum ergo dicendum, quod obiectio illa procedit de generatione secundum rationem primam, prout importat exitum de potentia in actum: & sic non in-

(a) Ita ed. A. an. Editi quædam magis unum. (b) Al. infan. ex.

invenitur in divinis, ut supra dictum est (in corp. art.)

Ad secundum dicendum, quod intelligere in nobis non est ipsa substantia intellectus. Unde verbum, quod secundum intelligibilem operationem procedit in nobis, non est eiusdem naturae cum eo a quo procedit: unde non proprie, & complete competit sibi ratio generationis. Sed intelligere divinum est ipsa substantia intellectus, ut supra ostensum est (quaest. xiv. artic. 4.) Unde Verbum procedens procedit ut eiusdem naturae subsistens: & propter hoc proprie dicitur Genitum, & Filius. Unde & his quae pertinent ad generationem viventium, utitur Scriptura ad significandam processionem divinae sapientiae, scilicet conceptione, & partu: dicitur enim ex persona divinae Sapientiae Proverb. viii. 24. *Nondum erant abyssi, & ego iam concepta eram.... Ante colles ego parturiebar.* Sed in intellectu nostro utitur nomine conceptionis, secundum quod in verbo nostri intellectus invenitur similitudo rei intellectae, licet non invenitur naturae identitas.

Ad tertium dicendum, quod non omne acceptum est receptum in aliquo subiecto; alioquin non posset dici, quod tota substantia rei creatae sit accepta a Deo, cum totius substantiae non sit aliquod subiectum receptivum. Sic igitur id quod est genitum in divinis, accipit esse a generante, non tamquam illud esse sic receptum in aliqua materia, vel subiecto, quod repugnat subsistentiae divini esse; sed secundum hoc dicitur esse acceptum, inquantum procedens ab alio habet esse divinum, non quasi aliud ab esse divino existens. In ipsa enim perfectione divini esse continetur & Verbum intelligibiliter procedens, & principium Verbi, sicut & quaecunque ad eius perfectionem pertinent, ut supra dictum est (quaest. iv. art. 2. & quaest. xiv. art. 4.)

ARTICULUS III. 162

Utrum sit in divinis alia processio a generatione Verbi.

I. dist. xiii. quaest. 1. art. 2. & IV. cont. cap. xiii. fin. & pos. quaest. x. art. 2.

AD tertium sic proceditur. Videtur quod non sit in divinis alia processio a generatione Verbi. Eadem enim ratione erit aliqua alia processio ab illa alia processione; & sic procederetur in infinitum, quod est inconveniens. Standum

est igitur in prima, ut sit una tantum processio in divinis.

1. Praeterea. In omni natura invenitur tantum unus modus communicationis illius naturae: & hoc ideo est, quia operationes secundum terminos habent unitatem, & diversitatem. Sed processio in divinis non est nisi secundum communicationem divinae naturae. Cum igitur sit una tantum natura divina, ut supra ostensum est (quaest. xi. art. 3.) relinquatur quod una sit tantum processio in divinis.

2. Praeterea. Si sit in divinis alia processio ab intelligibili processione Verbi, non erit nisi processio amoris, quae est secundum voluntatis operationem. Sed talis processio non potest esse alia a processione intellectus intelligibili: quia voluntas in Deo non est aliud ab intellectu, ut supra ostensum est (quaest. xix. art. 1.) Ergo in Deo non est alia processio praeter processionem Verbi.

Sed contra est quod Spiritus sanctus procedit a Patre, ut dicitur Ioan. xv. *Ipse autem est alius a Filio, secundum illud Ioan. xiv. 16. Rogabo Patrem meum, & alium Paracletum dabit vobis.* Ergo in divinis est alia processio praeter processionem Verbi.

Respondeo dicendum, quod in divinis sunt duae processiones, scilicet processio Verbi, & quaedam alia.

Ad cuius evidentiam considerandum est, quod in divinis non est processio nisi secundum actionem, quae non tendit in aliquid extrinsecum, sed manet in ipso agente. Huiusmodi autem actio in intellectuali natura est actio intellectus, & actio voluntatis. Processio autem Verbi attenditur secundum actionem intelligibilem. Secundum autem operationem voluntatis invenitur in nobis quaedam alia processio, scilicet processio amoris, secundum quam amatum est in amante; sicut per conceptionem verbi res dicta, vel intellecta est in intelligente. Unde & praeter processionem Verbi ponitur alia processio in divinis, quae est processio amoris.

Ad primum ergo dicendum, quod non est necessarium procedere in divinis processionibus in infinitum. Processio enim quae est ad intra in intellectuali natura, terminatur in processione voluntatis.

Ad secundum dicendum, quod quidquid est in Deo, est Deus, ut supra ostensum est (quaest. iiii. art. 3. & 4.) quod non

non contingit in aliis rebus. Et ideo per quamlibet processionem quæ non est ad extra, communicatur divina natura, non autem aliæ naturæ.

Ad tertium dicendum, quod licet in Deo non sit aliud voluntas, & intellectus; tamen de ratione voluntatis, & intellectus est quod processionem quæ sunt secundum actionem utriusque, se habeant secundum quendam ordinem. Non enim est processio amoris nisi in ordine ad processionem Verbi. Nihil enim potest voluntate amari, nisi sit in intellectu conceptum. Sicut igitur attenditur quidam ordo Verbi ad principium, a quo procedit, licet in divinis sit eadem substantia intellectus, & conceptio intellectus; ita licet in Deo sit idem voluntas, & intellectus; tamen quia de ratione amoris est quod non procedat nisi a conceptione intellectus, habet ordinis distinctionem processionis amoris a processionem Verbi in divinis.

ARTICULUS IV. 163

Utrum processio amoris in divinis sit generatio.

I. dist. XIII. art. 3. & IV. cont. cap. XXIII.

AD quantum sic proceditur. Videtur quod processio amoris in divinis sit generatio. Quod enim procedit (a) in similitudinem naturæ in viventibus, dicitur generatum, & nascens. Sed id quod procedit in divinis per modum amoris, procedit in similitudinem naturæ, alias esset extraneum a natura divina, & sic esset processio ad extra. Ergo quod procedit in divinis per modum amoris, procedit ut genitum, & nascens.

2. Præterea. Sicut similitudo est de ratione verbi, ita est etiam de ratione amoris. Unde dicitur Eccli. XIII. 19. *quod omne animal diligit simile sibi*. Si igitur ratione similitudinis verbo procedenti convenit generari, & nasci, videtur etiam quod amor procedenti convenit generari.

3. Præterea. Non est in genere quod non est in aliqua eius specie. Si igitur in divinis sit quædam processio amoris, oportet quod præter hoc nomen commune habeat aliquod nomen speciale. Sed non est aliud nomen dare nisi generatio. Ergo videtur quod processio amoris in divinis sit generatio.

Sed contra est, quia secundum hoc sequeretur quod Spiritus sanctus, qui procedit ut amor, procederetur ut genitus,

quod est contra illud Athanasii (in suo Symbolo fidei:) *Spiritus sanctus a Patre, & Filio non factus, nec creatus, nec generatus, sed procedens*.

Respondendo dicendum, quod processio amoris in divinis non debet dici generatio. Ad cuius evidentiam sciendum est, quod hæc est differentia inter intellectum, & voluntatem, quod intellectus fit in actu per hoc quod res intellecta est in intellectu secundum suam similitudinem; voluntas autem fit in actu, non per hoc quod aliqua similitudo voliti sit in voluntate, sed ex hoc quod voluntas habet quendam inclinationem in rem volitam. Processio igitur quæ attenditur secundum rationem intellectus, est secundum rationem similitudinis; & intantum potest habere rationem generationis, quia omne generans generat sibi simile. Processio autem quæ attenditur secundum rationem voluntatis, non consideratur secundum rationem similitudinis, sed magis secundum rationem impellentis, & moventis in aliquid.

Et ideo quod procedit in divinis per modum amoris, non procedit ut genitum, vel ut filius, sed magis procedit ut spiritus: quo nomine quædam vitalis motio, & impulsio designatur, prout aliquis ex amore dicitur moveri, vel impelli ad aliquid faciendum.

Ad primum ergo dicendum, quod quidquid est in divinis, est unum. cum divina natura. Unde ex parte huius unitatis non potest accipi propria ratio huius processionis, vel illius, secundum quam una distinguatur ab alia; sed oportet quod propria ratio huius, vel illius processionis accipiat secundum ordinem unius processionis ad aliam. Huiusmodi autem ordo attenditur secundum rationem voluntatis, & intellectus. Unde secundum horum propriam rationem sortitur in divinis nomen utraque processio, quod imponitur ad propriam rationem rei significandam: & inde est quod procedens per modum amoris & divinam naturam accipit, & tamen non dicitur natum.

Ad secundum dicendum, quod similitudo aliter pertinet ad verbum, & aliter ad amorem: nam ad verbum pertinet, inquantum ipsum est quædam similitudo rei intellectæ, sicut genitum est similitudo generantis; sed ad amorem pertinet, non quod ipse amor sit similitudo,

(a) *Ali. hic & infra in similitudine.*

do, sed inquantum similitudo est principium amandi. Unde non sequitur quod amor sit genitus, sed quod genitum sit principium amoris.

Ad tertium dicendum, quod Deum nominare non possumus nisi ex creaturis, ut dictum est supra (quaest. xiii. art. 1.) Et quia in creaturis communicatio naturæ non est nisi per generationem, processio in divinis non habet proprium, vel speciale nomen, nisi generationis. Unde processio quæ non est generatio, remanet sine speciali nomine; sed potest nominari spiratio, quia est processio spiritus.

ARTICULUS V. 164

Utrum sint plures processionis in divinis quam duæ.

Inf. quest. xxviii. artic. 4. corp. & quest. xxxvii. artic. 1. corp. & quest. xli. artic. 6. corp. & pot. quest. x. artic. 2. arg. Sed contr.

AD quintum sic proceditur. Videtur quod sint plures processionis in divinis quam duæ. Sicut enim scientia, & voluntas attribuitur Deo, ita & potentia. Si igitur secundum intellectum, & voluntatem accipiuntur in Deo duæ processionis, videtur quod tertia sit accipiendi secundum potentiam.

2. Præterea. Bonitas maxime videtur esse principium processionis, cum bonum dicatur diffusivum sui esse. Videtur igitur quod secundum bonitatem aliqua processio in divinis accipi debeat.

3. Præterea. Maior est secunditatis vius in Deo quam in nobis. Sed in nobis non est tantum una processio verbi, sed multæ: quia ex uno verbo in nobis procedit aliud verbum, & similiter ex uno amore alius amor. Ergo & in Deo sunt plures processionis quam duæ.

Sed contra est quod in Deo non sunt nisi duo procedentes, scilicet Filius, & Spiritus sanctus. Ergo sunt ibi tantum duæ processionis.

Respondendo dicendum, quod processionis in divinis accipi non possunt nisi secundum actiones quæ in agente manent. Huiusmodi autem actiones in natura intellectuali, & divina non sunt nisi duæ, scilicet intelligere, & velle. Nam sentire, quod etiam videtur esse operatio in sentiente, est extra naturam intellectualem, neque totaliter est remotum a genere actionum quæ sunt ad extra: nam sentire perficitur per actionem sensibilibi-

in sensum. Relinquitur igitur quod nulla alia processio possit esse in Deo nisi verbi, & amoris.

Ad primum ergo dicendum, quod potentia est principium agendi in aliud. Unde secundum potentiam accipitur actio ad extra: & sic secundum attributum potentie non accipitur processio divinæ personæ, sed solum processio creaturarum.

Ad secundum dicendum, quod bonum, sicut dicit Boetius in Lib. de hebdomadibus. (Lib. *An omne quod est, bonum sit*, circa finem) pertinet ad essentiam, & non ad operationem, nisi forte sicut obiectum voluntatis. Unde cum processionis divinas secundum aliquas actiones necesse sit accipere; secundum bonitatem, & huiusmodi alia attributa non accipiuntur alie processionis nisi verbi, & amoris, secundum quod Deus suam essentiam, veritatem, & bonitatem intelligit, & amat.

Ad tertium dicendum, quod, sicut supra habitum est (quest. xiv. artic. 5. & quest. xix. artic. 5.) Deus uno simplici actu omnia intelligit, & similiter omnia vult. Unde in eo non potest esse processio verbi ex verbo, neque amoris ex amore; sed est in eo solum unus verbum perfectum, & unus amor perfectus: & in hoc eius perfecta secunditas manifestatur.

QUAESTIO XXVIII.

*De relationibus divinis,
in quatuor articulis divisa.*

DEinde considerandum est de relationibus divinis: & circa hoc quaeruntur quatuor.

Primo, utrum in Deo sint aliquæ relationes reales.

Secundo, utrum illæ relationes sint ipsa essentia divina, vel sint extrinsecus adhiæ.

Tertio, utrum possint esse in Deo plures relationes realiter distinctæ ab invicem.

Quarto de numero harum relationum.

ARTICULUS I. 165

Utrum in Deo sint aliqua relationes reales.

I. dist. XXVI. quest. 11. art. 1. & dist. XXXIII. art. 1. in corp. & IV. cont. cap. XIV. & pot. quest. 11. art. 6. corp. & quest. VIII. art. 1. & opusc. 11. cap. 1111.

AD primum sic proceditur. Videtur quod in Deo non sint aliqua relationes reales. Dicit enim Boetius in Lib. de Trinit. (in med.) quod cum quis predicamenta in divinam veritatem predicatorem, cuncta mutantur in substantiam, quae predicari possunt; ad aliquid vero omnino non potest predicari. Sed quidquid est realiter in Deo, de ipso predicari potest. Ergo relatio non est realiter in Deo.

2. Præterea. Dicit Boetius in eod. Lib. (circa finem) quod similis est relatio in Trinitate Patri ad Filium, & utriusque ad Spiritum sanctum, ut eius quod est idem ad id quod est idem. Sed huiusmodi relatio est rationis tantum, quia omnis relatio realis exigit duo extrema realiter. Ergo relationes quæ ponuntur in divinis, non sunt reales relationes, sed rationis tantum.

3. Præterea. Relatio paternitatis est relatio principii. Sed cum dicitur, Deus est principium creaturarum, non importatur aliqua relatio realis, sed rationis tantum. Ergo nec paternitas in divinis est relatio realis, & eadem ratione nec aliae relationes quæ ponuntur ibi.

4. Præterea. Generatio in divinis est secundum intelligibilis verbi processionem. Sed relationes, quæ consequuntur operationem intellectus, sunt relationes rationis. Ergo paternitas, & filiatio, quæ dicuntur in divinis secundum generationem, sunt relationes rationis tantum.

Sed contra est quod pater non dicitur nisi a paternitate, & filius a filiatione. Si igitur paternitas, & filiatio non sunt in Deo realiter, sequitur quod Deus non sit realiter pater, aut filius, sed secundum rationem intelligentiæ tantum: quod est hæresis Sabelliana.

Respondendo dicendum, quod relationes quædam sunt in divinis realiter.

Ad cuius evidentiam considerandum est, quod solum in his quæ dicuntur ad aliquid, inveniuntur aliqua secundum rationem tantum, & non secundum rem: quod non est in aliis generibus: quia alia genera, ut quantitas, & qualitas, se-

cundum propriam rationem significant aliquid alicui inhaerens. Ea vero quæ dicuntur ad aliquid, significant secundum propriam rationem solum respectum ad aliquid. Qui quidem respectus aliquando est in ipsa natura rerum, utpote quando aliqua res secundum suam naturam ad invicem ordinatur sunt, & invicem inclinationem habent: & huiusmodi relationes oportet esse reales; sicut in corpore gravi est inclinatio, & ordo ad locum medium: unde respectus quidam est in ipso gravi respectu loci medii: & similiter est de aliis huiusmodi. Aliquando vero respectus significatus per ea quæ dicuntur ad aliquid, est tantum in ipsa apprehensione rationis conferentis unum alteri; & tunc est relatio rationis tantum; sicut cum comparatur ratio hominem animali ut speciem ad genus.

Cum autem aliquid procedit a principio eiusdem naturæ, necesse est quod ambo, scilicet procedens, & id a quo procedit, in eodem ordine convenient; & sic oportet quod habeant reales respectus ad invicem. Cum igitur processionem in divinis sint in identitate naturæ, ut ostensum est (quest. præced. art. 2. & 4.) necesse est quod relationes quæ secundum processionem divinas accipiuntur, sint relationes reales.

Ad primum ergo dicendum, quod ad aliquid dicitur omnino non prædicari in Deo secundum propriam rationem eius quod dicitur ad aliquid, inquantum scilicet propria ratio eius quod ad aliquid dicitur, non accipitur per comparisonem ad illud cui inest relatio, sed per respectum ad alterum. Non autem per hoc excludere voluit quod relatio non esset in Deo, sed quod non prædicaretur per modum inhaerentis secundum propriam relationis rationem, sed magis per modum ad aliud se habentis.

Ad secundum dicendum, quod relatio quæ importatur per hoc nomen idem, est relatio rationis tantum, si accipitur simpliciter idem: quia huiusmodi relatio non potest consistere nisi in quodam ordine, quem ratio adinvenit alicuius ad se ipsum secundum aliquas eius duas considerationes. Secus autem est, cum dicuntur aliqua eadem esse non in numero, sed in natura generis, sive speciei. Boetius igitur relationes quæ sunt in divinis, assimilatur relationi identitatis, non quantum ad omnia, sed quantum ad hoc solum quod per huiusmodi relationes non

di-

diversificatur substantia, sicut nec per relationem identitatis.

Ad tertium dicendum, quod cum creatura procedat a Deo in diversitate naturae, Deus est extra ordinem totius creaturae, nec ex eius natura est eius habitudo ad creaturas: non enim producit creaturas ex necessitate suae naturae, sed per intellectum, & per voluntatem, ut supra dictum est (quæst. xix. art. 3. & 4. & quæst. xiv. art. 8.) Et ideo in Deo non est realis relatio ad creaturas, sed in creaturis est realis relatio ad Deum: quia creaturae continentur sub ordine divino, & in earum natura est quod dependeat a Deo. Sed processiones divinae sunt in eadem natura. Unde non est similis ratio.

Ad quartum dicendum, quod relationes quæ consequuntur solam operationem intellectus, in ipsis rebus intellectus sunt relationes rationis tantum, quia scilicet eas ratio advenit inter duas res intellectas. Sed relationes quæ consequuntur operationem intellectus, (a) quæ sunt inter verbum intellectualiter procedens, & illud a quo procedit, non sunt relationes rationis tantum, sed rei: quia & ipse intellectus, & ratio est quædam res; & comparatur realiter ad id quod procedit intelligibiliter, sicut res corporalis ad id quod procedit corporaliter. Et sic paternitas, & filio est relationes reales in divinis.

ARTICULUS II. 166

Utrum relatio in Deo sit idem quod sua essentia.

I. dist. xxxiii. art. 1. & IV. con. xiv. & pot. quæst. viii. art. 2. & quod. vi. art. 1. & op. ii. cap. lxi. lv. & lvi. & opusc. ix. quæst. vi. & lo. xvi. lect. 4. fin.

Ad secundum sic proceditur. Videtur quod relatio in Deo non sit idem quod sua essentia. Dicit enim Augustinus in V. de Trin. (cap. v. in princ.) quod non omne quod dicitur in Deo, dicitur secundum substantiam: dicitur enim ad aliquid, sicut pater ad filium. Sed hæc non secundum substantiam dicuntur. Ergo relatio non est divina essentia.

2. Præterea. Augustinus dicit VII. de Trinit. (cap. 1. a mcd.) *Omnis rei quæ relative dicitur, est etiam aliquid excepto relativo; sicut homo dominus, & homo servus.* Si igitur relationes aliquæ sunt in Deo, oportet esse in Deo aliquid aliud præter

relationes. Sed hoc aliud non potest esse nisi essentia. Ergo essentia est aliud a relationibus.

3. Præterea. Esse relativi est ad aliud se habere, ut dicitur in Prædicamentis (in cap. ad aliquid.) Si igitur relatio sit ipsa divina essentia, sequitur quod esse divinæ essentiae sit ad aliud se habere; quod repugnat perfectioni divini esse, quod est maxime absolutum, & per se subsistens, ut supra ostensum est (quæst. xiii. art. 4. & quæst. iv. art. 2.) Non igitur relatio est ipsa essentia divina.

Sed contra. Omnis res quæ non est divina essentia, est creatura. Sed relatio realiter competit Deo. Si ergo non est divina essentia, erit creatura; & ita ei non erit adoratio latræ exhibenda, contra quod in Præfatione cantatur: *Ut in personis proprietas, & in essentia unitas, & in maiestate adoretur aequalitas.*

Respondeo dicendum, quod circa hoc dicitur Gilbertus Porretanus errasse, sed errorem suum postmodum in Rhemeni Concilio revocasse. Dixit enim, quod relationes in divinis sunt affinitates, sive extrinsecus affixæ.

Ad cuius evidenciam considerandum est, quod in quolibet novem generum accidentis est duo considerare. Quorum unum est esse, quod competit unicuique ipsorum, secundum quod est accidens; & hoc communiter in omnibus est inesse subiecto, accidentis enim esse est inesse. Aliud quod potest considerari in unoquoque, est propria ratio unicuiusque illorum generum. Et in aliis quidem generibus a relatione, utpote quantitate, & qualitate, etiam propria rationis generis accipitur secundum comparisonem ad subiectum: nam quantitas dicitur mensura substantiæ, qualitas vero dispositio substantiæ. Sed ratio propria relationis non accipitur secundum comparisonem ad illud in quo est, sed secundum comparisonem ad aliud extra.

Si igitur consideremus etiam in rebus creatis relationes secundum id quod relationes sunt, sic inveniuntur esse affinitates, non intrinsecus affixæ, quasi significantes respectum quodammodo coagentem ipsam rem relatam, prout ab ea tendit in alterum. Si vero consideratur relatio secundum quod est accidens, sic est inherens subiecto, & habens esse accidentale in ipso.

Sed Gilbertus Porretanus consideravit relationem primo modo tantum. Quic-

Quicquid autem in rebus creatis habet esse accidentale, secundum quod transfertur in Deum, habet esse substantiale: nihil enim est in Deo ut accidens in subiecto; sed quicquid est in Deo, est eius essentia. Sic igitur ex ea parte qua relatio in rebus creatis habet esse accidentale in subiecto, relatio realiter existens in Deo habet esse essentiae divinae, idem omnino ei existens. In hoc vero quod ad aliquid dicitur, non significatur aliqua habitudo ad essentiam, sed magis ad suum oppositum. Et sic manifestum est quod relatio realiter existens in Deo est idem essentiae secundum rem, & non differt nisi secundum intelligentiae rationem, prout in relatione importatur respectus ad suum oppositum, qui non importatur in nomine essentiae. Patet ergo quod in Deo non est aliud esse relationis, & essentiae, sed unum & idem.

Ad primum ergo dicendum, quod verba illa Augustini non pertinent ad hoc quod paternitas, vel alia relatio, quae est in Deo secundum esse suum, non sit idem quod divina essentia; sed quod non praedicatur secundum modum substantiae, ut existens in eo de quo dicitur, sed ut ad alterum se habens. Et propter hoc dicuntur duo tantum esse praedicamenta in divinis: quia alia praedicamenta important habitudinem ad id de quo dicuntur, tam secundum suum esse, quam secundum proprii generis rationem. Nihil autem quod est in Deo, potest habere habitudinem ad id in quo est, vel de quo dicitur, nisi habitudinem identitatis propter summam Dei simplicitatem.

Ad secundum dicendum, quod sicut in rebus creatis, in illo quod dicitur relati-ve, non solum est invenire respectum ad alterum, sed etiam aliquid absolutum; ita & in Deo; sed tamen aliter, & aliter. Nam id quod invenitur in creatura praeter id quod continetur sub significatione nominis relativi, est alia res; in Deo autem non est alia res, sed una & eadem: quae non perfecte exprimitur relationis nomine quasi sub significatione talis nominis comprehensa. Dictum est enim supra (quaest. xii. per totam, & art. 2. praecipue) cum de divinis nominibus agebatur, quod plus continetur in perfectione divinae essentiae quam aliquo nomine significari possit. Unde non feritur quod in Deo praeter relationem sit aliquid aliud secundum rem, sed solum considerata nominum ratione.

Ad tertium dicendum, quod si in per-

fectione divina nihil plus contineretur quam quod significat nomen relati-vum, sequeretur quod esse eius esset imperfectum, utpote ad aliquid aliud se habens; sicut si non contineretur ibi plus quam quod nomine sapientiae significatur, non esset aliquid subsistens. Sed quia divinae essentiae perfectio est maior quam quod significatione alicuius nominis comprehendi possit; non sequitur, si nomen relati-vum, vel quodcumque aliud nomen dictum de Deo non significat aliquid perfectum, quod divina essentia habeat esse imperfectum: quia divina essentia comprehendit in se omnium generum perfectionem, ut supra dictum est (quaest. xv. art. 2.)

ARTICULUS III. 167

Utrum relationes quae sunt in Deo, realiter ab invicem distinguantur.

Inf. quaest. xxx. artic. 1. cor. 5. 2. cor. 5. per. quaest. 11. art. 5. 6. cor.

AD tertium sic proceditur. Videtur quod relationes quae sunt in Deo, realiter ab invicem non distinguantur. Quaecumque enim uni & eidem sunt eadem, sibi invicem sunt eadem. Sed omnis relatio in Deo existens est idem secundum rem cum divina essentia. Ergo relationes secundum rem ab invicem non distinguuntur.

2. Praeterea. Sicut paternitas, & filiationis secundum nominis rationem distinguuntur ab essentia divina, ita & bonitas, & potentia. Sed propter huiusmodi rationis distinctionem non est aliqua realis distinctio bonitatis, & potentiae divinae. Ergo neque paternitatis, & filiationis.

3. Praeterea. In divinis non est distinctio realis, nisi secundum originem. Sed una relatio non videtur oriri ex alia. Ergo relationes non distinguuntur realiter ab invicem.

Sed contra est quod dicit Boetius in Lib. de Trinit. (non multum a fine Lib.) quod *substantia in divinis continet unitatem, relatio multiplicat Trinitatem*. Si ergo relationes non distinguuntur ab invicem realiter, non erit in divinis trinitas realis, sed rationis tantum: quod est Sabelliani erroris.

Respondeo dicendum, quod ex eo quod aliquid alicui attribuitur, oportet quod attribuantur ei omnia quae sunt de ratione illius. Sicut cuiusque attribuitur homo, oportet quod attribuitur & esse ratio-

tionale. De ratione autem relationis est respectus unius ad alterum, secundum quem aliquid alteri opponitur relative. Cum igitur in Deo realiter sit relatio, ut dictum est (art. 1. huius quæst.) oportet quod realiter sit ibi oppositio. Relativa autem oppositio in sui ratione incipit distinctionem. Unde oportet quod in Deo sit realis distinctio, non quidem secundum rem absolutam, quæ est essentialis, in qua est summa unitas, & simplicitas, sed secundum rem relativam.

Ad primum ergo dicendum, quod secundum Philosophum in III. Physic. (text. 21.) argumentum illud tenet, quod quæcumque uni & eidem sunt eadem, sibi invicem sunt eadem, in his quæ sunt idem re, & ratione, sicut tunica, & indumentum; non autem in his quæ differunt ratione. Unde ibidem dicit, quod licet actio sit idem motui, similiter & passio; non tamen sequitur quod actio, & passio sint idem: quia in actione importatur respectus, ut a quo est motus in mobili, in passione vero, ut qui est ab alio. Et similiter licet paternitas sit idem secundum rem cum essentia divina, & similiter filio; tamen hæc duo in suis propriis rationibus important oppositos respectus. Unde distinguuntur ab invicem.

Ad secundum dicendum, quod potentia, & bonitas non important in suis rationibus aliquam oppositionem. Unde non est similis ratio.

Ad tertium dicendum, quod quævis relationes, proprie loquendo, non oriuntur, vel procedant ab invicem, tamen accipiuntur per oppositum secundum processionem alicuius ab alio.

ARTICULUS IV. 168

Utrum in Deo sint tantum quatuor relationes reales, scilicet paternitas, filio, spiratio, & processio.

Infr. quæst. XXX. art. 1. corp. & art. 2. corp. & ad 1.

AD quartum sic proceditur. Videtur quod in Deo non sint tantum quatuor relationes reales, scilicet paternitas, filio, spiratio, & processio. Est enim considerare in Deo relationes intelligentis ad intellectum, & volentis ad volitum; quæ videtur esse relationes reales, neque sub prædictis continentur. Non ergo sunt solum quatuor relationes reales in Deo.

2. Præterea. Relationes reales accipiuntur in Deo secundum processionem intelligibilem verbi. Sed rationes intelligibiles multiplicancur in infinitum, ut Avicenna dicit. Ergo in Deo sunt infinitæ relationes reales.

3. Præterea. Idæ sunt in Deo ab æterno, ut supra dictum est (quæst. xv. art. 1.) non autem distinguuntur ab invicem, nisi secundum respectum ad res, ut supra dictum est (art. 2. eiusd. quæst.) Ergo in Deo sunt multo plures relationes æternæ.

4. Præterea. Aequalitas, & similitudo, & identitas sunt relationes quædam, & sunt in Deo ab æterno. Ergo plures relationes sunt ab æterno in Deo quam quæ dictæ sunt.

5. Sed contra videtur quod sint pauciores. Quia secundum Philosophum in III. Physic. (text. 21.) *Eadem via est de Athenis ad Thebas, & de Thebis ad Athenas.* Ergo videtur quod pari ratione eadem sit relatio de patre ad filium, quæ dicitur paternitas, & de filio ad patrem, quæ dicitur filio; & sic non sunt quatuor relationes in Deo.

Respondeo dicendum, quod secundum Philosophum in V. Metaph. (text. 20.) relatio omnis fundatur vel supra quantitatem, ut duplum, & dimidium; vel supra actionem, & passionem, ut faciens, & factum, pater, & filius, dominus, & servus, & huiusmodi. Cum autem quantitas non sit in Deo: est enim sine quantitate magnus, ut dicit Augustinus (Lib. 1. de Trinit. cap. 1. circa fin. & Lib. VI. cap. vii. circa princ.) relinquitur quod realis relatio in Deo esse non possit, nisi super actionem fundata. Non autem super actiones secundum quas procedit aliquid extrinsecum a Deo: quia relationes Dei ad creaturas non sunt realiter in ipso, ut supra dictum est (quæst. xiii. art. 7.) Unde relinquitur quod relationes reales in Deo non possint accipi nisi secundum actiones secundum quas est processio in Deo non extra, sed intra. Huiusmodi autem processionis sunt duæ tantum, ut supra dictum est (quæst. xxvii. art. 3. præcipue:) quarum una accipitur secundum actionem intellectus, quæ est processio verbi; alia secundum actionem voluntatis, quæ est processio amoris. Secundum quamlibet autem processionem oportet duas accipere relationes oppositas, quarum una sit procedentis a principio, & alia ipsius principii. Processio autem verbi dicitur generatio secundum propriam rationem, qua competit rebus

rebus viventibus. Relatio autem principii generationis in viventibus perfectis dicitur paternitas; relatio vero procedentis a principio dicitur filiatio. Processio vero amoris non habet nomen proprium, ut supra dictum est (quaest. xxvii. art. 4.) unde neque relationes quae secundum ipsam accipiuntur. Sed vocatur relatio principii huius processionis spiratio; relatio autem procedentis processio: quamvis haec duo nomina ad ipsas processionem, vel origines pertineant, & non ad relationes.

Ad primum ergo dicendum, quod in his in quibus (a) differunt intellectus, & intellectum, volens, & volitum, potest esse realis relatio & scientiae ad rem scitam, & volentis ad rem volitam. Sed in Deo est idem omnino intellectus, & intellectum: quia intelligendo se, intelligit omnia alia; & eadem ratione voluntas, & volitum. Unde in Deo huiusmodi relationes non sunt reales, sicut neque relatio eiusdem ad idem. Sed tamen relatio ad verbum est realis: quia verbum intelligitur ut procedens per actionem intelligibilem, non autem ut res intellecta. Cum enim intelligimus lapidem, id quod ex re intellecta concipit intellectus, vocatur verbum.

Ad secundum dicendum, quod in nobis relationes intelligibiles in infinitum multiplicantur: quia alio actu intelligit homo lapidem, & alio actu intelligit se intelligere lapidem, & alio etiam intelligit hoc intelligere; & sic in infinitum multiplicantur actus intelligendi, & per consequens relationes intellectae. Sed hoc in Deo non habet locum, quia uno actu tantum omnia intelligit.

Ad tertium dicendum, quod respectus ideales sunt intellectui a Deo. Unde eorum pluralitate non sequitur quod sint plures relationes in Deo, sed quod Deus cognoscat plures relationes.

Ad quartum dicendum, quod aequalitas, & similitudo in Deo non sunt relationes reales, sed rationis tantum, ut infra patebit (quaest. lxxii. art. 1. ad 4.)

Ad quintum dicendum, quod via est eadem ab uno termino ad alterum, & e converso; sed tamen respectus sunt diversi. Unde ex hoc non potest concludi, quod eadem sit relatio patris ad filium, & e converso. Sed posset hoc concludi de aliquo absoluto, si esset medium inter ea.

QUAESTIO XXIX.

De personis divinis,

in quatuor articulos divisa.

PRAEMISSIS autem his quae de processionibus, & relationibus praecognoscenda videbantur, necessarium est aggredi de personis.

Et primo secundum considerationem absolutam, & deinde secundum comparativam considerationem. Oportet autem absolute de personis primo quidem in communi considerare, deinde de singulis personis.

Ad communem autem considerationem personarum quatuor pertinere videntur. Primo quidem significatio huius nominis *persona*. Secundo vero numerus personarum. Tertio ea quae consequuntur numerum personarum, vel ei opponuntur, ut diversitas, & similitudo, & huiusmodi. Quarto vero ea quae pertinent ad notitiam personarum.

Circa primum quaeruntur quatuor.

Primo de definitione personae.

Secundo de comparatione personae ad essentiam, subsistentiam, & hypostasim.

Tertio, utrum nomen personae competat in divinis.

Quarto, quid ibi significet.

ARTICULUS I. 169

De definitione personae.

III. P. *quaest.* xi. art. 2. cor. & I. *dist.* xxv. art. 1. & po. *quaest.* ix. art. 1. 2. & de uni. *verbi* art. 1.

AD primum sic proceditur. Videtur quod incompetens sit definitio personae quam Boetius assignat in Lib. de duabus natur. (a principio Lib.) quae talis est: *Persona est rationalis naturae individua substantia*. Nullum enim singulare definitur. Sed persona significat quoddam singulare. Ergo persona inconvenienter definitur.

2. Praeterea. Substantia, prout ponitur in definitione personae, aut sumitur pro substantia prima, aut pro substantia secunda. Si pro substantia prima, superflue additur *individua*, quia substantia prima est substantia individua: si vero sit pro substantia secunda, falso additur, & est oppositio in adiecto: nam secundae substantiae dicuntur genera, vel species. Ergo definitio est male assignata.

3. Prae-

(a) Ita ed., Alen. Edii dissent.

3. Præterea. Nomen intentionis non debet poni in definitione rei. Non enim esset bona assignatio, si quis diceret: Homo est species animalis: homo enim est nomen rei, & species est nomen intentionis. Cum igitur persona sit nomen rei (significat enim substantiam quandam rationalis naturæ;) inconuenienter individuum, quod est nomen intentionis, in eius definitione ponitur.

4. Præterea. *Natura est principium motus, & quies in eo in quo est per se.* (1^a non per accidentem, ut dicitur in II. Phys. (tex. 3.) Sed persona est in rebus immobilibus, sicut in Deo, & in Angelis. Non ergo in definitione personæ debuit poni natura, sed magis essentia.

5. Præterea. Anima separata est rationalis naturæ individua substantia; non autem est persona. Inconuenienter ergo persona sic definitur. (a)

Respondendo dicendum, quod sicut universale, & particulare inveniuntur in omnibus generibus, tamen speciali quodam modo individuum inuenitur in genere substantiæ. Substantia enim individuatur per se ipsam; sed accidentia individuuntur per subiectum, quod est substantia: dicitur enim hæc albedo, in quantum est in hoc subiecto. Unde etiam conuenienter individua substantiæ habent aliquod speciale nomen præ aliis: dicuntur enim hypostases, vel primæ substantiæ.

Sed adhuc quodam specialiori, & perfectiori modo inuenitur particulare, & individuum in substantiis rationalibus, quæ habent dominium sui actus; & non solum aguntur, sicut alia, sed per se agunt: actiones autem in singularibus sunt. Et ideo etiam inter ceteras substantias quoddam speciale nomen habent singularia rationalis naturæ; & hoc nomen est *persona*.

Et ideo in prædicta definitione personæ ponitur *substantia individua*, in quantum significat singulare in genere substantiæ; additur autem *rationalis natura*, in quantum significat singulare in rationalibus substantiis.

Ad primum ergo dicendum, quod licet hoc singulare, vel illud definiri non possit, tamen id quod pertinet ad commune rationem singularitatis, definiri potest: & sic Philosophus (in Lib. Prædicament. cap. de substantia) definit substantiam primam: & hoc modo definit Boetius personam.

S. Tb. Oper. Tom. XX.

Ad secundum dicendum, quod secundum quoddam *substantia* in definitione personæ ponitur pro substantia prima, quæ est hypostasis; neque tamen superflue additur *individua*, quia nomine hypostasis, vel substantiæ primæ excluditur ratio universalis, & partis. Non enim dicimus, quod homo communis sit hypostasis, neque etiam manus, cum sit pars. Sed per hoc quod additur *individua*, excluditur a persona ratio assumptibilis: humana enim natura in Christo non est persona, quia est assumpta a digniori, scilicet a Verbo Dei. Sed melius dicendum est, quod substantia accipitur communiter, prout dividitur per primam, & secundam, & per hoc quod additur *individua*, trahitur ad standum pro substantia prima.

Ad tertium dicendum, quod quia substantiales differentie non sunt nobis notæ, vel etiam nominatæ non sunt, oportet interdum uti differentiis accidentalibus loco substantialium; puta, si quis diceret: Ignis est corpus simplex, calidum, & siccum. Accidentia enim propria sunt effectus formarum substantialium, & manifestant eas. Et similiter nomina intentionum possunt accipi ad definiendum res, secundum quod accipiuntur pro aliquibus nominibus rerum quæ non sunt posita. Et sic hoc nomen *individuum* ponitur in definitione personæ ad designandum modum subsistendi qui competit substantiis particularibus.

Ad quartum dicendum, quod secundum Philosophum in V. Metaph. (tex. 5.) nomen naturæ primo impositum est ad significandam generationem uiuentium, quæ dicitur nativitas. Et quia huiusmodi generatio est a principio intrinseco, extensum est hoc nomen ad significandum principium intrinsecum cuiuscunque motus. Et sic definitur natura in II. Phys. (tex. 3.) Et quia huiusmodi principium est formale, vel materiale, communiter tam materia, quam forma dicitur natura. Et quia per formam completur essentia uniuscuiusque rei, communiter essentia uniuscuiusque rei, quam significat eius definitio, vocatur natura. Et sic accipitur hic natura. Unde Boetius in eodem Lib. (de duab. naturis a princ.) dicit, quod *natura est unumquodque informans specifica differentia*. Specifica enim differentia est quæ complet definitionem, & sumitur a propria

P

for-

(a) *Cod. Alex. & alij, item edit. Rom. & Patav. omittunt argumentum Sed contra. Habetur tamen, sic. Sed contra est auctoritas prædicta Boetii.*

forma rei. Et ideo convenientius fuit quod in definitione personarum, quæ est singularis alicuius generis determinati, uteretur nomine naturæ quam essentiae, quæ sumitur ab esse, quod est communissimum.

Ad quantum dicendum, quod anima est pars humanæ speciei: & ideo licet sit separata, quia tamen retinet naturam unitatis, non potest dici substantia individua, quæ est hypostasis, vel substantia prima, sicut nec manus, nec quæcumque alia partium hominis: & sic non competit ei neque definitio personæ, neque nomen.

ARTICULUS II. 170

Utrum persona sit idem quod hypostasis, substantia, & essentia.

I. dist. XXIII. art. I. & pot. quæst. IX. art. I.

AD secundum sic proceditur. Videtur quod persona sit idem quod hypostasis, substantia, & essentia. Dicit enim Boetius in Libr. de duabus natur. (a princ.) quod Græci naturæ rationalis individuum substantiam (α) ὁμοῦ αὐτοῦ nomine vocaverunt. Sed hoc etiam apud nos significat nomen personæ. Ergo persona omnino idem est quod hypostasis.

2. Præterea. Sicut in divinis dicimus tres personas, ita in divinis diciamus tres substantias: quod non esset, nisi persona, & substantia idem significarent. Ergo idem significant persona, & substantia.

3. Præterea. Boetius dicit in comment. Prædicamentorum, quod persona (quod est idem quod essentia) significat compositum ex materia, & forma. Id autem quod est compositum ex materia, & forma, est individuum substantiæ, quod & hypostasis, & persona dicitur. Ergo omnia prædicta nomina idem significare videntur.

4. Sed contra est quod Boetius dicit in Lib. de duab. natur. (aliquantulum a princ.) quod genera, & species subsistunt tantum; individua vero non subsistunt tantum, verum etiam subsistant. Sed a subsistendo dicuntur substantia, sicut a subsistendo substantia, vel hypostasis. Cum igitur esse hypostasies, vel personas non conveniat generibus, vel speciebus, hypostasies, vel persone non sunt idem quod substantia.

5. Præterea. Boetius dicit in comment. Prædicamentorum, quod hypostasis

dicatur materia, & substantia autem (id est substantia) dicatur forma. Sed neque forma, neque materia potest dici persona. Ergo persona differt a prædictis.

Respondeo dicendum, quod secundum Philosophum in V. Metaph. (tex. 25.) substantia dicitur dupliciter. Uno modo dicitur substantia quidditas rei, quam significat definitio secundum quod dicimus, quod definitio significat substantiam rei: quam quidem substantiam Græci ὁμοῦ αὐτοῦ vocant, quod nos essentiam dicere possumus. Alio modo dicitur substantia subiectum, vel suppositum, quod subsistit in genere substantiæ. Et hoc quidem communiter accipiendo nominari potest nomine significante intentionem, & sic dicitur suppositum. Nominatur etiam tribus nominibus significantibus rem: quæ quidem sunt res naturæ, substantia, & hypostasis, secundum triplicem considerationem substantiæ sic dictæ. Secundum enim quod per se existit, & non in alio, vocatur substantia: illa enim subsistere dicimus quæ non in alio, sed in se existunt. Secundum vero quod supponitur alicui naturæ communi, sic dicitur res naturæ, sicut hic homo est res naturæ humanæ; secundum vero quod supponitur accidentibus, dicitur hypostasis, vel substantia. Quod autem hæc tria nomina significant communiter in toto genere substantiatum, hoc nomen persona significat in genere rationalium substantiarum.

Ad primum ergo dicendum, quod hypostasis apud Græcos ex propriis significatione nominis habet quod significet quoddamque individuum substantiæ; sed ex usu loquendi habet quod sumatur pro individuo rationalis naturæ ratione suæ excellentiæ.

Ad secundum dicendum, quod sicut nos dicimus in divinis pluraliter tres personas, & tres substantias, ita Græci dicunt tres hypostasies. Sed quia nomen substantiæ, quod secundum proprietatem significationis respondet hypostasi, æquivocatur apud nos, cum quandoque significet essentiam, quandoque hypostasim; ne possit esse erroris occasio, maluerunt pro hypostasi transferre substantiam, quam substantiam.

Ad tertium dicendum, quod essentia proprie est id quod significatur per definitionem. Definitio autem completitur speciei principia, non autem principia individualia. Unde in rebus compositis

ex

(a) Omnia haec Græca vocis in editis, præter parva Latini litterali observantur.

ex materia, & forma *essentia* significat non solum formam, nec solum materiam, sed compositum ex materia, & forma communi, prout sunt principia speciei. Sed compositum ex hac materia, & ex hac forma habet rationem hypostasis, & personae. Anima enim, & caro, & os sunt de ratione hominis; sed hæc anima, & hæc caro, & hoc os sunt de ratione huius hominis. Et ideo hypostasis, & persona addunt supra rationem essentiae principia individualia; neque sunt idem cum essentia in compositis ex materia, & forma, ut supra dictum est (quæst. xiii. art. 3.) cum de simplicitate divina ageretur.

Ad quartum dicendum, quod Boetius dicit, genera, & species subsistere, in quantum individualis aliquibus competit subsistere ex eo quod sunt sub generibus, & speciebus in prædicamento substantiæ comprehensis; non quod ipsæ species, vel genera subsistant, nisi secundum opinionem Platonis, qui posuit species rerum separatim subsistere a singularibus. Subsistere vero competit eisdem individuis in ordine ad accidentia, quæ sunt præter rationem generum, & specierum.

Ad quintum dicendum, quod individuum compositum ex materia, & forma habet quod subsistat accidenti ex proprietate materiæ. Unde & Boetius dicit in Lib. de Trinit. (ante med.) *Forma simplex subsistit esse non potest*. Sed quod per se subsistat, habet ex proprietate suæ formæ, quæ non advenit rei subsistenti, sed dat esse actuale materiæ, ut sic individuum subsistere possit. Propter hoc ergo hypostasim attribuit materiæ, & personam, sive subsistentiam, formæ, quia materia est principium subsistendi, & forma est principium subsistendi.

ARTICULUS III. 171

Utrum nomen persona sit ponendum in divinis.

I. dist. xxiii. art. 2. 2^o pot. quæst. ix. art. 3.

Ad tertium sic proceditur. Videtur quod nomen personæ non sit ponendum in divinis. Dicit enim Dionysius in princ. de div. Nom. (cap. 1. lect. 1.) *Universaliter non est audiendum aliquid dicere, nec cogitare de super substantiali occultis divinitate, præter ea quæ divinitus nobis ex sanctis eloquiis sunt expressa*. Sed nomen personæ non exprimitur nobis in sacra Scriptura novi, vel veteris testamenti.

Ergo non est nomine personæ utendum in divinis.

2. Præterea. Boetius dicit in Lib. de duab. nat. (aliquantulum a princ.) *Nomen persona videtur traditum ex his personis quæ in comædiis, tragiæque homines representabant. Persona enim dicta est a personando, quia concavitate ipsa maior necesse est ut voluatur sonus. Græci vero has personas personæ vocant ab eo quod ponantur in facie, atque ante oculos obtegunt vultum*. Sed hoc non potest competere in divinis, nisi forte secundum metaphoram. Ergo nomen personæ non dicitur de Deo nisi metaphorice.

3. Præterea. Omnis persona est hypostasis. Sed nomen hypostasis non videtur Deo competere, cum secundum Boetium (ibidem) significet id quod subiicitur accidentibus, quæ in Deo non sunt. Hieronymus etiam dicit (in ep. ad Damas. in med.) *quod in hoc nomine hypostasis verum latet sub melle*. Ergo hoc nomen persona non est dicendum de Deo.

4. Præterea. A quocumque removetur definitio, & definitum. Sed definitio personæ supra posita (argum. 1. art. 1. huius quæst.) non videtur Deo competere: tum quia ratio importat discursivam cognitionem, quæ non competit Deo, ut supra ostensum est (quæst. xiv. art. 12.) & sic Deus non potest dici (a) rationalis naturæ: tum etiam quia Deus dici non potest individua substantia, cum principium individuationis sit materia; Deus autem immaterialis est; neque etiam accidentibus subsistat, ut substantia dici possit. Nomen ergo personæ Deo attribui non debet.

Sed contra est quod dicitur in symbolo Athanasii: *Alia est persona Patris, alia Filii, alia Spiritus sancti*.

Respondeo dicendum, quod persona significat id quod est perfectissimum in tota natura, scilicet subsistens in rationali natura. Unde cum omne illud quod est perfectionis, Deo sit attribuendum, eo quod eius essentia continet in se omnem perfectionem, conveniens est ut hoc nomen persona de Deo dicatur; non tamen eodem modo quod dicitur de creaturis, sed excellentiori modo, sicut & alia nomina, quæ creaturis a nobis imposita, Deo attribuuntur, sicut supra ostensum est (quæst. xiii. art. 3.) cum de divinis nominibus ageretur.

Ad primum ergo dicendum, quod licet nomen personæ in Scriptura veteris, vel

P 3 novi

(a) Ita edit. Rom. & Paris. Nicolai rationalis naturæ.

novi testamenti non inveniatur dictum de Deo; tamen id quod nomen significat, multipliciter in sacra Scriptura invenitur assertum de Deo, scilicet quod est maxime per se ens, & perfectissime intelligens. Si autem oporteret de Deo dici solum illa secundum vocem quae sacra Scriptura de Deo tradit, sequeretur quod nunquam in alia lingua posset aliquis loqui de Deo, nisi in illa in qua primo tradita est Scriptura veteris, vel novi testamenti. Ad inveniendum autem nova nomina antiquam fidem de Deo significantia coegit necessitas disputandi cum haereticis. Nec haec novitas vitanda est, cum non sit profana, utpote a Scripturarum sensu non discordans. Docet autem Apostolus profanas vocum novitates vitare, I. ad Timoch. ult.

Ad secundum dicendum, quod quamvis hoc nomen *persona* non conveniat Deo quantum ad id a quo impositum est nomen; tamen quantum ad id ad quod significandum imponitur, maxime Deo convenit. Quia enim in comediis, & tragediis repraesentabantur aliqui homines famosi, impositum est hoc nomen *persona* ad significandum aliquos dignitatem habentes. Unde consueverunt dici personae in Ecclesiis, quae habent aliquam dignitatem. Propter quod quidam definiunt personam dicentes, quod *persona est hypostasis proprietate distincta ad dignitatem pertinentis*. Et quia magnae dignitatis est in rationali natura subsistere, ideo omne individuum rationalis naturae dicitur persona, ut dictum est (art. 1. huius quæst.) Sed dignitas divinae naturae excedit omnem dignitatem: & secundum hoc maxime competit Deo nomen personae.

Ad tertium dicendum, quod nomen *hypostasis* non competit Deo quantum ad id a quo est impositum nomen, cum non subleat accidentibus; competit autem quantum ad id ad quod significandum est impositum: est enim impositum ad significandum rem subsistentem. Hieronymus autem (in epist. sup. cit. ad Damasc.) dicit, *sub hoc nomine venenum latere*, quia antequam significatio huius nominis esset plene nota apud Latinos, haeretici per hoc nomen simplices decipiebant, ut conficerentur plures essentiae, sicut confitentur plures hypostases, propter hoc quod nomen substantiae, cui responderet in graeco nomen *ὕποστασις*, communiter accipitur apud nos pro essentia.

Ad quartum dicendum, quod Deus potest dici rationalis naturae, secundum

quod ratio non importat dicendum, sed communiter intelligibilem naturam. Individuum autem Deo competere non potest quantum ad hoc quod individuationis principium est materia, sed solum secundum quod importat incommunicabilitatem. Substantia vero convenit Deo, secundum quod significat existere per se. Quidam tamen dicunt, quod definitio superius (art. 1. huius quæst. arg. 1.) a Boetio data, non est definitio personae, secundum quod personas in Deo dicimus. Propter quod Richardus de Sancto Victore (Lib. IV. de Trinit. cap. xviii. & xxiii.) corrigere volens hanc definitionem, dixit, quod *persona*, secundum quod de Deo dicitur, est *divina natura incommunicabilis essentia*.

ARTICULUS IV. 172

Utrum hoc nomen persona significet relationem.

I. dist. xxiii. art. 3. & dist. xxvi. quæst. 1. art. 1. & pos. quæst. ix. art. 4.

AD quartum sic proceditur. Videtur quod hoc nomen *persona* non significet relationem, sed substantiam in divinis. Dicit enim Augustinus in VII. de Trinit. (cap. vi. circa princ.) *Cum dicimus personam Patris, non aliud dicimus quam substantiam Patris, ad se quippe dicitur persona, non ad Filium &c.*

2. Præterea. Quid querit de essentia. Sed, sicut dicit Augustinus in eodem loco (cap. xv. & seq. & Lib. V. de Trin. cap. ix. in fin.) *cum dicitur: Tres sunt qui testimonium dant in celo, Pater, Verbum, & Spiritus Sanctus, quæ queritur: Quid tres? respondetur, tres personæ.* Ergo hoc nomen *persona* significat essentiam.

3. Præterea. Secundum Philosophum IV. Metaph. (text. xxviii.) id quod significatur per nomen, est eius definitio. Sed definitio personae est rationalis naturae individua substantia, ut dictum est (art. 1. huius quæst.) Ergo hoc nomen *persona* significat substantiam.

4. Præterea. Persona in hominibus, & Angelis non significat relationem, sed aliquid absolutum. Si igitur in Deo significaret relationem, diceretur equivoco de Deo, & hominibus, & Angelis.

Sed contra est quod dicit Boetius in Lib. de Trinit. (post mod.) *quod omne nomen ad personas pertinet relationem significat.* Sed nullum nomen magis pertinet ad personam quam hoc nomen *persona*. Ergo hoc nomen *persona* relationem significat.

Re-

Respondeo dicendum, quod circa significationem huius nominis *persona* in divinis difficultatem ingerit quod pluraliter de tribus praedicatur prae ter naturam essentialium nominum; neque etiam ad aliquid dicitur, sicut nomina quae relationem significant.

Unde quibusdam visum est quod hoc nomen *persona* simpliciter ex virtute vocabuli essentiam significet in divinis, sicut hoc nomen *Deus*, & hoc nomen *sapientis*. Sed propter instantiam haereticorum est accommodatum ex ordinatione Concilii ut possit poni pro relativis, & praecipue in plurali, vel cum nomine participio; ut cum dicimus *tres personas*, vel, *Alia est persona Patris, alia Filii*. In singulari vero potest sumi pro absoluto, & pro relativo. Sed haec non videtur sufficiens ratio: quia si hoc nomen *persona* ex vi suae significationis non habet quod significet nisi essentiam in divinis, ex hoc quod dictum est, *tres personas*, non fuisset haereticorum quietata calumnia, sed maioris calumniae data esset eis occasio.

Et ideo alii dixerunt, quod hoc nomen *persona* in divinis significat simul essentiam, & relationem. Quorum quidam dixerunt, quod significat essentiam in recto, & relationem in obliquo: quia persona dicitur, quasi per se una; unitas autem pertinet ad essentiam; quod autem dicitur per se, implicat relationem oblique. Intelligitur enim Pater per se esse, quasi relatione distinctus a Filio. Quidam vero dixerunt e converso, quod significat relationem in recto, & essentiam in obliquo: quia in definitione personae natura ponitur in obliquo: & isti propinquius ad veritatem accesserunt.

Ad evidentiam igitur huius quaestionis considerandum est, quod aliquid est de significatione minus communis, quod tamen non est de significatione magis communis: rationale enim includitur in significatione hominis, quod tamen non est de significatione animalis. Unde aliud est quaerere de significatione animalis, & aliud est quaerere de significatione animalis quod est homo. Similiter aliud est quaerere de significatione huius nominis *persona* in communi, & aliud de significatione personae divinae. Persona enim in communi significat substantiam individuum rationalis naturae, ut dictum est (art. 1. huius quaest.) Individuum autem est quod est in se indistinctum, ab aliis vero distinctum. Persona igitur in quacumque natura significat id quod est di-

stinctum in natura illa; sicut in humana natura significat has carnes, haec ossa, & hanc animam, quae sunt principia individuantia hominem: quae quidem, licet non sint de significatione personae, sunt tamen de significatione personae humanae. Distinctio autem in divinis non fit nisi per relationes originis, ut dictum est supra (quaest. xxvii. art. 2. & 3.) Relatio autem in divinis non est sicut accidens inherens subiecto, sed est ipsa divina essentia: unde est subsistens, sicut essentia divina subsistit. Sicut ergo Deitas est Deus, ita paternitas divina est Deus Pater, qui est persona divina. Persona igitur divina significat relationem ut subsistentem.

Et hoc est significare relationem per modum substantiae, quae est hypostasis subsistens in natura divina, licet subsistens in natura divina non sit aliud quam natura divina. Et secundum hoc verum est quod hoc nomen *persona* significat relationem in recto, & essentiam in obliquo; non tamen relationem, in quantum est relatio, sed in quantum significatur per modum hypostasis. Similiter etiam significat essentiam in recto, & relationem in obliquo, in quantum essentia ident est quod hypostasis. Hypostasis autem significatur in divinis ut relatione distincta. Et similiter relatio per modum relationis significata cadit in ratione personae in obliquo. Et secundum hoc etiam dici potest, quod haec significatio huius nominis *persona* non erat percepta ante haereticorum calumniam. Unde non erat in usu hoc nomen *persona* nisi sicut unum aliorum absolutorum; sed postmodum accommodatum est hoc nomen *persona* ad standum pro relativo ex congruentia suae significationis, ut scilicet hoc quod stat pro relativo, non solum habeat ex usu, ut prima opinio dicebat, sed etiam ex significatione sua.

Ad primum ergo dicendum, quod hoc nomen *persona* dicitur ad se, non ad alterum: quia significat relationem non per modum relationis, sed per modum substantiae, quae est hypostasis. Et secundum hoc Augustinus dicit, quod significat essentiam, prout in Deo essentia est idem cum hypostasi: quia in Deo non differt quod est, & quo est.

Ad secundum dicendum, quod quid quandoque quaerit de natura, quam significat definitio, ut cum quaeritur, quid est homo? & respondetur, animal rationale mortale. Quandoque vero quaerit

suppositum, ut cum quaeritur quid natat in mari? & responderet, piscis. Et sic quaerentibus, *quid res*, responsum est, *tres personae*.

Ad tertium dicendum, quod in intellectu substantiae individuae, idest distinctae, vel incommunicabilis, intelligitur in divinis relatio, ut dictum est (in corp. art.)

Ad quartum dicendum, quod diversa ratio minus communium non facit aequivocationem in magis communi. Licet enim sit alia propria definitio equi, & asini; tamen univocantur in nomine animalis, quia communis definitio animalis convenit utrique. Unde non sequitur quod, licet in significatione personarum divinarum contineatur relatio, non autem in significatione angelicarum personarum, vel humanarum, quod nomen personarum aequivoce dicatur. Licet nec etiam dicatur univoce, cum nihil univoce de Deo dici possit, & de creaturis, ut supra ostensum est (quaest. xiiii. art. 5.)

QUAESTIO XXX.

De pluralitate personarum in divinis, in quatuor articulos divisa.

DEinde quaeritur de pluralitate personarum: & circa hoc quaeruntur quatuor.

Primo, utrum sint plures personae in divinis.

Secundo, quot sint.

Tertio, quid significant termini numerales in divinis.

Quarto, de communitate huius nominis persona.

ARTICULUS I. 173

Utrum sit ponere plures personas in divinis.

I. dist. 11. art. 4. & 5. & IV. con. cap. v. & xxv. & po. quaest. ix. art. 5. & op. 11. cap. l. & quod. vii. quaest. 111. art. 1.

AD primum sic proceditur. Videtur quod non sit ponere plures personas in divinis. Persona enim est rationalis natura individua substantia. Si ergo sint plures personae in divinis, sequitur quod sint plures substantiae: quod videtur haereticum.

2. Præterea. Pluralitas proprietatum absolutarum non facit distinctionem personarum neque in Deo, neque in nobis. Multo igitur minus pluralitas relationum. Sed in Deo non est alia pluralitas nisi relationum, ut supra dictum est

(quaest. xxvii. art. 3.) Ergo non potest dici, quod in Deo sint plures personae.

3. Præterea. Boetius (in Lib. I. de Trin. ante med.) dicit de Deo loquens quod *hoc vere unum est in quo nullus est numerus*. Sed pluralitas importat numerum. Ergo non sunt plures personae in divinis.

4. Præterea. Ubicumque est numerus, ibi est totum, & pars. Si igitur in Deo sit numerus personarum, erit in Deo ponere totum, & partem: quod simpliciter divinae repugnat.

Sed contra est quod dicit Athanasius (in suo symbolo fidei:) *Alia est persona Pater, alia Filius, alia Spiritus sanctus*. Ergo Pater, & Filius, & Spiritus sanctus sunt plures personae.

Respondeo dicendum, quod plures esse personas in divinis sequitur ex praemissis. Ostensum est enim supra (art. 4. quaest. praec.) quod hoc nomen *persona* significat in divinis relationem ut rem subsistentem in natura divina. Supra autem habitum est (quaest. xxvii. art. 1. 3. & 4.) quod sunt plures relationes reales in divinis: unde sequitur quod sint plures res subsistentes in divina natura. Et hoc est esse plures personas in divinis.

Ad primum ergo dicendum, quod substantia non ponitur in definitione personarum, secundum quod significat essentiam, sed secundum quod significat suppositum: quod patet ex hoc quod additur *individuum*. Ad significandum autem substantiam sic dictam habent Graeci nomen hypostasis. Unde sicut nos dicimus tres personas, ita ipsi dicunt tres hypostases. Nos autem non consuevimus dicere tres substantias, ne intelligerentur tres essentiae propter nominis aequivocationem.

Ad secundum dicendum, quod proprietates absolutae in divinis, ut bonitas, & sapientia, non opponuntur ad invicem, unde neque realiter distinguuntur. Quamvis ergo eis conveniat subsistere, non tamen sunt plures res subsistentes, quod est esse plures personas. Proprietates autem absolutae in rebus creatis non subsistunt, licet realiter ab invicem distinguantur, ut albedo, & dulcedo; sed proprietates relatiuae in Deo & subsistunt, & realiter ab invicem distinguuntur, ut supra dictum est (quaest. xxviii. art. 3.) Unde pluralitas talium proprietatum sufficit ad pluralitatem personarum in divinis.

Ad tertium dicendum, quod a Deo propter summam unitatem, & simplicitatem

tatem excluditur omnis pluralitas absolute dictorum, non autem pluralitas relationum, quæ relationes prædicantur de aliquo ut ad alterum. Et sic compositionem in ipso, de quo dicuntur, non important, ut Boetius in eodem Libro docet.

Ad quartum dicendum, quod numerus est duplex; scilicet numerus simplex, vel absolutus, ut duo, & tria, & quatuor; & est numerus qui est in rebus numeratis, ut duo homines, & duo equi. Si igitur in divinis accipitur numerus absolute, sive abstracte, nihil prohibet in eo esse totum, & partem; & sic non est nisi in acceptione intellectus nostri: non enim numerus absolutus a rebus numeratis est nisi in intellectu. Si autem accipiamus numerum, prout est in rebus numeratis, sic in rebus quidem creatis unum est pars duorum, & duorum, ut unus homo duorum, & duorum; & sic non est in Deo, quia tantus est Pater, quanta tota Trinitas, ut infra patebit (quæst. xlii. art. 1. & 4.)

ARTICULUS II. 174

Utrum in Deo sint plures personæ quam tres.

Inf. quæst. xxxi. art. 1. & quæst. xli. art. 6. & I. dist. x. art. 5. & IV. cont. cap. xlii. & xxvi. & pot. quæst. ix. art. 9. & opusc. ii. cap. lv. & lx.

AD secundum sic proceditur. Videtur quod in Deo sint plures personæ quam tres. Pluralitas enim personarum in divinis est secundum pluralitatem proprietatum relativarum, ut dictum est (art. præc.) Sed quatuor sunt relationes in divinis, ut supra dictum est (quæst. xxviii. art. 4.) scilicet paternitas, filiation, communis spiratio, & processio. Ergo quatuor personæ sunt in divinis.

2. Præterea. Non plus differt natura a voluntate in Deo quam natura ab intellectu. Sed in divinis est alia persona quæ procedit per modum voluntatis, ut amor, & alia quæ procedit per modum naturæ, ut filius. Ergo est etiam alia quæ procedit per modum intellectus, ut verbum, & alia quæ procedit per modum naturæ, ut filius: & sic iterum sequitur quod non sunt tantum tres personæ in divinis.

3. Præterea. In rebus creatis quod excellentius est, plures habet operationes inrensas; sicut homo supra alia animalia habet intelligere, & velle. Sed

Deus in infinitum excedit omnem creaturam. Ergo non solum est ibi persona procedens per modum voluntatis, & per modum intellectus, sed infinitis aliis modis. Ergo sunt infinitæ personæ in divinis.

4. Præterea. Ex infinita bonitate Patris est quod infinite se ipsum communicet producendo personam divinam. Sed etiam in Spiritu sancto est infinita bonitas. Ergo Spiritus sanctus producit divinam personam, & illa aliam, & sic in infinitum.

5. Præterea. Omne quod continetur sub determinato numero, est mensuratum: numerus enim mensura quædam est. Sed personæ divinæ sunt immensæ, ut patet per Athanasium (in suo symbolo fidei.) *Immensus Pater, immensus Filius, immensus Spiritus sanctus.* Non ergo sub numero ternario continentur.

Sed contra est quod dicitur I. Ioan. ult. 7. *Tres sunt qui testimonium dant in celo, Pater, Verbum, & Spiritus sanctus.* Quærentibus autem, *quid res?* respondetur, *tres personæ,* ut Augustinus dicit VII. de Trinit. (cap. iv. & seq.) Sunt igitur tres personæ tantum in divinis.

Respondeo dicendum, quod secundum præmissa (art. præc. & art. 4. quæst. xxxi.) necesse est ponere tantum tres personas in divinis. Ostensum est enim (art. præc.) quod plures personæ sunt plures relationes subsistentes ab invicem realiter distinctæ. Realis autem distinctio inter relationes divinas non est nisi ratione oppositionis relativæ. Ergo oportet duas relationes oppositas ad duas personas pertinere. Si quæ autem relationes oppositæ non sunt, ad eandem personam necesse est eas pertinere. Paternitas ergo, & filiation, cum sint oppositæ relationes, ad duas personas ex necessitate pertinent. Paternitas igitur subsistens est persona Patris, & filiation subsistens est persona Filii. Aliæ autem duæ relationes ad neutram harum oppositionem habent, sed sibi invicem opponuntur. Impossibile est igitur quod ambæ uni personæ convenient. Oportet ergo quod vel una earum conveniat utrique dictarum personarum, aut quod una uni, & alia alii. Non autem potest esse quod processio conveniat Patri, & Filio, vel alteri eorum: quia sic sequeretur quod processio intellectus (quæ est generatio in divinis, secundum quam accipitur paternitas, & filiation) prodiret ex processione amoris, secundum quam

accipitur spiratio, & processio, (a) si sola procederet, si Spiritus sanctus haberet personam generans, & genita procederent a spirante: quod est contra praemissa (quaest. xxvii. art. 3. & 4.) Relinquitur ergo quod spiratio conveniat & personae Patris, & personae Filii, utpote nullam habens oppositionem relativam nec ad paternitatem, nec ad filiationem: & per consequens oportet quod conveniat processio alteri personae, quae dicitur persona Spiritus sancti, quae per modum amoris procedit, ut supra habitum est (loc. nunc cit.) Relinquitur ergo tantum tres personas esse in divinis, scilicet Patrem, & Filium, & Spiritum sanctum.

Ad primum ergo dicendum, quod licet sint quatuor relationes in divinis, tamen una earum, scilicet spiratio, non separatur a persona Patris, & Filii, sed convenit utrique: & sic licet sit relatio, non tamen dicitur proprietates, quia non convenit uni tantum personae; neque relatio personalis, id est constitutens personam. Sed haec tres relationes, paternitas, filiatio, & processio, dicuntur proprietates personales, quasi personas constituentes: nam paternitas est persona Patris, filiatio persona Filii, processio persona Spiritus sancti procedentis.

Ad secundum dicendum, quod id quod procedit per modum intellectus, ut verbum, procedit secundum rationem similitudinis, sicut etiam id quod procedit per modum naturae: & ideo supra dictum est (quaest. xxvii. artic. 3.) quod processio Verbi divini est ipsa generatio per modum naturae. Amor autem, in quantum huiusmodi, non procedit ut similitudo illius a quo procedit, licet in divinis amor sit coessentialis, in quantum dicitur divinus: & ideo processio amoris non dicitur generatio in divinis.

Ad tertium dicendum, quod homo, cum sit perfectior aliis animalibus, habet plures operationes intrinsecas quam alia animalia, quia eius perfectio est per modum compositionis. Unde in Angelis, qui sunt perfectiores, & simpliciores, sunt pauciores operationes intrinsecas quam in homine: quia in eis non est imaginari, sentire, & huiusmodi. Sed in Deo secundum rem non est nisi una operatio, quae est sua essentia. Sed quomodo fiat duae processiones, supra ostensum est (quaest. xxvii. art. 1. & 4.)

Ad quartum dicendum, quod ratio il-

licet procederet, si Spiritus sanctus haberet aliam numero bonitatem a bonitate Patris: oporteret enim quod sicut Pater per suam bonitatem producit personam divinam, ita & Spiritus sanctus. Sed una & eadem bonitas Patris est, & Spiritus sancti. Neque etiam est distinctio nisi per relationes personarum. Unde bonitas convenit Spiritui sancto, quasi habita ab alio; Patri autem, sicut a quo communicatur alteri. Oppositio autem relationis non permittit ut eum relatione Spiritus sancti sit relatio principii respectu divinae personae: quia ipse procedit ab aliis personis, quae in divinis esse possunt.

Ad quintum dicendum, quod numerus determinatus (si accipitur numerus simplex, qui est tantum in acceptione intellectus) per unum mensuratur. Si vero accipitur numerus rerum in divinis personis, sic non competit ibi rationem mensurati: quia eadem est magnitudo trium personarum, ut infra patebit (quaest. xlii. art. 1. & 4.) Idem autem non mensuratur per idem.

ARTICULUS III. 175

Utrum termini numerales ponant aliquid in divinis.

I. dist. xxiv. quaest. 1. art. 3. & per. quaest. IX. art. 7. & quod. 2. quaest. 1. art. 1.

AD tertium sic proceditur. Videtur quod termini numerales ponant aliquid in divinis. Unitas enim divina est eius essentia. Sed omnis numerus est unitas repetita. Ergo omnis terminus numeralis in divinis significat essentiam: ergo ponit aliquid in Deo.

2. Praeterea. Quidquid dicitur de Deo, & creaturis, eminentius convenit Deo quam creaturis. Sed termini numerales in creaturis aliquid ponunt. Ergo multo magis in Deo.

3. Praeterea. Si termini numerales non ponunt aliquid in divinis, sed inducuntur ad removendum tantum, ut per pluralitatem removeatur unitas, & per unitatem pluralitas; sequitur quod sit circulatio in ratione, confundens intellectum, & nihil certifiens: quod est inconveniens. Relinquitur ergo quod termini numerales aliquid ponant in divinis.

Sed contra est quod Hilarius dicit in IV. de Trin. (ante med.) *Sustulit singularitatis, ac solitudinis intelligentiam processio* con-

(a) Ita Rom. & Paris. edit. Nicolai & persona generans &c.

confortii, quod est professio pluralitatis : *ens*. Huiusmodi autem unum, sicut su- & Ambrosius dicit in Lib. I. de Fid. pra dictum est (quæst. xi. art. i.) cum (cap. 11. ant. med. æquiv.) Cum unum de Dei unitate ageretur, non addit ali- quid supra ens, nisi negationem divisi- *onem tantum : unum enim significat ens indivisum. Et ideo de quocunque dica- tur unum, significatur illa res indivisa ; sicut unum dictum de homine significat naturam, vel substantiam hominis non divisam. Et eadem ratione cum dicun- tur res multæ, multitudo sic accepta si- gnificat res illas cum indivisione circa unamquamque earum. Numerus autem qui est species quantitatis, ponit quodam accidens additum supra ens, & si- militer unum quod est principium num- meri. Termini ergo numerales signifi- cant in divinis illa de quibus dicuntur, & super hoc nihil addunt nisi negatio- nem, ut dictum est (loc. cit.) & quan- tum ad hoc veritatem dixit Magister in sent. (loc. cit.) ut cum dicimus, Essen- tia est una, unum significat essen- tiam indivisam ; cum dicimus, Persona est una, significat personam indivisam ; cum dicimus, Personæ sunt plures, signifi- cantur illæ personæ, & indivisio circa unamquamque earum : quia de ratione multitudinis est quod ex unitatibus con- stit.*

Respondetur dicendum, quod Magister in sententiis (I. dist. xxiv.) ponit, quod termini numerales non ponunt aliquid in divinis, sed remonent tantum. Alii vero dicunt contrarium.

Ad evidentiam igitur huius confide- randum est, quod omnis pluralitas con- sequitur aliquam divisionem. Est autem duplex divisio. Una materialis, quæ fit secundum divisionem continui : & hanc consequitur numerus, qui est species quantitatis. Unde talis numerus non est nisi in rebus materialibus habentibus quantitatem. Alia est divisio formalis, quæ fit per oppositas, vel diversas for- mas : & hanc divisionem sequitur mul- titudo, quæ non est in aliquo genere, sed est de transcendentibus, secundum quod ens dividitur per unum, & multa. Et talem multitudinem solam contingit esse in rebus immaterialibus.

Quidam igitur non considerantes nisi (b) multitudinem quæ est species quan- titatis discreta (quia videbant quod quan- titas discreta non habet locum in divinis) posuerunt, quod termini numerales non ponunt aliquid in Deo, sed remo- vent tantum.

Alii vero eandem multitudinem con- siderantes dixerunt, quod sicut scientia ponitur in Deo secundum rationem pro- priam scientiæ, non autem secundum ra- tionem sui generis (quia in Deo nulla est qualitas) ; ita numerus in Deo ponitur secundum propriam rationem nume- ri, non autem secundum rationem sui generis, quod est quantitas.

Nos autem dicimus, quod termini nu- merales, secundum quod veniunt in prædicationem divinam, non sumuntur a numero qui est species quantitatis : quia sic de Deo non dicerentur, nisi metaphorice, sicut & alix proprietates corporaliæ, sicut latitudo, longitudo, & similia : sed sumuntur a multitudine, secundum quod est transcendens. Multi- tudo autem sic accepta hoc modo se ha- bet ad multa, de quibus prædicatur, sic- ut unum quod convertitur cum ente, ad

ens. Huiusmodi autem unum, sicut su- pra dictum est (quæst. xi. art. i.) cum de Dei unitate ageretur, non addit ali- quid supra ens, nisi negationem divisi- *onem tantum : unum enim significat ens indivisum. Et ideo de quocunque dica- tur unum, significatur illa res indivisa ; sicut unum dictum de homine significat naturam, vel substantiam hominis non divisam. Et eadem ratione cum dicun- tur res multæ, multitudo sic accepta si- gnificat res illas cum indivisione circa unamquamque earum. Numerus autem qui est species quantitatis, ponit quodam accidens additum supra ens, & si- militer unum quod est principium num- meri. Termini ergo numerales signifi- cant in divinis illa de quibus dicuntur, & super hoc nihil addunt nisi negatio- nem, ut dictum est (loc. cit.) & quan- tum ad hoc veritatem dixit Magister in sent. (loc. cit.) ut cum dicimus, Essen- tia est una, unum significat essen- tiam indivisam ; cum dicimus, Persona est una, significat personam indivisam ; cum dicimus, Personæ sunt plures, signifi- cantur illæ personæ, & indivisio circa unamquamque earum : quia de ratione multitudinis est quod ex unitatibus con- stit.*

Ad primum ergo dicendum, quod u- num, cum sit de transcendentibus, est communius quam substantia, & quam relatio, & similiter multitudo. Unde potest stare in divinis & pro substantia, & pro relatione, secundum quod com- petit his quibus adiungitur. Et tamen per huiusmodi nomina supra essentiam, vel relationem, additur ex eorum signi- ficatione propria negatio quædam divi- sionis, ut dictum est (in corp. art. & loc. ibi cit.)

Ad secundum dicendum, quod multi- tudo quæ ponit aliquid in rebus crea- tis, est species quantitatis, quæ non transmittitur in divinam prædicationem, sed tantum multitudo transcendens, quæ non addit supra ea de quibus dicitur, nisi indivisionem circa singula. Et talis multitudo dicitur de Deo.

Ad tertium dicendum, quod unum non est remotivum multitudinis, sed di- visionis, quæ est prior secundum ratio- nem quam unum, vel multitudo. Multi- tudo autem non removel unitatem, sed removel divisionem circa unumquod- que eorum ex quibus constat multi- tudo.

(a) Ita Nicolaus : al. ponimus. Ambrosius : Dicendo . . . unum Deum Patrem, non Divinitatis pluralitatem, sed unitatem potestatis ostendit. (b) Edit. Rom. multitudinem solum quæ &c.

do. Et hæc supra expofita funt (quaest. xi. art. 2.) cum de divina unitate ageretur.

Sciendum tamen est, quod auctoritates in oppositum inducæ non probant sufficienter propofitum. Licet enim pluralitas excludatur folitudo, & unitate deorum pluralitas; non tamen fequitur quod his nominibus hoc folum fignificetur. Albedine enim excluditur nigredo; non tamen nomine albedinis fignificatur fola nigredinis excludio.

ARTICULUS IV. 176

Utrum hoc nomen perfona poffit effe commune tribus perfonis.

I. diff. xxv. art. 3. 1^o p^o quæft. viii. art. 3. ad 11. 1^o quæft. ix. art. 4. ad 4.

AD quartum fic proceditur. Videtur quod hoc nomen *perfona* non poffit effe commune tribus perfonis. Nihil enim eft commune tribus perfonis nifi effentia. Sed hoc nomen *perfona* non fignificat effentiam in recto. Ergo non eft commune tribus.

2. Præterea. Commune opponitur incommunicabili. Sed de ratione perfonæ eft quod fit incommunicabilis, ut patet ex definitione Richardi de Sancto Victore fupra pofita (quaest. xxix. art. 3. ad 4.). Ergo hoc nomen *perfona* non eft commune tribus.

3. Præterea. Si eft commune tribus, aut ifta communitas attenditur fecundum rem, aut fecundum rationem. Sed non fecundum rem, quia fic tres perfonæ effent una perfona; nec iterum fecundum rationem tantum, quia fic perfona effet univerfale. In divinis autem non eft univerfale, nec etiam particulare, neque genus, neque fpecies, ut fupra oftentum eft (quaest. xii. art. 5.). Non ergo hoc nomen *perfona* eft commune tribus.

Sed contra eft quod dicit Auguftinus vii. de Trin. (cap. xv. & feqq. & Lib. V. cap. ix. in fin.) quod cum quaeretur, quid tres, refponfum eft, tres perfonæ, quia commune eft eis id quod eft perfona.

Refpondeo dicendum, quod ipfe modus loquendi oftendit, hoc nomen *perfona* tribus effe commune, cum dicimus tres perfonas; ficut cum dicimus tres homines, oftendimus, hominem effe commune tribus. Manifefturn eft autem quod non eft communitas rei, ficut una effen-

tia communis eft tribus: quia fic fequeretur unam effe perfonam trium, ficut effentia eft una.

Qualis autem fit communitas, inveftigantes diverfimode locuti funt. Quidam enim dixerunt, quod eft communitas negationis, propter hoc quod in definitione perfonæ ponitur *incommunicabile*. Quidam autem dixerunt, quod eft communitas intentionis, eo quod in definitione perfonæ ponitur *individuum*: ficut fit dicatur, quod effe fpeciem eft commune equo, & bovi. (a) Sed utrumque horum excluditur per hoc quod nomen perfonæ non eft nomen negationis, neque intentionis, fed eft nomen rei.

Et ideo dicendum eft, quod etiam in rebus humanis hoc nomen *perfona* eft commune communicatæ rationis, non ficut genus, vel fpecies, fed ficut individuum vagum. Nomina enim generum, vel fpecierum, ut homo, vel animal, funt impofita ad fignificandum ipfas naturas communes, non autem intentiones naturarum communium, quæ fignificantur his nominibus *genus*, vel *fpecies*. Sed individuum vagum, ut *aliquis homo*, fignificat naturam communem cum determinato modo (b) exiftendi, qui competit fingularibus, ut fcilicet fit per fe fubfiftens diftinctum ab aliis. Sed in nomine fingularis designati fignificatur determinatum diftinguens, ficut in nomine Socratis hæc caro, & hoc os. Hoc tamen intereft quod *aliquis homo* fignificat naturam, vel individuum ex parte naturæ cum modo exiftendi, qui competit fingularibus; hoc autem nomen *perfona* non eft impofitum ad fignificandum individuum ex parte naturæ, fed ad fignificandum rem fubfiftentem in tali natura. Hoc autem eft commune fecundum rationem omnibus perfonis divinis ut unaquæque earum fubfiftat in natura divina diftincta ab aliis. Et fic hoc nomen *perfona* fecundum rationem eft commune tribus perfonis divinis.

Ad primum ergo dicendum, quod ratio illa procedit de communitate rei.

Ad fecundum dicendum, quod licet perfona fit incommunicabilis, tamen ipfe modus exiftendi incommunicabiliter poteft effe pluribus communis.

Ad tertium dicendum, quod licet fit communitas rationis, & non rei; tamen non fequitur quod in divinis fit univerfale, vel particulare, vel genus, vel fpe-

(a) Ita Nicetas. M. Et utrumque. (b) Ita Alcan. alique vtroq; redd. quibus continis Nicetas. & diti plurimi edendi.

species: tum quia neque in rebus humanis communitas personarum est communis generis, vel speciei: tum quia personarum divinarum habent unum esse; genus autem, & species, & quodlibet universale praedicatur de pluribus secundum esse differentibus.

QUAESTIO XXXI.

*De his quae ad unitatem, vel pluralitatem pertinent in divinis,
in quatuor articulos divisa.*

Post haec considerandum est de his quae ad unitatem, vel pluralitatem pertinent in divinis: & circa hoc quaeruntur quatuor.

Primo de ipso nomine Trinitatis.

Secundo, utrum possit dici: Filius est alius a Patre.

Tertio, utrum dictio exclusiva, quae videtur alienitatem excludere, possit adungi nomini essentiali in divinis.

Quarto, utrum possit adungi termino personalis.

ARTICULUS I. 277

Utrum sit Trinitas in divinis.

I. dist. xxiv. quest. 11. art. 2. & II. dist. 11. quest. 1. art. 5. cor. & opusc. 111. cap. 1. 11. & 111.

AD primum sic proceditur. Videtur quod non sit Trinitas in divinis. Omne enim nomen in divinis vel significat substantiam, vel relationem. Sed hoc nomen *Trinitas* non significat substantiam, praedicaretur enim de singulis personis; neque significat relationem, quia non dicitur secundum nomen ad aliud. Ergo nomine Trinitatis non est utendum in divinis.

2. Praeterea. Hoc nomen *Trinitas* videtur esse nomen collectivum, cum significet multitudinem. Tale autem nomen non convenit in divinis, cum unitas importata per nomen collectivum sit minima unitas: in divinis autem est maxima unitas. Ergo hoc nomen *Trinitas* non convenit in divinis.

3. Praeterea. Omne trinum est triplex. Sed in Deo non est triplicitas, cum triplicitas sit species inaequalitatis. Ergo nec Trinitas.

4. Praeterea. Quicquid est in Deo, est in unitate essentiae divinae, quia Deus est sua essentia. Si igitur Trinitas est in Deo, erit in unitate essentiae divinae; &

sic in Deo erunt tres essentiales unitates, quod est haereticum.

5. Praeterea. In omnibus quae dicuntur de Deo, concretum praedicatur de abstracto: Deitas enim est Deus, & paternitas est Pater. Sed Trinitas non potest dici trina: quia sic essent novem res in divinis, quod est erroneum. Ergo nomine Trinitatis non est utendum in divinis.

Sed contra est quod Athanasius (in symbolo fidei) dicit, quod *Unitas in Trinitate, & Trinitas in Unitate veneranda sit.*

Respondetur dicendum, quod nomen Trinitatis in divinis significat determinatum numerum personarum. Sicut igitur ponitur pluralitas personarum in divinis, ita utendum est nomine Trinitatis: quia hoc idem quod significat pluralitas indeterminata, significat hoc nomen *Trinitas* determinate.

Ad primum ergo dicendum, quod hoc nomen *Trinitas* secundum etymologiam vocabuli videtur significare unam essentiam trium personarum, secundum quod dicitur Trinitas, quasi trium unitas; sed secundum proprietatem vocabuli significat magis numerum personarum unius essentiae: & propter hoc non possumus dicere, quod Pater sit Trinitas, quia non est tres personae. Non autem significat ipsas relationes personarum; sed magis numerum personarum ad invicem relatarum: & inde est quod secundum nomen ad aliud non refertur.

Ad secundum dicendum, quod nomen collectivum duo importat, scilicet pluralitatem suppositorum, & unitatem quandam, scilicet ordinis alicuius. Populus enim est multitudo hominum sub aliquo ordine comprehensorum. Quantum ergo ad primum, hoc nomen *Trinitas* convenit cum nominibus collectivis; sed quantum ad secundum differt: quia in divina Trinitate non solum est unitas ordinis, sed cum hoc est etiam unitas essentiae.

Ad tertium dicendum, quod Trinitas absolute dicitur: significat enim numerum ternarium personarum. Sed triplicitas significat proportionem inaequalitatis: est enim species proportionis inaequalis, sicut patet per Boetium in *Arithmetica* (Lib. I. cap. xxiv.) Et ideo non est in Deo triplicitas, sed Trinitas.

Ad quartum dicendum, quod in Trinitate divina intelligitur & numerus, & personarum numerus. Cum ergo dicimus

Tri-

Trinitatem in Unitate, non ponimus numerum in unitate essentiae, quasi sit terra, sed personas numeratas ponimus in unitate naturae; sicut supposita alicuius naturae dicuntur esse in natura illa. *Et converso* autem dicimus *Unitatem in Trinitate*, sicut natura dicitur esse in suis suppositis.

Ad quintum dicebamus, quod cum dicimus, Trinitas est trina, ratione numeri importati significatur multiplicatio eiusdem numeri in se ipsum; cum hoc quod dico trinum, importet distinctionem in suppositis illius de quo dicitur. Et ideo non potest dici, quod Trinitas sit trina: quia sequeretur, si Trinitas esset trina, quod tria essent supposita Trinitatis; sicut cum dicitur, Deus est trinus, sequitur quod sunt tria supposita Deitatis.

ARTICULUS II. 178

Utrum Filius sit alius a Patre.

1. dist. 1x. quaest. 1. artic. 1. & dist. xxiv. quaest. 11. art. 1.

AD secundum sic proceditur. Videtur quod Filius non sit alius a Patre. Alius enim est relativum diversitatis substantiae. Si igitur Filius est alius a Patre, videtur quod sit a Patre diversus: quod est contra Augustinum VII. de Trin. (cap. ult.) ubi dicit, quod cum dicimus tres personas, non diversitatem intelligere volumus.

2. Præterea. Quicumque sunt alii ab invicem, aliquo modo ab invicem differunt. Si igitur Filius est alius a Patre, (a) sequitur quod sit differens a Patre: quod est contra Ambrosium in l. de Fide. (ad Gratianum cap. 11. ante med.) ubi ait: *Pater, & Filius Deitate unum sunt; nec est ibi substantia differentia, neque ulla diversitas.*

3. Præterea. Alienum ab alio dicitur. Sed Pater non est alienus a Filio: dicit enim Hilarius in VII. de Trin. (non longe a fin.) quod in divinis personis nihil est diversum, nihil alienum, nihil separabile. Ergo Filius non est alius a Patre.

4. Præterea. Alius, & aliud idem significant, sed sola generis connotatione differunt. Si ergo Filius est alius a Patre, videtur sequi quod Filius sit aliud a Patre.

Sed contra est quod Augustinus (Fulgentius) dicit in Lib. de Fide ad Petrum (cap. 1.) *Una est enim essentia Patris, &*

Filii, & Spiritus sancti, in qua non est aliud Pater, aliud Filius, aliud Spiritus sanctus; quamvis personaliter sit alius Pater, alius Filius, alius Spiritus sanctus.

Respondeo dicendum, quod quia ex verbis inordinate prolatis incurritur hæresis, ut Hieronymus dicit (citatur autem IV. Sen. a Magist. dist. xxi. in fin.) ideo cum de Trinitate loquimur, cum caute, & modesta est agendum: quia, ut Augustinus dicit in l. de Trin. (capit. 11. in princ.) *periculosius alicubi erratur, nec laboriosius aliquid quaeritur, nec fructuosius aliquid invenitur.* Oportet autem in his quæ de Trinitate loquimur, duos errores oppositos cavere, temperate inter utrumque procedentes, scilicet errorem Arii, qui posuit cum Trinitate personarum Trinitatem substantiarum, & errorem Sabellii, qui posuit cum unitate essentiae unitatem personarum.

Ad evitandum igitur errorem Arii, vitare debemus in divinis nomen diversitatis, & differentiae, ne tollatur unitas essentiae. Possimus autem uti nomine distinctionis propter oppositionem relativam. Unde sciubi in aliqua Scripturæ authentica diversitas, vel differentia personarum invenitur, sumitur diversitas, vel differentia pro distinctione. Ne autem tollatur simplicitas divinae essentiae, vitandum est nomen separationis, & divisionis, quæ est totius in partes. Ne autem tollatur æqualitas, vitandum est nomen disparitatis. Ne vero tollatur similitudo, vitandum est nomen alieni, & discrepantis. Dicit enim Ambrosius in Lib. l. de Fid. (cap. 11. ante med.) quod *in Patre, & Filio non est discrepantia, sed una Divinitas.* Et secundum Hilarium, ut dictum est (loc. cit. in arg. 3.) *in divinis nihil est separabile.*

Ad vitandum vero errorem Sabellii vitare debemus singularitatem, ne tollatur communicabilitas essentiae divinae. Unde Hilarius dicit VII. de Trin. (non multum a fin.) *Patrem, & Filium singularem Deum predicare sacrilegium est.* Debemus etiam vitare nomen unici, ne tollatur numerus personarum. Unde Hilarius in eod. Lib. dicit, quod *a Deo excluditur singularitas, atque unici intelligentia.* Dicimus tamen unicum Filium, quia non sunt plures filii in divinis. Neque tamen dicimus unicum Deum, quia pluribus Deitas est communis. Vitamus etiam nomen confusi, ne tollatur ordo naturæ a personis. Unde Ambrosius dicit l. de Fide (loco ante

(a) Cod. Alcan. sequitur.

ante cit.) *Neque confusum est quod unum est, neque multiplex esse potest quod indifferens est.* Vitandum est etiam nomen *solitarii*, ne tollatur consortium trium personarum: dicit enim Hilarius IV. de Trin. (ante med.) *Nobis neque solitariis, neque diversus Deus est confensus.*

Hoc autem nomen *alii* masculine sumptum non importat nisi distinctionem suppositi. Unde convenienter dicere possumus, quod *Filius est alius a Patre*, quia scilicet est aliud suppositum divinæ naturæ, sicut est alia persona, & alia hypostasis.

Ad primum ergo dicendum, quod *alii*, quia est sicut quoddam particulare nomen, tenet le ex parte suppositi: unde ad eius rationem sufficit distinctio substantiæ, quæ est hypostasis, vel persona. Sed diversitas requirit distinctionem substantiæ, quæ est essentialis. Et ideo non possumus dicere, quod *Filius sit diversus a Patre*, licet sit *alii*.

Ad secundum dicendum, quod differentia importat distinctionem formæ. Est autem tantum una forma in divinis, ut patet per id quod dicitur Philipp. 11. 6. *Qui cum in forma Dei esset.* Et ideo nomen differentie non proprie competit in divinis, ut patet per auctoritatem inducendam (in 2. arg.) Utitur tamen Damascenus (Lib. III. orth. Fid. cap. v.) nomine *differentie* in divinis personis, secundum quod proprietas relativa significatur per modum formæ. Unde dicit, quod non differunt ab invicem hypostases secundum substantiam, sed secundum determinatas proprietates. Sed differentia sumitur pro distinctione, ut dictum est (in corp. art.)

Ad tertium dicendum, quod alienum est quod est extraneum, & dissimile. Sed hoc non importatur, cum dicitur *alii*: & ideo dicimus Filium alium a Patre, licet non dicamus alienum.

Ad quartum dicendum, quod neutrum genus est informe, masculinum autem est informatum, & distinctum, & similiter femininum. Et ideo convenienter per neutrum genus significatur essentia communis; per masculinum autem, & femininum aliquod suppositum determinatum in communem naturam. Unde etiam in rebus humanis si queratur. Quis est iste? respondetur, Socrates, quod nomen est suppositi. Si autem queratur, Quid est iste? respondetur, animal rationale, & mortale. Et ideo quia in divinis distin-

ctio est secundum personas, non autem secundum essentiam, dicimus, quod *Pater est alius a Filio*, sed non *alii*; & e converso dicimus, quod sunt unum, sed non unus.

ARTICULUS III. 179

Utrum dictio exclusiva solus sit addenda termino essentiali in divinis.

I. dist. xxxi. quæst. 1. art. 1.

AD tertium sic proceditur. Videtur quod dictio exclusiva *solus* non sit addenda termino essentiali in divinis. Quia secundum Philosophum in II. Elench. (cap. 111. a med.) *solus est qui cum alio non est.* Sed Deus est cum Angelis, & sanctis animabus. Ergo non possumus dicere Deum solum.

2. Præterea. Quicquid adiungitur termino essentiali in divinis, potest predicari de qualibet persona per se, & de omnibus simul: quia enim convenienter dicitur sapiens Deus, possumus dicere, Pater est sapiens Deus, & Trinitas est sapiens Deus. Sed Augustinus in VI. de Trin. (cap. 11. in ptine.) dicit: *Consideranda est illa sententia, qua dicitur (a) non esse Patrem verum Deum solum.* Ergo non potest dici *solus Deus*.

3. Præterea. Si hæc dictio *solus* adiungitur termino essentiali, aut hoc erit respectu prædicati personalis, aut respectu prædicati essentialis. Sed non respectu prædicati personalis, quia hæc est falsa *Solus Deus est pater*, eum etiam homo, sit pater: neque etiam respectu prædicati essentialis, quia si hæc esset vera, *Solus Deus creat*, videtur sequi quod hæc esset vera, *Solus Pater creat*: quia quicquid dicitur de Deo, potest dici de Patre. Hæc autem est falsa, quia etiam Filius est creator. Non ergo hæc dictio *solus* potest in divinis adiungi termino essentiali.

Sed contra est quod dicitur I. ad Timoth. 1. 17. *Regi seculorum immortalis, invisibilis, soli Deo.*

Respondendo dicendum, quod hæc dictio *solus* potest accipi ut categorematica, vel syncategorematica. Dicitur autem dictio categorematica quæ absolute ponit rem significatam circa aliquod suppositum, ut *albus* circa hominem, cum dicitur homo *albus*. Si ergo sic accipiatur hæc dictio *solus*, nullo modo potest adiungi alicui termino in divinis, quia poneret solitudinem circa terminum cui adiungeretur; & sic

(a) Augustinus vult: Deum verum solum non esse Patrem solum.

& sic sequeretur Deum esse solitariū : quod est contra prædictā (art. præc.) Dictione vero syncategorematica dicitur quod importat ordinem prædicati ad subiectum, sicut hæc dictio *omnis*, vel *nullus*; & similiter hæc dictio *solus*, quia excludit omne aliud suppositum a consortio prædicati. Sicut cum dicitur, Solus Socrates scribit, non datur intelligi quod Socrates sit solitarius, sed quod nullus sit ei consors in scribendo, quamvis cum eo multis existentibus. Et per hunc modum nihil prohibet, hanc dictionem *solus* adiungere alicui essentiali termino in divinis, inquantum excluduntur omnia alia a Deo a consortio prædicati; ut si dicamus, Solus Deus est æternus, quia nihil præter Deum est æternum.

Ad primum ergo dicendum, quod licet Angeli, & animæ sanctæ semper sint cum Deo; tamen si non esset pluralitas personarum in divinis, sequeretur quod Deus esset solus, vel solitarius. Non enim tollitur solitudo per associationem alicuius quod est extraneæ naturæ: dicitur enim aliquis solus esse in horto, quamvis sint ibi multæ plantæ, & animalia. Et similiter diceretur Deus esse solus, vel solitarius, Angelis, & hominibus cum eo existentibus, si non essent in divinis personæ plures. Consortio igitur Angelorum, & animarum non excludit solitudinem absolutam a divinis, multo minus solitudinem respectivam, & per comparisonem ad aliquid prædicatum.

Ad secundum dicendum, quod hæc dictio *solus* proprie loquendo, non ponitur ex parte prædicati, quod sumitur formaliter: respicit enim suppositum, inquantum excludit aliud suppositum ab eo cui adiungitur. Sed hoc adverbium *solum*, cum sit exclusivum, potest poni ex parte subiecti, & ex parte prædicati. Possumus enim dicere, Tantum Socrates currit, idest nullus alius: & Socrates currit tantum, idest nihil aliud facit. Unde non proprie dici potest, Pater est solus Deus, vel Trinitas est solus Deus, nisi forte ex parte prædicati intelligatur aliqua implicatio, ut dicatur, Trinitas est Deus, qui est solus Deus. Et secundum hoc etiam posset esse vera ista, Pater est Deus, qui est solus Deus; si relativum referret prædicatum, & non suppositum. Augustinus autem cum dicit, Patrem non esse solum Deum, sed Trinitatem esse solum Deum, loquitur expositive, ac si diceret, cum dicitur, *Regi*

secularum invisibili, soli Deo, non esse exponendum de persona Patris, sed de sola Trinitate.

Ad tertium dicendum, quod utroque modo potest hæc dictio *solus* adiungi termino essentiali. Hæc enim propositio, Solus Deus est pater, est duplex: quia *ly pater* potest prædicare personam Patris; & sic est vera, non enim homo est illa persona: vel potest prædicare relationem tantum; & sic est falsa, quia relatio paternitatis etiam in aliis invenitur, licet non univoce. Similiter hæc est vera, Solus Deus creat: nec tamen sequitur, Ergo solus Pater: quia, ut Philosophi dicunt, dictio exclusiva immobilizat terminum cui adiungitur, ut non possit fieri sub eo descensus pro aliquo suppositorum. Non enim sequitur: Solus homo est animal rationale mortale: ergo solus Socrates.

ARTICULUS IV. 180

Utrum dictio exclusiva possit adiungi termino personali.

I. dist. XXI. quest. 1. art. 2. & IV. cont. cap. XXV. & per. quest. 2. art. 4. ad 12.

AD quantum sic proceditur. Videtur quod dictio exclusiva possit adiungi termino personali, etiam si prædicatum sit commune. Dicit enim Dominus ad Patrem loquens Ioann. xvi. 3. *Us cognoscami te solum Deum verum*. Ergo solus Pater est Deus verus.

2. Præterea. Matth. xi. 27. dicitur: *Nemo novit Filium nisi Pater*: quod idem significat ac si diceretur, Solus Pater novit Filium. Sed novit Filium est commune. Ergo idem quod prius.

3. Præterea. Dictio exclusiva non excludit illud quod est de intellectu termini cui adiungitur. Unde non excludit partem, neque universale: non enim sequitur: Solus Socrates est albus, ergo manus eius non est alba; vel ergo homo non est albus. Sed una persona est in intellectu alterius, sicut Pater in intellectu Filii, & e converso. Non ergo per hoc quod dicitur, Solus Pater est Deus, excluditur Filius, vel Spiritus sanctus: & sic videtur hæc locutio esse vera.

4. Præterea. Ab Ecclesia cantatur: *Tu solus altissimus, Iesu Christe*.

Sed contra. Hæc locutio, Solus Pater est Deus, habet duas expositivas, scilicet Pater est Deus, & nullus alius a Patre est Deus. Sed hæc secunda est falsa, quia Filius alius est a Patre, qui est Deus.

Et.

Ergo hæc est falsa, Solus Pater est Deus; & sic de similibus.

Respondendo dicendum, quod cum dicimus, Solus Pater est Deus, hæc propositio potest habere multiplicem intellectum. Si enim *solus* ponat solitudinem circa Patrem, sic est falsa, secundum quod sumitur categorematice; secundum vero quod sumitur syncategorematice, sic iterum potest intelligi multipliciter: quia si excludat a forma subiecti, sic est vera; ut hic sensus, Solus Pater est Deus, idest ille cum quo nullus alius est Pater, est Deus. Et hoc modo exponit Augustinus in VI. de Trinit. (cap. vii. in fin.) cum dicit: *Solum Patrem dicimus, non quia separatim a Filio, vel Spiritu sancto, sed hoc dicentes significamus, quod ilis simul cum eo non sunt Pater*. Sed hic sensus non habetur ex consuetudo modo loquendi, nisi intellecta alia implicatione, ut si dicatur: Ille qui solus dicitur Pater, est Deus. Secundum vero proprium sensum excludit a consorcio prædicati. Et sic hæc propositio est falsa, si excludit alium masculinum; est autem vera, si excludit aliud neutraiter tantum: quia Filius est alius a Patre, non tamen aliud; similiter & Spiritus sanctus.

Sed quia hæc dictio *solus* respicit proprie subiectum, ut dictum est (ar. præc.) magis se habet ad excludendum alium quam aliud. Unde non est extendenda talis locutio, sed pie exponenda, sicut inveniatur in authentica Scriptura.

Ad primum ergo dicendum, quod cum dicimus, *et solum Deum verum*, non intelligitur (a) de persona Patris, sed (b) de tota Trinitate, ut Augustinus exponit (Lib. VI. de Trinit. cap. ix. cir. med.) Vel si intelligatur de persona Patris, non excluduntur aliæ personæ propter essentialitatem, prout ly *solus* excludit tantum aliud, ut dictum est (in corp. art.)

Et similiter dicendum est ad secundum. Cum enim aliquid essentialitè dicitur de Patre, non excluditur Filius, vel Spiritus sanctus propter essentialitatem unitatem. Tamen sciendum est, quod in auctoritate prædicta hæc dictio nemo non idem est quod nullus homo, quod videtur significare vocabulum, non enim posset excipiri persona Patris: sed sumitur secundum usum loquendi distributive pro quacumque rationali natura.

Ad tertium dicendum, quod dictio ex-

clusiva non excludit illa quæ sunt de intellectu termini cui adiungitur, si non differunt secundum suppositum, ut pars, & universale. Sed Filius differt supposito a Patre; & ideo non est similis ratio.

Ad quartum dicendum, quod non dicimus absolute, quod solus Filius sit altissimus, sed quod solus sit altissimus cum Spiritu sancto in gloria Dei Patris.

QUAESTIO XXXII.

De divinarum personarum cognitione, in quatuor articulos divisa.

Consequenter inquirendum est de cognitione divinarum personarum: & circa hoc quaeruntur quatuor.

Primo, utrum per rationem naturalem possint cognosci divine personæ. Secundo, utrum sint aliquæ notiones divinis personis attribuendæ.

Tertio, de numero notionum.

Quarto, utrum liceat diversimode circa notiones opinari.

ARTICULUS I 181

Utrum Trinitas divinarum personarum possit per naturalem rationem cognosci.

I. P. quæst. xxxix. art. 7. cor. & I. dist. 111. quæst. 1. art. 4. & I. cont. cap. xiv. & verit. quæst. x. art. 13. & po. quæst. ix. art. 5. co. & Boet. Trinit. quæst. 1. art. 4. & Ro. 1. lect. 6. in fin.

Ad primum sic proceditur. Videtur quod Trinitas divinarum personarum possit per naturalem rationem cognosci. Philosophi enim non devenerunt in Dei cognitionem nisi per rationem naturalem. Inveniuntur autem a Philosophis multa dicta de Trinitate personarum. Dicit enim Aristoteles in I. de cælo & mundo (tex. 2.) *Per hunc numerum, scilicet ternarium, adhibuimus respectum magnificare Deum unum, eminentem proprietatibus eorum quæ sunt creata*. Augustinus etiam dicit VII. Confess. (cap. ix. parum a prin.) *Ibi legi, scilicet in libris Platoniorum, non quidem his verbis, sed hoc idem omnino multis, & multiplicibus suaderi rationibus, quod in principio erat Verbum, & Verbum erat apud Deum, & Deus erat Verbum, & huiusmodi quæ ibi sequuntur*. In quibus verbis distinctio divinarum personarum traditur. Dicitur etiam in Glossa Rom. 1. & Exod. viii. quod magi Pharaonis delocerunt in ter-

(a) Ita add. & edit. plurimi. Al. de sola persona Patris. (b) Ita Nicolaus. Al. de sola Trinitate.

tertio signo, idest in noticia tertiæ personæ, scilicet Spiritus sancti, & sic ad minus duas cognoverunt. Trismegistus etiam dixit (in Lib. qui dicitur *Pimander*, dialog. 4.) *Menas genuit monadem, & in se suum reflexit ardorem*. Per quod videtur generatio Filii, & Spiritus sancti processio intimari. Cognitio ergo divinarum personarum potest per rationem naturalem haberi.

2. Præterea. Ricardus de Sancto Viti dicit in Lib. I. de Trinit. (cap. IV. circa princ.) *Credo sine dubio, quod ad quancumque explanationem veritatis non modo probabilis, immo etiam necessaria argumenta non desint*. Unde etiam ad probandum Trinitatem personarum aliqui induxerunt rationem ex infinitate bonitatis divinæ, quæ se ipsam infinite communicat in processione pīvinarum personarum: quidam vero per hoc quod nullius boni sine consortio potest esse incunda processio. Augustinus vero (Lib. X. de Trin. cap. XI. & XII. & Lib. IX. cap. IV. & seqq.) procedit ad manifestandum Trinitatem personarum ex processione verbi, & amoris in mente nostra: quam viam supra secuti sumus (quæst. XXVII. art. 1. & 3.) Ergo per rationem naturalem potest cognosci Trinitas personarum.

3. Præterea. Superfluum videtur homini tradere quod humana ratione (a) cognosci non potest. Sed non est dicendum, quod traditio divina de cognitione Trinitatis sit superflua. Ergo Trinitas personarum ratione humana cognosci potest.

Sed contra est quod Hilarius dicit in Lib. I. de Trinitate (parum a princ.) *Non pūet homo sua intelligentia generationis sacramentum posse consequi*. Ambrosius etiam (Lib. II. de fide ad Gratianum cap. V. ante med.) dicit: *Impossibile est generationis scire secretum. Mens deficit, vox silet*. Sed per originem generationis, & processions distinguitur Trinitas in personis divinis, ut ex supra dictis patet (quæst. XXX. art. 2.) Cum ergo illud homo non possit scire, & intelligentia consequi ad quod ratio necessaria haberi non potest, sequitur quod Trinitas personarum per rationem cognosci non possit.

Respondeo dicendum, quod impossibile est per rationem naturalem ad cognitionem Trinitatis divinarum personarum pervenire. Oñsum est enim supra (quæst. XII. art. 4. & 12.) quod homo per rationem naturalem in cognitionem

Dei pervenire non potest nisi ex creaturis. Creaturæ autem ducunt in Dei cognitionem sicut effectus in causam. Hoc igitur solum ratione naturali de Deo cognosci potest quod competere ei necesse est, secundum quod est omnium entium principium: & hoc fundamentum usi sumus supra (quæst. XII. art. 12.) in consideratione Dei. Virtus autem creativa Dei est communis toti Trinitati: unde pertinet ad unitatem essentie, non ad distinctionem personarum. Per rationem igitur naturalem cognosci possunt de Deo ea quæ pertinent ad unitatem essentie, non autem ea quæ pertinent ad distinctionem personarum.

Qui autem probare nititur Trinitatem personarum naturali ratione, fidei dupliciter derogat. Primo quidem quantum ad dignitatem ipsius fidei, quæ est ut sit de rebus invisibilibus, quæ rationem humanam excedunt: unde Apostolus dicit ad Hebr. XI. 1. *quod fides est de non apparentibus*: & idem Apostolus dicit I. Corinth. II. 6. *Sapientiam loquimur inter perfectos: sapientiam vero non huius sæculi, neque principum huius sæculi; sed loquimur Dei sapientiam in mysterio, quæ abscondita est*. Secundo quantum ad utilitatem trahendi alios ad fidem. Cum enim aliquis ad probandum fidem inducit rationes quæ non sunt cogentes, cedit in irrisionem infidelium. Credunt enim quod huiusmodi rationibus innitatur, & propter eas credamus.

Quæ igitur fidei sunt, non sunt tentanda (b) probare, nisi per auctoritates his qui auctoritates suscipiunt: apud alios vero sufficit defendere non esse impossibile quod prædicat fides. Unde Dionysius dicit II. cap. de divin. Nom. (non multum remote a princ. lect. 1.) *Si aliquis est qui totaliter eloquiis resistit, longe erit a nostra philosophia; si autem ad veritatem eloquiorum, scilicet sacrorum, respicit, hoc ut nos canone utimur*.

Ad primum ergo dicendum, quod Philosophi non cognoverunt mysterium Trinitatis divinarum personarum per propria, quæ sunt paternitas, filiatio, & processio, secundum illud Apostoli I. Cor. II. 6. *Loquimur Dei sapientiam, quam nemo principum huius sæculi cognovit, idest Philosophorum secundum Glossam (Hier. in dict. locum.) Cognoverunt tamen quædam essentialia attributa, quæ appropriantur personis, sicut potentia Patri, sapientia Filio, bonitas Spiritus sancti,*

(a) A. cognosci potest. (b) Niclaus probari.

fit, ut infra mox patebit. Quod ergo Aristoteles dicit, *Per hunc numerum adhibemus nihil aliud* &c. non est sic intelligendum, quod ipse poneret ternarium numerum in divinis. Sed vult dicere, quod antiqui utebantur ternario numero in sacrificiis, & orationibus propter quamdam ternarii numeri perfectionem. In Libris etiam Platoniorum invenitur *In principium erat Verbum*, non secundum quod verbum significat personam genitam in divinis; sed secundum quod per verbum intelligitur ratio idealis, per quam Deus omnia condidit, quæ Filio appropriatur. Et licet appropriata tribus personis cognoscere, dicuntur tamen in tertio signo defecisse, id est in cognitione tertiæ personæ: quia a bonitate, quæ Spiritui sancto appropriatur, deviaverunt, dum cognoscere Deum, non sicut Deum glorificaverunt, ut dicitur Rom. 1. Vel quia ponebant Platonici unum primum ens, quod etiam dicebant esse patrem totius universitatis rerum, consequenter ponebant aliam substantiam sub eo, quam vocabant mentem, vel patrum intellectum: in qua erant rationes omnium rerum, sicut Macrobius (Lib. I. non multum procul a med.) recitat super somnium Scipionis. Non autem ponebant aliquam substantiam tertiam separatam, quæ videretur Spiritui sancto respondere. Sic autem nos non ponimus Patrem, & Filium secundum substantiam differentes; sed fuit error Origenis (tom. 11. super illud Ioan. 1. *Et Deus erat Verbum*; & idem refert Hieronymus in epist. ad Pam. & Oceanum, quæ incip. *Schedula quas*, cap. 1. cir. fin.) & Arit sequentium Platonicos. Quod vero Trimegistus dicit, *Atamas monadem genuit, & in se suum reflexit ardorem*, non est referendum ad generationem Filii, vel processionem Spiritus sancti, sed ad productionem mundi. Nam unus Deus produxit unum mundum propter sui ipsius amorem.

Ad secundum dicendum, quod ad aliquam rem dupliciter inducitur ratio. Uno modo ad probandum sufficienter aliquam radicem; sicut in scientia naturali inducitur ratio sufficiens ad probandum quod motus cæli semper sit uniformis velocitatis. Alio modo inducitur ratio, non quæ sufficienter probet radicem; sed quæ radici iam positæ ostendat congruere consequentes effectus; sicut in Astrologia ponitur ratio excentricorum, & epicycolorum, ex hoc quod

hac positione facta, possunt salvari apparentia sensibilia circa motus cælestes: non tamen ratio hæc est sufficienter probans, quia etiam forte alia positione facta salvari possent. Primo ergo modo potest induci ratio ad probandum Deum esse unum, & similia. Sed secundo modo se habet ratio quæ inducitur ad manifestationem Trinitatis, quia scilicet Trinitate posita, congruunt huiusmodi rationes; non tamen ita quod per has rationes sufficienter probetur Trinitas personarum. Et hoc patet per singula: bonitas enim infinita Dei manifestatur etiam in productione creaturæ, quia infinitæ virtutis est ex nihilo producere. Non enim oportet, si infinita bonitate se communicat, quod aliquid infinitum a Deo procedat, sed quod secundum modum suum recipiat divinam bonitatem. Similiter etiam quod dicitur, quod sine consortio non potest esse iucunda possessio alicuius boni, locum habet quando in una persona non invenitur perfecta bonitas. Unde indiget ad plenam iucunditatis bonitatem bono alicuius alterius consociati sibi. Similitudo autem intellectus nostri non sufficienter probat aliquid de Deo, propter hoc quod intellectus non univoce invenitur in Deo, & in nobis. Et inde est quod Augustinus super Ioan. (tract. xxvii. circ. med.) dicit, quod per fidem venit ad cognitionem, & non e converso.

Ad tertium dicendum, quod cognitio divinarum personarum fuit necessaria nobis dupliciter. Uno modo ad recte sentiendum de creatione rerum. Per hoc enim quod dicimus, Deum omnia fecisse verbo suo, excluditur error ponentium Deum produxisse res ex necessitate naturæ. Per hoc autem quod ponimus in eo processionem amoris, ostenditur, quod Deus non propter aliquam indigentiam creaturas produxit, neque propter aliquam aliam causam extrinsecam, sed propter amorem suæ bonitatis. Unde & Moyses, postquam dixerat (Gen. 1. 1.) *In principio creavit Deus cælum, & terram* (subdit: *Dixit Deus, Fiat lux*, ad manifestationem divini verbi: & postea dixit: *Vidit Deus lucem*, quod esset bona, ad ostendendum probationem divini amoris. Et similiter in aliis operibus. Alio modo, & principalius, ad recte sentiendum de salutis generis humani, quæ perficitur per Filium incarnatum, & per donum Spiritus sancti.

ARTICULUS II. 182

Utrum sint ponenda notiones in divinis.

Inf. quest. xl. art. 1. cor. & I. dist. xxvi. quest. 11. art. 3. & dist. xxxiii. art. 2. cor.

AD secundum sic proceditur. Videtur quod non sint ponendae notiones in divinis. Dicit enim Dionysius in 1. cap. de div. Nom. (parum a princ.) quod non est audentium dicere aliquid de Deo prae-ter ea quae nobis ex sacris eloquiis sunt expressa. Sed de notionibus nulla fit mentio in eloquiis sacrae Scripturae. Ergo non sunt ponendae notiones in divinis.

2. Praeterea. Quidquid ponitur in divinis, aut pertinet ad unitatem essentiae, aut ad Trinitatem personarum. Sed notiones non pertinent ad unitatem essentiae, nec ad Trinitatem personarum: de notionibus enim neque praedicantur ea quae sunt essentiae: non enim dicimus, quod paternitas sit sapiens, vel creet: neque etiam ea quae sunt personae: non enim dicimus, quod paternitas generet, & filiatione generetur. Ergo non sunt ponendae notiones in divinis.

3. Praeterea. In simplicibus non sunt ponenda aliqua abstracta, quae sint principia cognoscendi, quia cognoscuntur se ipsis. Sed divinae personae sunt simplicitatis. Ergo non sunt ponendae in divinis personarum notiones.

Sed contra est quod dicit Ioannes Damascenus (Lib. III. orthod. Fid. cap. v. circa princ.) *Differentiam hypostases, idest personarum, in tribus proprietatibus, idest paternali, & filiali, & processionali recognoscimus.* Sunt ergo ponendae proprietates, & notiones in divinis.

Respondetur dicendum, quod Praepositivus attendens simplicitatem personarum dixit, non esse ponendas proprietates, & notiones in divinis: & sicubi inveniantur, exponit abstractum pro concreto. Sicut enim consuevimus dicere, Rogo benignitatem tuam, idest te benignum; ita cum dicitur in divinis paternitas, intelligitur Deus Pater.

Sed, sicut ostensum est supra (quest. III. art. 3. ad 1. praecipue, & quest. XIII. art. 1.) divinae simplicitati non praedi- cat quod in divinis utamur nominibus concretis, & abstractis: quia secundum quod intelligimus, sic nominamus. Intellectus autem noster non potest pertinere ad ipsam simplicitatem divinam, secundum quod in se est consideranda: & ideo secundum modum suum divina ap-

prehendit, & nominat, idest secundum quod invenitur in rebus sanabilibus, a quibus cognitionem accipit: in quibus ad significandum simplices formas nominibus abstractis utimur, ad significandum vero res subsistentes utimur nominibus concretis. Unde & divina, sicut supra dictum est (locis nunc proxime citatis) ratione simplicitatis per nomina abstracta significamus, ratione vero substantiae, & complementi per nomina concreta. Oportet autem non solum nomina essentialia in abstracto, & in concreto significare (ut cum dicimus Deitatem, & Deum, vel sapientiam, & sapientem;) sed etiam personalia, ut dicamus paternitatem, & patrem.

Ad quod duo praecipue nos cogunt. Primo quidem haereticorum instantia. Cum enim constitemus Patrem, & Filium, & Spiritum sanctum esse unum Deum, & tres personas, quaerentibus, quod sunt unus Deus, & quod sunt tres, licet responderetur, quod sunt essentia, vel Deitate unum; ita oportuit esse aliqua nomina abstracta, quibus responderi possit personas distinguere: & huiusmodi sunt proprietates, vel notiones in abstracto significantes, ut paternitas, & filiatione. Et ideo essentia significatur in divinis ut *quid*; persona vero ut *quis*, proprietates autem ut *quo*.

Secundo quia una persona invenitur in divinis referri ad duas personas, scilicet persona Patris ad personam Filii, & personam Spiritus sancti. Non autem una relatione, quia sic sequeretur quod etiam Filius, & Spiritus sanctus una & eadem relatione referrentur ad Patrem. Et sic cum sola relatio in divinis multipliciter Trinitatem, sequeretur quod Filius, & Spiritus sanctus non essent duae personae.

Neque tamen potest dici, ut Praepositivus dicebat, quod sicut Deus uno modo se habet ad creaturas, cum tamen creaturae diversimode se habeant ad ipsum; sic Pater una relatione refertur ad Filium, & ad Spiritum sanctum, cum tamen illi duo duabus relationibus referantur ad Patrem. Quia cum ratio specifica relativi consistat in hoc quod aliud se habet, necesse est dicere, quod duae relationes non sunt diversae secundum speciem, si ex opposito una relatio eis correspondeat. Oportet enim aliam speciem relationis esse domini, & patris secundum diversitatem filiationis, & servitutis. Omnes autem creaturae sub una spe-

specie relationis referuntur ad Deum, ut rationes personarum in abstracto significari, ut dictum est (in corp.)

ARTICULUS III. 183

Utrum sint quinque notiones.

I. diff. xxvi. quest. II. art. 3. & diff. xxvii. quest. 1. art. 1. cor. & diff. xxviii. quest. 1. art. 2. & pot. quest. IX. art. 9. ad 31. & 27. & quest. X. art. 5. ad 12. & opusc. II. cap. lvi. & lxi. & lxi.

AD tertium sic proceditur. Videtur quod non sint quinque notiones. Proprie enim notiones personarum sunt relationes quibus distinguuntur. Sed relationes in divinis non sunt nisi quatuor, ut supra dictum est (quest. xxviii. art. 4.) Ergo & notiones sunt tantum quatuor.

1. Præterea. Propter hoc quod in divinis est una essentia, dicitur Deus unus; propter hoc autem quod sunt tres personæ, dicitur Deus trinus. Si ergo in divinis sunt quinque notiones, diceretur quintus: quod est inconveniens.

2. Præterea. Si tribus personis existentibus in divinis sunt quinque notiones, oportet quod in aliqua personarum sint (e) notiones duæ, vel plures, sicut in persona Patris ponitur innascibilitas, & paternitas, & communis spiratio. Aut igitur istæ tres notiones differunt re, aut non. Si differunt re, sequitur quod persona Patris sit composita ex pluribus rebus. Si autem differunt ratione tantum, sequitur quod una earum possit de alia prædicari, ut dicamus, quod sicut bonitas divina est eius sapientia propter indifferentiam rei, ita communis spiratio sit paternitas: quod non conceditur. Igitur non sunt quinque notiones.

3. Sed contra videtur quod sint plures. Quia sicut Pater a nullo est, & secundum hoc accipitur notio quæ dicitur innascibilitas; ita a Spiritu sancto non est alia persona. Et secundum hoc oportebit accipere sex notiones.

4. Præterea. Sicuti Patri, & Filio commune est quod ab eis procedat Spiritus sanctus, ita commune est Filio, & Spiritui sancto quod procedant a Patre. Ergo sicut una notio ponitur com-

Q 2 mu-

Et iterum in Deo non requiritur relatio realis ad creaturam, ut supra dictum est (quest. xxviii. art. 1. ad 3.) Relationes autem rationis in Deo multiplicari non est inconveniens. Sed in Patre oportet esse relationem realem, quæ refertur ad Filium, & Spiritum sanctum. Unde secundum duas relationes Filii, & Spiritus sancti, quibus referuntur ad Patrem, oportet intelligi duas relationes in Patre. Quibus refertur ad Filium, & Spiritum sanctum. Unde cum non sit nisi una Patris persona, necesse fuit significari relationes in abstracto, quæ dicuntur proprietates, & notiones.

Ad primum ergo dicendum, quod licet de notionibus non fiat mentio in sacra Scriptura, tamen mentio de personis, in quibus intelliguntur notiones, sicut abstractum in concreto.

Ad secundum dicendum, quod notiones significantur in divinis non ut res, sed ut (a) rationes quædam, quibus cognoscuntur personæ, licet ipsæ notiones, vel relationes realiter sint in Deo, ut supra dictum est (quest. xxviii. art. 1.) Et ideo ea quæ habent ordinem aliquem ad actum aliquem essentialem, vel personalem, non possunt dici de notionibus, quia hoc repugnat modo significandi ipsarum. Unde non possumus dicere, quod paternitas (b) generet, vel creet, sit sapiens, vel intelligens. Essentialia vero quæ non habent ordinem ad aliquem actum, sed remouent conditiones creaturæ a Deo, possunt prædicari de notionibus: possumus enim dicere, quod paternitas est æterna, vel immensa, vel quodcumque huiusmodi. Et similiter propter identitatem rei possunt (c) substantia personalia, & essentialia prædicari de notionibus: possumus enim dicere, quod paternitas est Deus, (d) & Deitas est Pater.

Ad tertium dicendum, quod licet personæ sint simplices, tamen absque præiudicio simplicitatis possunt propriæ ra-

(a) Ita edit. Rom. & Patav. Notiones relationes. (b) Ita cod. Alcan. & Terrac. Edit. Rom. & Patav. an. 1898. generet, vel creet, sicut sapientia, vel intellectus. Essentialia hoc Nicolaus generet, vel creet, neque quod sit sapiens, vel intelligens. Patav. in 12. an. 1712. generet, vel creet, sicut sapientia, vel intellectus sit sapiens, vel intelligens. (c) Al. substantia. (d) Patav. edit. 1898. & patet quod est Pater. (e) Ita Nicolaus. Edit. Rom. & Patav. amba aliquæ notiones duæ.

munis Patri, & Filio; ita debet poni una notio communis Filio, & Spiritui sancto.

Respondeo dicendum, quod notio dicitur id quod est propria ratio cognoscendi divinam personam. Divinae autem personae multiplicentur secundum originem. Ad originem autem pertinet *quo alius*, & *qui ab alio*: & secundum hos duos modos potest innoscere persona. Igitur persona Patris non potest innoscere per hoc quod sit ab alio, sed per hoc quod a nullo est: & sic ex hac parte eius notio est *innascibilitas*. Sed in quantum aliquis est ab eo, innoscitur dupliciter: quia in quantum Filius est ab eo, innoscitur notione *paternitatis*; in quantum autem Spiritus sanctus est ab eo, innoscitur notione *communis spirationis*. Filius autem potest innoscere per hoc quod est ab alio nascendo, & sic innoscitur per *filiationem*; & per hoc quod est alius ab eo, scilicet Spiritus sanctus, & per hoc innoscitur eodem modo sicut & Pater, scilicet *communis spiratione*. Spiritus sanctus autem innoscere potest per hoc quod est ab alio, vel ab aliis, & sic innoscitur *processione*; non autem per hoc quod alius sit ab eo, quia nulla divina persona procedit ab eo.

Sunt igitur quinque notiones in divinis, scilicet *innascibilitas*, *paternitas*, *filiatio*, *communis spiratio*, & *processio*. Harum autem tantum quatuor sunt relationes. Nam *innascibilitas* non est relatio, nisi per reductionem, ut infra dicitur (quaest. xxxiii. art. 4. ad 3.). Quatuor autem tantum proprietates sunt. Nam *communis spiratio* non est proprietas, quia convenit duabus personis. Tres autem sunt notiones personales, idest constituentes personas, scilicet *paternitas*, *filiatio*, & *processio*. Nam *communis spiratio*, & *innascibilitas* dicuntur notiones personarum, non autem personales, ut infra magis patebit (quaest. xl. art. 1. ad 1.).

Ad primum ergo dicendum, quod praeter quatuor relationes oportet ponere aliam notionem, ut dictum est (in corp. art.).

Ad secundum dicendum, quod essentia in divinis significatur ut res quaedam, & similiter personae significantur ut res quaedam; sed notiones significantur ut rationes notificantes personas. Et ideo licet dicatur Deus unus propter unitatem essentiae, & trinus propter Trinitatem personarum; non ta-

men dicitur quinus propter quinque notiones.

Ad tertium dicendum, quod cum sola oppositio relativa faciat pluralitatem realem in divinis, plures proprietates unius personae, cum non opponantur ad invicem relative, non differunt realiter. Nec tamen de se invicem praedicantur, quia significantur ut diversae rationes personarum; sicut etiam non dicimus, quod attributum potentiae sit actus, tributum scientiae, licet dicamus, quod scientia sit potentia.

Ad quartum dicendum, quod cum persona importet dignitatem, ut supra dictum est (quaest. xxxix. art. 2.) non potest accipi notio aliqua Spiritus sancti ex hoc quod nulla persona est ab ipso. Hoc enim non pertinet ad dignitatem ipsius, sicut pertinet ad auctoritatem Patris quod sit a nullo.

Ad quintum dicendum, quod Filius, & Spiritus sanctus non conveniunt in uno speciali modo existendi a Patre; sicut Pater, & Filius conveniunt in uno speciali modo producendi Spiritum sanctum. Id autem quod est principium innoscendi, oportet esse aliquid speciale: & ideo non est simile.

ARTICULUS IV. 184

Utrum liceat contrarie opinari de notionibus

I. dist. xxxiii. art. 5.

Ad quartum sic proceditur. Videtur quod non liceat contrarie opinari de notionibus. Dicit enim Augustinus in I. de Trin. (cap. iir. in princ.) quod *non erratur alicubi periculosius quam in materia Trinitatis*, ad quam certum est notiones pertinere. Sed contrariae opiniones non possunt esse absque errore. Ergo contrarie opinari circa notiones non licet.

2. Praeterea. Per notiones cognoscuntur personae, ut dictum est (art. praeced.) Sed circa personas non licet contrarie opinari. Ergo nec circa notiones.

Sed contra. Articuli fidei non sunt de notionibus. Ergo circa notiones licet sic, vel aliter opinari.

Respondeo dicendum, quod ad fidem pertinet aliquid dupliciter. Uno modo directe, sicut ea quae nobis sunt principaliter divinitus tradita, ut Deum esse trinum, & unum, Filium Dei esse incarnatum, & huiusmodi: & circa haec opinari falsum hoc ipso inducit haerese-
sim,

sim, maxime si pertinacia adiungatur. Indirecte vero ad fidem pertinent ea ex quibus negatis consequitur aliquid contrarium fidei; sicut si quis diceret, Samuelem non fuisse filium Helcanæ: ex hoc enim sequitur Scripturam divinam esse falsam. Circa huiusmodi ergo absque periculo hæresis aliquis falsum potest opinari, antequam consideretur, vel determinatum sit quod ex hoc sequitur aliquid contrarium fidei, & maxime si non pertinaciter adhæreat; sed postquam manifestum est, & præcipue si sit per Ecclesiam determinatum, quod ex hoc sequitur aliquid contrarium fidei, in hoc errare non esset absque hæresi. Et propter hoc multa nunc reputantur hæretica quæ prius non reputabantur, propter hoc quod nunc est magis manifestum quid ex eis sequatur.

Sic igitur dicendum est, quod circa notiones aliqui absque periculo hæresis contrarie sunt opinati, non intendentes sustinere aliquid contrarium fidei. Sed si quis falsum opinaretur circa notiones, considerans quod ex hoc sequatur aliquid contrarium fidei, in hæresim laberetur.

Et per hoc patet responsio ad obiectionem.

QUAESTIO XXXIII.

*De persona Patris,
in quatuor articulos divisa.*

Consequenter considerandum est de personis in speciali: & primo circa personam Patris: circa quam quaeruntur quatuor.

Primo, utrum Patri competat esse principium.

Secundo, utrum persona Patris proprie significetur hoc nomine *pater*.

Tertio, utrum per prius dicatur in divinis *Pater*, secundum quod sumitur personaliter, quam secundum quod sumitur essentialiter.

Quarto, utrum sit proprium Patri esse ingenitum.

ARTICULUS I. 185

Utrum competat Patri esse principium.

Inf. quest. xxxv. art. 4. & I. dist. xxix. art. 2. & apud c. 1. cap. 11. & per quest. x. art. 1. ad 8. & 10.

Ad primum sic proceditur. Videtur quod *Pater* non possit dici principium.

5. To. Oper. Tun. XX.

(a) *Nicolaus primam partem lineæ.*

pium Filii, vel Spiritus sancti. Principium enim, & causa idem sunt, secundum Philosophum (ex Lib. IV. Metaph. tex. 111.) Sed non dicimus Patrem esse causam Filii. Ergo non debet dici, quod sit eius principium.

2. Præterea. Principium dicitur respectu principii. Si igitur *Pater* est principium Filii, sequitur, Filium esse principiatum, & per consequens esse creatum: quod videtur esse erroneum.

3. Præterea. Nomen principii a prioritate sumitur. Sed in divinis non est prius, & posterius, ut Athanasius dicit (in suo symb. fid.) Ergo in divinis non debemus uti nomine principii.

Sed contra est quod dicit Augustinus IV. de Trinit. (cap. xx. declinando ad fin.) *Pater est principium totius Deitatis.*

Respondeo dicendum, quod hoc nomen *principium* nihil aliud significat quam id a quo aliquid procedit. Onne enim a quo aliquid procedit quocumque modo, dicimus esse principium, & e converso. Cum ergo *Pater* sit a quo procedit alius, sequitur quod *Pater* est principium.

Ad primum ergo dicendum, quod Græci utuntur in divinis indifferenter nomine causæ, sicut & nomine principii; sed Latini Doctores non utuntur nomine causæ, sed solum nomine principii. Cuius ratio est, quia principium communius est quam causa, sicut causa communius quam elementum. Primus enim terminus, vel etiam prima pars rei dicitur principium, sed non causa. Quanto autem aliquid nomen est communius, tanto convenientius assumitur in divinis, ut supra dictum est (quæst. xiii. art. 11.) quia nomina quanto magis specialia sunt, tanto magis determinant modum convenientem creaturæ. Unde hoc nomen *causa* videtur importare diversitatem substantiæ, & dependentiam alicuius ab altero, quam non importat nomen *principii*. In omnibus enim causis generibus semper invenitur distantia inter causam, & id cuius est causa, secundum aliquam perfectionem, aut virtutem. Sed nomine principii utimur etiam in his quæ nullam huiusmodi differentiam habent, sed solum secundum quemdam ordinem; sicut cum dicimus, punctum esse principium lineæ, vel etiam cum dicimus, (a) frontem lineæ esse principium lineæ.

Ad secundum dicendum, quod apud Græcos invenitur de Filio, vel Spiritu sancto dici, quod principientur. Sed hoc

Q 3 non

non est in usu Doctorum nostrorum : quia licet attribuamus Patri aliquid auctoritatis ratione principii ; nihil tamen ad subiectionem , vel minorationem quocumque modo pertinet attribuius Filio , vel Spiritui sancto , ut vitetur omnis erroris occasio . Secundum quem modum Hilarius dicit IX. de Trin. (inter med. & fin.) *Donantis auctoritate Pater maior est ; sed minor non est Filius , cui unum esse donatur .*

Ad tertium dicendum , quod licet hoc nomen *principium* , quantum ad id a quo imponitur ad significandum , videatur a prioritate sumptum , non tamen significat prioritatem , sed originem . Non enim idem est quod significat nomen , & a quo nomen imponitur , ut supra dictum est (quaest. xiii. art. 8.)

ARTICULUS II. 186

Utrum hoc nomen pater sit nomen proprie divinae personae .

Inf. quaest. xl. art. 2. corp. & III. Part. quaest. ix. art. 7. ad 2. & IV. dist. 111. art. 2. quaest. 1. ad 5.

AD secundum sic proceditur . Videtur quod hoc nomen *pater* non sit proprie nomen divinae personae . Hoc enim nomen *pater* significat relationem . Persona autem est substantia individua . Non ergo hoc nomen *pater* est proprie nomen significativum personae .

2. Praeterea . Generans communius est quam pater : nam omnis pater est generans , sed non e converso . Sed nomen communius magis proprie dicitur in divinis , ut dictum est (quaest. xiii. art. 11.) Ergo magis proprium nomen est personae divinae generans , & genitor , quam pater .

3. Praeterea . Nihil quod secundum metaphoram dicitur , potest esse nomen proprium alicuius . Sed verbum metaphorice apud nos dicitur genitum , vel proles ; & per consequens ille cuius est verbum , metaphorice dicitur pater . Non ergo principium verbi in divinis potest proprie dici pater .

4. Praeterea . Omne quod dicitur in divinis , per prius dicitur de Deo quam de creaturis . Sed generatio per prius videtur dici de creaturis quam de Deo : verior enim ibi videtur esse generatio , ubi aliquid procedit ab alio distinctum , non secundum relationem tantum , sed etiam secundum essentiam . Ergo nomen patris , quod a generatione sumitur , non vide-

tur esse proprium alicuius divinae personae .

Sed contra est quod dicitur in Psal. (lxxxviii. 27.) *Ipsle invocabit me , Pater meus et tu .*

Respondeo dicendum , quod nomen proprium cuiuslibet personae significat id per quod illa persona distinguitur ab omnibus aliis . Sicut enim de ratione hominis est anima , & corpus ; ita de intellectu huius hominis est haec anima , & hoc corpus , ut dicitur in VII. Metaph. (tex. 34. & 35.) his autem hic homo ab omnibus aliis distinguitur . Id autem per quod distinguitur persona Patris ab omnibus aliis , est paternitas . Unde proprium nomen personae Patris est hoc nomen *pater* , quod significat paternitatem .

Ad primum ergo dicendum , quod apud nos relatio non est subsistens persona . Et ideo hoc nomen *pater* apud nos non significat personam , sed relationem personae . Non autem est ita in divinis , ut quidam falso opinati sunt : nam relatio , quam significat hoc nomen *pater* , est subsistens persona . Unde supra dictum est (quaest. xxix. art. 4.) quod hoc nomen *persona* in divinis significat relationem ut subsistentem in divina natura .

Ad secundum dicendum , quod secundum Philosophum in II. de Anima (tex. 49.) denominatio rei maxime debet fieri a perfectione , & sine . Generatio autem significat ut in fieri , sed paternitas significat complementum generationis ; & ideo potius est nomen divinae personae *pater* , quam generans , vel genitor .

Ad tertium dicendum , quod verbum non est quid subsistens in natura humana : unde non proprie potest dici genitum , vel filius . Sed Verbum divinum est aliquid subsistens in natura divina : unde proprie , & non metaphorice dicitur filius , & eius principium pater .

Ad quartum dicendum , quod nomen generationis , & paternitatis , sicut & alia nomina , quae proprie dicuntur in divinis , per prius dicuntur de Deo quam de creaturis quantum ad rem significatam , licet non quantum ad modum significandi . Unde & Apostolus dicit ad Ephes. 111. 14. *Flecto genua mea ad Patrem Domini nostri Iesu Christi , ex quo omnis paternitas in caelo , & in terra nominatur .* Quod sic apparet . Manifestum est enim quod generatio accipit speciem a termino , qui est forma generati : & quanto hic fuerit propinquior formae generantis , tanto verior , & perfectior est generatio ; sicut

sicut generatio univoca est perfectior quam non univoca: nam de ratione generantis est quod generet sibi simile secundum formam. Unde hoc ipsum quod in generatione divina est eadem numero forma generantis, & geniti, in rebus autem creatis non est eadem numero, sed specie tantum, ostendit quod generatio, & per consequens paternitas per prius sit in Deo quam in creaturis. Unde hoc ipsum quod in divinis est distinctio geniti a generante secundum relationem tantum, ad veritatem divinæ generationis, & paternitatis pertinent.

ARTICULUS III. 187

Utrum hoc nomen pater dicatur in divinis per prius, secundum quod personaliter sumitur.

I. dist. 17.

AD tertium sic proceditur. Videtur in quod hoc nomen *pater* non dicatur in divinis per prius, secundum quod personaliter sumitur. Commune enim secundum intellectum est prius proprio. Sed hoc nomen *pater* secundum quod personaliter sumitur, est proprium personæ Patris; secundum vero quod sumitur essentialiter, est commune toti Trinitati: nam toti Trinitati dicimus, *Pater noster*. Ergo per prius dicitur *pater* essentialiter sumptum, quam personaliter.

2. Præterea. In his quæ sunt eiusdem rationis, non est prædicatio per prius, & posterius. Sed paternitas, & filiatione secundum unam rationem videntur dici, secundum quod persona divina est Pater Filii, & secundum quod tota Trinitas est pater noster, vel creaturæ; cum secundum Basilium (in hom. de fide, quæ est xv. cir. med.) accipere sit commune creaturæ, & Filio. Ergo non per prius dicitur *pater* in divinis, secundum quod sumitur essentialiter, quam secundum quod sumitur personaliter.

3. Præterea. Inter ea quæ non dicuntur secundum rationem unam, non potest esse comparatio. Sed Filius comparatur creaturæ in ratione filiationis, vel generationis, secundum illud Coloss. 1. 15. *Qui est imago Dei invisibilis, primogenitus omnis creatura*. Ergo non per prius dicitur in divinis paternitas personaliter sumpta quam essentialiter, sed secundum rationem eandem.

Sed contra est quod æternum prius est temporali. Ab æterno autem Deus est Pater Filii, ex tempore autem pater est

creaturæ. Ergo per prius dicitur paternitas in Deo respectu Filii quam respectu creaturæ.

Respondeo dicendum, quod per prius dicitur nomen de illo in quo salvatur tota ratio nominis perfecte, quam de illo in quo salvatur secundum aliquid: de hoc enim dicitur quasi per similitudinem ad id in quo perfecte salvatur, quia omnia imperfecta funtuntur a perfectis. Et inde est quod hoc nomen *les* per prius dicitur de animali, in quo tota ratio leonis salvatur, quod proprie dicitur leo, quam de aliquo homine, in quo invenitur aliquid de ratione leonis, ut puta audacia, vel fortitudo, vel aliquid huiusmodi: de hoc enim per similitudinem dicitur. Manifestum est autem ex præmissis (quæst. xxvii. art. 2. & quæst. xxviii. art. 4.) quod perfecta ratio paternitatis, & filiationis invenitur in Deo Patre, & Deo Filio: quia Patris, & Filii una est natura, & gloria. Sed in creatura filiatione invenitur respectu Dei, non secundum perfectam rationem, cum non sit una natura creatoris, & creaturæ; sed secundum aliqualem similitudinem, quæ quanto perfectior fuerit, tanto propinquius acceditur ad veram filiationis rationem. Dicitur enim Deus alicuius creaturæ pater propter similitudinem vestigii tantum, utpote irrationalium creaturarum, secundum illud Iob xxxviii. 28. *Quis est pluvius pater? quis genuit stillas venti?* Alicuius vero creaturæ, scilicet rationalis, secundum similitudinem imaginis, secundum illud Deuter. xxxii. 6. *Nonne ipse est pater vultus, qui possedit, & fecit, & creavit te?* Aliquorum vero est pater secundum similitudinem gratiæ, qui etiam dicuntur filii adoptivi, secundum quod ordinantur ad hereditatem æternæ gloriæ per munus gratiæ acceptum, secundum illud Rom. viii. 16. *Ipse spiritus reddit testimonium spiritui nostro, quod sumus filii Dei: si autem filii, & heredes*. Aliquorum vero secundum similitudinem gloriæ, prout iam gloriæ hereditatem possident, secundum illud Rom. v. 2. *Gloriamur in spe gloriæ filiorum Dei*. Sic igitur patet quod per prius paternitas dicitur in divinis, secundum quod importatur respectus personæ ad personam, quam secundum quod importatur respectus Dei ad creaturam.

Ad primum ergo dicendum, quod communia absolute dicta secundum ordinem intellectus nostri sunt priora quam

propria, quia includuntur in intellectu proprium, sed non e converso. In intellectu enim personae Patris intelligitur Deus, sed non convertitur. Sed communia quae important respectum ad creaturam, per posterius dicuntur quam propria quae important respectus personales: quia persona procedens in divinis procedit ut principium productionis creaturarum. Sicut enim verbum conceptum in mente artificis per prius intelligitur procedere ab artifice quam artificiatum, quod producitur ad similitudinem verbi concepti in mente; ita per prius procedit Filius a Patre quam creatura, de qua nomen filiationis dicitur, secundum quod aliquid participat de similitudine Filii, vel Patris, ut patet per illud quod dicitur Rom. VIII. 29. *Quos praescivit, & praedestinavit fieri conformes imaginis Filii sui.*

Ad secundum dicendum, quod accipere dicitur esse commune creaturae, & Filio, non secundum univocationem, sed secundum similitudinem quandam remotam, ratione cuius dicitur primogenitus creaturae. Unde in auctoritate inducta subditur: *Ut sit ipse primogenitus in multis fratribus*, postquam dixerat, conformes fieri aliquos imaginis Filii Dei. Sed Filius Dei (a) naturaliter habet quoddam singulare praeter alios, scilicet habere per naturam id quod accipit, ut idem Basiliscus dicit (loc. cit. in arg.) & secundum hoc dicitur unigenitus, ut patet Ioan. 1. 18. *Unigenitus, qui est in sinu Patris, ipse nobis enarravit.*

Et per hoc patet solutio ad tertium.

ARTICULUS IV. 188

Utrum esse ingenuum sit Patri proprium.

1. dist. XLII. art. 4. & dist. XXVIII. quest. 1. art. 1. & opusc. 1. cap. VIII.

AD quartum sic proceditur. Videatur quod esse ingenuum non sit Patri proprium. Omnis enim proprietates ponit aliquid in eo cuius est proprietates. Sed ingenuum nihil ponit in Patre, sed remouet tantum. Ergo non significat proprietatem Patris.

1. Praeterea. Ingenuum aut dicitur privative, aut negative. Si negative, tunc quicquid non est genitum, potest dici ingenuum. Sed Spiritus sanctus non est genitus, neque etiam essentia divina. Ergo ingenuum etiam eis convenit: & sic non est proprium Patri. Si autem

privative sumatur, cum omnis privatio significet imperfectionem in privato, sequitur quod persona Patris sit imperfecta: quod est impossibile.

3. Praeterea. Ingenuus in divinis non significat relationem, quia non dicitur relativo. Significat ergo substantiam. Ingenuus igitur, & genitus secundum substantiam differunt. Filius autem, qui est genitus, non differt a Patre secundum substantiam. Pater ergo non debet dici ingenuus.

4. Praeterea. Proprium est quod uni soli convenit. Sed cum sint plures ab alio procedentes in divinis, nihil videtur prohibere quin etiam sint plures ab alio non existentes. Non igitur est proprium Patri esse ingenuum.

5. Praeterea. Sicut Pater est principium personae genitae, ita & personae procedentes. Si ergo propter oppositionem quam habet ad personam genitam, proprium Patris ponitur esse quod sit ingenuus, etiam proprium eius debet poni quod sit improprie genitus.

Sed contra est quod dicit Hilarius IV. de Trinit. (non multum remota a fin.) *Est unus ab uno, scilicet ab ingenuo genitus, proprietate videlicet in unoquoque & inaccessibilitatis, & originis.*

Respondeo dicendum, quod sicut in creaturis invenitur principium primum, & principium secundum; ita in personis divinis, in quibus non est prius, & posterius, invenitur principium non de principio, quod est Pater, & principium a principio, quod est Filius. In rebus autem creatis aliquod principium primum innoscitur dupliciter. Uno quidem modo in quantum est principium primum per hoc quod habet relationem ad ea quae ab ipso sunt. Alio modo in quantum est primum principium per hoc quod non est ab alio. Sic igitur & Pater innoscitur quidem paternitate, & communis inspiratione per respectum ad personas ab eo procedentes. In quantum autem est principium non de principio, innoscitur per hoc quod non est ab alio: quod pertinet ad proprietatem inaccessibilitatis, quam significat hoc nomen *ingenuus*.

Ad primum ergo dicendum, quod quidam dicunt, quod inaccessibilitas, quam significat hoc nomen *ingenuus*, secundum quod est proprietates Patris, non dicitur tantum negative, sed importat vel utrumque simul, scilicet quod Pater a nullo est, & quod est principium aliorum.

(a) Nicolaus amicus naturaliter; an naturalis?

rum; vel importat universalem auctoritatem, vel etiam fontalem plenitudinem. Sed hoc non videtur verum: quia sic innascibilitas non est alia proprietas a paternitate, & spiratione; sed includeret eas, sicut includitur proprium in communi. Nam fontalitas, & auctoritas nihil aliud significant in divinis quam principium originis.

Et ideo dicendum est secundum Augustinum V. de Trinit. (cap. vii. versus fin.) quod *ingenitum* negationem generationis passive importat. Dicit enim, quod tantum valet quod dicitur *ingenitum*, quantum valet quod dicitur non filius. Nec propter hoc sequitur quod *ingenitum* non debeat poni propria notio Patris: quia prima, & simpliciter per negationes notificantur; sicut dicimus, punctum esse cuius pars non est.

Ad secundum dicendum, quod *ingenitum* quandoque sumitur negative tantum: & secundum hoc Hieronymus dicit (innuitur Lib. I. Didymi de Spiritu sancto, quem Hieronymus latine reddidit, & est inter eius opera:) Spiritum sanctum esse *ingenitum*, id est non genitum. Alio modo praestitum dicitur *ingenitum* aliquo modo privative; non tamen aliquam imperfectionem importat. Multipliciter enim dicitur privatio. Uno modo quando aliquid non habet quod natum est haberi ab alio, etiam si ipsum non sit natum habere illud; sicut si lapis dicatur res mortua, quia caret vita, quam quaedam res natae sunt habere. Alio modo dicitur privatio, quando aliquid non habet quod natum est haberi ab aliquo sui generis; sicut si talpa dicatur caeca. Tertio modo quando ipsum non habet quod natum est habere: & hoc modo privatio imperfectionem importat. Sic autem *ingenitum* non dicitur privative de Patre, sed secundo modo, prout scilicet aliquod suppositum divinae naturae est genitum, cuius tamen naturae aliquid suppositum est genitum. Sed secundum hanc rationem etiam de Spiritu sancto potest dici *ingenitum*. Unde ad hoc quod sit proprium soli Patri, oportet ulterius in nomine *ingeniti* intelligere quod conveniat alicui personae divinae quae sit principium alterius personae; ut sic intelligatur importare negationem in genere principii personaliter dicti in divinis: vel ut intelligatur in nomine *ingeniti*, quod omnino non sit ab alio, & non solum quod non sit ab alio per generationem. Sic enim nec Spiritui sancto convenit esse *ingenitum*, qui

est ab alio per processione, ut persona subsistens: nec etiam divinae essentiae, de qua potest dici, quod est in Filio, vel in Spiritu sancto ab alio, scilicet a Patre.

Ad tertium dicendum, quod secundum Damascenum (Lib. II. de Fid. orth. cap. ix. circa med.) *ingenitum* uno modo significat idem quod increatum; & sic secundum substantiam dicitur, per hoc enim differt substantia creata ab increata. Alio modo significat id quod non est genitum; & sic relative dicitur, eo modo quo negatio reducitur ad genus affirmationis; sicut non homo ad genus substantiae, & non album ad genus qualitatis. Unde cum genitum in divinis relationem importet, *ingenitum* etiam ad relationem pertinet. Et sic non sequitur quod Pater *ingenitus* distinguatur a Filio quod secundum substantiam, sed solum secundum relationem, inquantum scilicet relatio Filii negatur de Patre.

Ad quartum dicendum, quod sicut in quolibet genere oportet ponere unum primum, ita in divina natura oportet ponere unum principium, quod non sit ab alio, quod *ingenitum* dicitur. Ponere igitur duos innascibiles est ponere duos Deos, & duas naturas divinas. Unde Hilarius dicit in Lib. de Synodis (adversus Arianos post medium, & est explicatio canonis xxvi.) Cum unus Deus sit, duo innascibiles esse non possunt. Et hoc praecipue, quia si essent duo innascibiles, unus eorum non esset ab alio; & sic non distinguerentur oppositione relativa. Oporteret igitur quod distinguerentur diversitate naturae.

Ad quintum dicendum, quod proprietas Patris, prout non est ab alio, potius significatur per remotionem nativitatis Filii, quam per remotionem processioneis Spiritus sancti: tum quia processio Spiritus sancti non habet nomen speciale, ut supra dictum est (quæst. xxvii. art. 4. ad 3.) tum quia etiam ordine naturae praesupponit generationem Filii. Unde, remoto a Patre, quod non sit genitus, cum tamen sit principium generationis, sequitur consequenter quod non sit procedens processione Spiritus sancti: quia Spiritus sanctus non est generationis principium, sed a genito procedens.

QUAESTIO XXXIV.

De persona Filii,

in tres articulos divisa.

DEinde considerandum est de persona Filii. Attribuuntur autem tria nomina Filio, scilicet *Filius*, *Verbum*, & *Imago*. Sed ratio Filii ex ratione Patris consideratur. Unde restat considerandum de Verbo, & Imago.

Circa Verbum quaeruntur tria.

Primo, utrum Verbum dicatur essentialiter in divinis, vel personaliter.

Secundo, utrum sit proprium nomen Filii.

Tertio, utrum in nomine Verbi importetur respectus ad creaturas.

ARTICULUS I. 189

Utrum Verbum in divinis sit nomen personale.

1. 2. *quest. xciii. art. 1. ad 2. & ver. quest. iv. art. 2. & 4. & opusc. 1. cap. xii.*

AD primum sic proceditur. Videtur quod Verbum in divinis non sit nomen personale. Nomina enim personalia proprie dicuntur in divinis, ut Pater, & Filius. Sed Verbum metaphorice dicitur in divinis, ut Origenes dicit super Ioan. (cap. 1. sup. illud, *In principio erat Verbum*.) Ergo Verbum non est personale in divinis.

2. Præterea. Secundum Augustinum in Lib. IX. de Trinit. (cap. x. circa fin.) *Verbum est notitia cum amore*; & secundum Anselmum in Monol. (cap. ix. circa med.) *dicere summo spiritui nihil aliud est quam cogitando innuere*. Sed notitia, & cogitatio, & intuitus in divinis essentialiter dicuntur. Ergo Verbum non dicitur personaliter in divinis.

3. Præterea. De ratione Verbi est quod dicatur. Sed secundum Anselmum (ibidem colligitur ex cap. lxx.) sicut Pater est intelligens, & Filius est intelligens, & Spiritus sanctus est intelligens; ita Pater est dicens, Filius est dicens, & Spiritus sanctus est dicens: & similiter quilibet eorum dicitur. Ergo nomen Verbi essentialiter dicitur in divinis, & non personaliter.

4. Præterea. Nulla persona divina est facta. Sed Verbum Dei est aliquid factum. Dicitur enim in Psalm. cxlviii. *Ignis, grando, nix, glacies, spiritus procellarum, quæ faciunt verbum eius*. Ergo Verbum non est nomen personale in divinis.

Sed contra est quod dicit Augustinus in VII. de Trinit. (cap. 11. in princ.) *Sicut Filius refertur ad Patrem, ita & Verbum ad id cuius est Verbum*. Sed Filius est nomen personale, quia relative dicitur. Ergo & Verbum.

Respondeo dicendum, quod nomen Verbi in divinis, si proprie sumatur, est nomen personale, & nullo modo essentialiter.

Ad culum evidentiam sciendum est, quod verbum tripliciter quidem in nobis proprie dicitur; quarro autem modo dicitur improprie, sive figurative. Manifestius autem, & communius in nobis dicitur verbum, quod voce profertur, quod quidem ab interiori procedit, quantum ad duo quæ in verbo exteriori inveniuntur, scilicet vox ipsa, & significatio vocis. Vox enim significat intellectus conceptum, secundum Philoponum in Lib. I. Perih. (in princ.) & iterum vox ex significatione, vel imaginatione procedit, ut in Lib. II. de Anima dicitur (tex. 90.) Vox autem quæ non est significativa, verbum dici non potest. Ex hoc ergo dicitur verbum vox exterior, quia significat interioris mentis conceptum. Sic igitur primo & principaliter interioris mentis conceptus verbum dicitur; secundario vero ipsa vox interioris conceptus significativa; tertio vero ipsa imaginatio vocis verbum dicitur. Et hos tres modos verbi ponit Damascenus in I. Lib. cap. xvii. (de Fide orthodox. quid simile habet eod. Lib. cap. ix. circa med.) dicens, quod verbum dicitur naturalis intellectus motus, secundumquem movetur, & intelligit, & cogitat, velut lux, & splendor, quantum ad primum. Rursum verbum est quod non verbo profertur, sed in corde pronuntiatur, quantum ad tertium. Rursum etiam verbum est Angelus, idest nuntius intelligentis, quantum ad secundum. Dicitur autem figurative quarto modo verbum id quod verbo significatur, vel efficitur; sicut consuevimus dicere, Hoc est verbum quod dixi tibi, vel quod mandavit Rex, demonstrato aliquo facto, quod verbo significatum est, vel simpliciter enuntiantis, vel etiam imperantis. Dicitur autem proprie verbum in Deo, secundum quod verbum significat conceptum intellectus. Unde Augustinus dicit in XV. de Trinit. (cap. x. a med.) *Quisquis potest intelligere verbum non solum, antequam sonet, verum etiam antequam sonorum eius imagines cogitatione involvantur, iam potest videre aliquam*

verbi illius similitudinem, de quo dictum est: In principio erat Verbum. Ipse autem conceptus cordis de ratione sua habet quod ab alio procedat, scilicet a notitia concipientis.

Unde Verbum, secundum quod proprie dicitur in divinis, significat aliquid ab alio procedens, quod pertinet ad rationem nominum personalium in divinis, eo quod personarum divinarum distinguuntur secundum originem, ut dictum est (quaest. xxvii. art. 3.) Unde oportet quod nomen Verbi, secundum quod proprie in divinis accipitur, non sumatur essentialiter, sed personaliter tantum.

Ad primum ergo dicendum, quod Ariani, quorum fons Origenes invenitur, posuerunt alium alium a Patre esse in divinitate substantiae. Unde conati sunt, cum Filius Dei Verbum dicitur, asserere non esse proprie dictum, ne sub ratione Verbi procedentis cogerentur faceri Filium Dei non esse extra substantiam Patris. Nam verbum interius sic a dicente procedit quod in ipso manet. Sed necesse est, si ponitur verbum Dei metaphorice dictum, quod ponatur Verbum Dei proprie dictum. Non enim potest aliquid metaphorice verbum dici nisi ratione manifestationis: quia vel manifestat, sicut verbum, vel est verbo manifestatum. Si autem est manifestatum verbo, oportet ponere verbum quo manifestetur. Si autem dicitur verbum, quia exterius manifestat ea quae exterius manifestantur, non dicuntur verba, nisi inquantum significant internam mentis conceptum, quem aliquis etiam per exteriora signa manifestat. Etsi ergo verbum aliquando dicatur metaphorice in divinis, tamen oportet ponere verbum proprie dictum, quod personaliter dicatur.

Ad secundum dicendum, quod nihil eorum quae ad intellectum pertinent, personaliter dicitur in divinis, nisi solum verbum: solum enim verbum significat aliquid ab alio emanans. Id enim quod intellectum in concipiendo format, est verbum. Intellectus autem ipse, secundum quod est per speciem intelligibilem in actu, consideratur absolute: & similiter intelligere, quod ita se habet ad intellectum in actu, sicut esse ad ens in actu: non enim intelligere significat actionem ab intelligente exeuntem, sed in intelligente manentem. Cum ergo dicitur, quod verbum est notitia, non accipitur noti-

tia pro actu intellectus cognoscentis, vel pro aliquo eius habitu, sed pro eo quod intellectus concipit cognoscendo. Unde & Augustinus dicit (Lib. VII. de Trin. cap. 11. non longe a prin.) quod *Verbum est sapientia genita*: quod nihil aliud est quam ipsa conceptio sapientis, quae etiam pari modo notitia genita dici potest. Et per eundem modum potest intelligi, quod dicere Deo sit cogitando intueri, inquantum scilicet intuitu cogitationis divinae concipitur Verbum Dei. Cogitationis tamen nomen Dei Verbo proprie non convenit. Dicit enim Augustinus XV. de Trin. (cap. xvi. in princ.) *Ita dicitur illud Verbum Dei, ut cogitatio non dicatur, ne aliquid esse quasi volubile credatur in Deo, quod nunc (a) accipiat formam ut verbum sit, eamque dimittere possit, atque informiter quodammodo volutari.* Cogitatio enim proprie in inquisitione veritatis consistit, quae in Deo locum non habet. Cum vero intellectus iam ad formam veritatis pertingit, non cogitat, sed perfecte veritatem contemplatur. Unde Anselmus (loc. cit. in arg. 2.) improprie accipit cogitationem pro contemplatione.

Ad tertium dicendum, quod sicut proprie loquendo, Verbum dicitur personaliter in divinis, & non essentialiter, ita & dicere. Unde sicut Verbum non est commune Patri, & Filio, & Spiritui sancto; ita non est verum quod Pater, & Filius, & Spiritus sanctus sint unus dicens. Unde Augustinus dicit VII. de Trin. (cap. 1. circa princ.) *Dicens illo coaeterno Verbo non singulus intelligitur in divinis; sed cum ipso Verbo, sine quo non est unicus dicens.* Sed dici convenit cuilibet personae: dicitur enim non solum verbum, sed res quoque verbo intelligitur, vel significatur. Sic ergo uni soli personae in divinis convenit dici eo modo quo dicitur verbum; eo vero modo quo dicitur res in verbo intellecta, cuilibet personae convenit dici. Pater enim intelligendo se, & Filium, & Spiritum sanctum, & omnia alia, quae eius scientia continentur, concipit Verbum, ut sic tota Trinitas Verbo dicatur, & etiam omnis creatura. Sicut intellectus hominis verbo, quod concipit intelligendo lapidem, dicit. Anselmus vero improprie accepit dicere pro intelligere; quae tamen differunt: nam intelligere importat solam habitudinem intelligentis ad rem intellectam, in qua nulla ratio originis importatur, sed solum informatio quaedam

in

(a) scilicet, non accipiat

in intellectu nostro, prout intellectus noster fit in actu per formam rei intellectæ. In Deo autem importat omnimodam identitatem, quia in Deo est omnino idem intellectus, & intellectum, ut supra ostensum est (quaest. xiv. artic. 4. & 5.) Sed dicere importat principaliter habitudinem ad verbum conceptum; nihil enim est aliud dicere quam proferre verbum. Sed mediante verbo importat habitudinem ad rem intellectam, quæ in verbo prolato manifestatur intelligenti. Et sic sola persona quæ profert verbum, est dicens in divinis, cum tamen singula personarum sit intelligens, & intellecta, & per consequens Verbo dicta.

Ad quartum dicendum, quod verbum fuitur ibi figurative, prout significatur, vel effectus verbi dicitur verbum. Sic enim creaturæ dicuntur facere verbum Dei, inquantum exequuntur effectum aliquem, ad quem ordinantur ex verbo concepto divinæ sapientiæ; sicut aliquis dicitur facere verbum Regis, dum facit opus ad quod ex verbo Regis intelligitur.

ARTICULUS II. 290

Utrum Verbum sit proprium nomen Filii.

I. dist. xxvii. quaest. 11. art. 2. quaest. 2. & 3. dist. xv. art. 3. & opusc. 1. cap. xii.

AD secundum sic proceditur. Videtur quod Verbum non sit proprium nomen Filii. Filius enim est persona subsistens in divinis. Sed verbum non significat rem subsistentem, ut in nobis patet. Ergo Verbum non potest esse proprium nomen personæ Filii.

2. Præterea. Verbum prolatione quadam procedit a dicente. Si ergo Filius est proprie Verbum, non procedit a Patre nisi per modum prolationis: quod est hæresis Valentini, ut patet per Augustinum in Lib. de hæresibus (num. 11.)

3. Præterea. Omne nomen proprium alicuius personæ significat proprietatem aliquam eius. Si igitur Verbum sit proprium nomen Filii, significabit aliquam proprietatem eius; & sic erunt plures proprietates in divinis quam quæ supra enumeratæ sunt.

4. Præterea. Quicumque intelligit, intelligendo concipit verbum. Sed Filius intelligit. Ergo Filius est aliquod verbum; & sic non est proprium Filii esse Verbum.

5. Præterea. Hebr. 1. 3. dicitur de Filio: *Portans omnia verbo virtutis sue*; ex

quo Basilii (Lib. V. contra Eunom. cap. xi.) accipit, quod Spiritus sanctus sit verbum Filii. Non est ergo proprium Filii esse Verbum.

Sed contra est quod Augustinus dicit VI. de Trinit. (cap. 11. circa med.) *Verbum solus Filius accipitur.*

Respondeo dicendum, quod Verbum proprie dictum in divinis personaliter accipitur, & est proprium nomen personæ Filii: significat enim quandam emanationem intellectus. Persona autem quæ procedit in divinis secundum emanationem intellectus, dicitur Filius; & huiusmodi processio dicitur generatio, ut supra ostensum est (quaest. xxvii. art. 2.) Unde relinquitur quod solus Filius proprie dicatur Verbum in divinis.

Ad primum ergo dicendum, quod in nobis non est idem esse, & intelligere. Unde illud quod habet in nobis esse intelligibile, non pertinet ad naturam nostram. Sed esse Dei est ipsum eius intelligere. Unde Verbum Dei non est ali-quod accidens in ipso, vel aliquis effectus eius, sed pertinet ad ipsam naturam eius; & ideo oportet quod sit aliquod subsistens, quia quiddam est in natura Dei, subsistit: & ideo Damascenus (Lib. I. orth. Fid. cap. xviii. non procul a fin.) dicit, quod *Verbum Dei est substantiale, & in hypostasi ens; reliqua vero verba, scilicet nostra, virtutes sunt anime.*

Ad secundum dicendum, quod non propter hoc error Valentini est damnatus, quia Filium dixit prolatione natum, ut Ariani calumniabantur, sicut Hilarius refert VI. de Trin. (non remote a prin.) sed propter varium modum prolationis quem posuit, sicut patet per Augustinum in Lib. de hæresibus (loco in arg. cit.)

Ad tertium dicendum, quod in nomine Verbi eadem proprietates importatur quæ in nomine Filii. Unde dicit Augustinus (VII. de Trinit. cap. 11. in prin.) *Eo dicitur Verbum quo Filius.* Ipsa enim nativitas Filii, quæ est proprietates personalis eius, diversis nominibus significatur, quæ Filio attribuantur ad exprimendum diversimode perfectionem eius. Nam, ut ostendatur connaturalis Patri, dicitur Filius; ut ostendatur coæternus, dicitur splendor; ut ostendatur omnino similis, dicitur imago; ut ostendatur immaterialiter genitus, dicitur Verbum. Non autem potuit unum nomen inveniri per quod omnia ista designarentur.

Ad quartum dicendum, quod eo modo convenit Filio esse intelligentem quo

con-

convenit ei esse Deum, cum intelligere essentialiter dicatur in divinis, ut dictum est (quaest. xiv. art. 2. & 4.) Est autem Filius Deus genitus, non autem generans Deus: unde est quidem intelligens, non ut producat Verbum, sed ut Verbum procedens, prout scilicet in Deo Verbum procedens secundum rem non differt ab intellectu divino, sed relatione sola distinguitur a principio Verbi.

Ad quintum dicendum, quod cum de Filio dicitur, *Potens omnia verbo virtutis suae*, verbum figurate accipitur pro effectu verbi. Unde Glossa (interlinearis) ibi dicit, quod verbum sumitur pro imperio, inquantum scilicet ex effectu virtutis Verbi est quod res conserventur in esse; sicut ex effectu virtutis Verbi est quod res producantur in esse. Quod vero Basilus interpretatur verbum pro Spiritu sancto, improprie, & figurate locutus est, prout verbum alicuius dici potest omne illud quod est manifestativum eius, ut sic ea ratione dicatur Spiritus sanctus verbum Filii, quia manifestat Filium.

ARTICULUS III. 191

Utrum in nomine Verbi importetur respectus ad creaturam.

I. dist. xxviii. quaest. 21. art. 3. & ver. quaest. xv. art. 3. & quod. xv. quaest. xv. art. 1. ad 1.

AD tertium sic proceditur: Videtur quod in nomine Verbi non importetur respectus ad creaturam. Omne enim nomen connotans effectum in creatura essentialiter in divinis dicitur. Sed Verbum non dicitur essentialiter, sed portionaliter, ut dictum est (art. 1. huius quaest.) Ergo Verbum non importat respectum ad creaturam.

2. Praeterea. Quae important respectum ad creaturas, dicuntur de Deo ex tempore, ut Dominus, & Creator. Sed Verbum dicitur de Deo ab aeterno. Ergo non importat respectum ad creaturam.

3. Praeterea. Verbum importat respectum ad id a quo procedit. Si ergo importat respectum ad creaturam, sequitur quod procedat a creatura.

4. Praeterea. Ideae sunt plures secundum diversos respectus ad creaturas. Si igitur Verbum importat respectum ad creaturas, sequitur quod in Deo non sit unum Verbum tantum, sed plura.

5. Praeterea. Si Verbum importat respectum ad creaturam, hoc non est nisi

inquantum creaturae cognoscuntur a Deo. Sed Deus non solum cognoscit entia, sed etiam non entia. Ergo in Verbo importabitur respectus ad non entia: quod videtur falsum.

Sed contra est quod dicit Augustinus in Lib. lxxxiii. Quaestionum (quaest. lxxxiii.) quod in nomine Verbi significatur non solum respectus ad Patrem, sed etiam ad illa quae per Verbum facta sunt operativis potentia.

Respondeo dicendum, quod in Verbo importatur respectus ad creaturam. Deus enim cognoscendo se cognoscit omnem creaturam.

Verbum igitur in mente conceptum est representativum omnis eius quod actus intelligitur. Unde in nobis sunt diversa verba secundum diversa quae intelligimus. Sed quia Deus uno actu & se, & omnia intelligit, unicum Verbum eius est expressivum non solum Patris, sed etiam creaturarum.

Et sicut Dei scientia, Dei quidem est cognoscitiva tantum, creaturarum autem cognoscitiva, & factiva; ita Verbum Dei, eius quod in Deo Patre est, est expressivum tantum; creaturarum vero est expressivum, & operativum: & propter hoc dicitur in Plal. xxxiv. 9. *Dixit, & facta sunt*: quia importatur in Verbo ratio factiva eorum quae Deus facit.

Ad primum ergo dicendum, quod in nomine personae includitur etiam natura oblique: nam persona est *rationalis natura individua substantia*. In nomine igitur personae divinae, quantum ad relationem personalem, non importatur respectus ad creaturam, sed importatur in eo quod pertinet ad naturam. (a) Nihil tamen prohibet, inquantum includitur in significatione eius essentia, quod importetur respectus ad creaturam. Sicut enim proprium est Filio quod sit Filius; ita proprium est ei quod sit genitus Deus, vel genitus creator: & per hunc modum importatur relatio ad creaturam in nomine Verbi.

Ad secundum dicendum, quod cum relationes consequuntur actiones, quaedam nomina important relationem Dei ad creaturam, quae consequitur actionem Dei in exteriorem effectum transeuntem, sicut creare, & gubernare, & talia dicuntur de Deo ex tempore. Quaedam vero relatio est quae consequitur actionem non transeuntem in exteriorem effectum, sed manentem in agente, ut scire, & velle; & talia non dicuntur de Deo ex tempore.

(a) Sequens peritrocha usque ad verba Sicut enim emissus in sed, Alon. & Camer. & in exemplis Nicolai. Habent edit. Rom. & Paris. amba.

pore: & huiusmodi relatio ad creaturam importatur in nomine Verbi. Nec est verum quod nomina inportantia relationem Dei ad creaturas omnia dicantur ex tempore; sed sola illa nomina quae important relationem consequentem actionem Dei in exteriorem effectum transcendentem, ex tempore dicuntur.

Ad tertium dicendum, quod creaturae non cognoscuntur a Deo per scientiam a creaturis acceptam, sed per essentiam suam. Unde non oportet quod a creaturis procedat Verbum, licet Verbum sit expressivum creaturarum.

Ad quartum dicendum, quod nomen ideae principaliter est inpositum ad significandum respectum ad creaturam; & ideo pluraliter dicitur in divinis, neque est personale. Sed nomen Verbi principaliter inpositum est ad significandam relationem ad dicentem, & ex consequenti ad creaturas, in quantum Deus, intelligendo se, intelligit omnem creaturam: & propter hoc in divinis est unicum tantum Verbum, & personaliter dictum.

Ad quintum dicendum, quod eo modo quo scientia Dei est non entium, & Verbum Dei est non entium: quia non est aliquid minus in Verbo Dei quam in scientia Dei, ut Augustinus dicit (Lib. XV. de Trin. cap. xiv. parum a princ.) Sed tamen Verbum est entium, ut expressivum, & factivum, non entium autem, ut expressivum, & manifestativum.

QUAESTIO XXXV.

De imagine,

in duos articulos divisa.

DEinde queritur de imagine: & circa hoc queruntur duo.

Primo, utrum imago in divinis dicatur personaliter.

Secundo, utrum sit proprium Filii.

ARTICULUS I.

192

Utrum imago in divinis dicatur personaliter.

Inf. quæst. ciii. artic. 5. ad 4. & I. dist. xxviii. quæst. ii. art. 2.

AD primum sic proceditur. Videtur quod imago non dicatur personaliter in divinis. Dicit enim Augustinus (Fulgentius) in Lib. de fid. ad Pet. (cap. 1. post med.) *Una est sancta Trinitas Divinitas, & imago, ad quam factus est*

homo. Igiter imago dicitur essentialiter, & non personaliter.

2. Præterea. Hilarius dicit in Lib. de Synod. (non multum remote a princ.) *quod imago est eius rei ad quam imaginatur, species indifferens. Sed species, sive forma in divinis dicitur essentialiter. Ergo & imago.*

3. Præterea. Imago ab imitando dicitur: in quo importatur prius, & posterius. Sed in divinis personis nihil est prius, & posterius. Ergo imago non potest esse nomen personale in divinis.

Sed contra est quod dicit Augustinus (Lib. VII. de Trin. cap. 1. ante med.) *Quid est absurdum quam imaginem ad se dicit? Ergo imago in divinis relative dicitur; & sic est nomen personale.*

Respondeo dicendum, quod de ratione imaginis est similitudo. Non tamen quæcumque similitudo sufficit ad rationem imaginis, sed similitudo quæ est in specie rei, vel saltem in aliquo signo speciei. Signum autem speciei in rebus corporeis maxime videtur esse figura. Videmus enim quod diversorum animalium secundum speciem sunt diversæ figuræ, non autem diversi colores. Unde si depingatur color alicuius rei in pariete, non dicitur esse imago, nisi depingatur figura. Sed neque ipsa similitudo speciei sufficit, vel figuræ; sed requiritur ad rationem imaginis origo: quæ, ut Augustinus dicit in Lib. lxxxiii. Quæstionum (quæst. lxxiv. post init.) *unum o- rum non est imago alterius, quia non est de illo expressum.* Ad hoc ergo quod vere aliquid sit imago, requiritur quod ex alio procedat simile ei in specie, vel saltem in signo speciei.

¶ Ea vero quæ processionem, sive originem important in divinis, sunt personalia. Unde hoc nomen *imago* est nomen personale.

Ad primum ergo dicendum, quod imago, proprie dicitur quod procedit ad similitudinem alterius. Illud autem ad cuius similitudinem aliquid procedit, proprie dicitur exemplar, improprie vero imago. Sic tamen Augustinus (Fulgentius loc. in arg. cit.) utitur nomine imaginis, cum dicit, Divinitatem sanctæ Trinitatis esse imaginem ad quam factus est homo.

Ad secundum dicendum, quod species, prout ponitur ab Hilario (loc. in arg. cit.) in definitione imaginis, importat formam deductam in aliquo ab alio.

Hoc

Hoc enim modo imago dicitur esse species alicuius, sicut id quod assimilatur alicui, dicitur forma eius, inquantum habet formam illi similem.

Ad tertium dicendum, quod imitatio in divinis personis non significat posteritatem, sed solam assimilationem.

ARTICULUS II. 193

Utrum nomen imaginis sit proprium Filio.

I. dist. xxviii. quæst. II. art. 3. & dist. xxxi. quæst. III. art. 1. corp. & liiv. I. lect. 2. fin.

AD secundum sic proceditur. Videtur quod nomen imaginis non sit proprium Filio. Quia, ut dicit Damascenus (Lib. I. orthod. Fid. cap. xviii.) *Spiritus sanctus est imago Filii*. Non est ergo proprium Filii.

2. Præterea. De ratione imaginis est similitudo cum expressione, ut Augustinus dicit in Lib. lxxxiii. Quæstionum (quæst. lxxiv. in princ.) Sed hoc convenit Spiritui sancto, procedit enim ab alio secundum modum similitudinis. Ergo Spiritus sanctus est imago; & ita non est proprium Filii quod sit imago.

3. Præterea. Homo etiam dicitur imago Dei, secundum illud I. ad Cor. xi. 7. *Vir non debet velare caput suum, quoniam imago, & gloria Dei est*. Ergo non est proprium Filio.

Sed contra est quod Augustinus dicit VII. de Trin. (cap. II.) quod *solus Filius est imago Patris*.

Respondetur dicendum, quod Doctores Græcorum communiter dicunt, Spiritum sanctum esse imaginem Patris, & Filii; sed Doctores Latini soli Filio attribuunt nomen imaginis. Non enim invenitur in canonica Scriptura nisi de Filio: dicitur enim Coloss. I. 15. *Qui est imago Dei invisibilis, primogenitus creatura: &c* ad Heb. I. 3. *Qui, cum sit splendor gloriæ, & figura substantiæ eius*.

Huius autem rationem assignant quidam ex hoc quod Filius convenit cum Patre non solum in natura, sed etiam in notione principii; Spiritus autem sanctus non convenit cum Filio, nec cum Patre in aliqua notione. Sed hoc non videtur sufficere: quia sicut secundum relationes non attenditur in divinis neque æqualitas, neque inæqualitas, ut Augustinus dicit (Lib. V. de Trin. cap. vi. a med.) ita neque similitudo, quæ requiritur ad rationem imaginis.

Unde alii dicunt, quod Spiritus san-

ctus non potest dici imago Filii, quia imaginis non est imago; neque etiam Patris, quia etiam imago refertur immediate ad id cuius est imago; Spiritus sanctus autem refertur ad Patrem per Filium: neque etiam est imago Patris, & Filii, quia sic esset una imago duorum, quod videtur impossibile. Unde relinquatur quod Spiritus sanctus nullo modo sit imago. Sed hoc nihil est: quia Pater, & Filius sunt unum principium Spiritus sancti, ut infra dicitur (quæst. xxxvi. art. 4.) Unde nihil prohibet, sic Patris, & Filii, inquantum sunt unum, esse unam imaginem, cum etiam homo totius Trinitatis sit una imago.

Et ideo aliter dicendum est, quod sicut Spiritus sanctus, quamvis sua processione accipiat naturam Patris, sicut & Filius, non tamen dicitur natus; ita licet accipiat speciem similem Patris, non dicitur imago: quia Filius procedit ut verbum, de cuius ratione est similitudo speciei ad id a quo procedit; non autem de ratione amoris, quamvis hoc conveniat amor, qui est Spiritus sanctus, inquantum est amor divinus.

Ad primum ergo dicendum, quod Damascenus, & alii Doctores Græcorum communiter utuntur nomine imaginis pro perfecta similitudine.

Ad secundum dicendum, quod licet Spiritus sanctus sit similis Patri, & Filio, non tamen sequitur quod sit imago ratione iam dicta (in corp. art.)

Ad tertium dicendum, quod imago alicuius dupliciter in aliquo invenitur. Uno modo in re eiusdem naturæ secundum speciem, ut imago Regis invenitur in hio suo. Alio modo in re alterius naturæ, sicut imago Regis invenitur in denario. Primo autem modo Filius est imago Patris; secundo autem modo dicitur homo imago Dei: & ideo ad designandum in homine imperfectionem imaginis, homo non solum dicitur imago, sed ad imaginem, per quod notus quidam tendens in perfectionem designatur. Sed de Filio Dei non potest dici, quod sit ad imaginem, quia est perfecta Patris imago.

QUAESTIO XXXVI.

De persona Spiritus sancti,

in quatuor articulis divisa.

POST considerationem prædictam considerandum est de his quæ pertinent ad personam Spiritus sancti, qui non so-

solum dicitur Spiritus sanctus, sed etiam amor, & donum Dei.

Circa Spiritum sanctum ergo quaeruntur quatuor.

Primo, utrum hoc nomen *Spiritus sanctus* sit proprium alicuius divinae personae.

Secundo, utrum illa persona divina quae Spiritus sanctus dicitur, procedat a Patre, & Filio.

Tertio, utrum procedat a Patre per Filium.

Quarto, utrum Pater, & Filius sint unum principium Spiritus sancti.

ARTICULUS I. 194

Utrum hoc nomen Spiritus sanctus sit proprium nomen alicuius divinae personae.

2. 2. *quaest. xiv. art. 1. cor. & I. dist. x. art. 4. & IV. cont. gent. cap. xix. fin. & mal. quaest. 111. art. 14. cor. & opusc. 11. cap. xlv. & xlvii.*

AD primum sic proceditur. Videtur quod hoc nomen *Spiritus sanctus* non sit proprium nomen alicuius divinae personae. Nullum enim nomen commune tribus personis est proprium alicuius personae. Sed hoc nomen *Spiritus sanctus* est commune tribus personis: ostendit enim Hilarius VIII. de Trin. (circa med.) in Spiritu Dei aliquando significari Patrem, ut cum dicitur (Isa. lxi. 1.) *Spiritus Domini super me*: aliquando significari Filium, ut cum dicitur Filius (Matth. xii. 28.) *In Spiritu Dei eiicio daemonia*, naturae suae potestate eiicere se daemonia demonstrans: aliquando Spiritum sanctum, ut ibi (Isa. lxi. 28.) *Effundam de Spiritu meo super omnem carnem*. Ergo hoc nomen *Spiritus sanctus* non est proprium alicuius divinae personae.

2. Praeterea. Nomina divinarum personarum ad aliquod dicuntur, ut Boetius dicit in Lib. de Trin. (declinando ad fin.) Sed hoc nomen *Spiritus sanctus* non dicitur ad aliquid. Ergo hoc nomen non est proprium divinae personae.

3. Praeterea. Quia Filius est nomen alicuius divinae personae, non potest dici Filius huius, vel illius. Dicitur autem spiritus huius, vel illius hominis: ut enim habetur Num. xi. 17. dixit Dominus ad Moysen: (a) *De spiritu tuo accipiam*, tradamque tui: & IV. Reg. 11. 15. *Requiescit spiritus Eliae super Eliseum*. Ergo Spi-

ritus sanctus non videtur esse proprium nomen alicuius divinae personae.

Sed contra est quod dicitur I. Ioann. ult. 7. *Tres sunt qui testimonium dant in caelo, Pater, Verbum, & Spiritus sanctus*. Ut autem Augustinus dicit VII. de Trin. (cap. xv. & sequent.) *cum quaeritur, quid tres? dicimus, tres persona*. Ergo Spiritus sanctus est nomen divinae personae.

Respondeo dicendum, quod cum sint duae processiones in divinis; altera ex-ratio, quae est per modum amoris, non habet proprium nomen, ut supra dictum est (quaest. xxvii. artic. 4. ad 3.) Unde & relationes quae secundum huiusmodi processionem accipiuntur, innominatae sunt, ut etiam supra dictum est (quaest. xxviii. art. 4.)

Propter quod & nomen personae hoc modo procedentis eadem ratione non habet proprium nomen; sed sicut sunt accommodata aliqua nomina ex usu loquentium ad significandum praedictas relationes, (b) cum nominamus eas nomine processionis, & spirationis, quae secundum proprietatem significationis magis videntur significare actus notionales quam relationes; ita ad significandum divinam personam quae procedit per modum amoris, accommodatum est ex usu Scripturae hoc nomen *Spiritus sanctus*. Et huius quidem convenientiae ratio sumi potest ex duobus. Primo quidem ex ipsa communitate eius quod dicitur Spiritus sanctus. Ut enim Augustinus dicit XV. de Trin. (cap. xvii. circa fin. & Lib. V. cap. xi. 2. med.) *quia Spiritus sanctus communis est ambobus, id vocatur ipse proprie quod ambo communiter*. Nam & Pater est spiritus, & Filius est spiritus, & Pater est sanctus, & Filius est sanctus. Secundo vero ex propria significatione. Nam nomen spiritus in rebus corporeis impulsionem quandam, & motionem significare videtur: nam flatum, & ventum spiritum nominamus. Est autem proprium amoris quod moveat, & impellat voluntatem amantis in amatum. Sanctitas vero illis rebus attribuitur quae in Deum ordinantur. Quia igitur persona divina procedit per modum amoris, quo Deus amatur, convenienter Spiritus sanctus nominatur.

Ad primum ergo dicendum, quod hoc quod dico *Spiritus sanctus*, prout sumitur in virtute duarum dictionum, commune est toti Trinitati: quia nomine *Spiritus* significatur immaterialitas divinae substan-

(a) Vulgata: Auferam de spiritu tuo. (b) Nicolaus: unde nominamus &c. appositae signa pariterque comprehendente sequentia usque ad verbum relationes.

stantiæ : spiritus enim corporeus invisibilis est, & parum habet de materia. unde omnibus substantiis immaterialibus, & invisibilibus hoc nomen attribuiamus. Per hoc vero quod dicitur *sanctus*, significatur puritas divinæ bonitatis. Si autem accipiat, hoc quod dicitur *Spiritus sanctus*, in vi unius dictionis, sic ex usu Ecclesiæ est accommodatum ad significandam unam trium personarum, scilicet quæ procedit per modum amoris, ratione iam dicta (in corp. artic.)

Ad secundum dicendum, quod licet hoc quod dicitur *Spiritus sanctus*, relative non dicatur; tamen pro relativo ponitur, inquantum est accommodatum ad significandam personam sola relatione ab aliis distinctam. Potest tamen intelligi in nomine aliqua relatio, si Spiritus sanctus intelligatur quasi spiratus.

Ad tertium dicendum, quod in nomine Filii intelligitur sola relatio eius qui est a principio ad principium; sed in nomine Patris intelligitur relatio principii; & similiter in nomine Spiritus, prout importat quandam vim motivam. Nulli autem creaturæ competit esse principium respectu alicuius divinæ personæ, sed e converso. Et ideo potest dici Pater noster, & Spiritus noster; non tamen potest dici Filius noster.

ARTICULUS II. 195

Utrum Spiritus sanctus procedat a Filio.

I. dist. xi. artic. 1. & per. quæst. x. artic. 4. & apusc. 1. cap. xlix. l. & li. & opusc. 11. cap. xlix. & li. cont. corp. xxiv. & xxv.

AD secundum sic proceditur. Videtur, quod Spiritus sanctus non procedat a Filio. Quia secundum Dionysium (cap. 1. de div. Nom. parum a princ. lect. 1.) non est audendum dicere aliquid de substantiis Divinitatis præter ea quæ Avicenna mobilis est sacris. Alii sunt expressa. Sed in Scriptura sacra non exprimitur, quod Spiritus sanctus a Filio procedat, sed solum quod procedat a Patre, ut patet Ioan. xv. 26. *Spiritus veritatis, qui a Patre procedit.* Ergo Spiritus sanctus non procedit a Filio.

2. Præterea. In symbolo Constantinopolitane Synodi (primæ can. vii.) sic legitur : *Credimus in Spiritum sanctum Dominum, & vivificantem, ex Patre procedentem, cum Patre, & Filio adorandum.* & S. Tb. Oper. Tom. XX.

glorificandum. Nullo igitur modo debuit addi in symbolo nostro, quod Spiritus sanctus procedat a Filio; sed videtur esse anathematis rei qui hoc addiderunt.

3. Præterea. Damascenus dicit (Lib. I. orth. Fid. cap. xi. non procul a fin.) *Spiritum sanctum ex Patre dicimus, & Spiritum Patris nominamus; ex Filio autem Spiritum sanctum non dicimus, Spiritum vero Filii nominamus.* Ergo Spiritus sanctus non procedit a Filio.

4. Præterea. Nihil procedit ab eo in quo quiescit. Sed Spiritus sanctus quiescit in Filio: dicitur enim in legenda B. Andreæ: *Pax vobis, & universis qui credunt in unum Deum Patrem, & unum Filium eius unicum Dominum nostrum, Iesum Christum, & in unum Spiritum sanctum procedentem ex Patre, in Filio permanentem.* Ergo Spiritus sanctus non procedit a Filio.

5. Præterea. Filius procedit ut verbum. Sed Spiritus noster in nobis videtur procedere a verbo nostro. Ergo Spiritus sanctus non procedit a Filio.

6. Præterea. Spiritus sanctus perfecte procedit a Patre. Ergo superfluum est dicere, quod procedit a Filio.

7. Præterea. In perpetuis non differunt esse, & posse, ut dicitur in III. Phys. (text. xxxii.) & multo minus in divinis. Sed Spiritus sanctus potest distinguari a Filio, etiam si ab eo non procedat. Dicit enim Anselmus in Libro de processione Spiritus sancti (non procul a principio & per totum:) *Habent utique a Patre esse Filium, & Spiritus sanctus; sed diverso modo: quia alter nascendo, & alter procedendo; ut alii sint per hoc ab invicem; & postea subdit: Nam si per aliud non essent plures Filii, & Spiritus sanctus, per hoc solum essent diversi.* Ergo Spiritus sanctus distinguitur a Filio ab eo non existens.

Sed contra est quod dicit Athanasius (in symbolo suo) *Spiritus sanctus a Patre, & Filio, non factus, nec creatus, nec genitus, sed procedens.*

Respondeo dicendum, quod necesse est dicere, Spiritum sanctum a Filio esse. Si enim non esset ab eo, nullo modo posset ab eo personaliter distinguari: quod ex supra dictis patet (quæst. xxvii. art. 3. & quæst. xxx. art. 2.) Non enim est possibile dicere, quod secundum aliquid absolutum divinæ personæ ab invicem distinguantur, quia sequeretur quod non

R

el-

effect trium una essentia. Quicquid enim in divinis absolute dicitur, ad unitatem essentiae pertinet. Relinquitur ergo quod solum relationibus divinae personae ab invicem distinguantur. Relationes autem personas distinguere non possunt, nisi secundum quod sunt oppositae. Quod ex hoc patet, quia Pater habet duas relationes, quarum una refertur ad Filium, & alia ad Spiritum sanctum; quae tamen, quia non sunt oppositae, non constituunt duas personas, sed ad unam personam Patris tantum pertinent. Si ergo in Filio, & in Spiritu sancto non esset invenire nisi duas relationes, quibus uterque refertur ad Patrem, illae relationes non essent ad invicem oppositae, sicut neque duae relationes quibus Pater refertur ad illos. Unde sicut persona Patris est una, ita sequeretur quod persona Filii, & Spiritus sancti esset una, habens duas relationes oppositas duabus relationibus Patris. Hoc autem est haereticum, cum tollat fidem Trinitatis. Oportet ergo quod Filius, & Spiritus sanctus ad invicem referantur oppositis relationibus. Non autem possunt esse in divinis aliae relationes oppositae, nisi relationes originis, ut supra probatum est (quaest. xxviii. art. 4.) Oppositae autem relationes originis accipiuntur secundum principium, & secundum quod est a principio. Relinquitur ergo quod necesse est dicere, vel Filium esse a Spiritu sancto, quod nullus dicit; vel Spiritum sanctum esse a Filio, quod nos confitemur; & huic quidem consonat ratio processionis utriusque.

Dictum enim est supra (quaest. xxviii. art. 2. & 4. & quaest. xxviii. art. 4.) quod Filius procedit per modum intellectus ut verbum, Spiritus sanctus autem per modum voluntatis ut amor. Necessarium est autem quod amor a verbo procedat. Non enim aliquid amamus, nisi secundum quod conceptione mentis apprehendimus. Unde & secundum hoc manifestum est quod Spiritus sanctus procedit a Filio.

Ipsae etiam ordo rerum hoc docet. Numquam enim hoc invenimus quod ab uno procedant plura absque ordine nisi in illis solum quae materialiter differunt; sicut unus faber producit multos cultellos materialiter ab invicem distinctos, nullum ordinem habentes ad invicem. Sed in rebus in quibus non est sola materialis distinctio, semper invenitur in multitudine productorum aliquis ordo.

Unde etiam in ordine creaturarum productarum decor divinae sapientiae manifestatur. Si ergo ab una persona Patris procedunt duae personae, scilicet Filius, & Spiritus sanctus, oportet esse aliquem ordinem eorum ad invicem. Nec potest aliquis ordo alius assignari, nisi ordinatione, quo alius est ex alio. Non est igitur possibile dicere, quod Filius, & Spiritus sanctus sic procedant a Patre, quod neuter eorum procedat ab alio, nisi quis poneret in eis materialem distinctionem, quod est impossibile.

Unde etiam ipsi Graeci processionem Spiritus sancti aliquem ordinem habere ad Filium intelligunt. Concedunt enim, Spiritum sanctum esse Spiritum Filii, & esse a Patre per Filium. Et quidam eorum dicuntur concedere, quod sit a Filio, vel profluat ab eo, non tamen quod procedat: quod videtur vel ex ignorantia, vel ex protervia esse. Quia si quis recte consideret, inveniet processionis verbum inter omnia quae ad originem qualemcumque pertinent, communissimum esse. Utimur enim eo ad designandum qualemcumque originem; sicut quod linea procedit a puncto, radius a Sole, rivus a fonte, & similiter in quibuscumque aliis. Unde ex quocumque alio ad originem pertinente potest concludi, quod Spiritus sanctus procedit a Filio.

Ad primum ergo dicendum, quod de Deo dicere non debemus quod in sacra Scriptura non invenitur vel per verba, vel per sensum. Licet autem per verba non invenitur in sacra Scriptura, quod Spiritus sanctus procedat a Filio, invenitur tamen quantum ad sensum, & praecipue ubi dicit Filius, Ioan. xvi. 14. de Spiritu sancto loquens: *Ille me clarificabit, quia de meo accipiet*. Regulariter etiam in sacra Scriptura tenendum est, quod id quod de Patre dicitur, oportet de Filio intelligi, etiam si dictio exclusiva addatur, nisi solum in illis in quibus Pater, & Filius secundum oppositas relationes distinguuntur. Cum enim Dominus Matth. xi. 27. dicit: *Nemo novit Filium nisi Pater*, non excluditur quin Filius seipsum cognoscat. Sic igitur cum dicitur, quod Spiritus sanctus a Patre procedit, etiam si adderetur quod a solo Patre procedit, non excluderetur inde Filius: quia quantum ad hoc quod est esse principium Spiritus sancti, non opponuntur Pater, & Filius, sed solum quantum ad hoc quod hic est Pater, & ille Filius.

Ad

Ad secundum dicendum, quod in quolibet Concilio institutum fuit symbolum aliquod propter errorem aliquem qui in Concilio damnabatur. Unde sequens Concilium non faciebat aliud symbolum quam primum, sed id quod implicite continebatur in primo symbolo, per aliqua addita explanabatur contra hæreses insurgentes. Unde in determinatione Chalcedonensis Synodi dicitur, quod *illi qui fuerunt congregati in Concilio Constantinopolitano, doctrinam de Spiritu sancto tradiderunt, non quod minus esset in præcedentibus, qui apud Nicæam congregati sunt, inferentes, sed intellectum eorum adversus hereticos declarantes*. Quia igitur in tempore antiquiorum Conciliorum nondum exortus fuerat error dicentium, Spiritum sanctum non procedere a Filio, non fuit necessarium quod hoc explicite poneretur; sed postea, inturgente errore quorundam, in quodam Concilio in occidentalibus partibus congregato, expressum fuit auctoritate Romani Pontificis, cuius auctoritate etiam antiqua Concilia congregabantur, & confirmabantur. Continebatur tamen implicito in hoc ipso quod dicebatur Spiritus sanctus a Patre procedere.

Ad tertium dicendum, quod Spiritum sanctum non procedere a Filio, primo fuit a Nestorianis introductum, ut patet in quodam symbolo Nestorianorum damnato in Ephesina Synodo. Et hunc errorem sequutus fuit (a) Theodoricus Nestorianus, & plures post ipsum: inter quos fuit etiam Damascenus. Unde in hoc eius sententiæ non est standum. Quamvis a quibusdam dicatur, quod Damascenus sicut non confiteatur Spiritum sanctum esse a Filio, ita etiam non negat ex vi illorum verborum.

Ad quartum dicendum, quod per hoc quod Spiritus sanctus dicitur quiescere, vel manere in Filio, non excluditur quin ab eo procedat: quia & Filius in Patre manere dicitur, cum tamen a Patre procedat. Dicitur etiam Spiritus sanctus in Filio quiescere vel sicut amor amantis quiescit in amato, vel quantum ad humanam naturam Christi, propter id quod scripsum est Ioannis. 1. 33. *Super quem videris Spiritum descendentem, & manentem super eum, hic est qui baptizat*.

Ad quintum dicendum, quod Verbum in divinis non accipitur secundum similitudinem verbi vocalis, a quo non procedit Spiritus, quia sic tantum metaphorice diceretur; sed secundum similitudi-

nem verbi mentalis, a quo amor procedit.

Ad sextum dicendum, quod per hoc quod Spiritus sanctus perfecte procedit a Patre, non solum non superfluum est dicere, quod Spiritus sanctus procedat a Filio, sed omnino necessarium: quia una virtus est Patris, & Filii; & quicquid est a Patre, necesse est esse a Filio, nisi proprietati filiationis repugnet: non enim Filius est a se ipso, licet sit a Patre.

Ad septimum dicendum, quod Spiritus sanctus distinguitur personaliter a Filio in hoc quod origo unius distinguitur ab origine alterius; sed ipsa differentia originis est per hoc quod Filius est solum a Patre. Spiritus sanctus vero a Patre, & Filio: non enim aliter processiones distinguerentur, sicut supra ostensum est (in corp. art. & quest. xxvii.)

ARTICULUS III. 195

Utrum Spiritus sanctus procedat a Patre per Filium.

1. dist. XII. art. 3. & opusc. 1. cap. xl. & opusc. IX. cap. xxxvii.

Ad tertium sic proceditur. Videtur quod Spiritus sanctus non procedat a Patre per Filium. Quod enim procedit ab aliquo per aliquem, non procedit ab eo immediate. Si igitur Spiritus sanctus procedat a Patre per Filium, non procedit a Patre immediate: quod videtur inconveniens.

2. Præterea. Si Spiritus sanctus procedat a Patre per Filium, non procedit a Filio nisi propter Patrem. Sed propter quod unusquisque, & illud magis. Ergo magis procedit a Patre quam a Filio.

3. Præterea. Filius habet esse per generationem. Si igitur Spiritus sanctus est a Patre per Filium, sequitur quod prius generetur Filius, & postea procedat Spiritus sanctus; & sic processio Spiritus sancti non est æterna: quod est hæreticum.

4. Præterea. Cum aliquis dicitur per aliquem operari, potest e converso dici. Sicut enim dicimus, quod Rex operatur per ballivum; ita potest dici, quod ballivus operatur per Regem. Sed nullo modo dicimus, quod Filius spirat Spiritum sanctum per Patrem. Ergo nullo modo potest dici, quod Pater spirat Spiritum sanctum per Filium.

Sed contra est quod Hilarius dicit in Lib. XII. de Trinit. (in fin.) *Conferrea*

R 2

bank;

(a) Nestorius Theodoricus.

hanc, oro, fidei mea religionem, ut semper obtrineam Patrem, scilicet te, & Filium tuum. una tecum adorem, & Spiritum sanctum. tuum, qui est ex te per Unigenitum tuum, promereat.

Respondendo dicendum, quod in omnibus locutionibus. in quibus dicitur aliquis per aliquem operari, hæc præpositio *per* designat in causali aliquam causam, seu principium illius actus. Sed cum actio sit media inter faciens, & factum, quandoque illud causale cui adiungitur hæc præpositio *per*, est causa actionis, secundum quod exit ab agente; & tunc est causa agentis quod agit, sive sit causa finalis, sive formalis, sive effectiva, vel motiva. Finalis quidem ut si dicamus, quod artifex operatur: per cupiditatem lucri. Formalis vero, ut si dicamus, quod operatur per artem suam. Motiva vero, si dicamus, quod operatur per imperium alterius. Quandoque vero dictio causalis, cui adiungitur hæc præpositio *per*, est causa actionis, secundum quod (a) terminatur ad factum; ut cum dicimus, Artifex operatur: per martellum: non enim significatur quod martellus sit causa artificis quod agit, sed quod sit causa artificis ut ab artifice procedat, & quod hoc ipsum habeat ab artifice. Et hoc est: quod quidam dicunt, quod hæc præpositio *per* quandoque notat auctoritatem in recto, ut cum dicitur, Rex operatur per ballivum; quandoque autem in obliquo, ut cum dicitur, ballivus operatur per Regem.

Quia igitur Filius habet a Patre quod ab eo procedat Spiritus sanctus, potest dici, quod Pater per Filium spirat Spiritum sanctum, vel quod Spiritus sanctus procedat a Patre per Filium, quod idem est.

Ad primum ergo dicendum, quod in qualibet actione est duo considerare, scilicet suppositum agens, & virtutem qua agit, sicut ignis calefacit calore. Si igitur in Patre, & Filio consideretur virtus qua spirant Spiritum sanctum, non eadē ibi aliquid medium: quia hæc virtus est una & eadem. Si autem considerentur ipse personæ spirantes, sic cum Spiritus sanctus communiter procedat a Patre, & Filio, invenitur Spiritus sanctus immediate a Patre procedere, in quantum est ab eo, & mediate, in quantum est a Filio: & sic dicitur procedere a Patre per Filium; sicut etiam

Abel processit immediate ab Adam, in quantum Adam fuit pater eius, & mediate, in quantum Eva fuit mater eius, quæ processit ab Adam: licet hoc exemplum materialis processionis ineptum videatur ad significandam immaterialem processionem divinarum personarum.

Ad secundum dicendum, quod si Filius acciperet a Patre aliam virtutem numero: ad spirandum Spiritum sanctum, sequeretur quod. eiset sicut causa secunda, & instrumentalis; & sic magis procederet a Patre quam a Filio. Sed unaquodque eadem numero virtus spirativa est in Patre, & Filio; & ideo æqualiter procedit ab utroque. Licet aliquando dicatur principaliter, vel proprie procedere de Patre, propter hoc quod Filius habet hanc virtutem a Patre.

Ad tertium dicendum, quod sicut generatio Filii est coeterna generanti (unde non prius fuit Pater, quam gigneret Filium) ita processio Spiritus sancti est coeterna suo principio. Unde non fuit prius Filius genitus quam Spiritus sanctus procederet; sed utrumque æternum est.

Ad quartum dicendum, quod cum aliquis dicitur per aliquod operari, non semper recipitur conversio. Non enim dicimus, quod martellus operetur per fabrum; dicimus autem, quod ballivus operatur per Regem: quia ballivi est agere, cum sit dominus sui actus; martelli autem non est agere, sed solum agi: unde non designatur nisi ut instrumentum. Dicitur autem ballivus operari per Regem, quamvis hæc præpositio *per* denotet medium: quia quanto suppositum est prius in agendo, tanto virtus eius est immediatior effectui: quia virtus causæ primæ coniungit causam secundam suo effectui. Unde & prima principia dicuntur immediata in demonstrativis scientiis. Sic igitur in quantum ballivus est medius secundum ordinem suppositorum agentium, dicitur Rex operari per ballivum; secundum ordinem vero virtutum dicitur ballivus operari per Regem, quia virtus Regis facit quod actio ballivi consequatur effectum. Ordo autem non attenditur inter Patrem & Filium quantum ad virtutem, sed solum quantum ad supposita; & ideo dicitur, quod Pater spirat per Filium, & non e converso.

(a) *Id. determinatur.*

ARTICULUS IV. 197

Utrum Pater, & Filius sint unum principium Spiritus sancti.

I. dist. xi. art. 2. 3. & 4. & IV. cont. cap. XXV. fin. & apud IX. cap. XXV. & Io. VIII. lect. 3. & XV. lect. 3.

AD quantum sic proceditur. Videtur quod Pater, & Filius non sint unum principium Spiritus sancti. Quia Spiritus sanctus non videtur a Patre, & Filio procedere, inquantum sunt unum neque in natura, quia Spiritus sanctus sic etiam procederet a se ipso, qui est unus cum eis in natura; neque etiam inquantum sunt unum in aliqua proprietate, quia una proprietates non potest esse duorum suppositorum, ut videtur. Ergo Spiritus sanctus procedit a Patre, & Filio, ut sunt plures. Non ergo Pater, & Filius sunt unum principium Spiritus sancti.

2. Præterea. Cum dicitur, Pater, & Filius sunt unum principium Spiritus sancti, non potest ibi designari unitas personalis, quia sic Pater, & Filius essent una persona; neque etiam unitas proprietatis, quia si propter unam proprietatem Pater, & Filius sunt unum principium Spiritus sancti, pari ratione propter duas proprietates Pater videtur esse duo principia Filii, & Spiritus sancti, quod est inconueniens. Non ergo Pater, & Filius sunt unum principium Spiritus sancti.

3. Præterea. Filius non magis conuenit cum Patre quam Spiritus sanctus. Sed Spiritus sanctus, & Pater non sunt unum principium respectu alicuius diuinae personae. Ergo neque Pater, & Filius.

4. Præterea. Si Pater, & Filius sunt unum principium Spiritus sancti, aut unum quod est Pater, aut unum quod non est Pater. Sed neutrum est dare: quia si unum quod est Pater, sequitur quod Filius sit Pater: si unum quod non est Pater, sequitur quod Pater non est Pater. Non ergo dicendum est, quod Pater, & Filius sint unum principium Spiritus sancti.

5. Præterea. Si Pater, & Filius sunt unum principium Spiritus sancti, videtur e converso dicendum, quod unum principium Spiritus sancti sit Pater, & Filius. Sed hæc videtur esse falsa: quia hoc quod duo principium, oportet quod supponat vel pro persona Patris, vel

S. Th. Oper. Tom. XX.

pro persona Filii; & utroque modo est falsa. Ergo etiam hæc est falsa: Pater, & Filius sunt unum principium Spiritus sancti.

6. Præterea. Unum in substantia facit idem. Si igitur Pater, & Filius sunt unum principium Spiritus sancti, sequitur quod sint idem principium. Sed hoc a multis negatur. Ergo non est concedendum, quod Pater, & Filius sint unum principium Spiritus sancti.

7. Præterea. Pater, & Filius, & Spiritus sanctus, quia sunt unum principium creaturae, dicuntur esse unus creator. Sed Pater, & Filius non sunt unus spirator, sed duo spiratores, ut a multis dicitur: quod etiam consonat dictis Hilarii, qui dicit in II. de Trin. (non remote a fin.) quod Spiritus sanctus a Patre, & Filio auctoribus consensendus est. Ergo Pater, & Filius non sunt unum principium Spiritus sancti.

Sed contra est quod Augustinus dicit in V. de Trin. (cap. xiv. in fin.) quod Pater, & Filius non sunt duo principia, sed unum principium Spiritus sancti.

Respondeo dicendum, quod Pater, & Filius in omnibus unum sunt, in quibus non distinguit inter eos relationis oppositio. Unde cum in hoc quod est esse principium Spiritus sancti, non opponantur relative, sequitur quod Pater, & Filius sunt unum principium Spiritus sancti.

Quidam tamen dicunt, hanc esse improprietatem: Pater, & Filius sunt unum principium Spiritus sancti. Quia cum hoc nomen principium singulariter acceptum non significet personam, sed proprietatem, dicunt, quod sumitur adiective: & quia adiectivum non determinatur per adiectivum, non potest conuenienter dici, quod Pater, & Filius sint unum principium Spiritus sancti, nisi unum intelligatur quasi adverbialiter positum, ut sit sensus: sunt unum principium, id est uno modo.

Sed simili ratione posset dici Pater duo principia, Filii, & Spiritus sancti, id est duobus modis.

Dicendum est ergo, quod licet hoc nomen principium significet proprietatem, tamen significat eam per modum substantivi; sicut hoc nomen pater, & filius etiam in rebus creatis. Unde numerum accipit a forma significata, sicut & alia substantiva. Sicut igitur Pater, & Filius sunt unus Deus propter unitatem

R 3 for-

formae significat per hoc nomen *Deus* : ita sunt unum principium Spiritus sancti propter unitatem proprietatis significatæ in hoc nomine *principium*.

Ad primum ergo dicendum, quod si attendatur virtus spirativa, Spiritus sanctus procedit a Patre, & Filio, in quantum sunt unum in virtute spirativa, quæ quodammodo significat naturam cum proprietate, ut infra dicitur (in solut. ad 7. arg. huius art.) Neque est inconveniens unam proprietatem esse in duobus suppositis, quorum est una natura. Si vero considerentur supposita spirationis, sic Spiritus sanctus procedit a Patre, & Filio, ut sunt plures : procedit enim ab eis ut amor unitivus duorum.

Ad secundum dicendum, quod eum dicitur : *Pater, & Filius sunt unum principium Spiritus sancti* : designatur una proprietas, quæ est forma significata per nomen. Non tamen sequitur quod propter plures proprietates possit dici Pater plura principia, quia implicaretur pluralitas suppositorum.

Ad tertium dicendum, quod secundum relativas proprietates non attenditur in divinis similitudo, vel dissimilitudo, sed secundum essentiam. Unde sicut Pater non est similior sibi quam Filio ; ita nec Filius est similior Patri quam Spiritus sanctus.

Ad quartum dicendum, quod hæc duo, scilicet Pater, & Filius, sunt unum principium quod est Pater, aut unum principium quod non est Pater, non sunt contradictorie opposita : unde non est necesse alterum eorum dare. Cum enim dicimus, Pater, & Filius sunt unum principium, hoc quod dico *principium*, non habet determinatam suppositionem, immo confusam pro duabus personis simul. Unde in processu est fallacia figuræ ditionis a confusa suppositione ad determinatam.

Ad quintum dicendum, quod hæc etiam est vera : Unum principium Spiritus sancti est Pater, & Filius : quia hoc quod dico *principium*, non supponit per una persona tantum, sed indistincte pro duabus, ut dictum est (in solut. præced. arg.)

Ad sextum dicendum, quod convenienter potest dici, quod Pater, & Filius sunt idem principium, secundum quod ly *principium* supponit confuse, & indistincte pro duabus personis simul.

Ad septimum dicendum, quod quidam

dicunt, quod Pater, & Filius, licet sint unum principium Spiritus sancti, sunt tamen duo spiratores propter distinctionem suppositorum, sicut etiam duo spirantes, quia actus referuntur ad supposita. Nec est eadem ratio de hoc nomine *creator* : quia Spiritus sanctus procedit a Patre, & Filio, ut sunt duæ personæ distinctæ, ut dictum est (in solut. ad 1. arg. huius art.) non autem creatura procedit a tribus personis, ut sunt personæ distinctæ, sed ut sunt unum in essentia. Sed videtur melius dicendum, quod quia spirans adiectivum est, spirator vero substantivum, possumus dicere, quod Pater, & Filius sunt duo spirantes propter pluralitatem suppositorum, non autem duo spiratores propter unam spirationem. Nam adiectiva nomina habent numerum secundum supposita, substantiva vero a se ipsis secundum formam significatam. Quod vero Hilarius dicit (loc. cit. in arg.) quod Spiritus sanctus est a Patre, & Filio auctoribus, exponendum est, quod ponitur substantivum pro adiectivo.

QUAESTIO XXXVII.

De nomine Spiritus sancti, quod est Amor, in duos articulos divisa.

Deinde quaeritur de nomine Amoris, & circa hoc quaeruntur duo.

Primo, utrum sit proprium nomen Spiritus sancti.

Secundo, utrum Pater, & Filius diligant se Spiritu sancto.

ARTICULUS I. 198

Utrum Amor sit proprium nomen Spiritus sancti.

1. dist. x. art. 4. & dist. xxvii. quest. 11. art. 2. quest. 2. corp. & ver. quest. 1v. art. 3. ad 7.

Ad primum sic proceditur. Videtur quod Amor non sit proprium nomen Spiritus sancti. Dicit enim Augustinus XV. de Trinit. (cap. xvii. ante med.) *Nescio, cur, sicut sapientia dicitur & Pater, & Filius, & Spiritus sanctus, & simul omnes non tres, sed una sapientia; non ita & caritas dicatur Pater, & Filius, & Spiritus sanctus, & simul omnes una caritas.* Sed nullum nomen quod de singulis personis prædicatur, & de omnibus in communi singulariter, est nomen proprium alicuius personæ. Ergo hoc nomen *Amor* non est proprium Spiritus sancti.

2. Præ-

2. Præterea. Spiritus sanctus est persona subsistens. Sed Amor non significatur ut persona subsistens, sed ut actio quædam ab amante transiens in amatum. Ergo Amor non est proprium nomen Spiritus sancti.

3. Præterea. Amor est nexus amantium: quia secundum Dionysium IV. capit. de divin. Nom. (part. 11. lect. 12.) est quædam vis unitiva. Sed nexus est medium inter ea quæ connectit, non autem aliquid ab eis procedens. Cum igitur Spiritus sanctus procedat a Patre, & Filio, sicut ostensum est (quæst. xxxvi. art. 2.) videtur quod non sit Amor, aut nexus Patris, & Filii.

4. Præterea. Cuiuslibet amantis est aliquis amor. Sed Spiritus sanctus est amans. Ergo eius est aliquis amor. Si igitur Spiritus sanctus est Amor, erit amor amoris, & spiritus a spiritu: quod est inconveniens.

Sed contra est quod Gregorius dicit in homil. Pentecostes (xxx. in Evang. circa princ.) *Ipsè Spiritus sanctus est Amor.*

Respondendo dicendum, quod nomen Amoris in divinis sumi potest essentialiter, & personaliter: & secundum quod personaliter sumitur, est proprium nomen Spiritus sancti, sicut Verbum est proprium nomen Filii.

Ad cuius evidentiam sciendum est, quod cum in divinis, ut supra ostensum est (quæst. xxvii. art. 2. 3. 4. & 5.) sint duæ processiones, una per modum intellectus, quæ est processio Verbi, alia per modum voluntatis, quæ est processio Amoris; quia prima est nobis magis nota, ad singula significanda quæ in ea considerari possunt, sunt magis propria nomina adinventata, non autem in processione voluntatis. Unde & quibusdam circumlocutionibus utimur ad significandam personam procedentem, & relationes etiam quæ accipiuntur secundum hanc processionem, & processionalis, & spirationis nominibus nominantur, ut supra dictum est (quæst. xxvii. art. 4. ad 3.) quæ tamen sunt magis nomina originis quam relationis secundum proprietatem vocabuli. Et tamen (a) similiter secundum utramque processionem considerari oportet. Sicut enim ex hoc quod aliquis rem aliquam intelligit, provenit quædam intellectualis conceptio rei intellectæ in intelligente, quæ dicitur verbum; ita ex hoc quod aliquis rem aliquam amat, provenit quædam impressio (ut ita loquar)

rei amate in affectu amantis, secundum quam amatum dicitur esse in amante, sicut & intellectum in intelligente; ita quod cum aliquis se ipsum intelligit, & amat, est in se ipso, non solum per identitatem rei, sed etiam ut intellectum in intelligente, & amatum in amante. Sed ex parte intellectus sunt vocabula adinventata ad significandum respectum intelligentis ad rem intellectam, ut patet in hoc quod dico *intelligere*: & sunt etiam alia vocabula adinventata ad significandum processum intellectualis conceptionis, scilicet ipsum *dicere*, & *verbum*. Unde in divinis *intelligere* solum essentialiter dicitur, quia non importat habitudinem ad Verbum procedens, sed *Verbum* personaliter dicitur, quia significat id quod procedit; ipsum vero *dicere* dicitur notionaliter, quia importat habitudinem principii Verbi ad Verbum ipsum. Ex parte autem voluntatis præter *diligere*, & *amare*, quæ important habitudinem amantis ad rem amatam, non sunt aliqua vocabula imposita, quæ importent habitudinem ipsius impressionis, vel affectionis rei amate, quæ provenit in amante ex hoc quod amat, ad suum principium, aut e converso. Et ideo propter vocabulorum inopiam huiusmodi habitudines significamus vocabulis *amoris*, & *dilectionis*; sicut si Verbum nominarem intelligentiam conceptam, vel sapientiam genitam. Sic igitur inquantum in amore, vel dilectione non importatur nisi habitudo amantis ad rem amatam, *Amor*, & *diligere* essentialiter dicuntur, sicut intelligentia, & intelligere; inquantum vero his vocabulis utimur ad exprimendam habitudinem eius rei quæ procedit per modum amoris, ad suum principium, & e converso, ita quod per amorem intelligatur amor procedens, & per diligere intelligatur spirare amorem procedentem; sic *Amor* est nomen personæ, & *diligere*, vel *amare* est verbum notionale, sicut dicere, vel generare.

Ad primum ergo dicendum, quod Augustinus loquitur de caritate, secundum quod essentialiter sumitur in divinis, ut dictum est (in cor. art. & quæst. xxxiv. art. 2. ad 4.)

Ad secundum dicendum, quod intelligere, & velle, & amare, licet significantur per modum actionum transeuntium in obiecta, sunt tamen actiones manentes in agentibus, ut supra dictum est (quæst. xiv. art. 4.) ita tamen quod in

R 4 ipso

(a) Nicolaus simpliciter.

ipso agente important *habitudinem* quamdam ad obiectum. Unde amor etiam in nobis est aliquid manens in amante, & verbum cordis manens in dicente, tamen cum *habitudine* ad rem verbo expressam, vel amatum. Sed in Deo, in quo nullum est accidens, plus habet: quia tam Verbum, quam Amor est subsistens. Cum ergo dicitur, quod Spiritus sanctus est Amor Patris in Filium, vel in quicumque alium, non significatur aliquid transiens in alium, sed solum *habitus amoris* ad rem amatum: sicut & in Verbo importantur *habitus Verbi* ad rem Verbo expressam.

Ad tertium dicendum, quod Spiritus sanctus dicitur esse nexus Patris, & Filii, in quantum est Amor: quia cum Pater amet unice dilectione se, & Filium, & e converso, importatur in Spiritu sancto, prout est Amor, *habitus Patris* ad Filium, & e converso, ut amantis ad amatum. Sed ex hoc ipso quod Pater & Filius se mutuo amant, oportet quod mutus amor, qui est Spiritus sanctus, ab utroque procedat. Secundum igitur originem Spiritus sanctus non est medius, sed tertia in Trinitate persona; secundum vero praedictam *habitudinem* est medius nexus duorum, ab utroque procedens.

Ad quartum dicendum, quod sicut Filio, licet intelligat, non tamen sibi competit producere verbum, quia intelligere convenit ei ut Verbo procedenti; ita licet Spiritus sanctus amet, essentialiter accipiendo, non tamen convenit ei quod spiraret amorem, quod est diligere notionaliter sumptum: quia sic diligit essentialiter ut Amor procedens, non ut a quo procedit amor.

ARTICULUS II. 199

Utrum Pater, & Filius diligant se Spiritu sancto.

I. dist. XIV. quaest. 1. art. 1. cor. & dist. XXXII. quaest. 1. art. 1. & IV. con. cap. XXIII. in fin. & post. quaest. 11. art. 3. ad 11. & quaest. 1X. art. 9. ad 19.

AD secundum sic proceditur. Videtur quod Pater, & Filius non diligant se Spiritu sancto. Augustinus enim in VII. de Trinit. (cap. 1. in fin.) probat quod Pater non est sapiens sapientia genita. Sed sicut Filius est sapiens sapientia genita, ita Spiritus sanctus est amor procedens, ut dictum est (art. praec. & quaest. xxvii. art. 3.) Ergo Pater, &

Filius non diligunt se amore Procedente, qui est Spiritus sanctus.

2. Praeterea. Cum dicitur, Pater, & Filius diligunt se Spiritu sancto, hoc verbum *diligere* aut sumitur essentialiter, aut notionaliter. Sed non potest esse vera, secundum quod sumitur essentialiter, quia pari ratione posset dici, quod Pater intelligit Filio: neque etiam secundum quod sumitur notionaliter, quia pari ratione posset dici, quod Pater, & Filius spirant Spiritu sancto, vel quod Pater generat Filio. Ergo nullo modo haec est vera: Pater, & Filius diligunt se Spiritu sancto.

3. Praeterea. Eodem amore Pater diligit Filium, & se, & nos. Sed Pater non diligit se Spiritu sancto, quia nullus actus notionalis reflectitur super principium actus: non enim potest dici, quod Pater generat se, vel spirat se. Ergo etiam non potest dici, quod diligit se Spiritu sancto, secundum quod diligere sumitur notionaliter. Item amor, quo diligit nos, non videtur esse Spiritus sanctus: quia importatur respectus ad creaturam, & ita ad essentiam pertinet. Ergo & haec est falsa: Pater diligit Filium Spiritu sancto.

Sed contra est quod Augustinus dicit VI. de Trinitate, (cap. v. in princ.) quod Spiritus sanctus est quo generis a generante diligitur, *genitorioremque suum diligit.*

Respondeo dicendum, quod circa hanc quaestionem difficultatem affert quod cum dicitur, Pater diligit Filium Spiritu sancto, cum ablativus construat in *habitudine* alicuius causae, videtur quod Spiritus sanctus sit principium diligendi & Patri, & Filio: quod est omnino impossibile.

Et ideo quidam dixerunt, hanc esse falsam: Pater, & Filius diligunt se Spiritu sancto: & dicunt hanc esse retractatam ab Augustino in suo simili, cum scilicet retractavit istam: Pater est sapiens sapientia genita. (Habetur Lib. 1. Retract. cap. xxvi. aliquantulum a princ.) Quidam vero dicunt, quod est propositio impropria; & est sic exponenda: Pater diligit Filium Spiritu sancto, id est amore essentiali, qui appropriatur Spiritui sancto. Quidam vero dixerunt, quod ablativus iste construitur in *habitudine* signi, ut sit sensus: Spiritus sanctus est signum, quod Pater diligit Filium, in quantum procedit ab eis Spiritus sanctus ut Amor. Quidam vero dixerunt, quod ablativus iste construitur in *habitudine* causae formalis.

malis : quia Spiritus sanctus est Amor quo formaliter Pater, & Filius se invicem diligunt. Quidam vero dixerunt quod constituitur in habitudine effectus formalis : & isti propinquius ad veritatem accesserunt.

Unde ad huius evidentiam sciendum est, quod cum res communiter denominentur a suis formis, sicut album ab albedine, & homo ab humanitate ; omne illud a quo aliquid denominatur, quantum ad hoc habet habitudinem formæ : ut si dicam, iste est indutus vestimento, iste ablativus constituitur in habitudine causæ formalis, quamvis non sit forma. Contingit autem aliquid denominari per id quod ab ipso procedit, non solum sicut agens actione, sed etiam sicut ipso termino actionis, qui est effectus, quando ipse effectus in intellectu actionis includitur. Dicimus enim, quod ignis est calefaciens calefactione, quamvis calefactio non sit calor, qui est forma ignis, sed actio ab igne procedens : & dicimus, quod arbor est florens floribus, quamvis flores non sint forma arboris, sed quidam effectus ab ipsa procedentes. Secundum hoc ergo dicendum, quod cum *diligere* in divinis dupliciter sumatur, essentialiter scilicet, & notionaliter ; secundum quod essentialiter sumitur, sic Pater, & Filius non diligunt se Spiritu sancto, sed essentia sua. Unde Augustinus in XV. de Trinitat. (cap. vii. inter princip. & med.) *Quis audeat dicere, Patrem nec se, nec Filium, nec Spiritum sanctum diligere nisi per Spiritum sanctum ?* Et secundum hoc procedunt primæ opiniones. Secundum vero quod notionaliter sumitur, sic *diligere* nihil est aliud quam spirare amorem ; sicut dicere est producere verbum, & florere est producere flores. Sicut ergo dicitur arbor florens floribus, ita dicitur Pater dicens Verbo, vel Filio se, & creaturam : & Pater, & Filius dicuntur diligentes Spiritu sancto, vel amore procedente, & se, & nos.

Ad primum ergo dicendum, quod esse sapientem, vel intelligentem in divinis non sumitur nisi essentialiter : & ideo non potest dici, quod Pater sit sapiens, vel intelligens Filio. Sed diligere sumitur non solum essentialiter, sed etiam notionaliter : & secundum hoc possumus dicere, quod Pater, & Filius diligunt se Spiritu sancto, ut dictum est (in corp. art.)

Ad secundum dicendum, quod quando

in intellectu alicuius actionis importatur determinatus effectus, potest denominari principium actionis ab actione, & ab effectu ; sicut possumus dicere, quod arbor est florens floritione, & floribus. Sed quando in actione non includitur determinatus effectus, tunc non potest principium actionis denominari ab effectu, sed solum ab actione. Non enim dicimus, quod arbor producit florem flore, sed productione floris. In hoc igitur quod dico *spirat*, vel *generat*, importatur actus notionalis tantum. Unde non possumus dicere, quod Pater spirat Spiritu sancto, vel generet Filio. Possumus autem dicere, quod Pater dicit Verbo, tamquam persona procedente, & dicit ditione, tamquam actu notionali : quia dicere importat determinatam personam procedentem, cum dicere sit producere verbum. Et similiter diligere, prout notionaliter sumitur, est producere amorem : & ideo potest dici, quod Pater diligit Filium Spiritu sancto tamquam persona procedente, & ipsa dilectione tamquam actu notionali.

Ad tertium dicendum, quod Pater non solum Filium, sed etiam se, & nos diligit Spiritu sancto : quia, ut dictum est (in isto art.) diligere, prout notionaliter sumitur, non solum importat productionem divinæ personæ, sed etiam personam productam per modum amoris, qui habet habitudinem ad rem dilectam. Unde sicut Pater dicit se, & omnem creaturam Verbo quod genuit, inquantum Verbum genitum sufficienter repræsentat Patrem, & omnem creaturam ; ita diligit se, & omnem creaturam Spiritu sancto, inquantum Spiritus sanctus procedit ut amor bonitatis primæ, secundum quam Pater amat se, & omnem creaturam. Et sic etiam pater quod respectus importatur ad creaturam & in Verbo, & in Amore procedente quasi secundario, inquantum scilicet bonitas, & veritas divina est principium intelligendi, & amandi omnem creaturam.

QUAESTIO XXXVII.

De nomine Spiritus sancti, quod est Donum, in duos articulos divisa.

Consequenter quaeritur de Dono : & circa hoc quaeruntur duo.

Primo, utrum Donum possit esse nomen personale.

Secundo, utrum sit proprium Spiritus sancti.

A R-

ARTICULUS I. 200

*Utrum Donum sit nomen personale.**I. dist. xviii. art. 1.*

AD primum sic proceditur. Videtur quod Donum non sit nomen personale. Omne enim nomen personale importat aliquam distinctionem in divinis. Sed nomen Domini non importat aliquam distinctionem in divinis: dicit enim Augustinus XV. de Trinit. (capit. xrx. a med.) quod Spiritus sanctus ita datur sicut Dei Donum, ut etiam se ipsum det sicut Deus. Ergo Donum non est nomen personale.

2. Præterea. Nullum nomen personale convenit essentiae divinæ. Sed essentia divina est Donum, quod Pater dat Filio, ut patet per Hilarium VIII. de Trinit. (circa med. & paulo post.) Ergo Donum non est nomen personale.

3. Præterea. Secundum Damascenum (Lib. IV. cap. xix. a med.) *nihil est subiectum, aut serviens in divinis personis*. Sed Donum importat quamdam subiectionem & ad eum cui datur, & ad eum a quo datur. Ergo donum non est nomen personale.

4. Præterea. Donum importat respectum ad creaturam; & ita videtur de Deo dici ex tempore. Sed nomina personalia dicuntur de Deo ab æterno, ut Pater, & Filius. Ergo Donum non est nomen personale.

Sed contra est quod Augustinus dicit XV. de Trinitat. (loco cit. in arg. 1.) *Sicut corpus carnis nihil aliud est quam caro; sic Donum Spiritus sancti nihil aliud est quam Spiritus sanctus*. Sed Spiritus sanctus est nomen personale. Ergo & Donum.

Respondeo dicendum, quod in nomine Domini importatur aptitudo ad hoc quod donetur. Quod autem donatur, habet aptitudinem, vel habitudinem & ad id a quo datur, & ad id cui datur. Non enim daretur ab aliquo, nisi esset eius; & ad hoc alicui datur ut eius sit. Persona autem divina dicitur esse alicuius vel secundum originem, sicut Filius est Patris, vel in quantum ab aliquo habetur. Habere autem dicimus id quo libere possumus uti, vel frui ut volumus. Et per hunc modum divina persona non potest haberi nisi a rationali creatura Deo coniuncta. Aliæ autem creaturæ moveri quidem possunt a divina persona, non tamen

sic quod in potestate earum sit frui divina persona, & uti effectu eius. Ad quod quandoque pertingit rationalis creatura; ut puta cum sic sit particeps divini Verbi, & procedentis Amoris, ut possit libere Deum vere cognoscere, & recte amare. Unde sola creatura rationalis potest habere divinam personam. Sed ad hoc quod sic eam habeat, non potest propria virtute pervenire: unde oportet quod hoc ei desuper detur: hoc enim dari nobis dicitur quod aliunde habemus. Et sic divinæ personæ competit dari, & esse Donum.

Ad primum ergo dicendum, quod nomen Domini importat distinctionem personalem, secundum quod donum dicitur esse alicuius per originem. Et tamen Spiritus sanctus dat se ipsum, in quantum est sui ipsius, ut potens se uti, vel potius frui; sicut & homo liber dicitur esse sui ipsius. Et hoc est quod Augustinus dicit super Ioan. (træct. xxix. post princ.) *Quid tam tuum est quam tu?* Vel dicendum, & melius, quod donum oportet esse aliquo modo dantis. Sed hoc esse huius dicitur multipliciter. Uno modo per modum identitatis, sicut dicit Augustinus super Ioan. (ibid.) & sic donum non distinguitur a dante, sed ab eo cui datur: & sic dicitur, quod Spiritus sanctus dat se. Alio modo dicitur aliquid esse alicuius ut possessio, vel servus: & sic oportet quod donum essentialiter distinguatur a dante; & sic donum Dei est aliquid creatum. Tertio modo dicitur hoc esse huius per originem tantum; & sic Filius est Patris, & Spiritus sanctus utriusque. In quantum ergo donum hoc modo dicitur esse dantis, sic distinguitur a dante personaliter, & est nomen personale.

Ad secundum dicendum, quod essentia dicitur esse donum patris primo modo, quia essentia est Patris per modum identitatis.

Ad tertium dicendum, quod Donum, secundum quod est nomen personale in divinis, non importat subiectionem, sed originem tantum in comparatione ad dantem; in comparatione vero ad eum cui datur, importat liberum usum, vel fructum, ut dictum est (in corp. artic.)

Ad quartum dicendum, quod donum non dicitur ex eo quod actu datur, sed in quantum habet aptitudinem ut possit dari. Unde ab æterno divina persona dicitur Donum, licet ex tempore detur.

Nec

Nec tamen per hoc quod importatur respectus ad creaturam, oportet quod sit essentialis, sed quod aliquid essentialis in suo intellectu includatur; sicut essentialis includitur in intellectu personarum, ut supra dictum est (quaest. xxix. art. 4. & quaest. xxxiv. art. 3. ad 1.)

ARTICULUS II. 203

Utrum Donum sit proprium nomen Spiritus sancti.

I. dist. xviii. artic. 2. & ver. quæst. vii. artic. 3. ad 3.

AD secundum sic proceditur. Videtur quod Donum non sit proprium nomen Spiritus sancti. Donum enim dicitur ex eo quod datur. Sed, sicut dicitur Isa. ix. 6. *Filius datus est nobis*. Ergo esse Donum convenit Filio, sicut Spiritui sancto.

2. Præterea. Omne nomen proprium alicuius personæ significat aliquam eius proprietatem. Sed hoc nomen *Donum* non significat proprietatem aliquam Spiritus sancti. Ergo donum non est proprium nomen Spiritus sancti.

3. Præterea. Spiritus sanctus potest dici spiritus alicuius hominis; sed non potest dici donum alicuius hominis, sed solum donum Dei. Ergo Donum non est proprium nomen Spiritus sancti.

Sed contra est quod Augustinus dicit in IV. de Trin. (cap. xx. a med.) *Sicut natum esse est (a) Filium a Patre esse; ita Spiritum sanctum Donum Dei esse est a Patre, & Filio procedere*. Sed Spiritus sanctus sortitur proprium nomen, in quantum procedit a Patre, & Filio. Ergo & Donum est proprium nomen Spiritus sancti.

Respondeo dicendum, quod Donum, secundum quod personaliter sumitur in divinis, est proprium nomen Spiritus sancti.

Ad cuius evidentiam sciendum est, quod donum proprie est datio irredibilis, secundum Philosophum (IV. Top. cap. iv.) id est quod non datur intentione retributionis, & sic importat gratuitam donationem. Ratio autem gratuita donationis est amor: ideo enim datus gratis alicui aliquid, quia volumus ei bonum. Primum ergo quod damus ei, est amor, quo volumus ei bonum. Unde manifestum est quod amor habet rationem primi doni, per quod omnia dona gratuita donantur. Unde cum Spiritus sanctus procedat ut amor, sicut iam dictum est (quaest. xxxvii. artic. 1.) pro-

cedit in ratione doni primi. Unde dicit Augustinus XV. de Trinit. (cap. xix. ante med.) quod per *Donum*, quod est *Spiritus sanctus*, multa propria dona dividuntur membris Christi.

Ad primum ergo dicendum, quod sicut Filius, quia procedit per modum verbi, quod de ratione sua habet quod sit similitudo sui principii, dicitur proprie imago, licet etiam Spiritus sanctus sit similis Patri; ita etiam Spiritus sanctus, quia a Patre procedit ut amor, dicitur proprie Donum, licet etiam Filius detur. Hoc enim ipsum quod Filius datur, est ex Patris amore, secundum illud Ioan. iii. 16. *Sic Deus dilexit mundum, ut Filium suum unigenitum daret*.

Ad secundum dicendum, quod in nomine doni importatur quod sit dantis per originem: & sic importatur proprietates originis Spiritus sancti, quæ est processio.

Ad tertium dicendum, quod donum, antequam detur, est tantum dantis; sed postquam datur, est eius cui datur. Quia igitur donum non importat dationem in actu, non potest dici, quod sit donum hominis, sed donum Dei dantis. Cum autem iam datum est, tunc hominis est vel spiritus, vel datum.

QUAESTIO XXXIX.

De personis ad essentialia relatis, in octo articulos divisa.

Post ea quæ de personis divinis absolute tractata sunt, considerandum restat de personis in comparisonem ad essentialia, & ad proprietates, & ad actus notionales, & de comparatione ipsarum ad invicem.

Quantum igitur ad primum horum, octo quaeruntur.

Primo, utrum essentialia in divinis sit idem quod persona.

Secundo, utrum dicendum sit, quod tres personæ sunt unus essentialis.

Tertio, utrum nomina essentialia prædicanda sint de personis in plurali, vel in singulari.

Quarto, utrum adiectiva notionalia, aut verba, vel participia prædicari possint de nominibus essentialibus concretive acceptis.

Quinto, utrum prædicari possint de nominibus essentialibus in abstracto acceptis.

Sexto, utrum nomina personarum prædicanda-

(a) Augustinus Filio.

dicari possint de nominibus essentialibus concretis.

Septimo, utrum essentialia attributa sint approprianda personis.

Octavo, quod attributum cuique personae debeat appropriari.

ARTICULUS I. 203

Utrum in divinis essentia sit idem quod persona.

Supra quaest. 111. art. 3. & I. dist. xxxiv. quaest. 1. art. 1.

AD primum sic proceditur. Videtur quod in divinis essentia non sit idem quod persona. In quibuscumque enim essentia est idem quod persona, seu suppositum, oportet quod sit tantum unum suppositum unius naturae, ut patet in omnibus substantiis separatis: eorum enim quae sunt idem re, unum multiplicari non potest quin multiplicetur & reliquum. Sed in divinis est una essentia, & tres personae, ut ex supradictis patet (quaest. xxx. art. 2. & quaest. xxviii. art. 3.) Ergo essentia non est idem quod persona.

2. Praeterea. Afirmatio, & negatio simul & semel non verificantur de eodem. Sed affirmatio, & negatio verificantur de essentia, & persona: nam persona est distincta, essentia vero non est distincta. Ergo persona, & essentia non sunt idem.

3. Praeterea. Nihil subicitur sibi ipsi. Sed persona subicitur essentiae, unde suppositum, vel hypostasis nominatur. Ergo persona non est idem quod essentia.

Sed contra est quod Augustinus dicit VII. de Trin. (cap. vi. circ. princ.) *Cum dicimus personam Patris, non aliud dicimus quam substantiam Patris.*

Respondeo dicendum, quod considerantibus divinam simplicitatem, quaestio ista in manifesto habet veritatem. Ostensum est enim supra (quaest. 111. art. 3.) quod divina simplicitas hoc requirit quod in Deo sit idem essentia, & suppositum, quod in substantiis intellectualibus nihil est aliud quam persona. Sed difficultatem videtur ingerere quod, multiplicatis personis divinis, essentia retinet unitatem.

Et quia, ut Boetius dicit (Lib. de Trin. non procul a fin.) relatio multiplicat personarum Trinitatem, posuerunt aliqui hoc modo in divinis differre es-

sentiam, & personam, (a) quo & relationes dicebant esse assistentes, considerantes in relationibus solum quod ad alterum sunt, & non quod res sunt.

Sed, sicut supra ostensum est (quaest. xxviii. art. 2.) sicut relationes in rebus creatis accidentaliter insunt, ita in Deo sunt ipsa essentia divina. Ex quo sequitur quod in Deo non sit aliud essentia quam persona secundum rem, & tamen quod personae realiter ab invicem distinguantur. Persona enim, ut dictum est supra (quaest. xxxix. art. 4.) significat relationem; prout est subsistens in natura divina. Relatio autem ad essentiam comparata non differt re, sed ratione tantum. Comparati autem ad oppositam relationem habet virtute oppositionis realem distinctionem. Et sic remanet una essentia, & tres personae.

Ad primum ergo dicendum, quod in creaturis non potest esse distinctio suppositorum per relationes, sed oportet quod sit per essentialia principia, quia relationes non sunt subsistentes in creaturis. In divinis autem relationes sunt subsistentes: ideo, secundum quod habent oppositionem ad invicem, possunt distinguere supposita; neque tamen distinguuntur essentia, quia relationes ipsae non distinguuntur ab invicem, secundum quod sunt realiter idem cum essentia.

Ad secundum dicendum, quod in quantum essentia, & persona in divinis differunt secundum intelligentiae rationem, sequitur quod aliquid possit affirmari de uno quod negatur de altero; & per consequens quod supposito uno non supponatur alterum.

Ad tertium dicendum, quod rebus divinis nomina imponimus secundum modum rerum creaturarum, ut supra dictum est (art. 1. & 3. quaest. xiiii.) Et quia naturae rerum creaturarum individuantur per materiam, quae subicitur naturae speciei, inde est quod individua dicuntur subiecta, vel supposita, vel hypostases. Et propter hoc etiam divinae personae supposita, vel hypostases nominantur, non quod ibi sit aliqua suppositio, vel subiectio secundum rem.

ARTICULUS II. 203

Utrum sit dicendum, tres personas esse unius essentia.

I. dist. XXXIV. quest. 1. art. 2.

AD secundum sic proceditur. Videtur quod non sit dicendum, tres personas esse unius essentiae. Dicit enim Hilarius in Lib. de Synodis (a med.) quod Pater, & Filius, & Spiritus sanctus sunt quidem per substantiam tria, per consonantiam vero unum. Sed substantia Dei est eius essentia. Ergo tres personae non sunt unius essentiae.

1. Præterea. Non est affirmandum aliquid de divinis quod auctoritate Scripturae sacrae non est expressum, ut patet per Dionysium 1. cap. de div. Nominib. (parum a princ.) Sed numquam in Scriptura sacra exprimitur, quod Pater, & Filius, & Spiritus sanctus sunt unius essentiae. Ergo hoc non est asserendum.

3. Præterea. Natura divina est idem quod essentia. Sufficeret ergo dicere, quod tres personae sunt unius naturae.

4. Præterea. Non consuevit dici, quod persona sit essentia; sed magis quod essentia sit personae. Ergo neque convenienter videtur dici, quod tres personae sunt unius essentiae.

5. Præterea. Augustinus (Lib. VII. de Trin. cap. vi. paulo post med.) dicit, quod non dicimus, tres personas esse ex una essentia, ne intelligatur in divinis aliud esse essentia, & personam. Sed sicut præpositiones sunt transitivae, ita (a) & oblique. Ergo pari ratione non est dicendum, quod tres personae sunt unius essentiae.

6. Præterea. Id quod potest esse erroris occasio, non est in divinis dicendum. Sed cum dicuntur tres personae unius essentiae, vel substantiae, datur erroris occasio: quia, ut Hilarius dicit in Lib. de Synod. (ad can. xxvii.) una substantia Patris, & Filii predicata, aut unum, quod duas nomenclationes habet, substantiam significat, aut divinitatem substantiam duas imperfectas fecisse substantias, aut tertiam priorem substantiam, quae a duobus & usurpata sit, & assumpta. Non est ergo dicendum, tres personas esse unius substantiae.

Sed contra est quod Augustinus dicit in Lib. III. contra Maximinum (cap. xiv. ante med.) quod hoc nomen *οὐνοειδὲς*, quod in Concilio Nicæno adversus Arianos

firmatum est, idem significat quod tres personas esse unius essentiae.

Respondetur dicendum, quod, sicut supra dictum est. (quaest. xiii. art. 1. & ii.) intellectus noster res divinas nominat, non secundum modum earum, quia sic eas cognoscere non potest, sed secundum modum in rebus creatis inventum. Et quia in rebus insensibilibus, a quibus intellectus noster scientiam capit, natura alicuius speciei per materiam individuatur, & sic natura se habet ut forma, individuum autem ut suppositum formae; propter hoc etiam in divinis, quantum ad modum significandi, essentia significatur ut forma trium personarum. Dicimus autem in rebus creatis formam quaecumque esse eius cuius est forma, sicut sanitatem, vel pulchritudinem hominis alicuius. Rem autem habentem formam non dicimus esse formae, nisi cum adiectione alicuius adiectivi, quod designat illam formam; ut cum dicimus, ista mulier est egregiae formae, iste homo est perfectae virtutis. Et similiter quia in divinis, multiplicatis personis, non multiplicatur essentia, dicimus, unam essentiam esse trium personarum, & tres personas unius essentiae, ut intelligantur isti genitivi construi in designatione formae.

Ad primum ergo dicendum, quod substantia (b) ibi sumitur pro hypostasi, & non pro essentia.

Ad secundum dicendum, quod licet tres personas esse unius essentiae, non inveniatur in sacra Scriptura per hæc verba; invenitur tamen quantum ad hunc sensum; sicut ibi (Ioan. x. 30.) Ego, & Pater unum sumus: & (ib. x. 38.) Ego in Patre, & Pater in me est: & per multa alia haberi potest idem.

Ad tertium dicendum, quod quia natura designat principium actus, essentia vero ab essendo dicitur; possunt dici aliqua unius naturae, quae conveniunt in aliquo actu, sicut omnia caleficientia; sed unius essentiae dici non possunt, nisi quorum est unum esse. Et ideo magis exprimitur unitas divina per hoc quod dicitur, quod tres personae sunt unius essentiae, quam si diceretur, quod sunt unius naturae.

Ad quartum dicendum, quod forma absolute accepta consuevit significari ut eius cuius est forma, ut virtus Petri; e converso autem res habens formam aliquam non consuevit significari ut eius, nisi cum

vo-

(a) *et*, & oblique. (b) *et*, deest ibi.

volumus determinare, sive designare formam. Et tunc requiruntur duo genitivi, quorum unus significet formam, & alius determinationem formæ; ut si dicatur: Petrus est magnæ virtutis. Vel etiam requiritur unus genitivus habens vim duorum genitivorum; ut cum dicitur: Vir sanguinum est iste, idest effusus multi sanguinis. Quia igitur essentia divina significatur ut forma respectu personæ, convenienter essentia personæ dicitur; non autem e converso, nisi aliquid addatur ad designationem essentia; ut si dicatur, quod Pater est persona divinae essentia, vel quod tres personæ sunt unius essentia.

Ad quantum dicendum, quod hæc præpositio *ex*, vel *de* non designat habitudinem causæ formalis, sed magis habitudinem causæ efficientis, vel materialis. Quæ quidem causæ in omnibus distinguuntur ab his quorum sunt causæ. Nihil enim est sua materia, neque aliquid est suum principium activum; aliquid tamen est sua forma, ut patet in omnibus rebus immaterialibus. Et ideo per hoc quod dicimus tres personas unius essentia, significando essentiam in habitudine formæ, non ostenditur aliud esse essentia quam persona, quod ostenderetur, si diceremus tres personas ex eadem essentia.

Ad sextum dicendum, quod, sicut Hilarius dicit in Lib. de Synod. (ante fin. Lib.) male sanctis rebus præiudicatur, si, quia non sancta a quibusdam habentur, esse non debeant. Sic si male intelligitur *quia non debent*, quid ad me bene intelligentem? Et sup. Sit ergo una substantia ex una geniti proprietate, non sit autem ex proportionem, aut ex unionem, aut ex communionem.

ARTICULUS III.

Utrum nomina essentialia prædicentur singulariter de tribus personis.

I. dist. IV. quæst. II. art. 2. ad 5. & Boet. Trin. quæst. I. art. 4.

AD tertium sic proceditur. Videtur quod nomina essentialia, ut hoc nomen *Deus*, non prædicentur singulariter de tribus personis, sed pluraliter. Sicut enim homo significatur ut habens humanitatem, ita *Deus* significatur ut habens Deitatem. Sed tres personæ sunt tres habentes Deitatem. Ergo tres personæ sunt tres dii.

2. Præterea. Gen. I. ubi dicitur: *In*

principio creavit Deus caelum, & terram, hebrea veritas habet *ברייה*, quod potest interpretari dii, sive iudices. Et hoc dicitur propter pluralitatem personarum. Ergo tres personæ sunt plures dii, & non unus Deus.

3. Præterea. Hoc nomen *res*, cum absolute dicitur, videtur ad substantiam pertinere. Sed hoc nomen pluraliter prædicatur de tribus personis: dicit enim Augustinus in Lib. I. de doctr. christiana (cap. v. in princ.) *Res quibus fruendum est, sunt Pater, & Filius, & Spiritus sanctus*. Ergo & alia nomina essentialia pluraliter prædicari possunt de tribus personis.

4. Præterea. Sicut hoc nomen *Deus* significat habentem Deitatem, ita hoc nomen *persona* significat libitatem in natura aliqua intellectuali. Sed dicimus tres personas. Ergo eadem ratione dicere possumus tres deos.

Sed contra est quod dicitur Deut. vi. *Audi Israel, Dominus Deus tuus Deus unus est*.

Respondeo dicendum, quod nomina essentialium quædam significant essentiam substantive, quædam vero adiective. Iam quidem quæ substantive essentiam significant, prædicantur de tribus personis singulariter tantum, & non pluraliter: quæ vero adiective essentiam significant, prædicantur de tribus personis in plurali.

Cuius ratio est, quia nomina substantiva significant aliquid per modum substantiæ, nomina vero adiectiva significant aliquid per modum accidentis, quod inhæret subiecto. Substantia autem sicut per se habet esse, ita per se habet unitatem, vel multitudinem: unde & singularitas, vel pluralitas nominis substantivi attenditur secundum formam significatam per nomen. Accidentia autem, sicut esse habent in subiecto, ita ex subiecto suscipiunt unitatem, vel multitudinem: & ideo in adiectivis attenditur singularitas, & pluralitas secundum supposita. In creaturis autem non invenitur una forma in pluribus suppositis, nisi unitate ordinis, ut formæ multitudinis ordinatæ. Unde nomina significantia talem formam, si sint substantiva, prædicantur de pluribus in singulari, non autem si sint adiectiva: dicimus enim, quod multi homines sunt collegium, vel exercitus, aut populus; dicimus tamen, quod plures homines sunt collegiati. In divinis autem essen-

tia

tia divina significatur per modum formæ, ut dictum est (art. præc. & quæst. 111. art. 3.) quæ quidem simplex est, & maxime una, ut supra ostensum est (quæst. 111. art. 7. & quæst. 11. art. 4.) Unde nomina significantia divinam essentiam substantive singulariter, & non pluraliter de tribus personis prædicantur. Hæc igitur est ratio, quare Socratem, & Platonem, & Ciceronem dicimus tres homines; Patrem autem, & Filium, & Spiritum sanctum non dicimus tres Deos, sed unum Deum: quia in tribus suppositis humanæ naturæ sunt tres humanitates; in tribus autem personis est una divina essentia. Ea vero quæ significant essentiam adiective, prædicantur pluraliter de tribus propter pluralitatem suppositorum. Dicimus enim tres existentes, vel tres sapientes, aut tres æternos, & increatos, & immensos, si adiective sumantur. Si vero substantive sumantur, dicimus unum increatum, immensum, & æternum, ut Athanasius dicit (in symbolo fid.)

Ad primum ergo dicendum, quod liceat Deus significet habentem Deitatem, est tamen alius modus significandi. Nam Deus dicitur substantive; sed habens Deitatem dicitur adiective. Unde licet sint tres habentes Deitatem, non tamen sequitur quod sint tres dii.

Ad secundum dicendum, quod diversæ lingæ habent diversum modum loquendi. Unde sicut propter pluralitatem suppositorum Græci dicunt tres hypostases; ita & in Hebræo dicuntur pluraliter *אבות*. Nos autem non dicimus pluraliter neque deos, neque substantias, ne pluralitas ad substantiam refertur.

Ad tertium dicendum, quod hoc nomen *res* est de transcendentibus. Unde secundum quod pertinet ad relationem, pluraliter prædicatur in divinis; secundum vero quod pertinet ad substantiam, singulariter prædicatur. Unde Augustinus dicit ibidem (loc. cit. in arg.) quod *eadem Trinitas quædam summa res est*.

Ad quartum dicendum, quod forma significata per hoc nomen *persona*, non est essentia, vel natura, sed personalitas. Unde cum sint tres personalitates, id est tres personales proprietates in Patre, & Filio, & Spiritu sancto, non singulariter, sed pluraliter prædicatur de tribus.

ARTICULUS IV. 205

Utrum nomina essentialia concreta possint supponere pro persona.

I. dist. 14. quæst. 1. art. 1.

AD quartum sic proceditur. Videtur quod nomina essentialia concreta non possint supponere pro persona, ita quod hæc sit vera, Deus genuit Deum. Quia, ut philosophæ dicunt, terminus singularis idem significat, & supponit. Sed hoc nomen *Deus* videtur esse terminus singularis, cum pluraliter prædicari non possit, ut dictum est (artic. præc. & quæst. 111. art. 9.) Ergo cum significet essentiam, videtur quod supponat pro essentia, & non pro persona.

2. Præterea. Terminus in subiecto positus non restringitur per terminum positum in prædicato ratione significationis, sed solum ratione temporis consignificati. Sed cum dico, Deus creat, hoc nomen *Deus* supponit pro essentia. Ergo cum dicitur, Deus genuit, non potest iste terminus *Deus* ratione prædicati notionalis supponere pro persona.

3. Præterea. Si hæc est vera, Deus genuit, quia Pater generat, pari ratione hæc erit vera, Deus non generat, quia Filius non generat. Ergo est Deus generans, & Deus non generans; & ita videtur sequi quod sint duo dii.

4. Præterea. Si Deus genuit Deum, aut se Deum, aut alium Deum. Sed non se Deum, quia, ut Augustinus dicit in I. de Trin. (cap. 1. ante med.) *nulla res generat se ipsam*: neque alium Deum, quia non est nisi unus Deus. Ergo hæc est falsa, Deus genuit Deum.

5. Præterea. Si Deus genuit Deum, aut Deum qui est Deus Pater, aut Deum qui non est Deus Pater. Si Deum qui est Deus Pater; ergo Deus Pater est genitus. Si Deum qui non est Deus Pater, ergo Deus est qui non est Deus Pater, quod est falsum. Non ergo potest dici, quod Deus genuit Deum.

Sed contra est quod in symbolo dicitur, *Deum de Deo*.

Respondeo dicendum, quod quidam dixerunt, quod hoc nomen *Deus*, & similia proprie secundum suam naturam supponunt pro essentia, sed ex adiuncto notionali trahuntur ad supponendum pro persona. Et hæc opinio processisse videtur ex consideratione divinæ simplicitatis, quæ requirit quod in Deo idem sit habens, & quod habetur. Et sic habens Dei-

Deitatem, quod significat hoc nomen *Deus*, est idem quod Deitas.

Sed in proprietatibus locutionum non tantum attendenda est res significata, sed etiam modus significandi. Et ideo quia nomen *Deus* significat divinam essentiam ut in habente ipsam, sicut hoc nomen *homo* humanitatem significat in supposito; alii melius dixerunt, quod hoc nomen *Deus* ex modo signifiandi habet ut proprie possit supponere pro persona, sicut & hoc nomen *homo*. Quandoque ergo hoc nomen *Deus* supponit pro essentia, ut cum dicitur, *Deus creat*: quia hoc prædicatum competit subiecto ratione formæ significatæ, quæ est Deitas. Quandoque vero supponit pro persona, vel una tantum, ut cum dicitur, *Deus generat*; vel duabus, ut cum dicitur: *Deus spirat*; vel tribus, ut cum dicitur, *Regi sæculorum immortalis, invisibilis, soli Deo honor & gloria*: I. Timoth. 1. 17.

Ad primum ergo dicendum, quod hoc nomen *Deus* licet conveniat cum terminis singularibus in hoc quod forma significata non multiplicatur; convenit tamen cum terminis communibus in hoc quod forma significata invenitur in pluribus suppositis. Unde non oportet quod semper supponat pro essentia, quam significat.

Ad secundum dicendum, quod obiectio illa procedit contra illos qui dicebant, quod hoc nomen *Deus* non habet naturalem suppositionem pro persona.

Ad tertium dicendum, quod aliter se habet hoc nomen *Deus* ad supponendum pro persona, & hoc nomen *homo*. Quia enim forma significata per hoc nomen *homo*, idest humanitas, realiter dividitur in diversis suppositis, per se supponit pro persona, etiam si nihil addatur quod determinet ipsum ad personam, quæ est suppositum distinctum. Unitas autem, sive communitas humanæ naturæ non est secundum rem, sed solum secundum considerationem. Unde iste terminus *homo* non supponit pro natura communi, nisi propter exigentiam alicuius additi; ut cum dicitur, *Homo est species*. Sed forma significata per hoc nomen *Deus*, scilicet essentia divina, est una, & communis secundum rem. Unde per se supponit pro natura communi, sed ex adiuncto determinatur eius suppositum ad personam. Unde cum dicitur, *Deus generat*, ratione actus notionalis supponit hoc nomen *Deus* pro persona Patris. Sed cum dicimus, *Deus non generat*, nihil

additur quod determinet hoc nomen ad personam Filii: unde datur intelligi, quod generatio repugnet divinæ naturæ. Sed si addatur aliquid pertinens ad personam Filii, vera erit locutio; ut si dicatur, *Deus genitus non generat*. Unde non sequitur, *Est Deus generans, & Deus non generans*, nisi ponatur aliquid pertinens ad personas, ut puta si dicamus, *Pater est Deus generans, & Filius est Deus non generans*. Et ita non sequitur quod sint plures dii: quia Pater, & Filius sunt unus Deus, ut dictum est (art. præc.)

Ad quartum dicendum, quod hæc est falsa, *Pater genuit se Deum*, quia *ly se*, cum sit reciprocum, refert idem suppositum. Neque est contrarium quod Augustinus dixit (in epist. ad Maxim. paulo ante med.) quod *Deus Pater genuit alterum se*: quia *ly se* vel est casus ablativi, ut sic sensus, genuit alterum a se; vel facit relationem simplicem, & sic refert identitatem naturæ, sed est impropria, vel emphatica locutio, ut sit sensus, genuit alterum simillimum sibi. Similiter & hæc est falsa, *Genuit alium Deum*: quia licet Filius sit alius a Patre, ut supra dictum est (quæst. xxxi. art. 2.) non tamen est dicendum, quod sit alius Deus, quia intelligeretur quod hoc adiectivum *alium* poneret rem suam circa substantivum, quod est Deus, & sic significaretur distinctio Deitatis. Quiddam tamen concedunt istam, *Genuit alium Deum*, ita quod *ly alium* sit substantivum, & *ly Deus* appositivè construatur cum eo. Sed hic est improprius modus loquendi, & evitandus, ne detur occasio erroris.

Ad quintum dicendum, quod hæc est falsa: *Deus genuit Deum*, qui est Deus Pater: quia cum *ly Pater* appositivè construatur cum *ly Deus*, restringit ipsum ad standum pro persona Patris; ut sit sensus: *Genuit Deum*, qui est ipse Pater: & sic Pater esset genitus, quod est falsum. Unde negativa est vera: *Genuit Deum*, qui non est Deus Pater. Si tamen intelligeretur constructio non esse appositiva, sed aliquid esse interponendum, tunc e converso affirmativa esset vera, & negativa falsa, ut sit sensus: *Genuit Deum*, qui est Deus, qui est Pater: sed hæc est exorta expozitio. Unde melius est quod simpliciter affirmativa negetur, & negativa concedatur. Præpositivus tamen dixit, quod tam negativa, quam affirmativa est falsa: quia hoc

recla-

relativum qui in affirmativa potest referre suppositum, sed in negativa refert & significatum, & suppositum. Unde sensus affirmativæ est, quod esse Deum Patrem conveniat personæ Filii. Negativæ vero sensus est, quod esse Deum Patrem non tantum removeatur a persona Filii, sed etiam a Divinitate eius. Sed hoc irrationabile videtur, cum secundum Philosophum (Lib. II. Perihier. cap. ult.) de eodem de quo est affirmatio, possit etiam esse negatio.

ARTICULUS V. 206

Utrum nomina essentialia in abstracto significata possint supponere pro persona.

I. dist. V. quest. 1. art. 1.

AD quintum sic proceditur. Videtur quod nomina essentialia in abstracto significata possint supponere pro persona, ita quod hæc sit vera: Essentialia generat essentiam. Dicit enim Augustinus VII. de Trinit. (cap. 1. circa fin. & cap. 11. in princip.) *Pater, & Filius sunt una sapientia, quia una essentia, & singulorum sapientia de sapientia, sicut essentia de essentia.*

2. Præterea. Generatis nobis, vel corruptis, generantur, vel corrumpuntur ea quæ in nobis sunt. Sed Filius generatur. Ergo cum essentia divina sit in Filio, videtur quod essentia divina generetur.

3. Præterea. Idem est Dens, & essentia divina, ut ex supra dictis patet (quest. III. artic. 3. & 4.) Sed hæc est vera, Deus generat Deum, sicut dictum est (artic. præc.) Ergo hæc est vera, Essentia generat essentiam.

4. Præterea. De quocumque prædicatur aliquid, potest supponere pro illo. Sed essentia divina est Pater. Ergo essentia potest supponere pro persona Patris; & sic essentia generat.

5. Præterea. Essentia est res generans, quia est Pater, qui est generans. Si igitur essentia non sit generans, erit essentia res generans, & non generans: quod est impossibile.

6. Præterea. Augustinus dicit in IV. de Trinit. (cap. xx. declinando ad fin.) *Pater est principium totius Deitatis.* Sed non est principium nisi generando, vel spirando. Ergo Pater generat, vel spirat Deitatem.

Sed contra est quod Augustinus dicit in I. de Trin. (cap. 1. ante med.) quod nulla res generat se ipsam. Sed si essentia

generat essentiam, non generat nisi se ipsam, cum nihil sit in Deo quod distinguatur a divina essentia. Ergo essentia non generat essentiam.

Respondeo dicendum, quod circa hoc erravit Abbas Ioachim asserens, quod sicut dicitur, Deus genuit Deum; ita potest dici, quod essentia genuit essentiam: considerans quod propter divinam simplicitatem non est aliud Deus quam divina essentia.

Sed in hoc deceptus fuit, quia ad veritatem locutionum non solum oportet considerare res significatas, sed etiam modum significandi, ut dictum est (artic. præc.) Licet autem secundum rem sit idem Deus quod Deitas; non tamen est idem modus significandi utrobique. Nam hoc nomen *Deus*, quia significat divinam essentiam ut in habente, ex modo sue significationis naturaliter habet quod possit supponere pro persona. Et sic ea quæ sunt propria personarum, possunt prædicari de hoc nomine *Deus*; ut dicatur, quod Deus est genitus, vel generans, sicut dictum est (artic. præc.) Sed hoc nomen *essentia* non habet ex modo sue significationis quod supponat pro persona, quia significat essentiam ut formam abstractam. Et ideo ea quæ sunt propria personarum, quibus ab invicem distinguuntur, non possunt essentia attribui. Significaretur enim quod esset distinctio in essentia divina, sicut est distinctio in suppositis.

Ad primum ergo dicendum, quod ad exprimendam unitatem essentie, & personæ, sancti doctores aliquando expressius locuti sunt quam proprietas locutionis patitur. Unde huiusmodi locutiones non sunt extendendæ, sed exponendæ; ut scilicet nomina abstracta exponantur per concreta, vel etiam per nomina personalia; ut cum dicitur, Essentia de essentia, vel sapientia de sapientia, sit sensus, Filius, qui est essentia, & sapientia, est de Patre, qui est essentia, & sapientia. In his tamen nominibus abstractis est quidam ordo attendendus: quia ea quæ pertinent ad actum, magis propinque le habent ad personas, quia actus sunt suppositorum. Unde minus impropria est ista, Natura de natura, vel Sapientia de sapientia, quam Essentia de essentia.

Ad secundum dicendum, quod in creaturis generatum non accipit naturam eandem numero quam generans habet, sed aliam numero, quæ incipit in eo

S esse

esse per generationem de novo, & deficit esse per corruptionem; & ideo generatur, & corrumpitur per accidens: sed Deus genitus eamdem naturam numero accipit quam generans habet; & ideo natura divina in Filio non generatur neque per se, neque per accidens.

Ad tertium dicendum, quod licet Deus, & divina essentia sint idem secundum rem, tamen ratione alterius modi significandi, oportet loqui diversimode de utroque.

Ad quartum dicendum, quod essentia divina prædicatur de Patre per modum identitatis propter divinam simplicitatem; nec tamen sequitur quod possit supponere pro Patre propter diversum modum significandi. Ratio autem procederet in illis quorum unum prædicatur de altero, sicut universale de particulari.

Ad quintum dicendum, quod hæc est differentia inter nomina substantiva, & adiectiva, quia nomina substantiva ferunt suum suppositum, adiectiva vero non, sed rem significatam ponunt circa substantivum. Unde philosophi dicunt, quod nomina substantiva supponunt, adiectiva vero non supponunt, sed copulant. Nomina igitur personalia substantiva possunt de essentia prædicari propter identitatem rei. Neque sequitur quod proprietas personalis (a) distinctam determinet essentiam. Sed ponitur circa suppositum, importatum per nomen substantivum. Sed notionalia, & personalia adiectiva non possunt prædicari de essentia, nisi aliquo substantivo adiuncto. Unde non possumus dicere, quod essentia est generans; possumus tamen dicere, quod essentia est res generans, vel Deus generans, si res, & Deus supponant pro persona, non autem si supponant pro essentia. Unde non est contradictio, si dicitur, quod essentia est res generans, & res non generans: quia primo res tenetur pro persona, secundo pro essentia.

Ad sextum dicendum, quod Deitas, inquantum est una in pluribus suppositis, habet quandam convenientiam cum forma nominis collectivi. Unde cum dicitur, Pater est principium totius Deitatis, potest sumi pro universitate personarum, inquantum scilicet in omnibus personis divinis ipse est principium. Nec oportet quod sit principium sui ipsius,

sicut aliquis de populo dicitur rector totius populi, non tamen sui ipsius. Vel potest dici, quod est principium totius Deitatis, non quia eam generet, & spiraret, sed quia eam generando, & spirando communicat.

ARTICULUS VI. 207

Utrum persone possint prædicari de nominibus essentialibus.

I. dist. XLVIII. quæst. II. art. 2. ad 3.

AD sextum sic proceditur. Videtur quod persone non possint prædicari de nominibus essentialibus concretis, ut dicatur, Deus est tres persone, vel est Trinitas. Hæc enim est falsa, Homo est omnis homo, quia pro nullo supposito verificari potest. Neque enim Socrates est omnis homo, neque Plato, neque aliquis alius. Sed similiter ista, Deus est Trinitas, pro nullo supposito naturæ divinæ verificari potest. Neque enim Pater est Trinitas, neque Filius, neque Spiritus sanctus. Ergo hæc est falsa, Deus est Trinitas.

a. Præterea. Inferiora non prædicantur de suis superioribus nisi accidentaliter prædicatione, ut cum dico, Animal est homo: accidit enim animali esse hominem. Sed hoc nomen *Deus* habet ad tres personas sicut commune ad inferiora, ut Damascenus dicit (Lib. III. orthod. Fid. cap. IV. circa princ.) Ergo videtur quod nomina personarum non possint prædicari de hoc nomine *Deus* nisi accidentaliter.

Sed contra est quod Augustinus dicit (in serm. II. in cen. Dom.) *Credimus unum Deum unam esse divini nominis Trinitatem.*

Respondeo dicendum, quod, sicut iam dictum est (art. præc.) licet nomina personalia, vel notionalia adiectiva non possint prædicari de essentia, tamen substantiva possunt propter realem identitatem essentiae, & personæ. Essentia autem divina non solum idem est realiter cum una persona, sed cum tribus. Unde & una persona, & duæ, & tres possunt de essentia prædicari; ut si dicamus, Essentia est Pater, & Filius, & Spiritus sanctus. Et quia hoc nomen *Deus* per se habet quod supponat pro essentia, ut dictum est (art. 4. huius quæst. ad 3.) ideo sicut hæc est vera, Essentia est tres persone; ita hæc est vera, Deus est tres persone.

Ad

Ad primum ergo dicendum, quod, sicut supra dictum est (ibid.) hoc nomen *homo* per se habet supponere pro persona, sed ex adiuncto habet quod stet pro natura communi; & ideo hæc est fallia, Homo est omnis homo, quia pro nullo supposito verificari potest. Sed hoc nomen *Deus* per se habet quod stet pro essentia: unde licet pro nullo supposito rum divinæ naturæ hæc sit vera, Deus est Trinitas; est tamen vera pro essentia: quod non attendens Porretanus, eam negavit.

Ad secundum dicendum, quod cum dicitur, Deus, vel divina essentia est Pater, est prædicatio pro identitate, non autem sicut inferioris de superiori: quia in divinis non est universale, & singulare. Unde sicut est per se ista, Pater est Deus; ita & ista, Deus est Pater, & nullo modo per accidens.

ARTICULUS VII. 208

Utrum nomina essentialia sint approprianda personis.

I. diff. XXXI. quæst. 1. art. 2.

AD septimum sic proceditur. Videtur quod nomina essentialia non sint approprianda personis. Quod enim potest vergere in errorem fidei, vitandum est in divinis: quia, ut Hieronymus dicit (refertur a Magist. Senr. Lib. IV. diff. xxi. in fin. sed in Hieronymo nullibi occurrit): *Ex verbis inordinate prolatis incurritur hæresis*. Sed ea quæ sunt communia tribus personis, appropriare alicui, potest vergere in errorem fidei: quia potest intelligi quod vel illi tantum personæ conveniant qui appropriantur, vel quod magis conveniant ei quam aliis. Ergo essentialia attributa non sunt approprianda personis.

2. Præterea. Essentialia attributa in abstracto significata significant per modum formæ. Sed una persona non se habet ad aliam ut forma, cum forma ab eo cuius est forma, supposito non distinguitur. Ergo essentialia attributa maxime in abstracto significata non debent appropriari personis.

3. Præterea. Proprius prius est appropriato: proprium enim est de ratione appropriati. Sed essentialia attributa secundum modum intelligendi sunt priora personis, sicut commune est prius pro-

prio. Ergo essentialia attributa non debent esse (a) appropriata.

Sed contra est quod Apostolus dicit I. Corinuth. 1. 24. *Christum Dei virtutem, & Dei sapientiam*.

Respondeo dicendum, quod ad manifestationem fidei conveniens fuit essentialia attributa personis appropriari. Licet enim Trinitas personarum demonstratione probari non possit, ut supra dictum est (quæst. xxxii. art. 1.) convenit tamen ut per aliqua magis manifesta declaratur. Essentialia vero attributa sunt nobis magis manifesta secundum rationem quam propria personarum: quia ex creaturis, ex quibus cognitionem accipimus, possumus per certitudinem devenire in cognitionem essentialium attributorum, non autem in cognitionem personalium proprietatum, ut supra dictum est (ibidem.) Sicut igitur similitudine vestigii, vel imaginis in creaturis inventa utimur ad manifestationem divinarum personarum, ita & essentialibus attributis. Et hæc manifestatio personarum per essentialia attributa appropriatio nominatur.

Possunt autem manifestari personæ divinæ per essentialia attributa dupliciter. Uno modo per viam similitudinis, sicut ea quæ pertinent ad intellectum, appropriantur Filio, qui procedit per modum intellectus ut verbum. Alio modo per modum dissimilitudinis, sicut potentia appropriatur Patri, ut Augustinus dicit, quia apud nos patres solent esse propter senectutem infirmi, ne tale aliquid suspicemur in Deo.

Ad primum ergo dicendum, quod essentialia attributa non sic appropriantur personis ut eis esse propria asserantur, sed ad manifestandum personas per viam similitudinis, vel dissimilitudinis, ut dictum est (in corp. art.) Unde nullus error fidei sequitur, sed magis manifestatio veritatis.

Ad secundum dicendum, quod sic appropriantur essentialia attributa personis quod essent eis propria, sequeretur quod una persona se haberet ad aliam in habitudine formæ: quod excludit Augustinus in VI. de Trinit. (cap. 11.) ostendens, quod Pater non est sapientia quam genuit, quasi solus Filius sit sapientia; ut sic Pater, & Filius simul tantum possint dici sapientia, non autem Pater sine Filio. Sed Filius dicitur sapientia Patris, quia est sapientia de Patre sapientia.

S. 2. Utter

(a) Ita edd. Almon. cum edid. Revu. & Passav. at MS. Camer. Theolog. Lavantenses & Duocent. ac Nicolaus appropriata personis.

Uterque enim per se est sapientia, & simul ambo una sapientia. Unde Pater non est sapiens sapientia quam genuit, sed sapientia quæ est sua essentia.

Ad tertium dicendum, quod licet essentialiter attributum secundum rationem propriam sit prius quam persona secundum modum intelligendi; tamen, in quantum habet rationem appropriati, nihil prohibet propriam personam esse prius quam appropriatum: sicut color posterior est corpore, in quantum est corpus; prius tamen est naturaliter corpore albo, in quantum est album.

ARTICULUS VIII. 209

Utrum convenienter a sacris doctoribus sint, essentialia personis attributa.

I. dist. 11. quæst. un. art. 3. & dist. 117. quæst. 11. art. 1. & dist. xxxiv. quæst. 11. art. unico.

AD octavum sic proceditur. Videtur quod inconvenienter a sacris doctoribus sint essentialia personis attributa. Dicit enim Hilarius in II. de Trinit. (Paulo post princ.) *Aeternitas est in Patre, species in imagine, usus in munere.* In quibus verbis ponit tria nomina propria personarum, scilicet nomen Patris, & nomen imaginis, quod est proprium Filio, ut supra dictum est (quæst. xxxv. art. 2.) & nomen muneris, sive donum, quod est proprium Spiritus sancti, ut supra habitum est (quæst. xxxviii. art. 2.) Ponit etiam tria appropriata. Nam *aeternitatem* appropriat Patri, *speciem* Filio, *usum* Spiritui sancto. Et videtur quod irrationabiles. Nam *aeternitas* importat durationem essendi, *species* vero est essendi principium, *usus* vero ad operationem pertinere videtur. Sed essentia, & operatio nulli personæ appropriari videntur. Ergo inconvenienter videntur ista appropriata personis.

2. Præterea. Augustinus in I. de doctr. christi. (cap. v. in fin.) sic dicit: *In Patre est unitas, in Filio aequalitas, in Spiritu sancto aequalitas, unitatisque concordia.* Et videtur quod inconvenienter. Quia una persona non denominatur formaliter per id quod appropriatur alteri: non enim est sapiens Pater sapientia genita, ut dictum est (art. præc. ad 2. & quæst. xxxvii. art. 2. arg. 1.) Sed, sicut ibidem subditur, *tria hæc omnia unum sunt propter Patrem, aequalia omnia propter Filium, connexa omnia propter Spiritum sanctum.* Non ergo convenienter appropriantur personis.

3. Item. Secundum Augustinum Patri attribuitur *potentia*, Filio *sapientia*, Spiritui sancto *bonitas*. Et videtur hoc esse inconvenientis. Nam virtus ad potentiam pertinet. Virtus autem invenitur appropriari Filio, secundum illud I. ad Corinth. 1. 24. *Christum Dei virtutem*; & etiam Spiritui sancto, secundum illud Luc. vi. 19. *Virtus de illo exibat*; & *sanctabat omnes*. Non ergo potentia Patri est approprianda.

4. Item Augustinus in Lib. VI. de Trinit. (cap. x. in fine) dicit: *Non confisce accipiendum est, quod ait Apostolus: Ex ipso, & per ipsum, & in ipso. Ex ipso dicens, propter Patrem: Per ipsum, propter Filium. In ipso, propter Spiritum sanctum.* Sed videtur quod inconvenienter. Quia per hoc quod dicit *in ipso*, videtur importari habitudo causæ finalis, quæ est prima causarum. Ergo ista habitudo causæ deberet appropriari Patri, qui est principium non de principio.

5. Item. Invenitur *veritas* appropriari Filio secundum illud Ioann. xiv. 6. *Ego sum via, veritas, & vita*; & similiter *liber vita*, secundum illud Psalm. xxxix. 9. *In capite libri scriptum est de me: Glossa (ordinar.)*, idest apud Patrem, qui est, caput meum: " & similiter hoc quod dicitur, *qui est*: quia super illud Isa. lxxv. 1. *Ecce ego ad gentes*, dicit Glossa (interl.) " *Filius loquitur, qui dixit Moyses: Ego sum qui sum.* " Sed videtur quod propria sint Filii, & non appropriata. Nam *veritas* secundum Augustinum in Lib. de vera religione (cap. xxxvi. circa med.) *est summa similitudo principii absque omni dissimilitudine.* Et sic videtur quod proprie conveniat Filio, qui habet principium. *Libet etiam vita* videtur proprium aliquid esse. quia significat ens ab alio: omnis enim liber ab aliquo scribitur. Hoc etiam ipsum qui est videtur esse proprium Filio: quia si cum Moysi dicitur, *Ego sum, qui sum*, loquitur Trinitas; ergo Moyses poterat dicere: Ille qui est Pater, & Filius, & Spiritus sanctus, misit me ad vos. Ergo & ulterius dicere poterat: Ille qui est Pater, & Filius, & Spiritus sanctus, misit me ad vos, demonstrando eertam personam. Hoc autem est falsum, quia nulla persona est Pater, & Filius, & Spiritus sanctus. Non ergo potest esse commune Trinitati, sed est proprium Filii.

Respondeo dicendum, quod intellectus noster, qui ex creaturis in Dei cognitionem manuducitur, oportet quod Deum

con-

consideret secundum modum quem ex creaturis assumit. In consideratione autem alicuius creaturæ quatuor per ordinem nobis occurrunt. Nam primo consideratur res ipsa absolute, in quantum est ens quoddam. Secunda autem consideratio rei est, in quantum est una. Tertia consideratio rei est, secundum quod inest ei virtus ad operandum, & ad causandum. Quarta autem consideratio est secundum habitudinem quam habet ad causata. Unde hæc etiam quadruplex consideratio circa Deum nobis occurrit.

Secundum igitur primam considerationem, qua consideratur absolute Deus secundum esse suum, sic sumitur appropriatio Hilarii, secundum quam *aternitas* appropriatur Patri, *species* Filio, *usus* Spiritui sancto. *Aternitas* enim, in quantum significat esse non principiatum, similitudinem habet cum proprio Patre, qui est principium non de principio; *species* autem, sive pulchritudo habet similitudinem cum propriis Filiis. Nam ad pulchritudinem tria requiruntur. Primo quidem integritas, sive perfectio, quæ enim diminuta sunt, hoc ipso turpia sunt; & debita proportio, sive consonantia; & iterum claritas, unde quæ habent colorem nigrum, pulchra esse dicuntur.

Quantum igitur ad primum, similitudinem habet cum proprio Filio, in quantum est Filius habens in se vere & perfecte naturam Patris. Unde ad hoc innuendum Augustinus in sua expositione (Lib. VI. de Trinit. cap. x. paulo a princ.) dicit: *Ubi*, scilicet in Filio, *summa*, & *perfecta vita est* &c.

Quantum vero ad secundum, convenit cum proprio Filio, in quantum est imago expressa Patris. Unde videmus quod aliqua imago dicitur esse pulchra, si perfecte representat rem, quamvis turpem. Et hoc tetigit Augustinus (loco nunc proxime cit.) cum dicit: *Ubi est tanta convenientia*, & *prima aequalitas* &c.

Quantum vero ad tertium, convenit cum proprio Filio, in quantum est Verbum, quod quidem lux est, & splendor intellectus, ut Damascenus dicit (Lib. I. cap. xviii. parum ant. med.) Et hoc tangit Augustinus (loco nunc proxime dicto) cum dicit: *Tanquam verbum perfectum*, cui non desit aliquid, & *ars quadam omnipotentis Dei* &c.

Ubi autem habet similitudinem cum propriis Spiritus sancti, largo modo accipiendo usum, secundum quod nri com-

S. Tho. Oper. Tom. XX.

prehendit sub se etiam *frui*, prout utique assumere aliquid in facultatem voluntatis, & *frui* est cum gaudio uti, ut Augustinus X. de Trinit. (cap. xi. ante med.) dicit. Usus ergo quo Pater, & Filius se invicem fruuntur, convenit cum proprio Spiritus sancti, in quantum est amor. Et hoc est quod Augustinus dicit (Lib. VI. de Trinit. cap. x. in med.) *Ille dilectio, delectatio, felicitas, vel beatitudo, usus ab illo appellatur est*. Usus vero, (a) quo nos fruimur Deo, similitudinem habet cum proprio Spiritus sancti, in quantum est donum: & hoc ostendit Augustinus (ibid.) cum dicit: *Est in Trinitate Spiritus sanctus, genitoris, genitque suavitatis, ingenii largitatis, atque ubertatis nos, vel creaturas perfundens*. Et sic patet quare *aternitas*, *species*, & *usus* personis attribuantur, vel approprientur, non autem essentia, vel operatio: quia in ratione horum, propter sui communitatem, non invenitur aliquid similitudinem habens cum propriis personarum.

Secunda vero consideratio Dei est, in quantum consideratur ut unus: & sic Augustinus (Lib. I. de doctrin. chr. cap. v. in fin.) Patri appropriat *unitatem*, Filio *aequalitatem*, Spiritui sancto *concordiam*, sive *connexionem*: Quæ quidem tria unitatem importare manifestum est, sed differenter. Nam *unitas* dicitur absolute, non præsupponens aliquid aliud: & ideo appropriatur Patri, qui non præsupponit aliquam personam, cum sit principium non de principio. *Aequalitas* autem importat unitatem in respectu ad alterum: nam æquale est quod habet unam quantitatem cum alio: & ideo æqualitas appropriatur Filio, qui est principium de principio. *Connexio* autem importat unitatem aliquorum duorum: unde appropriatur Spiritui sancto, in quantum est a duobus: ex quo sensu etiam intelligi potest quod dicit Augustinus (loco nunc proxime cit.) *tria esse unum propter Patrem, æqualia propter Filium, connexa propter Spiritum sanctum*. Manifestum est enim quod illi attribuitur unumquodque in quo primo invenitur; sicut omnia inferiora dicuntur vivere propter animam vegetabilem, in qua primo invenitur ratio vitæ in istis inferioribus. *Unitas* autem statim invenitur in persona Patris, etiam per impossibile remotis aliis personis. Et ideo aliæ personæ a Patre habent unitatem; sed remotis aliis personis, non invenitur *æqualitas* in Patre; sed statim posito

(a) Ita edd. Alcon. & Camer. edij. omittunt Deo.

sito Filio invenitur æqualitas. Et ideo dicuntur omnia æqualia propter Filium, non quod Filius sit principium æqualitatis Patri, sed quia, nisi esset Patri æqualis Filius, Pater æqualis non posset dici: æqualitas enim eius primo consideratur ad Filium. Hoc enim ipsum quod Spiritus sanctus Patri æqualis est, a Filio habet. Similiter, excluso Spiritu sancto, qui est duorum nexus, non posset intelligi unitas connexionis inter Patrem & Filium: & ideo dicuntur omnia esse connexa propter Spiritum sanctum: quia posito Spiritu sancto, invenitur ratio connexionis in divinis personis, (a) unde Pater, & Filius possint dici connexi.

Secundum vero tertiam considerationem, qua in Deo sufficiens virtus consideratur ad causandum, dicitur sumi tria appropriatio, scilicet *potentia*, *sapientia*, & *bonitas*. Quæ quidem appropriatio fit & secundum rationem similitudinis, si consideretur quod in divinis personis est; & secundum rationem dissimilitudinis, si consideretur quod in creaturis est. *Potentia* enim habet rationem principii, unde habet similitudinem cum Patre cælesti, qui est principium totius Divinitatis. Deicit autem interdum patri terreno propter senectutem. *Sapientia* vero similitudinem habet cum Filio cælesti, inquantum est verbum, quod nihil aliud est quam conceptus sapientiæ. Deicit autem interdum filio terreno propter temporis paucitatem. *Bonitas* autem, cum sit ratio, & obiectum amoris, habet similitudinem cum Spiritu divino, qui est amor; sed repugnantiam habere videtur ad spiritum terrenum, secundum quod importat violentiam quamdam, & impulsionem, prout dicitur Isa. xxv. 4. *Spiritus robustiorum quasi turbo impellens parietem*. Virtus autem appropriatur Filio, & Spiritui sancto, non secundum quod virtus dicitur ipsa potentia rei, sed secundum quod interdum virtus, dicitur id quod a potentia rei procedit, prout dicimus aliquod virtuosum factum, esse virtutem alicuius agentis.

Secundum vero quartam considerationem prout consideratur Deus in habitudine ad suos effectus, sumitur illa appropriatio, *ex quo*, *per quem*, & *in quo*. Hæc enim præpositio *ex* importat habitudinem quamdam causæ materialis, quæ locum non habet in divinis: aliquando vero habitudinem causæ efficientis, quæ

quidem competit Deo ratione suæ potentiae activæ: unde & appropriatur Patri, sicut & potentia. Hæc vero præpositio *per* designat quidem quandoque causam mediam, sicut dicimus, quod faber operatur per martellum. Et sic ly *per* quandoque non est appropriatum, sed proprium Filii, secundum illud Ioan. 1. 3. *Omnia per ipsum facta sunt*, non quia Filius sit instrumentum, sed quia ipse est principium de principio. Quandoque vero designat habitudinem formæ, per quam agens operatur, sicut dicimus, quod artifex operatur per artem: unde sicut sapientia, & ars appropriantur Filio, ita & ly *per quem*. Hæc vero præpositio *in* denotat proprie habitudinem continentis. Continet autem Deus res dupliciter. Uno modo secundum suas similitudines, prout scilicet res dicuntur esse in Deo, inquantum sunt in eius scientia: & sic hoc quod dico *in ipso*, esset appropriatum Filio. Alio vero modo continentur res a Deo, inquantum Deus sua bonitate eas conservat, & gubernat, ad finem convenientem adducendo. Et sic ly *in quo* appropriatur Spiritui sancto, sicut & bonitas. Nec oportet quod habituudo causæ finalis, quamvis sit prima causarum, approprietur Patri, qui est principium non de principio: quia personæ divinæ, quarum Pater est principium, non procedunt ut ad finem, cum quolibet illarum sit ultimus finis; sed naturali processione, quæ magis ad rationem naturalis potentiae pertinere videtur.

Ad illud vero quod de aliis quaeritur, dicendum, quod cum veritas pertineat ad intellectum, ut supra dictum est (quaest. xvi. art. 1.) appropriatur Filio, non tamen est proprium eius. Quia veritas, ut supra dictum est (ibid.) considerari potest prout est in intellectu, vel prout est in re. Sicut igitur intellectus, & res essentialiter sumpta sunt essentialia, & non personalia, ita & veritas. Definitio autem Augustini inducta datur de veritate, secundum quod appropriatur Filio. Liber autem vitæ in recto quidem importat notitiam, sed in obliquo vitam. Est enim, ut supra dictum est (quaest. xxv. art. 1.) notitia Dei de his qui habituri sunt vitam æternam. Unde appropriatur Filio, licet vita approprietur Spiritui sancto, inquantum importat quendam interiorem motum; & sic convenit cum proprio Spiritus sancti, inquantum est amor.

(a) Ita codd. cistaci, aliique. In editis præmissa posita: Unde Pater, & Filius possunt dici connexi.

mor. Esse autem scriptum ab alio non est de ratione libri, inquantum est liber, sed inquantum est quoddam artificiatum. Unde non importat originem, neque est personale, sed appropriatur personæ. Ipsum autem nomen *qui est* appropriatur personæ Filii, non secundum propriam rationem, sed ratione adiuncti, inquantum scilicet in locutione Dei ad Moysen præfigurabatur liberatio humani generis, quæ facta est per Filium. Sed tamen, secundum quod *ly qui* sumitur relative, possit referri interdum ad personam Filii; & sic sumeretur personaliter; ut puta si dicatur, Filius est genitus, qui est; sicut & *Deus genitus* personale est, sed infinite sumptum est essentiale. Et licet hoc pronomen *iste* grammatice loquendo, ad aliquam certam personam videatur pertinere; tamen quælibet res demonstrabilis, grammatice loquendo, persona dici potest, licet secundum rei naturam non sit persona: dicimus enim, *Iste lapis*, & *Iste alinus*. Unde & grammatice loquendo, essentia divina, secundum quod significatur, & supponitur per hoc nomen *Deus*, potest demonstrari hoc pronomine *iste*, secundum illud Exod. xv. 2. *Iste Deus meus*, & glorificabo eum.

QUAESTIO XL

De personis in comparatione ad relationes, siue proprietates, in quatuor articulis divisa.

DEinde quæritur de personis in comparatione ad relationes, siue proprietates: & quærantur quatuor.

Primo, utrum relatio sit idem quod persona.

Secundo, utrum relationes distinguant, & constituent personas.

Tertio, utrum, abstractis per intellectum relationibus a personis, remaneant hypostases distinctæ.

Quarto, utrum relationes secundum intellectum præsupponant actus personarum, vel e converso.

ARTICULUS I.

210

Utrum relatio sit idem quod persona

I. dist. xxvi. quæst. 11. art. 1. & dist. xxxiii. art. 2. & op. 11. cap. lviii. lxxi. & lxxvii.

Ad primum sic proceditur. Videtur quod in divinis non sit idem relatio quod persona. Quæcumque enim sunt idem, multiplicato uno eorum, multiplicatur & aliud. Sed contingit in una persona esse plures relationes, sicut in persona Patris est paternitas, & communis spiratio; & iterum unam relationem in duabus personis esse, sicut communis spiratio est in Patre, & Filio. Ergo relatio non est idem quod persona.

2. Præterea. Nihil est in se ipso secundum Philosophum in IV. Physic. (tex. 24. & subsequens.) Sed relatio est in persona: nec potest dici, quod ratione identitatis, quia sic esset etiam in essentia. Ergo relatio, siue proprietates, & persona non sunt idem in divinis.

3. Præterea. Quæcumque sunt idem, ita se habent, quod quicquid prædicatur de uno, prædicatur & de alio. Non autem quicquid prædicatur de persona, prædicatur de proprietate: dicimus enim, quod Pater generat, sed non dicimus, quod paternitas sit generans. Ergo proprietates non est idem quod persona in divinis.

Sed contra. In divinis non differunt quod est, & quo est, ut habetur a Boetio in Lib. de hebdom. (post med.) Sed Pater paternitate est Pater. Ergo Pater idem est quod paternitas, & eadem ratione aliae proprietates idem sunt cum personis.

Respondeo dicendum, quod circa hoc aliqui diversimode opinati sunt. Quidam enim dixerunt, proprietates neque esse personas, neque in personis. Qui fuerunt moti ex modo significandi relationum, quæ quidem non significant ut in aliquo, sed magis ut ad aliquid. Unde dixerunt, relationes esse assistentes, sicut supra expositum est (quæst. xxviii. art. 2.) Sed quia relatio, secundum quod est quædam res in divinis, (a) est ipsa divina essentia, essentia autem idem est quod persona, ut ex dictis patet (quæst. præc. art. 1.) oportet quod (b) relatio sit idem quod persona.

Hanc igitur identitatem alii conside-

S 4 ran-

(a) Ita 2655. Alcan. & Camer. quibus adhaeret Nicolai. Editi plerique est ipsa essentia. (b) Al. tunc relatio.

rantes dixerunt, proprietates quidem esse personas, non autem in personis: quia non ponebant proprietates in divinis nisi secundum modum loquendi, ut supra dictum est (quaest. xxxii. art. 2.) Necessse est autem ponere proprietates in divinis, ut supra ostendimus (ibid.) quæ quidem significantur in abstracto ut quædam formæ personarum. Unde cum de ratione formæ sit quod sit in eo cuius est forma, oportet dicere, proprietates esse in personis, & eas tamen esse personas; sicut essentiam esse in Deo dicimus, quæ tamen est Deus.

Ad primum ergo dicendum, quod persona, & proprietas sunt idem re, differunt tamen secundum rationem. Unde non oportet quod multiplicato uno multiplicetur reliquum. Considerandum tamen est, quod propter divinam simplicitatem consideratur duplex realis identitas in divinis eorum quæ differunt in rebus creatis. Quia enim divina simplicitas excludit compositionem formæ, & materiæ, sequitur quod in divinis idem esse abstractum, & concretum, ut Deitas, & Deus. Quia vero divina simplicitas excludit compositionem subiecti & accidentis, sequitur quod quicquid attribuitur Deo, est eius essentia: & propter hoc sapientia, & virtus idem sunt in Deo, quia ambo sunt in divina essentia. Et secundum hanc duplicem rationem identitatis proprietas in divinis est idem cum persona. Nam proprietates personales sunt idem cum personis ea ratione qua abstractum est idem cum concreto: sunt enim ipsæ personæ subsistentes, ut paternitas est ipse Pater, & filiatio Filius, & processio Spiritus sanctus. Proprietates autem non personales sunt idem cum personis secundum aliam rationem identitatis, qua ratione illud quod attribuitur Deo, est eius essentia. Sic igitur communis spiratio est idem cum persona Patris, & cum persona Filii, non quod sit una persona per se subsistens; sed sicut una essentia est in duabus personis, ita & una proprietas, ut supra dictum est (quaest. xxx. art. 2.)

Ad secundum dicendum, quod proprietates dicuntur esse in essentia per modum identitatis tantum, in personis autem dicuntur esse per modum identitatis, non quidem secundum rem tantum, sed quantum ad modum significandi, sicut forma in supposito. Et ideo proprietates determinant, & distinguunt personas, non autem essentiam.

Ad tertium dicendum, quod participia, & verba notionalia significant actus notionales. Actus autem suppositorum sunt. Proprietates autem non significant ut supposita, sed ut formæ suppositorum: & ideo modus significandi repugnat ut participia, & verba notionalia de proprietatibus predicentur.

ARTICULUS II. 211

Utrum personæ distinguantur per relationes.

1. dist. xxvi. quaest. 11. art. 2. & p. quaest. viii. art. 3. & quaest. ix. art. 5. ad 18.

AD secundum sic proceditur. Videtur quod personæ non distinguantur per relationes. Simplicia enim se ipsis distinguuntur. Sed personæ sunt maxime simplices. Ergo distinguuntur se ipsis, & non relationibus.

2. Præterea. Nulla forma distinguitur nisi secundum suum genus. Non enim album a nigro distinguitur nisi secundum qualitatem. Sed hypostasis significat individuum in genere substantiæ. Non ergo relationibus hypostases distinguuntur.

3. Præterea. Absolutum est prius quam relativum. Sed prima distinctio est distinctio divinarum personarum. Ergo divinæ personæ non distinguuntur relationibus.

4. Præterea. Id quod præsupponit distinctionem, non potest esse primum distinctionis principium. Sed relatio præsupponit distinctionem, cum in eius definitione ponatur: esse enim relativi est ad aliud se habere. Ergo primum principium distinctivum in divinis non potest esse relatio.

Sed contra est quod Boetius dicit in Lib. de Trin. (non procul a fine) quod sola relatio multiplicat Trinitatem divinarum personarum.

Respondeo dicendum, quod in quibuscumque pluribus invenitur aliquid commune, oportet querere aliquid distinctivum. Unde cum tres personæ conveniant secundum essentiam unitatem, necesse est querere aliquid quo distinguantur, ad hoc quod plures sint. Inveniuntur autem in divinis personis duo, secundum quæ differunt, scilicet origo, & relatio. Quæ quidem quamvis re non differant, differunt tamen secundum modum significandi: nam origo significatur per modum actus, ut generatio; relatio vero per modum formæ, ut paternitas.

Qui-

Quidam igitur attendentes, quod relatio consequitur actum, dixerunt, quod hypostasies in divinis (a) distinguuntur per originem, ut dicamus, quod Pater distinguitur a Filio, inquantum ille generat, & hic est genitus. Relationes autem, sive proprietates manifestant consequenter hypostasim, sive personarum distinctiones; sicut & in creaturis proprietates manifestant distinctiones individuorum, quæ sunt per materialia principia.

Sed hoc non potest stare propter duo. Primo quidem quia ad hoc quod aliqua duo distincta intelligantur, necesse est eorum distinctionem intelligi per aliquid intrinsecum utrique, sicut in rebus creatis vel per materiam, vel per formam. Origo autem alicuius rei non significat ut aliquid intrinsecum, sed ut via quædam a re, vel ad rem; sicut generatio significat ut via quædam ad rem genitam, & ut procedens a generante. Unde non potest esse quod res genita, & generans distinguantur sola generatione; sed oportet intelligere tam in generante, quam in genito ea quibus ab invicem distinguuntur. In persona autem divina non est aliud intelligere nisi essentiam, & relationem, sive proprietatem. Unde cum in essentia conveniant, relinquuntur quod per relationes personæ ab invicem distinguantur. Secundo quia distinctio in divinis personis non est sic intelligenda, quasi aliquid commune dividatur, quia essentia communis remanet indivisa; sed oportet quod ipsa distinguantur constituant res distinctas. Sic autem relationes, vel proprietates distinguunt, vel constituunt hypostasies, vel personas, inquantum sunt ipsæ personæ subsistentes; sicut paternitas est Pater, & filio est Filius, eo quod in divinis non differunt abstractum, & concretum. Sed contra rationem originis est quod constituat hypostasim, vel personam: quia origo active significata significatur ut procedens a persona subsistente, unde præsupponit eam: origo autem passive significata, ut nativitas, significatur ut via ad personam subsistentem, & nondum ut eam constituens.

Unde melius dicitur, quod personæ seu hypostasies distinguantur relationibus quam per originem. Licet enim distinguantur utroque modo, tamen prius & principalius per relationes secundum mo-

dum intelligendi. Unde hoc nomen *pater* non solum significat proprietatem, sed etiam hypostasim; sed hoc nomen *genitor*, vel *generans*, significat tantum proprietatem: quia hoc nomen *pater* significat relationem, quæ est distinctiva, & constitutiva hypostasios; hoc autem nomen *generans*, vel *genitus*, significat originem, quæ non est distinctiva, & constitutiva hypostasios.

Ad primum ergo dicendum, quod personæ sunt ipsæ relationes subsistentes. Unde non repugnat simplicitati divinarum personarum quod relationibus distinguantur.

Ad secundum dicendum, quod personæ divinæ non distinguuntur in esse, in quo subsistunt, neque in aliquo absoluto, sed solum secundum id quod ad aliud dicuntur. Unde ad earum distinctionem sufficit relatio.

Ad tertium dicendum, quod quanto distinctio prior est, tanto propinquior est unitati: & ideo debet esse minima. Et ideo distinctio personarum non debet esse nisi per id quod minimum distinguit, scilicet per relationem.

Ad quartum dicendum, quod relatio præsupponit distinctionem suppositorum, quando est accedens; sed si relatio sit subsistens, non præsupponit, sed secum fert distinctionem. Cum enim dicitur, quod relativi esse est ad aliud se habere, per *ly aliud* intelligitur correlativum, quod non est prius, sed simul natura.

ARTICULUS III. 212

Utrum abstractis per intellectum relationibus a personis, adhuc remaneant hypostasies.

I. dist. xxvi. quæst. i. artic. 2. 3^o pot. quæst. viii. artic. 4. 3^o opusc. ii. cap. lxi. & lxi.

AD tertium sic proceditur. Videtur quod, abstractis per intellectum proprietatibus, seu relationibus a personis, adhuc remaneant hypostasies. Id enim ad quod aliud se habet ex additione, potest intelligi, remoto eo quod sibi additur; sicut homo se habet ad animal ex additione, & potest intelligi animal, remoto rationali. Sed persona se habet ex additione ad hypostasim: est enim persona *hypostasis proprietate distincta ad divinitatem pertinentem*. Ergo, remota proprietate personæ a persona, intelligitur hypostasios.

Cum

(a) Ita eod. Alcan. & Terrac, atque exemplum Nivlai; alia edidit non distinguuntur. Vide infra pp. 3. in corp.

2. Præterea. Pater non ab eodem habet quod fit Pater, & quod fit aliquis. Cum enim paternitate sit Pater, si paternitate esset aliquis, sequeretur quod Filius, in quo non est paternitas, non esset aliquis. Remota ergo per intellectum paternitate a Patre, adhuc remanet quod sit aliquis, quod est esse hypostasis. Ergo, remota proprietate a persona, remanet hypostasis.

3. Præterea. Augustinus dicit V. de Trin. (cap. vi. in princ.) *Non hoc est dicere ingentium, quod est dicere Patrem; quia si Filium non genuisset, nihil prohiberet eum dicere ingentium.* Sed si Filium non genuisset, non inesset ei paternitas. Ergo, remota paternitate, adhuc remanet hypostasis Patris, ut ingentia.

Sed contra est quod Hilarius dicit IV. de Trin. (non multum remote a princ.) *Nihil habet Filius nisi natum.* Nativitate autem est Filius. Ergo, remota filiatione, non remanet hypostasis Filii: & eadem ratio est de aliis personis.

Respondeo dicendum, quod duplex fit abstractio per intellectum: una quidem secundum quod universale abstrahitur a particulari, ut animal ab homine; alia vero secundum quod forma abstrahitur a materia, sicut forma circuli abstrahitur per intellectum ab omni materia sensibili.

Inter has autem abstractiones hæc est differentia, quod in abstractione quæ fit secundum universale, & particulare, (a) non remanet id a quo fit abstractio: remota enim ab homine differentia rationali, non remanet in intellectu homo, sed solum animal: in abstractione vero quæ attenditur secundum formam a materia, utrumque manet in intellectu: abstrahendo enim formam circuli ab ære, remanet seorsum in intellectu nostro & intellectus circuli, & intellectus æris. Quamvis autem in divinis non sit universale, neque particulare, nec forma, & materia secundum rem; tamen secundum modum significandi invenitur aliqua similitudo horum in divinis: secundum quem modum Damascenus dicit (Lib. III. orthod. fid. cap. vi. in princ.) quod commune est substantia, particulari vero hypostasis.

Si igitur loquamur de abstractione quæ fit secundum universale, & particulare, remotis proprietatibus, remanet in intellectu essentia communis, non autem

hypostasis Patris, quæ est quasi particulare. Si vero loquamur secundum modum abstractionis formæ a materia, remotis proprietatibus non personalibus, remanet intellectus hypostaticum, & personarum; sicut, remoto per intellectum a Patre quod sit ingentis, vel spirans, remanet hypostasis, vel persona Patris.

Sed remota proprietate personali per intellectum, tollitur intellectus hypostaticus. Non enim proprietates personales sic intelliguntur advenire hypostasis divinis sicut forma subiecto præexistenti; sed feruntur secum sua supposita, inquantum sunt ipsæ personæ subsistentes, sicut paternitas est ipse Pater. Hypostasis enim significat aliquid distinctum in divinis, cum hypostasis sit substantia individua. Cum igitur relatio sit quæ distinguit hypostases, & constituit, ut dictum est (art. præc.) relinquitur quod, relationibus personalibus remotis per intellectum, non remaneant hypostases.

Sed, sicut dictum est (eodem art. præced.) aliqui dicunt, quod hypostases in divinis non distinguuntur per relationes, sed per solam originem, ut intelligatur Pater esse hypostasis quædam per hoc quod non est ab alio, Filius autem per hoc quod est ab alio per generationem. Sed relationes advenientes, quasi proprietates ad dignitatem pertinentes, constituunt rationem personæ: unde & personales dicuntur. Unde, remotis huiusmodi relationibus per intellectum, remanent quidem hypostases, sed non personæ.

Sed hoc non potest esse propter duo. Primo quia relationes distinguunt, & constituunt hypostases, ut ostensum est (art. præc.) Secundo quia omnis hypostasis naturæ rationalis est persona, ut patet per definitionem Boetii (Lib. de duab. natur. a princ.) dicentis, quod *persona est rationalis naturæ individua substantia*. Unde ad hoc quod esset hypostasis, & non persona, oporteret abstrahi ex parte naturæ rationalitatem, non autem ex parte personæ proprietatem.

Ad primum ergo dicendum, quod persona non addit supra hypostaticam proprietatem distinguentem absolute, sed proprietatem distinguentem ad dignitatem pertinentem. Totum enim hoc est accipiendum loco unius differentię. Ad dignitatem autem pertinet proprietates distinctas.

(a) Ita cod. Alcan. ed. Rom. & Patav. at Daceni & Leonicensis Theologi cum Nicæis: non remanet in intellectu id &c.

ringens, secundum quod intelligitur subsistens in natura rationali. Unde, remota proprietate distinguente a persona, non remanet hypostasis; sed remaneret, si tolleretur rationalitas naturæ. Tam enim persona, quam hypostasis est substantia individua. Unde in divinis de ratione utriusque est relatio distinguens.

Ad secundum dicendum, quod paternitate Pater non solum est Pater, sed est persona, & est quis, sive hypostasis. Nec tamen sequitur quod Filius non sit quis, sive hypostasis; sicut non sequitur quod non sit persona.

Ad tertium dicendum, quod intentio Augustini non fuit dicere, quod hypostasis Patris remaneat ingenua, remota paternitate; quasi inaccessibilis constituat, & distinguat hypostasim Patris: hoc enim esse non potest, cum ingenuum nihil ponat, sed negative dicatur, ut ipsemet dicit. Sed loquitur in communi: quia non omne ingenuum est Pater. Remota ergo paternitate, non remanet in divinis hypostasis Patris, ut distinguitur ab aliis personis, sed ut distinguitur a creaturis, sicut Iudæi intelligunt.

ARTICULUS IV. 223

Utrum actus notionales præintelligantur proprietatibus.

I. dist. XXVII. quest. 1. art. 2. & per. quest. X. art. 3. & opusc. 11. cap. LXIII. & LXIV.

AD quartum sic proceditur. Videtur quod actus notionales præintelligantur proprietatibus. Dicit enim Magister XXVII. dist. 1. Sent. (post princ.) quod *Pater semper est, quia (a) semper generis Filium*. Et ita videtur quod generatio secundum intellectum præcedat paternitatem.

2. Præterea. Omnis relatio præsupponit in intellectu id supra quod fundatur, sicut æqualitas quantitatem. Sed paternitas est relatio fundata super actionem, quæ est generatio. Ergo paternitas præsupponit generationem.

3. Præterea. Sicut se habet generatio activa ad paternitatem, ita se habet nativitas ad filiationem. Sed filiatio præsupponit nativitatem: ideo enim Filius est, quia nativus est. Ergo & paternitas præsupponit generationem.

Sed contra. Generatio est operatio personæ Patris. Sed paternitas constituit per-

sonam Patris. Ergo prius est secundum intellectum paternitas quam generatio.

Respondeo dicendum, quod secundum illos qui dicunt, quod proprietates non distinguunt, & constituunt hypostasim, sed manifestant hypostasim distinctas, & constitutas, absolute dicendum est, quod relationes secundum modum intelligendi consequuntur actus notionales, ut dici possit simpliciter, quod quia generat, est Pater.

Sed supponendo, quod relationes distinguant, & constituant hypostasim in divinis, oportet distinctionem uti. Quia origo significatur in divinis active, & passive. Active quidem, sicut generatio attribuitur Patri, & spiratio sumpta pro actu notionali attribuitur Patri, & Filio; passive autem, sicut nativitas attribuitur Filio, & processio Spiritui sancto. Origines enim passive significatæ simpliciter præcedunt secundum intellectum proprietates personarum procedentium, etiam personales. Quia origo passive significata significatur ut via ad personam proprietate constitutam. Similiter & origo active significata prior est secundum intellectum quam relatio personæ originantis, quæ non est personalis; sicut actus notionalis spirationis secundum intellectum præcedit proprietatem relativam innominatam, communem Patri, & Filio.

Sed proprietas personalis Patris potest considerari dupliciter. Uno modo ut est relatio, & sic iterum secundum intellectum præsupponit actum notionalem. Quia relatio, inquantum huiusmodi, fundatur super actum. Alio modo, secundum quod est constitutiva personæ; & sic oportet quod præintelligatur relatio actui notionali, sicut persona agens præintelligitur actioni.

Ad primum ergo dicendum, quod cum Magister dicit, quod *quia generat, est Pater*, accipitur nomen Patris, secundum quod designat relationem tantum, non autem secundum quod significat personam subsistentem: sic enim deberet e converso dicere, quod quia Pater est, generat.

Ad secundum dicendum, quod obiectio illa procedit de paternitate, secundum quod est relatio, & non secundum quod est constitutiva personæ.

Ad tertium dicendum, quod nativitas est via ad personam Filii: & ideo secundum intellectum præcedit filiationem, etiam

(a) Rim. edg. emissio semper.

etiam secundum quod est constitutiva personae Filii. Sed generatio activa significatur ut procedens a persona Patris, & ideo præsupponit proprietatem personalem Patris.

QUAESTIO XLI.

*De personis in comparatione ad actus
notionales,
in sex articulis divisa.*

DEinde considerandum est de personis in comparatione ad actus notionales: & circa hoc quaeruntur sex.

Primo, utrum actus notionales sint attributi personis.

Secundo, utrum huiusmodi actus sint necessarii, vel voluntarii.

Tertio, utrum secundum huiusmodi actus persona procedat de nihilo, vel de aliquo.

Quarto, utrum in divinis sit ponere potentiam respectu actuum notionalium.

Quinto, quid significet huiusmodi potentia.

Sexto, utrum actus notionales ad plures personas terminari possint.

ARTICULUS I. 214

Utrum actus notionales sint attributi personis.

Opusc. II. cap. LXV.

AD primum sic proceditur. Videtur quod actus notionales non sint personis attributi. Dicit enim Boetius in Lib. de Trinit. (in med.) quod omnia genera, cum quis in divinam veritatem praedicatorem, in divinam mutantur substantiam, exceptis relativis. Sed actio est unum de decem generibus. Si igitur actio aliqua Deo attribuitur, ad eius essentiam pertinebit, & non ad notionem.

2. Præterea. Augustinus dicit V. de Trinit. (cap. IV. & V.) quod omne quod de Deo dicitur, aut dicitur secundum substantiam, aut secundum relationem. Sed ea quæ ab substantiam pertinent, significantur per essentialia attributa; quæ vero ad relationem, per nomina personarum, & per nomina proprietatum. Non sunt ergo, præter hæc, attributi personis notionales actus.

3. Præterea. Proprium actionis est esse passionem inferre. Sed in divinis non ponimus passionem. Ergo neque actus notionales ibi poniendi sunt.

Sed contra est quod Augustinus (Ful-

gentius) dicit in Lib. de fide ad Petr. (cap. II. in princ.) *Proprium quidem Patris est quod Filium genuit*. Sed generatio actus quidam est. Ergo actus notionales ponendi sunt in divinis.

Respondeo dicendum, quod in divinis personis attenditur distinctio secundum originem. Origo autem convenienter designari non potest nisi per aliquos actus. Ad significandum igitur originis ordinem in divinis personis, necessarium fuit attribueret personis actus notionales.

Ad primum ergo dicendum, quod omnis origo designatur per aliquem actum. Duplex autem ordo originis attribui Deo potest. Unus quidem secundum quod creatura ab eo progreditur: & hoc commune est tribus personis. Et ideo actiones quæ attribuuntur Deo ad designandum processum creaturarum ab ipso, ad essentiam pertinent. Alius autem ordo originis in divinis attenditur secundum processionem personæ a persona. Unde actus designantes huius originis ordinem notionales dicuntur: quia notiones personarum sunt personarum habitudines ad invicem, ut ex dictis patet (quaest. XXXIII. art. 3.)

Ad secundum dicendum, quod actus notionales secundum modum significandi tantum differunt a relationibus personarum, sed re sunt omnino idem. Unde Magister dicit in I. Sententiam XXVI. dist. (¶ *Iam de proprietatibus &c. circa fin.*) quod generatio, & nativitas aliis nominibus dicuntur paternitas, & filio.

Ad cuius evidentiam attendendum est, quod primo oportet cognoscere originem alicuius ab alio ex motu. Quia enim aliqua res a sua dispositione (a) removeatur per motum, manifestum sit hoc ab aliqua causa accidere. Et ideo actio secundum primam nominis impositionem importat originem motus. Sicut enim motus, prout est in mobili ab aliquo, dicitur passio; ita origo ipsius motus, secundum quod incipit ab alio, & terminatur in id quod movetur, vocatur actio. Remoto igitur motu, actio nihil aliud importat quam ordinem originis, secundum quod a causa aliqua, vel principio procedit in id quod est a principio. Unde cum in divinis non sit motus, actio personalis producentis personam nihil aliud est quam habitudo principii ad personam quæ est a principio: quæ quidem habitudines sunt ipsæ relationes, vel

(a) Ita est, Alcan. cum Nihilis, qui pro removeatur legi removeatur. Edit. Rom. & Patav. removeatur per motum, manifestum fuit.

vel notiones. Quia tamen de divinis, & intelligibilibus rebus loqui non possumus nisi secundum modum rerum sensibilium, a quibus cognitionem accipimus, & in quibus actiones, & passionem, in quantum motum implicat, aliud sunt a relationibus, quæ ex actionibus, & passionibus consequuntur; oportuit seorsum significari habitudines personarum per motum actus, & seorsum per modum relationum. Et sic patet quod sunt idem secundum rem, sed differunt secundum modum significandi.

Ad tertium dicendum, quod actio secundum quod importat originem motus, insert ex se passionem: sic autem non ponitur actio in divinis personis. Unde non ponitur ibi passionem, (a) nisi grammaticè loquendo, quantum ad modum significandi; sicut Patri attribuimus generare, & Filio generari.

ARTICULUS II. 237

Utrum notiones actus sint voluntariæ.

1. dist. vi. art. 1. 2. & 3. & per. quæst. 11. ar. 3.

AD secundum sic proceditur. Videtur quod actus notiones sint voluntariæ. Dicit enim Hilarius Lib. de Synod. (in medio, & est definitio xxv.) *Non naturali necessitate ductus Pater genuit Filium.*

2. Præterea. Apostolus Coloss. 1. 13. *Transiit nos in regnum Filii dilectionis suæ.* Dilectio autem voluntatis est. Ergo Filius genitus est a Patre voluntate.

3. Præterea. Nihil magis est voluntarium quam amor. Sed Spiritus sanctus procedit a Patre, & Filio ut amor. Ergo procedit voluntarie.

4. Præterea. Filius procedit per modum intellectus ut verbum. Sed omne verbum procedit a dicente per voluntatem. Ergo Filius procedit a Patre per voluntatem, & non per naturam.

5. Præterea. Quod non est voluntarium, est necessarium. Si igitur Pater genuit Filium non voluntate, videtur contra Augustinum in Lib. ad Orosium (in dial. quæst. vii.)

Sed contra est quod Augustinus dicit in eodem Lib. (ibid.) quod neque voluntate genuit Pater Filium, neque necessitate.

Respondeo dicendum, quod cum dicitur aliquid esse, vel fieri voluntate, dupliciter potest intelligi. Uno modo, ut ablativus designet concomitantiam tan-

tum, sicut possum dicere, quod ego sum homo mea voluntate, quia scilicet volo me esse hominem: & hoc modo potest dici, quod Pater genuit Filium voluntate, sicut & est voluntate Deus: quia vult se esse Deum, & vult se generare Filium. Alio modo sic quod ablativus importet habitudinem principii; sicut dicitur, quod artifex operatur voluntate, quia voluntas est principium operis: & secundum hunc modum dicendum est, quod Deus Pater non genuit Filium voluntate, sed voluntate produxit creaturam. Unde in Lib. de Synod. (can. xxiv. circa med.) dicitur, quod *si quis voluntate Dei tanquam unum aliquid de creaturis Filium factum dicat, anathema sit.* Et huius ratio est, quia voluntas, & natura secundum hoc differunt in causando, quia natura determinata est ad unum, sed voluntas non est determinata ad unum. Cuius ratio est, quia effectus assimilatur formæ agentis, per quam agit. Manifestum est autem quod unius rei non est nisi una forma naturalis, per quam res habet esse: unde quale ipsum est, tale facit. Sed forma, per quam voluntas agit, non est una tantum, sed sunt plures, secundum quod sunt plures rationes intellectus. Unde quod voluntate agitur, non est tale, quale est agens, sed quale vult, & illud intelligit esse agens. Eorum igitur voluntas principium est quæ possunt sic, vel aliter esse. Eorum autem quæ non possunt nisi sic esse, principium natura est. Quod autem potest sic, vel aliter esse, longe est a natura divina; sed hoc pertinet ad rationem creaturæ, quia Deus est per se necesse esse, creatura autem est facta ex nihilo.

Et ideo Arianæ volentes ad hoc deducere quod Filius sit creatura, dixerunt, quod Pater genuit Filium voluntate, secundum quod voluntas designat principium.

Nobis autem dicendum est, quod Pater genuit Filium non voluntate, sed natura. Unde Hilarius dicit in Lib. de Synod. (definitio xxiv.) *Omnes creaturis substantiam Dei voluntati attulit, sed naturam dedit Filio ex impassibili, ac non natura substantia perfecta natiuitas.* Talia enim cuncta creata sunt, qualia Deus esse vult; Filius autem natus ex Deo talis subsistit, qualis & Deus est.

Ad primum ergo dicendum, quod auctoritas illa inducitur contra illos qui a generatione Filii etiam concomitantiam tan-

pa-

(a) Cod. Alex. nisi solum grammaticè.

paternæ voluntatis removebant, dicentes, sic cum natura genuisse Filium, ut tamen voluntas generandi ei non adesset; sicut & nos multa naturali necessitate contra voluntatem patimur, ut mortem, senectutem, & huiusmodi defectus. Et hoc patet per præcedentia, & subsequenter: sic enim ibi dicitur (loc. in arg. cit.) *Non enim nolente Patre, vel coactus Pater, (a) vel naturali necessitate ductus genus Filium.*

Ad secundum dicendum, quod Apostolus nominat Christum Filium dilectionis Dei, inquantum est a Deo superabundanter dilectus, non quod dilectio sit principium generationis Filii.

Ad tertium dicendum, quod etiam voluntas, inquantum est natura quedam, aliquid naturaliter vult; sicut voluntas hominis naturaliter tendit ad beatitudinem; & similiter Deus naturaliter vult, & amat seipsum; sed circa alia a se voluntas Dei se habet ad utrumque quodammodo, ut dictum est (in corp. art. 4. quæst. xix. art. 3. præcipue.) Spiritus autem sanctus procedit ut amor, inquantum Deus amat se ipsum: unde naturaliter procedit, quamvis per modum voluntatis procedat.

Ad quartum dicendum, quod etiam in conceptionibus intellectualibus fit reditio ad prima, quæ naturaliter intelliguntur. Deus autem naturaliter intelligit se ipsum: & secundum hoc conceptio Verbi divini est naturalis.

Ad quintum dicendum, quod necessarium dicitur aliquid per se, & per aliud. Per aliud quidem dupliciter. Uno modo sicut per causam agentem, & cogentem; & sic necessarium dicitur quod est violentum. Alio modo sicut per causam finalem, sicut dicitur aliquid esse necessarium in his quæ sunt ad finem, inquantum sine hoc non potest esse finis, vel bene esse. Et neutro istorum modorum divina generatio est necessaria: quia Deus non est propter finem, neque coactio cadit in ipsum. Per se autem dicitur aliquid necessarium, quod non potest non esse: & sic Deum esse est necessarium; & hoc modo Patrem generare Filium est necessarium.

ARTICULUS III. 216

Utrum actus notionales sint de aliquo.

I. dist. v. quæst. 1. art. 1. ad 2. & III. dist. xv. art. 1. ad 1.

AD tertium sic proceditur. Videtur quod actus notionales non sint de aliquo. Quia si Pater generat Filium de aliquo, aut de se ipso, aut de aliquo alio. Si de aliquo alio, cum id de quo aliquid generatur, sit in eo quod generatur, sequitur quod aliquid alienum a Patre sit in Filio: quod est contra Hilarium VII. de Trinit. (prope finem) ubi dicit: *Nihil in his diversum est, vel alienum.* Si autem Filium generat Pater de se ipso, id autem de quo aliquid generatur, si sit permanens, recipit eius prædicationem quod generatur; sicut dicimus, quod homo est albus, quia homo permanet, cum de non albo sit albus: sequitur igitur quod Pater vel non permaneat, genito Filio, vel quod Pater sit Filius, quod est falsum. Non ergo Pater generat Filium de aliquo, sed de nihilo.

2. Præterea. Id de quo aliquid generatur, est principium eius quod generatur. Si ergo Pater generat Filium de essentia, vel natura sua, sequitur quod essentia, vel natura Patris sit principium Filii: sed non principium materiale, quia materia locum in divinis non habet: ergo est principium quasi actuum, sicut generans est principium geniti. Et ita sequitur quod essentia generet: quod supra improbatum est (quæst. xii. art. 3.)

3. Præterea. Augustinus (VII. de Trinit. cap. vi. circ. med.) dicit, quod *tres persone non sunt ex eadem essentia, quia non est aliud essentia, & persona.* Sed persona Filii non est aliud (b) ab essentia Patris. Ergo Filius non est de essentia Patris.

4. Præterea. Omnis creatura est ex nihilo. Sed Filius in Scripturis dicitur creatura: dicitur enim Eccli. xxi. 5. *ex ore sapientiæ genitæ: Ego ex ore Altissimi prodii, primogenita ante omnem creaturam:* & postea ex ore eiusdem sapientiæ dicitur: *Ab initio, & ante sæcula creata sum.* Ergo Filius non est genitus ex aliquo, sed ex nihilo. Et similiter potest obijci de Spiritu sancto, propter hoc quod dicitur Zach. xii. 1. *Dixit Dominus extendens caelum, & fundans terram, & creans spiritum hominis.*

(a) Ita edd. Alcan. qui reperiunt exemplum Rom. & Patav. quæ tantum pro ductus habere inducunt. Nicolai cum MSS. Camer. & Rom. vel naturali necessitate ductus, cum sollet, genuit Filium.

(b) Ita edd. Alcan. aliique editionesque statim.

hominis in eo: & An. s. IV. 13. secundum aliam litteram: Ego formans montes, & creans (a) spiritum.

Sed contra est quod Augustinus (Fulgentius) dicit in l. de fide ad Pet. (cap. 1. cir. fin.) *Pater Deus solus de sua natura sine initio genuit Filium sibi equalem.*

Respondendo dicendum, quod Filius non est genitus de nihilo, sed de substantia Patris. Ostensum est enim supra (quæst. xxvii. ar. 2. & quæst. xxxiii. ar. 2. ad 4. & 3. in corp.) quod paternitas, & filiationis, & nativitas vere & proprie est in divinis. Hoc autem interest inter generationem: veram, per quam aliquis procedit ut filius, & factionem, quod faciens facit aliquid de exteriori materia, sicut scammum facit artifex de ligno, homo autem generat filium de seipso. Sicut autem artifex creatus facit aliquid ex materia, ita Deus facit ex nihilo, ut intra ostenditur (quæst. xiv. ar. 1.) non quod nihilum exeat in substantiam rei, sed quia ab ipso tota substantia rei producitur, nullo alio præsupposito. Si ergo Filius procederet a Patre ut de nihilo existens, hoc modo se haberet ad Patrem ut artificiatum ad artificem; quod manifestum est nomen filiationis proprie habere non posse, sed solum secundum aliquam similitudinem. Unde relinquitur quod si Filius Dei procederet a Patre quasi existens ex nihilo, non esset vere & proprie Filius: cuius contrarium dicitur l. Ioan. ult. 20. *Ut finis in vero Filio eius Iesu Christo.* Filius igitur Dei verus non est ex nihilo, nec factus, sed tantum genitus.

Si qui autem ex nihilo a Deo facti filii Dei dicantur, hoc erit metaphorice secundum aliqualem assimilationem ad eum qui vere Filius est. Unde inquantum solus est verus, & naturalis Dei Filius, dicitur unigenitus, secundum illud Ioan. 1. 18. *Unigenitus, qui est in sinu Patris, ipse enarravit:* inquantum vero per assimilationem ad ipsum alii dicuntur filii adoptivi, quasi metaphorice dicitur esse primogenitus, secundum illud Rom. viii. 29. *Quoniam præcivit, & prædestinavit fieri conformes imaginis Filii sui, ut sit ipse primogenitus in multis fratribus.* Relinquitur ergo quod Dei Filius sit genitus de substantia Patris, aliter tamen quam filius hominis. Pars enim substantiæ hominis generantis transit in substantiam geniti. Sed divina natura impartibilis est: unde necesse est quod Pater generando Filium,

non partem naturæ in ipsum transfunderet, sed totam naturam ei communicaverit, remanente distinctione solum secundum originem, ut ex dictis patet (quæst. xl. ar. 2.)

Ad primum ergo dicendum, quod cum Filius dicitur natus de Patre, hæc præpositio de significat principium generans consubstantialiale, non autem principium materiale. Quod enim producit de materia, sit per transmutationem illius de quo producitur, in aliquam formam. Divina autem essentia non est transmutabilis, neque alterius formæ susceptiva.

Ad secundum dicendum, quod cum dicitur Filius genitus de essentia Patris, secundum expositionem Magistri v. dist. l. Sent. designat habitudinem principii quasi activi: ubi sic exponit: *Filius est genitus de essentia Patris, idest de Patre essentia, propter hoc quod Augustinus XV. Lib. de Trinit. (cap. xlii. in fin.) dicit: Tale est quod dico de Patre essentia, ac si expressius dicerem, de Patris essentia.* Sed hoc non videtur sufficere ad sensum huiusmodi locutionis. Possumus enim dicere, quod creatura est ex Deo essentia, non tamen quod sit ex essentia Dei. Unde aliter dici potest, quod hæc propositio de semper denotat consubstantialitatem. Unde non dicimus, quod domus sit de ædificatore, cum non sit causa consubstantialis. Possumus autem dicere, quod aliquid sit de aliquo, quocumque modo illud significetur ut principium consubstantialiale; sive illud sit principium activum, sicut filius dicitur esse de patre; sive sit principium materiale, sicut cultellus dicitur esse de ferro; sive sit principium formale in his dumtaxat in quibus ipsæ formæ sunt subsistentes, & non advenientes alteri: possumus enim dicere, quod Angelus aliquis est de natura intellectuali. Et per hunc modum dicimus, quod Filius est genitus de essentia Patris, inquantum essentia Patris Filio per generationem communicata in eo subsistit.

Ad tertium dicendum, quod cum dicitur, Filius est genitus de essentia Patris, additur aliquid respectu cuius potest variari distinctio. Sed cum dicitur, quod tres personæ sunt de essentia divina, non ponitur aliquid respectu cuius possit importari distinctio per præpositionem significata: & ideo non est simile.

Ad quartum dicendum, quod cum dicitur, Sapientia est creata, potest intelligi

ligi non de sapientia quæ est Filius Dei, sed de sapientia creata, quam Deus indidit creaturis. Dicitur enim Eccli. 1. 9. *Ipsæ creavit eam, scilicet sapientiam, in Spiritu sancto, & effudit illam super omnia opera sua.* Neque est inconveniens quod in uno contextu locutionis loquatur Scriptura de sapientia genita, & creata, quia sapientia creata est participatio quædam sapientie increatæ. Vel potest referri ad naturam creatam assumptam a Filio, ut sit sensus: *Ab initio, & ante secula creatus sum; idest, prævisa sum creaturæ uniri.* Vel per hoc quod sapientia creata, & genita nuncupatur, modus divinæ generationis nobis innotatur. In generatione enim, quod generatur, accipit naturam generantis, quod perfectionis est; in creatione vero creans non mutatur, sed creatum non recipit naturam creantis. Dicitur ergo Filius simul creatus, & genitus, ut ex creatione accipiat immutabilitatem Patris, & ex generatione unitatem naturæ in Patre, & Filio. Et sic exponitur intellectus huius Scripturæ ab Hilario Lib. de Synodis (can. v.) Auctoritates autem inductæ non loquuntur de Spiritu sancto, sed de Spiritu creato, qui quandoque dicitur ventus, quandoque aer, quandoque status hominis, quandoque etiam anima, vel quæcumque substantia invisibilis.

ARTICULUS IV. 217

Utrum in divinis sit potentia respectu actuum notionalium.

1. dist. VII. quest. 1. art. 1. & 2. quest. II. art. 1.

AD quartum sic proceditur. Videtur quod in divinis non sit potentia respectu actuum notionalium. Omnis enim potentia est vel activa, vel passiva. Sed neutra hic competere potest: potentia enim passiva in Deo non est, ut supra ostensum est (quest. xxv. art. 1.) potentia vero activa non competit uni personæ respectu alterius, cum personæ divinæ non sint factæ, ut ostensum est (art. præc.) Ergo in divinis non est potentia ad actus notionales.

2. Præterea. Potentia dicitur ad possibile. Sed divinæ personæ non sunt de numero possibilem, sed de numero necessariorum. Ergo respectu actuum notionalium, quibus divinæ personæ procedunt, non debet poni potentia in divinis.

3. Præterea. Filii procedit ut ver-

bum, quod est conceptio intellectus, Spiritus autem sanctus procedit ut amor; qui pertinet ad voluntatem. Sed potentia in Deo dicitur per comparisonem ad effectus, non autem per comparisonem ad intelligere, & velle, ut supra habitum est (quest. xxv. art. 1. ad 3.) Ergo in divinis non debet dici potentia per comparisonem ad actus notionales.

Sed contra est quod dicit Augustinus contra Maximinum hæreticum (Lib. III. cap. 1. ser. per tot. & ex cap. XII. post princ.) *Si Deus Pater non potuit generare Filium sibi æqualem, ubi est omnipotentia Dei Patris?* Est ergo in divinis potentia respectu actuum notionalium.

Respondendo dicendum, quod sicut ponuntur actus notionales in divinis, ita necesse est ibi ponere potentiam respectu huiusmodi actuum; cum potentia nihil aliud significet quam principium alicuius actus. Unde cum Patrem intelligamus ut principium generationis, & Patrem, & Filium ut principium spirationis; necesse est quod Patri attribuiamus potentiam generandi, & Patri, & Filio potentiam spirandi: quia potentia generandi significat id quo generans generat. Omne autem generans generat aliquo. Unde in omni generante oportet ponere potentiam generandi, & in spirante potentiam spirandi.

Ad primum ergo dicendum, quod sicut secundum actus notionales procedit aliqua persona ut facta, ita neque potentia ad actus notionales dicitur in divinis per respectum ad aliquam personam factam, sed solum per respectum ad procedentem personam.

Ad secundum dicendum, quod possibile, secundum quod necessario opponitur, sequitur potentiam passivam, quæ non est in divinis. Unde neque in divinis est aliquid possibile per modum istum, sed solum secundum quod possibile continetur sub necessario. Sic autem dici potest, quod sicut Deum esse est possibile, sic Filium generari est possibile.

Ad tertium dicendum, quod potentia significat principium. Principium autem distinctionem importat ab eo cuius est principium. Consideratur autem duplex distinctio in his quæ dicuntur de Deo, una secundum rem, alia secundum rationem tantum. Secundum rem quidem Deus distinguitur per essentiam a rebus, quarum est per creationem principium; sicut una persona distinguitur ab alia cuius est principium secundum actum notionalium.

tionalem. Sed actio ab agente non distinguitur in Deo nisi secundum rationem tantum, alioquin actio esset accedens in Deo. Et ideo respectu illarum actionum, secundum quas aliquæ res procedunt distinctæ a Deo vel essentialiter, vel personaliter, potest Deo attribui potentia secundum propriam rationem principii. Et ideo sicut potentiam ponimus creandi in Deo, ita possumus ponere potentiam generandi, vel spirandi. Sed intelligere, & velle non sunt tales actus qui cōtingent processionem alicuius rei a Deo distinctæ vel essentialiter, vel personaliter. Unde respectu horum actuum non potest salvari ratio potentie in Deo nisi secundum modum intelligendi, & significandi tantum, prout diversimode significatur in Deo intellectus, & intelligere, cum tamen ipsum intelligere Dei sit eius essentia non habens principium.

ARTICULUS V. 218

Utrum potentia generandi significet relationem, & non essentiam.

I. dist. VII. quest. 1. art. 2. & pot. quest. 11 art. 2.

AD quantum sic proceditur. Videtur quod potentia generandi, vel spirandi significet relationem, & non essentiam. Potentia enim significat principium, ut ex eius definitione patet. Dicitur enim potentia activa esse principium agendi, ut patet in V. Metaph. (text. xvii. in princ.) Sed principium in divinis respectu personæ dicitur notionaliter. Ergo potentia in divinis non significat essentiam, sed relationem.

2. Præterea. In divinis non differt posse, & agere. Sed generatio in divinis significat relationem. Ergo & potentia generandi.

3. Præterea. Ea quæ significant essentiam in divinis, communia sunt tribus personis. Sed potentia generandi non est communis tribus personis, sed propria Patri. Ergo non significat essentiam.

Sed contra est quod sicut Deus potest generare Filium, ita & vult. Sed voluntas generandi significat essentiam. Ergo & potentia generandi.

Respondendo dicendum, quod quidam dixerunt, quod potentia generandi significat relationem in divinis.

Sed hoc esse non potest. Nam illud proprio dicitur potentia in quocunque agente, quo agens agit. Omne autem produciens aliquid per suam actionem pro-

ducit sibi simile quantum ad formam quam agit. Sicut homo genitus est similis generanti in natura humana, cuius virtute pater potest generare hominem. Illud ergo est potentia generativa in aliquo generante, in quo genitum similitur generanti. Filius autem Dei similitur Patri gignenti in natura divina: unde natura divina in Patre est potentia generandi in ipso. Unde Hilarius dicit in V. de Trinit. (non procul a fin.) *Nativitas Dei non potest eam, ex qua profecta est, non tenere naturam: nec enim aliud quam Deus subsistit, quod non aliunde quam de Deo subsistit.*

Sic igitur dicendum est, quod potentia generandi principaliter significat divinam essentiam, ut Magister dicit vii. dist. 1. Sent. non autem tantum relationem, nec etiam essentiam, inquantum est idem relationi, ut significet ex æquo utrumque. Licet enim paternitas ut forma Patris significetur, est tamen proprietates personalis habens se ad personam Patris ut forma individualis ad aliquod individuum creatum. Forma autem individualis in rebus creatis constituit personam generantem, non autem est quogenerans generat; alioquin Socrates generaret Socratem. Unde neque paternitas potest intelligi ut quo Pater generat, sed ut constituens personam generantis; alioquin Pater generaret Patrem. Sed id quo Pater generat, est natura divina, in qua sibi Filius assimilatur: & secundum hoc Damascenus dicit (Lib. I. orthod. Fid. cap. viii.) *quod generatio est opus natura, non sicut generantis, sed sicut eius quo generans generat.*

Et ideo potentia generandi significat in recto naturam divinam, sed in obliquo relationem.

Ad primum ergo dicendum, quod potentia non significat ipsam relationem principii, alioquin esset in genere relationis; sed significat id quod est principium, non quidem sicut agens dicitur principium; sed sicut id quo agens agit, dicitur principium. Agens autem distinguitur a facto, & generans a generato. Sed id quo generans generat, est commune genito, & generanti, & tanto perfectius, quanto perfectior fuerit generatio. Unde cum divina generatio sit perfectissima, id quo generans generat, est commune genito, & generanti, & idem numero, non solum specie, sicut in rebus creatis. Per hoc ergo quod dicimus, quod essentia divina est principium

pium quo generans generat, non sequitur quod essentia divina distinguatur, sicut sequeretur, si diceretur, quod essentia divina generat.

Ad secundum dicendum, quod sicut est idem in divinis potentia generandi cum generatione, ita essentia divina cum generatione, & paternitate est idem re, sed non ratione.

Ad tertium dicendum, quod cum dico potentiam generandi, potentia significatur in re, & generatio in obliquo, sicut si dicerem essentiam Patris. Unde quantum ad essentiam, quae significatur, potentia generandi communis est tribus personis; quantum autem ad notionem, quae connotatur, propria est personae Patris.

ARTICULUS VI. 219

Utrum actus notionalis ad plures personas terminari possit.

I. dist. VII. quest. 17. art. 2. & pot. quest. 11. art. 1. ad 10. & art. 4.

AD sextum sic proceditur. Videtur quod actus notionalis ad plures personas terminari possit, ita quod sint plures personae genitae, vel spiratae in divinis. Cuicumque enim inest potentia generandi, potest generare. Sed Filius inest potentia generandi. Ergo potest generare: non autem se ipsum: ergo alium filium. Ergo possunt esse plures filii in divinis.

2. Præterea. Augustinus Idicte contra Maximum (Lib. III. cap. XII. circa fin.) *Filius non genuit creatorem, neque enim non potuit, sed non oportuit.*

3. Præterea. Deus Pater est potentior ad generandum quam pater creatus. Sed unus homo potest generare plures filios. Ergo & Deus, præcipue cum potentia patris, uno filio generato, non diminuitur.

Sed contra est quod in divinis non differt esse, & posse. Si igitur in divinis possent esse plures filii, essent plures filii; & ita essent plures personae quæ tres in divinis: quod est hæreticum.

Respondeo dicendum, quod, sicut Athanasius dicit (in suo symb. fid.) in divinis est tantum *unus Pater, unus Filius, unus Spiritus sanctus*. Cuius quidem ratio quadruplex assignari potest.

Prima quidem ex parte relationum, quibus solum personae distinguuntur. Cum enim personae divinae sint ipsae relationes subsistentes, non possent esse

plures patres, vel plures filii in divinis, nisi essent plures paternitates, & plures filiationes. Quod quidem esse non posset nisi secundum materialem rerum distinctionem. Formae enim unius speciei non multiplicantur nisi secundum materiam, quæ in divinis non est. Unde in divinis non potest esse nisi una tantum filia subsistens, sicut & albedo subsistens non posset esse nisi una.

Secunda vero ex modo processionum: quia Deus omnia intelligit, & vult uno & simplici actu. Unde non potest esse nisi una persona procedens per modum verbi, quæ est Filius, & una tantum per modum amoris, quæ est Spiritus sanctus.

Tertia vero sumitur ex modo procedendi: quia personae ipsae procedunt naturaliter, ut dictum est (art. 2. huius quaest. ad 3. & 4.) Natura autem determinatur ad unum.

Quarta ex perfectione divinarum personarum. Ex hoc enim est perfectus Filius, quod tota filia divina in eo continetur, & quod est tantum unus filius: & similiter dicendum est de aliis personis.

Ad primum ergo dicendum, quod quamvis simpliciter concedendum sit, quod potentiam quam habet Pater, habeat Filius; non tamen concedendum est, quod Filius habeat potentiam generandi, si *generandi* sit gerundium verbi activi, ut sit sensus, quod Filius habeat potentiam ad generandum. Sicut licet idem esse sit Patris, & Filii, non tamen convenit Filio esse Patrem propter notionale adiunctum. Si tamen hoc quod dico *generandi*, sit gerundium verbi passivi, potentia generandi est in Filio, idest ut generetur: & similiter si sit gerundium verbi impersonalis, ut sit sensus, Potentia generandi, idest qua ab aliqua persona generatur.

Ad secundum dicendum, quod Augustinus in verbis illis non intendit dicere, quod Filius posset generare filium, sed quod hoc non est ex impotentia Filii quod non generet, ut infra patebit (quaest. XLII. art. 6. ad 3.)

Ad tertium dicendum, quod immaterialitas, & perfectio divina requirit ut non possint esse plures filii in divinis, sicut dictum est (in corp. art.) Unde quod non sint plures filii, non est ex impotentia Patris ad generandum.

QUAESTIO XLII.

De aequalitate, & similitudine divinarum personarum ad invicem, in sex articulos divisa.

DEinde considerandum est de comparatione personarum ad invicem: & primo quantum ad aequalitatem, & similitudinem; secundo quantum ad inaequalitatem.

Circa primum quaeruntur sex.

Primo, utrum aequalitas locum habet in divinis personis.

Secundo, utrum persona procedens sit aequalis ei a qua procedit secundum aeternitatem.

Tertio, utrum sit aliquis ordo in divinis personis.

Quarto, utrum personae divinae sint aequales secundum magnitudinem.

Quinto, utrum una earum sit in alia.

Sexto, utrum sint aequales secundum potentiam.

ARTICULUS I. 220

Utrum aequalitas locum habeat in divinis.

III. Part. quaest. LVIII. art. 2. & I. dist. XIX. quaest. I. art. 1. & IV. cont. cap. IX.

AD primum sic proceditur. Videtur quod aequalitas non competat divinis personis. Aequalitas enim attenditur secundum unum in quantitate, ut patet per Philosophum V. Metaph. (tex. 20.) In divinis autem personis non invenitur neque quantitas continua extrinseca, quae dicitur magnitudo; neque quantitas continua extrinseca, quae dicitur locus, & tempus: neque secundum quantitatem discretam invenitur in eis aequalitas, quia duae personae sunt plures quam una. Ergo divinis personis non convenit aequalitas.

2. Praeterea. Divinae personae sunt unius essentiae, ut supra dictum est (quaest. XXXIX. art. 5.) Essentia autem significatur per modum formae: convenientia autem in forma non facit aequalitatem, sed similitudinem. Ergo in divinis personis est dicenda similitudo, & non aequalitas.

3. Praeterea. In quibuscumque invenitur aequalitas, illa sunt sibi invicem aequalia: quia aequale dicitur aequali aequale. Sed divinae personae non possunt sibi invicem dici aequales: quia, ut Augustinus dicit VI. de Trin. (cap. x. parum a

princ.) *imago, si perfecte implet illud cuius est imago, ipsa coaequantur ei, non illud imaginis sui.* Imago autem Patris est Filius, & sic Pater non est aequalis Filio. Non ergo in divinis personis invenitur aequalitas.

4. Praeterea. Aequalitas relatio quaedam est. Sed nulla relatio est communis omnibus personis; cum secundum relationes personae ab invicem distinguantur. Non ergo aequalitas divinis personis convenit.

Sed contra est quod Athanasius (in suo symb. fid.) dicit, quod *tres personae coeternae sibi sunt, & coaequales.*

Respondeo dicendum, quod necesse est ponere aequalitatem in divinis personis. Quia secundum Philosophum in X. Metaph. (tex. 19.) aequale dicitur quasi per negationem minoris, & maioris: non autem possumus in divinis personis ponere aliquid maius, & minus: quia, ut Boetius dicit in Lib. de Trin. (paulo a princ.) *Eos differentia, scilicet Deitatis, comitatur qui vel augent, vel minuant; ut Ariani, qui gradibus numerorum Trinitatem variantes distrabant, atque in pluralitatem deducunt.* Cuius ratio est, quia inaequalium non potest esse una quantitas numero. Quantitas autem in divinis non est aliud quam eius essentia. Unde relinquatur quod si esset aliqua inaequalitas in divinis personis, non esset in eis una essentia; & sic non essent tres personae unus Deus: quod est impossibile. Oportet igitur aequalitatem ponere in divinis personis.

Ad primum ergo dicendum, quod duplex est quantitas. Una scilicet quae dicitur quantitas molis, vel quantitas dimensionis, quae in solis rebus corporalibus est: unde in divinis personis locum non habet. Sed alia est quantitas virtutis, quae attenditur secundum perfectionem alicuius naturae, vel formae: quae quidem quantitas designatur, secundum quod dicitur aliquid magis, vel minus calidum, inquantum est perfectius, vel minus perfectum in tali caliditate. Huiusmodi autem quantitas virtualis attenditur primo quidem in radice, id est in ipsa perfectione formae, vel naturae; & sic dicitur magnitudo (a) specialis, sicut dicitur magnus calor propter suam intentionem, & perfectionem. Et ideo dicit Augustinus VI. de Trin. (cap. VIII. circa med.) quod *in his quae non mole magnas sunt, hoc est maius esse quod est melius esse: nam melius dicitur quod perfectius est.*

T 2 Se-

(a) Al. spiritualis.

Secundo autem attenditur quantitas virtualis in effectibus formæ. Primus autem effectus formæ est esse, nam omnis res habet esse secundum suam formam. Secundum autem effectus est operatio, nam omne agens agit per suam formam. Attenditur igitur quantitas virtualis & secundum esse, & secundum operationem. Secundum esse quidem, in quantum ea quæ sunt perfectioris naturæ, sunt maioris durationis. Secundum operationem vero, in quantum ea quæ sunt perfectioris naturæ, sunt magis potentia ad agendum. Sic igitur, ut Augustinus (Fulgentius) dicit in Lib. de fide ad Petr. (cap. 1. ante med.) *æqualitas intelligitur in Patre, & Filio, & Spiritu sancto, in quantum nullus horum aut præcedit æternitate, aut excedit magnitudine, aut superat potestate.*

Ad secundum dicendum, quod ubi attenditur æqualitas secundum quantitatem virtualem, æqualitas includit in se similitudinem, & aliquid plus, quia excludit excessum. Quæcumque enim communicant in una forma, possunt dici similia, etiam si inæqualiter illam formam participant; sicut si dicatur aer esse similis igni in calore. Sed non possunt dici æqualia, si unum altero perfectius formam illam participet. Et quia non solum una est natura Patris, & Filii, sed etiam æque perfecte est in utroque: ideo non solum dicimus Filium esse similem Patri, ut excludatur error Eunomii (ex August. Lib. de hæresibus, hæresi liv.) sed etiam dicimus æqualem, ut excludatur error Arii.

Ad tertium dicendum, quod æqualitas, vel similitudo dupliciter potest significari in divinis, scilicet per nomina, & per verba. Secundum quidem quod significatur per nomina, mutua æqualitas dicitur in divinis personis, & similitudo: Filius enim est æqualis, & similis Patri, & e converso; & hoc ideo quia essentia divina non magis est Patris quam Filii. Unde sicut Filius habet magnitudinem Patris, quod est esse eum æqualem Patri; ita Pater habet magnitudinem Filii, quod est esse eum æqualem Filio. Sed quantum ad creaturas, ut Dionysius dicit ix. cap. de div. Nom. (post. med.) non recipitur conversio æqualitatis, & similitudinis. Dicuntur enim causata similia causis, in quantum habent formam causarum, sed non e converso: quia forma principaliter est in causa, & secundario in causato. Sed

verba significant æqualitatem cum motu. Et licet motus non sit in divinis, est tamen ibi accipere. Quia igitur Filius accipit a Patre, unde est æqualis ei, & non e converso; propter hoc dicimus, quod Filius coæquatur Patri, & non e converso.

Ad quartum dicendum, quod in divinis personis nihil est considerare nisi essentiam, in qua communicant, & relationes, in quibus distinguuntur. Æqualitas autem utrumque importat, scilicet distinctionem personarum (quia nihil sibi ipsi dicitur æquale) & unitatem essentiae, quia ex hoc personæ sunt sibi invicem æquales, quod sunt unius magnitudinis, & essentiae. Manifestum est autem quod idem ad se ipsum non refertur aliqua relatione reali: nec iterum una relatio refertur ad aliam per aliquam aliam relationem. Cum enim dicimus, quod paternitas opponitur filiationi, oppositio non est relatio media inter paternitatem, & filiationem, quia utroque modo relatio multiplicaretur in infinitum. Et ideo æqualitas, & similitudo in divinis personis non est aliqua realis relatio distincta a relationibus personalibus; sed in suo intellectu includit & relationes distinguentes personas, & essentiae unitatem. Et propterea Magister dicit in xxxi. dist. 1. Sentent. quod in his appellatio tantum est relativa.

ARTICULUS II. 221

Utrum persona procedens sit coæterna suo principio, ut Filius Patri.

IV. cont. cap. xi. & pot. quest. 17. art. 3.
cont. & quest. 111. art. 13. & 14.
11. cap. xli.

AD secundum si proceditur. Videtur quod persona procedens non sit coæterna suo principio, ut Filius Patri. Arius enim duodecim modos generationis assignat. Primus modus est iuxta fluxum lucis a puncto, ubi deest æqualitas simplicitatis. Secundus modus est iuxta emissionem radiorum a Sole, ubi deest æqualitas naturæ. Tertius modus est iuxta charactorem, seu impressionem a sigillo, ubi deest consubstantialitas, & potentiae efficientia. Quartus modus est iuxta immissionem bonæ voluntatis a Deo, ubi etiam deest consubstantialitas. Quintus modus est iuxta exitum accidentis a substantia, sed accidenti deest substantia. Sextus modus est iuxta abstractionem speciei a materia, sicut sensus

ac-

accipit speciem a re sensibili, ubi deest (a) æqualitas simplicitatis spiritalis. Seprimus modus est iuxta excitationem voluntatis a cogitatione, quæ quidem excitatio temporalis est. Octavus modus est iuxta transfigurationem, ut ex ære fit imago, quæ materialis est. Nonus modus est motus a movente; & hic etiam ponitur effectus, & causa. Decimus modus est iuxta educationem specierum a genere, qui non competit in divinis, quia Pater non prædicatur de Filio sicut genus de specie. Undecimus modus est iuxta ideationem, ut arca exterior ab ea quæ est in mente. Duodecimus modus est iuxta nascencia, ut homo est a patre: ubi est prius, & posterius secundum tempus. Patet ergo quod in omni modo quo aliquid & ex altero, deest æqualitas naturæ, aut æqualitas durationis. Si igitur Filius est a Patre, oportet dicere, vel eum esse minorem Patre, aut posteriorem, aut utrumque.

2. Præterea. Omne quod est ex altero, habet principium. Sed nullum æternum habet principium. Ergo Filius non est æternus, neque Spiritus sanctus.

3. Præterea. Omne quod corrumpitur, definit esse. Ergo omne quod generatur, incipit esse: ad hoc enim generatur ut sit. Sed Filius est genitus a Patre. Ergo incipit esse, & non est coæternus Patri.

4. Præterea. Si Filius genitus est a Patre, aut semper generatur, aut est dare aliquod instans iuxta generationis. Si semper generatur (dum autem aliquid est in generari, est imperfectum, sicut patet in successivis, quæ sunt semper in fieri, ut tempus, & motus) sequitur quod Filius semper sit imperfectus, quod est inconveniens. Est ergo dare aliquod instans generationis Filii. Ante illud ergo instans Filius non erat.

Sed contra est quod Athanasius (in suo symb. fid.) dicit, quod *tota æri personæ coeternæ subsunt*.

Respondeo dicendum, quod necesse est dicere Filium esse coæternum Patri.

Ad cuius evidentiam considerandum est, quod aliquid ex principio existens posterius esse suo principio potest contingere ex duobus: uno modo ex parte agentis, alio modo ex parte actionis. Ex parte agentis quidem, aliter in agentibus voluntariis, aliter in agentibus naturalibus. In agentibus quidem voluntariis

S. Th. Oper. Tom. XX.

(a) Codd. *Aleam. & Camer.* æqualitas spiritalitatis. (b) *Id. eod. Aleam.* cum duobus aliis, quibus addideret Nicolaus, *Edit. Rom. & Paris.* generatus esse, & eius generatio materialis, & cum motus esset: quod est impossibile.

propter electionem temporis: sicut enim in agentis voluntarii potestate est eligere formam quam effectui conferat, ut supra dictum est (quæst. xli. art. 2.) ita in eius potestate est eligere tempus in quo effectum producat. In agentibus autem naturalibus hoc contingit quia agens aliquid non a principio habet perfectionem virtutis naturalis ad agendum, sed ei advenit post aliquod tempus, sicut homo non a principio generare potest. Ex parte autem actionis impeditur ne id quod est a principio, simul sit cum suo principio, propter hoc quod actio est successiva. Unde dato quod aliquid agens tali actione agere inciperet statim cum est, non statim in eodem instanti esset effectus, sed in instanti ad quod terminatur actio. Manifestum est autem secundum præmissa (quæst. præced. art. 2.) quod Pater non generat Filium voluntate, sed natura; & iterum quod natura Patris ab æterno perfecta fuit; & iterum quod actio qua Pater producit Filium, non est successiva, quia sic Filius Dei successive (b) generaretur, & esset eius generatio materialis, & cum motu: quod est impossibile. Relinquitur ergo quod Filius fuit quandocumque fuit Pater: & sic Filius est coæternus Patri, & similiter Spiritus sanctus utrique.

Ad primum ergo dicendum, quod, sicut Augustinus dicit in Lib. de verbis Domini (serm. xxxviii. per totum, & præsertim cap. iv. v. & vi.) nullus modus processionis alicuius creaturæ perfecte repræsentat divinam generationem. Unde oportet ex multis modis colligere similitudinem, ut quod deest ex uno, aequaliter suppleatur ex altero; & propter hoc dicitur in Synodo Ephesina: *Coexistere semper coeternum Patri Filium, splendor tibi denunties. Impossibilitatem naturæ ostendat Verbum, Consubstantialitatem Filii nomen insinuet*. Inter omnia tamen expressius repræsentat processio verbi ab intellectu: quod quidem non est posterius eo a quo procedit, nisi sit talis intellectus qui exeat de potentia in actum: quod in Deo dici non potest.

Ad secundum dicendum, quod æternitas excludit principium durationis, sed non principium originis.

Ad tertium dicendum, quod omnis corruptio est mutatio quædam: & ideo omne quod corrumpitur, incipit non esse, & definit esse. Sed generatio divina

T 3 non

non est transmutatio, ut dictum est supra (quaest. xxvii. art. 2.) Unde Filius semper generatur, & Pater semper generat.

Ad quartum dicendum, quod in tempore aliud est quod est indivisibile, scilicet instans, & aliud est quod est durans, scilicet tempus; sed in aeternitate ipsum *nunc* indivisibile est, & semper flans, ut supra dictum est (quaest. x. art. 4.) Generatio vero Filii non est in *nunc* temporis, aut in tempore, sed in aeternitate: & ideo ad significandum praesentiam, & permanentiam aeternitatis potest dici, quod semper nascitur, ut Origenes dixit (hom. in cap. 1. Ioan. a med.) Sed, ut Gregorius (XXIX. Moral. cap. 1. in princ.) & Augustinus (in Psal. 11. super illud, *Hodie genuit te*) dicunt, melius est quod dicatur semper natus, ut *ly* semper designet permanentiam aeternitatis, & *ly* natus perfectionem geniti. Sic ergo Filius (*a*) non imperfectus est, neque erat quando non erat, ut Arius dixit.

ARTICULUS III. 223

Utrum in divinis personis sit ordo naturae.

I. diff. xlii. artic. 1. & diff. xx. artic. 3. & posteriorum quaest. x. art. 3. corp.

AD tertium sic proceditur. Videtur quod in divinis personis non sit ordo naturae. Quidquid enim in divinis est, vel est essentia, vel persona, vel notio. Sed (*b*) ordo naturae non significat essentiam, neque est aliqua personarum, aut notionum. Ergo ordo naturae non est in divinis.

2. Praeterea. In quibuscumque est ordo naturae, unum est prius altero, scilicet secundum naturam, & intellectum. Sed in divinis personis *nihil est prius, & posterius*, ut Athanasius dicit (in suo symb. fidei.) Ergo in divinis personis non est ordo naturae.

3. Praeterea. Quidquid ordinatur, distinguitur. Sed natura in divinis non distinguitur. Ergo non ordinatur: ergo non est ibi ordo naturae.

4. Praeterea. Natura divina est eius essentia. Sed non est in divinis ordo essentiae. Ergo neque ordo naturae.

Sed contra. Ubicumque est pluralitas sine ordine, ibi est confusio. Sed in divinis personis non est confusio, ut A-

thanasius dicit (in suo symb. fidei.) Ergo est ibi ordo.

Respondeo dicendum, quod ordo semper dicitur per comparisonem ad aliquid principium. Unde sicut dicitur principium multipliciter, scilicet secundum situm, ut punctus; secundum intellectum, ut principium demonstrationis; & secundum causas singulas: ita etiam dicitur ordo. In divinis autem dicitur principium secundum originem absque prioritate, ut supra dictum est (quaest. xxxiii. artic. 1. ad 3. praecipue.) Unde oportet ibi esse ordinem secundum originem absque prioritate. Et hic vocatur ordo naturae secundum Augustinum (Lib. cont. Maxim. cap. 1v. post med.) non quo alter sit prius altero, sed quo alter est ex altero.

Ad primum ergo dicendum, quod ordo naturae significat notionem originis in communem, non autem in specialem.

Ad secundum dicendum, quod in rebus creatis etiam, cum id quod est a principio, sit suo principio coaequum secundum durationem; tamen principium est prius secundum naturam, & intellectum, si consideretur id quod est principium. Sed si considerentur ipsae relationes causae, & causati, & principii, & principiat; manifestum est quod relativa sunt simul natura, & intellectu, in quantum unum est in definitione alterius. Sed in divinis ipsae relationes sunt subsistentes personae in una natura. Unde neque ex parte naturae, neque ex parte relationum una persona potest esse prior alia, neque etiam secundum naturam, & intellectum.

Ad tertium dicendum, quod ordo naturae dicitur, non quod ipsa natura ordinetur, sed quod ordo in divinis personis attenditur secundum naturalem originem.

Ad quartum dicendum, quod natura quodammodo importat rationem principii, non autem essentia: & ideo ordo originis melius nominatur ordo naturae quam ordo essentiae.

A R.

(a) *Mt. Alcan.* nec imperfectus est, nec erat. (b) *Theolog. Lavan. & Duaceni ex ord. Canon.* ordo naturae.

ARTICULUS IV. 223

Utrum Filius sit equalis Patri secundum magnitudinem.

- I. *dist. XIX. quest. 1. art. 2. & IV. cont. cap. VII. ration. 11. & cap. XXI. & pos. quest. 11. art. 2. cor. 1. & quest. X. art. 4. cor. & Boet. de Trin. quest. 111. art. 4.*

AD quartum sic proceditur. Videtur quod Filius non sit equalis Patri in magnitudine. Dicit enim ipse Ioan. xiv. 28. *Pater maior me est*; & Apostolus I. Corinth. xv. 28. *Ipse Filius subiectus eris illi, qui sibi subiecit omnia*.

2. Præterea. Paternitas pertinet ad dignitatem Patris. Sed paternitas non convenit Filio. Ergo non quicquid dignitatis habet Pater, habet Filius: ergo non est equalis Patri in magnitudine.

3. Præterea. Ubicumque est totum, & pars, plures partes sunt aliquid maius quam una tantum, vel pauciores; sicut tres homines sunt aliquid maius quam duo, vel unus. Sed in divinis videtur esse totum universale, & pars: nam sub relatione, vel notione plures notiones continentur. Cum igitur in Patre sint tres notiones, in Filio autem tantum duæ, videtur quod Filius non sit equalis Patri.

Sed contra est quod dicitur Philipp. 11. 6. *Non rapinam arbitratus est esse aequalem Deo*.

Respondeo dicendum, quod necesse est dicere, Filium esse æqualem Patri in magnitudine. Magnitudo enim Dei non est aliud quam perfectio naturæ ipsius. Hoc autem est de ratione paternitatis, & filiationis, quod Filius per generationem pertingat ad habendam perfectionem naturæ, quæ est in Patre, sicut & Pater. Sed quia in hominibus generatio est transmutatio quædam exentis de potentia in actum, non statim a principio homo filius est equalis patri generanti, sed per debitum incrementum ad æqualitatem perducitur, nisi aliter eveniat propter defectum principii generationis. Manifestum est autem ex dictis (quest. xxxviii. art. 2. & 3.) quod in divinis est propriæ & vere paternitas, & filiatio. Nec potest dici, quod virtus Dei Patris fuerit defectiva in generando, neque quod Dei Filius successive, & per transmutationem ad perfectionem pervenerit. Unde necesse est dicere, quod ab æterno fuerit Patri equalis in magnitu-

dine. Unde & Hilarius dicit in Lib. de Synodis (post can. xxvii.) *Tolle corporum infirmitates, tolle conceptus initium, tolle dolores, & omnem humanam necessitatem: omnis filius secundum naturalem naturam æqualis patris est, quia est & similitudo naturæ*.

Ad primum ergo dicendum, quod verba illa intelliguntur dicta de Christo secundum humanam naturam, in qua minor est Patre, & ei subiectus; sed secundum naturam divinam æqualis est Patri: & hoc est quod Atanahus dicit (in symb. fid.) *Æqualis Patri secundum divinitatem, minor Patre secundum humanitatem*. Sed secundum Hilarium in IX. Lib. de Trinit. (inter med. & fin.) *donantis auctoritate Pater maior est, sed minor non est cui unum esse donatur*; & in Lib. de Synod. dicit, quod *subiectio Filii naturæ pietas est, idest recognitio auctoritatis paternæ; subiectio autem ceterorum creationis infirmitas*.

Ad secundum dicendum, quod æqualitas attenditur secundum magnitudinem. Magnitudo autem in divinis significat perfectionem naturæ, ut dictum est (art. 1. huius quest. ad 1. arg.) & ad essentiam pertinet. Et ideo æqualitas in divinis, & similitudo secundum essentialia attenditur: nec potest secundum distinctionem relationum inæqualitas, vel dissimilitudo dici. Unde Augustinus dicit contra Maximinum (Lib. II. cap. xviii. post med.) *Origenis questio est, (a) quis de quo sit, æqualitatis autem qualis, aut quantum sit*. Paternitas igitur est dignitas Patris, sicut & essentia Patris. Nam dignitas est absoluta, & ad essentiam pertinet. Sicut igitur eadem essentia quæ in Patre est paternitas, in Filio est filiatio; ita eadem dignitas quæ in Patre est paternitas, in Filio est filiatio. Vere ergo dicitur, quod quicquid dignitatis habet Pater, habet Filius: nec sequitur, Paternitatem habet Pater: ergo paternitatem habet Filius. Mutatur enim quid in aliquid. Eadem enim est essentia, & dignitas Patris, & Filii, sed in Patre est secundum relationem dantis, in Filio secundum relationem accipientis.

Ad tertium dicendum, quod relatio in divinis non est totum universale, quævis de singulis relationibus prædicetur: quia omnes relationes sunt unum secundum essentiam, & esse: quod repugnat rationi universalis, cuius partes secundum esse distinguuntur. Et similiter per-

sona, ut supra dictum est (quaest. xxx. art. 4. ad 3.) non est universale in divinis. Unde neque omnes relationes sunt maius aliquid quam una tantum; nec omnes personae maius aliquid quam una tantum: quia tota perfectio divinae naturae est in qualibet personarum.

ARTICULUS V. 224

Utrum Filius sit in Patre, & e converso.

I. dist. XIX. quaest. III. art. 2. & IV. cont. cap. IX. fin. & LXV. & Ioan. X. lect. 6. fin. & cap. XVI. lect. 7.

AD quintum sic proceditur. Videtur quod Filius non sit in Patre, & e converso. Philosophus enim in IV. Phys. (text. xxiii.) ponit octo modos essendi aliquid in aliquo: & secundum nullum horum Filius est in Patre, aut e converso, ut patet discurranti per singulos modos. Ergo Filius non est in Patre, nec e converso.

2. Praeterea. Nihil quod exivit ab aliquo, est in eo. Sed Filius ab aeterno exivit a Patre, secundum illud Michae v. 2. *Egressus cilius ab initio a diebus aeternitatis.* Ergo Filius non est in Patre.

3. Praeterea. Unum oppositorum non est in altero. Sed Filius, & Pater opponuntur relative. Ergo unus non potest esse in alio.

Sed contra est quod dicitur Ioan. xiv. 10. *Ego in Patre, & Pater in me est.*

Respondeo dicendum, quod in Patre, & Filio tria est considerare, scilicet essentiam, & relationem, & originem: & secundum quodlibet istorum Filius est in Patre, & e converso. Secundum essentiam enim Pater est in Filio, quia Pater est sua essentia, & communicat suam essentiam Filio, non per aliquam suam transmutationem. Unde sequitur quod cum essentia Patris sit in Filio, in Filio sit Pater: & similiter cum Filius sit sua essentia, sequitur quod sit in Patre, in quo est eius essentia. Et hoc est quod Hilarius dicit V. de Trin. (prope fin.)

Naturam suam, ut ita dicam, sequitur immutabilis Deus, immutabilem generans Deum subsistentem. Ergo in eo Dei naturam intelligimus, cum in Deo Deus inest. Secundum etiam relationes manifestum est quod unum oppositorum relative est in altero secundum intellectum. Secundum originem etiam manifestum est quod processio verbi intelligibilis non est aliquid extra, sed manet in dicente. Id etiam quod verbo dicitur, in verbo continetur: &

eadem ratio est de Spiritu sancto.

Ad primum ergo dicendum quod ea quae in creaturis sunt, non sufficienter representant ea quae Dei sunt: & ideo secundum nullum eorum modorum quos Philosophus enumerat, Filius est in Patre, aut e converso. Accedit tamen magis ad hoc modus ille secundum quem aliquid dicitur esse in principio originante, nisi quod deest unitas essentiae in rebus creatis inter principium, & id quod est a principio.

Ad secundum dicendum, quod exitus Filii a Patre est secundum modum processionis interioris, prout verbum exit a corde, & manet in eo. Unde exitus iste in divinis est secundum solam distinctionem relationum, non secundum essentialem aliquam distantiam.

Ad tertium dicendum, quod Pater, & Filius opponuntur secundum relationes, non autem secundum essentiam, & tamen oppositorum relative unum est in altero, ut dictum est (in corp. art.)

ARTICULUS VI. 225

Utrum Filius sit aequalis Patri secundum potentiam.

I. dist. XX. art. 2.

AD sextum sic proceditur. Videtur quod Filius non sit aequalis Patri secundum potentiam. Dicitur enim Ioan. v. 19. *Non potest Filius a se facere quicquam, nisi quod viderit Patrem facientem.* Pater autem a se potest facere. Ergo Pater maior est Filio secundum potentiam.

2. Praeterea. Maior est potentia eius qui praecipit, & docet, quam eius qui obedit, & audit. Sed Pater mandat Filio, secundum illud Ioan. xiv. 31. *Sicut mandatum dedit mihi Pater, sic facio.* Pater etiam docet Filium, secundum illud Ioan. v. 20. *Pater diligit Filium, & omnia demonstrat ei quae ipse facit.* Similiter & Filius audit, secundum illud Ioan. v. 30. *Sicut audio, iudico.* Ergo Pater est maioris potentiae, quam Filius.

3. Praeterea. Ad omnipotentiam Patris pertinet quod possit Filium generare sibi aequalem. Dicit enim Augustinus in Lib. III. contra Maximin. (cap. vii. cir. fin.) *Si non potuit generare sibi aequalem, ubi est omnipotentia Dei Patris?* Sed Filius non potest generare Filium, ut supra ostensum est (quaest. xlii. art. 6. ad 2.) Non ergo quicquid pertinet ad omnipotentiam Patris, potest Filius; & ita non est ei in potestate aequalis.

Scd

Sed contra est quod dicitur Ioan. v. 19. *Quicumque Pater facit, hæc & Filius similiter facit.*

Respondeo dicendum, quod necesse est dicere, quod Filius est æqualis Patri in potestate. Potentia enim agendi consequitur perfectionem naturæ. Videmus enim in creaturis quod quanto aliquis habet perfectiorem naturam, tanto est maioris virtutis in agendo. Ostensum est autem supra (art. 1. & 4. huius quest.) quod ipsa ratio divinæ paternitatis, & filiationis exigit quod Filius sit æqualis Patri in magnitudine, idest in perfectione naturæ. Unde relinquitur quod Filius sit æqualis Patri in potestate: & eadem ratio est de Spiritu sancto respectu utriusque.

Ad primum ergo dicendum, quod in hoc quod dicitur, *Filius non potest a se facere quicquam*, non subtrahitur Filio aliqua potestas quam habeat Pater, cum statim sublatum, quod *quicumque Pater facit, Filius similiter facit*: sed ostenditur quod Filius habet potestatem a Patre, a quo habet naturam. Unde dicit Hilarius IX. de Trinit. (post med.) *Natura divina hæc unitas est, ut ita per se agat Filius quod non a se agat.*

Ad secundum dicendum, quod in demonstratione Patris, & auditione Filii non intelligitur, nisi quod Pater communicat scientiam Filio, sicut & essentiam. Et ad idem potest referri mandatum Patris per hoc quod ab æterno dedit ei scientiam, & voluntatem agendorum, eum generando. Vel potius referendum est ad Christum secundum humanam naturam.

Ad tertium dicendum, quod sicut eadem essentia quæ in Patre est paternitas, in Filio est filio; ita eadem est potentia qua Pater generat, & qua Filius generatur. Unde manifestum est quod quicquid potest Pater, potest Filius; non tamen sequitur quod possit generare, sed mutatur quod in ad aliquid. Nam generatio significat relationem in divinis. Habet ergo Filius eandem potentiam quam Pater, sed cum alia relatione: quia Pater habet eam ut dans; & hoc significatur cum dicitur, quod potest generare: Filius autem habet eam ut accipiens; & hoc significatur cum dicitur, quod potest generari.

QUAESTIO XLIII.

De missione divinarum personarum, in octo articulos divisa.

Deinde considerandum de missione divinarum personarum: & circa hoc quaeruntur octo.

Primo, utrum alicui divinæ personæ conveniat mitti.

Secundo, utrum missio sit æterna, vel temporalis tantum.

Tertio, secundum quid divina persona invisibiliter mittatur.

Quarto, utrum cuilibet personæ conveniat mitti.

Quinto, utrum invisibiliter mittatur tam Filius, quam Spiritus sanctus.

Sexto, ad quos hæc missio invisibilis.

Septimo de missione visibili.

Octavo, utrum aliqua persona mittat se ipsam visibiliter, aut invisibiliter.

ARTICULUS I. 226

Utrum alicui personæ divinæ conveniat mitti.

I. dist. xv. quest. 1, art. 1. & IV. cont. cap. xxiii. & cap. xxiv. ratione 11.

Ad primum sic proceditur. Videtur quod personæ divinæ non conveniat mitti. Missus enim minor est mittente. Sed una persona divina non est minor alia. Ergo una persona non mittitur ab alia.

2. Præterea. Omne quod mittitur, separatur a mittente: unde Hieronymus dicit super Ezech. (Lib. V. comment. in illud, *Ut portet ignominiam tuam*) *Quod coniunctum est, & in corpore uno copulatum, mitti non potest.* Sed in divinis personis nihil est separabile, ut Hilarius dicit (VII. de Trinit. non procul a fin.) Ergo una persona non mittitur ab alia.

3. Præterea. Quicumque mittitur, ab aliquo loco discedit, & ad aliquem locum de novo vadit. Hoc autem divinæ personæ non convenit, cum ubique sit. Ergo divinæ personæ non convenit mitti.

Sed contra est quod dicitur Ioan. viii. 16. *Non sum ego solus, sed ego, & qui misit me, Pater.*

Respondeo dicendum, quod in ratione missionis duo importantur: quorum unum est habitudo missi ad eum a quo mittitur; aliud est habitudo missi ad terminum ad quem mittitur. Per hoc autem quod aliquis mittitur, ostenditur processio quædam missi a mittente; vel secundum

dom imperium, sicut dominus mittit servum; vel secundum consilium, ut si consiliarius mittere dicatur Regem ad bellandum; vel secundum originem, ut si dicatur, quod flos emittitur ab arbore. Ostenditur etiam habitudo ad terminum ad quem mittitur, ut aliquo modo ibi esse incipiat: vel quia prius ibi omnino non erat quod mittitur; vel quia incipit ibi aliquo modo esse quo prius non erat. Missio igitur divinæ personæ convenire potest, secundum quod importat ex una parte processionem originis a mittente, & secundum quod importat ex alia parte novum modum existendi in alio: sicut Filius dicitur esse missus a Patre in mundum, secundum quod incepit in mundo esse per carnem assumptam; & tamen ante in mundo erat, ut dicitur Ioan. 1.

Ad primum ergo dicendum, quod missio importat minorationem in eo qui mittitur, secundum quod importat processionem a principio mittente, aut secundum imperium, aut secundum consilium: quia imperans est maior, & consilians est sapientior. Sed in divinis non importat nisi processionem originis, quæ est secundum æqualitatem, ut supra dictum est (in corp. art.)

Ad secundum dicendum, quod illud quod sic mittitur, ut incipiat esse ubi prius nullo modo erat, sua missione localiter movetur: unde oportet quod loco separaretur a mittente. Sed hoc non accidit in missione divinæ personæ: quia persona divina missa sicut non incipit esse ubi prius non fuerat, ita nec desinit esse ubi fuerat. Unde talis missio est sine separatione, sed habet solam distinctionem originis.

Ad tertium dicendum, quod obiectio illa procedit de missione quæ fit secundum motum localem, quæ non habet locum in divinis.

ARTICULUS II. 257

Utrum missio sit æterna, vel temporalis tantum.

1. dist. xv. quæst. 2. art. 2.

AD secundum sic proceditur. Videtur quod missio possit esse æterna. Dicit enim Gregorius (hom. xxvi. in Evang. paulo post prin.) *Es mittitur Filius quo generatur.* Sed generatio Filii est æterna. Ergo & missio.

2. Præterea. Cuicumque convenit aliquid temporaliter, illud mutatur. Sed persona divina non mutatur. Ergo missio

divinæ personæ non est temporalis, sed æterna.

3. Præterea. Missio processionem importat. Sed processio divinorum personarum est æterna. Ergo & missio.

Sed contra est quod dicitur Galat. iv. 4. *Cum venit plenitudo temporis, misit Deus Filium suum.*

Respondeo dicendum, quod in his quæ important originem divinorum personarum, est quædam differentia attendenda. Quædam enim in sui significatione important solam habitudinem ad principium, ut *processio*, & *emissio*. Quædam vero cum habitudine ad principium determinant processionis terminum. Quorum quædam determinant terminum æternum, sicut *generatio*, & *spiratio*: nam generatio est processio divinæ personæ in naturam divinam, & spiratio passive accepta importat processionem amoris subsistentis. Quædam vero cum habitudine ad principium important terminum temporalem, sicut *missio*, & *datio*: Mittitur enim aliquid ad hoc ut sit in aliquo, & datur ad hoc quod habeatur. Personam autem divinam haberi ab aliqua creatura, vel esse novo modo existendi in ea, est quoddam temporale.

Unde *missio*, & *datio* in divinis dicuntur temporaliter tantum; *generatio* autem, & *spiratio* solum ab æterno; *processio* autem, & *emissio* dicuntur in divinis & æternaliter, & temporaliter: nam Filius ab æterno processit, ut sit Deus; temporaliter autem, ut etiam sit homo secundum missionem visibilem, vel etiam ut sit in homine secundum invisibilem missionem.

Ad primum ergo dicendum, quod Gregorius loquitur de generatione temporali Filii non a Patre, sed a matre. Vel quia ex hoc ipso Filius habet quod possit mori, quod est ab æterno genitus.

Ad secundum dicendum, quod divinam personam esse novo modo in aliquo, vel ab aliquo haberi temporaliter, non est propter mutationem divinæ personæ, sed propter mutationem creature; sicut & Deus temporaliter dicitur Dominus propter mutationem creature.

Ad tertium dicendum, quod missio non solum importat processionem a principio, sed determinat processionis terminum temporalem. Unde missio solum est temporalis, vel missio includit processionem æternam, & aliquid addit, scilicet temporalem effectum. Habitudo enim divinæ personæ ad suum principium non est nisi ab æterno. Unde gemina dicitur processio,

fio, æterna scilicet, & temporalis: non propter hoc quod habitudo ad principium geminetur; sed gemitatio est ex parte terminis temporalis, & æterni.

ARTICULUS III. 228

Utrum missio invisibilis divina persona sit solum secundum donum gratiæ gratum faciens.

I. dist. xiv. quest. 21. ar. 2.

AD tertium sic proceditur. Videtur quod missio invisibilis divinæ personæ non sit solum secundum donum gratiæ gratum faciens. Divinam enim personam mitti est ipsam donari. Si igitur divina persona mittitur solum secundum dona gratiæ gratum faciens, non donabitur ipsa persona divina, sed solum dona eius: quod est error dicentium, Spiritum sanctum non dari, sed eius dona.

2. Præterea. Hæc præpositio *secundum* denotat habitudinem alicuius causæ. Sed persona divina est causa quod habeatur donum gratiæ gratum faciens, & non e converso, secundum illud Roman. v. 3. *Caritas Dei diffusa est in cordibus nostris per Spiritum sanctum, qui datus est nobis*. Ergo inconvenienter dicitur, quod persona divina secundum dona gratiæ gratum faciens mittatur.

3. Præterea. Augustinus dicit IV. de Trinit. (cap. xx. in med.) quod *Filius, cum ex tempore mente percipitur, mitti dicitur*. Sed Filius cognoscitur non solum per gratiam gratum facientem, sed etiam per gratiam gratis datam, sicut per fidem, & per scientiam. Non ergo persona divina mittitur secundum solum gratiam gratum facientem.

4. Præterea. Rabanus dicit, quod Spiritus sanctus datus est Apostolis ad operationem miraculorum. Hoc autem non est donum gratiæ gratum faciens, sed gratiæ gratis datæ. Ergo persona divina non solum datur secundum gratiam gratum facientem.

Sed contra est quod Augustinus dicit III. de Trinit. (elicitur ex cap. iv. eius lib. circ. fin.) quod *Spiritus sanctus procedit temporaliter ad sanctificandam creaturam*. Missio autem est temporalis processio. Cum igitur sanctificatio creaturæ non sit nisi per gratiam gratum facientem, sequitur quod missio invisibilis divinæ personæ non sit nisi per gratiam gratum facientem.

Respondeo dicendum, quod divinæ personæ convenit mitti, secundum quod po-

vo modo existit in aliquo; dari autem, secundum quod habetur ab aliquo: neutrum autem horum est nisi secundum gratiam gratum facientem. Est enim communis modus quo Deus est in omnibus rebus per essentiam, potentiam, & præsentiam, sicut causa in effectibus participantibus bonitatem ipsius. Super istum modum autem comanent: est unus specialis, qui convenit naturæ rationali, in qua Deus dicitur esse sicut cognitum in cognoscente, & amatum in amante. Et quia cognoscendo, & amando creatura rationalis sua operatione attingit ad ipsum Deum, secundum istum specialem modum Deus non solum dicitur esse in creatura rationali, sed etiam habitare in ea sicut in templo suo. Sic igitur nullus alius effectus potest esse ratio quod divina persona sit novo modo in rationali creatura, nisi gratia gratum faciens. Unde secundum solum gratiam gratum facientem mittitur, & procedit temporaliter persona divina.

Similiter illud solum habere dicimur quo libere possumus uti, vel frui. Habere autem potestatem fruendi divina persona est solum secundum gratiam gratum facientem.

Sed tamen in ipso dono gratiæ gratum faciens Spiritus sanctus habetur, & inhabitat hominem. Unde ipsemet Spiritus sanctus datur, & mittitur.

Ad primum ergo dicendum, quod per donum gratiæ gratum faciens perficitur creatura rationalis ad hoc quod libere non solum ipso dono creato utatur, sed ut ipsa divina persona fruatur: & ideo missio invisibilis sit secundum donum gratiæ gratum faciens; & tamen ipsa persona divina datur.

Ad secundum dicendum, quod gratia gratum faciens disponit animam ad habendam divinam personam: & significatur hoc, cum dicitur, quod Spiritus sanctus datur secundum donum gratiæ.

Sed tamen ipsum donum gratiæ est a Spiritu sancto: & hoc significatur quo dicitur, quod *caritas Dei diffunditur in cordibus nostris per Spiritum sanctum*.

Ad tertium dicendum, quod licet per aliquos alios effectus Filius cognosci possit a nobis, non tamen per alios effectus nos inhabitat, vel etiam habetur a nobis.

Ad quartum dicendum, quod operatio miraculorum est manifestativa gratiæ gratum faciens, sicut & donum prophetiæ, & quælibet gratia gratis data.

Un-

Unde I. Corinth. xii. gratia gratis data nominatur manifestatio Spiritus. Sic igitur Apostolis dicitur datus Spiritus sanctus ad operationem miraculorum, quia data est eis gratia gratum faciens cum signo manifestante. Si autem daretur solum signum gratiae gratum facientis sine gratia, non diceretur dari simpliciter Spiritus sanctus; nisi forte cum aliqua determinatione, secundum quod dicitur, quod alicui datur spiritus propheticus, vel miraculorum, in quantum a Spiritu sancto habet virtutem prophetandi, vel miracula faciendi.

ARTICULUS IV. 229

Utrum Patri conveniat mitti.

I. dist. xv. quaest. 1. art. unico.

AD quantum sic proceditur. Videtur quod Patri etiam conveniat mitti. Mitti enim divinam personam est ipsam dari. Sed Pater dat seipsum, cum haberi non possit, nisi se ipso donante. Ergo potest dici, quod Pater mittat seipsum.

2. Præterea. Persona divina mittitur secundum inhabitationem gratiae. Sed per gratiam tota Trinitas inhabitat in nobis, secundum illud Ioan. xiv. 23. *Ad eum venimus, & mansionem apud eum faciemus.* Ergo quælibet divinarum personarum mittitur.

3. Præterea. Quicquid convenit alicui personae, convenit omnibus, præter notiones, & personas. Sed missio non significat aliquam personam, neque etiam notionem, cum sint tantum quinque notiones, ut supra dictum est (quaest. xxxii. art. 3.) Ergo cuilibet personae divinae convenit mitti.

Sed contra est quod Augustinus dicit in II. Lib. de Trinit. (cap. v. paulo post princ.) quod *solus Pater nunquam legitur missus.*

Respondeo dicendum, quod missio in sui ratione importat processionem ab alio, & in divinis secundum originem, ut supra dictum est (art. 1. & 2. huius quaest.) Unde cum Pater non sit ab alio, nullo modo convenit sibi mitti, sed solum Filio, & Spiritui sancto, quibus convenit esse ab alio.

Ad primum ergo dicendum, quod si dare importet liberalem communicationem alicuius, sic Pater dat se ipsum, in quantum se liberaliter communicat creaturæ ad fruendum. Si vero importet auctoritatem dantis respectu eius quod da-

tur, sic non convenit dari in divinis nisi personae quæ est ab alio, sicut nec mitti.

Ad secundum dicendum, quod licet effectus gratiae sit etiam a Patre, qui inhabitat per gratiam, sicut & Filius, & Spiritus sanctus; quia tamen non est ab alio, non dicitur mitti. Et hoc est quod dicit Augustinus IV. de Trinit. (cap. xx. post med.) quod *Pater, cum in tempore a quoquam cognoscitur, non dicitur missus; non enim habet de quo fit, aut ex quo procedat.*

Ad tertium dicendum, quod missio, in quantum importat processionem a mittente, includit in sui significatione notionem, non quidem in speciali, sed in generali, prout esse ab alio est commune duabus notionibus.

ARTICULUS V. 230

Utrum Filio conveniat invisibiliter mitti.

I. dist. xv. quaest. iv. art. 1. & IV. cont. cap. viii. num. 9. & cap. xxxii.

AD quantum sic proceditur. Videtur quod Filio non conveniat invisibiliter mitti. Missio enim invisibilis divinae personae attenditur secundum dona gratiae. Sed omnia dona gratiae pertinent ad Spiritum sanctum, secundum illud I. Corinth. xii. 11. *Omnia operatur unus atque idem Spiritus.* Ergo invisibiliter non mittitur nisi Spiritus sanctus.

2. Præterea. Missio divinae personae fit secundum gratiam gratum facientem. Sed dona quæ pertinent ad perfectionem intellectus, non sunt dona gratiae gratum facientis, cum sine caritate possint haberi, secundum illud I. ad Cor. xiii. 2. *Si habuerim prophetiam, & noverim mysteria omnia, & omnem scientiam, & si habuerim omnem fidem, ita ut montes transferam, caritatem autem non habeam, nihil sum.* Cum ergo Filius procedat ut verbum intellectus, videtur quod non conveniat sibi invisibiliter mitti.

3. Præterea. Missio divinae personae est quædam processio, ut dictum est (art. præc. & art. 1. huius quaest.) Sed alia est processio Filii, alia Spiritus sancti. Ergo & alia missio, si uterque mittitur; & sic altera earum superflueret, cum una sit sufficiens ad sanctificandum creaturam.

Sed contra est quod Sapient. ix. 10. dicitur de divina sapientia: *Mitte illam de caelis sanctis tuis, & a sede magnitudinis tue.*

Respondeo dicendum, quod per gratiam

tiam gratum facientem tota Trinitas inhabitat nentem, secundum illud Ioan. xiv. 23. *Ad eum veniemus, & mansionem apud eum faciemus.* Mitti autem personam divinam ad aliquem per invisibilem gratiam significat novum modum inhabitandi illius personae, & originem eius ab alia. Unde cum tam Filio, quam Spiritui sancto conveniat & inhabitare per gratiam, & ab alio esse, utrique convenit invisibiliter mitti.

Patri autem, licet conveniat inhabitare per gratiam, non tamen sibi convenit ab alio esse, & per consequens nec mitti.

Ad primum ergo dicendum, quod licet omnia dona, inquantum dona sunt, attribuantur Spiritui sancto, quia habet rationem primi doni, secundum quod est amor, ut supra dictum est (quaest. xxxviii. art. 1.) aliqua tamen dona secundum proprias rationes attribuantur per quamdam appropriationem Filio, scilicet illa quae pertinent ad intellectum; & secundum illa dona attenditur missio Filii. Unde Augustinus dicit IV. de Trinit. (cap. xx. circ. med.) quod tunc invisibiliter Filius unicuique mittitur, cum a quoquam cognoscitur, atque percipitur.

Ad secundum dicendum, quod anima per gratiam conformatur Deo. Unde ad hoc quod aliqua persona divina mittatur ad aliquem per gratiam, oportet quod fiat assimilatio illius ad divinam personam quae mittitur, per aliquod gratiae donum. Et quia Spiritus sanctus est amor, per donum caritatis anima Spiritui sancto assimilatur. Unde secundum (a) modum caritatis attenditur missio Spiritus sancti. Filius autem est verbum, non quaecumque, sed spirans amorem. Unde Augustinus dicit in IX. Lib. de Trinit. (cap. x. circ. fin.) *Verbum autem, quod inspicere intendimus, cum amore nostra est.* Non igitur secundum quamlibet perfectionem intellectus mittitur Filius, sed secundum talem (b) instructionem intellectus, quae prorumpat in affectum amoris, ut dicitur Ioan. vi. 45. *Omnes qui audierit a Patre, & didicerit, venit ad me:* & in Psalm. xxxviii. 4. *In meditatione mea exardescet ignis.* Et ideo significanter dicit Augustinus (loc. cit. in solut. 1. arg.) quod filius mittitur, cum a quoquam cognoscitur, atque percipitur. Perceptio autem experimentalem quamdam notitiam significat; & haec proprie dicitur

sapientia, quasi sapida scientia, secundum illud Ecclesi. vi. 23. *Sapientia doctrina secundum nomen eius est.*

Ad tertium dicendum, quod cum missio importet originem personae missae, & inhabitationem per gratiam, ut supra dictum est (in corp. art. & art. 1. huius quaest.) si loquamur de missione quantum ad originem, sic missio Filii distinguitur a missione Spiritus sancti, sicut & generatio a processione. Si autem quantum ad effectum gratiae, sic communicant duae missiones in radice gratiae, sed distinguuntur in effectibus gratiae, qui sunt illuminatio intellectus, & inflammatio affectus. Et sic manifestum est quod una non potest esse sine alia: quia neutra est sine gratia gratum faciente, nec una persona separatur ab alia.

ARTICULUS VI. 237

Utrum missio invisibilis fiat ad omnes qui sibi participes gratiae.

I. dist. xv. quaest. v. art. 1. quaest. 1. 2. 3. & 4.

AD sextum sic proceditur. Videtur quod missio invisibilis non fiat ad omnes qui sunt participes gratiae. Patres enim veteris testamenti gratiae participes fuerunt. Sed ad illos non videtur fuisse facta missio invisibilis: dicitur enim Ioan. vii. 39. *Nondum erat Spiritus datus, quia nondum erat Jesus glorificatus.* Ergo missio invisibilis non fit ad omnes qui sunt participes gratiae.

2. Praeterea. Profectus in virtute non est nisi per gratiam. Sed missio invisibilis non videtur attendi secundum profectum virtutis: quia profectus virtutis videtur esse continuus, cum caritas semper aut proficiat, aut deficiat: & sic missio esset continua. Ergo missio invisibilis non fit ad omnes participes gratiae.

3. Praeterea. Christus, & beati plenissime habent gratiam. Sed ad eos non videtur fieri missio, quia missio fit ad aliquid distans. Christus autem, secundum quod homo, & omnes beati perfecte sunt uniti Deo. Non ergo ad omnes participes gratiae fit missio invisibilis.

4. Praeterea. Sacramenta novae legis continent gratiam, nec tamen ad ea dicitur fieri missio invisibilis. Non ergo ad omnia quae habent gratiam, fit missio invisibilis.

Sed contra est quod secundum Augustinum (Lib. III. de Trinit. cap. iv. & Lib.

(a) Ita Rom. editio & Parav. Codd. Camer. & Alcan. cum Nicolae donum caritatis. (b) Edit. Rom. instructionem, vel instructionem.

Lib. XV. cap. xxvij. post princ.) missio invisibilis fit ad sanctificandam creaturam. Omnis autem creatura habens gratiam sanctificatur. Ergo ad omnem creaturam huiusmodi fit missio invisibilis.

Respondeo dicendum, quod, sicut supra dictum est (3. 4. & 5. art. huius quest.) missio de sui ratione importat quod ille qui mittitur, vel incipiat esse ubi prius non fuit, sicut accidit in rebus creatis; vel incipiat esse ubi prius fuit, sed quodam modo novo, secundum quod missio attribuitur divinis personis. Sic ergo in eo ad quem fit missio, oportet duo considerare, scilicet inhabitationem gratiae, & innovationem quamdam per gratiam. Ad omnes ergo fit missio invisibilis in quibus haec duo inveniuntur.

Ad primum ergo dicendum, quod missio invisibilis est facta ad patres veteris testamenti: unde dicit Augustinus IV. de Trinit. (cap. xx. parum ante mod.) quod, secundum quod Filius mittitur invisibiliter, fit in hominibus, aut cum hominibus. Hoc autem antea factum est in Patribus, & Prophetis. Cum ergo dicitur, *Nondum erat datus Spiritus*, intelligimus de illa datione cum signo visibili quae facta est in die Pentecostes.

Ad secundum dicendum, quod etiam secundum profectum virtutis, aut augmentum gratiae fit missio invisibilis. Unde Augustinus dicit IV. de Trinit. (loc. proxime citato) quod tunc unicuique mittitur Filius, cum a quoquam cognoscitur, atque percipitur, quantum cognosci, & percipi preest pro capto vel proficiente anima in Deum, vel perfecte anima rationalis in Deo. Sed tamen secundum illud augmentum gratiae praecipue missio invisibilis attenditur, quando aliquis proficit in aliquem novum actum, vel novum statum gratiae; ut puta cum aliquis proficit in gratiam miraculorum, aut prophetiae, vel in hoc quod ex fervore caritatis exponit se martyrio, aut abrenuntiat his quae possidet, aut quodcumque opus arduum aggreditur.

Ad tertium dicendum, quod ad beatos est facta missio invisibilis in ipso principio beatitudinis. Postmodum autem ad eos fit missio invisibilis, non secundum intentionem gratiae, sed secundum quod aliqua mysteria eis revelantur de novo: quod erit usque ad diem iudicii. Quod quidem augmentum attenditur secundum extensionem gratiae ad plura se extendentis. Ad Christum autem fuit facta invisibilis missio in principio suae conce-

ptionis, non autem postea; cum a principio suae conceptionis fuerit plenus omni sapientia, & gratia.

Ad quartum dicendum, quod gratia est in sacramentis novae legis instrumentaliter sicut forma artificiatum est in instrumentis artis secundum quemdam (a) decursum ab agente in patiens. Missio autem non dicitur fieri nisi respectu termini. Unde missio divinae personae non fit ad sacramenta, sed ad eos qui per sacramenta gratiam suscipiunt.

ARTICULUS VII. 232

Utrum Spiritui sancto conveniat visibiliter mitti.

Locis supr. art. 6. inducit.

AD septimum sic proceditur. Videtur quod Spiritui sancto non conveniat visibiliter mitti. Filius enim, secundum quod visibiliter missus est in mundum, dicitur esse minor Patre. Sed numquam legitur Spiritus sanctus minor Patre. Ergo Spiritui sancto non convenit visibiliter mitti.

2. Praeterea. Missio visibilis attenditur secundum aliquam creaturam visibilem assumptam, sicut missio Filii secundum carnem. Sed Spiritus sanctus non assumptus aliquam creaturam visibilem: unde non potest dici, quod in aliquibus creaturis visibilibus sit alio modo quam in aliis, nisi forte sicut in signo, sicut est etiam in sacramentis, & in omnibus figuris legalibus. Non ergo Spiritus sanctus visibiliter mittitur: vel oportet dicere, quod secundum omnia huiusmodi eius missio visibilis attenditur.

3. Praeterea. Quaelibet creatura visibilis est effectus demonstrans totam Trinitatem. Non ergo per illas creaturas visibiles magis mittitur Spiritus sanctus quam alia persona.

4. Praeterea. Filius visibiliter est missus secundum dignissimam visibilem creaturam, scilicet secundum naturam humanam. Si igitur Spiritus sanctus visibiliter mittitur, debuit mitti secundum aliquas creaturas rationales.

5. Praeterea. Quae visibiliter sunt divinitus, dispensantur per ministerium Angelorum, ut Augustinus dicit III. de Trin. (elicite ex cap. iv. v. & ix.) Si ergo aliquae species visibiles apparuerunt, hoc factum fuit per Angelos; & sic ipsi Angeli mittuntur, & non Spiritus sanctus.

6. Prae-

(a) *Id.* discursum.

6. Præterea. Si Spiritus sanctus visibiliter mittatur, hoc non est nisi ad manifestandum invisibilem missionem: quia invisibilia per visibilia manifestantur. Ergo ad quem missio invisibilis facta non fuit, nec missio visibilis fieri debuit: & ad omnes ad quos fit missio invisibilis, sive in novo, sive in veteri testamento, missio visibilis fieri debet: quod patet esse falsum. Non ergo Spiritus sanctus visibiliter mittitur.

Sed contra est quod dicitur *Match. xii.* quod Spiritus sanctus descendit super Dominum baptizatum in specie columbæ.

Respondendo dicendum, quod Deus providet omnibus secundum uniuscuiusque modum. Est autem modus connaturalis homini ut per visibilia ad invisibilia manuducatur, ut ex supra dictis patet (*quæst. xii. art. 12.*) Et ideo invisibilia Dei oportuit homini per visibilia manifestari. Sicut igitur seipsum Deus, & processiones æternas personarum per creaturas visibiles secundum aliqua indicia hominibus quodammodo demonstravit; ita conveniens fuit ut etiam invisibiles missiones divinarum personarum secundum aliquas visibiles creaturas manifestarentur.

Aliter tamen Filius, & Spiritus sanctus. Nam Spiritui sancto, in quantum procedit ut amor, competit esse sanctificationis donum; Filio autem, in quantum est Spiritus sancti principium, competit esse sanctificationis huius auctorem. Et ideo Filius visibiliter missus est tamquam sanctificationis auctor, sed Spiritus sanctus tamquam sanctificationis indicium.

Ad primum ergo dicendum, quod Filius creaturam visibilem, in qua apparuit, in unitatem personæ assumpsit, sic ut quod de illa creatura dicitur, de Filio Dei dici possit: & sic ratione naturæ assumptæ Filius dicitur minor Patre. Sed Spiritus sanctus non assumpsit creaturam visibilem in qua apparuit, in unitatem personæ, ut quod illi convenit, de illo prædicetur. Unde non potest dici minor Patre propter visibilem creaturam.

Ad secundum dicendum, quod missio visibilis Spiritus sancti non attenditur secundum visionem imaginariam, quæ est visio prophetica: quia, ut Augustinus dicit *11. de Trinit. (cap. vi. circa med.)* visio prophetica non est exhibitio corporis oculis per formas corporales, sed in spiritu per spirituales corporum imagines. Colum-

ham vero illam, & ignem oculis viderunt quicumque viderunt. Neque iterum sic se habuit Spiritus sanctus ad huiusmodi species sicut Filius ad petram: quia dicitur: *Petra erat Christus.* Illa enim petra iam erat in creatura, & per actionis modum nuncupata est nomine Christi, quem significabat. Sed illa columna, & ignis ad hoc tantum significanda repente existerunt. Sed videntur esse similes flamma illi quæ in rubo apparuit Moysi, & illi columna quam populus in eremo sequebatur, & fulgoribus, ac tonitruis quæ fiebant cum lex daretur in monte. Ad hoc enim verum illarum corporalis existit species, ut aliquid significaret, atque prædiceret. Sic igitur apparet quod missio visibilis neque attenditur secundum visiones propheticas, quæ fuerunt imaginariæ, & non corporales; neque secundum signa sacramentalia veteris, & novi testamenti, in quibus quædam res præexistentes assumuntur ad aliquid significandum: sed Spiritus sanctus visibiliter dicitur esse missus, in quantum fuit monstratus in quibusdam creaturis sicut in signis ad hoc specialiter factis.

Ad tertium dicendum, quod licet illas creaturas visibiles tota Trinitas operata sit, tamen factæ sunt ad demonstrandum specialiter hanc vel illam personam. Sicut enim diversis nominibus significatur Pater, & Filius, & Spiritus sanctus; ita etiam diversis rebus significari poterunt; quamvis inter eos nulla sit separatio, aut diversitas.

Ad quartum dicendum, quod personam Filii declarari oportuit ut sanctificationis auctorem, ut dictum est (*in corp. art.*) Et ideo oportuit quod missio visibilis Filii fieret secundum naturam rationalem, cuius est agere, & cui potest competere sanctificari. Indiciū autem sanctificationis esse potuit quæcumque alia creatura. Neque oportuit quod creatura visibilis ad hoc formata, esset assumpta a Spiritu sancto in unitatem personæ, cum non assumeretur ad aliquid agendum, sed ad indicandum tantum: & propter hoc etiam non oportuit quod duraret, nisi quandiu perageret officium suum.

Ad quintum dicendum, quod illæ creaturæ visibiles formatæ sunt ministerio Angelorum, non tamen ad significandum personam Angeli, sed ad significandum personam Spiritus sancti. Quia igitur Spiritus sanctus erat in illis creaturis visibilibus sicut signatus in signo, propter hoc secundum eas Spiritus sanctus visibiliter

v. isi-

visibiliter mitti dicitur, & non Angelus.

Ad sextum dicendum, quod non est de necessitate invisibilis missionis ut semper manifestetur per aliquod signum visibile exterius; sed, sicut dicitur I. Cor. xii. 7. *manifestatio spiritus datur (a) alicui ad utilitatem*, scilicet Ecclesiae. Quae quidem utilitas est ut per huiusmodi visibilia signa fides confirmetur, & propagetur. Quod quidem principaliter factum est per Christum, & per Apostolos, secundum illud Hebr. ii. 3. *Quae cum initium accepisset enarrari per Dominum, ab eis qui audierunt, in nos confirmata est*. Et ideo specialiter debuit fieri missio visibilis Spiritus sancti ad Christum, ad Apostolos, & ad aliquos primitivos Sanctos, in quibus quodammodo Ecclesia fundabatur; ita tamen quod visibilis missio facta ad Christum demonstraret missionem invisibilem, non tunc, sed in principio suae conceptionis ad eum factam. Facta autem est missio visibilis ad Christum in baptismo quidem sub specie columbae, quod est animal secundum, ad ostendendum in Christo auctoritatem donandi gratiam per spirituales regenerationem: unde vox Patris innotuit (Matth. iii. 17.) *Hic est Filius meus dilectus*, ut ad similitudinem unigeniti alii regenerarentur. In transfiguratione vero sub specie nubis lucidae, ad ostendendam exuberantiam doctrinae: unde dictum est (ibid. xvii. 5.) *Ipsum audite*. Ad Apostolos autem sub specie status ad ostendendam potestatem ministerii in dispensatione sacramentorum: unde dictum est eis (Ioan. xx. 22.) *Quorum remisistis peccata, remittuntur eis*: sed sub linguis igneis ad ostendendum officium doctrinae: unde dicitur (Act. ii. 4.) *quod ceperunt loqui variis linguis*. Ad patres autem veteris testamenti missio visibilis Spiritus sancti fieri non debuit: quia prius debuit perfici missio visibilis Filii quam Spiritus sancti, cum Spiritus sanctus manifestet Filium, sicut Filius Patrem. Fuerunt (b) autem factae visibiles apparitiones divinarum personarum patribus veteris testamenti: quae quidem missiones visibiles dici non possunt: quia non fuerunt factae, secundum Augustinum (I. lib. II. de Trin. cap. xvi. circ. fin.) ad designandum inhabitationem divinae personae per gratiam, sed ad aliquid aliud manifestandum.

ARTICULUS VIII. 233

Utrum (a) nulla persona divina mittatur nisi ab ea a qua procedit aeternaliter.

I. dist. xv. quae. 111. 5^o pot. quae. x. ar. 4. ad 4.

AD octavum sic proceditur. Videtur quod nulla persona divina mittatur nisi ab ea a qua procedit aeternaliter. Quia, sicut dicit Augustinus IV. de Trinit. (colligitur ex cap. ult. in fin.) *Pater a nullo mittitur, quia a nullo est*. Si ergo aliqua persona divina mittitur ab alia, oportet quod sit ab illa.

2. Praeterea. Mittens habet auctoritatem respectu missi. Sed respectu divinae personae non potest haberi auctoritas nisi secundum originem. Ergo oportet quod divina persona quae mittitur, sit a persona mittente.

3. Praeterea. Si persona divina potest mitti ab eo a quo non est, nihil prohibebit dicere, quod Spiritus sanctus deus ab homine, quavis non sit ab eo: quod est contra Augustinum XV. de Trinit. (cap. xxvi.) Ergo divina persona non mittitur nisi ab ea a qua est.

Sed contra est quod Filius mittitur a Spiritu sancto, secundum illud Isai. xlviii. 16. *Nunc misi me Dominus Deus, & Spiritus eius*. Filius autem non est a Spiritu sancto. Ergo persona divina mittitur ab ea a qua non est.

Respondendo dicendum, quod circa hoc inveniuntur aliqui diversimode locuti esse. Secundum quosdam enim persona divina non mittitur nisi ab eo a quo est aeternaliter: & secundum hoc, cum dicitur Filius Dei missus a Spiritu sancto, referendum est hoc ad humanam naturam, secundum quam missus est ad praedicandum a Spiritu sancto. Augustinus autem dicit II. de Trinit. (cap. v. post princ.) quod *Filius mittitur & a se, & a Spiritu sancto, & Spiritus sanctus etiam mittitur & a se, & a Filio*; ut sic mitti in divinis non conveniat cuilibet personae, sed solum personae ab alio existenti; mittere autem conveniat cuilibet personae.

Utrumque autem habet aliquo modo veritatem: quia cum dicitur aliqua persona mitti, designatur & ipsa persona ab alio existens, & effectus visibilis, aut invisibilis, secundum quem missio divinae personae attenditur. Si igitur mittens designat-

(a) *Pulsata* univocque, (b) *Nicelaus* tamen, (c) *Ista Nicelaus, al. aliqua*.

fignetur ut principium personæ quæ mittitur, sic non quilibet persona mittit, sed solum illa cui convenit esse principium illius personæ: & sic Filius mittitur tantum a Patre, Spiritus sanctus autem a Patre, & Filio. Si vero persona mittens intelligatur esse principium effectus, secundum quem attenditur missio, sic tota Trinitas mittit personam missam.

Non autem propter hoc homodat Spiritum sanctum, quia nec effectum gratiæ potest causare.

Et per hoc patet solutio ad obiecta.

QUAESTIO XLIV.

De processione creaturarum a Deo, 1^o de omnium entium prima causa, in quatuor articulos divisa.

Post considerationem divinarum personarum considerandum restat de processione creaturarum a Deo. Erit autem hæc consideratio tripartita; ut primo consideretur de productione creaturarum, secundo de earum distinctione, tertio de conservatione, & gubernatione. Circa primum tria sunt consideranda. Primo quidem, quæ sit prima causa entium. Secundo de modo procedendi creaturarum a prima causa. Tertio vero de principio durationis rerum.

Circa primum quaeruntur quatuor.

Primo, utrum Deus sit causa efficiens omnium entium.

Secundo, utrum materia prima sit creata a Deo, vel sit principium ex æquo coordinatum ei.

Tertio, utrum Deus sit causa exemplaris rerum, vel sint alia exemplaria præter ipsum.

Quarto, utrum ipse sit causa finalis rerum.

ARTICULUS I. 234

Utrum sit necessarium omne ens esse creatum a Deo.

II. dist. 1. quest. 1. art. 2. & 3. & dist. XVII. quest. 1. art. 2. & II. cont. cap. VI. XV. & XVI. & opusc. II. cap. LXVIII. & LXIX. & opusc. XV. cap. IX.

AD primum sic proceditur. Videtur quod non sit necessarium omne ens esse creatum a Deo. Nulli enim prohibet inveniri rem sine eo quod non est de ratione rei, sicut hominem sine albedine. Sed habitu causati ad causam non videtur esse de ratione entium, quia sine

S. Tho. Oper. Tem. XX.

hac possunt aliqua entia intelligi. Ergo sine hac possunt esse: ergo nihil prohibet esse aliqua entia non creata a Deo.

2. Præterea. Ad hoc aliquid indiget causa efficiente, ut sit. Ergo quod non potest non esse, non indiget causa efficiente. Sed nullum necessarium potest non esse: quia quod necesse est esse, non potest non esse. Cum igitur multa sint necessaria in rebus, videtur quod non omnia entia sint a Deo.

3. Præterea. Quorumcumque est aliqua causa, in his potest fieri demonstratio per causam illam. Sed in mathematicis non fit demonstratio per causam agentem, ut per Philosophum patet in III. Metaph. (text. 3.) Non igitur omnia entia sunt a Deo sicut a causa agente.

Sed contra est quod dicitur Rom. XI. 36. *Ex ipso, & per ipsum, & in ipso sunt omnia.*

Respondeo dicendum, quod necesse est dicere, omne ens quod quocumque modo est, a Deo esse. Si enim aliquid invenitur in aliquo per participationem, necesse est quod causetur in ipso ab eo cui essentialiter convenit, sicut ferrum sit ignitum ab igne. Ostensum est autem supra (quest. III. art. 4.) cum de divina simplicitate ageretur, quod Deus est ipsum esse per se subsistens: & iterum ostensum est (quest. XI. art. 4.) quod esse subsistens non potest esse nisi unum; sicut si albedo esset subsistens, non posset esse nisi una, cum albedines multiplicentur secundum recipientia. Relinquitur ergo quod omnia alia a Deo non sint suum esse, sed participant esse. Necesse est igitur omnia quæ diversificantur secundum diversam participationem essendi, ut sint perfectius, vel minus perfecte, causari ab uno primo ente, quod perfecte est.

Unde & Plato dixit, quod necesse est ante omnem multitudinem ponere unitatem: & Aristoteles dicit in II. Metaphys. (text. 4.) quod id quod est maxime ens, & maxime verum, est causa omnis entis, & omnis veri, sicut id quod maxime calidum est, est causa omnis caliditatis.

Ad primum ergo dicendum, quod licet habitudo ad causam non ineret definitionem entis, quod est causatum; tamen sequitur ad ea quæ sunt de eius ratione: quia ex hoc quod aliquid per participationem est ens, sequitur quod sit causatum ab alio. Unde huiusmodi ens non potest esse quin sit causatum, sicut nec homo, quin sit risibilis. Sed quia esse

V
cau-

causatum non est de ratione entis simpliciter, propter hoc invenitur aliquod ens non causatum.

Ad secundum dicendum, quod ex hac ratione quidam moti fuerunt ad ponendum, quod id quod est necessarium, non habeat causam, ut dicitur in VIII. Physic. (text. 46.) Sed hoc manifeste falsum apparet in scientiis demonstrativis, in quibus principia necessaria sunt causae conclusionum necessarium. Et ideo dicit Aristoteles in V. Metaph. (text. 6.) quod sunt quaedam necessaria quae habent causam suam necessitatis. Non ergo propter hoc solum requiritur causa agens, quia effectus potest non esse, sed quia effectus non esset, si causa non esset. Haec enim conditionalis est vera, siue antecedens, & consequens sint possibilia, siue impossibilia.

Ad tertium dicendum, quod mathematica accipiuntur ut abstracta secundum rationem, cum tamen non sint abstracta secundum esse. Unicuique autem competit habere causam agentem, secundum quod habet esse. Licet igitur ea quae sunt mathematica, habeant causam agentem, non tamen secundum habitudinem quam habent ad causam agentem, cadunt sub consideratione Mathematici: & ideo in scientiis mathematicis non demonstratur aliquid per causam agentem.

ARTICULUS II. 237

Utrum materia prima sit creata a Deo.

Sup. quaest. XIV. art. 11. cor. & II. dist. XXXVII. quaest. 1. art. 1. & veri. quaest. 111. art. 3. cor. & pot. quaest. 111. art. 3. & opusc. 11. cap. LXIX. XCIX. CXXXIX. CCXXX. & Rom. XI. lect. 5. & Phys. VIII. lect. 2.

AD secundum sic proceditur. Videtur quod materia prima non sit creata a Deo. Omne enim quod fit, componitur ex subiecto, & ex aliquo alio, ut dicitur in I. Phys. (text. 62.) Sed materiae primae non est aliquod subiectum. Ergo materia prima non potest esse facta a Deo.

2. Praeterea. Actio, & passio dividuntur contra se invicem. Sed sicut primum principium actuum est Deus, ita primum principium passivum est materia. Ergo Deus, & materia prima sunt duo principia contra se invicem divisa: quorum neutrum est ab alio.

3. Praeterea. Omne agens agit sibi simile: & sic, cum omne agens agat, inquantum est actu, sequitur quod omne

factum aliquo modo fit in actu. Sed materia prima est tantum in potentia, inquantum huiusmodi. Ergo contra rationem materiae primae est quod sit facta.

Sed contra est quod dicit Augustinus XII. confes. (cap. VII. in fin.) *Duo fecisti Domine: unum prope te, scilicet Angelum; aliud prope nihil, scilicet materiam primam.*

Respondeo dicendum, quod antiqui Philosophi paulatim, & quasi pedetentim intraverunt in cognitionem veritatis. A principio enim, quasi grossiores existentes, non existimabant esse entia nisi corpora sensibilia. Quorum qui ponebant in eis motum, non considerabant motum, nisi secundum aliqua accidentia, ut puta secundum raritatem, & densitatem, per congregationem, & segregationem. Et supponentes ipsam substantiam corporum increatam, assignabant aliquas causas huiusmodi accidentalium transmutationum, ut puta amicitiam, litem, intellectum, aut aliquid huiusmodi. Ulterius vero procedentes distinxerunt per intellectum inter formam substantialem, & materiam, quam ponebant increatam; & perceperunt transmutationem fieri in corporibus secundum formas essentielles. Quarum transmutationum quasdam causas universales ponebant, ut obliquum circulum, secundum Aristotelem (Lib. II. de gener. text. 56.) vel ideas secundum Platonem. Sed considerandum est, quod materia per formam contrahitur ad determinatam speciem, sicut substantia alicuius speciei per accidens ei adveniens contrahitur ad determinatum modum essendi, ut homo contrahitur per album. Utrique igitur consideraverunt ens particulare quodam consideratione, vel inquantum est hoc ens, vel inquantum est tale ens: & sic rebus causas agentes particulares assignaverunt. Et ulterius aliqui crexerunt se ad considerandum ens, inquantum est ens; & consideraverunt causam rerum, non solum secundum quod sunt haec, vel talia, sed secundum quod sunt entia.

Hoc igitur quod est causa rerum, inquantum sunt entia, oportet esse causam rerum, non solum secundum quod sunt talia per formas accidentales, nec secundum quod sunt haec per formas substantiales, sed etiam secundum omne illud quod pertinet ad esse illorum quocumque modo. Et sic oportet ponere etiam materiam primam creatam ab universali causa entium.

Ad primum ergo dicendum, quod Philosophus in I. Phys. (loc. cit. in arg.) loquitur de fieri particulari, quod est de

for-

forma in formam sive accidentalem, si-
ve substantialem; nunc autem loquimur
de rebus secundum emanationem earum
ab universali principio essendi: a qua
quidem emanatione nec materia excludi-
tur; licet a primo modo factionis exclu-
datur.

Ad secundum dicendum, quod passio
est effectus actionis. Unde & rationale
est quod primum principium passivum sit
effectus primi principii activi: nam omne
imperfectum causatur a perfecto. Oportet
enim primum principium esse perfectissi-
mum, ut dicit Aristoteles in XII Me-
taph. (tex. 52.)

Ad tertium dicendum, quod ratio illa
non ostendit, quod materia non sit crea-
ta, sed quod non sit creata sine forma:
licet enim omne creatum sit in actu, non
tamen est actus purus. Unde oportet quod
etiam illud quod se habet ex parte po-
tentiae, sit creatum, si totum quod ad
esse ipsius pertinet, creatum est.

ARTICULUS III. 236

*Utrum causa exemplaris sit aliquid præter
Deum.*

*Por. quæst. VII. art. 1 ad 3. & II. cont. cap.
XI. in princ.*

AD testium sic proceditur. Videtur
quod causa exemplaris sit aliquid
præter Deum. Exemplarum enim habet
similitudinem exemplaris. Sed creatu-
ræ longe sunt a divina similitudine.
Non ergo Deus est causa exemplaris
earum.

2. Præterea. Omne quod est per par-
ticipationem, reducitur ad aliquid per se
existens, ut ignem ad ignem, sicut iam
dictum est (art. 1. huius quæst.). Sed quæ-
cumque sunt in sensibilibus rebus, sunt
solum per participationem alicuius spe-
ciei: quod ex hoc patet quod in nullo
sensibilem invenitur solum id quod ad
rationem speciei pertinet, sed adiungun-
tur principii speciei principia indivi-
duantia. Oportet ergo ponere ipsas spe-
cies per se existentes, ut per se hominem,
& per se equum, & huiusmodi: & hæc
dicuntur exemplaria. Sunt igitur exem-
plaria res quædam extra Deum.

3. Præterea. Scientiæ, & definitio-
nes sunt de ipsius speciebus, non secun-
dum quod sunt in particularibus, quia
particularium non est scientia, nec defi-
nitio. Ergo sunt quædam entia quæ sunt
entia, vel species non in singularibus;

& hæc dicuntur exemplaria: ergo idem
quod prius.

4. Præterea. Hoc idem videtur per
Dionysium, qui dicit v. cap. de div. Nom.
(non remote a princ. lect. 1.) quod i-
psum secundum se esse prius est eo quod est per
se vitam esse, & eo quod est per se sapientiam
esse.

Sed contra est quod exemplar est idem
quod idea. Sed idæ, secundum quod
Augustinus Lib. XXXIII. Qn. dicit
(quæst. XLVI. non remote a princ.) sunt
formæ principales, quæ divina intelli-
gentia continentur. Ergo exemplaria re-
rum non sunt extra Deum.

Respondeo dicendum, quod Deus est
prima causa exemplaris omnium re-
rum. Ad cuius evidentiam considerandum
est, quod ad productionem alicuius rei
ideo necessarium est exemplar, ut effe-
ctus determinatam formam consequatur.
Artifex enim producit determinatam for-
mam in materia propter exemplar ad
quod inspicit, sive illud sit exemplar ad
quod extra intuetur, sive sit exemplar
interius mente conceptum. Manifestum
est autem quod ea quæ naturaliter sunt,
determinatas formas consequuntur. Hæc
autem formarum determinatio oportet
quod reducatur sicut in primum princi-
pium in divinam sapientiam, quæ ordi-
nem universi excogitavit, qui in rerum
distinctione consistit. Et ideo oportet di-
cere, quod in divina sapientia sint ratio-
nes omnium rerum, quas supra diximus
(quæst. xv. art. 1.) ideas, id est formas
exemplares in mente divina existentes.
Quæ quidem licet multiplicentur secundum
respectum ad res, tamen non sunt rea-
liter aliud a divina essentia, prout eius
similitudo a diversis participari potest di-
versimode. Sic igitur ipse Deus est pri-
mum exemplar omnium. Possunt etiam
in rebus creatis quædam aliorum exem-
plaria dici secundum quod quædam sunt
ad similitudinem aliorum vel secundum
eamdem speciem, vel secundum analogi-
am alicuius imitationis.

Ad primum ergo dicendum, quod li-
cet creaturæ non pertingant ad hoc quod
sint similes Deo secundum suam naturam
similitudinem speciei, ut homo generis ho-
mini generanti; attingunt tamen ad eius
similitudinem secundum representationem
rationis intellectus a Deo, ut domus quæ
est in materia, domui quæ est in mente
artificis.

Ad secundum dicendum, quod de ra-
tione hominis est quod sit in materia i.

& sic non potest inveiri homo sine materia. Licet igitur hic homo sit per participationem speciei, non tamen potest reduci ad aliquid existentem per se in eadem specie, sed ad speciem superexcedentem, sicut sunt substantiæ separatae. Et eadem ratio est de aliis sensibilibus.

Ad tertium dicendum, quod licet quælibet scientia, & definitio sit solum entium, non tamen oportet quod res eundem modum habeant in essendo quem intellectus habet in intelligendo. Nos enim per virtutem intellectus agentis abstrahimus species universales a particularibus conditionibus; non tamen oportet quod universalia præter particularia subsistant, ut particularium exemplaria.

Ad quartum dicendum, quod, sicut dicit Dionysius XI. cap. de div. Nom. (inter med. & fin. lect. 4.) *per se videtur, & per se sapientiam* quandoque nominat ipsum Deum, quandoque virtutes ipsius rebus datas, non autem quasdam subsistentes res, sicut antiqui posuerunt.

ARTICULUS IV. 237

Utrum Deus sit causa finalis omnium.

Inf. quæst. lxxvi. art. 2. & quæst. ciii. art.

2. & II. dist. 1. quæst. 11. art. 2. corp. &

III. cont. cap. xviii. & xviii.

AD quartum sic proceditur. Videtur quod Deus non sit causa finalis omnium. Agere enim propter finem videtur esse alicuius indigentis fine. Sed Deus nullo est indigens. Ergo non competit sibi agere propter finem.

2. Præterea. Finis generationis, & forma generati, & agens non incidunt in idem numero, ut dicitur in II. Physic. (tex. 70.) quia finis generationis est forma generati. Sed Deus est primum agens omnium. Non ergo est causa finalis omnium.

3. Præterea. Finem omnia appetunt. Sed Deum non omnia appetunt, quia neque omnia ipsum cognoscunt. Deus ergo non est omnium finis.

4. Præterea. Finalis causa est prima causarum. Si igitur Deus sit causa agens, & causa finalis, sequitur quod in eo sit prius, & posterius: quod est impossibile.

Sed contra est quod dicitur Prov. xvi. 4. *Universa propter semetipsum operatus est Dominus.*

Respondetur dicendum, quod omne agens agit propter finem: alioquin ex actione agentis non magis sequeretur hoc quam illud, nisi a casu. Est autem idem finis agentis, & patientis, inquantum huiusmodi, sed aliter, & aliter. Unum enim & idem est quod agens intendit imprimere, & quod patiens intendit recipere. Sunt autem quædam quæ simul agunt, & patiuntur, quæ sunt agentia imperfecta; & his convenit quod etiam in agendo intendant aliquid acquirere. Sed primo agenti, qui est agens tantum, non convenit agere propter acquisitionem alicuius finis, sed intendit solum communicare suam perfectionem, quæ est eius bonitas; & unaquæque creatura intendit consequi suam perfectionem, quæ est similitudo perfectionis, & bonitatis divinæ. Sic ergo divina bonitas est finis rerum omnium.

Ad primum ergo dicendum, quod agere propter indigentiam non est nisi agentis imperfecti, quod natum est agere, & pati. Sed hoc Deo non competit: & ideo ipse solus est maxime liberalis: quia non agit propter suam utilitatem, sed solum propter suam bonitatem.

Ad secundum dicendum, quod forma generati non est finis generationis, nisi inquantum est similitudo formæ generantis, quod suam similitudinem communicare intendit: alias forma generati esset nobilior generante, cum finis sit nobilior his quæ sunt ad finem.

Ad tertium dicendum, quod omnia appetunt Deum ut finem, appetendo quodcumque bonum, sive appetitu intelligibili, sive naturali, qui est fine cognitione: quia nihil habet rationem boni, & appetibilis, nisi secundum quod participat Dei similitudinem.

Ad quartum dicendum, quod cum Deus sit causa efficiens, exemplaris, & finalis omnium rerum, & materia prima sit ab ipso, sequitur quod principium omnium rerum sit unum secundum rem. Nihil tamen prohibet in eo considerari multa secundum rationem, quorum quædam prius cadant in intellectu nostro quam alia.

QUAESTIO XLV.

De modo emanationis rerum a primo principio,

in octo articulos diuisa.

DEinde quaeritur de modo emanationis rerum a primoprincipio: quid dicitur creatio: de qua quaeruntur octo.

Primo, quid sit creatio.

Secundo, utrum Deus possit aliquid creare.

Tertio, utrum creatio sit aliquid ens in rerum natura.

Quarto, cui competat creari.

Quinto, utrum solius Dei sit creare.

Sexto, utrum commune sit toti Trinitati, aut proprium alicuius personae.

Septimo, utrum vestigium aliquid Trinitatis sit in rebus creatis.

Octavo, utrum opus creationis admisceatur in operibus naturae, & voluntatis.

ARTICULUS I. 238

Utrum creare sit ex nihilo aliquid facere.

II. dist. 1. quaest. 1. art. 6. & pot. quaest. 113. art. 1.

AD primum sic proceditur. Videtur quod creare non sit ex nihilo aliquid facere. Dicit enim Augustinus contra aduersarium legis & prophetarum (Lib. I. cap. xxiii. ante med.) *Facere est quod omnino non erat; creare vero est ex eo quod iam erat, (a) educendo aliquid constitutere.*

2. Praeterea. Nobilitas actionis, & motus ex terminis consideratur. Nobilior igitur est actio quae ex bono in bonum est, & ex ente in ens, quam quae est ex nihilo in aliquid. Sed creatio videtur esse nobilissima actio, & prima inter omnes actiones. Ergo non est ex nihilo in aliquid, sed magis ex ente in ens.

3. Praeterea. Haec praepositio *ex* importat habitudinem alicuius causae, & maxime materialis; sicut cum dicimus, quod statua fit ex aere. Sed nihil non potest esse materia entis, nec aliquo modo causa eius. Ergo creare non est ex nihilo aliquid facere.

Sed contra est quod super illud Gen. 1. *In principis creauit Deus caelum & terram* (ord. ex Beda in hunc loc.) quod 3. Tb. Oper. Tom. XX.

„creare est aliquid ex nihilo facere.“

Respondeo dicendum, quod, sicut supra dictum est (quaest. praec. art. 2.) non solum oportet considerare emanationem alicuius entis particularis ab aliquo particulari agente, sed etiam emanationem totius entis a causa universalis, quae est Deus: & hanc quidem emanationem designamus nomine creationis.

Quod autem procedit secundum emanationem particularem, non praesupponitur emanationi; sicut si generatur homo non fuit prius homo, sed homo fit ex non homine, & album ex non albo. Unde si consideretur emanatio totius entis universalis a primo principio, impossibile est quod aliquid ens praesupponatur huic emanationi. Idem autem est nihil quod nullum ens. Sicut igitur generatio hominis est ex non ente, quod est non homo; ita creatio, quae est emanatio totius esse, est ex non ente, quod est nihil.

Ad primum ergo dicendum, quod Augustinus aequivoce utitur nomine creationis, secundum quod creari dicuntur ea quae in melius reformantur; ut cum dicitur aliquis creari in Episcopum. Sic autem non loquimur hic de creatione, sed sicut dictum est (in corp. art.)

Ad secundum dicendum, quod mutationes accipiunt speciem, & dignitatem non a termino *a quo*, sed a termino *ad quem*. Tanto ergo perfectior, & prior est aliqua mutatio, quanto terminus *ad quem* illius mutationis est nobilior, & prior; licet terminus *a quo*, qui opponitur termino *ad quem*, sit imperfectior: sicut generatio simpliciter est nobilior, & prior quam alteratio, propter hoc quod forma substantialis est nobilior quam forma accidentalis; tamen privatio substantialis formae, quae est terminus *a quo* in generatione, est imperfectior quam contrarium, quod est terminus *a quo* in alteratione: & similiter creatio est perfectior, & prior quam generatio, & alteratio: quia terminus *ad quem* est tota substantia rei; id autem quod intelligitur ut terminus *a quo*, est simpliciter non ens.

Ad tertium dicendum, quod cum dicitur aliquid ex nihilo fieri, haec praepositio *ex* non designat causam materiam, sed ordinem tantum; sicut cum dicitur, Ex mane fit merides, id est, post mane fit merides. Sed intelligendum est, quod haec praepositio *ex* potest includere

V 3 ne-

(a) Ita edidi per omnes, & add. plurimi. Nicetaius ordinando ex Augustino.

negationem importatam in hoc quod dico *nihil*, vel includi ab ea. Si primo modo, tunc ordo remanet affirmatus, & ostenditur ordo eius quod est, ad non esse præcedens. Si vero negatio includat præpositionem, tunc ordo negatur, & est sensus: Fit ex nihilo, id est non fit ex aliquo; sicut si dicatur, *Iste loquitur de nihilo*, quia non loquitur de aliquo. Et utroque modo verificatur, cum dicitur, ex nihilo aliquid fieri. Sed primo modo hæc præpositio *ex* importat ordinem, ut dictum est (in hac responsi.) Secundo modo importat habitudinem causæ materialis, quæ negatur.

ARTICULUS II. 239

Utrum Deus possit aliquid creare.

II. dist. 1. quæst. 1. art. 2. & 3. & dist. xxxvii. quæst. 1. art. 2. & II. cont. cap. vi. xv. & xvi. & pot. quæst. 111. art. 16. cor.

AD secundum sic proceditur. Videtur quod Deus non possit aliquid creare. Quia secundum Philosophum I. Phys. (text. 34.) antiqui Philosophi acceperunt ut communem conceptionem animi, ex nihilo nihil fieri. Sed potentia Dei non se extendit ad contraria principiorum, utpote quod Deus faciat quod totum non fit maius sua parte, vel quod affirmatio, & negatio sint simul vera. Ergo Deus non potest aliquid ex nihilo facere, vel creare.

2. Præterea. Si creare est aliquid ex nihilo facere, ergo creari est aliquid fieri. Sed omne fieri est mutari. Ergo creatio est mutatio. Sed omnis mutatio est ex subiecto aliquo, ut patet per definitionem motus: nam motus est actus existens in potentia. Ergo est impossibile aliquid a Deo ex nihilo fieri.

3. Præterea. Quod factum est, necesse est aliquando fieri. Sed non potest dici, quod illud quod creatur, simul fiat, & factum sit: quia in permanentibus quod fit, non est; quod autem factum est, iam est. Simul ergo aliquid esset, & non esset. Ergo si aliquid fit, fieri eius præcedit factum esse. Sed hoc non potest esse, nisi præexistat subiectum, in quo sustentetur ipsum fieri. Ergo impossibile est aliquid fieri ex nihilo.

4. Præterea. Infinitam distantiam non est pertransire. Sed infinita distantia est inter ens & nihil. Ergo non contingit ex nihilo aliquid fieri.

Sed contra est, quod dicitur Genes. 1. 1. *In principio creavit Deus calum & terram*: ubi dicit Glossa (ord. ex Beda super hunc loc.) quod „creare est aliquid ex nihilo facere.“

Respondeo dicendum, quod non solum (a) non est impossibile a Deo aliquid creari, sed necesse est ponere a Deo omnia creata esse, ut ex præmissis habetur (quæst. præc. art. 1.) Quicunque enim facit aliquid ex aliquo, illud ex quo facit, præsupponit actioni eius, & non producit per ipsam actionem: sicut artifex operatur ex rebus naturalibus, ut ex ligno, & ære, quæ per artis actionem non causantur, sed causantur per actionem naturæ; sed & ipsa natura causat res naturales quantum ad formam, sed præsupponit materiam. Si ergo Deus non ageret nisi ex aliquo præsupposito, sequeretur quod illud præsuppositum non esset causatum ab ipso. Ostensum est autem supra (quæst. præc. art. 1. & 2.) quod nihil potest esse in entibus quod non sit a Deo, qui est causa universalis totius esse. Unde necesse est dicere, quod Deus ex nihilo res in esse producit.

Ad primum ergo dicendum, quod antiqui Philosophi, sicut supra dictum est (quæst. præc. art. 2.) non consideraverunt nisi emanationem effectuum particularium a causis particularibus, quas necesse est præsupponere aliquid in sua actione: & secundum hoc erat eorum communis opinio, ex nihilo nihil fieri. Sed tamen hoc locum non habet in prima emanatione ab universali rerum principio.

Ad secundum dicendum, quod creatio non est mutatio, nisi secundum modum intelligendi tantum. Nam de ratione mutationis est quod aliquid idem se habeat aliter nunc, & prius. Nam quandoque est idem ens actu aliter se habens nunc, & prius, sicut in motibus secundum quantitatem, & qualitatem; quandoque vero est idem ens in potentia tantum, sicut in mutatione secundum substantiam, cuius est subiectum materia. Sed in creatione, per quam producit rota substantia rerum, non potest accipi aliquid idem aliter se habens nunc, & prius, nisi secundum intellectum tantum; sicut si intelligatur aliqua res prius non fuisse totaliter, & postea esse. Sed cum actio, & passio conveniant in substantia motus, & differant solum secundum hæ-

bitu-

(a) *Al. deest non. Causatus in rem. non solum est possibile.*

bitudines diversas, ut dicitur in III. Physicorum (text. 20. & 21.) oportet quod substracto motu, non remaneant nisi diversae habitudines in creante, & creato. Sed quia modus significandi sequitur modum intelligendi, ut dictum est (quaest. xiiii. art. 1.) creatio significatur per modum mutationis: & propter hoc dicitur, quod creare est ex nihilo aliquid facere; quamvis facere, & fieri magis in hoc conveniant quam mutare, & mutari: quia facere, & fieri important habitudinem causae ad effectum, & effectus ad causam, sed mutationem ex consequenti.

Ad tertium dicendum, quod in his quae sunt sine motu, (a) simul est fieri, & factum esse, sive talis factio sit terminus motus, sicut illuminatio (nam simul aliquid illuminatur, & illuminatum est) sive non sit terminus motus, sicut simul formatur verbum in corde, & formatum est. Et in his (b) quod fit, est; sed cum dicitur fieri, significatur ab alio esse, & prius non fuisse. Unde cum creatio sit sine motu, simul aliquid creatur, & creatum est.

Ad quartum dicendum, quod obiectio illa procedit ex falsa imaginatione, ac si sit aliquid infinitum medium inter nihilum & ens: quod patet esse falsum. Procedit autem falsa haec imaginatio ex eo quod creatio significatur ut quaedam mutatio inter duos terminos existens.

ARTICULUS III. 240

Utrum creatio sit aliquid in creatura.

I. dist. xl. quaest. 1. art. 1. ad 1. & post. quaest. lxx. art. 3.

AD tertium sic proceditur. Videtur quod creatio non sit aliquid in creatura. Sicut enim creatio passive accepta attribuitur creaturae, ita creatio active accepta attribuitur Creatori. Sed creatio active accepta non est aliquid in Creatore: (c) quia sic sequeretur quod in Deo esset aliquid temporale. Ergo creatio passive accepta non est aliquid in creatura.

2. Praeterea. Nihil est medium inter Creatorem & creaturam. Sed creatio significatur ut medium inter utrumque: non enim est Creator, cum non sit aeterna; neque creatura, quia oporteret

eadem ratione aliam ponere creationem, quia ipsa crearetur, & sic in infinitum. Creatio ergo non est aliquid in creatura.

3. Praeterea. Si creatio esset aliquid praeter substantiam creatam, oportet quod sit accidens eius. Omne autem accidens est in subiecto. Ergo res creata esset subiectum creationis; & sic idem esset subiectum creationis, & terminus. Quod est impossibile: quia subiectum prius est accidente, & conservat accidens. Terminus autem posterior est actione, & passionem, cuius est terminus; & eo existente, cessat actio, & passio. Igitur ipsa creatio non est aliqua res.

Sed contra. Maius est fieri aliquid secundum totam substantiam quam secundum formam substantialem, vel accidentalem. Sed generatio simpliciter, vel secundum quid, quia fit aliquid secundum formam substantialem, vel accidentalem, est aliquid in generato. Ergo multo magis creatio, quia fit aliquid secundum totam substantiam, est aliquid in creato.

Respondendo dicendum, quod creatio (d) ponit aliquid in creato secundum relationem tantum: quia quod creatur, non fit per motum, vel per mutationem. Quod enim fit per motum, vel mutationem, fit ex aliquo praexistente. Quod quidem contingit in productionibus particularibus aliorum entium. Non autem potest hoc contingere in productione totius esse a causa universalis omnium entium, quae est Deus. Unde Deus creando producit res sine motu. Substracto autem motu ab actione, & passione, nihil remanet nisi relatio, ut dictum est (art. praec. ad 2.) Unde relinquatur quod creatio in creatura non sit nisi relatio quaedam ad Creatorem ut ad principium sui esse; sicut in passione, quae est cum motu, importatur relatio ad principium motus.

Ad primum ergo dicendum, quod creatio active significata significat actionem divinam, quae est eius essentia, cum relatione ad creaturam. Sed relatio in Deo ad creaturam non est realis, sed secundum rationem tantum; relatio vero creaturae ad Deum est relatio realis, ut supra dictum est (quaest. xlii. art. 7.) cum de divinis nominibus ageretur.

Ad secundum dicendum, quod quia creatio significatur ut mutatio, sicut dictum est (art. praec. ad 2.) mutatio autem

V 4 tem

(a) Ita ed. Alcan. Garrias, & Nicolaius. Edit. Rom. & Patav. sic similiter est fieri. (b) Ita ed. Rom. & Nicolaius. Edit. Pat. quod fit, est, cum dicitur fieri, sed significatur ab alio esse &c. (c) Ita Nicolaius. Edit. Rom. & Pat. quia si sic, sequeretur &c. (d) Edit. Rom. non ponit.

tem media quodammodo est inter movens & motum; ideo etiam creatio significatur ut media inter Creatorem & creaturam. Tamen creatio passivè accepta est in creatura, & est creatura. Neque tamen oportet quod alia creatione creetur: quia relationes, cum hoc ipsum quod sunt, ad aliquid dicantur, non referuntur per aliquas alias relationes, sed per se ipsas, sicut etiam supra dictum est (quaest. xlii. art. 1. ad 4.) cum de æqualitate personarum ageretur.

Ad tertium dicendum, quod creatio nis, secundum quod significatur ut mutatio, creatura est terminus; sed, secundum quod vere est relatio, creatura est eius subiectum, & prius ea in esse, sicut subiectum accidenti; sed habet quandam rationem prioritatis ex parte obiecti ad quod dicitur, quod est principium creaturæ. Neque tamen oportet quod, quando creatura sit, dicatur creari: quia creatio importat habitudinem creaturæ ad Creatorem cum quadam novitate, seu inceptioe.

ARTICULUS IV. 241

Utrum creati sit proprium compositorum, & subsistentium.

Inf. art. 8. & ver. quæst. xxvii. art. 3. ad 9. & pos. quæst. 11. art. 5. ad 3. & art. 3. ad 2. & art. 8. ad 3. & quod. viii. quæst. 1. art. 1. ad 1. & opus. xxxiv. cap. iv.

AD quartum sic proceditur. Videtur quod creati non sit proprium compositorum, & subsistentium. Dicitur enim in Lib. de causis (prop. 4. in princ.) *Prima rerum creatarum est esse*. Sed esse rei creatæ non est subsistens. Ergo creatio proprie non est subsistentis, & compositi.

2. Præterea. Quod creatur, est ex nihilo. Composita autem non sunt ex nihilo, sed ex suis componentibus. Ergo compositis non convenit creari.

3. Præterea. Illud proprie producitur per primam emanationem quod supponitur in secunda; sicut res naturalis per generationem naturalem, quæ supponitur in operatione artis. Sed illud quod supponitur in generatione naturali, est materia. Ergo materia est quæ proprie creatur, & non compositum.

Sed contra est quod dicitur Genes. 1. 1. *In principio creavit Deus cælum, & terram*. Cælum autem, & terra sunt res

compositæ subsistentes. Ergo horum proprie est creatio.

Respondeo dicendum, quod creari est quoddam fieri, ut dictum est (art. 2. huius quæst. ad 2. & 3.) Fieri autem ordinatur ad esse rei. Unde illis proprie convenit fieri, & creari quibus convenit esse: quod quidem convenit proprie subsistentibus, sive sint simplicia, sicut substantiæ separatae, sive sint composita, sicut substantiæ materiales. Illi enim proprie convenit esse quod habet esse, & quod est subsistens in suo esse. Formæ autem, & accidentia, & alia huiusmodi non dicuntur entia, quasi ipsa sint, sed quia eis aliquid est; ut albedo ea ratione dicitur ens, quia (a) ea subiectum est album. Unde secundum Philosophum (VII. Metaph. text. 2.) accidens magis proprie dicitur ens quam ens. Sicut igitur accidentia, & formæ, & huiusmodi, quæ non subsistunt, magis sunt coexistentia quam entia; ita magis debent dici concreata quam creata; proprie vero creata sunt subsistentia.

Ad primum ergo dicendum, quod cum dicitur, *Prima rerum creatarum est esse*, ly *esse* non importat substantiam creatam, sed importat propriam rationem obiecti creationis. Nam ex eo dicitur aliquod creatum quod est ens, non ex eo quod est hoc ens, cum creatio sit emanatio totius esse ab ente universalis, ut dictum est (art. 1. huius quæst. & quæst. xlv. art. 1.) Et est similis modus loquendi, sicut si diceretur, quod primum visibile est color, quamvis illud quod proprie videtur, sit coloratum.

Ad secundum dicendum, quod creatio non dicit constitutionem rei compositæ ex principiis præexistentibus; sed compositum sic dicitur creari, quod simul cum omnibus suis principiis in esse producitur.

Ad tertium dicendum, quod ratio illa non probat quod sola materia creetur, sed quod materia non sit nisi ex creatione: nam creatio est productio totius esse, & non solum materiæ.

ARTICULUS V. 242

Utrum solus Dei sit creare.

II. dist. 1. quæst. 1. art. 3. & IV. dist. v. quæst. 1. art. 3. quæst. 111. & II. cont. cap. XXI. lxxxv. & xvi. & III. cap. lxxvii. & per. quæst. 111. art. 4. & opus. 11. cap. lxx. xciv. & xcv. & opus. xv. cap. x.

AD quintum sic proceditur. Videtur quod non solus Dei sit creare. Quia secundum Philosophum (Lib. II. de Anima text. 34.) perfectum est quod potest sibi simile facere. Sed creaturæ immateriales sunt perfectiores creaturis materialibus, quæ faciunt sibi simile: ignis enim generat ignem, & homo generat hominem. Ergo substantia immaterialis potest facere substantiam sibi similem. Sed substantia immaterialis non potest fieri nisi per creationem, cum non habeat materiam ex qua fiat. Ergo aliqua creatura potest creare.

2. Præterea. Quanto maior est resistentia ex parte facti, tanto maior virtus requiritur in faciente. Sed plus resistit contrarium quam nihil. Ergo maioris virtutis est aliquid facere ex contrario (quod tamen creatura facit) quam aliquid facere ex nihilo. Multo magis igitur creatura hoc facere potest.

3. Præterea. Virtus facientis consideratur secundum mensuram eius quod fit. Sed ens creatum est finitum, ut supra probatum est (quæst. vii. art. 2. 3. & 4.) cum de Dei infinitate ageretur. Ergo ad producendum per creationem aliquid creatum non requiritur nisi virtus finita. Sed habere virtutem finitam non est contra rationem creaturæ. Ergo non est impossibile creaturam creare.

Sed contra est quod dicit Augustinus in III. de Trinit. (cap. viii. per tot.) quod neque boni, neque mali angeli possunt esse creatores alicuius rei. Multo minus igitur aliæ creaturæ.

Respondendo dicendum, quod satis apparet in primo aspectu secundum præmissa (art. 1. huius quæst.) quod creare non potest esse propria actio nisi solius Dei. Oportet enim universaliores effectus in universaliores, & priores causas reducere. Inter omnes autem effectus universalissimus est ipsum esse. Unde oportet quod fit proprius effectus primæ, & universalissimæ causæ, quæ est Deus. Unde etiam dicitur Lib. de causis (prop. 3.) quod neque intelligentia, vel anima nobilis

dat esse, nisi inquantum operatur operatione divina. Producere autem esse absolute, non inquantum est hoc, vel tale, pertinet ad rationem creationis. Unde manifestum est quod creatio est propria actio ipsius Dei.

Contingit autem quod aliquid participet actionem propriam alicuius alterius, non virtute propria, sed instrumentaliter, inquantum agit in virtute alterius; sicut aer per virtutem ignis habet calefacere, & ignire. Et secundum hoc aliqui opinati sunt, quod licet creatio sit propria actio universalis causæ, tamen aliqua inferiorum causarum, inquantum agit in virtute primæ causæ, potest creare. Et sic posuit Avicenna, quod prima substantia separata creata a Deo creat aliam post se, & substantiam orbis, & animam eius, & quod substantia orbis creat materiam inferiorum corporum. Et secundum hunc etiam modum Magister dicit in v. dist. IV. Sent. (6. 3.) quod Deus potest creaturæ communicare potentiam creandi, ut creet per ministerium, non propria auctoritate.

Sed hoc esse non potest: quia causa secunda instrumentalis non participat actionem causæ superioris, nisi inquantum per aliquid sibi proprium dispositive operatur ad effectum principalis agentis. Si igitur nihil ibi ageret secundum illud quod est sibi proprium, frustra adhiberetur ad agendum. Nec oporteret esse determinata instrumenta determinatarum actionum. Sic enim videmus quod securis scindendo lignum, quod habet ex proprietate suæ formæ, producit scammii formam, quæ est effectus proprius principalis agentis. Illud autem quod est proprius effectus Dei creantis, est illud quod præsupponitur omnibus aliis, scilicet esse absolute. Unde non potest aliquid operari dispositive, & instrumentaliter ad hunc effectum, cum creatio non sit ex aliquo præsupposito, quod possit disponi per actionem instrumentalis agentis. Sic igitur impossibile est quod alicui creaturæ conveniat creare neque virtute propria, neque instrumentaliter, sive per ministerium.

Et hoc præcipue inconveniens est dici de aliquo corpore, quod creet, cum nullum corpus agat nisi tangendo, vel movendo; & sic requirit in sua actione aliquid præexistens, quod possit tangi, & moveri: quod est contra rationem creationis.

Ad primum ergo dicendum, quod aliquod

quod perfectum participans aliquam naturam facit sibi simile, non quidem producendo absolute illam naturam, sed applicando eam ad aliquid. Non enim hic homo potest esse causa naturæ humanæ absolute, quia sic esset causa sui ipsius; sed est causa quod natura humana sit in hoc homine generato: & sic præsupponit in sua actione determinatam materiam, per quam est hic homo. Sed sicut hic homo participat humanam naturam, ita quodcumque ens creatum participat, ut ita dixerim, naturam essendi: quia solus Deus est suum esse, ut supra dictum est (quæst. 111. art. 4.) Nullum igitur ens creatum potest producere aliquid ens absolute, nisi inquantum esse causatur in hoc. Et sic oportet quod præintellectatur id per quod aliquid est hoc, actioni qua facit sibi simile. In substantia autem immateriali non potest præintelligi aliquid per quod sit hæc: quia est hæc per suam formam, per quam habet esse, cum sint formæ subsistentes. Igitur substantia immaterialis non potest producere aliam substantiam immaterialem sibi similem quantum ad esse eius, sed quantum ad perfectionem aliquam superadditam; sicut si dicamus, quod superior Angelus illuminat inferiorem, ut Dionysius dicit (cap. iv. & x. cæl. Hier. a med.) Secundum quem modum etiam in celestibus est paternitas, ut ex verbis Apostoli patet Ephes. 111. 15. *Ex quo omnis paternitas in celo, & in terra nominatur.* Et ex hoc etiam evidenter apparet quod nullum ens creatum potest causare aliquid, nisi præsupposito aliquo: quod repugnat rationi creationis.

Ad secundum dicendum, quod ex contrariis sit aliquid per accidens, ut dicitur in 1. Phys. (text. 43. & seq.) Per se autem sit aliquid ex subiecto, quod est in potentia. Contrarii igitur resistit agenti, inquantum impedit potentiam ab actu, in quem intendit reducere materiam agens, sicut ignis intendit reducere aquam in actum sibi similem, sed impeditur per formam, & dispositiones contrarias, quibus quasi ligatur potentia ne reducatur in actum: & quanto magis fuerit potentia ligata, tanto requiritur maior virtus in agente ad reducendam materiam in actum: unde multo maior potentia requiritur in agente, si nulla potentia præexistat. Sic ergo patet quod multo maioris virtutis est facere aliquid ex nihilo quam ex contrario.

Ad tertium dicendum, quod virtus fa-

cientis non solum consideratur ex substantia facti, sed etiam ex modo facienti: maior enim calor non solum magis, sed etiam citius calefacit. Quamvis igitur creare aliquem effectum ininitum non demonstret potentiam ininitam, tamen creare ipsum ex nihilo demonstrat potentiam infinitam. Quod ex prædictis patet (in solut. argum. præced.) Si enim tanto maior virtus requiritur in agente, quanto potentia est magis remota ab actu, oportet quod virtus agentis ex nulla præposita potentia, quæ agens est creans, sit infinita: quia nulla proportio est minus potentia ad aliquam potentiam, quam præsupponit virtus agentis naturalis, sicut non est ad ens. Et quia nulla creatura habet simpliciter potentiam infinitam, sicut neque esse infinitum, ut supra probatum est (quæst. vii. art. 2.) relinquatur quod nulla creatura possit creare.

ARTICULUS VI. 243

Utrum creare sit proprium alicuius persone.

II. prol. com. 1. fin. & pot. q. ix. art. 5. ad 7.

AD sextum sic proceditur. Videtur quod creare sit proprium alicuius personæ. Quod enim est prius, est causa eius quod est post, & perfectum imperfecti. Sed processio divinæ personæ est prior quam processio creaturæ, & magis perfecta: quia divina persona procedit in perfecta similitudine sui principii, creatura vero in imperfecta. Ergo processiones divinarum personarum sunt causa processiones rerum; & sic creare est proprium personæ.

2. Præterea. Personæ divinæ non distinguuntur ab invicem nisi per suas processiones, & relationes. Quicquid igitur differenter attribuitur divinis personis, hoc convenit eis secundum processiones, & relationes personarum. Sed causalitas creaturarum diversimode attribuitur divinis personis: nam in symbolo fidei Patri attribuitur quod sit creator omnium invisibilium, & visibilium; Filio autem attribuitur quod per eum omnia facta sunt; sed Spiritui sancto quod sit Dominus, & vivificator. Causalitas ergo creaturarum convenit personis secundum processiones, & relationes.

3. Præterea. Si dicatur, quod causalitas creaturæ attenditur secundum aliquod attributum essentiale, quod appropriatur alicui personæ; hoc non videtur sufficiens.

ciens. Quia quilibet effectus divinus causatur a quolibet attributo essentiali, scilicet potentia, bonitate, & sapientia; & sic non magis pertinet ad unumquam ad aliud. Non debet ergo aliquis determinatus motus causalitatis attribui uni personae magis quam alii, nisi distinguerentur in creando secundum relationes & processiones.

Sed contra est quod dicit Dionysius 11. cap. de divin. Nom. (non remote a princ. lect. 1.) quod communia totius Divinitatis sunt omnia creabilia.

Respondet dicendum, quod creare est proprie causare, sive producere esse rerum. Cum autem omne agens agat sibi simile, principium actionis considerari potest ex actionis effectu: ignis enim est qui generat ignem. Et ideo creare convenit Deo secundum suum esse, quod est eius essentia. quae est communis tribus personis. Unde creare non est proprium alicui personae, sed commune toti Trinitati.

Sed tamen divinae personae secundum rationem suae processionis habent causalitatem respectu creationis rerum. Ut enim supra ostensum est (quaest. xiv. art. 3. & quaest. xix. art. 4.) cum de Dei scientia, & voluntate ageatur, Deus est causa rerum per suum intellectum, & voluntatem, sicut artifex rerum artificiarum. Artifex autem per verbum in intellectu conceptum, & per amorem suae voluntatis ad aliquid relatum operatur. Unde & Deus Pater operatur est creaturam per suum verbum, quod est Filius, & per suum amorem, qui est Spiritus sanctus. Et secundum hoc processiones personarum sunt rationes productionis creaturarum, inquantum includunt essentialia attributa, quae sunt scientia, & voluntas.

Ad primum ergo dicendum, quod processiones divinarum personarum sunt causa creationis, sicut dictum est (in corp. art.)

Ad secundum dicendum, quod sicut natura divina, licet sit communis tribus personis, ordine tamen quodam eis convenit, inquantum Filius accipit naturam divinam a Patre, & Spiritus sanctus ab utroque; ita etiam & virtus creandi, licet sit communis tribus personis, ordine tamen quodam eis convenit. Nam Filius habet eam a Patre, & Spiritus sanctus ab utroque. Unde creatorem esse attribuitur Patri ut ei qui non habet virtutem creandi ab alio. De Filio autem

dicatur Ioan. 1. 3. *Per quem omnia facta sunt*, inquantum habet eandem virtutem, sed ab alio: nam haec praepositio per solet denotare causam mediam, sive principium de principio. Sed Spiritui sancto, qui habet eandem virtutem ab utroque, attribuitur quod dominando gubernet, & vivificet quae sunt creata a Patre per Filium. Potest etiam huius attributionis communis ratio accipi ex appropriatione essentialium attributorum. Nam, sicut supra dictum est (quaest. xxxix. art. 3. ad 3.) Patri attribuitur, & appropriatur potentia, quae maxime manifestatur in creatione; & ideo attribuitur Patri creatorem esse. Filio autem appropriatur sapientia, per quam agens per intellectum operatur, & ideo dicitur de Filio: *Per quem omnia facta sunt*. Spiritui sancto autem appropriatur bonitas, ad quam pertinet gubernatio, deducens res in debitos fines, & vivificatio: nam vita in interiori quodam motu consistit: primum autem movens est inis, & bonitas.

Ad tertium dicendum, quod licet effectus Dei procedat ex quolibet attributorum, tamen reducitur unusquisque effectus ad illud attributum cum quo habet convenientiam secundum propriam rationem; quod ordinatio rerum ad sapientiam, & iustificatio impii ad misericordiam, & bonitatem, se superabundanter diffundentem. Creatio vero, quae est productio ipsius substantiae rei, reducitur ad potentiam.

ARTICULUS VII. 244

Utrum in creaturis sit necessesse inveniri vestigium Trinitatis.

Sup. quaest. v. art. 5. & inf. quaest. xciii. art. 16. corp. & 1. dist. 111. quaest. 11. art. 3. & 1P. cont. cap. xxvi. f. 3. & pr. quaest. ix. art. 9. in fin. cor.

AD septimum sic proceditur. Videtur quod in creaturis non sit necessesse inveniri vestigium Trinitatis. Per sua enim vestigia unumquodque investigari potest. Sed Trinitas personarum non potest investigari ex creaturis, ut supra dictum est (quaest. xxxiii. art. 1.) Ergo vestigia Trinitatis non sunt in creatura.

3. Praeterea. Quicquid in creatura est, creatum est. Si igitur vestigium Trinitatis invenitur in creatura secundum aliquas proprietates suas, & omne creatum habet vestigium Trinitatis, oportet in unaquaque illarum inveniri etiam vestigium Trinitatis; & sic in infinitum.

3. Prae-

3. Præterea. Effectus non repræsentat nisi suam causam. Sed causalitas creaturarum pertinet ad naturam communem, non autem ad relationes, quibus personæ & distinguuntur, & numerantur. Ergo in creatura non invenitur vestigium Trinitatis, sed solum unitatis essentiae.

Sed contra est quod Augustinus dicit VI. de Trinit. (cap. x. circa finem) quod Trinitatis vestigium in creaturis apparet.

Respondendo dicendum, quod omnis effectus aliquoties repræsentat suam causam, sed diversimode. Nam aliquis effectus repræsentat solum causalitatem causæ, non autem formam eius, sicut fumus repræsentat ignem; & talis repræsentatio dicitur esse repræsentatio vestigii: vestigium autem demonstrat motum alicuius transcurrentis, sed non qualis sit. Aliquis autem effectus repræsentat causam quantum ad similitudinem formæ eius, sicut ignis generatur ignem generantem, & statua Mercurii Mercurium; & hæc est repræsentatio imaginis. Processiones autem divinarum personarum attenduntur secundum actus intellectus, & voluntatis, sicut supra dictum est (quæst. xxvii. per tot.) Nam Filius procedit ut verbum intellectus, Spiritus sanctus ut amor voluntatis.

In creaturis igitur rationalibus, in quibus est intellectus, & voluntas, invenitur repræsentatio Trinitatis per modum imaginis, in quantum invenitur in eis verbum conceptum, & amor procedens.

Sed in creaturis omnibus invenitur repræsentatio Trinitatis per modum vestigii, in quantum in qualibet creatura inveniuntur aliqua quæ necesse est reducere in divinas personas sicut in causam. Quælibet enim creatura subsistit in suo esse, & habet formam, per quam determinatur ad speciem, & habet ordinem ad aliquid aliud. Secundum igitur quod est quædam substantia creata, repræsentat causam, & principium; & sic demonstrat personam Patris, qui est principium non de principio. Secundum autem quod habet quædam formam, & speciem, repræsentat Verbum, secundum quod forma artificii est ex conceptione artificis. Secundum autem quod habet ordinem, repræsentat Spiritum sanctum, in quantum est amor: quia ordo effectus ad aliquid alterum est ex voluntate creantis. Et ideo dicit Augustinus in VI. Lib.

de Trin. (cap. x. circa fin.) quod vestigium Trinitatis invenitur in unaquaque creatura, secundum quod unum aliquid est, & secundum quod aliqua specie formatur, & secundum quod quædam ordinem tenet. Et ad hæc etiam reducuntur illa tria, *numerus, pondus, & mensura*, quæ ponuntur Sap. xi. Nam mensura refertur ad substantiam rei limitatam suis principiis, numerus ad speciem, pondus ad ordinem. Et ad hæc tria reducuntur alia tria quæ ponit Augustinus (in Lib. de natura bon. cap. lxi.) *modus, species, & ordo*: & ea quæ ponit in Lib. lxxxiii. Q. (quæst. xviii. in princ.) *quod constat, quod discernitur, quod congruit*. Constat enim aliquid per suam substantiam, discernitur per formam, congruit per ordinem. Et in idem de facili reduci possunt quæcumque sic dicuntur.

Ad primum ergo dicendum, quod repræsentatio vestigii attenditur secundum appropriatam: per quem modum ex creaturis in Trinitatem divinarum personarum venire potest, ut dictum est (quæst. xxxii. art. 1.)

Ad secundum dicendum, quod creatura est res proprie subsistens, in qua est prædicta tria invenire. Neque oportet quod in quolibet eorum quæ ei insunt, hæc tria inveniantur; sed secundum ea vestigium rei subsistenti attribuitur.

Ad tertium dicendum, quod etiam processiones personarum sunt causa, & rationis creationis aliquo modo, ut dictum est (in corp. art. & art. præc.)

ARTICULUS VIII. 247

Utrum creatio admisceatur in operibus naturæ, & artis.

II. dist. 1. quæst. 1. art. 3. ad 5. & per. quæst. lxi. art. 8.

AD octavum sic proceditur. Videtur quod creatio admisceatur in operibus naturæ, & artis. In qualibet enim operatione naturæ, & artis producitur aliqua forma. Sed non producitur ex aliquo, cum non habeat materiam partem sui. Ergo producitur ex nihilo; & sic in qualibet operatione naturæ, & artis est creatio.

2. Præterea. Effectus non est prior sua causa. Sed in rebus naturalibus non invenitur aliquid agens nisi forma accidentalis, quæ est forma activa, vel passiva. Non ergo per operationem naturæ produ-

docitur forma substantialis. Relinquitur igitur quod sit per creationem.

3. Præterea. Natura facit sibi simile. Sed quædam inveniuntur generata in natura non ab aliquo sibi simili, sicut patet in animalibus generatis per putrefactionem. Ego eorum forma non est a natura, sed a creatione: & eadem ratio est de aliis.

4. Præterea. Quod non creatur, non est creatura. Si igitur in his quæ sunt a natura, non adiungatur creatio, sequitur quod ea quæ sunt a natura, non sunt creaturæ: quod est hæreticum.

Sed contra est quod Augustinus super Genes. ad litt. (Lib. V., cap. vi. xiv. & xv.) distinguit opus naturæ ab opere creationis.

Respondendo dicendum, quod hæc dubitatio inducitur propter formas: quas quidam posuerunt non incipere per actionem naturæ, sed prius in materia existisse, ponentes latitationem formarum. Et hoc accidit eis ex ignorantia materiæ, quia nesciebant distinguere inter potentiam, & actum. Quia enim formæ præexistant in materia in potentia, posuerunt eas simpliciter præexistere.

Alii vero posuerunt formas dari, vel causari ab agente separato per modum creationis: & secundum hoc cuilibet operationi naturæ adiungitur creatio. Sed hoc accidit eis ex ignorantia formæ. Non enim considerabant, quod forma naturalis corporis non est subsistens, sed quo aliquid est. Et ideo, cum fieri, & creari non conveniat proprie nisi rei subsistenti, sicut supra dictum est (art. 4. huius quæst.) formarum non est fieri, neque creari, sed concreatas esse. Quod autem proprie sit ab agente naturali, est compositum, quod sit ex materia.

Unde in operibus naturæ non admisceatur creatio, sed præsupponitur aliquid ad operationem naturæ.

Ad primum ergo dicendum, quod formæ incipiunt esse in actu, compositis factis, non quod ipse fiant per se, sed per accedens tantum.

Ad secundum dicendum, quod qualitates activæ in natura agunt in virtute formarum substantialium: & ideo agens naturale non solum producit sibi simile secundum qualitatem, sed secundum speciem.

Ad tertium dicendum, quod ad generationem animalium imperfectorum sufficit agens universale, quod est virtus ætherealis, cui assimilantur non secundum

speciem, sed secundum analogiam quamdam. Neque oportet dicere, quod eorum formæ creantur ab agente separato. Ad generationem vero animalium perfectorum non sufficit agens universale, sed requiritur agens proprium, quod est generans univocum.

Ad quartum dicendum, quod operatio naturæ non est nisi ex præsuppositione principiorum creatorum; & sic ea quæ per naturam fiunt, creaturæ dicuntur.

QUAESTIO XLVI.

De principio durationis rerum creaturarum, in tres articulos divisa.

Consequenter considerandum est de principio durationis rerum creaturarum: & circa hoc quaeruntur tria.

Primo, utrum creaturæ semper fuerint. Secundo, utrum eas incepisse sit articulus fidei.

Tertio, quomodo Deus dicatur in principio cælum, & terram creasse.

ARTICULUS I. 245

Utrum universitas creaturarum semper fuerit.

II. dist. 2. quæst. 1. art. 5. & dist. 11. quæst. 1. art. 3. cor. & II. con. cap. xxxiv. & xxxv. fin. & pot. quæst. 111. art. 17. & quæst. 111. quæst. xiv. art. 2. cor. & I. cel. lect. 6.

Ad primum sic proceditur. Videtur quod universitas creaturarum, quæ nunc mundi nomine nuncupatur, non incepit, sed fuerit ab æterno. Omne enim quod incepit esse, antequam fuerit, possibile fuit ipsum esse, aliquom impossibile fuisset ipsum fieri. Si ergo mundus incepit esse, antequam inceperet, possibile fuit ipsum esse. Sed quod possibile est esse, est materia, quæ est in potentia ad esse, quod est per formam, & ad non esse, quod est per privationem. Si ergo mundus incepit esse, ante mundum fuit materia. Sed non potest esse materia sine forma, materia autem mundi cum forma est mundus. Fuit ergo mundus, antequam esse inciperet: quod est impossibile.

2. Præterea. Nihil quod habet virtutem ut sit semper, quandoque est, & quandoque non est: quia ad quantum se extendit virtus alicuius rei, tandum est. Sed omne incorruptibile habet virtutem ut sit semper: non enim virtutem habet ad determinatum durationis tempus. Nihil

hil ergo incorruptibile quandoque est, & quandoque non est. Sed omne quod incipit esse, quandoque est, & quandoque non est. Nullum ergo incorruptibile incipit esse. Sed multa sunt in mundo incorruptibilia, ut corpora caelestia, & omnes substantiae intellectuales. Ergo mundus non incipit esse.

3. Præterea. Nullum ingenitum incipit esse. Sed Philosophus in I. Physic. (text. 82.) dicit, quod materia est ingenita: & in I. de cæl. & mund. (text. 20.) quod cælum est ingenitum. Non ergo universitas rerum incipit esse.

4. Præterea. Vacuum est ubi non est corpus, sed possibile est esse. Sed si mundus incipit esse, ubi nunc est corpus mundi, prius non fuit aliquid corpus; & tamen poterat ibi esse, alioquin nunc ibi non esset. Ergo ante mundum fuit vacuum: quod est impossibile.

5. Præterea. Nihil de novo incipit moveri, nisi per hoc quod movens, & mobile aliter se habet nunc quam prius. Sed quod aliter se habet nunc quam prius, movetur. Ergo ante omnem motum de novo incipientem fuit aliquid motus. Motus ergo semper fuit: ergo & mobile, quia motus non est nisi in mobili.

6. Præterea. Omne movens aut est naturale, aut est voluntarium. Sed neutrum incipit movere nisi aliquo motu præexistente: naturam enim semper eodem modo operatur. Unde nisi præcedat aliqua immutatio vel in natura moventis, vel in mobili, non incipit a movente naturali esse motus, qui non fuit prius. Voluntas autem absque sui immutatione retardat facere quod proponit. Sed hoc non est nisi per aliquam immutationem, quam imaginatur ad minus ex parte ipsius temporis; sicut qui vult facere domum cras, & non hodie, expectat aliquid futurum eras, quod hodie non est, & ad minus expectat quod dies hodiernus transeat, & crastinus adveniat; quod sine immutatione non est, quia tempus est numerus motus. Relinquitur ergo quod ante omnem motum de novo incipientem fuit alius motus; & sic idem quod prius.

7. Præterea. Quicquid est semper in principio, & semper in fine, nec desinere, nec incipere potest: quia quod incipit, non est in suo fine; quod autem desinit, non est in suo principio. Sed tempus semper est in suo principio, & in fine: quia nihil est temporis nisi nunc, quod est finis præteriti, & principium futuri. Ergo tempus nec incipere, nec

desinere potest, & per consequens nec motus, cuius numerus tempus est.

8. Præterea. Deus aut est prius mundi natura tantum, aut duratione. Si natura tantum; ergo, cum Deus sit ab æterno, & mundus est ab æterno. Si autem est prius duratione; prius autem, & posterius in duratione constituitur tempus; ergo ante mundum fuit tempus: quod est impossibile.

9. Præterea. Posita causa sufficiente, ponitur effectus: causa enim ad quam non sequitur effectus, est causa imperfecta, indigens alio ad hoc quod effectus sequatur. Sed Deus est sufficiens causa mundi, & finalis ratione suæ bonitatis, & exemplaris ratione suæ sapientiae, & effectiva ratione suæ potentiae, ut ex superioribus patet (quæst. xlv. art. 2. 3. & 4.) Cum ergo Deus sit ab æterno, & mundus fuit ab æterno.

10. Præterea. Cuius actio est æterna, & effectus est æternus. Sed actio Dei est eius substantia, quæ est æterna. Ergo & mundus est æternus.

Sed contra est quod dicitur Ioan. xviii. 5. *Clarifica me Pater apud te ipsum claritate quam habui, priusquam mundus fieret*: & Prover. viii. 22. *Domnus possedit me in initio viarum suarum, antequam quicquam faceret a principio*.

Respondeo dicendum, quod nihil potest præter Deum ab æterno fuisse. Et hoc quidem ponere non est impossibile. Ostensum est enim supra (quæst. xix. art. 4.) quod voluntas Dei est causa rerum. Sic ergo aliqua necesse est esse, sicut necesse est Deum velle illa, cum necessitas effectus ex necessitate causæ dependeat, ut dicitur in V. Metaph. (text. 6.) Ostensum est autem supra (quæst. xix. art. 3.) quod, absolute loquendo, non est necesse Deum velle aliquid nisi se ipsum. Non est ergo necessarium Deum velle quod mundus fuerit semper; sed æternus mundus est, quatenus Deus vult illum esse, cum esse mundi ex voluntate Dei dependeat sicut ex sua causa. Non est igitur necessarium mundum semper esse. Unde nec demonstrative probari potest.

Nec rationes quas ad hoc Aristoteles inducit (Lib. VIII. Physic.) sunt demonstrativæ simpliciter, sed secundum quid, scilicet ad contradicendum rationibus antiquorum ponentium mundum incipere secundum quosdam modos in veritate impossibiles. Et hoc apparet ex tribus. Primo quidem quia tam in VIII. Physic.

(loc.

(loc. nunc cit.) quam in I. de cæl. (text. 101. & seqq.) præmittit quasdam opiniones, ut Anaxagoræ, & Empedoclis, & Platonis, contra quos rationes contradictorias inducit. Secundo quia ubicumque de hac materia loquitur, inducit testimonia antiquorum: quod non est demonstratoris, sed probabiliter persuadentis. Tercio quia expresse dicit in I. Lib. Topic. (cap. ix. parum a princ.) quod quædam sunt problemata dialectica, de quibus rationes non habemus, ut utrum mundus sit æternus.

Ad primum ergo dicendum, quod antequam mundus esset, possibile fuit mundum esse, non quidem secundum potentiam passivam, quæ est materia, sed secundum potentiam activam Dei: & etiam, secundum quod dicitur aliquid absolute possibile, non secundum aliquam potentiam, sed ex sola habitudine terminorum, qui sibi non repugnant, secundum quod possibile opponitur impossibili, ut patet per Philosophum in V. Metaph. (text. 17.)

Ad secundum dicendum, quod illud quod habet virtutem ut sit semper, ex quo habet illam virtutem, non quandoque est, & quandoque non est; sed antequam haberet illam virtutem, non fuit. Unde hæc ratio, quæ ponitur ab Aristotele in I. de cæl. (text. 120.) non concludit simpliciter, quod incorruptibilia non inceperunt esse; sed quod non inceperunt esse per modum naturalem, quo generabilia, & corruptibilia incipiunt esse.

Ad tertium dicendum, quod Aristoteles in I. Physic. (loc. cit. in arg.) probat materiam esse ingenitam per hoc quod non habet subiectum de quo sit: in I. autem de cæl. & mand. (loc. cit. in arg.) probat cælum ingenitum, quia non habet contrarium, ex quo generatur. Unde patet quod per utrumque non concluditur, nisi quod materia, & cælum non inceperunt per generationem, ut quidam ponebant, præcipue de cælo. Nos autem dicimus, quod materia, & cælum producta sunt in esse per creationem, ut ex dictis (quæst. xlv. art. 1. & 2.) patet.

Ad quartum dicendum, quod ad rationem vacui non sufficit in quo nihil est, sed requiritur quod sit spatium capax corporis, in quo non sit corpus, ut patet per Aristotelem in IV. Physic. (text. 60.) Nos autem dicimus, non fuisse locum, aut spatium ante mundum.

Ad quintum dicendum, quod primus motor semper eodem modo se habuit; primum autem mobile non semper eodem modo se habuit, quia incepit esse, cum prius non fuisset. Sed hoc non fuit per mutationem, sed per creationem, quæ non est mutatio, ut supra dictum est (quæst. xlv. art. 2. ad 2.) Unde patet quod hæc ratio, quam ponit Aristoteles in VIII. Physic. procedit contra eos qui ponebant mobilia æterna, sed motum non æternum, ut patet ex opinionibus Anaxagoræ, & Empedoclis. Nos autem ponimus, ex quo mobilia inceperunt, semper fuisse motum.

Ad sextum dicendum, quod primum agens est agens voluntarium. Et quavis habuit voluntatem æternam producendi aliquem effectum, non tamen produxit æternum effectum. Nec est necesse quod præsupponatur aliqua mutatio, nec etiam propter imaginationem temporis. Aliter enim est intelligendum de agente particulari, quod præsupponit aliquid, & causat alterum; & aliter de agente universali, quod producit totum; sicut agens particulare producit formam, & præsupponit materiam: unde oportet quod formam inducat secundum proportionem ad debitam materiam. Unde rationabiliter in ipso consideratur quod inducit formam in talenti materiam, & non in aliam ex differentia materiæ ad materiam. Sed hoc non rationabiliter videtur in Deo, qui simul producit formam, & materiam; sed consideratur rationabiliter in eo, quod ipse producit materiam congruam formæ, & fini. Agens autem particulare præsupponit tempus, sicut & materiam. Unde rationabiliter consideratur in eo, quod agit in tempore posteriori, & non priori secundum imaginationem successioneis temporis post tempus. Sed in agente universali, quod producit rem, & tempus, non est considerare quod agit nunc, & non prius secundum imaginationem temporis post tempus, quasi tempus præsupponatur eius actioni; sed considerandum est, quod dedit effectui suo tempus, quantum voluit, & secundum quod conveniens fuit ad suam potentiam demonstrandam. Manifestius enim mundus ducit in cognitionem divinæ potentie creatantis, si mundus non semper fuit, quam si semper fuisset: omne enim quod non semper fuit, manifestum est habere causam; sed non ita manifestum est de eo quod semper fuit.

Ad ..

Ad septimum dicendum, quod, sicut dicitur in IV. Physic. (text. 102.) prius, & posterius est in tempore, secundum quod prius, & posterius est in motu. Unde principium, & finis accipiendi sunt in tempore, sicut & in motu. Supposita autem aeternitate motus, necesse est quod quolibet momentum in motu acceptum sit principium, & terminus novus: quod non oportet, si motus incipiat. Et eadem ratio est de *nunc* temporis. Et sic patet quod ratio illa instantis *nunc*, quod semper sit principium, & finis temporis, & motus. Unde Aristoteles hanc rationem inducit in VIII. Physic. (text. 10.) contra eos qui ponebant aeternitatem temporis, sed negabant aeternitatem motus.

Ad octavum dicendum, quod Deus est prior mundo duratione. Sed ly *prius* non designat prioritatem temporis, sed aeternitatis. Vel dicendum, quod designat aeternitatem temporis imaginari, & non realiter existentis; sicut, cum dicitur, Supra caelum nihil est, ly *supra* designat locum imaginatum tantum, secundum quod possibile est imaginari, dimensionibus caelestis corporis dimensiones alias superaddi.

Ad nonum dicendum, quod sicut effectus sequitur a causa agente naturaliter secundum modum suae formae, ita sequitur ab agente per voluntatem secundum formam ab ea praeconceptam, & definitam, ut ex superioribus patet (quaest. XIV. art. 8. & quaest. XI. art. 2.) Licet igitur Deus ab aeterno fuerit sufficiens causa mundi, non tamen oportet quod ponatur mundus ab eo productus, nisi secundum quod est in praedefinitione suae voluntatis, ut scilicet habeat esse post non esse, ut manifestius declarat suum auctorem.

Ad decimum dicendum, quod posita actione, sequitur effectus secundum exigentiam formae, quae est principium actionis. In agentibus autem per voluntatem, quod conceptum est, & praedestinatum, accipitur ut forma, quae est principium actionis. Ex actione igitur Dei aeterna non sequitur effectus aeternus, sed qualem Deus voluit, ut scilicet haberet esse post non esse.

ARTICULUS II.

247

Utrum mundum incepisse sit articulus fidei.

Loci supra art. 1. adducii.

AD secundum sic proceditur. Videtur quod mundum incepisse non sit articulus fidei, sed conclusio demonstrabilis. Omne enim factum habet principium suae durationis. Sed demonstrative probari potest quod Deus sit causa effectiva mundi: & hoc etiam probabilius Philosophi posuerunt. Ergo demonstrative probari potest quod mundus incepit.

2. Praeterea Si necesse est dicere, quod mundus factus est a Deo: aut ergo ex nihilo, aut ex aliquo. Sed non ex aliquo, quia sic materia mundi praecessit mundum, contra quod procedunt rationes Aristotelis ponentis (Lib. I. de caelo text. 10.) caelum ingentum. Ergo oportet dicere, quod mundus sit factus ex nihilo; & sic habet esse post non esse. Ergo oportet quod esse incepit.

3. Praeterea. Omne quod operatur per intellectum, a quodam principio operatur, ut patet in omnibus artificialibus. Sed Deus est agens per intellectum. Ergo a quodam principio operatur. Mundus igitur, qui est eius effectus, non fuit semper.

4. Praeterea. Manifeste apparet artes aliquas, & habitationes regionum ex determinatis temporibus incepisse. Sed hoc non esset, si mundus semper fuisset. Mundum igitur non semper fuisse manifestum est.

5. Praeterea. Certum est nihil Deo æquari posse. Sed si mundus semper fuisset, æquipararetur Deo in duratione. Ergo certum est non semper mundum fuisse.

6. Praeterea. Si mundus semper fuit, infiniti dies praecesserunt diem istum. Sed infinita non esse pertransire. Ergo numquam fuisset perventum ad hunc diem: quod est manifeste falsum.

7. Praeterea. Si mundus fuit aeternus, & generatio fuit ab aeterno. Ergo unus homo genitus est ab alio in infinitum. Sed pater est causa efficiens filii, ut dicitur in II. Physic. (text. 29.) Ergo in causis efficientibus est procedere in infinitum: quod improbatur in II. Metaph. (text. 5.)

8. Praeterea. Si mundus, & generatio semper fuit, infiniti homines praecesserunt. Sed anima hominis est immortalis.

Ergo

Ergo infinitæ animæ humanæ nunc essent actû; quod est impossibile. Ergo ex necessitate scripi potest quod mundus incepit, & non sola fide tenetur.

Sed contra. Fidei articuli demonstrative probari non possunt: quia fides de non apparentibus est, ut dicitur ad Hebr. xi. Sed Deum esse creatorem mundi, sic quod mundus incepit esse, est articulus fidei: dicimus enim: *Credo in unum Deum &c.* & iterum Gregorius dicit in hom. 1. in Ezech. (non remote a princ.) quod *Moses prophetizavit de præterito, dicens: In principio creavit Deus calum, & terram: in quo novitas mundi traditur. Ergo novitas mundi habetur tantum per revelationem; & ideo non potest probari demonstrative.*

Respondendo dicendum, quod mundum non semper fuisse sola fide tenetur, & demonstrative probari non potest, sicut & supra de mysterio Trinitatis dictum est (quæst. xxxix. art. 1.) Et huius ratio est, quia novitas mundi non potest demonstrationem recipere ex parte ipsius mundi. Demonstrationis enim principium est quod quid est. Unumquodque autem secundum rationem vel speciei abstrahit ab hic & nunc: propter quod dicitur, quod universalia sunt ubique, & semper. Unde demonstrari non potest quod homo, aut cælum, aut lapis non semper fuit. Similiter etiam neque ex parte causæ agentis, quæ agit per voluntatem. Voluntas enim Dei ratione investigari non potest, nisi circa ea quæ absolute necesse est Deum velle. Talia autem non sunt quæ circa creaturas vult, ut dictum est (quæst. xix. art. 3.) Potest autem voluntas divina homini manifestari per revelationem, cui fides innititur. Unde mundum incepisse est credibile, non autem demonstrabile, vel scibile.

Et hoc utile est ut consideretur, ne forte aliquis, quod fidei est, demonstrare præsumens, rationes non necessarias inducat, quæ præbeant materiam irridendi invidelibus exultantibus nos propter huiusmodi rationes credere quæ fidei sunt.

Ad primum ergo dicendum, quod, sicut dicit Augustinus XI. de civit. Dei (cap. iv. post princ.) Philosophorum ponentium æternitatem mundi duplex fuit opinio. Quidam enim posuerunt, quod substantia mundi non sit a Deo: & horum est intolerabilis error; & ideo ex necessitate refellitur. Quidam autem

sic posuerunt mundum æternum, quod tamen mundum a Deo factum dixerunt. Non enim mundum temporis volunt habere, sed suæ creationis initium, ut quodam modo vix intelligibili semper sit factus. *Id autem quomodo intelligant, (a) innuerant, ut idem dicit in X. de civ. Dei (cap. xxxi.) Sicut enim, inquit, si pes ex æternitate semper fuisset in pulvere, semper subisset vestigium, quod a calcante factum nemo dubitaret; sic & mundus semper fuit, semper existente, qui fecit.*

Et ad hoc intelligendum considerandum est, quod causa efficiens quæ agit per motum, de necessitate præcedit tempore suum effectum: quia effectus non est nisi in termino actionis; agens autem omne oportet esse principium actionis. Sed si actio sit instantanea, & non successiva, non est necessarium faciens esse prius facto duratione, sicut patet in illuminatione. Unde dicunt, quod non sequitur ex necessitate, si Deus est causa activa mundi, quod sit prior mundo duratione: quia creatio, qua mundum produxit, non est mutatio successiva, ut supra dictum est (quæst. xiv. art. 2.)

Ad secundum dicendum, quod illi qui ponerent mundum æternum, dicerent mundum factum a Deo ex nihilo, non quod factus sit post nihilum, secundum quod nos intelligimus per nomen creationis, sed quia non est factus de aliquo: & sic etiam non recusant aliqui eorum creationis nomen, ut patet ex Avicenna in sua Metaph. (Lib. IX. cap. iv.)

Ad tertium dicendum, quod illa est ratio Anaxagoræ, quæ ponitur in VIII. Phylis. (text. 15.) Sed non de necessitate concludit nisi de intellectu qui deliberando investigat quid agendum sit, quod est simile motui. Talis autem est intellectus humanus, sed non divinus, ut supra patet (quæst. xiv. art. 7. & art. 12.)

Ad quartum dicendum, quod ponentes æternitatem mundi ponunt aliquam regionem infinitas esse mutatam de inhabitabili in habitabilem, & e converso: & similiter ponunt, quod artes propter diversas corruptiones, & accidentia infinitas fuerunt inventæ, & iterum corruptæ. Unde Aristoteles dicit in Lib. I. Meteor. (cap. ult. post med.) quod ridiculum est ex huiusmodi particularibus mutationibus opinionem accipere de novitate mundi totius.

Ad quintum dicendum, quod etsi mundus semper fuisset, non tamen parificare-

S. To. Oper. Tom. XX.

(a) ad. inventant.

X tur

tur Deo in aeternitate, ut dicit Boetius in fine de consol. (Lib. V. prof. vi. parum a princ.) quia esse divinum est omne totum simul absque successione; non autem sic est de mundo.

Ad sextum dicendum, quod transitus semper intelligitur a termino in terminum. Quaecumque autem praeterita dies signetur, ab illa usque ad istam sunt finiti dies, qui pertransiri poterunt. Obiectio autem procedit, ac si, positis extremis, sint media inhinita.

Ad septimum dicendum, quod in causis efficientibus impossibile est procedere in infinitum per se; ut puta, si causae quae per se requiruntur ad aliquem effectum, multiplicarentur in infinitum; sicut si lapis moveretur a baculo, & baculus a manu, & hoc in infinitum. Sed per accidens in infinitum procedere in causis agentibus non reputatur impossibile; ut puta, si omnes causae, quae in infinitum multiplicantur, non teneant ordinem nisi unius causae, sed earum multiplicatio sit per accidens; licet artifex agit multis martellis per accidens, quia unus post unum frangitur. Accidit ergo huic martello quod agat post actionem alterius martelli: & similiter accidit huic homini, inquantum generat, quod sit generatus ab alio: generat enim, inquantum homo, & non inquantum est filius alterius hominis. Omnes enim homines generantes habent gradum unum in causis efficientibus, scilicet gradum particularis generantis. Unde non est impossibile quod homo generetur ab homine in infinitum: esset autem impossibile, si generatio huius hominis dependeret ab hoc homine, & a corpore elementari, & a Sole, & sic in infinitum.

Ad octavum dicendum, quod hanc rationem ponentes aeternitatem mundi multipliciter effugiunt. Quidam enim non reputant impossibile esse infinitas animas actu, ut patet in Megaph. Algazelis dicentis, hoc esse infinitum per accidens. Sed hoc improbatum est superius (quaest. VII. art. 4.) Quidam vero dicunt animam corrumpi cum corpore. Quidam vero, quod ex omnibus animabus remanet una tantum. Alii vero, ut Augustinus dicit (serm. XIV. de temp. cap. IV. & V. & Lib. de haeresibus haeres. XLVI. & Lib. XII de civit. Dei cap. XIII.) posuerunt propter hoc circuitum animarum, ut scilicet animae separatae a corporibus post determinata temporum curricula iterum redirent ad corpora: de

quibus omnibus in sequentibus est agendum. Considerandum tamen, quod haec ratio particularis est. Unde posset dicere aliquis, quod mundus fuit aeternus, vel saltem aliqua creatura, ut Angelus, non autem homo. Nos autem intendimus universaliter, an aliqua creatura fuerit ab aeterno.

ARTICULUS III. 248

Utrum creatio rerum fuerit in principio temporis.

II. dist. 1. quaest. 1. art. 6. ad 3. & quodlibet V. quaest. 1. art. 1. corp. & opus IX. quaest. C.

AD tertium sic proceditur. Videtur quod creatio rerum non fuerit in principio temporis. Quod enim non est in tempore, non est in aliquo temporis. Sed creatio rerum non fuit in tempore: per creationem enim rerum substantia in esse producia est. Tempus autem non mensurat substantiam rerum, & praecipue incorporalia. Ergo creatio non fuit in principio temporis.

2. Praeterea. Philoponius probat (Lib. VI. Physic. text. 40. & seq.) quod omne quod sit, habet, & sic omne fieri habet prius, & posterius. In principio autem temporis, cum sit indivisibile, non est prius, & posterius. Ergo, cum creari sit quoddam fieri, videtur quod res non sint creatae in principio temporis.

3. Praeterea. Ipsum etiam tempus creatum est. Sed non potest creari in principio temporis; cum tempus sit divisibile, principium autem temporis indivisibile. Non ergo creatio rerum fuit in principio temporis.

Sed contra est quod Genes. 1. 1. dicitur: *In principio creavit Deus caelum, & terram.*

Respondeo dicendum, quod illud verbum Genes. 1. *In principio creavit Deus caelum, & terram*, tripliciter exponitur ad excludendum tres errores.

Quidam enim posuerunt, mundum semper fuisse, & tempus non habere principium: & ad hoc excludendum exponitur: *In principio*, scilicet temporis.

Quidam vero posuerunt duo esse creationis principia, unum bonorum, aliud malorum: & ad hoc excludendum exponitur: *In principio*, id est in Filio. Sicut enim

enim

enim principium effectivum appropriatur Patri propter potentiam, ita principium exemplare appropriatur Filio propter sapientiam; ut sicut dicitur Psal. ciii. 24. *Omnia in sapientia fecisti*; ita intelligatur Deum omnia fecisse in principio, idest in Filio, secundum illud Apostoli ad Colossens. 1. 16. *In ipso, scilicet Filio, condita sunt universa.*

Alii vero dixerunt, corporalia esse creata a Deo mediantibus creaturis spiritualibus; & ad hoc excludendum exprimitur: *In principio creavit Deus calum, & terram, idest ante omnia.* Quatuor enim ponuntur simul creata, scilicet calum empyreum, materia corporalis, quæ nomine terræ intelligitur, tempus, & natura angelica.

Ad primum ergo dicendum, quod non dicuntur in principio temporis res esse creatæ, quasi principium temporis creationis sit mensura; sed quia simul cum tempore calum, & terra creata sunt.

Ad secundum dicendum, quod verbum illud Philosophi intelligitur de *feri* quod est per motum, vel quod est terminus motus. Quia cum in quolibet motu sit accipere prius, & posterius, ante quodcumque signum in motu signato, dum scilicet aliquid est in moveri, & fieri, est accipere prius, & etiam aliquid post ipsum: quia quod est in principio motus, vel in termino, non est in moveri. Creatio autem neque est motus, neque terminus motus, ut supra dictum est (quæst. præc. art. 2. & 3.) Unde sic aliquid creatur quod non prius creabatur.

Ad tertium dicendum, quod nihil fit nisi secundum quod est. Nihil autem est temporis nisi *nunc*: unde non potest fieri nisi secundum aliquod *nunc*: non quia in ipso primo *nunc* sit tempus, sed quia ab eo incipit tempus.

QUAESTIO XLVII.

*De distinctione rerum in communi,
in tres articulos divisa.*

Post productionem creaturarum in esse considerandum est de distinctione earum. Erit autem hæc consideratio tripartita. Nam primum considerabimus de distinctione rerum in communi: secundo de distinctione boni, & mali: tertio de distinctione spiritualis, & corporalis creaturæ.

Circa primum quaeruntur tria.

Primo de ipsa rerum multitudine, seu distinctione.
Secundo de earum inæqualitate.
Tertio de unitate mundi.

ARTICULUS I. 249

*Utrum rerum multitudo, & distinctio
sit a Deo.*

II. cont. cap xxxix. usq. xlv. inclus. & III. cap. xcvii. & præ. quæst. lxi. art. 1. ad 9. & art. 16. cor. & op. II. cap. lxxi. lxxii. lxxiii. & ci. & lxxii. Met. lect. 2. in fin.

AD primum sic proceditur. Videtur quod rerum multitudo, & distinctio non sit a Deo. Unum enim semper natum est unum facere. Sed Deus est maxime unus, ut ex præmissis patet (quæst. xi. art. 4.) Ergo non producit nisi unum effectum.

2. Præterea. Exemplatum assimilatur suo exemplari. Sed Deus est causa exemplaris sui effectus, ut supra dictum est (quæst. xlv. art. 3.) Ergo, cum Deus sit unus, effectus eius est unus tantum, & non distinctus.

3. Præterea. Ea quæ sunt ad finem, proportionantur fini. Sed finis creaturæ est unus, scilicet divina bonitas, ut supra ostensum est (quæst. xlv. art. 4.) Ergo effectus Dei non est nisi unus.

Sed contra est quod dicitur Genes. 1. quod Deus distinxit lucem a tenebris, & divisit aquas ab aquis. Ergo distinctio, & multitudo rerum est a Deo.

Respondeo dicendum, quod causam distinctionis rerum multipliciter aliqui assignaverunt.

Quidam enim attribuerunt eam materię vel soli, vel simul cum agente. Soli quidem materię, sicut Democritus, & omnes antiqui Naturales, ponentes solam causam materialem: secundum quos distinctio rerum provenit a casu secundum motum materię. Materię vero, & agenti simul distinctionem, & multitudinem rerum attribuit Anaxagoras, qui posuit intellectum distinguentem res, extrahendo quod erat permixtum in materia.

Sed hoc non potest stare propter duo. Primo quidem quia supra ostensum est (quæst. xlv. art. 2.) quod etiam ipsa materia a Deo creata est. Unde oportet & distinctionem, si qua est ex parte materię, in altiorē causam reducere. Secundo quia materia est propter formam,

X 2 & non

& non e converso; distinctio autem rerum est per formas proprias. Non ergo distinctio est in rebus propter materiam; sed potius e converso in materia creata est difformitas, ut esset diversis formis accommodata.

Quidam vero attribuerunt distinctionem rerum secundis agentibus, sicut Avicenna, qui dixit, quod Deus, intelligendo se, produxit intelligentiam primam: in qua, quia non est suum esse, ex necessitate incipit compositio potentiae, & actus, ut infra patebit (quaest. l. art. 2.) Sic igitur prima intelligentia, in quantum intelligit causam primam, produxit secundam intelligentiam; in quantum autem intelligit se, secundum quod est in potentia, produxit corpus celi, quod movet; in quantum vero intelligit se, secundum illud quod habet de actu, produxit animam celi.

Sed hoc non potest stare propter duo. Primo quidem quia supra ostensum est (quaest. xlv. art. 5.) quod creare solius Dei est: unde ea quae non possunt causari nisi per creationem, a solo Deo producuntur; & haec sunt omnia quae non subiacent generationi, & corruptioni. Secundo quia secundum hanc positionem non proveniret ex intentione primi agentis universitas rerum, sed ex concursu multarum causarum agentium: tale autem dicimus provenire a casu. Sic igitur complementum universi, quod in diversitate rerum consistit, esset a casu: quod est impossibile.

Unde dicendum est, quod distinctio rerum, & multitudo est ex intentione primi agentis, quod est Deus. Produxit enim res in esse propter suam bonitatem communicandam creaturis, & per eas representandam: & quia per unam creaturam sufficienter representari non potest, produxit multas creaturas, & diversas; ut quod deest uni ad representandam divinam bonitatem, suppleatur ex alia. Nam bonitas, quae in Deo est simpliciter, & uniformiter, in creaturis est multipliciter, & divisim: unde penitus participat divinam bonitatem, & representat eam totum universum quam alia quaecunque creatura.

Et quia ex divina sapientia est causa distinctionis rerum, ideo Moyses dicit res esse distinctas verbo Dei, quod est conceptio sapientiae: & hoc est, quod dicitur Gen. 1. 3. *Dixit Deus, Fiat lux... Et divisit lucem a tenebris.*

Ad primum ergo dicendum, quod agens

per naturam agit per formam per quam est, quae unius tantum est una: & ideo non agit nisi unum. Agens autem voluntarium, quale est Deus, ut supra ostensum est (quaest. xix art. 4.) agit per formam intellectam. Cum igitur Deum multa intelligere non repugnet unitati, & simplicitati ipsius, ut supra ostensum est (quaest. xv. art. 2.) relinquitur quod licet sit unus, possit multa facere.

Ad secundum dicendum, quod ratio illa teneret de exemplo quod perfecte representat exemplar, quod non multiplicatur nisi materialiter: unde imago increata, quae est perfecta, est una tantum. Sed nulla creatura representat perfecte exemplar primum, quod est divina essentia; & ideo potest per multa representari. Et tamen, secundum quod idem dicuntur exemplaria, pluralitati rerum correspondet in mente divina pluralitas idearum.

Ad tertium dicendum, quod in speculativis medium demonstrationis, quod perfecte demonstrat conclusionem, est unum tantum; sed media probabilia sunt multa: & similiter in operativis, quando id quod est ad finem, adaequat, ut ita dixerim, finem, non requiritur quod sit nisi unum tantum. Sed creatura non sic se habet ad finem, qui est Deus: unde oportuit creaturas multiplicari.

ARTICULUS II. 276

Utrum inaequalitas rerum sit a Deo.

I. cont. cap. xxxix. vsq. xlv. inclus. & III. cap. xcvi. & potenti. quest. III. art. 16.

& de anima. art. 1. cor.

AD secundam sic proceditur. Videtur quod inaequalitas rerum non sit a Deo. Optimi enim est optima adducere. Sed inter optima unum non est maius altero. Ergo Dei, qui est optimus, est omnia aequalia facere.

2. Praeterea. Aequalitas est effectus unitatis, ut dicitur in V. Metaph. (cx. 20.) Sed Deus est unus. Ergo fecit omnia aequalia.

3. Praeterea. Iustitia est inaequalitas inaequalibus dare. Sed Deus est iustus in omnibus operibus suis. Cum ergo operationi eius, qua esse rebus communicat, non praesupponatur aliqua inaequalitas rerum, videtur quod fecerit omnia aequalia.

Sed contra est quod dicitur Eccli. xxxiii. 7. *Quare dicit deum superas, & inferas lux*

lux lucem, (a) & annus annum, & Sol Solem? A Domini scientia separati sunt.

Respondendo dicendum, quod Origenes volens excludere positionem ponentium distinctionem in rebus ex contrarietate principiorum boni, & mali, posuit, a Deo a principio omnia creata esse aequalia. Dicit enim, quod Deus primo creavit creaturas rationales tantum, & omnes aequales. In quibus primo exorta est inaequalitas ex libero arbitrio, quibusdam conversis in Deum secundum magis & minus, quibusdam etiam secundum magis & minus a Deo averfis. Illae igitur rationales creaturae quae ad Deum per liberum arbitrium conversae sunt, promotae sunt ad diversos ordines Angelorum pro diversitate meritum. Illae autem quae averse sunt a Deo, sunt corporibus alligatae diversis secundum diversitatem peccati: & hanc causam dicit esse creationis, & diversitatis corporum.

Sed secundum hoc universitas corporum creaturarum non esset propter bonitatem Dei communicandam creaturis, sed ad puniendum peccatum: quod est contra illud quod dicitur Genes. 1. 31. *Vidit Deus cuncta quae fecerat, & erant valde bona.* Et, ut Augustinus dicit Lib. II. de civ. Dei (cap. xxiii. a med.) *quid stultius dici potest quam per istum Solem, ut in uno mundo unus esset, non decori pulchritudinis, vel saluti rerum corporalium consuluisse artificem Deum; sed hoc potius evenisse, quia una anima sic peccaverat: ac per hoc si centum animae peccassent, centum Soles haberet hic mundus?*

Et ideo dicendum est, quod sicut sapientia Dei est causa distinctionis rerum, ita & inaequalitatis.

Quod sic patet. Duplex enim distinctio invenitur in rebus: una formalis in his quae differunt specie; alia vero materialis in his quae differunt numero tantum. Cum autem materia sit propter formam, distinctio materialis est propter formalem. Unde videmus quod in rebus incorruptibilibus non est nisi unum individuum unius speciei, quia species sufficienter conservatur in uno; in generabilibus autem, & corruptibilibus sunt multa individua unius speciei ad conservationem speciei. Ex quo patet quod principalior est distinctio formalis quam materialis. Distinctio autem formalis semper requirit inaequalitatem: quia, ut dicitur in VIII. Metaph. (tex. 10.) *formae*

rerum sunt sicut numeri, in quibus species variantur per additionem, vel subtractionem unitatis. Unde in rebus naturalibus gradatim species ordinatae esse videntur; sicut mixta perfectiora sunt elementis, & plantae corporibus mineralibus, & animalia plantis, & homines aliis animalibus; & in singulis horum una species perfectior aliis invenitur. Sicut ergo divina sapientia causa est distinctionis rerum propter perfectionem universi, ita, & inaequalitatis. Non enim esset perfectum univium, si tantum unus gradus bonitatis inveniretur in rebus.

Ad primum ergo dicendum, quod optimi agentis est producere totum effectum suum optimum; non tamen quod quamlibet partem totius faciat optimam simpliciter, sed optimam secundum proportionem ad totum: tolleretur enim bonitas animalis, si quolibet pars eius, oculi haberet dignitatem. Sic igitur & Deus totum universum constituit optimum secundum modum creaturae, non autem singulas creaturas, sed unam aliam meliorem: & ideo de singulis creaturis dicitur Gen. 1. 4. *Vidit Deus lucem, quod esset bona, & similiter de singulis.* Sed de omnibus simul dicitur: *Vidit Deus cuncta quae fecerat, & erant valde bona.*

Ad secundum dicendum, quod primum quod procedit ab unitate, est aequalitas; & deinde procedit multiplicitas: & ideo a Patre, cui secundum Augustinum (Lib. I. de doctr. christ. cap. v. in fin.) appropriatur unitas, processit Filius, cui appropriatur aequalitas, & deinde creatura, cui competit inaequalitas: sed tamen etiam a creaturis participatur quaedam aequalitas, scilicet proportionis.

Ad tertium dicendum, quod ratio illa est quae movit Origenem (Lib. I. Periar. cap. vii. circ. med.) sed non habet locum, nisi in retributione praemiorum, quorum inaequalitas debetur inaequalibus meritis. Sed in constitutione rerum non est inaequalitas partium per quaecunque inaequalitatem praecedentem vel meritum, vel etiam dispositionis materiae, sed propter perfectionem totius, ut patet etiam in operibus artis: non enim propter hoc differt caelum a fundamento, quia habet diversam materiam; sed, ut sit domus perfecta ex diversis partibus, quare artifex diversam materiam; & faceret eam, si posset,

(a) *Vulgata & annus annum a Sole.*

ARTICULUS III. 351

Utrum sit unus mundus tantum.

Præ. quæst. 112. art. 16. ad 1. & XII. Metaph. lect. 7. & 9. & 1. cal. lect. 16 usque 22.

AD tertium sic proceditur. Videtur quod non sit unus mundus tantum, sed plures. Quia, ut Augustinus dicit in Lib. Ixxxiii. Q. (quæst. xvi. vers. fin.) inconveniens est dicere, quod Deus sine ratione res creavit. Sed ea ratione qua creavit unum, potuit creare multos, cum eius potentia non sit limitata ad unius mundi creationem; sed est infinita, ut supra ostensum est (quæst. vii. art. 1. & quæst. xxv. art. 2.) Ergo Deus plures mundos produxit.

2. Præterea. Natura facit quod melius est, & multo magis Deus. Sed melius esset esse plures mundos quam unum, quia plura bona paucioribus meliora sunt. Ergo plures mundi facti sunt a Deo.

3. Præterea. Omne quod habet formam in materia, potest multiplicari secundum numerum, manente eadem specie: quia multiplicatio secundum numerum est ex materia. Sed mundus habet formam in materia. Sicut enim cum dico *homo*, significo formam; cum autem dico *hic homo*, significo formam in materia: ita cum dicitur *mundus*, significatur forma; cum autem dicitur *hic mundus*, significatur forma in materia. Ergo nihil prohibet esse plures mundos.

Sed contra est quod dicitur Ioan. 1. 10. *Mundus per ipsum factus est*: ubi singulariter mundum nominavit, quasi uno solo mundo existente.

Respondeo dicendum, quod ipse ordo in rebus sic a Deo creatis existens unitatem mundi manifestat. Mundus enim iste unus dicitur unitate ordinis, secundum quod quædam ad alia ordinantur. Quæcumque autem sunt a Deo, ordinem habent ad invicem, & ad ipsum Deum, ut supra ostensum est (quæst. xi. art. 3. & quæst. xxi. art. 1. ad 3.) Unde necesse est quod omnia ad unum mundum pertineant.

Et ideo illi potuerunt ponere plures mundos qui causam mundi non posuerunt aliquam sapientiam ordinantem, sed casum, ut Democritus, qui dixit, ex concursu atomorum factum esse hunc mundum, & alios infinitos.

Ad primum ergo dicendum, quod hæc ratio est quare mundus est unus, quia debent omnia esse ordinata uno ordine, & ad unum. Propter quod Aristoteles in XII. Metaph. (tex. 52.) ex unitate ordinis in rebus existentibus concludit unitatem Dei gubernantis: & Plato (in Timæo aliq. a princ.) ex unitate exemplaris probat unitatem mundi, quali exemplari.

Ad secundum dicendum, quod nullum agens intendit pluralitatem materiale ut finem: quia materialis multitudo non habet certum terminum, sed de se tendit in infinitum. Infinitum autem repugnat rationi finis. Cum autem dicitur, plures mundos esse meliores quam unum, hoc dicitur secundum multitudinem materiale. Tale autem melius non est in intentione Dei agentis: quia eadem ratione dici posset, quod si fecisset duos, melius esset quod essent tres; & sic in infinitum.

Ad tertium dicendum, quod mundus constat ex sua tota materia. Non enim est possibile esse aliam terram quam istam, quia omnis terra fertur naturaliter ad hoc medium, ubicumque esset. Et eadem ratio est de aliis corporibus quæ sunt partes mundi.

QUAESTIO XLVIII.

De distinctione rerum in speciali, in sex articulis divisa.

DEinde considerandum est de distinctione rerum in speciali: & primo de distinctione boni, & mali; deinde de distinctione spiritualis, & corporalis creaturæ.

Circa primum querendum est de malo, & de causa mali.

Circa malum queruntur sex.

Primo, utrum malum sit natura aliqua. Secundo, utrum malum inveniatur in rebus.

Tertio, utrum bonum sit subiectum mali.

Quarto, utrum malum totaliter corrumpat bonum.

Quinto de divisione mali per poenam, & culpam.

Sexto, quid habeat plus de ratione mali, poena, vel culpa.

ARTICULUS I. 252

Utrum malum sit natura quaedam.

I. diff. xlvj. art. 3. cor. 5. ad 4. 5. 11. diff. xxxiv. quæst. 1. art. 2. 5. 111. cont. cap. vii. viii. ix. 5. xi. 5. pot. quæst. 111. art. 6. 5. mal. quæst. 1. art. 2. ad 4. apuse. 11. cap. cxv.

AD primum sic proceditur. Videtur quod malum sit natura quaedam. Quia omne genus est natura quaedam. Sed malum est quoddam genus: dicitur enim in Prædicamentis (cap. x. de opposit. in fin.) quod bonum, & malum non sunt in genere, sed sunt genera aliorum. Ergo malum est natura quaedam.

2. Præterea. Omnis differentia constitutiva alicuius speciei est natura quaedam. Malum autem est differentia constitutiva in moralibus: differt enim species malus habitus a bono, ut liberalitas ab illiberalitate. Ergo malum significat naturam quendam.

3. Præterea. Utrumque contrariorum est natura quaedam. Sed malum, & bonum non opponuntur ut privatio, & habitus, sed ut contraria, ut probat Philosophus in Prædicamentis (cap. de opposit.) per hoc quod inter bonum & malum est aliquid medium, & a malo potest fieri redius ad bonum. Ergo malum significat naturam quendam.

4. Præterea. Quod non est, non agit. Sed malum agit, quia corrumpit bonum. Ergo malum est quoddam ens, & natura quaedam.

5. Præterea. Ad perfectionem universalitatis rerum non pertinet nisi quod est ens, & natura quaedam. Sed malum pertinet ad perfectionem universalitatis rerum: dicit enim Augustinus in Enchir. (cap. x. & cap. xi. in princ.) quod ex omnibus constituit universalitatis admirabilis pulchritudo. In qua etiam illud quod malum dicitur, bene ordinatum, & suo loco positum, eminentius commendat bona. Ergo malum est natura quaedam.

Sed contra est quod Dionysius dicit xv. cap. de divin. Nom. (part. xv. non remote a prius. leß. 23.) *Malum est non ens, neque bonum.*

Respondendo dicendum, quod unum oppositorum cognoscitur per alterum, sicut per lucem tenebræ. Unde & quid sit malum, oportet ex ratione boni accipere.

Diximus autem supra (quæst. v. art. 1. & seqq.) quod bonum est omne id quod

est appetibile: & sic, cum omnis natura appetat suum esse, & suam perfectionem, necesse est dicere, quod esse, & perfectio cuiuscunque naturæ rationem habeat bonitatis. Unde non potest esse quod malum significet quoddam esse, aut quendam formam, seu naturam. Relinquitur ergo quod nomine mali significetur quædam absentia boni.

Et pro tanto dicitur, quod malum neque est existens, nec bonum. Quia cum ens, inquantum huiusmodi, sit bonum, eadem est remotio utrorumque.

Ad primum ergo dicendum, quod Aristoteles ibi loquitur secundum opinionem Pythagoricorum, qui malum existimabant esse naturam quendam; & ideo ponebant bonum, & malum genera. Consuevit enim Aristoteles, & præcipue in libris logicalibus ponere exempla quæ probabilia erant suo tempore secundum opinionem aliquorum Philosophorum. Vel dicendum, sicut dicit Philosophus in IV. Metaph. (text. 6.) quod prima contrarietas est habitus, & privatio, quia scilicet in omnibus contrariis salatur; cum semper unum contrariorum sit imperfectum respectu alterius, ut nigrum respectu albi, & amarum respectu dulcis. Et pro tanto bonum, & malum dicuntur genera, non simpliciter, sed contrariorum: quia sicut omnis forma habet rationem boni, ita omnis privatio, inquantum huiusmodi, habet rationem mali.

Ad secundum dicendum, quod bonum, & malum non sunt differentie constitutive, nisi in moralibus, quæ recipiunt species ex fine, qui est obiectum voluntatis, a quo moralia dependent. Et quia bonum habet rationem finis, idcirco bonum, & malum sunt differentie specificæ in moralibus: bonum per se, sed malum, inquantum est remotio debiti finis. Nec tamen remotio debiti finis constituit speciem in moralibus, nisi secundum quod adiungitur fini indebito; sicut neque in materialibus invenitur privatio formæ substantialis, nisi adiuncta alteri formæ. Sic igitur malum quod est differentia constitutiva in moralibus, est quoddam bonum adiunctum privationi alterius boni; sicut finis intemperati est non quidem carere bono rationis, sed delectabile sensus absque ordine rationis. Unde malum, inquantum malum, non est differentia constitutiva, sed ratione boni adiuncti.

Et per hoc etiam patet responso ad tertium. Nam ibi Philosophus loquitur de bono, & malo, secundum quod inven-

niuntur in moralibus. Sic enim inter bonum & malum invenitur medium, prout bonum dicitur quod est ordinatum, malum autem quod non solum est deordinatum, sed etiam nocivum alteri. Unde dicit Philosophus in IV. Ethic. (cap. 1. circ. med.) quod *prodigus vanus quidem est, sed non malus*. Ab hoc etiam malo quod est secundum morem, contingit fieri reditum ad bonum, non autem ex quocunque malo: non enim ex cecitate fit reditus ad visionem, cum tamen cecitas sit malum quoddam.

Ad quartum dicendum, quod aliquid agere dicitur tripliciter. Uno modo formaliter, eo modo loquendi quo dicitur albedo facere album: & sic malum etiam ratione ipsius privationis dicitur corrumpere bonum, quia est ipsa corruptio, vel privatio boni. Alio modo dicitur aliquid agere effective, sicut pictor dicitur facere album patientem. Tertio modo per modum cause finalis, sicut finis dicitur efficere movendo efficientem. His autem duobus modis malum non agit aliquid per se, id est secundum quod est privatio quædam, sed secundum quod ei bonum adiungitur. Nam omnis actio est ab aliqua forma, & omne quod desideratur ut finis, est perfectio aliqua. Et ideo, ut Dionysius dicit IV. cap. de div. Nomin. (part. IV. aliq. a princ. lect. 23.) *malum non agit, neque desideratur, nisi virtute boni adiacenti; per se autem est infinitum, & præter voluntatem, & intentionem*.

Ad quintum dicendum, quod, sicut supra dictum est (quæst. XXI. art. 1. ad 3.) partes universi habent ordinem ad invicem, secundum quod una agit in alteram, & est finis alterius, & exemplar. Hæc autem, ut dictum est (in solut. ad 2. arg.) non possunt convenire malo nisi ratione boni adiuncti. Unde malum neque ad perfectionem universi pertinet, neque sub ordine universi concluditur, nisi per accidens, id est ratione boni adiuncti.

ARTICULUS II. 253

Utrum malum invenitur in rebus,

I. dist. XLVI. art. 3. & II. dist. LII. art. 1. & II. contra cap. IV.

AD secundum sic proceditur. Videtur quod malum non invenitur in rebus. Quicquid enim invenitur in rebus, vel est ens aliquod, vel privatio entis alicuius, quod est non ens. Sed Dionysius dicit IV. cap. de div. Nomin. (part.

IV. non remote a princ. lect. 23.) quod *malum distat ab existente, & adhuc plus distat a non existente*. Ergo malum nullo modo invenitur in rebus.

2. Præterea. Ens, & res convertuntur. Si ergo malum est ens in rebus, sequitur quod malum sit res quædam, quod est contra prædicta (art. præ.)

3. Præterea. *Albus est quod est niger impermixtus*, ut dicitur in III. Topic. Aristotelis (cap. IV. non remote a princ.) Ergo & melius est quod est malo impermixtus. Sed Deus facit semper quod melius est, multo magis quam natura. Ergo in rebus a Deo conditis nihil malum invenitur.

Sed contra est quod secundum hoc removerentur omnes prohibitiones, & poenæ, quæ non sunt nisi maiorum.

Respondeo dicendum, quod, sicut supra dictum est (quæst. XLVII. art. 1. & 2.) perfectio universi requirit inæqualitatem esse in rebus, ut omnes bonitatis gradus impleantur. Est autem unus gradus bonitatis ut aliquid ita bonum sit quod numquam deficere possit. Alius autem gradus bonitatis est ut sic aliquid bonum sit quod a bono deficere possit: qui etiam gradus in ipso esse invenitur: quædam enim sunt, quæ finem esse amittere non possunt, ut incorporalia; quædam vero sunt quæ amittere possunt, ut corporalia.

Sicut igitur perfectio universitatis rerum requirit ut non solum sine entia incorruptibilia, sed etiam corruptibilia; ita perfectio universi requirit ut sint quædam quæ a bonitate deficere possint, ad quod sequitur, va. interdum deficere. In hoc autem consistit ratio mali, ut scilicet aliquid deficiat a bono. Unde manifestum est quod in rebus malum invenitur, sicut & corruptio: nam & ipsa corruptio malum quoddam est.

Ad primum ergo dicendum, quod malum distat & ab ente simpliciter, & a non ente simpliciter: quia neque est sicut habitus, neque sicut pura negatio, sed sicut privatio.

Ad secundum dicendum, quod, sicut dicitur in V. Metaph. (text. 14.) ens dupliciter dicitur. Uno modo secundum quod significat entitatem rei, prout dividitur per decem prædicamenta; & a sic convertitur cum re; & hoc modo nulla privatio est ens, unde nec malum. Alio modo dicitur ens quod significat veritatem propositionis, quæ in compositione con-

confistit, cuius nota est hoc verbum *est*; & hoc est ens quo respondetur ad quaestionem *an est*: & sic cæcitatem dicimus esse in oculo, vel quaecumque aliam privationem. Et hoc modo etiam malum dicitur ens. Propter huius autem distinctionis ignorantiam aliqui considerantes, quod aliquæ res dicuntur malæ, vel quod malum dicitur esse in rebus, crediderunt quod malum esset res quedam.

Ad tertium dicendum, quod Deus, & natura, & quodcumque agens facit quod melius est in toto, sed non quod melius est in unaquaque parte, nisi per ordinem ad totum, ut supra dictum est (quaest. XLVIII, art. 2.) Ipsum autem totum, quod est universitas creaturarum, melius, & perfectius est, si in eo sint quedam quæ a bono deficere possunt, quæ interdum deiciunt, Deo hoc non impediente. Tum quia *providentia non est naturam destruere, sed salvare*, ut Dionysius dicit xv. cap. de div. Nom. (part. tv. vers. fin. lect. 23.) Ipsa autem natura rerum hoc habet, ut quæ deficere possunt, quandoque deiciantur. Tum quia, ut dicit Augustinus in Enchir. (cap. xi.) *Deus est adeo potens, quod etiam bene possit facere de malis*. Unde multa bona tollerentur, si Deus nullum malum permitteret eis: non enim generaretur ignis, nisi corrumpere aer; neque conservaretur vita leonis, nisi occideretur asinus. Neque etiam laudaretur iustitia vindicans, & patientia sustinens, si non esset iniquitas.

ARTICULUS III. 254

Utrum malum sit in bono sicut in subiecto.

II. dist. XXXV. quaest. x. art. 2. & III. cont. cap. xi. & mal. quaest. x. art. 2. & apuse. tit. cap. cxviii. & clxxv.

AD tertium sic proceditur. Videtur quod malum non sit in bono sicut in subiecto. Omnia enim bona sunt existentia. Sed Dionysius dicit xv. cap. de div. Nom. (part. tv. lect. 23.) *quod malum non est existens, neque in existentibus*. Ergo malum non est in bono sicut in subiecto.

2. Præterea. Malum non est ens; bonum vero est ens. Sed non ens non requirit ens, in quo sit sicut in subiecto. Ergo nec malum requirit bonum, in quo sit sicut in subiecto.

3. Præterea. Unum contrariorum non est subiectum alterius. Sed bonum, &

malum sunt contraria. Ergo malum non est in bono sicut in subiecto.

4. Præterea. Id in quo est albedo sicut in subiecto, dicitur esse album. Ergo & id in quo est malum sicut in subiecto, est malum. Si ergo malum sit in bono sicut in subiecto, sequitur quod bonum sit malum, contra id quod dicitur Isa. v. 20. *Va qui dicitis malum bonum, & bonum malum*.

Sed contra est quod Augustinus dicit in Enchir. (cap. xv. ante med.) quod *malum non est nisi in bono*.

Respondeo dicendum, quod, sicut dictum est (artic. i. huius quaest.) malum importat remotionem boni. Non autem quælibet remotio boni malum dicitur. Potest enim accipi remotio boni & privative, & negative. Remotio igitur boni negative accepta mali rationem non habet: alioquin sequeretur quod ea quæ nullo modo sunt, mala essent; & iterum quod quælibet res esset mala ex hoc quod non habet bonum alterius rei; utpote quod homo esset malus, quia non habet velocitatem capræ, vel fortitudinem leonis. Sed remotio boni privative accepta malum dicitur, sicut privatio visus cæcitas dicitur. Subiectum autem privationis, & formæ est unum & idem, scilicet ens in potentia; sive sit ens in potentia simpliciter, sicut materia prima, quæ est subiectum formæ substantialis, & privationis oppositæ; sive sit ens in potentia secundum quid, & in actu simpliciter, ut corpus diaphanum, quod est subiectum tenebrarum, & lucis. Manifestum est autem quod forma, per quam aliquid est actu, perfectio quædam est, & bonum quoddam; & sic omne ens in actu bonum quoddam est; & similiter omne ens in potentia, in quantum huiusmodi, bonum quoddam est, secundum quod habet ordinem ad bonum. Sicut enim est ens in potentia, ita & bonum in potentia. Relinquitur ergo quod subiectum mali sit bonum.

Ad primum ergo dicendum, quod Dionysius intelligit malum non esse in existentibus sicut partem, aut sicut proprietatem naturalem alicuius existentis.

Ad secundum dicendum, quod non ens negative acceptum non requirit subiectum; sed *privatio est negatio in subiecto*, ut dicitur in IV. Metaphys. (tex. 4. & Lib. V. tex. 27. & Lib. X. tex. 15.) & tale non ens est malum.

Ad tertium dicendum, quod malum non

non est, sicut in subiecto, in bono quod ei opponitur, sed in quodam alio bono: subiectum enim cæcitatibus non est visus, sed animal. Videtur tamen, ut Augustinus dicit (in Ench. cap. xiii. in prin.) hic fallere Dialecticorum regula, quæ dicit, contraria simul esse non posse. Hoc tamen intelligendum est secundum communem accipiendam boni, & mali, non autem secundum quod specialiter accipitur hoc bonum, & hoc malum. Album autem, & nigrum, dulce, & amarum, & huiusmodi contraria non accipiuntur nisi specialiter, quia sunt in quibusdam generibus determinatis; sed bonum circū omnia genera. Unde unum bonum potest simul esse cum privatione alterius boni.

Ad quartum dicendum, quod Prophetæ imprecatur vix illis qui dicunt, id quod est bonum, secundum quod est bonum, esse malum. Hoc autem non sequitur ex præmissis, ut per prædicta patet (in corp. art.)

ARTICULUS IV. 255

Utrum malum corrumpat totum bonum.

2. 2. *quest. lxxxv. art. 1. 2. & 4. & 11. dist. xxxiv. art. 5. & 111. cont. cap. x. & xii. 1^o mal. quest. 11. art. 9. 11. & 12. & opus. 11. cap. cxvii. & cxviii.*

AD quartum sic proceditur. Videtur quod malum corrumpat totum bonum. Unum enim contrariorum totaliter corrumpitur per aliud. Sed bonum, & malum sunt contraria. Ergo malum potest corrumpere totum bonum.

2. Præterea. Augustinus dicit in Enchir. (cap. xii. ante med.) quod *malum nocet, in quantum admittit bonum*. Sed bonum est sibi simile, & uniforme. Ergo totaliter tollitur per malum.

3. Præterea. Malum, quamdiu est, nocet, & auferit bonum. Sed illud a quo semper aliquid auferitur, quandoque consumitur, nisi sit infinitum: quod non potest dici de aliquo bono creato. Ergo malum consumit totaliter bonum.

Sed contra est quod Augustinus dicit in Enchir. (loco proxime cit.) quod *malum non potest totaliter consumere bonum*.

Respondendo dicendum, quod malum non potest totaliter consumere bonum.

Ad cuius evidentiam considerandum est, quod est triplex bonum. Quoddam quod per malum totaliter tollitur; & hoc est

bonum oppositum malo; sicut lumen totaliter per tenebras tollitur, & visus per cæcitatem. Quoddam vero bonum est quod nec totaliter tollitur per malum, nec diminuitur, scilicet bonum quod est subiectum mali: non enim per tenebras aliquid de substantia aeris diminuitur. Quoddam vero bonum est quod diminuitur quidem per malum, sed non totaliter tollitur; & hoc bonum estabilitas subiecti ad actum.

Diminutio autem huius boni non est accipienda per subtractionem, sicut est diminutio in quantitatibus, sed per remissionem, sicut est diminutio in qualitatibus, & formis. Remissio autem huius habitatis est accipienda e contrario intentioni ipsius. Intenditur enim huiusmodi habitatis per dispositiones, quibus materia præparatur ad actum, quæ quanto magis multiplicentur in subiecto, tanto habilior est ad recipiendum perfectionem, & formam; & e contrario remittitur per dispositiones contrarias, quæ quanto magis multiplicatæ sunt in materia, & magis intente, tanto magis remittitur potentia ad actum.

Si igitur contrariæ dispositiones in infinitum multiplicari, & intendi non possunt, sed usque ad certum terminum; neque habitatis prædicta in infinitum diminuitur, vel remittitur, sicut patet in qualitatibus activis, & passivis elementorum: frigiditas enim, & humiditas, per quæ diminuitur, sive remittitur habitatis materię ad formam ignis, non possunt multiplicari in infinitum. Si vero dispositiones contrariæ in infinitum multiplicari possunt, & habitatis prædicta in infinitum diminuitur, vel remittitur, non tamen totaliter tollitur: quia semper manet in sua radice, quæ est substantia subiecti; sicut si in infinitum interponantur corpora opaca inter Solem, & ætherem, in infinitum diminuetur habitatis aeris ad lumen; nunquam tamen, manente aere, tollitur totaliter, qui secundum naturam suam est diaphanus. Similiter in infinitum potest fieri additio in peccatis, per quæ semper magis ac magis minuitur habitatis animæ ad gratiam: quæ quidem peccata sunt quali obstacula interposita inter nos, & Deum, secundum illud Is. lxx. 2. (a) *Peccata nostra diverserunt inter nos, & Deum*. Neque tamen tollitur totaliter ab anima prædicta habitatis, quia consistit naturam ipsius.

Ad.

(a) *Vulgata: Iniquitates vestras diverserunt inter vos, & Deum vestrum.*

Ad primum ergo dicendum, quod bonum quod opponitur malo, totaliter tollitur; sed alia bona non totaliter tolluntur, ut dictum est (in cor. art.)

Ad secundum dicendum, quod habilitas praedicta est media inter subiectum, & actum. Unde ex ea parte qua attingit actum, diminuitur per malum; sed ex ea parte qua tenet se cum subiecto, remanet. Ergo licet bonum in se sit simile; tamen propter comparationem eius ad diversa non totaliter tollitur, sed in parte.

Ad tertium dicendum, quod quidam imaginantes diminutionem boni praedicti ad similitudinem diminutionis quantitatis, dixerunt, quod sicut continuum dividitur in infinitum, facta divisione secundum eandem proportionem, ut puta quod accipiat medium medii, vel tertium tertii; sic in proposito accidit.

Sed haec ratio hic locum non habet: quia in divisione in qua servatur eadem proportio, semper subtrahitur minus & minus: minus enim est medium medii quam medium totius. Sed secundum peccatum non de necessitate minus diminuit de habilitate praedicta, quam praecedens, sed forte aut aequaliter, aut magis.

Dicendum est ergo, quod licet ista habilitas sit quoddam finitum, diminuitur tamen in infinitum, non per se, sed per accedens, secundum quod contrariae dispositiones etiam in infinitum augentur, ut dictum est (in corp. art.)

ARTICULUS V. 286

Utrum malum sufficienter dividatur per poenam, & culpam.

II. dist. xxxv. art. 1. & III. dist. xxxiv. quaest. 11. art. 3. quaest. 1. cor. & mal. quaest. 1. art. 4.

AD quintum sic proceditur. Videtur quod malum (a) insufficienter dividatur per poenam, & culpam. Omnis enim defectus malum quoddam esse videtur. Sed in omnibus creaturis est quidam defectus, quod se in esse conservare non possunt, qui tamen nec poena, nec culpa est. Non ergo sufficienter malum dividitur per poenam, & culpam.

2. Praeterea. In rebus irrationalibus non invenitur culpa, nec poena; invenitur tamen in eis corruptio, & defectus, quae ad rationem mali pertinent. Ergo non omne malum est poena, vel culpa,

3. Praeterea. Tentatio quoddam malum est; nec tamen est culpa: quia tentatio cui non consentitur, non est peccatum, sed materia exercebenda virtutis, ut dicitur in Glossa (ordinaria super illud, Ne magnitudo revelationum) II. Cor. xvi. nec etiam poena: quia tentatio praecedit culpam, poena autem subsequitur. Insufficienter ergo malum dividitur per poenam, & culpam.

4. Sed contra videtur quod divisio sit superflua. Ut enim Augustinus dicit in Enchir. (cap. xii.) *malum dicitur, quia nocet*. Quod autem nocet, poenale est. Omne ergo malum sub poena continetur.

Respondeo dicendum, quod malum, sicut supra dictum est (art. 3. huius quaest.) est privatio boni, quod in perfectione, & actu consistit principaliter & per se. Actus autem est duplex: primus, & secundus. Actus quidem primus est forma, & integritas rei; actus autem secundus est operatio. Contingit ergo malum esse dupliciter. Uno modo per subtractionem formae, aut alicuius partis quae requiritur ad integritatem rei; sicut caecitas malum est, & carere membro. Alio modo per subtractionem debita operationis, vel quia omnino non est, vel quia debitum modum, & ordinem non habet. Quia vero bonum simpliciter est obiectum voluntatis; malum, quod est privatio boni, secundum specialem rationem invenitur in creaturis rationalibus habentibus voluntatem. Malum igitur quod est per subtractionem formae, & integritatis rei, habet rationem poenae, & praecipue supposito quod omnia divinae providentiae, & iustitiae subdantur, ut supra ostensum est (quaest. xxxi. art. 2.) de ratione enim poenae est quod sit contraria voluntati. Malum autem quod consistit in subtractione debita operationis in rebus voluntariis, habet rationem culpae: hoc enim imputatur alicui in culpam, cum deficit a perfecta actione, cuius dominus est secundum voluntatem. Sic igitur omne malum in rebus voluntariis consideratum est poena, vel culpa.

Ad primum ergo dicendum, quod quia malum privatio est boni, & non negatio pura, ut dictum est supra (art. 3. huius quaest.) non omnis defectus boni est malum, sed defectus boni quod natum est, & debet haberi. Defectus enim vilionis non est malum in lapide, sed in animali: quia contra rationem lapidis est quod visum habeat. Simi-

(a) Nilui non sufficienter.

militer etiam contra rationem creaturæ est quod in esse conservetur a se ipsa : quia idem dat esse, & conservat. Unde iste defectus non est malum creaturæ.

Ad secundum dicendum, quod poena, & culpa non dividunt malum simpliciter, sed malum in rebus voluntariis.

Ad tertium dicendum, quod tentatio, prout importat provocationem ad malum, semper malum culpæ est in tentante ; sed in eo qui tentatur, non est proprie, nisi secundum quod aliquoter immutatur. Sic enim actio agentis est in patiente. Secundum autem quod tentatus immutatur ad malum a tentante, incidit in culpam.

Ad quartum dicendum, quod de ratione poenæ est quod noceat agenti in se ipso ; sed de ratione culpæ est quod noceat agenti in sua actione : & sic utrumque sub malo continetur, secundum quod habet rationem nocimenti.

ARTICULUS VI. 257

Utrum habeas plus de ratione mali poena quam culpa.

1. 2. *quest. XIX. art. 1. cor. & quest. LXXVI. art. 4. cor. & II. dist. XXXVII. quest. 111. art. 2. cap. & mal. quest. 1. art. 5.*

AD sextum sic proceditur. Videtur quod habeat plus de ratione mali poenæ quam culpa. Culpæ enim se habet ad poenam ut meritorium ad præmium. Sed præmium habet plus de ratione boni quam meritum, cum sit finis eius. Ergo poena plus habet de ratione mali quam culpa.

2. Præterea. Illud est maius malum quod opponitur maiori bono. Sed poena, sicut dictum est (art. præc.) opponitur bono agentis ; culpa autem bono actionis. Cum ergo melius sit agens quam actio, videtur quod peius sit poena quam culpa.

3. Præterea. Ipsa privatio finis poena quædam est, quæ dicitur carentia visionis divinæ ; malum autem culpæ est per privationem ordinis ad finem. Ergo poena est maius malum quam culpa.

Sed contra. Sapiens artifex inducit minus malum ad vitandum maius ; sicut medicus præcidit membrum, ne corrumpatur corpus. Sed Dei sapientia infert poenam ad vitandam culpam. Ergo culpa est maius malum quam poena.

Respondendo dicendum, quod culpa habet plus de ratione mali quam poena : & non solum quia poena sensibilis, quæ

consistit in privatione corporalium bonorum, cuiusmodi poenas plures intelligunt ; sed etiam universaliter accipiendo poenam, secundum quod privatio gratiæ, vel gloriæ poenæ quædam sunt.

Cuius est duplex ratio. Prima quidem est, quia ex malo culpæ fit aliquis malus, non autem ex malo poenæ, secundum illud Dionysii IV. cap. de divin. Nom. (part. IV. cir. med.) *Puniri non est malum, sed fieri poena dignum.* Et hoc ideo est, quia cum bonum simpliciter consistat in actu, & non in potentia ; ultimus autem actus est operatio, vel usus quarumcumque rerum habitatum ; bonum hominis simpliciter consideratur in bona operatione, vel bono usu rerum habitatum. Utimur autem rebus omnibus per voluntatem. Unde ex bona voluntate, qua homo bene utitur rebus habitis, dicitur homo bonus, & ex mala malus. Potest enim qui habet malam voluntatem, etiam bono, quod habet, male uti, sicut si grammaticus voluntarie incongrue loquatur. Quia ergo ipsa culpa consistit in deordinato actu voluntatis, poena vero in privatione aliquius eorum quibus utitur voluntas, perfectius habet rationem mali culpa quam poena.

Secunda ratio sumi potest ex hoc quod Deus est auctor mali poenæ, non autem mali culpæ. Cuius ratio est, quia malum poenæ privat bonum creaturæ ; sive accipiat bonum creaturæ aliquid creatum, sicut cæcitas privat visum ; sive sit bonum increatum, sicut per carentiam visionis divinæ tollitur creaturæ bonum increatum. Malum vero culpæ opponitur proprie bono increato. Contrariatur enim impletioni divinæ voluntatis, & divino amori, quo bonum divinum in se ipso amatur, & non solum secundum quod participatur a creatura. Sic igitur patet quod culpa habet plus de ratione mali quam poena.

Ad primum ergo dicendum, quod licet culpa terminetur ad poenam, sicut meritum ad præmium ; tamen culpa non intenditur propter poenam, sicut meritum propter præmium ; sed potius e converso poena inducitur, ut vitetur culpa : & sic culpa est peius quam poena.

Ad secundum dicendum, quod ordo actionis, qui tollitur per culpam, est perfectius bonum agentis, cum sit perfectio secunda, quam bonum quod tollitur per poenam, quod est perfectio prima.

Ad tertium dicendum, quod non est comparatio culpæ ad poenam sicut finis, &

& ordinis ad finem: quia utrumque potest privari aliquo modo & per culpam, & per poenam: sed per poenam quidem, secundum quod ipse homo remouetur a fine, & ab ordine ad finem; per culpam vero, secundum quod ista privatio pertinet ad actionem, quæ non ordinatur ad finem debitum.

QUAESTIO XLIX.

*De causa mali,
in tres articulos diuisa.*

Consequenter queritur de causa mali: & circa hoc queruntur tria.

Primo, utrum bonum possit esse causa mali.

Secundo, utrum furenum bonum, quod est Deus, sit causa mali.

Tertio, utrum sit aliquod summum malum, quod sit prima causa omnium malorum.

ARTICULUS I. 258

Utrum bonum possit esse causa mali.

1. 2. quæst. lxxv. art. 1. & II. diff. 1. quæst. 1. art. 1. ad 2. & diff. xxxiv. art. 3. & II. cont. cap. xli. & III. cap. ix. & x. & mal. quæst. 1. art. 4.

Ad primum fit proceditur. Videtur quod bonum non possit esse causa mali. Dicitur enim Matth. vii. 18. *Non potest bona arbor malos fructus facere.*

2. Præterea. Unum contrarium non potest esse causa alterius. Malum autem est contrarium bono. Ergo bonum non potest esse causa mali.

3. Præterea. Effectus deficiens non procedit nisi a causa deficiente. Sed malum est effectus deficiens. Ergo si causam habeat, habet deficientem. Sed omne deficiens malum est. Ergo causa mali non est nisi malum.

4. Præterea. Dionysius dicit iv. cap. de div. Nom. (part. iv. lect. 23.) quod *malum non habet causam*. Ergo bonum non est causa mali.

Sed contra est quod Augustinus dicit contra Iulianum (Lib. I. cap. ix. parum ante med.) *Non fuit omnino unde oriri posset malum nisi ex bono.*

Respondetur dicendum, quod necesse est dicere, quod omne malum aliquo modo causam habeat. Malum enim est defectus

boni quod natum est, & debet haberi. Quod autem aliquid deficiat a sua naturali, & debita dispositione, non potest provenire nisi ex aliqua causa trahente rem extra suam dispositionem. Non enim grave movetur furtum nisi ab aliquo impellente, nec agens deficit a sua actione nisi propter aliquod impedimentum. Esse autem causam non potest convenire nisi bono: quia nihil potest esse causa, nisi inquantum est ens: omne autem ens, inquantum huiusmodi, bonum est.

Et si consideremus speciales rationes causarum, agens, & forma, & finis perfectionem quandam important, quæ pertinent ad rationem boni. Sed & materia, inquantum est in potentia ad bonum, habet rationem boni. Et quidem quod bonum sit causa mali per modum causæ materialis, iam ex præmissis patet (quæst. præc. art. 3.) Ostensum est enim quod bonum est subiectum mali. Causam autem formalem malum non habet, sed est magis privatio formæ: & similiter nec causam finalem, sed magis est privatio ordinis ad finem debitum. Non solum enim finis habet rationem boni, sed etiam utile, quod ordinatur ad finem. Causam autem per modum agentis habet malum, non autem per se, sed per accidens.

Ad cuius evidentiam sciendum est, quod aliter causatur malum in actione, & aliter in effectu. In actione quidem causatur malum propter defectum alicuius principiorum actionis, vel principalis agentis, vel instrumentalis, sicut defectus in motu animalis potest contingere vel propter debilitatem virtutis motivæ, ut in pueris, vel propter solam ineptitudinem instrumenti, ut in claudis. (a) Causatur autem malum in re aliqua quandoque ex virtute agentis, non tamen in proprio effectu agentis; quandoque autem ex defectu ipsius, vel materiæ. Ex virtute quidem, vel perfectione agentis, quando ad formam intentam ab agente sequitur ex necessitate alterius formæ privatio; sicut ad formam ignis sequitur privatio formæ aeris, vel aquæ. Sicut ergo quanto ignis fuerit perfectior in virtute, tanto perfectius imprimit formam suam; ita etiam tanto perfectius corruptio aeris, & aquæ est ex perfectione ignis; sed hoc est per accidens: quia ignis non intendit privare formam aquæ,

(a) Sed, Alcan. Malum autem in re aliqua, non tamen in proprio effectu agentis, causatur quandoque ex virtute agentis.

aque, sed inducere formam propriam; sed hoc faciendo, causat & illud per accidens. Sed si sit defectus in effectu proprio ignis, puta quod deficiat a calefaciendo, hoc est vel propter defectum actionis, qui redundat in defectum alicuius principii, ut dictum est (in isto art.) vel ex indispositione materię, quę non recipit actionem ignis agentis. Sed & hoc ipsum quod est esse deficiens, accidit bono, cui per se competit agere.

Unde verum est quod malum secundum nullum modum habet causam nisi per accidens. Sic autem bonum est causa mali.

Ad primum ergo dicendum, quod, sicut Augustinus dicit contra Iulianum (Lib. I. cap. IX. circ. fin.) *arbores malum appellat Dominus voluntatem malam, & arbores bonam voluntatem bonam*. Ex voluntate autem bona non producit actus moralis malus, cum ex ipsa voluntate bona indicetur actus moralis bonus. Sed tamen ipse motus malę voluntatis causatur a creatura rationali, quę bona est; & sic est causa mali.

Ad secundum dicendum, quod bonum non causat illud malum quod est sibi contrarium, sed quoddam aliud; sicut bonitas ignis causat malum aque, & homo bonus secundum suam naturam causat malum actum secundum morem. Et hoc ipsum per accidens est, ut dictum est (in corp. art. & quęst. XIX. art. 9.) Invenitur autem quod etiam unum contrarium causat aliud per accidens, sicut frigidum exterius ambiens calefacit, inquantum calor retrahitur ad interiora.

Ad tertium dicendum, quod malum habet causam deficientem aliter in rebus voluntariis, & naturalibus. Agens enim naturale producit effectum suum talem, quale ipsum est, nisi impediatur ab aliquo extrinseco: & hoc ipsum est quidam defectus eius. Unde nunquam sequitur malum in effectu, nisi pręexistat aliquod aliud malum in agente, vel materia, sicut dictum est (in corp.) Sed in rebus voluntariis defectus actionis a voluntate actu deficiente procedit, inquantum non subicit se actu suę regulę. Qui tamen defectus non est culpa, sed eum sequitur culpa ex hoc quod cum tali defectu operatur.

Ad quartum dicendum, quod malum non habet causam per se, sed per accidens tantum, ut dictum est (in corp.)

ARTICULUS II.

259

Utrum summum bonum, quod est Deus, sit causa mali.

III. dist. XXXII. quęst. II. art. 1. & dist. XXXVII. quęst. III. art. 1. ad 1. & II. cont. cap. XI. & Lib. III. cap. LXXI. & Ioan. IX. & Rom. I.

AD secundum sic proceditur. Videtur quod summum bonum, quod est Deus, sit causa mali. Dicitur enim Isai. XLV. 6. *Ego Dominus, & non est alter Deus, formans lucem, & creans tenebras, faciens pacem, & creans malum*. & Amos III. 6. *Si erit malum in civitate, quod Dominus non fecerit*.

2. Pręterea. Effectus causę secundę reducitur in causam primam. Bonum autem est causa mali, ut dictum est (art. pręc.) Cum igitur omnis boni causa sit Deus, ut supra ostensum est (quęst. VII. art. 1. & 4.) sequitur quod etiam omne malum sit a Deo.

3. Pręterea. Sicut dicitur in II. Phys. (text. 30) idem est causā salutis navis, & periculi. Sed Deus est causa salutis omnium rerum. Ergo est ipse causa omnis perditionis, & mali.

Sed contra est quod dicit Augustinus in Lib. LXXXIII. Qn. (quęst. XXI.) quod *Deus non est auctor mali, quia non est causa tendendi ad non esse*.

Respondeo dicendum, quod, sicut ex dictis patet (art. pręc.) malum quod in defectu actionis consistit, semper causatur ex defectu agentis. In Deo autem nullus defectus est, sed summa perfectio, ut supra ostensum est (quęst. IV. per tot.) Unde malum, quod in defectu actionis consistit, vel quod ex defectu agentis causatur, non reducitur in Deum, sicut in causam.

Sed malum quod in corruptione rerum aliquarum consistit, reducitur in Deum, sicut in causam. Et hoc patet tam in naturalibus, quam in voluntariis. Distinguitur enim (art. pręc.) quod aliquod agens, inquantum sua virtute producit aliquam formam, ad quam sequitur corruptio, & defectus, causat sua virtute illam corruptionem, & defectum. Manifestum est autem quod forma, quam principaliter Deus intendit in rebus creatis, est bonum ordinis universi. Ordo autem universi requirit, ut supra dictum est (quęst. XLVIII. art. 2. & quęst. XXXI. art. 2. ad 2.) quod quædam sint quę de-

hære

scere possint, & interdum deficient. Et sic Deus in rebus causando bonum ordinis universi, ex consequenti, & quasi per accidens causat corruptiones rerum, secundum illud quod dicitur I. Reg. 11. 6. *Dominus mortificat, & vivificat*. Sed quod dicitur Sap. 1. 13. quod *Deus mortem non fecit*, intelligitur, quasi per se intentam. Ad ordinem autem universi pertinet etiam ordo iustitiae, qui requirit ut peccatoribus poena inferatur. Et secundum hoc Deus est auctor mali quod est poena, non autem mali quod est culpa, ratione supra dicta (in princ. corp.).

Ad primum ergo dicendum. quod auctoritates illae loquuntur de malo poenae non autem de malo culpae.

Ad secundum dicendum, quod effectus causae secundae deficientis reducitur in causam primam non deficientem, quantum ad id in quo habet entitatis, & perfectionis, non autem quantum ad id in quo habet de defectu: sicut quicquid est motus in clarificatione, causatur a virtute motiva; sed quod est obliquitatis in ea, non est ex virtute motiva, sed ex curvitate cruris. Et similiter quicquid est entitatis, & actionis in actione mala, reducitur in Deum sicut in causam; sed quod est ibi defectus, non causatur a Deo, sed ex causa secunda deficiente.

Ad tertium dicendum, quod submersio navis attribuitur nautae ut causae, ex eo quod non agit quod requiritur ad salutem navis; sed Deus non deficit ab agendo quod est necessarium ad salutem. Unde non est simile.

ARTICULUS III. 260

Utrum sit unum summum malum, quod sit causa omnis mali.

1. 2. *quest. clxxii. art. 6. corp. & II. dist. 1. quest. 1. art. 1. ad 1. & dist. xxxiv. art. 1. ad 4. & art. 2. corp. & III. corp. cap. xliii. & xv. & per. quest. lli. art. 6. & opus. xv. cap. xvi.*

AD tertium sic proceditur. Videtur quod sit unum summum malum, quod sit causa omnis mali. Contrariorum enim effectuum contrariae sunt causae. Sed in rebus invenitur contrarietas, secundum illud Ecclesi. xxxiii. 15. *Contra malum bonum est, & contra vitam mors: sic & contra vitium iustum peccator*. Ergo sunt contraria principia, unum boni, & aliud mali.

(2) Ita Nicolaus. Rem. & Pat. edit. Sed hoc non est.

2. Praeterea. Si unum contrarium est in rerum natura, & reliquum, ut dicitur in II. de celo & mundo (text. 19.) Sed summum bonum est in rerum natura, quod est causa omnis boni, ut supra ostensum est (quest. vi. art. 2. & 4.) Ergo est & summum malum ei oppositum causa omnis mali.

3. Praeterea. Sicut in rebus invenitur bonum, & melius; ita malum, & peius. Sed bonum, & melius dicuntur per respectum ad optimum. Ergo malum, & peius dicuntur per respectum ad aliquod summum malum.

4. Praeterea. Omne quod est per participationem, reducitur ad illud quod est per essentiam. Sed res quae sunt malae apud nos, non sunt malae per essentiam, sed per participationem. Ergo est invenire aliquod summum malum, quod est causa omnis mali.

5. Praeterea. Omne quod est per accidens, reducitur ad illud quod est per se. Sed bonum est causa mali per accidens. Ergo oportet ponere aliquod summum malum, quod sit causa malorum per se. Neque potest dici, quod malum non habeat causam per se, sed per accidens tantum: quia sequeretur quod malum non esset ut in pluribus, sed ut in paucioribus.

6. Praeterea. Malum effectus reducitur ad malum causae: quia effectus deficientis est a causa deficiente, sicut supra dictum est (art. 1. & 2. praec.) Sed (a) non est procedere in infinitum. Ergo oportet ponere unum primum malum, quod sit causa omnis mali.

Sed contra est quod summum bonum est causa omnis entis, ut supra ostensum est (quest. vi. art. 4.) Ergo non potest esse aliquod principium ei oppositum, quod sit causa malorum.

Respondeo dicendum, quod ex praedictis patet, non esse unum primum principium malorum, sicut est unum primum principium bonorum.

Primo quidem quia primum principium bonorum est per essentiam bonum, ut supra ostensum est (quest. vi. art. 3. & 4.) Nihil autem potest esse per suam essentiam malum. Ostensum est enim (quest. vi. art. 4. & quest. praec. art. 3.) quod omne ens, in quantum est ens, bonum est; & quod malum non est nisi in bono ut in subiecto.

Secundo quia primum bonorum principium est summum, & perfectum bonum, quod

quod præhabet in se omnem bonitatem, ut supra ostensum est (quæst. vi. art. 2.) Summum autem malum esse non potest: quia, sicut ostensum est (quæst. xlviii. art. 4.) etsi malum semper diminuat bonum, nunquam tamen illud potest totaliter consumere: & sic semper remanente bono, non potest esse aliquid integre & perfecte malum. Propter quod Philosophus dicit in IV. Ethic. (cap. v. ante med.) quod si malum integrum sit, se ipsum destruet: quia, destructo omni bono (quod requiritur ad integritatem mali) subtrahitur etiam ipsum malum, cuius subiectum est bonum.

Tertio quia ratio mali repugnat rationi primi principii: tum quia malum causatur ex bono, ut supra ostensum est (art. 1. & 2. huius quæst.) tum quia malum non potest esse causa nisi per accidens: & sic non potest esse prima causa, quia causa per accidens est posterior ea quæ est per se, ut patet in II. Physic. (text. 66.)

Qui autem posuerunt duo prima principia, unum bonum, & alterum malum, ex eadem radice in hunc errorem inciderunt, ex qua & aliæ extraneæ positiones antiquorum ortum habuerunt: quia scilicet non consideraverunt causam universalem totius entis, sed particulares tantum causas particularium effectuum. Propter hoc enim, si aliquid invenerunt esse nocivum alicui rei per virtutem suæ naturæ, æstimaverunt naturam illius rei esse malam; puta, si quis dicat naturam ignis esse malam, quia combussit domum alicuius pauperis. Iudicium autem de bonitate alicuius rei non est accipiendum secundum ordinem ad aliquid particulare, sed secundum seipsum, & secundum ordinem ad totum universum, in quo quælibet res suum locum ordinatissime tenet, ut ex dictis patet (quæst. xi. art. 3. & quæst. iv. art. 2.). Similiter etiam qui invenerunt duorum particularium effectuum contrariorum duas causas particulares contrarias, nesciverunt reducere causas particulares contrarias in causam universalem communem: & ideo usque ad prima principia contrarietatem in causis esse indicaverunt. Sed cum omnia contraria conveniant in uno communi, necesse est in eis supra causas contrarias proprias inveniri unam causam communem: sicut supra qualitates contrarias elementorum invenitur virtus corporis ælestis; & similiter supra omnia quæ quocunque modo sunt, invenitur unum pri-

mu principium essendi, ut supra ostensum est (quæst. xi. art. 3.)

Ad primum ergo dicendum, quod contraria conveniunt in genere uno, & etiam conveniunt in ratione essendi: & ideo licet habeant causas particulares contrarias, tamen oportet devenire ad unam primam causam communem.

Ad secundum dicendum, quod privatio, & habitus nata sunt fieri circa idem. Subiectum autem privationis est ens in potentia, ut dictum est (quæst. xlviii. art. 3.) Unde cum malum sit privatio boni, ut ex dictis patet (quæst. præc. art. 1. 2. 3.) illi bono opponitur cui adiungitur potentia, non autem fummo bono, quod est actus purus.

Ad tertium dicendum, quod unumquodque intenditur secundum propriam rationem. Sicut autem forme est perfectio quedam, ita privatio est quedam remotio. Unde omnis forma, & perfectio, & bonum per excessum ad terminum perfectum attenditur; privatio autem, & malum per recessum a termino. Unde non dicitur malum, & peius per accessum ad summum malum; sicut dicitur bonum, & melius per accessum ad summum bonum.

Ad quartum dicendum, quod nullum ens dicitur malum per participationem, sed per privationem participationis. Unde non oportet fieri reductionem ad aliquid quod sit per essentiam malum.

Ad quintum dicendum, quod malum non potest habere causam nisi per accidens, ut supra ostensum est (art. 1. huius quæst.) Unde impossibile est fieri reductionem ad aliquid quod sit per se causa mali. Quod autem dicitur, quod malum est ut in pluribus, simpliciter falsum est. Nam generabilia, & corruptibilia, in quibus solum contingit esse malum naturæ, sunt modica pars totius universi. Et iterum in unaquaque specie defectus naturæ accidit ut in paucioribus. In solis autem hominibus malum videtur esse ut in pluribus: quia bonum hominis secundum sensum corporis non est bonum hominis, inquantum homo, sed secundum rationem. Plures autem sequuntur sensum quam rationem.

Ad sextum dicendum, quod in causis mali non est procedere in infinitum, sed est reducere omnia mala in aliquam causam bonam, ex qua sequitur malum per accidens.

QUAESTIO L.

*De substantia Angelorum absolute,
in quinque articulis divisa.*

Post hæc considerandum est de distinctione corporalis, & spiritualis creaturæ: & primo de creatura pure spirituali, quæ in Scriptura sacra Angelus nominatur; secundo de creatura pure corporali; tertio de creatura composita ex corporali, & spirituali, quæ est homo.

Circa vero Angelos considerandum est primo de his quæ pertinent ad eorum substantiam. Secundo de his quæ pertinent ad eorum intellectum. Tertio de his quæ pertinent ad eorum voluntatem. Quarto de his quæ pertinent ad eorum creationem.

De substantia autem eorum considerandum est & absolute, & per comparationem ad corporalia.

Circa substantiam vero eorum absolute quinque quaeruntur.

Primo, utrum sit aliqua creatura omnino spiritualis, & penitus incorporea.

Secundo, supposito quod Angelus sit talis, quaeritur, utrum sit compositus ex materia, & forma.

Tertio, quaeritur de multitudine eorum.

Quarto de differentia ipsorum ab invicem.

Quinto de immortalitate, seu incorruptibilitate ipsorum.

ARTICULUS I. 261

Utrum Angelus sit omnino incorporeus.

II. cont. cap. xlix. & l. & po. quest. vi. art. 7. corp. & sp. art. 5. & opu. II. cap. lxxiv. & opu. xv. cap. 1.

Ad primum sic proceditur. Videtur quod Angelus non sit omnino incorporeus. Illud enim quod est incorporeum solum quoad nos, & non quoad Deum, non est incorporeum simpliciter. Sed Damascenus dicit in Lib. II. (orth. Fid. cap. III. non longe a princ.) quod Angelus incorporeus, & immaterialis dicitur quantum ad nos; sed comparatus ad Deum corporeus, & materialis immutatur. Non ergo est incorporeus simpliciter.

2. Præterea. Nihil movetur nisi corpus, ut probatur in VI. Phys. (tex. 32.) Sed Damascenus dicit ibidem, quod An-

gelus est substantia intellectualis semper mobilis. Angelus ergo est substantia corporea.

3. Præterea. Ambrosius dicit in Lib. de Spiritu sancto (cap. vii. in princ.) Omnis creatura certis suis naturæ circumscripta est limitibus. Circumscribi autem proprium est corporum. Ergo omnis creatura est corporea. Angeli autem sunt Dei creaturæ, ut patet in Psal. cxlviii. 2. Laudate Dominum omnes Angeli eius: & postea subditur: Quoniam ipse dixit, & facta sunt; ipse mandavit, & creata sunt. Ergo Angeli sunt corporei.

Sed contra est quod dicitur in Psal. ciii. 4. Qui facit Angelos sui spiritus.

Respondeo dicendum, quod necesse est ponere aliquas creaturas incorporeas. Id enim quod præcipue in rebus creatis Deus intendit, est bonum, quod consistit in assimilatione ad Deum. Perfecta autem assimilatio effectus ad causam attenditur, quando effectus imitatur causam secundum illud per quod causa producit effectum, sicut calidum facit calidum. Deus autem creaturam producit per intellectum, & voluntatem, ut supra dictum est (quest. xiv. art. 8. & quest. xix. art. 4.) Unde ad perfectionem universi requiritur quod sint aliquæ creaturæ intellectuales. Intelligere autem non potest esse actus corporis, nec alicuius virtutis corporeæ: quia omne corpus determinatur ad hic & nunc. Unde necesse est ponere, ad hoc quod universum sit perfectum, quod sit aliqua incorporea creatura.

Antiqui autem ignorantes vim intelligendi, & non distinguentes inter sensum, & intellectum, nihil esse existimaverunt in mundo nisi quod sensu & imaginatione apprehendi potest. Et quia sub imaginatione non cadit nisi corpus, existimaverunt, quod nullum ens esset nisi corpus, ut Philosophus dicit in IV. Physic. (tex. 52. & 57.) Et ex his processit Sadducæorum error dicentium, non esse spiritum.

Sed hoc ipsum quod intellectus est altior sensu, rationabiliter ostendit esse aliquas res incorporeas a solo intellectu comprehensibiles.

Ad primum ergo dicendum, quod substantiæ incorporeæ medium sunt inter Deum, & creaturas corporeas. Medium autem comparatum ad unum extremum videtur alterum extremum, sicut tepidum comparatum calido videtur frigidum: & hac ratione dicitur, quod An-

Y ge-

geli Deo comparati sunt materiales, & corporei, non quod in eis sit aliquid de natura corporea.

Ad secundum dicendum, quod motus ibi accipitur, prout intelligere, & velle motus quidam dicuntur. Dicitur ergo Angelus substantia semper mobilis, quia semper est actus intelligens, non quandoque actus, & quandoque potentia, sicut nos. Unde patet quod ratio procedit ex æquivoco.

Ad tertium dicendum, quod circumscribi terminis localibus est proprium corporum; sed circumscribi terminis essentialibus est commune cuilibet creaturæ tam corporali, quam spiritali. Unde dicit Ambrosius in Lib. I. de Spiritu sancto (cap. VII. a princ.) quod *licet quidam locis corporalibus non continentur, circumscriptione tamen substantia non caret.*

ARTICULUS II. 162

Utrum Angelus sit compositus ex materia, & forma.

II. dist. VIII. quæst. V. art. 5. & II. con. cap. XLIX. & I. & sp. art. 1. & quod. IX. art. 6. & opus. II. cap. LXXI. & XCV. & opus. XV. cap. III. v. VI. VII. VIII. & XVIII. & opus. XXX. cap. 1. & opus. XLII. cap. V. & VI.

AD secundum sic proceditur. Videtur quod Angelus sit compositus ex materia, & forma. Omne enim quod continetur sub aliquo genere, est compositum ex genere, & differentia, quæ adveniens generi constituit speciem. Sed genus sumitur ex materia, differentia vero ex forma, ut patet in XIII. Metaph. (tex. 6.) Ergo omne quod est in genere, est compositum ex materia, & forma. Sed Angelus est in genere substantiæ. Ergo est compositus ex materia, & forma.

2. Præterea. In quocumque inveniuntur proprietates materiæ, ibi invenitur materia. Proprietates autem materiæ sunt recipere, & subsistere; unde dicit Boetius in Lib. de Trin. (ante med.) quod *forma simplex subiectum esse non potest*: hoc autem invenitur in Angelo. Ergo Angelus est compositus ex materia, & forma.

3. Præterea. Forma est actus. Quod ergo est forma tantum, est actus purus. Sed Angelus non est actus purus, hoc enim solius Dei est. Ergo non est forma tantum, sed habet formam in materia.

4. Præterea. Forma proprie limitatur & finitur per materiam. Forma ergo quæ non est in materia, est forma infinita. Sed forma Angeli non est infinita, quia omnis creatura finita est. Ergo forma Angeli est in materia.

Sed contra est quod Dionysius dicit IV. cap. de div. Nomin. (non remote a princ.) quod *prima creatura sicut incorporea, ita & immateriales intelliguntur.*

Respondetur dicendum, quod quidam ponunt Angelos esse compositos ex materia, & forma: & hanc opinionem astringere nititur Avicenna in Lib. Fontis vitæ. Supponit enim, quod quæcumque distinguuntur secundum intellectum, sint etiam in rebus distincta. In substantia autem incorporea intellectus apprehendit aliquid per quod distinguitur a substantia corporea, & aliquid per quod cum ea convenit. Unde ex hoc vult concludere, quod illud per quod differt substantia incorporea a corporea, sit ei quasi forma, & illud quod subicitur huic formæ distinguenti quasi commune, sit materia eius. Et propter hoc ponit, quod eadem est materia universalis spiritalium, & corporalium; ut intelligatur quod forma incorporeæ substantiæ sit sit impressa in materia spiritalium, sicut forma quantitatis est impressa in materia corporalium.

Sed primo aspectu apparet esse impossibile unam esse materiam spiritalium, & corporalium. Non enim est possibile quod forma spiritalis, & corporalis recipiatur in una parte materiæ: quia sic una & eadem res numero esset corporalis, & spiritalis.

Unde relinquitur quod alia pars materiæ sit quæ recipit formam corporalem, & alia quæ recipit formam spiritalium. Materiam autem dividi in partes non convenit, nisi secundum quod intelligitur sub quantitate: qua remota, remanet substantia indivisibilis, ut dicitur in I. Physic. (tex. 15.) Sic igitur relinquitur quod materia spiritalium sit substantia subiecta quantitati, quod est impossibile. Impossibile est ergo, quod una sit materia corporalium, & spiritalium.

Sed adhuc ulterius impossibile est quod substantia intellectualis habeat qualemcumque materiam. Operatio enim cuiuslibet rei est secundum modum substantiæ eius. Intelligere autem est operatio penitus immaterialis: quod ex eius obiecto

Non apparet, a quo actus quilibet recipitur vel aeris, vel ignis, vel cuiuscunque aliter speciem, & rationem. Sic enim unumquodque intelligitur, inquantum a materia abstrahitur: quia formae in materia sunt individuales formae, quas intellectus non apprehendit, secundum quod huiusmodi. Unde relinquitur quod substantia intellectus est omnino immaterialis.

Non est autem necessarium quod ea quae distinguuntur secundum intellectum, sint distincta in rebus: quia intellectus non apprehendit res secundum modum rerum, sed secundum modum suum. Unde res materiales quae sunt infra intellectum nostrum, simpliciori modo sunt in intellectu nostro quam sint in se ipsis. Substantiae autem angelicae sunt supra intellectum nostrum. Unde intellectus noster non potest attingere ad apprehendendum eas, secundum quod sunt in se ipsis, sed per modum suum, secundum quod apprehendit res compositas: & sic etiam apprehendit Deum, ut supra dictum est (quaest. 111. art. 3. ad 7.)

Ad primum ergo dicendum, quod differentia est quae constituit speciem. Unumquodque autem constituitur in specie, secundum quod determinatur ad aliquem specialem gradum in entibus: quia species rerum sunt sicut numeri, qui differunt per additionem, & subtractionem unitatis, ut dicitur in VIII. Metaph. (tex. 10.) In rebus autem materialibus aliud est quod determinat ad specialem gradum, scilicet forma, & aliud quod determinatur, scilicet materia: unde ab alio sumitur genus, & ab alio differentia. Sed in rebus immaterialibus non est aliud determinans, & determinatum; sed unaquaeque earum secundum se ipsam tenet determinatum gradum in entibus: & ideo genus, & differentia in eis non accipitur secundum aliud, & aliud, sed secundum unum & idem; quae tamen differunt secundum considerationem nostram: inquantum enim intellectus noster considerat illam rem ut indeterminate, accipitur in eis ratio generis; inquantum vero considerat ut determinate, accipitur ratio differentiae.

Ad secundum dicendum, quod ratio illa ponitur in Lib. Fontis vitae; & esset necessaria, si idem esset modus quo recipit intellectus, & quo recipit materia. Sed hoc patet esse falsum. Materia enim recipit formam, ut secundum ipsam constituitur in esse alienius speciei,

vel aeris, vel ignis, vel cuiuscunque aliter speciem. Sic autem intellectus non recipit formam: alioquin verificaretur opinio Empedoclis (Lib. I. de Anima apud Arist. tex. 26.) qui posuit, quod terram terra cognoscimus, & ignem igne. Sed forma intelligibilis est in intellectu secundum ipsam rationem formae: sic enim cognoscitur ab intellectu. Unde talis receptio non est receptio materiae, sed est receptio substantiae immaterialis.

Ad tertium dicendum, quod licet in Angelo non sit compositio formae, & materiae; est tamen in eo actus, & potentia. Quod quidem manifestum potest esse ex consideratione rerum materialium, in quibus invenitur duplex compositio. Prima quidem formae, & materiae, ex quibus constituitur natura aliqua. Natura autem sic composita non est suum esse, sed esse est actus eius. Unde ipsa natura comparatur ad suum esse sicut potentia ad actum. Subtrahita ergo materia, & posito quod ipsa forma subsistat non in materia, actus remanet comparatio formae ad ipsum esse, ut potentiae ad actum. Et talis compositio intelligenda est in Angelis: & hoc est quod a quibusdam dicitur, quod Angelus est compositus ex quo est, & quod est, vel ex esse, & quod est, ut Boetius dicit. Nam quod est, est ipsa forma subsistens; ipsum autem esse est quo substantia est; sicut cursus est quo currrens currit. Sed in Deo non est aliud esse, & quod est, ut supra ostensum est (quaest. 111. art. 4.) Unde solus Deus est actus purus.

Ad quartum dicendum, quod omnis creatura est finita simpliciter, inquantum esse eius non est absolute subsistens, sed limitatur ad naturam aliquam, cui advenit. Sed nihil prohibet aliquam creaturam esse secundum quid infinitam. Creaturae autem materiales habent infinitatem ex parte materiae, sed finitatem ex parte formae, quae limitatur per materiam in qua recipitur. Substantiae autem immateriales creatae sunt finitae secundum suum esse, sed infinitae secundum quod earum formae non sunt receptae in alio: sicut si diceremus, albedinem separatum existentem esse infinitam quantum ad rationem albedinis, quia non contrahitur ad aliquod subiectum; esse tamen eius esse finitum, quia determinatur ad aliquam naturam specialem. Et propter hoc dicitur in Lib. de causis (prop. 16.) quod *intelligentia est finita superius*, inquantum scilicet recipit esse a suo superiori;

Sed est infinita inferiorum, in quantum non recipitur in aliqua materia.

ARTICULUS III. 263

Utrum Angeli sint in aliquo magno numero.

II. diff. III. quest. 1. art. 3. & II. cont. cap. xc1. & xc11. & pot. quest. vi. art. 6. corp. fin. & opusc. xv. cap. II. III. & IV.

AD tertium sic proceditur. Videtur quod Angeli non sint in aliquo magno numero. Numerus enim species quantitas est, & sequitur divisionem continui. Hoc autem non potest esse in Angelis, cum sint incorporei, ut supra ostensum est (art. I. huius quest.) Ergo Angeli non possunt esse in aliquo magno numero.

2. Præterea. Quanto aliquid est magis propinquum uni, tanto minus est multiplicatum, ut in numeris apparet. Natura autem angelica inter alias naturas creatas est Deo propinquior. Cum ergo Deus sit maxime unus, videtur quod in natura angelica invenitur minimum de multitudine.

3. Præterea. Proprius effectus separatium substantiarum videtur esse motus corporum caelestium. Sed motus corporum caelestium sunt secundum aliquem determinatum numerum paucum, qui nobis apprehendi potest. Ergo Angeli non sunt in maiori multitudine quam motus corporum caelestium.

4. Præterea. Dionysius dicit iv. cap. de divin. Nom. (aliquantulum a princ. lect. 3.) quod propter radios divinae bonitatis subsistant intelligibiles, & intellectuales omnes substantiae. Sed radius non multiplicatur nisi secundum diversitatem recipientium. Non autem potest dici, quod materia sit receptiva intelligibilis radii, cum substantiae intellectuales sint immateriales, ut supra ostensum est (art. 2. huius quest.) Ergo videtur quod multiplicatio substantiarum intellectualium non possit esse nisi secundum exigentiam primorum corporum, scilicet caelestium, ut ad ea quodammodo processus prædictorum radiorum terminetur: & sic idem quod prius.

Sed contra est quod dicitur Dan. vii. 10. *Milia millium ministrabant ei, & decies centena milia assistebant ei.*

Respondendo dicendum, quod circa numerum substantiarum separatium diversi diversis viis processerunt. Plato enim posuit (ut refert Arist. I. Metaph. text. 6.)

substantias separatas esse species rerum sensibilium, utpote si poneremus ipsam naturam humanam esse separatam: & secundum hoc oportebat dicere, quod substantiae separatae sint secundum numerum specierum sensibilium.

Sed hanc positionem improbat Aristoteles (eod. Lib. text. 31. & seq.) ex eo quod materia est de ratione specierum sensibilium. Unde substantiae separatae non possunt esse species exemplares horum sensibilium; sed habent quasdam naturas altiores naturis rerum sensibilium. Posuit tamen Aristoteles (XII. Metaph. text. 43.) quod illae naturae perfectiores habent ordinem ad sensibilia ista secundum rationem moventis, & finis: & ideo secundum numerum primorum motuum conatus est advenire numerum substantiarum separatium.

Sed quia hoc videtur repugnare documentis sacrae Scripturae, Rabbi Moyses Iudaeus volens utrumque concordare, posuit (Lib. II. perplexorum cap. iv. & vi.) quod Angeli, secundum quod dicuntur substantiae immateriales, multiplicentur secundum numerum motuum, vel corporum caelestium secundum Aristotelem (loco prox. cit.) Sed posuit, quod Angeli in Scriptura dicuntur etiam homines divina aumuntantes, & iterum virtutes rerum naturalium, quae Dei omnipotentiam manifestant.

Sed hoc est alienum a consuetudine Scripturae, quod virtutes rerum irrationabilium Angeli nominantur.

Unde dicendum est, quod etiam Angeli, secundum quod sunt immateriales substantiae, in quadam multitudine maxima sunt, omnem materiale multitudine excedentes. Et hoc est quod dicit Dionysius cap. xiv. caelest. Hierarch. (in med.) *Multis sunt beati exercitus supernarum mentium infernam, & confusam excedentes nostrorum materialium numerorum commensurationem.* Et huius ratio est, quia cum perfectio universi sit illud quod præcipue Deus intendit in creatione rerum, quanto aliqua sunt magis perfecta, tanto in maiori excessu sunt creata a Deo. Sicut autem in corporibus attenditur excessus secundum magnitudinem; ita in rebus incorporeis potest attendi excessus secundum multitudinem. Videmus autem quod corpora incorruptibilia, quae sunt perfectiora inter corpora, excedunt quali incomparabiliter secundum magnitudinem corpora corruptibilia. Nam tota sphaera aëtherum, & passivorum est aliquid in-

di-

dicum respectu corporum caelestium. Unde rationabile est quod substantiae immateriales excedant secundum multitudinem substantias materiales quasi incomparabiliter.

Ad primum ergo dicendum, quod in Angelis non est numerus, qui est quantitas discreta, causatus ex divisione continui, sed causatus ex distinctione formarum, prout multitudo est de transcendentibus, ut supra dictum est (quaest. xi. art. 2.)

Ad secundum dicendum, quod ex hoc quod natura angelica est Deo propinqua, oportet quod habeat minimum de multitudine in sui compositione, non autem ita quod in paucis salvetur.

Ad tertium dicendum, quod ratio illa est Aristotelis in XII. Metaph. (tex. 44.) & ex necessitate concluderet, si substantiae separatae essent propter substantias corporales. Sic enim frustra essent immateriales substantiae, nisi ex eis aliquis motus in rebus corporalibus appareret. Non est autem hoc verum, quod substantiae immateriales sint propter corporales, quia finis nobilior est his quae sunt ad finem. Unde etiam Aristoteles dicit ibidem, quod haec ratio non est necessaria, sed probabilis. Coactus autem fuit hac ratione uti, quia ad cognoscendum intelligibilia non possumus pervenire nisi per sensibilia.

Ad quartum dicendum, quod ratio illa procedit secundum opinionem eorum qui causam distinctionis rerum ponebant esse materiam: hoc autem improbatum est (quaest. xlviii. art. 1.) Unde multiplicatio Angelorum neque secundum materiam, neque secundum corpora est accipienda, sed secundum divinam sapientiam, diversos ordines immaterialium substantiarum excogitantem.

ARTICULUS IV. 264

Utrum Angeli differant specie.

II. dist. III. quaest. 1. art. 4. & II. cont. cap. lxxi. xcii. & xciii. & sp. art. 9. opus. xxix. & opus. xxxii. cap. III.

AD quartum sic proceditur. Videtur quod Angeli non differant specie. Cum enim differentia sit nobilior genere, quaecumque conveniunt secundum id quod est nobilissimum in eis, conveniunt in ultima differentia constitutiva; & ita sunt eadem secundum speciem. Sed omnes Angeli conveniunt in eo quod est nobil-

lissimum in eis, scilicet in intellectuallitate. Ergo omnes Angeli sunt unius speciei.

1. Præterea. Magis, & minus non diversificant speciem. Sed Angeli non videntur differre ad invicem nisi secundum magis, & minus, prout scilicet unus alio est simplicior, & perspicacior intellectu. Ergo Angeli non differunt specie.

3. Præterea. Anima, & Angelus ex opposito dividuntur. Sed omnes animae sunt unius speciei. Ergo & Angeli.

4. Præterea. Quanto aliquid est perfectius in natura, tanto magis debet multiplicari. Hoc autem non esset, si in una specie esset unum tantum individuum. Ergo multi Angeli sunt unius speciei.

Sed contra est quod in his quae sunt unius speciei, non est invenire prius, & posterius, ut dicitur in III. Metaph. (tex. 11.) Sed in Angelis etiam unus ordinis sunt primi, & medii, & ultimi, ut dicit Dionysius x. cap. angelicæ Hierarch. (a med.) Ergo Angeli non sunt eiusdem speciei.

Respondeo dicendum, quod quidam dixerunt, omnes substantias spirituales esse unius speciei, etiam animas. Alii vero, quod omnes Angeli sunt unius speciei, sed non animæ. Quidam vero, quod omnes Angeli unius hierarchiæ, aut etiam unius ordinis.

Sed hoc est impossibile. Ea enim quae conveniunt specie, & differunt numero, conveniunt in forma, sed distinguuntur materialiter. Si ergo Angeli non sunt compositi ex materia, & forma, ut dictum est supra (art. 2. huius quaest.) sequitur quod impossibile sit esse duos Angelos unius speciei; sicut etiam impossibile esset dicere, quod essent plures albedines separatae, aut plures humanitates; cum albedines non sint plures, nisi secundum quod sunt in pluribus substantiis. Si tamen Angeli haberent materiam, nec sic possent esse plures unius speciei. Sic enim oporteret quod principium distinctionis unius ab alio esset materia, non quidem secundum divisionem quantitatis, cum sint incorporei, sed secundum diversitatem potentialium: quæ quidem diversitas materię causat diversitatem non solum speciei, sed generis.

Ad primum ergo dicendum, quod differentia est nobilior genere, sicut determinatum indeterminato, & proprium communi; non autem sicet alia, & alia natura: alioquin oporteret quod omnia

animalia irrationalia essent unius speciei, vel quod esset in eis aliqua alia perfectior forma quam anima sensibilis. Differunt ergo specie animalia irrationalia secundum diversos gradus determinatos naturae sensitivae; & similiter omnes Angeli differunt specie secundum diversos gradus naturae intellectivae.

Ad secundum dicendum, quod magis, & minus, secundum quod causantur ex intentione, & remissione unius formae, non diversificant speciem; sed secundum quod causantur ex formis diversorum graduum, sic diversificant speciem; sicut si dicamus, quod ignis est perfectior aere: & hoc modo Angeli diversificantur secundum magis, & minus.

Ad tertium dicendum, quod bonum speciei praeponderat bono individui. Unde multo melius est quod multiplicentur species in Angelis quam quod multiplicentur individua in una specie.

Ad quartum dicendum, quod multiplicatio secundum numerum, cum in infinitum protendi possit, non intenditur ab agente, sed sola multiplicatio secundum speciem, ut supra dictum est (quaest. xvii. art. 2.) Unde perfectio naturae angelicae requirit multiplicationem specierum, non autem multiplicationem individuum in una specie.

ARTICULUS V. 365

Utrum Angeli sint incorruptibiles.

II. dist. 111. quaest. 1. art. 1. & dist. vii. quaest. 1. art. 1. corp. & II. cont. cap. lvi. & xci. ad 3. & pot. quaest. v. art. 3. & 4. corp. & opus. 11. cap. lxxiv. & opus. ix. quaest. xlviii.

AD quantum sic proceditur. Videtur quod Angeli non sint incorruptibiles. Dicit enim Damascenus (Lib. II. orth. Fid. cap. 111.) de Angelo, quod est substantia intellectualis, gratia, & non naturalis immortalitatem suscipiens.

2. Praeterea. Plato dicit in Timaeo (a princ.) O dii decorum, quorum opifex idem, paterque ego. Opera siquidem vos mea, dissolubilia natura, me tamen (a) ita volente indissolubilia. Hos autem deos non aliud quam Angelos intelligere potest. Ergo Angeli natura sua sunt incorruptibiles.

3. Praeterea. Secundum Gregorium (Lib. XVI. Moral. cap. xvi. verius fin.) omnia in nihilum tenderent, nisi ea manus Omnipotentis conservaret. Sed quod in nihilum

redigi potest, est corruptibile. Ergo cum Angeli sint a Deo facti, videtur quod sint corruptibiles secundum suam naturam.

Sed contra est quod Dionysius dicit iv. cap. de div. Nom. (parum a princ.) quod *intellectuales substantiae vitam habent indeficientem, ab universa corruptione, morte, & materia, & generatione mundi existentes.*

Respondendo dicendum, quod necesse est dicere, Angelos secundum suam naturam esse incorruptibiles.

Cuius ratio est, quia nihil corrumpitur nisi per hoc quod forma eius a materia separatur. Unde cum Angelus sit ipsa forma subsistens, ut ex dictis patet (art. 1. & 2. huius quaest.) impossibile est quod eius substantia sit corruptibilis. Quod enim convenit alicui secundum se, numquam ab eo separari potest; ab eo autem cui convenit per aliud, potest separari, separato eo secundum quod ei conveniebat. Rotunditas enim a circulo separari non potest, quia convenit ei secundum se ipsum; sed aeneus circulus potest amittere rotunditatem per hoc quod circularis figura separatur ab aere. Esse autem secundum se competit formae: unumquodque enim est ens actu, secundum quod habet formam. Materia vero est ens actu per formam. Compositum igitur ex materia, & forma definit esse actu per hoc quod forma separatur a materia. Sed si ipsa forma subsistat in suo esse, sicut est in Angelis, ut dictum est (loc. prox. cit.) non potest amittere esse. Ipsa igitur immaterialitas Angelis est ratio quare Angelus est incorruptibilis secundum suam naturam.

Et huius incorruptibilitatis signum accipi potest ex eius intellectuali operatione. Quia enim unumquodque operatur secundum quod est actu, operatio rei indicat modum esse ipsius. Species autem, & ratio operationis ex obiecto comprehenditur. Obiectum autem intelligibile, cum sit supra tempus, est sempiternum.

Unde omnis substantia intellectualis est incorruptibilis secundum suam naturam. Ad primum ergo dicendum, quod Damascenus accipit immortalitatem perfectam, quae includit omnimodam immutabilitatem: quia omnis mutatio est quaedam mors, ut Augustinus dicit (Lib. III. cont. Maximinum cap. xxi. a med.) Perfectam autem immutabilitatem Angeli non nisi per gratiam assequuntur, ut infra patebit (quaest. lxxi. art. 2. & 8.)

Ad

(a) Ita cod. Alcan. Editi omittunt ita.

Ad secundum dicendum, quod Plato per deos intelligit corpora caelestia, quae existimabat esse ex elementis composita: & ideo secundum suam naturam erant dissolubilia, sed voluntate divina semper conservabantur in esse.

Ad tertium dicendum, quod, sicut supra dictum est (quaest. xlv. art. 1. ad 2.) quoddam necessarium est quod habet causam suam necessitatis. Unde non repugnat necessario, nec incorruptibili quod esse eius dependeat ab alio sicut a causa. Per hoc ergo quod dicitur, quod omnia deciderent in nihilum, nisi continerentur a Deo, & etiam Angeli, non datur intelligi quod in Angelis sit aliquod corruptionis principium, sed quod esse Angeli dependeat a Deo sicut a causa. Non autem dicitur aliquid esse corruptibile per hoc quod Deus possit illud in non esse redigere, subtrahendo suam conservationem; sed per hoc quod in se ipso aliquod principium corruptionis habet, vel contrarietatem, vel saltem potentiam materiam.

QUAESTIO LI.

De comparatione Angelorum ad corpora, in tres articulos divisa.

DEinde quaeritur de Angelis per comparationem ad corporalia: & primo de comparatione Angelorum ad corpora; secundo de comparatione Angelorum ad loca corporalia; tertio de comparatione Angelorum ad motum localem.

Circa primum quaeruntur tria.

Primo, utrum Angeli habeant corpora naturaliter sibi unita.

Secundo, utrum assumant corpora.

Tertio, utrum in corporibus assumptis exercent opera vitae.

ARTICULUS I. 266

Utrum Angeli habeant corpora naturaliter sibi unita.

II. dist. VIII. art. 1. & II. cont. cap. xlix. l. 1. & pos. quaest. vi. art. 6. & mal. quaest. xvi. art. 1. & spirit. art. 5. & apus. xv. cap. xviii.

AD primum sic proceditur. Videtur quod Angeli habeant corpora naturaliter sibi unita. Dicit enim Origenes in Lib. I. Periarchon (cap. vi. in hn.) *Solus Dei, idest Patris, & Filius, & Spiritus*

sans, natura illud proprium est ut sine materiali substantia, & absque ulla corpora adlectionis societate intelligatur existere. Bernardus etiam dicit in vi. hom. super Cant. (serm. vi. in princ.) *Demus Deo soli sicut immortalitatem, sic incorporeitatem, cuius natura sola neque propter se, neque propter (a) aliud solatio indiget instrumenti corporis.* Liquet autem omnem spiritum creatum corporeo indigere solatio. Augustinus etiam dicit super Gen. ad lit. (Lib. III. cap. x. in princ.) *Daemones aerea dicuntur animalia, quia corporum aereorum natura (b) vigent.* Eadem autem est natura daemonis, & Angeli. Ergo Angeli habent corpora naturaliter sibi unita.

2. Praeterea. Gregorius in hom. Epiphaniae (x. in Evang. in princ.) nominat Angelum rationale animal. Omne autem animal componitur ex corpore, & anima. Ergo Angeli habent corpora naturaliter sibi unita.

3. Praeterea. Perfectior est vita in Angelis quam in animalibus. Sed anima non solum vivit, sed etiam vivificat corpus. Ergo Angeli vivificant corpora naturaliter sibi unita.

Sed contra est quod dicit Dionysius iv. cap. de div. Nomin. (parum a princ. lect. 3.) quod *Angeli sicut incorporeales intelliguntur, ita & immateriales.*

Respondeo dicendum, quod Angeli non habent corpora sibi naturaliter unita. Quod enim accidit alicui naturae, non invenitur universaliter in natura illa; sicut habere alas, quia non est de ratione animalis, non convenit omni animali. Cum autem intelligere non sit actus corporis, nec alicuius virtutis corporis, ut infra patebit (quaest. lxxv. art. 2.) habere corpus unitum non est de ratione substantiae intellectualis, in quantum huiusmodi; sed accidit alicui substantiae intellectuali propter aliquid aliud; sicut humanae animae competit uniri corpori, quia est imperfecta, & in potentia existens in genere intellectualium substantiarum, non habens in sui natura plenitudinem scientiae, sed acquires eam per sensus corporeos a sensibilibus rebus, ut infra dicitur (quaest. lxxxiv. art. 6. & lxxxix. art. 1.) In quocumque autem genere invenitur aliquid imperfectum, oportet praexistere aliquid perfectum in genere illo. Sunt igitur aliqua substantiae perfectae intellectuales in natura intellectuali, non indigentes acquirere scientiam a sensibilibus rebus. Non igitur omnes substantiae

Y 4

(a) Al. alium. (b) Al. indigent;

stantiæ intellectuales sunt unitæ corporibus, sed aliquæ sunt a corporibus separatae: & has dicimus Angelos.

Ad primum ergo dicendum, quod, sicut supra dictum est (quæst. I. art. I.) quorundam opinio fuit, quod omne ens esset corpus. Et ex hac exillimatione derivatum videtur quod aliqui existimaverunt, nullas substantias incorporeas esse nisi corporibus unitas: adeo quod quidam etiam posuerunt, Deum esse animam mundi, ut Augustinus narrat in VII. de civ. Dei (cap. vi.) Sed quia hoc fidei catholice repugnat, quæ ponit Deum super omnia exaltatum, secundum illud Psalm. VIII. 3. *Elevata est magnificentia tua super celos*: Origenes hoc de Deo dicere recusans, (a) de aliis substantiis secutus est aliorum opinionem, sicut & in multis aliis deceptus fuit, sequens antiquorum Philoſophorum opiniones. Verbum autem Bernardi potest exponi, quod spiritus creati indigent corporali instrumento, non naturaliter unito, sed ad aliquid assumptum, ut infra dicitur (art. seq.). Augustinus autem loquitur non asserendo, sed opinione Platoniorum utens, qui ponebant esse quædam animalia aërea, quæ dæmones nominabant.

Ad secundum dicendum, quod Gregorius nominat Angelum rationale animal metaphorice propter similitudinem rationis.

Ad tertium dicendum, quod vivificare effective simpliciter perfectionis est: unde & Deo convenit secundum illud I. Reg. II. 6. *Domineus vivificat, & vivificat*. Sed vivificare formaliter est substantiæ quæ est pars alicuius naturæ, & non habentis in se integram naturam speciei. Unde substantia intellectualis quæ non est unita corpori, est perfectior quam ea quæ est corpori unita.

ARTICULUS II. 267

Utrum Angeli assumant corpora,

II. dist. VIII. art. 2. & pot. quæst. VI. art. 6.

AD secundum sic proceditur. Videtur quod Angeli non assumant corpora. Inopere enim Angeli nihil est superfluum, sicut neque in opere naturæ. Sed superfluum ellet, si Angeli corpora assumerent: Angelus enim non indiget corpore, cum eius virtus omnem virtutem corporis excedat. Ergo Angelus non assumit corpus.

(a) Cód. Alcan. in aliis substantiis.

2. Præterea. Omnis assumptio ad aliquam unionem terminatur: quia assumere dicitur quasi ad se sumere. Sed corpus non unitur Angelo ut formæ, sicut dictum est (art. præc.) ex eo autem quod unitur sibi ut motori, non dicitur assumi, alioquin sequeretur quod omnia corpora mota ab Angelis essent ab eis assumpta. Ergo Angeli non assument corpora.

3. Præterea. Angeli non assument corpora de terra, vel aqua, quia non subito disparerent; neque iterum de igne, quia comburerent ea quæ contingerent; neque iterum ex aere, quia aer inignabilis est, & incolorabilis. Ergo Angeli corpora non assument.

Sed contra est quod Augustinus dicit XVI. de civ. (cap. xxix.) quod Angelii in assumptis corporibus Abraham apparuerunt.

Respondendo dicendum, quod quidam dixerunt, Angelos nunquam corpora assumere, sed omnia quæ in Scripturis divinis leguntur de apparitionibus Angelorum, contigisse in visione prophetiæ, hoc est secundum imaginationem.

Sed hoc repugnat intentioni Scripturæ. Illud enim quod imaginaria visione videtur, est in sola imaginatione videns. Unde non videtur indifferenter ab omnibus. Scriptura autem divina fidei introduct interdu Angelos apparentes, ut communiter ab omnibus viderentur: sicut Angeli apparentes Abraham visi sunt ab eo, & tota familia eius, & a Loth, & a civibus Sodonomorum: similiter Angelus qui apparuit Tobie, ab omnibus videbatur. Ex quo manifestum fit, huiusmodi contigisse secundum corpoream visionem, qua videtur id quod positum est extra videntem, unde ab omnibus videri potest. Tali autem visione non videtur nisi corpus.

Cum igitur Angeli neque corpora sint, neque habeant corpora naturaliter unita, ut ex dictis patet (art. præc. & art. I. quæst. I.) relinquatur quod interdum corpora assument.

Ad primum ergo dicendum, quod Angeli non indigent corpore assumpto propter se ipsos, sed propter nos, ut familiariter cum hominibus conversando, demonstrarent intelligibilem societatem, quam homines expectant cum eis habendam in futura vita. Hoc autem quod Angeli corpora assumpserunt in veteri testamento, fuit quoddam figurale indicium, quod

Ver-

Verbum Dei assumpturum esset corpus humanum. Omnes enim apparitiones veteris testamenti ad illam apparitionem ordinatae fuerunt quia Filius Dei apparuit in carne.

Ad secundum dicendum, quod corpus assumptum unitur Angelo non quidem ut formae, neque solum ut motori, sed sicut motori representato per corpus mobile assumptum. Sicut enim a sacra Scriptura proprietates rerum intelligibilibus sub similitudinibus rerum sensibilium describuntur; ita corpora sensibilia divina virtute sic formantur ab Angelis, ut congruant ad representandum Angeli intelligibiles proprietates. Et hoc est Angelum assumere corpus.

Ad tertium dicendum, quod licet aer in sua raritate manens non retineat figuram, neque colorem; quando tamen condensatur, & figurari, & colorari potest, sicut patet in nubibus: & sic Angeli assument corpora ex aere, condensando ipsum virtute divina, quantum necesse est ad corporis assumendi formationem.

ARTICULUS III. 268

Utrum Angeli in corporibus assumptis opera vitae exercent.

II. dist. VIII. art. 4. & pot. quæst. VI. art. 8. & quodlib. III. art. 5.

AD tertium sic proceditur. Videtur quod Angeli in corporibus assumptis opera vitae exercent. Angelos enim veritatis non deceat aliqua fictio. Erit autem fictio, si corpus ab eis assumptum, quod vivum videtur, & opera vitae habens, non haberet huiusmodi. Ergo Angeli in assumpto corpore opera vitae exercent.

2. Præterea. In operibus Angeli non sunt aliqua frustra. Frustra autem in corpore assumpto per Angelum formarentur oculi, & nares, & alia sensuum instrumenta, nisi per ea Angelus sentiret. Ergo Angelus sentit per corpus assumptum: quod est propriissimum opus vitae.

3. Præterea. Moveri motu processivo est unum de operibus vitae, ut patet in II. de Anima (tex. 13.) Manifeste autem Angeli apparent in assumptis corporibus moveri: dicitur enim Genes. XVIII. 16. quod Abraham simul gradiebatur deducens Angelos, qui ei apparuerant: & Angelus Tobiae querenti: (Tob. v. 7.) *Nossumus quia deducit in civitatem Aethiorum?*

respondit: *Novi, & omnia itinera eius frequenter ambulavi.* Ergo Angeli in corporibus assumptis frequenter exercent opera vitae.

4. Præterea. Locutio est opus viventis: sit enim per vocem, quæ est sonus ab ore animalis prolatus, ut dicitur in II. de Anima (tex. 90.) Manifestum est autem ex multis locis Scripturæ, Angelos in assumptis corporibus locutos fuisse. Ergo in corporibus assumptis exercent opera vitae.

5. Præterea. Conedere est proprium opus animalis: unde Dominus post resurrectionem in argumentum resurrexerat cum discipulis manducavit, ut habetur Luc. ult. Sed Angeli in assumptis corporibus apparentes comederunt, & Abraham eis cibos obtulit, quos tamen prius adoraverat, ut habetur Gen. XVIII. Ergo Angeli in assumptis corporibus exercent opera vitae.

6. Præterea. Generare hominem est actus vitae. Sed hoc competit Angelis in assumptis corporibus: dicitur enim Gen. vi. 4. *postquam ingressi sunt filii Dei ad filias hominum; illæque genuerunt, isti sunt patres a saeculo viri sanctorum.* Ergo Angeli exercent opera vitae in corporibus assumptis.

Sed contra. Corpora assumpta ab Angelis non vivunt, ut supra dictum est (art. præ. ad 2. præcip.) Ergo nec opera vitae per eos exerceri possunt.

Respondetur dicendum, quod quedam opera viventium habent aliquid commune cum aliis operibus; ut locutio, quæ est opus viventis, convenit cum aliis sonis inanimatorum, in quantum est sonus; & processio cum aliis motibus, in quantum est motus. Quantum ergo ad id quod est commune utrique operibus, possunt opera vitae fieri ab Angelis per corpora assumpta, non autem quantum ad id quod est proprium viventium: quia secundum Philosophum in Lib. de som. & vig. (cap. 1. ant. med.) cuius est potentia, eius est actio. Unde nihil potest habere opus vitae quod non habeat vitam, quæ est potentiale principium talis actionis.

Ad primum ergo dicendum, quod sicut non est contra veritatem quod in Scriptura intelligibilia sub figuris sensibilibus describuntur: quia hoc non dicitur ad adstruendum quod intelligibilia sint sensibilia, sed quod per figuras sensibilibus proprietates intelligibilibus secundum similitudinem quandam dantur intel-

telligi: ita non repugnat veritati sancto-
rum Angelorum quod per corpora ab eis
assumpta videntur homines viventes, licet
non sint. Non enim assumuntur, nisi
ut per proprietates hominis, & opera
hominis, spirituales proprietates Ange-
lorum, & eorum spiritualia opera desi-
gnentur. Quod non ita congrueret, si
veros homines assumerent: quia proprie-
tates eorum ducerent in ipsos homines,
non in Angelos.

Ad secundum dicendum, quod sentire
est totaliter opus vitæ. Unde nullo mo-
do est dicendum, quod Angeli per orga-
na assumpctorum corporum sentiant. Nec
tamen superflue sunt formata: non e-
nim ad hoc sunt formata ut per ea sen-
tiantur, sed ad hoc ut per huiusmodi or-
gana virtutes spirituales Angelorum desi-
gnentur; sicut per oculum designatur
virtus cognitiva Angeli, & per alia
membra alie eius virtutes, ut Diony-
sius docet ult. cap. cæl. Hier. (a mod.)

Ad tertium dicendum, quod motus
qui est a motore coniuncto, est prop-
rium opus vitæ. Sic autem non mo-
ventur corpora assumpta ab eis, quia
Angeli non sunt eorum formæ. Moventur
tamen Angeli per accidens, motis
huiusmodi corporibus, cum sint in eis sicut
motoris in mobilibus; & ita sunt hic,
quod non alibi: quod de Deo dici non potest.

Unde licet Deus non moveatur, motis his
in quibus est, quia ubique est; Angeli ta-
men moventur per accidens ad motum
corporum assumpctorum, non autem ad
motum corporum cælestium, etiam si sint
in eis sicut motores in mobilibus: quia
corpora cælestia non recedunt de loco
secundum totum; nec determinatur spi-
ritui moventi orbem locum secundum
aliquam determinatam partem substantiæ
orbis, quæ nunc est in oriente, nunc
in occidente, sed secundum determina-
tum situm: quia semper est in oriente
virtus movens, ut dicitur in VIII. Phys.
(tex. 84.)

Ad quartum dicendum, quod Angeli
proprie non loquuntur per corpora as-
sumpta; sed est aliquid simile locutioni,
inquantum formant sonos in aere similes
vocibus humanis.

Ad quintum dicendum, quod nec et-
iam comedere, proprie loquendo Ange-
lis convenit: quia comestio importat
assumptionem cibi convertibilis in sub-
stantiam comedentis. Et quamvis in cor-
pus Christi post resurrectionem cibis non
converteretur, sed resolveretur in præ-

iacentem materiam; tamen Christus ha-
bebat corpus talis naturæ, in quod pos-
set cibis converti: unde fuit vera com-
estio. Sed cibis assumptus ab Angelis
neque convertebatur in corpus assumptum,
neque corpus illud talis erat naturæ in
quod posset alimentum converti: unde
non fuit vera comestio, sed figurativa
spiritualis comestionis. Et hoc est quod
Angelus dixit Tobie xii. 19. *Cum essem
vobiscum, videbam quidem manducare, &
bibere; sed ego potui invisibili, & cibi non.*
Abraham autem obtulit eis cibos, exi-
stimans eos homines esse, in quibus ta-
men Deum venerabatur, sicut solet Deus
esse in Prophetis, ut Augustinus dicit
XVI. de civ. Dei (cap. xxxix. a mēd.)

Ad sextum dicendum, quod, sicut Au-
gustinus dicit XV. de civ. Dei (cap. xxxii.
parum a princ.) *multi se expertos, vel ab
expertis audisse confirmant, Syriacos, & Fae-
nos, quos vulgus incubos vocat, improbos se-
pe exivisse mulieribus, & earum expertis atque
pergisse concubitus. Unde hoc negare impuden-
tia videtur.* Sed Angeli Dei sancti nullo mo-
do sic labi aut diluvium potuerunt. Unde
per filios Dei intelliguntur filii Seth, qui
boni erant; filias autem hominum nomi-
nat Scriptura eas quæ natæ erant de
stirpe Cain. Neque mirandum est quod
de eis gigantes nasci potuerunt: neque
enim omnes gigantes fuerunt, sed mul-
to plures aut diluvium quam post. Si
tamen ex coitu dæmonum aliqui inter-
dum nascuntur, hoc non est per semen
ab eis decedens, aut a corporibus assump-
tis, sed per semen alicuius hominis ad
hoc acceptum, utpote quod idem dæ-
mon, qui est succubus ad virum, fiat
incubus ad mulierem; sicut & aliarum
rerum semina assumunt ad aliquarum re-
rum generationem, ut Augustinus dicit
III. de Trinit. (cap. viii. & x.) ut sic
ille qui nascitur, non sit filius dæmo-
nis, sed illius hominis cuius est semen
acceptum.

QUAESTIO LII.

*De comparatione Angelorum ad loca,
in tres articulos divisa.*

DEinde quæritur de loco Angeli: &
circa hoc quæruntur tria.

Primo, utrum Angelus sit in loco.

Secundo, utrum possit esse in pluribus
locis simul.

Tertio, utrum plures Angeli possint esse
in eodem loco.

A R-

ARTICULUS I. 269

Utrum Angelus sit in loco.

I. dist. XXXVII. quæst. 111. art. 1. & 2. & 11. dist. VI. art. 3. & po. quæst. 111. art. 19. 1^o quod. XI. quæst. 1.

AD primum sic proceditur. Videtur quod Angelus non sit in loco. Dicit enim Boetius in Lib. de hebdom. (circa princ.) *Communis animi conceptio apud sapientes est, incorporea in loco non esse: & Aristoteles in IV. Physic. dicit (tex. 48. & 57.) quod non omne quod est, est in loco, sed mobile corpus. Sed Angelus non est corpus, ut supra ostensum est (quæst. I. art. 1.) Ergo Angelus non est in loco.*

2. Præterea. Locus est quantitas positionem habens. (a) Omne ergo quod est in loco, habet aliquem situm. Sed habere situm non potest convenire Angelo, cum substantia sua sit immunitas a quantitate, cuius propria differentia est positionem habere. Ergo Angelus non est in loco.

3. Præterea. Esse in loco est mensurari loco, & contineri a loco, ut patet per Philosophum in IV. Physic. (tex. 48. & 119.) Sed Angelus non potest mensurari, neque contineri a loco: quia continens est formalis contento, sicut aer aqua, ut dicitur in IV. Physic. (tex. 35. & 49.) Ergo Angelus non est in loco.

Sed contra est quod in Collecta dicitur: *Angeli tui sancti habitant in ea, qui non in pace custodiant.*

Respondendo dicendum, quod Angelo convenit esse in loco; æquivoce tamen dicitur Angelus esse in loco, & corpus. Corpus enim est in loco per hoc quod applicatur loco secundum contactum dimensionis quantitatis: quæ quidem in Angelis non est, sed est in eis quantitas virtualis. Per applicationem igitur virtutis angelicæ ad aliquem locum qualitatumque dicitur Angelus esse in loco corporeo.

Et secundum hoc patet quod non oportet dicere, quod Angelus commensuretur loco, vel quod habeat situm in continuo: hoc enim convenit corpori locato, prout est quantum quantitate dimensionis. Similiter etiam non oportet propter hoc, quod contineatur a loco: nam substantia incorporea sua virtute continet

gens rem corpoream continet ipsam, & non continetur ab ea: anima enim est in corpore ut continens, & non ut contenta; & similiter Angelus dicitur esse in loco corporeo non ut contentum, sed ut continens aliquo modo. Et per hoc patet responso ad obiecta.

ARTICULUS II. 270

Utrum Angelus possit esse in pluribus locis simul.

I. dist. XXXVII. quæst. 111. art. 2. & quæst. IV. art. 1. corp. & IV. dist. XLIV. quæst. 11. art. 3. quæst. 2. ad 1. & pot. quæst. 111. art. 29. ad 1.

AD secundum sic proceditur. Videtur quod Angelus possit esse in pluribus locis simul. Angelus enim non est minoris virtutis quam anima. Sed anima est simul in pluribus locis, quia est tota in qualibet parte corporis, ut Augustinus dicit (Lib. VI. de Trinit. cap. vi. circa med.) Ergo Angelus potest esse in pluribus locis simul.

2. Præterea. Angelus est in corpore assumpto: & cum assumat corpus continuum, videtur quod sit in qualibet eius parte. Sed secundum partes eius considerantur diversa loca. Ergo Angelus est simul in pluribus locis.

3. Præterea. Damascenus dicit (Lib. II. orthod. Fid. cap. 111. & Lib. I. cap. xvii.) quod ubi Angelus operatur, ibi est. Sed aliquando operatur simul in pluribus locis, ut patet de Angelo subvertente Sodoma. Ergo Angelus potest esse in pluribus locis simul.

Sed contra est quod Damascenus (Lib. II. orth. Fid. cap. 111. circa med.) dicit, quod *Angeli, dum sunt in celo, non sunt in terra.*

Respondendo dicendum, quod Angelus est virtutis, & essentiae finitæ. Divina autem virtus, & essentia infinita est, & est universalis causa omnium: & ideo sua virtute omnia contingit, & non solum in pluribus locis est, sed ubique: virtus autem Angeli, quia finita est, non se extendit ad omnia, sed ad aliquid unum determinatum. Oportet enim quicquid comparatur ad unam virtutem, ut unum aliquid comparari ad ipsam. Sicut igitur universum ens comparatur ut unum aliquid ad universalem Dei virtutem; ita & aliquid particulare ens comparatur ut aliquid unum ad Angeli virtutem. Unde cum Angelus sit in loco per applicationem

(a) Ita edd. Alcan. & Camer. cum Nicolais. Edit. Rom. & Parav. Omne autem.

nem virtutis suæ ad locum, sequitur quod non sit ubique, nec in pluribus locis, sed in uno loco tantum.

Circa hoc tamen aliqui decepti sunt. Quidam enim imaginationem transcendere non valentes, cogitaverunt indivisibilitatem Angeli ad modum indivisibilitatis puncti: & ideo crediderunt quod Angelus non posset esse nisi in locopunctuali. Sed manifeste decepti sunt: nam punctum est indivisibile habens situm; sed Angelus est indivisibile, extra genus quantitatis, & situs existens. Unde non est necesse quod determinetur ei unus locus indivisibilis secundum situm, sed vel divisibilis, vel indivisibilis, vel maior, vel minor, secundum quod voluntarie applicat suam virtutem ad corpus minus, vel minus. Et sic totum corpus cui per suam virtutem applicatur, correspondet ei ut unus locus.

Nec tamen oportet, si aliquis Angelus movet caelum, quod sit ubique. Primo quidem quia non applicatur virtus eius nisi ad id quod primo ab ipso movetur. Una autem pars cæli est in qua primo est motus, scilicet pars orientis. Unde etiam Philosophus in VIII. Physic. (tex. 84.) virtutem motoris cælorum attribuit parti orientis. Secundum quia non ponitur a Philosophis, quod una substantia separata moveat omnes orbis immediate. Unde non oportet quod sit ubique.

Sic igitur patet quod diversimode esse in loco convenit corpori, & Angelo, & Deo. Nam corpus est in loco circumscriptive, quia commensuratur loco; Angelus autem non circumscriptive, cum non commensuratur loco, sed definitive, quia ita est in uno loco quod non in alio; Deus autem neque circumscriptive, neque definitive, quia est ubique.

Et per hoc patet de facili responsio ad obiecta, quia totum illud cui immediate applicatur virtus Angeli reputatur ut unus locus eius, (a) licet non sit continuus.

ARTICULUS III. 271

Utrum plures Angeli possint simul esse in eodem loco.

I. dist. XXXVII. quest. III. art. 1. & pot. quest. III. art. 7. ad III. & art. 19. ad 1.

AD tertium sic proceditur. Videtur quod plures Angeli possint simul esse in eodem loco. Plura enim corpora non possunt esse simul in eodem loco, quia

replent locum. Sed Angeli non replent locum, quia solum corpus replet locum, ut non sit vacuum, ut patet per Philosophum in IV. Physicor. (tex. 52. & 58.) Ergo plures Angeli possunt esse in uno loco.

2. Præterea. Plus differt Angelus, & corpus, quam duo Angeli. Sed Angelus, & corpus sunt simul in eodem loco: quia nullus locus est qui non sit plenus sensibili corpore, ut probatur in IV. Phys. (loc. nunc cit.) Ergo multo magis duo Angeli possunt esse in eodem loco.

3. Præterea. Anima est in qualibet parte corporis, secundum Augustinum (Lib. VI. de Trin. cap. vi. non procul a fin.) Sed dæmones, licet non illabantur mentibus, illabuntur tamen interdum corporibus: & sic anima, & dæmon sunt in eodem loco. Ergo eadem ratione quæcumque alie spirituales substantiæ.

Sed contra. Duæ animæ non sunt in eodem corpore. Ergo pari ratione neque duo Angeli in eodem loco.

Respondeo dicendum, quod duo Angeli non sunt simul in eodem loco.

Et ratio huius est, quia impossibile est quod duæ causæ completæ sint immediate unius & eiusdem rei. Quod patet in omni genere causarum: quia una est forma proxima unius rei, & unum est proximum movens, licet possint esse plures motores remoti. Nec habet instantiam de pluribus trahentibus navem: quia nullus eorum est perfectus motor, cum virtus uniuscuiusque sit insufficientis ad movendum; sed omnes simul sunt (b) loco unius motoris, inquantum omnes virtutes aggregantur ad unum motum faciendum. Unde cum Angelus dicatur esse in loco per hoc quod virtus eius immediate contingit locum per modum continentis perfecti, ut dictum est (art. 1. huius quest.) non potest esse nisi unus Angelus in uno loco.

Ad primum ergo dicendum, quod plures Angelos esse in uno loco, non impeditur propter impletionem loci, sed propter aliam causam, ut dictum est (in corp. art.)

Ad secundum dicendum, quod Angelus, & corpus non eodem modo sunt in loco. Unde ratio non sequitur.

Ad tertium dicendum, quod nec etiam dæmon, & anima comparantur ad corpus, secundum eandem habitudinem causæ, cum anima sit forma, non autem dæmon. Unde ratio non sequitur.

QUAE-

(a) Ita Nicolaus. Edit. Rom. & Patav. Ecce sit continuus. (b) Edit. Rom. & Patav. in loco.

QUAESTIO LIII.

*De motu locali Angelorum ,
in tres articulos divisa .*

Consequenter considerandum est de motu locali Angelorum : & circa hoc quaeruntur tria .

Primo , utrum Angelus possit moveri localiter .

Secundo , utrum moveatur de loco ad locum , pertranseundo medium .

Tertio , utrum motus Angeli sit in tempore , vel in instanti .

ARTICULUS I. 273

Utrum Angelus possit moveri localiter .

I. dist. xxxvii. quæst. iv. art. 1. & opusc. xv. cap. xviii. & Math. xxviii.

AD primum sic proceditur . Videtur quod Angelus non possit moveri localiter . Ut enim probat Philosophus in VI. Physic. (text. 32. & a text. 36. usque ad 91.) *nullum impartibile movetur* : quia dum aliquid est in termino a quo , non movetur , nec etiam dum est in termino ad quem , sed tunc mutatum est . Unde relinquitur quod omne quod movetur dum movetur , partim est in termino a quo , & partim in termino ad quem . Sed Angelus est impartibilis . Ergo Angelus non potest moveri localiter .

2. Præterea . Motus est actus imperfectus , ut dicitur in III. Physic. (text. 14.) Sed Angelus beatus non est imperfectus . Ergo Angelus beatus non movetur localiter .

3. Præterea . Motus non est nisi propter indigentiam . Sed sanctorum Angelorum nulla est indigentia . Ergo sancti Angeli localiter non moventur .

Sed contra . Eiusdem rationis est Angelum beatum moveri , & animam beatam moveri . Sed necesse est dicere , animam beatam localiter moveri , cum sit articulus fidei , quod Christus secundum animam descendit ad inferos . Ergo Angelus beatus movetur localiter .

Respondendo dicendum , quod Angelus beatus potest moveri localiter ; sed sicut esse in loco æquivoce convenit corpori , & Angelo , ita etiam & moveri secundum locum .

Corpus enim est in loco , inquantum continetur sub loco , & commensuratur loco : unde oportet quod etiam motus

corporis secundum locum commensuretur loco , & sit secundum exigentiam eius . Et inde est quod secundum continuitatem magnitudinis est continuus motus ; & secundum prius , & posterius in magnitudine est prius , & posterius in motu locali corporis , ut dicitur in IV. Physic. (text. 99.) Sed Angelus non est in loco ut commensuratus , & contentus , sed magis ut continens . Unde motus Angeli in loco non oportet quod commensuretur loco , nec quod sit secundum exigentiam eius , ut scilicet habeat continuitatem ex loco , sed potest esse motus eius continuus , & non continuus .

Quia enim Angelus non est in loco nisi secundum contactum virtutis , ut dictum est (quæst. præced. art. 1.) necesse est quod motus Angeli in loco nihil aliud sit quam diversis contactus diversorum locorum successive , & non simul : quia Angelus non potest simul esse in pluribus locis , ut supra dictum est (quæst. præced. art. 2.)

Huiusmodi autem contactus non est necessarius esse continuus . Potest tamen in huiusmodi contactibus continuas quædam inveniri : quia , ut dictum est (loco nunc cit.) nihil prohibet Angelo assignari locum divisibilem per contactum suæ virtutis , sicut corpori assignatur locus divisibilis per contactum suæ magnitudinis . Unde sicut corpus successive , & non simul dimittit locum in quo prius erat , & ex hoc causatur continuas in motu locali eius ; ita etiam Angelus potest dimittere successive locum divisibilem in quo prius erat ; & sic motus eius erit continuus . Et potest etiam totum locum simul dimittere , & toti alteri loco simul se applicare ; & sic motus eius non erit continuus .

Ad primum ergo dicendum , quod illa ratio dupliciter deficit in proposito . Primo quidem quia demonstratio Aristotelis procedit de indivisibili secundum quantitatem , cui respondet locus de necessitate indivisibilis : quod non potest dici de Angelo . Secundo quia demonstratio Aristotelis procedit de motu continuo . Si enim motus non esset continuus , posset dici , quod aliquid movetur dum est in termino a quo , & dum est in termino ad quem : quia ipsa successio diversorum ubi circa eandem rem motus diceretur : unde in quolibet illorum ubi esset res illa , posset dici moveri . Sed continuas motus hoc impedit , quia nullum continuum est in termino suo , ut patet , quia linea non

non est in puncto: & ideo oportet quod illud quod movetur, totaliter non sit in altero terminorum, dum movetur, sed partim in uno, & partim in altero. Secundum ergo quod motus Angeli non est continuus, demonstratio Aristotelis non procedit in proposito; sed secundum quod motus Angeli ponitur continuus, sic concedi potest, quod Angelus, dum movetur, partim est in termino a quo, & partim in termino ad quem; ut tamen partialitas non referatur ad substantiam Angeli, sed ad locum: quia in principio sui motus continui Angelus est in toto loco divisibili, a quo incipit moveri; sed dum est in ipso moveri, est in parte primi loci quem deserit, & in parte secundi loci quem occupat. Et hoc quidem quod possit occupare partem duorum locorum, competit Angelo ex hoc quod potest occupare locum divisibilem per applicationem suae virtutis, sicut corpus per applicationem magnitudinis. Unde sequitur de corpore mobili secundum locum quod sit divisibile secundum magnitudinem; de Angelo autem, quod virtus eius possit applicari alicui divisibili.

Ad secundum dicendum, quod motus existentis in potentia est actus imperfectus. Sed motus qui est secundum applicationem virtutis, est existentis in actu: quia virtus rei est, secundum quod actu est.

Ad tertium dicendum, quod motus existentis in potentia est propter indigentiam suam; sed motus existentis in actu non est propter indigentiam suam, sed propter indigentiam alterius. Et hoc modo Angelus propter indigentiam nostram localiter movetur, secundum illud Hebr. 1. 14. *Omnes sunt administratores spiritus, in ministerium missi propter eos qui hereditatem capiunt salutis.*

ARTICULUS II. 273

Utrum Angelus transeat per medium.

- I. dist. XXXVII. quæst. IV. art. 2. & quod.
I. quæst. 111. art. 2. & vir. quæst. IV.
art. 13. ad 14.

AD secundum sic proceditur. Videtur quod Angelus non transeat per medium. Omne enim quod pertranseat medium, prius pertranseat locum sibi æqualem quam maiorem. Locus autem æqualis Angelo, qui est indivisibilis, est locus punctualis. Si ergo Angelus in suo motu pertranseat medium, oportet quod nunc

ret puncta infinita suo motu: quod est impossibile.

2. Præterea. Angelus est simplicioris substantiæ quam anima nostra. Sed anima nostra sua cogitatione potest transire de uno extremo in aliud, non pertranseundo medium: possum enim cogitare Galliam, & postea Syriam, nihil cogitando de Italia, quæ est in medio. Ergo multo magis Angelus potest de uno extremo transire ad aliud non per medium.

3. Sed contra. Si Angelus movetur de uno loco ad alium, quando est in termino ad quem, non movetur, sed mutatur est. Sed ante omne mutatum esse præcedit mutari. Ergo alicubi existens movebatur. Sed non movebatur dum erat in termino a quo. Movebatur ergo dum erat in medio: & ita oportet quod pertranseat medium.

Respondeo dicendum, quod, sicut supra dictum est (art. præc.) motus localis Angeli potest esse continuus, & non continuus.

Si ergo sit continuus, non potest Angelus moveri de uno extremo in alterum, quin transeat per medium: quia, ut dicitur in VI. Physicor. (innuitur text. 77. sed expresse habetur V. Physic. text. 22. & XI. Metaph. cap. ult.) *medium est in quod prius venit quod continetur mutatur, quam in quod mutatur ultimum.* Ordo enim prioris, & posterioris in motu continuo est secundum ordinem prioris, & posterioris in magnitudine, ut dicitur in IV. Physic. (text. 99.)

Si autem motus Angeli non sit continuus, possibile est quod pertranseat de aliquo extremo in aliud, non pertransito medio. Quod sic patet. Inter quælibet enim duo extrema loca sunt infinita loca media; si accipiantur loca divisibilia, siue indivisibilia. Et de indivisibilibus manifestum est: quia inter quælibet duo puncta sunt infinita puncta media, cum nulla duo puncta consequantur se invicem sine medio, ut in VI. Physic. (a princ. Lib. per decem text.) probatur. De locis autem divisibilibus necesse est hoc dicere. Et hoc demonstratur ex motu continuo alicuius corporis. Corpus enim non movetur de loco ad locum nisi in tempore. In toto autem tempore mensurante motum corporis non est accipere duo *nunc*, in quibus corpus quod movetur, non sit in alio, & alio loco: quia si in uno & eodem loco esset in duobus *nunc*, sequeretur quod ibi quiesceret, cum nihil aliud sit quiescere quam

in loco eodem esse nunc, & prius. Cum igitur inter primum *nunc*, & ultimum temporis mensurantis motum sint infinita *nunc*, oportet quod inter primum locum a quo incipit moveri, & ultimum locum ad quem terminatur motus, sint infinita loca. Et hoc sic etiam sensibilibiter apparet. Sit enim unum corpus unius palmi, & sit via per quam transit, duorum palmorum: manifestum est quod locus primus a quo incipit motus, est unius palmi, & locus ad quem terminatur motus, est alterius palmi. Manifestum est autem quod quando incipit moveri, paulatim deserit primum palmum, & subintrat secundum. Secundum ergo quod dividitur magnitudo palmi, secundum hoc multiplicentur loca media: quia quodlibet punctum signatum in magnitudine primi palmi est principium unius loci, & punctum signatum in magnitudine alterius palmi est terminus eiusdem. Unde cum magnitudo sit divisibilis in infinitum, & puncta sint etiam infinita in potentia in qualibet magnitudine, sequitur quod inter quaelibet duo loca sint infinita loca media. Mobile autem infinitatem mediorum locorum non consumit, nisi per continuitatem motus: quia sicut loca media sunt infinita in potentia, ita & in motu continuo est accipere infinita quaedam in potentia. Si ergo motus non sit continuus, omnes partes motus erunt numeratae in actu. Si ergo mobile quodcumque moveatur motu non continuo, sequitur quod vel non transeat omnia media, vel quod actu numeret media infinita; quod est impossibile. Sic igitur secundum quod motus Angelus non est continuus, non pertransit omnia media.

Hoc autem, scilicet moveri de extremo in extremum, & non per medium, potest convenire Angelo, sed non corpori: quia corpus mensuratur, & continetur sub loco, unde oportet quod sequatur leges loci in suo motu; sed substantia Angelus non est subdita loco ut contenta, sed est superior eo ut continens: unde in potestate eius est applicare se loco, prout vult, vel per medium, vel sine medio.

Ad primum ergo dicendum, quod locus Angelus non accipitur ei aequalis secundum magnitudinem, sed secundum contactum virtutis; & sic locus Angelus potest esse divisibilis, & non semper punctualis: sed tamen loca media etiam divisibilia sunt infinita, ut dictum est (in corp. art.) sed consumuntur per conti-

nuitatem motus, ut patet ex praedictis (ibidem.)

Ad secundum dicendum, quod dum Angelus movetur localiter, applicatur eius essentia diversis locis; animae autem essentia non applicatur rebus quas cogitat, sed potius res cogitatae sunt in ipsa: & ideo non est simile.

Ad tertium dicendum, quod in motu continuo mutatum esse non est pars moveri, sed terminus: unde oportet quod moveri sit ante mutatum esse; & ideo oportet quod talis motus sit per medium. Sed in motu non continuo mutatum esse est pars, sicut unitas est pars numeri: unde successio diversorum locorum etiam sine medio constituit talem motum.

ARTICULUS III. 274

Utrum motus Angelus sit in instanti.

I. dist. XXXIII. quest. IV. art. 3. & IV. dist. XLV. quest. II. art. 3. quest. 3. & IV. quest. IX. quest. IV. art. 4. & quod. XI. art. 4.

AD tertium sic proceditur. Videtur quod motus Angelus sit in instanti. Quanto enim virtus motoris fuerit fortior, & mobile minus resistens motori, tanto motus est velocior. Sed virtus Angelus moventis se ipsum improporcionabiliter excedit virtutem moventem aliquod corpus: proportio autem velocitatum est secundum minorationem temporis: omne autem tempus omni tempori proportionabile est. Si igitur aliquod corpus movetur in tempore, Angelus movetur in instanti.

2. Praeterea. Motus Angelus simpliciter est quam aliqua mutatio corporalis. Sed aliqua mutatio corporalis est in instanti, ut illuminatio: tum quia non illuminatur aliquid successive, sicut calefit successive: tum quia radius non prius pertingit ad propinquum quam ad remotum. Ergo multo magis motus Angelus est in instanti.

3. Praeterea. Si Angelus movetur in tempore de loco ad locum, manifestum est quod in ultimo instanti illius temporis est in termino ad quem; in toto autem tempore praecedenti aut est in loco immediate praecedenti, qui accipitur ut terminus a quo, aut partim in uno, & partim in alio. Si autem partim in uno, & partim in alio, sequitur quod sit partibilis, quod est impossibile. Ergo in toto tempore praecedenti est in termino a quo

quo: ergo quiescit ibi, cum quiescere sit in eodem esse nunc, & prius, ut dictum est (art. præc.) & sic sequitur quod non moveatur nisi in ultimo instanti temporis.

Sed contra. In omni mutatione est prius, & posterius. Sed prius, & posterius motus numeratur secundum tempus. Ergo omnis motus est in tempore, etiam motus Angeli, cum in eo sit prius, & posterius.

Respondendo dicendum, quod quidam dixerunt, motum localem Angeli esse in instanti. Dicebant enim, quod cum Angelus moveatur de uno loco ad alium, in toto tempore præcedenti Angelus est in termino a quo, in ultimo autem instanti illius temporis est in termino ad quem. Nec oportet esse aliquid mediū inter duos terminos, sicut non est aliquid medium inter tempus, & terminum temporis. Inter duo autem nunc temporis est tempus medium. Unde dicunt, quod non est dare ultimum nunc, in quo fuit in termino a quo; sicut in illuminatione, & in generatione substantiali ignis non est dare ultimum instans, in quo aer fuit tenebrosus, vel in quo materia fuit sub privatione formæ ignis; sed est dare ultimum tempus, ita quod in termino illius temporis est vel lumen in aere, vel forma ignis in materia: & sic illuminatio, & generatio substantialis dicuntur motus instantanei.

Sed hoc non habet locum in proposito: quod sic ostenditur. De ratione enim quietis est quod quiescens non aliter se habeat nunc, & prius: & ideo in quolibet nunc temporis mensurantis quietem quiescens est in eodem ubi in primo, & in medio, & in ultimo. Sed de ratione motus est quod id quod movetur, aliter se habeat nunc, & prius. Et ideo in quolibet nunc temporis mensurantis motum mobile se habet in alia & alia dispositione. Unde oportet quod in ultimo nunc habeat formam, quam prius non habebat. Et sic patet quod quiescere in toto tempore in aliquo, puta in albedine, est esse in illo quolibet instanti illius temporis. Unde non est possibile ut aliquid in toto tempore præcedente quiescat in uno termino, & postea in ultimo instanti illius temporis sit in alio termino; sed hoc est possibile in motu, quia moveri in toto aliquo tempore non est esse in eadem dispositione in quolibet instanti illius temporis. Igitur omnes huiusmodi mutationes instantaneæ sunt termini mor-

tus continui; sicut generatio est terminus alterationis materiae, & illuminatio terminus motus localis corporis illuminantis. Motus autem localis Angeli non est terminus alicuius alterius motus continui, sed est per seipsum, a nullo alio motu dependens. Unde impossibile est dicere, quod in toto tempore sit in aliquo loco, & in ultimo nunc sit in alio loco.

Sed oportet assignare nunc in quo ultimo fuit in loco præcedenti. Ubi autem sunt multa nunc sibi succedentia, ibi de necessitate est tempus, cum tempus nihil aliud sit quam numeratio prioris, & posterioris in motu. Unde relinquatur quod motus Angeli sit in tempore.

In continuo quidem tempore, si sit motus eius continuus; in non continuo autem, si motus sit non continuus. Utroque enim modo contingit esse motum Angeli, ut dictum est (art. i. huius quæst.) Continuitas enim temporis est ex continuitate motus, ut dicitur in IV. Phys. (tex. 99.)

Sed illud tempus, five sit tempus continuum, five non, non est idem cum tempore quod mensurat motum cæli, & quo mensurantur omnia corporalia, quæ habent mutabilitatem ex motu cæli: motus enim Angeli non dependet ex motu cæli.

Ad primum ergo dicendum, quod si tempus motus Angeli non sit continuum, sed successio quædam ipsorum nunc; non habebit proportionem ad tempus, quod mensurat motum corporaliū, quod est continuum, cum non sit eiusdem rationis. Si vero sit continuum, est quidem proportionabile, non propter proportionem moventis, & mobilis, sed propter proportionem magnitudinum, in quibus est motus. Et propterea velocitatem motus Angeli non est secundum quantitatem suæ virtutis, secundum determinationem suæ voluntatis.

Ad secundum dicendum, quod illuminatio est terminus motus, & est alteratio, non motus localis, ut intelligatur lumen moveri prius ad propinquum quam ad remotum. Motus autem Angeli est localis, & non est terminus motus. Unde non est simile.

Ad tertium dicendum, quod obiectio illa procedit de tempore continuo. Tempus autem motus Angeli potest esse non continuum: & sic Angelus in uno instanti potest esse in uno loco, & in alio instanti in alio loco, nullo tempore inter-

intermedio existente. Si autem tempus motus Angelus sit continuum, Angelus in toto tempore precedenti ultimum nunc variatur per infinita loca, ut prius expositum est (art. præc.). Est tamen partim in uno locorum continuorum, & partim in alio: non quod substantia illius sit partibilis, sed quia virtus sua applicatur ad partem primi loci, & ad partem secundi, ut etiam supra dictum est (art. 1. huius quæst.).

QUAESTIO LIV.

*De cognitione Angelorum,
in quinque articulos divisa.*

Consideratis his quæ ad substantiam Angelī pertinet, procedendum est ad cognitionem ipsius. Hæc autem consideratio erit quadripartita. Nam primo considerandum est de his quæ pertinent ad virtutem cognoscitivam Angelī. Secundo de his quæ pertinent ad medium cognoscendi ipsius. Tercio de his quæ ab eo cognoscuntur. Quarto de modo cognitionis angelicæ.

Circa primum quærentur quinque.

Primo, utrum intelligere Angelī sit sua substantia.

Secundo, utrum eius esse sit suum intelligere.

Tercio, utrum eius substantia sit sua virtus intellectiva.

Quarto, utrum in Angelis sit intellectus agens, & possibilis.

Quinto, utrum in eis sit aliqua alia potentia cognoscitiva quam intellectus.

ARTICULUS I. 275

Utrum intelligere Angelī sit eius substantia.

1. dist. 11. quæst. 1. art. 1. cor. 1. 7. & 11. cor. 11. 1. quod. 11. art. 3. 7. 4. 7. opus. xxx. lect. 7. & 9.

AD primum sic proceditur. Videtur quod intelligere Angelī sit eius substantia. Angelus enim est sublimior, & simplicior quam intellectus agens animæ. Sed substantia intellectus agentis est sua actio, ut patet III. de Anima per Aristotelem, & eius Commentatorem (tex. 19.) Ergo multo fortius substantia Angelī est sua actio, quæ est intelligere.

2. Præterea. Philosophus dicit in XII. Metaph. (tex. 39.) quod *actio intellectus est vita*. Sed cum vivere sit esse viventibus, ut dicitur in II. de Anima (tex.

37.) videtur quod vita sit essentia. Ergo actio intellectus est essentia intelligentis Angelī.

3. Præterea. Si extrema sunt unum, medium non differt ab eis, quia extremum magis distat ab extremo quam medium. Sed in Angelo idem est intellectus, & intellectum ad minus inquantum intelligit essentiam suam. Ergo intelligere, quod cadit medium inter intellectum, & rem intellectam, est idem cum substantia Angelī intelligentis.

Sed contra. Pius differt actio rei a substantia eius quam ipsum esse eius. Sed nullius creati suum esse est sua substantia: hoc enim solius Dei proprium est, ut ex superioribus patet (quæst. 11. art. 4. & quæst. xiv. art. 1.) Ergo neque Angelī, neque alterius creaturæ sua actio est eius substantia.

Respondeo dicendum, quod impossibile est quod actio Angelī, vel cuiuscunque alterius creaturæ sit eius substantia. Actio enim est proprie actualitas virtutis, sicut esse est actualitas substantiæ, vel essentiae. Impossibile est autem quod aliquid quod non est purus actus, sed aliquid habeat de potentia admixtum, sit sua actualitas, quia actualitas potentialitati repugnat. Solus autem Deus est actus purus. Unde in solo Deo sua substantia est suum esse, & suum agere.

Præterea. Si intelligere Angelī esset sua substantia, oporteret quod intelligere Angelī esset subsistens. Intelligere autem subsistens non potest esse nisi unum, sicut nec aliquid abstractum subsistens. Unde unius Angelī substantia non distingueretur neque a substantia Dei, quæ est ipsum intelligere subsistens, neque a substantia alterius Angelī.

Si etiam Angelus ipse esset suum intelligere, non possent esse gradus in intelligendo perfectius, & minus perfecte, cum hoc contingat propter diversam participationem ipsius intelligere.

Ad primum ergo dicendum, quod cum dicitur, quod intellectus agens est sua actio, est prædicatio non per essentiam, sed per concomitantiam: quia cum sit in actu eius substantia, statim, quantum est in se, concomitatur ipsam actio: quod non est de intellectu possibili, qui non habet actiones, nisi postquam fuerit factus in actu.

Ad secundum dicendum, quod vita non hoc modo se habet ad vivere, sicut essentia ad esse, sed sicut curius ad currere, quorum unum significat actum

Z.

in.

in abstracto, aliud in concreto. Unde non sequitur, si vivere sit esse, quod vita sit essentia; quamvis etiam quandoque vita pro essentia ponatur, secundum quod Augustinus dicit in Lib. X. de Trinit. (cap. xi. ante med. & Lib. IX. cap. iv.) quod *memoria, & intelligentia, & voluntas sunt una essentia, una vita*. Sed sic non accipitur a Philosopho, cum dicit, quod actio intellectus est vita.

Ad tertium dicendum, quod actio quæ transit in aliquid extrinsecum, est realiter media inter agens, & subiectum recipiens actionem; sed actio quæ manet in agente, non est realiter mediana inter agens, & obiectum, sed secundum modum significandi tantum. Realiter vero consequitur unionem obiecti cum agente: ex hoc enim quod intellectus sit unum cum intelligente, consequitur intelligere, quasi quidam effectus differens ab utroque.

ARTICULUS II. 276

Utrum intelligere Angeli sit eius esse.

III. cont. cap. xi. & p^o. quæst. x.
art. 1. ad 5.

AD secundum sic proceditur. Videtur quod intelligere Angeli sit eius esse. Vivere enim viventibus est esse, ut dicitur in II. de Anima (tex. 37.) Sed intelligere est quoddam vivere, ut in eodem dicitur (tex. 13.) Ergo intelligere Angeli est eius esse.

2. Præterea. Sicut se habet causa ad causam, ita effectus ad effectum. Sed forma per quam Angelus est, est eadem cum forma per quam intelligit ad minus se ipsum. Ergo eius intelligere est idem cum suo esse.

Sed contra. Intelligere Angeli est motus eius, ut patet per Dionysium iv. cap. de div. Nom. (part. 1. ante med.) Sed esse non est motus. Ergo esse Angeli non est intelligere eius.

Respondendo dicendum, quod actio Angeli non est eius esse, neque actio aliquis creaturæ.

Duplex enim est actionis genus, ut dicitur IX. Metaph. (tex. 16.) una scilicet quæ transit in aliquid exterius, inferens ei passionem, sicut urere, & secare; alia vero actio est quæ non transit in rem exteriorem, sed magis manet in ipso agente, sicut sentire, intelligere, & velle: per huiusmodi enim actionem

non immutatur aliquid extrinsecum, sed totum in ipso agente agitur.

De prima ergo actione manifestum est quod non potest esse ipsum esse agentis: nam esse agentis significatur intra ipsum; actio autem talis est effluxus in passum ab agente.

Secunda autem actio de sui ratione habet infinitatem vel simpliciter, vel secundum quid. Simpliciter quidem, sicut intelligere, cuius obiectum est verum, & velle, cuius obiectum est bonum: quorum utrumque convertitur cum ente; & ita intelligere, & velle, quantum est de se, habent se ad omnia, & utrumque recipit speciem ab obiecto. Secundum quid autem infinitum est sentire, quod se habet ad omnia sensibilia, sicut visus ad omnia visibilia. Esse autem cuiuslibet creaturæ est determinatum ad unum secundum genus, & speciem. Esse autem solius Dei est simpliciter infinitum, in se omnia comprehendens, ut dicit Dionysius iv. cap. de div. Nom. (part. 1. parum ante med.) Unde solum esse divinum est suum intelligere, & suum velle.

Ad primum ergo dicendum, quod vivere quandoque sumitur pro ipso esse viventis, quandoque vero pro operatione vitæ, idest per quam demonstratur aliquid esse vivens. Et hoc modo Philosophus dicit, quod intelligere est vivere quoddam: ibi enim distinguit diversos gradus viventium secundum diversa opera vitæ.

Ad secundum dicendum, quod ipsa essentia Angeli est ratio totius sui esse, non autem est ratio totius sui intelligere, quia non omnia intelligere potest per suam essentiam: & ideo secundum propriam rationem, in quantum est talis essentia, comparatur ad ipsum esse Angeli; sed ad eius intelligere comparatur secundum rationem universalioris obiecti, scilicet veri, vel entis. Et sic patet quod licet sit eadem forma, non tamen secundum eandem rationem est principium essendi, & intelligendi. Et propter hoc non sequitur quod in Angelo sit idem esse, & intelligere.

ARTICULUS III. 277

Utrum potentia intellectiva Angelus sit eius essentia.

Inf. quæst. lxxxvii. art. 1. cor. & quæst. lxxxix. art. 1. cor.

AD tertium sic proceditur. Videtur quod virtus, vel potentia intellectiva in Angelo non sit aliud quam sua essentia. Mens enim, & intellectus nominant potentiam intellectivam. Sed Dionysius in pluribus locis suorum librorum (cap. 11. vi. xii. cælest. Hierarch. & cap. vii. & ix. de div. Nom.) nominat ipsos Angelos intellectus, & mentes. Ergo Angelus est sua potentia intellectiva.

2. Præterea. Si potentia intellectiva in Angelo est aliquid præter eius essentiam, oportet quod sit accidens: hoc enim dicimus esse accidens alicuius, quod est præter eius essentiam. Sed forma simplex subsistens esse non potest, ut Boetius dicit in Lib. de Trin. (ante med.) Ergo Angelus non esset forma simplex: quod est contra præmissa (quæst. 1. art. 1. & 2.)

3. Præterea. Augustinus dicit XII Confess. (cap. vii. in fin.) quod *Deus fecit angelicam naturam prope se, materiam autem primam prope nihil*. Ex quo videtur quod Angelus sit simplicior quam materia prima, utpote Deo propinquior. Sed materia prima est sua potentia. Ergo multo magis Angelus est sua potentia intellectiva.

Sed contra est quod Dionysius dicit 11. cap. angelicæ Hier. (post princ.) quod *Angeli dividuntur in substantiam, virtutem, & operationem*. Ergo aliud est in eis substantia, & aliud virtus, & aliud operatio.

Respondeo dicendum, quod nec in Angelo, neque in aliqua creatura virtus, vel potentia operativa est idem quod sua essentia: quod sic patet.

Cum enim potentia dicatur ad actum, oportet quod secundum diversitatem actuum sit diversitas potentialium: propter quod dicitur, quod proprius actus respondet propriæ potentie. In omni autem creato essentia differt a suo esse, & comparatur ad ipsum sicut potentia ad actum, ut ex supra dictis patet (art. 1. & 2. præc. & quæst. 111. art. 4.) Actus autem ad quem comparatur potentia operativa, est operatio. In Angelo autem non est

idem intelligere, & esse; nec aliqua alia operatio aut in ipso, aut in quocumque alio creato est idem quod eius esse. Unde essentia Angelus non est eius potentia intellectiva; nec alicuius creati essentia est eius operativa potentia.

Ad primum ergo dicendum, quod Angelus dicitur intellectus, & mens, quia tota eius cognitio est intellectualis. Cognitio autem animæ partim est intellectualis, & partim sensitiva.

Ad secundum dicendum, quod forma simplex quæ est actus purus, nullius accidentis potest esse subiectum, quia subiectum comparatur ad accidens ut potentia ad actum; & huiusmodi est solus Deus: & de tali forma loquitur ibi Boetius. Forma autem simplex quæ non est suum esse, sed comparatur ad ipsum ut potentia ad actum, potest esse subiectum accidentis, & præcipue eius quod consequitur speciem. Huiusmodi autem accidens pertinet ad formam. Accidens vero quod est individui, non consequens totam speciem, consequitur materiam, quæ est individuationis principium: & talis forma simplex est Angelus.

Ad tertium dicendum, quod potentia materię est ad ipsum esse substantiale, & non potentia operativa, sed ad esse accidentale. Unde non est simile.

ARTICULUS IV. 278

Utrum in Angelo sit intellectus agens, & possibilis.

I. cont. cap. xcvi. ratione 6.

AD quartum sic proceditur. Videtur quod in Angelo sit intellectus agens, & possibilis. Dicit enim Philosophus in III. de Anima (text. 17.) quod sicut in omni natura est aliquid quod est omnia fieri, & aliquid quod est omnia facere; ita etiam in anima. Sed Angelus est natura quædam. Ergo in eo est intellectus agens, & possibilis.

2. Præterea. Recipere est proprium intellectus possibilis; illuminare autem est proprium intellectus agentis, ut patet in III. de Anima (text. 3. & 18.) Sed Angelus recipit illuminationem a superiori, & illuminat inferiorem. Ergo in eo est intellectus agens, & possibilis.

Sed contra est quod in nobis intellectus agens, & possibilis est per comparisonem ad phantasmata: quæ quidem comparantur ad intellectum possibilem ut colores ad visum; ad intellectum autem

Z 2 agens

agentem ut colores ad lumen, ut patet ex III. de Anima (eod. text. 18.) Sed hoc non est in Angelo. Ergo in Angelo non est intellectus agens, & possibilis.

Respondeo dicendum, quod necessitas ponendi intellectum possibilem in nobis fuit propter hoc quod nos invenimur quandoque intelligentes in potentia, & non in actu. Unde oportet esse quamdam virtutem quæ sit in potentia ad intelligibilia ante ipsum intelligere; sed requiritur in actum eorum, cum sit scias, & ulterius, cum sit considerans. Et hæc virtus vocatur intellectus possibilis. Necessitas autem ponendi intellectum agentem fuit, quia naturæ rerum materialium, quas nos intelligimus, non subsunt extra animam immateriales, & intelligibiles in actu, sed sunt solum intelligibiles in potentia extra animam existentes. Et ideo oportuit esse aliquam virtutem quæ faceret illas naturas intelligibiles actu: & hæc virtus dicitur intellectus agens in nobis.

Utraque autem necessitas deest in Angelis: quia neque sunt quandoque intelligentes in potentia tantum respectu eorum quæ naturaliter intelligunt; neque intelligibilia eorum sunt intelligibilia in potentia, sed in actu. Intelligunt enim primo, & principaliter res immateriales, ut infra patebit (quæst. seq. art. 1.) & ideo non potest in eis esse intellectus agens, & possibilis, nisi æquivoce.

Ad primum ergo dicendum, quod Philosophus intelligit, illa duo esse in omni natura in qua contingit esse generari vel fieri, ut ipsa verba demonstrant. In Angelis autem non generatur scientia sed naturaliter adest. Unde non oportet ponere in eis agens, & possibile.

Ad secundum dicendum, quod intellectus agens est illuminare, non quidem alium intelligentem, sed intelligibilia in potentia, in quantum per abstractionem facit ea intelligibilia actu. Ad intellectum autem possibilem pertinet esse in potentia respectu naturalium cognoscibilium, & quandoque fieri actu. Unde quod Angelus illuminat Angelum, non pertinet ad rationem intellectus agentis; neque ad rationem intellectus possibilis pertinet quod illuminatur de supernaturalibus mysteriis, ad quæ cognoscenda quandoque est in potentia. Si quis autem velit hæc vocare intellectum agentem, & possibilem, æquivoce dicit: nec de nominibus est curandum.

ARTICULUS V. 279

Utrum in Angelis sit sola intellectiva cognitio.

Inf. quæst. lxxix. art. 1. ad 3. & mal. quæst. xvi. art. 1. ad 14.

AD quantum sic proceditur. Videtur quod in Angelis non sit sola intellectiva cognitio. Dicit enim Augustinus VIII. de civit. Dei (cap. vi. a princ.) quod in Angelis est *vis, quæ intelligit, & sentit*. Ergo in eis est potentia sensitiva.

2. Præterea. Ilidorus dicit (Lib. I. de summo bono cap. xxi. a med.) quod Angeli multa noverunt per experientiam. Experientia autem fit ex multis memoriis, ut dicitur in I. Metaph. (cap. 1.) Ergo in eis est etiam memorativa potentia.

3. Præterea. Dionysius dicit iv. cap. de div. Nomini. (part. iv. parum a med. lect. 19.) quod in dæmonibus est phantasia proterva. Phantasia autem ad vim imaginativam pertinet. Ergo in dæmonibus est vis imaginativa; & eadem ratione in Angelis, quia sunt eiusdem naturæ.

Sed contra est quod Gregorius dicit in homilia de Ascensione (quæ est xxxix. in Evang. non longe a princ.) quod *bono sensu cum pecoribus, & intelligit cum Angelis*.

Respondeo dicendum, quod in anima nostra sunt quædam vires quarum operationes per organa corporea exercentur; & huiusmodi vires sunt actus quarundam partium corporis, sicut est visus in oculo, & auditus in aure. Quædam vero vires animæ nostræ sunt quarum operationes per organa corporea non exercentur, ut intellectus, & voluntas; & huiusmodi non sunt actus aliquarum partium corporis. Angeli autem non habent corpora sibi naturaliter unita, ut ex supra dictis patet (quæst. li. art. 1.) Unde de viribus animæ non possunt eis competere nisi intellectus, & voluntas. Et hoc etiam Commentator dicit XII. Metaphyl. quod *substantia separata dividuntur in intellectum, & voluntatem*. Et hoc convenit ordini universi, ut suprema creatura intellectualis sit totaliter intellectiva, & non secundum partem, ut anima nostra. Et propter hoc etiam Angeli vocantur intellectus, & mentes, ut supra dictum est (art. 3. huius quæst. ad 1.)

Ad ea vero quæ in contrarium obijciuntur, potest dupliciter responderi. Uno modo, quod auctoritates illæ loquantur

ARTICULUS I. 280

Utrum Angeli cognoscant omnia per suam substantiam.

II. dist. xxi. art. 3. ad 5. & III. dist. xiv art. 1. quæst. 2. corp. & ad 1.

AD primum sic proceditur. Videtur quod Angeli cognoscant omnia per suam substantiam. Dicit enim Dionysius vii. cap. de div. Nom. (a mod. lect. 3.) quod Angeli sciunt ea quæ sunt in terra, secundum propriam naturam mentis. Sed natura Angeli est eius essentia. Ergo Angelus per suam essentiam res cognoscit.

2. Præterea. Secundum Philosophum in XII. Metaph. (text. 51.) & in III. de Anima (text. 15.) in his quæ sunt sine materia, idem est intellectus, & quod intelligitur. Id autem quod intelligitur, est idem intelligenti, ratione eius quo intelligitur. Ergo in his quæ sunt sine materia, sicut sunt Angeli, id quo intelligitur, est ipsa substantia intelligentis.

3. Præterea. Omne quod est in altero, est in eo per modum eius in quo est. Sed Angelus habet naturam intellectualem. Ergo quicquid est in ipso, est in eo per modum intelligibilem. Sed omnia sunt in eo: quia inferiora in entibus sunt in superioribus essentialiter, superiora vero sunt in inferioribus participative: & ideo dicit Dionysius iv. cap. de div. Nom. (par. 1. parum ante med. lect. 5.) quod Deus tota in totis congregat, id est omnia in omnibus. Ergo Angelus omnia in sua substantia cognoscit.

Sed contra est quod Dionysius dicit in eodem cap. (non remote a princ. lect. 4.) quod Angeli illuminantur rationibus rerum. Ergo cognoscunt per rationes rerum, & non per propriam substantiam.

Respondeo dicendum, quod illud quo intellectus intelligit, comparatur ad intellectum intelligentem ut forma eius, quia forma est quo agens agit. Oportet autem, ad hoc quod potentia perfecte compleatur per formam, quod omnia contineantur sub forma ad quæ potentia se extendit: & inde est quod in rebus corruptibilibus forma non perfecte complet potentiam materiæ, quia potentia materiæ ad plura se extendit quam sit contentia formæ huius, vel illius. Potentia autem intellectiva Angeli se extendit ad intelligendum omnia, quia obiectum intellectus est ens, vel verum commune.

Z 3 Ipsa

quantur secundum opinionem illorum qui posuerunt Angelos, & daemones habere corpora naturaliter sibi unita: quæ opinione frequenter Augustinus in libris suis utitur, licet eam asserere non intendat. Unde dicit XXI. de civit. Dei (cap. x. post princ.) quod super hac inquisitione non est multum laborandum. Alio modo potest dici, quod auctoritates illæ, & consimiles sunt intelligendæ per quamdam similitudinem: quia cum sensus certam apprehensionem habeat de proprio sensibili, est in usu loquentium ut etiam secundum certam apprehensionem intellectus aliquid sentire dicamur: unde etiam sententia nominatur. Experientia vero Angelis attribui potest per similitudinem cognitorum, & non per similitudinem virtutis cognoscitivæ. Est enim in nobis experientia, dum singularia per sensum cognoscimus; Angeli autem singularia cognoscunt, ut infra patebit (quæst. lvi. art. 2.) sed non persensum. Sed tamen memoria in Angelis potest poni, secundum quod ab Augustino (Lib. X. de Trin. cap. xi.) ponitur in mente; licet non possit eis competere, secundum quod ponitur pars animæ sensitivæ. Similiter dicendum, quod phantasia proterva attribuitur daemionibus ex eo quod habent falsam practicam exultationem de vero bono. Deceptio autem in nobis proprie fit secundum phantasiam, per quam interdum similitudinibus rerum inhaeremus sicut rebus ipsis, ut patet in dormientibus, & amentibus.

QUAESTIO LV.

De medio cognitionis angelicae, in tres articulos divisa.

Consequenter quaeritur de medio cognitionis angelicæ: & circa hoc quaeruntur tria.

Primo, utrum Angeli cognoscant omnia per suam substantiam, vel per aliquas species.

Secundo, si per species, utrum per species connaturales, vel per species a rebus acceptas.

Tertio, utrum Angeli superiores cognoscant per species magis universales quam inferiores.

Ipsa autem essentia Angeli non comprehendit in se omnia, cum sit essentia determinata ad genus, & ad speciem. Hoc autem proprium est essentiae divinae, quae infinita est, ut in se simpliciter omnia comprehendat perfecte. Et ideo solus Deus cognoscit omnia per suam essentiam; Angelus autem per suam essentiam non potest omnia cognoscere, sed oportet intellectum eius aliquibus speciebus perfici ad res cognoscendas.

Ad primum ergo dicendum, quod cum dicitur, Angelum secundum suam naturam res cognoscere, *ly secundum* non determinat medium cognitionis, quod est similitudo cogniti, sed virtutem cognoscitivam, quae convenit Angelo secundum suam naturam.

Ad secundum dicendum, quod sicut sensus in actu est sensibilis in actu, ut dicitur in II. de Anima (text. 53.) non ita quod ipsa vis sensitiva sit ipsa similitudo sensibilis, quae est in sensu, sed quia ex utroque fit unum sicut ex actu, & potentia; ita & intellectus in actu dicitur esse intellectum in actu, non quod substantia intellectus sit ipsa similitudo per quam intelligit, sed quia illa similitudo est forma eius. Idem est autem quod dicitur: In his quae sunt sine materia idem est intellectus, & quod intelligitur; ac si diceretur, quod intellectus in actu est intellectum in actu. Ex hoc enim aliquid est intellectum in actu quod est immateriale.

Ad tertium dicendum, quod ea quae sunt infra Angelum, & ea quae sunt supra ipsum, sunt quodammodo in substantia eius, non quidem perfecte, neque secundum propriam rationem, cum Angeli essentia finita existens secundum propriam rationem ab aliis distinguatur, sed secundum quamdam rationem communem. In essentia autem Dei sunt omnia perfecte, & secundum propriam rationem, sicut in prima, & universalis virtute operativa, a qua procedit quicquid est in quacumque re proprium, vel commune. Et ideo Deus per essentiam suam habet propriam cognitionem de rebus omnibus, non autem Angelus, sed solam communem.

ARTICULUS II. 311

Utrum Angeli intelligent per species a rebus acceptas.

Inf. quæst. lxxxix. art. 1. 2. & 3. & II. dist. 111. quæst. 11. art. 1. & vtr. quæst. VIII. art. 9. & I. cont. cap. xcii. fin. & xciv. & opusc. 11. cap. cxxvi.

AD secundum sic proceditur. Videtur quod Angeli intelligent per species a rebus acceptas. Omne enim quod intelligitur, per aliquam sui similitudinem in intelligente intelligitur. Similitudo autem alicuius in altero existens aut est ibi per modum exemplaris, ita quod illa similitudo sit causa rei; aut est ibi per modum imaginis, ita quod sit causata a re. Oportet igitur quod omnis scientia intelligentis vel sit causa rei intellectæ, vel causata a re. Sed scientia Angeli non est causa rerum existentium in natura, sed sola divina scientia. Ergo oportet quod omnes species per quas intelligit intellectus angelicus, sint a rebus acceptæ.

3. Præterea. Lumen angelicum est fortius quam lumen intellectus agentis in anima. Sed lumen intellectus agentis abstrahit species intelligibiles a phantasmatibus. Ergo lumen intellectus angelici potest abstrahere species etiam ab ipsis rebus sensibilibus: & ita nihil prohibet dicere, quod Angelus intelligat per species a rebus acceptas.

3. Præterea. Species quae sunt in intellectu, indifferenter se habent ad præsens, & distans, nisi quatenus a rebus sensibilibus accipiuntur. Si ergo Angelus non intelligit per species a rebus acceptas, eius cognitio indifferenter se haberet ad propinqua, & distantia; & ita frustra secundum locum moveretur.

Sed contra est quod Dionysius dicit vii. cap. de div. Nom. (lect. 2.) quod *Angeli non congregant divinum cognitionem a rebus divisibilibus, aut a sensibilibus.*

Respondeo dicendum, quod species per quas Angeli intelligunt, non sunt a rebus acceptæ, sed eis connaturales.

Sic enim oportet intelligere distinctionem spiritualium substantiarum, & ordinem, sicut est distinctio, & ordo corporaliū. Suprema autem corpora habent potentiam in sui natura totaliter perfectam per formam. In corporibus autem inferioribus potentia materiae non totaliter perficitur per formam; sed accipit nunc unam, nunc aliam formam

ab

ab aliquo agente. Similiter & inferiores substantiæ intellectivæ, scilicet animæ humanæ, habent potentiam intellectivam non completam naturaliter; sed completur in eis successive per hoc quod accipiunt species intelligibiles a rebus. Potentia vero intellectiva in substantiis spiritualibus superioribus, idest in Angelis, naturaliter completa est per species intelligibiles connaturales, inquantum habent species intelligibiles connaturales ad omnia intelligenda quæ naturaliter cognoscere possunt.

Et hoc etiam ex ipso modo essendi huiusmodi substantiarum apparet. Substantiæ enim spirituales inferiores, scilicet animæ, habent esse affine corpori, inquantum sunt corporum formæ; & ideo ex ipso modo essendi competit eis ut a corporibus, & per corpora suam perfectionem intelligibilem consequantur; alioquin frustra corporibus unirentur. Substantiæ vero superiores, idest Angeli, sunt a corporibus totaliter absolutæ, immaterialiter, & in esse intelligibili subsistentes; & ideo suam perfectionem intelligibilem consequuntur per intelligibilem effluxum, quo a Deo species rerum cognitarum acceperunt simul cum intellectuali natura.

Unde Augustinus dicit II. super Gen. ad litteram (cap. viii. circ. princ.) quod cetera quæ infra Angelos sunt, ita causantur, ut prius fiant in cognitione rationalis creaturæ, ac deinde in genere suo.

Ad primum ergo dicendum, quod in mente Angeli sunt similitudines creaturarum, non quidem ab ipsis creaturis acceptæ, sed a Deo, qui est creaturarum causa, & in quo primo similitudines rerum existunt. Unde Augustinus dicit in eodem Lib. (loc. prox. cit.) quod sicut ratio qua creatura conditur, prius est in Verbo Dei, quam ipsa creatura, quæ conditur; sic & eisdem rationis cognitio prius fit in creatura intellectuali, ac deinde est ipsa conditio creaturæ.

Ad secundum dicendum, quod de extremo ad extremum non pervenitur nisi per medium. Esse autem formæ in imaginatione, quod est quidem sine materia, non tamen sine materialibus conditionibus, medium est inter esse formæ quæ est in materia, & esse formæ quæ est in intellectu per abstractionem a materia, & conditionibus materialibus. Unde quantumcumque sit potens intellectus angelicus, non posset formas materiales

reducere ad esse intelligibile, nisi prius reduceret eas ad esse formarum imaginationarum: quod est impossibile, cum careat imaginatione, ut dictum est (quæst. præc. art. 3.) Dato etiam quod posset abstrahere species intelligibiles a rebus materialibus, non tamen abstraheret: quia non indigeret eis, cum habeat species intelligibiles connaturales.

Ad tertium dicendum, quod cognitio Angeli indifferenter se habet ad distans, & propinquum secundum locum; non tamen propter hoc motus eius localis est frustra: non enim movetur localiter ad cognitionem accipiendam, sed ad operandum aliquid in loco.

ARTICULUS III. 283

Utrum superiores Angeli intelligant per species magis universales quam inferiores.

II. dist. 111. quæst. 11. art. 2. & III. cont. cap. xcix. & ter. quæst. viii. art. 10. & opusc. 11. cap. lxxviii. & lxxxii. & cxxvi. & caus. lect. 4. & 10.

AD tertium sic proceditur. Videtur quod superiores Angeli non intelligant per species magis universales quam inferiores. Universale enim esse videtur quod a particularibus abstrahitur. Sed Angeli non intelligunt per species a rebus abstrahitas. Ergo non potest dici, quod species intellectus angelici sint magis, vel minus universales.

2. Præterea. Quod cognoscitur in speciali, perfectius cognoscitur quam quod cognoscitur in universali: quia cognoscere aliquid in universali est quodammodo medium inter potentiam, & actum. Si ergo Angeli superiores cognoscunt per formas magis universales quam inferiores, sequitur quod Angeli superiores habeant scientiam magis imperfectam quam inferiores: quod est inconveniens.

3. Præterea. Idem non potest esse propria ratio multorum. Sed si Angelus superior cognoscat per unam formam universalem diversam, quæ inferior Angelus cognoscit per plures formas speciales, sequitur quod Angelus superior utitur una forma universali ad cognoscendum diversam. Ergo non poterit habere propriam cognitionem de utroque: quod videtur inconveniens.

Sed contra est quod dicit Dionysius xii. cap. angelicæ Hierar. (post princ.) quod superiores Angeli participant scientiam magis in universali quam inferiores:

Z 4 & in

& in Lib. de causis dicitur (prop. 10.) quod Angeli superiores habent formas magis universales.

Respondetur dicendum, quod ex hoc sunt in rebus aliqua superiora, quod sunt uni primo, quod est Deus, propinquiora, & similia. In Deo autem tota plenitudo intellectualis cognitionis continetur in uno, scilicet in essentia divina, per quam Deus omnia cognoscit. Quæ quidem intelligibilis plenitudo in intelligibilibus creaturis inferiori modo, & minus simpliciter invenitur. Unde oportet quod ea quæ Deus cognoscit per unum, inferiores intellectus cognoscant per multa; & tanto amplius per plura, quanto amplius intellectus inferior fuerit. Sic igitur quanto Angelus fuerit superior, tanto per pauciores species universalitatem intelligibilium apprehendere poterit: & ideo oportet quod eius formæ sint universaliores, quasi ad plura se extendentes unaquæque earum.

Et de hoc exemplum aliquantulum in nobis perspicere potest. Sunt enim quidam qui veritatem intelligibilem capere non possunt, nisi eis particulatim per singula explicetur: & hoc quidem ex debilitate intellectus eorum contingit. Alii vero, qui sunt fortiores intellectus, ex paucis multa capere possunt.

Ad primum ergo dicendum, quod accidit universali ut a singularibus abstrahatur, in quantum intellectus illud cognoscens a rebus cognitionem accipit. Si vero sit aliquis intellectus a rebus cognitionem non accipiens, universale ab eo cognitum non erit abstractum a rebus, sed quodammodo ante res præexistens, vel secundum ordinem causæ, sicut universales rerum rationes sunt in Verbo Dei, vel saltem ordine naturæ, sicut universales rerum rationes sunt in intellectu angelico.

Ad secundum dicendum, quod cognoscere aliquid in universali dicitur dupliciter. Uno modo ex parte rei cognitæ, ut scilicet cognoscatur solum universalis natura rei; & sic cognoscere aliquid in universali est imperfecte: imperfecte enim cognosceret hominem qui cognosceret de eo solum quod est animal. Alio modo ex parte mediæ cognoscendi; & sic perfectius est cognoscere aliquid in universali: perfectior enim est intellectus qui per unum universale medium potest singula propria cognoscere, quam qui non potest.

Ad tertium dicendum, quod idem non

potest esse plurium propria ratio adæquata; sed, si sit excellens, potest idem accipi ut propria ratio, & similitudo diversorum: sicut in homine est universalis prudentia quantum ad omnes actus virtutum; & potest accipi ut propria ratio, & similitudo particularis prudentiæ, quæ est in leone, ad actus magnanimitatis, & eius quæ est in vulpe, ad actus cautelæ, & sic de aliis. Similiter actus divina accipitur propter sui excellentiam ut propria ratio singulorum quæ sunt in ea: unde sibi singula simulantur secundum proprias rationes. Et eodem modo dicendum est de ratione universali quæ est in mente Angeli, quod per eam propter eius excellentiam multa cognosci possunt propria cognitione.

QUAESTIO LVI.

De cognitione Angelorum ex parte rerum immaterialium, in tres articulos divisa.

DEinde queritur de cognitionibus Angelorum ex parte rerum quas cognoscunt: & primo de cognitione rerum immaterialium; secundo de cognitione rerum materialium.

Circa primum queruntur tria.

Primo, utrum Angelus cognoscat se ipsum.

Secundo, utrum unus cognoscat alium.

Tertio, utrum Angelus per sua naturalia cognoscat Deum.

ARTICULUS I. 383

Utrum Angelus cognoscat seipsum.

Infr. quest. lxxxviii. art. 1. & 11. con. cap. xcvi. & IV. cap. xi. co. 1. & 2. & ver. quest. viii. art. 6. & caus. lect. 13. fin.

AD primum sic proceditur. Videtur quod Angelus seipsum non cognoscat. Dicit enim Dionysius vi. cap. angel. Hierarch. (in princ.) quod *Angeli ignorant proprias virtutes*. Cognita autem substantia, cognoscitur virtus. Ergo Angelus non cognoscit suam essentiam.

2. Præterea. Angelus est quædam substantia singularis, alioquin non ageret, cum actus sint singularium subsistentium. Sed nullum singulare est intelligibile. Ergo non potest intelligi: & ita, cum Angelo non adsit nisi intellectiva cognitio, non poterit aliquis Angelus cognoscere seipsum.

3. Præ-

3. Præterea. Intellectus movetur ab intelligibili: quia intelligere est quoddam pati, ut dicitur in III. de Anima (text. 12.) Sed nihil movetur, aut patitur a seipso, ut in rebus corporalibus apparet. Ergo Angelus non potest intelligere seipsum.

Sed contra est quod dicit Augustinus II. super Genes. ad litteram (cap. VIII. in princ.) quod *Angelus in ipsa sua confirmatione, hoc est in illustratione veritatis, cognovit seipsum.*

Respondendo dicendum, quod, sicut ex supra dictis patet (quæst. LIV. art. 2.) obiectum aliter se habet in actione quæ manet in agente, & in actione quæ transit in aliquid exterius. Nam in actione quæ transit in aliquid exterius, obiectum, sive materia, in quam transit actus, est separata ab agente, sicut calefactum a calefaciente, & ædificatum ab ædificante. Sed in actione quæ manet in agente, oportet, ad hoc quod procedat actio, quod obiectum uniatur agenti, sicut oportet quod sensibile uniatur sensui ad hoc quod sentiat actum.

Et ita se habet obiectum unitum potentie ad huiusmodi actionem, sicut forma quæ est principium actionis in aliis agentibus: sicut enim calor est principium formale calefactionis in igne, ita species rei visæ est principium formationis in oculo.

Sed considerandum est, quod huiusmodi species obiecti quandoque est in potentia tantum in cognoscitiva virtute; & tunc est cognoscens in potentia tantum: & ad hoc quod actu cognoscat, requiritur quod potentia cognoscitiva reducatur in actum speciei. Si autem semper eam actu habeat, nihilominus per eam cognoscere potest absque aliqua mutatione, vel receptione præcedente. Ex quo patet quod moveri ab obiecto non est de ratione cognoscens, inquantum est cognoscens, sed inquantum est potentia cognoscens.

Nihil autem differt, ad hoc quod forma sit principium actionis, quod ipsa forma sit aliquando inhærens, & quod sit per se subsistens. Non enim minus calor calefaceret, si esset per se subsistens, quam calefacit inhærens.

Sic igitur est aliquid in genere intelligibilium se habeat ut forma intelligibilis subsistens, intelligit seipsum. Angelus autem, cum sit immaterialis, est quædam forma subsistens, & per hoc intelligibilis actu. Unde sequitur quod per suam formam, quæ est sua substantia, seipsum intelligat.

Ad primum ergo dicendum, quod littera illa est antiquæ translationis, quæ corrigitur per novam, in qua dicitur: *Præterea & ipsos, scilicet Angelos, cognovisse proprias virtutes:* loco cuius habebatur in alia translatione: *Et adhuc eos ignorare proprias virtutes.* Quamvis etiam littera antiquæ translationis salvari possit quantum ad hoc quod Angeli non perfecte cognoscunt suam virtutem, secundum quod procedit ab ordine divinæ sapientiæ, quæ est Angeli incomprehensibilis.

Ad secundum dicendum, quod singularium, quæ sunt in rebus corporalibus, non est intellectus apud nos, non ratione singularitatis, sed ratione materiæ, quæ est in eis individuationis principium. Unde si aliqua singularia sunt sine materia subsistentia, sicut sunt Angeli, illa nihil prohibet intelligibilia esse actu.

Ad tertium dicendum, quod moveri, & pati convenit intellectui, secundum quod est in potentia: unde non habet locum in intellectu angelico, maxime quantum ad hoc quod intelligit seipsum. Actio etiam intellectus non est eiusdem rationis cum actione quæ in corporalibus invenitur, in aliam materiam transcurrentem.

ARTICULUS II. 284

Utrum unus Angelus alium cognoscat.

II. cons. cap. XCVIII. & ver. quæst. VIII. art. 7.

AD secundum sic proceditur. Videtur quod unus Angelus alium non cognoscat. Dicit enim Philosophus in III. de Anima (text. 4.) quod si intellectus humanus haberet in se aliquam naturam de numero naturarum rerum sensibilium, illa natura interius existens prohiberet apparere extraneæ; sicut etiam si pupilla esset colorata aliquo colore, non posset videre omnem colorem. Sed sicut se habet intellectus humanus ad cognoscendas res corporeas, ita se habet intellectus angelicus ad cognoscendas res immateriales. Cum igitur intellectus angelicus habeat in se aliquam naturam determinatam de numero illarum naturarum, videtur quod alias cognoscere non possit.

2. Præterea. In Lib. de causis (prop. 8.) dicitur, quod omnis intelligentia scit quod est supra se, inquantum est causata ab eo, & quod est sub se, inquantum est causa eius. Sed unus Angelus non est causa alterius. Ergo unus Angelus non cognoscit alium.

3. Præterea. Unus Angelus non potest

co-

cognoscere alium per essentiam ipsius Angeli cognoscentis; cum omnis cognitio sit secundum rationem similitudinis; essentia autem Angeli cognoscentis non est similis essentiae Angeli cogniti, nisi in genere, ut ex supra dictis patet (quæst. l. art. 4. & quæst. lv. art. 1.) Unde sequeretur quod unus Angelus non haberet de alio cognitionem propriam, sed generalem tantum. Similiter etiam non potest dici, quod unus Angelus cognoscat alium per essentiam Angeli cogniti: quia illud quo intellectus intelligit, est intrinsecum intellectui; sola autem Trinitas illabitur menti. Similiter etiam dici non potest, quod unus cognoscat alium per speciem: quia illa species non differt ab Angelo intellecto, cum utrumque sit immateriale. Nullo igitur modo videtur quod unus Angelus possit intelligere alium.

4. Præterea. Si unus Angelus intelligit alium, aut hoc esset per speciem innotatam; & sic sequeretur quod si Deus nunc de novo crearet aliquem Angelum, non posset cognoscere ab his qui nunc sunt: aut per speciem acquisitam a rebus; & sic sequeretur quod Angeli superiores non possent cognoscere inferiores, a quibus nihil accipiunt. Nullo igitur modo videtur quod unus Angelus alium cognoscat.

Sed contra est quod dicitur in Lib. de causis (prop. 11.) quod omnis intelligentia scit res quæ non corrumpuntur.

Respondeo dicendum, quod, sicut Augustinus dicit II. super Genes. ad lit. (cap. viii. per tot.) ea quæ in Verbo Dei ab æterno præexistunt, dupliciter ab eo fluxerunt: uno modo in intellectum angelicum; alio modo ut subsisterent in propriis naturis. In intellectum autem angelicum processerunt per hoc quod Deus menti angelicæ impressit rerum similitudines, quas in esse naturali produxit. In Verbo autem Dei ab æterno existerunt non solum rationes rerum corporalium, sed etiam rationes omnium spiritualium creaturarum.

Sic igitur unicuique spiritualium creaturarum a Verbo Dei impressæ sunt omnes rationes rerum omnium tam corporalium, quam spiritualium; ita tamen quod unicuique Angelo impressa est ratio suæ speciei secundum esse naturale, & intellectualem; ita scilicet quod in natura suæ speciei subsisteret, & per eam se intelligeret; aliarum vero naturarum tam spiritualium, quam corporalium rationes sunt ei impressæ secundum esse intellectualem tantum, ut videlicet

per huiusmodi species impressas tam creaturas corporales, quam spirituales cognosceret.

Ad primum ergo dicendum, quod naturæ spirituales Angelorum ab invicem distinguuntur ordine quodam, sicut supra dictum est (quæst. l. art. 4. ad 1. 2. & 3.) & sic natura unius Angeli non prohibet intellectum ipsius a cognoscendis aliis naturis Angelorum, cum tamen superiores, quam inferiores habeant infinitatem cum natura eius, differentia existente tantum secundum diversos gradus perfectionis.

Ad secundum dicendum, quod ratio causæ, & causati non facit ad hoc quod unus Angelus alium cognoscat, nisi ratione similitudinis, inquantum causa, & causatum sunt similia: & ideo si inter Angelos ponatur similitudo absque causalitate, remanebit in uno cognitio alterius.

Ad tertium dicendum, quod unus Angelus cognoscit alium per speciem eius in intellectu suo existentem, quæ differt ab alio Angelo, cuius similitudo est, non secundum esse materiale, & immateriale, sed secundum esse naturale, & intentionale. Nam ipse Angelus est forma subsistens in esse naturali, non autem species eius, quæ est in intellectu alterius Angeli; sed habet ibi esse intelligibile tantum; sicut etiam forma coloris in pariete habet esse naturale, in medio autem deferente habet esse intentionale tantum.

Ad quartum dicendum, quod Deus unamquamque creaturam fecit proportionatam universo, quod facere disposuit. Et ideo si Deus instituit facere plures Angelos, vel plures naturas rerum, plures species intelligibiles mentibus angelicis impressisset: sicut si ædificator voluisset facere maiorem domum, scilicet maius fundamentum. Unde eiusdem rationis est quod Deus adderet aliquam creaturam universo, & aliquam speciem intelligibilem Angelo.

ARTICULUS III. 85

Utrum Angeli per sua naturalia Deum cognoscere possint.

II. dist. xxiii. quest. 11. art. 1. cor. & IV. dist. xlix. quest. 11. art. 6. & 7. & 11. cor. cap. xlix. & 111. & Rom. 1. lect. 6. fin. & ver. quest. viii. art. 5. cor.

AD tertium sic proceditur. Videtur quod Angeli per sua naturalia Deum cognoscere non possint. Dicit enim Dionysius ix. cap. de divin. Nom. (inter princ. & med. lect. 1.) quod *Deus est super omnes caelestes mentes incomprehensibili virtute collocatus*; & postea subdit, quod *quia est supra omnem substantiam, ab omni cognitione est segregatus*.

2. Præterea. Deus in infinitum distat ab intellectu Angeli. Sed in infinitum distantia non possunt attingi. Ergo videtur quod Angelus per sua naturalia non possit Deum cognoscere.

3. Præterea. I. Cor. xiii. 12. dicitur: *Videmus nunc per speculum in enigmate, tunc autem facie ad faciem*; ex quo videtur quod sit duplex Dei cognitio: una, qua videtur per sui essentiam, secundum quam dicitur videri facie ad faciem; alia, secundum quod videtur in speculo creaturarum. Sed primam Dei cognitionem Angelus habere non potuit per sua naturalia, ut supra ostentum est (quest. xii. art. 4.) visio autem specularis Angelis non convenit, quia non accipiunt divinam cognitionem a rebus sensibilibus, ut dicit Dionysius vii. cap. de div. Nom. (post princ. lect. 3.) Ergo Angeli per sua naturalia Deum cognoscere non possunt.

Sed contra. Angeli sunt potentiores in cognoscendo quam homines. Sed homines per sua naturalia Deum cognoscere possunt, secundum illud Rom. 1. 19. *Quod notum est Dei, manifestum est in illis*. Ergo multo magis Angeli.

Respondendo dicendum, quod Angeli aliquam cognitionem de Deo habere possunt per sua naturalia.

Ad cuius evidentiam considerandum est, quod aliquid tripliciter cognoscitur. Uno modo per præsentiam suæ essentie in cognoscente, sicut si lux videatur in oculo: & sic dictum est (art. 1. huius quest.) quod Angelus intelligit se ipsum. Alio modo per præsentiam suæ similitudinis in potentia cognoscitiva, sicut lapis videtur ab oculo per hoc quod

similitudo eius resultat in oculo. Tertio modo per hoc quod similitudo rei cognita non accipitur immediate ab ipsa re cognita, sed a re aliqua in qua resultat, sicut videmus hominem in speculo. Primæ igitur cognitioni assimilatur divina cognitio, qua per essentiam suam videtur. Et hæc cognitio Dei non potest adesse creaturæ alicui per sua naturalia, ut supra dictum est (quest. xii. art. 4.)

Tertiæ autem cognitioni assimilatur cognitio qua nos cognoscimus Deum in via per similitudinem eius in creaturis resultantem, secundum illud Rom. 1. 20. *Invisibilia Dei per ea que facta sunt, intellecta conspiciuntur*; unde & dicitur Deum videre in speculo. Cognitio autem qua Angelus per sua naturalia cognoscit Deum, media est inter has duas; & similatur illi cognitioni qua videtur res per speciem ab ea acceptam.

Quia enim imago Dei est in ipsa natura Angeli impressa, per suam essentiam Angelus Deum cognoscit, inquantum est similitudo Dei.

Non tamen ipsam essentiam Dei videt, quia nulla similitudo creata est sufficiens ad repræsentandam divinam essentiam. Unde magis ista cognitio tenet se cum speculari: quia & ipsa natura angelica est quoddam speculum, divinam similitudinem repræsentans.

Ad primum ergo dicendum, quod Dionysius loquitur de cognitione comprehensionis, ut expresse eius verba ostendunt; & sic a nullo intellectu creato cognoscitur.

Ad secundum dicendum, quod propter hoc quod intellectus, & essentia Angeli in infinitum distant a Deo, sequitur quod non possint ipsum comprehendere, nec per suam naturam eius essentiam videre; non tamen sequitur quod propter hoc nullam habeat eius cognitionem: quia sicut Deus in infinitum distat ab Angelo, ita cognitio quam Deus habet de se ipso, in infinitum distat a cognitione quam Angelus habet de eo.

Ad tertium dicendum, quod cognitio quam naturaliter Angelus habet de Deo, est media inter utramque cognitionem; & tamen magis se tenet cum una, ut supra dictum est (in corp. art.)

QUAESTIO LVII.

*De Angelorum cognitione respectu rerum
materialium,
in quinque articulos divisa.*

DEinde quæritur de his materialibus quæ ab Angelis cognoscuntur: & circa hoc quæritur quinque.

Primo, utrum Angeli cognoscant naturas rerum materialium.

Secundo, utrum cognoscant singularia.

Tertio, utrum cognoscant futura.

Quarto, utrum cognoscant cogitationes cordium.

Quinto, utrum cognoscant omnia mysteria gratiæ.

ARTICULUS I. 286

Utrum Angeli cognoscant res materiales.

Infr. quæst. lxxxix. art. 3. & II. con. cap. xcvii. & ver. quæst. viii. art. 8. & quæst. x. art. 4. cor. & quæst. xx. art. 4. cor.

AD primum sic proceditur. Videtur quod Angeli non cognoscant res materiales. Intellectum enim est perfectio intelligentis. Sed res materiales non possunt esse perfectiones Angelorum, cum sint infra ipsos. Ergo Angeli non cognoscunt res materiales.

2. Præterea. Visio intellectualis est eorum quæ sunt in anima per sui essentiam, ut dicitur in Glossa II. ad Corin. xii. (ex Aug. XII. sup. Gen. ad lit. cap. xxviii.) Sed res materiales non possunt esse in anima hominis, vel in mente Angeli per suas essentias. Ergo non possunt intellectuali visioni cognosci; sed solum imaginaria, qua apprehenduntur similitudines corporum; & sensibili, quæ est de ipsis corporibus. In Angelis autem non est visio imaginaria, & sensibilis, sed solum intellectualis. Ergo Angeli materialia cognoscere non possunt.

3. Præterea. Res materiales non sunt intelligibiles in actu, sed sunt cognoscibiles apprehensione sensus, & imaginationis: quæ non sunt in Angelis. Ergo Angeli materialia non cognoscunt.

Sed contra. Quicquid potest inferior virtus, potest virtus superior. Sed intellectus hominis, qui est ordine naturæ infra intellectum Angeli, potest cognoscere res materiales. Ergo multo fortius intellectus Angeli.

Respondeo dicendum, quod talis est ordo in rebus, quod superiora in entibus sunt perfectiora inferioribus; & quod in inferioribus continetur deficienter, & partialiter, & multipliciter, in superioribus continetur eminenter, & per quamdam totalitatem, & simplicitatem. Et ideo in Deo, sicut in summo rerum vertice, omnia supersubstantialiter præexistunt secundum ipsum suum simplex esse, ut Dionysius dicit in Lib. de div. Nom. (cap. i. declinando ad fin. & cap. v. paulo ante med.) Angeli autem inter ceteras creaturas sunt Deo propinquiores, & similiores. Unde & plura participant ex bonitate divina, & perfectius, ut Dionysius dicit iv. cap. cæl. Hier. (ante med.) Sic igitur omnia materialia in ipsis Angelis præexistunt, simplicius quidem, & immaterialius quam in ipsis rebus, multiplicius autem, & imperfectius quam in Deo. Omne autem quod est in aliquo, est in eo per modum eius in quo est. Angeli autem secundum suam naturam sunt intellectuales: & ideo sicut Deus per suam essentiam materialia cognoscit, ita Angeli ea cognoscunt per hoc quod sunt in eis per suas intelligibiles species.

Ad primum ergo dicendum, quod intellectus est perfectio intelligentis secundum speciem intelligibilem, quam habet in intellectu: & sic species intelligibiles quæ sunt in intellectu Angeli, sunt perfectiones, & actus intellectus angelici.

Ad secundum dicendum, quod sensus non apprehendit essentias rerum, sed exteriora accidentia tantum; similiter neque imaginatio, sed apprehendit solas similitudines corporum: intellectus autem solus apprehendit essentias rerum. Unde in III. de Anima dicitur (tex. 26.) quod obiectum intellectus est quod quid est, circa quod non errat, sicut neque sensus circa proprium sensibile. Sic ergo essentia rerum materialium sunt in intellectu hominis, vel Angeli, ut intellectus est in intelligente, & non secundum esse suum reale. Quædam vero sunt quæ sunt in intellectu, vel in anima secundum utrumque esse: & utrumque est visio intellectualis.

Ad tertium dicendum, quod si Angelus acciperet cognitionem rerum materialium ab ipsis rebus materialibus, orderet quod faceret eas intelligibiles actu, abstrahendo eas: non autem accipit cognitionem earum a rebus materialibus, sed per species actu intelligibiles rerum si-

bi connaturales rerum materialium notitiam habet, sicut intellectus noster secundum species quas intelligibiles facit abstrahendo.

ARTICULUS II. 187

Utrum Angelus cognoscat singularia.

II. dist. III. quæst. 11. art. 3. & II. com. cap. cxviii. & ver. quæst. viii. art. 11. & quæst. x. art. 5. & op. xv. cap. xlii. & xv.

AD secundum sic proceditur. Videtur quod Angelus singularia non cognoscat. Dicit enim Philosophus in I. Post. (cap. xxii.) quod sensus est singularium; ratio vero, vel intellectus universalium. In Angelis autem non est vis cognoscitiva, nisi intellectiva, ut ex superioribus patet (quæst. liv. art. 5.) Ergo singularia non cognoscunt.

2. Præterea. Omnis cognitio est per assimilationem aliquam cognoscentis ad cognitum. Sed non videtur quod possit esse aliqua assimilatio Angeli ad singulare, inquantum est singulare; cum Angelus sit immaterialis, ut supra dictum est (quæst. l. art. 2.) singularitatis vero principium sit materia. Ergo Angelus non potest cognoscere singulare.

3. Præterea. Si Angelus scit singularia, aut per species singulares, aut per species universales. Non per singulares, quia si oporteret quod haberet species infinitas; neque per universales, quia universale non est sufficiens principium cognoscendi singulare, inquantum est singulare, cum in universali singularia non cognoscantur nisi in potentia. Ergo Angelus non cognoscit singularia.

Sed contra. Nullus potest custodire quod non cognoscit. Sed Angeli custodiunt homines singulares, secundum illud Psalm. xc. 11. *Angelis suis mandavit de te ut custodiant te in omnibus viis tuis.* Ergo Angeli cognoscunt singularia.

Respondendo dicendum, quod quidam totaliter subtraxerunt Angelis singularium cognitionem.

Sed hoc primo quidem derogat catholicæ fidei, quæ ponit hæc inferiora administrari per Angelos, secundum illud Hebr. 1. 14. *Omnes sunt administratorii spiritus.* Si autem singularium notitiam non haberent, nullam providentiam habere possent de his quæ in hoc mundo aguntur, cum actus singularium sint. Et hoc est contra illud quod dicitur Ecclie.

v. 5. *Ne dicas coram Angelo: Non est providentia.* Secundo etiam, derogat Philosophiæ documentis, secundum quæ ponuntur Angeli motores cælestium orbium, & quod eos moveant secundum intellectum, & voluntatem.

Et ideo alii dixerunt, quod Angelus habet quidem cognitionem singularium, sed in causis universalibus, ad quas reducuntur particulares omnes effectus; sicut si astrologus iudicat de aliqua eclipsi futura per dispositiones cælestium motuum.

Sed hæc positio prædicta inconvenientia non evadit: quia sic cognoscere singulare in causis universalibus non est cognoscere ipsum ut est singulare, hoc est ut est hic & nunc. Astrologus enim cognoscens eclipsim futuram per computationem cælestium motuum scit eam in universali, & non prout est hic & nunc, nisi per sensum accipiat. Administratio autem, & providentia, & motus sunt singularium, prout sunt hic & nunc.

Et ideo aliter dicendum est, quod sicut homo cognoscit diversis viribus cognitivis omnia rerum genera, intellectum quidem universalium, & immaterialium, sensu autem singularia, & corporalia; ita Angelus per unam intellectivam virtutem utraque cognoscit. Hoc enim rerum ordo habet, quod quanto aliquid est superius, tanto habeat virtutem magis unitam, & ad plura se extendentem; sicut in ipso homine patet quod sensus communis, qui est superior quam sensus proprius, licet sit unica potentia, omnia cognoscit quæ quinque sensibus exterioribus cognoscuntur, & quædam alia quæ nullus sensus exterior cognoscit, scilicet differentiam albi, & dulcis: & simile etiam est in aliis considerare. Unde cum Angelus nature ordine sit supra hominem, inconveniens est dicere, quod homo quacumque sua potentia cognoscat aliquid quod Angelus per unam vim suam cognoscitivam, scilicet intellectum, non cognoscat. Unde Aristoteles per inconvenientiam habet, ut item quam nos scimus, Deus ignoret, ut pater in I. de Anima (tex. 80.) & in III. Metaph. (tex. 15.)

Modus autem quo intellectus Angeli singularia cognoscit, ex hoc considerari potest quod sicut a Deo effluunt res, ut subsistant in propriis naturis, ita etiam, ut sint in cognitione angelica. Manifestum est autem quod a Deo effluit in rebus non solum illud quod ad naturam uni-

ver-

verſalem pertinet, ſed etiam ea quæ ſunt individuationis principia: eſt enim cauſa totius ſubſtantiæ rei & quantum ad materiam, & quantum ad formam; & ſecundum quod cauſat, ſic & cognoscit, quia ſcientia eius eſt cauſa rei, ut ſupra oſenſum eſt (quæſt. xiv. art. 8.). Sicut igitur Deus per eſſentiam ſuam, per quam omnia cauſat, eſt ſimilitudo omnium, & per eam omnia cognoscit non ſolum quantum ad naturas univerſales, ſed etiam quantum ad ſingularitatem: ita Angeli per ſpecies a Deo indi-
cas res cognoscunt non ſolum quantum ad naturam univerſalem, ſed etiam ſecundum earum ſingularitatem, inquantum ſunt quædam repræſentationes multiplicatæ illius unicæ & ſimplicis eſſentiæ.

Ad primum ergo dicendum, quod Philoſophus loquitur de intellectu noſtro, qui non intelligit res niſi abſtrahendo; & per ipſam abſtractionem a materialibus conditionibus id quod abſtrahitur, ſit univerſale. Hic autem modus intelligendi non convenit Angelis, ut ſupra dictum eſt (quæſt. lv. art. 3.) & ideo non eſt eadem ratio.

Ad ſecundum dicendum, quod ſecundum ſuam naturam Angeli non aſſimulantur rebus materialibus, ſicut aſſimilatur aliquid alicui ſecundum convenientiam in genere, vel in ſpecie, aut in accidente, ſed ſicut ſuperius habet ſimilitudinem cum inferiori, ut Sol cum igne. Et per hunc etiam modum in Deo eſt ſimilitudo omnium & quantum ad formam, & quantum ad materiam, inquantum in ipſo præexiſtit ut in cauſa, quicquid in rebus invenitur. Et eadem ratione ſpecies intellectus Angeli, quæ ſunt quædam derivatæ ſimilitudines a divina eſſentia, ſunt ſimilitudines rerum non ſolum quantum ad formam, ſed etiam quantum ad materiam.

Ad tertium dicendum, quod Angeli cognoscunt ſingularia per formas univerſales, quæ tamen ſunt ſimilitudines rerum & quantum ad principia univerſalia, & quantum ad individuationis principia. Quomodo autem per eandem ſpeciem poſſint multa cognosci, iam ſupra dictum eſt (quæſt. & art. prox. cit.)

ARTICULUS III. 388

Utrum Angeli cognoscant futura.

Inſ. quæſt. lxxxvi. art. 4. & 2. 2. quæſt. xcv. art. 1. & 1. diſt. xxxviii. art. 5. & 11. diſt. vii. quæſt. 11. art. 2. & 1. cont. cap. lxxii. & 111. cap. cliv. & ver. quæſt. viii. art. 12. & mal. quæſt. xvi. art. 7. & opus. 11. cap. cxxxiv.

AD tertium ſic proceditur. Videtur quod Angeli cognoscant futura. Angeli enim potentiores ſunt in cognoscendo quam homines. Sed homines aliquid cognoscunt futura multa. Ergo multo fortius Angeli.

2. Præterea. Præſens, & futurum ſunt differentiæ temporis. Sed intellectus Angeli eſt ſupra tempus: parificatur enim intelligentia æternitati, id eſt ævo, ut dicitur in 1. de cauſis (propoſ. 2. circ. fin.) Ergo quantum ad intellectum Angeli non differunt præteritum, & futurum; ſed indifferenter cognoscit utrumque.

3. Præterea. Angelus non cognoscit per ſpecies acceptas a rebus, ſed per ſpecies innatas univerſales. Sed ſpecies univerſales æqualiter ſe habent ad præteritum, & futurum. Ergo videtur quod Angeli indifferenter cognoscant præterita, & præſentia, & futura.

4. Præterea. Sicut aliquid dicitur diſtans ſecundum tempus, ita ſecundum locum. Sed Angeli cognoscunt diſtancia ſecundum locum. Ergo etiam cognoscunt diſtancia ſecundum tempus futurum.

Sed contra. Id quod eſt proprium ſignum Divinitatis, non convenit Angelis. Sed cognoscere futura eſt proprium ſignum Divinitatis, ſecundum illud Iſai. xli. 23. *Annuntiate quæ ventura ſunt in futurum, & ſciemus quod dii eſſis vos.* Ergo Angeli non cognoscunt futura.

Reſpondeo dicendum, quod futurum dupliciter poteſt cognosci. Unde modo in cauſa ſua; & ſic futura quæ ex neceſſitate ex cauſis ſuis proveniunt, per certam ſcientiam cognoscuntur, ut Sollem oriri cras.

Quæ vero ex ſuis cauſis proveniunt ut in pluribus, cognoscuntur non per certitudinem, ſed per coniecturam; ſicut medicus præcognoscit ſanitatem infirmi: & iſte modus cognoscendi futura adeſt Angelis, & tanto magis quam nobis, quanto magis rerum cauſas & univerſalium, & perfectius cognoscunt; ſicut medi-

medici qui acutius vident causas, melius de futuro statu ægritudinis prognosticantur.

Quæ vero proveniunt ex causis suis ut in paucioribus, penitus sunt ignota, sicut casualia, & fortuita.

Alio modo cognoscuntur futura in seipsis; & sic solius Dei est futura cognoscere, non solum quæ ex necessitate proveniunt, vel ut in pluribus, sed etiam casualia, & fortuita: quia Deus videt omnia in sua æternitate, quæ cum sit simplex, toti tempori adest, & ipsum concludit: & ideo (a) unius Dei intuitus fertur in omnia quæ aguntur per totum tempus, sicut in præsentia; & videt omnia ut in seipsis sunt, sicut supra dictum est (quæst. xiv. art. 7. & 9.) cum de Dei scientia ageretur. Angelicus autem intellectus, & quilibet intellectus creatus deficit ab æternitate divina: unde non potest ab aliquo intellectu creato cognosci futurum ut est in suo esse.

Ad primum ergo dicendum, quod homines non cognoscunt futura nisi in causis suis, vel Deo revelante: & sic Angeli multo subtilius futura cognoscunt.

Ad secundum dicendum, quod licet intellectus Angeli sit supra tempus, quo mensurantur corporales motus; est tamen in intellectu Angeli tempus secundum successionem intelligibilium conceptionum, secundum quod dicit Augustinus VIII. super Genes. ad litt. (cap. xx. & seq.) quod Deus movet spirituales creaturas per tempus: & ita cum sit successio in intellectu Angeli, non omnia quæ aguntur per totum tempus, sunt ei præsentia.

Ad tertium dicendum, quod licet species quæ sunt in intellectu Angeli, quantum est de se, æqualiter se habeant ad præsentia, præterita, & futura; tamen præsentia, præterita & futura non æqualiter se habent (b) ad species: quia ea quæ præsentia sunt, habent naturam per quam assimilantur speciebus quæ sunt in mente Angeli; & sic per eas cognosci possunt. Sed quæ futura sunt, nondum habent naturam per quam illis assimilantur. Unde per eas cognosci non possunt.

Ad quartum dicendum, quod distantia secundum locum sunt in rerum natura, & participant aliquam speciem, cuius similitudo est in Angelo: quod non est verum de futuris, ut dictum est (in corp. art.) & ideo non est simile.

Utrum Angeli cognoscant cogitationes cordium.

1. com. cap. lxxviii. & III. cap. cliv. col.

8. & vrr. quæst. viii. art. 13. & mal.

quæst. xvi. art. 8.

AD quartum sic proceditur. Videtur quod Angeli cognoscant cogitationes cordium. Dicit enim Gregorius in Moralibus super illud Iob xxviii. *Non æquabitur ei aurum, vel vitrum* (Lib. XVIII. cap. xxviii. a med.) quod tunc, scilicet in beatitudine resurgendum, unus erit perspicabilis alteri, sicut ipse sibi; & cum unusquisque intellectus attenditur, simul conscientia penetratur. Sed resurgentes erunt similes Angelis, sicut habetur Matth. xxii. Ergo unus Angelus potest videre id quod est in conscientia alterius.

2. Præterea. Sicut se habent figuræ ad corpora, ita se habent species intelligibiles ad intellectum. Sed, viso corpore, videtur eius figura. Ergo, visa substantia intellectuali, videtur species intelligibilis quæ est in ipsa. Ergo cum Angelus videat alium Angelum, & etiam animam, videtur quod possit videre cogitationem utriusque.

3. Præterea. Ea quæ sunt in intellectu nostro, sunt similia Angelo, quam ea quæ sunt in phantasia; cum hæc sint intellecta in actu, illa vero in potentia tantum. Sed ea quæ sunt in phantasia, possunt cognosci ab Angelo, sicut corporalia, cum phantasia sit virtus corporis. Ergo videtur quod Angelus possit cognoscere cogitationes intellectus.

Sed contra est quod proprium Dei non convenit Angelis. Sed cognoscere cogitationes cordium est proprium Dei, secundum illud Hierem. xvii. 9. *Præcorum est cor hominis, & inscrutabile, & quis cognoscet illud? Ego Dominus scrutans cor.* Ergo Angeli non cognoscunt secreta cordium.

Respondeo dicendum, quod cogitatio cordis dupliciter potest cognosci. Uno modo in suo effectu; & sic non solum ab Angelo, sed etiam ab homine cognosci potest, & tanto subtilius, quanto effectus huiusmodi fuerit magis occultus. Cognoscitur enim cogitatio interdum non solum per actum exteriorem, sed etiam per immutationem vultus: & etiam medici aliquas affectiones animi per pulsum cognoscere possunt, & multo magis Angeli,

(a) *Id. unus*. (b) *Ista Nicolaus. Edit. Rom. & Par. ad rationes.*

geli, vel etiam dæmones, quanto subtilius huiusmodi immutationes occultas corporales pendunt. Unde Augustinus dicit in Lib. de divinatione dæmonum (cap. v. post med.) quod aliquando hominum dispositiones non solum voce prolatae, verum etiam cogitatione conceptas, cum signa quadam in corpore (a) exprimentur ex animo, tota facilitate perdisunt: quamvis in Lib. II. Retractionum (cap. xxx.) hoc dicit non esse asserendum, quomodo fiat.

Alio modo possunt cognosci cogitationes, prout sunt in intellectu, & affectiones, prout sunt in voluntate; & sic solus Deus cogitationes cordium, & affectiones voluntatum cognoscere potest. Cuius ratio est, quia voluntas rationalis creaturæ soli Deo subiaceat, & ipse solus in eam operari potest, qui est principale eius obiectum, ut ultimus finis: & hoc magis infra patebit (quæst. lxxiii. art. 1. & quæst. cv. art. 5.) Et ideo ea quæ ex voluntate sola dependent, vel quæ in voluntate sola sunt, soli Deo sunt nota. Manifestum est autem quod ex sola voluntate dependet quod aliquis actu aliqua consideret: quia cum aliquis habet habitum scientiæ, vel species intelligibiles in eo existentes, utitur eis cum vult. Et ideo dicit Apostolus I. Corint. II. II. quod quæ sunt hominibus, nemo novit nisi spiritus hominibus, qui in ipso est.

Ad primum ergo dicendum, quod cogitatio unius hominis non cognoscitur ab alio propter duplex impedimentum, scilicet propter grossitatem corporis, & propter voluntatem claudentem sua secreta. Primum autem obstaculum tollitur in resurrectione, nec est in Angelis; sed secundum impedimentum manebit post resurrectionem, & est modo in Angelis. Et tamen qualitatem mentis, quantum ad quantitatem gratiæ, & gloriæ, repræsentabit claritas corporis: & sic unus mentem alterius videre poterit.

Ad secundum dicendum, quod etsi unus Angelus species intelligibiles alterius videat per hoc quod modus intelligibilium specierum secundum maiorem, & minorem universalitatem proportionatur nobilitati substantiarum; non tamen sequitur quod unus cognoscat, quomodo alius illis intelligibilibus speciebus utitur actualiter considerando.

Ad tertium dicendum, quod appetitus bruta non est dominus sui actus, sed sequitur impressionem alterius causæ cor-

poralis, vel spiritualis. Quia igitur Angeli cognoscunt res corporales, & dispositiones earum, possunt per hæc cognoscere quod est in appetitu, & in apprehensione phantastica brutorum animalium, & etiam hominum, secundum quod in eis quandoque appetitus sensitivus procedit in actum, sequens aliquam impressionem corporalem, sicut in brutis semper est. Non tamen oportet quod Angeli cognoscant motum appetitus sensitivi, & apprehensionem phantasticam hominis, secundum quod moventur a voluntate, & ratione: quia etiam inferior pars animæ participat aliquam rationem, sicut obediens imperanti, ut dicitur in III. Ethic. (cap. ult.) Nec tamen sequitur quod, si Angelus cognoscat quod est in appetitu sensitivo, vel phantasia hominis, cognoscat id quod est in cogitatione, vel voluntate: quia intellectus, & voluntas non subiaceant appetitui sensitivo, & phantasiæ, sed potest eis diversimode uti.

ARTICULUS V. 290

Utrum Angeli cognoscant mysteria gratiæ.

Inf. quæst. lxxiv. art. 1. ad 4. & quæst. cvii. art. 4. ad 2. & Eph. III. lect. 3. fin.

AD quintum sic proceditur. Videtur quod Angeli mysteria gratiæ cognoscant. Quia inter omnia mysteria excellentius est mysterium incarnationis Christi. Sed hoc Angeli cognoverunt a principio: dicit enim Augustinus V. super Genes. ad litt. (cap. xix. circa med.) quod sic fuit hoc mysterium absconditum a sæculis in Deo, ut tamen innotesceret principibus, & potestatibus in celestibus: & dicit Apostolus I. ad Timotheum. III. 16. quod apparuit Angelis illud magnum sacramentum pietatis. Ergo Angeli mysteria gratiæ cognoscunt.

2. Præterea. Rationes omnium mysteriorum gratiæ in divina sapientia continentur. Sed Angeli vident ipsam Dei sapientiam, quæ est eius essentia. Ergo Angeli mysteria gratiæ cognoscunt.

3. Præterea. Prophetæ per Angelos instruuntur, ut patet per Dionysium iv. cap. angelicæ Hierar. (circa med.) Sed Prophetæ mysteria gratiæ cognoverunt: dicitur enim Amos. III. 7. Non facies Dominus verbum, nisi revelaveris secretum suum.

(a) Mysteries exprimentur.

ad servos suos Prophetas. Ergo Angeli mysteria gratiæ cognoscunt.

Sed contra est quod nullus discit illud quod cognoscit. Sed Angeli etiam supremi quærentur de divinis mysteriis gratiæ, & ea discunt: dicitur enim vii. cap. cælest. Hierar. (post med.) quod sacra Scriptura inducit quasdam cælestes essentias ad ipsum Iesum quæstionem facientes, & addiscentes scientiam divinam eius operationis pro nobis, & Iesum eas sine medio docentem: ut patet lra. lxiii. 1. ubi quærentibus Angelis, Quis est iste, qui venit de Edom? respondit Iesus, Ego, qui loquor iustitiam. Ergo Angeli non cognoscunt mysteria gratiæ.

Respondeo dicendum, quod in Angelis est cognitio duplex. Una quidem naturalis, secundum quam cognoscunt res tum per essentiam suam, tum etiam per species innatas; & hac cognitione mysteria gratiæ Angeli cognoscere non possunt: hæc enim mysteria ex pura Dei voluntate independent. Si enim unus Angelus non potest cognoscere cogitationes alterius ex voluntate eius dependentes, multo minus potest cognoscere quæ ex sola Dei voluntate dependent. Et sic argumentatur Apostolus I. Cor. ii. 11. *Quæ sunt hominibus, nemo novit nisi spiritus hominis, qui in seipso est: ita & quæ sunt Dei, nemo novit nisi spiritus Dei.*

Est autem & alia Angelorum cognitio, quæ eos beatos facit, qua vident Verbum, & res in Verbo: & hac quidem visione cognoscunt mysteria gratiæ, non quidem omnia, nec æqualiter omnes, sed secundum quod Deus voluerit eis revelare, secundum illud Apostoli I. Cor. ii. 10. *Nobis autem revelavit Deus per Spiritum suum:* ita tamen quod superiores Angeli perspicacius divinam sapientiam contemplantur, plura mysteria, & altiora in ipsa Dei visione cognoscunt, quæ inferioribus manifestant, eos illuminando: & horum etiam mysteriorum quædam a principio suæ creationis cognoverunt, quædam vero postmodum, secundum quod eorum officiis congruit, edocentur.

Ad primum ergo dicendum, quod de mysterio incarnationis Christi dupliciter contingit loqui. Uno modo in generali; & sic omnibus revelatum est a principio suæ beatitudinis. Cuius ratio est, quia hoc est quoddam generale principium, ad quod omnia eorum officia ordinantur. Omnes enim sunt administratorii spiritus, ut dicitur Heb. i. 14. *in ministerium missi pro-*

pter eos qui hereditatem capiunt salutis: quod quidem fit per incarnationis mysterium. Unde oportuit de hoc mysterio omnes a principio communiter edoceri. Alio modo possumus loqui de mysterio incarnationis quantum ad speciales condiciones: & sic non omnes Angeli a principio de omnibus sunt edocti; immo (a) quædam etiam superiores Angeli postmodum didicerunt, ut patet per auctoritatem Dionysii inductam (arg. Sed contra.)

Ad secundum dicendum, quod licet Angeli beati divinam sapientiam contemplantur, non tamen eam comprehendunt: & ideo non oportet quod cognoscant quicquid in ea latet.

Ad tertium dicendum, quod quicquid Prophetæ cognoverunt de mysterio gratiæ per revelationem divinam, multo excellentius est Angelis revelatum: & licet Prophetis ea quæ Deus facturus erat circa salutem humani generis, in generali revelaverit, quædam tamen specialia Apostoli circa hoc cognoverunt quæ Prophetæ non cognoverunt, secundum illud Ephes. iii. 4. *Potestis legere intelligere prudentiam meam in mysterio Christi, quod aliis generationibus non est agnitus, sicut revelatum est sanctis Apostolis eius.* Inter ipsos etiam Prophetas posteriores cognoverunt quod priores non cognoverunt, secundum illud Psalm. cxviii. 100. *Super jenes intellaxi:* & Gregorius dicit (hom. xvi. in Ezech. a med.) quod per successiones temporum crevit divinæ cognitionis augmentum.

QUAESTIO LVIII.

De modo cognitionis angelica, in septem articulos divisa.

Post hæc considerandum est de modo angelicæ cognitionis: & circa hoc quærentur septem.

Primo, utrum intellectus Angeli quoadque sit in potentia, quandoque in actu.

Secundo, utrum Angelus possit simul intelligere multa.

Tertio, utrum intelligat discurrendo.

Quarto, utrum intelligat componendo, & dividendo.

Quinto, utrum in intellectu Angeli possit esse falsitas.

Sexto, utrum cognitio Angeli possit dici matutina, & vespertina.

Septimo, utrum sit eadem cognitio matutina, & vespertina, vel diversa.

A a A R-

5. Tho. Oper. Tom. XX.

(a) Al. quidam.

ARTICULUS I. 291

Utrum intellectus Angeli quandoque sit in potentia, quandoque in actu.

1. 2. *quæst. I. art. 5. cor. & II. cont. cap. xcv. & xcvj. & ver. quæst. viii. art. 5. & mal. quæst. xvi. art. 5. cor. & 6. cor. & ad 4.*

AD primam sic proceditur. Videtur quod intellectus Angeli quandoque sit in potentia. Motus enim est actus existens in potentia, ut dicitur III. Physic. (text. 6.) Sed mentes angelicæ intelligendo moventur, ut dicit Dionysius iv. cap. de div. Nom. (lect. 7.) Ergo mentes angelicæ quandoque sunt in potentia.

2. Præterea. Cum desiderium sit rei non habitæ, possibilis tamen haberi; quicumque desiderat aliquid intelligere, est in potentia ad illud. Sed I. Petr. 1. 12. dicitur: *In quem desiderant Angeli prospicere.* Ergo intellectus Angeli quandoque est in potentia.

3. Præterea. In Lib. de causis (prop. 8. circa prin.) dicitur, quod *intelligentia intelligit secundum modum suæ substantiæ.* Sed substantia Angeli habet aliquid de potentia permixtum. Ergo quandoque intelligit in potentia.

Sed contra est quod Augustinus dicit II. super Genes. ad lit. (cap. viii. circ. med.) quod *Angeli, ex quo creati sunt, in ipsa Verbi æternitate, sancta, & pia contemplatione perscrutantur.* Sed intellectus contemplanus non est in potentia, sed in actu. Ergo intellectus Angeli non est in potentia.

Respondeo dicendum, quod, sicut Philosophus dicit in III. de Anima (tex. 8.) & in VIII. Physic. (text. 32.) intellectus dupliciter est in potentia. Uno modo sicut ante addiscere, vel invenire, scilicet antequam habeat habitum scientiæ. Alio modo dicitur esse in potentia, sicut cum iam habet habitum scientiæ, sed non considerat.

Primo igitur modo intellectus Angeli numquam est in potentia respectu eorum ad quæ eius cognitio naturalis se extendere potest. Sicut enim corpora superiora, scilicet cælestia, non habent potentiam ad esse quæ non sit completa per actum; ita cælestes intellectus, scilicet Angeli, non habent aliquam intelligibilem potentiam quæ non sit totaliter completa per species intelligibiles connaturales eis.

Sed quantum ad ea quæ eis divinitus

revelantur, nihil prohibet intellectus eorum esse in potentia: quia sic etiam corpora cælestia sunt in potentia quandoque ut illuminentur a Sole.

Secundo vero modo intellectus Angeli potest esse in potentia ad ea quæ cognoscit naturali cognitione. Non enim omnia quæ naturali cognitione cognoscit, semper actu considerat.

Sed quantum ad cognitionem Verbi, & eorum quæ in Verbo videt, namquam hoc modo est in potentia: quia semper actu intuetur Verbum, & ea quæ in Verbo videt: in hac enim visione eorum beatitudo consistit. Beatitudo autem non consistit in habitu, sed in actu, ut dicit Philosophus in I. Ethic. (cap. viii.)

Ad primum ergo dicendum, quod motus ibi non sumitur, secundum quod est actus imperfecti, idest existentis in potentia, sed secundum quod est actus perfecti, idest existentis in actu. Sic enim intelligere, & sentire dicuntur motus, ut dicitur in III. de Anima (tex. 28.)

Ad secundum dicendum, quod desiderium illud Angelorum non excludit rem desideratam, sed eius fastidium. Vel dicuntur desiderare Dei visionem quantum ad novas revelationes, quas pro opportunitate negotiorum a Deo recipiunt.

Ad tertium dicendum, quod in substantia Angeli non est aliqua potentia denudata ab actu; & similiter nec intellectus Angeli sic est in potentia quod sit abique actu.

ARTICULUS II. 292

Utrum Angelus simul possit multa intelligere.

Inf. quæst. lxxxv. art. 4. & II. dist. iiii. quæst.

11. art. 4. & III. dist. xiv. art. 2. quæst. 4.

& I. cont. cap. iv. & ver. quæst. viii. art.

14. & quod. vii. quæst. 1. art. 2.

AD secundum sic proceditur. Videtur quod Angelus non possit simul multa intelligere. Dicit enim Philosophus II. Topic. (cap. iv. loc. 33.) quod contingit multa scire, sed nnum tantum intelligere.

2. Præterea. Nihil intelligitur, nisi secundum quod intellectus formatur per speciem intelligibilem, sicut corpus formatur per figuram. Sed unum corpus non potest formari diversis figuris. Ergo unus intellectus non potest simul intelligere diversa intelligibilia.

3. Præterea. Intelligere est motus quidam. Nullus autem motus terminatur ad di-

diversos terminos. Ergo non contingit simul multa intelligere.

Sed contra est quod dicit Augustinus IV. super Genes. ad. litt. (cap. xxxii. in princ.) *Potentia spiritalis mentis angelica cuncta quae voluerit, facillime simul comprehendit.*

Respondendo dicendum, quod sicut ad unitatem motus requiritur unitas terminalis, ita ad unitatem operationis requiritur unitas obiecti. Contingit autem aliqua accipi ut plura, & ut unum, sicut partes alicuius continui: si enim unaquaeque per se accipitur, plures sunt: unde & non una operatione, nec simul accipiuntur per sensum, & intellectum. Alio modo accipiuntur, secundum quod sunt unum in toto: & sic simul una operatione cognoscuntur tam per sensum, quam per intellectum, dum totum continuum consideratur, ut dicitur in III. de Anima (tex. 23.) Et sic etiam intellectus noster simul intelligit subiectum, & praedicatum, prout sunt partes unius propositionis, & duo comparata, secundum quod conveniunt in una comparatione. Ex quo patet quod multa, secundum quod sunt distincta, non possunt simul intelligi; sed secundum quod unum in uno intelligibili, sic simul intelliguntur. Unumquodque autem est intelligibile in actu, secundum quod eius similitudo est in intellectu. Quaecumque igitur per unam speciem intelligibilem cognosci possunt, cognoscuntur ut unum intelligibile, & ideo simul cognoscuntur; quae vero per diversas species intelligibiles cognoscuntur, ut diversa intelligibilia capiuntur. Angeli igitur ea cognitione qua cognoscunt res per Verbum, omnia cognoscunt una intelligibili specie, quae est essentia divina: & ideo quantum ad talem cognitionem omnia simul cognoscunt; sicut & in patria non erunt volubiles nostrae cogitationes ab aliis in alia euntes, atque redeuntes; sed omnem scientiam nostram simul uno conspectu videbimus, ut Augustinus dicit in XV. de Trinit. (cap. xvi.) Ea vero cognitione qua cognoscunt res per species innatas, omnia illa simul possunt intelligere quae una specie cognoscuntur, non autem illa quae diversis.

Ad primum ergo dicendum, quod intelligere multa ut unum, est quodammodo unum intelligere.

Ad secundum dicendum, quod intellectus formatur per intelligibilem speciem, quam apud se habet: & ideo sic potest

una specie intelligibili multa simul intelligibilia intueri, sicut unum corpus per unam figuram potest videri multis corporibus assimilari.

Ad tertium dicendum sicut ad primum,

ARTICULUS III. 293

Utrum Angelus cognoscat discurrendo.

III. cont. cap. xlii. & xci. & veri. quæst. viii. art. 13. & quæst. xxii. art. 3.

AD tertium sic proceditur. Videtur quod Angelus cognoscat discurrendo. Discurtus enim intellectus attenditur secundum hoc quod unum per aliud cognoscitur. Sed Angeli cognoscunt unum per aliud: cognoscunt enim creaturas per Verbum. Ergo intellectus Angeli cognoscat discurrendo.

2. Præterea. Quicquid potest virtus inferior, potest & virtus superior. Sed intellectus humanus potest syllogizare, & in effectibus causas cognoscere: secundum quod discurtus attenditur. Ergo intellectus Angeli, qui superior est ordine naturæ, multo magis hoc potest.

3. Præterea. Isidorus dicit (Lib. I. de summo bono cap. x. §. 17.) quod demones per experientiam multa cognoscunt. Sed experimentalis cognitio est discurtiva: ex multis enim memoriis fit unum experimentum, & ex multis experimentis fit unum universale, ut dicitur in fin. Posteriorum (Lib. II. text. ult.) & in principio Metaphysicæ (cap. 1.) Ergo cognitio Angelorum est discurtiva.

Sed contra est quod Dionysius dicit vii. cap. de divin. Nom. (lect. 2.) quod Angeli non congregant divinam cognitionem a sermonibus diffusis, neque ab aliquo communi ad ista specialia simul aguntur.

Respondendo dicendum, quod, sicut saepius dictum est (art. 1. huius quæst.) Angeli illum gradum tenent in subtilitatibus spiritualibus quem corpora caelestia in substantiis corporeis: nam & caelestes mentes a Dionysio dicuntur (de divin. Nom. cap. vii. & ix. & cap. xii. caelest. Hierar.) Est autem hæc differentia inter caelestia, & terrena corpora, quod corpora terrena per mutationem, & motum adipiscuntur suam ultimam perfectionem; corpora vero caelestia statim ex ipsa sua natura suam ultimam perfectionem habent. Sic igitur & inferiores intellectus, scilicet hominum, per quandam motum,

& discursum intellectualis operationis (a) do, & dividendo. Ubi enim est multitudo intellectuum, dum scilicet ex uno cognito in aliud cognitum procedunt. Si autem statim in ipsa cognitione principii notis inspicerent quasi notas omnes conclusiones consequentes, in eis discursus locum non haberet. Et hoc est in Angelis: quia statim in illis quæ primo naturaliter cognoscunt, inspicunt omnia, quæcumque in eis cognosci possunt. Et ideo dicuntur intellectuales: quia etiam apud nos ea quæ statim naturaliter apprehenduntur, intelligi dicuntur: unde intellectus dicitur habitus primorum principiorum. Animæ vero humanæ, quæ veritatis notitiam per quandam discursum acquirunt, rationales vocantur. Quod quidem contingit ex debilitate intellectualis luminis in eis. Si enim haberent plenitudinem intellectus luminis, sicut Angeli, statim in primo aspectu principiorum totam virtutem eorum comprehenderent, intuendo quicquid ex eis syllogizari posset.

Ad primum ergo dicendum, quod discursus quendam motum nominat. Omnis autem motus est de uno priori in aliud posterius. Unde discursiva cognitio attenditur, secundum quod ex aliquo prius noto devenitur in cognitionem alterius posterioris noti, quod prius erat ignotum. Si autem uno inspecto, simul aliud inspicatur, sicut in speculo inspicitur simul imago rei, & res; non est propter hoc cognitio discursiva: & hoc modo cognoscunt Angeli res in Verbo.

Ad secundum dicendum, quod Angeli syllogizare possunt, tamquam syllogismum cognoscentes; & in causis effectus vident, & in effectibus causas; non tamen ita quod cognitionem veritatis ignotæ acquirant syllogizando ex causis in causata, & ex causatis in causas.

Ad tertium dicendum, quod experientia in Angelis, & demonibus dicitur secundum quandam similitudinem, prout scilicet cognoscunt sensibilia præsentia, tamen absque omni discursu.

ARTICULUS IV. 294

Utrum Angeli intelligent componendo, & dividendo.

II. dist. III. quæst. 1. art. 2. corp. & mai. quæst. XVI. art. 6. ad 16.

AD quartum sic proceditur. Videtur quod Angeli intelligent componen-

do, & dividendo. Ubi enim est multitudo intellectuum, ibi est compositio intellectuum, ut dicitur in III. de Anima (text. 21.) Sed in intellectu Angelis est multitudo intellectuum, cum per diversas species diversa intelligat, & non omnia simul. Ergo in intellectu Angeli est compositio, & divisio.

2. Præterea. Plus distat negatio ab affirmatione, quam quæcumque duæ naturæ oppositæ: quia prima distinctio est per affirmationem, & negationem. Sed aliquas naturas distantes Angelus non cognoscit per unum, sed per diversas species, ut ex dictis patet (art. 2. huius quæst.) Ergo oportet quod affirmationem, & negationem cognoscat per diversas; & ita videtur quod Angelus intelligat componendo; & dividendo.

3. Præterea. Locutio est signum intellectus. Sed Angeli hominibus loquentes proferunt affirmativas, & negativas enuntiationes, quæ sunt signa compositionis, & divisionis in intellectu, ut ex multis locis sacre Scripturæ apparet. Ergo videtur quod Angelus intelligat componendo, & dividendo.

Sed contra est quod Dionysius dicit viii. cap. de div. Nom. (inter princ. & med. lect. 2.) quod virtus intellectualis Angelorum respondet perspicaci divinarum intellectuum simplicitate. Sed simplex intelligentia est sine compositione, & divisione, ut dicitur in III. de Anima (text. 21.) Ergo Angelus intelligit sine compositione, & divisione.

Respondeo dicendum, quod sicut in intellectu ratiocinante comparatur conclusio ad principium; ita in intellectu componente, & dividente comparatur prædicatum ad subiectum. Si enim intellectus noster statim in ipso principio videret conclusionis (b) veritatem, numquam intelligere discurrendo, vel ratiocinando. Similiter si intellectus statim in apprehensione quidditatis subiecti haberet notitiam de omnibus quæ possunt attribui subiecto, vel removeri ab eo; numquam intelligeret componendo, & dividendo, sed solum intelligendo quod quid est. Sic igitur patet quod ex eodem provenit quod intellectus noster intelligit discurrendo, & componendo, & dividendo, ex hoc scilicet quod non statim in prima apprehensione alicuius primi apprehensi potest inspicere quicquid in eo virtute continetur: quod contingit

(a) Ita edidit quæ vidimus. Cod. Aless. perfectionem, & cognitionem veritatis. (b) Ita reddidit Aless. & Terræ. & edidit plurimi. Romana edidit virtutem.

git ex debilitate luminis intellectualis in nobis, sicut dictum est (art. præc. in corp.) Unde cum in Angelo sit lumen intellectuale perfectum, cum sit speculum purum, & clarissimum, ut dicit Dionysius iv. cap. de div. Nom. (part. iv. parum ante med. lect. 19.) relinquatur quod Angelus sicut non intelligit ratio cinando, ita non intelligit componendo, & dividendo.

Nihilominus tamen compositionem, & divisionem enuntiationum intelligit, sicut & rationationem syllogismorum: intelligit enim composita simpliciter, & mobilia immobiliter, & materialia immaterialiter.

Ad primum ergo dicendum, quod non quascumque multitudo intellectuum compositionem causat, sed multitudo illorum intellectuum quorum unum attribuitur alteri, vel removetur ab altero. Angelus autem intelligit quidditatem alicuius rei, simul intelligit quicquid ei attribui potest, vel removeri ab ea. Unde intelligendo quod quid est, intelligit quicquid nos intelligere possumus componendo, & dividendo, per unum suum simplex intellectum.

Ad secundum dicendum, quod diversae quidditates rerum minus differunt quantum ad rationem existendi, quam affirmatio, & negatio; tamen quantum ad rationem cognoscendi affirmatio, & negatio magis conveniunt: quia statim per hoc quod cognoscitur veritas affirmationis, cognoscitur falsitas negationis oppositæ.

Ad tertium dicendum, quod hoc quod Angeli loquuntur enuntiationes affirmativas, & negativas, manifestat quod Angeli cognoscunt compositionem, & divisionem; non autem quod cognoscant componendo, & dividendo, sed simpliciter cognoscendo quod quid est.

ARTICULUS V. 295

Utrum in intellectu Angeli possit esse falsitas.

II. diff. xi. quest. 11. art. 5. ad 4. & ver. quest. viii. art. 14. ad 6. & mal. quest. xvi. art. 5. cor.

AD quintum sic proceditur. Videtur quod in intellectu Angeli possit esse falsitas. Protervitas enim ad falsitatem pertinet. Sed in demonibus est phantasia proterva, ut dicit Dionysius iv. cap. de div. Nom. (part. iv. parum a med.

S. Tb. Oper. Tom. XX.

(*) Nicolai vel demonstrando.

lect. 19.) Ergo videtur quod in Angelorum intellectu possit esse falsitas.

2. Præterea. Nescientia est causa falsæ affirmationis. Sed in Angelis potest esse nescientia, ut Dionysius dicit vi. cap. eccles. Hierar. (vers. fin.) Ergo videtur quod in eis possit esse falsitas.

3. Præterea. Omne quod cadit a veritate sapientiae, & habet rationem depravatam, habet falsitatem, vel errorem in suo intellectu. Sed hoc Dionysius dicit de demonibus vii. cap. de div. Nom. (ante med. lect. 2.) Ergo videtur quod in intellectu Angelorum possit esse falsitas.

Sed contra. Philopohus dicit III. de Anima (text. 26. & 31.) quod *intellectus semper verus est*. Augustinus etiam dicit in Lib. lxxxiii. Qq. (quest. xxxii. in fin.) quod *nihil intelligitur nisi verum*. Sed Angeli non cognoscunt aliquid nisi intelligendo. Ergo in Angelis cognitione non potest esse deceptio, & falsitas.

Respondendo dicendum, quod huius questionis veritas aliquatenus ex præmissa dependet. Dictum est enim (art. præc.) quod Angelus non intelligit componendo, & dividendo, sed intelligendo quod quid est. Intellectus autem circa quod quid est semper verus est, sicut & sensus circa proprium obiectum, ut dicitur in III. de Anima (text. 26.)

Sed per accidens in nobis accidit deceptio, & falsitas, intelligendo quod quid est, scilicet secundum rationem alicuius compositionis; vel cum definitionem utrius rei accipimus ut definitionem alterius; vel cum partes definitionis sibi non coherent, sicut si accipiat pro definitione alicuius rei, Animal quadrupes volatile: nullum enim animal tale est. Et hoc quidem accidit in compositis, quorum definitio ex diversis sumitur, quorum unum est materiale ad aliud; sed intelligendo quidditates simplices, ut dicitur in IX. Metaph. (text. 22.) non est falsitas: quia vel totaliter non attinguntur, & nihil intelligimus de eis; vel cognoscuntur ut sunt.

Sic igitur per se non potest esse falsitas, aut error, aut deceptio in intellectu alicuius Angeli; sed per accidens contingit, alio tamen modo quam in nobis. Nam nos componendo, & dividendo quandoque ad intellectum quidditatis pervenimus; sicut cum dividendo, (1) & demonstrando definitionem investigamus. Quod quidem in Angelis non contingit;

Ad 3 sed

sed per quod quid est rei cognoscunt omnes enuntiationes ad illam rem pertinentes. Manifestum est autem quod quidditas rei potest esse principium cognoscendi respectu eorum quae naturaliter conveniunt rei, vel ab ea remouentur; non autem eorum quae a supernaturali Dei ordinatione dependent. Angeli igitur boni habentes rectam voluntatem per cognitionem quidditatis rei non iudicant de his quae supernaturaliter ad rem pertinent, nisi salva ordinatione divina. Unde in eis non potest esse falsitas, aut error. Dæmones vero per voluntatem peruersam subducunt intellectum a divina sapientia, absolute interdum de rebus iudicant secundum naturalem conditionem. Et in his quae naturaliter ad rem pertinent, non decipiuntur; sed decipi possunt quantum ad ea quae supernaturalia sunt: sicut si considerans hominem mortuum, iudicat eum non resurrecturum; & si videns hominem Christum, iudicat eum non esse Deum.

Et per hoc patet responsio ad ea quae utrinque obijciuntur. Nam protervitas dæmonum est, secundum quod non subduntur divinae sapientiae. Nescientia autem est in Angelis non respectu naturalium cognoscibilium, sed supernaturalium. Patet etiam quod intellectus eius quod quid est semper est verus, nisi per accedens, secundum quod indebite ordinatur ad aliquam compositionem, vel divisionem.

ARTICULUS VI. 296

Utrum in Angelis sit cognitio matutina, & vespertina.

II. dist. XII. art. 3. corp. & ver. quæst. VIII. art. 16. & 17. & Eph. III. lect. 3. & Hebr. 1. lect. 3.

AD sextum sic proceditur. Videtur quod in Angelis non sit vespertina, neque matutina cognitio. Vespere enim, & mane admixtionem tenebrarum habent. Sed in cognitione Angeli non est aliqua tenebrositas, cum non sit ibi error, vel falsitas. Ergo cognitio Angeli non debet dici matutina, vel vespertina.

2. Præterea. Inter vespere, & mane cadit nox; & inter mane, & vespere cadit merides. Si igitur in Angelis cadit cognitio matutina, & vespertina, pari ratione videtur quod in eis debeat esse meridiana, & nocturna cognitio.

3. Præterea. Cognitio distinguitur secundum differentiam cognitorum. Unde in III. de Anima (text. 38.) dicit Philosophus, quod scientiae fecantur, quemadmodum & res. Triplex autem est esse rerum, scilicet in Verbo, in propria natura, & in intelligentia angelica, ut Augustinus dicit II. super Gen. ad litt. (cap. VIII.) Ergo si ponatur cognitio matutina in Angelis, & vespertina, propter esse rerum in Verbo, & in propria natura; debet etiam in eis poni tertia cognitio propter esse rerum in intelligentia angelica.

Sed contra est quod Augustinus IV. super Gen. litt. (cap. XXII.) & XI. de civ. Dei (cap. VII.) distinguit cognitionem Angelorum per matutinam, & vespertinam.

Respondeo dicendum, quod hoc quod dicitur de cognitione matutina, & vespertina in Angelis, introductum est ab Augustino, qui sex dies, in quibus Deus legitur fecisse cuncta, Gen. 1. intelligi vult non hos usitatos dies, qui Solis circuitu peraguntur, cum Sol quarto die factus legatur, sed unum diem, scilicet cognitionem angelicam sex rerum generibus præsentatam. Sicut autem in die consueti mane est principium diei, vespere autem terminus; ita cognitio ipsius primordialis esse rerum dicitur cognitio matutina; & hæc est, secundum quod res sunt in Verbo; cognitio autem ipsius esse rei creatæ, secundum quod in propria natura consistit, dicitur cognitio vespertina. Nam esse rerum fuit a Verbo sicut a quodam primordiali principio; & hic effluxus terminatur ad esse rerum, quod in propria natura habent.

Ad primum ergo dicendum, quod vespere, & mane non accipiuntur in cognitione angelica secundum similitudinem ad admixtionem tenebrarum, sed secundum similitudinem principii, & termini. Vel dicendum, quod nihil prohibet, ut dicit Augustinus IV. super Gen. ad litt. (cap. XXIII. circa princ.) aliquid in comparatione ad unum diei lux, & in comparatione ad aliud dici tenebra; sicut vita fidelium, & iustorum in comparatione ad impios dicitur lux, secundum illud Eph. v. 8. (a) *Fuistis aliquando tenebrae, nunc autem lux in Domino.* Quæ tamen vita fidelium in comparatione ad vitam gloriæ tenebrosa dicitur, secundum illud II. Petr. 1. 19. (b) *Habetis præteritum sermonem, cui bene facitis attendentes, quasi*

(a) *Vulgata Etaria.* (b) *Vulgata Habemus.*

quasi lucerna lucens in caliginoso loco. Sic igitur cognitio Angelus, qua cognoscit res in propria natura, dies est per comparationem ad ignorantiam, vel errorem; sed obscura est per comparationem ad visionem Verbi.

Ad secundum dicendum, quod matutina, & vespertina cognitio ad idem pertinet, idest ad Angelos illuminatos, qui sunt distincti a tenebris, idest a malis angelis. Angeli autem boni cognoscentes creaturam, non in ea figuntur, quod esset tenebrescere, & noctem fieri; sed hoc ipsum refertur ad laudem Dei, in quo sicut in principio omnia cognoscunt. Et ideo post vesperam non ponitur nox, sed mane; ita quod mane sit finis praecedentis diei, & principium sequentis, in quantum Angeli cognitionem praecedentis operis ad laudem Dei referunt. Meridies autem sub nomine diei comprehenditur, quasi medium iuter duo extrema. Vel potest meridies referri ad cognitionem ipsius Dei, quae non habet principium, nec finem.

Ad tertium dicendum, quod etiam ipsi Angeli creaturae sunt. Unde esse rerum in intelligentia angelica comprehenditur sub vespertina cognitione, sicut & esset rerum in propria natura.

ARTICULUS VII. 327

Utrum una sit cognitio matutina, & vespertina.

Locis sup. art. 6. illustris.

AD septimum sic proceditur. Videtur quod una sit cognitio vespertina, & matutina. Dicitur enim Genesim 1. 5. *Factum est vespere, & mane dies unus.* Sed per diem intelligitur cognitio angelica, ut Augustinus dicit (loc. cit. art. praec. in princ. cor.) Ergo una & eadem est cognitio in Angelis matutina, & vespertina.

2. Praeterea. Impossibile est unam potentiam simul duas operationes habere. Sed Angeli semper sunt in actu cognitionis matutinae, quia semper vident Deum, & res in Deo, secundum illud Matth. xviii. 10. *Angeli eorum semper vident faciem Patris mei &c.* Ergo si cognitio vespertina esset alia a matutina, nullo modo Angelus posset esse in actu cognitionis vespertinae.

3. Praeterea. Apostolus dicit I. Corinth. xiii. 10. *Cum venerit quod perfectum est, evacuabitur quod ex parte est.* Sed silentium

cognitio vespertina sit aliud a matutina, comparatur ad ipsam sicut imperfectum ad perfectum. Ergo non poterit simul vespertina cognitio esse cum matutina.

In contrarium est quod dicit Augustinus IV. super Genesim ad litteram (cap. xxiv. in princ.) quod multum interest inter cognitionem rei cuiuscunque in Verbo Dei, & cognitionem eius in natura eius; ut illud merito pertineat ad diem, hoc ad vesperam.

Respondeo dicendum, quod, sicut dictum est (art. praec. in corp.) cognitio vespertina dicitur qua Angeli cognoscunt res in propria natura. Quod non potest ita intelligi, quasi ex propria rerum natura cognitionem accipiant, ut haec praepositio in inducit habitudinem principii: quia non accipiunt Angeli cognitionem a rebus, ut supra habitum est (quest. iv. art. 2.) Relinquitur igitur quod hoc quod dicitur, in propria natura, accipitur secundum rationem cogniti, secundum quod subest cognitioni; ut scilicet cognitio vespertina in Angelis dicatur secundum quod cognoscunt esse rerum, quod habent res in propria natura. Quod quidem per duplex medium cognoscunt, scilicet per species innatas, & per rationes rerum in Verbo existentes. Non enim videndo Verbum, cognoscunt solum illud esse rerum quod habent in Verbo, sed illud esse quod habent in propria natura; sicut Deus per hoc quod videt se, cognoscit esse rerum quod habent in propria natura.

Si ergo dicatur cognitio vespertina, secundum quod cognoscunt esse rerum quod habent in propria natura, videndo Verbum; sic una & eadem secundum essentiam est cognitio vespertina, & matutina, differens solum secundum cognitionem. Si vero cognitio vespertina dicatur, secundum quod Angeli cognoscunt esse rerum quod habent in propria natura per formas innatas, sic alia est cognitio vespertina, & matutina. Et ita videtur intelligere Augustinus, cum unam ponat imperfectam respectu alterius.

Ad primum ergo dicendum, quod sicut numerus sex dierum secundum intellectum Augustini (loc. cit. in princ. corp. art. praec.) accipitur secundum sex genera rerum quae cognoscuntur ab Angelis; ita unitas diei accipitur secundum unitatem rei cognita, quae tamen diversis cognitionibus cognosci potest.

Ad secundum dicendum, quod duae operationes possunt simul esse unius potentiae, quarum una ad aliam refertur;

A a 4 ut

ut patet, cum voluntas simul vult & finem, & ea quæ sunt ad finem; & intellectus simul intelligit principia, & conclusiones per principia, quando iam scientiam acquisivit. Cognitionem autem vespertina in Angelis refertur ad matutinam, ut Augustinus dicit (Lib. IV. super Genes. cap. xxii. & xxiv. circ. med.) Unde nihil prohibet utramque simul esse in Angelis.

Ad tertium dicendum, quod, veniente perfecto, evacuatur imperfectum, quod scilicet ei opponitur; sicut fides, quæ est eorum quæ non videntur, evacuatur, visione veniente. Sed imperfectio vespertinæ cognitionis non opponitur perfectioni matutinæ. Quod enim cognoscatur aliquid in seipso, non est oppositum ei quod cognoscatur in sua causa: nec iterum quod aliquid cognoscatur per duo media, quorum unum est perfectius, & aliud imperfectius, aliquid repugnans habet; sicut ad eandem conclusionem habere possumus & medium demonstrativum, & dialecticum: & similiter eadem res potest sciri ab Angelo per Verbum increatum, & per speciem innatam.

QUAESTIO LIX.

*De voluntate Angelorum,
in quatuor articulis divisa.*

Consequenter considerandum est de his quæ pertinent ad voluntatem Angelorum: & primo considerabimus de ipsa voluntate; secundo de motu eius, qui est amor, sive dilectio.

Et circa primum quaeruntur quatuor.

Primo, utrum in Angelis sit voluntas.

Secundo, utrum voluntas in Angelis sit ipsa natura eorum, vel etiam ipse intellectus eorum.

Tertio, utrum in Angelis sit liberum arbitrium.

Quarto, utrum in eis sit irascibilis, & concupiscibilis.

ARTICULUS I. 298

Utrum in Angelis sit voluntas.

II. cont. cap. xlvi. & apus. 11. cap. lxxv.

AD primum sic proceditur. Videtur quod in Angelis non sit voluntas. Quia, ut dicit Philosophus in III. de Anima (text. 42.) voluntas in ratione est. Sed in Angelis non est ratio, sed aliquid superius ratione. Ergo in Ange-

lis non est voluntas, sed aliquid superius voluntate.

2. Præterea. Voluntas sub appetitu continetur, ut patet per Philosophum in III. de Anima (text. 42.) Sed appetitus est imperfectus, est enim eius quod nondum habetur. Cum igitur in Angelis, maxime in beatis, non sit aliqua imperfectio, videtur quod non sit in eis voluntas.

3. Præterea. Philosophus dicit in III. de Anima (text. 54.) quod voluntas est movens motum, movetur enim ab appetibili intellectu. Sed Angeli sunt immobiles, cum sint incorporei. Ergo in Angelis non est voluntas.

Sed contra est quod Augustinus dicit X. Lib. de Trin. (cap. xi. & xii.) quod imago Trinitatis invenitur in mente secundum memoriam, intelligentiam, & voluntatem. Imago autem Dei invenitur non solum in mente humana, sed etiam in mente angelica, cum etiam mens angelica sit capax Dei. Ergo in Angelis est voluntas.

Respondeo dicendum, quod necesse est ponere in Angelis voluntatem.

Ad cuius evidentiam considerandum est, quod cum omnia procedant ex voluntate divina, omnia suo modo per appetitum inclinatur in bonum, sed diversimode. Quædam enim inclinatur in bonum per solam naturalem habitudinem absque cognitione, sicut plantæ, & corpora inanimata: & talis inclinatio ad bonum vocatur appetitus naturalis. Quædam vero ad bonum inclinatur cum aliqua cognitione; non quidem sic quod cognoscant ipsam rationem boni; sed cognoscunt aliquid bonum particulare, sicut sensus, qui cognoscit dulce, & album, & aliquid huiusmodi. Inclinatio autem hanc cognitionem sequens dicitur appetitus sensitivus. Quædam vero inclinatur ad bonum cum cognitione, qua cognoscunt ipsam boni rationem, quod est proprium intellectus: & hæc perfectissime inclinatur in bonum: non quidem quasi ab alio solummodo directæ in bonum, sicut ea quæ cognitione carent; neque in bonum particulariter tantum, sicut ea in quibus est sola sensitiva cognitio; sed tantum inclinatur in ipsum universale bonum. Et hæc inclinatio dicitur voluntas. Unde cum Angeli per intellectum cognoscant ipsam universalem rationem boni, manifestum est quod in eis sit voluntas.

Ad primum ergo dicendum, quod aliter

ter ratio transcendit sensum, & aliter intellectus rationem. Ratio enim transcendens sensum secundum diversitatem cognitorum: nam sensus est particularium, ratio vero universalium. Et ideo oportet quod sit alius appetitus tendens in bonum universale, qui debetur rationi; & alius tendens in bonum particulare, qui debetur sensui. Sed intellectus, & ratio differunt quantum ad modum cognoscendi, quia scilicet intellectus cognoscit simpliciter intuitu, ratio vero discurrendo de uno in aliud. Sed tamen ratio per discursum pervenit ad cognoscendum illud quod intellectus sine discursu cognoscit, scilicet universale. Idem est ergo obiectum quod appetitiva proponitur & ex parte rationis, & ex parte intellectus. Unde in Angelis, qui sunt intellectuales tantum, non est appetitus superior voluntate.

Ad secundum dicendum, quod licet nomen appetitivae partis sit sumptum ab appetendo ea quae non habentur; tamen appetitiva pars non solum ad haec se extendit, sed etiam ad multa alia: sicut & nomen lapidis sumptum est a latione pedis, cum tamen lapidi non hoc solum conveniat. Similiter irascibilis potentia denominatur ab ira, cum tamen in ea sint plures aliae passionis, ut spes, & audacia, & huiusmodi.

Ad tertium dicendum, quod voluntas dicitur movens motum, secundum quod velle est motus quidam, & intelligere: cuiusmodi motum nihil prohibet in Angelis esse, quia talis motus est *actus perfecti*, ut dicitur in III. de Anima (text. 28.)

ARTICULUS II. 299

Utrum in Angelis voluntas differat ab intellectu.

I. dist. XLII. quæst. 11. art. 2. ad 3. & ver. quæst. XXII. art. 10.

AD secundum sic proceditur. Videtur quod in Angelis non differat voluntas ab intellectu, & natura. Angelus enim est simplicior quam corpus naturale. Sed corpus naturale per suam formam inclinatur in suum finem, qui est eius bonum. Ergo multo magis Angelus. Forma autem Angeli est vel natura ipsa in qua subsistit, vel species quæ est in intellectu eius. Ergo Angelus inclinatur in bonum per naturam suam, vel per speciem intelligibilem. Hæc au-

tem inclinatio ad bonum pertinet ad voluntatem. Voluntas igitur Angeli non est aliud quam eius natura, vel intellectus.

2. Præterea. Obiectum intellectus est verum, voluntatis autem bonum. Bonum autem, & verum non differunt realiter, sed secundum rationem tantum. Ergo voluntas, & intellectus non differunt realiter.

3. Præterea. Distinctio communis, & proprii non diversificat potentias: eadem enim potentia visiva est coloris, & albedinis. Sed bonum & verum videntur se habere sicut commune, & proprium: nam verum est quoddam bonum, scilicet intellectus. Ergo voluntas, cuius obiectum est bonum, non differt ab intellectu, cuius obiectum est verum.

Sed contra. Voluntas in Angelis est bonorum tantum; intellectus autem est bonorum, & malorum, cognoscunt enim utrumque. Ergo voluntas Angeli est aliud quam eius intellectus.

Respondeo dicendum, quod voluntas in Angelis est quedam virtus, vel potentia, quæ nec est ipsa eorum natura, nec eorum intellectus. Et quod non sit eorum natura, apparet ex hoc quod natura, vel essentia alicuius rei intra ipsam rem comprehenditur. Quicquid ergo se extendit ad id quod est extra rem, non est rei essentia. Unde videmus in corporibus naturalibus quod inclinatio, quæ est ad esse rei, non est per aliquid superadditum essentiae, sed per materiam, quæ appetit esse antequam (a) illud habeat, & per formam, quæ tenet rem in esse postquam fuerit. Sed inclinatio ad aliquid extrinsecum est per aliquid essentiae superadditum sicut inclinatio ad locum est per gravitatem, vel levitatem. Inclinatio autem ad faciendum sibi simile est per qualitates activas. Voluntas autem habet inclinationem in bonum naturaliter: unde ibi solum est idem essentia, & voluntas, ubi totaliter bonum continetur in essentia volentis, scilicet in Deo, qui nihil vult extra se nisi ratione suæ bonitatis: quod de nulla creatura potest dici, cum bonum infinitum sit extra essentiam cuiuslibet causati. Unde nec voluntas Angeli, nec alterius creaturæ potest esse idem quod eius essentia. Similiter nec potest esse idem quod intellectus Angeli, vel hominis. Nam cognitio fit per hoc quod cognitum est in cognoscente.

(a) Ita cod. Alcan. alique duo cum Nicolao. Edit. Romæ & Paris. omittunt illud.

te. (a) voluntas vero se extendit in rem exteriorem. Unde ea ratione se extendit eius intellectus in id quod est extra se, secundum quod illud quod extra ipsum est per essentiam, natum est aliquo modo in eo esse. Voluntas vero se extendit in id quod extra est, secundum quod quadam inclinatione quodammodo tendit in rem exteriorem. Alterius autem virtutis est quod aliquid habeat in se quod est extra se, & quod ipsum tendat in rem exteriorem. Et ideo oportet quod in qualibet creatura sit aliud intellectus, & voluntas; non autem in Deo, qui habet & ens universale, & bonum universale in se ipso: unde tam voluntas, quam intellectus est eius essentia.

Ad primum ergo dicendum, quod corpus naturale per formam substantialem inclinatur in esse suum; sed in exteriori inclinatur per aliquid additum, ut dictum est (in corp. art.)

Ad secundum dicendum, quod potentia non diversificantur secundum materialem distinctionem obiectorum, sed secundum formalem distinctionem, quae attenditur secundum rationem obiecti: & ideo diversitas secundum rationem boni, & veri sufficit ad diversitatem intellectus, & voluntatis.

Ad tertium dicendum, quod quia bonum, & verum convertuntur secundum rem, inde est quod & bonum ab intellectu intelligitur sub ratione veri, & verum a voluntate appetitur sub ratione boni. Sed tamen diversitas rationum ad diversificandum potentias sufficit, ut dictum est (in corp. art. & quest. xvi. art. 4.)

ARTICULUS III. 300

Utrum in Angelis sit liberum arbitrium.

1. dist. vii. quest. 1. art. 1. & II. con. cap. xlvii. & veri. quest. xxiii. art. 1. cor. & quest. xxiv. art. 2. & 3. & mal. quest. xvi. art. 1. corp. & op. 11. cap. lxxvi.

AD tertium sic proceditur. Videtur quod in Angelis non sit liberum arbitrium. Actus enim liberi arbitrii est eligere. Sed electio non potest esse in Angelis, cum electio sit appetitus praefiliatus: consilium autem est inquisitio quadam, ut dicitur in III. Ethic. (cap. 3.) Angeli autem non cognoscunt inquirendo quia hoc pertinet ad discursum

rationis. Ergo videtur quod in Angelis non sit liberum arbitrium.

2. Praeterea. Liberum arbitrium se habet ad utrumlibet. Sed ex parte intellectus non est aliquid se habens ad utrumlibet in Angelis: quia intellectus eorum non fallitur in naturalibus intelligibilibus, ut dictum est (quest. lvi. art. 5.) Ergo nec ex parte appetitus liberum arbitrium in eis esse potest.

3. Praeterea. Ea quae sunt naturalia in Angelis, conveniunt eis secundum magis, & minus: quia in superioribus Angelis natura intellectualis est perfectior quam in inferioribus. Liberum autem arbitrium non recipit magis, & minus. Ergo in Angelis non est liberum arbitrium.

Sed contra. Libertas arbitrii ad dignitatem hominis pertinet. Sed Angeli digniores sunt hominibus. Ergo libertas arbitrii, cum sit in hominibus, multo magis est in Angelis.

Respondeo dicendum, quod quaedam sunt quae non agunt ex aliquo arbitrio, sed quasi ab aliis acta, & mota, sicut sagitta a sagitante movetur ad finem. Quaedam vero agunt quodam arbitrio, sed non libero, sicut animalia irrationalia: ovis enim fuit lupum ex quodam iudicio, quo exillam eum sibi noxium; sed hoc iudicium non est sibi liberum, sed a natura inditum. Sed solum id quod habet intellectum, potest agere iudicio libero, in quantum cognoscit universalem rationem boni, ex qua potest iudicare hoc, vel illud esse bonum. Unde ubicumque est intellectus, est liberum arbitrium.

Et sic patet liberum arbitrium esse in Angelis etiam excellentius quam in hominibus, sicut & intellectum.

Ad primum ergo dicendum, quod Philosophus (loc. cit. in arg.) loquitur de electione, secundum quod est hominis. Sicut autem aestimatio hominis in speculativo differt ab aestimatione Angeli in hoc quod una est absque inquisitione, alia vero per inquisitionem; ita & in operativis. Unde in Angelis est electio, non tamen cum inquisitiva deliberatione consilii, sed per subitam (b) acceptionem veritatis.

Ad secundum dicendum, quod, sicut dictum est, (art. prae. & quest. xii. art. 4.) cognitio fit per hoc quod cognita sunt in cognoscente. Ad imperfectiorem autem alicuius rei pertinet, si non.

(a) Ita cod. cit. In editis omnibus quae vidimus, dicitur voluntas vero se extendit in rem exteriorem. (b) Ita idem cod. Editi acceptionem.

non sit in ea id quod natum est in ea esse. Unde Angelus non esset perfectus in sua natura, si intellectus eius non esset determinatus ad omnem veritatem quam naturaliter cognoscere potest. Sed actus appetitivæ virtutis est per hoc quod affectus inclinatur ad rem exterioriorem. Non autem dependet perfectio rei ex omni re ad quam inclinatur, sed solum ex superiori. Et ideo non pertinet ad imperfectionem Angelus, si non habet voluntatem determinatam respectu eorum quæ infra ipsum sunt. Pertineret autem ad imperfectionem eius, si indeterminate se haberet ad illud quod supra ipsum est.

Ad tertium dicendum, quod liberum arbitrium nobiliori modo est in superioribus Angelis quam in inferioribus, sicut & iudicium intellectus. Tamen verum est quod ipsa libertas, secundum quod in ea consideratur quædam remotio coactionis, non suscipit magis, & minus: quia privationes, & negationes non remittuntur, nec intenduntur per se, sed solum per suam causam, vel secundum aliquam affirmationem adiunctam.

ARTICULUS IV. 301

Utrum in Angelis sit irascibilis, & concupiscibilis.

Præ. quæst. xxiv. art. 10. cor.

AD quartum sic proceditur. Videtur quod in Angelis sit irascibilis, & concupiscibilis. Dicit enim Dionysius iv. cap. de div. Nom. (part. iv. parum a med. lect. 19.) quod *in demonibus est furor irrationabilis, & concupiscentia amens*. Sed demones eiusdem naturæ sunt cum Angelis, quia peccatum non mutavit in eis naturam. Ergo in Angelis est irascibilis, & concupiscibilis.

2. Præterea. Amor, & gaudium in concupiscibilibus sunt; ira vero, spes, & timor in irascibilibus. Sed hæc attribuntur Angelis bonis, & malis in Scripturis. Ergo in Angelis est irascibilis, & concupiscibilis.

3. Præterea. Virtutes quædam dicuntur esse in irascibili, & concupiscibili; sicut caritas, & temperantia videntur esse in concupiscibili, spes autem, & fortitudo in irascibili. Sed virtutes hæc sunt in Angelis. Ergo in Angelis est concupiscibilis, & irascibilis.

Sed contra est quod Philosophus dicit

in III. de Anima (tex. 41.) quod irascibilis, & concupiscibilis sunt in parte sensitiva, quæ non est in Angelis. Ergo in eis non est irascibilis, & concupiscibilis.

Respondendo dicendum, quod intellectivus appetitus non dividitur per irascibilem, & concupiscibilem, sed solum appetitus sensitivus. Cuius ratio est, quia cum potentia non distinguantur secundum distinctionem materialem obiectorum, sed solum secundum rationem formalem obiecti; si alicui potentia respondeat aliquod obiectum secundum rationem communem, non erit distinctio potentiarum secundum diversitatem propriorum obiectorum, quæ sub illo communi continentur: sicut si proprium obiectum potentia visiva est color secundum rationem coloris, non distinguuntur plures potentia visiva secundum differentiam albi, & nigri. Sed si proprium obiectum alicuius potentia esset album, inquantum album, distingueretur potentia visiva albi a potentia visiva nigri. Manifestum est autem ex dictis (art. 1. huius quæst. & quæst. xvi. art. 1.) quod obiectum appetitus intellectivi, qui voluntas dicitur, est bonum secundum communem rationem; nec potest esse aliquis appetitus nisi boni: unde in parte intellectiva appetitus non dividitur secundum distinctionem aliquorum particularium bonorum, sicut dividitur appetitus sensitivus, qui non respicit bonum secundum communem rationem, sed quoddam particulare bonum.

Unde cum in Angelis non sit nisi appetitus intellectivus, eorum appetitus non distinguitur per irascibilem, & concupiscibilem, sed remanet indivisus, & vocatur voluntas.

Ad primum ergo dicendum, quod furor, & concupiscentia metaphorice dicuntur esse in demonibus, sicut & ira quandoque Deo attribuitur propter similitudinem effectus.

Ad secundum dicendum, quod amor, & gaudium, secundum quod sunt passiones, sunt in concupiscibili; sed secundum quod nominant simplicem voluntatis actum, sicut in intellectiva parte, prout amare est velle bonum alicui, & gaudere est quiescere voluntatem in aliquo bono habito. Et universaliter nihil horum dicitur de Angelis secundum passionem, ut Augustinus dicit IX. de civitate Dei (cap. v. non procul a fin.).

Ad tertium dicendum, quod caritas,

sc-

secundum quod est virtus, non est in concupiscibili, sed in voluntate: nam obiectum concupiscibilis est bonum delectabile secundum sensum. Huiusmodi autem non est bonum divinum, quod est obiectum caritatis. Et eadem ratione dicendum est, quod spes non est in irascibili: quia obiectum irascibilis est quoddam arduum, quod est sensibile, circa quod non est spes quæ est virtus, sed circa arduum divinum. Temperantia autem, secundum quod est virtus humana, est circa concupiscentias delectabilium sensibilium, quæ pertinent ad vim concupiscibilem; & similiter fortitudo est circa audacias, & timores, quæ sunt in irascibili: & ideo temperantia, secundum quod est virtus humana, est in concupiscibili, & fortitudo in irascibili. Sed hoc modo non sunt in Angelis: non enim in eis sunt passionibus concupiscentiarum, vel timoris, & audaciæ, quas oporteat per temperantiam, & fortitudinem regulari; sed temperantia in eis dicitur, secundum quod moderate suam voluntatem exhibent secundum regulam divinæ voluntatis, & fortitudo in eis dicitur, secundum quod voluntatem divinam firmiter exequuntur: quod totum fit per voluntatem, & non per irascibilem, & concupiscibilem.

QUAESTIO LX.

*De amore, seu dilectione Angelorum,
in quinque articulis divisa.*

DEinde considerandum est de actu voluntatis, qui est amor, sive dilectio: nam omnis actus appetitivæ virtutis ex amore, seu dilectione derivatur: & circa hoc quaeruntur quinque.

Primo, utrum in Angelis sit dilectio naturalis.

Secundo, utrum in eis sit dilectio electiva.

Tertio, utrum Angelus diligat seipsum dilectione naturali, an electiva.

Quarto, utrum unus Angelus diligat alium dilectione naturali sicut seipsum.

Quinto, utrum Angelus naturali dilectione diligat Deum plusquam seipsum.

ARTICULUS I. 301

Utrum in Angelo sit amor, seu dilectio naturalis.

1. 2. quest. xxvi. art. 1. 2. & III. dist. xxvii. quest. 1. art. 2. cor. 1. quest. 1. art. 3.

AD primum sic proceditur. Videtur quod in Angelis non sit amor, vel dilectio naturalis. Amor enim naturalis dividitur contra intellectuales, ut patet per Dionysium iv. cap. de divin. Nomin. (part. 2. lect. 9.) Sed amor Angeli est intellectualis. Ergo non est naturalis.

2. Præterea. Ea quæ amant amore naturali, magis aguntur quam agant: nihil enim habet dominium suæ naturæ. Sed Angeli non aguntur, sed agunt, cum sint liberi arbitrii, ut ostensum est (quest. præc. art. 3.) Ergo in Angelis non est amor, seu dilectio naturalis.

3. Præterea. Omnis dilectio aut est recta, aut non recta. Dilectio autem recta pertinet ad caritatem; dilectio autem non recta pertinet ad iniquitatem: neutrum autem horum pertinet ad naturam, quia caritas est supra naturam, iniquitas autem est contra naturam. Ergo nulla dilectio naturalis est in Angelis.

Sed contra est quod dilectio sequitur cognitionem: nihil enim amatur nisi cognitum, ut Augustinus dicit X. de Trinit. (cap. 2. circ. princ. & cap. 11. prop. fin.) Sed in Angelis est cognitio naturalis. Ergo & dilectio naturalis.

Respondeo dicendum, quod necesse est in Angelis ponere dilectionem naturalem.

Ad cuius evidentiam considerandum est, quod semper prius salvatur in posteriori. Natura autem prior est quam intellectus, quia natura cuiuscunque rei est essentia eius. Unde id quod est naturæ, oportet salvari etiam in habentibus intellectum. Est autem hoc commune omni naturæ ut habeat aliquam inclinationem, quæ est appetitus naturalis, vel amor: quæ tamen inclinatio diversimode invenitur in diversis naturis, in unaquaque secundum modum eius. Unde in natura intellectuali invenitur inclinatio naturalis secundum voluntatem; in natura autem sensitiva secundum appetitum sensitivum; in natura vero carente cognitione secundum solum ordinem naturæ in aliquid. Unde cum Angelus sit natura intellectualis, oportet quod in voluntate eius sit naturalis dilectio.

Ad

Ad primum ergo dicendum, quod intellectualis amor dividitur contra naturalem qui est solum naturalis, in quantum est naturæ quæ non addit supra rationem naturæ perfectionem sensus, aut intellectus.

Ad secundum dicendum, quod omnia quæ sunt in toto mundo, aguntur ab aliquo, præter primum agens, quod ita agit quod nullo modo ab alio agitur: in quo est idem natura, & voluntas. Et ideo non est inconveniens, si Angelus agatur, in quantum inclinatio naturalis est sibi indita ab auctore suæ naturæ. Non tamen sic agitur quod non agat, cum habeat liberam voluntatem.

Ad tertium dicendum, quod sicut cognitio naturalis semper est vera, ita dilectio naturalis semper est recta; cum amor naturalis nihil aliud sit quam inclinatio naturæ indita ab auctore naturæ. Dicere ergo, quod inclinatio naturæ non sit recta, est derogare auctori naturæ. Alia tamen est rectitudo naturalis dilectionis, & alia est rectitudo caritatis, & virtutis, quia una rectitudo est perfectiva alterius; sicut etiam alia est veritas naturalis cognitionis, & alia est veritas cognitionis insulæ, vel acquisitæ.

ARTICULUS II. 303

Utrum in Angelis sit dilectio electiva.

Inf. quæst. lxii. art. 2. cor. & l. 2. quæst. x. art. 1. cor. & 2. 2. quæst. cliv. art. 12. cor. & ver. quæst. xxii. art. 6. cor.

AD secundum sic proceditur. Videtur quod in Angelis non sit dilectio electiva. Dilectio enim electiva videtur esse amor rationalis, cum electio sequatur consilium, quod in inquisitione consistit, ut dicitur in III. Ethic. (cap. iii.) Sed rationalis amor dividitur contra intellectualem, qui est proprius Angelorum, ut dicitur iv. cap. de divin. Nom. (part. ii. h. 9.) Ergo in Angelis non est dilectio electiva.

2. Præterea. In Angelis non est nisi cognitio naturalis præter cognitionem insulam: quia non discurrunt de principiis ad acquirendum conclusiones: & sic ad omnia quæ naturaliter cognoscere possunt, sic se habent sicut intellectus ad prima principia, quæ naturaliter cognoscere potest. Sed dilectio sequitur cognitionem, ut dictum est (art. præc. &

quæst. xix. art. 1.) Ergo in Angelis præter dilectionem gratuitam non est nisi dilectio naturalis: non ergo electiva.

Sed contra. Naturalibus neque mere-mur, neque demeremur. Sed Angeli sua dilectione aliqua merentur, vel demerentur. Ergo in eis est aliqua dilectio electiva.

Respondendo dicendum, quod in Angelis est quædam dilectio naturalis, & quædam electiva; & naturalis dilectio in eis est principium electivæ: quia semper id quod pertinet ad prius, habet rationem principii. Unde cum natura sit primum quod est in unoquoque, oportet quod id quod ad naturam pertinet, sit principium in quolibet. Et hoc apparet in homine quantum ad intellectum, & quantum ad voluntatem. Intellectus enim cognoscit principia naturaliter: & ex hac cognitione causatur in homine scientia conclusionum, quæ non cognoscuntur naturaliter ab homine, sed per inventionem, vel doctrinam. Similiter in voluntate finis hoc modo se habet sicut principium in intellectu, ut dicitur in II. Physic. (text. 89.) (a) sicut enim intellectus cognoscit principia naturaliter, sic voluntas vult finem naturaliter. Unde voluntas naturaliter tendit in suum finem ultimum: omnis enim homo naturaliter vult beatitudinem. Et ex hac naturali voluntate causantur omnes alie voluntates, cum quicquid homo vult velit propter finem. Dilectio igitur boni quod homo naturaliter vult sicut finem, est dilectio naturalis; dilectio autem ab hac derivata, quæ est boni quod diligitur propter finem, est dilectio electiva. Hoc tamen differenter se habet ex parte intellectus, & voluntatis: quia, sicut supra dictum est (quæst. præc. art. 2.) cognitio intellectus sit, secundum quod res cognita sunt in cognoscente. Est autem ex imperfectione intellectualis naturæ in homine quod non statim eius intellectus naturaliter habet omnia intelligibilia, sed quædam, a quibus in alia quodammodo movetur.

Sed actus appetitivæ virtutis est e converso secundum ordinem appetentis ad res. Quarum quædam sunt secundum se bona, & ideo secundum se appetibilia; quædam vero habent rationem bonitatis ex ordine ad aliud, & sunt appetibilia propter aliud. Unde non est ex imperfectione appetentis quod aliquod appetat

na-

(a) Ita edidit omnes quæ vidimus. In ord. Alcan. desunt quæ sequuntur usque ad verba illa. Unde voluntas.

naturaliter ut finem, & aliquid per electionem, ut ordinatur in finem. Quia igitur natura intellectualis in Angelis perfecta est, invenitur in eis sola cognitio naturalis, non autem ratiocinativa; sed invenitur in eis dilectio & naturalis, & electiva. Hæc autem dicta sunt, prætermittis his quæ supra naturam sunt: horum enim natura non est principium sufficiens. De his autem infra dicetur (quæst. lxxi.).

Ad primum ergo dicendum, quod non omnis dilectio electiva est amor rationalis, secundum quod rationalis amor dividitur contra intellectuales. Dicitur enim sic amor rationalis, qui sequitur cognitionem ratiocinativam. Non omnis autem electio consequitur discursum rationis, ut supra dictum est (quæst. præc. art. 3. ad 1.) cum de libero arbitrio ageretur, sed solum electio hominis. Unde ratio non sequitur.

Ad secundum patet responsio ex dictis.

ARTICULUS III. 304

Utrum Angelus diligat seipsum dilectione naturali, & electiva.

1. 2. quæst. x. art. 1. cor. & quæst. xvii. art. 4. ad 1. & quæst. xxvi. art. 4. & 2. 2. quæst. lxxi. art. 5. ad 1. & quæst. cxxvi. art. 1. cor. & 1. cont. cap. x. fin.

AD tertium sic proceditur. Videtur quod Angelus non diligat seipsum dilectione naturali, & electiva. Dilectio enim naturalis est ipsius finis, sicut dictum est (art. præc.) dilectio autem electiva eorum quæ sunt ad finem. Sed idem non potest esse finis, & ad finem respectu eiusdem. Ergo non potest esse eiusdem dilectio naturalis, & electiva.

2. Præterea. Amor est virtus unitiva, & concretiva, ut Dionysius dicit iv. cap. de divin. Nom. (part. 2. lect. 9.) Sed unio, & concretio est diversorum in unum reductorum. Ergo non potest Angelus diligere seipsum.

3. Præterea. Dilectio est quidam motus. Sed omnis motus in alterum tendit. Ergo videtur quod Angelus non possit amare seipsum dilectione naturali, nec electiva.

Sed contra est quod Philosophus dicit ix. Ethic. (cap. viii. paulo a princ.) quod amabilia quæ sunt ad alterum, veniunt ex amabilibus quæ sunt ad seipsum.

Respondendo dicendum, quod cum amor sit boni, bonum autem sit in substantia,

& accidente, ut patet i. Ethic. (cap. vi. paulo post princ.) dupliciter aliquid amatur: uno modo ut bonum subsistens; alio modo ut bonum accidentale, sive inherens. Illud quidem amatur ut bonum subsistens, quod sic amatur ut ei aliquis velit bonum; ut bonum vero accidentale, seu inherens amatur id quod desideratur alteri; sicut amatur scientia, non ut ipsi sit bonum, sed ut habeatur. Et hunc modum amoris quidam nominaverunt *concupiscentiam*, primum vero *amicitiam*. Manifestum est autem quod in rebus cognitione carentibus unumquodque naturaliter appetit consequi id quod est sibi bonum, sicut ignis locum sursum. Unde & Angelus, & homo naturaliter appetunt suum bonum, & suam perfectionem. Et hoc est amare seipsum. Unde naturaliter tam Angelus, quam homo diligit seipsum, inquantum aliquod bonum naturali appetitu sibi desiderat. Inquantum vero sibi desiderat aliquod bonum per electionem, inquantum amat seipsum dilectione electiva.

Ad primum ergo dicendum, quod Angelus, aut homo non diligit se dilectione naturali, & electiva secundum idem, sed secundum diversa, ut dictum est (in corp. & art. præc.)

Ad secundum dicendum, quod sicut plus est esse unum quam uniri, ita amor magis est unus ad seipsum quam ad diversa quæ ei uniuntur. Sed ideo Dionysius usus fuit nomine unitonis, & concretionis, ut ostenderet derivationem amoris a se in alia, sicut ab uno derivatur unio.

Ad tertium dicendum, quod sicut amor est actio manens in agente, ita est motus manens in amante, non autem tendens in aliquid aliud ex necessitate, sed potest reflecti super amantem, ut amet seipsum; sicut & cognitio reflectitur in cognoscentem, ut cognoscat seipsum.

ARTICULUS IV. 305

Utrum unus Angelus naturali dilectione diligat alium sicut seipsum.

- Ver. quæst. ii. art. 7. ad 6. & Ios. xvii. lect. 5. fin.

AD quartum sic proceditur. Videtur quod unus Angelus non diligat naturali dilectione alium sicut seipsum. Dilectio enim sequitur cognitionem. Sed unus Angelus non cognoscit alium sicut seipsum: quia seipsum cognoscit per suam

suam essentiam, alium vero per eius similitudinem, ut supra dictum est (quaest. lvi. art. 1. & 2.) Ergo videtur quod unus Angelus non diligit alium sicut seipsum.

2. Præterea. Causa est potior causato, & principium eo quod ex principio derivatur. Sed dilectio quæ est ad alium, derivatur ab ea quæ est ad seipsum, sicut dicit Philosophus IX. Ethic. (cap. viii. non remote a princ.) Ergo Angelus non diligit alium sicut seipsum, sed seipsum magis.

3. Præterea. Dilectio naturalis est aliquid tamquam finis, & non potest removeri. Sed unus Angelus non est finis alterius; & iterum hæc dilectio potest removeri, ut patet in demonibus, qui non diligunt bonos Angelos. Ergo unus Angelus non diligit alium naturali dilectione sicut seipsum.

Sed contra est, quia illud quod invenitur in omnibus etiam ratione carentibus, videtur esse naturale. Sed, sicut dicitur Eccli. xiii. 19. *omne animal diligit sibi simile*. Ergo Angelus diligit naturaliter alium sicut seipsum.

Respondeo dicendum, quod, sicut dictum est (art. præc.) Angelus, & homo naturaliter seipsum diligit. Illud autem quod est unum cum aliquo, est ipsummet: unde unumquodque diligit id quod est unum sibi. Et si quidem sit unum sibi unione naturali, diligit illud dilectione naturali; si vero sit unum secum unione non naturali, diligit ipsum dilectione non naturali: sicut homo diligit civem suum dilectione politicæ virtutis, consanguineum autem suum dilectione naturali, inquantum est unum cum eo in principio generationis naturalis. Manifestum est autem quod id quod est unum cum aliquo genere, vel specie, est unum per naturam: & ideo dilectione naturali quælibet res diligit quod est secum unum secundum speciem, inquantum diligit speciem suam. Et hoc etiam apparet in his quæ cognitione carent; nam ignis naturalem inclinationem habet ut communicet alteri suam formam, quod est bonum eius; sicut naturaliter inclinatur ad hoc quod quærat bonum suum, ut esse sursum. Sic ergo dicendum est, quod unus Angelus diligit alium naturali dilectione, inquantum convenit cum eo in natura; sed inquantum convenit cum eo in aliquibus aliis, vel etiam inquantum differt ab eo secundum quædam alia, non diligit eum naturali dilectione.

Ad primum ergo dicendum, quod hoc quod dico *sicut seipsum*, potest uno modo determinare cognitionem, seu dilectionem ex parte cogniti, & dilecti; & sic cognoscit alium sicut seipsum, quia cognoscit alium esse, sicut cognoscit seipsum esse. Alio modo potest determinare cognitionem, & dilectionem ex parte diligentis, & cognoscentis; & sic non cognoscit alium sicut seipsum, quia se cognoscit per suam essentiam, alium autem non per eius essentiam. Et similiter non diligit alium sicut seipsum, quia seipsum diligit per suam voluntatem, alium autem non diligit per eius voluntatem.

Ad secundum dicendum, quod *ly sicut* non designat æqualitatem, sed similitudinem. Cum enim dilectio naturalis super unitatem naturalem fundetur, illud quod est minus nimium cum eo, naturaliter minus diligit. Unde naturaliter plus diligit quod est unum numero, quam quod est unum specie, vel genere. Sed naturale est quod similem dilectionem habeat ad alium sicut ad seipsum, inquantum ad hoc quod sicut seipsum diligit, inquantum vult sibi bonum, ita alium diligit, inquantum vult eius bonum.

Ad tertium dicendum, quod dilectio naturalis dicitur esse ipsius finis, non tamquam cui aliquis velit bonum, sed tamquam bonum quod quis vult sibi, & per consequens alii, inquantum est unum sibi. Nec ista dilectio naturalis removeri potest etiam ab Angelis malis, quin dilectionem naturalem habeant ad alios Angelos, inquantum cum eis communicant in natura; sed odiunt eos, inquantum diversificantur secundum iustitiam, & iniustitiam.

ARTICULUS V. 306

Utrum Angelus naturali dilectione diligat Deum plus quam seipsum.

1.2. *quest. cix. ar. 3. & 2. quest. xxxvi. art. 3. corp. & quol. 1. art. 8. corp.*

AD quintum sic proceditur. Videtur quod Angelus naturali dilectione non diligit Deum plus quam seipsum. Quia, ut dictum est (art. præc.) dilectio naturalis fundatur super unione naturali. Sed natura divina maxime distat a natura Angeli. Ergo naturali dilectione Angelus minus diligit Deum quam se, vel etiam alium Angelum.

2. Præterea. Propter quod unumquodque, & illud magis. Sed naturali dilectione

Ratione quilibet diligit alium propter se : unumquodque enim diligit aliquid , in quantum est bonum sibi. Ergo dilectione naturali Angelus non diligit Deum plus quam seipsum.

3. Præterea. Natura reflectitur in seipsam : videmus enim quod omne agens naturaliter agit ad conservationem sui. Non autem reflecteretur in seipsam naturam , si tenderet in aliud plus quam in seipsam. Non ergo naturali dilectione diligit Angelus Deum plus quam se.

4. Præterea. Hoc videtur esse proprium caritatis , ut aliquis Deum plus quam seipsum diligit. Sed dilectio caritatis non est naturalis in Angelis , sed diffunditur in cordibus eorum per Spiritum sanctum , qui datus est eis , ut dicit Augustinus XII. de civ. Dei (cap. ix. post mod.) Ergo non diligit Deum Angeli dilectione naturali plus quam seipsos.

5. Præterea. Dilectio naturalis semper manet , manente natura . Sed diligere Deum plus quam seipsum , non manet in peccante angelo , vel homine : quia , ut Augustinus dicit XIV. de civit. Dei (cap. ult. in princ.) *fecerunt civitates duas amoris duo , terrenam scilicet amor sui usque ad Dei contemptum , celestem vero amor Dei usque ad contemptum sui* . Ergo diligere Deum supra seipsum non est naturale.

Sed contra. Omnia moralia legis præcepta sunt de lege naturæ. Sed præceptum de diligendo Deum supra seipsum est præceptum morale legis. Ergo est de lege naturæ : ergo dilectione naturali Angelus diligit Deum supra seipsum.

Respondeo dicendum , quod quidam dixerunt , quod Angelus naturali dilectione diligit Deum plus quam se amore concupiscentiæ , quia scilicet plus appetit sibi bonum divinum quam bonum suum ; & quodammodo amore amicitie , in quantum scilicet Deo vult naturaliter Angelus maius bonum quam sibi : vult enim naturaliter Deum esse Deum , se autem vult habere naturam propriam. Sed simpliciter loquendo , naturali dilectione plus diligit se quam Deum : quia intensius , & principalius naturaliter diligit se quam Deum.

Sed falsitas huius opinionis manifeste apparet , si quis in rebus naturalibus consideret , ad quid res naturaliter moveatur : inclinatio enim naturalis in his quæ sunt sine ratione , demonstrat inclinationem naturalem in voluntate intellectualis naturæ. Unumquodque autem in rebus naturalibus quod secundum natu-

ram hoc ipsum quod est , alterius est , principalius , & magis inclinatur in id cuius est , quam in seipsum. Et hæc inclinatio naturalis demonstratur ex his quæ naturaliter aguntur : quia unumquodque sicut agit naturaliter , sic aptum natum est agi , ut dicitur in II. Physic. (text. 78.) Videmus enim quod naturaliter pars se exponit ad conservationem totius , sicut manus exponitur seipsum absque deliberatione ad conservationem totius corporis . Et quia ratio imitatur naturam , huiusmodi imitationem invenimus in virtutibus politicis : est enim virtuosus civis ut se exponat mortis periculo pro totius reipublicæ conservatione : & si homo esset naturalis pars huius civitatis , hæc inclinatio esset ei naturalis . Quia igitur bonum universale est ipse Deus , & sub hoc bono continetur etiam Angelus , & homo , & omnis creatura , quia omnis creatura naturaliter secundum id quod est , Dei est ; sequitur quod naturali dilectione etiam Angelus , & homo plus , & principalius diligit Deum quam seipsum . Alioquin si naturaliter plus seipsum diligeret quam Deum , sequeretur quod naturalis dilectio esset perversa , & quod non perferretur per caritatem , sed destrueretur.

Ad primum ergo dicendum , quod ratio illa procedit in his quæ ex æquo dividuntur , quorum unum non est alteri ratio existendi , & bonitatis : in talibus enim unumquodque diligit naturaliter magis seipsum quam alterum , in quantum est magis sibi ipsi unum quam alteri . Sed in illis quorum unum est tota ratio existendi , & bonitatis alii , magis diligitur naturaliter tale alterum quam ipsum , sicut dictum est (in corp.) quod unaquæque pars diligit naturaliter totum plus quam se , & quodlibet singulare naturaliter diligit plus bonum suæ speciei quam bonum suum singulare . Deus autem non solum est bonum unius speciei , sed est ipsum universale bonum simpliciter . Unde unumquodque suo modo naturaliter diligit Deum plus quam seipsum.

Ad secundum dicendum , quod cum dicitur , quod Deus diligitur ab Angelo , in quantum est ei bonus : si ly *in quantum* dicat finem , sic falsum est , non enim diligit naturaliter Deum propter bonum suum , sed propter ipsum Deum ; si vero dicat rationem amoris ex parte amantis , sic verum est : non enim esset in natura aliquid quod amaret Deum , nisi ex eo quod

quod unumquodque dependet a bono quod est Deus.

Ad tertium dicendum, quod natura reflectitur in seipsam, non solum quantum ad id quod est ei singulare, sed multo magis quantum ad commune. Inclinator enim unumquodque ad conservandum non solum suum individuum, sed etiam suam speciem: & multo magis habet naturalem inclinationem unumquodque in id quod est bonum universale simpliciter.

Ad quartum dicendum, quod Deus, secundum quod est universale bonum, a quo dependet omne bonum naturale, diligitur naturali dilectione ab unoquoque; in quantum vero est bonum beatificans (i.e.) universaliter omnes supernaturali beatitudine, sic diligitur dilectione caritatis.

Ad quintum dicendum, quod cum in Deo sit unum & idem eius substantia, & bonum commune, omnes qui vident ipsam Dei essentiam, eodem motu dilectionis moventur in ipsam Dei essentiam, prout est ab aliis distincta, & secundum quod est quoddam bonum commune. Et quia in quantum est bonum commune, naturaliter anatur ab omnibus, quicumque videt eum per essentiam, impossibile est quin diligit ipsum. Sed illi qui non vident essentiam eius, cognoscunt eum per aliquos particulares effectus, qui interdum eorum voluntati contrariantur: & sic hoc modo dicuntur odio habere Deum, cum tamen, in quantum est bonum commune omnium, unumquodque naturaliter diligit plus Deum quam seipsum.

QUAESTIO LXI.

De productione Angelorum in esse natura, in quatuor articulos divisa.

Post ea quae praemissa sunt de natura Angelorum, & cognitione, & voluntate eorum, restat considerandum de eorum creatione, sive universaliter de eorum exordio: & haec consideratio est tripartita. Nam primo considerabimus, quomodo producti sunt in esse naturae. Secundo, quomodo perfecti sunt in gratia, vel gloria. Tertio, quomodo aliqui ex eis facti sunt mali.

Circa primum quaeruntur quatuor.

Primo, utrum Angelus habeat causam sui esse.

Secundo, utrum Angelus sit ab aeterno.

S. Th. Oper. Tom. 2. 2.

(i.e.) *Al. naturaliter.*

Tertio, utrum Angelus sit creatus ante corporalem creaturam.

Quarto, utrum Angeli fuerint creati in caelo empyreo.

ARTICULUS I. 207

Utrum Angeli habeant causam sui esse.

Quod. 111. art. 6. corp. & opusc. 11. cap. 114. & opusc. xv. cap. 117. ix. & xviii.

Ad primum sic proceditur. Videtur quod Angeli non habeant causam sui esse. De his enim quae sunt a Deo creata, agitur Genes. 1. Sed nulla mentio ut ibi de Angelis. Ergo Angeli non sunt creati a Deo.

2. Praeterea. Philosophus dicit in VIII. Metaph. (text. 16.) quod si aliqua substantia sit forma sine materia, statim per seipsam est ens, & unum, & non habet causam quae faciat eam ens, & unum. Sed Angeli sunt formae immateriales, ut supra ostensum est (quasi. 1. art. 2.) Ergo non habent causam sui esse.

3. Praeterea. Omne quod fit ab aliquo agente, per hoc quod fit, accipit formam ab eo. Sed Angeli, cum sint formae, non accipiunt formam ab aliquo agente. Ergo Angeli non habent causam agentem.

Sed contra est quod dicitur in Psalm. cxlviii. 2. *Laudate eum omnes Angeli eius*; & postea subdit: *Quoniam ipse dixit, & facta sunt.*

Respondetur dicendum, quod necesse est dicere, & Angelos, & omni id quod praeter Deum est, a Deo factum esse. Solus enim Deus est suum esse, in omnibus autem aliis differt essentia rei, & esse eius, ut ex superioribus patet (quasi. 111. art. 4.) Et ex hoc manifestum est quod solus Deus est ens per suam essentiam; omnia vero alia sunt entia per participationem. Omne autem quod est per participationem, causatur ab eo quod est per essentiam, sicut omne ignitum causatur ab igne. Unde necesse est Angelos a Deo creatos esse.

Ad primum ergo dicendum, quod Augustinus dicit in XI. de civit. Dei (cap. ix. & xxx. circ. fin.) quod Angeli non sunt praetermissi in illa prima rerum creatione, sed significatur nomine caeli, aut etiam lucis. Ideo autem vel praetermissi sunt, vel nominibus rerum corporalium significati, quia Moyses rudi populo loquebatur, qui nondum capere poterat incorpoream naturam. Et si eis fuisset ex-

B b pref-

preſſum, aliquas res eſſe ſuper omnem naturam corporum, fuiſſet eis occaſio idololatriæ, ad quam proni erant, & a qua Moſes eos præcipue revocare intendebat.

Ad ſecundum dicendum, quod ſubſtantia quæ ſunt formæ ſubſiſtentes, non habent cauſam aliquam formalem fui eſſe, & ſuæ unitatis, nec cauſam agentem per tranſmutationem materiæ de potentia in actum; ſed habent cauſam producentem totam ſubſtantiam.

Et per hoc patet ſolutio ad tertium.

ARTICULUS II. 308

Utrum Angelus ſit productus a Deo ab æterno.

Pot. quæſt. 111. art. 18. & 19.

AD ſecundum ſic proceditur. Videtur quod Angelus ſit productus a Deo ab æterno. Deus enim eſt cauſa Angeli per ſuum eſſe: non enim agit per aliquid additum ſuæ eſſentiæ. Sed eſſe eius eſt æternum. Ergo ab æterno Angelos produxit.

2. Præterea. Omne quod quandoque eſt, & quandoque non eſt, ſubiaceat temporis. Sed Angelus eſt ſupra tempus, ut dicitur in Lib. de cauſis (prop. 2.) Ergo Angelus non quandoque eſt, & quandoque non eſt, ſed ſemper.

3. Præterea. Auguſtinus (Lib. XIII. de Trin. cap. viii. & Lib. II. Soliloq. cap. xix.) probat incorruptibilitatem animæ per hoc quod per intellectum eſt capax veritatis. Sed ſicut veritas eſt incorruptibilis, ita eſt æterna. Ergo natura intellectualis & animæ, & Angeli non ſolum eſt incorruptibilis, ſed etiam æterna.

Sed contra eſt quod dicitur Proverb. viii. 22. ex perſona Sapientia genitæ: *Dominiſſe poſſedit me ab initio viarum ſuarum, antequam quicquam faceret a principio.* Sed Angeli ſunt facti a Deo, ut oſenſum eſt (art. præc.) Ergo Angeli aliquando non fuerunt.

Reſpondeo dicendum, quod ſolus Deus Pater, & Filius, & Spiritus ſanctus eſt ab æterno. Hoc enim fides catholica indubitanter tenet; & omne contrarium eſt ſicut hæreticum reſutandum. Sic enim Deus creaturas produxit, quod eas ex nihilo fecit, id eſt poſtquam nihil (a) fuerant.

Ad primum ergo dicendum, quod eſſe

Dei eſt ipſum eius velle. Per hoc ergo quod Deus produxit Angelos, & alias creaturas per ſuum eſſe, non excluditur quin eas produxerit per ſuam voluntatem. Voluntas autem Dei non de neceſſitate ſe habet ad productionem creaturarum, ut ſupra dictum eſt (quæſt. xix. art. 4. & quæſt. xlv. art. 1.) & ideo produxit & quæ voluit, & quando voluit.

Ad ſecundum dicendum, quod Angelus eſt ſupra tempus quod eſt numerus morus cæli, quia eſt ſupra omnem motum corporalis naturæ; non tamen eſt ſupra tempus (b) quod eſt numerus ſucceſſionis eſſe eius poſt non eſſe, & etiam quod eſt numerus ſucceſſionis quæ eſt in operationibus eius. Unde Auguſtinus dicit VIII. ſuper Genef. ad litt. (cap. xx. & xxii.) quod Deus movet creaturam ſpiritualem per tempus.

Ad tertium dicendum, quod Angeli, & animæ intellectivæ ex hoc ipſo quod habent naturam per quam ſunt capaces veritatis, ſunt incorruptibiles. Sed hanc naturam non habuerunt ab æterno, ſed data ſunt eis a Deo quando ipſe voluit. Unde non ſequitur quod Angeli ſint ab æterno.

ARTICULUS III. 309

Utrum Angeli ſint creati ante mundum corporeum.

II. diſt. xxxii. quæſt. 1. art. 3. & pot. quæſt. 111. art. 18. & 19.

AD tertium ſic proceditur. Videtur quod Angeli fuerint creati ante mundum corporeum. Dicit enim Hieronymus ſuper epistolam ad Titum (cap. i. ſuper illud, *Quam promiſſi ſille qui non eſt meritis* &c.) *Sex milia nondum noſtri temporis conſeplentur annorum: & quanta tempora, quantaque ſæculorum origines fuiſſe arbitrandum eſt, in quibus Angeli, Throni, Dominationes, ceterique Ordines Deo ſervierunt?* Damascenus etiam dicit in II. Lib. (orth. Fidei cap. i. circa fin.) *Quidam dicunt, quod ante omnem creationem geniti ſunt Angeli, ut Theologus dicit Gregorius: Primum quidem excitavit angelicas virtutes, & caeleſtes: & excogitavit opus eius fuiſſe.*

2. Præterea. Angelica natura eſt media inter naturam divinam, & naturam corpoream. Sed natura divina eſt ab æterno, natura autem corporea ex tempore. Ergo

na-

(a) Al. fuerat. (b) Ita cod. Alcan. cum editis Rom. & Pat. ac cod. Camer. Theologi Lovan. & Duaceni cum Nicolaie omittunt quod eſt numerus ſucceſſionis eſſe eius poſt non eſſe.

natura angelica facta est ante creationem temporis, & post aeternitatem.

3. Præterea. Plus distat natura angelica a natura corporali quam una natura corporalis ab alia. Sed una natura corporalis fuit facta ante aliam: unde & sex dies productionis rerum in principio Genesim describuntur. Ergo multo magis natura angelica facta est ante omnem naturam corporealem.

Sed contra est quod dicitur Genes. 1. 1. *In principio creavit Deus calum, & terram.* Non autem hoc esset verum, si aliquid creasset ante ea. Ergo Angeli non sunt ante naturam corpoream creati.

Respondeo dicendum, quod circa hoc invenitur duplex sanctorum Doctorum sententia. Illa tamen probabilior videtur, quod Angeli simul cum creatura corporea sunt creati.

Angeli enim sunt quædam pars universi: non enim constituunt per se unum universum; sed tam ipsi, quam creatura corporea, in constitutionem unius universi conveniunt. Quod apparet ex ordine unius creaturæ ad aliam. Ordo enim rerum ad invicem est bonum universi. Nulla autem pars perfecta est a suo toto separata. Non est igitur probabile quod Deus, cuius perfecta sunt opera, ut dicitur Deut. xxxii. 4. creaturam angelicam seorsim (a) ante alias creaturas creaverit.

Quamvis contrarium non sit reputandum erroneum, præcipue propter sententiam Gregorii Nazianzeni, cuius tanta est in doctrina christiana auctoritas, ut nullus unquam eius dictis calumnias inferre præsumpserit, sicut nec Athanasii documentis, ut Hieronymus dicit.

Ad primum ergo dicendum, quod Hieronymus loquitur secundum sententiam Doctorum Græcorum, qui omnes hoc concorditer sentiunt, quod Angeli sunt ante mundum corporeum creati.

Ad secundum dicendum, quod Deus non est aliqua pars universi, sed est supradictum universum, præhabens in se eminentiori modo totam universi perfectionem; Angelus autem est pars universi. Unde non est eadem ratio.

Ad tertium dicendum, quod creaturæ corporeæ omnes sunt unum in materia; sed Angeli non conveniunt in materia cum creatura corporea. Unde, creata materia corporalis creaturæ, omnia quodammodo sunt creata; non autem crea-

tis Angelis esset ipsum universum creatum.

Si vero contrarium teneatur; (b) quod dicitur Genes. 1. *In principio creavit Deus calum, & terram*, exponendum est, in principio, idest in Filio, vel in principio temporis, non autem in principio, idest antequam nihil fieret: nisi dicatur, antequam nihil in genere corporalium fieret creaturarum.

ARTICULUS IV. 310

Utrum Angeli sint creati in celo empyreo.

Infr. quæst. cii. art. 2. ad 1. & 4. ad 1. & II. dist. vii. art. 3. cor. & opusc. xxv. cap. xvii. fin.

AD quartum sic proceditur. Videtur quod Angeli non sint creati in celo empyreo. Angeli enim sunt substantiæ incorporeæ. Sed substantia incorporea non dependet a corpore secundum suum esse, & per consequens neque secundum suum fieri. Ergo Angeli non sunt creati in loco corporeo.

2. Præterea. Augustinus dicit III. super Gen. ad litteram (cap. x. ante med.) quod Angeli fuerunt creati in superiori parte æris. Non ergo in celo empyreo.

3. Præterea. Cælum empyreum dicitur esse cælum supremum. Si igitur Angeli creati fuissent in celo empyreo, non convenisset eis in superius cælum ascendere: quod est contra id quod ex personis Angeli peccantis dicitur Isa. xiv. 13. *Ascendam in calum.*

Sed contra est quod Strabus dicit super illud, *In principio creavit Deus calum, & terram* (refertur in Gloss. ord. super hæc verba.) „Cælum non visibile firmamentum hic appellat, sed empyreum, idest igneum, vel intellectualem, quod non ab ardore, sed a splendore dicitur: quod statim factum Angelis est repletum.“

Respondeo dicendum, quod, sicut dictum est (art. præced.) ex creaturis corporalibus, & spiritualibus unum universum constituitur. Unde sic creatæ sunt spirituales creaturæ, quod ad creaturam corporealem aliquem ordinem habent, & toti creaturæ corporali præfident. Unde conveniens fuit quod Angeli in supremo corpore crearentur, tamquam toti naturæ corporeæ præfidentes, sive id

B b 2 di-

(a) Ita ed. Alcan. cum edit. Rom. & Patav. Nicolai cum aliquot cod., ante alias omnes creaturas. (b) Al. quia.

dicatur caelum empyreum, sive qualitercunque nominetur. Unde Isidorus dicit, quod supremum caelum est caelum Angelorum, super illud Deut. x. 14. *Domini Dei tui est caelum, & caelum caeli.* (Referatur ex Gloss. ord. super hunc tex.)

Ad primum ergo dicendum, quod Angeli non sunt creati in loco corporeo, quasi dependentes a corpore secundum suum esse, vel secundum suum fieri: potuisset enim Deus Angelos ante totam creaturam corporalem creasse, ut multi sancti Doctores tenent. Sed facti sunt in loco corporeo ad ostendendum ordinem eorum ad naturam corpoream, & quod sua virtute (a) corporea contingunt.

Ad secundum dicendum, quod Augustinus forte per supremam partem aeris intelligit supremam partem caeli, cum quo aer quamdam convenientiam habet propter suam subtilitatem, & diaphaneitatem. Vel loquitur non de omnibus Angelis, sed de illis qui peccaverunt, qui secundum quoddam fuerunt de inferioribus ordinibus. Nihil autem prohibet dicere, quod superiores Angeli habentes virtutem elevatam, & universalem supra omnia corpora, sint in supremam creaturam corpoream creati; alii vero habentes virtutes magis particulares sint creati in inferioribus corporibus.

Ad tertium dicendum, quod loquitur ibi non de caelo aliquo corporeo, sed de caelo sanctae Trinitatis; in quod Angelus peccans ascendere voluit, dum voluit aliquo modo Deo aequiparari, ut infra patebit (quaest. lxxii. art. 3.)

QUAESTIO LXII.

*De perfectione Angelorum in esse gratiae,
& gloria,*

in novem articulos divisa.

Consequenter investigandum est, quomodo Angeli facti sunt in esse gratiae, vel gloriae: & circa hoc quaeruntur novem.

Primo, utrum Angeli fuerint in sua creatione beati.

Secundo, utrum indigerint gratia ad hoc quod ad Deum converterentur.

Tertio, utrum fuerint creati in gratia.

Quarto, utrum suam beatitudinem meruerint.

Quinto, utrum statim post meritum beatitudinem adepti fuerint.

Sexto, utrum gratiam, & gloriam se-

cundum capacitatem suorum naturalium receperint.

Septimo, utrum post consecutionem gloriae remanserit in eis dilectio, & cognitio naturalis.

Octavo, utrum postmodum potuerint peccare.

Nono, utrum post adiectionem gloriae potuerint prohecere.

ARTICULUS I. 31x

Utrum Angeli fuerint in sua creatione beati.

II. dist. iv. art. 1. & quolib. ix. art. 3. cor.

AD primum sic proceditur. Videtur quod Angeli fuerint creati beati. Dicitur enim in Lib. de ecll. dog. (cap. lxx.) quod *Angeli qui in illa in qua creati sunt beatitudine perseverant, non naturam possident bonum quod habent.* Sunt ergo Angeli creati in beatitudine.

2. Praeterea. Natura angelica est nobilior quam corporalis. Sed creatura corporalis statim in principio suae creationis fuit creata, formata, & perfecta; nec informitas praecessit in ea formationem tempore, sed natura tantum, ut Augustinus dicit I. super Genes. ad litteram (cap. xv. parum a princ.) Ergo nec naturam angelicam creavit Deus informem, & imperfectam. Sed eius formatio, & perfectio est per beatitudinem, secundum quod fruatur Deo. Ergo fuit creata beata.

3. Praeterea. Secundum Augustinum IV. super Genes. ad litteram (cap. xxxiv. & V. cap. v.) ea quae leguntur facta in operibus sex dierum, simul facta fuerunt; & sic oportet quod statim a principio creationis rerum fuerint omnes illi sex dies. Sed in illis sex diebus, secundum eius expositionem, mane fuit cognitio angelica, secundum quam cognoverunt Verbum, & res in Verbo. Ergo statim a principio creationis cognoverunt Verbum, & res in Verbo. Sed Angeli beati sunt per hoc quod Verbum vident. Ergo statim a principio suae creationis Angeli fuerint beati.

Sed contra. De ratione beatitudinis est stabilitas, sive confirmatio in bono. Sed Angeli non statim ut creati sunt, fuerint confirmati in bono: quod casus quorundam ostendit. Non ergo Angeli in sua creatione fuerint beati.

Respondetur dicendum, quod nomine beatitudinis intelligitur ultima perfectio rationalis, seu intellectualis naturae: &

indis

(a) Nicolai corpora.

inde est quod naturaliter desideratur quia unumquodque naturaliter desiderat suam ultimam perfectionem.

Ultima autem perfectio rationalis, seu intellectualis naturae est duplex. Una quidem quam possunt assequi virtute suae naturae; & haec quodammodo beatitudo, vel felicitas dicitur. Unde & Aristoteles (X. Ethic. cap. viii.) perfectissimam hominis contemplationem, qua optimum intelligibile, quod est Deus, contemplari potest in hac vita, dicit esse ultimam hominis felicitatem. Sed super hanc felicitatem est alia felicitas, quam in futuro expectamus, qua videbimus Deum sicuti est: quod quidem est supra cuiuslibet intellectus creati naturam, ut supra ostensum est (quaest. xii. art. 4.)

Sic igitur dicendum est, quod quantum ad primam beatitudinem, quam Angelus assequi virtute suae naturae potuit, inquit creatus beatus: quia perfectionem huiusmodi Angelus non acquirit per aliquem motum discursum, sicut homo; sed statim ei adest propter suae naturae dignitatem, ut supra dictum est (quaest. lvi. art. 3. & 4.) Sed ultimam beatitudinem, quae facultatem naturae excedit, Angeli non statim in principio suae creationis habuerunt: quia haec beatitudo non est aliquid naturae, sed naturae finis: & ideo non statim eam a principio debuerunt habere.

Ad primum ergo dicendum, quod beatitudo ibi accipitur pro illa perfectione naturali quam Angelus habuit in statu innocentiae.

Ad secundum dicendum, quod creatura corporalis statim in principio suae creationis habere non potuit perfectionem ad quam per suam operationem perducitur. Unde secundum Augustinum (tum Lib. V. de Gen. ad litter. cap. iv. post med. & cap. xxiii. tum Lib. VIII. cap. iiii. a princ.) generatio plantarum ex terra non statim fuit in primis operibus, in quibus virtus sola generativa plantarum data est terrae. Et similiter creatura angelica in principio suae creationis habuit perfectionem suae naturae; non autem perfectionem ad quam per suam operationem pervenire debebat.

Ad tertium dicendum, quod Angelus duplicem habet Verbi cognitionem, unam naturalem, & aliam gloriæ: naturalem quidem, qua cognoscit Verbum per eius similitudinem in sua natura refulgentem; cognitionem vero gloriæ, qua cognoscit Verbum per suam essentiam.

S. Tb. Oper. T. III. XX.

Et utraque cognoscit Angelus res in Verbo; sed naturali quidem cognitione imperfecte, cognitione vero gloriæ perfecte. Prima ergo cognitio rerum in Verbo affuit Angelis a principio suae creationis, secunda vero non, sed quando facti sunt beati per conversionem ad bonum: & haec proprie dicitur cognitio matutina.

ARTICULUS II. 315

Utrum Angelus indigeret gratia ad hoc quod converteretur in Deum.

II. dist. v. quaest. xi. art. 2.

AD secundum sic proceditur. Videtur quod Angelus non indigeret gratia ad hoc quod converteretur in Deum. Ad ea enim quae naturaliter possumus, gratia non indigemus. Sed naturaliter Angelus convertitur in Deum, quia naturaliter Deum diligit, ut ex supra dictis patet (quaest. lx. art. 4.) Ergo Angelus non indigit gratia ad hoc quod converteretur in Deum.

2. Præterea. Ad ea tantum videmur indigere auxilio quae sunt difficilia. Sed converti ad Deum non erat difficile Angelo, cum nihil esset in eo quod huic conversioni repugnaret. Ergo Angelus non indigit auxilio gratiae ad hoc quod converteretur in Deum.

3. Præterea. Converti ad Deum est se ad gratiam preparare: unde Zach. 1. 3. dicitur: *Convertimini ad me, & ego converterar ad vos.* Sed nos non indigemus gratia ad hoc quod nos ad gratiam prepareremus, quia sic esset abire in infinitum. Ergo non indigit gratia Angelus ad hoc quod converteretur in Deum.

Sed contra. Per conversionem ad Deum Angelus pervenit ad beatitudinem. Si igitur non indiguisset gratia ad hoc quod converteretur in Deum, sequeretur quod non indigeret gratia ad habendam vitam æternam: quod est contra illud Apostoli Rom. vi. 23. *Gratia Dei vita æterna.*

Respondeo dicendum, quod Angeli indiguerunt gratia ad hoc quod converterentur in Deum, prout est obiectum beatitudinis. Sicut enim superius dictum est (quaest. lx. art. 2.) naturalis motus voluntatis est principium omnium eorum quae voluntis: naturalis autem inclinatio voluntatis est ad id quod est conveniens secundum naturam. Et ideo si aliquid, sic supra naturam, voluntas in id ferri non potest, nisi ab aliquo alio fu-

Bb 3 per-

pernaturali principio adiuta; sicut patet quod ignis habet naturalem inclinationem ad calefaciendum, & ad generandum ignem. Sed generare carnem est supra naturalem virtutem ignis: unde ignis ad hoc nullam inclinationem habet, nisi secundum quod movetur ut instrumentum ab anima nutritiva. Offensum est autem supra (quæst. xii. art. 4. & 5.) cum de Dei cognitione ageretur, quod videre Deum per essentiam, in quo ultima beatitudo rationalis creaturæ consistit, est supra naturam cuiuslibet intellectus creati. Unde nulla creatura rationalis potest habere motum voluntatis ordinatum ad illam beatitudinem, nisi mota a supernaturali agente: & hoc dicimus auxilium gratiæ. Et ideo dicendum est, quod Angelus in illam beatitudinem voluntate converti non potuit nisi per auxilium gratiæ.

Ad primum ergo dicendum, quod Angelus naturaliter diligit Deum, in quantum est principium naturalis esse. Hic autem loquimur de conversione ad Deum, in quantum est beatificans per suam essentiam visionem.

Ad secundum dicendum, quod difficile est quod transcendit potentiam; sed hoc contingit esse dupliciter. Uno modo quia transcendit potentiam secundum suum naturalem ordinem; & tunc si ad hoc possit pervenire aliquo auxilio, dicitur difficile; si autem nullo modo, dicitur impossibile, sicut impossibile est hominem volare. Alio modo transcendit aliquid potentiam, non secundum ordinem naturalem potentie, sed propter aliquod impedimentum potentie adiunctum; sicut ascendere non est contra naturalem ordinem potentie animæ motivæ, quia anima, quantum est de se, nata est (a) movere in quamlibet partem, sed impeditur ab hoc propter corporis gravitatem, unde difficile est homini ascendere. Converti autem ad beatitudinem ultimam homini quidem est difficile, & quia est supra naturam, & quia habet impedimentum ex corruptione corporis, & infectione peccati; sed Angelo est difficile propter hoc solum quod est supernaturale.

Ad tertium dicendum, quod quilibet motus voluntatis in Deum potest dici conversio in ipsum: & ideo triplex est conversio in Deum. Una quidem per dilectionem perfectam, quæ est creaturæ iam Deo fruientis: & ad hanc conver-

sionem requiritur gratia consummata. Alia conversio est quæ est meritum beatitudinis: & ad hanc requiritur habitus gratiæ, quæ est merendi principium. Tertia conversio est per quam aliquis præparat se ad gratiam habendam: & ad hanc non exigitur aliqua habitualis gratia, sed operatio Dei ad se animam convertentis, secundum illud Thren. ult. 21. *Convertite nos Domine ad te, & convertemur.* Unde patet quod non est procedere in infinitum.

ARTICULUS III. 343

Utrum Angeli sint creati in gratia.

2. 2. quæst. v. art. 1. corp. & II. dist. xv. art. 3. & dist. v. quæst. 11. art. 2. corp. & quod. 1X. quæst. IV. art. 3. corp.

AD tertium sic proceditur. Videtur quod Angeli non sint creati in gratia. Dicit enim Augustinus II. super Gen. ad litt. (cap. viii.) quod angelica natura primo erat informiter creata, & calum dicta; postmodum vero formata est, & lux appellata. Sed hæc formatio est per gratiam. Ergo non sunt creati in gratia.

2. Præterea. Gratia inclinat creaturam rationalem in Deum. Si igitur Angelus in gratia creatus fuisset, nullus Angelus fuisset a Deo averfus.

3. Præterea. Gratia medium est inter naturam, & gloriam. Sed Angeli non fuerunt beati in sua creatione. Ergo videtur quod nec etiam creati sunt in gratia, sed primo in natura tantum, postea autem adepti sunt gratiam, & ultimo facti sunt beati.

Sed contra est quod Augustinus dicit XII. de civit. Dei (cap. ix. a med.) *Etiam voluntatem quis fecit in Angelis, nisi ille qui eos cum sua voluntate, scilicet cum amore casto, quo illi adhereret, creavit, simul in eis condens naturam, & largiens gratiam?*

Respondetur dicendum, quod quavis super hoc sint diversæ opiniones, quibusdam dicentibus, quod creati sunt Angeli in naturalibus tantum, aliis vero, quod sunt creati in gratia; hoc tamen probabilius videtur tenendum, & magis dictis Sanctorum consonum est, quod fuerunt creati in gratia gratum faciente. Sic enim videmus quod omnia quæ processu temporis per opus divinæ providentiæ creata a Deo operante sunt producta, in prima rerum conditione producta sunt secundum quoddam feminale

(2) Ita cod. Alcan. aliique cum Nicl's. & edit. Romana. Edit. Pat. movet.

rationes, ut Augustinus dicit VIII. sup. Gen. ad litt. (cap. xxi. & Lib. V. cap. xxiii. in princ.) sicut arbores, & animalia, & alia huiusmodi. Manifestum est autem quod gratia gratum faciens hoc modo comparatur ad beatitudinem sicut ratio femalis in natura ad effectum naturalem. Unde I. Ioan. iii. gratia *semen* Dei nominatur. Sicut igitur secundum opinionem Augustini ponitur quod statim in prima creatione corporalis creaturæ inditæ sunt ei feminales rationes omnium naturalium effectuum; ita statim a principio sunt Angelus creati in gratia.

Ad primum ergo dicendum, quod informatas illa Angeli potest intelligi vel per comparationem ad formationem gloriæ, & sic præcessit tempore informatas formationem; vel per comparationem ad formationem gratiæ, & sic non præcessit ordine temporis, sed ordine naturæ, sicut etiam de formatione corporali Augustinus ponit (Lib. I. sup. Gen. ad litt. cap. xv.)

Ad secundum dicendum, quod omnis forma inclinat suum subiectum secundum modum naturæ eius. Modus autem naturalis intellectualis naturæ est ut libere feratur in ea quæ vult. Et ideo inclinatio gratiæ non imponit necessitatem; sed habens gratiam potest ea non uti, & peccare.

Ad tertium dicendum, quod quamvis gratia sit medium inter naturam, & gloriam ordine naturæ; tamen ordine temporis in natura creata non debuit simul esse gloria cum natura; quia est finis operationis ipsius naturæ per gratiam adiutæ. Gratia autem non se habet ut finis operationis, quia non est ex operibus, sed ut principium bene operandi. Et ideo statim cum natura gratiam dare conveniens fuit.

ARTICULUS IV. 314

Utrum Angelus beatus suam beatitudinem meruerit.

II. dist. v. quæst. xi. art. 2. & quod. ix. quæst. iv. art. 3.

AD quartum sic proceditur. Videtur quod Angelus beatus suam beatitudinem non meruerit. Meritum enim est ex difficultate actus meritorii. Sed nulla difficultatem Angelus habuit ad bene operandum. Ergo bona operatio non fuit ei meritoria.

2. Præterea. Naturalibus non mere-

mur. Sed naturale fuit Angelo quod converteretur ad Deum. Ergo per hoc non meruit beatitudinem.

3. Præterea. Si Angelus beatus beatitudinem suam meruit, aut ergo antequam eam haberet, & post. Sed non ante, quia, ut multis videtur, ante non habuit gratiam, sine qua nullum est meritum; nec etiam post, quia sic etiam modo mereretur, quod videtur esse falsum, quia sic minor Angelus merendo ad superioris Angeli gradum posset pertingere, & non essent stabiles distinctiones graduum gloriæ, quod est inconveniens. Non ergo Angelus beatus suam beatitudinem meruit.

Sed contra. Apoc. xxi. 17. dicitur, quod *mensura Angeli* in illa cælesti Hierusalem est *mensura hominis*. Sed homo ad beatitudinem pertingere non potest nisi per meritum. Ergo neque Angelus.

Respondeo dicendum, quod soli Deo beatitudo perfecta est naturalis: quia idem est sibi esse, & beatum esse. Cuilibet autem creaturæ esse beatum non est naturale, sed ultimus finis. Quilibet autem res ad ultimum finem per suam operationem pertingit: quæ quidem operatio in finem ducens vel estiativa finis, quando finis non excedit virtutem eius quod operatur propter finem, sicut medicatio est factiva sanitatis; vel est meritoria finis, quando finis excedit virtutem operantis propter finem, unde expectatur finis ex dono alterius. Beatitudo autem ultima excedit & naturam angelicam, & humanam, ut ex dictis patet (art. 1. & 2. huius quæst. & art. 4. & 5. quæst. xxi.) Unde reinquiritur quod tam homo, quam Angelus suam beatitudinem meruerint.

Et si quidem Angelus in gratia creatus fuit, sine qua nullum est meritum, absque difficultate dicere possumus, quod suam beatitudinem meruerit: & similiter si quis diceret, quod qualivercumque gratiam habuerit antequam gloriam. Si vero gratiam non habuit antequam esset beatus, sic oportet dicere, quod beatitudinem absque merito habuit, sicut nos gratiam; quod tamen est contra rationem beatitudinis, quæ habet rationem finis, & est præmium virtutis, ut etiam Philoſophus dicit in I. Ethic. (cap. ix. circa princ.) Vel oportet dicere, quod Angeli merentur beatitudinem per ea quæ iam beati operantur in divinis ministeriis, ut alii dixerunt: quod tamen est contra rationem meriti. Nam meri-

tum habet rationem viæ ad finem : ei autem qui iam est in termino, non convenit moveri ad terminum; & sic nullus meretur quod iam habet. Vel oportet dicere, quod unus, & idem actus conversionis in Deum, in quantum est ex libero arbitrio, est meritorius; & in quantum pertingit ad finem, est fructio beata. Sed neque hoc etiam videtur esse conveniens. Quia liberum arbitrium non est sufficiens causa meriti : unde actus non potest esse meritorius, secundum quod est ex libero arbitrio, nisi in quantum est gratia informatus. Non autem simul potest informari gratia imperfecta, quæ est principium merendi, & gratia perfecta, quæ est principium fruendi. Unde non videtur esse possibile quod simul fruatur, & suam fructuonem mereatur.

Et ideo melius dicendum est, quod gratiam habuit Angelus, antequam esset beatus, per quam beatitudinem meruit.

Ad primum ergo dicendum, quod difficultas bene operandi non est in Angelis ex aliqua contrarietate, vel impedimento naturalis virtutis, sed ex hoc quod opus aliquod bonum est supra virtutem naturæ.

Ad secundum dicendum, quod conversione naturali Angelus non meruit beatitudinem, sed conversione caritatis, quæ est per gratiam.

Ad tertium patet responsio ex dictis.

ARTICULUS V. 315

Utrum Angelus statim post unum actum meritis beatitudinem habuerit.

Ad quintum sic proceditur. Videtur quod Angelus non statim post unum actum meritorium beatitudinem habuerit. Difficilius enim est homini bene operari quam Angelo. Sed homo non præmiatur statim post unum actum. Ergo neque Angelus.

2. Præterea. Angelus statim in principio suæ creationis, & in instanti actum aliquem habere potuit, cum etiam corpora naturalia in ipso instanti suæ creationis moveri incipiant; & si motus corporis in instanti esse posset, sicut opera intellectus, & voluntatis, in primo instanti suæ generationis motum haberent. Si ergo Angelus per unum motum suæ voluntatis beatitudinem meruit, in primo instanti suæ creationis meruit beati-

tudinem. Si ergo eorum beatitudo non retardatur, statim in primo instanti fuerunt beati.

3. Præterea. Inter multum distantia oportet esse multa media. Sed status beatitudinis Angelorum multum distat a statu naturæ eorum: medium autem inter utrumque est meritum. Oportuit igitur quod per multa media Angelus ad beatitudinem perveniret.

Sed contra. Anima hominis, & Angelus similiter ad beatitudinem ordinantur: unde Sanctis promittitur æqualitas Angelorum. Sed anima a corpore separata, si habeat meritum beatitudinis, statim beatitudinem consequitur, nisi aliud sit impedimentum. Ergo pari ratione & Angelus. Sed statim in primo actu caritatis habuit meritum beatitudinis. Ergo cum in eo non esset aliquod impedimentum, statim ad beatitudinem pervenit per solum unum actum meritorium.

Respondeo dicendum, quod Angelus post primum actum caritatis, quo beatitudinem meruit, statim beatus fuit.

Cuius ratio est, quia gratia perficit naturam secundum modum naturæ, sicut & omnis perfectio recipitur in perfectibili secundum modum eius. Est autem hoc proprium naturæ angelicæ quod naturalem perfectionem non per discursum acquirit, sed statim per naturam habeat, sicut supra ostensum est (art. 1. huius quæst. & quæst. lxxiii. art. 3. & 4.). Sicut autem ex sua natura Angelus habet ordinem ad perfectionem naturalem, ita ex merito habet ordinem ad gloriam: & ita statim post meritum in Angelo fuit beatitudo consecuta. Meritum autem beatitudinis non solum in Angelo, sed etiam in homine esse potest per unicum actum: quia quolibet actu caritate informato homo beatitudinem meretur. Unde reliquitur quod statim post unum actum caritate informatum Angelus beatus fuit.

Ad primum ergo dicendum, quod homo secundum suam naturam non statim natus est ultimam perfectionem adipisci, sicut Angelus: & ideo homini longior via data est ad merendum beatitudinem quam Angelo.

Ad secundum dicendum, quod Angelus est supra tempus rerum corporalium. Unde instantia diversa in his quæ ad Angelos pertinent, non accipiuntur nisi secundum successionem in ipsorum actibus. Non autem potuit simul in eis esse actus meritorius beatitudinis, & actus beati-

beatitudinis, qui est fructio, cum unus sit gratiæ imperfecta, & alius gratiæ consummata. Unde relinquitur quod oportet diversa instantia accipi, in quorum uno meruerit beatitudinem, & in alio fuerit beatus.

Ad tertium dicendum, quod de natura Angeli est quod statim suam perfectionem consequatur, ad quam ordinatur: & ideo non requiritur nisi unus actus meritorius, qui ea ratione medium dici potest, quia secundum ipsum Angelum ad beatitudinem ordinatur.

ARTICULUS VI. 316

Utrum Angeli sint consecuti gratiam, & gloriam secundum quantitatem suorum naturalium.

AD sextum sic proceditur. Videtur quod Angeli non sint consecuti gratiam, & gloriam secundum quantitatem suorum naturalium. Gratia enim ex mera Dei voluntate datur. Ergo & quantitas gratiæ dependet ex voluntate Dei, & non ex quantitate naturalium.

2. Præterea. Magis propinquum videtur ad gratiam actus humanus quam natura, quia actus humanus præparatorius est ad gratiam. Sed gratia non est ex operibus, ut dicitur Rom. xi. Multo igitur minus quantitas gratiæ in Angelis est secundum quantitatem naturalium.

3. Præterea. Homo, & Angelus pariter ordinantur ad beatitudinem, vel gratiam. Sed homini non datur plus de gratia secundum gradum naturalium. Ergo nec Angelo.

Sed contra est quod Magister dicit xii. distinct. II. Sentent. quod *Angeli qui natura magis subiles, & sapientia amplius perspicaces creati sunt, hi etiam maioribus gratia muneribus præditi sunt.*

Respondendo dicendum, quod rationabile est quod secundum gradum naturalium Angelis data sint dona gratiarum, & perfectio beatitudinis.

Cuius quidem ratio ex duobus accipi potest. Primo quidem ex parte ipsius Dei, qui per ordinem suæ sapientiæ diversos gradus in angelica natura constituit. Sicut autem natura angelica facta est a Deo ad gratiam, & beatitudinem consequendam; ita etiam gradus naturæ angelicæ ad diversos gradus gratiæ, & gloriæ ordinari videntur; ut puta, si ce-

dificator lapides polit ad construendam domum, ex hoc ipso quod aliquos pulchrios, & decentius aptat, videtur eos ad honoratorem partem domus ordinare. Sic igitur videtur quod Deus Angelos quos altioris naturæ fecit, ad maiora gratiarum dona, & ampliorum beatitudinem ordinaverit.

Secundo apparet idem ex parte ipsius Angeli: non enim Angelus est compositus ex diversis naturis, ut inclinatio unius naturæ impetum alterius impediatur, aut retardet, sicut in homine accidit, in quo motus intellectivæ partis aut retardatur, aut impeditur ex inclinatione partis sensitivæ. Quando autem non est aliquid quod retardet, ut impediatur, natura in id secundum totam suam virtutem movetur. Et ideo rationabile est quod Angeli qui meliorem naturam habuerunt, etiam fortius, & efficacius ad Deum sint conversi. Hoc autem etiam in hominibus contingit: quia secundum intentionem conversionis in Deum datur maior gratia, & gloria. Unde videtur quod Angeli qui habuerunt meliorem naturam, habuerunt plus de gratia, & gloria.

Ad primum ergo dicendum, quod sicut gratia est ex mera Dei voluntate, ita etiam & natura Angeli: & sicut naturam, Dei voluntas ordinavit ad gratiam, ita & gradus naturæ ad gradus gratiæ.

Ad secundum dicendum, quod actus rationalis creaturæ sunt ab ipsa; sed natura est immediate a Deo. Unde magis videtur quod gratia detur secundum gradum naturæ quam ex operibus.

Ad tertium dicendum, quod diversitas naturalium aliter est in Angelis, qui differunt specie, & aliter in hominibus, qui differunt solo numero. Differentia enim secundum speciem est (a) propter formam, sed differentia secundum numerum est propter materiam. In homine etiam est aliquid quod potest impedire, vel retardare motum intellectivæ naturæ, non autem in Angelis. Unde non est eadem ratio de utroque.

ARTICULUS VII. 317

Utrum in Angelis beatis remaneat cognitio, & dilectio naturalis.

AD septimum sic proceditur. Videtur quod in Angelis beatis non remaneat cognitio.

(a) Ita edit. Nicolai, & Patavi. quibus adscripturatur Garcia. Cód. Alcan. editio Rom. aliique propter finem.

cognitio, & dilectio naturalis. Quia, ut dicitur I. Cor. xiii. 10. cum veneris quod perfectum est, evacuabitur quod ex parte est. Sed dilectio, & cognitio naturalis est imperfecta respectu cognitionis, & dilectionis beatæ. Ergo, adveniente beatitudine, naturalis cognitio, & dilectio cessat.

2. Præterea. Ubi unum sufficit, aliud superflue existit. Sed sufficit in Angelis beatis cognitio, & dilectio gloriæ. Superfluum ergo esset quod remaneret in eis cognitio, & dilectio naturalis.

3. Præterea. Eadem potentia non habet simul duos actus, sicut nec una linea terminatur ex eadem parte ad duo puncta. Sed Angeli beati sunt semper in actu cognitionis, & dilectionis beatæ: felicitas enim non est secundum habitum, sed secundum actum, ut dicitur in I. Ethic. (cap. viii.) Ergo nunquam in Angelis potest esse cognitio, & dilectio naturalis.

Sed contra. Quamdiu manet natura aliqua, manet operatio eius. Sed beatitudo non tollit naturam, cum sit perfectio eius. Ergo non tollit naturalem cognitionem, & dilectionem.

Respondeo dicendum, quod in Angelis beatis remanet cognitio, & dilectio naturalis: sicut enim se habent principia operationum ad invicem, ita se habent & operationes ipsæ. Manifestum est autem quod natura ad beatitudinem comparatur sicut primum ad secundum, quia beatitudo naturæ additur. Semper autem oportet salvari primum in secundo. Unde oportet quod natura salvetur in beatitudine: & similiter oportet quod in actu beatitudinis salvetur actus naturæ.

Ad primum ergo dicendum, quod perfectio adveniens tollit imperfectionem sibi oppositam. Imperfectio autem naturæ non opponitur perfectioni beatitudinis, sed subalternatur ei sicut imperfectio potentie subalternatur perfectioni formæ: & non tollitur potentia per formam, sed tollitur privatio, quæ opponitur formæ. Et similiter etiam imperfectio cognitionis naturalis non opponitur perfectioni cognitionis gloriæ: nihil enim prohibet simul aliquid cognoscere per diversa media; sicut simul potest aliquid cognosci per medium probabile, & demonstrativum. Et similiter potest Angelus simul Deum cognoscere per essentiam Dei, quod pertinet ad cognitionem gloriæ, & per essentiam propriam, quod pertinet ad cognitionem naturæ.

Ad secundum dicendum, quod ex quæ sunt beatitudinis, per se sufficiunt; sed ad hoc quod sint, præexistunt ea quæ sunt naturæ: quia nulla beatitudo est per se subsistens nisi beatitudo increata.

Ad tertium dicendum, quod duæ operationes non possunt esse simul unius potentie, nisi una ad aliam ordinetur. Cognitio autem, & dilectio naturalis ordinantur ad cognitionem, & dilectionem gloriæ. Unde nihil prohibet in Angelo esse & cognitionem, & dilectionem naturalem, & cognitionem, & dilectionem gloriæ.

ARTICULUS VIII. 318

Utrum Angelus beatus peccare possit.

II. dist. vii. quæst. 1. art. 1. & art. 2. cor. & dist. xxi. quæst. 1. art. 1. ad 1. & Iob 1v.

AD octavum sic proceditur. Videtur quod Angelus beatus peccare possit. Beatitudo enim non tollit naturam, ut dictum est (art. præc.) Sed de ratione naturæ creatæ est quod possit deficere. Ergo Angelus beatus potest peccare.

2. Præterea. Potestates rationales sunt ad opposita, ut Philosophus dicit IV. Metaph. (text. 3.) Sed voluntas Angeli beati non definit esse rationalis. Ergo se habet ad bonum, & malum.

3. Præterea. Ad libertatem arbitrii pertinet quod homo possit eligere bonam, & malum. Sed libertas arbitrii non minuitur in Angelis beatis. Ergo possunt peccare.

Sed contra est quod Augustinus dicit XI. super Genes. ad litt. (cap. vii.) quod illa natura quæ peccare non potest, in sanctis Angelis est. Ergo sancti Angeli peccare non possunt.

Respondeo dicendum, quod Angeli beati peccare non possunt.

Cuius ratio est, quia eorum beatitudo in hoc consistit quod per essentiam Deum vident. Essentia autem Dei est ipsa essentia bonitatis. Unde hoc modo se habet Angelus videns Deum ad ipsum, sicut se habet quicumque non videns Deum ad communem rationem boni. Impossibile est autem quod aliquis quicumque velit, vel operetur, nisi attendens ad bonum, vel quod velit divertere a bono, in quantum huiusmodi. Angelus igitur beatus non potest velle, vel agere, nisi attendens ad Deum: sic autem volens, vel agens non potest peccare. Unde Angelus.

ius libeatus nullo modo peccare potest.

Ad primum ergo dicendum, quod bonum creatum in se consideratum deficere potest; sed ex coniunctione perfecta ad bonum increatum, qualis est coniunctio beatitudinis, adipiscitur quod peccare non possit, ratione iam dicta (in corp. art.)

Ad secundum dicendum, quod virtutes rationales se habent ad opposita in illis ad quæ non ordinantur naturaliter; sed quantum ad illa ad quæ naturaliter ordinantur, non se habent ad opposita. Intellectus enim non potest non assentire principiis naturaliter notis; & similiter voluntas non potest non adherere bono, inquantum est bonum, quia in bonum naturaliter ordinatur sicut in suum obiectum. Voluntas igitur in Angelis se habet ad opposita, quantum ad multa facienda, vel non facienda; sed quantum ad ipsum Deum, quem vident esse ipsam essentiam bonitatis, non se habent ad opposita; sed secundum ipsum (a) ad omnia diriguntur, quodcumque oppositorum eligant, quod sine peccato est.

Ad tertium dicendum, quod liberum arbitrium sic se habet ad eligendum ex quæ sunt ad finem, sicut se habet intellectus ad conclusiones. Manifestum est autem quod ad virtutem intellectus pertinet ut in diversas conclusiones procedere possit secundum principia data; sed quod in aliquam conclusionem procedat, prætermittendo ordinem principiorum, hoc est ex defectu ipsius. Unde quod liberum arbitrium diversa eligere possit, servato ordine finis, hoc pertinet ad perfectionem libertatis eius; sed quod eligat aliquid divertendo ab ordine finis, quod est peccare, hoc pertinet ad defectum libertatis. Unde maior libertas arbitrii est in Angelis, qui peccare non possunt, quam in nobis, qui peccare possumus.

ARTICULUS IX. 319

Utrum Angeli beati in beatitudine possint proficere.

AD nonum sic proceditur. Videtur quod Angeli beati in beatitudine proficere possint. Caritas enim est principium merendi. Sed in Angelis est perfecta caritas. Ergo Angeli beati possunt mereri. Crescente autem merito, & præmium beatitudinis crescit. Ergo Angeli beati in beatitudine proficere possunt.

2. Præterea. Augustinus dicit in Lib. I. de doctr. Christi. (cap. xxxii. in princ.) quod Deus utitur nobis ad nostram utilitatem, & ad suam bonitatem, & similiter Angelis, quibus utitur in ministeriis spiritualibus, cum sint *administratores spiritus in ministerium missi propter eos qui hereditatem capiunt salutis*, ut dicitur Hebr.

1. 14. Non autem hoc esset ad eorum utilitatem, si per hoc non mererentur, nec in beatitudine proficerent. Relinquitur ergo quod Angeli beati & mereri, & in beatitudine proficere possunt.

3. Præterea. Ad imperfectionem pertinet quod ille qui non est in summo, non possit proficere. Sed Angeli non sunt in summo. Si ergo ad maius proficere non possunt, videtur quod in eis sit imperfectio, & defectus: quod est inconveniens.

Sed contra est quod mereri, & proficere pertinent ad statum viæ. Sed Angeli non sunt viatores, sed comprehensores. Ergo Angeli beati non possunt mereri, nec in beatitudine proficere.

Respondetur dicendum, quod in unoquoque motu motoris intentio fertur in aliquid determinatum, ad quod mobile perducere intendit. Intentio enim est de fine, cui repugnat infinitum. Manifestum est autem quod, cum creatura rationalis per suam virtutem consequi non possit suam beatitudinem, quæ in visione Dei consistit, ut ex superioribus patet (art. 7. huius quæst.) indiget ut ad beatitudinem a Deo moveatur. Oportet igitur quod sit aliquid determinatum, ad quod quælibet creatura rationalis dirigatur sicut in ultimum finem. Et hoc quidem determinatum non potest esse divina visio quantum ad ipsum quod videtur, quia summa veritas ab omnibus beatis secundum diversos gradus conspicitur; sed quantum ad modum visionis præfigitur diversimode terminus ex intentione dirigentis in finem. Non enim possibile est quod sicut rationalis creatura perducitur ad videndum summam essentiam, ita perducatur ad summum modum visionis, qui est comprehensio: hic enim modus soli Deo competere potest, ut ex supra dictis patet (quæst. xii. art. 7. & quæst. xiv. art. 3.) Sed cum infinita efficacia requiratur ad Deum comprehendendum, creaturæ vero efficacia in videndo non possit esse nisi finita; ab infinito autem finitum quodlibet infini-

(a) Ita mss. plurimi, & edidi omnes quos vidimus, sed. Alcan, ad omnia diriguntur in quodcumque oppositorum eligat.

nitis gradibus distet; multis modis contingit creaturam rationalem intelligere Deum, (a) ut clarius, & minus clare. Et sicut beatitudo consistit in ipsa visione, ita gradus beatitudinis in certo modo visionis. Sic igitur unaquaque creatura rationalis a Deo perducitur ad finem beatitudinis, ut etiam ad determinatum gradum beatitudinis perducatur ex prædestinatione Dei.

Unde, confectio illi gradu, ad altiorum transire non potest.

Ad primum ergo dicendum, quod mereri est eius quod movetur ad finem. Movetur autem ad finem creatura rationalis non solum patiendi, sed etiam operando. Et si quidem finis ille subit virtuti rationalis creaturæ, operatio illa dicitur acquisitiva illius finis, sicut homo meditando acquirit scientiam. Si vero finis non sit in potestate eius, sed ab alio expectetur, operatio erit meritoria finis. Ei autem quod est in ultimo termino, non convenit moveri, sed mutatum esse. Unde caritatis imperfectæ, quæ est viæ, est mereri; caritatis autem perfectæ non est mereri, sed potius præmio frui: sicut & in habitibus acquisitis operatio præcedens habitum est acquisitiva habitus; quæ vero est ex habitu iam acquisito, est operatio iam perfectæ cum delectatione. Et similiter actus caritatis perfectæ non habet rationem meriti, sed magis est de perfectione præmii.

Ad secundum dicendum, quod aliquid dicitur utile dupliciter. Uno modo sicut quod est in via ad finem; & sic utile est meritum beatitudinis. Alio modo sicut pars est utilis ad totum, ut paries ad domum; & hoc modo ministeria Angelorum sunt utilia Angelis beatis, in quantum sunt quædam pars beatitudinis ipsorum. Diffundere enim perfectionem habitum in alia, hoc est de ratione perfecti, in quantum est perfectum.

Ad tertium dicendum, quod licet Angelus beatus non sit in summo gradu beatitudinis simpliciter, est tamen in ultimo quantum ad seipsum secundum prædestinationem divinam. Potest tamen augeri Angelorum gaudium de salute eorum qui per ipsorum ministerium salvantur, secundum illud Lucæ xv. 10. *Gaudium est Angelis Dei super uno peccatore penitentiam agente*. Sed hoc gaudium ad præmium accidentale pertinet; quod quidem augeri potest usque ad diem iudicii. Unde quidam dicunt, quod quantum ad

præmium accidentale etiam mereri possunt. Sed melius est ut dicatur, quod nullo modo aliquis beatus mereri potest, nisi sit simul viator, & comprehensor, ut Christus, qui solus fuit viator, & comprehensor. Prædictum enim gaudium magis acquiritur ex virtute beatitudinis quam illud mereantur.

QUAESTIO LXIII.

De Angelorum malitia quoad culpam, in novem articulos divisa.

DEinde considerandum est, quomodo Angeli facti sunt mali: & primo quantum ad malum culpæ; secundo quantum ad malum poenæ.

Circa primum quaeruntur novem.

Primo, utrum malum culpæ in Angelis esse possit.

Secundo, cuiusmodi peccata in eis esse possint.

Tertio, quid appetendo Angelus peccavit.

Quarto, supposito quod aliqui peccato propriæ voluntatis facti sunt mali, utrum aliqui naturaliter sint mali.

Quinto, supposito quod non, utrum aliquis eorum in primo instanti suæ creationis potuerit esse malus per actum propriæ voluntatis.

Sexto, supposito quod non, utrum aliqua mora fuerit inter creationem, & lapsum.

Septimo, utrum supremus inter cadentes fuerit simpliciter inter omnes Angelos summus.

Octavo, utrum peccatum primi Angeli fuerit aliis aliqua causa peccandi.

Nono, utrum tot ceciderint, quot remanserunt.

ARTICULUS I. 320

Utrum malum culpæ possit esse in Angelis.

1. 2. *quæst. lxxix. art. 4. & II. dist. III. quæst. 1. art. 1. & III. contr. cap. cviii. cix. & cx. & opu. xv. cap. xviii. & xix.*

AD primum sic proceditur. Videtur quod malum culpæ in Angelis esse non possit. Quia malum culpæ non potest esse nisi in his quæ sunt in potentia, ut dicitur in IX. Metaph. (tex. 19.) subiectum enim privationis est ens in potentia. Sed Angeli, cum sit formæ subsistentes, non habent esse in potentia.

(a) *Nitidius vel clarius, vel minus clare:*

tia. Ergo in eis non potest esse malum culpae.

2. Præterea. Angeli sunt digniores quam corpora caelestia. Sed in corporibus caelestibus non potest esse malum, ut Philosophi dicunt. Ergo neque in Angelis.

3. Præterea. Id quod est naturale, semper inest. Sed naturale est Angelis quod moveantur motu dilectionis in Deum. Ergo ab eis removeri non potest. Sed diligendo Deum non peccant. Ergo Angeli peccare non possunt.

4. Præterea. Appetitus non est nisi boni, vel apparentis boni. Sed in Angelis non potest esse apparens bonum, quod non sit verum bonum: quia in eis vel omnino error esse non potest, vel saltem non potest præcedere culpam. Ergo Angeli non possunt appetere nisi id quod est vere bonum. Sed nullus appetendo id quod est vere bonum, peccat. Ergo Angeli appetendo non peccat.

Sed contra est quod dicitur Iob xv. 18. *In Angelis suis reperis pravitatem.*

Respondetur dicendum, quod tam Angelus, quam quæcumque creatura rationalis, si in sua natura consideretur, potest peccare. Et cuiuscumque creaturæ hoc convenit ut peccare non possit, hoc habet ex dono gratiæ, non ex conditione naturæ. Cuius ratio est, quia peccare nihil est aliud quam declinare a rectitudine actus, quam debet habere, si accipiat peccatum in naturalibus, si in artificialibus, si in moralibus. Solum autem istum actum a rectitudine declinare non contingit cuius regula est ipsa virtus agentis. Si enim manus artificis est ipsa regula incisionis, numquam possit artifex nisi recte lignum incidere; sed si rectitudo incisionis sit ab alia regula, contingit incisionem esse rectam, & non rectam. Divina autem voluntas sola est regula sui actus, quia non ad superiorem finem ordinatur; omnis autem voluntas cuiuslibet creaturæ rectitudinem in suo actu non habet, nisi secundum quod regulatur a voluntate divina, ad quam pertinet ultimus finis; sicut quælibet voluntas inferioris debet regulari secundum voluntatem superioris, ut voluntas militis secundum voluntatem ducis exercitus. Sic igitur in sola voluntate divina peccatum esse non potest; in quolibet autem voluntate creaturæ potest esse peccatum secundum conditionem suæ naturæ.

Ad primum ergo dicendum, quod in Angelis non est potentia ad esse natura-

le; est tamen in eis potentia secundum intellectivam partem ad hoc quod convertantur in hoc, vel in illud: & quantum ad hoc potest in eis esse malum.

Ad secundum dicendum, quod corpora caelestia non habent operationem nisi naturalem: & ideo sicut in natura eorum non potest esse corruptionis malum, ita nec in actione naturali eorum potest esse malum inordinationis. Sed supra actionem naturalem in Angelis est actio liberi arbitrii, secundum quam contingit in eis esse malum.

Ad tertium dicendum, quod naturale est Angelo quod convertatur motu dilectionis in Deum, secundum quod est principium naturalis esse; sed quod convertatur in ipsum, secundum quod est obiectum beatitudinis supernaturalis, hoc est ex amore gratuito, a quo averti potuit peccando.

Ad quartum dicendum, quod peccatum mortale in actu liberi arbitrii contingit esse dupliciter. Uno modo ex hoc quod aliquid malum eligitur, sicut homo peccat eligendo adulterium, quod secundum se est malum, & tale peccatum semper procedit ex aliqua ignorantia, vel errore; alioquin id quod est malum, non eligeretur ut bonum. Errat quidem adulter in particulari, eligens hanc delectationem inordinati actus, quasi aliquid bonum ad nunc agendum propter inclinationem passionis, aut habitus, etiamsi in universali non erret, sed veram de hoc sententiam teneat. Hoc autem modo in Angelo peccatum esse non potuit: quia nec in Angelis sunt passionnes, quibus ratio, aut intellectus ligetur, ut ex supra dictis patet (quæst. lxx art. 4.) nec iterum primum peccatum habitus præcedere potuit ad peccatum inclinans. Alio modo contingit peccare per liberum arbitrium, eligendo aliquid quod secundum se est bonum, sed non cum ordine debite mensuræ, aut regulæ; ita quod defectus inducens peccatum sit solum ex parte electionis, quæ non habet debitum ordinem nisi ex parte rei electæ, sicut si aliquis eligeret orare, non attendens ad ordinem ab Ecclesia institutum. Et huiusmodi peccatum non præexigit ignorantiam, sed absentiam solum considerationis eorum quæ considerari debent. Et hoc modo Angelus peccavit convertendo se per liberum arbitrium ad proprium bonum absque ordine ad regulam divinæ voluntatis.

A R-

ARTICULUS II. 321

Utrum in Angelis possit esse tantum peccatum superbiae, & invidia.

II. dist. v. quæst. 1. art. 3. & dist. xxii. quæst. 1. art. 1. co. & III. con. cap. cix. & mal. quæst. xvii. art. 2. & 4.

AD secundum sic proceditur. Videtur quod in Angelis non possit esse solum peccatum superbiae, & invidiæ. In quemcumque enim cadit delectatio alicuius peccati, potest cadere peccatum illud. Sed dæmones delectantur etiam in obsecrationibus carnalium peccatorum, ut Augustinus dicit XIV. de civitate Dei (cap. lxi. a med.) Ergo in dæmonibus etiam peccata carnalia possunt esse.

2. Præterea. Sicut superbia & invidia sunt peccata spiritalia, ita accidia, & avaritia, & ira. Sed spiritui conveniunt peccata spiritalia, sicut & carni peccata carnalia. Ergo non solum superbia, & invidia in Angelis esse possunt, sed etiam accidia, & avaritia.

3. Præterea. Secundum Gregorium in Moralibus (Lib. XXXI. cap. xvii. post med.) ex superbia nascuntur plura vitia, & similiter ex invidia. Posita autem causa, ponitur effectus. Si ergo superbia, & invidia in Angelis esse possunt, pari ratione & alia vitia in eis esse possunt.

Sed contra est quod Augustinus dicit XIV. de civ. Dei (cap. lxi. a med.) *quod diabolus non est fornicator, aut ebrius, neque aliquid huiusmodi; est tamen superbus, & invidus.*

Respondeo dicendum, quod peccatum aliquod in aliquo esse potest dupliciter, uno modo secundum reatum, alio modo secundum affectum.

Secundum reatum quidem omnia peccata in dæmonibus esse contingit: quia, dum homines ad omnia peccata inducunt, omnium peccatorum reatum incurrunt.

Secundum affectum vero illa solum peccata in malis angelis esse possunt ad quæ contingit affici spirituales naturæ. Spirituales autem naturæ affici non contingit ad bona quæ sunt propria corpori, sed ad ea quæ in rebus spiritualibus inveniri possunt: nihil enim afficitur nisi ad id quod suæ naturæ potest esse quodammodo conveniens. In spiritualibus autem bonis non potest

esse peccatum, dum aliquis ad ea afficitur, nisi per hoc quod in tali affectu superioris regula non servatur: & hoc est peccatum superbiæ, non subdi superiori in eo in quo debet. Unde peccatum primum Angelis non potest esse aliud quam superbia.

Sed consequenter potuit in eis esse etiam invidia. Eiusdem enim rationis est quod affectus tendat in aliquid appetendum, & quod renitatur opposito. Invidus autem ex hoc de bono alterius dolet, inquantum bonum alterius æstimat sui boni impedimentum. Non autem bonum alterius poterat æstimari impedimentum boni affectati per angelum malum, nisi inquantum affectavit excellentiam singularem: quæ quidem singularitas per alterius excellentiam cessat.

Et ideo post peccatum superbiæ consecutum est in Angelo peccante malum invidiæ, secundum quod de bono hominis doluit, & etiam de excellentia divina, secundum quod eo Deus contra voluntatem ipsius diaboli utitur in gloriam divinam.

Ad primum ergo dicendum, quod dæmones non delectantur in obsecrationibus carnalium peccatorum, quasi ipsi afficiantur ad delectationes carnales; sed hoc totum ex invidia procedit, quod in peccatis hominum quibuscumque delectantur, inquantum sunt impedimenta humani boni.

Ad secundum dicendum, quod avaritia, secundum quod est speciale peccatum, est immoderatus appetitus rerum temporalium, quæ veniunt in usum vitæ humanæ, quæcumque pecunia æstimari possunt: & ad ista non afficiuntur dæmones, sicut nec ad delectationes carnales. Unde avaritia proprie sumpta in eis esse non potest. Sed si avaritia dicatur omnis immoderata cupiditas habendi quodcumque bonum creatum, sic avaritia continetur in superbia, quæ est in dæmonibus: Ira vero cum quadam passione est, sicut concupiscentia: unde ipsa in dæmonibus esse non potest nisi metaphorice. Accidia vero est quedam tristitia: qua homo redditur tardus ad spirituales actus propter corporalem laborem, qui dæmonibus non competit. Et sic patet quod sola superbia, & invidia sunt pure spiritalia peccata quæ dæmonibus competere possunt; ita tamen: quod invidia non sumatur pro passione, sed pro voluntate renitente bono alterius.

Ad

Ad tertium dicendum, quod sub invidia, & superbia, prout in demonibus ponuntur, comprehenduntur omnia peccata quae ab illis derivantur.

ARTICULUS III. 352

Utrum diabolus appetierit esse ut Deus.

AD tertium sic proceditur. Videtur quod diabolus non appetierit esse ut Deus. Illud enim quod non cadit in apprehensione, non cadit in appetitu; cum bonum apprehensum moveat appetitum vel sensibilem, vel rationalem, vel intellectualem: in solo enim huiusmodi appetitu contingit esse peccatum. Sed creaturam aliquam esse aequalem Deo non cadit in apprehensione: implicat enim contradictionem: quia necesse est finitum esse infinitum, si aequatur infinito. Ergo Angelus non potuit appetere esse ut Deus.

2. Praeterea. Illud quod est finis naturae, absque peccato appeti potest. Sed assimilari Deo est finis in quem tendit naturaliter quilibet creatura. Si ergo Angelus appetiit esse ut Deus non per aequalitatem, sed per similitudinem, videtur quod in hoc non peccaverit.

3. Praeterea. Angelus in maiori plenitudine sapientiae conditus est quam homo. Sed nullus homo, nisi omnino amens, eligit esse aequalis Angelo, nedum Deo: quia electio non est nisi possibile, de quibus est consilium. Ergo multo minus peccavit Angelus appetendo esse ut Deus.

Sed contra est quod dicitur Isaiae xiv. 13. ex persona diaboli: *Ascendam in caelum . . . & ero similis Altissimo*: & Augustinus (vel alius Auctor) dicit in Lib. de quaestionibus vet. test. (quaest. cxiii. a med.) quod *elatione inflatus voluit dici Deus*.

Respondendo dicendum, quod Angelus absque omni dubio peccavit appetendo esse ut Deus.

Sed hoc potest intelligi dupliciter, uno modo per aequiparantiam, alio modo per similitudinem. Primo quidem modo non potuit appetere esse ut Deus: quia scivit hoc esse impossibile naturali cognitione: nec primum actum peccandi in ipso praecessit vel habitus, vel passio ligans cognoscitivam ipsius virtutem, ut in particulari deficiens eligeret impossibile, sicut in nobis interdum accidit. Et ideo dato quod esset possibile, hoc esset contra naturale desiderium: est enim univ-

que naturale desiderium ad conservandum suum esse, quod non conservaretur, si transmutaretur in alteram naturam. Unde nulla res quae est in inferiori gradu naturae, potest appetere superioris naturae gradum, sicut alius non appetit esse equus: quia si transferretur in gradum superioris naturae, iam ipsum non esset. Sed in hoc imaginatio decipitur: quia enim homo appetit esse in altiori gradu quantum ad aliqua accidentalitatem, quae possunt crescere absque corruptione subiecti, aestimatur quod possit appetere altiozem gradum naturae, in quem pervenire non posset, nisi esse dederet. Manifestum est autem quod Deus excedit Angelum non secundum aliquam accidentalitatem, sed secundum gradum naturae, & etiam unus Angelus alium. Unde impossibile est quod unus Angelus inferior appetat esse aequalis superiori, nedum quod appetat esse aequalis Deo.

Appetere autem esse, ut Deus per similitudinem, contingit dupliciter. Uno modo quantum ad id in quo aliquid natum est Deo assimilari: & sic si aliquis quantum ad hoc appetat esse Deo similis, non peccat, dummodo similitudinem Dei debito ordine appetat adipisci, ut scilicet eam a Deo habeat. Si quis autem appeteret secundum iustitiam esse similis Deo, quasi propria virtute, & non ex virtute Dei, peccaret. Alio vero modo potest aliquis appetere similis esse Deo quantum ad hoc in quo non natus est assimilari; sicut si quis appeteret creare caelum, & terram, quod est proprium Dei: in quo appetitu esset peccatum.

Et hoc modo diabolus appetiit esse ut Deus; non ut ei assimilaretur quantum ad hoc quod est nulli subiecti simpliciter: quia sic suum non esse appeteret, cum nulla creatura esse possit nisi per hoc quod sub Deo esse participat. Sed in hoc appetiit indebite esse similis Deo, quia appetiit ut finem ultimum beatitudinis id ad quod virtute suae naturae poterat pervenire, avertens suum appetitum a beatitudine supernaturali, quae est ex gratia Dei.

Vel si appetiit ut ultimum finem illam Dei similitudinem quae datur ex gratia, voluit hoc habere per virtutem suae naturae, non ex divino auxilio secundum Dei dispositionem. Et hoc consonat dictis Anselmi (cap. 111. & 14. Lib. de casu diaboli) qui dicit, quod *appetiit illud ad quod pervenisset, si stisset*. Et haec duo quodammodo in idem redeunt: quia

fe-

secundum utrumque appetit finalem beatitudinem per suam virtutem habere, quod est proprium Dei.

Quia vero quod est per se, est principium & causa eius quod est per aliud, ex hoc etiam consecutum est quod appetit aliquem principatum super alia habere: in quo etiam perverse voluit Deo assimilari.

Et per hoc patet responsio ad omnia obiecta.

ARTICULUS IV. 323

Utrum aliqui demones sint naturaliter mali.

II. dist. VII. quaest. 1. art. 2. cor. & III. cont. cap. CVII. usque ad CXI. & mal. quaest.

XVI. art. 2.

AD quartum sic proceditur. Videtur quod aliqui demones sint naturaliter mali. Dicit enim Porphyrius, ut Augustinus introducit X. de civit. Dei (cap. XI. parum a princ.) quod est quoddam genus demonum natura fallax, simulans deos, & animas defunctorum. Sed esse fallacem est esse malum. Ergo aliqui demones sunt naturaliter mali.

2. Præterea. Sicut angeli sunt creati a Deo, ita & homines. Sed aliqui homines sunt naturaliter mali, de quibus dicitur Sap. XII. 10. *Erat eorum malitia naturalis*. Ergo & angeli aliqui possunt esse naturaliter mali.

3. Præterea. Aliqua animalia irrationalia habent quasdam naturales malitias, sicut vulpes naturaliter est subdola, & lupus naturaliter est rapax, & tamen sunt creaturæ Dei. Ergo & demones, licet sint creaturæ Dei, possunt esse naturaliter mali.

Sed contra est quod Dionysius dicit IV. cap. de div. Nom. (circa med. lect. 19.) quod demones non sunt naturaliter mali.

Respondendo dicendum, quod omne quod est, inquantum est, & naturam habet aliquam, in bonum aliquod naturaliter tendit, utpote ex principio bono existens; quia semper effectus convertitur in suum principium. Contingit autem alicui bono particulari aliquod malum esse adiunctum, sicut igni coniungitur hoc malum quod est esse consumptivum aliorum; sed bono universali nullum malum potest esse adiunctum. Si ergo aliquis sit cuius natura quidem ordinetur in aliquod bonum particulare, potest naturaliter tendere in aliquod malum, non inquantum malum, sed per accidens, inquantum est coniun-

ctum cuidam bono. Si vero aliquid sit cuius natura ordinetur in aliquod bonum secundum commune boni rationem, hoc secundum suam naturam non potest tendere in aliquod malum. Manifestum est autem quod quælibet natura intellectualis habet ordinem in bonum universale, quod potest apprehendere, & quod est obiectum voluntatis. Unde cum demones sint substantiæ intellectualis, nullo modo possunt habere inclinationem naturalem in aliquod quodcumque malum: & ideo non possunt esse naturaliter mali.

Ad primum ergo dicendum, quod Augustinus ibidem reprehendit Porphyrium de hoc quod dixit, quod demones erant naturaliter fallaces, dicens, eos non esse naturaliter fallaces, sed propria voluntate. Porphyrius autem hac ratione posuit demones esse natura fallaces, quia ponebat demones esse animalia habentia naturam sensitivam. Natura autem sensitiva ordinatur ad aliquod bonum particulare, cui potest esse coniunctum malum: & secundum hoc aliquam inclinationem naturalem habere potest ad malum, per accidens tamen, inquantum malum est coniunctum bono.

Ad secundum dicendum, quod malitia aliquorum hominum potest dici naturalis vel propter consuetudinem, quæ est natura altera, vel propter naturalem inclinationem ex parte naturæ sensitivæ ad aliquam inordinatam passionem, sicut quidam dicuntur naturaliter iracundi, vel concupiscentes; non autem ex parte naturæ intellectualis.

Ad tertium dicendum, quod animalia bruta secundum naturam sensitivam habent naturalem inclinationem ad quasdam particularia bona, quibus coniuncta sunt aliqua mala, sicut vulpes ad quærendum victum sagaciter, cui adiungitur dolositas: unde esse dolosum non est malum vulpi, cum sit ei naturale, sicut nec esse furiosum est malum cani, sicut Dionysius dicit IV. cap. de divin. Nomin. (part. IV. parum a med. lect. 19.)

ARTICULUS V. 324

Utrum diabolus fuerit malus in primo instanti sue creationis per culpam propriam voluntatis.

II. dist. XII. quaest. 1. & mal. quaest. XVI. art. 4. & Ia. VIII. lect. 6.

AD quintum sic proceditur. Videtur quod diabolus in primo instanti suæ

crea-

creationis fuerit malus per culpam propriam voluntatis. Dicitur enim Ioan. viii. 44. de diabolo: *Ille homicida erat ab initio*.

2. Præterea. Secundum Augustinum I. super Genes. ad litt. (cap. xv. parum a princ.) *informitas creaturæ non præcessit formationem tempore, sed origine tantum*. Per caelum autem, quod legitur primo creatum, ut ipse dicit in II. Lib. (cap. viii.) intelligitur natura angelica informis. Per hoc autem quod dicitur, quod Deus dixit, *Fiat lux, & facta est lux*, intelligitur formatio eius per conversionem ad Verbum. Simul ergo natura angelica creata est, & facta est lux. Sed simul dum facta est lux, distincta est a tenebris, per quas intelliguntur angeli peccantes. Ergo in primo instanti suæ creationis quidam Angeli fuerunt beati, & quidam peccaverunt.

3. Præterea. Peccatum opponitur merito. Sed in primo instanti suæ creationis aliqua natura intellectualis potest mereri, sicut anima Christi, vel etiam ipsi boni Angeli. Ergo & dæmones in primo instanti suæ creationis potuerunt peccare.

4. Præterea. Natura angelica virtuosior est quam natura corporea. Sed res corporalis statim in primo instanti suæ creationis incipit habere suam operationem, sicut ignis in primo instanti quo generatus est, incipit moveri sursum. Ergo & Angelus in primo instanti suæ creationis potuit operari. Aut ergo habuit operationem rectam, aut non rectam. Si rectam, cum gratiam habuerint, per eam meruerunt beatitudinem. In Angelis autem statim ad meritum sequitur præmium, ut supra dictum est (quæst. lxxi. art. 5.) Ergo fuissent statim beati, & ita nunquam peccassent: quod est falsum. Relinquitur ergo quod in primo instanti non recte operando peccaverunt.

Sed contra est, quod dicitur Genes. i. 31. *Vidit Deus cuncta quæ fecerat, & erant valde bona*. Inter ea autem erant etiam dæmones. Ergo & dæmones aliquando fuerunt boni.

Respondendo dicendum, quod quidam posuerunt, quod statim dæmones in primo instanti suæ creationis mali fuerunt, non quidem per naturam, sed per peccatum propriæ voluntatis: quia ex quo est factus diabolus iustitiam recusavit. Cui sententia, ut Augustinus dicit XI. de civ. Dei (cap. xiii. circa fin.) *quisquis acquiescit*.

S. Tb. Oper. Tūm. XX.

scit, non cum illis hæreticis sapit, id est Manichæis, qui dicunt, quod diabolus habet naturam mali.

Sed quia hæc opinio auctoritate Scripturæ contradicit: dicitur enim sub figura Principis Babylonis de diabolo Isa. xiv. 12. *Quomodo cecidisti Lucifer, qui mane oriebaris? & Ezech. xxviii. 13. In deliciis paradisi Dei fuisti*, dicitur ad diabolum sub persona Regis Tyri: ideo a magistris hæc opinio, tamquam erronea, rationaliter reprobata est.

Unde aliqui dixerunt, quod Angeli in primo instanti suæ creationis peccare potuerunt, sed non peccaverunt.

Sed hæc opinio etiam a quibusdam reprobatur ea ratione, quia cum duæ operationes se consequuntur, impossibile videtur quod in eodem *nunc* utraque operatio terminetur. Manifestum est autem quod peccatum angeli fuit operatio creatione posterior: terminus autem creationis est ipsum esse angeli; terminus vero operationis peccati est quod sunt mali. Impossibile ergo videtur quod in primo instanti quo angelus esse cæpit, fuerit malus.

Sed hæc ratio non videtur sufficiens. Habet enim solum locum in moribus temporalibus, qui successive aguntur; sicut si motus localis sequitur ad alterationem, non potest in eodem instanti terminari alteratio, & localis motus. Sed si sunt mutationes instantaneæ, simul & in eodem instanti potest esse terminus primæ, & secundæ mutationis; sicut in eodem instanti in quo illuminatur Luna a Sole, illuminatur aer a Luna. Manifestum est autem quod creatio est instantanea, & similiter motus liberi arbitrii in Angelis: non enim indigent collatione, & discursu rationis, ut ex supradictis patet (quæst. lxxii. artic. 3.) Unde nihil prohibet simul & in eodem instanti esse terminum creationis, & terminum liberi arbitrii.

Et ideo aliter dicendum est, quod impossibile fuit angelum in primo instanti peccasse per inordinatum actum liberi arbitrii. Quamvis enim res aliqua in primo instanti quo esse incipit, simul incipere possit operari; tamen illa operatio quæ simul incipit cum esse rei, est ei ab agente, a quo habet esse, sicut moveri sursum incipit igni a generante. Unde si aliqua res habeat esse ab agente deficiente, quod possit esse causa defectiva actionis, poterit in primo instanti in quo incipit esse, habere defectivam operationem;

C c

nem; sicut si tibia quæ nascitur clauda ex debilitate feminis, statim incipiat claudicare. Agens autem quod Angelos in esse produxit, scilicet Deus, non potest esse causa peccati.

Unde non potest dici, quod diabolus in primo instanti suæ creationis fuerit malus.

Ad primum ergo dicendum, quod, sicut Augustinus dicit XI. de civitate Dei (cap. xv. circa med.) cum dicitur, quod diabolus ab initio peccat, non ab initio, ex quo creatus est, peccare putandus est, sed ab initio peccati, scilicet quia nunquam a peccato suo recessit.

Ad secundum dicendum, quod illa distinctio lucis, & tenebrarum, secundum quod per tenebras peccata dæmonum intelliguntur, accipienda est secundum Dei præscientiam. Unde Augustinus dicit XI. de civitate Dei (cap. xix. in med.) quod solus lucem, & tenebras discernere potuit qui potuit etiam prius quam caderent, præstare casuros.

Ad tertium dicendum, quod quidquid est in merito, est a Deo: & ideo in primo instanti suæ creationis Angelus mereri potuit. Sed non est similis ratio de peccato, ut dictum est (in corp. art.)

Ad quartum dicendum, quod Deus non discrevit inter angelos ante aversionem quorundam, & conversionem aliorum, ut Augustinus dicit XI. de civitate Dei (cap. xi. & xxxiii.) & ideo omnes in gratia creati in primo instanti meruerunt. Sed quidam eorum statim impedimentum præsterunt suæ beatitudini, præcedens meritum mortificantes; & ideo beatitudine, quam meruerant, sunt privati.

ARTICULUS VI. 335

Utrum aliqua mora fuerit inter creationem, & lapsum angeli.

Quolib. ix. art. 8. corp.

AD sextum sic proceditur. Videtur quod aliqua mora fuerit inter creationem, & lapsum angeli. Dicitur enim Ezech. xxviii. 14. *Ambulasti perfectus in viis tuis a die conditionis tue, donec invenisti iniquitatem in te.* Sed ambulatio, cum sit motus continuus, requirit aliquam moram. Ergo aliqua mora fuit inter creationem diaboli, & eius lapsum.

1. Præterea. Origenes dicit (hom. 1. in Ezech. ante med.) quod serpens antiquus non statim supra pectus, & ven-

trem suum ambulavit; per quod intelligitur eius peccatum. Ergo diabolus non statim post primum instans suæ creationis peccavit.

2. Præterea. Posse peccare commune est homini, & angelo. Fuit autem aliqua mora inter formationem hominis, & eius peccatum. Ergo pari ratione fuit aliqua mora inter formationem diaboli, & eius peccatum.

4. Præterea. Aliud instans fuit in quo diabolus peccavit, ab instanti in quo creatus fuit. Sed inter quolibet duo instantia cadit tempus medium. Ergo aliqua mora fuit inter creationem eius, & lapsum.

Sed contra est quod dicitur Ioan. viii. 44. de diabolo, quod in veritate non scit: & sicut Augustinus dicit XI. de civitate Dei (cap. xv. parum ante med.) oportet ut hoc sic accipiamus, quod in veritate fuerit, sed non permanens.

Respondendo dicendum, quod circa hoc est duplex opinio.

Sed probabilior, & Sanctorum dictis magis consonans est quod statim post primum instans suæ creationis diabolus peccaverit. Et hoc necesse est dicere, si ponatur quod in primo instanti suæ creationis in actum liberi arbitrii proruperit, & cum gratia fuerit creatus, ut supra diximus (quæst. lxi. art. 3.) Cum enim Angeli per unum actum meritorium ad beatitudinem perveniant, ut supra dictum est (quæst. lxi. art. 5.) si diabolus in primo instanti in gratia creatus meruit, statim post primum instans beatitudinem accepisset, nisi statim impedimentum præsterisset peccando.

Si vero ponatur, quod Angelus in gratia creatus non fuerit, vel quod in primo instanti actum liberi arbitrii non potuerit habere, nihil prohibet aliquam moram fuisse inter creationem, & lapsum.

Ad primum ergo dicendum, quod per motus corporales, qui per tempus mensurantur, quandoque in sacra Scriptura intelliguntur metaphorice motus spirituales instantanei: & sic per ambulacionem intelligitur motus liberi arbitrii tendentis in bonum.

Ad secundum dicendum, quod Origenes dicit, quod serpens antiquus non a principio, nec statim supra pectus ambulavit propter primum instans, in quo malus non fuit.

Ad tertium dicendum, quod angelus habet liberum arbitrium inflexibile post elc-

electionem : & ideo nisi statim post primum instant, in quo naturalem motum habuit ad bonum, impedimentum beatitudinis praestitisset, fuisset firmatus in bono. Sed non est simile de homine : & ideo ratio non sequitur.

Ad quartum dicendum, quod inter quaelibet duo instantia esse tempus medium habet veritatem, in quantum tempus est continuum, ut probatur in VI. Physic. (tex. 2. & seqq.) Sed tamen in Angelis, qui non sunt subiecti caelesti motui, qui primo per tempus continuum mensuratur, tempus accipitur pro ipsa successione operationum intellectus, vel etiam affectus. Sic igitur instans primum in Angelis intelligitur respondere operationi mentis angelicae, quae se in se ipsam convertit per vespertinam cognitionem : quia in primo die commemoratur vespere, sed non mane. Et haec quidem operatio in omnibus bona fuit. Sed ab hac operatione quidam per matutinam cognitionem ad laudem Verbi sunt conversi, quidam vero in se ipsis remanentes facti sunt nox, per superbiam intumescentes, ut Augustinus dicit IV. super Gen. ad litt. (cap. xxiv.) Et sic prima operatio fuit omnibus communis; sed in secunda sunt distincti. Et ideo in primo instanti omnes fuerunt boni, sed in secundo fuerunt boni a malis distincti.

ARTICULUS VII. 326

Utrum Angelus supremus inter peccantes fuerit supremus inter omnes.

Infr. art. 9. ad 3. & II. dist. vi. art. 1. & III. cm. cap. cix. fin. & opusc. xv. cap. xix. & Eph. 11. & Job xl.

AD septimum sic proceditur. Videtur quod ille Angelus qui fuit supremus inter peccantes, non fuerit supremus inter omnes. Dicitur enim Ezech. xxviii. 14. *Tu Cherub extensus, & protegens : posui te in monte sancto Dei.* Sed ordo Cherubim est sub ordine Seraphim, ut Dionysius dicit vii. cap. angel. Hierar. Ergo Angelus qui fuit supremus inter peccantes, non fuit supremus inter omnes.

2. Praeterea. Deus fecit naturam intellectualem propter beatitudinem consequendam. Si igitur angelus qui fuit supremus inter omnes, peccavit, sequitur quod ordinatio divina fuerit frustrata in nobilissima creatura : quod est inconveniens.

3. Praeterea. Quanto aliquid magis inclinatur in aliquid, tanto minus potest ab illo deficere. Sed Angelus, quanto est superior, tanto magis inclinatur in Deum. Ergo minus potest a Deo peccando deficere : & sic videtur quod Angelus qui peccavit, non fuerit supremus inter omnes, sed de inferioribus.

Sed contra est quod dicit Gregorius in homil. de centum ovibus (xxxiv. in Evang. ante med.) quod primus angelus qui peccavit, dum cunctis agminibus angelorum praelatus eorum claritatem transcenderet, ex eorum comparatione clarior fuit.

Respondeo dicendum, quod in peccato est duo considerare, scilicet pronitatem ad peccandum, & motivum ad peccandum.

Si ergo consideremus in angelis pronitatem ad peccandum, minus videtur quod peccaverint superiores angeli quam inferiores : & propter hoc Damascenus dicit (Lib. II. orthod. Fid. cap. iv.) quod maior eorum qui peccaverunt, fuit terrestris ordini praelatus.

Et videtur haec opinio consonare positioni Platoniorum, quam Augustinus recitat in Lib. de civit. Dei VIII. (cap. vi. & vii.) & X. (cap. ix. x. & xi.) Dicunt enim, quod omnes dii erant boni; sed demonum quidam boni, quidam mali, deos nominantes substantias intellectuales, quae sunt a globo lunari superius, daemones vero substantias intellectuales, quae sunt a globo lunari inferiori, superiores hominibus ordine naturae.

Nec est abilienda haec opinio, tamquam a fide aliena : quia tota creatura corporalis administratur a Deo per Angelos, ut Augustinus dicit III. de Trin. (cap. iv. & v.) Unde nihil prohibet dicere, inferiores Angelos divinitus distributos esse ad administrandum inferiora corpora, superiores vero ad administrandum corpora superiora, supremos vero ad assistendum Deo. Et secundum hoc Damascenus dicit (de Fide cathol. Lib. II. cap. iv.) quod illi qui ceciderunt, fuerunt de inferioribus : in quorum etiam ordine aliqui boni Angeli permanserunt.

Si vero consideretur motivum ad peccandum, maius invenitur in superioribus quam in inferioribus. Fuit enim demonum peccatum superbia, ut supra dictum est (art. 2. huius quest.) cuius motivum est excellentia, quae fuit maior in superioribus. Et ideo Gregorius

dicat (loco cit. in arg. *Sed con.*) quod ille qui peccavit, fuit superior inter omnes. Et hoc videtur probabilius: quia peccatum angeli non processit ex aliqua prona, sed ex solo libero arbitrio.

Unde magis videtur consideranda esse ratio quae sumitur a motivo ad peccandum. Non est tamen inde alii opinioni praeiudicandum: quia etiam in principe inferiorum angelorum potuit esse aliud quod motivum ad peccandum.

Ad primum ergo dicendum, quod Cherubini interpretatur plenitudo scientiae, Seraphim interpretatur ardentes, sive incendentes. Et sic patet quod Cherubim denominatur a scientia, quae potest esse cum mortali peccato; Seraphim vero denominatur ab ardore caritatis, quae cum peccato mortali esse non potest. Et ideo primus angelus peccans non est denominatus Seraphim, sed Cherubim.

Ad secundum dicendum, quod divina intentio non frustratur nec in his qui peccant, nec in his qui salvantur. Utrumque enim eventum Deus praecognoscit; & ex utroque habet gloriam, dum hos ex sua bonitate salvat, illos ex sua iustitia punit. Ipsa vero creatura intellectualis, dum peccat, a fine debito deficit. Nec hoc est inconveniens in quacumque creatura sublimi: sic enim creatura intellectualis instituta est a Deo, ut in eius arbitrio possumus sic agere propter finem.

Ad tertium dicendum, quod quantumque inclinatio ad bonum fuerit in supremo angelo, tamen ei necessitatem non inducebat: unde potuit per liberum arbitrium eam non sequi.

ARTICULUS. VIII. 327

Utrum peccatum primi angeli fuerit aliis causa peccandi.

II. diff. VI. art. 2. & diff. XXXIV. in exp. lit. ad 2.

AD octavum sic proceditur. Videtur quod peccatum primi angeli peccantibus non fuerit aliis causa peccandi. Causa enim prior est causato. Sed omnes simul peccaverunt, ut Damascenus dicit (Lib. II. cap. iv. de Fid. cath.). Ergo peccatum unius non fuit aliis causa peccandi.

1. Præterea. Primum peccatum angeli non potest esse nisi superbia, ut supra dictum est (art. 2. huius quæst.). Sed superbia excellentiam quaerit: magis autem excellentiae repugnat quod aliquis inferiori subdatur quam superiori: & sic non videtur quod daemones peccaverint per hoc quod voluerunt subesse alicui superiorum angelorum potius quam Deo. Sic autem peccatum unius angeli fuisse aliis causa peccandi, si eos ad hoc induxisset ut sibi subiicerentur. Non ergo videtur quod peccatum primi angeli fuerit causa peccandi aliis.

3. Præterea. Maius peccatum est vel subesse alteri contra Deum, quam contra Deum alteri velle præesse: quia minus habet de motivo ad peccandum. Si ergo peccatum primi angeli fuit aliis causa peccandi in hoc quod eos ut sibi subiicerentur induxit, gravius peccasset inferiores angeli quam supremus: quod est (a) contra illud Psalm. cxxx. 27. *Draco iste, quem formasti: dicit Glossa (ord.)* „Qui ceteris in esse erat excellentior, „factus est in malicia maior.“ Non ergo peccatum primi angeli fuit aliis causa peccandi.

Sed contra est quod dicitur Apoc. xii. 8. quod draco traxit secum tertiam partem stellarum.

Respondetur dicendum, quod peccatum primi angeli fuit aliis causa peccandi, non quidem cogens, sed quadam quasi exhortatione inducens.

Cuius signum ex hoc apparet quod omnes daemones illi supremo subduntur, ut manifeste apparet per illud quod dicit Dominus Matth. xxv. 41. *Ite maledicti in ignem æternum, qui parati estis diabolo, & angelis eius.* Habet enim hoc ordo divinae iustitiae, ut cuius suggestioni aliquis consentit in culpa, eius potestati subdatur in poena, secundum illud II. Pet. ii. 19. *A quo quis superatus est, huic servus additus est.*

Ad primum ergo dicendum, quod licet simul daemones peccaverint, tamen peccatum unius potuit esse aliis causa peccandi. Angelus enim non indiget ad eligendum, vel exhortandum, vel etiam consentiendum temporis mora; sicut homo, qui deliberatione indiget ad eligendum, & ad consentiendum, & locutione vocali ad exhortandum: quorum utrumque tempore agitur. Manifestum est autem quod etiam homo simul dum aliquid

(a) Supplet Nicolaus: contra quod sup: illud Psalm. . . . dicit Glossa. Alii omnes illi qui vidimus, ne hic.

quid iam corde concepit, in eodem instanti incipit loqui: & in ultimo instanti locutionis in quo aliquis sensum locutionis capit, potest assentire ei quod dicitur; ut patet maxime in primis conceptionibus, quas quique probat auditas. Sublato ergo tempore locutionis, & deliberationis, quod in nobis requiritur, in eodem instanti in quo primus angelus suam affectionem intelligibili locutione expressit, possibilis fuit aliis in eam consentire.

Ad secundum dicendum, quod superbus, ceteris paribus, magis vult subesse superiori quam inferiori. Sed si aliquam excellentiam consequatur sub inferiori, quam sub superiori consequi non possit, magis eligit inferiori subesse quam superiori. Sic igitur non fuit contra superbiam dæmonum quod subesse inferiori voluerunt in eius principatum consentientes, ad hoc eum principem, & ducem habere volentes, ut virtute naturali suam ultimam beatitudinem consequerentur: præsertim quia supremo angelorum ordine etiam tunc subiecti erant.

Ad tertium dicendum, quod, sicut supra dictum est (quæst. lxxi. art. 6.) Angelus non habet aliquid retardans; sed secundum suam totam virtutem movetur in illud ad quod movetur, sive in bonum, sive in malum. Quia igitur supremus angelus maiorem habuit naturalem virtutem quam inferiores, intensiori motu in peccatum prolapsus est: & ideo factus est etiam in malitia maior.

ARTICULUS IX. 328

Utrum tot peccaverunt, quot permanferunt.

AD nonum sic proceditur. Videtur quod plures peccaverunt de Angelis quam permanferunt. Quia, ut dicit Philosophus (II. Ethic. cap. vs. a med.) malum est ut in pluribus, bonum ut in paucioribus.

2. Præterea, Iustitia, & peccatum eadem ratione inveniuntur in Angelis, & hominibus. Sed in hominibus plures inveniuntur mali quam boni, secundum illud Eccle. i. 19. *Sulorum infinitus est numerus.* Ergo pari ratione in Angelis.

3. Præterea, Angeli distinguuntur secundum personas, & secundum ordines. Si igitur plures personæ angelicæ remanserunt, videtur etiam quod non de omnibus ordinibus aliqui peccaverunt.

Sed contra est quod dicitur IV. Reg. 5. Tb. Oper. Tom. XX.

vz. 16. Plures nobiscum sunt quam cum illis: quod exponitur de bonis Angelis, qui sunt nobiscum in auxilium, & de malis, qui nobis adversantur.

Respondeo dicendum, quod plures Angeli permanferunt quam peccaverunt. Quia peccatum est contra naturalem inclinationem; ea vero quæ contra naturam sunt, ut in paucioribus accidunt: natura enim consequitur suum effectum vel semper, vel ut in pluribus.

Ad primum ergo dicendum, quod Philosophus ibi loquitur quantum ad homines, in quibus malum contingit ex hoc quod sequuntur bona sensibilia, quæ sunt pluribus nota, deserto bono rationis, quod paucioribus notum est. In Angelis autem non est nisi natura intellectualis. Unde non est similis ratio.

Et per hoc patet responsio ad secundum.

Ad tertium dicendum, quod secundum illos qui dicunt, quod diabolus maior fuit de inferiori ordine Angelorum, qui præstant terrestribus, manifestum est quod non de quolibet ordine ceciderunt, sed de infimo tantum. Secundum vero illos qui ponunt maiorem diabolum de supremo fuisse ordine, probabile est quod de quolibet ordine aliqui ceciderunt; sicut in quemlibet ordinem homines assumuntur in supplementum ruinæ angelicæ. In quo etiam magis comprobatur libertas liberi arbitrii, quæ secundum quemlibet gradum creaturæ in malum flexi potest. In sacra Scriptura tamen nomina quorundam ordinum, ut Seraphim, & Thronorum, dæmonibus non attribuntur: quia hæc nomina sumuntur ab ardore caritatis, & ab inhabitatione Dei, quæ non possunt esse cum peccato mortali. Attribuuntur autem eis nomina Cherubim; Potestatum, & Principatum: quia hæc nomina sumuntur a scientia, & potentia, quæ bonis, malique possunt esse communia.

QUAESTIO LXIV.

De poena dæmonum, in quatuor articulos divisa.

Consequenter queritur de poena dæmonum: & circa hoc queruntur quatuor.

Primo de obtenebratione intellectus.

Secundo de obfinatione voluntatis.

Tertio de dolore ipsorum.

Quarto de loco penali ipsorum.

Cc 3 A R-

ARTICULUS I. 329

Utrum intellectus dæmonis sit obtenebratus per privationem cognitionis omnis veritatis.

II. dist. VII. quest. II. art. 1. & m. l. quest. XVI. art. 6.

AD primum sic proceditur. Videtur quod intellectus dæmonum sit obtenebratus per privationem cognitionis omnium veritatis. Si enim aliquam veritatem cognoscerent, magis cognoscerent seipsos, quod est cognoscere substantias separatas. Hoc autem eorum miseria non convenit, cum ad magnam beatitudinem pertinere videatur, in tantum quod quidam ultimam beatitudinem hominis posuerunt in cognoscendo substantias separatas. Ergo dæmones privantur omni cognitione veritatis.

2. Præterea. Id quod est maxime manifestum in natura, videtur esse maxime manifestum Angelis sive bonis, sive malis. Quod enim non sit nobis maxime manifestum, contingit ex debilitate intellectus nostri a phantasmatis accipientis, sicut ex debilitate oculi nocturnæ contingit quod non possit videre lumen Solis. Sed dæmones non possunt cognoscere Deum, qui est secundum se manifestissimus, cum sit in summo veritatis, eo quod non habent mundum cor, quo solo videtur Deus. Ergo nec alia cognoscere possunt.

3. Præterea. Cognitione rerum Angelis conveniens est duplex secundum Augustinum (Lib. IV. super Gen. cap. xxi.) scilicet matutina, & vespertina. Sed cognitio matutina non competit dæmonibus, quia non vident res in Verbo; nec cognitio vespertina, quia cognitio vespertina refert res cognititas ad laudem Creatoris: unde post vespere fit mane, ut dicitur Gen. 1. Ergo dæmones non possunt cognitionem de rebus habere.

4. Præterea. Angeli in sua conditione cognoverunt mysterium regni Dei, ut Augustinus dicit V. super Gen. ad lit. (cap. xix. non procul a princ.) Sed dæmones hac cognitione privati sunt: quia si cognovissent, nequaquam Dominum gloria crucifixissent, ut dicitur I. Corinth. 11. 8. Ergo pari ratione omni alia cognitione veritatis sunt privati.

5. Præterea. Quancumque veritatem aliquis scit, aut cognoscit eam naturaliter, sicut nos cognoscimus prima principia; aut accipiendo ab alio, sicut quæ-

scimus addiscendo; aut experientia longi temporis, sicut scimus inveniendō. Sed dæmones non possunt cognoscere veritatem per suam naturam: quia ab eis divisi sunt boni Angeli, sicut lux a tenebris, ut Augustinus dicit (Lib. XI. de civ. Dei cap. xix. & xxxiii.) Omnis autem manifestatio fit per lumen, ut dicitur Ephes. v. Similiter etiam neque per revelationem, neque addiscendo a bonis Angelis: quia non est conventio lucis ad tenebras, ut dicitur II. Corinth. vi. 14. Neque per experientiam longi temporis, quia experientia a sensu oritur. Ergo nulla in eis est cognitio veritatis.

Sed contra est quod Dionysius dicit iv. cap. de div. Nom. (part. 4. parum a med. lect. 19.) quod data sunt dæmonibus aliqua dona, quæ nequaquam mutata esse dicimus, sed sunt integra, & splendidissima. Inter ista autem naturalia dona est cognitio veritatis. Ergo in eis est aliqua veritatis cognitio.

Respondeo dicendum, quod duplex est cognitio veritatis: una quæ habetur per naturam; alia quæ habetur per gratiam. Et ista quæ habetur per gratiam, est duplex: una quæ est speculativa tantum, sicut cum alicuius secreta divinorum revelantur; alia vero, quæ est affectiva, produciens amorem Dei, & hæc proprie pertinet ad donum sapientiæ.

Harum autem trium cognitionum prima in dæmonibus nec est ablata, nec diminuta: consequitur enim ipsam naturam Angeli, qui secundum suam naturam est quidam intellectus, vel mens. Propter simplicitatem autem suæ substantiæ a natura eius aliquid subtrahi non potest, ut sic per subtractionem naturalium puniatur; sicut homo puniatur per subtractionem manus, aut pedis, aut alius huiusmodi. Et ideo dicit Dionysius (loc. cit. in arg. Sed contra) quod dona naturalia in eis integra manent: unde naturalis cognitio in eis non est diminuta.

Secunda autem cognitio quæ est per gratiam, in speculatione consistens, non est eis totaliter ablata, sed diminuta: quia de huiusmodi secretis divinis tantum revelatur eis, quantum oportet, vel mediantibus Angelis, vel per aliqua temporalia divinæ virtutis effecta, ut dicit Augustinus IX. de civit. Dei (cap. xxi. circ. med.) Non autem sicut ipsis sanctis Angelis, quibus plura, & clarius revelantur in ipso Verbo.

Tertia vero cognitione sunt totaliter privati, sicut & caritate.

Ad primum ergo dicendum, quod felicitas consistit in applicatione ad id quod superius est. Substantiæ autem separatæ sunt ordine naturæ supra nos: unde aqualis ratio felicitatis esse potest homini, si cognoscat substantias separatas; licet perfecta eius felicitas sit in cognoscendo primam substantiam, scilicet Deum. Sed substantiæ separatæ cognoscere substantiam separatam est connaturale, sicut & nobis cognoscere naturas sensibiles. Unde sicut in hoc non est felicitas hominis quod cognoscat naturas sensibiles, ita non est felicitas Angeli in hoc quod cognoscat substantias separatas.

Ad secundum dicendum, quod illud quod est manifestissimum in natura, est nobis occultum propter hoc quod excedit proportionem intellectus nostri, & non solum propter hoc quod intellectus noster accipit aphantasmatibus. Excedit autem divina substantia non solum proportionem intellectus humani, sed etiam intellectus angelici. Unde nec ipse Angelus secundum suam naturam potest cognoscere Dei substantiam; potest tamen altiore cognitionem de Deo habere per suam naturam quam homo, propter perfectionem sui intellectus: & talis cognitio remanet etiam in dæmonibus. Licet enim non habeant puritatem quæ est per gratiam, habent tamen puritatem naturæ, quæ sufficit ad cognitionem Dei, quæ eis competit ex natura.

Ad tertium dicendum, quod creatura tenebra est comparata excellentiæ divini luminis: & ideo cognitio creaturæ in propria natura vespertina dicitur. Vesper enim est tenebris adiunctum, habet tamen aliquid de luce; cum autem totaliter deficit lux, est nox. Sic igitur & cognitio rerum in propria natura, quando refertur ad laudem Creatoris, ut in bonis Angelis, habet aliquid de luce divina, & potest dici vespertina; si autem non refertur in Deum, sicut in dæmonibus, non dicitur vespertina, sed nocturna. Unde in Genesi legitur, quod *tenebras*, quas Deus a luce separavit, *vocat noctem*.

Ad quartum dicendum, quod mysterium regni Dei, quod est impletum per Christum, omnes quidem Angeli a principio aliquo modo cognoverunt, maxime ex quo beatificati sunt visione Verbi, quam dæmones numquam habuerunt; non tamen omnes Angeli cognoverunt perfectè, neque æqualiter. Unde dæmones multo minus, Christo existente in

mundo, perfectè mysterium incarnationis cognoverunt. *Non enim innotuit eis, ut Augustinus dicit (Lib. IX. de civ. Dei cap. XXI. non procul a princ.) sicut Angelis sanctis, qui Verbi participata æternitate perfruuntur, sed sicut eis terrendis immotescendum fuit per quadam temporalia effluvia.* Si autem perfectè, & per certitudinem cognovissent ipsius esse Filium Dei, & effectum passionis eius, numquam Dominum gloriæ crucifigi procurarent.

Ad quintum dicendum, quod dæmones tribus modis cognoscunt veritatem aliquam. Uno modo subtilitate suæ naturæ: quia licet sint obtenebrati per privationem luminis gratiæ, sunt tamen lucidi lumine intellectualis naturæ. Secundo per revelationem a sanctis Angelis, cum quibus non conveniunt quidem per conformationem voluntatis, conveniunt autem similitudine intellectualis naturæ, secundum quam possunt accipere quod ab aliis manifestatur. Tertio modo cognoscunt per experientiam longi temporis, non quasi a sensu accipientes; sed dum in rebus singularibus completur similitudo eius speciei intelligibilis quam sibi naturaliter habent inditam, aliqua cognoscunt præsentia, quæ non præcognoverunt futura, ut supra de cognitione Angelorum dictum est (quaest. lxxi. art. 3.)

ARTICULUS II. 330

Utrum voluntas dæmonum sit obstinata in malo.

I. dist. vii. quest. 1. art. 2. & ver. quest. xxiv. art. 1. & art. 2. corp. & mal. quest. xvi. art. 5.

AD secundum sic proceditur. Videtur quod voluntas dæmonum non sit obstinata in malo. Libertas enim arbitrii ad naturam intellectualis naturæ pertinet, quæ manet in dæmonibus. Sed libertas arbitrii per se, & prius ordinatur ad bonum quam ad malum. Ergo voluntas dæmonis non est ita obstinata in malo quin possit redire ad bonum.

2. Præterea. Maior est misericordia Dei, quæ est infinita, quam dæmonis malitia, quæ est finita. A malitia autem culpæ ad bonitatem iustitiæ nullus redit nisi per Dei misericordiam. Ergo etiam dæmones a statu malitiæ possunt redire ad statum iustitiæ.

3. Præterea. Si dæmones habent voluntatem obstinatam in malo, maxime haberent eam obstinatam in peccato quo

peccaverunt. Sed illud peccatum in eis nunc non manet, scilicet superbia, quia nec motivum manet, scilicet excellentia. Ergo dæmon non est obstinatus in malitia.

4. Præterea. Gregorius dicit, quod homo per alium reparari potuit, quia per alium cecidit. Sed dæmones inferiores per primum ceciderunt, ut supra dictum est (quaest. præc. art. 8.) Ergo eorum casus per alium reparari potuit: ergo non sunt in malitia obstinati.

5. Præterea. Quicumque est in malitia obstinatus, nunquam bonum opus operatur. Sed dæmon aliqua bona opera facit: constat enim veritatem, dicens Christo: *Scio, qui sis, sanctus Dei*. Marc. 1. 24. *Dæmones etiam credunt, & contritum sunt*, ut dicitur Iacob. 11. 19. Dionysius etiam dicit IV. cap. de div. Nomin. (part. 4. parum a med. lect. 19.) quod *bonum, & optimum concupiscunt, esse, vivere, & intelligere*. Ergo non sunt obstinati in malitia.

Sed contra est quod dicitur in Psalm. lxxiii. 23. *Superbia eorum qui se oderunt, ascendit semper*: quod de dæmonibus exponitur. Ergo semper obstinati in malitia perseverant.

Respondendo dicendum, quod Origenes (Lib. I. Periarth. cap. vi. a med.) positio fuit, quod omnis voluntas creaturæ propter libertatem arbitrii potest flecti & in bonum, & in malum, excepta anima Christi propter unionem Verbi.

Sed hæc positio tollit veritatem beatitudinis a sanctis Angelis, & hominibus: quia stabilitas sempiterna est de ratione veræ beatitudinis, unde & vita æterna nominatur. Repugnat etiam auctoritati Scripturæ sacræ, quæ dæmones, & homines malos in supplicium æternum mittendos, bonos autem in vitam æternam transferendos pronuntiat.

Unde hæc positio est tamquam erronea reputanda; & tenendum est firmiter secundum fidem catholicam, quod & voluntas bonorum Angelorum confirmata est in bono, & voluntas dæmonum obstinata est in malo.

Causam autem huius obstinationis debet accipere non ex gravitate culpæ, sed ex conditione naturæ, seu status. Hoc enim est bonis mori, quod angelis casus, ut Damascenus dicit (Lib. II. orth. Fid. cap. xv. in fin.) Manifestum est autem quod omnia mortalia peccata hominum, sive sint magna, sive sint parva, ante mortem sunt remissibilia, post mor-

tem vero irremissibilia, & perpetuo manentia.

Ad inquirendum ergo causam huiusmodi obstinationis, considerandum est, quod vis appetitiva in omnibus proportionatur apprehensivæ, a qua movetur sicut mobile a motore. Appetitus enim sensitivus est boni particularis, voluntas vero universalis, ut supra dictum est (quaest. lxx. art. 4.) sicut etiam sensus apprehensivus est singularium, intellectus vero universalium.

Differt autem apprehensio Angeli ab apprehensione hominis in hoc quod Angelus apprehendit immobiliter per intellectum, sicut & nos immobiliter apprehendimus prima principia, quorum est intellectus; homo vero per rationem apprehendit mobiliter discurrendo de uno ad aliud, habens viam procedendi ad utrumque oppositum. Unde & voluntas hominis adhæret alicui mobiliter, quasi potens etiam ab eo discedere, & contrario adhærere; voluntas autem Angeli adhæret fixe, & immobiliter. Et ideo si consideretur ante adhesionem, potest libere adhærere & huic, & opposito, in his scilicet quæ non naturaliter vult; sed postquam iam adhæsit, immobiliter adhæret.

Et ideo consuevit dici, quod liberum arbitrium hominis flexibile est ad oppositum & ante electionem, & post; liberum autem arbitrium Angeli est flexibile ad utrumque oppositum ante electionem, sed non post. Sic igitur & boni Angeli semel adherentes iustitiæ sunt in illa confirmati, mali vero peccantes sunt in peccato obstinati. De obstinatione vero hominum damnatorum infra dicitur (in parte, quam non absolvis immatura morte præreptus.)

Ad primum ergo dicendum, quod boni, & mali Angeli habent liberum arbitrium, sed secundum modum, & conditionem suæ naturæ, ut dictum est (in corp. art.)

Ad secundum dicendum, quod misericordia Dei liberat a peccato penitentes. Illi vero qui penitentia capaces non sunt, immobiliter malo adhærent, & per divinam misericordiam non liberantur.

Ad tertium dicendum, quod adhuc manet in diabolo peccatum quo primo peccavit, quantum ad appetitum, licet non quantum ad hoc quod credat se posse obtinere: sicut si aliquis credat se posse facere homicidium, & velit facere,

&c.

& postea adimatur ei potestas; nihilominus voluntas homicidii in eo manere potest, ut velit occidere, vel velit facere, si poffet.

Ad quartum dicendum, quod non est tota causa quare peccatum hominis sit remissibile, quia alio suggerente peccavit: & ideo ratio non sequitur.

Ad quintum dicendum quod actus dæmonis est duplex. Quidam scilicet ex voluntate deliberata procedens; & is proprie potest dici actus eius; & talis actus dæmonis semper est malus: quia etsi aliquando aliquod bonum faciat, non tamen bene facit; sicut dum veritatem dicit, ut decipiat; & dum non voluntarie credit, & consuetur; sed rerum evidenter coactus. Alius autem actus dæmonis est naturalis: qui bonus esse potest, & attestatur bonitati naturæ. Et tamen tali bono actu abutitur ad malum.

ARTICULUS III. 331

Utrum dolor sit in dæmonibus.

II. dist. v. quest. 1. art. 2. corp. & ver. quest. xxiv. art. 1. corp. & quest. xxvi. art. 3. ad 3. & art. 8. corp. princip. & ad 3.

AD tertium sic proceditur. Videtur quod dolor non sit in dæmonibus. Cum enim dolor, & gaudium opponantur, non possunt esse simul in eodem. Sed in dæmonibus est gaudium; dicit enim Augustinus de Gen. contra Manichæos (Lib. II. cap. xvii. circa med.) *Diabolus potestatem habet in eos qui Dei præcepta contemnunt, & de hac tam infelici potestate letatur.* Ergo in dæmonibus non est dolor.

2. Præterea. Dolor est causa timoris: de his enim timemus, dum futura sunt, de quibus dolemus, dum præsentia sunt. Sed in dæmonibus non est timor, secundum illud Iob xli. 24. *Factus est ut nullum timeret.* Ergo in dæmonibus non est dolor.

3. Præterea. Dolere de malo est bonum. Sed dæmones non possunt bene facere. Ergo non possunt dolere ad minus de malo culpæ, quod pertinet ad vernem conscientiam.

Sed contra est quod peccatum dæmonis est gravius quam peccatum hominis. Sed homo punitur dolore pro delectatione peccati, secundum illud Apoc. xviii.

7. *Quantum glorificavisti te, & in deliciis fuit, tantum date ei tormentum, & luctum.*

Ergo multo magis diabolus, qui maxime se glorificavit, punitur doloris luctu.

Respondendo dicendum, quod timor, dolor, gaudium, & huiusmodi, secundum quod sunt passionis, in dæmonibus esse non possunt: sic enim sunt proprie appetitus sensitivi, qui est virtus in organo corporali. Sed secundum quod nominant simplices actus voluntatis, sic possunt esse in dæmonibus. Et necesse est dicere, quod in eis sit dolor: quia dolor, secundum quod significat simplicem actum voluntatis, nihil est aliud quam renisus voluntatis ad id quod est, vel non est. Patet autem quod dæmones multa vellent non esse, quæ sunt, & esse, quæ non sunt. Vellent enim, cum sint invidi, dampnari eos qui salvantur. Unde oportet dicere, quod in eis sit dolor: & præcipue quia de rationis pœnæ est quod voluntati repugnet. Privantur etiam beatitudine, quam naturaliter appetunt; & in multis eorum iniqua voluntas cohibetur.

Ad primum ergo dicendum, quod gaudium, & dolor de eodem sunt opposita, non autem de diversis. Unde nihil prohibet unum simul dolere de uno, & gaudere de alio; & maxime, secundum quod dolor, & gaudium important simplices voluntatis actus: quia non solum in diversis, sed etiam in una & eadem re potest esse aliquid quod volumus, & aliquid quod nolumus.

Ad secundum dicendum, quod sicut in dæmonibus est dolor de præfenti, ita & timor de futuro. Quod autem dicitur, *Factus est ut nullum timeret*, intelligitur de timore Dei cohibente a peccato. Aliibi namque scriptum est (Iac. ii. 19.) *quod dæmones credunt, & contremiscunt.*

Ad tertium dicendum, quod dolere de malo culpæ propter se attestatur voluntatis bonitati, cui malum culpæ opponitur; dolere autem de malo pœnæ, vel de malo culpæ propter pœnam attestatur bonitati naturæ, cui malum pœnæ opponitur. Unde Augustinus dicit XIX. de civit. Dei (cap. xiii. post med.) *quod dolor animi boni in supplicio testis est naturæ bonæ.* Dæmon ergo, cum perverſe sit voluntatis, & obſtinatæ, de malo culpæ non dolet.

ARTICULUS IV. 332

Utrum aer iste sit locus pœnalis dæmonum.

*IV. dist. xlv. quæst. 1. art. 3. corp. & ad 4.
& dist. xlvii. quæst. 1. art. 3. quæst.
4. ad 2.*

AD quartum sic proceditur. Videtur quod aer iste non sit locus pœnalis dæmonum. Dæmon enim est natura spiritualis. Natura autem spiritualis non afficitur loco. Ergo nullus locus est dæmonibus pœnalis.

2. Præterea. Peccatum hominis non est gravius quam peccatum dæmonis. Sed locus pœnalis hominis est infernus. Ergo multo magis dæmonis: ergo non aer caliginosus.

3. Præterea. Dæmones puniuntur pœnæ ignis. Sed in aere caliginoso non est ignis. Ergo aer caliginosus non est locus pœnæ dæmonum.

Sed contra est quod Augustinus dicit III. super Genes. ad lit. (cap. x. a. mod.) quod aer caliginosus est quasi carcer dæmonibus usque ad tempus iudicii.

Respondendo dicendum, quod Angeli secundum suam naturam medii sunt inter Deum, & homines. Habet autem hoc divinæ providentiæ ratio quod inferiorum bonum per superiora procuratur. Bonum autem hominis dupliciter procuratur per divinam providentiam. Uno modo directe, dum scilicet aliquis inducitur ad bonum, & retrahitur a malo; & hoc decenter fit per Angelos bonos: alio modo indirecte, dum scilicet aliquis exercetur impugnatu per impugnationem contrarii; & hanc procuracionem boni humani conveniens fuit per malos angelos fieri, ne totaliter post peccatum ab utilitate naturalis ordinis exciderent. Sic ergo dæmonibus duplex locus pœnalis debetur: unus quidem ratione suæ culpæ, & hic est infernus; alius autem ratione exercitacionis humanæ, & sic debetur eis caliginosus aer. Procuratio autem salutis humanæ protenditur usque ad diem iudicii. Unde & usque tunc durat ministerium Angelorum, & exercitatio dæmonum. Unde & usque tunc & boni Angeli ad nos huc mittuntur, & dæmones in hoc aere caliginoso sunt ad nostrum exercitium; licet eorum aliqui etiam nunc in inferno sint ad torquendum eos quos ad malum induxerunt; sicut & aliqui boni Angeli sunt cum animabus sanctis in cælo. Sed post

diem iudicii omnes mali tam homines, quam angeli in inferno erunt, boni vero in cælo.

Ad primum ergo dicendum, quod locus non est pœnalis angelo, aut animæ, quasi afficiens alterando naturam, sed quasi afficiens voluntatem contristando, dum angelus, vel anima apprehendit se esse in loco non convenienti suæ voluntati.

Ad secundum dicendum, quod anima secundum ordinem naturæ non præfertur alteri animæ, sicut dæmones ordine naturæ præferuntur hominibus. Unde non est similis ratio.

Ad tertium dicendum, quod aliqui dixerunt, usque ad diem iudicii differri pœnam sensibilem tam dæmonum, quam animarum, & similiter beatitudinem Sanctorum differri usque ad diem iudicii: quod est erroneum, & repugnans Apostoli sententiæ, qui dicit II. Corinth. v. 1. *Si terrestris domus nostra huius habitationis dissolvatur, domum habemus in cælo.*

Alii vero, licet hoc non concedant de animabus, concedunt tamen de dæmonibus.

Sed melius est dicendum, quod idem iudicium sit de malis animabus, & malis angelis, sicut idem iudicium est de bonis animabus, & bonis Angelis. Unde dicendum est, quod sicut locus cælestis pertinet ad gloriam Angelorum, tamen gloria eorum non minuitur, cum ad nos veniunt, quia considerant illum locum esse suum, eo modo quo dicimus, honorem Episcopi non minui, dum actu non sedet in cathedra; similiter dicendum est, quod licet dæmones non actu alligentur gehennali igni, dum sunt in aere isto caliginoso; tamen ex hoc ipso quod sciunt illam alligationem sibi deberi, eorum pœna non diminuitur. Unde dicitur in quadam Glossa Jacobi III. (ordinaria super illud, *Inflammata a gehenna*) quod *portant secum ignem gehenna quocumque vadunt*. Nec est contra hoc, quod rogaverunt Dominum, ut non mitteret eos in abyssum, ut dicitur Luc. VIII. quia hoc petierunt reputantes sibi pœnam, si excluderentur a loco in quo possunt hominibus nocere. Unde Matth. VIII. dicitur, quod deprecabantur eum ne expelleret eos extra regionem.

QUAESTIO LXV.

*De opere creationis creaturae corporalis,
in quatuor articulos divisa.*

Post considerationem spiritualis creaturæ considerandum est de creatura corporali. In cuius productione tria opera Scriptura commemorat, scilicet opus creationis, cum dicitur: *In principio creavit Deus calum, & terram* &c. opus distinctionis, cum dicitur: *Divisit lucem a tenebris, & aquas quæ sunt supra firmamentum, ab aquis quæ sunt sub firmamento*: & opus ornatus, cum dicitur: *Fiant luminaria in firmamento* &c. Primo ergo considerandum est de opere creationis; secundo de opere distinctionis; tertio de opere ornatus.

Circa primum quærentur quatuor. Primo, utrum creatura corporalis sit a Deo.

Secundo, utrum sit facta propter bonitatem Dei.

Tertio, utrum sit facta a Deo median-
tibus Angelis.

Quarto, utrum formæ corporum sint ab Angelis, an immediate a Deo.

ARTICULUS I. 333

Utrum creatura corporalis sit a Deo.

*II. dist. xxxv. 11. quæst. 1. art. 2. cor. & II. con.
cap. vi. & xv. & III. cap. 1. & pot. quæst.
111. art. 5. cor. & opusc. x. cap. 1.*

Ad primum sic proceditur. Videtur quod creatura corporalis non sit a Deo. Dicitur enim Eccle. 111. 14. *Didici, quod omnia quæ fecit Deus, perseverant in æternum*. Sed corpora visibilia non perseverant in æternum: dicitur enim II. Corinth. iv. 18. *Quæ videntur, temporalia sunt; quæ autem non videntur, æterna*. Ergo Deus non fecit corpora visibilia.

2. Præterea. Genes. 1. 31. dicitur: *Vidit Deus cuncta quæ fecerat, & erant valde bona*. Sed creaturæ corporales sunt malæ: experimur enim eas in multis noxiis, ut patet in multis serpentibus, in æstu Solis, & huiusmodi. Ideo autem aliquid dicitur malum, quia nocet. Creaturæ igitur corporales non sunt a Deo.

3. Præterea. Id quod est a Deo, non retrahit a Deo, sed ducit in ipsum. Sed creaturæ corporales retrahunt a Deo: unde Apostolus dicit II. Corinth. iv. 18. *Non contemplantibus nobis quæ videntur*. Ergo creaturæ corporales non sunt a Deo.

Sed contra est quod dicitur in Psalm. cxlv. 6. *Qui fecit calum, & terram, mare, & omnia quæ in eis sunt*.

Respondere dicendum, quod quorundam hæreticorum positio est, quod visibilia ista non sunt creata a bono Deo, sed a malo principio. Et ad argumentum sui erroris assumunt quod Apostolus dicit II. Corinth. iv. 4. *Deus huius sæculi excæcavit mentes infidelium*.

Hæc autem positio est omnino impossibilis. Si enim diversa in aliquo uniantur, necesse est huius unionis causam esse aliquam: non enim diversa secundum se uniantur. Et inde est quod quandoque in diversis invenitur aliquid unum, oportet quod illa diversa illud unum ab aliqua una causa recipiant, sicut diversa corpora calida habent calorem ab igne. Hoc autem quod est esse, communiter invenitur in omnibus rebus quantumcumque diversis. Necesse est ergo esse unum essendi principium, a quo esse habeant quæcumque sunt quocumque modo, sive sint invisibilia, & spiritalia, sive sint visibilia, & corporalia.

Dicitur autem diabolus esse Deus huius sæculi, non creatione, sed quia sæculariter viventes ei serviunt, eo modo loquendi quo Apostolus loquitur ad Philip. 111. 19. *Quorum Deus ventris est*.

Ad primum ergo dicendum, quod omnes creaturæ Dei secundum aliquid in æternum perseverant, ad minus secundum materiam: quia creaturæ numquam in nihilum rediguntur, etiam si sint corruptibiles. Sed quanto creaturæ magis appropinquant ad Deum, qui est immobilis, tanto magis sunt immobiles. Nam creaturæ corruptibiles in perpetuum manent secundum materiam, sed mutantur secundum formam substantialem; creaturæ vero incorruptibiles permanent quidem secundum substantiam, sed sunt mutabiles secundum alia, puta secundum locum, ut corpora cælestia, vel secundum affectiones, ut creaturæ spirituales. Quod autem Apostolus dicit, *Quæ videntur, temporalia sunt*, etsi verum sit etiam quantum ad ipsas res in se consideratas, secundum quod omnis creatura visibilis subiacet tempori vel secundum suum esse, vel secundum suum motum; tamen Apostolus intendit loqui de visibilibus, secundum quod sunt hominis præmia. Nam præmia hominis, quæ sunt in istis rebus visibilibus, temporaliter transiunt; quæ autem sunt in rebus invisibilibus, permanent in æternum. Unde & supra præ-

præmiserat: *Aeternum gloriae pondus operatur in nobis.*

Ad secundum dicendum, quod creatura corporalis secundum suam naturam est bona; sed non est bonum universale, sed est quoddam bonum particulare, & contractum: secundum quam particularitatem, & contractionem sequitur in ea contrarietas, per quam unum contrariatur alteri, licet utrumque in se sit bonum. Quidam autem æstimantes res non ex earum natura, sed ex suo proprio commodo, quæcumque sibi nociva sunt, simpliciter mala arbitrantur, non considerantes, quod id quod est uni nocivum quantum ad aliquid, vel alteri, vel eadem quantum ad aliquid est proficuum. Quod nequaquam esset, si secundum se corpora essent mala, & noxia.

Ad tertium dicendum, quod creaturæ, quantum est de se, non retrahunt a Deo, sed in ipsum ducunt: quia *invisibilia Dei per ea quæ facta sunt, intellecta conspiciuntur*, ut dicitur Roman. 1. 20. sed quod avertant a Deo, hoc est ex culpa eorum cui insipienter eis utuntur: unde dicitur Sap. xiv. 11. *quod creatura facta sunt in misericordiam pedibus insipientium*: & hoc ipsum quod sic a Deo abducunt, attestat quod sunt a Deo: non enim abducunt insipientes a Deo, nisi alliciendo. secundum aliquid boni in eis existens, quod habent a Deo.

ARTICULUS II. 334

Utrum creatura corporalis sit facta propter Dei bonitatem.

Sup. quæst. xxv. art. 5. c. & opusc. 12. cap. c. & c.

AD secundum sic proceditur. Videtur quod creatura corporalis non sit facta propter Dei bonitatem. Dicitur enim Sapient. 1. 14. *Creavit Deus, ut essent omnia*. Ergo omnia sunt creata propter proprium esse, & non propter Dei bonitatem.

1. Præterea. Bonum habet rationem finis. Ergo id quod est magis bonum in rebus, est finis minus boni. Creatura autem spiritualis comparatur ad corporalem sicut maius bonum ad minus bonum. Ergo creatura corporalis est propter spirituales, & non propter Dei bonitatem.

3. Præterea. Iustitia non dat inæqualia nisi inæqualibus. Sed Deus est iustus. Ergo ante omnem inæqualitatem a Deo creatam est inæqualitas a Deo non crea-

ta. Sed inæqualitas a Deo non creata non potest esse nisi quæ est ex libero arbitrio. Ergo omnis inæqualitas sequitur ex diversis motibus liberi arbitrii. Creaturæ autem corporales sunt inæquales spiritualibus. Ergo creaturæ corporales sunt factæ propter aliquos motus liberi arbitrii, & non propter Dei bonitatem.

Sed contra est quod dicitur Proverb. xvi. 4. *Universa propter semetipsum operatus est Dominus.*

Respondeo dicendum, quod Origenes posuit (Lib. II. Periarch. cap. 1. & ix.) quod creatura corporalis non est facta ex prima Dei intentione, sed ad pœnam creaturæ spiritualis peccantis. Posuit enim, quod Deus a principio creaturas spirituales solas fecit, & omnes æquales: quarum, cum essent liberi arbitrii, quædam conversæ sunt in Deum, & secundum quantitatem conversionis fortitæ sunt maiorem, vel minorem gradum in sua simplicitate remanentes; quædam vero averfæ a Deo alligatæ sunt corporibus diversis secundum modum averfionis a Deo.

Quæ quidem posicio erronea est. Primo quidem quia contrariatur Scripturæ, quæ, narrata productione cuiuslibet speciei creaturæ corporalis, subiungit (Gen. 1.) *Vidit Deus, quia hoc esset bonum*, quasi diceret, quod unumquodque ideo factum est, quia bonum est ipsum esse. Secundum autem opinionem Origenis creatura corporalis facta est, non quia bonum est eam esse, sed ut malum alterius puniretur. Secundo quia sequeretur quod mundi corporalis dispositio, quæ nunc est, esset a casu. Si enim ideo corpus Solis tale factum est, ut congrueret alicui peccato spiritualis creaturæ puniendo, si plures creaturæ spirituales similiter peccassent, sicut illa propter cuius peccatum puniendum ponit Solem creatum, sequeretur quod essent plures Soles in mundo: & idem esset de aliis. Hæc autem sunt omnino inconvenientia.

Unde, hæc posicione remota tamquam erronea, considerandum est, quod ex omnibus creaturis constituitur totum universum sicut totum ex partibus. Si autem alicuius totius, & partium eius velimus finem assignare, inveniemus primo quidem quod singulæ partes sunt propter suos actus, sicut oculus ad videndum: secundo vero quod pars ignobilior est propter nobiliorem, sicut sensus propter intellectum, & pulmo propter cor: tertio vero omnes partes sunt propter per-

se-

ARTICULUS III. 339

*Utrum creatura corporalis sit producta a Deo
mediantibus Angelis.*

*II. dist. 1. quæst. 1. art. 4. & opusc. xv.
cap. ix. & xx.*

fectionem totius, sicut & materia propter formam, partes enim sunt quasi materia totius: ulterius autem totus homo est propter aliquem finem extrinsecum, puta ut fruatur Deo. Sic igitur & in partibus universi unaquæque creatura est propter suum proprium actum, & perfectionem: secundo autem creaturæ ignobiliores sunt propter nobiliores, sicut creaturæ quæ sunt infra hominem, sunt propter hominem: ulterius autem singulæ creaturæ sunt propter perfectionem totius universi: ulterius autem totum universum cum singulis suis partibus ordinatur in Deum sicut in finem, in quantum in eis per quamdam imitationem divina bonitas repræsentatur ad gloriam Dei; quamvis creaturæ rationales speciales quodam modo supra hoc habeant finem Deum, quem attingere possunt sua operatione, cognoscendo, & amando. Et sic patet quod divina bonitas est finis omnium corporalium.

Ad primum ergo dicendum, quod in hoc ipso quod creatura aliqua habet esse, repræsentat divinum esse, & bonitatem eius: & ideo per hoc quod Deus creavit omnia, ut essent, non excluditur quin creaverit omnia propter suam bonitatem.

Ad secundum dicendum, quod finis proximus non excludit finem ultimum: unde per hoc quod creatura corporalis facta est quodammodo propter spirituales, non removetur quin sit facta propter Dei bonitatem.

Ad tertium dicendum, quod æqualitas iustitiæ locum habet in retribuendo: iustum enim est quod æqualibus æqualia retribuuntur: non autem habet locum in prima rerum institutione. Sicut enim artifex eiusdem generis lapides in diversis partibus ædificii ponit absque iniustitia, non propter aliquam diversitatem in lapidibus præcedentem, sed attendens ad perfectionem totius ædificii, quæ non esset, nisi lapides diversimode in ædificio collocarentur; sic & Deus a principio, ut esset perfectio in universo, diversas, & inæquales creaturas instituit secundum suam sapientiam absque iniustitia, nulla tamen præsupposita meritorum diversitate.

AD tertium sic proceditur. Videtur quod creatura corporalis sit producta a Deo mediantibus Angelis. Sicut enim res gubernantur per divinam sapientiam, ita omnia sunt per Dei sapientiam facta, secundum illud Psalm. ciii. 24. *Omnia in sapientia fecisti*. Sed ordinare est sapientis, ut dicitur in principio Metaph. (Lib. I. cap. xi.) unde in gubernatione rerum inferiora per superiora reguntur quodam ordine, ut Augustinus dicit III. de Trinit. (cap. xv.) Ergo & in rerum productione talis ordo fuit quod creatura corporalis, tanquam inferior, per spirituales, tanquam superiores, est producta.

2. Præterea. Diversitas effectuum demonstrat diversitatem causarum: quia idem semper facit idem. Si ergo omnes creaturæ tam spirituales, quam corporales sunt immediate a Deo productæ, nulla esset inter creaturas diversitas, nec una magis distaret a Deo quam alia: quod patet esse falsum, cum propter longe distare a Deo dicat Philosophus (II. de gen. & cor. text. 59.) quædam corruptibilia esse.

3. Præterea. Ad producendum effectum finitum non requiritur virtus infinita. Sed omne corpus finitum est. Ergo per finitam virtutem spiritualis creaturæ produci potuit, & productum fuit: quia in talibus non differt esse, & posse: præsertim quia nulla dignitas competens alicui secundum suam naturam ei denegatur, nisi forte ob culpam suam.

Sed contra est quod dicitur Genes. 1. 1. *In principio creavit Deus calum, & terram*: per quæ creatura corporalis intelligitur. Ergo creatura corporalis est immediate a Deo producta.

Respondeo dicendum, quod quidam posuerunt gradatim res a Deo processisse, ita scilicet quod ab eo immediate processit prima creatura, & illa produxit aliam, & sic inde utque ad creaturam corpoream.

Sed hæc positio est impossibilis: quia prima corporalis creaturæ productio est per creationem, per quam etiam ipsa materia

ria producitur : (a) imperfectum enim est prius quam perfectum in fieri . Impossibile est autem aliquid creari nisi a solo Deo .

Ad cuius evidentiam considerandum est , quod quanto aliqua causa est superior , tanto ad plura se extendit in causando . Semper autem id quod subternitur in rebus , invenitur communius quam id quod informat , & restringit ipsum , sicut esse quam vivere , & vivere quam intelligere , & materia quam forma . Quanto ergo aliquid est magis substratum , tanto a superiori causa directe procedit . Id ergo quod est primo substratum in omnibus , proprie pertinet ad causalitatem supremæ causæ . Nulla igitur secunda causa potest aliquid producere , non præsupposito in re producta aliquo quod causatur a superiori causa . Creatio autem est productio alicuius rei secundum suam totam substantiam , nullo præsupposito , quod sit vel increatum , vel ab aliquo creatum . Unde relinquitur quod nihil potest aliquid creare nisi solus Deus , qui est prima causa . Et ideo , ut Moyses offenderet , corpora omnia immediate a Deo creata , dixit : *In principio creavit Deus cælum , & terram .*

Ad primum ergo dicendum , quod in productione rerum est aliquis ordo , non quidem ut una creatura creetur ab alia , hoc enim impossibile est ; sed ita quod ex divina sapientia diversi gradus in creaturis constituuntur .

Ad secundum dicendum , quod ipse Deus unus absque suæ simplicitatis detrimento diversorum cognoscitivus est , ut supra ostensum est (quæst. xiv. art. 11. & quæst. xv. art. 1.) & ideo etiam est secundum diversa cognita diversorum productorum causa per suam sapientiam , sicut & artifex , apprehendendo diversas formas , producit diversa artificia .

Ad tertium dicendum , quod quantitas virtutis agentis non solum mensuratur secundum rem factam , sed etiam secundum modum faciendi : quia unum & idem aliter fit a maiori , & a minori virtute . Producere autem aliquid finitum hoc modo ut nihil præsupponatur , est virtutis infinitæ . Unde nulli creaturæ comparari potest .

ARTICULUS IV. 336

Utrum formæ corporum sint ab Angelis .

I. dist. xxxvi. quæst. 11. art. 1. corp. & II. dist. 1. quæst. 1. art. 4. ad 4. & dist. xxviii. quæst. 11. art. 3. corp. & III. cont. cap. xxiv. & [xix. & opus. xxxiv. cap. 11.

AD quartum sic proceditur . Videtur a quod formæ corporum sint ab Angelis . Dicit enim Boetius in Lib. I. de Trinit. (ante med.) quod *a formis quæ sunt sine materia , veniunt formæ quæ sunt in materia .* Formæ autem quæ sunt sine materia , sunt substantiæ spirituales ; formæ autem quæ sunt in materia , sunt formæ corporum . Ergo formæ corporum sunt a spiritualibus substantiis .

2. Præterea . Omne quod est per participationem , reduciur ad id quod est per essentiam . Sed spirituales substantiæ per suam essentiam sunt formæ ; creaturæ autem corporales participant formas . Ergo formæ corporalium rerum sunt a spiritualibus substantiis derivatæ .

3. Præterea . Spirituales substantiæ magis habent virtutem causandi quam corpora cælestia . Sed corpora cælestia causant formas in istis inferioribus , unde dicuntur esse generationis , & corruptionis causa . Ergo multo magis a spiritualibus substantiis formæ quæ sunt in materia , derivantur .

Sed contra est quod Augustinus dicit III. de Trinit. (cap. viii. in princ.) quod *non est putandum Angelis ad nutum servare hanc corporalem materiam , sed potius Deo .* Illi autem ad nutum dicitur servare corporalis materia a quo speciem recipit . Non ergo formæ corporales sunt ab Angelis , sed a Deo .

Respondetur dicendum , quod opinio fuit quorundam , quod omnes formæ corporales derivantur a substantiis spiritualibus , quas Angelos dicimus . Et hoc quidem dupliciter aliqui posuerunt .

Plato enim posuit , formas quæ sunt in materia corporali , derivari , & formari a formis sine materia subsistentibus per modum participationis cuiusdam . Ponebat enim hominem quendam immaterialiter subsistentem , & similiter equum , & sic de aliis ex quibus constituuntur hæc singularia sensibilia , secundum quod in materia corporali remanet quedam impressio ab illis formis . separatis per modum

(a) Ita cod. Mon. cum editis . Codex Theologorum Levan. & Duac. omittit imperfectum enim est prius quam perfectum in fieri .

modum assimilationis cuiusdam, quam participationem vocabat. Et secundum ordinem formarum ponebant Platonici ordinem substantiarum separatarum; puta quod una substantia separata est quæ est equus, quæ est causa omnium equorum, supra quam est quedam vita separata, quam dicebant per se vitam, & causam omnis vitæ: & ulterius quamdam quam nominabant ipsam esse, & causam omnis esse.

Avicenna vero, & quidam alii non posuerunt, formas rerum corporalium in materia per se subsistere, sed solum in intellectu. A formis ergo in intellectu creaturarum spiritualium existentibus, quas quidem ipsi intelligentias, nos autem Angelos dicimus, dicebant procedere omnes formas quæ sunt in materia corporali, sicut a formis quæ sunt in mente artificis, procedunt formæ artificiarum.

Et in idem videtur redire quod quidam moderni hæretici ponunt, dicentes quidem Deum creatorem omnium, sed materiam corporealem a diabolo formatam, & per varias species distinctam.

Omnis autem hæc opinio ex una radice processisse videtur. Querebant enim causam formarum, ac si ipsæ formæ haberent secundum seipsas.

Sed, sicut probat Aristoteles in VII. Metaph. (text. 26. & 27.) id quod proprie hæc est compositum. Formæ autem corruptibilibus rerum habent ut aliquando sint, aliquando non sint, absque hoc quod ipsæ generentur, aut corrumpantur, sed compositis generatis, aut corruptis: quia etiam formæ non habent esse, sed composita habent esse per eas: sic enim alicui competit fieri, sicut & esse. Et ideo cum finale fiat a suo simili, non est querenda causa formarum corporalium aliqua forma immaterialis, sed aliquod compositum, secundum quod hic ignis generatur ab hoc igne. Sic igitur formæ corporales causantur, non quasi influxu ab aliqua immateriali forma, sed quasi materia reducta de potentia in actum ab aliquo agente composito. Sed quia agens compositum, quod est corpus, movetur a substantia spirituali creata, ut Augustinus dicit III. de Trinit. (cap. xv. & v.) sequitur ulterius quod etiam formæ corporales a substantiis spiritualibus deriventur, non tamquam influentibus formas, sed tamquam moventibus ad formas. Ulterius autem reducuntur in

Deum sicut in primam causam etiam species angelici intellectus, quæ sunt quedam seminales rationes corporalium formarum.

In prima autem corporalis creaturæ productione non consideratur aliqua transmutatio de potentia in actum: & ideo formæ corporales quas in prima productione corpora habuerunt, sunt immediate a Deo productæ, cui soli ad nutum obedit materia tanquam propriæ causæ. Unde ad hoc significandum Moyses singulis operibus præmittit: *Dixit Deus*: Fiat hoc, vel illud. In quo significatur formatio rerum per Verbum Dei facta, a quo secundum Augustinum (tract. i. in Ioan. a med. & l. super Gen. ad lit. cap. xv.) est omnis forma, & compago, & concordia partium.

Ad primum ergo dicendum, quod Boetius intelligit per formas quæ sunt sine materia, rationes rerum, quæ sunt in mente divina, quæ etiam Apostolus dicit Hebr. xi. 3. *Fide (a) credimus, aperta esse secula verbo Dei, ut ex invisibilibus visibilia fierent*. Si tamen per formas quæ sunt sine materia, intelligit Angelos, dicendum est, quod ab eis veniunt formæ quæ sunt in materia, non per iniluxum, sed per motum.

Ad secundum dicendum, quod formæ participatæ in materia reducuntur non ad formas aliquas per se subsistentes rationis eiusdem, ut Platonici posuerunt; sed ad formas intelligibiles vel intellectus angelici, a quibus per motum procedunt; vel ulterius ad rationes intellectus divini, a quibus etiam formarum semina sunt rebus creatis indita, ut per motum in actum educi possint.

Ad tertium dicendum, quod corpora cælestia causant formas in istis inferioribus, non influendo, sed movendo.

QUAESTIO XLVI

De ordine creationis ad distinctionem, in quatuor articulos divisa.

DEinde considerandum est de opere distinctionis: & primo considerandum est de ordine creationis ad distinctionem; secundo de ipsa distinctione secundum se.

Circa primum queruntur quatuor.

Primo, utrum informis materia creata præcesserit tempore formationem ipsius.

Se-

(A) *Pulchra* intelligimus.

Secundo, utrum sit una materia omnium corporaliū.

Tertio, utrum cælum empyreum sit concreatum materiæ informi.

Quarto, utrum tempus sit eidem concreatum.

ARTICULUS I. 337

Utrum informatas materiæ tempore præcesserit formationem ipsius.

Inf. quæst. LXVI. art. 1. & 2. cor. & quæst. lxxiii. art. 2. corp. & pot. quæst. xv. art. 1. & 2. corp.

AD primum sic proceditur. Videtur quod informatas materiæ tempore præcesserit formationem ipsius. Dicitur enim Genes. 1. 2. *Terra erat inanis, & vacua, sive invisibilis, & incomposita* secundum aliam litteram (70. Interp.) per quod designatur informatas materiæ, ut Augustinus dicit (Lib. XII. Conf. cap. xii. & Lib. II. super Gen. ad lit. cap. xi.) Ergo materia fuit aliquando informis, antequam formaretur.

2. Præterea. Natura in sua operatione Dei operationem imitatur, sicut causa secunda imitatur causam primam. Sed in operatione naturæ informatas tempore præcedit formationem. Ergo & in operatione Dei.

3. Præterea. Materia (a) potior est accidente, quia materia est pars substantiæ. Sed Deus potest facere quod accidens sit sine subiecto, ut patet in sacramento altaris. Ergo potuit facere quod materia esset sine forma.

1. Sed contra. Imperfectio effectus attestat imperfectiōis agentis. Sed Deus est agens perfectissimum: unde de eo dicitur Deut. xxxii. 4. *Dei perfecta sunt opera.* Ergo opus ab eo creatum nunquam fuit informe.

2. Præterea. Creaturæ corporalis formatio facta fuit per opus distinctionis. Distinctioni autem opponitur confusio, sicut & formationi informatas. Si ergo informatas præcessit tempore formationem materiæ, sequitur, a principio fuisse confusum corporealis creaturæ, quam antiqui vocaverunt caos.

Respondendo dicendum, quod circa hoc sunt diversæ opiniones Sanctorum. Augustinus enim (Lib. I. super Gen. cap. xv. parum a princ.) vult quod informatas materiæ corporalis non præcesserit

tempore formationem ipsius, sed solum origine, vel ordine naturæ. Alii vero, ut Basilius (homil. ii. hexam. paulo a princ.) Ambrosius (Lib. I. hexam. cap. viii.) & Chrysostomus (homil. ii. in Genes. a med.) volunt, quod informatas materiæ tempore præcesserit formationem. Et quamvis hæc opiniones videantur esse contrariæ, tamen parum ab invicem differunt. Aliter enim accipit informatam materiæ Augustinus quam alii.

Augustinus enim accipit informatam materiæ pro carentia omnis formæ: & sic impossibile est dicere, quod informatas materiæ tempore præcesserit vel formationem ipsius, vel distinctionem. Et de formatione quidem manifestum est. Si enim materia informis præcessit durationem, hæc erat iam in actu: hoc enim (b) creatio importat. Creationis enim terminus est ens actu; ipsum autem quod est actus, est forma. Dicere igitur, materiam præcedere sine forma, est dicere ens actu sine actu, quod implicat contradictionem. Nec etiam potest dici, quod habuit aliquam formam communem, & postmodum supervenerunt ei formæ diversæ, quibus sit distincta: quia hoc esset idem cum opinione antiquorum Naturalium, qui posuerunt, materiam primam esse aliquod corpus in actu, puta ignem, aerem, aut aquam, aut aliquod medium: ex quo sequebatur quod fieri non esset nisi alterari: quia cum illa forma præcedens daret esse in actu in genere substantiæ, & faceret esse hoc aliquid, sequebatur quod superveniens forma non faceret simpliciter ens actu, sed ens actu hoc, quod est proprium formæ accidentalis; & sic sequentes formæ essent accidentales, & secundum quæ non attenditur generatio, sed alteratio. Unde oportet dicere, quod materia prima neque fuit creata omnino sine forma, neque sub forma una communi, sed sub formis distinctis. Et ita si informatas materiæ referatur ad conditionem primæ materiæ, quæ secundum se non habet aliquam formam, informatas materiæ non præcessit formationem, seu distinctionem ipsius tempore, ut Augustinus dicit (loc. cit. supra) sed origine, seu natura tantum, eo modo quo potentia est prior actu, & pars toto.

Alii vero Sancti accipiunt informatam, non secundum quod excludit omnem

(a) Ita editio Rom. & Nicolai. Editio Patav. 1712a. potior al. potior. (b) Ita Nicolaus. Editio Rom. & Patav. datatio.

minem formam, sed secundum quod excludit istam formositatem, & decorem qui nunc apparet in corporea creatura: & secundum hoc dicunt, quod informitas materiæ corporalis duratione præcessit formationem eiusdem. Et sic secundum hoc quantum ad aliquid cum eis Augustinus concordat, & quantum ad aliquid discordat, ut infra patebit (quæst. lxxix. art. 1.)

Et quantum ex littera Genesis accipi potest, triplex formositas deerat, propter quod dicebatur creatura corporalis informis. Deerat enim a toto corpore diaphano, quod dicitur cælum, pulchritudo lucis: unde dicitur, quod *tenebra erant super faciem abyssi*. Deerat autem terra duplex pulchritudo. Una, quam habet ex hoc quod est aquis discomposita; & quantum ad hoc dicitur, quod *terra erat inanis*, sive *invisibilis*: quia corporali aspectui patere non poterat propter aquas undique eam cooperientes. Alia vero, quam habet ex hoc quod est ornata herbis, & plantis: & ideo dicitur, quod erat *vacua*, seu *incomposita*, idest *non ornata*, secundum aliam litteram (70. Interpr.)

Et sic cum præmississet duas naturas creatas, scilicet cælum, & terram, informitatem cæli expressit per hoc quod dixit: *Tenebra erant super faciem abyssi*, secundum quod sub cælo etiam aer includitur: informitatem vero terræ per hoc quod dixit: *Terra erat inanis, & vacua*.

Ad primum ergo dicendum, quod terra aliter accipitur in loco isto ab Augustino, & ab aliis Sanctis. Augustinus enim (locus cit. in arg. & Lib. I. de Gen. cont. Manich. cap. v. & vii.) vult quod nomine terræ, & aquæ significetur in hoc loco ipsa materia prima. Non enim poterat Moyses rudi populo primam materiam exprimere nisi sub similitudine rerum eis notarum: unde & sub multiplici similitudine eam exprimit, non vocans eam tantum aquam, vel tantum terram, ne videatur secundum rei veritatem materia prima esse vel terra, vel aqua. Habet tamen similitudinem cum terra, inquantum subdit formis, & cum aqua, inquantum est apta formari diversis formis. Secundum hoc ergo dicitur terra inanis, & vacua, vel invisibilis, & incomposita, quia materia per formam cognoscitur. Unde in se considerata dicitur invisibilis, vel inanie; & eius potentia per formam repletur. Unde & Plato (citatur in Timæo ab Arist. IV.

Phys. tex. 13.) materiam dicit esse locum. Alii vero Sancti per terram intelligunt ipsum elementum: quæ qualiter secundum eos erat informis, dictum est (in corp. art.)

Ad secundum dicendum, quod natura product effectum in actu de ente in potentia; & ideo oportet ut in eius operatione potentia tempore præcedat actum, & informitas formationem. Sed Deus producit ens actu ex nihilo; & ideo statim potest producere rem perfectam secundum magnitudinem suæ virtutis.

Ad tertium dicendum, quod accidens, cum sit forma, est actus quidam; materia autem secundum id quod est, est ens in potentia. Unde magis repugnat materiæ esse in actu sine forma, quam accidenti sine subiecto.

Ad primum vero quod obicitur in contrarium, dicendum est, quod si secundum alios Sanctos informitas tempore præcessit formationem materiæ, non fuit hoc ex impotentia Dei, sed ex eius sapientia, ut ordo servaretur in rerum conditione, dum ex imperfecto ad perfectum adducerentur.

Ad secundum dicendum, quod quidam antiquorum Naturalium posuerunt confusionem excludentem omnem distinctionem præter hoc quod Anaxagoras posuit sonni intellectum distinctum, & immixtum. Sed ante opus distinctionis Scriptura sacra ponit multiplicem distinctionem. Primo quidem cæli, & terre: in quo ostenditur distinctio etiam secundum materiam, ut infra patebit (quæst. lxxix. art. 1.) & hoc, cum dicit: *In principio Deus creavit cælum, & terram* &c. Secundo per distinctionem elementorum quantum ad formas suas, per hoc quod nominat terram, & aquam: aerem autem, & ignem non nominat, quia non est ita manifestum rudibus, quibus Moyses loquebatur, huiusmodi esse corpora, sicut manifestum est de terra, & aqua. Quamvis Plato (in Timæo cap. xxvi.) aerem intellexerit significari per hoc quod dicitur *Spiritus Domini*: quia etiam aer spiritus dicitur; ignem vero intellexerit significari per cælum, quod igneæ naturæ esse dixit, ut Augustinus refert in VIII. Lib. de civ. Dei (cap. xi.) Sed Rabbi Moyses (Lib. II. perplexorum cap. xxx.) in aliis cum Platone concordans dicit, ignem significari per tenebras: quia, ut dicit, in propria sphaera ignis non lueet. Sed magis videtur esse

conveniens quod prius dictum est, quod spiritus Domini in Scriptura nonnisi pro Spiritu sancto consuevit poni: qui aquis superferri dicitur, non corporaliter, sed sicut voluntas artificis superiatur materiam quam vult formare. Tertia distinctio significatur secundum situm: quia terra erat sub aquis, quibus invisibilis reddebatur; aer vero, qui est subiectum tenebrarum, significatur fuisse super aquas, per hoc quod dicitur: *Tenebrae erant super faciem abyssi*. Quid autem distinguendum remaneret, ex sequentibus apparebit (quaest. lxxi.)

ARTICULUS II. 338

Utrum una sit materia informis omnium corporaliū.

I. diff. xii. art. i. & II. contr. cap. xvi. §. 8. & opus. xii. cap. lxxi. & opus. xvi. cap. viii. & opus. xlii. cap. xiv. & xv. & i. cal. Hierar. l. 6.

AD secundum sic proceditur. Videtur quod una sit materia informis omnium corporaliū. Dicit enim Augustinus XII. Confess. (cap. xii.) *Dum repeto quae fecisti: unum quod erat formatum; alterum quod erat informe*. Et hoc dicitur esset terram invisibilem, & incompositam, per quam dicitur significari materiam rerum corporaliū. Ergo una est materia omnium corporaliū.

2. Præterea. Philosophus dicit in V. Metaphys. (tex. 10.) quod illa quæ sunt unum in genere, sunt unum in materia. Sed omnia corporalia conveniunt in genere corporis. Ergo omnium corporaliū est una materia.

3. Præterea. Diversus actus sit in diversa potentia, & unus in una. Sed omnium corporum est una forma, scilicet corporeitas. Ergo omnium corporaliū est una materia.

4. Præterea. Materia in se considerata est solum in potentia. Sed distinctio est per formas. Ergo materia in se considerata est una tantum omnium corporaliū.

Sed contra. Quæcumque conveniunt in materia, sunt transmutabilia ad invicem, & agunt, & patiuntur ab invicem, ut dicitur in I. de generatione (a tex. 30. usque ad 34.) Sed corpora cælestia, & interiora non sic se habent ad invicem. Ergo eorum materia non est una.

Respondendo dicendum, quod circa hoc

fuerunt diversæ opiniones Philosophorum. Plato enim, & omnes Philosophi ante Aristotelem posuerunt omnia corpora esse de natura quatuor elementorum. Unde cum quatuor elementa communicent in una materia, ut mutua generatio, & corruptio in eis ostendit, per consequens sequebatur quod omnium corporum sit materia una. Quod autem quedam corpora sint incorruptibilia, Plato (in Timæo a princ.) adiciebat non conditioni materiam, sed voluntati artificis, scilicet Dei, quem introducit corporibus cælestibus dicentem: *Natura vestra estis dissolubilia, voluntate autem mea indissolubilia: quia voluntas mea maior est nexu vestro*.

Hanc autem positionem Aristoteles (Lib. I. de cælo a tex. 3. usque ad 19.) reprobat per motus naturales corporum. Cum enim corpus cæleste habeat naturalem motum diversum a naturali motu elementorum, sequitur quod eius natura sit alia a natura quatuor elementorum. Et sicut motus circularis, qui est proprius corporis cælestis, caret contrarietate; motus autem elementorum sunt invicem contrarii (ut qui est sursum, ei qui est deorsum); ita corpus cæleste est absque contrarietate, corpora vero elementaria sunt cum contrarietate. Et quia corruptio, & generatio sunt ex contrariis, sequitur quod secundum suam naturam corpus cæleste sit incorruptibile, elementa vero sint corruptibilia.

Sed, non obstante hac differentia corruptibilitatis, & incorruptibilitatis naturalis, Avicenna posuit unam materiam omnium corporum, attendens ad unitatem formæ corporalis. Sed si forma corporeitatis esset una forma per se, cui supervenirent aliæ formæ, quibus corpora distinguuntur, haberet necessitatem quod dicitur, quia illa forma immutabiliter materiam inhaeret: & quantum ad illam esset omne corpus incorruptibile; sed corruptio accideret per remotionem sequentium formarum, quæ non esset corruptio simpliciter, sed secundum quid: quia privationi subalternetur aliquod ens actu: sicut etiam accidebat antiquis Naturalibus, qui ponebant subiectum corporum aliquod ens actu, puta ignem, aut aerem, aut aliquid huiusmodi.

Supposito autem quod nulla forma quæ sit in corpore corruptibili, remaneat, ut substrata generationi, & corruptioni, sequitur de necessitate quod non sit eadem

dem materia corporum corruptibilem, & incorruptibilem. Materia enim secundum id quod est, est in potentia ad formam. Oportet ergo quod materia secundum se considerata sit in potentia ad formam omnium illorum quorum est materia communis. Per unam autem formam non fit in actu nisi quantum ad illam formam. Remanet ergo in potentia quantum ad omnes alias formas. Nec hoc excluditur, si una illarum formarum sit perfectior, & continens in se virtute alias: quia potentia, quantum est de se, indifferenter se habet ad perfectum, & imperfectum. Unde sicut quando est sub forma imperfecta, est in potentia ad formam perfectam, ita e converso. Sic ergo materia, secundum quod est sub forma incorruptibilis corporis, erit adhuc in potentia ad formam corruptibilis corporis: & cum non habeat eam in actu, erit simul sub forma, & privatione: quia carentia formae in eo quod est in potentia ad formam, est privatio. Haec autem dispositio est corruptibilis corporis. Impossibile ergo est quod corporis corruptibilis, & incorruptibilis per naturam sit una materia.

Nec tamen dicendum est, ut Averroes fingit (in Lib. de substantia orbis cap. 11.) quod ipsum corpus caeleste est materia caeli, ens in potentia ad *ubi*, & non ad *esse*, & forma eius est substantia separata, quae iungitur ei ut motor: quia impossibile est ponere aliquid ens actu, quin vel ipsum totum sit actus, & forma, vel habeat actum, seu formam. Remota ergo per intellectum substantia separata, quae ponitur motor, si corpus caeleste non est habens formam (quod est componi ex forma, & subiecto formae) sequitur quod sit totum forma, & actus. Omne autem tale est intellectum in actu: quod de corpore caelesti dici non potest, cum sit sensibile. Relinquitur ergo quod materia corporis caelestis secundum se considerata non est in potentia nisi ad formam quam habet. Nec refert ad propositum, quaecumque sit illa, sive anima, sive aliquid aliud. Unde illa forma sic perficit illam materiam, quod nullo modo in ea remanet potentia ad *esse*, sed ad *ubi* tantum, ut Aristoteles dicit (Lib. I. de caelo a tex. 20. usque ad 32.) Et sic non est eadem materia corporis caelestis, & elementorum, nisi secundum analogiam, secundum quod conveniunt in ratione potentiae.

Ad primum ergo dicendum, quod Augustinus sequitur in hoc opinionem Platonis non ponentis quintam essentiam. Vel dicendum, quod materia informis est una unitate ordinis, sicut omnia corpora sunt unum in ordine creaturae corporeae.

Ad secundum dicendum, quod si genus consideretur physice, corruptibilia, & incorruptibilia non sunt in eodem genere propter diversum modum potentiae in eis, ut dicitur X. Metaph. (tex. 26.) Secundum autem logicam considerationem est unum genus omnium corporum propter unam genus rationem corporeitatis.

Ad tertium dicendum, quod forma corporeitatis non est una in omnibus corporibus, cum non sit alia a formis, quibus corpora distinguuntur, ut dictum est (in corp. art.)

Ad quartum dicendum, quod cum potentia dicatur ad actum, ens in potentia est diversum ex hoc ipso quod ordinatur ad diversum actum; sicut visus ad colorem, & auditus ad sonum. Unde ex hoc ipso materia caelestis corporis est alia a materia elementi, quia non est in potentia ad formam elementis.

ARTICULUS III. 339

Utrum caelum empyreum sit concretum materiae informi.

II. dist. xii. art. 3.

AD tertium sic proceditur. Videtur quod caelum empyreum non sit concretum materiae informi. Caelum enim empyreum, si est aliquid, oportet quod sit corpus sensibile. Omne autem corpus sensibile est mobile; caelum autem empyreum non est mobile: quia motus eius deprehenderetur per motum alicuius corporis apparentis, quod minime apparet. Non ergo caelum empyreum est aliquid materiae informi concretum.

2. Praeterea. Augustinus dicit in III. de Trinitate (cap. iv. & v.) quod inferiora corpora per superiora quodam ordine reguntur. Si ergo caelum empyreum est quoddam supremum corpus, oportet quod habeat aliquam influentiam in haec inferiora corpora. Sed hoc non videtur, praesertim si ponatur immobile, cum nullum corpus moveat nisi motum. Non est ergo caelum empyreum materiae informi concretum.

3. Si dicatur, quod caelum empyreum

De 2

est

est locus contemplationis, non ordinatum ad naturales effectus; contra Augustinus dicit in IV. de Trinit. (cap. xx. parum a med.) quod nos, secundum quomodo aliquod aeternum capimus, non in hoc mundo sumus. Ex quo patet quod contemplatio mentem supra corporalia elevat. Non ergo contemplationi locus corpore deputatur.

4. Præterea. Inter corpora cælestia invenitur aliquod corpus partim diaphanum, & partim lucidum, scilicet cælum sidereum. Invenitur etiam aliquod cælum totum diaphanum, quod aliqui nominant cælum aqueum, vel crystallinum. Si ergo est aliud superius cælum, oportet quod sit totum lucidum. Sed hoc esse non potest: quia sic continue aer illuminaretur, nec umquam nox esset. Non ergo cælum empyreum materiæ informi est concreatum.

Sed contra est quod Strabus dicit (habetur in Glo. ord. ubi citatur non Strabus, sed Beda) quod cum dicitur, *In principio creavit Deus cælum, & terram*, cælum dicitur, non visibile firmamentum, sed empyreum, idest igneum.

Respondendo dicendum, quod cælum empyreum non invenitur positum nisi per auctoritates Strabli, & Bedæ, & iterum per auctoritatem Basilii.

In cuius positione quantum ad aliquid conveniunt, scilicet quantum ad hoc quod sit locus beatorum. Dicit enim Strabus, & etiam Beda (ibid.) quod statim factum Angelis est repletum. Basiliius etiam dicit (in homil. 11. hexam. a med.) *Sicut damnati in tenebras ultimas abiguntur, ita remuneratio pro dignis operibus restauratur in ea luce qua est extra mundum; & ibi quietis domicilium sortientur*. Disscunt tamen quantum ad rationem ponendi. Nam Strabus, & Beda ponunt cælum empyreum ea ratione quia firmamentum, per quod cælum empyreum intelligunt, non in principio, sed secunda die dicitur factum. Basiliius vero ea ratione ponit, ne videatur simpliciter Deus opus suum a tenebris inchoasse; quod Manichei calumniantur, Deum veteris testamenti Deum tenebrarum nominantes.

Hæ autem rationes non sunt multum cogentes. Nam questio de firmamento, quod legitur factum in secunda die, aliter solvitur ab Augustino, & aliter ab aliis Sanctis. Questio autem de tenebris solvitur secundum Augustinum (I. sup. Genes. ad litt. cap. xv. & VII. cap.

xxvii.) per hoc quod informatas, quæ per tenebras significantur, non præcise duratione formationem, sed origine. Secundum alios vero, cum tenebræ non sint creatura aliqua, sed privatio lucis, divinæ sapientiæ attestatur, ut ea quæ produxit ex nihilo, primo in statu imperfectionis institueret, & postmodum ea perduceret ad perfectum.

Potest autem convenientior ratio sumi ex ipsa conditione gloriæ. Expectatur enim in futura remuneratione duplex gloria, scilicet spiritualis, & corporalis, non solum in corporibus humanis glorificandis, sed etiam in toto mundo innovando. Inchoata est autem spiritualis gloria ab ipso mundi principio in beatitudine Angelorum, quorum aequalitas Sanctis promittitur. Unde conveniens fuit ut etiam a principio corporalis gloria inchoaretur in aliquo corpore, quod etiam a principio fuerit abique servitute corruptionis, & mutabilitatis, & totaliter lucidum, sicut tota creatura corporalis expectatur post resurrectionem futura. Et ideo illud cælum dicitur empyreum, idest igneum, non ab ardore, sed a splendore.

Sciendum est autem, quod Augustinus X. de civit. Dei (cap. ix. & xxvii.) dicit, quod Porphyrius discernebat a demonibus Angelos, ut ærea loca esset demonum, æthereæ vero, vel empyreæ diceret Angelorum. Sed Porphyrius, tamquam Platonius, cælum illud sidereum igneum esse existimabat: & ideo empyreum nominabat, vel æthereum, secundum quod nonnulli ætheris fumitur ab inflammatione, & non secundum quod sumitur a velocitate motus, ut Aristoteles dicit (I. de cælo tex. 22.) Quod pro tanto dictum sit, ne aliquis opinetur, Augustinum cælum empyreum posuisse, sicut nunc ponitur a modernis.

Ad primum ergo dicendum, quod corpora sensibilia sunt mobilia secundum ipsum statum mundi, quia per motum creaturæ corporalis procuratur elementorum multiplicatio. Sed in ultima consummatione gloriæ cessabit corporum motus: & talem oportuit esse a principio dispositionem cæli empyrei.

Ad secundum dicendum, quod satis probabile est quod cælum empyreum secundum quosdam, cum sit ordinatum ad statum gloriæ, non habet influentiam in inferiora corpora, quæ sunt sub alio ordine, utpote ordinata ad naturalem rerum decursum.

Probabilius tamen videtur dicendum, quod sicut supremi Angeli, qui affiunt, habent influentiam super medios, & ultimos, qui mittuntur, quamvis ipsi non mittantur, secundum Dionysium (cap. viii. c. l. Hierarch.) ita cælum empyreum habet influentiam super corpora quæ moventur, licet ipsum non moveatur. Et propter hoc potest dici, quod influit in primum cælum, quod movetur, non aliquid transiens, & adveniens per motum, sed aliquid fixum, & stabile, puta virtutem continendi, & cauſandi, vel aliquid huiusmodi ad dignitatem pertinens.

Ad tertium dicendum, quod locus corpore deputatur contemplationi, non propter necessitatem, sed propter congruitatem, ut exterior claritas interiori conveniat. Unde Basilii dicit (hom. xi. in hexam. a. med.) quod ministrator spiritui non poterat deſcere in tenebris, sed in luce, & latius deſcendi sibi habitum possidebat.

Ad quartum dicendum, quod, sicut Basilii dicit (ibid.) constat factum esse cælum rounditate conclusum, habens corpus spiritum, & adeo validum, ut possit ea quæ extrinsecus habentur, ab interioribus separare. Ob hoc necessarii poſſe regionem relictam carentem luce conſtituit, utpote fulgore, qui super radiabat, excluso.

Sed quia corpus firmamenti, etsi sit solidum, est tamen diaphanum, quod lumen non impedit (ut patet per hoc quod lumen stellarum videmus non obſtantibus mediis cælis) potest aliter dici, quod habet lucem cælum empyreum non condensatam, ut radios emittat, sicut corpus Solis, sed magis subtile; vel habet claritatem gloriæ, quæ non est conformis cum claritate naturali.

ARTICULUS IV. 340

Utrum tempus sit conſecratum materiæ informi.

II. dist. xii. quæst. i. art. 5.

AD quartum sic proceditur. Videtur quod tempus non sit conſecratum materiæ informi. Dicit enim Augustinus XII. Confess. (cap. xii.) ad Deum loquens: Duo reperio, quæ seſſiſſi carentia temporibus, scilicet materiam primam corporalem, & naturam angelicam. Non ergo tempus est conſecratum materiæ informi.

2. Præterea. Tempus dividitur per diem, & noctem. Sed a principio nec nox, nec dies erat, sed postmodum,

S. Tb. Oper. Tom. XX.

cum dixisset Deus lucem a tenebris. Ergo a principio non erat tempus.

3. Præterea. Tempus est numerus motus firmamenti, quod legitur factum secundo die. Ergo non a principio erat tempus.

4. Præterea. Motus est prior tempore. Magis igitur debebat numerari inter primo creata quam tempus.

5. Præterea. Sicut tempus est mensura extrinseca, ita & locus. Non ergo magis debet computari inter primo creata tempus, quam locus.

Sed contra est quod Augustinus dicit super Genes. ad litter. (imperf. cap. iiii.) quod spiritalis, & corporalis creatura est creata in principio temporis.

Respondendo dicendum, quod communiter dicitur, quatuor esse primo creata, scilicet naturam angelicam, cælum empyreum, materiam corporalem informem, & tempus.

Sed attendendum est, quod hoc dictum non procedit secundum Augustini opinionem. Augustinus enim (loco cit. in arg. i.) ponit duo primo creata, scilicet naturam angelicam, & materiam corporalem, nulla mentione facta de cælo empyreo. Hæc autem duo, scilicet natura angelica, & materia informis, præcedunt formationem non duratione, sed natura: & sicut natura præcedunt formationem, ita etiam & motum, & tempus. Unde tempus non potest eis connumerari.

Procedit autem prædicta enumeratio secundum opinionem aliorum Sanctorum ponentium, quod informitas materię duratione præcessit formationem; & tunc pro illa duratione necesse est ponere tempus aliquod: aliter enim mensura durationis accipi non posset.

Ad primum ergo dicendum, quod Augustinus hoc dicit ea ratione quia natura angelica, & materia informis præcedunt origine, seu natura tempus.

Ad secundum dicendum, quod sicut secundum alios Sanctos materia erat quodammodo informis, & postea fuit formata; ita tempus quodammodo fuit informe, & postmodum formatum, & distinctum per diem, & noctem.

Ad tertium dicendum, quod si motus firmamenti non statim a principio incipit, tunc tempus quod præcessit, non erat numerus motus firmamenti, sed cuiuscunque primi motus. Accidit enim temporis quod sit numerus motus firmamenti, in quantum hic motus est primus motuum. Si autem esset alius motus pri-

D d 3 mus,

mus, illius motus est tempus mensuralis: quia omnia mensurantur primo sui generis. Oportet autem dicere, statim a principio fuisse aliquem motum ad minus secundum successionem conceptionum, & affectionum in mente aliqua. Motum autem non est intelligere sine tempore, cum nihil aliud sit tempus quam numerus prioris, & posterioris in motu.

Ad quartum dicendum, quod inter primo creata computantur ea quae habent generalem habitudinem ad res: & ideo computari debuit tempus, quod habet rationem communis mensurae, non autem motus, qui comparatur solum ad subiectum mobile.

Ad quintum dicendum, quod locus intelligitur in caelo empyreo omnia continente. Et quia locus est de permanentibus, concretus est totus simul; tempus autem, quod non est permanens, concretum est in suo principio, sicut etiam modo nihil est accipere in actu de tempore nisi nunc.

QUAESTIO LXVII.

*De opere distinctionis secundum se,
in quatuor articulos divisum.*

Consequenter considerandum est de opere distinctionis secundum se: & primo de opere primae dici; secundo de opere secundae dici; tertio de opere (a) tertiae.

Circa primum quaeruntur quatuor.

Primo, utrum lux proprie in spiritualibus dici possit.

Secundo, utrum lux corporalis sit corpus.

Tertio, utrum sit qualitas.

Quarto, utrum conveniens fuerit prima die fieri lucem.

ARTICULUS I. 341

Utrum lux proprie in spiritualibus dicatur.

II. dist. xiiii. art. 2. & quod. vii. fin. & Ioan. 1. lect. 8. princ.

Ad primum sic proceditur. Videtur quod lux proprie in spiritualibus dicatur. Dicit enim Augustinus IV. super Genes. ad litt. (cap. xxviii. a med.) quod in spiritualibus melior, & certior lux est; & quod Christus non sic dicitur lux quomodo lapis; sed illud proprie, hoc figurative.

(a) Nicolaus addit dici.

2. Praeterea. Dionysius cap. iv. de div. Nom. (part. 1. lect. 4.) ponit lumen inter nomina intelligibilia Dei. Nomina autem intelligibilia proprie dicuntur in spiritualibus. Ergo lux proprie dicitur in spiritualibus.

3. Praeterea. Apostolus dicit ad Ephes. v. 13. *Omne quod manifestatur, lumen est.* Sed manifestatio magis proprie est in spiritualibus quam in corporalibus. Ergo & lux.

Sed contra est quod Ambrosius (in princ. prol. Lib. II. de fide ad Gratianum) ponit splendorem inter ea quae de Deo metaphoricè dicuntur.

Respondendo dicendum, quod de aliquo nomine dupliciter convenit loqui: uno modo secundum primam eius impositionem; alio modo secundum usum nominis; sicut pater in nomine visionis, quod primo impositum est ad significandum actum sensus visus; sed propter dignitatem, & certitudinem huius sensus extensum est hoc nomen, secundum usum loquentium, ad omnem cognitionem aliorum sensuum: dicimus enim, Vide quomodo sapit, vel quomodo redolet, vel quomodo est calidum: & ulterius etiam ad cognitionem intellectus, secundum illud Matth. v. 8. *Beati mundo corde, quoniam ipsi Deum videbunt.*

Et similiter dicendum est de nomine lucis. Nam primo quidem est institutum ad significandum id quod facit manifestationem in sensu visus; postmodum autem extensum est ad significandum omne illud quod facit manifestationem secundum quaecumque cognitionem. Si ergo accipiat nomen luminis secundum suam primam impositionem, metaphoricè in spiritualibus dicitur, ut Ambrosius dicit (loc. prox. cit.) Si autem accipiat, secundum quod est in usu loquentium ad omnem manifestationem extensum, sic proprie in spiritualibus dicitur.

Et per hoc patet responso ad obiecta.

ARTICULUS II. 342

Utrum lux sit corpus.

II. dist. 11. quest. 11. art. 3. ad 4. & dist. xiiii. art. 3. & dist. xxx. quest. 11. art. 1. cor. & II. cal. lect. 10. princ. & II. de Anima lect. 14.

Ad secundum sic proceditur. Videtur quod lux sit corpus. Dicit enim Augustinus in Lib. III. de lib. arb. (cap. v. a med.) quod lux in corporibus

but primum tenet locum. Ergo lux est corpus.

2. Præterea. Philosophus dicit (V. Top. cap. 11.) quod lumen est species ignis. Sed ignis est corpus. Ergo lumen est corpus.

3. Præterea. Færris, interfecari, & reflecti est proprie corporum. Hæc autem omnia attribuantur lumini, vel radio: coniunguntur etiam diverſi radii, & ſeparantur, ut Dionyſius dicit 11. cap. de div. Nom. (ante mod. leſt. 2.) quod etiam videtur nonſiſi corporibus convenire poſſe. Ergo lumen eſt corpus.

Sed contra. Duo corpora non poſſunt ſimul eſſe in eodem loco. Sed lumen eſt ſimul cum aere. Ergo lumen non eſt corpus.

Reſpondeo dicendum, quod impoſſibile eſt lumen eſſe corpus: quod quidem apparet tripliciter.

Primo quidem ex parte loci. Nam locus cuiuſlibet corporis eſt alius a loco alterius corporis: nec eſt poſſibile ſecundum naturam duo corpora eſſe ſimul in eodem loco, qualiſcunque corpora ſint: quia contiguum requirit diſtinctionem in ſitu.

Secundo apparet idem ex ratione motus. Si enim lumen eſſet corpus, illuminatione eſſet motus localis corporis. Nullus autem motus localis corporis poteſt eſſe in inſtanti: quia omne quod movetur localiter, neceſſe eſt quod prius perveniat ad medium magnitudinis quam ad extremum: illuminatione autem ſit in inſtanti. Nec poteſt dici, quod fiat in tempore imperceptibili: quia in parvo ſpatio poſſet tempore latere; in magno autem ſpatio, puta ab oriente in occidentem, tempus latere non poſſet. Statim enim Sol eſt in puncto horiſontis, illuminatur totum hemiſphærium uſque ad punctum oppoſitum. Eſt etiam aliud conſiderandum ex parte motus: quia omne corpus habet motum naturalem determinatum. Motus autem illuminationis eſt ad omnem partem, nec magis ſecundum circulum quam ſecundum rectitudinem. Unde maniſeſtum eſt quod illuminatione non eſt motus localis alicuius corporis.

Tertio apparet idem ex parte generationis, & corruptionis. Si enim lumen eſſet corpus, quando aer obteneſcit per abſentiam luminis, ſequeretur quod corpus luminis corrumpereſſet, & quod materia eius acciperet aliam formam: quod non apparet, niſi aliquis dicat, etiam tenebras eſſe corpus. Nec etiam apparet, ex qua materia tantum corpus, quod replet medium hemiſphærium, quotidie generetur. Ridiculiſſimum eſt etiam dicere, quod ad ſolam abſentiam luminis

tantum corpus corrumpatur. Si quis etiam dicat, quod non corrumpitur, ſed ſimul cum Sole accedit, & circumſertur, quid dici poterit de hoc quod ad interpolationem alicuius corporis circa candelam tota domus obſcuratur? Nec videtur quod lumen congregetur circa candelam, quia non apparet ibi maior claritas poſtquam ante. Quia ergo omnia hæc non ſolum rationi, ſed ſenſui etiam repugnant, dicendum eſt, quod impoſſibile eſt lumen eſſe corpus.

Ad primum ergo dicendum, quod Auguſtinus accipit lucem pro corpore lucido in aſtu, ſcilicet pro igne, quod inter quatuor elementa nobiliſſimum eſt.

Ad ſecundum dicendum, quod Ariſtoteles lumen nominat ignem in propria materia; ſicut ignis in materia aerea dicitur flamma, & in materia terrea dicitur carbo. Non tamen eſt multum curandum de eis exemplis quæ Ariſtoteles inducit in libris logicalibus, quia inducit ea ut probabilia ſecundum opinionem aliorum.

Ad tertium dicendum, quod omnia illa attribuantur lumini metaphoriſe, ſicut etiam poſſent attribui calori. Quia enim motus localis eſt naturaliter primus motuum, ut probatur in VIII. Phyſic. (text. 55.) utitur nominibus pertinentibus ad motum localem in alteratione, & in omnibus motibus; ſicut etiam nomen diſtantiæ derivatum eſt a loco ad omnia contraria, ut dicitur in X. Metaph. (text. 13.)

ARTICULUS III. 343

Utrum lux ſit qualitas.

II. diſt. 1. quaſt. 111. art. 3. & 4. & art. 8. ad 12. & 11. de Anima leſt. 14. & opoſc. 1x. quaſt. 111. & 11. eal. leſt. 10.

AD tertium ſic proceditur. Videtur quod lux non ſit qualitas. Omnis enim qualitas permanet in ſubieſto, etiam poſtquam agens diſceſſerit; ſicut calor in aqua, poſtquam removeretur ab igne. Sed lumen non remanet in aere, recedente luminari. Ergo lumen non eſt qualitas.

2. Præterea. Omnis qualitas ſenſibilis habet contrarium, ſicut calido contrariatur frigidum, & albo nigrum. Sed luminis nihil eſt contrarium: tenebra enim eſt privatio luminis. Ergo lumen non eſt qualitas ſenſibilis.

3. Præterea. Cauſa eſt potior effectu. Sed lux celeſtium corporum cauſat for-

mas substantiales in istis inferioribus : dat etiam esse spirituale coloribus , quia facit eos visibiles actu. Ergo lux non est aliqua qualitas sensibilis , sed magis substantialis forma , aut spiritualis.

Sed contra est quod Damascenus dicit in Lib. I. (orthod. Fid. cap. ix. & Lib. II. cap. vii.) quod lux est quædam qualitas.

Respondeo dicendum , quod quidam dixerunt , quod lumen in aere non habet esse naturale , sicut color in pariete , sed esse intentionale , sicut similitudo coloris in aere.

Sed hoc non potest esse propter duo . Primo quidem quia lumen denominat aerem , fit enim aer luminosus in actu ; color vero non denominat ipsum , non enim dicitur aer coloratus . Secundo quia lumen habet effectum in natura , quia per radios Solis calefiunt corpora ; intentiones autem non causant transmutationes naturales.

Alii vero dixerunt , quod lux est forma substantialis Solis.

Sed hoc etiam apparet impossibile propter duo . Primo quidem quia nulla forma substantialis est per se sensibilis : quia quid quid est obiectum intellectus , ut dicitur in III. de Anima (text. 26.) lux autem est secundum se visibilis . Secundo quia impossibile est ut id quod est forma substantialis in uno , sit forma accidentalis in alio : quia formæ substantiali per se convenit constituere in specie : unde semper , & in omnibus adest ei . Lux autem non est forma substantialis aeris : alioquin , ea recedente , corrumpetur . Unde non potest esse forma substantialis Solis.

Dicendum est ergo , quod sicut calor est qualitas activa consequens formam substantialem ignis ; ita lux est qualitas activa consequens formam substantialem Solis , vel cuiuscunque alterius corporis a se lucentis , si aliquod aliud tale est . Cuius signum est quod radii diversarum stellarum habent diversos effectus secundum diversas naturas corporum.

Ad primum ergo dicendum , quod cum qualitas consequatur formam substantialem , diversimode se habet subiectum ad receptionem qualitatis , sicut se habet ad receptionem formæ . Cum enim materia perfecte recipit formam , firmiter stabiliter etiam qualitas consequens formam ; sicut si aqua convertatur in ignem . Cum vero forma substantialis recipitur imperfecte secundum inchoationem quandam ,

qualitas consequens manet quidem aliquamdiu , sed non semper ; sicut patet in aqua calefacta , quæ redit ad suam naturam . Sed illuminatio non fit per aliquam transmutationem materiæ ad susceptionem formæ substantialis , ut fiat quasi inchoatio aliqua formæ : & ideo lumen non remanet nisi ad præsentiam agentis.

Ad secundum dicendum , quod accidit luci quod non habeat contrarium , inquantum est qualitas naturalis primi corporis alterantis , quod est a contrarietate elongatum .

Ad tertium dicendum , quod sicut calor agit ad formam ignis quasi instrumentaliter in virtute formæ substantialis ; ita lumen agit quasi instrumentaliter in virtute corporum caelestium ad producendas formas substantiales , & ad hoc quod faciat colores visibiles actu , inquantum est qualitas primi corporis sensibilis.

ARTICULUS IV. 344

Utrum convenienter lucis productio in prima die ponatur.

II. dist. xiiii. art. 4. & Gal. iv. lect. 6. fin.

AD quartum sic proceditur . Videtur quod inconvenienter lucis productio in prima die ponatur . Est enim lux qualitas quædam , ut dictum est (art. præc.) Qualitas autem , cum sit accidens , non habet rationem primi , sed magis rationem ultimi . Non ergo prima die debet poni productio lucis .

2. Præterea . Per lucem distinguitur nox a die . Hoc autem fit per Solem , qui ponitur factus die quarta . Ergo non debuit poni productio lucis prima die .

3. Præterea . Nox , & dies fit per circularem motum corporis lucidi . Sed circularis motus est proprius firmamenti , quod legitur factum die secunda . Ergo non debuit poni in prima die productio lucis distinguens noctem , & diem .

4. Si dicatur , quod intelligitur de luce spirituali ; contra . Lux , quæ legitur facta prima die , facit distinctionem a tenebris . Sed non erant in principio spirituales tenebræ : quia etiam dæmones fuerunt a principio boni , ut supra dictum est (quæst. lxxii. art. 5.) Non ergo prima die debuit poni productio lucis .

Sed contra . Id sine quo non potest esse dies , oportuit fieri in prima die . Sed sine luce non potest esse dies . Ergo oportuit lucem fieri prima die .

Respon-

Respondet dicendum, quod de productione lucis est duplex opinio.

Augustinus enim (Lib. XI. de civ. Dei. cap. ix. & xxxiii.) videtur dicere, quod non fuerit conveniens, Moysen praetermisisse spiritualis creaturae productionem: & ideo dicit, quod cum dicitur, *In principio creavit Deus caelum & terram*, per caelum intelligitur spiritualis natura adhuc informis, per terram autem intelligitur materia informis corporalis creaturae. Et quia natura spiritualis dignior est quam corporalis, fuit prius formanda. Formatio igitur spiritualis naturae significatur in productione lucis, ut intelligitur de luce spirituali. Formatio enim naturae spiritualis est per hoc quod illuminatur, ut adhæreat verbo Dei.

Aliis autem videtur quod sit praetermissa a Moysen productio spiritualis creaturae; sed huius rationem diversimode assignant. Basilius enim dicit (hom. 1. hexam. a princ.) quod Moyses principium narrationis suae fecit a principio, quod ad tempus pertinet sensibilibus rerum; sed spiritualis natura, id est angelica, praetermittitur, quia fuit ante creata. Chrysostomus autem (hom. 11. in Gen. circ. med.) assignat aliam rationem: quia Moyses loquebatur rudi populo, qui nihil nisi corporalia poterat capere, quem etiam ab idololatria revocare volebat. Assumpserunt autem idololatriae occasionem, si proposuissent eis aliquam substantiam supra omnes corporeas creaturas: eas enim reputassent deos, cum etiam prout essent ad hoc quod Solem, & Lunam, & stellas colerent tamquam deos: quod eis inhibetur Deuter. iv. Praemissa autem fuerat circa creaturam corporalem multiplex informitas. Una quidem in hoc quod dicebatur: *Terra erat inanis, & tenebrae*: alia vero in hoc quod dicebatur: *Tenebrae erant super faciem abyssi*.

Necessarium autem fuit ut informitas tenebrarum primo removeretur per lucis productionem propter duo. Primo quidem quia lux, ut dictum est (art. 3. huius quaest.) est qualitas primi corporis: unde secundum eam primo fuit mundus formandus. Secundo propter communicatam lucis: communicant enim in ea inferiora corpora cum superioribus. Sic autem in cognitione proceditur a communioribus, ita etiam in operatione: nam prius generatur vivum quam animal, & animal quam homo, ut dicitur in Lib. II. de generatione animalium (cap.

111.) Sic ergo oportuit ordinem divinae sapientiae manifestari, ut prima inter opera distinctionis produceretur lux, tamquam primi corporis forma, & tamquam communior. Basilius tamen (homil. 12. hexam. a med.) posuit tertiam rationem, quia per lucem omnia alia manifestantur. Potest & quarta ratio addi, quae in obijciendo est tacta: quia dies non potest esse sine luce: unde oportuit in prima die fieri lucem.

Ad primum ergo dicendum, quod secundum opinionem quae ponit, informitatem materiae duratione praecedere formationem, oportet dicere, quod materia a principio fuerit creata sub formis substantialibus, postmodum vero fuerit formata secundum aliquas condiciones accidentales, inter quas primum locum obtinet lux.

Ad secundum dicendum, quod quidam dicunt, lucem illam fuisse quandam nubem lucidam, quae postmodum facta Sole, in materiam praeciuentem rediit. Sed istud non est conveniens: quia Scriptura in principio Genesis commemorat institutionem naturae, quae postmodum perleverat. Unde non debet dici, quod aliquid tunc factum fuerit quod postmodum esse desierit.

Et ideo alii dicunt, quod illa nubes lucida adhuc remanet; & est coniuncta Soli, ut ab eo discerni non possit. Sed secundum hoc illa nubes superflua remaneret: nihil autem est vanum in operibus Dei.

Et ideo alii dicunt, quod ex illa nube formatum est corpus Solis. Sed hoc etiam dici non potest, si ponatur, corpus Solis non esse de natura quatuor elementorum, sed esse incorruptibile per naturam: quia secundum hoc materia eius non potest esse sub alia forma.

Et ideo est dicendum, quod, ut Dionysius dicit iv. cap. de div. Nom. (part. 1. lect. 3.) illa lux fuit lux Solis, sed adhuc informis quantum ad hoc quod iam erat substantia Solis, & habebat virtutem illuminativam in communi; sed postmodum data est ei specialis, & determinata virtus ad particulares effectus. Et secundum hoc in productione huius lucis distincta est lux a tenebris quantum ad tria. Primo quidem quantum ad causam, secundum quod in substantia Solis erat causa luminis, in opacitate autem terrae causa tenebrarum. Secundo quantum ad locum: quia in uno hemisphaerio erat lux, in alio tenebrae. Tercio quantum ad

ad tempus: quia in eodem hemisphaerio secundum unam partem temporis erat lumen, secundum aliam tenebrae: & hoc est quod dicitur: *Lucem vocavit diem, & tenebras noctem.*

Ad tertium dicendum, quod Basilus dicit (homil. 11. in hexam. a med.) lucem, & tenebras tunc fuisse per emissionem, & contractionem luminis, & non per motum.

Sed contra hoc obicit Augustinus (Lib. I. sup. Gen. ad litt. cap. xvi.) quod nulla ratio esset huius vicissitudinis emittendi, & retrahendi luminis, cum homines, & animalia non essent, quorum usus hoc deserviret. Et praeterea hoc non habet naturae corporis lucidi, ut retrahat lumen in sui praesentia; sed miraculose potest hoc fieri. In prima autem institutione naturae non queritur miraculum, sed quid natura rerum habeat, ut Augustinus dicit (Lib. II. super Gen. ad litt. cap. 1. parum a princ.)

Et ideo dicendum est, quod duplex est motus in caelo. Unus communis toti caelo, qui facit diem, & noctem: & iste videtur institutus primo die. Alius autem est qui diversificatur per diversa corpora: secundum quos motus fit diversitas dierum ad invicem, & mensium, & annorum. Et ideo in prima die fit mentio de sola distinctione noctis, & diei, quae fit per motum communem; in quarta autem die fit mentio de diversitate dierum, & temporum, & annorum, cum dicitur: *Ut sint in tempora, & dies, & anni:* quae quidem diversitas fit per motus proprios.

Ad quartum dicendum, quod secundum Augustinum (Lib. I. super Gen. ad litt. cap. xv.) informitas non praecedit formationem durationis. Unde oportet dicere, quod per lucis productionem intelligatur formatio spiritualis creaturae, non quae est per gloriam perfecta, cum qua creata non fuit, sed quae est per gratiam perfecta, cum qua creata fuit, ut dictum est (quaest. lxxi. art. 3.) Per hanc ergo lucem facta est divisio a tenebris, id est ab informitate alterius creaturae non formatae. Sed si tota creatura simul formata fuit, facta est distinctio a tenebris spiritualibus, non quae tunc essent, quia diabolus non fuit creatus malus, sed quae Deus futuras praevideat.

QUAESTIO LXVIII.

*De opere secunda diei,
in quatuor articulos divisa.*

DEinde considerandum est de opere secundae diei: & circa hoc quaeruntur quatuor.

Primo, utrum firmamentum sit factum secundo die.

Secundo, utrum aliqua aquae sint supra firmamentum.

Tertio, utrum firmamentum dividat aquas ab aquis.

Quarto, utrum sit unum caelum tantum, vel plures.

ARTICULUS I. 345

Utrum firmamentum sit factum secunda die.

AD primum sic proceditur. Videtur quod firmamentum non sit factum secunda die. Dicitur enim Genes. 1. 8. *Vocavit Deus firmamentum caelum.* Sed caelum factum est ante omnem diem, ut patet, cum dicitur: *In principio creavit Deus caelum, & terram.* Ergo firmamentum non est factum secunda die.

2. Praeterea. Opera sex dierum ordinantur secundum ordinem divinae sapientiae. Non conveniret autem divinae sapientiae ut posterius faceret quod est naturaliter prius. Firmamentum autem est naturaliter prius aqua, & terra: de quibus tamen fit mentio ante formationem lucis, quae fuit primo die. Non ergo firmamentum factum est secunda die.

3. Praeterea. Omne quod est factum per sex dies, formatum est ex materia prius creata ante omnem diem. Sed firmamentum non potuit formari ex materia praesistente, quia sic esset generabile, & corruptibile. Ergo firmamentum non est factum secunda die.

Sed contra est quod dicitur Genes. 1. 6. *Dixit Deus, Fiat firmamentum:* & postea sequitur: *Et factum est vespere, & mane dies secundus.*

Respondendo dicendum, quod, sicut Augustinus docet (I. super Genes. ad litt. cap. xviii. prope fin. & Lib. XII. Conf. cap. xxiii. & xxiv. in princ.) in huiusmodi questionibus duo sunt observanda. Primo quidem, ut veritas Scripturae inconculsa teneatur. Secundo, cum Scriptura divina multipliciter exponi possit, quod nulli expositioni aliquis ita praefice

inhæreat, ut si certa ratione constiterit hoc esse factum quod aliquis sensum Scripturæ esse credebat, id nihilominus asserere præsumat, si Scriptura ex hoc ab infidelibus derideatur, & ne eis via credendi præcludatur.

Secundum est ergo, quod hoc quod legitur, firmamentum secunda die factum, dupliciter intelligi potest. Uno modo de firmamento in quo sunt sidera: & secundum hoc oportet nos diversimode exponere secundum diversas opiniones hominum de firmamento.

Quidam enim dixerunt, firmamentum illud esse ex elementis compositum: & hæc fuit opinio Empedoclis, qui tamen dixit, ideo illud corpus indissolubile esse, quia in eius compositione his non erat, sed amicitia tantum.

Alii vero dixerunt, firmamentum esse de natura quatuor elementorum, non quasi ex elementis compositum, sed quasi elementum simplex: & hæc opinio fuit Platonis, qui posuit, corpus cæleste esse elementum ignis.

Alii vero dixerunt, cælum non esse de natura quatuor elementorum, sed esse quintum corpus præter quatuor elementa: & hæc est opinio Aristotelis (Lib. I. de celo a text. 16. usque ad 32.)

Secundum igitur primam opinionem absolute posset concedi, quod firmamentum factum fuerit secunda die, etiam secundum suam substantiam. Nam ad opus creationis pertinet producere ipsam elementorum substantiam; ad opus autem distinctionis, & ornatus pertinet formare aliqua ex præexistentibus elementis.

Secundum vero opinionem Platonis non est conveniens quod firmamentum credatur secundum suam substantiam esse factum secunda die. Nam facere firmamentum secundum hoc est producere elementum ignis. Productio autem elementorum pertinet ad opus creationis, secundum eos qui ponunt informatam materiam tempore præcedere formationem: quia formæ elementorum sunt quæ primo adveniunt materiam.

Multo autem minus secundum opinionem Aristotelis poni potest, quod firmamentum secundum suam substantiam sit secunda die productum, secundum quod per istos dies successio temporis designatur. Quia cælum, cum sit secundum suam naturam incorruptibile, habet materiam quæ non potest subsistere alteri formæ. Unde impossibile est quod firmamentum sit factum ex materia prius tempore

existente. Unde productio substantiæ firmamenti ad opus creationis pertinet. Sed aliqua formatio eius secundum has duas opiniones pertinet ad opus secundæ diei, sicut etiam Dionysius dicit iv. cap. de div. Nom. (post princ. lect. 3.) quod lumen Solis fuit informe in primo triduo, & postea fuit in quarta die formatum.

Si autem per istos dies non designetur temporis successio, sed solum ordo naturæ, ut Augustinus vult (IV. super Genes. ad litt. cap. xxii. & xxxiv.) nihil prohibebit dicere, secundum quamcumque harum opinionum, formationem secundum substantiam firmamenti ad secundam diem pertinere.

Potest autem & alio modo intelligi, ut per firmamentum quod legitur secundum die factum, non intelligatur firmamentum illud in quo fixæ sunt stellæ; sed illa pars aeris in qua condensantur nubes: & dicitur firmamentum propter spissitudinem aeris in parte illa. Nam quod est spissum, & solidum, dicitur esse corpus firmum, ad differentiam corporis mathematici, ut dicit Basilius (in hexam. hom. 111. ante med.)

Et secundum hanc expositionem nihil repugnans sequitur cuiusque opinioni. Unde Augustinus II. super Gen. ad litt. cap. iv. in med.) hanc expositionem commendans dicit: *Hanc considerationem laude dignissimam iudico. Quod enim dixit, neque est contra fidem, & in promptu posito documento credi potest.*

Ad primum ergo dicendum, quod secundum Chrysostomum (hom. 111. in Gen.) primo Moyses summarie dixit, quid Deus fecit, præmittens: *In principio creavit Deus cælum, & terram*; postea per partes explicavit; sicut si quis dicat, Hic artifex fecit domum istam, & postea subdat: Primo fecit fundamenta, & postea erexit parietes, tertio superposuit tectum. Et sic non oportet nos aliud cælum intelligere, cum dicitur, *In principio creavit Deus cælum, & terram*, & cum dicitur, quod secunda die factum est firmamentum. Potest etiam dici, aliud esse cælum quod legitur in principio creatum, & quod legitur secunda die factum: & hoc diversimode. Nam secundum Augustinum (Lib. I. super Gen. ad litt. cap. ix.) cælum quod legitur primo die factum, est natura spiritalis informis; cælum autem quod legitur secunda die factum, est cælum corporeum. Secundum vero Bedam, & Strabum (ut in Glos. ord. sup. illud, *In princ.*) cælum,

lum quod legitur primo die factum, est cælum empyreum; firmamentum vero quod legitur secunda die factum, est cælum sidereum. Secundum vero Damalceum (Lib. II. orth. Fid. cap. vi.) cælum quod legitur prima die factum, est quoddam cælum sphaericum sine stellis, de quo Philosophi loquuntur, dicentes, ipsum esse nonam sphaeram, & mobile primum, quod movetur motu diurno. Per firmamentum vero factum secunda die intelligitur cælum sidereum. Secundum autem aliam expositionem, quam Augustinus tangit (Lib. II. sup. Genes. ad litt. cap. I. a med.) cælum prima die factum est etiam ipsum cælum sidereum; per firmamentum vero secunda die factum intelligitur spatium aeris, in quo nubes condensantur, quod etiam cælum æquivoce dicitur. Et ideo ad æquivocationem designandam signanter dicitur: *Vocavit Deus firmamentum cælum*; sicut & supra dixerat: *Vocavit lucem aërem*; quia dicitur etiam pro spatio viginti quatuor horarum ponitur. Et idem est in aliis observandum, ut Rabbi Moyses dicit (Lib. II. Prophetarum cap. xxx.)

Ad secundum, & tertium patet solutio ex supra dictis.

ARTICULUS II. 336

Utrum aqua sint supra firmamentum.

II. dist. XIV. art. 2. & per. quest. IV. art. 1. ad 5. & quod. IV. quest. II. art. 2.

AD secundum sic proceditur. Videtur quod aquæ non sint supra firmamentum. Aqua enim est naturaliter gravis. Locus autem proprius gravis non est esse sursum, sed solum deorsum. Ergo aquæ non sunt supra firmamentum.

2. Præterea. Naturaliter aqua est fluida. Sed quod est fluidum, non potest consistere super corpus rotundum, ut experimento patet. Ergo, cum firmamentum sit corpus rotundum, aqua non potest esse supra firmamentum.

3. Præterea. Aqua, cum sit elementum, ordinatur ad generationem corporis mixti, sicut imperfectum ordinatur ad perfectum. Sed supra firmamentum non est locus mixtionis, sed supra terram. Ergo frustra aqua esset supra firmamentum. Nihil autem in operibus Dei est frustra. Ergo aquæ non sunt supra firmamentum.

Sed contra est quod dicitur Gen. I. 7.

(2) Ita ed. Alcan. Garcia, & Nicolai. Edit. Rom. & Paris. Solis splendorem.

quod *divisit aquas quæ erant supra firmamentum, ab his quæ erant sub firmamento.*

Respondeo dicendum, quod, sicut dicit Augustinus II. super Genes. ad litt. (cap. v. in fin.) *maior est Scriptura buius auditoris quam omnis humani ingenii capacitas. Unde quoquomodo, & qualeslibet aqua ibi sunt, eas tamen ibi esse, minime dubitamus.*

Quales autem sint illæ aquæ, non eodem modo ab omnibus assignatur. Origenes enim dicit (hom. I. in Gen. non longe a princ.) quod aquæ illæ quæ super cælos sunt, sunt spirituales substantiæ. Unde in Psalm. cxlviii. 4. dicitur: *Aqua, quæ super cælos sunt, laudent nomen Domini*; & Dan. xii. 60. *Pœnitecite aquæ omnes quæ super cælos sunt, Domino.*

Sed ad hoc respondet Basilus in III. hexam. (non procul a fin.) quod hoc non dicitur, eo quod aquæ sint rationales creaturæ, sed quia consideratio earum prudenter a sensum habentibus contemplata glorificationem perficit Creatoris.

Unde ibidem dicitur idem de igne, & grandine, & huiusmodi, de quibus constat quod non sunt rationales creaturæ.

Dicendum est ergo, quod sunt aquæ corporales. Sed quales aquæ sint, oportet diversimode definire secundum diversam de firmamento sententiam.

Si enim per firmamentum intelligatur cælum sidereum, quod ponitur esse de natura quatuor elementorum, pari ratione & aquæ, quæ super cælos sunt, eiusdem naturæ poterunt credi cum elementaribus aquis. Si autem per firmamentum intelligatur cælum sidereum, quod non sit de natura quatuor elementorum, tunc & aquæ illæ quæ sunt supra firmamentum, non erunt de natura elementarium aquarum.

Sed sicut secundum Strabura (in Glos. ord. supr. illud, *In princ. creat.*) dicitur cælum empyreum, id est ignum, propter (a) solum splendorem; ita dicitur aliud cælum aqueum propter solem diaphanitatem, quod est supra cælum sidereum.

Posito etiam quod firmamentum sit alterius nature præter quatuor elementa, adhuc potest dici, quod aquas dividit, si per aquam non elementum aquæ, sed materiam informem corporum intelligamus, ut Augustinus dicit I. super Genes. contra Manichæos (cap. v. & vii.) quia secundum hoc, quicquid est inter corpora, dividit aquas ab aquis.

Si autem per firmamentum intelligatur pars aeris, in qua nubes condensantur, sic

fi aquæ sunt supra firmamentum, sunt aquæ quæ vaporabiliter resolutæ supra aliquam partem aeris elevantur, ex quibus pluviz generantur.

Dicere enim, quod aquæ vaporabiliter resolutæ eleventur supra cælum sidereum, ut quidam dixerunt, quorum opinionem Augustinus tangit in II. super Genes. ad litt. (cap. xv.) est omnino impossibile : tum propter soliditatem cæli : tum propter regionem ignis mediam, quæ huiusmodi vapores consumeret : tum quia locus, quo feruntur levita, & rara, est infra concavum orbis Lunæ : tum etiam quia septiliter apparet vapores non elevari usque ad arcumina quorundam montium. Quod etiam dicunt de rarefactione corporis in infinitum, propter hoc quod corpus est in infinitum divisibile, vanum est : non enim corpus naturale in infinitum dividitur, aut rarefit, sed usque ad certum terminum.

Ad primum ergo dicendum, quod quibdam viatur ratio illa solvenda per hoc quod aquæ, quævis sint naturaliter graves, virtute tamen divina super cælos continentur.

Sed hanc solutionem Augustinus excludit II. super Genes. (cap. 1. paulo a princ.) dicens, quod nunc quemadmodum Deus instituit naturas rerum convenit querere, non quid in eis admirabilem suæ potentie velit operari.

Unde autem dicendum est, quod secundum duas ultimas opiniones de aquis, & firmamento patet solutio ex præmissis (in corp. art.) Secundum autem primam opinionem oportet ponere alium ordinem in elementis quam Aristoteles ponat ; ut quædam aquæ spissæ sint circa terram, quædam vero tenues circa cælum ; ut sic se habeant illæ ad cælum, sicut istæ ad terram : vel quod per aquam intelligatur materia corporum, ut dictum est (in corp. art.)

Ad secundum etiam patet solutio ex præmissis secundum duas ultimas opiniones. Secundum vero primam respondet Basilii (hom. III. hexam. aliquantulum ante med.) dupliciter. Uno modo, quia non est necessarium ut omne quod in concavo apparet rotundum, sit etiam supra rotundum, seu convexum. Secundo, quia aquæ quæ sunt supra cælos, non sunt fluidæ, sed quasi glaciali soliditate extra cælum firmatæ. Unde & a quibusdam dicuntur cælum crystallinum.

Ad tertium dicendum, quod secundum tertiam opinionem aquæ sunt supra fir-

mamentum vaporabiliter elevatæ propter utilitatem pluviarum. Secundum vero secundam opinionem aquæ sunt supra firmamentum, idest cælum totum diaphanum absque stellis : quod quidam ponunt primum mobile, quod revolvit totum cælum motu diurno, ut operetur per motum diurnum continuitatem generationis ; sicut cælum, in quo sunt sidera, per motum qui est secundum Zodiacum, operatur diversitatem generationis, & corruptionis per accessum, & recessum, & per diversas virtutes stellarum. Secundum vero primam opinionem aquæ sunt ibi, ut Basilii dicit (loco prox. cit.) ad contemperandum calorem cælestium corporum. Cuius signum acceperunt aliqui, ut Augustinus dicit (Lib. II. super Gen. cap. v. per tot.) quod stella Saturni propter vicinitatem aquarum superiorum est frigidissima.

ARTICULUS III. 347

Utrum firmamentum dividat aquas ab aquis.

Pot. quæst. IV. art. I. corp.

AD tertium sic proceditur. Videtur quod firmamentum non dividat aquas ab aquis. Unius enim corporis secundum speciem est unus locus naturalis. Sed omnis aqua omni aquæ est eadem specie, ut dicit Philosophus (Lib. I. Topic. cap. vi. parum a princ.) Non ergo aquæ ab aquis sunt distinguendæ secundum locum.

2. Si dicatur, quod aquæ illæ quæ sunt supra firmamentum, sunt alterius speciei ab aquis quæ sunt sub firmamento ; contra. Ea quæ sunt secundum speciem diversa, non indigent aliquo alio distinguente. Si ergo aquæ superiores, & inferiores specio differunt, firmamentum eas ab invicem non distinguit.

3. Præterea. Illud videtur aquas ab aquis distinguere quod ex utraque parte ab aquis contingitur ; sicut si aliquis paries fabricetur in medio fluminis. Manifestum est autem quod aquæ inferiores non pertingunt usque ad firmamentum. Ergo non dividit firmamentum aquas ab aquis.

Sed contra est quod dicitur Gen. 1. 6. *Fiat firmamentum in medio aquarum, & dividat aquas ab aquis.*

Respondeo dicendum, quod aliquis considerando superficiem tenus litteram Genesim, posset talem imaginationem con-

concupere secundum quorundam antiquorum Philosophorum positionem. Posuerunt enim quidam aquam quoddam infinitum corpus, & omnium aliorum corporum principium. Quam quidem immensitatem aquarum accipere posset in nomine abyssi, cum dicitur, quod *tenebra erant super faciem abyssi*. Ponebant etiam, quod istud cælum sensibile, quod videmus, non continet infra se omnia corporalia; sed est infinitum aquarum corpus supra cælum. Et ita posset aliquis dicere, quod firmamentum cæli dividit aquas exteriores ab aquis interioribus, id est ab omnibus corporibus, quæ infra cælum continentur, quorum principium aquam ponebant.

Sed quia ista positio per veras rationes falsa deprehenditur, non est dicendum, hunc esse intellectum Scripturæ. Sed considerandum est, quod Moyses rudi populo loquebatur, quorum imbecillitati condescendens, illa solum eis proposuit quæ manifeste sensui apparent. Omnes autem, quantumcumque rudes, terram, & aquam esse corpora sensu deprehendunt. Aer autem non percipitur ab omnibus esse corpus, intantum quod etiam quidam Philosophi aerem dixerunt nihil esse, plenum aere vacuum nominantes. Et ideo Moyses de aqua, & terram mentionem facit expressam; aerem autem non expresse nominat, ne rudibus quoddam ignotum proponeret. Ut tamen capibus veritatem exprimeret, dat locum intelligendi aerem, significans ipsum quasi aquæ annexum, cum dicit, quod *tenebra erant super faciem abyssi*: per quod datur intelligi, super faciem aquæ esse aliquod corpus diaphanum, quod est subiectum lucis, & tenebrarum.

Sic igitur, sive per firmamentum intelligamus cælum in quo sunt sidera, sive spatium aeris nubilosum; convenienter dicitur, quod firmamentum dividit aquas ab aquis, secundum quod per aquam materia informis significatur, vel secundum quod omnia corpora diaphana (a) sub communi nomine aquarum intelliguntur. Nam cælum sidereum distinguit corpora inferiora diaphana a superioribus; aer vero nubilosus distinguit superiorem aeris partem, in qua generantur pluvie, & huiusmodi impressiones, ab inferiori parte aeris, quæ aquæ connectitur, & sub nomine aquarum intelligitur.

Ad primum ergo dicendum, quod si per firmamentum intelligatur cælum sidereum, aquæ superiores non sunt eisdem speciei cum inferioribus. Si autem per firmamentum intelligatur nubilosus aer, tunc utraque aquæ sunt eiusdem speciei: & deputantur tunc duo loca aquis non eadem ratione; sed locus superior est locus generationis aquarum, locus autem inferior est locus quietis earum.

Ad secundum dicendum, quod si accipiantur aquæ diversæ secundum speciem, firmamentum dicitur dividere aquas ab aquis, non sicut causa faciens divisionem, sed sicut terminus utrarumque aquarum.

Ad tertium dicendum, quod Moyses propter invisibilitatem aeris, & similibus corporum omnia huiusmodi corpora sub aquæ nomine comprehendit. Et sic manifestum est quod ex utraque parte firmamenti qualitercumque accepti sunt aquæ.

ARTICULUS IV. 348

Utrum sit unum cælum tantum.

II. dist. XIV. art. 4. q. 1. Met. l. 2. 7.

AD quartum sic proceditur. Videtur quod sit unum cælum tantum. Cælum enim contra terram dividitur, cum dicitur: *In principio creavit Deus cælum, & terram*. Sed terra est una tantum. Ergo & cælum est unum tantum.

2. Præterea. Omne quod constat ex tota sua materia, est unum tantum. Sed cælum est huiusmodi, ut probat Philosophus in I. de cælo (tex. 95.). Ergo cælum est unum tantum.

3. Præterea. Quicquid dicitur de pluribus univoce, dicitur de eis secundum unam rationem communem. Sed si sunt plures cæli, cælum dicitur univoce de pluribus: quia si æquivoce, non proprie dicerentur plures cæli. Oporteret ergo, si dicantur plures cæli, quod sit aliqua ratio communis, secundum quam cæli dicantur. Hanc autem non est assignare. Non est ergo dicendum, quod sint plures cæli.

Sed contra est quod dicitur in Psal. cxlviii. 4. *Laudate eum celi celorum.*

Respondeo dicendum, quod circa hoc videtur esse quædam diversitas inter Basilium & Chrysostomum. Dicit enim Chrysostomus (hom. xv. in hexam. ante

(a) *Edit. Rom.* sub omni convenientia aquarum. *Nicelæus* sub convenientia aquarum.

te med.) non esse nisi unum cælum: & inferioriorem vero regionem cælum æquod pluraliter dicitur, *cæli colorum*, hoc est propter proprietatem linguæ Hebrææ, in qua consuetum est ut cælum solum pluraliter significetur, sicut sunt etiam multa nomina in Latino, quæ singulari carent. Basilius autem (hom. III. hexamer. inter med. & fin.) & Damascenus (Lib. II. orthod. Fidei cap. vi.) sequens eum dicunt, plures esse cælos.

Sed hæc diversitas magis est in voce quam in re. Nam Chrysostomus unum cælum nominat totum corpus, quod est supra terram, & aquam: nam etiam aves, quæ volant in aere, dicuntur propter hoc volucres cæli. Sed quia in isto corpore sunt multæ distinctiones, propter hoc Basilius posuit plures cælos.

Ad distinctionem ergo cælorum sciendam considerandum est, quod cælum tripliciter dicitur in Scripturis. Quandoque enim dicitur proprie, & naturaliter; & sic dicitur cælum corpus ali-quod sublime, & luminosum actu, vel potentia, & incorruptibile per naturam: & secundum hoc ponuntur tres cæli. Primum totaliter lucidum, quod vocant empyreum. Secundum totaliter diaphanum, quod vocant cælum æqueum, & crystallinum. Tertium partim diaphanum, & partim lucidum actu, quod vocant cælum siderum: & dividitur in octo sphaeras, scilicet in sphaeram stellarum fixarum, & septem sphaeras planetarum, quæ possunt dici septem cæli, vel septem sphaeræ.

Secundo dicitur cælum per participationem alicuius proprietatis cælestis corporis, scilicet sublimitatis, & luminositatis, actu, vel potentia: & sic totum illud spatium quod est ab aquis usque ad orbem Lunæ, Damascenus (Lib. II. orth. Fid. cap. vi.) ponit unum cælum, nominans illud æereum. Et sic secundum eum sunt tres cæli, æereum, siderum, & aliud superius, de quo intelligitur quod Apostolus legitur raptus usque ad tertium cælum.

Sed quia istud spatium continet duo elementa, scilicet ignis, & aeris, & in utroque eorum vocatur superior, & inferior regio; ideo istud cælum Rabanus (in Gen. cap. I.) distinguit in quatuor, supremam regionem ignis nominans cælum igneum; inferioriorem vero regionem cælum Olympium ab altitudine cuiusdam montis, qui vocatur Olympus; supremam vero regionem aeris vocavit cælum æthereum propter inflammationem;

inferiorem vero regionem cælum æereum. Et sic, cum isti quatuor cæli tribus superioribus connumerentur, sunt in universo, secundum Rabanum, septem cæli corporei.

Tertio dicitur cælum metaphorice: & sic quandoque ipsa sancta Trinitas dicitur cælum propter eius spirituales sublimitatem, & lucem: de quo cælo exponitur diabolus dixisse (Ila. xiv. 13.) *Ascendam in cælum*, id est ad æqualitatem Dei. Quandoque etiam spiritualia bona, in quibus est Sanctorum remuneratio, propter eorum eminentiam, cæli nominantur, ubi dicitur (Matth. v. 12.) *Mercis vestra multa est in cælis*, ut Augustinus (Lib. I. de serm. Dom. in monte cap. v.) exponit. Quandoque vero tria genera supernaturalium visionum, scilicet corporalis, imaginariæ, & intellectualis, tres cæli nominantur: de quibus Augustinus exponit (XII. sup. Gen. ad lit. cap. xxix. & xxxiv.) quod Paulus est *raptus usque ad tertium cælum*.

Ad primum ergo dicendum, quod terra se habet ad cælum ut centrum ad circumferentiam. Circa unum autem centrum possunt esse multæ circumferentiæ. Unde, una terra existente, multi cæli ponuntur.

Ad secundum dicendum, quod ratio illa procedit de cælo secundum quod importat universitatem creaturarum corporalium: sic enim est unum cælum tantum.

Ad tertium dicendum, quod in omnibus cælis invenitur communiter sublimitas, & aliqua luminositas, ut ex dictis patet (in corp. art.)

QUAESTIO LXIX.

*De opere tertia diei,
in duos articulos divisa.*

DEinde considerandum est de opere tertiae diei: & circa hoc quaeruntur duo.

Primo de congregatione aquarum.
Secundo de productione plantarum.

ARTICULUS I. 349

Utrum aquarum congregatio convenienter dicatur facta tertia die.

II. diff. xiv. art. 5.

AD primum sic proceditur. Videtur quod aquarum congregatio non conven-

venienter dicatur facta tertia die. Ea enim quæ facta sunt prima, & secunda die, verbo factiois exprimuntur. Dicitur enim: *Dixit Deus, Fiat lux: & Fiat firmamentum*. Sed tertia dies dividitur duobus primis. Ergo opus tertiæ diei debuit exprimi verbo factiois, & non solum verbo congregationis.

2. Præterea. Terra prius undique erat aquis coperta, propter hoc enim invisibilis dicebatur. Non erat ergo aliquis locus super terram in quo aquæ congregari possent.

3. Præterea. Quæ non sunt continuata ad invicem, non habent unum locum. Sed non omnes aquæ habent ad invicem continuitatem. Ergo non sunt omnes aquæ congregatæ in unum locum.

4. Præterea. Congregatio ad motum localem pertinet. Sed aquæ naturaliter videntur fluentes, & ad mare currentes. Non ergo fuit necessarium ad hoc divinum præceptum adhiberi.

5. Præterea. Terra etiam in principio suæ creationis nominatur, cum dicitur: *In principio creavit Deus celum, & terram*. Inconvenienter ergo dicitur tertia die nomen terræ impositum.

Sed in contrarium sufficit auctoritas Scripturæ.

Respondere dicendum, quod hic oportet aliter dicere secundum expositionem Augustini, & aliorum Sanctorum. Augustinus enim (Lib. I. super Gen. ad litt. cap. xv. & Lib. IV. cap. xxii. & xxxiv. & Lib. I. de Gen. contra Manich. cap. v. & vii.) in omnibus his operibus non ponit durationis ordinem, sed solum originis, & naturæ. Dicit enim prius creatam naturam spirituales informem, & naturam corporalem absque omni forma, quam dicit primo significari nomine terræ, & aquæ; non quia hæc informitas formationem præcesserit tempore, sed origine tantum. Neque una formatio secundum eum præcessit aliam duratione, sed solum naturæ ordine. Secundum quem ordinem necesse fuit ut primo poneretur formatio supremæ naturæ, scilicet spiritualis; per hoc quod legitur prima die lux facta. Sicut autem spiritualis natura præeminet corporali; ita superiora corpora præminent inferioribus. Unde secundo loco tangitur formatio superiorum corporum, cum dicitur: *Fiat firmamentum*; per quod intelligitur impressio formæ celestis in materiam informem, non prius existentem tempore, sed origiæ tantum. Tercio vero loco

ponitur impressio formarum elementarium in materiam informem non tempore, sed origine præcedentem. Unde per hoc quod dicitur, *Congregentur aquæ, & apparet arida*, intelligitur quod materiam corporali impressa est forma substantialis aquæ, per quam competit sibi talis motus; & forma substantialis terræ, per quam competit sibi hic videri.

Sed secundum alios Sanctos (citatos quæst. lxxvi. art. 1. in corp.) in his operibus etiam ordo durationis attenditur. Ponunt enim quod informitas materię tempore præcessit formationem, & una formatio aliam. Sed informitas materię secundum eos non intelligitur carentia omnis formæ: quia iam erat celum, & aqua, & terra; quæ tria nominantur tamquam manifeste sensu perceptibilia: sed intelligitur informitas materię carentia debite distinctionis, & consummata cultudine pulchritudinis. Et secundum hæc tria nomina posuit Scriptura tres informitates. Ad celum enim, quod est superius, pertinet informitas tenebrarum, quia ex eo est origo luminis. Informitas vero aquæ, quæ est media, significatur nomine abyssi: quia hoc nomen significat quandam immensitatem inordinatam aquarum, ut Augustinus dicit contra Faustum (Lib. XXII. cap. xi.) Informitas vero terræ tangitur in hoc quod dicitur, quod *terra erat inanis, seu invisibilis*, per hoc quod erat aquis cooperta. Sic igitur formatio supremi corporis facta est prima die: & quia tempus sequitur motum cæli, tempus autem est numerus motus supremi corporis, per huiusmodi formationem facta est distinctio temporis, noctis scilicet, & diei. Secundo vero die formatum est medium corpus, scilicet aqua, per firmamentum accipiens quandam distinctionem, & ordinem; ita quod sub nomine aquæ etiam alia comprehenduntur, ut supra dictum est (quæst. præc. art. 3.) Tercio vero die formatum est ultimum corpus, scilicet terra, per hoc quod discooperta est aquis; & facta est distinctio in infimo, quæ dicitur terræ, & maris. Unde satis congrue, sicut informatem terræ expresserat dicens, quod *terra erat invisibilis, vel inanis*; ita eius formationem exprimit per hoc quod dicit, *Et apparet arida*.

Ad primum ergo dicendum, quod secundum Augustinum (Lib. III. sup. Gen. cap. xx. & Lib. II. cap. vii. & viii.) ideo in opere tertiæ diei non utitur Scriptura verbo factiois, sicut in præcedentibus

tibus operibus, ut ostendatur quod superiores formæ, scilicet spirituales Angelorum, & celestium corporum, sunt perfectæ in esse, & stabiles; formæ vero inferiorum sunt imperfectæ, & mobiles: & ideo per congregationem aquarum, & apparentiam aridæ impressio talium formarum designatur. *Aqua enim est labiliter fluxa, terra stabiliter fixa*, ut ipse dicit in II. super Genes. ad litt. (cap. xi. in fin.) Secundum vero alios dicendum est, quod opus tertiæ diei est perfectum secundum solum motum localem. Et ideo non oportuit quod Scriptura uteretur verbo factionis.

Ad secundum patet solutio secundum Augustinum (loc. cit. in princ. corp.) quia non oportet dicere, quod terra primo esset cooperta aquis, & postmodum congregata, sed quod in tali congregatione fuerunt productæ. Secundum vero alios tripliciter respondetur, ut Augustinus dicit I. super Genes. ad litt. (cap. xii. non procul a fin.) Uno modo, ut aquæ in maiorem altitudinem sint elevatae in loco ubi sunt congregatæ: nam mare est altius terra, ut experimento comperit est in mari rubro, ut Basilii dicit (hom. iv. hexam. ante med.) Secundo, ut dicatur, quod rarior aqua, velut nebula, terras tegebat, quæ congregatione densata est. Tercio modo, ut dicatur, quod terra posuit aliquas partes præbere concavas, quibus confluentes aquæ reciperentur. Inter quas prima videtur probabilior.

Ad tertium dicendum, quod omnes aquæ unum terminum habent, scilicet mare, in quod confluunt vel manifestis, vel occultis meatibus: & propter hoc dicuntur aquæ congregari in unum locum.

Vel dicit unum locum non simpliciter, sed per comparisonem ad locum terræ fixæ, ut sit sensus: *Congregantur aqua in unum locum*, idest foris a terra fixa. Nam ad designandam pluralitatem locorum aquæ subdit, quod *congregationes aquarum appellavit maria*.

Ad quartum dicendum, quod iussio Dei naturalem motum corporibus præbet: unde dicitur, quod suis naturalibus motibus faciunt verbum eius.

Vel potest dici, quod naturale esset quod aqua undique esset circa terram, sicut aer undique (a) est circa aquam, & terram; sed propter necessitatem finis, ut scilicet animalia, & plantæ essent super terram, oportuit quod aliqua pars

terræ esset discooperta aquis. Quod quidem aliqui Philosophi attribunt actioni Solis per elevationem vaporum delectantem terram; sed sacra Scriptura attribuit potestati divinæ, non solum in Gen. sed etiam in Iob xxxviii. 10. ubi est persona Domini dicitur: *Circumdedit mare terminis meis*; & Hier. v. 22. *Me ergo non timebitis, ait Dominus . . . qui posui arenam terminum mari?*

Ad quintum dicendum, quod secundum Augustinum (Lib. II. super Gen. cap. 11. & Lib. I. cap. xiii.) per terram de qua primo fiebat mentio, intelligitur materia prima; nunc autem intelligitur ipsum elementum terræ.

Vel potest dici secundum Basilium (hom. rv. hexam. a med.) quod primo nominabatur terra secundum naturam suam; nunc autem nominatur ex sua principali proprietate, quæ est siccitas. Unde dicitur, quod *vocavit aridam terram*.

Vel potest dici secundum Rabbi Moysem (Lib. II. Proph. cap. xxx.) quod ubicumque dicitur, *Vocavit*, significatur æquivocatio nominis. Unde prius dictum est, quod *vocavit lucem diem*, propter hoc quod etiam dies vocatur spatium vigintiquatuor horarum, secundum quod ibidem dicitur: *Factum est vespere, & mane diei unus*. Similiter dicendum est, quod *firmamentum*, idest aerem, *vocavit celum*, quia etiam celum dicitur quod est primo creatum. Similiter etiam dicitur, quod *aridam*, idest illam partem quæ est discooperta aquis, *vocavit terram*, prout distinguitur contra mare; quamvis communi nomine terra vocetur, sive sit aquis cooperta, sive discooperta. Intelligitur autem ubique per hoc quod dicitur, *vocavit*, idest dedit naturam, vel proprietatem ut possit sic vocari.

ARTICULUS II. 350

Utrum plantarum productio convenienter tertia die facta legatur.

Pot. quæst. IV. art. 1. ad 28.

AD secundum sic proceditur. Videtur quod plantarum productio inconvenienter tertia die facta legatur. Plantæ enim habent vitam, sicut & animalia. Sed productio animalium non ponitur inter opera distinctionis, sed pertinet ad opus ornatus. Ergo nec productio plantarum commemorari debuit in tertia die, quæ pertinet ad opus distinctionis.

Ee

2. Præ-

S. Th. Oper. Tom. XX.

(2) Editi omittunt est. Supplevimus ex cod. Altan.

2. Præterea. Illud quod pertinet ad maledictionem terræ, non debuit commemorari cum formatione terræ. Sed productio quarundam plantarum pertinet ad maledictionem terræ, secundum illud Gen. 111. 17. *Maledicta terra in opere tuo..... spinas, & tribulos germinabit tibi.* Ergo productio plantarum universaliter non debuit commemorari in tertia die, quæ pertinet ad formationem terræ.

3. Præterea. Sicut plantæ adhærent terræ, ita etiam lapides, & metalla; & tamen non fit mentio de eis in terræ formatione. Ergo nec plantæ fieri debuerunt tertia die.

Sed contra est quod dicitur Genes. 1. 12. *Protulit terra herbam viuentem: & postea sequitur: Factum est vespere, & mane diei tertii.*

Respondeo dicendum, quod, sicut supra dictum est (art. præc.) in tertia die informatas terræ remouetur. Duplex autem informatas circa terram describatur: una, quod erat *inuisibilis*, seu *inamis*, quia erat aquis cooperta; alia, quod erat *incomposita*, live *vacua*, idest non habens debitum decorem, qui acquiritur terræ ex plantis eam quodammodo vestientibus. Et ideo utraque informatas in hac tertia die remouetur. Prima quidem per hoc quod *aqua congregata sunt in unum locum, & apparuit arida*; secunda vero per hoc quod *protulit terra herbam viuentem*.

Sed tamen circa productionem plantarum aliter opinatur Augustinus ab aliis. Alii enim expositores dicunt, quod plantæ productæ sunt actu in suis speciebus hac tertia die, secundum quod superficies litteræ sonat. Augustinus autem V. super Gen. ad litter. (cap. v. & VIII. cap. 111.) dicit, quod causaliter tunc dictum est, productuisse terram herbam, & lignum, idest producendi accepisse virtutem: & hoc quidem confirmat auctoritate Scripturæ: dicitur enim Genes. 11. 4. *Iste sunt generationes cali, & terra, quando creatae sunt in die, quo Deus fecit calum, & terram, & omne argulum agri, antequam oriretur in terra, omneque herbam regionis, priusquam germinaret.* Ante ergo quam orirentur super terram, factæ sunt causaliter in terra. Confirmatur autem hoc etiam ratione: quia in illis primis diebus condidit Deus creaturam originaliter, vel causaliter: a quo opere postmodum requieuit, qui tamen postmodum secundum administrationem rerum condita-

rum, per opus propagationis usque modo operatur. Producere autem plantas ex terra ad opus propagationis pertinet. Non ergo in tertia die productæ sunt plantæ in actu, sed causaliter tantum.

Quamvis secundum alios dici possit, quod prima institutio specierum ad opera sex dierum pertinet; sed quod ex speciebus primo institutis generatio similium in specie procedat, hoc iam pertinet ad rerum administrationem. Et hoc est quod Scriptura dicit: *Antequam oriretur super terram, vel antequam germinaret*, idest antequam ex similibus similia producerentur, sicut nunc naturaliter fieri videmus secundum viam seminationis. Unde finanter Scriptura dicit: *Germinet terra herbam viuentem, & facientem semen*: quia scilicet sunt productæ perfectæ species plantarum, ex quibus semina aliarum orirentur. Nec refert, ubicumque habeant vim seminativam, utrum scilicet in radice, vel in stipite, vel in fructu.

Ad primum ergo dicendum, quod vita in plantis est occulta, quia caret locali motu, & sensu: quibus animatum ab inanimato maxime distinguitur. Et ideo quia immobiliter terræ inhaerent, earum productio ponitur quasi quædam terræ formatio.

Ad secundum dicendum, quod etiam ante illam maledictionem spinæ, & tribuli producti erant vel virtute, vel actu; sed non erant producti homini in poenam, ut scilicet terra, quam propter cibum coleret, infructuosa quædam, & noxia germinaret: unde dictum est: *Germinabit tibi*.

Ad tertium dicendum, quod Moyses ea tantum proposuit quæ in manifesto apparent, sicut iam dictum est (quæst. LXVII. art. 4.) Corpora autem mineralia habent generationem occultam in visceribus terræ: & iterum non habent manifestam distinctionem a terra, sed quædam terræ species videntur. Et ideo de eis mentionem non fecit.

QUAESTIO LXX.

De opere ornatus quantum ad quartam diem, in tres articulos diuisa.

Consequenter considerandum est de opere ornatus: & primo de singulis diebus secundum se; secundo de omnibus (a) sex diebus in communi.

Cir-

(a) Ita ed. Alcan. cum edit. Romano. Garcia, Theologi Lovan. & Duac. cum edit. Niceti, & Parav. Septem.

Circa primum ergo considerandum est de opere quartæ diei. Secundo de opere quintæ. Tercio de opere sextæ. Quarto de iis quæ pertinent ad septimam diem.

Circa primum quaruntur tria.

Primo de productione luminarium.

Secundo de fine productionis eorum.

Tercio utrum sint animata.

ARTICULUS I. 331

Utrum luminaria debuerint produci quarta die.

Inf. quæst. lxxiv. art. 1. ad 4. 10. 11. dist. xv. quæst. 1. art. 1. 10. pot. quæst. 1v. art. 2. ad 3.

AD primum sic proceditur. Videtur quod luminaria non debuerint produci quarta die. Luminaria enim sunt corpora incorruptibilia naturaliter. Ergo eorum materia non potest esse absque formis eorum. Sed eorum materia producta est in opere creationis ante omnem diem. Ergo & eorum formæ: non ergo sunt facta quarta die.

2. Præterea. Luminaria sunt quasi vasa luminis. Sed lux est facta prima die. Ergo luminaria fieri debuerunt prima die, & non quarta.

3. Præterea. Sicut plantæ fixæ sunt in terra, ita luminaria fixa sunt in firmamento: unde Scriptura dicit, quod posuit ea in firmamento. Sed productio plantarum simul describitur cum formatione terræ, cui inhiærent. Ergo & productio luminarium simul debuit poni secunda die cum productione firmamenti.

4. Præterea. Sol, & Luna, & alia luminaria sunt causæ plantarum. Sed naturali ordine causa præcedit effectum. Ergo luminaria non debuerunt fieri quarta die, sed tertia, vel ante.

5. Præterea. Multæ stellæ secundum Astrologos sunt Luna maiores. Non ergo tantum Sol, & Luna debuerunt poni duo magna luminaria.

Sed in contrarium sufficit auctoritas Scripturæ.

Respondere dicendum, quod in recapitulatione divinorum operum Scriptura sic dicit (Gen. 1.1.) *Igitur perfecti sunt cæli, & terra, & omnis ornatu eorum*: in quibus verbis triplex opus intelligi potest: scilicet opus creationis, per quod cælum, & terra producta leguntur, sed informia: & opus distinctionis, per quod cælum, & terra sunt perfecta, sive per formas substantiales attributas materiæ

omnino informi, ut Augustinus vult (Il. super Gen. cap. xi.) sive quantum ad convenientem decorem, & ordinem, ut alii Sancti dicunt: & his duobus operibus additur ornatu; & differt ornatu a perfectione: nam perfectio cæli, & terræ ad ea pertinere videtur quæ cælo, & terræ sunt intrinseca; ornatu vero ad ea quæ sunt a cælo, & terra distincta: sicut homo perficitur per proprias partes, & formas; ornatu autem per vestimenta, vel aliquid huiusmodi. Distinctio autem aliquorum maxime manifestatur per motum localem, quo ab invicem separantur: & ideo ad opus ornatu pertinet productio illarum rerum quæ habent motum in cælo, & in terra. Sicut autem supra dictum est (quæst. præc. art. 1.) de tribus sit mentio in creatione, scilicet de cælo, & aqua, & terra. Et hæc tria etiam formantur per opus distinctionis trium dierum. Primo die cælum, secundo die distinguuntur aquæ, tertio die fit distinctio in terra, maris, & aridæ. Et similiter in opere ornatu primo die, qui est quartus, producantur luminaria, quæ moventur in cælo ad ornatu ipsius: secundo die, qui est quintus, aves, & pisces ad ornatu mediæ elementi, quia habent motum in aere, & aqua, quæ pro uno accipiuntur: tertio die, qui est sextus, producantur animalia, quæ habent motum in terra ad ornatu ipsius.

Sed sciendum est, quod in productione luminarium non discordat Augustinus ab aliis Sanctis. Dicit enim (Lib. V. super Gen. cap. v.) luminaria esse facta in virtute tantum. Non enim habet firmamentum virtutem productivam luminarium, sicut habet terra virtutem productivam plantarum. Unde Scriptura non dicit, Producat firmamentum luminaria, sicut dicit, *Germinet terra herbam viuentem*.

Ad primum ergo dicendum, quod secundum Augustinum (Lib. IV. super Gen. cap. xxi. & xxxiv.) nulla difficultas ex hoc oritur: non enim ponit successionem temporis in istis operibus: & ideo non oportet dicere, quod materia luminarium fuerit sub alia forma. Secundum eos autem qui ponunt cælestia corpora ex natura quatuor elementorum, nulla difficultas accidit: quia potest dici, quod sunt formata ex præcæcænti materia, sicut animalia, & plantæ. Sed secundum eos qui ponunt corpora cælestia esse alterius naturæ ab elementis, & incorruptibilia per naturam,

Et 2

opor-

oportet dicere, quod substantia luminarium a principio fuit creata; sed prius erat informis, & nunc formatur non quidem forma substantiali, sed per collationem determinatæ virtutis. Ideo tamen non fit mentio a principio de eis, sed solum quarta die, ut Chrysostomus dicit (homil. vi. in Gen. post med.) ut per hoc removeat populum ab idololatria, ostendens, luminaria non esse deos, ex quo nec a principio fuerunt.

Ad secundum dicendum, quod secundum Augustinum (Lib. I. sup. Genes. cap. ix.) nulla sequitur difficultas: quia lux de qua prima die facta est mentio, fuit lux spiritualis, nunc autem fit lux corporalis. Si autem lux primo die facta intelligitur lux corporalis, oportet dicere, quod lux primo die fuit producta secundum commune lucis naturam; quarto autem die attributa est luminaribus determinata virtus ad determinatos effectus, secundum quod videmus alios effectus habere radium Solis, & alios radium Lunæ, & sic de aliis. Et propter hanc determinationem virtutis dicit Dionysius xv. cap. de div. Nom. (post princ. lect. 3.) quod lumen Solis, quod primo erat informe, quarto die formatum est.

Ad tertium dicendum, quod secundum Ptolemæum luminaria non sunt fixa in sphaeris, sed habent motum seorsum a motu sphaerarum. Ideo Chrysostomus dicit (hom. vi. in Gen. a med.) quod non ideo dicitur, quod posuit ea in firmamento, quia ibi sunt fixa, sed quia iussit ut ibi essent; sicut posuit hominem in paradiso, ut ibi esset. Sed secundum opinionem Aristotelis (II. de cæl. tex. 43. & seq.) stellæ fixæ sunt in orbibus, & non moventur nisi motu orbium; secundum rei veritatem tamen motus luminarium sensu percipitur, non autem motus sphaerarum. Moyses autem rudi populo condescendens sequutus est quæ sensibilibus apparent, ut dictum est (quaest. lxxvii. art. 4.) Si autem sit aliud firmamentum, quod factum est secunda die, ab eo in quo posita sunt sidera, secundum distinctionem naturæ, licet sensus non discernat, quem Moyses sequitur, ut dictum est (ibid.) cessat obiectio: nam firmamentum factum est secunda die quantum ad inferiorem partem; in firmamento autem posita sunt sidera quarta die quantum ad superiorem partem, ut totum pro uno accipiat, secundum quod sensui apparet.

Ad quartum dicendum, quod, sicut dicit Basilus (hom. v. hexam. non procul a princ.) præmittitur productio plantarum luminaribus ad excludendam idololatriam. Qui enim credunt, luminaria esse deos, dicunt, quod primordiale originem habent plantæ a luminaribus; quamvis, ut Chrysostomus dicit (homil. vt. in Gen. non procul a med.) sicut agricola cooperatur ad productionem plantarum, ita etiam & luminaria per suos motus.

Ad quintum dicendum, quod, sicut Chrysostomus dicit (loc. cit.) dicuntur duo luminaria magna non tam quantitate, quam efficacia, & virtute: quia etiam stellæ sunt maiores quantitate quam Luna, tamen effectus Lunæ magis sentitur in istis inferioribus & etiam secundum sensum maior apparet.

ARTICULUS II. 352

Utrum convenienter causa productionis luminarium describatur.

AD secundum sic proceditur. Videtur quod inconvenienter causa productionis luminarium describatur. Dicitur enim Hier. x. 2. *A signis calis nolite metuere, quæ gentes timeant.* Non ergo luminaria in signa facta sunt.

2. Præterea. Signum contra causam dividitur. Sed luminaria sunt causa eorum quæ hic aguntur. Ergo non sunt signa.

3. Præterea. Distinctio temporum, & dierum incepit a primo die. Non ergo facta sunt luminaria in tempora, & dies, & annos, idest in horum distinctionem.

4. Præterea. Nihil fit propter vilius se: quia finis est melior eis quæ sunt ad finem. Sed luminaria sunt meliora quam terra. Non ergo facta sunt ut illuminent terram.

5. Præterea. Luna non præest nocti; quando est (a) prima. Probabile autem est quod Luna facta fuerit prima: sic enim homines incipiunt computare. Ergo Luna non est facta ut præsit nocti.

In contrarium sufficit auctoritas Scripturæ.

Respondeo dicendum, quod, sicut dictum est supra (quaest. lxxv. art. 2.) creatura aliqua corporalis potest dici esse facta vel propter actum proprium, vel propter aliam creaturam, vel propter totum universum, vel propter gloriam Dei.

Sed

(a) *Ad. plena: qui error infra repetitur.*

Sed Moyses, ut populum ab idololatria revocaret, illam solum causam tetigit, secundum quod sunt facta ad utilitatem hominum. Unde dicitur Deuteronom. xv. 19. *Ne forte elevatis oculis ad caelum videas Solem, & Lunam, & omnia astracali, & errore deceptus adores ea, & colas, quae creavit Dominus Deus in ministerium cunctis gentibus.* Hoc autem ministerium explicat in principio Genesis per tria. Primo enim provent utilitas hominibus ex luminariibus quantum ad visum, qui est directivus in operibus, & maxime utilis ad cognoscendas res; & quantum ad hoc dicit:

Ut luceant in firmamento, & illuminent terram. Secundo quantum ad vicissitudines temporum, quibus & fastidium tollitur, & valetudo conservatur, & necessaria visui oriuntur; quae non essent, si semper esset aut aestas, aut hyems; & quantum ad hoc dicit: *Ut sint in tempora, & dies, & anni.* Tertio quantum ad opportunitatem negotiorum, & operum, in quantum ex luminariibus caeli accipitur significatio pluviosi temporis, vel sereni, quae sunt apta diversis negotiis; & quantum ad hoc dicit: *Ut sint in signa.*

Ad primum ergo dicendum, quod luminaria sunt in signa corporalium transmutationum, non autem eorum quae dependent ex libero arbitrio.

Ad secundum dicendum, quod per causam sensibilem quandoque ducimur in cognitionem effectus occulti, sicut & e converso: unde nihil prohibet causam sensibilem esse signum. Ideo tamen potius dicit signa quam causas, ut occationem idololatriae tolleretur.

Ad tertium dicendum, quod in prima die facta est communis distinctio temporis per diem, & noctem secundum motum diurnum, qui est communis totius caeli, qui potest intelligi incepisse primo die. Sed speciales distinctiones dierum, & temporum, secundum quod dies est calidior die, & tempus tempore, & annus anno, sunt secundum speciales motus stellarum, qui possunt intelligi quarto die incepisse.

Ad quartum dicendum, quod in illuminatione terrae intelligitur utilitas hominis, qui secundum animam praefertur corporibus (a) luminariis. Nihil tamen prohibet dici, quod dignior creatura facta est propter inferiorem, non secundum quod in se consideratur, sed secundum quod ordinatur ad integritatem universi.

S. Th. Oper. Tom. XX.

(a) Ita cum eod. Alii. aut. edidi pariter. Nicolaus, & Theolog. Levant. & Danc. luminariis.

Ad quintum dicendum, quod Luna, quando est perfecta, oritur vespere, & occidit mane: & sic praestit nocti. Et satis probabile est quod Luna fuerit facta plena, sicut & herbae factae sunt in sua perfectione facientes semen, & similiter animalia, & homo. Licet enim naturali processu ab imperfecto ad perfectum deveniatur, simpliciter tamen perfectum prius est imperfecto. Augustinus tamen (Lib. II. sup. Gen. cap. xv. parum ante med.) hoc non asserit: quia dicit non esse inconveniens quod Deus imperfecta crearet quae postmodum ipse perficeret.

ARTICULUS III. 353

Utrum luminaria caeli sint animata.

II. cont. cap. lxxix. & pot. quaest. vi. art. 6. & quod. xlii. art. 9. & sp. art. 6. & II. cel. lect. 3. & lect. 13. & lect. 18. & 19.

AD tertium sic proceditur. Videtur quod luminaria caeli sint animata. Superius enim corpus nobilioribus ornamentis ornari debet. Sed ea quae pertinent ad ornatum inferiorum corporum, sunt animata, scilicet pisces, aves, & terrestria animalia. Ergo & luminaria, quae pertinent ad ornatum caeli.

2. Praeterea. Nobilior corporis nobilior est forma. Sed Sol, & Luna, & alia luminaria sunt nobiliora quam corpora plantarum, & animalium. Ergo habent nobiliorem formam. Nobilissima autem forma est anima, quae est principium vitae: quia, ut Augustinus dicit in Lib. de vera relig. (cap. xlii. circa med.) quaelibet substantia vivens naturae ordine praefertur substantiae non viventi. Ergo luminaria caeli sunt animata.

3. Praeterea. Causa nobilior est effectu. Sed Sol, & Luna, & alia luminaria sunt causa vitae, ut patet maxime in animalibus ex putrefactione generatis, quae virtute Solis, & stellarum vitam consequuntur. Ergo multo magis corpora caelestia vivunt, & sunt animata.

4. Praeterea. Motus caeli, & caelestium corporum sunt naturales, ut patet in I. de celo (tex. 7. & 8. & seq.) Motus autem naturalis est a principio intrinseco. Cum igitur principium motus caelestium corporum sit aliqua substantia apprehensiva, quae movetur sicut desiderans a desiderato, ut dicitur in XII. Metaph. (text. 36.) videtur quod principium apprehendens sit principium in-

E e 3 trin-

trifecum corporibus caelestibus. Ergo sunt animata.

5. Præterea. Primum mobile est caelum. In genere autem mobilium primum est movens seipsum, ut probatur in VIII. Phys. (text. 34. & seq.) quia quod est per se, prius est eo quod est per aliud. Sola autem animata movent seipsa, ut in eod. Lib. ostenditur (text. 27.) Ergo corpora caelestia sunt animata.

Sed contra est quod Damascenus dicit in Lib. II. (orth. Fid. cap. vi. circ. fin.) Nullus animatus calor, vel luminaria asimet: inanimati enim sunt, & insensibiles.

Respondet dicendum, quod circa istam quaestionem apud Philosophos fuit diversa opinio. Anaxagoras enim, ut Augustinus retet Lib. XVIII. de civit. Dei (cap. xli. ante med.) factus est reus apud Athenienses, quia dixit, Solem esse lapidem ardentem, negans utique ipsum esse deum, vel aliquid animatum. Platonici vero posuerunt corpora caelestia animata.

Similiter etiam apud Doctores fidei fuit circa hoc diversa opinio. Origenes enim (Lib. I. Periarch. cap. vii.) posuit corpora caelestia animata. Hieronymus etiam idem sentire videtur, exponens illud Eccl. 1. 6. *Lustrant universa per circuitum pergit spiritus*. Basilius vero (hom. xli. in hexam. a med.) & Damascenus (Lib. II. cap. vi.) asserunt, corpora caelestia non esse animata. Augustinus vero sub dubio dereliquit, in neutram partem declinans, ut patet in II. super Genesim ad litt. (cap. xviii.) & in Enchirid. (cap. lxxii.) ubi etiam dicit, quod *sunt animata caelestia corpora, pertinent ad societatem Angelorum eorum animæ*.

In hac autem opinionum diversitate, ut veritas aliquatenus innotescat, considerandum est, quod unio animæ & corporis non est propter corpus, sed propter animam: non enim forma est propter materiam, sed e converso. Natura autem, & virtus animæ deprehenditur ex eius operatione, quæ etiam quodammodo est finis eius. Invenitur autem corpus nostrum necessarium ad aliquam operationem animæ, quæ mediante corpore exercetur, sicut patet in operibus animæ sensitivæ, & nutritivæ. Unde necesse est tales animas unitas esse corporibus propter suas operationes. Est autem aliqua operatio animæ quæ non exercetur corpore mediante, sed tamen ex corpore aliquod adminiculum tali operationi exhibetur; sicut per corpus exhibentur

animæ humanæ phantasmata, quibus indiget ad intelligendum. Unde etiam talem animam necesse est corpori uniri propter suam operationem, licet contingat ipsam separari. Manifestum est autem quod anima caelestis corporis non potest habere operationes nutritivæ animæ, quæ sunt nutrire, augere, & generare: huiusmodi enim operationes non competunt corpori incorruptibili per naturam. Similiter etiam nec operationes animæ sensitivæ corpori caelesti conveniunt: quia omnes sensus fundantur super tactum, qui est apprehensivus qualitatum elementarium. Omnia etiam organa potentiarum sensivarum requirunt commixtionem aliquam elementorum, a quorum natura corpora caelestia ponuntur remota. Relinquitur ergo quod de operationibus animæ nulla potest competere animæ caelesti, nisi duæ, intelligere, & movere: nam appetere consequitur sensum, & intellectum, & cum utroque ordinatur. Intellectus autem operatio, cum non exerceatur per corpus, non indiget corpore, nisi in quantum ei per sensus ministrantur phantasmata. Operationes autem sensitivæ animæ corporibus caelestibus non conveniunt, ut dictum est (in isto art.) Sic igitur propter operationem intellectualem anima caelesti corpori non uniatur. Relinquitur ergo quod propter solam motionem. Ad hoc autem quod moveat, non oportet quod uniatur ei ut forma, sed per contactum virtutis, sicut motor unitur mobili. Unde Aristoteles Lib. VIII. Physic. (text. 40. 41. 42. & 43.) postquam ostendit quod primum movens seipsum componitur ex duabus partibus, quarum una est movens, & alia mota, assignans quomodo hæ duæ partes uniantur, dicit, quod per contactum vel duorum ad invicem, si utrumque sit corpus, vel unius ad alterum, & non e converso, si unum sit corpus, & aliud non corpus. Platonici etiam animas corporibus uniri non ponebant nisi per contactum virtutis, sicut motor mobili. Et sic per hoc quod Plato ponit corpora caelestia animata, nihil aliud datur intelligi quam quod substantiæ spirituales uniuntur corporibus caelestibus ut motores mobilibus. Quod autem corpora caelestia moveantur ab aliqua substantia apprehendente, & non solum a natura, sicut gravia, & levia, patet ex quod natura non movet nisi ad unum, quo habito quiescit: quod in mo-

tu corporum caelestium non apparet. Unde relinquitur quod moventur ab aliqua substantia apprehendente. Augustinus etiam dicit ill. de Trin. (cap. xv. paul. a princ.) corpora omnia administrari a Deo per spiritum vitae.

Sic igitur patet quod corpora caelestia non sunt animata eo modo quo plantae, & animalia, sed æquivoce.

Unde inter ponentes ea esse animata, & ponentes ea inanimata, parva, vel nulla differentia invenitur in re, sed in voce tantum.

Ad primum ergo dicendum, quod ad ornatum pertinent aliqua secundum proprium motum: & quantum ad hoc luminaria cæli conveniunt cum aliis quæ ad ornatum pertinent, quia moventur a substantia vivente.

Ad secundum dicendum, quod nihil prohibet aliquid esse nobilius simpliciter, quod tamen non est nobilius quantum ad aliquid. Forma ergo caelestis corporis, etsi non sit simpliciter nobilior anima animalis, est tamen nobilior quantum ad rationem formæ. Perficit enim totaliter suam materiam, ut non sit in potentia ad aliam formam: quod anima non facit. Quantum etiam ad motum moventur corpora caelestia a nobilioribus motoribus.

Ad tertium dicendum, quod corpus caeleste, cum sit movens motum, habet rationem instrumenti, quod agit in virtute principalis agentis: & ideo ex virtute sui motoris, qui est substantia vivens, potest causare vitam.

Ad quartum dicendum, quod motus corporis caelestis est naturalis, non propter principium activum, sed propter principium passivum: quia scilicet habet in sua natura aptitudinem, ut tali motu ab intellectu moveatur.

Ad quintum dicendum, quod cælum dicitur movere seipsum, in quantum componitur ex motore, & mobili, non sicut ex forma, & materia, sed secundum contactum virtutis, ut dictum est (in corp. art.) Et hoc etiam modo potest dici, quod eius motor est principium intrinsecum; ut sic etiam motus cæli possit dici naturalis lex parte principii activi; sicut motus voluntarius dicitur esse naturalis animali, in quantum est animal, ut dicitur in VIII. Physic. (tex. 27.)

QUAESTIO LXXI.

De opere quinta diei.

ARTICULUS UNICUS. 394

Sup. quæst. lxx. art. 1. cor.

Deinde considerandum est de opere quintæ diei: & videtur quod inconvenienter hoc opus describitur. Illud enim aqua producat ad cuius productionem sufficit virtus aquæ. Sed virtus aquæ non sufficit ad productionem omnium piscium, & avium, cum videamus plura eorum generari ex semine. Non ergo convenienter dicitur: *Producant aqua reptile animæ viventis, & volatile super terram.*

1. Præterea. Pisces, & aves non tantum producuntur ex aqua, sed in eorum compositione videtur magis terra dominari quam aqua: quia corpora eorum naturaliter moventur ad terram, unde & in terra quiescunt. Non ergo convenienter dicitur, pisces, & aves ex aqua produci.

2. Præterea. Sicut pisces habent motum in aquis, ita aves in aere. Si ergo pisces ex aqua producuntur, aves non deberent produci ex aquis, sed ex aere.

3. Præterea. Non omnes pisces reptant in aquis, cum quidam habeant pedes, quibus gradiuntur in terra, sicut vituli marini. Non ergo sufficienter productio piscium designatur in hoc quod dicitur: *Producant aqua reptile animæ viventis.*

4. Præterea. Animalia terrestria sunt perfectiora avibus, & piscibus: quod patet ex hoc quod habent membra magis distincta, & perfectiorem generationem: generant enim animalia; sed pisces, & aves generant ova: perfectiora autem præcedunt in ordine naturæ. Non ergo quinta die debuerunt fieri pisces, & aves ante animalia terrestria.

In contrarium sufficit auctoritas Scripturæ.

Respondeo dicendum, quod, sicut supra dictum est (quæst. præced. art. 1.) opus ornatus per ordinem respondet ordini distinctionis. Unde sicut inter tres dies distinctioni deputata media, quæ est secunda, deputatur distinctioni medii corporis, scilicet aquæ; ita inter dies deputatas ad opus ornatus, media, idest quinta, deputatur ad ornatum medii corporis per productionem avium, &

Ec 4 pi-

piscium. Unde sicut Moyses in quarta die nominat luminaria, & lucem, ut designet quod quarta dies respondet primæ, in qua dixerat lucem factam; ita in hac quinta die facit mentionem de aquis, & de firmamento cæli, ut designet, quod quinta dies respondet secundæ.

Sed sciendum est, quod sicut in productione plantarum differt Augustinus ab aliis, ita & in productione piscium, & avium. Alii enim dicunt, pisces, & aves quinta die esse productos in actu. Augustinus autem dicit V. super Genes. ad lit. (cap. v. a. med.) quod quinta die aquarum natura produxit pisces, & aves potentialiter.

Ad primum ergo dicendum, quod Avicenna posuit, omnia animalia posse generari ex aliquo elementorum commixtione absque semine, etiam per viam naturæ.

Sed hoc videtur inconveniens: quia natura determinatis mediis procedit ad suos effectus. Unde illa quæ naturaliter generantur ex semine, non possunt naturaliter sine semine generari.

Et ideo dicendum est aliter, quod in naturali generatione animalium principium activum est virtus formativa, quæ est in semine, in iis quæ ex semine generantur; loco cuius virtutis in iis, quæ ex putrefactione generantur, est virtus cælestis corporis. Materiale autem principium in utroque animalium generatione est aliquod elementum, vel elementatum. In prima autem rerum institutione fuit principium activum verbum Dei, quod de materia elementari produxit animalia vel in actu secundum alios Sanctos, vel virtute secundum Augustinum (loc. sup. cit.) non quod aqua, aut terra habeat in se virtutem producendi omnia animalia, ut Avicenna posuit; sed quia hoc ipsum quod ex materia elementari virtute feminis, vel stellarum possunt animalia produci, est ex virtute primitus elementis data.

Ad secundum dicendum, quod corpora avium, & piscium possunt dupliciter considerari. Uno modo secundum se; & sic necesse est quod in eis magis terrestre elementum dominetur; quia ad hoc quod fiat temperatio mixtionis in corpore animalis, necesse est quod quantitative abundet in eo elementum quod est minus activum, scilicet terra. Sed si considerentur, secundum quod sunt nata moveri talibus motibus, sic

habent affinitatem quandam cum corporibus in quibus moventur: & sic eorum generatio hic describitur.

Ad tertium dicendum, quod aer, quia insensibilis est, non per se ipsum connumeratur, sed cum aliis: partim quidem cum aqua quantum ad inferiorem partem, quæ exhalationibus aque ingrossatur; partim etiam cum cælo, quantum ad superiorem partem: aves autem motum habent in inferiori parte aeris; & ideo sub firmamento cæli volare dicuntur, etiam si firmamentum pro nebulo aere accipitur: & ideo productio avium aque adscribitur.

Ad quartum dicendum, quod natura de uno extremo ad aliud transit per media: & ideo inter cælestia, & aquatica animalia sunt quedam media, quæ communicant cum utrisque, & computantur cum illis cum quibus magis communicant, secundum id quod cum eis communicant, non secundum id quod communicant cum alio extremo. Tamen, ut includantur omnia huiusmodi quæ habent aliquod speciale inter pisces, postquam dixerat: *Producat aqua reptile animæ viventis*: subiungit: *Creavit Deus cetera grandia &c.*

Ad quintum dicendum, quod productio horum animalium ordinatur secundum ordinem corporum quæ eis ornantur, magis quam secundum propriam dignitatem; & tamen in via generationis ab imperfectioribus ad perfectiora pervenitur.

QUAESTIO LXXII.

De opere sextæ diei.

ARTICULUS UNICUS. 355

Supra quæst. lxx. art. 1. cor.

DEinde quaeritur de opere sextæ diei: & videtur quod inconvenienter describitur. Sicut enim aves, & pisces habent viventem animam, ita etiam & animalia terrestria. Non autem terrestria animalia sunt ipsa anima vivens. Ergo inconvenienter dicitur: *Producat terra animam viventem*: sed debuit dici: *Producat terra quadrupedia animæ viventis.*

2. Præterea. Genus non debet dividi contra speciem. Sed iumenta, & bestiae sub quadrupedibus computantur. Inconvenienter ergo quadrupedia connumerantur iumentis, & bestis.

3. Præ-

3. Præterea. Sicut alia animalia sunt in determinato genere, & specie, ita & homo. Sed in factione hominis non fit mentio de suo genere, vel specie. Ergo nec in productione aliorum animalium debuit fieri mentio de genere, vel specie, cum dicitur, *In genere suo, vel specie sua.*

4. Præterea. Animalia terrestria magis sunt similia homini, qui a Deo dicitur benedici, quam aves, & pisces. Cum igitur aves, & pisces dicantur benedici, multo fortius hoc dici debuit de aliis animalibus.

5. Præterea. Quædam animalia generantur ex putrefactione, quæ est corruptio quædam. Corruptio autem non convenit primæ institutioni rerum. Non ergo eiusmodi animalia debuerunt in primæ rerum institutione produci.

6. Præterea. Quædam animalia sunt veneficula, & homini noxia. Nichil autem debuit esse homini nocivum aut peccatum. Ergo huiusmodi animalia vel omnino fieri a Deo non debuerunt, qui est bonorum auctor, vel non debuerunt fieri ante peccatum.

In contrarium sufficit auctoritas Scripturæ.

Respondendo dicendum, quod sicut in die quinto ornatur medium corpus, & respondet secundæ diei; ita in sexto die ornatur ultimum corpus, scilicet terra, per productionem animalium terrestrium; & respondet tertiæ diei. Unde utrobique fit mentio de terra.

Et hic etiam secundum Augustinum (Lib. V. super Gen. cap. v.) animalia terrestria producuntur potentialiter, secundum vero alios Sanctos in actu.

Ad primum ergo dicendum, quod, sicut Basilus dicit (hom. viii. hexam.) diversus gradus vitæ qui in diversis viventibus invenitur, ex modo loquendi Scripturæ colligi potest. Plantæ enim habent imperfectissimam vitam, & occultam: unde in earum productione nulla mentio fit de vita, sed solum de generatione, quia secundum hanc solum invenitur actus vitæ in eis. Nutritiva enim, & augmentativa generativæ deserviunt, ut infra dicitur (quæst. lxxviii. art. 2.) Inter animalia vero perfectiora sunt, communiter loquendo, terrestria avibus, & piscibus; non quod pisces memoria careant, ut Basilus dicit (hom. viii. in hexam.) & Augustinus improbat (Lib. III. supra Genes. ad lit. cap. viii.) sed propter distinctionem mem-

brorum, & perfectionem generationis. Quantum autem ad aliquas sagacitates, etiam aliqua animalia imperfecta magis vigent, ut apes, & formicæ: & ideo pisces vocat non *animam viventem*, sed *reptile animæ viventis*. Sed terrena animalia vocat animam viventem propter perfectionem vitæ in eis; ac si pisces sint corpora habentia aliquid animæ, terrestria vero animalia propter perfectionem vitæ sint quasi animæ dominantes corporibus. Perfectissimus autem gradus vitæ est in homine: & ideo vitam hominis non dicit produci a terra, vel aqua, sicut ceterorum animalium, sed a Deo.

Ad secundum dicendum, quod perimenta, vel pecora intelliguntur animalia domesticæ, quæ homini serviunt qualitercumque. Per bestias autem intelliguntur animalia fera, ut ursi, & leones. Per reptilia vero, animalia quæ vel non habent pedes, quibus eleventur a terra, ut serpentes; vel habent breves, quibus parum eleventur, ut lacertæ, & formicæ. Sed quia sunt quædam animalia quæ sub nullo horum comprehenduntur, ut cervi, & capræ; ut etiam ista comprehenderetur, addidit *quædrupedia*.

Vel quadrupedia præmisit quasi genus, & alia subiunxit quasi species: sunt enim quædam reptilia quadrupedia, ut lacertæ, & formicæ.

Ad tertium dicendum, quod in aliis animalibus, & plantis mentionem fecit de genere, & specie, ut designaret generationem similem ex similibus. In homine autem non fuit necessarium ut hoc diceretur: quia quod præmissum fuit de aliis, etiam de homine intelligi potest.

Vel quia animalia, & plantæ producuntur secundum genus, & speciem suam, quasi longe a similitudine divina remota; homo autem dicitur formatus ad imaginem & similitudinem Dei.

Ad quartum dicendum, quod benedictio Dei dat virtutem multiplicandi per generationem: & ideo quod positum est in avibus, & piscibus, quæ primo occurrunt, non fuit necessarium repeti in terrenis animalibus, sed intelligitur. In hominibus autem iteratur benedictio: quia in eis est quædam specialis multiplicationis ratio propter complendum numerum electorum, & ne quisquam diceret, in officio gignendi filios ullum esse peccatum. Plantæ vero nullum habent

bent propagandæ proles affectum, ac sine ullo sensu generant: unde indignè indicatæ sunt benedictionis verbis.

Ad quintum dicendum, quod cum generatio unus sit corruptio alterius, quod ex corruptione ignobiliorum generentur nobiliora, non repugnat primæ rerum institutioni. Unde animalia quæ generantur ex corruptione rerum inanimatarum, vel plantarum, potuerunt tunc generari; non autem quæ generantur ex corruptione animalium, tunc potuerunt produci, nisi potentialiter tantum.

Ad sextum dicendum, quod Augustinus dicit in L. supra Genes. contra Manichæos (cap. xvi. parum a princ.) quod si in aliquis officii officinam imperitus intraverit, vadet ibi multa instrumenta, quorum causas ignorat; & si multum est insipientis, superflua putat. Iam vero si in fornacem incautus ceciderit, aut ferramento aliquo acuto se vulneraverit, noxia existimat ibi esse multa: quorum usum quis novus artifex, insipientia eius irridet. Sic in hoc mundo quidam vident multa reprehendere quorum causas non vident. Multa enim etiam domus nostra non sunt necessaria, in eis tamen completur universitatis integritas. Homo autem ante peccatum ordinate fuisset usus rebus mundi: unde animalia venenosa ei noxia non fuissent.

QUAESTIO LXXIII.

De iis quæ pertinent ad septimum diem, in tres articulos divisa.

DEinde considerandum est de iis quæ pertinent ad septimum diem: & circa hoc quaeruntur tria.

Primo de completionem operum.

Secundo de requie Dei.

Tertio de benedictione, & sanctificatione huius diei.

ARTICULUS I. 396

Utrum completio divinorum operum debeat septimo diei adscribi.

II. dist. xv. quest. III. art. 1.

AD primum sic proceditur. Videtur quod completio divinorum operum non debeat septimo diei adscribi. Omnia enim quæ in hoc sæculo aguntur, ad divina opera pertinent. Sed consummatio sæculi erit in fine mundi, ut habetur Matth. XIII. tempus etiam incarnationis

Christi est cuiusdam completionis tempus, unde dicitur *tempus plenitudinis* Galat. IV. & ipse Christus moriens dixit, *Consummatum est*, ut dicitur Ioan. XIX. 30. Non ergo completio divinorum operum competit diei septimo.

2. Præterea. Quicumque complet opus suum, aliquid facit. Sed Deus non legitur septimo die aliquid fecisse, quinimo ab omni opere quievisse. Ergo completio operum non competit septimo diei.

3. Præterea. Non dicitur aliquid esse completum, cui multa superadduntur, nisi sint illa superflua: quia perfectum dicitur cui nihil deest eorum quæ debet habere. Sed post septimum diem multa sunt facta, & productio multorum individuorum, & etiam quarundam novarum specierum, quæ frequenter apparent, præcipue in animalibus ex putrefactione generatis: quotidie etiam Deus novas animas creat. Novum etiam fuit incarnationis opus, de quo dicitur Hier. XXXI. 22. (a) *Novum faciet Dominus super terram*. Nova etiam sunt miraculosa opera, de quibus dicitur Eccli. XXXVI. 6. *Innova signa, & immuta mirabilia*. Innovabuntur etiam omnia in glorificatione Sanctorum, secundum illud Apocal. XXI. 5. *Et dixit qui sedebat in throno: Ecce nova facio omnia*. Completio ergo divinorum operum non debet attribui septimo diei.

Sed contra est quod dicitur Genes. II. 2. *Complevit Deus die septimo opus suum quod fecerat*.

Respondetur dicendum, quod duplex est rei perfectio, prima, & secunda. Prima quidem perfectio est, secundum quod res in sua substantia est perfecta: quæ quidem perfectio est forma rotundæ, quæ ex integritate partium confurgit. Perfectio autem secunda est finis: finis autem vel est operatio, sicut finis citharistæ est citharizare; vel est aliquid ad quod per operationem pervenitur, sicut finis edificatoris est domus, quam edificando facit. Prima autem perfectio est causa secundæ: quia forma est principium operationis. Ultima autem perfectio, quæ est finis totius universi, est perfecta beatitudo Sanctorum, quæ erit in ultima consummatione sæculi. Prima autem perfectio, quæ est in integritate universi, fuit in prima rerum institutione: & hæc deputatur septimo diei.

Ad primum ergo dicendum, quod, sicut dictum est (in corp. art.) perfectio prima est causa secundæ. Ad beatitudinem

(2) *Vulgata: Creavit Dominus novum &c.*

nem autem consequendam duo requiruntur, natura, & gratia. Ipsa ergo beatitudo perfectio erit in fine mundi, ut dictum est (in corp. art.) Sed ista consummatio præcessit causaliter, quantum ad naturam quidem in prima rerum institutione, quantum ad gratiam vero in incarnatione Christi: quia *gratia, & veritas per Jesum Christum facta est*, ut dicitur Ioan. 1. 17. Sic igitur in septima die fuit consummatio naturæ, in incarnatione Christi consummatio gratiæ, in fine mundi consummatio gloriæ.

Ad secundum dicendum, quod septima die Deus aliquid operatus est, non novam creaturam condendo, sed creaturam administrando, & ad propriam operationem eam movendo: quod iam aliquantulum pertinet ad inchoationem quandam secundæ perfectionis. Et ideo consummatio operum secundum nostram translationem attribuitur diei septimæ. Sed secundum aliam translationem attribuitur diei sextæ. Et utrumque potest dici: quia consummatio quæ est secundum integritatem partium universi, competit sextæ diei; consummatio quæ est secundum operationem partium, competit septimæ.

Vel potest dici, quod in motu continuo, quandiu aliquid potest moveri ulterius, non dicitur motus perfectus ante quietem, quies enim demonstrat motum consummatum. Deus autem poterat plures creaturas facere præter illas quas fecerat sex diebus. Unde hoc ipso quod cessavit novas creaturas condere in septima die, dicitur opus suum consummasse.

Ad tertium dicendum, quod nihil postmodum a Deo factum est totaliter novum, quin aliquantulum in operibus sex dierum præcesserit. Quædam enim præextiterunt materialiter, sicut quod Deus de costa Adæ formavit mulierem. Quædam vero præextiterunt in operibus sex dierum non solum materialiter, sed etiam causaliter, sicut individua quæ nunc generantur, præcesserunt in primis individuis suarum specierum. Species etiam novæ, si quæ apparent, præextiterunt in quibusdam (a) activis virtutibus, sicut & animalia ex putrefactione generata producuntur ex virtutibus stellarum, & elementorum, quam a principio acceperunt, etiam si novæ species talium animalium producuntur. Animalia etiam quædam secundum novam speciem aliquando oriuntur ex commixtione animalium diversorum secundum speciem; sic

ut cum ex asino, & equa generatur mulus: & hæc etiam præcesserunt causaliter in operibus sex dierum. Quædam vero præcesserunt secundum similitudinem, sicut anime quæ nunc creantur: & similiter incarnationis opus: quia, ut dicitur Philip. 11. 7. *Filius Dei est in similitudinem hominum factus*. Gloria etiam spiritalis secundum similitudinem præcessit in Angelis, corporalis vero in cælo, præcipue empyreo. Unde dicitur Eccle. 1. 10. *Nihil sub Sole novum... iam enim præcessit in sæculis quæ fuerunt ante nos*.

ARTICULUS II. 357

Utrum Deus septima die requievit ab omni opere suo.

II. dist. xv. quæst. 111. art. 1. & 2.

AD secundum sic proceditur. Videtur quod Deus septima die non requievit ab omni suo opere. Dicitur enim Ioann. v. 17. *Pater meus usque modo operatur, & ego operor*. Non ergo septima die requievit ab omni opere.

2. Præterea. Requies motui opponitur, vel labori, qui interdum caulatur ex motu. Sed Deus immobiliter, & absque labore sua opera produxit. Non ergo dicendum est, septima die a suo opere requievisse.

3. Si dicatur, quod Deus requievit die septima, quia fecit hominem requiescere; contra. Requies contraponitur operationi. Sed quod dicitur, *Deus creavit*, vel *fecit hoc*, vel *illud*, non exponitur, quod Deus hominem fecit creare, aut facere. Ergo nec convenienter exponi potest, ut dicatur Deus requievisse, quia fecit hominem requiescere.

Sed contra est quod dicitur Genes. 11. 2. *Requievisit Deus die septimo ab omni opere quod paravit*.

Respondetur dicendum, quod quies proprie opponitur motui, & per consequens labori, qui ex motu confurgit. Quamvis autem motus proprie acceptus sit corporum, tamen nomen motus etiam ad spiritualia derivatur dupliciter. Uno modo secundum quod omnis operatio motus dicitur: sic enim & divina bonitas quodammodo movetur, & procedit in res, secundum quod se eis communicat, ut Dionysius dicit 11. cap. de div. Nom. (lect. 3.) Alio modo desiderium in aliud tendens quidam motus dicitur. Unde & requies dupliciter accipitur: uno modo pro

(a) *Al. requiritis.*

pro cessatione ab operibus ; alio modo pro implesione desiderii.

Et utroque modo dicitur Deus requiescisse die septima. Primo quidem quia die septima cessavit novas creaturas condere : nihil enim postea fecit quod non aliquo modo præcesserit in primis operibus, ut dictum est (quæst. lxx. art. 2. & art. præc. ad 3.) Alio modo secundum quod rebus conditis ipse non indigebat, sed seipso fruendo beatus est. Unde post conditionem omnium operum non dicitur, quod in suis operibus requievit, quasi eis ad suam beatitudinem indigens ; sed ab eis requievit utique in seipso, quia sufficit sibi, & implet desiderium suum.

Et quamvis ab æterno in seipso requieverit, tamen quod post opera condita in seipso requievit, hoc pertinet ad septimum diem : & hoc est ab operibus requiescere, ut Augustinus dicit IV. super Genes. ad litt. (cap. xv.)

Ad primum ergo dicendum, quod Deus *ipsæ modo operatur*, conservando, & administrando creaturam conditam, non autem novam creaturam condendo.

Ad secundum dicendum, quod requies non opponitur labori, sive motui, sed productioni novarum rerum, & desiderio in aliud tendendi, ut dictum est (in cor. art.)

Ad tertium dicendum, quod sicut Deus in solo se requiescit, & se fruendo beatus est, ita & nos per solam Dei fruitionem beati efficiuntur : & licet etiam facit nos a suis, & nostris operibus in seipso requiescere. Est ergo conveniens expositio, ut dicatur Deus requiescisse, quia nos requiescere facit. Sed non est hæc sola ponenda ; sed alia expositio est principalior, & prior.

ARTICULUS III. 358

Utrum benedictio, & sanctificatio debeatur diei septimæ.

II. dist. xv. quæst. 111. art. 3.

AD tertium sic proceditur. Videtur quod benedictio, & sanctificatio non debeatur diei septimæ. Tempus enim aliquod consuevit dici benedictum, aut sanctum propter aliquod bonum quod in illo tempore evenit, aut propter hoc quod aliquod malum vitatur. Sed Deo nihil accrescit, aut deperit, sive operetur, sive ab operando cesset. Non ergo specialis benedictio, & sanctificatio debetur diei septimæ.

2. Præterea. Benedictio a bonitate dicitur. Sed bonum est diffusivum, & communicativum sui, secundum Dionysium (cap. xv. de div. Nom. in princ.) Ergo magis debuerunt benedici dies in quibus creaturas produxit, quam ille dies in quo a producendis creaturis cessavit.

3. Præterea. In singulis creaturis quædam benedictio commemorata est, dum in singulis operibus dictum est : *Vidit Deus quod esset bonum*. Non oportuit igitur quod post omnium productionem dies septima benediceretur.

Sed contra est quod dicitur Genes. 11.

3. *Benedixit Deus diei septimo, & sanctificavit illum, quia in illo cessaverat ab omni opere suo.*

Respondendo dicendum, quod, sicut supra dictum est (art. præc.) requies Dei in die septima dupliciter accipitur. Primo quidem quantum ad hoc quod cessavit a novis operibus condendis ; ita tamen quod creaturam conditam conservat, & administrat. Alio modo secundum quod post opera requievit in seipso.

Quantum ergo ad primum competit septimæ diei benedictio : quia, sicut supra dictum est (quæst. lxxii. ad 4.) benedictio ad multiplicationem pertinet. Unde dictum est creaturis, quas benedixit : *Crecite & multiplicamini*. Multiplicatio autem rerum fit per administrationem creaturæ, secundum quam ex similibus similia generantur. Quantum vero ad secundum competit septimæ diei sanctificatio : maxime enim sanctificatio cuiuslibet attenditur in hoc quod in Deo requiescit : unde & res Deo dedicate sanctæ dicuntur.

Ad primum ergo dicendum, quod non propter hoc dies septimus sanctificatur, quia Deo possit aliquid accrescere, vel decretere ; sed quia creaturis aliquid accrescit per multiplicationem, & quietem in Deo.

Ad secundum dicendum, quod in primis sex diebus productæ sunt res in suis primis causis ; sed postea ex illis primis causis res multiplicantur, & conservantur : quod etiam ad bonitatem divinam pertinet : cuius etiam perfectio in hoc maxime ostenditur quod in ipsa sola & ipse requiescit, & nos requiescere possumus ea fruentes.

Ad tertium dicendum, quod bonum quod in singulis diebus commemoratur, pertinet ad primam naturæ institutionem ; benedictio autem diei septimæ pertinet ad naturæ propagationem.

QUAE.

QUAESTIO LXXIV.

*De omnibus sex diebus in communi,
in tres articulos divisa.*

DEinde quaeritur de omnibus (a) sex diebus in communi : & quaeruntur tria.

Primo de sufficiencia horum dierum. Secundo, utrum sint unus dies, vel plures.

Tertio de quibusdam modis loquendi, quibus Scriptura utitur enarrando opera sex dierum.

ARTICULUS I. 359

Utrum sufficienter isti dies enumerentur.

Ver. quaest. viii. art. 16. corp. & pot. quaest. xv. art. 1. & 2. & II. br. xv. lect. 1. & Job xl. lect. 2.

AD primum sic proceditur. Videtur quod non sufficienter isti dies enumerentur. Non minus enim distinguitur opus creationis ab operibus distinctionis, & ornatus, quam haec duo opera ab invicem. Sed alii dies deputantur distinctioni, & alii ornatus. Ergo etiam alii dies debent assignari creationi.

2. Præterea. Aer, & ignis sunt nobiliora elementa quam terra, & aqua. Sed unus dies deputatur distinctioni aquae, & alius distinctioni terræ. Ergo alii dies debent deputari distinctioni ignis, & aeris.

3. Præterea. Non minus distant volucres, & pisces quam volucres, & terrestria animalia: homo etiam plus distat ab aliis animalibus quam alia quaecumque animalia ab invicem. Sed alius dies deputatur productioni piscium maris, & alius productioni animalium terræ. Ergo & alius dies debet deputari productioni avium cæli, & alius productioni hominis.

4. Sed contra videtur quod aliqui dies superflue assignentur. Lumen enim ad luminaria se habet ut accidens ad subiectum. Simul autem producitur subiectum cum proprio accidente. Non ergo alia die debuit produci lux, & alia luminaria.

5. Præterea. Dies isti deputantur primæ institutioni mundi. Sed in septima die nihil (b) penitus est institutum. Ergo septima dies non debet aliis connumerari.

Respondeo dicendum, quod ratio distinctionis horum dierum ex præmissis (quaest. lxx. & lxxi. & lxxii.) potest esse manifesta. Oportuit enim primo distinguere partes mundi, & postmodum singulas partes (c) ornari per hoc quod qualis habitatoribus replentur.

Secundum ergo alios Sanctos in creatura corporali tres partes designantur. Prima quæ significatur nomine cæli: media, quæ significatur nomine aquæ; infima, quæ significatur nomine terræ. Unde & secundum Pythagoricos perfectio in tribus ponitur, principio, medio, & fine, ut dicitur in I. de cælo (text. 2.) Prima ergo pars distinguitur prima die, & ornatur quarta; media distinguitur secunda die, & ornatur quinta: infima distinguitur tertia die, & ornatur sexta.

Augustinus vero convenit quidem cum eis in ultimis tribus diebus; differt autem in tribus primis. Quia secundum eum in primo die formatur creatura spiritualis: in duobus aliis creatura corporalis; ita quod in secundo corpora superiora, in tertio corpora inferiora. Et sic perfectio divinorum operum respondet perfectioni senarii numeri, qui confurgit ex suis partibus (d) aliquoties coniunctis: quæ quidem partes sunt unum, duo, tria. Una enim dies deputatur formationi creaturæ spiritualis, duæ formationi creaturæ corporalis, & tres ornatus.

Ad primum ergo dicendum, quod secundum Augustinum opus creationis pertinet ad productionem materię informis, & naturæ spiritualis informis: quæ quidem duo sunt extra tempus, ut ipse dicit in XII. Confess. (cap. xii.) Et ideo creatio utriusque ponitur ante omnem diem.

Sed secundum alios Sanctos potest dici, quod opus distinctionis, & ornatus attenditur secundum aliquam mutationem creaturæ, quæ tempore mensuratur. Opus autem creationis consistit in sola divina actione in instanti rerum substantiam producente: & ideo quodlibet opus distinctionis, & ornatus dicitur factum in die; creatio autem dicitur facta in principio, quod sonat aliquid indivisibile.

Ad secundum dicendum, quod ignis, & aer, quia non distinguuntur a vulgo, inter partes mundi non sunt expresse nominata a Moysē; sed computantur cum medio, scilicet aqua, maxime quantum ad inferiorem aeris partem; quantum vero ad superiorem computantur cum

ca-

(a) *Al. septem. Vids. sup. q. lxx. prol.* (b) *Al. primus.* (c) *Al. ordinari.* (d) *Al. aliquoties.*

czelo, ut Augustinus dicit (Lib. II. super Gen. cap. XIII.)

Ad tertium dicendum, quod productio animalium recitatur, secundum quod sunt in ornatu partium mundi: & ideo dies productionis animalium distinguuntur, vel uniuntur secundum hanc convenientiam, vel differentiam, qua conveniunt, vel differunt in ornatu aliquam partem mundi.

Ad quartum dicendum, quod prima die facta est natura lucis in aliquo subiecto; sed quarta die facta dicuntur luminaria, non quia eorum substantia sit de novo producta, sed quia sunt aliquo modo formata quod prius non erant, ut supra dictum est (quaest. lxx. art. 1.)

Ad quintum dicendum, quod septima diei secundum Augustinum (Lib. IV. super Gen. cap. xv.) deputatur aliquid post omnia quae sex diebus attribuantur, scilicet quod Deus a suis operibus in seipso requiescit: & ideo oportuit post sex dies fieri mentionem de septimo.

Secundum vero alios potest dici, quod in septimo die mundus habuit quendam novum statum, ut scilicet ei nihil adderetur de novo: & ideo post sex dies ponitur septima deputata cessationi ab opere.

ARTICULUS II. 360

Utrum omnes isti dies sint unus dies.

Locis supra art. 1. inducitis, & II. dist. XII. quaest. 1. art. 2. & 3.

AD secundum sic proceditur. Videtur quod omnes isti dies sint unus dies. Dicitur enim Gen. II. 4. *Iste sunt generationes caeli, & terra, quando creata sunt, in die quo fecit Dominus caelum, & terram, & omne virgultum agri, antequam oriretur in terra. Unus ergo est dies, in quo fecit caelum, & terram, & omne virgultum agri.* Sed caelum, & terram fecit in prima die, vel potius ante omnem diem, virgultum autem agri tertia die. Ergo unus est primus dies, & tertius; & pari ratione omnes alii.

2. Praeterea. Eccli. xviii. 1. dicitur: *Qui vivit in aeternum, creavit omnia simul.* Sed hoc non esset, si dies horum operum essent plures, quia plures dies non sunt simul. Ergo non sunt plures dies, sed unus tantum.

3. Praeterea. Die septimo cessavit Deus a novis operibus condendis. Si ergo septima dies est alia ab aliis diebus, se-

quitur quod illam diem non fecerit: quod est inconveniens.

4. Praeterea. Totum opus quod uni diei adscribitur, in instanti perficitur; cum in singulis operibus dicatur: *Dixit, & factum est.* Si igitur sequens opus in diem alium reservaretur, sequeretur quod in residua parte illius diei cessasset ab opere: quod esset superfluum. Non igitur est alius dies sequentis operis a die operis praecedentis.

5. Sed contra est quod Gen. 1. dicitur: *Factum est vespere, & mane dies secundus, & dies tertius; & sic de aliis.* Secundum autem, & tertium dici non potest, ubi est unum tantum. Ergo non fuit unus dies tantum.

Respondeo dicendum, quod in hac questione Augustinus ab aliis expositioribus dissentit. Augustinus enim vult IV. super Genes. ad litt. (cap. xxii.) & XI. de civ. Dei (cap. ix.) & ad Orosium (quaest. xxvi.) quod omnes qui dicuntur septem dies, sunt unus dies simpliciter rebus praesentatus. Alii vero expositores sentiunt, quod fuerunt septem dies diversi, & non unus tantum.

Haec autem duae opiniones, si referantur ad expositionem litterae Genesim, magnam diversitatem habent. Nam secundum Augustinum per diem intelligitur cognitio mentis angelicae; ut sic primus dies sit cognitio primi divini operis, secundus dies cognitio secundi operis, & sic de aliis. Et dicitur unumquodque opus esse factum in aliqua die, quia nihil Deus produxit in rerum natura quod non imprelserit menti angelicae: quae quidem multa simul potest cognoscere praecipue in Verbo, in quo omnis angelorum cognitio perficitur, & terminatur. Et sic distinguitur dies secundum naturalem ordinem rerum cognitarum, non secundum successionem cognitionis, aut secundum successionem productionis rerum. Cognitio autem angelica proprie & vere dies nominari potest, cum lux, quae est causa diei, proprie in spiritualibus secundum Augustinum (IV. super Genes. cap. xxviii.) invenitur.

Secundum vero alios per istos dies & successio dierum temporalium ostenditur, & successio productionis rerum.

Sed si istae duae opiniones referantur ad modum productionis rerum, non invenitur magna differentia: & hoc propter duo, in quibus exponendis diversificatur Augustinus ab aliis, ut ex supra dictis patet (quaest. lxxii. & lxxix.) Primo qui-

quidem quia Augustinus per terram, & aquam prius creatam intelligit materiam totaliter informem; per factionem autem firmamenti, & congregationem aquarum, & apparitionem aridæ intelligit impressionem formarum in materiam corporalem. Alii vero Sancti per terram, & aquam primo creatas intelligunt ipsa elementa mundi sub propriis formis existentia; per sequentia autem opera aliquam distinctionem in corporibus prius existentibus, ut supra dictum est (ibidem.) Secundo autem differunt quantum ad productionem plantarum, & animalium: quæ alii ponunt in opere sex dierum esse producta in actu, Augustinus vero (Lib. VIII. super Gen. cap. 111.) potentialiter tantum. In hoc ergo quod Augustinus ponit opera sex dierum esse simul facta, sequitur idem modus productionis rerum. Nam secundum utroque in prima rerum productione materia erat sub formis substantialibus elementorum; & secundum utroque in prima rerum institutione non fuerunt animalia, & plantæ in actu. Sed remanet differentia quantum ad quatuor: quia secundum alios Sanctos post primam productionem creaturæ fuit aliquod tempus in quo non erat lux, item in quo non erat firmamentum formatum, item in quo non erat terra discooperata aquis, & in quo non erant formata cæli luminaria, quod est quartum: quæ non non oportet ponere secundum expositionem Augustini.

Ut igitur neutri sententiæ præiudicaretur, utriusque rationibus respondendum est.

Ad primum ergo dicendum, quod in die in quo creavit Deus cælum, & terram, creavit etiam omne virgultum agri, non in actu, sed antequam oriretur super terram, idest potentialiter: quod Augustinus adscribit tertiæ dici, alii vero primæ rerum institutioni.

Ad secundum dicendum, quod Deus creavit omnia simul quantum ad rerum substantiam quodammodo informem; sed quantum ad formationem, quæ facta est per distinctionem, & ornatum, non simul: unde signanter utitur verbo creationis.

Ad tertium dicendum, quod in die septimo cessavit Deus a novis operibus condendis, non autem a propagandis quibusdam aliis: ad quam propagationem pertinet quod post primum diem alii succedunt.

Ad quartum dicendum, quod non est ex impotentia Dei quasi indigentis tempore ad operandum, quod omnia non sunt simul distincta, & ornata; sed et ordo servaretur in rerum institutione: & ideo oportuit ut diversis statibus mundi diversi dies deservirent. Semper autem per sequens opus novus perfectionis status mundo est additus.

Ad quintum dicendum, quod secundum Augustinum (loc. sup. cit) ille ordo dierum referendus est ad naturalem ordinem operum quæ diebus attribuantur.

ARTICULUS III. 361

Utrum Scriptura utatur convenientibus verbis ad exprimendum opera sex dierum.

II. dist. XLII. quæst. I. art. 4.

AD tertium sic proceditur. Videtur quod Scriptura non utatur convenientibus verbis ad exprimendum opera sex dierum. Sicut enim lux, & firmamentum, & huiusmodi opera per Dei Verbum sunt facta; ita cælum, & terra: quia omnia per ipsum facta sunt, ut dicitur Ioan. 1. 3. Ergo in creatione cæli, & terræ debuit fieri mentio de Verbo Dei, sicut in aliis operibus.

2. Præterea. Aqua est creata a Deo, quæ tamen creata non commemoratur. Insufficienter ergo rerum creatio describitur.

3. Præterea. Sicut dicitur Genes. 1. 31. *vidit Deus cuncta quæ fecerat, & erant valde bona.* In singulis ergo operibus debuit dici: *Vidit Deus quod esset bonum.* Inconvenienter ergo prætermittitur in opere creationis, & in opere secundæ dici.

4. Præterea. Spiritus Dei est Deus. Deo autem non competit ferri, nec situm habere. Inconvenienter ergo dicitur, quod *Spiritus Dei ferebatur super aquas.*

5. Præterea. Nullus facit quod iam factum est. Inconvenienter ergo, postquam dictum est: *Dixit Deus, Fiat firmamentum, & factum est ita:* subditur: *Et fecit Deus firmamentum.* Et similiter in aliis operibus.

6. Præterea. Vespere, & mane non sufficienter dividunt diem, cum sint plures partes diei. Ergo inconvenienter dicitur, quod *factum est vespere, & mane dies secundus, vel tertius.*

7. Præterea. Secundo, & tertio non convenienter correspondet unum, sed pri-

primum. Debit ergo dici: *Factum est vespere, & mane dies primus*, ubi dicitur *dies unus*.

Respondeo dicendum ad primum, quod secundum Augustinum (I. sup. Gen. ad lit. cap. iv.) persona Filii commemoratur tam in prima rerum creatione, quam in rerum distinctione, & ornatu; aliter tamen, & aliter. Distinctio enim, & ornatu pertinet ad rerum formationem. Sicut autem formatio artificiorum est per formam artis, quæ est in mente artificis, quæ potest dici intelligibile verbum ipsius; ita formatio totius creaturæ est per Verbum Dei: & ideo in opere distinctionis, & ornatu fit mentio de Verbo. In creatione autem commemoratur Filius ut principium, cum dicitur: *In principio creavit Deus*: quia per creationem intelligitur productio informis materiæ.

Secundum vero alios, qui ponunt primo creata elementa sub propriis formis; oportet aliter dici. Basilii enim dicit (hom. iii. hexam.) quod per hoc quod dicitur, *Dixit Deus*, importatur divinum imperium. Prius autem oportuit produci creaturam, quæ obediret, quam fieri mentionem de divino imperio.

Ad secundum dicendum, quod secundum Augustinum (Lib. XI. de civit. Dei cap. xxxiii. cir. fin.) per cælum intelligitur spiritualis natura informis, per terram autem materia informis omnium corporum: & sic nulla creatura est prætermissa.

Secundum Basilium vero (hom. i. hexam. post med.) ponuntur cælum, & terra tamquam duo extrema, ut ex his intelligantur media: præcipue quia omnium mediorum motus vel est ad cælum, ut levium, vel ad terram, ut gravium.

Alii vero dicunt, quod sub nomine terræ comprehendere solet Scriptura omnia quatuor elementa: unde in Psalm. cxlviii. 7. postquam dictum est: *Laudate Dominum de terra*: subditur: *Ignis, grandis, nix, glacies*.

Ad tertium dicendum, quod in opere creationis ponitur aliquid correspondens ei quod dicitur in opere distinctionis, & ornatu: *Vidit Deus* hoc, vel illud esse bonum.

Ad cuius evidentiam considerandum est, quod Spiritus sanctus amor est. Duo autem sunt, aut Augustinus dicit I. super Genes. ad lit. (cap. viii.) propter

quæ Deus amat creaturam suam, scilicet ut sit, & ut permaneat. Ut ergo esset quod permaneret, dicitur, quod *Spiritus Dei ferebatur super aquas*, secundum quod per aquam materia informis intelligitur; sicut amor artificis fertur super materiam aliquam, ut ex ea formet opus. Ut autem maneret quod fecerat, dicitur: *Vidit Deus quod esset bonum*. In hoc enim significatur quædam complacentia Dei operis in re facta; non quod alio modo cognosceret, aut placeret ei creatura iam facta quam antequam faceret. Et sic in utroque opere creationis, & formationis Trinitas personarum inlinatur. In creatione quidem persona Patris per Deum creatorem, persona Filii per principium, in quo creavit, & persona Spiritus sancti per spiritum, qui supersertur aquis. In formatione vero persona Patris in Deo dicente, persona vero Filii in Verbo quod dicitur, persona Spiritus sancti in complacentia, qua vidit Deus esse bonum quod factum erat.

In opere vero secundæ diei non ponitur, *Vidit Deus quod esset bonum*: quia opus distinctionis aquarum tunc inchoatur, & in tertio die perficitur. Unde quod ponitur in tertio die, refertur etiam ad secundum. Vel quia distinctio quæ ponitur secunda die, est de his quæ non sunt manifesta populo; ideo huiusmodi approbatione Scriptura non utitur. Vel iterum propter hoc quod firmamentum simpliciter intelligitur aer nubilosus, qui non est de partibus permanentibus in universo, seu de partibus principalibus mundi. Et has tres rationes Rabbi Moyses ponit (Lib. II. perplexorum.) Quidam autem assignant rationem mysticam ex parte numeri, quia binarius ab unitate recedit: unde opus secundæ diei non approbatur.

Ad quartum dicendum, quod Rabbi Moyses (in eod. Lib.) per spiritum Domini intelligit aerem, vel ventum, sicut & Plato intellexit: & dicit, quod dicitur *Spiritus Domini*, secundum quod Scriptura consuevit ubique statum ventorum Deo attribuire.

Sed secundum Sanctos per spiritum Domini intelligitur Spiritus sanctus, qui dicitur superlatri aquæ, idest materiæ informi, secundum Augustinum (Lib. I. super Genes. cap. vii. in fin.) ne (a) facienda opera sua propter indigentiam necessitatem putaretur Deus amare. Indigen-

(a) Ita Nicolaus cum Augustini codicibus. Editi faciendæ.

geutis enim amor rebus quas diligit, subicitur. Commodè autem factum est ut prius infinuaretur aliquid inchoatum, cui superferri diceretur. Non enim superferretur loco, sed præexcellente potentia, ut Augustinus dicit super Genes. ad lit. (loc. cit.) Secundum Basilium vero (hom. 11. in hexam. a med.) superferretur elemento aqua, idest fovebat, & coarctabat naturam aquæ ad similitudinem galinæ cubantis, vitalem virtutem his quæ fovetur, iniciens. Habet enim aqua præcipue vitalem virtutem, quia plurima animalia generantur in aqua, & omnium animalium semina sunt humida. Vita etiam spiritualis datur per aquam baptismi: unde dicitur Ioan. 111. 5. *Nisi quis renatus fuerit ex aqua, & Spiritu sancto, non potest introire in regnum Dei.*

Ad quintum dicendum, quod secundum Augustinum (1. super Gen. ad lit. cap. viii.) per illa tria designatur triplex esse rerum. Primo quidem esse rerum in Verbo, per hoc quod dixit, *Fecit*. Secundo esse rerum in mente angelica, per hoc quod dixit, *Factum est*. Tertio esse rerum in propria natura, per hoc quod dixit, *Fecit*. Et quia in prima die describitur formatio Angelorum, non fuit necesse ut ibi adderetur *Fecit*.

Secundum alios vero potest dici, quod in hoc quod dicit, *Dixit Deus, fiat*, importatur imperium Dei de faciendis; per hoc autem quod dicit, *Factum est*, importatur complementum operis. Oportuit autem ut subderetur, quomodo factum fuit, præcipue propter illos qui dixerunt omnia visibilia per Angelos facta. Et ideo ad hoc removendum subditur, quod ipse Deus fecit. Unde in singulis operibus, postquam dicitur, *Et factum est*, aliquis actus Dei subditur, vel *fecit*, vel *dixit*, vel *vocavit*, vel aliquid huiusmodi.

Ad sextum dicendum, quod secundum Augustinum (1. lib. IV. super Gen. ad lit. cap. xxi. & xxx.) per vespere, & mane intelligitur vespertina, & matutina cognitio in Angelis: de quibus dictum est supra (quæst. lvi. art. 6. & 7.)

Vel secundum Basilium (hom. 11. hexam. non remote a fin.) totum tempus consuevit denominari a principaliori parte, scilicet a die, secundum quod dixit Iacob, *Dies peregrinationis meæ*, nulla mentione facta de nocte. Vespere autem, & mane ponuntur ut termini diei, cuius mane est principium, sed vespere finis.

S. Th. Oper. Tom. XX.

Vel quia per vespere designatur principium noctis, per mane principium diei. Congruum autem fuit ut ubi commemoratur prima distinctio rerum, sola principia temporum designarentur. Præmittitur autem vespere: quia cum a luce dies inceperit, prius occurrit terminus lucis, quod est vespere, quam terminus tenebrarum, & noctis, quod est mane. Vel secundum Chrysostomum (hom. v. in Genes. a med.) ut designetur quod dies naturalis non terminatur in vespere, sed in mane.

Ad septimum dicendum, quod dicitur unus dies in prima diei institutione, ad designandum quod viginti quatuor horarum spatia pertinent ad unum diem: unde per hoc quod dicitur unus, præfigitur mensura diei naturalis. Vel propter hoc ut significaret diem consummari per redditum Soli ad unum & idem punctum. Vel quia, completo septenario dierum, redditur ad primum diem, qui est unus cum octavo. Et has tres rationes Basilium assignat (hom. 11. hexam. non remote a fin.)

QUAESTIO LXXV.

De homine, qui ex spirituali, & corporali substantia componitur, & primo de his quæ pertinent ad essentiam animæ, in septem articulos divisa.

Post considerationem creaturæ spiritualis, & corporalis, considerandum est de homine, qui ex spirituali, & corporali substantia componitur: & primo de natura ipsius hominis; secundo de eius productione.

Naturam autem hominis considerare pertinet ad Theologum ex parte animæ, non autem ex parte corporis, nisi secundum habitudinem quam habet corpus ad animam: & ideo prima consideratio circa animam verlabitur. Et quia secundum Dionysium xi. cap. angel. Hierat. tria inveniuntur in substantiis spiritualibus, scilicet essentia, virtus, & operatio: primo considerabimus ea quæ pertinent ad essentiam animæ; secundo ea quæ pertinent ad virtutem, sive potentias eius; tertio ea quæ pertinent ad operationem eius.

Circa primum occurrit duplex consideratio: quarum prima est de ipsa anima secundum se; secunda de unione eius ad corpus.

Circa primum quærentur septem.

Primo, utrum anima sit corpus.

Ff

Se-

Secundo, utrum anima humana sit aliquid subsistens.

Tertio, utrum animæ brutorum sint subsistentes.

Quarto, utrum anima sit homo, vel magis homo sit aliquid compositum ex anima, & corpore.

Quinto, utrum, sit composita ex materia, & forma.

Sexto, utrum anima humana sit incorruptibilis.

Septimo, utrum anima sit eiusdem speciei cum Angelo.

ARTICULUS I. 36a

Utrum anima sit corpus.

II. cont. cap. lxxv. & lxxx. & de anima art. 19.

AD primum sic proceditur. Videtur quod anima sit corpus. Anima enim est motor corporis. Non autem est movens non motum: tum quia videtur quod nihil possit movere, nisi moveatur, quia nihil dat alteri quod non habet, sicut quod non est calidum, non calefacit: tum quia si aliquid est movens non motum, causat motum sempiternum, & eodem modo se habentem, ut probatur in VIII. Phys. (a tex. 45. deinceps) quod non apparet in motu animalis, qui est ab anima. Ergo anima est movens motum. Sed omne movens motum est corpus. Ergo anima est corpus.

2. Præterea. Omnis cognitio fit per aliquam similitudinem. Non potest autem esse similitudo corporis ad rem incorpoream. Si igitur anima non esset corpus, non posset cognoscere res corporeas.

3. Præterea. Moventis ad motum oportet esse aliquem contactum. Contactus autem non est nisi corporum. Cum igitur anima moveat corpus, videtur quod anima sit corpus.

Sed contra est quod Augustinus dicit VI. de Trinit. (cap. vi. circa med.) quod anima (a) simplex dicitur respectu corporis, quia mole non diffunditur per spatium loci.

Respondendo dicendum, quod ad inquirendum de natura animæ oportet præsupponere quod anima dicitur esse primum principium vitæ in his quæ apud nos vivunt: animata enim viventia dicimus, res vero inanimatas vita carentes. Vita autem maxime manifestatur

duplici opere, scilicet cognitionis, & motus.

Horum autem principium, antiqui Philosophi imaginationem transcendere non valentes, aliquod corpus ponebant, sola corpora res esse dicentes, & quod non est corpus, nihil esse: & secundum hoc animam aliquod corpus esse dicebant.

Huius autem opinionis falsitas licet multipliciter ostendi possit, tamen uno utemur, quo etiam communius, & certius patet animam corpus non esse. Manifestum est enim quod non quodcumque vitalis operationis principium est anima: sic enim oculus esset anima, cum sit quoddam principium visionis: & idem esset dicendum de aliis animæ instrumentis. Sed primum principium vitæ dicimus esse animam. Quamvis autem aliquod corpus possit esse quoddam principium vitæ, sicut cor est principium vitæ in animali; tamen non potest esse primum principium vitæ: aliquid corpus. Manifestum est enim quod esse principium vitæ, vel vivens, non convenit corpori ex hoc quod est corpus: alioquin omne corpus esset vivens, aut principium vitæ. Convenit igitur alicui corpori quod sit vivens, vel etiam principium vitæ per hoc quod est tale corpus. Quod autem est actu tale, habet hoc ab aliquo principio, quod dicitur actus eius. Anima igitur, quæ est primum principium vitæ, non est corpus, sed corpus actus, sicut calor, qui est principium calefactionis, non est corpus, sed quidam corporis actus.

Ad primum ergo dicendum, quod cum omne quod movetur, ab alio moveatur, quod non potest in infinitum procedere, necesse est dicere, quod non omne movens moveatur. Cum enim moveri sit exire de potentia in actum, movens dat id quod habet, mobili, inquantum facit ipsum esse in actu. Sed, sicut ostenditur in VIII. Phys. (loc. cit. in arg.) est quoddam movens penitus immobile, quod nec per se, nec per accedens moveatur; & tale movens potest movere motum semper uniformem. Est autem aliud movens quod non moveatur per se, sed moveatur per accedens, & propter hoc non movet motum semper uniformem: & tale movens est anima. Est autem aliud movens, quod per se moveatur, scilicet corpus. Et quia antiqui Naturales nihil esse credebant nisi cor-
po-

(a) *id. simpliciter.*

pora, posuerunt quod omne movens movetur, & quod anima per se movetur, & est corpus.

Ad secundum dicendum, quod non est necessarium quod similitudo rei cognita sit actu in natura cognoscens; sed si aliquid sit quod prius est cognoscens in potentia, & postea in actu, oportet quod similitudo cogniti non sit actu in natura cognoscens, sed in potentia tantum; sicut color non est actu in pupilla, sed in potentia tantum. Unde non oportet quod in natura animae sit similitudo rerum corporearum in actu, sed quod sit in potentia ad huiusmodi similitudines. Sed quia antiqui Naturales nesciebant distinguere inter actum, & potentiam, ponebant, animam esse corpus, ad hoc quod cognosceret omnia corpora; & quod esset composita ex principiis omnium corporum.

Ad tertium dicendum, quod est duplex contactus, quantitatatis, & virtutis. Primo modo corpus non tangitur nisi a corpore. Secundo modo corpus potest tangi a re incorporea, quae movet corpus.

ARTICULUS II. 363

Utrum anima humana sit aliquid subsistens.

Pot. quæst. 11. art. 8. ad 7. & art. 9. corp. & art. 11. corp. & de anima art. 1. & Roa. v. lect. 3.

AD secundum sic proceditur. Videtur quod anima humana non sit aliquid subsistens. Quod enim est subsistens, dicitur hoc aliquid. Anima autem non est hoc aliquid, sed compositum: ex anima & corpore. Ergo anima non est aliquid subsistens.

1. Præterea. Omne quod est subsistens, potest dici operari. Sed anima non dicitur operari: quia, ut dicitur in *L. de Anima* (text. 64.) *dicere animam sentire, aut intelligere, simile est ac si dicat eam aliquis texere, vel edificare*. Ergo anima non est aliquid subsistens.

3. Præterea. Si anima esset aliquid subsistens, esset aliqua eius operatio sine corpore. Sed nulla est eius operatio sine corpore, nec etiam intelligere: quia non contingit intelligere sine phantasmate; phantasma autem non est sine corpore. Ergo anima humana non est aliquid subsistens.

Sed contra est quod Augustinus dicit

X. de Trinit. (cap. vii. parum a med.)

Quisquis videt mentis naturam & esse substantiam, & non esse corpoream, videt eos qui opinantur eam esse corpoream, ob hoc errare, quod adiungunt ei ea sine quibus ipsam possunt cogitare naturam, scilicet corporum phantasias. Natura ergo mentis humanæ non solum est incorporea, sed etiam est substantia, scilicet aliquid subsistens.

Respondeo dicendum, quod necesse est dicere, id quod est principium intellectualis operationis, quod dicimus animam hominis, esse quoddam principium incorporeum, & subsistens.

Manifestum est enim quod homo per intellectum cognoscere potest naturas omnium corporum. Quod autem potest cognoscere aliqua, oportet ut nihil eorum habeat in sua natura: quia illud quod inesset ei naturaliter, impediret cognitionem aliorum; sicut videmus quod lingua infirmi, quæ infecta est cholerico, & amaro humore, non potest percipere aliquid dulce, sed omnia videntur ei amara. Si igitur principium intellectuale haberet in se naturam alicuius corporis, non posset omnia corpora cognoscere. Omne autem corpus habet aliquam naturam determinatam. Impossibile est igitur quod principium intellectuale sit corpus; & similiter impossibile est quod intelligat per organum corporeum: quia (a) natura determinata illius organi corporei prohiberet cognitionem omnium corporum; sicut si aliquis determinatus color sit non solum in pupilla, sed etiam in vase vitreo, liquor infusus eiusdem coloris videtur.

Ipsam igitur intellectuale principium, quod dicitur mens, vel intellectus, habere operationem per se, cui non communicat corpus. Nihil autem potest per se operari, nisi quod per se subsistit: non enim est operari nisi entis in actu. Unde eo modo aliquid operatur quo est: propter quod non dicimus, quod calor calefacit, sed calidum. Relinquitur igitur animam humanam, quæ dicitur intellectus, vel mens, esse aliquid incorporeum, & subsistens.

Ad primum ergo dicendum, quod hoc aliquid potest accipi dupliciter: uno modo pro quocumque subsistente; alio modo pro subsistente completo in natura alicuius speciei. Primo modo excludit incontinentiam accidentis, & formæ materialis. Secundo modo excludit (b) etiam

(a) Nicolaus etiam naturæ, (b) Al. deest etiam.

imperfectionem partis. Unde manus posset dici hoc aliquid primo modo, sed non secundo modo. Sic igitur cum anima humana sit pars speciei humanæ, potest dici hoc aliquid primo modo, quasi subsistens; sed non secundo modo: sic enim compositum ex anima, & corpore dicitur hoc aliquid.

Ad secundum dicendum, quod verba illa Aristoteles dicit non secundum propriam sententiam, sed secundum opinionem illorum qui dicebant, quod intelligere est moveri, ut patet ex iis quæ ibi præmittit.

Vel dicendum, quod per se agere convenit per se existenti. Sed per se existens quandoque potest dici aliquid, si non sit inherens, ut accidens, vel ut forma materialis, etiam si sit pars. Sed proprie & per se subsistens dicitur quod neque est prædicto modo inherens, neque est pars: secundum quem modum oculum, aut manus non posset dici per se subsistens, & per consequens nec per se operans. Unde & operationes partium attribuntur toti per partes: dicimus enim, quod homo videt per oculum, & palpat per manum, aliter quam calidum calefacit per calorem, quia calor nullo modo calefacit proprie loquendo. Potest igitur dici, quod anima intelligit, sicut oculus videt; sed magis proprie dicitur, quod homo intelligat per animam.

Ad tertium dicendum, quod corpus requiritur ad actionem intellectus, non sicut organum, quo talis actio exerceatur, sed ratione obiecti: phantasma enim comparatur ad intellectum sicut color ad visum. Sic autem indigere corpore non removet intellectum esse subsistentem: alioquin anima non esset aliquid subsistens, cum indigeat exterioribus sensibilibus ad sentiendum.

ARTICULUS III. 364

Utrum anime brutorum animalium sint subsistentes.

II. com. cap. lxxx. & lxxxii. & IV. cap. xxxix.

AD tertium sic proceditur. Videtur quod anime brutorum animalium sint subsistentes. Homo enim convenit in genere cum aliis animalibus. Sed anima hominis est aliquid subsistens, ut ostensum est (art. præc.) Ergo & anime aliorum animalium sunt subsistentes.

2. Præterea. Similiter se habet sensiti-

vum ad sensibilia, sicut intellectivum ad intelligibilia. Sed intellectus intelligit intelligibilia sine corpore. Ergo & sensus apprehendit sensibilia sine corpore. Animæ autem brutorum animalium sunt sensitivæ. Ergo sunt subsistentes pari ratione qua & anima hominis, quæ est intellectiva.

3. Præterea. Brutorum animalium anima movet corpus. Corpus autem non movet, sed movetur. Anima ergo bruti habet aliquam operationem sine corpore.

Sed contra est quod dicitur in Lib. de eccl. dogmat. (cap. xvi. & xvii.) *Solum hominem credimus habere animam subsistentem; animalium vero anime non sunt subsistentes.*

Respondetur dicendum, quod antiqui Philosophi nullam distinctionem ponebant inter sensum, & intellectum: & utrumque corporeo principio attribuebant, ut dictum est (quæst. I. art. 1.)

Plato autem distinguit inter intellectum, & sensum; utrumque tamen attribuit principio incorporeo, ponens, quod sicut intelligere, ita & sentire convenit animæ secundum seipsam: & ex hoc sequatur quod etiam anime brutorum animalium sunt subsistentes.

Sed Aristoteles (Lib. I. de Anima text. 66. & Lib. III. text. 6. & 7.) posuit, quod solum intelligere inter opera animæ sine organo corporeo exercetur. Sentire vero, & consequentes operationes animæ sensitivæ manifeste accidunt cum aliqua corporis immutatione; sicut in videndo immutatur pupilla per speciem coloris; & idem apparet in aliis. Et sic manifestum est quod anima sensitiva non habet aliquam operationem propriam per seipsam; sed omnis operatio sensitivæ animæ est coniuncta. Ex quo relinquitur quod, cum anime brutorum animalium per se non operentur, non sint subsistentes: similiter enim unumquodque habet esse, & operationem.

Ad primum ergo dicendum, quod homo etiam convenit in genere cum aliis animalibus; specie tamen differt. Differentia autem speciei attenditur secundum differentiam formæ. Nec oportet quod omnis differentia formæ faciat generis diversitatem.

Ad secundum dicendum, quod sensitivum quodammodo se habet ad sensibilia, sicut intellectivum ad intelligibilia, inquantum scilicet utrumque est in potentia ad sua obiecta. Sed quodammodo dissimiliter se habent, inquantum sensiti-

vum patitur a sensibili cum corporis immutatione. Unde excellentia sensibilibum corrumpit sensum: quod in intellectu non contingit. Nam intellectus intelligens maxima intelligibilia magis potest postmodum intelligere minora. Si vero in intelligendo fatigetur corpus, hoc est per accidens, in quantum intellectus indiget operatione virium sensitivarum, per quas ei phantasmata præparentur.

Ad tertium dicendum, quod vis motiva est duplex. Una, quæ imperat motum, scilicet appetitiva: & huius operatio in anima sensitiva non est sine corpore; sed ira, & gaudium, & huiusmodi passionnes sunt cum aliqua corporis immutatione. Alia vis motiva est exequentis motum, per quam membra redduntur habilia ad obediendum appetitui, cuius actus non est movere, sed moveri. Unde patet quod movere non est actus animæ sensitivæ sine corpore.

ARTICULUS IV. 365

Utrum anima sit homo.

III. dist. 4. quæst. 111. art. 2. & dist. XXII. quæst. 1. art. 1. corp. & II. com. cap. lvi. & pot. quæst. 24. art. 10. corp.

AD quartum sic proceditur. Videtur quod anima sit homo. Dicitur enim II. ad Cor. iv. 16. *Licet is qui foris est, nosse homo corrumpatur; tamen is qui intus est, renouatur de die in diem.* Sed id quod est intus in homine, est anima. Ergo anima est homo interior.

2. Præterea. Anima humana est substantia quædam. Non autem est substantia universalis. Ergo est substantia particularis: ergo est hypostasis, vel persona. Sed non nisi humana. Ergo anima est homo: nam persona humana est homo.

Sed contra est quod Augustinus XIX. de civ. Dei (cap. 111.) commendat Varonem, quod hominem nec animam sciam, nec solum corpus, sed animam simul, & corpus esse arbitrabatur.

Respondetur dicendum, quod animam esse hominem dupliciter potest intelligi. Uno modo, quod homo sit anima, sed hic homo non sit anima, sed compositum ex anima, & corpore, puta Socrates. Quod ideo dico, quia quidam posuerunt, solam formam esse de ratione speciei; materiam vero esse partem individui, & non speciei.

Quod quidem non potest esse verum. Nam ad naturam speciei pertinet id quod

significat definitio. Definitio autem in rebus naturalibus non significat formam tantum, sed formam, & materiam. Unde materia est pars speciei in rebus naturalibus, non quidem materia signata, quæ est principium individuationis, sed materia communis. Sicut enim de ratione huius hominis est quod sit ex hac anima, & his carnibus, & his ossibus; ita de ratione hominis est quod sit ex anima, & carnibus, & ossibus: oportet enim de substantia speciei esse quicquid est communiter de substantia omnium individuum sub specie contentorum.

Alio vero modo potest intelligi sic quod etiam hæc anima sit hic homo: & hoc quidem sustineri posset, si poneretur, quod animæ sensitivæ operatio esset eius propria sine corpore: quia omnes operationes quæ attribuntur homini, convenirent soli animæ. Illud autem est unaquæque res quod operatur operationes illius rei: unde illud est homo quod operatur operationes hominis. Oñsum est autem (art. præc.) quod sentire non est operatio animæ tantum. Cum igitur sentire sit quædam operatio hominis, licet non propria, manifestum est quod homo non est anima tantum, sed aliquid et compositum ex anima, & corpore.

Plato vero sponens sentire esse proprium animæ, ponere potuit quod homo esset anima utens corpore.

Ad primum ergo dicendum, quod secundum Philosophum in IX. Ethic. (cap. viii. a med.) illud potissime videtur esse unumquodque quod est principale in ipso; sicut quod facit rector civitatis, dicitur civitas facere. Et hoc modo aliquando quod est principale in homine, dicitur homo: aliquando quidem pars intellectiva secundum rei veritatem; quæ dicitur homo interior, aliquando vero pars sensitiva cum corpore secundum estimationem quorundam, qui solum circa sensibilia detinentur. Et hic dicitur homo exterior.

Ad secundum dicendum, quod non quælibet substantia particularis est hypostasis, vel persona, sed quæ habet completam naturam speciei. Unde manus, vel pes non potest dici hypostasis, vel persona; & similiter nec anima, cum sit pars speciei humanæ.

ARTICULUS V. 366

*Utrum anima sit composita ex materia,
& forma.*

I. dist. VIII. quest. v. art. 2. & II. dist. XVII. quest. 1. art. 2. & II. cont. cap. XLIX. & quod. XII. quest. VIII. & quod. VIII. quest. VII. art. 1. & sp. art. 1. & de anima art. 6. & opusc. XXX.

AD quintum sic proceditur. Videtur quod anima sit composita ex materia, & forma. Potentia enim contra actum dividitur. Sed omnia quaecumque sunt in actu, participant primum actum, qui Deus est: per cuius participationem omnia sunt & bona, & entia, & vivencia, ut patet per doctrinam Dionysii in Lib. de div. Nom. (cap. v. lect. 2.) Ergo quaecumque sunt in potentia, participant primam potentiam. Sed prima potentia est materia prima. Cum ergo anima humana sit quodammodo in potentia (quod apparet ex hoc quod homo quandoque est intelligens in potentia) videtur quod anima humana participet materiam primam tanquam partem sui.

2. Præterea. In quocumque inveniuntur proprietates materiæ, ibi invenitur materia. Sed in anima inveniuntur proprietates materiæ, quæ sunt subiecti, & transmutari: subicitur enim scientiæ, & virtuti, & mutatur de ignorantia ad scientiam, & de vitio ad virtutem. Ergo in anima est materia.

3. Præterea. Illa quæ non habent materiam, non habent causam sui esse, ut dicitur in VIII. Metaph. (text. 16.) Sed anima habet causam sui esse, quia creatur a Deo. Ergo anima habet materiam.

4. Præterea. Quod non habet materiam, sed est forma tantum, est actus purus, & infinitus. Hoc autem solum Dei est. Ergo anima habet materiam.

Sed contra est quod Augustinus probat in VII. super Gen. ad litt. (cap. VI. VII. & VIII.) quod anima non est facta nec ex materia corporali, nec ex materia spiritali.

Respondendo dicendum, quod anima non habet materiam: & hoc potest considerari dupliciter. Primo quidem ex ratione animæ in communi. Est enim de ratione animæ quod sit forma alicuius corporis. Aut igitur est forma secundum se totam, aut secundum aliquam partem

sui. Si secundum se totam, impossibile est quod pars eius sit materia; si dicatur materia aliquod ens in potentia tantum: quia forma, inquantum forma, est actus: id autem quod est in potentia tantum, non potest esse pars actus, cum potentia repugnet actui, utpote contra actum divisa. Si autem sit forma secundum aliquam partem sui, illam partem dicemus esse animam; & illam materiam, cuius primo est actus, dicemus esse primum animatum. Secundo specialiter ex ratione humanæ animæ, inquantum est intellectiva. Manifestum est enim quod omne quod recipitur in aliquo, recipitur in eo per modum recipientis. Sic autem cognoscitur unumquodque, sicut forma eius est in cognoscente. Anima autem intellectiva cognoscit rem aliquam in sua natura absoluta, puta lapidem, inquantum est lapis absolute. Est igitur forma lapidis absolute secundum propriam rationem formalem in anima intellectiva. Anima igitur intellectiva est forma absoluta, non autem aliquid compositum ex materia, & forma. Si enim anima intellectiva esset composita ex materia, & forma, formæ rerum reciperentur in ea ut individuales: & sic non cognosceret nisi singulare, sicut accidit in potentia sensitiva, quæ recipiunt formas rerum in organo corporali. Materia enim est principium individuationis formarum. Relinquitur ergo quod anima intellectiva, & omnis intellectualis substantia cognoscens formas absolute caret compositione formæ, & materiæ.

Ad primum ergo dicendum, quod primum actus est universale principium omnium actuum: quia est infinitum virtualiter, in se omnia præhabens, ut dicit Dionysius (loc. cit. in arg.) Unde participatur a rebus, non sicut pars, sed secundum diffusionem (a) processionis ipsius. Potentia autem, cum sit receptiva actus, oportet quod actui proportionetur. Actus vero recepti, qui procedunt a primo actu infinito, & sunt quædam participationes eius, sunt diversi. Unde non potest esse potentia una quæ recipiat omnes actus, sicut est unus actus influens omnes actus participatos: alioquin potentia receptiva adæquaret potentiam activam primi actus. Est autem alia potentia receptiva in anima intellectiva a potentia receptiva materiæ primæ, ut patet ex diversitate receptorum: nam

(a) Ita ed. Ald. cum edit. Romana. Cod. Tarraç. & edithæc reliqua secundum diffusionem, & processionem ipsius.

materia prima recipit formas individuales, intellectus autem recipit formas absolutas. Unde talis potentia in anima intellectiva existens non offendit quod anima sit composita ex materia, & forma.

Ad secundum dicendum, quod subijci, & transmutari convenit materiae, secundum quod est in potentia. Sicut ergo est alia potentia intellectus, & alia potentia materiae primae; ita est alia ratio subijciendi, & transmutandi. Secundum hoc enim intellectus subijciatur scientiae, & transmutatur de ignorantia ad scientiam, secundum quod est in potentia ad species intelligibiles.

Ad tertium dicendum, quod forma est causa efficiendi materiae, & agens: unde agens, inquantum reducit materiam in actum formae transmutando, est ei causa efficiendi. Si quid autem est forma subsistens, non habet esse per aliquod formale principium, nec habet causam transmutantem de potentia in actum. Unde post verba praemissa Philosophus concludit, quod in his quae sunt composita ex materia, & forma, nulla est alia causa nisi movens ex potentia ad actum; quaecumque vero non habens materiam, omnia simpliciter entia sunt ipsum quid.

Ad quartum dicendum, quod omne participatum comparatur ad participans ut actus eius. Quaecumque autem forma creata per se subsistens ponatur, oportet quod participet esse: quia etiam ipsa vita, vel quicquid sic diceretur, participat ipsum esse, ut dicitur Dionysius v. cap. de div. Nomin. (lect. 2.) Esse autem participatum finitur ad capacitatem participantis. Unde solus Deus, qui est ipsum suum esse, est actus purus, & infinitus. In substantiis vero intellectuales est compositio ex actu, & potentia: non quidem ex materia, & forma; sed ex forma, & esse participato. Unde a quibusdam dicuntur componi ex quo est, & quod est: ipsum enim esse est quo aliquid est.

ARTICULUS VI. 367

Utrum anima humana sit incorruptibilis.

1. 2. quæst. lxxxv. art. 6. & II. dist. xix. art. 1. & II. contra cap. lxxviii. lxxix. & lxxxii. & quol. x. quæst. lxi. art. 2. & de anima art. 14.

Ad sextum sic proceditur. Videtur quod anima humana sit corruptibilis.

lis. Quorum enim est simile principium, & similis processus, videtur esse similis finis. Sed simile est principium generationis hominum, & iumentorum, quia de terra facta sunt: similis est etiam vitæ processus in utriusque, quia similiter spirant omnia, & nihil habet bono iumento amplius, ut dicitur Eccle. iii. 19. Ergo, ut ibidem concluditur, unus est interioris hominis, & iumentorum, & equus (a) utriusque conditio. Sed anima brutorum animalium est corruptibilis. Ergo & anima humana est corruptibilis.

2. Præterea. Omne quod est ex nihilo, vertibile est in nihilum: quia finis debet respondere principio. Sed, sicut dicitur Sap. ii. 2, ex nihilo nati sumus: quod verum est non solum quantum ad corpus, sed etiam quantum ad animam. Ergo, ut ibidem concluditur, post hoc erimus, tanquam non fuerimus, etiam secundum animam.

3. Præterea. Nulla res est sine propria operatione. Sed propria operatio animæ, quæ est intelligere cum phantasmate, non potest esse sine corpore: nihil enim sine phantasmate intelligit anima; phantasma autem non est sine corpore, ut dicitur in II. de Anima (text. 160.) Ergo anima non potest remanere, destructo corpore.

Sed contra est quod Dionysius dicit iv. cap. de div. Nom. (lect. 1.) quod animæ humanæ habent ex bonitate divina quod sunt intellectuales, & quod habeant substantialem vitam incorruptibilem.

Respondeo dicendum, quod necesse est dicere, animam humanam, quam dicimus intellectivum principium, esse incorruptibilem.

Dupliciter enim aliquid corrumpitur, uno modo per se, alio modo per accedens. Impossibile est autem aliquid subsistens generari, aut corrumpi per accedens, idest aliquo generato, vel corrupto. Sic enim competit alicui generari, & corrumpi, sicut & esse, quod per generationem acquiritur, & per corruptionem amittitur. Unde quod per se habet esse, non potest generari, vel corrumpi nisi per se. Quæ vero non subsistunt, ut accidentia, & formæ materiales, dicuntur fieri, & corrumpi per generationem, & corruptionem compositorum. Oñsum est autem supra (art. 3. huius quæst.) quod animæ brutorum non sunt per se subsistentes, sed sola anima humana, Unde animæ brutorum corrumpuntur,

ff 4

(a) Pulgata utriusque.

tur, corruptis corporibus; anima autem humana non posset corrumpi, nisi per se corrumpere. Quod quidem omnino est impossibile non solum de ipsa, sed de quolibet subsistente, quod est forma tantum. Manifestum est enim quod id quod secundum se convenit alicui, est inseparabile ab ipso. Esse autem per se convenit formæ, quæ est actus. Unde materia secundum hoc acquirit esse in actu, quod acquirit formam; secundum hoc autem accidit in ea corruptio, quod separatur forma ab ea. Impossibile est autem quod forma separaretur a seipsa; unde impossibile est quod forma subsistens debeat esse.

Dato etiam quod anima esset ex materia, & forma composita, ut quidam dicunt, adhuc oportet ponere eam incorruptibilem. Non enim invenitur corruptio, nisi ubi invenitur contrarietas: generationes enim, & corruptiones ex contrariis, & in contraria sunt. Unde corpora cælestia, quia non habent materiam contrarietati subiectam, incorruptibilia sunt. In anima autem intellectiva non potest esse aliqua contrarietas: recipit enim secundum modum sui esse. Ea vero quæ in ipsa recipiuntur, sunt absque contrarietate: quia etiam rationes contrariorum in intellectu non sunt contrariæ, sed est una scientia contrariorum. Impossibile est ergo quod anima intellectiva sit corruptibilis.

Potest etiam huius rei accipi signum ex hoc quod unumquodque naturaliter suo modo esse desiderat. Desiderium autem in rebus cognoscens sequitur cognitionem. Sensus autem non cognoscit esse nisi sub hic & nunc. Sed intellectus apprehendit esse absolute, & secundum omne tempus. Unde omne habens intellectum naturaliter desiderat esse semper. Naturale autem desiderium non potest esse inane. Omnis igitur intellectualis substantia est incorruptibilis.

Ad primum ergo dicendum, quod Salomon inducit rationem illam ex persona insipientium, ut exprimitur Sapient. 11. Quod ergo dicitur, quod homo, & alia animalia habent simile generationis principium, verum est quantum ad corpus, similiter enim de terra facta sunt omnia animalia; non autem quantum ad animam. Nam anima brutorum producit ex virtute aliqua corporea, anima vero humana a Deo: & ad hoc significandum dicitur Genes. 1. quantum ad alia animalia: *Producat terra animam viventem*. Quan-

tum vero ad hominem dicitur, quod *inspiravit in faciem eius spiritum vivæ*. Et ideo concluditur Eccle. ult. 7. *Revertatur pulvis in terram suam, unde erat; & spiritus redeat ad Deum, qui dedit illum*. Similiter processus vitæ est similis quantum ad corpus: ad quod pertinet quod dicitur Eccle. 111. 19. *Similiter spirant omnia: & Sapient. 11. 2. Fumus, & flatus est in naribus nostris* &c. Sed non est similis processus quantum ad animam: quia homo intelligit, non autem animalia bruta. Unde falsum est quod dicitur (Eccle. 111. 19.) *Nihil habet homo iumento amplius*. Et ideo similis est interitus quantum ad corpus, sed non quantum ad animam.

Ad secundum dicendum, quod sicut posse creari dicitur aliquid non per potentiam passivam, sed solum per potentiam activam creatis, qui ex nihilo potest aliquid producere; ita cum dicitur aliquid veribile in nihil, non importatur in creatura potentia ad non esse, sed in creatore potentia ad hoc quod esse non influat. Dicitur autem aliquid corruptibile per hoc quod inest ei potentia ad non esse.

Ad tertium dicendum, quod intelligere cum phantasmate est propria operatio animæ, secundum quod corpori est unita. Separata autem a corpore habebit alium modum intelligendi similem alijs substantiis a corpore separatis, ut infra melius patebit (quæst. lxxxix. art. 1.).

ARTICULUS VII. 368

Utrum anima, & Angelus sint unius speciei.

II. dist. 111. quæst. 1. art. 6. & dist. xvii. quæst. 111. art. 1. & II. cont. cap. xcii. & xciii. fin. & Lib. IV. cap. xxxii. & de anima art. 7.

AD septimum sic proceditur. Videtur quod anima, & Angelus sint unius speciei. Unumquodque enim ordinatur ad proprium finem per naturam suæ speciei, per quam habet inclinationem ad hunc. Sed idem est finis animæ, & Angelus, scilicet beatitudo æterna. Ergo sunt unius speciei.

2. Præterea. Ultima differentia specifica est nobilissima, quia complet rationem speciei. Sed nihil est nobilius in Angelo, & anima quam intellectuale esse. Ergo conveniunt anima, & Angelus in ultima differentia specifica: ergo sunt unius speciei.

3. Præterea. Anima ab Angelo differ-

re

re non videtur nisi per hoc quod est corpori unita. Corpus autem, cum sit extrinsecum animæ, non videtur ad eius speciem pertinere. Ergo anima, & Angelus sunt unius speciei.

Sed contra. Quorum sunt diversæ operationes naturales, ipsa differunt specie. Sed animæ, & Angeli sunt diversæ operationes naturales: quia, ut dicit Dionysius VII. cap. de divin. Nom. (a princ. lect. 2.) *mentes angelicæ simplices, & boni intellectus habent, non de corporebus congregantur divinarum cognitionem*: cuius contrarium postmodum de anima dicit. Anima igitur, & Angelus non sunt unius speciei.

Respondeo dicendum, quod Origenes (Lib. I. Periarch. cap. v. & VIII.) posuit, omnes animas humanas, & Angelos esse unius speciei: & hoc ideo quia posuit diversitatem gradus in huiusmodi substantiis inventam accidentalem, utpote ex libero arbitrio provenientem, ut supra dictum est (quæst. XIVII. art. 2.)

Quod non potest esse: quia in substantiis incorporeis non potest esse diversitas secundum numerum absque diversitate secundum speciem, & absque naturali inæqualitate: quia cum non sint compositæ ex materia, & forma, sed sint formæ subsistentes; manifestum est quod necesse erit in eis esse diversitatem in specie. Non enim potest intelligi quod aliqua forma separata sit nisi una unius speciei; sicut si esset albedo separata, non posset esse nisi una tantum: hæc enim albedo non differt ab illa, nisi per hoc quod est huius, vel illius. Diversitas autem secundum speciem semper habet diversitatem naturalem concomitantem, sicut in speciebus colorum unus est perfectior altero, & similiter in aliis. Et hoc ideo quia differentie dividentes genus sunt contrariæ. Contraria autem se habent secundum perfectum, & imperfectum: quia principium contrarietatis est privatio, & habitus, ut dicitur in X. Metaph. (text. 15. & 16.) Idem etiam sequeretur, si huiusmodi substantiæ essent compositæ ex materia, & forma. Si enim materia huius distinguitur a materia illius, necesse est quod vel forma sit principium distinctionis materiæ, ut scilicet materiæ sint diversæ propter habitudinem ad diversas formas; & tunc sequitur adhuc diversitas secundum speciem, & inæqualitas naturalis: vel materia erit principium distinctionis formarum. Nec potest dici materia hæc alia ab illa nisi secundum

distinctionem quantitativam, quæ non habet locum in substantiis incorporeis, cuiusmodi sunt Angelus, & anima. Unde non potest esse quod Angelus, & anima sint unius speciei.

Quomodo autem sint plures animæ unius speciei, infra ostenditur (quæst. seq. art. 2. ad 1.)

Ad primum ergo dicendum, quod ratio illa procedit de fine proximo, & naturali. Beatitudo autem æterna est finis ultimus, & supernaturalis.

Ad secundum dicendum, quod differentia specifica ultima est nobilissima, inquantum est maxime determinata, per modum quo actus est nobilior potentia. Sic autem intellectualem non est nobilissimum, quia est indeterminatum, & commune ad multos intellectualitatis gradus, sicut sensibile ad multos gradus in eis sensibili. Unde sicut non omnia sensibilia sunt unius speciei, ita nec omnia intellectualia.

Ad tertium dicendum, quod corpus non est de essentia animæ; sed anima ex natura suæ essentia habet quod sit corpori unibilis: unde nec proprie anima est in specie, sed compositum. Et hoc ipsum quod anima quodammodo indiget corpore ad suam operationem, ostendit quod anima tenet inferiorem gradum intellectualitatis quam Angelus, qui corpori non unitur.

QUAESTIO LXXVI.

*De unione anima ad corpus,
in octo articulis divisa.*

DEinde considerandum est de unione animæ ad corpus: & circa hoc quaeruntur octo.

Primo, utrum intellectivum principium uniatur corpori ut forma.

Secundo, utrum intellectivum principium numero multiplicetur secundum multiplicationem corporum, vel sit unus intellectus omnium hominum.

Tertio, utrum in corpore, cuius forma est principium intellectivum, sit aliqua alia anima.

Quarto, utrum sit in eo aliqua alia forma substantialis.

Quinto, quale debeat esse corpus cuius intellectivum principium est forma.

Sexto, utrum tali corpori uniatur mediante aliquo alio corpore.

Septimo, utrum mediante aliquo accedente.

Octa-

Octavo, utrum anima sit tota in qua-
libet parte corporis.

ARTICULUS I. 369

*Utrum intellectivum principium uniatur
corpori ut forma.*

*II. cont. cap. lvi. lxxviii. lxx. lxxi. & lxxii.
¶ Quod. xlii. art. 10. & sp. art. 2. & de ani-
ma art. 9. & episc. 11. cap. lxxx.*

AD primum sic proceditur. Videtur
quod intellectivum principium non
uniatur corpori ut forma. Dicit enim
Philosophus in III. de Anima (text. 6.
& 7.) quod intellectus est separatus, &
quod nullius corporis est actus. Non ergo
uniatur corpori ut forma.

2. Præterea. Omnis forma determina-
tur secundum naturam materiæ cuius est
forma: alioquin non requireretur pro-
portio inter materiam & formam. Si
ergo intellectus uniretur corpori ut for-
ma, cum omne corpus habeat determina-
tam naturam, sequeretur quod intelle-
ctus haberet determinatam naturam; &
sic non esset omnium cognoscitivus, ut
ex superioribus patet (quæst. præc. art.
2. & 5.) quod est contra rationem intel-
lectus. Non ergo intellectus uniatur
corpori ut forma.

3. Præterea. Quæcumque potentia re-
ceptiva est actus alicuius corporis, reci-
pit formam materialiter, & individuali-
ter: quia receptum est in recipiente se-
cundum modum recipientis. Sed forma
rei intellectus non recipitur in intellectu
materialiter, & individualiter, sed ma-
gis immaterialiter, & universaliter: alio-
quin intellectus non esset cognoscitivus
immaterialium, & universalium, sed sin-
gularium tantum, sicut & sensus. Intel-
lectus ergo non uniatur corpori ut forma.

4. Præterea. Eiusdem est potentia, &
actio: idem enim est quod potest agere,
& quod agit. Sed actio intellectualis non
est alicuius corporis, ut ex superioribus
patet (quæst. præc. art. 2.) Ergo nec
potentia intellectiva est alicuius corporis
potentia. Sed virtus, sive potentia non
potest esse abstractior, vel simplicior
quam essentia, e qua virtus, vel poten-
tia derivatur. Ergo nec substantia intel-
lectus est corporis forma.

5. Præterea. Id quod secundum se ha-
bet esse, non uniatur corpori ut forma:
quia forma est quod aliquid est; & sic
ipsum esse formæ non est ipsius formæ
secundum se. Sed intellectivum princi-

pium habet secundum se esse, & est sub-
sistens, ut supra dictum est (quæst. lxxv.
art. 2.) Non ergo uniatur corpori ut
forma.

6. Præterea. Id quod inest alicui rei
secundum se, semper inest ei. Sed for-
mæ secundum se inest uniuri materiæ:
non enim per accedens aliquid, sed per
essentiam suam est actus materiæ: alio-
quin ex materia, & forma non fieret
unum substantialiter, sed accidentaliter.
Forma ergo non potest esse sine propria
materia. Sed intellectivum principium,
cum sit incorruptibile, ut supra osten-
sum est (quæst. lxxv. art. 6.) remanet
corpori non unitum, corpore corrupto.
Ergo intellectivum principium non uni-
tur corpori ut forma.

Sed contra. Secundum Philosophum in
VIII. Metaphysic. (text. 6.) differentia
sumitur a forma rei. Sed differentia con-
stitutiva hominis est rationale, quod di-
citur de homine ratione intellectivi prin-
cipii. Intellectivum ergo principium est
forma hominis.

Respondeo dicendum, quod necesse est
dicere, quod intellectus, qui est intelle-
ctualis operationis principium, sit huma-
ni corporis forma. Illud enim quo pri-
mo aliquid operatur, est forma eius cui
operatio attribuitur; sicut quo primo sa-
natur corpus, est sanitas; & quo primo
scit anima, est scientia: unde sanitas
est forma corporis, & scientia animæ.
Et huius ratio est, quia nihil agit nisi
secundum quod est actu. Unde quo ali-
quid est actu, eo agit. Manifestum est
autem quod primum quo corpus vivit,
est anima. Et cum vita manifestetur se-
cundum diversas operationes in diversis
gradibus viventium, id quo primo ope-
ramur unumquodque horum operum vi-
tæ, est anima. Anima enim est primum
quo nutrimur, & sentimus, & movemur
secundum locum, & similiter quo primo
intelligimus. Hoc ergo principium quo
primo intelligimus, sive dicatur intel-
lectus, sive anima intellectiva, est forma
corporis. Et hæc est demonstratio Ari-
stotelis in II. de Anima (text. 24.) Si
quis autem velit dicere animam intel-
lectivam non esse corporis formam, opor-
tet quod inveniat modum quo ista actio,
quæ est intelligere, sit huius hominis
actio. Experiunt enim unusquisque seip-
sum esse qui intelligit.

Attribuitur autem aliqua actio alicui
tripliciter, ut patet per Philosophum V.
Physic. (text. 1.) Dicitur enim movere
ali-

aliquid, aut agere vel secundum se totum, sicut medicus sanat; aut secundum partem, sicut homo videt per oculum; aut per accidens, sicut dicitur, quod album ædificat, quia accidit ædificatori esse album. Cui igitur dicimus, Socratem, aut Platonem intelligere, manifestum est quod non attribuitur ei per accidens: attribuitur enim ei, inquantum est homo, quod essentialiter prædicatur de ipso. Aut ergo oportet dicere, quod Socrates intelligit secundum se totum, sicut Plato posuit, dicens (in 1. Alcib.) hominem esse animam intellectuam: aut oportet dicere, quod intellectus sit aliqua pars Socratis.

Et primum quidem stare non potest, ut supra ostensum est (quæst. lxxv. art. 4.) propter hoc quod ipse idem homo est qui percipit se intelligere, & sentire. Sentire autem non est sine corpore. Unde oportet corpus aliquam esse hominis partem.

Relinquitur ergo quod intellectus, quo Socrates intelligit, est aliqua pars Socratis, ita quod intellectus aliquo modo corpori Socratis uniatur. Hanc autem opinionem Commentator in III. de Anima (comment. 36.) dicit esse per speciem intelligibilem: quæ quidem habet duplex subiectum, unum scilicet intellectum possibilem, & aliud ipsa phantasmata, quæ sunt in organis corporeis. Et sic per speciem intelligibilem continuatur intellectus possibilis corpori huius vel illius hominis. Sed ista continuatio, vel unio non sufficit ad hoc quod actio intellectus sit actio Socratis. Et hoc patet per similitudinem in sensu, ex quo Aristoteles procedit ad considerandum ea quæ sunt intellectus. Sic enim se habent phantasmata ad intellectum, ut dicitur in III. de Anima (text. 18. & 30.) sicut colores ad visum. Sicut ergo species colorum sunt in visu, ita species phantasmatum sunt in intellectu possibili. Patet autem quod ex hoc quod colores sunt in pariete, quorum similitudines sunt in visu, actio visus non attribuitur parieti: non enim dicimus, quod paries videat, sed magis quod videatur. Ex hoc ergo quod species phantasmatum sunt in intellectu possibili, non sequitur quod Socrates, in quo sunt phantasmata, intelligat; sed quod ipse, vel eius phantasmata intelligantur.

Quidam autem dicere voluerunt, quod intellectus uniatur corpori ut motor; & sic ex intellectu, & corpore fit unum,

ut actio intellectus toti attribui possit. Sed hoc est multipliciter vanum.

Primo quidem quia intellectus non movet corpus nisi per appetitum, cuius motus præsupponit operationem intellectus. Non ergo quia movetur Socrates ab intellectu, ideo intelligit; sed potius e converso, quia intelligit, ideo ab intellectu movetur Socrates.

Secundo quia cum Socrates sit quoddam individuum in natura, cuius essentia est una, composita ex materia, & forma, si intellectus non sit forma eius, sequitur quod sit præter essentiam eius; & sic intellectus comparabitur ad totum Socratem sicut motor ad motum. Intelligere autem est actio quiescens in agente, non autem transiens in alterum, sicut calefactio. Non ergo intelligere potest attribui Socrati propter hoc quod est motus ab intellectu.

Tertio quia actio motoris nunquam attribuitur moto nisi sicut instrumento, sicut actio carpentarii ferræ. Si igitur intelligere attribuitur Socrati, quia est actio motoris eius, sequitur quod attribuat ei sicut instrumento: quod est contra Philosophum (I. de Anima text. 12.) qui vult quod intelligere non sit per instrumentum corporeum.

Quarto quia licet actio partis attribuat toti, ut actio oculi homini; nunquam tamen attribuitur alii parti, nisi forte per accidens: non enim dicimus, quod manus videat, propter hoc quod oculus videt. Si ergo ex intellectu, & Socrate fit unum, actio intellectus non potest attribui Socrati. Si vero Socrates est totum, quod componitur ex unione intellectus ad reliqua quæ sunt Socratis, & tamen intellectus non unitur aliis quæ sunt Socratis nisi sicut motor; sequitur quod Socrates non sit unum simpliciter, & per consequens nec ens simpliciter: sic enim aliquid est ens, quomodo & unum.

Relinquitur ergo solus modus quem Aristoteles ponit (Lib. II. de Anima text. 25. & 26.) quod hic homo intelligit, quia principium intellectivum est forma ipsius. Sic ergo ex ipsa operatione intellectus apparet quod intellectus principium unitur corpori ut forma.

Potest etiam idem manifestari ex ratione speciei humanæ. Natura enim universalis cuiusque rei eius operatione ostenditur. Propria autem operatio hominis, inquantum est homo, est intelligere: per hanc enim omnia alia animalia

lia transcendit. Unde & Aristoteles in Lib. X. Ethic. (cap. vii.) in hac operatione, sicut in propria hominis, ultimam felicitatem constituit. Oportet ergo quod homo secundum illud speciem fortitur quod est huius operationis principium. Sortitur autem unumquodque speciem per propriam formam. Relinquitur ergo quod intellectuum principium sit propria hominis forma.

Sed considerandum est, quod quanto forma est nobilior, tanto magis dominatur materię corporali, & minus ei immergitur, & magis sua operatione, vel virtute excedit eam: unde videmus quod forma mixti corporis habet aliam operationem, quę non causatur ex qualitatibus elementaribus. Et quanto magis proceditur in nobilitate formarum, tanto magis invenitur virtus formę materiam elementarem excedere, sicut anima vegetabilis plus quam forma elementaris, & anima sensibilis plus quam anima vegetabilis. Anima autem humana est ultima in nobilitate formarum. Unde tantum sua virtute excedit materiam corporealem quod habet aliquam operationem, & virtutem in qua nullo modo communicat materia corporalis: & hæc virtus dicitur intellectus.

Est autem attendendum, quod si quis poneret animam componi ex materia, & forma, nullo modo posset dicere, animam esse formam corporis. Cum enim forma sit actus, materia vero sit ens in potentia tantum, nullo modo id quod est ex materia, & forma compositum, posset esse alterius forma secundum se totum. Si autem secundum aliquid fuit forma, id quod est forma, dicimus animam, & id cuius est forma, dicimus primum animatum, ut supra dictum est (quaest. lxxv. art. 5.)

Ad primum ergo dicendum, quod, sicut Philosophus dicit in II. Physic. (text. 26.) ultima formarum naturalium ad quam terminatur consideratio Philosophi naturalis, scilicet anima humana, est quidem separata, sed tamen in materia. Quod ex hoc probat quia homo ex materia generatur hominem, & Sol. Separata quidem est secundum virtutem intellectivam: quia virtus intellectiva non est virtus alicuius organi corporalis, sicut virtus visiva est actus oculi: intelligere enim est actus qui non potest exerceri per organum corporale, sicut exercetur visio. Sed in materia est, inquantum ipsa anima, cuius est hæc vir-

tus, est corporis forma, & terminus generationis humanę. Sic ergo Philosophus dicit in III. de Anima (loc. cit. in arg.) quod intellectus est separatus, quia non est virtus alicuius organi corporalis.

Et per hoc patet responso ad secundum, & tertium. Sufficit enim ad hoc quod homo possit intelligere omnia per intellectum, & ad hoc quod intellectus intelligat omnia immaterialia, & universalia, quod virtus intellectiva non est corporis actus.

Ad quartum dicendum, quod humana anima non est forma in materia corporali immateria, vel ab ea totaliter comprehensa, propter suam perfectionem: & ideo nihil prohibet aliquam eius virtutem non esse corporis actum, quamvis anima secundum suam essentialitatem sit corporis forma.

Ad quintum dicendum, quod anima illud esse in quo subsistit, communicat materię corporali: ex qua, & anima intellectiva sit unum; ita quod illud esse quod est totius compositi, est etiam ipsius animę: quod non accidit in aliis formis, quę non sunt subsistentes: & propter hoc anima humana remanet in suo esse, destructo corpore; non autem alię formę.

Ad sextum dicendum, quod secundum se convenit animę corpori uniri, sicut secundum se convenit corpori levi esse sursum. Et sicut corpus leve manet quidem leve, cum a loco proprio fuerit separatum, cum aptitudine tamen, & inclinatione ad proprium locum; ita anima humana manet in suo esse, cum fuerit a corpore separata, habens aptitudinem, & inclinationem naturalem ad corporis unionem.

ARTICULUS II. 370

Utrum intellectivum principium multiplicetur secundum multiplicationem corporum.

Infr. quaest. lxxix. art. 5. & II. dist. xvii. quaest. 11. art. 1. & II. cont. cap. lxxiii. & lxxv. & sp. art. 9. & 10. & de anima art. 3. & opusc. 11. cap. lxxxv. & lxxxvi. & opusc. xvi. per tot.

AD secundum sic proceditur. Videtur quod intellectivum principium non multiplicetur secundum multiplicationem corporum, sed sit unus intellectus in omnibus hominibus. Nulla enim substantia immaterialis multiplicatur secundum numerum in una specie. Anima autem hu-

humana est substantia immaterialis: non enim est composita ex materia, & forma, ut supra ostensum est (quaest. lxxv. art. 5.) Non ergo sunt multa in una specie, sed omnes homines sunt unius speciei. Est ergo unus intellectus omnium hominum.

2. Præterea. Remota causa, removeatur effectus. Si ergo secundum multiplicationem corporum multiplicarentur animæ humanæ, consequens videretur quod remotis corporibus multitudo animarum non remaneret, sed ex omnibus animabus remaneret aliquod unum solum: quod est hæreticum, periret enim differentia prætorum, & poëtarum.

3. Præterea. Si intellectus meus est alius ab intellectu tuo, intellectus meus est quoddam individuum, & similiter intellectus tuus: particularia enim sunt quæ differunt numero, & conveniunt in una specie. Sed omne quod recipitur in aliquo, est in eo per modum recipientis. Ergo species rerum in intellectu meo, & tuo recipientur individualiter: qui est contra rationem intellectus, qui est cognoscitivus universalium.

4. Præterea. Intellectus est in intellectu intelligente. Si ergo intellectus meus est alius ab intellectu tuo, oportet quod aliud sit intellectum a me, & aliud sit intellectum a te; & ita erit individualiter numeratum, & intellectus in potentia tantum; & oportebit abstrahere intentionem communem ab utroque: quia a quibuslibet diversis contingit abstrahere aliquod commune intelligibile: quod est contra rationem intellectus, quia sic non videretur distingui intellectus a virtute imaginativa. Videtur ergo relinqui quod sit unus intellectus omnium hominum.

5. Præterea. Cum discipulus accipit scientiam a magistro, non potest dici, quod scientia magistri generet scientiam in discipulo: quia sic etiam scientia esset forma activa, sicut calor; quod patet esse falsum. Videtur ergo quod eadem numero scientia quæ est in magistro, communetur discipulo: quod esse non potest, nisi sit unus intellectus utriusque. Videtur ergo quod sit unus intellectus discipuli, & magistri, & per consequens omnium hominum.

6. Præterea. Augustinus dicit in Lib. de quant. animæ (cap. xxxix. ad fin.) *Si plures tantum animas humanas dixerim, ipse me ridebo.* Sed maxime videtur anima esse una quantum ad intellectum. Ergo est unus intellectus omnium hominum.

Sed contra est quod Philosophus dicit in II. Physic. (text. 38.) quod sicut se habent causæ universales ad universalia, ita se habent causæ particulares ad particularia. Sed impossibile est quod una anima secundum speciem sit diversorum animalium secundum speciem. Ergo impossibile est quod anima intellectiva una numero sit diversorum secundum numerum.

Respondeo dicendum, quod intellectum esse unum omnium hominum omnino est impossibile.

Et hoc quidem patet, si secundum Platonis sententiam homo sit ipse intellectus. Sequeretur enim, si Socratis, & Platonis est unus intellectus tantum, quod Socrates, & Plato sint unus homo, & quod non distinguantur ab invicem, nisi per hoc quod est extra essentiam utriusque: & erit tunc distinctio Socratis, & Platonis non alia quam hominis truncati, & cappati: quod est omnino absurdum.

Similiter etiam patet hoc esse impossibile, si secundum sententiam Aristotelis (Lib. III. de Anima text. 52.) intellectus ponatur pars, seu potentia animæ, quæ est hominis forma. Impossibile est enim plurium numero diversorum esse unam formam, sicut impossibile est quod eorum sit unum esse: nam forma est essendi principium.

Similiter etiam patet hoc esse impossibile, quocumque modo quis ponat unionem intellectus ad hunc & ad illum hominem. Manifestum est enim quod si sit unus principale agens, & duo instrumenta: dici poterit unum agens simpliciter, sed plures actiones: sicut si unus homo tangat diversa duabus manibus, erit unus tangens, sed duo tactus. Si vero e converso instrumentum sit unum, & principales agentes diversi: dicentur quidem plures agentes, sed una actio; sicut si multi uno sunt trahant navem, erunt multi trahentes, sed unus tractus. Si vero agens principale sit unum, & instrumentum unum: dicetur unum agens, & una actio; sicut cum faber uno martello percutit, est unus percutiens, & una percussio. Manifestum est autem quod qualitercumque intellectus seu uniat, seu copuletur huic vel illi homini, intellectus inter cetera quæ ad hominem pertinent, principalitatem habet: obediunt enim vires sensitivæ intellectui, & ei deserviunt. Si ergo poneretur quod essent plures intellectus, & sensus unus
duo-

duorum hominum, puta si duo homines haberent unum oculum; essent quidem plures videntes, sed una visio. Si vero intellectus est unus, quantumcumque diversificentur alia, quibus omnibus intellectus utitur quasi instrumentis; nullo modo Socrates, & Plato poterunt dici nisi unus intelligens. Et si addamus, quod ipsum intelligere, quod est actio intellectus, non sit per aliquod aliud organum nisi per ipsum intellectum; sequetur ulterius quod sit & agens unum, & actio una, idest quod omnes homines sint unus intelligens, & omnium unum intelligere: dico autem respectu eiusdem intelligibilis. Posset autem diversificari actio intellectualis mea, & tua per diversitatem phantasmatum, quia scilicet aliud est phantasma lapidis in me, & aliud in te; si ipsum phantasma, secundum quod est aliud in me, & aliud in te, esset forma intellectus possibilis: quia idem agens secundum diversas formas producit diversas actiones, sicut secundum diversas formas rerum respectu eiusdem oculi sunt diversae visiones. Sed ipsum phantasma non est forma intellectus possibilis, sed species intelligibilis, quae a phantasmatis abstrahitur. In uno autem intellectu a phantasmatis diversis eiusdem speciei non abstrahitur nisi una species intelligibilis; sicut in uno homine apparet, in quo possunt esse diversa phantasmata lapidis, & tamen ab omnibus eis abstrahitur una species intelligibilis lapidis, per quam intellectus unius hominis operatione una intelligit naturam lapidis, non obstante diversitate phantasmatum. Si ergo unus intellectus esset omnium hominum, diversitates phantasmatum, quae sunt in hoc & in illo, non possent causare diversitatem intellectualis operationis huius & illius hominis, ut Commentator fingit in III. de Anima (comment. 36.) Relinquitur ergo quod omnino impossibile, & inconueniens est ponere unum intellectum omnium hominum.

Ad primum ergo dicendum, quod licet anima intellectiva non habeat materiam ex qua fit, sicut nec Angelus; tamen est forma materiae alicuius, quod Angelo non conuenit. Et ideo secundum divisionem materiae sunt multae animae unius speciei; multi autem Angeli unius speciei omnino esse non possunt.

Ad secundum dicendum, quod unumquodque hoc modo habet unitatem quod habet esse: & per. consequens idem est

iudicium de multiplicatione rei, & de esse ipsius. Manifestum est autem quod anima intellectualis secundum suum esse unitur corpori ut forma; & tamen, destructo corpore, remanet anima intellectualis in suo esse: & eadem ratione multitudo animarum est secundum multitudinem corporum; & tamen destructis corporibus remanent animae in suo esse multiplicatae.

Ad tertium dicendum, quod individualitio intelligentis, aut speciei, per quam intelligit, non excludit intelligentiam universalium: alioquin, cum intellectus separati sint quaedam substantiae subsistentes, & per consequens particulares, non possent universalia intelligere. Sed materialitas cognoscentis, & speciei, per quam cognoscitur, universalis cognitionem impedit. Sicut enim omnis actio est secundum modum formae, qua agens agit, ut calefactio secundum modum caloris; ita cognitio est secundum modum speciei, qua cognoscens cognoscit. Manifestum est autem quod natura communis distinguit, & multiplicat secundum principia individuantia, quae sunt ex parte materiae. Si ergo forma, per quam fit cognitio, sit materialis, non abstracta a conditionibus materiae, erit similitudo naturae speciei, aut generis, secundum quod est distincta, & multiplicata per principia individuantia; & ita non poterit cognosci natura rei in sua communitate. Si vero species sit abstracta a conditionibus materiae individualis, erit similitudo naturae absque iis quae ipsam distinguunt, & multiplicat; & ita cognoscetur universale. Nec refert quantum ad hoc, utrum sit unus intellectus, vel plures: quia si etiam esset unus tantum, oporteret ipsum esse aliquem quendam, & speciem, per quam intelligit, esse aliquam quendam.

Ad quartum dicendum, quod si intellectus sit unus, siue plures, id quod intelligitur, est unum. Id enim quod intelligitur, non est in intellectu secundum se, sed secundum suam similitudinem: lapis enim non est in anima, sed species lapidis, ut dicitur in III. de Anima (text. 38.) & tamen lapis est id quod intelligitur, non autem species lapidis, nisi per reflexionem intellectus supra seipsum: alioquin scientiae non essent de rebus, sed de speciebus intelligibilibus. Contingit autem eidem rei diversae secundum diversas formas assimilari. Et quia cognitio sit secundum assimilationem

nem cognoscentis ad rem cognitam, sequitur quod idem a diversis cognoscentibus cognosci contingit, ut patet in sensu: nam plures vident eundem colorem secundum diversas similitudines; & similiter plures intellectus intelligunt unam rem intellectam. Sed hoc tantum interest inter sensum, & intellectum, secundum sententiam Aristotelis (loco nunc cit.) quia res sentitur secundum illam dispositionem quam extra animam habet in sua particularitate; natura autem rei quæ intelligitur, est quidem extra animam, sed non habet illum modum essendi extra animam secundum quem intelligitur. Intelligitur enim natura communis, seclusis principis individuantibus; non autem hunc modum essendi habet extra animam. Sed secundum sententiam Platonis res intellecta eo modo est extra animam quo intelligitur: posuit enim naturas rerum a materia separatas.

Ad quintum dicendum, quod scientia alia est in discipulo, & alia in magistro. Quomodo autem causetur, in sequentibus ostendetur (quæst. cxvii. art. 1.)

Ad sextum dicendum, quod Augustinus intelligit, animas non esse plures tantum, quia uniantur in una ratione speciei.

ARTICULUS III. 371

Utrum præter animam intellectivam sint in homine alia anima per essentiam differentes.

II. cont. cap. lviii. & de anim. art. 11. & quod. 1. quæst. iv. art. 1. & quod. 11. art. 3. & opus. 111. cap. xc. xci. & xcii.

AD tertium sic proceditur. Videtur quod præter animam intellectivam sint in homine alie animæ per essentiam differentes, scilicet sensitiva, & nutritiva. Corruptibile enim, & incorruptibile non sunt unius substantiæ. Sed anima intellectiva est incorruptibilis; aliæ vero animæ, scilicet sensitiva, & nutritiva, sunt corruptibiles, ut ex superioribus patet (quæst. lxxv. art. 6.) Ergo in homine non potest esse una essentia animæ intellectivæ, sensitivæ, & nutritivæ.

2. Si dicatur, quod anima sensitiva in homine est incorruptibilis; contra. Corruptibile, & incorruptibile differunt secundum genus, ut dicitur in X. Metaph. (tex. 26.) Sed anima sensitiva in equo, & leone, & aliis brutis animalibus est corruptibilis. Si igitur in homine sit incorruptibilis, non erit eiusdem generis

anima sensitiva in homine, & bruto. Animal autem dicitur ex eo quod habet animam sensitivam. Neque ergo animal erit unum genus commune hominis, & aliorum animalium: quod est inconveniens.

3. Præterea. Philosophus dicit in Lib. II. de gener. animalium (cap. 111.) quod embrio prius est animal quam homo. Sed hoc esse non potest, si esset eadem essentia animæ sensitivæ, & intellectivæ: est enim animal per animam sensitivam, homo vero per animam intellectivam. Non ergo in homine est una essentia animæ sensitivæ, & intellectivæ.

4. Præterea. Philosophus dicit in VIII. Metaph. (text. 6.) quod genus sumitur a materia, differentia vero a forma. Sed rationale, quod est differentia constitutiva hominis, sumitur ab anima intellectiva; animal vero dicitur ex hoc quod habet corpus animatum anima sensitiva. Anima ergo intellectiva comparatur ad corpus animatum anima sensitiva sicut forma ad materiam. Non ergo anima intellectiva est eadem per essentiam cum anima sensitiva in homine; sed præsupponit eam sicut materiale suppositum.

Sed contra est quod dicitur in Lib. de eccles. dogm. (cap. xv.) *Neque duas animas esse dicimus in homine uno, sicut Iacobus, & alii Syrorum scribunt; unam animaleam, qua animetur corpus, & immixta sit sanguini; & alteram spirituales, qua rationem ministrat: sed dicimus, unam & eandem esse animam in homine, qua & corpus sua societate vivificat, & semetipsam sua ratione disponit.*

Respondeo dicendum, quod Plato (ut refert Arist. Lib. I. de Anima tex. 90.) posuit diversas animas esse in corpore uno etiam secundum organa (a) distinctas, quibus diversa opera vitæ attribuebat, dicens, vim nutritivam esse in hepate, concupiscibilem in corde, cognoscitivam in cerebro.

Quam quidam opinionem Aristoteles reprobat in Lib. III. de Anima (tex. 41. & seq.) quantum ad illas animæ partes quæ corporeis organis in suis operibus utuntur, ex hoc quod in animalibus quæ decita vivunt, in qualibet parte inveniuntur diversæ operationes animæ, sicut sensus, & appetitus. Hoc autem non esset, si diversa principia operationum animæ, tanquam per essentiam diversæ, diversis partibus corporis distributa essent. Sed de intellectiva sub dubio videtur

(a) Alii distincta.

tur relinquere, utrum sit separata ab aliis partibus animæ solum ratione, in eodem loco.

Opinio autem Platonis sustineri utique posset, si poneretur quod anima unitur corpori non ut forma, sed ut motor, ut posuit Plato. Nihil enim inconveniens sequitur, si idem mobile a diversis motoribus moveatur, præcipue secundum diversas partes.

Sed si ponamus animam corpori uniri sicut formam, omnino impossibile videtur plures animas per essentiam differentes in uno corpore esse. Quod quidem triplici ratione manifestari potest.

Primo quidem quia animal non esset simpliciter unum, cuius essent animæ plures: nihil enim est simpliciter unum nisi per formam unam, per quam habet res esse: ab eodem enim habet res quod sit ens, & quod sit una: & ideo eaque denominantur a diversis formis, non sunt unum simpliciter, sicut homo albus. Si igitur homo ab alia forma haberet quod sit vivum, scilicet ab anima vegetabili, & ab alia forma quod sit animal, scilicet ab anima sensibili, & ab alia quod sit homo, scilicet ab anima rationali; sequeretur quod homo non esset unum simpliciter, sicut & Aristoteles argumentatur contra Platonem in III. Metaph. (text. 20.) quod si alia esset idea animalis, & alia bipedis, non esset unum simpliciter animal bipes. Et propter hoc in I. de Anima (text. 90.) contra ponentes diversas animas in corpore inquit, quid contineat illas, idest quid faciat ex eis unum. Et non potest dici, quod uniantur per corporis unitatem: quia magis anima continet corpus, & facit ipsum esse unum, quam e converso.

Secundo hoc apparer impossibile ex modo prædicationis. Quæ enim sumuntur a diversis formis, prædicantur ad invicem: vel per accidens, si formæ non sint ad invicem ordinatæ, puta cum dicimus, quod album est dulce; vel si formæ sint ordinatæ ad invicem, erit prædicatio per se in secundo modo dicendi per se: quia subiectum ponitur in definitione prædicati, sicut superficies præambula est ad colorem. Si ergo dicamus, quod corpus superficialium est coloratum, erit secundus modus prædicationis per se. Si ergo alia forma sit a qua aliquid dicitur animal, & a qua aliquid dicitur homo; sequetur quod vel unum horum non possit prædicari de altero nisi per

accidens, si istæ duæ formæ ad invicem ordinem non habent; vel quod sit ibi prædicatio in secundo modo dicendi per se, si una animarum sit ad aliam præambula. Utrumque autem horum est manifeste falsum: quia animal per se de homine prædicatur, non per accidens; homo autem non ponitur in definitione animalis, sed e converso. Ergo oportet eandem formam esse per quam aliquid est animal, & per quam aliquid est homo: alioquin homo non vere esset id quod est animal, ut sic animal per se de homine prædicetur.

Tertio apparet hoc esse impossibile per hoc quod una operatio animæ, cum fuerit intensa, impedit aliam: quod nullo modo contingeret, nisi principium actionum esset per essentiam unum.

Sic ergo dicendum, quod eadem numero est anima in homine, sensitiva, & intellectiva, & nutritiva.

Quomodo autem hoc contingat, de facili considerari potest, si quis differentias specierum, & formarum attendat. Inveniuntur enim rerum species, & formæ differre ab invicem secundum perfectius, & minus perfectum; sicut in rerum ordine animata perfectiora sunt inanimatis, & animalia plantis, & homines animalibus brutis: & in singulis horum generum sunt gradus diversi. Et ideo Aristoteles in VIII. Metaph. (text. 10.) assimilat species rerum numeris, qui differunt specie secundum additionem, vel subtractionem unitatis: & in II. de Anima (text. 30. & 31.) comparat diversas animas speciebus figurarum, quarum una continet aliam, sicut pentagonum continet tetragonum, & excedit. Sic igitur anima intellectiva continet in sua virtute quicquid habet anima sensitiva brutorum, & nutritiva plantarum. Sicut ergo superficies quæ habet figuram pentagonam, non per aliam figuram est tetragona, & per aliam pentagona, quia superflueret figura tetragona, ex quo in pentagona continetur; ita nec per aliam animam Socrates est homo, & per aliam animal, sed per unam & eandem.

Ad primum ergo dicendum, quod anima sensitiva non habet incorruptibilitatem ex hoc quod est sensitiva; sed ex hoc quod est intellectiva, ei incorruptibilitas debetur. Quando ergo anima est sensitiva tantum, corruptibilis est; quando vero cum sensitivo intellectivum habet, est incorruptibilis: licet enim sensitivum incorruptionem non det, tamen

in-

incorruptionem intellectivo auferre non potest.

Ad secundum dicendum, quod formæ non collocantur in genere, vel specie, sed composita. Homo autem corruptibilis est, sicut & alia animalia. Unde differentia secundum corruptibile, & incorruptibile, quæ est ex parte formarum, non facit hominem secundum genus ab aliis animalibus differre.

Ad tertium dicendum, quod prius embryo habet animam quæ est sensitiva tantum, qua ablata, advenit perfectior anima, quæ est simul sensitiva, & intellectiva, ut infra plenius ostendetur (quæst. cxviii. art. 2. ad 2.)

Ad quartum dicendum, quod non oportet secundum diversas rationes, vel intentiones logicas, quæ consequuntur modum intelligendi, diversitatem in rebus naturalibus accipere: quia ratio unum & idem secundum diversos modos apprehendere potest. Quia igitur, ut dictum est (in corp. art.) anima intellectiva virtute continet id quod sensitiva habet, & adhuc amplius, potest seorsum ratio considerare quod pertinet ad virtutem sensitivæ, quasi quoddam imperfectum, & materiale: & quia hoc invenit commune homini, & aliis animalibus, ex hoc rationem generis format: id vero in quo anima intellectiva sensitivam excedit, accipit quasi formale, & completivum; & ex eo format differentiam hominis.

ARTICULUS IV. 373

Utrum in homine sit alia forma præter animam intellectivam.

Loc. sup. art. 3. cit.

AD quartum sic proceditur. Videtur quod in homine sit alia forma præter animam intellectivam. Dicit enim Philosophus in II. de Anima (text. 4. & 5.) quod anima est actus corporis physici potentiam habentis. Comparatur igitur anima ad corpus sicut forma ad materiam. Sed corpus habet aliquam formam substantialem, per quam est corpus. Ergo ante animam præcedit in corpore aliqua forma substantialis.

2. Præterea. Homo, & quodlibet animal est movens seipsum. Omne autem movens seipsum dividitur in duas partes, quarum una est movens, & alia est mota, ut probatur in VIII. Phys. (text. 30.) pars autem movens est anima. Ergo oportet

quod alia pars sit talis quæ possit esse mota. Sed materia prima non potest moveri, ut dicitur in V. Phys. (text. 8.) cum sit ens solum in potentia; quinimo omne quod movetur, est corpus. Ergo oportet quod in homine, & in quolibet animali sit alia forma substantialis, per quam constituatur corpus.

3. Præterea. Ordo in formis attenditur secundum habitudinem ad materiam primam: prius enim, & posterius dicitur per comparisonem ad aliquod principium. Si ergo non esset in homine aliqua forma substantialis præter animam rationalem, sed immediate materiæ primæ inhereret; sequeretur quod esset in ordine imperfectissimarum formarum, quæ immediate inheret materiæ.

4. Præterea. Corpus humanum est corpus mixtum. Mixtio autem non fit secundum materiam tantum, quia tunc esset corruptio sola. Oportet ergo quod remaneant formæ elementorum in corpore mixto, quæ sunt formæ substantiales: ergo in corpore humano sunt alie formæ substantiales præter animam intellectivam.

Sed contra. Unius rei est unum esse substantiale. Sed forma substantialis dat esse substantiale. Ergo unius rei est una tantum forma substantialis. Anima autem est forma substantialis hominis. Ergo impossibile est quod in homine sit aliqua alia forma substantialis quam anima intellectiva.

Respondeo dicendum, quod si poneretur anima intellectiva non uniti corpori ut forma, sed solum ut motor, ut Platonici poluerunt; necesse esset dicere, quod in homine esset alia forma substantialis, per quam corpus ab anima mobile in suo esse constitueretur.

Sed si anima intellectiva unitur corpori ut forma substantialis, sicut supra iam diximus (art. 1. huius quæst.) impossibile est quod aliqua alia forma substantialis præter eam inveniat in homine.

Ad cuius evidentiam considerandum est, quod forma substantialis in hoc a forma accidentali differt, quia forma accidentalis non dat esse simpliciter, sed esse tale; sicut calor facit suum subiectum non simpliciter esse, sed esse calidum. Et id eo cum advenit forma accidentalis, non dicitur aliquid fieri, vel generari simpliciter, sed fieri tale, aut aliquo modo se habens: & similiter cum recedit forma accidentalis, non dicitur aliquid corrumpi.

G g p i

pi simpliciter, sed secundum quid. Forma autem substantialis dat esse simpliciter: & ideo per eius adventum dicitur aliquid simpliciter generari, & per eius recessum simpliciter corrumpi. Et propter hoc antiqui Naturales, qui posuerunt, materiam primam esse aliquod ens actu, puta ignem, aut aerem, aut aliquid huiusmodi, dixerunt, quod nihil generatur, aut corrumpitur simpliciter; sed omne fieri statuerunt alterari, ut dicitur in I. Physic. (text. 33.) Si igitur ita esset quod præter animam intellectivam præ-existeret quæcumque alia forma substantialis in materia, per quam subiectum animæ esset ens actu; sequeretur quod anima non daret esse simpliciter, & per consequens quod non esset forma substantialis, & quod per adventum animæ non esset generatio simpliciter, (a) neque per eius recessum corruptio simpliciter, sed solum secundum quid: quæ sunt manifeste falsa.

Unde dicendum est, quod nulla alia forma substantialis est in homine nisi sola anima intellectiva, & quod ipsa sicut virtute continet animam sensitivam, & nutritivam, ita virtute continet omnes inferiores formas, & facit ipsa sola quicquid imperfectiores formæ in aliis faciunt.

Et similiter est dicendum de anima sensitiva in brutis, & de nutritiva in plantis, & universaliter de omnibus formis perfectioribus respectu imperfectarum.

Ad primum ergo dicendum, quod Aristoteles non dicit, animam esse actum corporis tantum, sed *actum corporis physici organici potentia vitam habentis*, & quod talis potentia non abiicit animam. Unde manifestum est quod in eo cuius anima dicitur actus, etiam anima includitur, eo modo loquendi quo calor est actus calidi, & lumen est actus lucidi; non quod seorsum sit lucidum sine luce, sed quia est lucidum per lucem. Et similiter dicitur, quod *anima est actus corporis* &c. quia per animam & est corpus, & est organicum, & est potentia vitam habens. Sed actus primus dicitur respectu actus secundi, qui est operatio. Talis enim potentia est non abiiciens, id est non excludens animam.

Ad secundum dicendum, quod anima non movet corpus per esse suum, secundum quod univert corpori ut forma, sed per potentiam motivam, cuius actus præ-

supponit iam corpus effectum in actu per animam; ut sic anima secundum vim motivam sit pars movens, & corpus animatum sit pars mota.

Ad tertium dicendum, quod in materia considerantur diversi gradus perfectionis, sicut esse, vivere, sentire, & intelligere. Semper autem secundum super-veniens priori perfectius est. Forma ergo quæ dat solum primum gradum perfectionis materię, est imperfectissima; sed forma quæ dat primum, & secundum, & tertium, & sic deinceps, est perfectissima, & tamen materię immediata.

Ad quartum dicendum, quod Avicenna posuit, formas substantiales elementorum integras remanere in mixto; mixtionem autem fieri, secundum quod contrariæ qualitates elementorum reducuntur ad medium.

Sed hoc est impossibile: quia diversę formę elementorum non possunt esse nisi in diversis partibus materię, ad quarum diversitatem oportet intelligi dimensiones, sine quibus materia divisibilis esse non potest. Materia autem dimensionibus subiecta non invenitur nisi in corpore; diversa autem corpora non possunt esse in eodem loco. Unde sequitur quod elementa sint in mixto distincta secundum situm; & ita non erit vera mixtio, quæ est secundum totum, sed mixtio ad sensum, quæ est secundum minima iuxta se posita.

Averroes autem posuit in III. de cælo (comm. 67.) quod formę elementorum propter sui imperfectionem sunt medię inter formas accidentales, & substantiales; & ideo recipiunt magis, & minus; & ideo remittuntur in mixtione, & ad medium reducuntur, & conflantur ex eis una forma.

Sed hoc est etiam magis impossibile: nam esse substantiale cuiuslibet rei in indivisibili consistit; & omnis additio, & subtractio variat speciem, sicut in numeris, ut dicitur in VIII. Metaph. (text. 10.) Unde impossibile est quod forma substantialis quæcumque recipiat magis, & minus. Nec minus est impossibile, aliquid esse medium inter substantiam, & accidens.

Et ideo dicendum est secundum Philosophum (II. de part. anim. a princ.) quod formę elementorum manent in mixto non actu, sed virtute: manent enim qualitates proprię elementorum, licet

(a) Ita ed. Alcan. cum aliis ed. & edictis plurimis post Lovan. & Danc. Theologus; nisi quod ed. cit. habet abscissum. In edit. Rom. omittitur neque per eius recessum corruptio simpliciter.

licet remissæ, in quibus est virtus formarum elementarium. Et huiusmodi qualitas mixtionis est propria dispositio ad formam substantialem corporis mixti, puta formam lapidis, vel animati cuiuscunque.

ARTICULUS V. 373

Utrum anima intellectiva convenienter tali corpori uniatur.

I. dist. VIII. quæst. V. art. 3. ad 2. & II. dist. I. quæst. II. art. 5. & mal. quæst. V. art. 5. cor. & sp. art. 7. & de anima art. 8.

AD quintum sic proceditur. Videtur quod anima intellectiva inconvenienter tali corpori uniatur. Materia enim debet esse proportionata formæ. Sed anima intellectiva est forma incorruptibilis. Non ergo convenienter unitur corpori corruptibili.

2. Præterea. Anima intellectiva est forma maxime immaterialis: cuius signum est quod habet operationem in qua non communicat materia corporalis. Sed quanto corpus est subtilius, tanto minus habet de materia. Ergo anima deberet subtilissimo corpori uniri, puta igni, & non corpori mixto, & magis terrestri.

3. Præterea. Cum forma sit principium speciei, ab una forma non proveniunt diversæ species. Sed anima intellectiva est una forma. Ergo non debet uniri corpori quod componitur ex partibus dissimilium specierum.

4. Præterea. Perfectioris formæ debet esse perfectius susceptibile. Sed anima intellectiva est perfectissima animarum. Cum igitur aliorum animalium corpora habeant naturaliter insita tegumenta, puta pilorum loco vestium, & ungularum loco calceæ mentorum; habeant etiam arma naturaliter sibi data, sicut ungues, dentes, & cornua: videtur quod anima intellectiva non debuerit uniri corpori imperfecto, tanquam talibus auxiliis privato.

Sed contra est quod dicit Philosophus in II. de Anima (tex. 4. & 5.) quod anima est actus corporis physici organici potentia vitam habentis.

Respondendo dicendum, quod cum forma non sit propter materiam, sed potius materia propter formam; ex forma oportet rationem accipere quare materia sit talis, & non e converso: Anima

autem intellectiva, sicut supra habitum est (quæst. IV. art. 2.) secundum naturæ ordinem inimum gradum in substantiis intellectualibus tenet; instantum quod non habet naturaliter sibi inditam notionem veritatis, sicut Angeli; sed oportet quod eam colligat ex rebus (a) divisibilibus per viam sensus, ut Dionysius dicit VII. cap. de div. Nomin. (inter princ. & med. lect. 2.) Natura autem nulli deest in necessariis. Unde oportuit quod anima intellectiva non solum haberet virtutem intelligendi, sed etiam virtutem sentiendi. Actio autem sensus non fit sine corporeo instrumento. Oportuit igitur animam intellectivam corpori uniri quod possit esse conveniens organum sensus. Omnes autem alii sensus fundantur supra tactum. Ad organum autem tactus requiritur quod sit medium inter contraria, quæ sunt calidum, & frigidum, humidum, & siccum, & similia, quorum est tactus apprehensivus: sic enim est in potentia ad contraria, & potest ea sentire. Unde quanto organum tactus fuerit magis reductum ad æqualitatem complexionis, tanto perceptibilior erit tactus. Anima autem intellectiva habet completissimam virtutem sensitivam: quia quod est inferioris, præexistit perfectius in superioris, ut dicit Dionysius in Lib. de div. Nom. (loc. nunc cit.) Unde oportuit corpus cui unitur anima intellectiva, esse corpus mixtum, inter omnia alia magis reductum ad æqualitatem complexionis.

Et propter hoc homo inter omnia animalia melioris est tactus; & inter ipsos homines, qui sunt melioris tactus, sunt melioris intellectus: cuius signum est quod molles carne bene aptos mente videmus, ut dicitur in II. de Anima (tex. 94.)

Ad primum ergo dicendum, quod hanc obiectionem aliquis forte vellet evadere per hoc quod diceret, corpus hominis ante peccatum incorruptibile fuisse.

Sed hæc responsio non videtur sufficiens: quia corpus hominis ante peccatum immortale fuit non per naturam, sed per gratiæ divinæ donum: alioquin immortalitas eius per peccatum sublata non esset, sicut nec immortalitas dæmonis.

Et ideo aliter dicendum est, quod in materia duplex conditio invenitur: una quæ eligitur ad hoc quod sit conveniens formæ: alia quæ ex necessitate consequitur priorem dispositionem: sicut artifex

Gg 2 ad

(a) Ita edd. Alcan. cum editis. Quidam edd. visibilibus.

ad formam ferræ eligit materiam ferream aptam ad secundum dura; sed quod densitas ferræ hebetari possint, & rubiginem contrahere, sequitur ex necessitate materię. Sic igitur & animæ intellectivæ debetur corpus quod sit æqualis complexionis. Ex hoc autem de necessitate materię sequitur quod sit corruptibile.

Si quis vero dicat, quod Deus potuit hanc necessitatem vitare; dicendum est, quod in constitutione rerum naturalium non consideratur quid Deus facere possit, sed quid naturæ rerum conveniat, ut Augustinus dicit II. super Gen. ad lit. (cap. 1. paulo post princ.) Prevīdit tamen Deus, adhibendo remedium contra mortem per gratiæ donum.

Ad secundum dicendum, quod animæ intellectivæ non debetur corpus propter ipsam intellectualem operationem secundum se, sed propter sensitivam virtutem, quæ requirit organum æqualiter complexionatum. Et ideo oportuit animam intellectualem tali corpori uniri, & non simplici elemento, vel corpori mixto, in quo excederet ignis secundum quantitatem: quia non posset esse æqualitas complexionis propter excedentem ignis activam virtutem. Habet autem hoc corpus æqualiter complexionatum quandam dignitatem per hoc quod est remotum a contrariis: in quo quodammodo assimilatur corpori celesti.

Ad tertium dicendum, quod partes animalis, ut oculus, manus, caro, & os, & huiusmodi, non sunt in specie, sed totum: & ideo non potest dici, proprie loquendo, quod sint diversarum specierum, sed quod sint diversarum dispositionum. Et hoc competit animæ intellectivæ, quæ quamvis sit una secundum essentiam, tamen propter sui perfectionem est multiplex in virtute: & ideo ad diversas operationes indiget diversis dispositionibus in partibus corporis cui unitur. Et propter hoc videmus quod maior est diversitas partium in animalibus perfectis quam in imperfectis, & in his quam in plantis.

Ad quartum dicendum, quod anima intellectiva, quia est universalium comprehensiva, habet virtutem ad infinita: & ideo non potuerunt sibi determinari a natura vel determinatæ existimationes naturales, vel etiam determinatæ auxilia vel defensionum, vel tegumentorum, sicut aliis animalibus, quorum animæ habent apprehensionem, & virtutem ad aliqua particularia determinata; sed to-

co horum omnium homo habet naturaliter rationem, & manus, quæ sunt organa organorum, quia per ea homo potest sibi præparare instrumenta inferiorum modorum, & ad infinitos effectus.

ARTICULUS VI. 374

Utrum anima intellectiva uniat corpori mediis dispositionibus accidentalibus.

II. contr. cap. lxxi. & art. quæst. xlii. art. 4. cor. & mal. quæst. xv. art. 3. cor. & sp. art. 2. & de anima art. 9. & art. 10. cor. & II. lib. de anim. lect. 1. fin.

AD sextum sic procedas. Videtur quod anima intellectiva uniat corpori mediis dispositionibus accidentalibus. Omnis enim forma est in materia sibi propria, & disposita. Sed dispositiones ad formam sunt accidentia quædam. Ergo oportet præintelligi accidentia aliqua in materia ante formam substantialem, & ita ante animam, cum anima sit quædam substantialis forma.

2. Præterea. Diverse forme unius speciei requirunt diversas materiæ partes. Diverse autem partes non possunt intelligi nisi secundum dimensionem dimensionum quantitatum. Ergo oportet intelligere dimensiones in materia ante formas substantiales, quæ sunt multæ unius speciei.

3. Præterea. Spirituale applicatur corporali per contactum virtutis. Virtus autem animæ est eius potentia. Ergo videtur quod anima unitur corpori mediante potentia, quæ est quoddam accidens.

Sed contra est quod accidens est posterius substantia & tempore, & ratione, ut dicitur in VII. Metaph. (tex. 4.) Non ergo forma accidentalis aliqua potest intelligi in materia ante animam, quæ est forma substantialis.

Respondeo dicendum, quod si anima uniretur corpori solum ut motor, nihil prohiberet, immo magis necessarium esset esse aliquas dispositiones medias inter animam & corpus; potentiam scilicet ex parte animæ, per quam moveret corpus; & aliquam habilitatem ex parte corporis, per quam corpus esset ab anima mobile.

Sed si anima intellectiva uniret corpori ut forma substantialis, sicut iam supra dictum est (art. 1. huius quæst.) im-

possibile est quod aliqua dispositio accidentalis cadat inter corpus & animam, vel inter quancumque formam substantialem & materiam suam. Et huius ratio est, quia cum materia sit in potentia ad omnes actus ordine quodam, oportet quod id quod est primum simpliciter in actibus, primo in materia intelligatur. Primum autem inter omnes actus est esse. Impossibile est ergo intelligere materiam prius esse calidam, vel quantamquam esse in actu. Esse autem in actu habet per formam substantialem, quæ facit esse simpliciter, ut iam dictum est (art. 4. huius quæst.) Unde impossibile est quod quancumque dispositiones accidentales præexistant in materia ante formam substantialem, & per consequens ante animam.

Ad primum ergo dicendum, quod, sicut ex prædictis patet (art. 3. & 4. huius quæst.) forma perfectior virtute continet quicquid est inferiorum formarum: & ideo una & eadem existens pericit materiam secundum diversos perfectionis gradus. Una enim & eadem forma est per essentiam, per quam homo est ens actu, & per quam est corpus, & per quam est vivum, & per quam est animal, & per quam est homo. Manifestum est autem quod unumquodque genus consequuntur propria accidentia. Sicut ergo materia præintelligitur perfecta secundum esse ante intellectum corporeitatis, & sic de aliis; ita præintelliguntur accidentia quæ sunt propria entis, ante corporeitatem: & sic præintelliguntur dispositiones in materia ante formam, non quantum ad omnem eius effectum, sed quantum ad posteriorem.

Ad secundum dicendum, quod dimensiones quantitativæ sunt accidentia consequentia corporeitatem, quæ toti materię conveniunt. Unde materia iam intellecta sub corporeitate, & dimensionibus, potest intelligi ut distincta in diversas partes; ut sic accipiat diversas formas secundum ultiores perfectionis gradus. Quamvis enim eadem forma sit secundum essentiam, quæ diversos perfectionis gradus materię attribuit, ut dictum est (art. 4. huius quæst.) tamen secundum considerationem rationis differt.

Ad tertium dicendum, quod substantia spiritualis quæ unitur corpori solum ut motor, unitur ei per potentiam, & virtutem; sed anima intellectiva corpori unitur ut forma per suum esse; admi-

nistrat tamen ipsum, & movet per suam potentiam, & virtutem.

ARTICULUS VII. 375

Utrum anima uniatu corpori animalis mediante aliquo corpore.

Locus supra art. 6. induit.

AD septimum sic proceditur. Videtur quod anima uniatu corpori animalis mediante aliquo corpore. Dicit enim Augustinus III. super Gen. ad lit. (cap. v.) quod anima per lucem, idest ignem, & aerem, quæ sunt similes spiritui, corpus adimistrat. Ignis autem, & aer sunt corpora. Ergo anima uniatu corpori humano mediante aliquo corpore.

2. Præterea. Id quo subtrahitur solvitur unio aliquorum unitorum, videtur esse medium inter ea: Sed, deficiente spiritu, anima a corpore separatur. Ergo spiritus, qui est quoddam corpus subtile, medium est in unione corporis, & animæ.

3. Præterea. Ea quæ sunt multum distantia, non uniantur nisi per medium. Sed anima intellectiva multum distat a corpore, & quia est incorporea, & quia est incorruptibilis. Ergo videtur quod uniatu ei mediante aliquo quod sit corpus incorruptibile: & hoc videtur esse aliqua lux celestis, quæ conciliat elementa, & redigit in unum.

Sed contra est quod Philosophus dicit in II. de Anima (tex. 7.) quod non oportet quærere, si unum est anima, & corpus, sicut neque ceram, & figuram. Sed figura unitur ceræ nullo corpore mediante. Ergo & anima corpori.

Respondetur dicendum, quod si anima secundum Platonicos corpori uniretur solum ut motor, conveniens esset dicere, quod inter animam hominis, vel cuiuscumque animalis, & corpus aliqua alia corpora media intervenirebant: convenit enim motori aliquid distans per media magis propinqua movere.

Si vero anima uniatu corpori ut forma, sicut iam dictum est (art. præc. & art. 1. huius q.) impossibile est quod uniatu ei aliquo corpore mediante. Cuius ratio est, quia sic dicitur aliquid unum, quomodo & ens. Forma autem per se seipsam facit rem esse in actu, cum per essentiam suam sit actus, nec dat esse per aliquid medium. Unde unitas rei compositæ ex materia, & forma est per ipsam formam, quæ secundum

se ipsam unitur materiae ut *actus eius*. Nec est aliquid aliud uniens, nisi agens, quod facit materiam esse in actu, ut dicitur in VIII. Metaph. (tex. 15.)

Unde patet esse falsas opiniones eorum qui posuerunt, aliqua corpora esse media inter animam & corpus hominis. Quorum quidam Platonici dixerunt, quod anima intellectiva habet corpus incorruptibile sibi naturaliter unitum, a quo nunquam separatur, & eo mediante unitur corpori hominis corruptibili. Quidam vero dixerunt, quod unitur corpori mediante spiritu corporeo. Alii vero dixerunt, quod unitur corpori mediante luce, quam dicunt esse corpus, & de natura quintae essentiae; ita quod anima vegetabilis unitur corpori mediante luce cæli sideris, anima vero sensibilis mediante luce cæli crystallini, anima vero intellectualis mediante luce cæli empyrei. Quod fictitium, & derisibile apparet: tum quia lux non est corpus: tum quia quinta essentia non venit materialiter in compositionem corporis mixti, cum sit inalterabilis, sed virtualiter tantum: tum etiam quia anima immediate corpori unitur, ut forma materiam.

Ad primum ergo dicendum, quod Augustinus loquitur de anima, inquantum movet corpus: unde utitur verbo *administrationis*. Et verum est quod partes grossiores corporis per subtiliores moventur: & primum instrumentum virtutis motiva est spiritus, ut dicit Philosophus in Lib. de causa motus animal. (scilicet de comm. animal. mot. cap. vi.)

Ad secundum dicendum, quod subtrahito spiritu, deficit unio animae ad corpus, non quia sit medium, sed quia tollitur dispositio per quam corpus est dispositum ad talem unionem. Est tamen spiritus medium in movendo, sicut primum instrumentum motus.

Ad tertium dicendum, quod anima distat a corpore plurimum, si utriusque conditiones seorsum considerentur. Unde si utrumque ipsorum separatim esse haberet, oporteret quod multa media intervenirent. Sed inquantum anima est forma corporis, non habet esse seorsum ab esse corporis, sed per suum esse corpori unitur immediate. Sic enim & quaelibet forma, si consideretur ut actus, habet magnam distantiam a materia, quae est ens in potentia tantum.

ARTICULUS VIII. 376

Utrum anima sit tota in qualibet parte corporis.

I. diff. viii. quæst. v. a. 3. & II. con. cap. lxxii. & IV. cap. lxxvii. fin. & de spir. art. 4. & de anima art. 10. & opusc. lxi. cap. xlvii.

AD octavum sic proceditur. Videtur quod anima non sit tota in qualibet parte corporis. Dicit enim Philosophus in Lib. de causa motus animalium (cap. vii. parum a prin.) *Non opus est in unaquaque corporis parte esse animam, sed in quodam principio corporis existente alia vivere, eo quod finalis natura sunt facere proprium motum per naturam.*

2. Præterea. Anima est in corpore cuius est actus. Sed est actus corporis organici. Ergo non est nisi in corpore organico. Sed non quaelibet pars corporis hominis est corpus organicum. Ergo anima non est in qualibet parte corporis tota.

3. Præterea. In II. de Anima (text. 9. & 10.) dicitur, quod sicut se habet pars animae ad partem corporis, ut vitulus ad pupillam; ita anima tota ad totum corpus animalis. Si igitur tota anima est in qualibet parte corporis, sequitur quod quaelibet pars corporis sit animal.

4. Præterea. Omnes potentiae animae in ipsa essentia animae fundantur. Si igitur anima tota est in qualibet parte corporis, sequitur quod omnes potentiae animae sint in qualibet corporis parte; & ita visus erit in aure, & auditus in oculo: quod est inconveniens.

5. Præterea. Si in qualibet parte corporis esset tota anima, quaelibet pars corporis immediate dependeret ab anima. Non ergo una pars dependeret ab alia, nec una pars esset principalior quam alia: quod est manifeste falsum. Non ergo anima est in qualibet parte corporis tota.

Sed contra est quod Augustinus dicit in VI. de Trinit. (cap. vi.) quod *anima in quocumque corpore & in toto est tota, & in qualibet eius parte tota est.*

Respondetur dicendum, quod, sicut in aliis iam dictum est (art. præc.) si anima uniretur corpori solum ut motor, posset dici, quod non esset in qualibet parte corporis, sed in una tantum, per quam alias moveret.

S.d

Sed quia anima unitur corpori ut forma, necesse est quod sit in toto, & in qualibet parte corporis: non enim est forma corporis accidentalis, sed substantialis. Substantialis autem forma non solum est perfectio totius, sed cuiuslibet partis. Cum enim totum consistat ex partibus, forma totius quæ non dat esse singulis partibus, est forma quæ est compositio, & ordo, sicut forma domus; & talis forma est accidentalis. Anima vero est forma substantialis. Unde oportet quod sit forma, & actus, non solum totius, sed cuiuslibet partis. Et ideo, recedente anima, sicut non dicitur animal, & homo nisi æquivoce, quemadmodum & animal pictum, vel lapideum; ita est de manu, & oculo, aut carne, & ossæ, ut Philosophus dicit (II. de Anim. text. 9.) Cuius signum est quod nulla pars corporis habet proprium opus anima recedente; cum tamen omne quod retinet speciem, retineat operationem speciei. Actus autem est in eo cuius est actus. Unde oportet animam esse in toto corpore, & in qualibet eius parte. Et quod tota sit in qualibet parte eius, hinc inconsiderari potest, quia cum totum sit quod dividitur in partes, secundum triplicem divisionem est triplex totalitas. Est enim quoddam totum quod dividitur in partes quantitativas, sicut tota linea, vel totum corpus. Est etiam quoddam totum quod dividitur in partes rationis, & essentiae; sicut definitum in partes definitionis, & compositum resolvitur in materiam, & formam. Tertium autem totum est potentiale quod dividitur in partes virtutis. Primus autem totalitatis modus non convenit formis, nisi forte per accedens; & illis solis formis quæ habent indifferentem habitudinem ad totum quantitativum, & partes eius; sicut albedo, quantum est de sui ratione, æqualiter se habet, ut sit in tota superficie, & qualibet superficiæ parte. Et ideo, divisa superficie, dividitur albedo per accedens. Sed forma quæ requirit diversitatem in partibus, sicut est anima, & præcipue animalium perfectiorum, non æqualiter se habet ad totum, & partes: unde non dividitur per accedens, sicut per divisionem quantitatis. Sic ergo totalitas quantitativa non potest attribui animæ nec per se, nec per accedens. Sed totalitas secunda, quæ attenditur secundum rationis, & essentiae perfectionem, proprie & per se

convenit formis: similiter autem & totalitas virtutis, quia forma est operationis principium. Si ergo quæreretur de albedine, utrum esset tota in tota superficie, & in qualibet eius parte; distinguere oportet: quia si fiat mentio de totalitate quantitativa, quam habet albedo per accedens, non tota esset in qualibet parte superficiæ: & similiter dicendum est de totalitate virtutis: magis enim potest movere visum albedo quæ est in tota superficie, quam albedo quæ est in aliqua eius particula. Sed si fiat mentio de totalitate speciei, & essentiae, tota albedo est in qualibet superficiæ parte. Sed quia anima totalitatem quantitativam non habet nec per se, nec per accedens, ut dictum est (in isto ar.) sufficit dicere, quod anima tota est in qualibet parte corporis secundum totalitatem perfectionis, & essentiae, non autem secundum totalitatem virtutis: quia non secundum quamlibet suam potentiam est in qualibet parte corporis; sed secundum visum in oculo, secundum auditum in aure, & sic de aliis.

Tamen attendendum est, quod quia anima requirit diversitatem in partibus, non eodem modo comparatur ad totum, & ad partes: sed ad totum quidem primo & per se, sicut ad proprium, & proportionatum perfectibile; ad partes autem per posterius, secundum quod partes habent ordinem ad totum.

Ad primum ergo dicendum, quod Philosophus loquitur de potentia motiva animæ.

Ad secundum dicendum, quod anima est actus corporis organici sicut proportionati, & primi perfectibilis.

Ad tertium dicendum, quod animal est quod componitur ex anima, & corpore toto, quod est primum, & proportionatum eius perfectibile. Sic autem anima non est in parte: unde non oportet quod pars animalis sit animal.

Ad quartum dicendum, quod potentiarum animæ quædam sunt in ea, secundum quod excedit totam corporis capacitatem, scilicet intellectus, & voluntas: unde huiusmodi potentie in nulla parte corporis esse dicuntur. Aliæ vero potentie sunt communes animæ, & corpori: unde talium potentiarum non oportet quod quælibet sit in quocumque est anima, sed solum in illa parte corporis quæ est proportionata ad talis potentie operationem.

Ad quintum dicendum, quod una pars corporis dicitur esse principalior quam alia propter potentias diversas, quarum sunt organa partes corporis: quæ enim est principalioris potentie organum, est principalior pars corporis, vel quæ etiam eidem potentie principalius deservit.

QUAESTIO LXXVII.

De his quæ pertinent ad potentias animæ in generali, in octo articulos divisa.

DEinde considerandum est de his quæ pertinent ad potentias animæ: & primo in generali; secundo in speciali.

Circa primum quaeruntur octo.

Primo utrum essentia animæ sit eius potentia.

Secundo, utrum sit una tantum potentia animæ, vel plures.

Tertio, quomodo potentie animæ distinguantur.

Quarto de ordine ipsarum ad invicem.

Quinto, utrum anima sit subiectum omnium potentialiarum.

Sexto, utrum potentie fluant ab essentia animæ.

Septimo, utrum potentia una oriatur ex alia.

Octavo, utrum omnes potentie animæ remaneant in ea post mortem.

ARTICULUS I. 377

Utrum ipsa essentia animæ sit eius potentia.

I. dist. 111. quæst. 14. art. 2. & quod. X. art. 5. & de sp. art. 11. & de anima art. 12. & art. 19. cor.

AD primum sic proceditur. Videtur quod ipsa essentia animæ sit eius potentia. Dicit enim Augustinus in IX. de Trinit. (cap. 14. parum a princ.). quod *mens, notitia, & amor sunt substantialiter in anima, vel, ut idem dicam, essentialiter: & in X. (cap. 11. med.)* dicit, quod *memoria, intelligentia, & voluntas sunt una vita, una mens, & una essentia.*

1. Præterea. Anima est nobilior quam materia prima. Sed materia prima est sua potentia. Ergo multo magis anima.

3. Præterea. Forma substantialis est simplicior quam accidentalis: cuius signum est quod forma substantialis non intenditur, vel remittitur, sed in indivisibili consistit. Forma autem accidentalis est ipsa sua virtus. Ergo multo ma-

gis forma substantialis, quæ est anima.

4. Præterea. Potentia sensitiva est quæ sentimus, & potentia intellectiva quæ intelligimus. Sed id quo primo sentimus, & intelligimus, est anima, secundum Philosophum in II. de Anima (tex. 24.) Ergo anima est suæ potentie.

5. Præterea. Quod non est de essentia, est accidens. Si ergo potentia animæ est præter essentiam eius, sequitur quod sit accidens: quod est contra Augustinum in IX. de Trinit. (cap. 14. paulo post princ.) ubi dicit, quod prædicta non sunt in anima sicut in subiecto, aut color, aut figura in corpore, aut ulla alia qualitas, aut quantitas: quicquid enim tale est, non excedit subiectum in quo est. Mem autem potest etiam alia amare, & cognoscere.

6. Præterea. Forma simplex subiectum esse non potest. Anima autem est forma simplex, cum non sit composita ex materia, & forma, ut supra dictum est (quæst. lxxv. art. 5.) Non ergo potentia animæ potest esse in ipsa sicut in subiecto.

7. Præterea. Accidens non est principium substantialis differentie. Sed sensibile, & rationale sunt substantiales differentie, & sumuntur a sensu, & ratione, quæ sunt potentie animæ. Ergo potentie animæ non sunt accidentia: & ita videtur quod potentia animæ sit eius essentia.

Sed contra est quod Dionysius dicit xi. cap. cælest. Hierarch. (circ. med.) quod cælestes spiritus dividuntur in essentiam, virtutem, & operationem. Multo igitur magis in anima aliud est essentia, & aliud virtus, sive potentia.

Respondeo dicendum, quod impossibile est dicere, quod essentia animæ sit eius potentia; licet hoc quidam posuerint: & hoc dupliciter ostenditur quantum ad præsens. Primo quia, cum potentia, & actus dividant ens, & quodlibet genus entis, oportet quod ad idem genus referatur potentia, & actus: & ideo si actus non est in genere substantie, potentia quæ dicitur ad illum actum, non potest esse in genere substantie. Operatio autem animæ non est in genere substantie, sed in solo Deo operatio est eius substantia. Unde Dei potentia, quæ est operationis principium, est ipsa Dei essentia: quod non potest esse verum neque in anima, neque in aliqua creatura, ut supra etiam de Angelo dictum est (quæst. lxx. art. 2.) Secundo hoc etiam impossibile apparet in anima. Nam anima secundum suam essentiam

tiam est actus. Si ergo ipsa essentia animæ esset immediatum operationis principium, semper habens animam, actum haberet opera vitæ, sicut semper habens animam actum est vivum. Non enim, inquantum est forma, est actus ordinatus ad ulteriorem actum, sed est ultimus terminus generationis. Unde quod sit in potentia adhuc ad alium actum, hoc non competit ei secundum suam essentiam, inquantum est forma, sed secundum suam potentiam: & sic ipsa anima, secundum quod subest suæ potentiae, dicitur actus primus, ordinatus ad actum secundum. Invenitur autem habens animam non semper esse in actu operum vitæ. Unde etiam in definitione animæ dicitur, quod est *actus corporis potentia vitam habentis*, quæ tamen potentia non abiicit animam. Relinquitur ergo quod essentia animæ non est eius potentia: nihil enim est in potentia secundum actum, inquantum est actus.

Ad primum ergo dicendum, quod Augustinus loquitur de mente, secundum quod nescit se, & amat se. Sic ergo notitia, & amor, inquantum referuntur ad ipsam ut cognitam, & amatam, substantialiter, vel essentialiter sunt in anima: quia ipsa substantia, vel essentia animæ cognoscitur, & amatur. Et similiter intelligendum est quod alibi dicit, quod sunt *una vita, una mens, una essentia*.

Vel, sicut quidam dicunt, hæc locutio verificatur secundum modum quo totum potestativum prædicatur de suis partibus; quod medium est inter totum universale, & totum integrale. Totum enim universale adest cuilibet parti secundum totam suam essentiam, & virtutem, ut animal homini, & equo; & ideo proprie de singulis partibus prædicatur. Totum vero integrale non est in qualibet parte neque secundum totam essentiam, neque secundum totam virtutem: & ideo nullo modo de singulis partibus prædicatur, sed aliquo modo, licet improprie, de omnibus simul; ut si dicamus, quod paries, rectum, & fundamentum sunt domus. Totum vero potentiale adest singulis partibus prout totam suam essentiam, sed non secundum totam virtutem: & ideo quodammodo potest prædicari de qualibet parte, sed non ita proprie, sicut totum universale. Et per hunc modum Augustinus dicit, quod memoria, intelligentia, & voluntas sunt una animæ essentia.

Ad secundum dicendum, quod actus ad

quem est in potentia materia prima, est substantialis forma: & ideo potentia materię non est aliud quam eius essentia.

Ad tertium dicendum, quod actio est compositi, sicut & esse: existentis enim est agere. Compositum autem per formam substantialem habet esse substantialem; per virtutem autem, quæ consequitur formam substantialem, operatur. Unde sic se habet forma accidentaliter activa ad formam substantialem agentis (ut calor ad formam ignis) sicut se habet potentia animæ ad animam.

Ad quartum dicendum, quod hoc ipsum quod forma accidentaliter est actionis principium, habet a forma substantiali: & ideo forma substantialis est primum actionis principium, sed non proximum. Et secundum hoc Philosophus dicit (Lib. II. de Anima text. 24.) quod *id quo intelligimus, & sentimus, est anima*.

Ad quintum dicendum, quod si accidens accipitur, secundum quod dividitur contra substantiam, sic nihil potest esse medium inter substantiam, & accidens: quia dividuntur secundum affirmationem, & negationem, scilicet secundum esse in subiecto, & non esse in subiecto. Et hoc modo, cum potentia animæ non sit eius essentia, oportet quod sit accidens: & est in secunda specie qualitatis. Si vero accipitur accidens, secundum quod ponitur unum quinquè universalium, sic aliquid est medium inter substantiam, & accidens: quia ad substantiam pertinet quicquid est essentialiter rei; non autem quicquid est extra essentiam, potest sic dici accidens, sed solum id quod non causatur ex principiis essentialibus speciei. Proprium enim non est de essentia rei, sed ex principiis essentialibus speciei causatur: unde medium est inter essentiam, & accidens, sicut dictum est (in solut. ad 1.) Et hoc modo potentia animæ possunt dici mediæ inter substantiam, & accidens, quasi proprietates animæ naturales. Quod autem Augustinus dicit, quod notitia, & amor non sunt in anima sicut accidentia in subiecto, intelligitur secundum modum prædictum (ibid.) prout comparantur ad animam non sicut ad amantem, & cognoscentem; sed prout comparantur ad eam sicut ad amatam, & cognitam. Et hoc modo procedit sua probatio: quia si amor esset in anima amata sicut in subiecto, sequeretur quod accidens transcederet suum subiectum; eum etiam alia sint animam per animam.

Ad sextum dicendum, quod anima, licet

licet non sit composita ex materia, & forma, habet tamen aliquid de potentialitate admixtum, ut supra dictum est (quaest. lxxv. art. 5.) Et ideo potest dici subiectum accidentis. Propositio autem indulta locum habet in Deo, qui est actus purus: in qua materia Boetius (1. de Trin. ante med.) camintroducitur.

Ad septimum dicendum, quod rationale, & sensibile, prout sunt differentiae, non sursum a potentis sensus, & rationis, sed ab ipsa anima sensitiva, & rationali. Quia tamen formae substantiales, quae secundum se sunt nobis ignotae, innotescunt per accidentia, nihil prohibet interdu accidencia loco differentiarum substantialium poni.

ARTICULUS II. 378

Utrum sint plures potentiae animae.

II. cont. cap. lxxxi fin. & quaest. de anima art. 13. & I. de Anima fin. & II. fin.

AD secundum sic proceditur. Videtur quod non sint plures potentiae animae. Anima enim intellectiva maxime ad divinam similitudinem accedit. Sed in Deo est una & simplex potentia. Ergo & in anima intellectiva.

2. Praeterea. Quanto virtus est superior, tanto est magis unita. Sed anima intellectiva excedit omnes alias formas in virtute. Ergo maxime debet habere unam virtutem, seu potentiam.

3. Praeterea. Operari est existentis in actu. Sed per eandem essentiam animae homo habet esse secundum diversos gradus perfectionis, ut supra habitum est (quaest. lxxvi. art. 3. & 4.) Ergo per eandem potentiam animae operatur diversas operationes diversorum graduum.

Sed contra est quod Philosophus in II. de Anima (tex. 13. & 27.) ponit plures animae potentias.

Respondendo dicendum, quod necesse est ponere plures animae potentias.

Ad cuius evidentiam considerandum est, quod, sicut Philosophus dicit in II. de cæl. (tex. 66.) quae sunt in rebus infima, non possunt consequi perfectam bonitatem, sed aliquam imperfectam consequuntur paucis motibus. Superiora vero his adipiscuntur perfectam bonitatem motibus multis. His autem superiora sunt quae adipiscuntur perfectam bonitatem motibus paucis. Summa vero perfectio invenitur in his quae absque motu perfectam possident bonitatem. Sicut in-

fime est ad sanitatem dispositus qui non potest perfectam consequi sanitatem, sed aliquam modicam consequitur paucis remediis: melius autem dispositus est qui potest perfectam consequi sanitatem, sed remediis multis: & adhuc melius qui remediis paucis optime autem qui absque remedio perfectam sanitatem habet. Dicendum est ergo, quod res quae sunt in ira hominem, quaedam particularia bona consequuntur: & ideo quaedam paucas, & determinatas operationes habent, & virtutes. Homo autem potest consequi universalem, & perfectam bonitatem, quia potest adipisci beatitudinem. Est tamen in ultimo gradu secundum naturam eorum quibus competit beatitudo: & ideo multis, & diversis operationibus, & virtutibus indiget anima humana. Angelis vero minor diversitas potentialium competit. In Deo vero non est aliqua potentia, vel actio praeter eius essentiam.

Est & alia ratio quare anima humana abundat diversitate potentialium, videlicet quia est in conspectu spiritualium, & corporalium creaturarum: & ideo concurrunt in ipsa virtutes utrarumque creaturarum.

Ad primum ergo dicendum, quod in hoc ipso magis ad similitudinem Dei accedit anima intellectiva quam creaturae inferiores, quod perfectam bonitatem consequi potest, licet per multa, & diversa: in quo deficit a superioribus.

Ad secundum dicendum, quod virtus unita est superior, si ad aequalia se extendat; sed virtus multiplicata est superior, si plura ei subiciantur.

Ad tertium dicendum, quod unius rei est unum esse substantiale, sed possunt esse operationes plures: & ideo est una essentia animae, sed potentiae plures.

ARTICULUS III. 379

Utrum potentiae distinguantur per actus, & obiecta.

I. dist. XVII. quaest. 1. art. 4. cor. & II. dist. xlv. quaest. 11. art. 1. corp. & quaest. 1. de anim. art. 13. & I. de Anima lect. 2. 6. & 8.

AD tertium sic proceditur. Videtur quod potentiae non distinguantur per actus, & obiecta. Nihil enim determinatur ad speciem per illud quod posterius, vel extrinsecum est. Actus autem est posterior potentia; obiectum autem extrinsecum. Ergo per ea potentiae non distinguuntur secundum speciem.

2. Prae-

2. Præterea. Contraria sunt quæ maxime differunt. Si igitur potentia distinguerentur penes obiecta, sequeretur quod contrariorum non esset eadem potentia: quod patet esse falsum sere in omnibus: nam potentia visiva eadem est albi, & nigri; & gustus idem est dulcis, & amari.

3. Præterea. Remota causa, removetur effectus. Si igitur potentialium differentia esset ex differentia obiectorum, idem obiectum non pertineret ad diversas potentias: quod patet esse falsum: nam idem est quod potentia cognoscitiva cognoscit, & appetitiva appetit.

4. Præterea. Id quod per se est causa alicuius, in omnibus causat illud. Sed quædam obiecta diversa, quæ pertinent ad diversas potentias, pertinent etiam ad aliquam unam potentiam; sicut sonus, & color pertinent ad visum, & auditum, quæ sunt diversæ potentia; & tamen pertinent ad unam potentiam sensus communis. Non ergo potentia distinguuntur secundum differentiam obiectorum.

Sed contra. Posteriora distinguuntur secundum priora. Sed Philosophus dicit II. de Anima (text. 33.) quod *prioris potentia actus, & operationes secundum rationem sunt; & adhuc his priora sunt opposita, sive obiecta*. Ergo potentia distinguuntur secundum actus, & obiecta.

Respondeo dicendum, quod potentia, secundum illud quod est potentia, ordinatur ad actum. Unde oportet rationem potentie accipi ex actu ad quem ordinatur; & per consequens oportet quod ratio potentie diversificetur, ut diversificatur ratio actus. Ratio autem actus diversificatur secundum diversam rationem obiecti: omnis enim actio vel est potentia activæ, vel passivæ. Obiectum autem comparatur ad actum potentia passivæ sicut principium, & causa movens: color enim, in quantum movet visum, est principium visionis. Ad actum autem potentia activæ comparatur obiectum ut terminus, & finis; sicut augmentativa virtutis obiectum est quantum perfectum, quod est finis augmenti. Ex his autem duobus actio speciem recipit, scilicet ex principio, vel ex fine, seu termino. Differt enim calefactio ab infrigidatione, secundum quod hæc a calido, scilicet activo, ad calidum, illa autem a frigido ad frigidum procedit. Unde necesse est quod potentia diversificentur secundum actus, & obiecta.

Sed tamen considerandum est, quod ea quæ sunt per accidens, non diversificant speciem. Quia enim coloratum accidit animali, non diversificantur species animalis per differentiam coloris, sed per differentiam eius quod per se accidit animali, per differentiam scilicet animæ sensitivæ, quæ quandoque invenitur cum ratione, quandoque sine ratione. Unde rationale, & irrationale sunt differentia divisivæ animalis, diversæ eius species constituentes. Sic igitur non quæcumque diversitas obiectorum diversificat potentias animæ, sed differentia eius ad quod per se potentia respicit: sicut sensus per se respicit passibilem qualitatem, quæ per se dividitur in colorem, sonum, & huiusmodi; & ideo alia potentia sensitiva est coloris, scilicet visus; & alia soni, scilicet auditus. Sed passibili qualitati, aut colorato accidit esse musicum, vel grammaticum, vel magnum, & parvum, aut hominem, vel lapidem: & ideo penes huiusmodi differentias potentia animæ non distinguuntur.

Ad primum ergo dicendum, quod actus, licet sit posterior potentia in esse, est tamen prior in intentione, & secundum rationem, sicut finis agente. Obiectum autem, licet sit extrinsecum, est tamen principium, vel finis actionis. Principio autem, & fini proportionantur ea quæ sunt (a) intrinseca rei.

Ad secundum dicendum, quod si potentia aliqua per se respiceret unum contrariorum sicut obiectum, oporteret quod contrarium ad aliam potentiam pertineret. Sed potentia animæ non per se respicit propriam rationem contrarii, sed communem rationem utriusque contrariorum; sicut visus non respicit per se rationem albi, sed rationem coloris: & hoc ideo quia unum contrariorum est quodammodo ratio alterius, cum habeant sicut perfectum, & imperfectum.

Ad tertium dicendum, quod nihil prohibet id quod est subiecto idem, esse diversum secundum rationem: & ideo potest ad diversas potentias animæ pertinere.

Ad quartum dicendum, quod potentia superior per se respicit universaliorum rationem obiecti quam potentia inferior: quia quanto potentia est superior, tanto ad plura se extendit. Et ideo multa conveniunt in una ratione obiecti, quam per se respicit superior potentia, quæ tamen differunt secundum rationes quas per

(a) Ita cod. Alen. cum Nicolsis, & Garcia. Edit. Rom. & Parav. extrinseca.

per se respiciunt inferiores potentie: & inde est quod diversa obiecta pertinent ad diversas inferiores potentias, quæ tamen uni superiori potentie subduntur.

ARTICULUS IV. 380

Utrum in potentiis animæ sit ordo.

Inf. art. 7. corp. 13. de anima art. 13. ad 20.

AD quantum sic proceditur. Videtur quod in potentiis animæ non sit ordo. In his enim quæ cadunt sub una divisione, non est prius, & posterius, sed sunt naturaliter simul. Sed potentie animæ contra se invicem distinguuntur. Ergo inter eas non est ordo.

2. Præterea. Potentie animæ comparantur ad obiecta, & ad ipsam animam. Sed ex parte animæ inter eas non est ordo, quia anima est una: similiter etiam nec ex parte obiectorum, cum sint diversa, & penitus disparata, ut patet de colore, & sono. In potentiis ergo animæ non est ordo.

3. Præterea. In potentiis ordinatis hoc invenitur quod operatio unius dependet ab operatione alterius. Sed actus unius potentie animæ non dependet ab actu alterius: potest enim visus exire in actum absque auditu, & e converso. Non ergo inter potentias animæ est ordo.

Sed contra est quod Philosophus in II. de Anima (text. 30. & 31.) comparat partes, sive potentias animæ figuris. Sed figuræ habent ordinem ad invicem. Ergo & potentie animæ.

Respondetur dicendum, quod cum anima sit una, potentie vero plures, ordine autem quodam ab uno in multitudinem procedatur; necesse est inter potentias animæ ordinem esse.

Triplex autem ordo inter eas attenditur: quorum duo considerantur secundum dependentiam unius potentie ab altera; tertius autem accipitur secundum ordinem obiectorum. Dependencia autem unius potentie ab altera dupliciter accipi potest: uno modo secundum naturæ ordinem, prout perfecta sunt naturaliter imperfectis priora; alio modo secundum ordinem generationis, & temporis, prout ex imperfecto ad perfectum veniunt. Secundum igitur primum potentiarum ordinem potentie intellectivæ sunt priores potentiis sensitivis, unde dirigunt eas, & imperant eis; & similiter potentie sensitivæ hoc ordine sunt priores potentiis nutritivæ. Secundum vero ordi-

nem secundum e converso se habet: nam potentie animæ nutritivæ sunt priores in via generationis potentiis animæ sensitivæ, unde ad earum actiones præparant corpus; & similiter est de potentiis sensitivis respectu intellectivarum. Secundum autem ordinem tertium ordinantur quædam vires sensitivæ ad invicem, scilicet visus, auditus, & olfactus: nam visibile est prius naturaliter, quia est commune superioribus, & inferioribus corporibus: sonus autem audibilis fit in aere, qui est naturaliter prior commixtione elementorum, quam consequitur odor.

Ad primum ergo dicendum, quod aliquis generis species se habent secundum prius, & posterius, sicut numeri, & figuræ quantum ad esse; licet simul esse dicantur, inquantum suscipiunt communis generis prædicationem.

Ad secundum dicendum, quod ordo iste potentiarum animæ est ex parte animæ, quæ secundum ordinem quendam habet habitudinem ad diversos actus (licet sit una secundum essentiam) & ex parte obiectorum, & etiam ex parte actuum, ut dictum est (in corp. art.)

Ad tertium dicendum, quod ratio illa procedit de illis potentiis, in quibus attenditur ordo solum secundum tertium modum. Illæ autem potentie quæ ordinantur secundum alios duos modos, ita se habent quod actus unius dependet ab altera.

ARTICULUS V. 381

Utrum omnes potentie animæ sint in anima sicut in subiecto.

Inf. art. 6. corp. 13. de sp. art. 14. ad 3. 13. art. 1. ad 20. 13. opusc. 11. cap. lxxxix. & xcii.

AD quantum sic proceditur. Videtur quod omnes potentie animæ sint in anima sicut in subiecto. Sicut enim se habent potentie corporis ad corpus, ita se habent potentie animæ ad animam. Sed corpus est subiectum corporalium potentiarum. Ergo anima est subiectum potentiarum animæ.

2. Præterea. Operationes potentiarum animæ attribuantur corpori propter animam: quia, ut dicitur in II. de Anima (text. 24.) anima est quo sentiunt, & intelligunt primum. Sed prima principia operationum animæ sunt potentie. Ergo potentie per prius sunt in anima.

3. Præterea. Angustinus dicit XII. super Genes. ad litt. (cap. xix. & xx.) quod

quod anima quædam sentit non per corpus, immo sine corpore, ut est timor, & huiusmodi; quædam vero sentit per corpus. Sed si potentia non esset in sola anima sicut in subiecto, nihil posset sine corpore sentire. Ergo anima est subiectum potentie sensitivæ, & pari ratione omnium aliarum potentiarum.

Sed contra est quod Philosophus dicit in Lib. de somno, & vigilia (cap. 1.) quod sentire non est proprium animæ, neque corporis, sed coniuncti. Potentia ergo sensitiva est in coniuncto sicut in subiecto. Non ergo sola anima est subiectum omnium potentiarum suarum.

Respondeo dicendum, quod illud est subiectum operativæ potentie quod est potens operari: omne enim accidens denominatur proprium subiectum. Idem autem est quod potest operari, & quod operatur. Unde oportet quod eius sit potentia sicut subiecti, cuius est operatio, ut etiam Philosophus dicit in principio Lib. de somno, & vigilia (loc. cit.) Manifestum est autem ex supra dictis (quæst. lxxvi. art. 1. ad 1.) quod quædam operationes sunt animæ quæ exercentur sine organo corporali, ut intelligere, & velle. Unde potentie quæ sunt harum operationum principia, sunt in anima sicut in subiecto.

Quædam vero operationes sunt animæ quæ exercentur per organa corporalia, sicut visio per oculum, auditus per aurem: & simile est de omnibus aliis operationibus nutritivæ, & sensitivæ partis. Et ideo potentie quæ sunt talium operationum principia, sunt in coniuncto sicut in subiecto, & non in anima sola.

Ad primum ergo dicendum, quod omnes potentie dicuntur esse animæ, non sicut subiecti, sed sicut principii: quia per animam coniunctum habet quod tales operationes operari possit.

Ad secundum dicendum, quod omnes huiusmodi potentie per prius sunt in anima quam in coniuncto, non sicut in subiecto, sed sicut in principio.

Ad tertium dicendum, quod opinio Platonis fuit, quod sentire est operatio animæ propria, sicut & intelligere. In multis autem quæ ad Philosophiam pertinent, Augustinus utitur opinionibus Platonis, non asserendo, sed recitando. Tamen, quantum ad præsens pertinet, hoc quod dicitur anima quædam sentire cum corpore, & quædam sine corpore, dupliciter potest intelligi. Uno modo quod hoc quod dico cum corpore, vel sine

corpore, determinet actum sentiendi, secundum quod exit a sentiente; & sic nihil sentit sine corpore: quia actio sentiendi non potest procedere ab anima nisi per organum corporale. Alio modo potest intelligi ita quod prædicta determinent actum sentiendi ex parte obiecti quod sentitur: & sic quædam sentit cum corpore, idest in corpore existentia, sicut cum sentit vulnus, vel aliquid huiusmodi; quædam vero sentit sine corpore, idest non existentia in corpore, sed solum in apprehensione animæ, sicut cum sentit se tristari, vel gaudere de aliquo audito.

ARTICULUS VI. 383

Utrum potentia animæ fluat ab eius essentia.

I. dist. 111. quæst. 14. art. 2. 3^a vers. quæst. XIV. art. 5. cor. 3^a op. 11. cap. lxxxix.

AD sextum sic proceditur. Videtur quod potentie animæ non fluant ab eius essentia. Ab uno enim simpliciter non procedunt diversa. Essentia autem animæ est una, & simplex. Cum ergo potentie animæ sint multe, & diverse, non possunt procedere ab eius essentia.

2. Præterea. Illud a quo aliquid procedit, est causa eius. Sed essentia animæ non potest dici causa potentiarum, ut patet discurranti per singula causarum genera. Ergo potentie animæ non fluunt ab eius essentia.

3. Præterea. Emanatio quædam motum nominat. Sed nihil movetur a seipso, ut probatur in VII. Phys. (in prin.) nisi forte ratione partis; sicut animal dicitur moveri a seipso, quia una pars eius est movens, & alia mota: neque etiam anima movetur, ut probatur in I. de Anima (tex. 66.) Non ergo anima causat in se suas potentias.

Sed contra. Potentie animæ sunt quædam proprietates naturales ipsius. Sed subiectum est causa priorum accidentium: unde & ponitur in definitione accidentis, ut patet in VII. Metaph. (tex. 12. & deinceps.) Ergo potentie animæ procedunt ab eius essentia sicut a causa.

Respondeo dicendum, quod forma substantialis, & accidentalis partim conveniunt, & partim differunt. Conveniunt quidem in hoc quod utraque est actus, & secundum utramque est aliquid quodammodo in actu; differunt autem

in

in duobus. Primo quidem quia forma substantialis facit esse simpliciter, & eius subiectum est ens in potentia tantum; forma autem accidentalis non facit esse simpliciter, sed esse tale, aut tantum, aut aliquo modo se habens: subiectum enim eius est ens in actu. Unde patet quod actualitas per prius invenitur in forma substantiali quam in eius subiecto. Et quia primum est causa in quolibet genere, forma substantialis causat esse in actu in suo subiecto. Sed e converso actualitas per prius invenitur in subiecto formae accidentalis quam in forma accidentali: unde actualitas formae accidentalis causatur ab actualitate subiecti; ita quod subiectum, inquantum est in potentia, est susceptivum formae accidentalis; inquantum autem est in actu, est eius productivum. Et hoc dico de proprio, & per se accidente: nam respectu accidentis extranei subiectum est susceptivum tantum; productivum vero talis accidentis est agens extrinsecum. Secundo autem differunt substantialis forma, & accidentalis, quia cum minus principale sit propter principalis, materia est propter formam substantialem; sed e converso forma accidentalis est propter (a) completionem subiecti. Manifestum est autem est dictis (art. praec.) quod potentialium animae subiectum est vel ipsa anima sola, quae potest esse subiectum accidentis, secundum quod habet aliquid potentialitatis, ut supra dictum est (quæst. lxxv. art. 5. ad 1.) vel compositum. Compositum autem est in actu per animam.

Unde manifestum est quod omnes potentiae animae, siue subiectum earum sit anima sola, siue compositum, fluunt ab essentia animae sicut a principio: quia iam dictum est (in isto art.) quod accedens causatur a subiecto, secundum quod est actu; & recipitur in eo, inquantum est in potentia.

Ad primum ergo dicendum, quod ab uno simplici possunt naturaliter multa procedere ordine quodam; & iterum propter diversitatem recipientium. Sic igitur ab una essentia animae procedunt multae, & diversae potentiae, tum propter ordinem potentialium, tum propter diversitatem organorum corporaliū.

Ad secundum dicendum, quod subiectum est causa proprii accidentis & finalis, & quodammodo activa, & etiam

ut materialis, inquantum est susceptivum accidentis. Et ex hoc potest accipi quod essentia animae est causa omnium potentialium sicut finis, & sicut principium activum; quarumdam autem sicut susceptivum.

Ad tertium dicendum, quod emanatio priorum accidentium a subiecto non est per aliquam transmutationem, sed per aliquam naturalem resolutionem; sicut ex uno naturaliter aliud resultat, ut ex luce color.

ARTICULUS VII. 383

Utrum una potentia animae oriatur ab alia.

1. dist. lxx. quæst. iv. art. 3. & 11. dist. xxiv. quæst. 1. art. 2. cor. & ver. quæst. xiv. art. 5. cor. & quæst. xxv. art. 6. ad 1. & de anima art. 13. ad 7.

AD septimum sic proceditur. Videtur quod una potentia animae non oriatur ab alia. Eorum enim quae simul esse incipiunt, unum non oritur ab alio. Sed omnes potentiae animae sunt simul animae concretae. Ergo una earum ab alia non oritur.

2. Praeterea. Potentia animae oritur ab anima sicut accidens a subiecto. Sed una potentia animae non potest esse subiectum alterius, quia accidentis non est accidens. Ergo una potentia non oritur ab alia.

3. Praeterea. Oppositum non oritur a suo opposito; sed unumquodque oritur ex simili secundum speciem. Potentiae autem animae ex opposito dividuntur, sicut diversae species. Ergo una earum non procedit ab alia.

Sed contra. Potentiae cognoscuntur per actus. Sed actus unus potentiae causatur ab alio, sicut actus phantasie ab actu sensus. Ergo una potentia animae causatur ab alia.

Respondendo dicendum, quod in his quae secundum ordinem naturalem procedunt ab uno, sicut primum est causa omnium, ita quod est primum propinquius, est quodammodo causa eorum quae sunt magis remota. Ostensum est autem supra (art. 4. huius quæst.) quod inter potentias animae est multiplex ordo: & ideo una potentia animae ab essentia animae procedit mediante alia.

Sed quia essentia animae comparatur ad potentias sicut principium activum, & finale, & sicut principium susceptivum.

(a) *id. completionem.*

vum vel seorsum per se, vel simul cum corpore; agens autem, & finis est perfectius; susceptivum autem principium, in quantum huiusmodi, est minus perfectum: consequens est quod potentia animae quae sunt priores secundum ordinem perfectionis, & naturae, sine principia aliarum per modum finis, & activi principii. Videmus enim quod sensus est propter intellectum, & non e converso. Sensus etiam est quaedam deficient participatio intellectus: unde secundum naturalem originem quodammodo est ab intellectu, sicut imperfectum a perfecto. Sed secundum viam susceptivi principii e converso potentia imperfectiores inveniuntur principia respectu aliarum: sicut anima, secundum quod habet potentiam sensitivam, consideratur sicut subiectum, & materiale quoddam respectu intellectus. Et propter hoc imperfectiores potentiae sunt priores in via generationis: prius enim animal generatur quam homo.

Ad primum ergo dicendum, quod sicut potentia animae ab essentia fuit, non per transmutationem, sed per naturalem quandam resultationem, & est simul cum anima; ita est etiam de una potentia respectu alterius.

Ad secundum dicendum, quod accidens per se non potest esse subiectum accidentis; sed unum accidens per prius recipitur in substantia quam aliud, sicut quantitas quam qualitas: & hoc modo unum accidens dicitur esse subiectum alterius, ut superficies coloris, in quantum substantia uno accidente mediante recipit aliud: & similiter potest dici de potentis animae.

Ad tertium dicendum, quod potentiae animae opponuntur ad invicem oppositione perfecti, & imperfecti, sicut etiam species numerorum, & figurarum. Haec autem oppositio non impedit originem unius ab alio, quia imperfecta naturaliter a perfectis procedunt.

ARTICULUS VIII. 384

Utrum omnes potentiae animae remaneant in anima a corpore separata.

IV. dist. xlv. quaest. 111. art. 3. qu. 1. & dist. 1. quaest. 1. art. 1. corp. & II. cont. cap. lxxx1. ad 5. & de anima art. 19.

AD octavum sic proceditur. Videtur quod omnes potentiae animae remaneant in anima a corpore separata, Di-

citur enim in Lib. de spiritu & anima cap. xv. a princ.) quod anima recedit a corpore secum trahens sensum, & imaginationem, rationem, & intellectum, & intelligentiam, concupiscibilitatem, & irascibilitatem.

2. Praeterea. Potentiae animae sunt eius naturales proprietates. Sed proprium semper inest, & nunquam separatur ab eo cuius est proprium. Ergo potentiae animae sunt in ea etiam post mortem.

3. Praeterea. Potentiae animae etiam sensitivae non debilitantur, debilitatur corpore: quia, ut dicitur in I. de Anima (tex 65.) *si senex accipiat oculum iuvenis, videbit utique sicut & iuvenis.* Sed debilitas est via ad corruptionem. Ergo potentiae animae non coerumpuntur, corrupto corpore, sed manent in anima separata.

4. Praeterea. Memoria est potentia animae sensitivae, ut Philosophus probat (Lib. de mem. & reminisc. cap. 1.) Sed memoria manet in anima separata: dicitur enim Luc. xvi. 25. *diviti epuloni in inferno secundum animam existentem: Recordare quia recepisti bona in vita tua.* Ergo memoria manet in anima separata, & per consequens aliae potentiae sensitivae partis.

5. Praeterea. Gaudium, & tristitia sunt in concupiscibili, quae est potentia sensitivae partis. Manifestum est autem animas separatas tristiari, & gaudere de praemiis, vel poenis quas habent. Ergo vis concupiscibilis manet in anima separata.

6. Praeterea. Augustinus dicit XII. super Genes. ad lit. (cap. xxx1. cir. med.) quod *sicut anima, cum corpus lacer sine sensu nondum penitus mortuum, videt quoddam secundum imaginariam visionem; ita cum fuerit a corpore penitus separata post mortem.* Sed imaginatio est potentia sensitivae partis. Ergo potentia sensitivae partis manet in anima separata, & per consequens omnes aliae potentiae.

Sed contra est quod dicitur in Lib. de eccl. dogm. (cap. xix.) *Ex duabus tantum substantiis constat homo, anima cum ratione sua, & corpore cum sensibus suis.* Ergo, destructa carne, potentiae sensitivae non manent.

Respondetur dicendum, quod, sicut iam dictum est (art. 6. & 7. huius quaest.) omnes potentiae animae comparantur ad animam solum sicut ad principium. Sed quaedam potentiae comparantur ad animam solum sicut ad subiectum, ut intellectus, & voluntas; & hu-

huiusmodi potentiae necesse est quod maneat in anima, corpore destructo.

Quaedam vero potentiae sunt in coniunctis sicut in subiecto, sicut omnes potentiae sensitivae partis, & nutritivae. Destructo autem subiecto, non potest accidens remanere. Unde corrupto coniuncto, non manent huiusmodi potentiae actu, sed virtute tantum manent in anima sicut in principio, vel radice.

Et sic falsum est quod quidam dicunt, huiusmodi potentias in anima remanere, etiam corpore corrupto: & multo falsius quod dicunt, etiam actus harum potentialium remanere in anima separata: quia talium potentialium nulla est actio nisi per organum corporeum.

Ad primum ergo dicendum, quod liber ille auctoritatem non habet: unde quod ibi scriptum est, eadem facilitate contemnitur quia dicitur. Tamen potest dici, quod trahit secum anima huiusmodi potentias non actu, sed virtute.

Ad secundum dicendum, quod haec potentiae, quas dicimus actu in anima separata non manere, non sunt proprietates solius animae, sed coniuncti.

Ad tertium dicendum, quod dicuntur non debilitari huiusmodi potentiae, debilitato corpore, quia anima manet immutabilis, quae est virtuale principium huiusmodi potentialium.

Ad quartum dicendum, quod illa recordatio accipitur eo modo quo Augustinus (X. de Trin. cap. xi.) ponit memoriam in mente, non eo modo quo ponitur pars animae sensitivae.

Ad quintum dicendum, quod tristitia, & gaudium sunt in anima separata, non secundum appetitum sensitivum, sed secundum appetitum intellectivum, sicut etiam in Angelis.

Ad sextum dicendum, quod Augustinus loquitur ibi inquirendo, non asserendo: unde quaedam ibi dicta retractat.

QUAESTIO LXXVIII.

*De potentiis animae in speciali,
in quatuor articulis divisa.*

DEinde considerandum est de potentiis animae in speciali. Ad considerationem autem Theologi pertinet inquirere specialiter solum de potentiis intellectivis, & appetitivis, in quibus virtutes inveniuntur. Sed quia cognitio harum potentialium quodammodo dependet ex aliis, ideo nostra consideratio de pot-

entis animae in speciali erit tripartita. Primo namque considerandum est de his quae sunt praebula ad intellectum. Secundo de potentiis intellectivis. Tercio de potentiis appetitivis.

Circa primum quaeruntur quatuor.

Primo de generibus potentialium animae.

Secundo de speciebus vegetativae partibus.

Tercio de sensibus exterioribus.

Quarto de sensibus interioribus.

ARTICULUS I. 385

Utrum quinque genera potentialium animae sint distinguenda.

Ver. quæst. x. art. 2. ad 2. & quæst. de anima art. 13. & 1. Lib. de anima lect. 14. princ. & lect. 2. 3. co. 2. & lect. 5. & 6. fin.

AD primum sic proceditur. Videtur quod non sint quinque genera potentialium animae distinguenda, scilicet vegetativum, sensitivum, appetitivum, secundum locum motuum, & intellectivum. Potentiae enim animae dicuntur partes ipsius. Sed tantum tres partes animae communiter ab omnibus assignantur, scilicet anima vegetabilis, anima sensibilis, & rationalis. Ergo tantum tria sunt genera potentialium animae, & non quinque.

2. Præterea. Potentiae animae sunt principia operum vitae. Sed quatuor modis dicitur aliquid vivere: dicit enim Philosophus in II. de Anima (tex. 13.) *Multipliciter ipso vivere dicto, & si unum aliquid bonum in se solum, aliquid dicimus vivere ut intellectus, & sensus, motus, & status secundum locum; adhuc autem motus secundum alimentum, & decrementum, & augmentum.* Ergo tantum quatuor sunt genera potentialium animae, appetitivo excluso.

3. Præterea. Ad illud quod est commune omnibus potentiis, non debet deputari aliquod speciale animae genus. Sed appetere convenit cuilibet potentiae animae: visus enim appetit visibile conveniens: unde dicitur Ecclesi. xi. 22. *Gratiam, & speciem desiderabis oculis, & super hoc vindes rationes: & eadem ratione quolibet alia potentia desiderat obiectum sibi conveniens.* Ergo non debet poni appetitivum unum speciale genus potentialium animae.

4. Præterea. Principium movens in ani-

animalibus est sensus, aut intellectus, aut appetitus, ut dicitur in III. de Anima (tex. 48. & seq.) Non ergo motuum debet poni speciale genus animæ præter prædicta.

Sed contra est quod Philosophus dicit in III. de Anima (tex. 27.) *Potentia autem dicimus vegetativam, sensitivam, appetitivam, motivam secundum locum, et intellectivam.*

Respondendo dicendum, quod quinque sunt genera potentiarum animæ, quæ numerata sunt; tres vero dicuntur animæ; quatuor vero dicuntur modi vivendi.

Et huius diversitatis ratio est, quia diversæ animæ distinguuntur, secundum quod diversimode operatio animæ supergreditur operationem naturæ corporalis. Tota enim natura corporalis subiacet animæ, & comparatur ad ipsam sicut materia, & instrumentum. Est ergo quædam operatio animæ quæ intantum excedit naturam corpoream, quod neque etiam exerceatur per organum corporale; & talis est operatio animæ rationalis. Est autem alia operatio animæ infra istam, quæ quidem fit per organum corporale, non tamen per aliquam corpoream qualitatē; & talis est operatio animæ sensibilis: quia est calidum, & frigidum, & humidum, & siccum, & aliæ huiusmodi qualitates corporeæ requirantur ad operationem sensus; non tamen ita quod mediante virtute talium qualitatū operatio animæ sensibilis procedat, sed requiruntur solum ad debitam dispositionem organi. Infima autem operatio animæ est quæ fit per organum corporeum, & virtute corporeæ qualitatē. Supergreditur tamen operationem naturæ corporeæ: quia motiones corporum sunt ab exteriori principio; huiusmodi autem operationes sunt a principio intrinseco hoc enim commune est omnibus operationibus animæ. Omne enim animatum aliquo modo movet seipsum: & talis est operatio animæ vegetabilis. Digestio enim, & ea quæ consequuntur, fit instrumentaliter per actionem caloris, ut dicitur in II. de Anima (tex. 50.)

Genera vero potentiarum animæ distinguuntur secundum obiecta. Quanto enim potentia est altior, tanto respicit universalius obiectum, ut supra dictum est (quæst. præced. art. 3. ad 4.) Obiectum autem operationis animæ in triplici ordine potest considerari. Alicuius e-

nim potentie animæ obiectum est solum corpus animæ unitum; & hoc genus potentiarum animæ dicitur vegetativum: non enim vegetativa potentia agit nisi in corpore cui anima unitur. Est autem aliud genus potentiarum animæ quod respicit adhuc universalius obiectum, scilicet omne corpus sensibile, & non solum corpus animæ unitum. Est autem aliud genus potentiarum animæ quod respicit adhuc universalius obiectum, scilicet non solum corpus sensibile, sed etiam universaliter omne ens. Ex quo patet quod ista duo secunda genera potentiarum animæ habent operationem non solum respectu rei coniunctæ, sed etiam respectu rei extrinsecæ. Cum autem operans oporteat aliquo modo coniungi suo obiecto, circa quod operatur, necesse est extrinsecam rem, quæ est obiectum operationis animæ, secundum duplicem rationem ad animam comparari. Uno modo secundum quod nata est animæ coniungi, & in anima esse per suam similitudinem: & quantum ad hoc sunt duo genera potentiarum, scilicet *sensitivum* respectu obiecti minus communis, quod est corpus sensibile; & *intellectivum* respectu obiecti communissimi, quod est ens universale. Alio vero modo secundum quod ipsa anima inclinatur, & tendit in rem exteriorē: & secundum hanc etiam comparisonem sunt duo genera potentiarum animæ: unum quidem, scilicet *appetitivum*, secundum quod anima comparatur ad rem extrinsecam ut ad finem, qui est primum in intentione; aliud autem *motivum secundum locum*, prout anima comparatur ad rem exteriorē sicut ad terminum operationis, & motus. Ad consequendum enim aliquod desideratum, & intentum omne animal movetur.

Modi vero vivendi distinguuntur secundum gradus viventium. Quædam enim viventia sunt in quibus est tantum vegetativum, sicut in plantis. Quædam vero in quibus cum vegetativo est etiam sensitivum, non tamen motivum secundum locum, sicut sunt immobilia animalia, ut conchilia. Quædam vero sunt quæ supra hoc habent motivum secundum locum, ut perfecta animalia, quæ multis indigent ad suam vitam; & ideo indigent motu, ut vitæ necessaria procul posita querere possint. Quædam vero viventia sunt in quibus cum his est intellectivum, scilicet in hominibus. Appetitivum autem non constituit aliquem

Hh gra-

S. Th. Oper. Tom. XX.

gradum viventium: quia in quibuscumque est sensus, est etiam appetitus, ut dicitur in II. Lib. de Anima (text. 27.)

Et per hoc solvantur duo prima obiecta.

Ad tertium dicendum, quod appetitus naturalis est inclinatio cuiuslibet rei in aliquid ex natura sua. Unde naturali appetitu quolibet potentia desiderat sibi conveniens. Sed appetitus animalis consequitur formam apprehensam: & ad huiusmodi appetitum requiritur (a) specialis animæ potentia, & non sufficit sola apprehensio. Res enim appetitur, prout est in sua natura. Non est autem secundum suam naturam in virtute (b) apprehensiva, sed secundum suam similitudinem. Unde patet quod visus appetit naturaliter viibile solum ad suum actum, scilicet ad videndum. Animal autem appetit rem visam per vim appetitivam, non solum ad videndum, sed etiam ad alios usus. Si autem non indigeret anima rebus perceptis a sensu nisi propter actiones sensuum, scilicet ut eas sentiret; non oporteret appetitum ponere speciale genus inter potentias animæ, quia sufficeret appetitus naturalis potentiarum.

Ad quartum dicendum, quod quamvis sensus, & appetitus sint principia motus in animalibus perfectis; non tamen sensus, & appetitus, in quantum huiusmodi, sufficiunt ad movendum, nisi superadderetur eis aliqua virtus. Nam in immobilibus animalibus est sensus, & appetitus; non tamen habent vim motivam. Hæc autem vis motiva non solum est in appetitu, & sensu, ut imperante motum, sed etiam est in ipsis partibus corporis, ut sint habiles ad obediendum appetitui animæ moventis. Cuius signum est quod quando membra remouentur a sua dispositione naturali, non obediunt appetitui ad motum.

ARTICULUS II. 386

Utrum convenienter partes vegetativæ assignentur, scilicet nutritivum, augmentativum, & generativum.

II. con. cap. LVIII. & quest. de ani. art. 13. cor. ad 2. & 15. & Lib. II. de Anim. lec. 9. fin.

AD secundum sic proceditur. Videtur quod inconvenienter partes ve-

getativæ assignentur, scilicet nutritivum, augmentativum, & generativum. Huiusmodi enim vires dicuntur naturales. Sed potentie animæ sunt supra vires naturales. Ergo huiusmodi vires non debent poni potentie animæ.

2. Præterea. Ad id quod est commune viventibus, & non viventibus, non debet aliqua potentia animæ deputari. Sed generatio est communis omnibus generabilibus, & corruptibilibus, tam viventibus, quam non viventibus. Ergo vis generativa non debet poni potentia animæ.

3. Præterea. (c) Anima est pars potentior natura corporea. Sed natura corporea eadem virtute activa dat speciem, & debitam quantitatem. Ergo multo magis anima: non est ergo alia potentia animæ augmentativa a generativa.

4. Præterea. Unaquæque res conservatur in esse per id quod esse habet. Sed potentia generativa est per quam acquiritur esse viventis. Ergo per eandem vivam conservatur. Sed ad conservativam rei viventis ordinatur vis nutritiva, ut dicitur in II. de Anima (text. 48.) Est enim potentia potens salvare suscipiens ipsam. Non debet ergo distingui nutritiva potentia a generativa.

Sed contra est quod Philosophus dicit in II. de Anim. (text. 34. 46. & 47.) quod opera huius animæ sunt generare, & alimento uti, iterum augmentum facere.

Respondendo dicendum, quod tres sunt potentie vegetativæ partis. Vegetativum enim, ut dictum est (art. præc.) habet pro obiecto ipsum corpus vivens per animam: ad quod quidem corpus triplex animæ operatio est necessaria. Una quidem, per quam esse acquiritur; & ad hoc ordinatur potentia generativa. Alia vero per quam corpus vivum acquirit debitam quantitatem; & ad hoc ordinatur vis augmentativa. Alia vero per quam corpus viventis salvatur & in esse, & in quantitate debita; & ad hoc ordinatur vis nutritiva.

Est tamen quedam differentia attendenda inter hæc potentias. Nam nutritiva, & augmentativa habent suum effectum in eo in quo sunt: quia ipsum corpus unitum animæ augeatur, & conservatur per vim augmentativam, & nutritivam in eadem anima existentem. Sed vis generativa habet effectum suum non in eodem corpore, sed in alio: quia nihil

(a) Al. spiritualis. (b) Ita cod. Alcan. & editi plurimi. Rem. edit. appetitiva. (c) Ita Rem. pti. & Paravia. Nihilominus Animæ pars est potentior quam natura corporis ea.

ARTICULUS III. 387

Utrum convenienter distinguantur quinque sensus exteriores.

II. dist. 11. quæst. 11. art. 2. ad 5. fin. & quæst. de anima art. 13. cor. & III. Lib. de Anima lect. 7.

hil est generativum suiipsius. Et ideo vis generativa quodammodo appropinquat ad dignitatem animæ sensitivæ, quæ habet operationem in res exteriores, licet excellentiori modo, & universaliori. *Superius enim inferioris natura attingit id quod est infimum superioris, ut patet per Dionysium in VII. cap. de divin. Nom. (inter med. & fin. lect. 4.)* Et ideo inter istas tres potentias finalior, & principalior, & perfectior est generativa, ut dicitur in II. de Anima (tex. 49.) *est enim rei iam perfecta facere alteram, qualis ipsa est.* Generativæ autem deserviunt & augmentativa, & nutritiva; augmentativæ vero nutritiva.

Ad primum ergo dicendum, quod huiusmodi vires dicuntur naturales: tum quia habent effectum similem naturæ, quæ etiam dat esse, & quantitatem, & conservationem; licet hæ vires habeant hoc altiori modo: tum quia hæ vires exercent suas actiones instrumentaliter per qualitates activas, & passivas, quæ sunt naturalium actionum principia.

Ad secundum dicendum, quod generatio in rebus inanimatis est totaliter ab extrinseco; sed generatio viventium est quodam altiori modo per aliquid ipsius viventis, quod est semen, in quo est aliquod principium corporis formativum. Et ideo oportet esse aliquam potentiam rei viventis, per quam semen huiusmodi præparatur: & hæc est vis generativa.

Ad tertium dicendum, quod quia generatio viventium est ex aliquo semine, oportet quod in principio animal generetur parvæ quantitatis: & propter hoc necesse est quod habeat potentiam animæ, per quam ad debitam quantitatem perducatur. Sed corpus inanimatum generatur ex materia determinata ab agente extrinseco; & ideo simul recipit speciem, & quantitatem secundum materiam conditionem.

Ad quartum dicendum, quod, sicut iam dictum est (art. præc.) operatio vegetativi principii completur mediante calore, cuius est humidum consumere: & ideo ad restaurationem humidi perditum necesse est habere potentiam nutritivam, per quam alimentum convertatur in substantiam corporis: quod etiam est necessarium ad actus virtutis augmentativæ, & generativæ.

Ad tertium sic proceditur. Videtur quod inconvenienter distinguantur quinque sensus exteriores. Sensus enim est cognoscitivus accidentium. Sunt autem multa genera accidentium. Cum ergo potentia distinguatur per obiecta, videtur quod sensus multiplicentur secundum numerum, qui est in generibus accidentium.

2. Præterea. Magnitudo, & figura, & alia, quæ dicuntur sensibilia communia, non sunt sensibilia per accidens, sed contra ea dividuntur in II. de Anima (tex. 63. & 64.) Diversitas autem per se obiectorum diversificat potentias. Cum ergo plus differant magnitudo, & figura a colore, quam sonus; videtur quod multo magis debeat esse alia potentia sensitiva cognoscitiva magnitudinis, aut figuræ, quam coloris, & soni.

3. Præterea. Unus sensus est unius contrarietatis, sicut visus albi, & nigri. Sed tactus est cognoscitivus plurium contrarietatum, scilicet calidi, & frigidi, humidi, & siccis, & huiusmodi. Ergo non est sensus unius, sed plures: ergo plures sensus sunt quam quinque.

4. Præterea. Species non dividitur contra genus. Sed gustus est tactus quidam. Ergo non debet poni alter sensus præter tactum.

Sed contra est quod Philosophus dicit in II. de Anima (tex. 128.) quod non est alter sensus præter quinque.

Respondeo dicendum, quod rationem distinctionis, & numeri sensuum exteriorum quidam accipere voluerunt ex parte organorum, in quibus aliquod elementorum dominatur, vel aqua, vel aer, vel aliquid huiusmodi: quidam autem ex parte medii, quod est vel coniunctum, vel extrinsecum; & hoc vel aer, vel aqua, vel aliquid huiusmodi: eundem autem ex diversa natura sensibilibus qualitatum, secundum quod est qualitas simplicis corporis, vel sequens complexionem. Sed nihil istorum conveniens est. Non enim potentia sunt propter organa, sed organa propter potentias: unde non propter hoc sunt diversæ potentia, quia

H h 2 Iunt

sunt diversa organa; sed ideo natura insituit diversitatem in organis, ut congruerent diversitati potentialium. Et similiter diversa media diversis sensibus attribuit, secundum quod erat conveniens ad actus potentialium. Naturas autem sensibilibus qualitatibus cognoscere non est sensus, sed intellectus. Accipienda est ergo ratio numeri, & distinctionis exteriorum sensuum secundum illud quod proprie & per se ad sensum pertinet. Est autem sensus quædam potentia passiva, quæ nata est immutari ab exteriori sensibili. Exterior ergo immutativum est quod per se a sensu percipitur, & secundum cuius diversitatem sensitivæ potentie distinguuntur.

Est autem duplex immutatio, una naturalis, & alia spiritualis. Naturalis quidem, secundum quod forma immutantis recipitur in immutato secundum esse naturale, sicut calor in calefacto: spiritualis autem, secundum quod forma immutantis recipitur in immutato secundum esse spirituale, ut forma coloris in pupilla, quæ non fit per hoc colorata. Ad operationem autem sensus requiritur immutatio spiritualis, per quam intentio formæ sensibilis fiat in organo sensus: alioquin si sola immutatio naturalis sufficeret ad sentiendum, omnia corpora naturalia sentirent, dum alterantur. Sed in quibusdam sensibus invenitur immutatio spiritualis tantum, sicut in visu; in quibusdam autem cum immutatione spirituali etiam naturalis vel ex parte obiecti tantum, vel etiam ex parte organi. Ex parte autem obiecti invenitur transmutatio naturalis secundum locum quidem in sono, qui est obiectum auditus, nam sonus ex percussione causatur, & aeris commotionem; secundum alterationem vero in odore, qui est obiectum olfactus, oportet enim per calidum alterari aliquo modo corpus, ad hoc quod spirat odorena. Ex parte autem organi est immutatio naturalis in tactu, & gustu: nam & manus tangens calida calent, & lingua humectatur per humiditatem saporum. Organum vero olfactus, aut auditus nulla naturali immutatione immutatur in sentiendum, nisi per accedens. Visus autem, qui est absque immutatione naturalis organi, & obiecti, est maxime spiritualis, & perfectior inter omnes sensus, & communior; & post hunc auditus, & deinde olfactus, qui habent immutationem naturalem ex parte obiecti. Motus autem localis est perfectior, &

naturaliter prior quam motus alteratio, ut probatur in VIII. Physic. (text. 55.) Tactus autem, & gustus sunt maxime naturales, de quorum distinctione post dicitur (in solut. 3. & 4. argum.) Et inde est quod alii tres sensus non sunt per medium coniunctum, ne aliqua naturalis transmutatio pertingat ad organum, ut accidit in his duobus sensibus.

Ad primum ergo dicendum, quod non omnia accidentia habent vim immutativam secundum se, sed solæ qualitates tertiæ speciei, secundum quas contingit alteratio: & ideo solæ huiusmodi qualitates sunt obiecta sensuum: quia, ut dicitur in VII. Physic. (text. 12.) *secundum eadem alteratur sensus secundum quæ alterantur corpora inanimata.*

Ad secundum dicendum, quod magnitudo, & figura, & huiusmodi, quæ dicuntur communia sensibilia, sunt media inter sensibilia per accedens, & sensibilia propria, quæ sunt obiecta sensuum. Nam sensibilia propria primo & per se immutant sensum, cum sint qualitates alterantes; sensibilia vero communia omnia reducuntur ad quantitatem. Et de magnitudine quidem, & numero patet quod sunt species quantitatis: figura autem est qualitas circa quantitatem, cum consistat ratio figuræ in terminatione magnitudinis: motus autem, & quies sentiuntur, secundum quod subiectum uno modo, vel pluribus modis se habet secundum magnitudinem subiecti, vel localis distantie quantum ad motum augmenti, & motum localem, vel etiam secundum sensibiles qualitates, ut in motu alterationis: & sic sentire motum, & quietem est quodammodo sentire unum, & multa. Quantitas autem est proximum subiectum qualitatibus alterativæ, ut superficies coloris. Et ideo sensibilia communia non movent sensum primo & per se, sed ratione sensibilis qualitatis, ut superficies ratione coloris. Nec tamen sunt sensibilia per accedens, quia huiusmodi sensibilia aliquam diversitatem faciunt in immutatione sensus. Alio enim modo immutatur sensus a magna superficie, & a parva: quia etiam ipsa albedo dicitur magna, vel parva: & ideo dividitur secundum proprium subiectum.

Ad tertium dicendum, quod, sicut Philosophus videtur dicere in II. de Anima (text. 106. & deinceps.) sensus tactus est unus genere, sed dividitur in multos sensus secundum speciem (& propter hoc est diversarum contrarietatum); & ta-

men non separantur ab invicem secundum organum, sed per totum corpus concomitantur: & ideo eorum distinctio non apparet. Gustus autem, qui est perceptivus dulcis, & amari, concomitatur tactum in lingua, non autem per totum corpus; & ideo de facili a tactu distinguitur. Posset tamen dici, quod omnes illae contrarietates lingulae conveniunt in uno genere proximo, & omnes in uno genere communi, quod est obiectum tactus secundum rationem communem. Sed illud genus commune est innominatum, sicut etiam genus proximum calidi, & frigidi est innominatum.

Ad quartum dicendum, quod sensus gustus, secundum dictum Philosophi (II. de Anima tex. 28. & 94.) est quaedam species tactus quae est in lingua tantum. Non autem distinguitur a tactu in genere, sed a tactu quantum ad illas species quae per totum corpus diffunduntur. Si vero tactus sit unus sensus tantum propter unam rationem communem obiecti, dicendum erit, quod secundum rationem diversam immutationis distinguitur gustus a tactu. Nam tactus immutatur naturali immutatione, & non solum spiritali, quantum ad organum suum, secundum qualitatem quae ei proprie obicitur; gustus autem organum non immutatur de necessitate naturali immutatione secundum qualitatem, quae ei proprie obicitur (ut scilicet lingua fiat dulcis, vel amara) sed secundum praeparatam qualitatem, in qua fundatur sapor, scilicet secundum humorem, qui est obiectum tactus.

ARTICULUS IV. 388

Utrum interiores sensus convenienter distinguantur.

De anima art. 13. corp.

AD quartum sic proceditur. Videtur quod interiores sensus inconvenienter distinguantur. Commune enim non dividitur contra proprium. Ergo sensus communis non debet enumerari inter vires interiores sensitivas praeter sensus exteriores proprios.

2. Praeterea. Ad id ad quod sufficit sensus proprius, & exterior, non oportet ponere aliquam vim apprehensivam interiorum. Sed ad iudicandum de sensibilibus sufficiunt sensus proprii, & exteriores: unusquisque enim sensus iudicat de proprio obiecto. Similiter etiam videntur sufficere ad hoc quod percipiant suos

actus: quia cum actio sensus sit quodammodo medium inter potentiam, & obiectum, videtur quod multo magis visus possit suam visionem, tamquam sibi propinquiores, percipere, quam colorem; & sic de aliis. Non ergo necessarium fuit ad hoc ponere interiorum potentiam, quae dicatur sensus communis.

3. Praeterea. Secundum Philosophum (Lib. de memor. & reminisc. cap. 1.) phantasticum, & memorativum sunt passiones primi sensus. Sed passio non dividitur contra subiectum. Ergo memoria, & phantasia non debent poni aliae potentiae praeter sensum communem.

4. Praeterea. Intellectus minus dependet a sensu quam quaecumque potentia sensitivae partis. Sed intellectus nihil cognoscit nisi accipiendo a sensu: unde dicitur in I. Poster. (tex. 33.) quod quibus deest unus sensus, deest una scientia. Ergo multo minus debet poni una potentia sensitivae partis ad percipiendas intentiones quas non percipit sensus, quam vocant aestimativam.

5. Praeterea. Actus cognitivae, qui est conferre, & componere, & dividere; & actus reminiscitivae, qui est quodam syllogismo uti ad inquirendum, non minus distat ab actu aestimativae, & memorativae, quam actus aestimativae ab actu phantasiae. Debent ergo vel cognitiva, & reminiscitiva poni aliae vires praeter aestimativam, & memorativam; vel aestimativa, & memorativa non debent poni aliae vires praeter phantasiam.

6. Praeterea. Augustinus XII. super Gen. ad litt. (cap. VII. xxiv. &c.) ponit tria genera visionum; scilicet corporalem, quae fit per sensum; & spirituales, quae fit per imaginationem, sive phantasiam; & intellectualem, quae fit per intellectum. Non est ergo aliqua vis interior quae sit media inter sensum, & intellectum, nisi imaginativa tantum.

Sed contra est quod Avicenna in suo libro de anima ponit quinque potentias sensitivas interiores, scilicet sensum communem, phantasiam, imaginativam, aestimativam, & memorativam.

Respondeo dicendum, quod cum natura non deficiat in necessariis, oportet esse tot actiones animae sensitivae, quot sufficiant ad vitam animalis perfecti. Et quaecumque harum actionum non possunt reduci in unum principium, requirunt diversas potentias; cum potentia animae nihil aliud sit quam proximum principium operationis animae.

Hh 3 Et

S. Th. Oper. Tom. XX.

Est autem considerandum, quod ad vitam animalis perfecti requiritur quod non solum apprehendat rem ad praesentiam sensibilis, sed etiam in eius absentia: alioquin cum animalis motus, & actio sequantur apprehensionem, non moveretur animal ad inquirendum aliquid abiens: cuius contrarium apparet maxime in animalibus perfectis, quae moventur motu processivo, moventur enim ad aliquid abiens apprehensum. Oportet ergo quod animal per animam sensitivam non solum recipiat species sensibilium, cum praesentialiter immutatur ab eis, sed etiam eas retineat, & conservet. Recipere autem, & retinere reducuntur in corporalibus ad diversa principia: nam humida bene recipiunt, & male retinent; e contrario autem est de siccis. Unde cum potentia sensitiva sit actus organi corporalis, oportet esse aliam potentiam quae recipiat species sensibilium, & quae conservet.

Rursus considerandum est, quod si animal moveretur solum propter delectabile, & contristabile secundum sensum, non esset necessarium ponere in animali nisi apprehensionem formarum quas percipit sensus, in quibus delectatur, aut horret. Sed necessarium est animali ut quaerat aliqua, vel fugiat non solum quia sunt convenientia, vel non convenientia ad sentiendum, sed etiam propter aliquas alias commoditates, & utilitates, sive nocuentes; sicut ovis videns lupum venientem fugit, non propter indecentiam coloris, vel figurae, sed quasi inimicum naturae, & similiter avis colligit paleam, non quia delectet sensum, sed quia est utilis ad nidificandum. Necessarium est ergo animali quod percipiat huiusmodi intentiones, quas non percipit sensus exterior: & huius perceptionis oportet esse aliquod aliud principium; cum perceptio formarum sensibilium sit ex immutatione sensibili, non autem perceptio intentionum praedictarum. Sic ergo ad receptionem formarum sensibilium ordinatur *sensus proprius*, & *communis*, de quorum distinctione post dicitur (in solut. 1. & 2. arg.) Ad harum autem formarum retentionem, aut conservationem ordinatur (a) *phantasia*, sive *imaginatio*, quae idem sunt: est enim phantasia, sive imaginatio quasi thesaurus quidam formarum per sensum acceptarum. Ad apprehendendum autem intentiones quae per sensum non accipiuntur, ordinatur *vis aestimativa*; ad

conservandum autem eas *vis memorativa*, quae est thesaurus quidam huiusmodi intentionum: cuius signum est, quod principium memorandi sit in animalibus ex aliqua huiusmodi intentione; puta, quod est nocivum, vel conveniens. Et ipsa ratio praeteriti, quam attendit memoria, inter huiusmodi intentiones computatur.

Considerandum est autem, quod quantum ad formas sensibiles non est differentia inter hominem, & alia animalia, similiter enim immutantur a sensibilibus exterioribus; sed quantum ad intentiones praedictas differentia est. Nam alia animalia percipiunt huiusmodi intentiones solum naturalium quodam instinctu, homo autem per quamdam collationem. Et ideo quae in aliis animalibus dicitur *aestimativa naturalis*, in homine dicitur *cognitiva*, quae per collationem quendam huiusmodi intentiones accipit. Unde etiam dicitur *ratio particularis*, cui medici assignant determinatum organum, scilicet mediam partem capitis: est enim collativa intentionum individualium, sicut *ratio intellectiva* intentionum universalium. Ex parte autem memorativae non solum habet *memoriam*, sicut cetera animalia, in subita recordatione praeteritorum, sed etiam *reminiscentiam*, quasi syllogistice inquirendo praeteritorum memoriam secundum individuales intentiones. Avicenna vero ponit quintam potentiam mediam inter aestimativam, & imaginativam, quae componit, & dividit formas imaginatas; ut patet cum ex forma imaginata auri, & forma imaginata montis componimus unam formam montis aurei, quem numquam vidimus. Sed ista operatio non apparet in aliis animalibus ab homine, in quo ad hoc sufficit virtus imaginativa. Cui etiam hanc actionem attribuit Averroes in libro quodam quem fecit de sensu, & sensibilibus. Et sic non est necesse ponere nisi quatuor vires inferiores sensitivae partis, scilicet *sensum commune*, & *imaginationem*, *aestimativam*, & *memorativam*.

Ad primum ergo dicendum, quod sensus interior non dicitur *communis* per praedicationem, sicut genus, sed sicut communis radix, & principium exteriorum sensuum.

Ad secundum dicendum, quod sensus proprius iudicat de sensibili proprio, discernendo ipsum ab aliis quae cadunt sub eodem sensu; sicut discernendo album a ni-

(a) Ita cum ed. Alcon: edici plurimi. Rom. edis. phantasia, sive imaginatio, quasi thesaurus quidam &c. intermediis omis.

nigro, vel a viridi. Sed discernere album a dulci non potest neque visus, neque gustus: quia oportet quod qui inter aliqua discernit, utrumque cognoscat. Unde oportet ad sensum communem pertinere discretionis iudicium, ad quem referantur, sicut ad communem terminum, omnes apprehensiones sensuum, a quo etiam percipiuntur actiones sensuum, sicut cum aliquis videt se videre. Hoc enim non potest fieri per sensuum proprium, qui non cognoscit nisi formam sensibilibus a quo immutatur: in qua immutatione persequitur visio, & ex qua immutatione sequitur alia immutatio in sensu communi, qui visionem percipit.

Ad tertium dicendum, quod sicut una potentia oritur ab anima, alia mediantem, ut supra dictum est (quaest. lxxvii. art. 7.) ita etiam anima subicitur alii potentiae mediante alia: & secundum hunc modum phantasticam, & memorativam dicuntur passiones primi sensitivi.

Ad quartum dicendum, quod licet intellectus operatio oriatur a sensu; tamen in re apprehensa per sensum intellectus multa cognoscit quae sensus percipere non potest: & similiter estimativa, licet interiori modo.

Ad quintum dicendum, quod illam eminentiam habet cogitativa, & memorativa in homine, non per id quod est proprium sensitivae partis, sed per aliquam affinitatem, & propinquitatem ad rationem universalem, secundum quamdam refluentiam. Et ideo non sunt aliae vires, sed eadem perfectiores quam sunt in aliis animalibus.

Ad sextum dicendum, quod Augustinus spirituales visionem dicit esse quae sit per similitudines corporum in absentia corporum. Unde patet quod communis est omnibus interioribus apprehensionibus.

QUAESTIO LXXIX.

*De potentiis intellectibus,
in tredecim articulos divisa.*

DEinde quaeritur de potentiis intellectibus: circa quod quaeruntur tredecim.

Primo, utrum intellectus sit potentia animae, vel eius essentia.

Secundo, si est potentia, utrum sit potentia passiva.

Tertio, si est potentia passiva, utrum sit ponere aliquem intellectum agentem.

Quarto, utrum sit aliquid animae.

Quinto, utrum intellectus agens sit unus omnium.

Sexto, utrum memoria sit in intellectu.

Septimo, utrum sit alia potentia ab intellectu.

Octavo, utrum ratio sit alia potentia ab intellectu.

Nono, utrum ratio superior, & inferior sint diversae potentiae.

Decimo, utrum intelligentia sit alia potentia praeter intellectum.

Undecimo, utrum intellectus speculativus, & practicus sint diversae potentiae.

Duodecimo, utrum lynderesis sit aliqua potentia intellectivae partis.

Tertiodecimo, utrum conscientia sit aliqua potentia intellectivae partis.

ARTICULUS I. 389

Utrum intellectus sit aliqua potentia animae.

Ter. quaest. xviii. art. 1. cor.

AD primum sic proceditur. Videtur quod intellectus non sit aliqua potentia animae, sed sit ipsa eius essentia. Intellectus enim idem videtur esse quod mens. Sed mens non est potentia animae, sed essentia: dicit enim Augustinus IX. de Trinit. (cap. iv. circa med.) *Mens, & spiritus non relative dicuntur, sed essentiam demonstrans.* Ergo intellectus est ipsa essentia animae.

2. Praeterea. Diversa genera potentiarum animae non ununtur in aliqua potentia una, sed in sola essentia animae. Appetitivum autem, & intellectivum sunt diversa genera potentiarum animae, ut dicitur in II. de Anima (text. 27.) conveniunt autem in mente: quia Augustinus X. de Trinitate (cap. xi.) ponit intelligentiam, & voluntatem in mente. Ergo mens, & intellectus est ipsa essentia animae, & non aliqua eius potentia.

3. Praeterea. Secundum Gregorium in homil. Ascensionis (xxix. in Evang. non remote a princ.) *homo intelligit cum Angelis.* Sed Angeli dicuntur mentes, & intellectus. Ergo mens, & intellectus hominis non est aliqua potentia animae, sed ipsa anima.

4. Praeterea. Ex hoc convenit alicui substantiae quod sit intellectiva, quia est immaterialis. Sed anima est immaterialis per suam essentiam. Ergo videtur quod anima per suam essentiam sit intellectiva.

Sed contra est quod Philosophus ponit

intellectivum potentiam animæ, ut patet in II. de Anima (text. 27.)

Respondeo dicendum, quod necesse est dicere secundum præmissa (quæst. IIV. art. 3. & IXX. art. 2. & LXXVII. art. 1.) quod intellectus sit aliqua potentia animæ, & non ipsa animæ essentia. Tunc enim solum immediatum principium operationis est ipsa essentia rei operantis, quando ipsa operatio est eius esse. Sicut enim potentia se habet ad operationem ut ad suum actum, ita se habet essentia ad esse. Unde in solo Deo intellectus est eius essentia; in omnibus autem aliis creaturis intellectualibus intellectus est quædam potentia intelligentis.

Ad primum ergo dicendum, quod sensus accipitur aliquando pro potentia, aliquando vero pro ipsa anima sensitiva. Denominatur enim anima sensitiva nomine principalioris sue potentie, quæ est sensus: & similiter anima intellectiva quandoque nomine intellectus, quasi a principaliori sua virtute, sicut dicitur in I. de Anima (text. 65.) quod *intellectus est substantia quædam*. Et etiam hoc modo Augustinus dicit, quod mens est species, vel essentia.

Ad secundum dicendum, quod appetitivum, & intellectivum sunt diversa genera potentiarum animæ secundum diversas rationes obiectorum. Sed appetitivum partim convenit cum intellectivo, & partim cum sensitivo quantum ad modum operandi per organum corporale, vel sine huiusmodi organo: nam appetitus sequitur apprehensionem. Et secundum hoc Augustinus ponit voluntatem in mente, & Philosophus in ratione (Lib. III. de Anima text. 42.)

Ad tertium dicendum, quod in Angelis non est alia vis quam intellectiva, & voluntas, quæ ad intellectum consequitur: & propter hoc Angelus dicitur mens, vel intellectus, quia tota virtus sua in hoc consistit. Anima autem habet multas alias vires, sicut sensitivas, & nutritivas. Et ideo non est simile.

Ad quartum dicendum, quod ipsa immaterialitas substantie intelligentis creaturæ non est eius intellectus; sed ex immaterialitate habet virtutem ad intelligendum. Unde non oportet quod intellectus sit substantia animæ, sed eius virtus, & potentia.

ARTICULUS II. 390

Utrum intellectus sit potentia passiva.

III. dist. XIV. art. 1. quæst. 2. cor. 13. ad 2. 13.
II. cont. cap. IXX. 13. 13. quæst. XVI.
art. 1. ad 13.

AD secundum sic proceditur. Videtur quod intellectus non sit potentia passiva. Patitur enim unumquodque secundum materiam, sed agit ratione formæ. Sed virtus intellectiva consequitur immaterialitatem substantie intelligentis. Ergo videtur quod intellectus non sit potentia passiva.

2. Præterea. Potentia intellectiva est incorruptibilis, ut supra dictum est (quæst. LXXV. art. 6.) Sed intellectus, si est passivus, est corruptibilis, ut dicitur in III. de Anima (text. 20.) Ergo potentia intellectiva non est passiva.

3. Præterea. Agens est nobilior patiente, ut dicit Augustinus XII. super Gen. ad litt. (cap. XVI. in med.) & Aristoteles in III. de Anima (text. 19.) Patientie autem vegetativæ partis omnes sunt activæ, quæ tamen sunt infimæ inter potentias animæ. Ergo multo magis potentie intellectivæ, quæ sunt supremæ, omnes sunt activæ.

Sed contra est quod Philosophus dicit in III. de Anima (text. 12.) quod *intelligere est pati quoddam*.

Respondeo dicendum, quod pati tripliciter dicitur. Uno modo propriissime, scilicet quando aliquid removetur ab eo quod convenit sibi secundum naturam, aut secundum propriam inclinationem; sicut cum aqua frigiditatem amittit per calefactionem, & cum homo ægrotat, aut tristatur. Secundo modo minus proprie dicitur aliquis pati eo quod aliquid ab ipso abicitur, sive sit ei conveniens, sive non conveniens: & secundum hoc dicitur pati non solum qui ægrotat, sed etiam qui sanatur; non solum qui tristatur, sed etiam qui lætatur; vel quocumque modo aliquis alteretur, vel moveatur. Tertio dicitur aliquis pati communiter ex hoc solo quod id quod est in potentia ad aliquid, recipit illud ad quod erat in potentia, absque hoc quod aliquid abiciatur: secundum quem modum omne quod exire de potentia in actum, potest dici pati, etiam cum perficitur. Et sic intelligere nostrum est pati. Quod quidem hac ratione apparet. Intellectus enim, sicut supra dictum est (quæst. V.

13.

art. 2. & lxxviii. art. 1.) habet operationem circa ens in universale.

Considerari ergo potest, utrum intellectus sit in actu, vel potentia, ex hoc quod consideratur, quomodo intellectus se habeat ad ens universale. Invenitur enim aliquis intellectus qui ad ens universale se habet sicut actus totius entis; & talis est intellectus divinus, qui est Dei essentia, in qua originaliter, & virtualiter totum ens praexistit sicut in prima causa: & ideo intellectus divinus non est in potentia, sed est actus purus. Nullus autem intellectus creatus potest se habere ut actus respectu totius entis universalis, quia sic oportet quod esset ens infinitum: unde omnis intellectus creatus per hoc ipsum quod est, non est actus omnium intelligibilium, sed comparatur ad ipsa intelligibilia sicut potentia ad actum. Potentia autem dupliciter se habet ad actum. Est enim quaedam potentia quae semper est perfecta per actum, sicut dicimus de materia corporum caelestium; quaedam autem potentia est quae non semper est in actu, sed de potentia procedit in actum, sicut invenitur in generabilibus, & corruptibilibus. Intellectus igitur angelicus semper est in actu suorum intelligibilium, propter propinquitatem ad primum intellectum, qui est actus purus, ut supra dictum est (quaest. lxxii. art. 1.) Intellectus autem humanus, qui est infirmus in ordine intellectuum, & maxime remotus a perfectione divini intellectus, est in potentia respectu intelligibilium; & in principio est sicut *tabula rasa*, in qua nihil est scriptum, ut Philosophus dicit in III. de Anima (text. 14.) Quod manifeste apparet ex hoc quod in principio sumus intelligentes solum in potentia, postmodum autem efficimur intelligentes in actu. Sic igitur patet quod intelligere nostrum est quoddam pati, secundum tertium modum passionis; & per consequens intellectus est potentia passiva.

Ad primum ergo dicendum, quod obiecto illa procedit de primo, & secundo modo passionis, qui sunt proprii materiae primae. Tertius autem modus passionis est cuiusque in potentia existentis quod in actum reducitur.

Ad secundum dicendum, quod intellectus passivus secundum quoddam dicitur appetitus sensitivus, in quo sunt animae passionis, qui etiam in I. Ethic. (cap. ult.) dicitur *rationalis per participationem*, quia obedit rationi. Secundum alios au-

tem intellectus passivus dicitur virtus cogitativa, quae nominatur *ratio particularis*. Et utroque modo passivum accipi potest secundum primos duos modos passionis, inquantum talis intellectus sic dictus, est actus alicuius organi corporalis. Sed intellectus qui est in potentia ad intelligibilia, quem Aristoteles (III. de Anima text. 5.) ob hoc nominat *intellectum passibilem*, non est passivus, nisi tertio modo, quia non est actus organi corporalis: & ideo est incorruptibilis.

Ad tertium dicendum, quod agens est nobilius patiente, si ad idem actio, & passio referantur; non autem semper, si ad diversa. Intellectus autem est vis passiva respectu totius entis universalis. Vegetativum autem est activum respectu cuiusdam entis particularis, scilicet corporis coniecti. Unde nihil prohibet huiusmodi passivum esse nobilius tali activo.

ARTICULUS III. 391

Utrum sit ponere intellectum agentem.

De anima art. 4.

AD tertium sic proceditur. Videtur quod non sit ponere intellectum agentem. Sicut enim se habet sensus ad sensibilia, ita se habet intellectus ad intelligibilia. Sed quia sensus est in potentia ad sensibilia, non ponitur sensus agens, sed sensus patiens tantum. Ergo cum intellectus noster sit in potentia ad intelligibilia, videtur quod non debeat poni intellectus agens, sed possibile tantum.

2. Si dicatur, quod in sensu etiam est aliquod agens, sicut lumen; contra. Lumen requiritur ad visum, inquantum facit medium lucidum in actu: nam color ipse secundum se est motivus lucidi. Sed in operatione intellectus non ponitur aliquod medium quod necesse sit fieri in actu. Ergo non est necessarium ponere intellectum agentem.

3. Praeterea. Similitudo agentis recipitur in patiente secundum modum patientis. Sed intellectus possibilis est virtus immaterialis. Ergo immaterialitas eius sufficit ad hoc quod recipiantur in eo formae immaterialiter. Sed ex hoc ipso aliqua forma est intelligibilis in actu quod est immaterialis. Ergo nulla necessitas est ponere intellectum agentem ad hoc quod faciat species intelligibiles in actu.

Sed contra est quod Philosophus dicit in III. de Anima (text. 17.) quod sicut

in

in omni natura, ita & in anima est aliquid quo est omnia fieri, & aliquid quo est omnia facere. Est ergo ponere intellectum agentem.

Respondendo dicendum, quod secundum opinionem Platonis nulla necessitas erat ponere intellectum agentem ad faciendum intelligibilia in actu, sed forte ad præbendum lumen intelligibile intelligenti, ut infra dicitur (art. seq. & quæst. lxxxiv. art. 6.) Posuit enim Plato, formas rerum naturalium sine materia subsistere, & per consequens eas intelligibiles esse: quia ex hoc est aliquid intelligibile actu quod est immateriale: & huiusmodi vocabat species, sive ideas: ex quarum participatione dicebat etiam materiam corporealem formari, ad hoc quod individua naturaliter constituerentur in propriis generibus, & speciebus; & intellectus nostrus ad hoc quod de generibus, & speciebus rerum scientiam haberent.

Sed quia Aristoteles (Lib. III. Metaph. text. 10. usque ad fin. Lib.) non potuit formas rerum naturalium subsistere sine materia (formæ autem in materia existentes non sunt intelligibiles actu;) sequeretur quod naturæ, seu formæ rerum sensibilium, quas intelligimus, non essent intelligibiles actu. Nihil autem reducitur de potentia in actum nisi per aliquod ens actu, sicut sensus fit in actu per sensibile in actu. Oportet igitur ponere aliquam virtutem ex parte intellectus que faciat intelligibilia in actu per abstractionem specierum a conditionibus materialibus: & hæc est necessitas ponendi intellectum agentem.

Ad primum ergo dicendum, quod sensibilia inveniuntur actu extra animam: & ideo non oportuit ponere sensum agentem. Et sic patet quod in parte nutritiva omnes potentie sunt activæ; in parte autem sensitiva omnes passivæ; in parte vero intellectiva est aliquid activum, & aliquid passivum.

Ad secundum dicendum, quod circa effectum luminis est duplex opinio. Quidam enim dicunt, quod lumen requiritur ad visum, ut faciat colores actu visibiles: & secundum hoc similiter requiritur, & propter idem (a) intellectus agens ad intelligendum, propter quod lumen ad videndum. Secundum alios vero lumen requiritur ad videndum, non propter colores, ut fiant actu visibiles, sed

ut medium fiat actu lucidum, ut Commentator dicit in III. de Anima (comm. 18.) Et secundum hoc similitudo, qua Aristoteles assimilavit intellectum agentem lumini, attenditur quantum ad hoc quod sicut hoc est necessarium ad videndum, ita illud ad intelligendum; sed non propter idem.

Ad tertium dicendum, quod, supposito agente, bene contingit diversimode recipi eius similitudinem in diversis, propter eorum dispositionem diversam. Sed si agens non præexistit, nihil ad hoc faciet dispositio recipientis. Intelligibile autem in actu non est aliquid existens in rerum natura, quantum ad naturam rerum sensibilium, quæ non subsistunt præter materiam. Et ideo ad intelligendum non sufficeret immaterialitas intellectus possibilis, nisi adesset intellectus agens, qui faceret intelligibile in actu per modum abstractionis.

ARTICULUS IV. 392

Utrum intellectus agens sit aliquid anime.

II. cont. cap. lxxv. & lxxviii. & de anima art. 5.

AD quartum sic proceditur. Videtur quod intellectus agens non sit aliquid anime nostræ. Intellectus enim agentis effectus est illuminare ad intelligendum. Sed hoc fit per aliquid quod est altius anima, secundum illud Ioan. 1. 9. *Erat lux vera, que illuminat omnem hominem venientem in hunc mundum.* Ergo videtur quod intellectus agens non sit aliquid anime nostræ.

2. Præterea. Philosophus in III. de Anima (text. 20.) attribuit intellectui agentis (b) quod non aliquando intelligit, & aliquando non intelligit. Sed anima nostra non semper intelligit, sed aliquando intelligit, & aliquando non intelligit. Ergo intellectus agens non est aliquid anime nostræ.

3. Præterea. Agens, & patiens sufficient ad agendum. Si igitur intellectus passivus est aliquid anime nostræ, qui est virtus passiva, & similiter intellectus agens, qui est virtus activa; sequitur quod homo semper poterit intelligere, cum voluerit: quod patet esse falsum. Non est ergo intellectus agens aliquid anime nostræ.

4. Præterea, Philosophus dicit in III. de

(a) Nicolaus hic repetit sequitur. (b) Ita edit. Rom. cum Colon. Duacena, & Nicolaus. Perpetuum in aliis omittitur non.

de Anima (text. 19.) quod intellectus actus agens separatus; nihilominus tamen *gens est instantia actus*. Nihil autem aliter posset eundem in actu, & in potentia. Si ergo intellectus possibilis, qui est in potentia ad omnia intelligibilia, est distinctus a rebus naturalibus perfectis præter universales causas agentes sunt propriæ virtutes inditæ singulis rebus perfectis, ab universalibus agentibus derivatæ: non enim solus Sol generat hominem, sed est in homine virtus generativa hominis; & similiter in aliis animalibus perfectis. Nihil autem est perfectius in inferioribus rebus anima humana. Unde oportet dicere, quod in ipsa sit aliqua virtus derivata a superiori intellectu, per quam possit phantasmata illustrare. Et hoc experimento cognoscimus, dum percipimus nos abstrahere formas universales a conditionibus particularibus, quod est facere actum intelligibilia. Nulla autem actio convenit alicui rei nisi per aliquod principium formaliter ei inhærens, ut supra dictum est (quæst. lxxvi. art. 1.) cum de intellectu possibili ageretur. Ergo oportet virtutem quæ est principium huius actionis, esse aliquid in anima. Et ideo Aristoteles (Lib. III. de Anima text. 18.) comparavit intellectum agentem lumini, quod est aliquid receptum in aere. Plato autem intellectum separatum imprimantem in animas nostras comparavit Soli, ut Themistius dicit in comment. III. de Anima.

Præterea. Si intellectus agens est aliquid animæ nostræ, oportet quod sit aliqua potentia: non est enim nec passio, nec habitus: nam habitus, & passionem non habent rationem agentis respectu passionum animæ; sed magis passio est ipsa actio potentiae passivæ, habitus autem est aliquid quod ex actibus consequitur. Omnis autem potentia fluit ab essentia animæ. Sequeretur ergo quod intellectus agens ab essentia animæ procederet; & sic non inisset animæ per participationem ab aliquo superiori intellectu: quod est inconveniens. Non ergo intellectus agens est aliquid animæ nostræ.

Sed contra est quod Philosophus dicit III. de Anima (text. 17. & 18.) quod *neesse est in anima habere differentiam, scilicet intellectum possibilem, & agentem*.

Respondeo dicendum, quod intellectus agens, de quo Philosophus loquitur, est aliquid animæ.

Ad cuius evidentiam considerandum est, quod supra animam intellectivam humanam necesse est ponere aliquem superiorem intellectum, a quo anima virtutem intelligendi obtineat. Semper enim quod participat aliquid, & quod est mobile, & quod est imperfectum, præexigit ante se aliquid quod est per essentiam suam tale, & quod est immobile, & perfectum. Anima autem humana intellectiva dicitur per participationem intellectualis virtutis. Cuius signum est quod non tota est intellectiva, sed secundum aliquam sui partem. Pertingit etiam ad intelligentiam veritatis cum quodam discursu, & motu arguendo. Habet etiam imperfectam intelligentiam: tum quia non omnia intelligit: tum quia in his quæ intelligit, de potentia procedit ad actum. Oportet ergo esse aliquem altiorem intellectum, quo anima iuvetur ad intelligendum.

Posuerunt ergo quidam, hunc intellectum secundum substantiam separatum esse intellectum agentem, qui quasi illustrando phantasmata facit ea intelligibilia actu.

Sed dato quod sit aliquis talis intel-

lectus agens separatus; nihilominus tamen oportet ponere in ipsa anima humana aliam quam virtutem (a) ab illo intellectu superiori participatam, per quam anima facit intelligibilia in actu; sicut & in aliis rebus naturalibus perfectis præter universales causas agentes sunt propriæ virtutes inditæ singulis rebus perfectis, ab universalibus agentibus derivatæ: non enim solus Sol generat hominem, sed est in homine virtus generativa hominis; & similiter in aliis animalibus perfectis. Nihil autem est perfectius in inferioribus rebus anima humana. Unde oportet dicere, quod in ipsa sit aliqua virtus derivata a superiori intellectu, per quam possit phantasmata illustrare. Et hoc experimento cognoscimus, dum percipimus nos abstrahere formas universales a conditionibus particularibus, quod est facere actum intelligibilia. Nulla autem actio convenit alicui rei nisi per aliquod principium formaliter ei inhærens, ut supra dictum est (quæst. lxxvi. art. 1.) cum de intellectu possibili ageretur. Ergo oportet virtutem quæ est principium huius actionis, esse aliquid in anima. Et ideo Aristoteles (Lib. III. de Anima text. 18.) comparavit intellectum agentem lumini, quod est aliquid receptum in aere. Plato autem intellectum separatum imprimantem in animas nostras comparavit Soli, ut Themistius dicit in comment. III. de Anima.

Sed intellectus separatus secundum nostræ fidei documenta est ipse Deus, qui est creator animæ, & in quo solo beatificatur, ut infra patebit (quæst. cvi. art. 2.) Unde ab ipso anima humana lumen intellectuale participat, secundum illud Psalm. iv. 7. *Signatum est super nos lumen vultus tui, Domine*.

Ad primum ergo dicendum, quod illa lux vera illuminat sicut causa universalis, a qua anima humana participat quandam particularem virtutem, ut dictum est (in corp. art.)

Ad secundum dicendum, quod Philosophus illa verba non dicit de intellectu agente, sed de intellectu in actu. Unde supra de ipso præmiserat (text. 19.) *Idem autem est secundum actum scientia rei*. Vel si intelligatur de intellectu agente, hoc dicitur, quia non est ex parte intellectus agentis hoc quod quandoque intelligimus, & quandoque non intelligimus; sed ex parte intellectus qui est in potentia.

Ad tertium dicendum, quod si intellectus

(a) Nicolaus ab alio.

Aut agens compararetur ad intellectum possibilem ut obiectum agens ad potentiam, sicut visibile in actu ad visum; sequeretur quod statim omnia intelligeremus, cum intellectus agens sit quo est omnia facere. Nunc autem non se habet ut obiectum, sed ut faciens obiecta in actu: ad quod requiritur præter præsentiam intellectus agentis præsentia phantasmatum, & bona dispositio virium sensitivarum, & exercitium in huiusmodi opere: quia per unum intellectum sunt etiam alia intellecta, sicut per terminos propositiones, & per prima principia conclusiones. Et quantum ad hoc non differt, utrum intellectus agens sit aliquid animæ, vel aliquid separatum.

Ad quartum dicendum, quod anima intellectiva est quidem actu immaterialis, sed est in potentia ad determinatas species rerum. Phantasmata autem e converso sunt quidem actu similitudines specierum quarundam, sed sunt potentia immaterialia. Unde nihil prohibet unam & eandem animam, in quantum est immaterialis in actu, habere aliquam virtutem, per quam faciat immaterialia in actu abstrahendo a conditionibus individualis materiæ (quæ quidem virtus dicitur intellectus agens) & aliam virtutem receptivam huiusmodi specierum, quæ dicitur intellectus possibilis in quantum est in potentia ad huiusmodi species.

Ad quintum dicendum, quod cum essentia animæ sit immaterialis, a supremo intellectu creata, nihil prohibet virtutem quæ a supremo intellectu participatur, per quam (a) abstrahit a materia, ab essentia ipsius procedere, sicut & alias eius potentias.

ARTICULUS V. 393

Utrum intellectus agens sit unus in omnibus.

De anima art. 5.

AD quintum sic proceditur. Videtur quod intellectus agens sit unus in omnibus. Nihil enim quod est separatum a corpore, multiplicatur secundum multiplicationem corporum. Sed intellectus agens est separatus, ut dicitur in III. de Anima (tex. 19. & 20.) Ergo non multiplicatur in multis corporibus hominum, sed est unus in omnibus.

3. Præterea. Intellectus agens facit universale, quod est unum in multis. Sed illud quod est causa unitatis, magis

est unum. Ergo intellectus agens est unus in omnibus.

3. Præterea. Omnes homines conveniunt in primis conceptionibus intellectus. His autem assentiunt per intellectum agentem. Ergo conveniunt omnes in uno intellectu agente.

Sed contra est quod Philosophus dicit in III. de Anima (tex. 18.) quod *intellectus agens est sicut lumen*. Non autem est idem lumen in diversis illuminatis. Ergo non est idem intellectus agens in diversis hominibus.

Respondeo dicendum, quod veritas huius questionis dependet ex præmissis (art. præc.) Si enim intellectus agens non esset aliquid animæ, sed esset quædam substantia separata, unus esset intellectus agens omnium hominum: & hoc intelligunt qui ponunt unitatem intellectus agentis. Si autem intellectus agens sit aliquid animæ, ut quædam virtus ipsius; necesse est dicere, quod sint plures intellectus agentes, secundum pluralitatem animarum, quæ multiplicatur secundum multiplicationem hominum, ut supra dictum est (quæst. lxxvi. art. 2.) Non enim potest esse quod una & eadem virtus numero sit diversorum subiectorum.

Ad primum ergo dicendum, quod Philosophus probat intellectum agentem esse separatum per hoc quod possibilis est separatus: quia, ut ipse dicit (Lib. III. de Anima tex. 19.) *agens est honorabilis patiente*. Intellectus autem possibilis dicitur separatus, quia non est actus alicuius organi corporalis: & secundum hunc modum etiam intellectus agens dicitur separatus, non quasi sit aliqua substantia separata.

Ad secundum dicendum, quod intellectus agens causat universale abstrahendo a materia. Ad hoc autem non requiritur quod sit unus in omnibus habentibus intellectum; sed quod sit unus in omnibus secundum habitudinem ad omnia, a quibus abstrahit universale, respectu quorum universale est unum. Et hoc competit intellectui agenti, in quantum est immaterialis.

Ad tertium dicendum, quod omnia quæ sunt unius speciei, communicant in actione consequente naturam speciei, & per consequens in virtute, quæ est actionis principium, non quod sit eadem numero in omnibus. Cognoscere autem prima intelligibilia est actio consequens speciem.

(a) scilicet abstrahitur.

speciem humanam . Unde oportet quod omnes homines communicent in virtute quæ est principium huius actionis : & hæc est virtus intellectus agentis . Non tamen oportet quod sit eadem numero in omnibus ; oportet tamen quod ab uno principio in omnibus deriveretur . Et sic illa communicatio hominum in primis intelligibilibus demonstrat unitatem intellectus separari , quem Plato comparat Soli , non autem unitatem intellectus agentis , quem Aristoteles comparat luminis .

ARTICULUS VI. 394

Utrum memoria sit in parte intellectiva animæ .

II. cont. cap. lxxix. fin. & ver. quæst. x. art. 2.

AD sextum sic proceditur . Videtur quod memoria non sit in parte intellectiva animæ . Dicit enim Augustinus XII. 3. Trinit. (cap. 11. & 117.) quod ad partem superiorem animæ pertinent que non sunt hominibus , pecoribusque communia . Sed memoria est hominibus , pecoribusque communis : dicit enim ibidem , quod possunt pecora sentire per corporis sensus corporalia , & ea mandare memoria . Ergo memoria non pertinet ad partem animæ intellectivam .

2. Præterea . Memoria præteritorum est . Sed præteritum dicitur secundum aliquod determinatum tempus . Memoria igitur est cognoscitiva alicuius sub determinato tempore , quod est cognoscere atiquid sub hic & nunc . Hoc autem non est intellectus , sed sensus . Memoria igitur non est in parte intellectiva , sed solum in parte sensitiva .

3. Præterea . In memoria conservantur species rerum quæ actu non cogitantur . Sed hoc non est possibile accidere in intellectu : quia intellectus sit in actu per hoc quod informatur specie intelligibili : intellectum autem esse in actu est ipsum intelligere in actu ; & sic intellectus omnia intelligit in actu quorum species apud se habet . Non ergo memoria est in parte intellectiva .

Sed contra est quod Augustinus dicit X. de Trinit. (cap. xi. parum ante med.) quod memoria , intelligentia , & voluntas sunt una mens .

Respondeo dicendum . quod cum de ratione memoræ sit conservare species rerum quæ actu non apprehenduntur ; hoc primum considerari oportet , utrum species intelligibiles sic in intellectu conser-

vari possint . Posuit enim Avicenna hoc esse impossibile . In parte enim sensitiva dicebat hoc accidere quantum ad aliquas potentias , inquantum sunt actus organorum corporalium , in quibus conservari possunt aliquæ species absque actuali apprehensione . In intellectu autem , qui caret organo corporali , nihil existit nisi intelligibiliter . Unde oportet intelligi in actu illud cuius similitudo in intellectu existit . Sic ergo secundum ipsum , quam cito aliquis actu definit intelligere aliquam rem , definit esse illius rei species in intellectu ; sed oportet , si denuo vult illam rem intelligere , quod convertat se ad intellectum agentem , quem ponit substantiam separatam , ut ab illo effluant species intelligibiles in intellectum possibilem . Et ex eo exercitio , & usu convertendi se ad intellectum agentem relinquitur , secundum ipsum , quædam habilitas in intellectu possibili convertendi se ad intellectum agentem , quem dicebat esse habitum scientiæ . Secundum igitur hanc positionem nihil conservatur in parte intellectiva quod non actu intelligatur . Unde non poterit poni memoria in parte intellectiva secundum hunc modum .

Sed hæc opinio nianissime repugnat dictis Aristotelis : dicit enim in III. de Anima (tex. 8.) quod cum intellectus possibilis sit singularis , ut sciens dicitur quis (a) secundum actum (hoc autem accidit , cum potest operari per seipsum ;) est quidem & tunc potentia quodammodo , non tamen similiter , ut ante addiscere , aut invenire . Dicitur autem intellectus possibilis fieri singularis , secundum quod recipit species singulorum . Ex hoc ergo quod recipit species intelligibiles , habet quod possit operari cum voluerit , non autem quod semper operetur : quia & tunc est quodammodo in potentia , sed aliter quam ante intelligere , eo scilicet modo quo sciens in habitu est in potentia ad considerandum in actu . Repugnat etiam prædicta positio rationi . Quod enim recipitur in aliquo , recipitur in eo secundum modum recipientis . Intellectus autem est magis stabilis naturæ , & immobilis quam materia corporalis . Si ergo materia corporalis formas , quas recipit , non solum tenet , dum per eas agit in actu , sed etiam postquam agere cessaverit , multo fortius intellectus immobiliter , & inamissibiliter recipit species intelligibiles , sive a sensibilibus acceptas , sive etiam ab aliquo superiori intellectu effluxas .

Sic

(a) Nicolai : secundum actum , & quod hoc accidit &c.

Sic igitur si memoria accipitur solum pro vi conservativa specierum, oportet dicere, memoriam esse in intellectiva parte. Si vero de ratione memorie sit quod eius obiectum sit præteritum ut præteritum, memoria in parte intellectiva non erit, sed sensitiva tantum, quæ est apprehensiva particularium. Præteritum enim ut præteritum, cum significet esse sub determinato tempore, ad conditionem particularis pertinet.

Ad primum ergo dicendum, quod memoria, secundum quod est conservativa specierum, non est nobis, pecoribusque communis: species enim conservantur non in parte animæ sensitivæ tantum, sed magis in coniuncto, cum vis memorativa sit actus organi cuiusdam. Sed intellectus secundum seipsum est conservativus specierum præter concomitantiam organi corporalis: unde Philosophus dicit in III. de Anima (tex. 6.) quod anima est locus specierum, non tota, sed intellectus.

Ad secundum dicendum, quod præteritio potest ad duo referri, scilicet ad obiectum quod cognoscitur, & ad cognitionis actum: quæ quidem duo simul coniunguntur in parte sensitiva, quæ est apprehensiva alicuius per hoc quod immutatur a præterito sensibili. Unde simul animal memoratur se prius sensitivæ in præterito, & se sensitivæ quoddam præteritum sensibile. Sed quantum ad partem intellectivam pertinet, præteritio accidit, & non per se convenit ex parte obiecti intellectus. Intellectus enim intellectus hominem, in quantum est homo. Homini autem, in quantum est homo, accidit vel in præterito, vel in præterito, vel in futuro esse. Ex parte vero actus præteritio per se accipi potest etiam in intellectu, sicut in sensu: quia intelligere animæ nostræ est quidam particularis actus in hoc, vel in illo tempore existens, secundum quod dicitur homo intelligere nunc, vel heri, vel cras. Et hoc non repugnat intellectus: quia huiusmodi intelligere, quamvis sit quoddam particulare, tamen est immaterialis actus, ut supra de intellectu dictum est (quæst. lxxv. ar. 2.) Et ideo, sicut intelligit seipsum intellectus, quamvis ipse sit quidam singularis intellectus: ita intelligit suum intelligere, quod est singularis actus, vel in præterito, vel in præterito, vel in futuro existens. Sic igitur salvatur ratio memorie quantum ad hoc quod est præteritio-

rum in intellectu, secundum quod intelligit se prius intellexisse, non autem secundum quod intelligit præteritum, prout est hic & nunc.

Ad tertium dicendum, quod species intelligibiles aliquando sunt in intellectu in potentia tantum; & tunc dicitur intellectus esse in potentia: aliquando autem secundum ultimam completionem actus; & tunc intelligit actu: aliquando medio modo se habent inter potentiam, & actum; & tunc dicitur esse intellectus in habitu; & secundum hunc modum intellectus conservat species etiam quando actu non intelligit.

ARTICULUS VII. 395

Utrum alia potentia sit memoria intellectiva, & alia intellectus.

I. dist. 111. quæst. IV. art. 1. & II. cont. cap. lxxiv. fin. & ver. quæst. VII. art. 3.

ad 3. & quæst. XX. art. 3.

AD septimum sic proceditur. Videtur quod alia potentia sit memoria intellectiva, & alia intellectus. Augustinus enim in X. de Trin. (cap. x. & xi.) ponit in mente memoriam, intelligentiam, & voluntatem. Manifestum est autem quod memoria est alia potentia a voluntate. Ergo similiter est alia ab intellectu.

2. Præterea. Eadem ratio (a) distinctionis est potentiarum sensitivæ partis, & intellectivæ. Sed memoria in parte sensitiva est alia potentia a sensu, ut supra dictum est (quæst. lxxviii. art. 4.) Ergo memoria partis intellectivæ est alia potentia ab intellectu.

3. Præterea. Secundum Augustinum (loc. cit.) memoria, intelligentia, & voluntas sunt sibi invicem æqualia, & unum eorum ab alio oritur. Hoc autem esse non posset, si memoria esset eadem potentia cum intellectu. Non est ergo eadem potentia.

Sed contra. De ratione memorie est quod sit thesaurus, vel locus conservativus specierum. Hoc autem Philosophus in III. de Anima (tex. 6.) attribuit intellectui, ut dictum est (art. præc.) Non ergo in parte intellectiva est alia potentia memoria ab intellectu.

Respondeo dicendum, quod, sicut supra dictum est (quæst. lxxviii. art. 3.) potentie animæ distinguuntur secundum diversas rationes obiectorum, eo quod

ra-

ratio cuiuslibet potentie consistit in ordine ad id ad quod dicitur, quod est eius obiectum. Dicitur est etiam supra (ibid.) quod si aliqua potentia secundum propriam rationem ordinetur ad aliquod obiectum secundum communem rationem obiecti, non diversificabitur illa potentia secundum diversitates particularium differentiarum; sicut potentia visiva, quæ respicit suum obiectum secundum rationem colorati, non diversificatur secundum rationem albi, & nigri. Intellectus autem respicit suum obiectum secundum communem rationem entis, eo quod intellectus possibilis est quod est omnia fieri. Unde secundum nullam differentiam entium (a) diversificatur potentia intellectus possibilis. Diversificatur tamen potentia intellectus agentis, & intellectus possibilis: quia respectu eiusdem obiecti aliud principium oportet esse potentiam activam, quæ facit obiectum esse in actu; & aliud potentiam passivam, quæ movetur ab obiecto in actu existente: & sic potentia activa comparatur ad suum obiectum ut ens in actu ad ens in potentia; potentia autem passiva comparatur ad suum obiectum & converso ut ens in potentia ad ens in actu. Sic igitur nulla alia differentia potentialium in intellectu esse potest nisi possibilis, & agentis. Unde patet quod memoria non est alia potentia ab intellectu. Ad rationem enim potentie passivæ pertinet conservare, sicut & recipere.

Ad primum ergo dicendum, quod quamvis in tertia distinctione I. Sentent. dicatur, quod memoria, intelligentia, & voluntas sint tres vires; tamen hoc non est secundum intentionem Augustini, qui expresse dicit in XIV. de Trinit. (cap. VII. in med.) quod si accipiantur memoria, intelligentia, & voluntas, secundum quod semper præfunt animæ, sive cogitentur, sive non cogitentur, ad solam memoriam pertinere videntur. Intelligentiam autem nunc dico, quia intelligimus cogitantes; & eam voluntatem, sive amorem, vel dilectionem, quæ ipsam prolem, parentemque coniungit. Ex quo patet quod ista tria non accipit Augustinus pro illis tribus potentis; sed memoriam accipit pro habituali animæ retentione, intelligentiam autem pro actu intellectus, voluntatem autem pro actu voluntatis.

Ad secundum dicendum, quod præteritum, & præsens possunt esse proprie

differentie potentialium sensitivarum, secundum diversitatem obiectorum, non autem potentialium intellectivarum, ratione supradicta (art. præc.)

Ad tertium dicendum, quod intelligentia oritur ex memoria, sicut actus ex habitu, & hoc modo etiam æquatur ei; (b) non autem sicut potentia potentie.

ARTICULUS VIII. 396

Utrum ratio sit alia potentia ab intellectu.

Ver. quæst. XV. art. 1. & quæst. XVI. art. 1. cor. fin. & 1. de Anima lect. 24. fin.

AD octavam sic proceditur. Videtur quod ratio sit alia potentia ab intellectu. In Lib. enim de spiritu & anima (cap. XI. ante med.) dicitur: Cum ab inferioribus ad superiora ascendere volumus, prius occurrit nobis sensus, deinde imaginatio, deinde ratio, deinde intellectus. Est ergo alia potentia ratio ab intellectu, sicut imaginatio a ratione.

2. Præterea. Boetius dicit in Lib. V. de consol. (prola IV. & ult.) quod intellectus comparatur ad rationem sicut æternitas ad tempus. Sed non est eiusdem virtutis esse in æternitate, & esse in tempore. Ergo non est in eadem potentia ratio, & intellectus.

3. Præterea. Homo communicat cum Angelis in intellectu, cum brutis vero in sensu. Sed ratio, quæ est propria hominis, quæ animal rationale dicitur, est alia potentia a sensu. Ergo pari ratione est alia ab intellectu, qui proprie convenit Angelis, unde & intellectuales dicuntur.

Sed contra est quod Augustinus dicit III. super Genes. ad lit. (cap. XX. in princ.) quod illud quo homo irrationalibus animalibus antecellit, est ratio, vel mens, vel intelligentia, vel si quo alio vocabulo commodius appellatur. Ratio ergo, & intellectus, & mens sunt una potentia.

Respondetur dicendum, quod ratio, & intellectus in homine non possunt esse diversæ potentie: quod manifeste cognoscitur, si utriusque actus consideretur. Intelligere enim est simpliciter veritatem intelligibilem apprehendere; ratiocinari autem est procedere de uno intellectu ad aliud, ad veritatem intelligibilem cognoscendam. Et ideo Angeli, qui

(a) Ita Niclaus, Garcia, & editiones Patavina. Rom. edit. diversificatur differentia. Cæd. Alcan. diversificatur dicitur (differentia) intellectus passibilis. (b) Ita cæd. Alcan. cum editis omnibus quos vidimus. Cæd. Terrac. non sicut potentia potentie.

qui perfecte possideat, secundum modum suæ naturæ, cognitionem intelligibilis veritatis, non habent necesse procedere de uno ad aliud; sed simpliciter, & absque discursu veritatem rerum apprehendunt, ut Dionysius dicit vii. cap. de div. Nom. (a princ. left. 2.) Homines autem ad intelligibilem veritatem cognoscendam perveniunt procedendo de uno ad aliud, ut ibidem dicitur; & ideo rationales dicuntur. Patet ergo quod ratiocinari comparatur ad intelligere sicut moveri ad quiescere, vel acquirere ad habere: quorum unum est perfecti, aliud autem imperfecti. Et quia motus semper ab immobili procedit, & ad aliquid quietum terminatur, inde est, quod ratiocinatio humana secundum viam (a) inquisitionis, vel inventionis procedit a quibusdam simpliciter intellectis, quæ sunt prima principia; & rursus in via iudicii resolvendo redit ad prima principia, ad quæ inventa examinat. Manifestum est autem quod quiescere, & moveri non reducuntur ad diversas potentias, sed ad unam & eandem etiam in naturalibus rebus: quia per eandem naturam aliquid movetur ad locum, & quiescit in loco. Multo ergo magis per eandem potentiam intelligimus, & ratiocinamur. Et sic patet quod in homine eadem potentia est ratio, & intellectus.

Ad primum ergo dicendum, quod illa enumeratio sit secundum ordinem actuum, non secundum distinctionem potentiarum; quamvis liber ille non sit magnæ auctoritatis.

Ad secundum patet responsio ex dictis (in corp. art.) Aeternitas enim comparatur ad tempus sicut immobile ad mobile: & ideo Boetius comparavit intellectum æternitati, rationem vero temporis.

Ad tertium dicendum, quod alia animalia sunt ita infra hominem quod non possunt attingere ad cognoscendam veritatem, quam ratio inquirat. Homo vero attingit ad cognoscendam intelligibilem veritatem, quam Angeli cognoscunt, sed imperfecte: & ideo vis cognoscitiva Angelorum non est alterius generis a vi cognoscitiva rationis, sed comparatur ad ipsam ut perfectum ad imperfectum.

ARTICULUS IX. 397

Utrum ratio superior, & inferior sint diversæ potentia.

1. 2. quæst. lxxiv. art. 2. & II. dist. xxiv. quæst. 11. art. 2. & ver. quæst. xxv. art. 2.

AD nonum sic proceditur. Videtur quod ratio superior, & inferior sint diversæ potentia. Dicit enim Augustinus XII. de Trinit. (cap. iv. in fin.) quod *imago Trinitatis est in superiori parte rationis, non autem in inferiori*. Sed partes animæ sunt ipsæ potentia. Ergo duæ potentia sunt ratio superior, & inferior.

2. Præterea. Nihil oritur a seipso. Sed ratio inferior oritur a superiori, & ab ea regulatur, & dirigitur. Ergo ratio superior est alia potentia ab inferiori.

3. Præterea. Philosophus dicit in VI. Ethic. (cap. 1. a med.) quod *scientificum animæ, quo cognoscit animæ necessaria, est aliud principium, & alia pars animæ ab opinativo, & ratiocinativo, quo cognoscit contingentia: & probat per hoc, quia ad ea quæ sunt genere altera, altera genere particula animæ ordinatur*. Contingens autem, & necessarium sunt altera genere, sicut corruptibile, & incorruptibile. Cum autem idem sit necessarium quod æternum, & temporale idem quod contingens, videtur quod idem sit quod Philosophus vocat *scientificum*, & superior pars rationis, quæ secundum Augustinum (Lib. XII. de Trin. cap. vii. in fin.) *intendit æternis conspiciendis, & consulendis*: & quod idem sit quod Philosophus vocat *ratiocinativum*, vel *opinativum*, & inferior ratio, quæ secundum Augustinum (ibid.) *intendit temporalibus disponendis*. Est ergo alia potentia animæ ratio superior, & ratio inferior.

4. Præterea. Damascenus dicit (Lib. II. orth. Fid. cap. xxi. post princ.) quod *ex imaginatione fit opinio; deinde nam diiudicans opinionem, sive vera sit, sive falsa, diiudicat veritatem*: unde & mens dicitur a metiendo. De quibus igitur iudicatum est iam, & determinatum, vere dicitur intellectus. Sic igitur opinativum, quod est ratio inferior, est aliud a mente, & intellectu, per quod potest intelligi ratio superior.

Sed contra est quod Augustinus dicit XII. de Trinit. (cap. iv. in princ.) quod *ratio superior, & inferior non nisi per officia di-*

(a) Ita ed. Alcan. cum aliis & Nicolao, Edit. Rom. & Paris. acquisitions.

distinguantur. Non ergo sunt duæ potentie.

Respondeo dicendum, quod ratio superior, & inferior, secundum quod ab Augustino accipiuntur, nullo modo duæ potentie animæ esse possunt. Dicit enim (Lib. XII. de Trinit. cap. vii.) quod *ratio superior est quæ intendit æternis conspiciendis, aut consulendis: conspiciendis quidem, secundum quod ea in seipsis speculatur; consulendis vero, secundum quod ex eis accipit regulas agendorum.* Ratio vero inferior ab ipso dicitur *quæ intendit temporalibus rebus.* Hæc autem duo, scilicet temporalia, & æterna, comparantur ad cognitionem nostram hoc modo quod unum eorum est medium ad cognoscendum alterum. Nam secundum viam inventionis, per res temporales in cognitionem devenimus æternorum, secundum illud Apostoli ad Rom. 1. 20. *Invisibilia Dei per ea quæ facta sunt, intellecta conspiciuntur.* In via vero iudicii, per æternam iam cognita de temporalibus iudicamus, & secundum rationes æternorum temporalia disponimus. Potest autem contingere quod medium, & id ad quod per medium pervenitur, ad diversos habitus pertineant; sicut principia prima indemonstrabilia pertinent ad habitum intellectus, conclusiones vero ex his deductæ ad habitum scientiæ. Et ideo ex principiis Geometriæ contingit aliquid concludere in alia scientia, puta in Perspectiva. Sed eadem potentia rationis est, ad quam pertinet & medium, & ultimum. Est enim actus rationis quasi quidam motus de uno in aliud perveniens. Idem autem est mobile, quod pertransiens medium pertingit ad terminum. Unde una & eadem potentia rationis est ratio superior, & inferior; sed distinguuntur secundum Augustinum (Lib. XII. de Trinit. cap. iv. in princ.) per officia actuum, & secundum diversos habitus. Nam superiori rationi attribuitur sapientia, inferiori vero scientia.

Ad primum ergo dicendum, quod secundum quancumque rationem (a) partitionis potest pars dici; in quantum vero ratio dividitur secundum diversa officia, ratio superior, & inferior (b) partes dicuntur, & non quia sunt diversæ potentie.

Ad secundum dicendum, quod ratio inferior dicitur a superiori deduci, vel ab ea regulari, in quantum principia qui-

bus utitur inferior ratio, deducuntur & diriguntur a principiis superioris rationis.

Ad tertium dicendum, quod *scientificum*, de quo Philosophus loquitur, non est idem quod ratio superior. Nam necessaria scibilia inveniuntur etiam in rebus temporalibus, de quibus est scientia naturalis, & mathematica. *Opinativum* autem, & *ratiocinativum* in minus est quam ratio inferior, quia est contingentium tantum. Nec tamen est simpliciter dicendum, quod sit alia potentia qua intellectus cognoscit necessaria, & alia qua cognoscit contingentia: quia utraque cognoscit secundum eandem rationem obiecti, scilicet secundum rationem entis, & veri. Unde & necessaria, quæ habent perfectum esse in veritate, perfecte cognoscit, utpote ad eorum quidditatem pertingens, per quam propria accidentia de his demonstrat. Contingentia vero imperfecte cognoscit, sicut & habent imperfectum esse, & veritatem. Perfectum autem, & imperfectum in actu non diversificant potentiam, sed diversificant actus quantum ad modum agendi, & per consequens principia actuum, & ipsos habitus. Et ideo Philosophus posuit duas particulas animæ, *scientificum*, & *ratiocinativum*, non quia sunt duæ potentie, sed quia distinguuntur secundum diversam aptitudinem ad recipiendum diversos habitus, quorum diversitatem ibi inquirere intendit. Contingentia enim, & necessaria, etsi differunt secundum propria genera, conveniunt tamen in communi ratione entis, quam respicit intellectus; ad quam diversimode se habent secundum perfectum, & imperfectum.

Ad quartum dicendum, quod illa distinctio Damasceni est secundum diversitatem actuum, non secundum diversitatem potentialium. Opinio enim significat actum intellectus qui fertur in unam partem contradictionis cum formidine alterius. Diudicare vero, vel mensurare est actus intellectus applicantis principia certa ad examinationem propositorum. Et ex hoc sumitur nomen mentis. Intelligere autem est cum quadam approbatione diiudicatis inhaerere.

II

A R-

(a) Ita ed. Milan. cum aliis, & edit. Patav. Edit. Rom. & Nicolais participationis. (b) Cod. alt. edit. cum. hom. partitiones.

ARTICULUS X. 398

Utrum intelligentia sit alia potentia ab intellectu.

I. diff. 111. quest. IV. art. 1.

AD decimum sic proceditur. Videtur quod intelligentia sit alia potentia ab intellectu. Dicitur enim in Lib. de spiritu & anima (cap. xi.) quod cum ab inferioribus ad superiora ascendimus, prius occurrit sensus, deinde imaginatio, deinde ratio, postea intellectus, & postea intelligentia. Sed imaginatio, & sensus sunt diversae potentiae. Ergo & intellectus, & intelligentia.

2. Præterea. Boetius dicit in V. de consol. (prof. iv.) quod ipsum hominem aliter sensus, aliter imaginatio, aliter ratio, aliter intelligentia (a) invenitur. Sed intellectus est eadem potentia cum ratione. Ergo videtur quod intelligentia sit alia potentia quam intellectus, sicut ratio est alia potentia quam imaginatio, & sensus.

3. Præterea. Actus sunt prævii potentiis, ut dicitur in II. de Anima (text. 33.) Sed intelligentia est quidam actus, ab aliis actibus qui attribuantur intellectui, divisus. Dicit enim Damascenus (Lib. II. orth. Fid. cap. xxi. post princ.) quod primus motus intelligentia dicitur: quæ vero circa aliquid est intelligentia, intentio vocatur: quæ permanens, & figurans animam ad id quod intelligitur, excogitatio dicitur: excogitatio vero in eodem manens, & seipsam examinans, & diiudicans propriam dicitur idest sapientia: propriam autem dilatare facit cognitionem, idest interius dispositum sermonem: ex quo ait provenire sermonem per linguam enarratum. Ergo videtur quod intelligentia sit quædam specialis potentia.

Sed contra est quod Philosophus dicit in III. de Anima (text. 21.) quod intelligentia indivisibilium est, in quibus non est falsum. Sed huiusmodi cognoscere pertinet ad intellectum. Ergo intelligentia non est alia potentia præter intellectum.

Respondendo dicendum, quod hoc nomen intelligentia proprie significat ipsum actum intellectus, qui est intelligere. In quibusdam tamen libris de Arabico translatis, substantiæ separatae, quas nos Angelos dicimus, intelligentia vocantur forte propter hoc quod huiusmodi substantiæ semper actu intelligunt. In libris tamen

de Græco translatis dicuntur intellectus, seu mentes. Sic ergo intelligentia ab intellectu non distinguitur sicut potentia a potentia, sed sicut actus a potentia: innuitur enim talis divisio etiam a Philosophis. Quandoque enim ponunt quatuor intellectus, scilicet intellectum agentem, possibilem, & in habitu, & adeptum: quorum quatuor intellectus agens, & possibile sunt diversae potentiae, sicut & in omnibus est alia potentia activa, & passiva; alia vero tria distinguuntur secundum tres status intellectus possibili: qui quandoque est in potentia tantum; & sic dicitur possibilis: quandoque autem in actu primo, qui est scientia; & sic dicitur intellectus in habitu: quandoque autem in actu secundo, qui est considerare; & sic dicitur intellectus in actu, sive intellectus adeptus.

Ad primum ergo dicendum, quod si recipi debet illa auctoritas, intelligentia ponitur pro actu intellectus; & sic dividitur contra intellectum sicut actus contra potentiam.

Ad secundum dicendum, quod Boetius accipit intelligentiam pro actu intellectus, qui transcendit actum rationis: unde ibidem dicit, quod ratio tantum humani generis est, sicut intelligentia sola Dei: proprium enim Dei est quod absque omni investigatione omnia intelligat.

Ad tertium dicendum, quod omnes illi actus quos Damascenus enumerat, sunt unus potentiae, scilicet intellectivæ: quæ primo quidem simpliciter aliquid apprehendit; & hic a quo dicitur intelligentia: secundo vero id quod apprehendit, ordinat ad aliquid aliud cognoscendum, vel operandum; & hic vocatur intentio: dum vero perussit in inquisitione illius quod intendit, vocatur cogitatio: dum vero id quod est cogitatum, examinat ad aliquam certam, dicitur scire, vel sapere: quod est proprium, vel sapientia: nam sapientia est iudicare, ut dicitur in I. Metaph. (cap. 11. a princ.) Ex quo autem habet aliquid pro certo quasi examinatum, cogitat quomodo possit illud aliis manifestare; & hæc est dispositio interioris sermonis, ex qua procedit exterior locutio. Non enim omnis differentia actuum potentias diversificat; sed sola illa quæ non potest reduci in idem principium, ut supra dictum est (in corp. art. 1.)

ARTICULUS XI. 399

*Utrum intellectus speculativus, & practicus
sint diversae potentiae.*

*III. dist. XXIII. quaest. 11. art. 3. quaest. 2. &
ver. quaest. 111. art. 3. & III. de
anima lect. 15.*

AD undecimum sic proceditur. Videtur quod intellectus speculativus, & practicus sint diversae potentiae. Apprehensivum enim, & motivum sunt diversa genera potentiarum, ut patet in II. de Anima (text. 27.) Sed intellectus speculativus est apprehensivus tantum, intellectus autem practicus est motivus. Ergo sunt diversae potentiae.

2. Praeterea. Diversa ratio obiecti diversificat potentiam. Sed obiectum speculativi intellectus est verum, practici autem bonum; quae differunt ratione. Ergo intellectus speculativus, & practicus sunt diversae potentiae.

3. Praeterea. In parte intellectiva intellectus practicus comparatur ad speculativum, sicut aestimativa ad imaginativam in parte sensitiva. Sed aestimativa differt ab imaginativa sicut potentia a potentia, ut supra dictum est (quaest. lxxviii. art. 4.) Ergo & intellectus practicus a speculativo.

Sed contra est quod dicitur in III. de Anima (text. 49.) quod intellectus speculativus per extensionem fit practicus. Una autem potentia non mutatur in aliam. Ergo intellectus speculativus, & practicus non sunt diversae potentiae.

Respondeo dicendum, quod intellectus practicus, & speculativus non sunt diversae potentiae.

Cuius ratio est, quia, ut supra dictum est (quaest. lxxvii. art. 3.) id quod accidentaliter se habet ad obiecti rationem, quam respicit aliqua potentia, non diversificat potentiam. Accidit enim colorato quod sit homo, aut magnum, aut parvum. Unde omnia huiusmodi eadem visiva potentia apprehenduntur. Accidit autem alicui apprehensio per intellectum, quod ordinatur ad opus, vel non ordinatur. Secundum hoc autem differunt intellectus speculativus, & practicus: nam intellectus speculativus est qui quod apprehendit, non ordinat ad opus, sed ad solam veritatis considerationem; practicus vero intellectus dicitur qui hoc quod apprehendit, ordinat ad opus. Et hoc est quod Philosophus dicit in III. de Anima

(text. 49.) quod *specularis differt a practico fine*: unde & a fine denominatur uterque; hic quidem speculativus, ille vero practicus, id est operativus.

Ad primum ergo dicendum, quod intellectus practicus est motivus, non quasi exequens motum, sed quasi dirigens ad motum: quod convenit ei secundum modum suae apprehensionis.

Ad secundum dicendum, quod verum, & bonum se invicem includunt. Nam verum est quoddam bonum, alioquin non esset appetibile; & bonum est quoddam verum, alioquin non esset intelligibile. Sicut igitur obiectum appetitus potest esse verum, in quantum habet rationem boni, sicut cum aliquis appetit veritatem cognoscere; ita obiectum intellectus practici est bonum ordinabile ad opus sub ratione veri. Intellectus enim practicus veritatem cognoscit sicut speculativus, sed veritatem cognitam ordinat ad opus.

Ad tertium dicendum, quod multae differentiae diversificant sensitivas potentias quae non diversificant potentias intellectivas, ut supra dictum est (in corp. & art. 7. huius quaest. & quaest. lxxvii. art. 3.)

ARTICULUS XII. 400

*Utrum synderesis sit quaedam specialis potentia
ab aliis distincta.*

*II. dist. XXIV. quaest. 11. art. 3. & ver. quaest.
xvi. art. 1. & art. 2. ad 4.*

AD duodecimum sic proceditur. Videtur quod synderesis sit quaedam specialis potentia ab aliis distincta. Ea enim quae cadunt sub una divisione, videntur esse unius generis. Sed in Glossa Hieronymi Ezech. 1. (super illud, *Quatuor facies uni*) dividitur synderesis contra irascibilem, & concupiscibilem, & rationalem, quae sunt quaedam potentiae. Ergo synderesis est quaedam potentia.

2. Praeterea. Opposita sunt unius generis. Sed synderesis, & sensualitas opponi videntur: quia synderesis semper inclinat ad bonum, sensualitas autem semper ad malum, unde per serpentem significatur, ut patet per Augustinum XII. de Trinit. (cap. xii. & xiii.) Videtur ergo quod synderesis sit potentia, sicut & sensualitas.

3. Praeterea. Augustinus dicit in Lib. II. de libero arbitrio (cap. x. post med.) quod *in naturali iudicio adiunt quaedam*

regule, & semina virtutum, & vera, (a) & incommutabilia. Hæc autem dicimus synderesim. Cum ergo regulæ incommutabiles, quibus iudicamus, pertineant ad rationem secundum sui superiorem partem, ut Augustinus dicit XII. de Trinit. (cap. 11.) videtur quod synderesis sit idem quod ratio; & ita esse quædam potentia.

Sed contra. *Potentia rationales se habent ad opposita*, secundum Philosophum (IX. Metaph. text. 3.) Synderesis autem non se habet ad opposita, sed ad bonum tantum inclinatur. Ergo synderesis non est potentia: si enim esset potentia, oporteret quod esset rationalis potentia, non enim invenitur in brutis.

Respondeo dicendum, quod synderesis non est potentia, sed habitus; sicut quidam possuerint, synderesim esse quædam potentiam ratione altiore; quidam vero dixerint, eam esse ipsam rationem, non ut est ratio, sed ut est natura.

Ad huius autem evidentiam considerandum est, quod, sicut supra dictum est (art. 8. huius quæst.) ratiocinatio hominis, cum sit quidam motus, ab intellectu proceditur aliorum, scilicet naturaliter notorum absque investigatione rationis, sicut a quodam principio immobili: & ad intellectum etiam terminatur, inquantum iudicamus per principia per se naturaliter nota de his quæ ratiocinando inveniuntur. Constat autem quod sicut ratio speculativa ratiocinatur de speculativis, ita ratio practica ratiocinatur de operabilibus. Oportet igitur naturaliter nobis esse indita sicut principia speculabilia, ita & principia operabilia.

Prima autem principia speculabilia nobis naturaliter indita non pertinent ad aliquam specialem potentiam, sed ad quendam specialem habitum, qui dicitur *intellectus principiorum*, ut patet in VI. Ethic. (cap. vi.) Unde & principia operabilia nobis naturaliter indita non pertinent ad specialem potentiam, sed ad specialem habitum naturalem, quem dicimus synderesim. Unde & synderesis dicitur insigare ad bonum, & murmurare de malo, inquantum per prima principia procedimus ad inveniendum, & iudicandum inventa. Patet ergo quod synderesis non est potentia, sed habitus naturalis.

Ad primum ergo dicendum, quod illa divisio Hieronymi attenditur secundum diversitatem actuum, non secundum di-

versitatem potentialium. Diversi autem actus possunt esse unius potentie.

Ad secundum dicendum, quod oppositio sensualitatis, & synderesis attenditur secundum oppositionem actuum, non sicut diversarum specierum unius generis.

Ad tertium dicendum, quod huiusmodi incommutabiles rationes sunt prima principia operabilia, circa quæ non contingit errare; & attribuantur rationi sicut potentie, & synderesi sicut habitui: unde & utroque, scilicet ratione, & synderesi, naturaliter iudicamus.

ARTICULUS XIII. 403

Utrum conscientia sit quædam potentia.

II. dist. XXIV. quæst. 11. art. 4. & ult. quæst. XVII. art. 1. & Rom. 11. lect. 3.

AD tertiumdecimum sic proceditur. Videtur quod conscientia sit quædam potentia. Dicit enim Origenes (super illud Rom. 11. *Reddente illis testimonium* &c.) quod *conscientia est spiritus corrector, & pedagogus animæ sociatus, quo sepestratur a malis, & adheret bonis*. Sed spiritus in anima nominatur potentiam aliquam: vel ipsam mentem, secundum illud *Rhodes. 1v. 23. Renovamini spiritu mentis vestra*: vel ipsam imaginationem, unde & imaginaria visio spiritualis vocatur, ut patet per Augustinum XII. super Genes. ad lit. (cap. vi. & vii.) Est ergo conscientia quædam potentia.

2. Præterea. Nihil est peccati subiectum nisi potentia animæ. Sed conscientia est subiectum peccati: dicitur enim ad Tit. 1. 15. de quibusdam, quod *inquinata sunt eorum (b) mentes, & conscientia*. Ergo videtur quod conscientia sit potentia.

3. Præterea. Necessè est quod conscientia sit actus, vel habitus, vel potentia. Sed non est actus, quia non semper maneret in homine; nec etiam habitus, non enim esset unum quod conscientia, sed multa: per multos enim habitus cognoscitivos dirigimur in agendis. Ergo conscientia est potentia.

Sed contra. Conscientia deponi potest, non autem potentia. Ergo conscientia non est potentia.

Respondeo dicendum, quod conscientia, proprie loquendo, non est potentia, sed actus.

Et hoc patet tum ex ratione nominis, tum

(a) Nicænus & incommutabilia. (b) Vulgate & mens.

tum etiam ex his quæ secundum communem usum loquendi conscientię attribuantur. Conscientia enim secundum proprietatem vocabuli importat ordinem scientię ad aliquid, nam conscientia dicitur *cum alio scientia*. Applicatio autem scientię ad aliquid fit per aliquem actum. Unde ex ista ratione nominis patet quod conscientia sit actus.

Idem autem apparet ex his quæ conscientię attribuantur. Dicitur enim conscientia testificari, ligare, vel infligare, vel etiam accusare, vel etiam remordere, sive reprehendere. Et hæc omnia consequuntur applicationem alicuius nostrę cognitionis, vel scientię ad ea quæ agimus. Quæ quidem applicatio fit tripliciter. Uno modo, secundum quod cognoscimus aliquid nos fecisse, vel non fecisse, secundum illud Eccle. vii. 23. *Scit conscientia tua, te crebro maledixisse alii*: & secundum hoc conscientia dicitur testificari. Alio modo applicatur, secundum quod per nostram conscientiam iudicamus, aliquid esse faciendum, vel non faciendum: & secundum hoc dicitur conscientia ligare, vel infligare. Tertio modo applicatur, secundum quod per conscientiam iudicamus quod aliquid quod est factum, sit bene factum, vel non bene factum: & secundum hoc conscientia dicitur excusare, vel accusare, seu remordere. Patet autem quod omnia hæc consequuntur actuale applicationem scientię ad ea quæ agimus. Unde, proprie loquendo, conscientia nominat actum.

Quia tamen habitus est principium actus, quandoque nomen conscientię attribuitur primo habitui naturali, scilicet synderesi, sicut Hieronymus in Glossa Ezech. i. (sup. illud, *Quatuor facies uni*) synderesim conscientiam nominat: & Basilus (hom. in princ. Proverb. a med.) *naturale iudicacium*: & Damascenus dicit (Lib. IV. Fid. orth. cap. xxiii.) quod est *lex intellectus nostri*. Consuetum enim est quod causę & effectus per invicem nominentur.

Ad primum ergo dicendum, quod conscientia dicitur spiritus, secundum quod spiritus pro mente ponitur, quia est quoddam mentis dictamen.

Ad secundum dicendum, quod iniquatio dicitur esse in conscientia, non sicut in subiecto, sed sicut cognitum in cognitione, in quantum scilicet aliquis scit se esse iniquatum.

Ad tertium dicendum, quod actus est

S. Tb. Oper. Tom. XX.

non semper maneat in se, semper tamen manet in sua causa, quæ est potentia, & habitus. Habitus autem ex quibus conscientia informatur, est multi sunt, omnes tamen efficaciam habent ab uno primo principio, scilicet ab habitu primorum principiorum, qui dicitur synderesis. Unde specialiter hic habitus interduum conscientia nominatur, ut supra dictum est (art. præc.)

QUAESTIO LXXX.

De potentiis appetitivis in communi, in duos articulos divisa.

DEinde considerandum est de potentiis appetitivis: & circa hoc consideranda sunt quatuor. Primo de appetitu in communi. Secundo de sensualitate. Tertio de voluntate. Quarto de libero arbitrio.

Circa primum quaeruntur duo.

Primo, utrum debeat poni appetitus aliqua specialis potentia animæ.

Secundo, utrum appetitus dividatur in appetitum sensitivum, & intellectivum sicut in potentias diversas.

ARTICULUS I. 403

Utrum appetitus sit aliqua specialis animæ potentia.

III. dist. xxvii. quæst. 1. art. 2. & ver. quæst. xv. art. 5.

AD primum sic proceditur. Videtur quod appetitus non sit aliqua specialis animæ potentia. Ad ea enim quæ sunt communia animatis, & inanimatis, non est aliqua potentia animæ assignanda. Sed appetere est commune animatis, & inanimatis: quia *bonum est quod omnia appetunt*, ut dicitur in I. Ethic. (cap. i.) Ergo appetitus non est specialis potentia animæ.

2. Præterea. Potentię distinguuntur secundum obiecta. Sed idem est quod cognoscimus, & appetimus. Ergo vim appetitivam non oportet esse aliam præter vim apprehensivam.

3. Præterea. Commune non distinguitur contra proprium. Sed quælibet potentia animæ appetit quoddam particulare appetibile, scilicet obiectum libi conveniens. Ergo respectu huius obiecti, quod est appetibile in communi, non oportet accipi aliquam potentiam ab

li 3 aliis

aliis distinctam, quæ appetitiva dicatur.

Sed contra est quod Philosophus in II. de Anima (tex. 27.) distinguit appetitum ab aliis potentibus. Damascenus etiam in II. Lib. (Orth. Fid. cap. xxii.) distinguit vires appetitivas a cognitivis.

Respondendo dicendum, quod necesse est ponere quandam potentiam animæ appetitivam.

Ad cuius evidentiam considerandum est, quod quamlibet formam sequitur aliqua inclinatio; sicut ignis ex sua forma inclinatur in superiorem locum, & ad hoc quod generet sibi simile. Formæ autem in his quæ cognitionem participant, altiori modo invenitur quam in his quæ cognitione carent. In his enim quæ cognitione carent, invenitur tantummodo forma ad unum esse proprium determinans unumquodque, quod etiam naturale uniuscuiusque est. Hanc igitur formam naturalem sequitur naturalis inclinatio, quæ appetitus naturalis vocatur. In habentibus autem cognitionem sic determinatur unumquodque ad proprium esse naturale per formam naturalem, quod tamen est receptivum specterum aliarum rerum; sicut sensus recipit species omnium sensibilium, & intellectus omnium intelligibilium. Et sic anima hominis fit omnia quodammodo secundum sensum, & intellectum, in quo quodammodo cognitionem habentia ad Dei similitudinem appropinquant, in quo omnia præexistunt, sicut Dionysius dicit (cap. v. de divin. Nom. lect. 1.) Sicut igitur formæ altiori modo existunt in habentibus cognitionem supra modum formarum naturalium; ita oportet quod in eis sit inclinatio supra modum inclinationis naturalis, quæ dicitur appetitus naturalis. Et hæc superior inclinatio pertinet ad vim animæ appetitivam, per quam animal appetere potest ea quæ apprehendit, non solum ea ad quæ inclinatur ex forma naturali. Sic igitur necesse est ponere aliquam potentiam animæ appetitivam.

Ad primum ergo dicendum, quod appetere invenitur in habentibus cognitionem supra modum communem, quo invenitur in omnibus, ut dictum est (in corp. art.) Et ideo oportet ad hoc determinari aliquam potentiam animæ.

Ad secundum dicendum, quod id quod apprehenditur, & appetitur, est idem subiecto, sed differt ratione. Apprehenditur enim ut est ens sensibile, vel in-

elligibile; appetitur vero ut est conveniens, aut bonum. Diverſitas autem rationum in obiectis requiritur ad diversitatem potentiarum, non autem materialis diverſitas.

Ad tertium dicendum, quod unaquæque potentia animæ est quadam forma, seu natura, & habet naturalem inclinationem in aliquid. Unde unaquæque appetit obiectum sibi conveniens naturali appetitu, supra quem est appetitus animalis consequens apprehensionem, quo appetitur aliquid non ea ratione qua est conveniens ad actum huius, vel illius potentie, (a) utpote visus ad videndum, & auditio ad audiendum; sed quia est conveniens simpliciter animali.

ARTICULUS II. 455

Utrum appetitus sensitivus, & intellectivus sint diversæ potentie.

Ver. quest. xv. art. 3. cor. & quest. xxii. art. 4. & I. de Anima lect. 10. & III. lect. 24. corp. 2.

AD secundum sic proceditur. Videtur quod appetitus sensitivus, & intellectivus non sint diversæ potentie. Potentie enim non diverſificantur per accidentales differentias, ut supra dictum est (quest. lxxvii. art. 5. & lxx. art. 7.) Sed accidit appetibili quod sit apprehensum per sensum, vel intellectum. Ergo appetitus sensitivus, & intellectivus non sunt diversæ potentie.

1. Præterea. Cognitionis intellectiva est universalium; & secundum hoc distinguitur a sensitiva, quæ est singularium. Sed ista distinctio non habet locum ex parte appetitivæ: cum enim appetitus sit motus ab anima ad res, quæ sunt singulares, omnes appetitus videtur esse rei singularis. Non ergo appetitus intellectivus debet distinguí a sensitivo.

3. Præterea. Sicut sub apprehensivo ordinatur appetitum ut inferior potentia, ita & motivum. Sed non est aliud motivum in homine consequens intellectum quam in aliis animalibus consequens sensum. Ergo pari ratione neque est aliud appetitum.

Sed contra est quod Philosophus in III. de Anima (tex. 57.) distinguit duplicem appetitum, & dicit, quod appetitus superior movet inferiorem.

Respondendo dicendum, quod necesse est di-

(a) Ita cod. Altan. cum edit. Romana. Nicolaus. utpote visui ad videndum, & auditui ad audiendum. Editiones Patavina: utpote in visu ad videndum, & auditu &c.

dicere, appetitum intellectivum esse aliam potentiam a sensitivo. Potentia enim appetitiva est potentia passiva, quæ nata est moveri ab apprehensio: unde appetibile apprehensum est movens non motum; appetitus autem movens motum, ut dicitur in III. de Anima (tex. 54.) & XI. Metaph. (tex. 53.) Passiva autem, & mobilia distinguuntur secundum distinctionem activorum, & motoriorum: quia oportet motum esse proportionatum mobili, & activum passivo: & ipsa potentia passiva propriam rationem habet ex ordine ad suum activum. Quia igitur est alterius generis apprehensum per intellectum, & apprehensum per sensum, consequens est quod appetitus intellectivus sit alia potentia a sensitivo.

Ad primum ergo dicendum, quod appetibili non accidit esse apprehensum per sensum, vel intellectum, sed per se convenit. Nam appetibile non movet appetitum, nisi inquantum est apprehensum: unde differentie apprehensi sunt per se differentie appetibilis. Unde potentie appetitivæ distinguuntur secundum differentiam apprehensorum sicut secundum propria obiecta.

Ad secundum dicendum, quod appetitus (a) intellectivus, etsi feratur in res, quæ sunt extra animam singulares, feratur tamen in eas secundum aliquam rationem universalem; sicut cum appetit aliquid, quia est bonum. Unde Philosophus dicit in sua Rhetorica (Lib. II. cap. iv. circ. fin.) quod odium potest esse de aliquo universali, pura cum odio habemus omne latronum genus. Similiter etiam per appetitum intellectivum appetere possumus immaterialia bona, quæ sensus non apprehendit, sicut scientiam, virtutes, & alia huiusmodi.

Ad tertium dicendum, quod, sicut dicitur in III. de Anima (tex. 58.) opinio universalis non movet nisi mediante particulari; & similiter appetitus superior movet mediante inferiori: & ideo non est alia vis motiva consequens intellectum, & sensum.

QUAESTIO LXXXI.

*De sensu
in tres articulos divisa.*

DEinde considerandum est de sensu: circa quam quaeruntur tria. Primo, utrum sensus sit vis appetitiva tantum.

Secundo, utrum dividatur sensus in irascibilem, & concupiscibilem sicut in diversas potentias.

Tertio, utrum irascibilis, & concupiscibilis obediant rationi.

ARTICULUS I. 404

Utrum sensus sit appetitiva.

Ver. quæst. xxv. art. i.

AD primum sic proceditur. Videtur quod sensus non solum sit appetitiva, sed etiam cognitiva. Dicit enim Augustinus XII. de Trinit. (cap. xii.) quod *sensus animæ motus, qui in corporis sensu intenditur, mobilis, peccatorumque communis est.* Sed corporis sensus sub vi cognitiva continetur. Ergo sensus etiam est vis cognitiva.

2. Præterea. Quæ cadunt sub una divisione, videntur esse unius generis. Sed Augustinus in XII. de Trin. (loc. cit.) dividit sensum contra rationem superiorem, & inferiorem, quæ ad cognitionem pertinent. Ergo sensus etiam est vis cognitiva.

3. Præterea. Sensus in tentatione hominis tenet locum serpentis. Sed serpens in tentatione primorum parentum le habuit ut nuntias, & proponens peccatum; quod est vis cognitiva. Ergo sensus est vis cognitiva.

Sed contra est quod sensus definitur esse appetitus rerum ad corpus pertinentium.

Respondetur dicendum, quod nomen sensus sumptum videtur a sensu motu, de quo Augustinus loquitur XII. de Trin. (loc. cit.) sicut ab actu sumitur nomen potentie, ut a visione visus. Motus autem sensus est appetitus apprehensionem sensitivam consequens: actus enim apprehensivæ virtutis non ita proprie dicitur motus, sicut actus appetitus. Nam operatio virtutis apprehensivæ perficitur in hoc quod res apprehensa sunt in apprehendente; operatio autem virtutis appetitivæ perficitur in hoc quod appetens inclinatur in rem appetibilem. Et ideo operatio apprehensivæ virtutis assimilatur quieti, operatio autem virtutis appetitivæ magis assimilatur motui: unde per sensum motum intelligitur operatio appetitivæ virtutis. Et sic sensus est nomen appetitus sensitivi.

Ad primum ergo dicendum, quod per

li 4

hoc

(a) Niclaus naturalis.

hoc quod dicit Augustinus, quod *sensualis anima motus intenditur in corporis sensus*, non datur intelligi quod corporis sensus sub sensualitate comprehendatur; sed magis quod motus sensualitatis sit inclinatio quædam ad sensus corporis, dum scilicet appetimus ea quæ per corporis sensus apprehenduntur. Et sic corporis sensus pertinent ad sensualitatem quasi præambuli.

Ad secundum dicendum, quod sensualitas dividitur contra rationem superioriorem, & inferiorem, in quantum communicant in actu motionis. Vis enim cognitiva, ad quam pertinet ratio superior, & inferior, est motiva; sicut & appetitiva, ad quam pertinet sensualitas.

Ad tertium dicendum, quod serpens non solum ostendit, & proposuit peccatum, sed etiam inclinavit (a) in affectum peccati: & quantum ad hoc sensualitas per serpentem significatur.

ARTICULUS II. 409

Utrum appetitus sensitivus distinguatur in irascibilem, & concupiscibilem sicut in potentias diversas.

Ver. quæst. xv. art. 3. cor. & quæst. xxv. art. 2. & II. Eib. l. 5. c. 2. & III. de Anima l. 14.

AD secundum sic proceditur. Videtur quod appetitus sensitivus non distinguatur in irascibilem, & concupiscibilem sicut in potentias diversas. Eadem enim potentia animæ est unius contrarietatis, ut visus albi, & nigri, ut dicitur in II. de Anima (c. 107.) Sed conveniens, & nocivum sunt contraria. Cum ergo concupiscibilis respiciat conveniens, irascibilis vero nocivum; videtur quod eadem potentia animæ sit irascibilis, & concupiscibilis.

2. Præterea. Appetitus sensitivus non est nisi convenientium secundum sensum. Sed conveniens secundum sensum est obiectum concupiscibilis. Ergo nullus appetitus sensitivus est a concupiscibili differens.

3. Præterea. Odium est in irascibili: dicit enim Hieronymus (sup. illud Matthei. xxi. *Simile est regnum calorum fermentum*). Possideamus in irascibili odium vitiorum. Sed odium, cum contrarietur amori, est in concupiscibili. Ergo eadem vis est concupiscibilis, & irascibilis.

Sed contra est quod Gregorius Nyssen-

sius (habetur vero ex Nemesio Lib. de nat. hominis cap. xvi.) & Damascenus (Lib. II. de Fid. ort. cap. xxii. ante med. & cap. xii.) ponunt duas vires, *irascibilem*, & *concupiscibilem* partes appetitus sensitivi.

Respondeo dicendum, quod appetitus sensitivus est una vis in genere, quæ sensualitas dicitur; sed dividitur in duas potentias, quæ sunt species appetitus sensitivi, scilicet in *irascibilem*, & *concupiscibilem*.

Ad cuius evidentiam considerare oportet, quod in rebus naturalibus corruptibilibus non solum oportet esse inclinationem ad consequendum convenientia, & refugiendum nociva, sed etiam ad resistendum corruptentibus, & contrariis, quæ convenientibus impediunt præbent, & ingerunt nocumenta; sicut ignis habet naturalem inclinationem non solum ut recedat ab inferiori loco, qui sibi non convenit, & tendat in locum superiorem sibi convenientem, sed etiam quod resistat corruptentibus, & impredientibus. Quia igitur appetitus sensitivus est inclinatio consequens apprehensionem sensitivam, sicut appetitus naturalis est inclinatio consequens formam naturalem, necesse est quod in parte sensitiva sint duæ appetitivæ potentiae. Una per quam anima simpliciter inclinatur ad prosequendum ea quæ sunt convenientia secundum sensum, & ad refugiendum nociva; & hæc dicitur *concupiscibilis*. Alia vero per quam animal resistit impugnantibus, quæ convenientia impugnant, & nocumenta inserunt; & hæc vis vocatur *irascibilis*: unde dicitur, quod eius obiectum est arduum, quia scilicet tendit ad hoc quod superet contraria, & supereminet eis.

Hæc autem duæ inclinationes non reducuntur in unum principium: quia interdum anima tristibus se ingerit contra inclinationem concupiscibilis, ut secundum inclinationem irascibilis impugnet contraria: unde etiam passionibus irascibilis repugnare videntur passionibus concupiscibilis. Nam concupiscibilis accensa minuit iram, & ira accensa minuit concupiscentiam ut in pluribus. Patet etiam ex hoc quod irascibilis est quasi propugnatrix, & defensatrix concupiscibilis, dum insurgit contra ea quæ impediunt convenientia, quæ concupiscibilis appetit, & ingerunt nociva, quæ concupiscibilis refugit.

Et

(a) *Edis. Paris.* in effectum al. affectum.

Et propter hoc omnes passiones irascibiles incipiunt a passionibus concupiscibilibus, & in eas terminantur; sicut ira nascitur ex illata tristitia, & vindictam inferens in læticiam terminatur. Propter hoc etiam pugna animalium sunt de concupiscibilibus, scilicet de cibis, & veneris, ut dicitur in IX. de animalibus (cap. 1.)

Ad primum ergo dicendum, quod vis concupiscibilis est & convenientis, & inconvenientis; sed irascibilis est ad resistendum inconvenienti, quod impugnatur.

Ad secundum dicendum, quod sicut in apprehensivis virtutibus in parte sensitiva est aliqua vis æstimatoria, scilicet quæ est perceptiva eorum quæ sensum non immutat, ut supra dictum est (quæst. lxxviii. art. 4.) ita etiam in appetitu sensitivo est aliqua vis appetens aliquid quod non est convenientis secundum delectationem sensus, sed secundum quod est utile animali ad suam defensionem: & hæc est vis irascibilis.

Ad tertium dicendum, quod odium simpliciter pertinet ad concupiscibilem; sed ratione impugnationis, quæ ex odio causatur, potest ad irascibilem pertinere.

ARTICULUS III. 406

Utrum irascibilis, & concupiscibilis obediunt rationi.

1. 2. quæst. xviii. art. 7. & quæst. l. art. 3. & quæst. lvi. art. 4. & ver. quæst. xxv. art. 4.

AD tertium sic proceditur. Videtur quod irascibilis, & concupiscibilis non obediunt rationi. Irascibilis enim, & concupiscibilis sunt partes sensualitatis. Sed sensualitas non obedit rationi: unde per serpentem significatur, ut dicit Augustinus XII. de Trinit. (cap. xxi. & xlii.) Ergo irascibilis, & concupiscibilis non obediunt rationi.

2. Præterea. Quod obedit alicui, non repugnat ei. Sed irascibilis, & concupiscibilis repugnant rationi, secundum illud Apostoli ad Rom. vii. 23. *Videam aliam legem in membris meis repugnantem legi mentis mei.* Ergo irascibilis, & concupiscibilis non obediunt rationi.

3. Præterea. Sicut rationali parte animæ inferior est vis appetitiva, ita etiam & vis sensitiva. Sed sensitiva pars animæ non obedit rationi: non enim audimus, nec videmus quando volumus. Ergo similiter neque vires sensitivi appetitus,

scilicet irascibilis, & concupiscibilis, obediunt rationi.

Sed contra est quod Damascenus dicit (Lib. II. orth. Fidei cap. xxi. cir. fin.) quod *obediens, & persuadibile rationi dividitur in concupiscientiam, & iram.*

Respondeo dicendum, quod irascibilis, & concupiscibilis obediunt superiori parti, in qua est intellectus, sive ratio, & voluntas, dupliciter: uno modo quidem quantum ad rationem; alio vero modo quantum ad voluntatem.

Rationi quidem obediunt quantum ad ipsos suos actus. Cuius ratio est, quia appetitus sensitivus in aliis quidem animalibus natus est moveri ad æstimatoriam virtutem, sicut ovis æstimans lupum inimicum timet. Loco autem æstimatoriæ virtutis est in homine, sicut supra dictum est (quæst. lxxviii. art. 4.) vis cogitativa, quæ dicitur a quibuldam *ratio particularis*, eo quod est collativa intentionum individualium. Unde ab ea natus est moveri in homine appetitus sensitivus. Ipsa autem ratio particularis nata est moveri, & dirigi in homine secundum rationem universalem: unde in syllogisticis ex universalibus propositionibus concluduntur conclusiones singulares. Et ideo patet quod ratio universalis imperat appetitui sensitivo, qui distinguitur per concupiscibilem, & irascibilem; & hic appetitus est ei obediens. Et quia deducere universalia principia in conclusiones singulares, non est opus simplicis intellectus, sed rationis; ideo irascibilis, & concupiscibilis magis dicuntur obedire rationi quam intellectui. Hoc etiam quilibet experiri potest in seipso: applicando enim aliquas universales considerationes, mitigatur ira, aut timor, aut aliquid huiusmodi, vel etiam instigatur.

Voluntati etiam subiaceat appetitus sensitivus quantum ad executionem, quæ fit per vim motivam. In aliis enim animalibus statim ad appetitum concupiscibilem, & irascibilem sequitur motus; sicut ovis timens lupum statim fugit, quia non est in eis superior appetitus, qui repugnet. Sed homo non statim movetur secundum appetitum irascibilem, & concupiscibilem; sed expectatur imperium voluntatis, quæ est appetitus superior. In omnibus enim potentibus motivis ordinatis, secundum movens non movet nisi virtute primi moventis. Unde appetitus inferior non sufficit movere, nisi appetitus superior consentiat. Et hoc est quod Philosophus dicit in III. de Anima (tex. 57.) quod

ap-

appetitus superior movet appetitum inferiorem. Hoc ergo modo irascibilis, & concupiscibilis rationi subduntur.

Ad primum ergo dicendum, quod sensualitas significatur per serpentem quantum ad id quod est proprium sibi ex parte sensitivæ partis. Irascibilis autem, & concupiscibilis magis nominantur (a) sensitivum appetitum ex parte actus, ad quem inducuntur ex ratione, ut dictum est (art. 1. & 2. huius quæst.)

Ad secundum dicendum, quod, sicut Philosophus dicit in 1. Politicorum (cap. III.) *est quidem in animali contemplari & despotico principatum, & politicum*. Anima quidem corpori dominatur despotico principatu, intellectus autem appetitui, politico, & regali. Dicitur enim despotico principatus quo aliquis principatur servis, qui non habent facultatem in aliquo resistendi imperio præcipientis, quia nihil sui habent. Principatus autem politicus, & regalis dicitur, quo aliquis principatur liberis; qui etsi subdantur regimini præsentis, tamen habent aliquod proprium, ex quo possunt reniti præcipientis imperio. Sic igitur anima dominatur corpori despotico principatu, quia corporis membra in nullo resistere possunt imperio animæ; sed statim ad appetitum animæ movetur manus, & pes, & quodlibet membrum quod natum est moveri (b) voluntario motu. Intellectus autem, seu ratio dicitur principari irascibili, & concupiscibili politico principatu: quia appetitus sensibilis habet aliquod proprium, unde potest reniti imperio rationis. Natus est enim moveri appetitus sensitivus non solum ab æstimativa in aliis animalibus, & cogitativa in homine, quam dirigit universalis ratio, sed etiam ab imaginativa, & sensu. Unde experimur, irascibilem, vel concupiscibilem rationi repugnare per hoc quod sentimus, vel imaginamur aliquod delectabile, quod ratio verat; vel triste, quod ratio præcipit. Et sic per hoc quod irascibilis, & concupiscibilis in aliquo rationi repugnant, non excluditur quin ei obediant.

Ad tertium dicendum, quod sensus exteriores indigent ad suos actus exteriores sensibilibus, quibus immutentur, quorum præsentia non est in potestate rationis. Sed vires interiores tam appetitivæ, quam apprehensivæ non indigent

exterioribus rebus: & ideo subduntur imperio rationis, quæ potest non solum instigare, vel mitigare affectus appetitivæ virtutis, sed etiam formare imaginativæ virtutis phantasmatà.

QUAESTIO LXXXII.

*De voluntate,
in quinque articulos divisa.*

DEinde considerandum est de voluntate: circa quam quaeruntur quinque.

Primo, utrum voluntas aliquid ex necessitate appetat.

Secundo, utrum omnia ex necessitate appetat.

Tertio, utrum sit eminentior potentia quam intellectus.

Quarto, utrum voluntas moveat intellectum.

Quinto, utrum voluntas distinguatur per irascibilem, & concupiscibilem.

ARTICULUS I. 407

Utrum voluntas aliquid ex necessitate appetat.

1. 2. quæst. X. art. 1. & quæst. LXXX. cor. & ver. quæst. XXXII. art. 5. & mal. quæst. VI. art. unico.

AD primum sic proceditur. Videtur quod voluntas nihil ex necessitate appetat. Dicit enim Augustinus in V. de civit. Dei (cap. x.) quod *si aliquid est necessarium, non est voluntarium*. Sed omne quod voluntas appetit, est necessario desideratum.

2. Præterea. Potestates rationales secundum Philosophum (Lib. IX. Metaph. tex. 3.) se habent ad opposita. Sed voluntas est potestas rationalis: quia, ut dicitur in III. de Anima (tex. 42.) *voluntas in ratione est*. Ergo voluntas se habet ad opposita: ad nihil ergo de necessitate determinatur.

3. Præterea. Secundum voluntatem sumus domini nostrorum actuum. Sed eius quod ex necessitate est, non sumus domini. Ergo actus voluntatis non potest de necessitate esse.

Sed contra est quod Augustinus dicit in XIII. de Trin. (cap. IV. in princ.) quod *beatitudinem omnes una voluntate appetunt*. Si autem non esset necessarium, sed contingens, deficeret ad minus in pau-

(a) In cod. Alcan. cum edis plurimis. Edit. Rom. sensitivum quam appetitivum. (b) Cod. Taur. ratio motu.

paucioribus. Ergo voluntas ex necessitate aliquid vult.

Respondendo dicendum, quod necessitas dicitur multipliciter. Necessitas est enim quod non potest non esse: quod quidem convenit alicui, uno modo ex principio intrinseco, sive materiali, sicut cum dicimus, quod omne compositum ex contrariis necesse est corrumpi; sive formali, sicut cum dicimus, quod necesse est triangulum habere tres angulos aequales duobus rectis. Et hæc est necessitas naturalis, & absoluta. Alio modo convenit alicui quod non possit non esse ex aliquo extrinseco vel fine, vel agente: fine quidem, sicut cum aliquis non potest sine hoc consequi, aut bene consequi finem aliquem, ut cibus dicitur necessarius ad vitam, & equus ad iter: & hæc vocatur necessitas finis, quæ interdum etiam utilitas dicitur: ex agente autem hoc alicui convenit, sicut cum aliquis cogitur ab aliquo agente, ita quod non possit contrarium agere; & hæc vocatur necessitas coactionis.

Hæc igitur coactionis necessitas omnino repugnat voluntati. Nam hoc dicimus esse violentum quod est contra inclinationem rei. Ipse autem motus voluntatis est inclinatio quædam in aliquid: & ideo sicut dicitur aliquid naturale, quia est secundum inclinationem naturæ; ita dicitur aliquid voluntarium, quia est secundum inclinationem voluntatis. Sicut ergo impossibile est quod aliquid simul sit violentum, & naturale; ita impossibile est quod aliquid simpliciter sit coactum, sive violentum, & voluntarium. Necessitas autem finis non repugnat voluntati, quando ad finem non potest perveniri nisi uno modo; sicut ex voluntate transcendendi mare fit necessitas in voluntate ut velit navem. Similiter etiam nec necessitas naturalis repugnat voluntati; quin immo necesse est quod sicut intellectus ex necessitate inhæret primis principiis, ita voluntas ex necessitate inhæreat ultimo fini, qui est beatitudo. Finis enim se habet in operativis sicut principium in speculativis, ut dicitur in II. Physic. (tex. 89.) Oportet enim quod illud quod naturaliter alicui convenit, & immobiliter, sit fundamentum, & principium omnium aliorum: quia natura rei est primum in unoquoque; & omnis motus procedit ab aliquo immobili.

Ad primum ergo dicendum, quod verbum Augustini est intelligendum de necessario necessitate coactionis. Necessitas

autem naturalis non aufert libertatem voluntatis, ut ipsius in eodem Libro dicit (ibid.)

Ad secundum dicendum, quod voluntas, secundum quod aliquid naturaliter vult, magis respondet intellectui naturalium principiorum quam rationi, quæ ad opposita se habet. Unde secundum hoc magis est intellectualis quam rationalis potestas.

Ad tertium dicendum, quod sumus domini nostrorum actuum, secundum quod possumus hoc, vel illud eligere. Electio autem non est de fine, sed de his quæ sunt ad finem, ut dicitur in III. Ethic. (cap. 11.) Unde appetitus ultimi finis non est de his quorum domini sumus.

ARTICULUS II. 408

Utrum voluntas ex necessitate omnia velit quæcumque vult.

Loc. sup. art. 1. cit.

AD secundum sic proceditur. Videtur quod voluntas ex necessitate omnia velit quæcumque vult. Dicit enim Dionysius IV. cap. de divin. Nom. (par. IV. lect. 23.) quod *malum est præter voluntatem*. Ex necessitate ergo voluntas tendit in bonum sibi propositum.

2. Præterea. Obiectum voluntatis comparatur ad ipsam sicut movens ad mobile. Sed motus mobilis necessario consequitur ex movente. Ergo videtur quod obiectum voluntatis ex necessitate moveat ipsam.

3. Præterea. Sicut apprehensum secundum sensum est obiectum appetitus sensitivi, ita apprehensum secundum intellectum est obiectum intellectivi appetitus, qui dicitur voluntas. Sed apprehensum secundum sensum ex necessitate movet appetitum sensitivum; dicit enim Augustinus IX. super Genes. ad litter. (cap. XIV.) quod *animalia moventur visis*. Ergo videtur quod apprehensum secundum intellectum ex necessitate moveat voluntatem.

Sed contra est quod Augustinus dicit (Lib. I. Retr. cap. 12.) quod *voluntas est qua peccatur, & recte vivitur*; & sic se habet ad opposita. Non ergo ex necessitate vult quæcumque vult.

Respondendo dicendum, quod voluntas non ex necessitate vult quæcumque vult.

Ad cuius evidentiam considerandum est, quod sicut intellectus naturaliter, & ex necessitate inhæret primis principiis,

ita

ita voluntas ultimo fini, ut iam dictum est (art. præc.) Sunt autem quædam intelligibilia quæ non habent necessariam connexionem ad prima principia, sicut contingentes propositiones, ad quarum remotionem non sequitur remotio primorum principiorum: & talibus non ex necessitate assentit intellectus. Quædam autem propositiones sunt necessariae, quæ habent connexionem necessariam cum primis principiis, sicut conclusiones demonstrabiles, ad quarum remotionem sequitur remotio primorum principiorum: & his intellectus ex necessitate assentit, cognita connexionione necessaria conclusionum ad principia per demonstrationis deductionem. Non autem ex necessitate assentit, antequam huiusmodi necessitatem connexionis per demonstrationem cognoscat. Similiter etiam ex parte voluntatis. Sunt enim quædam particularia bona quæ non habent necessariam connexionem ad beatitudinem, quia sine his potest aliquis esse beatus: & huiusmodi bonis voluntas non de necessitate inhæret. Sunt autem quædam habentia necessariam connexionem ad beatitudinem, quibus scilicet homo Deo inhæret, in quo solo vera beatitudo consistit. Sed tamen, antequam per certitudinem divinæ visionis necessitas huiusmodi connexionis demonstretur, voluntas non ex necessitate Deo inhæret, nec his quæ Dei sunt. Sed voluntas videntis Deum per essentiam de necessitate inhæret Deo, sicut nunc ex necessitate volumus esse beati. Patet ergo quod voluntas non ex necessitate vult quæcumque vult.

Ad primum ergo dicendum, quod voluntas in nihil potest tendere nisi sub ratione boni. Sed quia bonum est multiplex, propter hoc non ex necessitate determinatur ad unum.

Ad secundum dicendum, quod movens tunc ex necessitate causat motum in nobili quando potestas movens excedit mobile, ita quod tota eius possibilitas moventi subdatur. Cum autem possibilitas voluntatis sit respectu boni universalis, & perfecti, non subicitur eius possibilitas tota alicui particulari bono: & ideo non ex necessitate movetur ab illo.

Ad tertium dicendum, quod vis sensitiva non est vis collativa diversorum, sicut ratio, sed simpliciter aliquid unum apprehendit: & ideo secundum illud unum determinate movet appetitum sensitivum. Sed ratio est collativa plurium: & ideo ex pluribus moveri potest appetitus in-

tellektivus, scilicet voluntas, & non ex uno ex necessitate.

ARTICULUS VII. 409

Ultimæ voluntas sit altior potentia quam intellectus.

III. dist. xxvii. quæst. i. art. 4. & per. quæst. xxii. art. 2.

Ad tertium sic proceditur. Videtur quod voluntas sit altior potentia quam intellectus. Bonum enim, & finis est obiectum voluntatis. Sed finis est prima, & altissima causarum. Ergo voluntas est prima, & altissima potentiarum.

2. Præterea. Res naturales inveniuntur procedere de imperfectis ad perfecta: & hoc etiam in potentiis animæ apparet: proceditur enim de sensu ad intellectum, qui est nobilior. Sed naturalis processus est de actu intellectus in actum voluntatis. Ergo voluntas est perfectior, & nobilior potentia quam intellectus.

3. Præterea. Habitus sunt proportionati potentiis, sicut perfectiones perfectibilibus. Sed habitus quo perficitur voluntas, scilicet caritas, est nobilior habitibus quibus perficitur intellectus: dicitur enim i. ad Corinth. xiii. 2. *Si novimus mysteria omnia, & si habuerimus omnem fidem, caritatem autem non habeamus, nihil sumus.* Ergo voluntas est altior potentia quam intellectus.

Sed contra est quod Philosophus in X. Ethicorum (cap. vii.) ponit altissimam potentiam animæ esse intellectum.

Respondeo dicendum, quod eminentia alicuius ad alterum potest attendi dupliciter: uno modo simpliciter, alio modo secundum quid. Consideratur autem aliquid tale simpliciter, prout est secundum seipsum tale; secundum quid autem, prout dicitur tale secundum respectum ad alterum.

Si ergo intellectus, & voluntas considerentur secundum se, sic intellectus eminentior invenitur: & hoc apparet ex comparatione obiectorum ad invicem. Obiectum enim intellectus est simplicius, & magis absolutum quam obiectum voluntatis: nam obiectum intellectus est ipsa ratio boni appetibilis; bonum autem appetibile, cuius ratio est in intellectu, est obiectum voluntatis. Quanto autem aliquid est simplicius, & abstractius, tanto secundum se est nobilior, & altius. Et ideo obiectum intellectus est altius quam

quam obiectum. voluntatis. Cum ergo propria ratio potentie sit secundum ordinem ad obiectum, sequitur quod secundum se, & simpliciter intellectus sit altior, & nobilior voluntate.

Secundum quid autem, & per comparationem ad alterum voluntas invenitur interdum altior intellectu, ex eo scilicet quod obiectum voluntatis in altiori invenitur quam obiectum intellectus; sicut si dicerem, auditum esse secundum quid nobiliorem visu, inquantum res aliqua cuius est sonus, nobilior est aliqua re cuius est color; quamvis color sit nobilior, & simplicior sono. Ut enim supra dictum est quæst. xvi. art. 1. & quæst. xxvii. art. 4. actio intellectus conditio in hoc quod ratio rei intellectæ est in intelligentie; actus vero voluntatis perfectior ex eo quod voluntas inclinatur ad ipsam rem, prout in se est. Et ideo Philosophus dicit in VI. Metaph. (tex. 8.) quod bonum, & malum, quæ sunt obiecta voluntatis, sunt in rebus; verum, & falsum, quæ sunt obiecta intellectus, sunt in mente. Quando igitur res in qua est bonum, est nobilior ipsa anima, in qua est ratio intellecta, per comparationem ad talem rem voluntas est altior intellectu. Quando vero res in qua est bonum, est infra animam, tunc etiam in coactione ad talem rem intellectus est altior voluntate. Unde melior est amor Dei quam cognitio; e contrario autem melior est cognitio rerum corporalium quam amor. Simpliciter tamen intellectus est nobilior quam voluntas.

Ad primum ergo dicendum, quod ratio causæ accipitur secundum comparationem unius ad alterum; & in tali comparatione ratio boni principalior invenitur. Sed verum dicitur magis absolute, & ipsius boni rationem significat: unde & bonum quoddam verum est. Sed rursus & ipsum verum est quoddam bonum, secundum quod intellectus res quædam est, & verum finis ipsius. Et inter alios fines iste finis est excellentior, sicut intellectus inter alias potentias.

Ad secundum dicendum, quod illud quod est prius generatione, & tempore, est imperfectius: quia in uno eodemque potentia tempore præcedit actum, & imperfectio perfectionem. Sed illud quod est prius simpliciter, & secundum naturæ ordinem, est perfectius: sic enim actus est prior potentia. Et hoc modo intellectus est prior voluntate, sicut motum mobili, & activum passivo: bonum enim intellectum movet voluntatem.

Ad tertium dicendum, quod illa ratio procedit de voluntate secundum comparationem ad id quod supra animam est: virtus enim caritatis est qua Deum amamus.

ARTICULUS IV. 470

Utrum voluntas moveat intellectum.

1. 2. quæst. ix. art. 1. & quæst. xviii. art. 1. & ver. quæst. xiv. art. 1. & 2. & quæst. xxii. art. 11.

AD quartum sic proceditur. Videtur quod voluntas non moveat intellectum. Movens enim est nobilior, & prius moto: quia movens est agens; agens autem est nobilior patiente, ut Augustinus dicit XII. super Gen. ad lit. (cap. xvi.) & Philosophus in III. de Anima (tex. 19.) Sed intellectus est prior, & nobilior voluntate, ut supra dictum est (art. præc.) Ergo voluntas non movet intellectum.

2. Præterea. Movens non movetur a motu, nisi forte per accidens. Sed intellectus movet voluntatem: quia appetibile apprehensum per intellectum est movens non motum; appetitus autem movens motum. Ergo intellectus non movetur a voluntate.

3. Præterea. Nihil velle possumus, nisi sit intellectum. Si igitur ad intelligendum movet voluntas volendo intelligere, oportebit quod etiam illud velle præcedat aliud intelligere, & illud intelligere aliud velle, & sic in infinitum, quod est impossibile. Non ergo voluntas movet intellectum.

Sed contra est quod Damascenus dicit (Lib. II. orth. Fid. cap. xvi. ad fin.) quod in nobis est percipere quamcumque volumus artem, & non precipere. In nobis autem est aliquid per voluntatem; percipimus autem artes per intellectum. Voluntas ergo movet intellectum.

Respondeo dicendum, quod aliquid dicitur movere dupliciter. Uno modo per modum finis sicut dicitur, quod huius movet efficientem; & hoc modo intellectus movet voluntatem, quia bonum intellectum est obiectum voluntatis, & movet ipsam ut finis.

Alio modo dicitur aliquid movere per modum agentis, sicut alterans movet alteratum, & impellens movet impulsum; & hoc modo voluntas movet intellectum, & omnes animæ vires, ut Anselmus dicit in Libro de similitudinibus (cap. 11.)

Guili

Cuius ratio est, quia in omnibus potentiis activis ordinatis illa potentia quæ respiciat finem universalem movet potentias quæ respiciunt fines particulares. Et hoc apparet tam in naturalibus, quam in politicis. Cælum enim, quod agit ad universalem conservationem generabilium, & corruptibilium, movet omnia inferiora corpora, quorum unumquodque agit ad conservationem propriæ speciei, vel etiam individui. Rex etiam, qui intendit bonum commune totius regni, movet per suum imperium singulos præpositos civitatum, qui singulis civitatibus curam regiminis impendunt. Obiectum autem voluntatis est bonum, & finis in communi. Quælibet autem potentia comparatur ad aliquod bonum proprium sibi conveniens, sicut visus ad perceptionem coloris, intellectus ad cognitionem veri.

Et ideo voluntas per modum agentis movet omnes animæ potentias ad suos actus, præter vires naturales vegetativæ partis, quæ nostro arbitrio non subduntur.

Ad primum ergo dicendum, quod intellectus dupliciter considerari potest: uno modo secundum quod intellectus est apprehensivus entis, & veri universalis; alio modo secundum quod est quædam res, & particularis potentia, habens determinatum actum. Et similiter voluntas dupliciter considerari potest: uno modo secundum communiter sui obiecti, prout scilicet est (a) appetitiva boni communis; alio modo secundum quod est quædam determinata animæ potentia, habens determinatum actum. Si ergo comparentur intellectus, & voluntas secundum rationem communis obiectorum utriusque, sic dictum est supra (art. præc.) quod intellectus est simpliciter altior, & nobilior voluntate. Si autem consideretur intellectus secundum communiter sui obiecti, & voluntas secundum quod est quædam determinata potentia, sic iterum intellectus est altior, & prior voluntate: quia sub ratione entis, & veri, quam apprehendit intellectus, continetur voluntas ipsa, & actus eius, & obiectum ipsius. Unde intellectus intelligit voluntatem, & actum eius, & obiectum ipsius, sicut & alia specialia intellecta, ut lapidem, aut lignum, quæ continentur sub communis ratione entis, & veri. Si vero conside-

tur voluntas secundum communem rationem sui obiecti, quod est bonum; intellectus autem, secundum quod est quædam res, & potentia specialis; sic sub communi ratione boni continetur, velut quoddam speciale, & intellectus ipse, & ipsum intelligere, & obiectum eius, quod est verum; quorum quodlibet est quoddam speciale bonum. Et secundum hoc voluntas est altior intellectu, & potest ipsum movere. Ex his ergo apparet ratio quare hæc potentie suis actibus invicem se includunt: quia intellectus intelligit voluntatem velle, & voluntas vult intellectum intelligere. Et similiter ratione boni continetur sub vero, in quantum est quoddam verum intellectum; & verum continetur sub bono, in quantum est quoddam bonum desideratum.

Ad secundum dicendum, quod intellectus alio modo movet voluntatem, quam voluntas intellectum, ut iam dictum est (in corp.)

Ad tertium dicendum, quod non oportet procedere in infinitum, sed statim in intellectu sicut in primo. Omnem enim voluntatis motum necesse est quod præcedat apprehensio; sed non omnem apprehensionem præcedit motus voluntatis; sed principium (b) considerandi, & intelligendi est aliquod intellectivum principium altius intellectu nostro, quod est Deus, ut etiam Aristoteles dicit in VII. Ethic. (seu mag. Mor. cap. xviii.) & per hunc modum ostendit quod non est procedere in infinitum.

ARTICULUS V. 411

Utrum irascibilis, & concupiscibilis distinguantur ab appetitu superiori.

Sup. quæst. xlii. art. 4. & III. dist. xvii.

art. 1. quæst. III. & veri. quæst. xxv.

art. 3. & III. de Anima lect. 14.

AD quintum sic proceditur. Videtur quod irascibilis, & concupiscibilis distinguantur ab appetitu superiori, qui est voluntas. Vis enim concupiscibilis dicitur a concupiscendo, & irascibilis ab irascendo. Sed aliqua concupiscentia est quæ non potest pertinere ad appetitum sensitivum, sed solum ad intellectivum, qui est voluntas, sicut concupiscentia sapientia, de qua dicitur Sap. vi. 21. *Concupiscentia sapientia perducit ad regnum perpetuum.* Est etiam quædam ira quæ

(a) Ita ed. Aless. cum Nicolæo Edit. Rom. apprehensiva. Patav. appetitus. (b) Alii. considerandi.

quæ non potest pertinere ad appetitum sensitivum, sed intellectivum tantum, sicut cum irascitur contra vitia: unde & Hieronymus super Matth. (cap. xiii. super illud, *Simile est regnum celorum fermento &c.*) monet ut odium vitiorum possideamus in irascibili. Ergo irascibilis, & concupiscibilis distinguuntur in appetitu intellectivo, sicut & in sensitivo.

2. Præterea. Secundum quod communiter dicitur, caritas est in concupiscibili, spes autem in irascibili. Non autem possunt esse in appetitu sensitivo, quia non sunt sensibilibus obiectorum, sed intelligibilibus. Ergo concupiscibilis, & irascibilis sunt ponendæ in parte intellectiva.

3. Præterea. In Libro de spiritu & anima (cap. xiii.) dicitur, quod *has potentias, scilicet irascibilem, & concupiscibilem, & rationalem, habet anima, antequam corpori miscatur*. Sed nulla potentia sensitivæ partis est animæ tantum, sed coniunctæ, ut supra dictum est (quæst. lxxviii. art. 5. & 8.) Ergo irascibilis, & concupiscibilis sunt in voluntate, quæ est appetitus intellectivus.

Sed contra est quod Gregorius Nyssenus dicit (vel Nemesius Lib. de natur. cap. xvi.) quod (*scilicet*) *irrationalis pars animæ dividitur in desiderativam, & irascitivam*: & idem dicit Damascenus in Lib. II. de Fid. cap. xii.) & Philosophus dicit in III. de Anima (tex. 42.) quod *voluntas in ratione est; in irrationali autem parte animæ concupiscencia, & ira, vel desiderium, & animus*.

Respondeo dicendum, quod irascibilis, & concupiscibilis non sunt partes intellectivi appetitus, qui dicitur voluntas: quia, sicut supra dictum est (quæst. lxxviii. art. 3. & quæst. lxxix. art. 7.) potentia quæ ordinatur ad aliquod obiectum secundum communem rationem, non diversificatur per differentias speciales sub illa ratione communi contentas; sicut quia visus respicit visibile secundum rationem colorati, non multiplicatur visivæ potentie secundum diversas species colorum. Si autem esset aliqua potentia quæ esset albi, inquantum est album, & non inquantum est coloratum; diversificaretur a potentia quæ esset nigri, inquantum est nigrum. Appetitus autem sensitivus non respicit communem rationem boni, quia nec sensus apprehendit universale: & ideo secundum diversas rationes particularium bonorum diversi-

ficantur partes appetitus sensitivi. Nam concupiscibilis respicit propriam rationem boni, inquantum est delectabile secundum sensum, & conveniens naturæ. Irascibilis autem respicit rationem boni, secundum quod est repulsivum, & impugnativum eius quod infert nocumentum. Sed voluntas respicit bonum sub communi ratione boni: & ideo non diversificantur in ipsa, quæ est appetitus intellectivus, aliquæ potentie appetitivæ, ut sit in appetitu intellectivo alia potentia irascibilis, & alia concupiscibilis; sicut etiam ex parte intellectus non multiplicantur vires apprehensivæ, licet multiplicentur ex parte sensus.

Ad primum ergo dicendum, quod amor, concupiscencia, & huiusmodi dupliciter accipiuntur. Quandoque quidem, secundum quod sunt quædam passiones, cum quadam scilicet concitatione animi provenientes; & sic communiter accipiuntur: & hoc modo sunt solum in appetitu sensitivo. Alio modo significant simplicem affectum absque passione, vel animi concitatione; & sic sunt actus voluntatis: & hoc etiam modo attribuantur Angelis, & Deo. Sed, prout sic accipiuntur, non pertinent ad diversas potentias, sed ad unam tantum potentiam, quæ dicitur voluntas.

Ad secundum dicendum, quod ipsa voluntas potest dici irascibilis, prout vult impugnare malum, non ex impetu passionis, sed ex iudicio rationis: eodem modo potest dici concupiscibilis propter desiderium boni. Et sic in irascibili, & concupiscibili sunt caritas, & spes, idest in voluntate, secundum quod habet ordinem ad huiusmodi actus. Sic etiam potest intelligi quod dicitur in libro de spiritu idcirco anima (loc. cit. in arg. 3.) quod *irascibilis, & concupiscibilis sunt animæ, antequam uniatur corpori*; ut tamen intelligatur ordo naturæ, & non temporis: licet non sit necessarium verbis illius libri fidem adhibere.

Unde patet solutio ad tertium.

QUAESTIO LXXXIII.

De libero arbitrio,
in quatuor articulis divisa.

DEinde quaeritur de libero arbitrio: & circa hoc quaeruntur quatuor.
Primo, utrum hominibus liberi arbitrii.
Secundo, quid sit liberum arbitrium, utrum

utrum sit potentia, vel actus, vel habitus.

Tertio, si est potentia, utrum sit appetitiva, vel cognitiva.

Quarto, si est appetitiva, utrum sit eadem potentia cum voluntate, vel alia.

ARTICULUS I. 412

Utrum homo sit liberi arbitrii.

I. 2. quaest. XLIII. art. 6. ver. quaest. XXIV. art. 1. & art. 2. cor. & mal. quaest. VI. art. unico.

AD primum sic proceditur. Videtur quod homo non sit liberi arbitrii. Quicumque enim est liberi arbitrii, facit quod vult. Sed homo non facit quod vult: dicitur enim Rom. VII. 19. *Non enim quod volo bonum, hoc ago, sed quod odi malum, illud facio.* Ergo homo non est liberi arbitrii.

2. Praeterea. Quicumque est liberi arbitrii, eius est velle, & non velle, operari, & non operari. Sed hoc non est hominis: dicitur enim ad Rom. IX. 16. *Non est volentis, scilicet velle, neque currentis, scilicet currere.* Ergo homo non est liberi arbitrii.

3. Praeterea. Liberum est quod sui causa est, ut dicitur in I. Metaph. (cap. 11. circ. med.). Quod ergo movetur ab alio, non est liberum. Sed Deus movet voluntatem: dicitur enim eum Prov. XXI. 1. *Cor Regis in manu Dei, & quocumque voluerit, vertet illud:* & Phil. II. 13. *Deus est qui operatur in nobis velle, & perficere.* Ergo homo non est liberi arbitrii.

4. Praeterea. Quicumque est liberi arbitrii, est dominus suorum actuum. Sed homo non est dominus suorum actuum: quia, ut dicitur Hierem. X. 23. (a) *non est in homine via eius, nec viri est ut dirigat gressus suos.* Ergo homo non est liberi arbitrii.

5. Praeterea. Philosophus dicit in III. Ethic. (cap. v. a med.). *Qualis unusquisque est, tali finis videtur ei.* Sed non est in potentate nostra aliquales esse, sed hoc nobis est a natura. Ergo naturale est nobis quod aliquem finem sequamur: non ergo ex libero arbitrio.

Sed contra est quod dicitur Eccli. XV. 14. *Deus ab initio constituit hominem, & reliquit eum in manu consilii sui:* Glossa (interlinearis:) *id est in libertate arbitrii.*

Respondendo dicendum, quod homo est liberi arbitrii: alioquin frustra essent con-

silia, exhortationes, praecepta, prohibitiones, praemia, & poenae.

Ad cuius evidentiam considerandum est, quod quaedam agunt absque iudicio, sicut lapis movetur deorsum, & similiter omnia cognitione carentia. Quaedam autem agunt iudicio, sed non libero, sicut animalia bruta: iudicat enim ovium videns lupum, cum esse fugiendum, naturali iudicio, & non libero: quia non ex collatione, sed ex naturali instinctu hoc iudicat: & simile est de quolibet iudicio brutorum animalium. Sed homo agit iudicio, quia per vim cognoscitivam iudicat aliquid esse fugiendum, vel prosequendum.

Sed quia iudicium istud non est ex naturali instinctu in particulari operabili, sed ex collatione quadam rationis; ideo agit libero iudicio, potens in diversa ferri. Ratio enim circa contingentia habet viam ad opposita, ut patet in dialecticis syllogismis, & rhetoricis persuasionibus. Particularia autem operabilia sunt quaedam contingentia: & ideo circa ea iudicium rationis ad diversa se habet, & non est determinatum ad unum. Et pro tanto necesse est quod homo sit liberi arbitrii ex hoc ipso quod rationalis est.

Ad primum ergo dicendum, quod, sicut supra dictum est (quaest. lxxxv. art. 3. ad 2.) appetitus sensitivus, est obediens rationi, tamen potest in aliquo repugnare, concupiscendo contra illud quod ratio dicit. Hoc ergo est bonum quod homo non facit, cum vult, scilicet non concupiscere contra rationem, ut Glossa Augustini ibidem dicit (Lib. III. contra Iul. cap. xxvi.).

Ad secundum dicendum, quod verbum illud Apostoli non sic est intelligendum quasi homo non velit, & non currat libero arbitrio; sed quia liberum arbitrium ad hoc non est sufficiens, nisi moveatur, & iuvetur a Deo.

Ad tertium dicendum, quod liberum arbitrium est causa sui motus: quia homo per liberum arbitrium seipsum movet ad agendum. Non tamen hoc est de necessitate libertatis quod sit prima causa sui id quod liberum est; sicut nec ad hoc quod aliquid sit causa alterius, requiritur quod sit prima causa eius. Deus igitur est prima causa movens & naturales causas, & voluntarias. Et sicut naturalibus causis, movendo eas, non auferit quin actus earum sint naturales; ita movendo causas voluntarias, non auferit quin actio-

(a) *Fulgura non est hominis.*

ationes earum sint voluntariæ, sed potius hoc in eis facit: operatur enim in unoquoque secundum eius proprietatem.

Ad quantum dicendum, quod dicitur non esse in homine via eius, quantum ad executiones electionum, in quibus homo impediri potest, velit, nolit: electiones autem ipsæ sunt in nobis, supposito tamen divino auxilio.

Ad quantum dicendum, quod qualitas hominis est duplex, una naturalis, & alia superveniens. Naturalis autem qualitas accipi potest vel circa partem intellectivam, vel circa corpus, & virtutes corpori annexas. Ex eo igitur quod homo est aliqualis qualitate naturali, quæ attenditur secundum intellectivam partem, naturaliter homo appetit ultimum finem, scilicet beatitudinem. Qui quidem appetitus naturalis est, & non subiacet libero arbitrio, ut ex supra dictis patet (quæst. præc. art. 2.) Ex parte vero corporis, & virtutum corpori annexarum potest esse homo aliqualis naturali qualitate, secundum quod est talis complexionis, vel talis dispositionis, ex quacumque impressione corporearum causarum, quæ non possunt in intellectivam partem imprimere, eo quod non est alicuius corporis actus. Sic igitur qualis unusquisque est secundum corpoream qualitatem, talis finis videtur ei: quia ex huiusmodi dispositione homo inclinatur ad eligendum aliquid, vel repudiandum. Sed istæ inclinationes subiacent iudicio rationis, cui obediunt inferior appetitus, ut dictum est (quæst. lxxxii. art. 3.) Unde per hæc libertati arbitrii non præiudicatur. Qualitates autem supervenientes sunt sicut habitus, & passionēs, secundum quas aliquis magis inclinatur in unum quam in alterum. Tamen istæ etiam inclinationes subiacent iudicio rationis: & huiusmodi etiam qualitates in quantum in nobis est tales qualitates acquirere vel casualiter, vel dispositive, vel a nobis excludere. Et sic nihil est quod libertati arbitrii repugnet.

ARTICULUS II. 413

Utrum liberum arbitrium sit potentia.

II. dist. xxiv. quæst. 1. art. 1. & 2. & ver. quæst. xxiv. art. 4.

AD secundum sic proceditur. Videtur quod liberum arbitrium non sit potentia. Arbitrium enim liberum nihil est aliud quam liberum iudicium. Iudicium

autem non nominat potentiam, sed actum. Ergo liberum arbitrium non est potentia.

2. Præterea. Liberum arbitrium dicitur esse facultas voluntatis, & rationis. Facultas autem nominat facilitatem potestatis, quæ quidem est per habitum. Ergo liberum arbitrium est habitus. Bernardus etiam dicit (tract. de gratia, & lib. arbitr. cap. 11. in princ.) quod *liberum arbitrium est habitus libero animi liber sui*. Non ergo est potentia.

3. Præterea. Nulla potentia naturalis tollitur per peccatum. Sed liberum arbitrium tollitur per peccatum. Augustinum enim dicit (in Enchir. cap. xxx.) quod *bono male utens libero arbitrio & se perdit dicit, & ipsum*. Ergo liberum arbitrium non est potentia.

Sed contra est quod nihil est subiectum habitus, ut videtur, nisi potentia. Sed liberum arbitrium est subiectum gratiæ, quæ sibi assistente bonum eligit. Ergo liberum arbitrium est potentia.

Respondendo dicendum, quod quamvis liberum arbitrium nomen quendam actum secundum propriam significationem vocabuli, secundum tamen communem usum loquendi liberum arbitrium dicimus id quod est huius actus principium, scilicet quo homo libere iudicat.

Principium autem actus in nobis est & potentia, & habitus. Dicimus enim aliquid cognoscere & per scientiam, & per intellectivam potentiam. Oportet ergo quod liberum arbitrium vel sit potentia, vel sit habitus, vel sit potentia cum aliquo habitu. Quod autem non sit habitus, neque potentia cum habitu, manifeste apparet ex duobus. Primo quidem quia, si est habitus, oportet quod sit habitus naturalis: hoc enim est naturale homini quod sit liberi arbitrii. Nullus autem habitus naturalis adest nobis ad ea quæ subiacent libero arbitrio: quia ad ea respectu quorum habemus habitus naturales, naturaliter inclinamur, sicut ad assentiendum primis principiis. Ea autem ad quæ naturaliter inclinamur, non subsunt libero arbitrio, sicut dictum est (quæst. lxxxii. art. 1. & 2.) de appetitu beatitudinis. Unde contra propriam rationem liberi arbitrii est quod sit habitus naturalis. Contra naturalitatem autem eius est quod sit habitus non naturalis. Et sic relinquatur quod nullo modo sit habitus. Secundo hoc apparet, quia habitus dicuntur secundum quos nos habemus ad passionēs, vel ad actus bonos, vel male, ut

kk

ut dicitur in II. Ethic. (cap. v.) Nam per temperantiam bene nos habemus ad concupiscentias, per intemperantiam autem male. Per scientiam etiam bene nos habemus ad actum intellectus, dum verum cognoscimus, per habitum autem contrarium male. Liberum autem arbitrium indifferenter se habet ad bene eligendum, vel male. Unde impossibile est quod liberum arbitrium sit habitus. Relinquitur ergo quod sit potentia.

Ad primum ergo dicendum, quod consuetum est potentiam significari nomine actus. Et sic per hunc actum, qui est liberum iudicium, nominatur potentia, quæ est huius actus principium: alioquin sit liberum arbitrium nominaret actum, non semper maneret in homine.

Ad secundum dicendum, quod facultas nominatur quandoque potestatem expeditam ad operandum: & sic facultas ponitur in definitione liberi arbitrii. Bernardus autem accipit habitum, non secundum quod dividitur contra potentiam, sed secundum quod significat habitudinem quamdam, qua aliquo modo se aliquis habet ad actum: quod quidem est tam per potentiam, quam per habitum: nam per potentiam homo se habet ut potens operari, per habitum autem ut aptus ad operandum bene, vel male.

Ad tertium dicendum, quod homo peccando liberum arbitrium dicitur perdidisse, non quantum ad libertatem naturalem, quæ est a coactione, sed quantum ad libertatem quæ est a culpa, & a miseria: de qua infra in tractatu moralium dicitur, in secunda parte huius operis.

ARTICULUS III. 414

Utrum liberum arbitrium sit potentia appetitiva.

II. diff. XXIV. quest. 1. art. 3. & III. diff. XVII. art. 1. quest. 3. ad 3. & veri. quest. XXVII. art. 4. & 6.

AD tertium sic proceditur. Videtur quod liberum arbitrium non sit potentia appetitiva, sed cognitiva. Dicit enim Damascenus (Lib. II. orth. Fidei cap. XXVII.) quod cum rationali consensum comitatur liberum arbitrium. Sed ratio est potentia cognitiva. Ergo liberum arbitrium est potentia cognitiva.

1. Præterea. Liberum arbitrium dicitur quasi liberum iudicium. Sed iudicare est actus cognitivæ virtutis. Ergo liberum arbitrium est cognitiva potentia,

3. Præterea. Ad liberum arbitrium præcipue pertinet electio. Sed electio videtur ad cognitionem pertinere: quia electio importat quamdam comparisonem unius ad alterum, quod est proprium cognitivæ virtutis. Ergo liberum arbitrium est potentia cognitiva.

Sed contra est quod Philosophus dicit in III. Ethic. (cap. II. circ. med.) quod *electio est desiderium eorum quæ sunt in nobis*. Sed desiderium est actus appetitivæ virtutis. Ergo & electio. Liberum autem arbitrium est, secundum quod eligimus. Ergo liberum arbitrium est virtus appetitiva.

Respondeo dicendum, quod proprium liberi arbitrii est electio. Ex hoc enim liberi arbitrii esse dicimus, quod possumus unum recipere, alio recusato; quod est eligere: & ideo naturam liberi arbitrii ex electione considerare oportet. Ad electionem autem concurrat aliquid ex parte cognitivæ virtutis, & aliquid ex parte appetitivæ. Ex parte quidem cognitivæ requiritur consilium, per quod diiudicatur, quid sit alteri præferendum. Ex parte autem appetitivæ requiritur quod appetendo acceptetur quod per consilium diiudicatur. Et ideo Aristoteles in VI. Eth. (cap. II.) sub dubio relinquit, utrum principalis pertineat electio ad vim appetitivam, vel ad vim cognitivam. Dicit enim, quod electio vel est *intellectus appetitivus*, vel *appetitus intellectivus*. Sed in III. Eth. (cap. III.) in hoc magis declinat quod sit appetitus intellectivus, nominans electionem *desiderium consiliabile*. Et huius ratio est, quia proprium obiectum electionis est illud quod est ad finem. Hoc autem, in quantum huiusmodi, habet rationem boni quod dicitur utile. Unde cum bonum, in quantum huiusmodi, sit obiectum appetitus, sequitur quod electio sit principaliter actus appetitivæ virtutis. Et sic liberum arbitrium est appetitiva potentia.

Ad primum ergo dicendum, quod potentia appetitivæ concomitantur apprehensivas: & secundum hoc dicit Damascenus, quod cum rationali consensum comitatur liberum arbitrium.

Ad secundum dicendum, quod iudicium est quasi conclusio, & determinatio consilii. Determinatur autem consilium primo quidem per sententiam rationis, & secundo per acceptionem appetitus. Unde Philosophus dicit in III. Ethicor. (loc. nunc cit.) quod *ex consilii iudicantes desideramus secundum consilium*. Et hoc modo

modo ipsa electio dicitur quoddam iudicium, a quo nominatur liberum arbitrium.

Ad tertium dicendum, quod ista collatio quae importatur in nomine electionis, pertinet ad consilium praecedens, quod est rationis. Appetitus enim, quamvis non sit collativus, tamen inquantum a vi cognitiva conferente movetur, habet quamdam collationis similitudinem, dum unum alteri praeparat.

ARTICULUS IV. 415

Utrum liberum arbitrium sit alia potentia a voluntate.

Locis sup. art. 3. induit.

AD quartum sic proceditur. Videtur quod liberum arbitrium sit alia potentia a voluntate. Dicit enim Damascenus in Lib. II. (orth. Fid. cap. XXI.) quod aliud est *δύναμις*, aliud vero *βούλησις*. *Δύναμις* autem est voluntas, *βούλησις* autem videtur arbitrium liberum: quia *βούλησις* secundum ipsum est voluntas, quae est circa aliquid, quasi unius per comparationem ad alterum. Ergo videtur quod liberum arbitrium sit alia potentia a voluntate.

2. Præterea. Potentiae cognoscuntur per actus. Sed electio, quae est actus liberi arbitrii, est aliud a voluntate, ut dicitur in III. Ethic. (cap. II.) quia voluntas est de fine, electio autem de iis quae sunt ad finem. Ergo liberum arbitrium est alia potentia a voluntate.

3. Præterea. Voluntas est appetitus intellectivus. Sed ex parte intellectus sunt duae potentiae, scilicet agens, & possibilis. Ergo etiam ex parte appetitus intellectivi debet esse aliqua potentia præter voluntatem: & hæc non videtur esse nisi liberum arbitrium. Ergo liberum arbitrium est alia potentia præter voluntatem.

Sed contra est quod Damascenus dicit in III. Lib. (orthod. Fid. cap. XIV. circ. med.) quod liberum arbitrium nihil aliud est quam voluntas.

Respondeo dicendum, quod potentias appetitivas oportet esse proportionatas potentis apprehensivis, ut supra dictum est (quæst. LXV. art. 2. & quæst. LXXX. art. 2.) Sic autem ex parte apprehensionis intellectivæ se habent intellectus, & ratio; ita ex parte appetitus intellectivi se habent voluntas, & liberum arbitrium, quod nihil aliud est quam vis

electiva. Et hoc patet ex habitudine & obiectorum, & actuum. Nam intelligere importat simplicem acceptionem alicuius rei: unde intelligi dicuntur proprie principia, quæ sine collatione per seipsa cognoscuntur. Ratiocinari autem proprie est devenire ex uno in cognitionem alterius. Unde proprie de conclusionibus ratiocinamur, quæ ex principiis innoscuntur. Similiter ex parte appetitus velle importat simplicem appetitum alicuius rei: unde voluntas dicitur esse de fine, qui propter se appetitur. Eligere autem est appetere aliquid propter alterum consequendum: unde proprie est eorum quæ sunt ad finem. Sicut autem se habet in cognitivis principium ad conclusionem, cui propter principia assentimur; ita in appetitivis se habet finis ad ea quæ sunt ad finem, quæ propter finem appetuntur. Unde manifestum est quod sicut se habet intellectus ad rationem, ita se habet voluntas ad vim electivam, idest ad liberum arbitrium. Ostensum est autem supra (quæst. LXXX. art. 2.) quod eiusdem potentiae est intelligere, & ratiocinari, sicut eiusdem virtutis est quiescere, & moveri: unde etiam eiusdem potentiae est velle, & eligere. Et propter hoc voluntas, & liberum arbitrium non sunt duae potentiae, sed una.

Ad primum ergo dicendum, quod *βούλησις* distinguitur a *δύναμις* non propter diversitatem potentiarum, sed propter differentiam actuum.

Ad secundum dicendum, quod electio, & voluntas, idest ipsum velle, sunt diversi actus, sed tamen pertinent ad unam potentiam; sicut etiam intelligere, & ratiocinari, ut dictum est (in corp.)

Ad tertium dicendum, quod intellectus comparatur ad voluntatem ut movens; & ideo non oportet in voluntate distinguere agens, & possibile.

QUAESTIO LXXXIV.

Quomodo anima coniuncta intelligat corporalia, quæ sunt infra ipsam.

Consequenter considerandum est de actibus, & de habitibus animæ quantum ad potentias intellectivas, & appetitivas: aliae enim potentiae non pertinent directe ad considerationem Theologi. Actus autem, & habitus appetitivæ pars ad considerationem moralis scientiæ pertinent: & ideo in secunda parte huius operis de eis tractabitur, in qua

kk 2 con-

considerandum est de morali materia. Nunc autem de actibus, & habitibus intellectus partem agitur. Primo quidem de actibus. Secundo autem de habitibus. In consideratione vero actuum hoc modo procedemus. Primo namque considerandum est, quomodo intelligit anima corpori coniuncta. Secundo, quomodo intelligit a corpore separata. Prima autem consideratio erit tripartita. Primo namque considerabitur, quomodo anima intelligit corporalia, quae sunt infra ipsam. Secundo, quomodo intelligit se ipsam, & ea quae in ipsa sunt. Tertio, quomodo intelligit substantias immateriales, quae sunt supra ipsam.

Circa cognitionem vero corporaliū tria consideranda occurrunt. Primo quidem, per quid ea cognoscit. Secundo, quomodo, & quo ordine. Tertio, quid in eis cognoscit.

Circa primum quaeruntur octo.

Primo, utrum anima cognoscat corpora per intellectum.

Secundo, utrum intelligat ea per essentiam suam, vel per aliquas species.

Tertio, si per aliquas species, utrum species omnium intelligibilium sint ei naturaliter innatae.

Quarto, utrum effluant in ipsam ab aliquibus formis immaterialibus separatis.

Quinto, utrum anima nostra omnia quae intelligit, videat in rationibus aeternis.

Sexto, utrum cognitionem intelligibilem acquirat a sensu.

Septimo, utrum intellectus possit actu intelligere per species intelligibiles, quas penes se habet, non convertendo se ad phantasmata.

Octavo, utrum iudicium intellectus impediatur per impedimentum sensitiviarum virtutum.

ARTICULUS I. 416

Circa anima cognoscat corpora per intellectum.

Per. quaest. X. art. 4.

AD primum sic proceditur. Videtur quod anima non cognoscat corpora per intellectum. Dicit enim Augustinus in II. Solil. (cap. iv. a med.) quod corpora intellectu comprehendis non possunt; nec aliquid corporeum nisi sensibus videri potest. Dicit etiam XII. super Genes. ad litt. (cap. xxiii.) quod visio intellectualis est eorum quae sunt per essentiam suam in anima. Huiusmodi autem non sunt cor-

pora. Ergo anima per intellectum corpora cognoscere non potest.

2. Præterea. Sicut se habet sensus ad intelligibilia, ita se habet intellectus ad sensibilia. Sed anima per sensum nullo modo potest cognoscere spiritualia, quae sunt intelligibilia. Ergo neque per intellectum potest cognoscere corpora, quae sunt sensibilia.

3. Præterea. Intellectus est necessarium, & semper eodem modo se habentium. Sed corpora omnia sunt mobilia, & non eodem modo se habentia. Anima ergo per intellectum corpora cognoscere non potest.

Sed contra est quod scientia est in intellectu. Si ergo intellectus non cognoscit corpora, sequitur quod nulla scientia sit de corporibus; & sic peribit scientia naturalis, quae est de corpore mobili.

Respondetur dicendum ad evidentiam huius questionis, quod primi Philosophi, qui de naturis rerum inquisiverunt, putaverunt nihil esse in mundo præter corpus. Et quia videbant, omnia corpora mobilia esse, & putabant ea in continuo fluxu esse, existimaverunt, quod nulla certitudo de rerum veritate haberi posset a nobis. Quod enim est in continuo fluxu, per certitudinem apprehendi non potest, quia prius labitur quam mente diiudicetur; sicut Heraclitus dixit, quod non est possibile aquam fluxui currentibus tangere, ut recitat Philosophus in IV. Metaph. (text. 22.)

His autem superveniens Plato, ut posset salvare certam cognitionem veritatis a nobis per intellectum haberi, posuit præter ista corporalia aliud genus entium a materia, & motu separatum, quod nominabat species, sive ideas; per quarum participationem unumquodque istorum singularium, & sensibilem dicitur vel homo, vel equus, vel aliquid huiusmodi. Sic ergo dicebat, scientias, & definitiones, & quicquid ad actum intellectus pertinet, non referri ad ista corpora sensibilia, sed ad illa immaterialia, & separata; ut sic anima non intelligat ista corporalia, sed intelligat horum corporaliū species separatas.

Sed hoc dupliciter apparet falsum. Primo quidem quia, cum illae species sint immateriales, & immobiles, excluderetur a scientiis cognitio motus, & materialis, quod est proprium scientiae naturalis; & demonstratur per causas moventes, & materiales. Secundo quia derisibile videtur ut, dum eorum quae nobis

417

manifesta sunt, noticiam quaerimus, alia entia in medium afferamus, quae non possunt esse eorum substantiae, cum ab eis differant secundum esse: & sic, illis substantiis separatis cognitis, non propter hoc de istis sensibilibus iudicare possemus.

Videtur autem in hoc Plato deviare a veritate: quia cum aestimaret omnem cognitionem per modum alicuius similitudinis esse, credit quod forma cogniti ex necessitate sit in cognoscente, eodem quo est in cognito. Consideravit autem, quod forma rei intellectae est in intellectu universaliter, & immaterialiter, & immobiliter: quod ex ipsa operatione intellectus apparet, qui intelligit universaliter, & per modum necessitatis cuiusdam. Modus enim actionis est secundum modum formae agentis. Et ideo existimavit quod oporteret res intellectas hoc modo in seipsis subsistere, scilicet immaterialiter, & immobiliter. Hoc autem necessarium non est: quia etiam in ipsis sensibilibus videmus, quod forma alio modo est in uno sensibilibus quam in altero: puta cum in uno est albedo intensior, in alio remissior; & cum in uno est albedo cum dulcedine, in alio sine dulcedine. Et per hunc etiam modum forma sensibilibus alio modo est in re, quae est extra animam, & alio modo in sensu, qui suscipit formas sensibilibus absque materia, sicut colore auri sine auro. Et similiter intellectus species corporum, quae sunt materiales, & mobiles, recipit immaterialiter, & immobiliter secundum modum suum: nam receptum est in recipiente per modum recipientis.

Dicendum est ergo, quod anima per intellectum cognoscit corpora cognitione immateriali, universali, & necessaria.

Ad primum ergo dicendum, quod verbum Augustini est intelligendum quantum ad ea quibus intellectus cognoscit, non autem quantum ad ea quae intellectus cognoscit. Cognoscit enim corpora intelligendo, sed non per corpora, neque per similitudines materiales, & corporeas, sed per species immateriales, & intelligibiles, quae per sui essentiam in anima esse possunt.

Ad secundum dicendum, quod, sicut Augustinus dicit XXII. de civit. Dei (cap. xxix. a med.) non est dicendum, quod sicut sensus cognoscit sola corporalia, ita intellectus cognoscit sola spiritualia: quia sequeretur quod Deus, & Angeli corporalia non cognoscerent. Huius autem diversitatis ratio est, quia

inferior virtus non se extendit ad ea quae sunt superioris virtutis; sed virtus superior ea quae sunt inferioris virtutis, excellentiori modo operatur.

Ad tertium dicendum, quod omnis motus supponit aliquid immobile. Cum enim transmutatio sit secundum qualitatem, remanet substantia immobilis; & cum transmutatur forma substantialis, remanet materia immobilis. Rerum etiam mutabilia sunt immobiles habitudines; sicut Socrates, etsi non semper sedet, tamen immobiliter est verum quod quando sedet, in uno loco manet. Et propter hoc nihil prohibet de rebus mobilibus immobilem scientiam habere.

ARTICULUS II. 417

Utrum anima per essentiam suam corporalia intelligat.

Ver. quæst. x. art. 2. cor.

AD secundum sic proceditur. Videtur quod anima per essentiam suam corporalia intelligat. Dicit enim Augustinus X. de Trinit. (cap. v. vers. hn.) quod anima imaginetur corporum convolvit, & rapit facta in semetipsa de semetipsa. Dat enim eis formandas quiddam substantia sua. Sed per similitudines corporum corpora intelligit. Ergo per essentiam suam, quam dat formandis talibus similitudinibus, & de qua eas format, cognoscit corporalia.

2. Præterea, Philosophus dicit in III. de Anima (tex. 37.) quod anima quodammodo est omnia. Cum ergo simile simili cognoscatur, videtur quod anima per seipsam corporalia cognoscat.

3. Præterea, Anima est superior corporalibus creaturis. Inferiora autem sunt in superioribus eminentiori modo quam in seipsis, ut Dionysius dicit (cap. xii. cæl. Hierar.) Ergo omnes creature corporeae inobiliiori modo existunt in ipsa essentia animæ quam in seipsis. Per suam ergo substantiam potest creaturas corporeas cognoscere.

Sed contra est quod Augustinus dicit IX. de Trinit. (cap. xii. in fin.) quod mens corporearum motibus per sensus corporis colligit. Ipsa autem anima non est cognoscibilis per corporeum sensum. Non ergo cognoscit corporea per suam substantiam.

Respondendo dicendum, quod antiqui Philosophi posuerunt, quod anima per suam essentiam cognoscit corpora. Hoc enim animis omnium communiter indi-

K k 3 tum

tum fuit, quod simile simili cognoscitur. Exultabant autem, quod forma cognita sit in cognoscente eo modo quo est in re cognita. E contrario tamen Platonici potuerunt. Plato enim, quia perpexit, intellectuales animam immaterialem esse, & immaterialiter cognoscere, posuit formas rerum cognitarum immaterialiter subsistere. Priores vero Naturales, quia considerabant res cognitae esse corporales, & materiales, posuerunt oportere res cognitae etiam in anima cognoscente materialiter esse. Et ideo ut animae attribuerent omnium cognitionem, posuerunt eam habere naturam communem cum omnibus. Et quia natura principiorum ex principis constituitur, attribuerunt animae naturam principii, ita quod qui dixit, principium omnium esse ignem, posuit animam esse de natura ignis; & similiter de aere, & aqua. Empedocles autem, qui posuit quatuor elementa materialia, & duo moventia, ex his etiam dixit animam esse constitutam. Et ita cum res materialiter in anima posuerent, posuerunt omnem cognitionem animae materialem esse, non discernentes inter intellectum, & sensum.

Sed haec opinio improbat. Primo quidem quia in materiali principio, de quo loquebantur, non existunt principia nisi in potentia. Non autem cognoscitur aliquid, secundum quod est in potentia, sed secundum quod est in actu, ut patet in IX. Metaphys. (text. 20.) Unde nec ipsa potentia cognoscitur nisi per actum. Sic igitur non sufficeret attribuire animae principiorum naturam, ad hoc quod omnia cognosceret, nisi inessent ei naturae, & formae singulorum effectuum, puta ossis, & carnis, & aliorum huiusmodi, ut Aristoteles contra Empedoclem argumentatur in I. de Anima (text. 77.) Secundo quia si oporteret rem cognitam materialiter in cognoscente existere, nulla ratio esset quare res quae materialiter extra animam subsistunt, cognitione carerent; puta si anima igne cognoscit ignem, & ignis etiam, qui est extra animam, ignem cognosceret.

Relinquitur ergo quod oporteret materialia cognita in cognoscente existere, non materialiter, sed magis immaterialiter. Et huius ratio est, quia actus cognitionis se extendit ad ea quae sunt extra cognoscentem. Cognoscimus enim etiam ea quae extra nos sunt. Per materiam autem determinatur forma rei ad

aliquid unum. Unde manifestum est quod ratio cognitionis ex opposito se habet ad rationem materialitatis. Et ideo quae non recipiunt formas puri materialiter, nullo modo sunt cognoscitiva, sicut plantae, ut dicitur in II. Lib. de Anima (text. 12.) Quanto autem aliquid immaterialius habet formam rei cognitae, tanto perfectius cognoscit. Unde & intellectus, qui abstrahit speciem non solum a materia, sed etiam a materialibus conditionibus individuantibus, perfectius cognoscit quam sensus, qui accipit formam rei cognitae sine materia quidem, sed cum materialibus conditionibus. Et inter ipsos sensus visus est magis cognoscitivus, quia est minus materialis, ut supra dictum est (quaest. lxxviii. art. 3.) Et inter ipsos intellectus tanto quilibet est perfectior, quanto immaterialior.

Ex his ergo patet quod si aliquis intellectus est, qui per essentiam suam cognoscit omnia, oportet quod essentia eius habeat in se (a) immaterialiter omnia; sicut antiqui potuerunt, essentiam animae actu componi ex principis omnium materialium, ut cognosceret omnia. Hoc autem est proprium Dei, ut sua essentia sit immaterialiter comprehensiva omnium, prout effectus virtute praexistunt in causa. Solus igitur Deus per essentiam suam omnia intelligit; non autem animae humanae, neque etiam Angelus.

Ad primum ergo dicendum, quod Augustinus ibi loquitur de visione imaginaria, quae fit per imagines corporum: quibus imaginibus formendis dat anima aliquid suae substantiae, sicut subiectum datur, ut informetur per aliquam formam. Et sic de seipsa facit huiusmodi imagines: non quod anima, vel aliquid animae convertatur, ut fit haec, vel illa imago; sed sicut dicitur de corporibus aliquid coloratum, prout informatur colore. Et hic sensus apparet ex his quae sequuntur. Dicit enim, quod *servat ali- quid*, scilicet non formatum tali imagine, *quo libere de specie saltem imaginum iudicat*: & hoc dicit esse mentem, vel intellectum. Partem autem quae informatur huiusmodi imaginibus, scilicet imaginativam, dicit esse communem nobis, & bestis.

Ad secundum dicendum, quod Aristoteles non posuit animam esse actu compositam ex omnibus, sicut antiqui Naturales; sed dixit, *quod animam esse omnia*, inquantum est in potentia ad omnia, per sensum quidem ad sensibilia,

per

(a) Edit. Rom. materialiter.

per intellectum vero ad intelligibilia. Ad tertium dicendum, quod quaelibet creatura habet esse finitum, & determinatum. Unde essentia superioris creaturae, etsi habeat quandam similitudinem inferioris creaturae, prout communicant in aliquo genere, non tamen complete habet similitudinem illius, quia determinatur ad aliquam speciem, praeter quam est species inferioris creaturae. Sed essentia Dei est perfecta similitudo omnium quantum ad omnia quae in rebus inveniuntur, sicut universalis principium omnium.

ARTICULUS III. 418

Utrum anima intelligat omnia per species sibi naturaliter inditas.

Peri. quæst. x. art. 6. 6^o quod. VIII. art. 3. 6^o quod. 17. cap. lxxxii.

AD tertium sic proceditur. Videtur quod anima intelligat omnia per species sibi naturaliter inditas. Dicit enim Gregor. homil. Ascensionis (xxxix. in Evang. parum a princ.) quod homo habet commune cum Angelis intelligere. Sed Angeli intelligunt omnia per formas naturaliter inditas: unde in Libi de caus. (propof. 10.) dicitur, quod omnis intelligentia est plena formis. Ergo & anima habet species rerum naturalium inditas, quibus corporalia intelligit.

2. Præterea. Anima intellectiva est nobilior quam materia prima corporalis. Sed materia prima est creata a Deo sub formis, ad quas est in potentia. Ergo multo magis anima intellectiva est creata a Deo sub speciebus intelligibilibus: & sic anima intelligit corporalia per species sibi naturaliter inditas.

3. Præterea. Nullus potest verum respondere nisi de eo quod scit. Sed aliquis etiam idiotas non habens scientiam acquiritur respondet verum de singulis, si tamen ordinate interrogetur, ut narratur in Menone Platonis (circ. med.) de quodam. Ergo antequam aliquis acquirat scientiam, habet rerum cognitionem: quod non esset, nisi anima haberet species naturaliter inditas. Intelligit igitur anima res corporeas per species naturaliter inditas.

Sed contra est quod Philosophus dicit in III. de Anima (tex. 14.) de intellectu loquens, quod est sicut tabula in qua nihil est scriptum.

Respondendo dicendum, quod cum for-

ma sit principium actionis, oportet ut eo modo se habeat, aliquid ad formam, quæ est actionis principium, quo se habet ad actionem illam; sicut si moveri sursum est ex levitate; oportet quod in potentia tantum sursum fertur, esse leve solum in potentia; quod autem actu sursum fertur, esse leve in actu. Videmus autem quod homo est quandoque cognoscens in potentia tantum, tam secundum sensum, quam secundum intellectum; & de tali potentia in actum reducit; ut sentiat quidem, per actiones sensibilibus in sensum; ut intelligat autem, per disciplinam, aut inventionem. Unde oportet dicere, quod anima cognoscitiva sit in potentia tam ad similitudines quæ sunt principia sentiendi, quam ad similitudines quæ sunt principia intelligendi. Et propter hoc Aristoteles (loc. cit.) posuit, quod intellectus, quo anima intelligit, non habet aliquas species naturaliter inditas, sed est in principio in potentia ad huiusmodi species omnes.

Sed quia id quod habet actu formam, interdum non potest agere secundum formam propter aliquod impedimentum (sicut leve, si impediatur sursum ferri;) propter hoc Plato posuit quod intellectus hominis naturaliter est plenus omnibus speciebus intelligibilibus, sed per unionem corporis impeditur ne possit in actum exire.

Sed hoc non videtur convenienter dictum. Primo quidem quia si habet animam naturalem notitiam omnium, non videtur esse possibile quod huius naturalis notitiæ tantam oblivionem capiat, quod nesciat se huiusmodi scientiam habere. Nullus enim homo obliviscitur ea quæ naturaliter cognoscit, sicut quod omne totum sit maius sua parte, & alia huiusmodi. Præcipue autem hoc videtur esse inconueniens, si ponatur esse animæ naturale corpori uniti, ut supra habitum est (quæst. lxxvii. art. 1.) Inconueniens enim est quod naturalis operatio alicuius rei totaliter impediatur per id quod est sibi secundum naturam. Secundo manifeste apparet huius positionis falsitatem ex hoc quod deficiente aliquo sensu, deficit scientia eorum quæ apprehenduntur secundum illum sensum; sicut cæcus natus nullam potest habere notitiam de coloribus: quod non esset, si intellectui animæ essent naturaliter inditæ omnium intelligibilium rationes. Et ideo dicendum est, quod anima non cognoscit corporalia per species naturaliter inditas.

Ad primum ergo dicendum, quod homo quidem convenit cum Angelis in intelligendo, deficit tamen ab eminentia intellectus eorum; sicut & corpora inferiora, quæ tantum existunt, secundum Gregorium (loc. cit. in arg.) deficient ab existentia superiorum corporum. Nam materia inferiorum corporum non est completa totaliter per formam, sed est in potentia ad formas quas non habet; materia autem celestium corporum est totaliter completa per formam, ita quod non est in potentia ad aliam formam, ut supra habitum est (quæst. lxxv. art. 2.) Et similiter intellectus Angeli est perfectus per species intelligibiles secundum suam naturam; intellectus autem humanus est in potentia ad huiusmodi species.

Ad secundum dicendum, quod materia prima habet esse substantiale per formam; & ideo oportuit quod crearetur sub aliqua forma, alioquin non esset in actu. Sub una tamen forma existens est in potentia ad alias. Intellectus autem non habet esse substantiale per speciem intelligibilem; & ideo non est simile.

Ad tertium dicendum, quod ordinata interrogatio procedit ex principiis communibus per se notis ad propria. Per talem autem processum scientia causatur in anima adscientis. Unde cum verum responderet de his de quibus secundo interrogatur, hoc non est, quia prius ea poverit, sed quia tunc ea de novo addidit. Nihil enim refert utrum ille qui docet, proponendo, vel interrogando, procedat de principiis communibus ad conclusiones. Utrobique enim animus audientis certificatur de posterioribus per priora.

ARTICULUS IV. 419

Utrum species intelligibiles effluant in animam ab aliquibus formis separatis.

Loc. sup. art. 3. notatis.

AD quantum sic proceditur. Videtur quod species intelligibiles effluant in animam ab aliquibus formis separatis. Omne enim quod per participationem est tale, causatur ab eo quod est per essentiam tale; sicut quod est ignitum, reducitur sicut in causam in ignem. Sed anima intellectiva, secundum quod est actu intelligens, participat ipsa intelligibilia intellectus eam in actu quodammodo est intellectum in actu. Ergo ea quæ secundum se, & per essentiam suam sunt in-

tellecta in actu, sunt causæ animæ intellectivæ quod actu intelligat. Intellecta autem in actu per essentiam suam sunt formæ sine materia existentes. Species igitur intelligibiles, quibus anima intelligit, causantur a formis aliquibus separatis.

2. Præterea. Intelligibilia se habent ad intellectum sicut sensibilia ad sensum. Sed sensibilia, quæ sunt in actu extra animam, sunt causæ ipsorum sensibilibum quæ sunt in sensu, quibus sentimus. Ergo species intelligibiles, quibus intellectus noster intelligit, causantur ab aliquibus actu intelligibilibus extra animam existentibus. Huiusmodi autem non sunt nisi formæ a materia separata. Formæ igitur intelligibiles intellectus nostri efficiunt ab aliquibus substantiis separatis.

3. Præterea. Omne quod est in potentia, reducitur in actum per id quod est actu. Si ergo intellectus noster prius in potentia existens postmodum actu intelligat, oportet quod hoc causetur ab aliquo intellectu qui semper est in actu. Hic autem est intellectus separatus. Ergo ab aliquibus substantiis separatis causantur species intelligibiles, quibus actu intelligimus.

Sed contra est, quia secundum hoc sensibus non indigeremus ad intelligendum: quod patet esse falsum ex hoc præcipue quod qui caret uno sensu, nullo modo potest habere scientiam de sensibilibus illius sensus.

Respondeo dicendum, quod quidam posuerunt, species intelligibiles nostri intellectus procedere ab aliquibus formis, vel substantiis separatis. Et hoc dupliciter.

Plato enim, sicut dictum est (art. 1. huius quæst.) posuit formas rerum sensibilibum per se sine materia subsistentes, sicut formam hominis, quam nominabat *per se hominem*; & formam, vel ideam equi, quam nominabat *per se equum*; & sic de aliis. Has ergo formas separatas ponebant participari & ab anima nostra, & a materia corporali: ab anima quidem vero corporali ad essendum; a materia corporali per hoc quod participat ideam lapidis, sit hic lapis; ita intellectus noster per hoc quod participat ideam lapidis, sit intelligens lapidem. Participatio autem ideæ fit per aliquam similitudinem ipsius ideæ in participante ipsam, per modum quo exemplar participatur ab exemplato. Sicut igitur po-

nebat formas sensibiles, quæ sunt in materia corporali, effluere ab ideis, sicut quoddam earum similitudines; ita ponebat species intelligibiles nostri intellectus esse similitudines quoddam idearum ab eis effluentes. Et propter hoc, ut supra dictum est (art. 1. huius quæst.) scientias, & definitiones ad ideas referebat.

Sed quia contra rationem rerum sensibilem est quod earum formæ subsistant absque materiis, ut Aristoteles (Lib. VII. Metaph. a. tex. 44. usque ad 58.) multipliciter probat; ideo Avicenna hac positione remota, posuit omnium rerum sensibilem intelligibiles species non quidem per se subsistere absque materia, sed præexistere immaterialiter in intellectibus separatis: a quorum primo derivantur huiusmodi species in sequentem; & sic de aliis usque ad ultimum intellectum separatum, quem nominat *intellectum agentem*: a quo, ut ipse dicit, effluunt species intelligibiles in animas nostras, & formæ sensibiles in materiam corporalem.

Et sic in hoc Avicenna cum Platone concordat quod species intelligibiles nostri intellectus effluunt a quibusdam formis separatis, quas tamen Plato dicit per se subsistere (ut refert Arist. I. Metaph. tex. 6. & 25.) Avicenna vero ponit eas in intelligentia agente. Differunt etiam quantum ad hoc quod Avicenna ponit, species intelligibiles non remanere in intellectu nostro, postquam definit actu intelligere; sed indiget ut iterato se convertat ad recipiendum de novo: unde non ponit scientiam animæ naturaliter indicam, sicut Plato, qui ponit participationes idearum immobiler in anima permanere.

Sed secundum hanc positionem sufficiens ratio assignari non possit, quare anima nostra corpori uniretur. Non enim potest dici, quod anima intellectiva corpori uniatur propter corpus: quia nec forma est propter materiam, nec motor propter mobile, sed potius e converso. Maxime autem videtur corpus esse necessarium animæ intellectivæ ad eius propriam operationem, quæ est intelligere: quia secundum esse suum a corpore non dependet. Si autem anima species intelligibiles secundum suam naturam apta nata esset recipere per influentiam aliorum separatorum principiorum tantum, & non acciperet eas ex sensibus, non indigeret corpore ad intelligendum: unde frustra corpori uniretur. Si autem

dicatur, quod indiget animi nostra sensibus ad intelligendum, quibus quodammodo excitetur ad consideranda ea quorum species intelligibiles a principiis separatis recipit; hoc non videtur sufficere: quia huiusmodi excitatio non videtur necessaria animæ, nisi inquantum est *composita* (secundum Platonicos) quodammodo, & *obliviosa* propter unionem ad corpus: & sic sensus non proficerent animæ intellectivæ, nisi ad tollendum impedimentum quod animæ provenit ex corporis unionem. Remanet igitur querendum, quæ sit causa unionis animæ ad corpus. Si autem dicatur secundum Avicennam, quod sensus sunt animæ necessarii, quia per eos excitatur, ut convertat se ad intelligentiam agentem, a qua recipit species; hoc quidem non sufficit: quia si in natura animæ est ut intelligat per species ab intelligentia agente effluxas, sequeretur quod quandoque anima possit se convertere ad intelligentiam agentem ex inclinatione suæ naturæ, vel etiam excitata per alium sensum, ut convertat se ad intelligentiam agentem, ad recipiendum species sensibilem, quorum sensum aliquis non habet. Et sic cæcus natus posset habere scientiam de coloribus: quod est manifeste falsum.

Unde dicendum est, quod species intelligibiles, quibus anima nostra intelligit, non effluunt a formis separatis.

Ad primum ergo dicendum, quod species intelligibiles, quas participat noster intellectus, reducuntur sicut in primam causam in aliquod principium per suam essentiam intelligibile, scilicet in Deum. Sed ab illo principio procedunt mediantibus formis rerum sensibilem, & materialium, a quibus scientiam colligimus, ut Dionysius dicit (cap. vii. de divin. Nom. lect. 2.)

Ad secundum dicendum, quod res materiales secundum esse quod habent extra animam, possunt esse sensibiles actu, non autem actu intelligibiles. Unde non est simile de sensu, & intellectu.

Ad tertium dicendum, quod intellectus noster possibilis reducitur de potentia ad actum per aliquod ens actu, idest per intellectum agentem, qui est virtus quædam animæ nostræ, ut dictum est (quæst. lxxix. art. 3.) non autem per aliquem intellectum separatum, sicut per causam (a) propriam proximam, sed forte sicut per causam remotam.

AR-

(a) In edit. Nisiel deest propriam.

ARTICULUS V. 430

Utrum anima intellectiva cognoscat res immateriales in rationibus æternis.

Infr. quæst. lxxxviii. art. 3. ad 1. & ver. quæst. viii. art. 7. ad 6. & quæst. x. art. 1. corp. & ad 6. & art. 8. corp.

AD quintum sic proceditur. Videtur quod anima intellectiva non cognoscat res immateriales in rationibus æternis. Id enim in quo aliquid cognoscitur, ipsum magis, & per prius cognoscitur. Sed anima intellectiva hominis in statu præsentis vite non cognoscit rationes æternas: quia non cognoscit ipsum Deum, in quo rationes æternæ existunt, sed ei sicut ignoto coniungitur, ut Dionysius dicit in 1. cap. myst. Theol. Ergo anima non cognoscit omnia in rationibus æternis.

2. Præterea. Rom. 1. 20. dicitur, quod *invisibilia Dei per ea quæ facta sunt, conspiciuntur*. Sed inter invisibilia Dei numerantur rationes æternæ. Ergo rationes æternæ per creaturas materiales cognoscuntur, & non e converso.

3. Præterea. Rationes æternæ nihil aliud sunt quam ideæ. Dicit enim Augustinus in Lib. lxxxiii. Qg. (quæst. xlv. a med.) quod *idea sunt rationes spirituales rerum in mente divina existentes*. Si ergo dicatur, quod anima intellectiva cognoscit omnia in rationibus æternis, sedibit opinio Platonis, qui posuit omnem scientiam ab ideis derivari.

Sed contra est, quod dicit Augustinus XII. Confess. (cap. xxv. a med.) *Si ambobus videmus verum esse quod dicis, & ambobus videmus verum esse quod dico; ubi quæso id videmus? Nec ego utique in te, nec tu in me, sed ambobus in ipsa, qua supra mentes nostras est, incommutabili veritate*. Veritas autem incommutabilis in æternis rationibus continetur. Ergo anima intellectiva omnia vera cognoscit in rationibus æternis.

Respondendo dicendum, quod, sicut Augustinus dicit in II. de doctr. christiana (cap. xl. in princ.) qui Philosophi vocantur, si qua forte vera, & fidei nostra accommodata duxerunt, ab eis tanquam ab iniusti possessoribus in usum nostrum vindicanda sunt. Habent enim doctrinæ Gentilium quedam simulata, & superfæstosa signenta, quæ unusquisque nostrum de societate Gentilium exiens debet evitare &c. Et ideo Augustinus, qui doctrinis Platoniorum imbutus fuerat,

si qua invenit fidei accommodata in eorum dictis, assumpsit; quæ vero invenit fidei nostræ adversa, in melius commutavit. Posuit autem Plato, sicut supra dictum est (art. præc.) formas rerum per se subsistere a materia separatas, quas *ideæ* vocabat, per quarum participationem dicebat intellectum nostrum omnia cognoscere; ut sicut materia corporalis per participationem ideæ lapidis fit lapis, ita intellectus noster per participationem eiusdem ideæ cognoscet lapidem. Sed quia videtur esse alienum a se quod formæ rerum extra res per se subsistant absque materia, sicut Platonici poluerunt, dicentes *per se vitari*, aut *per se sapientiam* esse quasdam substantias creatrices, ut Dionysius dicit xi. cap. de div. Nom. (a med. leſt. 4.) ideo Augustinus in Lib. lxxxiii. Qg. (quæst. xlv.) posuit loco harum idearum, quas Plato ponebat, rationes omnium creaturarum in mente divina existere, secundum quas omnia formantur, & secundum quas etiam anima humana omnia cognoscit.

Cum ergo queritur, utrum anima humana in rationibus æternis omnia cognoscat; dicendum est, quod aliquid in aliquo dicitur cognosci dupliciter. Uno modo sicut in obiecto cognito, sicut aliquis videt in speculo ea quorum imagines in speculo resiliunt: & hoc modo anima in statu præsentis vite non potest videre omnia in rationibus æternis; sed sic in rationibus æternis cognoscunt omnia beati, qui Deum vident, & omnia in ipso.

Alio modo dicitur aliquid cognosci in aliquo sicut in cognitionis principio: sicut si dicamus, quod in Sole videntur ea quæ videntur per Solem: & sic necesse est dicere, quod anima humana omnia cognoscat in rationibus æternis per quarum participationem omnia cognoscimus. Ipsum enim lumen intellectuale, quod est in nobis, nihil est aliud quam quedam participata similitudo luminis increati, in quo continentur rationes æternæ. Unde in Psal. 119. 6. dicitur: *Multis dicunt: Quis ostendis nobis bona? Cui questionis Psalmista respondit dicens: Signatum est super nos lumen vultus tui, Domine; quasi dicat: per ipsam sigillationem divini luminis in nobis omnia demonstrantur*. Quia tamen præter lumen intellectuale in nobis exigunt species intelligibiles a rebus acceptæ ad scientiam de rebus materialibus habendam; ideo non per solam participationem rationum æ-

ter-

æternarum de rebus materialibus notitiam habemus, sicut Platonici posuerunt, quod sola idearum participatio fuit ad scientiam hærendam. Unde Augustinus dicit in IV. de Trin. (cap. xvi.) Numquid quia Philosophi docuerunt certissimis persuadent animis rationibus omnia temporalia fieri, præterea putarent in ipsa rationibus perspicere, vel ex ipsis colligere, quæ sunt immutabilium genera, quæ semina singulorum? Nonne ista omnia per locorum, ac temporum distoriam quæserunt?

Quod autem Augustinus non sic intellexit, omnia cognosci in rationibus æternis, vel in incommutabili veritate, quasi ipsæ rationes æternæ videantur, patet per hoc quod ipse dicit in Libro lxxxiii. Q. (quæst. lxxv. a med.) quod rationalis anima non omnis, & quæcumque, sed quæ sancta, & pura fuerit, afferitur illi visioni, scilicet rationum æternarum, esse idonea; sicut sunt animæ (a) beatorum.

Et per hæc patet responsio ad obiecta.

ARTICULUS VI. 421

Litteræ intellectiva cognitio accipitur a rebus sensibilibus.

Ver. quæst. x. art. 6. & opusc. II. cap. lxxxii. & lxxxiii.

AD sextum sic proceditur. Videtur quod intellectiva cognitio non accipitur a rebus sensibilibus. Dicit enim Augustinus in Lib. lxxxiii. Q. (quæst. ix. in princ.) quod non est expectanda sinceritas veritatis a corporis sensibus; & hoc probat dupliciter. Uno modo per hoc quod omne quod corporeus sensus attingit, sine ulla intermissione temporis commutatur: quod autem non manet, percipi non potest. Alio modo per hoc quod omnia quæ per corpus sentiuntur, etiam cum non adsunt sensibus, imagines tamen eorum patiuntur, ut in somno, vel furore. Non autem sensibus discernere valeamus, utrum ipsa sensibilia vel imagines eorum falsas sentiamus; nihil autem percipi potest quod a falso non discernitur. Et sic concludit, quod non est expectanda veritas a sensibus. Sed cognitio intellectualis est apprehensiva veritatis. Non ergo cognitio intellectualis est expectanda a sensibus.

2. Præterea. Augustinus dicit XII. super Gen. ad lit. (cap. xvi.) Non est putandum facere aliquid corpus in spiritum, tamquam spiritus corpori facienti materia vice

jubetur. Omni enim modo præstatio est qui facit, ut de qua aliquid facit. Unde concludit, quod imaginem corporis non corpus in spiritum, sed ipse spiritus in seipso facit. Non ergo intellectualis cognitio a sensibus derivatur.

3. Præterea. Effectus non se extendit ultra virtutem suæ causæ. Sed intellectualis cognitio se extendit ultra sensibilia: intelligimus enim quædam quæ sensu percipi non possunt. Intellectualis ergo cognitio non derivatur a rebus sensibilibus.

Sed contra est quod Philosophus probat in I. Metaph. (cap. 1.) & in fine Poster. (Lib. II. text. 27.) quod principia nostra cognitionis est a sensu.

Respondetur dicendum, quod circa istam questionem triplex fuit Philosophorum opinio. Democritus enim posuit, quod nulla est alia causa cuiuslibet nostræ cognitionis, nisi cum ab his corporibus quæ cogitamus, veniunt, atque intrant imagines in animas nostras, ut Augustinus dicit in epist. sua ad Dioscorum. Et Aristoteles etiam dicit in Lib. de Somn. & vigil. (Lib. de divin. per somnum cap. 11.) quod Democritus posuit cognitionem fieri per idola, & deflexiones. Et huius positionis ratio fuit, quia tam ipse Democritus, quam alii antiqui Naturales non ponebant intellectum differre a sensu, ut Aristoteles dicit in Lib. II. de Anima (text. 150. & 151.) Et ideo quia sensus immutatur a sensibili, arbitrabantur, omnem nostram cognitionem fieri per solam immutationem a sensibilibus. Quam quidem immutationem Democritus asserbat fieri per imaginum deflexiones.

Plato vero e contrario posuit, intellectum differre a sensu, & intellectum quidem esse virtutem immaterialem organo corporeo non utentem in suo actu. Et quia incorporeum non potest immutari a corporeo, posuit quod cognitio intellectualis non fit per immutationem intellectus a sensibilibus, sed per participationem formarum intelligibilium separatarum, ut dictum est (art. 4. & 5. præced.) Sensum etiam posuit virtutem quandam per se operantem. Unde nec ipse sensus, cum sit quædam vis spiritalis, immutatur a sensibilibus; sed organa sensuum a sensibilibus immutantur: ex qua immutatione anima quodammodo excitatur, ut in species sensibilibus formatæ. Et hanc opinionem tangere videtur

Augu-

(a) Ita codd. Alex. & Terra. cum editis plurimis. Rom. edit. bonorum.

Augustinus XII. super Gen. ad lit. (cap. xxv. in med.) ubi dicit, quod corpus non sentit, sed anima per corpus, quo velut nuntio utitur ad formandum in seipso quod extrinsecus nuntiatur. Sic igitur secundum Platonis opinionem neque intellectualis cognitio a sensibili procedit, neque etiam sensibilis totaliter a sensibilibus rebus; sed sensibilia excitant animam sensibilem ad sentiendum, & similiter sensus excitant animam intellectivam ad intelligendum.

Aristoteles autem media via processit. Posuit enim (II. de Anima text. 152.) cum Platone, intellectum differre a sensu. Sed sensum posuit propriam operationem non habere sine communicatione corporis, ita quod sentire non sit actus animæ tantum, sed coniuncti. Et similiter posuit de omnibus operationibus sensitivæ partis. Quia igitur non est inconveniens quod sensibilia, quæ sunt extra animam, causent aliquid in coniunctum; in hoc Aristoteles cum Democrito concordavit, quod operationes sensitivæ partis causentur per impressionem sensibilibus in sensum, non per modum defluxionis, ut Democritus posuit, sed per quandam operationem. Nam & Democritus omnem actionem fieri posuit per influxionem atomorum, ut patet in I. de generat. (text. 56. & seq.) Intellectum vero posuit Aristoteles (Lib. III. de Anima text. 12.) habere operationem absque communicatione corporis. Nihil autem corporeum imprimere potest in rem incorpoream. Et ideo ad causandam intellectualem operationem secundum Aristotelem non sufficit sola impressio sensibilibus corporum, sed requiritur aliquid nobilius; quia *agens est honorabilius patiente*, ut ipse dicit (Lib. III. de Anima text. 19.) non tamen ita quod intellectualis operatio causetur ex sola impressione aliquarum rerum superiorum, ut Plato posuit; sed illud superius, (a) & nobilius agens, quod vocat *intellectum agentem*, de quo iam supra diximus (quæst. lxxxix. art. 3. & 4.) facit phantasmata a sensibus accepta intelligibilia in actu per modum abstractionis cuiusdam.

Secundum hoc ergo ex parte phantasmatum intellectualis operatio a sensu causatur. Sed quia phantasmata non sufficiunt immutare intellectum possibilem, sed oportet quod fiant intelligibilia actu per intellectum agentem; non potest dici, quod sensibilis cognitio sit totalis, &

perfecta causa intellectualis cognitionis, sed magis quodammodo est materia causæ.

Ad primum ergo dicendum, quod per verba illa Augustini datur intelligi quod veritas non sit totaliter a sensibus expectanda. Requiritur enim lumen intellectus agentis, per quod immutabiliter veritatem in rebus mutabilibus cognoscamus, & disceramus ipsas res a similitudinibus rerum.

Ad secundum dicendum, quod Augustinus non loquitur de intellectuali cognitione, sed de imaginaria. Et quia secundum Platonis opinionem vis imaginaria habet operationem quæ est animæ solius; eadem ratione usus est Augustinus ad ostendendum quod corpora non imprimunt suis similitudines in vim imaginariam, sed hoc facit ipsa anima, qua utitur Aristoteles (Lib. III. de Anima text. 19.) ad probandum intellectum agentem esse aliquid separatum, quia scilicet *agens est honorabilius patiente*. Et procul dubio oportet secundum hanc positionem in vi imaginativa ponere non solum potentiam passivam, sed etiam activam. Sed si ponamus secundum opinionem Aristotelis (Lib. II. de Anima text. 153. & 155. usque ad fin. Lib.) quod actio virtutis imaginativæ sit coniuncta, nulla sequitur difficultas: quia corpus sensibile est nobilius organo animalis secundum hoc quod comparatur ad ipsum ut ens in actu ad ens in potentia, sicut coloratum in actu ad pupillam, quæ colorata est in potentia.

Possent tamen dici, quod quamvis prima immutatio virtutis imaginariæ sit per motum sensibilem, quia *phantasia est motus factus secundum sensum*, ut dicitur in Lib. II. de Anima (text. 160.) tamen est quædam operatio animæ in homine quæ dividendo, & componendo formæ diversas rerum imagines, etiam quæ non sunt a sensibus acceptæ. Et quantum ad hoc possunt accipi verba Augustini.

Ad tertium dicendum, quod sensitiva cognitio non est tota causa intellectualis cognitionis; & ideo non est mirum, si intellectualis cognitio ultra sensitivam se extendit.

A R-

(a) Ita edd. Alen. & Terræ Nicolas & nobilius agens vocat . . . quod facit phantasmata, *scilicet* *animæ* quod vocat . . . quod facit.

ARTICULUS VII. 432

Utrum intellectus possit actu intelligere per species intelligibiles, quas penes se habet, non convertendo se ad phantasmata.

Inf. quæst. lxxxix. art. 1. & 2. & III. Part. quæst. xi. art. 2. & quæst. xvi. art. 1. cor. & II. cor. cap. lxx. & lxxxii. & II. cap. xi. & I. cor. xlii. lect. 3.

AD septimum sic proceditur. Videtur quod intellectus possit actu intelligere per species intelligibiles, quas penes se habet, non convertendo se ad phantasmata. Intellectus enim fit in actu per speciem intelligibilem, qua informatur. Sed intellectus esse in actu est ipsum intelligere. Ergo species intelligibiles sufficienti ad hoc quod intellectus actu intelligat, absque hoc quod ad phantasmata se convertat.

2. Præterea. Magis dependet imaginatio a sensu quam intellectus ab imaginatione. Sed imaginatio potest imaginari actu, abscentibus sensibilibus. Ergo multo magis intellectus potest intelligere actu, non convertendo se ad phantasmata.

3. Præterea. Incorporeum non sunt aliqua phantasmata: quia imaginatio tempus, & continuum non transcendit. Si ergo intellectus noster non posset aliquid intelligere in actu, nisi converteretur ad phantasmata, sequeretur quod non posset intelligere incorporeum aliquid: quod patet esse falsum: intelligimus enim veritatem ipsam, & Deum, & Angelos.

Sed contra est quod Philosophus dicit in III. de Anima (text. 30.) quod *nihil sine phantasmate intelligit anima.*

Respondendo dicendum, quod impossibile est intellectum secundum præsentis vite statum, quo passibili corpori coniungitur, aliquid intelligere in actu, nisi convertendo se ad phantasmata. Et hoc duobus modis apparet.

Primo quidem quia, cum intellectus sit vis quedam non utens corporali organo, nullo modo impediretur in suo actu per lesionem alicuius corporalis organi, si non requireretur ad eius actum actus alicuius potentie utentis organo corporali. Utuntur autem organo corporali sensus, & imaginatio, & aliaque pertinentes ad partem sensitivam. Unde manifestum est quod ad hoc quod intellectus actu intelligat, non solum accipiendo scientiam de novo, sed etiam utendo scientia iam acquisita, requiritur

actus imaginationis, & ceterarum virtutum. Videmus enim quod impeditur actu virtutis imaginativæ per lesionem organi, ut in phreneticis, & similiter impeditur actu memorativæ virtutis, ut in lethargicis, impeditur homo ab intelligendo in actu etiam ea quorum scientiam præcepit.

Secundo quia hoc quilibet in seipso experiri potest, quod quando aliquid conatur aliquid intelligere, format sibi aliqua phantasmata per modum exemplorum, in quibus quasi incipiat quod intelligere studet. Et inde est etiam quod quando aliquem volumus facere aliquid intelligere, proponimus ei exempla, ex quibus sibi phantasmata formare possit ad intelligendum.

Huius autem ratio est, quia potentia cognoscitiva proportionatur cognoscibili. Unde intellectus Angeli, qui est totaliter a corpore separatus, obiectum proprium est substantia intelligibilis a corpore separata; & per huiusmodi intelligibile materialia cognoscit. Intellectus autem humani, qui est coniunctus corpori, proprium obiectum est quidditas, sive natura in materia corporali existens: & per huiusmodi naturas visibilibus rerum, etiam in invisibilibus rerum aliqualem cognitionem ascendit. De ratione autem huius naturæ est quod in aliquo individuo existat, quod non est absque materia corporali; sicut de ratione naturæ lapidis est quod sit in hoc lapide, & de ratione naturæ equi est quod sit in hoc equo, & sic de aliis. Unde natura lapidis, vel cuiuscumque materialis rei cognosci non potest complete, & vere, nisi secundum quod cognoscitur ut in particulari existens. Particulare autem apprehendimus per sensum, & imaginationem: & ideo necesse est, ad hoc quod intellectus intelligat suum obiectum proprium, quod convertat se ad phantasmata, ut speculetur naturam universalem in particulari existentem. Si autem proprium obiectum intellectus nostri esset forma separata, vel si formæ rerum sensibilibus subsisterent non in particulis, secundum Platonicos, non oporteret quod intellectus noster semper intelligendo converteretur se ad phantasmata.

Ad primum ergo dicendum, quod species conservatæ in intellectu possibili in eo existunt habitualiter, quando actu non intelligit, sicut supra dictum est (quæst. lxxxix. art. 6.) Unde ad hoc quod intel-

liga-

ligamus in actu, non sufficit ipsa conservatio specierum; sed oportet quod eis utamur, secundum quod convenit rebus quarum sunt species, quæ sunt naturæ in particularibus existentibus.

Ad secundum dicendum, quod etiam ipsum phantasma est similitudo rei particularis: unde non indiget imaginatio aliqua alia similitudine particulari, sicut indiget intellectus.

Ad tertium dicendum, quod incorporea, quorum non sunt phantasmata, cognoscuntur a nobis per comparisonem ad corpora sensibilia, quorum sunt phantasmata; sicut veritatem intelligimus ex consideratione rei circa quam veritatem speculamur. Deum autem; ut Dionysius dicit (cap. 1. de div. Nom. lect. 3.) cognoscimus ut causam, & per excessum, & per remotionem. Alias etiam incorporeas substantias in statu præsentis vite cognoscere non possumus nisi per remotionem, vel aliquam comparisonem ad corporalia. Et ideo cum de huiusmodi aliquid intelligimus, necesse habemus converti ad phantasmata corporum, licet ipsum non sint phantasmata.

ARTICULUS VIII. 423

Utrum iudicium intellectus impediatur per ligamentum sensus.

2. 2. quæst. cliv. art. 5. cor. & quæst. clxxii. art. 1. & ver. quæst. xii. art. 3. & III. de Anima lect. 7.

AD octavum sic proceditur. Videtur quod iudicium intellectus non impediatur per ligamentum sensus. Superius enim non dependet ab inferiori. Sed iudicium intellectus est supra sensum. Ergo iudicium intellectus non impeditur per ligamentum sensus.

1. Præterea. Syllogizare est actus intellectus. In somno autem ligatur sensus, ut dicitur in Lib. de somn. & vig. (cap. 1.) contingit tamen quandoque quod aliquis dormiens syllogizat. Ergo non impeditur iudicium intellectus per ligamentum sensus.

Sed contra est quod in dormiendo, ea quæ contra licitos motus contingunt, non impediuntur ad peccatum, ut Augustinus in XII. super Genes. ad lit. (cap. xv.) dicit. Hoc autem non est, si homo in dormiendo liberum usum rationis, & intellectus haberet. Ergo impeditur ratio usus per ligamentum sensus.

Respondetur dicendum, quod, sicut di-

ctum est (art. præc.) proprium obiectum intellectui nostro proportionatum est natura rei sensibilis. Iudicium autem perfectum de re aliqua dari non potest, nisi ea omnia quæ ad rem pertinent, cognoscantur; & præcipue si ignoraretur id quod est terminus, & finis iudicii. Dicit autem Philosophus in III. de celo (text. 61.) quod *sicut finis scilicet scientie est opus; ita naturalis scientia finis est quod videtur semper proprie secundum sensum*. Eadem enim non querit cognitionem cultelli nisi propter opus, ut operetur hunc particularem cultellum; & similiter Naturalis non querit cognoscere naturam lapidis, & equi, nisi ut sciat rationes eorum quæ videntur secundum sensum. Manifestum est autem quod non posset esse perfectum iudicium fabri de cultello, si opus ignoraret; & similiter non potest esse perfectum iudicium scientiæ naturalis de rebus naturalibus, si sensibilia ignorentur. Omnia autem quæ in præsentis statu intelligimus, cognoscuntur a nobis per comparisonem ad res sensibiles naturales. Unde impossibile est quod sit in nobis iudicium intellectus perfectum cum ligamento sensus, per quem res sensibiles cognoscimus.

Ad primum ergo dicendum, quod quamvis intellectus sit superior sensui, accipit tamen aliquo modo a sensu, & eius obiecta prima, & principalia in sensibus fundantur; & ideo necesse est quod impediatur iudicium intellectus ex ligamento sensus.

Ad secundum dicendum, quod sensus ligatur in dormientibus propter evaporationes quasdam, & similitudines resolutas, ut dicitur in Lib. de somno, & vig. (cap. 1. & 111.) & ideo secundum dispositionem huiusmodi evaporationum contingit esse ligamentum sensus maius, vel minus. Quando enim multus fuerit motus vaporum, ligatur non solum sensus, sed etiam imaginatio, ita ut nulla appareant phantasmata; sicut præcipue accidit cum aliquis incipit dormire post multum cibum, & potum. Si vero motus vaporum aliquantulum fuerit remissior, apparent phantasmata, sed distorta, & inordinata, sicut accidit in febri-citantibus. Si vero adhuc magis motus sedetur, apparent phantasmata ordinata; sicut maxime solet contingere in fine dormitionis, & in hominibus sobriis, & habentibus fortem imaginationem. Si autem motus vaporum fuerit modicus, non solum imaginatio remanet libera, sed

sed etiam ipse sensus communis ex parte solvitur; ita quod bono indicat interdum in dormiendo, ea quæ videt, somnia esse, quasi diiudicans inter res, & rerum similitudines. Sed tamen ex aliqua parte remanet sensus communis ligatus. Et ideo liceat aliquas similitudines discernat a rebus, tamen semper in aliquibus decipitur. Sic igitur per modum quo sensus solvitur, & imaginatio in dormiendo, liberatur iudicium intellectus; non tamen ex toto. Unde illi qui dormiendo syllogizant, cum excitantur, semper recognoscunt se in aliquo defecisse.

QUAESTIO LXXXV.

*De modo, & ordine intelligendi,
in octo articulos divisa.*

Deinde considerandum est de modo, & ordine intelligendi: & circa hoc quaeruntur octo.

Primo, utrum intellectus noster intelligat abstrahendo species a phantasmatibus.

Secundo, utrum species intelligibiles abstractæ a phantasmatibus se habeant ad intellectum nostrum ut quod intelligitur, vel sicut id quod intelligitur.

Tertio, utrum intellectus noster naturaliter intelligat prius magis universale. Quarto, utrum intellectus noster possit multa simul intelligere.

Quinto, utrum intellectus noster intelligat componendo, & dividendo.

Sexto, utrum intellectus possit errare. Septimo, utrum unus possit eandem rem melius intelligere quam alius.

Octavo, utrum intellectus noster per prius cognoscat indivisibile quam divisibile.

ARTICULUS I. 479

Utrum intellectus noster intelligat res corporeas, & materiales per abstractionem a phantasmatibus.

Inf. quæst. lxxxvii. art. 2. ad 2. & quæst. ci. art. 1. & 2. quæst. v. art. 1. ad 1.

AD primum sic proceditur. Videtur quod intellectus noster non intelligat res corporeas, & materiales per abstractionem a phantasmatibus. Quicumque enim intellectus intelligit rem aliter quam sit, est falsus. Formæ autem rerum materialium non sunt abstractæ a

particularibus, quorum similitudines sunt phantasmata. Si ergo intelligamus res materiales per abstractionem specierum a phantasmatibus, erit falsitas in intellectu nostro.

2. Præterea. Res materiales sunt res naturales, in quarum definitione cadit materia. Sed nihil potest intelligi sine eo quod cadit in definitione eius. Ergo res materiales non possunt intelligi sine materia. Sed materia est individuationis principium. Ergo res materiales non possunt intelligi per abstractionem universalem a particulari: quod est abstrahere species intelligibiles a phantasmatibus.

3. Præterea. In III. de Anima (tex. 18. & 31.) dicitur, quod phantasmata se habent ad animam intellectivam sicut colores ad visum. Sed visio non fit per abstractionem aliquarum specierum a coloribus, sed per hoc quod colores imprimunt in visum. Ergo nec intelligere contingit per hoc quod aliquid abstrahatur a phantasmatibus, sed per hoc quod phantasmata imprimunt in intellectum.

4. Præterea. Ut dicitur in III. de Anima (loc. nunc cit.) in intellectiva anima sunt duo, scilicet intellectus possibilis, & agens. Sed abstrahere a phantasmatibus species intelligibiles non pertinet ad intellectum possibilem, sed recipere species iam abstractas; sed nec etiam videtur pertinere ad intellectum agentem, qui se habet ad phantasmata sicut lumen ad colores, quod non abstrahit aliquid a coloribus, sed magis eis insuit. Ergo nullo modo intelligimus abstrahendo a phantasmatibus.

5. Præterea. Philosophus in III. de Anima (tex. 31. & 39.) dicit, quod intellectus intelligit species in phantasmatibus. Non ergo eas abstrahendo.

Sed contra est quod dicitur in III. de Anima (tex. 31.) quod sicut res sunt separabiles a materia, sic circa intellectum sunt. Ergo oportet quod materialia intelligantur, inquantum a materia abstrahuntur, & a similitudinibus materialibus, quæ sunt phantasmata.

Respondeo dicendum, quod, sicut supra dictum est (quæst. lxxx. art. 1. & quæst. lxxxiv. art. 7.) obiectum cognoscibile proportionatur virtuti cognoscitivæ. Est autem triplex gradus cognoscitivæ virtutis. Quædam enim cognoscitiva virtus est actus organi corporalis, scilicet sensus: & ideo obiectum cuiuslibet sensitivæ potentie est forma, prout in materia corporali existit. Et quia huiusmodi materia

ria est individuationis principium, ideo omnis potentia sensitivæ partis est cognoscitiva particularium tantum. Quædam autem virtus cognoscitiva est quæ neque est actus organi corporalis, neque est aliquo modo corporali materiæ conjuncta, sicut intellectus angelicus: & huius virtutis cognoscitivæ obiectum est forma sine materia subsistens. Etsi enim materialia cognoscant, non tamen nisi in immaterialibus ea inveniuntur, vel in seipsis, vel in Deo. Intellectus autem humanus medio modo se habet: non enim est actus alcuius organi, sed tamen est quædam virtus animæ, quæ est forma corporis, ut ex supra dictis patet (quæst. lxxvi. art. 1.) Et ideo proprium eius est cognoscere formam in materia quidem corporali individualiter existentem, non tamen prout est in tali materia. Cognoscere vero id quod est in materia individuali, non prout est in tali materia, est abstrahere formam a materia individuali, quam repræsentant phantasmata. Et ideo necesse est dicere, quod intellectus noster intelligit materialia abstrahendo a phantasmatibus: & per materialia sic considerata in immaterialium aliqualem cognitionem devenimus; sicut e contra Angeli per immaterialia materialia cognoscunt.

Plato vero attendens solum immaterialitatem intellectus humani, non autem ad hoc quod est corpori quodammodo unitus, posuit obiectum intellectus ideas separatas; & quod intelligimus non quidem abstrahendo, sed magis abstracta participando (ut refert Aristoteles XII. Metaph. tex. 6.) ut supra dictum est (quæst. lxxxiv. art. 1.)

Ad primum ergo dicendum, quod abstrahere contingit dupliciter. Uno modo per modum compositionis, & divisionis; sicut cum intelligimus aliquid non esse in alio, vel esse separatum ab eo. Alio modo per modum simpliciter; sicut cum intelligimus unum, nihil considerando de alio. Abstrahere igitur per intellectum ea quæ secundum rem non sunt abstracta, secundum primum modum abstrahendi, non est absque salutate. Sed secundo modo abstrahere per intellectum quæ non sunt abstracta secundum rem, non habet salutate, ut in sensu apparet. (a) Si enim intelligamus, vel dicamus, colorem non inesse corpori colorato, vel esse separatum ab eo; erit falsitas in opinione. Si vero consideremus colorem, & pro-

prietatem eius, nihil considerantes de pmo colorato; vel si quod intelligimus, voce exprimamus; erit absque salutate opinio, & operationis: ponum enim non est de ratione coloris. Et ideo nihil prohibet colorem intelligi, nihil intelligendo de pmo. Similiter dico, quod ea quæ pertinent ad rationem speciei cuiuslibet rei materialis, puta lapidis, aut hominis, aut equi, possunt considerari sine principiis individualibus, quæ non sunt de ratione speciei. Et hoc est abstrahere universale a particulari, vel speciem intelligibilem a phantasmatibus, considerare scilicet naturam speciei absque consideratione individualium principiorum, quæ per phantasmata repræsentantur. Cum ergo dicitur, quod intellectus est falsus, qui intelligit rem aliter quam sit, verum est, si ly *aliter* refertur ad rem intellectam: tunc enim intellectus est falsus, quando intelligit rem esse aliter quam sit: unde falsus esset intellectus, si sic abstraheret speciem lapidis a materia, ut intelligeret eam non esse in materia, ut Plato posuit. Non est autem verum quod proponitur, si ly *aliter* accipitur ex parte intelligentis: est enim absque salutate ut alius sit modus intelligentis in intelligendo, quam modus rei in essendo: quia intellectum est in intelligente immaterialiter per modum intellectus, non autem materialiter per modum rei materialis.

Ad secundum dicendum, quod quidam putaverunt, quod species rei naturalis sit forma solum, & quod materia non sit pars speciei. Sed secundum hoc in definitionibus rerum naturalium non ponetur materia.

Et ideo aliter dicendum est, quod materia est duplex, scilicet communis, & signata, vel individualis: communis quidem, ut caro, & os; individualis autem, ut hæc carnes, & hæc ossa. Intellectus igitur abstrahit speciem rei naturalis a materia sensibili individuali, non autem a materia sensibili communi; sicut speciem hominis abstrahit ab his carnibus, & his ossibus: quæ non sunt de ratione speciei, sed partes individui, ut dicitur in VII. Metaph. (tex. 34. & 35.) & ideo sine eis considerari potest. Sed species hominis non potest abstrahi per intellectum a carnibus, & ossibus. Species autem mathematicæ possunt abstrahi per intellectum a materia sensibili, non solum

(a) Ita cod. Alcan. Nicolaus, & editio Par. 1712. Edit. Rom. & Paris. 1698. Si enim dicamus tantum.

lum individuali, sed etiam communi; non tamen a materia intelligibili communi, sed solum individuali. Materia enim sensibilis dicitur materia corporalis, secundum quod subiaceat qualitatibus sensibilibus, scilicet calido, & frigido, duro, & molli, & huiusmodi. Materia vero intelligibilis dicitur substantia, secundum quod subiaceat quantitati. Manifestum est autem quod quantitas prius inest substantiæ quam qualitates sensibiles. Unde quantitates, ut numeri, & dimensiones, & figuræ, quæ sunt terminationes quantitatum, possunt considerari absque qualitatibus sensibilibus; quod est eas abstrahi a materia sensibili: non tamen possunt considerari sine intellectu substantiæ quantitati subiectæ; quod est eas abstrahi a materia intelligibili communi: possunt tamen considerari sine hac, vel illa substantia; quod est eas abstrahi a materia intelligibili individuali. Quædam vero sunt quæ possunt abstrahi etiam a materia intelligibili communi, sicut ens, unum, potentia, & actus, & alia huiusmodi; quæ etiam esse possunt absque omni materia, ut patet in substantiis immaterialibus. Et quia Plato non consideravit quod dictum est de duplici modo abstractionis, omnia quæ diximus abstrahi per intellectum, posuit abstracta esse secundum rem.

Ad tertium dicendum, quod colores habent eundem modum existendi, prout sunt in materia corporali individuali, sicut in potentia visiva: & ideo possunt imprimere suam similitudinem in visum. Sed phantasmata, cum sint similitudines individuorum, & existant in organis corporeis, non habent eundem modum existendi quem habet intellectus humanus, ut ex dictis patet (in cor. art. & ar. 7. quæst. præc.) & ideo non possunt sua virtute imprimere in intellectum possibilem. Sed virtute intellectus agentis resultat quædam similitudo in intellectu possibili ex conversione intellectus agentis supra phantasmata: quæ quidem est repræsentativa eorum quorum sunt phantasmata, solum quantum ad naturam speciei. Et per hunc modum dicitur abstrahi species intelligibilis a phantasmatibus, non quod aliqua eadem numero forma quæ prius fuit in phantasmatibus, postmodum fiat in intellectu possibili, ad modum quo corpus accipitur ab uno loco, & transferatur ad alterum.

Ad quartum dicendum, quod phan-

tasmatæ & illuminantur ab intellectu agente, & iterum ab eis per virtutem intellectus agentis species intelligibiles abstrahuntur. Illuminantur quidem, quia sicut pars sensitiva ex coniunctione ad intellectum efficitur virtuosior, ita phantasmata ex virtute intellectus agentis redduntur habilia ut ab eis intentiones intelligibiles abstrahantur. Abstrahit autem intellectus agens species intelligibiles a phantasmatibus, in quantum per virtutem intellectus agentis accipere possumus in nostra consideratione naturas specierum sine individualibus conditionibus, secundum quarum similitudines intellectus possibilis informatur.

Ad quintum dicendum, quod intellectus noster & abstrahit species intelligibiles a phantasmatibus, in quantum considerat naturas rerum in universali: & tamen intelligit eas in phantasmatibus: quia non potest intelligere ea quorum species abstrahit, nisi convertendo se ad phantasmata, ut supra dictum est (quæst. præc. art. 6. & 7.)

ARTICULUS II. 425

Utrum species intelligibiles a phantasmatibus abstractæ se habeant ad intellectum nostrum sicut id quod intelligitur, vel sicut id quo intelligitur.

IV. cont. cap. XI. & ver. quæst. 11. art. 6. cor. fin. & per. quæst. VII. art. 5. cor. & quæst. VIII. art. 1. & opusc. 11. cap. LXXXV.

AD secundum sic proceditur. Videtur quod species intelligibiles a phantasmatibus abstractæ se habeant ad intellectum nostrum sicut id quod intelligitur. Intellectum enim in actu est in intelligente, quia intellectum in actu est ipse intellectus in actu. Sed nihil de re intellecta est in intellectu actu intelligente, nisi species intelligibilis abstracta. Ergo huiusmodi species est ipsum intellectum in actu.

2. Præterea. Intellectum in actu oportet in aliquo esse; alioquin nihil esset. Sed non est in re, quæ est extra animam: quia cum res quæ est extra animam, sit materialis, nihil quod est in ea, potest esse intellectum in actu. Relinquitur ergo quod intellectum in actu sit in intellectu; & ita nihil est aliud quam species intelligibilis prædicta.

3. Præterea. Philosophus dicit in I. Perih. (cap. 1.) quod voces sunt motæ
L I

earum quæ sunt in anima, passionum. Sed voces significant res intellectas, id enim voce significamus quod intelligimus. Ergo ipsæ passionem animæ, scilicet species intelligibiles, sunt ea quæ intelliguntur in actu.

Sed contra. Species intelligibilis se habet ad intellectum sicut species sensibilis ad sensum. Sed species sensibilis non est illiud quod sentitur, sed magis id quo sensus sentit. Ergo species intelligibilis non est id quod intelligitur, sed id quo intelligit intellectus.

Respondeo dicendum, quod quidam posuerunt, quod vires quæ sunt in nobis cognoscitivæ, nihil cognoscunt nisi proprias passiones, puta quod sensus non sentit nisi passionem sui organi. Et secundum hoc intellectus nihil intelligit nisi suam passionem, scilicet speciem intelligibilem in se receptam: & secundum hoc species huiusmodi est ipsum quod intelligitur.

Sed hæc opinio manifeste apparet falsa ex duobus,

Primo quidem quia eadem sunt quæ intelligimus, & de quibus sunt scientiæ. Si igitur ea quæ intelligimus, essent solum species quæ sunt in anima, sequeretur quod scientiæ omnes non essent de rebus quæ sunt extra animam, sed solum de speciebus intelligibilibus, quæ sunt in anima; sicut secundum Platonicos omnes scientiæ sunt de ideis, quas ponebant esse intellectas in actu.

Secundo quia sequeretur error antiquorum dicentium, omne quod videtur, esse verum: & similiter quod contradictoria essent simul veræ. Si enim potentia non cognoscit nisi propriam passionem, de ea solum iudicat. Sic autem videtur aliquid, secundum quod potentia cognoscitiva afficitur. Semper ergo iudicium potentie cognoscitivæ erit de eo quod iudicat, scilicet de propria passione, secundum quod est; & ita omne iudicium erit verum: puta, si gustus non sentit nisi propriam passionem, cum aliquis habens sanum gustum iudicat, mel esse dulce, vere iudicabit; & similiter si ille qui habet gustum infectum, iudicet mel esse amarum, vere iudicabit; uterque enim iudicabit, secundum quod gustus eius afficitur. Et sic sequitur quod omnis opinio æqualiter erit vera, & universaliter omnis acceptio.

Et ideo dicendum est, quod species intelligibilis se habet ad intellectum ut

quo intelligit intellectus: quod sic patet. Cum enim sit duplex actio, sicut dicitur IX. Metaph. (tex. 16.) una quæ manet in agente (ut videre, & intelligere;) & altera quæ transit in rem externam (ut calefacere, & secare:) utraque fit secundum aliquam formam. Et sicut forma, secundum quam provenit actio tendens in rem externam, est similitudo obiecti actionis (ut calor calefaciens est similitudo calefacti;) similiter forma, secundum quam provenit actio manens in agente, est similitudo obiecti. Unde similitudo rei visibilis est, secundum quam visus videt; & similitudo rei intellectæ, quæ est species intelligibilis, est forma, secundum quam intellectus intelligit. Sed quia intellectus supra se ipsum reflectitur, secundum eandem reflexionem intelligit & suum intelligere, & speciem qua intelligit. Et sic species intellecta secundario est id quod intelligitur; sed in quod intelligitur primo, est res, cuius species intelligibilis est similitudo. Et hoc etiam patet ex antiquorum opinione, qui ponebant, simile simili cognosci. Ponebant enim, quod anima per terram quæ in ipsa erat, cognosceret terram quæ extra ipsam erat: & sic de aliis. Si ergo accipiamus speciem terræ loco terræ secundum doctrinam Aristotelis (Lib. III. de Anima tex. 38.) qui dicit, quod lapis non est in anima, sed species lapidis; sequeretur quod anima per species intelligibiles cognoscat res quæ sunt extra animam.

Ad primum ergo dicendum, quod (a) intellectum est in intelligente per suam similitudinem. Et per hunc modum dicitur, quod intellectum in actu est intellectus in actu, inquantum similitudo rei intellectæ est forma intellectus, sicut similitudo rei sensibilis est forma sensus in actu. Unde non sequitur quod species intelligibilis abstracta sit id quod actu intelligitur, sed quod sit similitudo eius.

Ad secundum dicendum, quod cum dicitur intellectum in actu, duo importantur, scilicet res quæ intelligitur, & hoc quod est ipsum intelligi. Et similiter cum dicitur universale abstractum, duo intelliguntur, scilicet ipsa natura rei, & abstractio, seu universalitas. Ipsa igitur natura cui accidit vel intelligi, vel abstrahi, vel intentio universalitatis, non est nisi in singularibus; sed hoc ipsum quod est intelligi, vel abstrahi,

(a) *Edis. Rom.* intellectus.

hi, vel intentio universalitatis, est in intellectu: & hoc possumus videre per simile in sensu. Visus enim videt colorem pomi sine eius odore. Si ergo quærat, ubi sit color, qui videtur sine odore, manifestum est quod color, qui videtur, non est nisi in pomo. Sed quod sit sine odore perceptus, hoc accidit ei ex parte visus, inquantum in visu est similitudo coloris, & non odoris. Similiter humanitas quæ intelligitur, non est nisi in hoc, vel in illo homine; sed quod humanitas apprehendatur sine individualibus conditionibus, quod est ipsam abstrahi, ad quod sequitur intentio universalitatis, accidit humanitati, secundum quod percipitur ab intellectu, in quo est similitudo naturæ speciei, & non individualium principiorum.

Ad tertium dicendum, quod in parte sensitiva invenitur duplex operatio. Una secundum solam immutationem; & sic perficitur operatio sensus per hoc quod immutatur a sensibili. Alia operatio est formatio, secundum quod vis imaginativa format sibi aliquod idolum rei absentis, vel etiam numquam visæ. Et utraque hæc operatio (a) coniungitur in intellectu. Nam primo quidem consideratur passio intellectus possibilis secundum quod informatur specie intelligibili. Quæ quidem informatus format secundo vel definitionem, vel divisionem, vel compositionem, quæ per vocem significatur. Unde ratio quam significat nomen, est definitio; & enuntiatio significat compositionem, & divisionem intellectus. Non ergo voces significant ipsas species intelligibiles, sed ea quæ intellectus sibi format ad iudicandum de rebus exterioribus.

ARTICULUS III. 426

Utrum magis universalia sint priora in nostra cognitione intellectuali.

AD tertium sic proceditur. Videtur quod magis universalia non sint priora in nostra cognitione intellectuali. Quia ea quæ sunt priora, & notiora secundum naturam, sunt posteriora, & minus nota secundum nos. Sed universalis sunt priora secundum naturam: quia prius est a quo non convertitur subsistendi consequentia. Ergo universalis sunt posteriora in cognitione nostri intellectus.

2. Præterea. Composita sunt priora quoad nos quam simplicia. Sed univer-

salia sunt simpliciora. Ergo sunt posteriora nota quoad nos.

3. Præterea. Philosophus dicit in I. Physic. (tex. 5.) quod definitio prius cadit in cognitione nostra quam partes definitionis. Sed universaliora sunt partes definitionis minus universalium, sicut animal est pars definitionis hominis. Ergo universalis sunt posteriora nota quoad nos.

4. Præterea. Per effectus devenimus in causas, & principia. Sed universalis sunt quædam principia. Ergo universalis sunt posteriora nota quoad nos.

Sed contra est quod dicitur in I. Physic. (tex. 4.) quod ex universalibus in singularia oportet derivare.

Respondendo dicendum, quod in cognitione nostri intellectus duo oportet considerare. Primo quidem, quod cognitio intellectiva aliquo modo a sensitiva primordium sumit. Et quia sensus est singularium, intellectus autem universalium; necesse est quod cognitio singularium quoad nos prior sit quam universalium cognitio. Secundo oportet considerare, quod intellectus noster de potentia in actum procedit. Omne autem quod procedit de potentia in actum, prius pervenit ad actum incompletum, qui est medius inter potentiam, & actum, quam ad actum perfectum. Actus autem perfectus, ad quem pervenit intellectus, est scientia completa, per quam distincte, & determinate res cognoscuntur; actus autem incompletus est scientia imperfecta, per quam sciuntur res indistincte sub quadam confusione. Quod enim sic cognoscitur, secundum quid cognoscitur in actu, & quodammodo in potentia; unde Philosophus dicit in I. Physic. (tex. 3.) quod sunt primo nobis manifesta, & certa confusa magis; posteriori autem cognoscimus distinguendo principia, & elementa. Manifestum est autem quod cognoscere aliquid, in quo plura continentur, sine hoc quod habeatur propria notitia unicuiusque eorum quæ continentur in illo, est cognoscere aliquid sub confusione quadam. Sic autem potest cognosci tam totum universale, in quo partes continentur in potentia, quam etiam totum integrale: utrumque enim totum potest cognosci in quadam confusione, sine hoc quod partes distincte cognoscantur. Cognoscere autem distincte id quod continetur in toto universalis, est habere cognitionem de re minus communi; sicut cognoscere

animal indistincte est cognoscere animal, inquantum est animal; cognoscere autem animal distincte est cognoscere animal, inquantum est animal rationale, vel irrationale; quod est cognoscere hominem, vel leonem. Prius igitur occurrit intellectui nostro cognoscere animal quam cognoscere hominem.

Et eadem ratio est, si comparemus quodcumque magis universale ad minus universale. Et quia sensus exit de potentia in actum, sicut & intellectus; idem etiam ordo cognitionis apparet in sensu. Nam prius secundum sensum indicamus magis commune quam minus commune, & secundum locum, & secundum tempus: secundum locum quidem, sicut cum aliquid videtur a remotis, prius deprehenditur esse corpus quam deprehendatur esse animal, & prius deprehenditur esse animal quam deprehendatur esse homo, & prius homo quam Socrates, vel Plato; secundum tempus autem, quia puer a principio prius distinguit hominem a non homine, quam distinguit hunc hominem ab alio homine; & ideo pueri a principio appellantur omnes viros patres, posterius autem determinantur unusquisque, ut dicitur in I. Physic. (tex. 5.) Et huius ratio manifesta est, quia qui scit aliquid indistincte, adhuc est in potentia ut sciat distinctionis principium, sicut qui scit genus, est in potentia ut sciat differentiam. Et sic patet quod cognitio indistincta media est inter potentiam, & actum.

Est ergo dicendum, quod cognitio singularium est prior quoad nos quam cognitio universalium, sicut cognitio sensitiva quam cognitio intellectiva. Sed tam secundum sensum, quam secundum intellectum cognitio magis communis est prior quam cognitio minus communis.

Ad primum ergo dicendum, quod universale dupliciter potest considerari. Uno modo secundum quod natura universalis consideratur simul cum intentione universalitatis. Et cum intentio universalitatis (ut scilicet unum & idem habeat habitudinem ad multa) proveniat ex abstractione intellectus, oportet quod secundum hunc modum universale sit posterius. Unde in I. de Anima (tex. 8.) dicitur, quod animal universale aut nihil est, aut posterius est. Sed secundum Platonem, qui posuit universalia subsistentia, secundum hanc considerationem universale esset prius quam particularia, quae secundum eam non sunt nisi per

participationem universalium subsistentium, quae dicuntur idem. Alio modo potest considerari quantum ad ipsam naturam, scilicet animalitatis, vel humanitatis, prout invenitur in particularibus. Et sic dicendum est, quod duplex est ordo naturae. Unus secundum viam generationis, & temporis, secundum quam viam ea quae sunt imperfecta, & in potentia, sunt priora: & hoc modo magis commune est prius secundum naturam: quod apparet manifeste in generatione hominis, & animalis: nam prius generatur animal quam homo, ut dicitur in Lib. de generatione animalium (cap. 3.) Alius est ordo perfectionis, sive intentionis naturae, sicut actus simpliciter est prior secundum naturam quam potentia, & perfectum prius quam imperfectum: & per hunc modum minus commune est prius secundum naturam quam magis commune, ut homo quam animal. Naturae enim intentio non sistit in generatione animalis, sed intendit generare hominem.

Ad secundum dicendum, quod universale magis commune comparatur ad minus commune ut totum, & ut pars: ut totum quidem, secundum quod in magis universali non solum continetur in potentia minus universale, sed etiam alia, ut sub animali non solum homo, sed etiam equus; ut pars autem, secundum quod minus commune continet in sui ratione non solum magis commune, sed etiam alia; ut homo non solum animal, sed etiam rationale. Sic igitur animal consideratum in se prius est in nostra cognitione quam homo; sed homo est prius in nostra cognitione quam quod animal sit pars rationis eius.

Ad tertium dicendum, quod pars aliqua dupliciter potest cognosci. Uno modo absolute, secundum quod in se est: & sic nihil prohibet prius cognoscere partes quam totum, ut lapides quam domum. Alio modo secundum quod sunt partes huius totius: & sic necesse est quod prius cognoscamus totum quam partes. Prius enim cognoscimus domum quamdam confusa cognitione, quam distinguamus singulas partes eius. Sic igitur dicendum est, quod definitia absolute considerata sunt prius nota quam definitum, alioquin non notificaretur definitum per ea; sed secundum quod sunt partes definitionis, sic sunt posterius nota. Prius enim cognoscimus hominem quamdam confusa cognitione, quam sciamus distinguere omnia quae sunt de hominis ratione.

Ad

Ad quartum dicendum, quod universale, secundum quod accipitur cum intentione universalitatis, est quidem quodammodo principium cognoscendi, prout intentio universalitatis consequitur modum intelligendi, qui est per abstractionem: non autem est necesse quod omne quod est principium cognoscendi, sit principium essendi, ut Plato existimavit; cum quandoque cognoscamus causam per effectum, & substantiam per accidentia. Unde universale sic acceptum secundum sententiam Aristotelis non est principium essendi, neque substantia, ut patet in VII. Metaph. (tex. 45.) Si autem consideremus ipsam naturam generis, & speciei, prout est in singularibus, sic quodammodo habet rationem principii formalis respectu singularium. Nam singulare est propter materiam; ratio autem speciei sumitur ex forma. Sed natura generis comparatur ad naturam speciei magis per modum materialis principii: quia natura generis sumitur ab eo quod est materiale in re, ratio vero speciei ab eo quod est formale; sicut ratio animalis a sensitivo, ratio vero hominis ab intellectivo. Et inde est quod ultima naturae intentio est ad speciem, non autem ad individuum, neque ad genus: quia forma est finis generationis, materia vero est propter formam. Non autem operet quod cuiuslibet causae, vel principii cognitio sit posterior quoad nos, cum quandoque cognoscamus per causas sensibiles effectus ignotos, quandoque autem e converso.

ARTICULUS IV. 427

Utrum possimus multa simul intelligere.

Sup. quaest. XII. art. 10. cor. & quaest. LVIII. art. 2. & II. dist. 311. quaest. 111. art. 4. & III. dist. XIV. art. 2. quaest. IV. & I. cor. cap. IV. & ver. quaest. V. art. 14. & quaest. VII. art. 2.

AD quartum sic proceditur. Videtur quod possimus multa simul intelligere. Intellectus enim est supra tempus. Sed prius, & posterius ad tempus pertinent. Ergo intellectus non intelligit diversa secundum prius, & posterius, sed simul.

2. Praeterea. Nihil prohibet diversas formas non oppositas simul eidem actu inesse, sicut odorem, & colorem pomum. Sed species intelligibiles non sunt oppositae. Ergo nihil prohibet intellectum u-

num simul fieri in actu secundum diversas species intelligibiles; & sic potest multa simul intelligere.

3. Praeterea. Intellectus simul intelligit aliquod totum, ut hominem, vel domum. Sed in quolibet toto continentur multae partes. Ergo intellectus simul multa intelligit.

4. Praeterea. Non potest cognosci differentia unius ad alterum, nisi simul utrumque apprehendatur, ut dicitur in Lib. I. de Anima (text. 145. & 146.) & eadem ratio est de quacumque alia comparatione. Sed intellectus noster cognoscit differentiam unius ad alterum. Ergo cognoscit multa simul.

Sed contra est quod dicitur in Lib. II. Topic. (cap. IV. loc. XXXIII.) quod *intelligere est unum solum, scire vero multa.*

Respondendum dicendum, quod intellectus quidem potest simul multa intelligere per modum unius, non autem multa per modum multorum.

Dico autem per modum unius, vel multorum, per unum, vel plures species intelligibiles: nam modus cuiusque actionis consequitur formam, quae est actionis principium. Quaecumque ergo intellectus potest intelligere sub una specie, simul intelligere potest: & inde est quod Deus omnia simul videt per unum, quod est essentia sua. Quaecumque vero intellectus per diversas species intelligit, non simul intelligit.

Et huius ratio est, quia impossibile est idem subiectum perfici simul pluribus formis unius generis, & diversarum specierum; sicut impossibile est quod idem corpus secundum idem simul coloretur diversis coloribus, vel figuretur diversis figuris. Omnes autem species intelligibiles sunt unius generis, quia sunt perfectiones unius intellectivae potentiae; licet res quarum sunt species, sint diversorum generum. Impossibile est ergo quod idem intellectus simul perficiatur diversis speciebus intelligibilibus ad intelligendum diversa in actu.

Ad primum ergo dicendum, quod intellectus est supra tempus, quod est numerus motus corporalium rerum. Sed ipsa pluralitas specierum intelligibilium causat vicissitudinem quamdam intelligibilium operationum, secundum quam una operatio est prior altera: & hanc vicissitudinem Augustinus nominat tempus, cum dicit VIII. super Gen. ad lit. (cap. XX. & XXII.) quod *Deus movet creaturam spiritualem per tempus.*

Ad secundum dicendum, quod non solum oppositæ formæ non possunt esse simul in eodem subiecto, sed nec quæcumque formæ eiusdem generis, licet non sint oppositæ, sicut patet per exemplum inductum (in corp.) de coloribus, & figuris.

Ad tertium dicendum, quod partes possunt intelligi dupliciter. Uno modo sub quadam consensione, prout sunt in toto; & sic cognoscuntur per unam formam totius, & sic simul cognoscuntur. Alio modo cognitione distincta, secundum quod quælibet cognoscitur per suam speciem; & sic non simul intelliguntur.

Ad quartum dicendum, quod quando intellectus intelligit differentiam, vel comparisonem unius ad alterum, cognoscit utrumque differentium, vel comparatorum sub ratione ipsius comparationis, vel differentie, sicut dictum est (in solut. præced.) quod cognoscit partes sub ratione totius.

ARTICULUS V. 438

Utrum intellectus noster intelligat componendo, & dividendo.

Sup. quæst. LVIII. art. 4. & 5. & III. dist. XXXV. quæst. 13. art. 2. quæst. 1. cor.

AD quintum sic proceditur. Videtur quod intellectus noster non intelligat componendo, & dividendo. Compositio enim, & divisio non est nisi multorum. Sed intellectus non potest simul multa intelligere. Ergo non potest intelligere componendo, & dividendo.

2. Præterea. Omni compositioni, & divisioni adiungitur tempus præteritum, vel futurum. Sed intellectus abstrahit a tempore, sicut etiam ab aliis particularibus conditionibus. Ergo intellectus non intelligit componendo, & dividendo.

3. Præterea. Intellectus intelligit per assimilationem ad res. Sed compositio, & divisio nihil est in rebus: nihil enim invenitur in rebus nisi res, quæ significatur per prædicatum, & subiectum; quæ est una & eadem, si compositio est vera: homo enim est vere id quod est animal. Ergo intellectus non componit, & dividit.

Sed contra. Voces significant conceptiones intellectus, ut dicit Philosophus in I. Perh. (cap. 1.) Sed in vocibus est compositio, & divisio, ut patet in propositionibus affirmativis, & negati-

vis. Ergo intellectus componit, & dividit.

Respondeo dicendum, quod intellectus humanus necesse habet intelligere componendo, & dividendo. Cum enim intellectus humanus exeat de potentia in actum, similitudinem quandam habet cum rebus generabilibus, quæ non statim perfectionem suam habent, sed eam successive acquirunt. Et similiter intellectus humanus non statim in prima apprehensione caput perfectum rei cognitionem; sed primo apprehendit aliquid de ipsa, puta quidditatem ipsius rei, quæ est primum, & proprium obiectum intellectus; & deinde intelligit proprietates, & accidentia, & habitudines circumstantes rei essentiam. Et secundum hoc necesse habet unum apprehensum alii componere, & dividere, & ex una compositione, & divisione ad aliam procedere: quod est ratiocinari.

Intellectus autem angelicus, & divinus se habent sicut res incorruptibiles, quæ statim a principio habent suam totam perfectionem. Unde intellectus angelicus, & divinus statim perfecte totam rei cognitionem habet. Unde in cognoscendo quidditatem rei cognoscit de re simul quicquid nos cognoscere possumus componendo, & dividendo, & ratiocinando. Et ideo intellectus humanus cognoscit componendo, & dividendo, sicut & ratiocinando. Intellectus autem divinus, & angelicus cognoscunt quidem compositionem, & divisionem, & ratiocinationem, non componendo, & dividendo, & ratiocinando, sed per intellectum simplicis quidditatis.

Ad primum ergo dicendum, quod compositio, & divisio intellectus per quandam differentiam, vel comparisonem fit. Unde sic intellectus cognoscit multa componendo, & dividendo, sicut cognoscendo differentiam, vel comparisonem rerum.

Ad secundum dicendum, quod intellectus abstrahit a phantasmatis; & tamen non intelligit actum nisi convertendo se ad phantasmata, sicut supra dictum est (art. 1. huius quæst. & quæst. lxxxiv. art. 7.) Et ex ea parte quæ se ad phantasmata convertit, compositioni, & divisioni intellectus adiungitur tempus.

Ad tertium dicendum, quod similitudo rei recipitur in intellectu secundum modum intellectus, & non secundum modum rei. Unde compositioni, & divisioni intellectus respondet quidem aliquid ex par-

parte rei; tamen non eodem modo se habet in re sicut in intellectu. Intellectus enim humani proprium obiectum est quidditas rei materialis, quæ sub sensu, & imaginatione cadit. Invenitur autem duplex compositio in re materiali. Prima quidem formæ ad materiam; & huic respondet compositio intellectus, quæ totum universale de sua parte prædicatur. Nam genus sumitur a materia communi, differentia vero completiva speciei a forma, particulare vero a materia individuali. Secundo vero compositio est accidentis ad subiectum; & huic compositioni respondet compositio intellectus, secundum quam prædicatur accidens de subiecto, ut cum dicitur, Homo est albus. Tamen differt compositio intellectus a compositione rei: nam ea quæ componuntur in re, sunt diversa; compositio autem intellectus est signum identitatis eorum quæ componuntur. Non enim intellectus sic componit, ut dicat, quod homo est albedo; sed dicit, quod homo est albus, id est habens albedinem. (a) Idem autem est subiecto quod est homo, & quod est habens albedinem. Et simile est de compositione formæ, & materiæ. Nam animal significat id quod habet (b) naturam sensitivam; rationale vero, quod habet naturam intellectivam; homo vero, quod habet utrumque; Socrates vero, quod habet omnia hæc cum materia individuali. Et secundum hanc identitatis rationem intellectus noster unum componit alteri, prædicando.

ARTICULUS VI. 429

Utrum intellectus possit esse falsus.

Sup. quaest. XVII. art. 3. & II. dist. XXX. quaest. 111. art. 1. & ver. quaest. 1. art. 12. & VI. Metaph. lect. 4. & Lib. IX. fin. & III. de Anima lect. 11. fin.

AD sextum sic proceditur. Videtur quod intellectus possit esse falsus. Dicit enim Philosophus in VI. Metaph. (text. 8.) quod *verum, & falsum sunt in mente*. Mens autem, & intellectus idem sunt, ut supra dictum est (quaest. LXXX. art. 1.) Ergo falsitas est in intellectu.

2. Præterea, Opinio, & ratiocinatio ad intellectum pertinent. Sed in utraque istarum invenitur falsitas. Ergo potest esse falsitas in intellectu.

3. Præterea, Peccatum in parte intel-

lectiva est. Sed peccatum cum falsitate est: errant enim qui operantur malum, ut dicitur Proverb. xiv. 22. Ergo falsitas potest esse in intellectu.

Sed contra est quod dicit Augustinus in Lib. LXXXIII. Q. (quaest. XXXII. in princ.) quod *omnis qui fallitur, id in quo fallitur, non intelligit*. Et Philosophus dicit in Lib. III. de Anima (text. 51.) quod *intellectus semper est rectus*.

Respondeo dicendum, quod Philosophus in III. de Anima (text. 26.) comparat quantum ad hoc intellectum sensui. Sensus enim circa proprium obiectum non decipitur, sicut visus circa colorem, nisi forte per accidens ex impedimento circa organum contingente; sicut cum gustus febrientium dulcia iudicat amara, propter hoc quod lingua malis humoribus est repleta. Circa sensibilia vero communia decipitur sensus, sicut iudicando de magnitudine, vel figura; ut cum iudicat, Solem esse pedalem, qui tamen est maior terra. Et multo magis decipitur circa sensibilia per accidens, ut cum iudicat, sel esse mel propter coloris similitudinem. Et huius ratio est in evidenti, quia ad proprium obiectum unaquæque potentia per se ordinatur, secundum quod ipsa: quæ autem sunt huiusmodi, semper eodem modo se habent. Unde, manente potentia, non deficit eius iudicium circa proprium obiectum. Obiectum autem proprium intellectus est quidditas rei. Unde circa quidditatem rei, per se loquendo, intellectus non fallitur; sed circa ea quæ circumstant rei essentiam, vel quidditatem, intellectus potest falli, dum unum ordinat ad aliud, vel componendo, vel etiam ratiocinando. Et propter hoc etiam circa illas propositiones errare non potest quæ statim cognoscuntur, cognita terminorum quidditate; sicut accidit circa prima principia, ex quibus etiam accidit infallibilitas veritatis secundum certitudinem scientiæ circa conclusiones.

Per accidens tamen contingit intellectum decipi circa quod quid est in rebus compositis: non ex parte organi, quia intellectus non est virtus utens organo; sed ex parte compositionis intervenientis circa definitionem, dum vel definitio unius rei est falsa de alia, sicut definitio circuli de triangulo; vel dum aliqua definitio est in se falsa, implicans compositionem impossibilem; ut si accipitur

L 4 hoc

(a) Ita codd. & edisio plurimi. In Edit. Rom. desit. Idem autem est subiecto quod est homo, & quod est habens albedinem. (b) Al. materiam.

hoc ut definitio alicuius rei, Animal rationale alatum. Unde in rebus simplicibus, in quarum definitionibus compositio intervenire non potest, non possumus decipi; sed deficiamus totaliter non attingendo, sicut dicitur in IX. Metaph. (tex. 22.)

Ad primum ergo dicendum, quod falsitas dicitur esse in mente secundum compositionem, & divisionem.

Et similiter dicendum est ad secundum de opinione, & ratiocinatione.

Et ad tertium de errore peccantium, qui consistit in applicatione ad appetibile. Sed in absoluta consideratione quiditatis rei, & eorum quæ per eam cognoscuntur, intellectus numquam decipitur.

Et sic loquuntur auctoritates in contrarium inductæ.

ARTICULUS VII. 430

Utrum unam & eandem rem unus alio melius intelligere possit.

Sup. quæst. XII. art. 6. cor. & IV. dist. XLIX. quæst. 11. art. 4. ad 1. & V. quæst. 11. art. 2. ad 2.

AD septimum sic proceditur. Videtur quod unam & eandem rem unus alio melius intelligere non possit. Dicitur enim in Lib. LXXXIII. Q. 1. (quæst. XXXII.) *Quisquis ullam rem aliter quam est, intelligit, non eam intelligit. Quare non est dubitandum, esse perfectam intelligentiam, qua præstantior esse non possit; & ideo non per infinitum ire, quia quæque res intelligitur, nec eam posse alium alio plus intelligere.*

1. Præterea. Intellectus intelligendo verus est. Veritas autem, cum sit æqualitas quædam intellectus, & rei, non recipit magis, & minus: non enim proprie dicitur aliquid magis, & minus æquale. Ergo neque magis, & minus aliquid intelligi dicitur.

3. Præterea. Intellectus est id quod est formalissimum in homine. Sed differentia formæ causat differentiam speciei. Si igitur unus homo magis alio intelligit, videtur quod non sint unius speciei.

Sed contra est quod per experimentum inveniuntur aliqui aliis profundius intelligentes; sicut profundius intelligit qui conclusionem aliquam potest reducere in prima principia, & causas primas, quam qui potest reducere solum in causas proximas.

Respondendo dicendum, quod aliquem

intelligere unam & eandem rem magis quam alium, potest intelligi dupliciter. Uno modo sic quod ly *magis* determinet actum intelligendi ex parte rei intellectæ: & sic non potest unus eandem rem magis intelligere quam alius: quia si intelligeret eam aliter quam sit, vel melius, vel peius, falleretur, & non intelligeret, ut arguit Augustinus (loc. cit.). Alio modo potest intelligi, ut determinet actum intelligendi ex parte intelligentis; & sic unus alio potest eandem rem melius intelligere, quia est melioris virtutis in intelligendo; sicut melius videt visio corporali rem aliquam quiescentis virtutis, & in quo virtus visiva est perfectior. Hoc autem circa intellectum contingit dupliciter. Uno quidem modo ex parte ipsius intellectus, qui est perfectior. Manifestum est enim quod quanto corpus est melius dispositum, tanto meliorem sortitur animam: quod manifeste apparet in his quæ sunt secundum speciem diversa. Cuius ratio est, quia actus, & forma recipitur in materia secundum materię capacitatem. Unde cum etiam in hominibus quidam habeant corpus melius dispositum, sortiantur animam maioris virtutis in intelligendo. Unde dicitur in II. de Anima (tex. 94.) quod *molles carne hebrei apertius videmus*. Alio modo contingit hoc ex parte inferiorum virtutum, in quibus intellectus indiget ad sui operationem. Illi enim in quibus virtus imaginativa, & cogitativa, & memorativa est melius disposita, sunt melius dispositi ad intelligentium.

Ad primum ergo patet solutio ex dictis. Et similiter ad secundum: veritas enim intellectus in hoc consistit quod intelligatur res eisdem sicuti est.

Ad tertium dicendum, quod differentia formæ, quæ non provenit nisi ex diversa dispositione materię, non facit diversitatem secundum speciem, sed solum secundum numerum. Sunt enim diversorum individuorum diversæ formæ secundum materiam diversificatæ.

ARTICULUS VIII. 431

Utrum intellectus per prius intelligat indivisibile quam divisibile.

Infra quaest. lxxxvii. art. 3. cor. & I. dist. xxiv. quaest. 1. art. 3. ad 2. & III. de Anima lect. 11.

AD octavum sic proceditur. Videtur quod intellectus per prius intelligat indivisibile quam divisibile. Dicit enim Philosophus in I. Physic. (tex. 1.) quod intelligimus, & scimus ex principiorum, & elementorum cognitione. Sed indivisibilia sunt principia, & elementa divisibilia. Ergo per prius sunt nobis nota indivisibilia quam divisibilia.

2. Praeterea. Id quod ponitur in definitione aliquid, per prius cognoscitur a nobis: quia definitio est ex prioribus, & notioribus, ut dicitur in VI. Top. (cap. 1.) Sed indivisibile ponitur in definitione divisibilis, sicut punctum in definitione lineae: linea enim, ut Euclides dicit, (Lib. I. elem. in princ.) est longitudo sine latitudine, cuius extremitates sunt duo puncta: & unitas ponitur in definitione numeri: quia numerus est multitudo mensurata per unum, ut dicitur in X. Metaph. (tex. 21.) Ergo intellectus noster per prius intelligit indivisibile quam divisibile.

3. Praeterea. Simile simili cognoscitur. Sed indivisibile est magis simile intellectui quam divisibile: quia intellectus est simplex, ut dicitur in III. de Anima (tex. 4. & 12.) Ergo intellectus noster prius cognoscit indivisibile.

Sed contra est quod dicitur in III. de Anima (tex. 25.) quod indivisibile monstratur sicut privatio. Sed privatio per posterius cognoscitur. Ergo & indivisibile.

Respondetur dicendum, quod obiectum intellectus nostri secundum praesentem statum est quidditas rei materialis, quam aphantasmatis abstrahit, ut ex praemis patet (quaest. lxxxiv. art. 6. & 7.) Et quia id quod est primo & per se cognitum a virtute cognoscitiva, est proprium eius obiectum; considerari potest, quo ordine indivisibile intelligatur a nobis, ex eius habitudine ad huiusmodi quidditatem.

Dicitur autem indivisibile tripliciter, ut dicitur in III. de Anima (tex. 23. & deinceps.) Uno modo sicut continuum est indivisibile, quia est indivisum in actu, licet sit divisibile in potentia: & huiusmodi indivisibile prius est intel-

lectum a nobis quam eius divisio, quae est in partes: quia cognitio confusa est prior quam distincta, ut dictum est (art. 3. huius quaest. ad 3.) Alio modo dicitur indivisibile secundum speciem, sicut ratio hominis est quoddam indivisibile: & hoc etiam modo indivisibile est prius intellectum quam divisio eius in partes rationis, ut supra dictum est (loc. cit.) & iterum prius quam intellectus componat, & dividat, affirmando, vel negando. Et huius ratio est, quia huiusmodi duplex indivisibile intellectus secundum se intelligit sicut proprium obiectum. Tertio modo dicitur indivisibile quod est omnino indivisibile, ut punctus, & unitas, quae nec actu, nec potentia dividuntur: & huiusmodi indivisibile per posterius cognoscitur per privationem divisibilis. Unde punctum privative definitur: *Punctum est cuius pars non est.* Et similiter ratio unitas est quod sit indivisibile, ut dicitur in X. Metaph. (tex. 2.) Et huius ratio est, quia tale indivisibile habet quandam oppositionem ad rem corporealem, cuius quidditatem primo & per se intellectus accipit.

Si autem intellectus noster intelligeret per participationem indivisibilium separatorum, ut Platonici posuerunt, sequeretur quod indivisibile huiusmodi esset primo intellectum: quia secundum Platonicos prius participatur a rebus.

Ad primum ergo dicendum, quod in accipiendo scientiam non semper principia, & elementa sunt priora: quia quandoque ex effectibus sensibilibus devenimus in cognitionem principiorum, & causarum intelligibilium. Sed in complemento scientiae semper scientia effectuum dependet ex cognitione principiorum, & elementorum: quia, ut ibidem dicit Philosophus (loc. cit. in arg.) tunc opinamur nos scire, cum principia possumus in causis resolvere.

Ad secundum dicendum, quod punctum non ponitur in definitione lineae communiter sumptae. Manifestum est enim quod in linea infinita, & etiam in circulari non est punctum nisi in potentia. Sed Euclides definit lineam finitam rectam: & ideo posuit punctum in definitione lineae, sicut terminum in definitione terminati. Unitas vero est mensura numeri: & ideo ponitur in definitione numeri mensurati; non autem ponitur in definitione divisibilis, sed magis e converso.

Ad tertium dicendum, quod similiter, quod,

do, per quam intelligimus, est species cogniti in cognoscente: & ideo non secundum similitudinem naturae ad potentiam cognoscitivam est aliquid prius cognitum, sed per convenientiam ad obiectum: aliquin magis visus cognosceret auditum quam colorem.

QUAESTIO LXXXVI.

Quid intellectus noster in rebus materialibus cognoscat,

in quatuor articulis divisa.

DEinde considerandum est, quid intellectus noster in rebus materialibus cognoscat: & circa hoc quaeruntur quatuor.

Primo, utrum cognoscat singularia.

Secundo, utrum cognoscat infinita.

Tertio, utrum cognoscat contingentia.

Quarto, utrum cognoscat futura.

ARTICULUS I. 432

Utrum intellectus noster cognoscat singularia.

IV. dist. 1. quaest. 1. art. 3. & ver. quaest. v. art. 6. & quaest. x. art. 5. & de anima art. 20. & quolib. xii. art. 12. & opusc. xiv. cap. 1. & xi. & lll. de anima lect. 8. co. 2. & 3.

AD primum sic proceditur. Videtur quod intellectus noster cognoscat singularia. Quicumque enim cognoscit compositionem, cognoscit extrema compositionis. Sed intellectus noster cognoscit hanc compositionem, Socrates est homo: eius enim est propositionem formare. Ergo intellectus noster cognoscit hoc singulare quod est Socrates.

2. Praeterea. Intellectus practicus dirigit ad agendum. Sed actus sunt circa singularia. Ergo cognoscit singularia.

3. Praeterea. Intellectus noster intelligit seipsum. Ipse autem est quoddam singulare; alioquin non haberet aliquem actum, actus enim singularium sunt. Ergo intellectus noster cognoscit singulare.

4. Praeterea. Quicquid potest virtus inferior, potest superior. Sed sensus cognoscit singulare. Ergo multo magis intellectus.

Sed contra est quod dicit Philosophus in I. Physic. (tex. 49.) quod universale secundum rationem est notum, singulare autem secundum sensum.

Respondeo dicendum, quod singulare in rebus materialibus intellectus noster

directe & primo cognoscere non potest. Cuius ratio est, quia principium singularitatis in rebus materialibus est materia individualis. Intellectus autem noster, sicut supra dictum est (quaest. lxxxv. art. 1.) intelligit abstrahendo speciem intelligibilem ab huiusmodi materia. Quod autem a materia individuali abstrahitur, est universale. Unde intellectus noster directe non est cognoscitivus nisi universalium.

Indirecte autem, & quasi per quamdam reflexionem potest cognoscere singulare. Quia, sicut supra dictum est (quaest. lxxxiv. art. 7.) etiam postquam species intelligibiles abstraxerit, non potest secundum eas actu intelligere, nisi convertendo se ad phantasmata, in quibus species intelligibiles intelligit, ut dicitur in lll. de Anima (tex. 32.) Sic igitur ipsum universale per speciem intelligibilem directe intelligit, indirecte autem singularia, quorum sunt phantasmata. Et hoc modo format hanc propositionem, Socrates est homo.

Unde patet solutio ad primum.

Ad secundum dicendum, quod electio particularis operabilis est quasi conclusio syllogismi intellectus practici, ut dicitur in VII. Ethic. (cap. 3.) Ex universali autem propositione directe non potest concludi singularis, nisi mediante aliqua singulari propositione assumpta. Unde universalis ratio intellectus practici non movet nisi mediante particulari apprehensione sensitivae partis, ut dicitur in lll. de Anima (tex. 58.)

Ad tertium dicendum, quod singulare non repugnat intelligenti, inquantum est singulare, sed inquantum est materiale: quia nihil intelligitur nisi immaterialiter. Et ideo si sit aliquid singulare, & immateriale, sicut est intellectus, hoc non repugnat intelligenti.

Ad quartum dicendum, quod virtus superior potest illud quod virtus inferior, sed eminentiori modo. Unde id quod cognoscit sensus materialiter, & concrete, quod est cognoscere singulare directe, hoc cognoscit intellectus immaterialiter, & abstracte, quod est cognoscere universale.

ARTICULUS II. 433

Utrum intellectus noster possit cognoscere infinita.

Inf. quæst. lxxxvii. art. 3. ad 2. & opusc. ix. quæst. lxxxii.

AD secundum sic proceditur. Videtur quod intellectus noster possit cognoscere infinita. Deus enim excedit omnia infinita. Sed intellectus noster potest cognoscere Deum, ut supra dictum est (quæst. xii. art. 1.) Ergo multo magis potest cognoscere omnia alia infinita.

2. Præterea. Intellectus noster natus est cognoscere genera, & species. Sed quorundam generum sunt infinitæ species, sicut numeri, proportionales, & figuræ. Ergo intellectus noster potest cognoscere infinita.

3. Præterea. Si unum corpus non impediret aliud ab existendo in uno & eodem loco, nihil prohiberet infinita corpora in uno loco esse. Sed una species intelligibilis non prohibet aliam ab existendo simul in eodem intellectu: contingit enim multa scire in habitu. Ergo nihil prohibet intellectum nostrum infinitorum scientiam habere in habitu.

4. Præterea. Intellectus, cum non sit virtus materie corporalis, ut supra dictum est (art. 1. quæst. lxxv. & lxxix.) videtur esse potentia infinita. Sed virtus infinita potest (a) super infinita. Ergo intellectus noster potest cognoscere infinita.

Sed contra est quod dicitur in I. Physic. (tex. 35. & Lib. III. tex. 65.) quod *infinitum, in quantum est infinitum, est ignotum*.

Respondetur dicendum, quod cum potentia proportionetur suo obiecto, oportet hoc modo se habere intellectum ad infinitum, sicut se habet eius obiectum, quod est quidditas rei materialis. In rebus autem materialibus non invenitur infinitum in actu, sed solum in potentia, secundum quod unum succedit alteri, ut dicitur in III. Physic. (tex. 57.) Et ideo in intellectu nostro invenitur infinitum in potentia, in accipiendo scilicet unum post aliud: quia nunquam intellectus noster tot intelligit, quin possit plura intelligere. Actum autem, vel habitu non potest cognoscere infinita intellectus noster. Actum quidem non: quia intellectus noster non potest simul actu cognoscere

nisi quod per unam speciem cognoscit. Infinitum autem non habet unam speciem; alioquin haberet totam rationem totius, & periculi: & ideo non potest intelligi nisi accipiendo partem post partem, ut ex eius definitione patet in III. Physic. (tex. 63.) Est enim infinitum cuius quantitatem accipientibus semper est aliquid extra accipere: & sic infinitum cognosci non posset actu, nisi omnes partes eius numerarentur: quod est impossibile. Et eadem ratione non possumus intelligere infinita in habitu. In nobis enim habitualis cognitio causatur ex actuali consideratione. Intelligendo enim ethicimus scientes, ut dicitur in II. Eth. (cap. 1.) Unde non possemus habere habitum infinitorum secundum distinctam cognitionem, nisi consideravissemus omnia infinita, numerando ea secundum cognitionis successionem: quod est impossibile. Et ita nec actu, nec habitu intellectus noster potest cognoscere infinita, sed potentia tantum, ut dictum est (in isto art.)

Ad primum ergo dicendum, quod, sicut supra dictum est (quæst. vii. art. 1.) Deus dicitur infinitus, sicut forma, quæ non est terminata per aliquam materiam. In rebus autem materialibus aliquid dicitur infinitum per privationem formalis terminationis. Et quia forma secundum se nota est, materia autem sine forma ignota; iude est quod infinitum materiale est secundum se ignotum. Infinitum autem formale, quod est Deus, est secundum se notum; ignotum autem quoad nos, propter defectum intellectus nostri, qui secundum statum præsentis vitæ habet naturalem aptitudinem ad materialia cognoscenda. Et ideo in præsentem Deum cognoscere non possumus nisi per materiales effectus. In futuro autem tollitur defectus intellectus nostri per gloriam; & tunc ipsum Deum in sua essentia videre poterimus, tamen absque comprehensione.

Ad secundum dicendum, quod intellectus noster natus est cognoscere species per abstractionem a phantasmatibus: & ideo illas species numerorum, & figurarum quas quis non est imaginatus, non potest cognoscere nec actu, nec habitu, nisi forte in genere, & in principiis universalibus: quod est cognoscere in potentia, & consule.

Ad tertium dicendum, quod si duo corpora essent in uno loco, vel plura, non oportet

(a) al. esse super infinita.

oporteret quod successive subintrarent locum, ut sic per ipsam subintrationis successionem numerarentur locata. Sed species intelligibiles ingrediuntur intellectum nostrum successive, quia non multum simul actu intelliguntur. Et ideo oportet numeratas, & non infinitas species esse in intellectu nostro.

Ad quartum dicendum, quod sicut intellectus noster est infinitus virtute, ita infinitum cognoscit. Est enim virtus eius infinita, secundum quod non terminatur per materiam corporalem; & est cognoscitivus universalis, quod est abstractum a materia individuali, & per consequens non finitur ad aliquod individuum; sed, quantum est de se, ad infinita individua se extendit.

ARTICULUS III. 434

Utrum intellectus sit cognoscitivus contingentium.

VI. Etb. lēf. 1. fm. & ver. quēst. XXV. art. 2. ad 3.

AD tertium sic proceditur. Videtur quod intellectus non sit cognoscitivus contingentium. Quia, ut dicitur in VI. Etb. (cap. vi.) *intellectus, & sapientia, & scientia non sunt contingentium, sed necessariorum.*

2. Præterea. Sicut dicitur in IV. Physic. (tex. 120.) *ea quæ quandoque sunt, & quandoque non sunt, tempore mensurantur.* Intellectus autem a tempore abstrahit, sicut & ab aliis conditionibus materiæ. Cum igitur proprium contingentium sit quandoque esse, & quandoque non esse, videtur quod contingentia non cognoscantur ab intellectu.

Sed contra. Omnis scientia est in intellectu. Sed quædam scientiæ sunt de contingentibus, sicut scientiæ morales, quæ sunt de actibus humanis subiectis libero arbitrio; & etiam scientiæ naturales, quantum ad partem quæ tractat de generabilibus, & corruptibilibus. Ergo intellectus est cognoscitivus contingentium.

Respondendo dicendum, quod contingentia dupliciter possunt considerari: uno modo secundum quod contingentia sunt; alio modo secundum quod in eis aliquid necessitatis invenitur: nihil enim est ad eorum contingens, quin in se aliquid necessarium habeat; sicut hoc ipsum quod est Socratem currere, in se quidem contin-

gens est; sed habitudine cursus ad motum est necessaria: necessarium enim est Socratem moveri, si currit.

Est autem unumquodque contingens ex parte materiæ: quia contingens est quod potest esse, & non esse. Potentia autem pertinet ad materiam; necessitas autem consequitur rationem formæ: quia ea quæ consequuntur ad formam, ex necessitate insunt. Materia autem est individuationis principium. Ratio autem universalis accipitur secundum abstractionem formæ a materia particulari. Dicitur autem est supra (art. 1. hui. quæst.) quod per se & directe intellectus est universalium, sensus autem singularium; quorum etiam indirecte quodammodo est intellectus, ut supra dictum est (ibid.) Sic igitur contingentia, prout sunt contingentia, cognoscuntur directe quidem a sensu, indirecte autem ab intellectu; rationes autem universales, & necessariæ contingentium cognoscuntur per intellectum.

Unde si attendantur rationes universales sensibilium, omnes scientiæ sunt de necessariis; si autem attendantur ipsæ res, sic quædam scientia est de necessariis, quædam vero de contingentibus.

Et per hoc patet solutio ad obiecta.

ARTICULUS IV. 435

Utrum intellectus noster cognoscat futura.

Sup. quæst. XIV. art. 13. & quæst. LVII. art. 3. & 2. quæst. XCV. artic. 1. & I. dist. XXXVIII. art. 5. & II. dist. VII. quæst. 1. art. 2. & I. con. cap. LXVII. & ver. quæst. VIII. art. 12. & mal. XVI. art. 7. & opusc. 11. cap. XXXV. & CXXXVI.

AD quartum sic proceditur. Videtur quod intellectus noster cognoscat futura. Intellectus enim noster cognoscit per species intelligibiles, quæ abstrahunt ab hic & nunc, & ita se habent indifferenter ad omne tempus. Sed potest cognoscere præsentia. Ergo potest cognoscere futura.

2. Præterea. Homo, quando alienatur a sensibus, aliqua futura cognoscere potest, ut patet in dormientibus, & pœneticiis. Sed quando alienatur a sensibus, magis (a) viget intellectus. Ergo intellectus, quantum est de se, est cognoscitivus futurorum.

3. Præterea. Cognitio intellectiva hominis efficacior est quam cognitio quæ-

cium-

cumque brutorum animalium. Sed quædam animalia sunt quæ cognoscunt quædam futura, sicut corniculæ frequenter crocitantibus significant pluviam mox futuram. Ergo multo magis intellectus humanus potest futura cognoscere.

Sed contra est quod dicitur Eccl. viii. 6. *Multa hominis afflictio, quia ignorat præterita, & futura nullo potest scire numis.*

Respondet dicendum, quod de cognitione futurorum eodem modo distinguendum est, sicut de cognitione contingentium. Nam ipsa futura, ut sub tempore cadunt, sunt singularia, quæ intellectus humanus non cognoscit, nisi per reflectionem, ut supra dictum est (art. i. huius quæst.). Rationes autem futurorum possunt esse universales, & intellectu perceptibiles; & de eis etiam possunt esse scientiæ. Ut tamen communiter de cognitione futurorum loquamur, sciendum est, quod futura dupliciter cognosci possunt: uno modo in seipsis; alio modo in suis causis. In seipsis quidem futura cognosci non possunt nisi a Deo, cui etiam sunt præsentia, dum in cursu rerum sunt futura, inquantum eius æternus intuitus simul fertur supra totum tempus cursum, ut supra dictum est (quæst. xiv. art. 13.) cum de Dei scientia ageretur.

Sed prout sunt in suis causis, cognosci possunt etiam a nobis. Et si quidem in suis causis sint ut ex quibus ex necessitate proveniant, cognoscuntur per certitudinem scientiæ; sicut astrologus præcognoscit eclipsim futuram. Si autem sint in suis causis ut ab eis proveniant ut in pluribus; sic cognosci possunt per quamdam coniecturam vel magis, vel minus certam, secundum quod cause sunt vel magis, vel minus inclinatæ ad effectus.

Ad primum ergo dicendum, quod ratio illa procedit de cognitione quæ fit per rationes universales causarum, ex quibus futura cognosci possunt, secundum modum ordinis effectus ad causam.

Ad secundum dicendum, quod, sicut Augustinus dicit XII. Confess. (forte Lib. VII. cap. vi. nihil enim tale Lib. XII. habetur) *anima habet quamdam visionem ex sui natura posse futura cognoscere.*

Et ideo quando retrahitur a corporeis sensibus, & quodammodo revertitur ad seipsam, fit particeps notitiæ futurorum. Et hæc quidem opinio rationabilis esset, si poneremus quod anima

acciperet cognitionem rerum secundum participationem idearum, sicut Platonicus posuerunt: quia sic anima ex sui natura cognosceret universales causas omnium effectuum, sed (a) impediretur per corpus: unde quando a corporis sensibus abstrahitur, futura (b) cognosceret.

Sed quia iste modus cognoscendi non est connaturalis intellectui nostro, sed magis ut cognitionem a sensibus accipiat; ideo non est secundum naturam animæ quod futura cognoscat, cum a sensibus alienatur; sed magis per impressionem aliquarum causarum superiorum spiritualium, & corporalium spiritualium quidem, sicut cum virtute divina ministerio Angelorum intellectus humanus illuminatur, & phantasmata ordinantur ad futura aliqua cognoscenda; vel etiam cum per operationem demonum fit aliqua commotio in phantasia ad præsignandum aliqua futura, quæ demones cognoscunt, ut supra dictum est (quæst. lvi. art. 3. & 4.) Huiusmodi autem impressiones spiritualium causarum magis nata est anima humana suscipere, cum a sensibus alienatur: quia per hoc propinquior fit substantiis spiritualibus, & magis libera ab exterioribus inquietudinibus. Contingit autem & hoc per impressionem superiorum causarum corporalium. Manifestum est enim quod corpora superiora imprimunt in corpora inferiora. Unde cum vires sensitivæ sint actus corporalium organorum, consequens est quod ex impressione cælestium corporum immutetur quodammodo phantasia. Unde cum cælestia corpora sint causa multorum futurorum, sunt in imaginatione aliqua signa quorundam futurorum. Hæc autem signa magis percipiuntur in nocte, & a dormientibus quam de die, & a vigilantibus: quia, ut dicitur in Lib. de somn. & vig. (scilicet de divinat. per somn. cap. 11. cir. med.) *quæ deserviunt de die, dissolvuntur. Plus est enim sine turbatione aer noctis, eo quod silentiores sunt noctes, & in corpore faciunt sensum propter somnum: quia parvi motus interiores magis sentiuntur a dormientibus quam a vigilantibus. Hi vero motus faciunt phantasmata, ex quibus prævidentur futura.*

Ad tertium dicendum, quod animalia bruta non habent aliquid supra phantasia quod ordinet phantasmata, sicut homines habent rationem: & ideo phantasia brutorum animalium totaliter sequitur

(a) Ali. impeditur. (b) Ali. cognoscit.

tur impressione celestem. Et ideo ex motibus huiusmodi animalium magis possunt cognosci quedam futura, ut pluvia, & huiusmodi, quam ex motibus hominum, qui moventur per consilium rationis. Unde Philosophus dicit in Libro de somn. & vig. (loc. cit.) quod quidam imprudentissimi sunt maxime praevidentes. Nam intelligentia horum non est curis affecta; sed tamquam deserta, & vacua ab omnibus; & nota secundum movens ducitur.

QUAESTIO LXXXVII.

Quomodo anima intellectiva seipsam, & ea quae sunt in ipsa, cognoscat, in quatuor articulis divisa.

Deinde considerandum est, quomodo anima intellectiva cognoscat seipsam, & ea quae in se sunt: & circa hoc quaeruntur quatuor.

Primo, utrumque cognoscat seipsam per suam essentiam.

Secundo, quomodo cognoscat habitus in se existentes.

Tercio, quomodo intellectus cognoscat proprium actum.

Quarto, quomodo cognoscat actum voluntatis.

ARTICULUS I. 436

Utrum anima intellectiva seipsam cognoscat per suam essentiam.

II. cont. cap. xcvi. princ. & III. cap. xxxv. & ver. quæst. viii. art. 6. & II. de Anima. l. c. 6. fin. & III. l. c. 8.

Ad primum sic proceditur. Videtur quod anima intellectiva seipsam cognoscat per suam essentiam. Dicit enim Augustinus IX. de Trinit. (cap. 111. in fin.) quod mens seipsam novit per seipsam, quoniam est incorporea.

2. Praeterea. Angelus, & anima humana conveniunt in genere intellectualis substantiae. Sed Angelus intelligit seipsum per essentiam suam. Ergo & anima humana.

3. Praeterea. In his quae sunt sine materia, idem est intellectus, & quod intelligitur, ut dicitur in III. de Anima (tex. 17.) Sed mens humana est sine materia: non enim est actus corporis alicuius, ut supra dictum est (quæst. lxxv. art. 2.) Ergo in mente humana est idem intellectus, & quod intelligitur: ergo intelligit se per essentiam suam.

Sed contra est quod dicitur in II. de

Anima (loc. cit.) quod intellectus intelligit seipsum, sicut & alia. Sed alia non intelligit per essentiam eorum, sed per eorum similitudines. Ergo neque se intelligit per essentiam suam.

Respondeo dicendum, quod unumquodque cognoscibile est, secundum quod est in actu, & non secundum quod est in potentia, ut dicitur in IX. Metaph. (tex. 20.) Sic enim aliquid est ens, & verum, quod sub cognitione cadit, prout actu est. Et hoc quidem manifeste apparet in rebus sensibilibus: non enim visus percipit coloratum in potentia, sed solum coloratum in actu: & similiter intellectus. Manifestum est enim quod, inquantum est cognoscitivus rerum materialium, non cognoscit nisi quod est actu. Et inde est quod non cognoscit materiam primam, nisi secundum proportionem ad formam, ut dicitur in I. Physic. (tex. 69.) Unde & in substantiis immaterialibus, secundum quod unaquaque earum se habet ad hoc quod sit in actu per essentiam suam, ita se habet ad hoc quod sit per suam essentiam intelligibilis. Essentia igitur Dei, quae est actus purus, & perfectus, est simplicior, & perfectior secundum seipsam intelligibilis: unde Deus per suam essentiam non solum seipsum, sed etiam omnia intelligit. Angeli autem essentia est quidem in genere intelligibilium ut actus, non tamen ut actus purus, neque completus: unde eius intelligere non completur per essentiam suam. Et si enim per essentiam suam se intelligat Angelus, tamen non omnia potest per essentiam suam cognoscere; sed cognoscit alia a se per eorum similitudines. Intellectus autem humanus se habet in genere rerum intelligibilium, ut ens in potentia tantum, sicut & materia prima se habet in genere rerum sensibilium: unde possibilis nominatur. Sic igitur in sua essentia consideratus se habet ut potentia intelligens. Unde ex seipso habet virtutem ut intelligat, non autem ut intelligatur, nisi secundum id quod fit actu. Sic enim etiam Platonici posuerunt ordinem etiam intelligibilium supra ordinem intellectuum: quia intellectus non intelligit nisi per participationem (a) intelligibilis: participans autem est infra participatum secundum eos. Si igitur intellectus humanus fieret actu per participationem formarum intelligibilium separatarum, ut Platonici posuerunt; per

(a) Ita ed. Med. & ed. plurimi. Edit. Rom. intelligibilem.

hulusmodi participationem rerum incorporearum intellectus humanus seipsum intelligeret. Sed quia connaturale est intellectui nostro secundum statum praesentis vitae quod ad materialia, & sensibilia respiciat, sicut supra dictum est (quaest. praec. art. 4. ad 2. & quaest. lxxxiv. art. 7.) consequens est ut sic seipsum intelligat intellectus noster, secundum quod sit actu per species a sensibilibus abstractas per lumen intellectus agentis, quod est actus ipsorum intelligibilium; & eis mediantibus intelligit intellectus possibilis. Non ergo per essentiam suam, sed per actum suum se cognoscit intellectus noster: & hoc dupliciter.

Uno quidem modo particulariter, secundum quod Socrates, vel Plato percipit se habere animam intellectivam ex hoc quod percipit se intelligere. Alio modo in universaliter, secundum quod naturam humanam mentis ex actu intellectus consideramus. Sed verum est quod iudicium, & efficacia huius cognitionis, per quam naturam animae cognoscimus, competit nobis secundum derivationem luminis intellectus nostri a veritate divina, in qua rationes omnium rerum continentur, sicut supra dictum est (quaest. lxxxiv. art. 5.) Unde Augustinus dicit in IX. de Trin. (cap. vi. paulo a prin.) *Invenimus inviolabilem veritatem, ex qua perfecte, quantum possumus, definimus, non qualis sit unusquisque hominis mens, sed qualis esse semper debet rationibus debet.* Est autem differentia inter has duas cognitiones. Nam ad primam cognitionem de mente habendam sufficit ipsa mentis praesentia, quae est principium actus, ex quo mens percipit seipsum: & ideo dicitur se cognoscere per suam praesentiam. Sed ad secundam cognitionem de mente habendam non sufficit eius praesentia, sed requiritur diligens, & subtilis inquisitio. Unde & multi naturam animae ignorant, & multi etiam circa naturam animae erraverunt. Propter quod Augustinus dicit X. de Trin. (cap. ix. in prin.) de tali inquisitione mentis: *Non velut absentem se quarens mens cernere, sed praesentem se cunctis discernere*, id est cognoscere differentiam suam ab aliis rebus: quod est cognoscere quidditatem, & naturam suam.

Ad primum ergo dicendum, quod mens seipsum per se novit, quia tandem in sui ipsius cognitionem pervenit, licet per suum actum. Ipsa enim est quae cognoscitur, quia ipsa seipsum amat, ut

ibidem subditur (loc. cit. in arg.) Potest enim aliquid dici per se notum dupliciter: vel quia per nihil aliud in eius notitiam devenitur, sicut dicuntur prima principia per se nota; vel quia non sunt cognoscibilia per accidens, sicut color est per se visibilis, substantia autem per accidens.

Ad secundum dicendum, quod essentia Angeli est sicut actus in genere intelligibilium: & ideo se habet & ut intellectus, & ut intellectum. Unde Angelus suam essentiam per seipsum apprehendit; non autem intellectus humanus, qui vel est omnino in potentia respectu intelligibilium, sicut intellectus possibilis; vel est actus in intelligibilium, quae abstrahuntur a phantasmatis, sicut intellectus agens.

Ad tertium dicendum, quod verbum illud Philosophi universaliter verum est in omni intellectu. Sicut enim sensus in actu est sensibile in actu propter similitudinem sensibilibus. quae est forma sensus in actu; ita intellectus in actu est intellectum in actu propter similitudinem rei intellectae, quae est forma intellectus in actu. Et ideo intellectus humanus, qui sit in actu per speciem rei intellectae, per eandem speciem intelligitur sicut per formam suam. Idem autem est dicere, quod in his quae sunt sine materia, idem est intellectus, & quod intelligitur, ac si diceretur, quod in his quae sunt intellecta in actu, idem est intellectus, & quod intelligitur. Per hoc enim aliquid est intellectum in actu, quod est sine materia.

Sed in hoc est differentia: quia quorundam essentiae sunt sine materia; sicut substantiae separatae, quas Angelos dicimus, quarum unaquaeque & est intellecta, & est intelligens; sed quaedam res sunt quarum essentiae non sunt sine materia, sed solum similitudines ab eis abstractae. Unde & Commentator dicit in III. de Anima (loc. cit. in arg.) quod propositio inducta non habet veritatem nisi in substantiis separatis: verificatur enim quodammodo in eis quod non verificatur in aliis, ut dictum est (in solut. ad 2.)

ARTICULUS II. 437

Utrum intellectus noster cognoscat habitus animæ per essentiam eorum.

1. 2. *quæst. xlix. art. 1. & 2. 2. quæst. xv. art. 1. corp. & III. dist. xlii. quæst. 1. art. 2. & ver. quæst. x. art. 9. & quod. viii. art. 4. corp.*

AD secundum sic proceditur. Videtur quod intellectus noster cognoscat habitus animæ per essentiam eorum. Dicit enim Augustinus XIII. de Trinit. (cap. 1. ante med.) *Non sic videtur fides in corde, in quo est, sicut anima alterius hominis ex motibus corporis videtur; sed eam tenet certissima scientia, clamante conscientia: & eadem ratio est de aliis habitibus animæ. Ergo habitus animæ non cognoscuntur per actus, sed per seipsos.*

2. Præterea, Res materiales, quæ sunt extra animam, cognoscuntur per hoc quod similitudines earum sunt præsentia- liter in anima; & ideo dicuntur per suas similitudines cognosci. Sed habitus animæ præsentia- liter per suam essentiam sunt in anima. Ergo per suam essentiam cognoscuntur.

3. Præterea. Propter quod unumquod- que tale, & illud magis. Sed res aliæ cognoscuntur ab anima propter habitus, & species intelligibiles. Ergo ista magis per seipsa ab anima cognoscuntur.

Sed contra. Habitus sunt principia actuum, sicut & potentia. Sed, sicut dicitur in II. de Anima (text. 33.) *priores potentis secundum rationem actus, & operationes sunt.* Ergo eadem ratione sunt priores habitibus; & ita habitus per actus cognoscuntur, sicut & potentia.

Respondendo dicendum, quod habitus quodammodo est medium inter potentiam puram, & purum actum. Iam autem dictum est (art. præc.) quod nihil cognoscitur nisi secundum quod est actus. Sic ergo, inquantum habitus deficit ab actu perfecto, deficit ab hoc ut non sit per seipsum cognoscibilis; sed necesse est quod per actum suum cognoscatur: sive dum aliquis percipit se habere habitum per hoc quod percipit se producere actum proprium illius habitus; sive dum aliquis inquit naturam, & rationem habitus ex consideratione actus.

Et prima quidem cognitio habitus fit per ipsam præsentiam habitus: quia ex hoc ipso quod est præsens, actum causat, in quo statim percipitur. Secunda autem

cognitio habitus fit per studiosam in- quisionem, sicut supra dictum est de mente (art. præc.)

Ad primum ergo dicendum, quod etsi fides non cognoscatur per exteriores corporis motus, percipitur tamen etiam ab eo in quo est, per interioriorem actum cordis. Nullus enim fidem se habere scit nisi per hoc quod se credere percipit.

Ad secundum dicendum, quod habitus sunt præsentia in intellectu nostro, non sicut obiecta intellectus, quia obiectum intellectus nostri secundum statum præsentis vitæ est natura rei materialis, ut supra dictum est (quæst. lxxxiv. art. 7.) sed sunt præsentia in intellectu, ut quibus intellectus intelligit.

Ad tertium dicendum, quod cum dicitur, Propter quod unumquodque, illud magis, veritatem habet, si intelligatur in his quæ sunt unius ordinis, puta in uno genere causæ; puta si dicatur, quod sanitas est desiderabilis propter vitam, sequitur quod vita sit magis desiderabilis. Si autem accipiantur ea quæ sunt diversorum ordinum, non habet veritatem; ut si dicatur, quod sanitas est desiderabilis propter medicinam, non ideo sequitur quod medicina sit magis desiderabilis: quia sanitas est in ordine finium, medicina autem in ordine causarum efficientium. Sic igitur si accipiamus duo, quorum utrumque sit per se in ordine obiectorum cognitionis, illud propter quod aliud cognoscitur, erit magis notum, sicut principia conclusionibus. Sed habitus non est de ordine obiectorum, inquantum est habitus; nec propter habitum aliqua cognoscuntur, sicut propter obiectum cognatum, sed sicut propter dispositionem, vel formam, quia cognoscens cognoscit. Et ideo ratio non sequitur.

ARTICULUS III. 438

Utrum intellectus cognoscat proprium actum.

II. cont. cap. lxxi. co. 5.

AD tertium sic proceditur. Videtur quod intellectus non cognoscat proprium actum. Illud enim proprie cognoscitur quod est obiectum cognoscitivæ virtutis. Sed actus differt ab obiecto. Ergo intellectus non cognoscit suum actum.

2. Præterea. Quicquid cognoscitur, aliquo actu cognoscitur. Si igitur intellectus cognoscit actum suum, aliquo actu co-

cognoscit illum, & iterum illum actum alio actu. Erit ergo procedere in intimum: quod videtur impossibile.

3. Præterea. Sicut se habet sensus ad actum suum, ita & intellectus. Sed sensus proprius non sentit actum suum, sed hoc pertinet ad sensum communem, ut dicitur in Lib. II. de Anima (text. 132. & seq.) Ergo neque intellectus intelligit actum suum.

Sed contra est quod Augustinus dicit X. de Trinit. (cap. x. & xi. a med.) *Intelligo me intelligere.*

Respondeo dicendum, quod, sicut iam dictum est (art. 1. & 2. huius quæst.) unumquodque cognoscitur secundum quod est actu. Ultima autem perfectio intellectus est eius operatio. Non enim est sicut actio tendens in alterum, quæ est perfectio operati; sicut ædificatio ædificati; sed manet in operante ut perfectio, & actus eius, ut dicitur in IX. Metaph. (text. 16.) Hoc igitur est primum quod de intellectu intelligitur, ipsum eius intelligere.

Sed circa hoc diversi intellectus diversimode se habent. Est enim aliquis intellectus, scilicet divinus, qui est ipsum suum intelligere; & sic in Deo idem est quod intelligat se intelligere, & quod intelligat suam essentiam, quia sua essentia est suum intelligere. Est etiam alius intellectus, scilicet angelicus, qui non est suum intelligere, sicut supra dictum est (quæst. IIV. art. 1. & 2.) sed tamen primum obiectum sui intelligere est eius essentia. Unde etsi aliud sit in Angelo secundum rationem, quod intelligat se intelligere, & quod intelligat suam essentiam; tamen simul & uno actu utrumque intelligit: quia hoc quod est intelligere suam essentiam, est propria perfectio suæ essentiae: simul autem, & uno actu intelligitur res cum sua perfectione. Est autem alius intellectus, scilicet humanus, qui nec est suum intelligere, nec sui intelligere est obiectum primum ipsa eius essentia, sed aliquid extrinsecum, scilicet natura materialis rei. Et ideo id quod primo cognoscitur ab intellectu humano, est huiusmodi obiectum; & secundario cognoscitur ipse actus, quo cognoscitur obiectum; & per actum cognoscitur ipse intellectus, cuius est perfectio ipsum intelligere. Et ideo Philosophus dicit (Lib. II. de Anima text. 33.) quod obiecta præcognoscuntur actibus, & actus potentiis.

Ad primum ergo dicendum, quod ob-

iectum intellectus est commune quoddam, scilicet ens, & verum, sub quo comprehenditur etiam ipse actus intelligendi. Unde intellectus potest suum actum cognoscere, sed non primo: quia nec primum obiectum intellectus nostri secundum præsentem statum est quodlibet ens, & verum; sed ens, & verum considerata in rebus materialibus, ut dictum est (quæst. lxxxiv. art. 7.) ex quibus in cognitionem omnium aliorum devenit.

Ad secundum dicendum, quod ipsum intelligere humanum non est actus, & perfectio naturæ intellectæ, ut sic possit uno actu intelligi natura rei materialis, & ipsum intelligere, sicut uno actu intelligitur res cum sua perfectione. Unde alius est actus quo intellectus intelligit lapidem, & alius est actus quo intelligit se intelligere lapidem; & sic deinde. Nec est inconveniens intellectum esse infinitum in potentia, ut supra dictum est (quæst. præc. art. 2.)

Ad tertium dicendum, quod sensus proprius sentit secundum immutationem materialis organi a sensibili exteriori. Non est autem possibile quod aliquid materiale immutet seipsum; sed unum immutatur ab alio: & ideo actus sensus proprii percipitur per sensum communem. Sed intellectus noster non intelligit per materialem immutationem organi: & ideo non est simile.

ARTICULUS IV. 439

Utrum intellectus intelligat actum voluntatis.

AD quartum sic proceditur. Videtur quod intellectus non intelligat actum voluntatis. Nihil enim cognoscitur ab intellectu, nisi sit aliquo modo præsens in intellectu. Sed actus voluntatis non est præsens in intellectu, cum sint diversæ potentiae. Ergo actus voluntatis non cognoscitur ab intellectu.

2. Præterea. Actus habet speciem ab obiecto. Sed obiectum voluntatis differt ab obiecto intellectus. Ergo & actus voluntatis speciem habet diversam ab obiecto intellectus: non ergo cognoscitur ab intellectu.

3. Præterea. Augustinus in Lib. X. Confess. (cap. xvii.) attribuit affectionibus animæ quod cognoscuntur neque per imagines, sicut corpora; neque per præsentiam, sicut artes; sed per quasdam visiones. Non videtur autem quod possint esse aliæ notationes rerum in anima, nisi vel essentiae

M m re-

rerum cognitarum, vel etiam similitudines. Ergo impossibile est quod intellectus cognoscat affectiones animæ, quæ sunt actus voluntatis.

Sed contra est quod Augustinus dicit X. de Trinit. (cap. x. & xi.) *Intelligo me velle.*

Respondendo dicendum, quod, sicut supra dictum est (quæst. lxx. art. 1.) actus voluntatis nihil aliud est quam inclinatio quædam consequens formam intellectam, sicut appetitus naturalis est inclinatio consequens formam naturalem. Inclinatio autem cuiuslibet rei est in ipsa re per modum eius. Unde inclinatio naturalis est naturaliter in re naturali; inclinatio autem quæ est appetitus sensibilis, est sensibiliter in sentiente; & similiter inclinatio intelligibilis, quæ est actus voluntatis, est intelligibiliter in intelligente sicut in principio, & in proprio subiecto. Unde & Philosophus hoc modo loquendi utitur in III. de Anima (text. 42.) *quod voluntas in ratione est.* Quod autem intelligibiliter est in aliquo intelligente, consequens est ut ab eo intelligatur. Unde actus voluntatis intelligitur ab intellectu & inquantum aliquis percipit se velle, & inquantum aliquis cognoscit naturam huius actus, & per consequens naturam eius principii, quod est habitus, vel potentia.

Ad primum ergo dicendum, quod ratio illa procederet, si voluntas, & intellectus, sicut sunt diversæ potentie, ita etiam subiecto differrent: sic enim quod est in voluntate, esset abiens ab intellectu. Nunc autem cum utrumque radicetur in una substantia animæ, & unum sit quodammodo principium alterius, consequens est ut quod est in voluntate, sit etiam quodammodo in intellectu.

Ad secundum dicendum, quod bonum, & verum, quæ sunt obiecta voluntatis, & intellectus, differunt quidem ratione veritatis unum eorum continetur sub alio, ut supra dictum est (quæst. lxxxii. art. 3. ad 1. & quæst. xvi. art. 4 ad 1.) nam verum est quoddam bonum, & bonum est quoddam verum. Et ideo quæ sunt voluntatis, cadunt sub intellectu; & quæ sunt intellectus, possunt cadere sub voluntate.

Ad tertium dicendum, quod affectus animæ non sunt in intellectu neque per similitudinem tantum, sicut corpora, neque per præsentiam ut in subiecto, sicut artes; sed sicut principium in princi-

pio, in quo habetur notio principiari. Et ideo Augustinus dicit, affectus animæ esse in memoria per qualdam notiones.

QUAESTIO LXXXVIII.

Quomodo anima humana cognoscat ea quæ supra se sunt,

in tres articulos divisa.

DEinde considerandum est, quomodo anima humana cognoscat ea quæ supra se sunt, scilicet immateriales substantias: & circa hoc quærentur tria.

Primo, utrum anima humana secundum statum præsentis vitæ possit intelligere substantias immateriales, quas Angelos dicimus, per seipsas.

Secundo, utrum possit ad earum notitiam pervenire per cognitionem rerum materialium.

Tertio, utrum Deus sit id quod primo a nobis cognoscitur.

ARTICULUS I. 440

Utrum anima humana secundum statum vite præsentis possit intelligere substantias immateriales per seipsas.

II. cont. cap. l. & III. cap. xxi. xli. xlii. xliii. xlii. xlii. xlii. xlii. fin. & de anima art. 15. & opus. xlii. cap. vi.

AD primum sic proceditur. Videtur quod anima humana secundum statum vite præsentis possit intelligere substantias immateriales per seipsas. Dicit enim Augustinus in IX. de Trinit. (cap. 11. in fin.) *Mens ipsa sicut corporatum rerum notitiam per sensus corporis colligit, sic incorporeatum rerum per semetipsam.* Huiusmodi autem sunt substantie immateriales. Ergo mens humana substantias immateriales intelligit.

2. Præterea. Simile simili cognoscitur. Sed magis assimilatur mens humana rebus immaterialibus quam materialibus; cum nostra mens sit immaterialis, ut ex supradictis patet (quæst. lxxv. art. 5. & quæst. lxxvi. art. 1.) Cum ergo mens nostra intelligat res materiales, multo magis intelligit res immateriales.

3. Præterea. Quod ea quæ sunt secundum se maxime sensibilia, non maxime sentiuntur a nobis, provenit ex hoc quod excellentiæ sensibilibus corruptum sensum. Sed excellentiæ intelligibilium non

cor-

corruptum intellectum, ut dicitur in III. de Anima (tex. 7.) Ergo ea quae sunt secundum se maxime intelligibilia, sunt etiam maxime intelligibilia nobis. Sed cum res materiales non sint intelligibiles, nisi quia facimus eas intelligibiles actu abstrahendo a materia; manifestum est quod magis sint secundum se intelligibiles substantiae quae secundum suam naturam sunt immateriales. Ergo multo magis intelliguntur a nobis quam res materiales.

4. Præterea. Commentator dicit in II. Metaph. (comm. 1. in fin.) quod si substantia abstracta non possent intelligi a nobis, tunc natura otiose egressi: quia fecit illud quod est naturaliter in se intellectum non intellectum ab aliquo. Sed nihil est otiosum, siue frustra in natura. Ergo substantiae immateriales possunt intelligi a nobis.

5. Præterea. Sicut se habet sensus ad sensibilia, ita intellectus ad intelligibilia. Sed visus noster potest videre omnia corpora, siue sint superiora, & incorruptibilia, siue sint inferiora, & corruptibilia. Ergo intellectus noster potest intelligere omnes substantias intelligibiles, & superiores, & immateriales.

Sed contra est quod dicitur Sapient. ix. 16. *Quae in caelis sunt, quis investigabit?* In caelis autem dicuntur huiusmodi substantiae esse, secundum illud Matth. xviii. 10. *Angeli eorum in caelis semper vident faciem Patris mei, qui in caelis est.* Ergo non possunt substantiae immateriales per investigationem humanam cognosci.

Respondetur dicendum, quod secundum opinionem Platonis substantiae immateriales non solum a nobis intelliguntur, sed etiam sunt prima a nobis intellecta. Posuit enim Plato, formas immateriales subsistentes, quas *ideas* vocabat, esse propria obiecta nostri intellectus; & ita primo & per se intelliguntur a nobis. Applicatur ramen animarum cognitio rebus materialibus, secundum quod intellectui permiscetur phantasia, & sensus. Unde quanto magis intellectus fuerit depuratus, tanto magis percipit immaterialium (a) intelligibilem veritatem.

Sed secundum Aristotelis sententiam, quam magis experimur, intellectus noster secundum statum praesentis vitae naturalem respectum habet ad naturas rerum materialium: unde nihil intelligit nisi converrendo se ad phantasmata, ut ex dictis patet (quaest. lxxxiv. art. 7.) Et sic manifestum est quod substantias im-

ateriales, quae sub sensu, & imaginatione non cadunt, primo & per se secundum modum cognitionis nobis experiri intelligere non possumus.

Sed tamen Averroes in commen. III. de Anima (comm. xxxv.) ponit, quod in fine in hac vita homo pervenire potest ad hoc quod intelligat substantias separatas per continuationem, vel unionem cuiusdam substantiae separatae a nobis, quam vocat *intellectum agentem*: qui quidem, cum sit substantia separata, naturaliter substantias separatas intelligit. Unde cum fuerit nobis unitus sic ut per cum intelligere possimus, intelligentes & nos substantias separatas, sicut nunc per intellectum possibilem nobis unitum intelligimus res materiales. Ponit autem intellectum agentem sic nobis uniti. Cum enim intelligentes per intellectum agentem, & per intelligibilia speculata, ut patet cum conclusiones intelligentes per principia intellecta, necesse est quod intellectus agens comparetur ad intellecta speculata vel sicut agens principale ad instrumenta, vel sicut forma ad materiam. His enim duobus modis attribuitur actio aliqua duobus principiis; principali quidem agenti, & instrumento, sicut sectio artici, & ferrag; forma autem, & subiecto, sicut calefactio calori, & igni. Sed utroque modo intellectus agens comparabitur ad intelligibilia speculata sicut perfectio ad perfectibile, & actus ad potentiam. Simul autem recipitur in aliquo perfectum, & perfectio, sicut visibile in actu, & lumen in pupilla. Simul igitur in intellectu possibili recipiuntur intellecta speculata, & intellectus agens: & quanto plura intellecta speculata recipimus, tanto magis appropinquamus ad hoc quod intellectus agens perfecte uniatur nobis; ita quod cum omnia intellecta speculata cognoverimus, intellectus agens perfecte uniatur nobis, & poterimus per eum omnia cognoscere & materialia, & immaterialia. Et in hoc ponit ultimam hominis felicitatem. Nec refert, quantum ad propositum pertinet, utrum in illo statu felicitatis intellectus possibilis intelligat substantias separatas per intellectum agentem, ut ipse sentit; vel (ut ipse imponit Alexandro) intellectus possibilis nunquam intelligat substantias separatas, propter hoc quod ponit intellectum possibilem corruptibilem; sed homo intelligit substantias separatas per intellectum agentem.

M m 2

Sed

(a) *id.* intelligibilem.

Sed prædicta stare non possunt. Primo quidem quia si intellectus agens est substantia separata, impossibile est quod per ipsam formaliter intelligamus: quia id quo formaliter agens agit, est forma, & actus agentis; cum omne agens agat, in quantum est actu, sicut supra dictum est (quæst. lxxxix. art. 3.) circa intellectum possibilem.

Secundo quia secundum modum prædictum intellectus agens, si est substantia separata, non unitur nobis secundum suam substantiam, sed solum lumen eius, secundum quod participatur (a) in intellectu speculatis, & non quantum ad alias actiones intellectus agentis, ut possumus per hoc intelligere substantias immateriales; sicut dum videmus colores illuminatos a Sole, non unitur nobis substantia Solis, ut possumus actiones Solis agere, sed solum nobis unitur lumen Solis ad visionem colorum.

Tertio quia dato quod secundum modum prædictum uniretur nobis substantia intellectus agentis, tamen ipsi non ponunt quod intellectus agens totaliter uniatur nobis secundum unum intelligibile, vel duo, sed secundum omnia intellecta speculata. Sed omnia intellecta speculata deficiunt a virtute intellectus agentis: quia multo plus est intelligere substantias separatas quam intelligere omnia materialia. Unde manifestum est quod etiam intellectus omnibus materialibus, non sic uniretur intellectus agens nobis ut possemus intelligere per eum substantias separatas.

Quarto quia intelligere omnia intellecta materialia vix competit alicui in hoc mundo; & sic nullus, vel pauci ad felicitatem pervenirent: quod est contra Philosophum in I. Ethic. (cap. ix. ante med.) qui dicit, quod *felicitas est quoddam bonum commune, quod potest provenire omnibus non orbatu ad virtutem*. Est etiam contra rationem quod finem alicuius speciei ut in paucioribus consequantur ea quæ continentur sub specie.

Quinto quia Philosophus dicit expresse in I. Ethic. (cap. x.) quod *felicitas est operatio secundum perfectam virtutem*; & enumeratis multis virtutibus, in X. (cap. vii.) concludit, quod felicitas ultima consistens in cognitione maximorum intelligibilium est secundum virtutem sapientiæ, quam posuerat in VI. (cap. vii.) esse caput scientiarum speculativarum. Unde patet quod Aristote-

les posuit ultimam felicitatem hominis in cognitione substantiarum separatarum, qualis potest haberi per scientias speculativas, & non per continuationem intellectus agentis a quibuscumque consistam.

Sexto quia supra ostensum est (quæst. lxxxix. art. 4.) quod intellectus agens non est substantia separata, sed virtus quædam animæ ad eadem active se extendens ad quæ se extendit intellectus possibilis receptive: quia, ut dicitur in III. de Anima (tex. ix.) intellectus possibilis est quo est omnia fieri, intellectus agens, quo est omnia facere. Uterque ergo intellectus se extendit secundum statum præsentis vitæ ad materialia sola, quæ intellectus agens facit intelligibilia actu, & recipiuntur in intellectu possibili.

Unde secundum statum præsentis vitæ neque per intellectum possibilem, neque per intellectum agentem possumus intelligere substantias separatas immateriales secundum seipsas.

Ad primum ergo dicendum, quod ex illa auctoritate Augustini haberi potest quod illud quod mens nostra de cognitione incorporalium rerum accipit, per seipsam cognoscere possit. Et hoc adeo verum est, ut etiam apud Philosophum dicatur (tex. 2. Lib. I. de Anim.) quod scientia de anima est principium quoddam ad cognoscendum substantias separatas. Per hoc enim quod anima nostra cognoscit seipsam, pertingit ad cognitionem aliquam habendam de substantiis incorporeis, qualem eam contingit habere, non quod simpliciter, & perfecte eas cognoscat cognoscendo seipsam.

Ad secundum dicendum, quod similitudo naturæ non est ratio sufficiens ad cognitionem: alioquin oporteret dicere quod Empedocles dicit, quod anima esset de natura omnium, ad hoc quod omnia cognosceret. Sed requiritur ad cognoscendum ut sit similitudo rei cognitæ in cognoscente, quasi quædam forma ipsius. Intellectus autem noster possibilis secundum statum præsentis vitæ est natus informari similitudinibus rerum materialium a phantasmatibus abstractis: & ideo cognoscit magis materialia quam substantias immateriales.

Ad tertium dicendum, quod requiritur aliqua proportio obiecti ad potentiam cognoscitivam, ut activi ad passivum, & perfectionis ad perfectibile. Unde quod excellentia sensibilia non capiuntur a sensu, non sola ratio est, quia corruptum

(a) In cod. Torneo, desit in.

punt organa sensibilia, sed etiam quia sunt improporcionada potentiis sensitivis. Et hoc modo substantiæ immateriales sunt improporcionadae intellectui nostro secundum præsentem statum, ut non possint ab eo intelligi.

Ad quartum dicendum, quod illa ratio Commentatoris multipliciter deficit. Primo quidem quia non sequitur quod, si substantiæ separatae non intelliguntur a nobis, non intelligantur ab aliquo intellectu: intelliguntur enim a seipsis, & a se invicem. Secundo quia non est finis substantiarum separatarum ut intelligantur a nobis. Illud autem otiose, & frustra esse dicitur quod non consequitur finem ad quem est: & sic non sequitur substantias immateriales esse frustra, etiam si nullo modo intelligerentur a nobis.

Ad quintum dicendum, quod eodem modo sensus cognoscit & superiora, & inferiora corpora, scilicet per immutationem organi a sensibili. Non autem eodem modo intelliguntur a nobis substantiæ materiales, quæ intelliguntur per modum abstractionis, & substantiæ immateriales, quæ non possunt sic a nobis intelligi, quia non sunt earum aliqua phantasmata.

ARTICULUS II. 447

Utrum intellectus noster per cognitionem rerum materialium possit pervenire ad intelligendum substantias immateriales.

Loci sup. art. 1. inductis.

AD secundum sic proceditur. Videtur quod intellectus noster per cognitionem rerum materialium possit pervenire ad intelligendum substantias immateriales. Dicit enim Dionysius 1. cap. celest. Hier. (statim a med.) quod non est possibile humane menti ad immaterialem illam sursum excitari calefium Hierarchiarum contemplationem, nisi secundum se materiali manu ductione utatur. Relinquitur ergo quod per materialia manu duci possumus ad intelligendum substantias immateriales.

2. Præterea. Scientia est in intellectu. Sed scientiæ, & definitiones sunt de substantiis immaterialibus: definit enim Damascenus (Lib. II. orth. Fid. cap. 111.) Angelum, & de Angelis aliqua documenta traduntur tam in theologicis quam in philosophicis disciplinis. Ergo substantiæ immateriales intelligi possunt a nobis.

3. Præterea. Anima humana est de S. Th. Oper. Tom. XX.

genere substantiarum immaterialium. Sed ipsa intelligi potest a nobis per actum suum, quo intelligit materialia. Ergo & aliæ substantiæ immateriales intelligi possunt a nobis per suos effectus in rebus materialibus.

4. Præterea. Illa sola causa per suos effectus comprehendi non potest quæ in infinitum distat a suis effectibus. Hoc autem solius Dei est proprium. Ergo aliæ substantiæ immateriales creatæ intelligi possunt a nobis per res materiales.

Sed contra est quod Dionysius dicit 1. cap. de div. Nom. (non procul a princ.) quod sensibilibus intelligibilia, & compositis simplicia, & corporalibus incorporea apprehendi non possunt.

Respondeo dicendum, quod, sicut Averroes narrat in III. de Anima (comm. 36.) quidam Avempace nomine posuit, quod per intellectum substantiarum materialium pervenire possumus secundum vera Philosophiæ principia ad intelligendum substantias immateriales. Cum enim intellectus noster natus sit abstrahere quidditatem rei materialis a materia, si iterum in illa quidditate sit aliquid materiæ, poterit iterato abstrahere: & cum hoc in infinitum non procedat, tandem pervenire poterit ad intelligibilem aliquam quidditatem, quæ sit omnino sine materia: & hoc est intelligere substantiam immaterialem.

Quod quidem efficaciter diceretur, si substantiæ immateriales essent formæ, & species harum materialium, ut Platonici posuerunt. Hoc autem non posito, sed supposito, quod substantiæ immateriales sunt omnino alterius rationis a quidditatibus materialium rerum, quantumcumque intellectus noster abstrahat quidditatem rei materialis a materia, numquam perveniet ad aliquid simile substantiæ immateriali. Et ideo per substantias materiales non possumus perfecte substantias immateriales intelligere.

Ad primum ergo dicendum, quod ex rebus materialibus ascendere possumus in aliqualem cognitionem immaterialium rerum, non tamen in perfectam: quia non est sufficiens comparatio rerum materialium ad immateriales; sed similitudines, si quæ a materialibus accipiuntur ad immaterialia intelligenda, sunt multum dissimiles, ut Dionysius dicit 11. cap. celest. Hierar.

Ad secundum dicendum, quod de superioribus rebus in scientiis maxime tractatur per viam remotionis. Sic enim

Mm 3 cor-

corpora cælestia notificat Aristoteles (Lib. I. de cælo tex. 17. 18. & 19.) per negationem proprietatum inferiorum corporum. Unde multo magis immateriales substantiæ a nobis cognosci non possunt, ut earum quidditates apprehendamus; sed de eis nobis in scientiis documenta traduntur per viam remotionis, & alicuius habitudinis ad res materiales.

Ad tertium dicendum, quod anima humana intelligit seipsam per suum intelligere, quod est actus proprius eius, perfecte demonstrans virtutem eius, & naturam. Sed neque per hoc, neque per alia, quæ in rebus materialibus inveniuntur, perfecte cognosci potest immaterialium substantiarum virtus, & natura: quia huiusmodi non adæquant earum virtutes.

Ad quartum dicendum, quod substantiæ immateriales creatæ in genere quidem naturali non conveniunt cum substantiis materialibus, quia non est in eis eadem ratio potentia, & materia; conveniunt tamen cum eis in genere logico, quia etiam substantiæ immateriales sunt in prædicamento substantiæ, cum earum quidditates non sit earum esse. Sed Deus non convenit cum rebus materialibus neque secundum genus naturale, neque secundum genus logicum, quia Deus nullo modo est in genere, ut supra dictum est (quaest. 111. art. 5.) Unde per similitudines rerum materialium aliquid affirmative potest cognosci de Angelis secundum rationem communem, licet non secundum rationem speciei; de Deo autem nullo modo.

ARTICULUS III. 443

Utrum Deus sit primum quod a mente humana cognoscitur.

II. cor. cap. lxxxiii. & ver. quæst. viii. art. 7. ad 6. & quæst. x. art. 6. ad 6. & art. 7. cor. fin. & quol. vii. quæst. 1. art. 1. cor.

AD tertium sic proceditur. Videtur quod Deus sit primum quod a mente humana cognoscitur. Illud enim in quo omnia alia cognoscuntur, & per quod de aliis iudicamus, est primo cognitum a nobis, sicut lux ab oculo, & principia prima ab intellectu. Sed omnia in luce prima veritati cognoscimus, & per eam de omnibus iudicamus, ut dicit Augustinus in Lib. de Trin. (XI. de civ. Dei cap. xxvii.) & in Lib. de vera relig. (cap.

111.) Ergo Deus est id quod primo cognoscitur a nobis.

2. Præterea. Propter quod unusquisque, & illud magis. Sed Deus est causa omnis nostræ cognitionis: ipse enim, *lux vera, quæ illuminat omnem hominem venientem in hunc mundum*, ut dicitur Ioan. 1. 9. Ergo Deus est id quod primo, maxime est cognitum nobis.

3. Præterea. Id quod primo cognoscitur in imagine, est exemplar, quo imago formatur. Sed in mente nostra est Dei imago, ut Augustinus dicit (XII. c. Trin. cap. v. & seqq.) Ergo id quod primo cognoscitur in mente nostra, est Deus.

Sed contra est quod dicitur Ioan. 1. 1. *Deum nemo vidit unquam.*

Respondeo dicendum, quod cum intellectus humanus secundum statum præsentis vitæ non possit intelligere substantias immateriales creatas, ut dictum est (art. præc.) multo minus potest intelligere essentiam substantiæ increatae. Unde simpliciter dicendum est, quod Deus non est primum quod a nobis cognoscitur; sed magis per creaturas in Dei cognitionem pervenimus, secundum illud Apostoli ad Rom. 1. 20. *Invisibilia Dei per ea quæ facta sunt, intellecta conspiciuntur.* Primum autem quod intelligitur a nobis secundum statum præsentis vitæ, est quidditas rei materialis, quæ est nostri intellectus obiectum, ut multoties supra dictum est (quaest. lxxxiv. art. 7. & lxxxv. art. 1. & lxxxvii. art. 2. ad 2).

Ad primum ergo dicendum, quod in luce primæ veritatis omnia intelligimus & iudicamus, inquantum ipsum lumen intellectus nostri, sive naturale, sive creatum, nihil aliud est quam quædam impressio veritatis primæ, ut supra dictum est (quaest. xii. art. 2.) Unde cum ipsum lumen intellectus nostri non se habeat ac intellectum nostrum sicut quod intelligitur, sed sicut quod intelligitur, multo minus Deus est id quod primo a nostro intellectu intelligitur.

Ad secundum dicendum, quod propter quod unusquisque, & illud magis intelligendum est in his quæ sunt unius ordinis, ut supra dictum est (quaest. lxxxvii. art. 2. ad 3.) Propter Deum autem alia cognoscuntur, non sicut propter primum cognitum, sed sicut propter primam cognoscitivæ virtutis causam.

Ad tertium dicendum, quod si in anima nostra esset perfecta imago Dei, sicut Filius est perfecta imago Patris, ita

etiam mens nostra intelligeret Deum. Est autem imago imperfecta: unde ratio non sequitur.

QUAESTIO LXXXIX.

*De cognitione animae separatae,
in octo articulis divisa.*

DEinde considerandum est de cognitione animae separatae: & circa hoc quaeruntur octo.

Primo, utrum anima separata a corpore possit intelligere.

Secundo, utrum intelligat substantias separatas.

Tertio, utrum intelligat omnia naturalia.

Quarto, utrum cognoscat singularia.

Quinto, utrum habitus scientiae hic acquisite remaneat in anima separata.

Sexto, utrum possit uti actu scientiae hic acquisite.

Septimo, utrum distantia localis impediat cognitionem animae separatae.

Octavo, utrum animae separatae a corporibus cognoscant ea quae hic aguntur.

ARTICULUS I. 443

Utrum anima separata aliquid intelligere possit.

III. Part. quaest. XI. art. 2. & III. dist. XXXI. quaest. 11. art. 4. & IV. dist. I. quaest. 1. art. 1. & 2. & ver. quaest. XIX. art. 1. & 2. & de anima art. 15. 16. & 17.

AD primum sic proceditur. Videtur quod anima separata nihil omnino intelligere possit. Dicit enim Philosophus in I. de Anima (tex. 66.) quod *intelligere corrumpitur quodam interius corruptio*. Sed omnia interiora hominis corrumpuntur per mortem. Ergo & ipsum intelligere corrumpitur.

2. Praeterea. Anima humana impeditur ab intelligendo per ligamentum sensuum, & perturbata imaginatione, sicut supra dictum est (quaest. lxxxiv. art. 7. & 8.) Sed morte totaliter sensus, & imaginatio corrumpuntur, ut ex supra dictis patet (quaest. lxxvii. art. 8.) Ergo anima post mortem nihil intelligit.

3. Praeterea. Si anima separata intelligit, oportet quod per aliquas species intelligat. Sed non intelligit per species innatas, quia a principio est *sicut tabula in qua nihil est scriptum*; neque per species, quas tunc abstrahat a rebus, quia

non habet organa sensus, & imaginationis, quibus medianibus species intelligibiles abstrahuntur a rebus; neque etiam per species prius abstractas, & in anima conservatas, quia sic anima pueri nihil intelligeret post mortem; neque etiam per species intelligibiles divinitus influxas, haec enim cognitio non esset naturalis, de qua nunc agitur, sed gratiae. Ergo anima separata a corpore nihil intelligit.

Sed contra est quod Philosophus dicit in I. de Anima (tex. 13.) quod *si non esset aliqua operationum animae propria, non contingit ipsam separari*. Contingit autem ipsam separari. Ergo habet aliquam operationem propriam, & maxime eam quae est intelligere. Intelligit ergo sine corpore existens.

Respondeo dicendum, quod ista quaestio difficultatem habet ex hoc quod anima, quamdiu est corpori coniuncta, non potest aliquid intelligere non convertendo se ad phantasmata, ut per experimentum patet. Si autem hoc non est ex natura animae, sed per accidens hoc convenit ei, ex eo quod corpori alligatur, sicut Platonici posuerunt; de facili quaestio solvi posset. Nam, remoto impedimento corporis, rediret anima ad suam naturam, ut intelligeret intelligibilia simpliciter, non convertendo se ad phantasmata, sicut est de aliis substantiis separatis. Sed secundum hoc non esset anima corpori unita propter melius animae, quia secundum hoc peius intelligeret corpori unita quam separata; sed hoc esset solum propter melius corporis: quod est irrationabile, cum materia sit propter formam, & non e converso. Si autem ponamus, quod anima ex sua natura habeat ut intelligat convertendo se ad phantasmata, cum natura animae post mortem corporis non mutetur, videtur quod anima tunc naturaliter nihil possit intelligere, cum non sint ei praesto phantasmata ad quae convertatur.

Et ideo ad hanc difficultatem tollendam considerandum est, quod cum nihil operetur, nisi in quantum est actu, modus operandi uniuscuiusque rei sequitur modum essendi ipsius. Habet autem anima alium modum essendi, cum unitur corpori, & cum fuerit a corpore separata, manente tamen eadem animae natura; non ita quod uniri corpori sit ei accidentale, sed per rationem suae naturae corpori unitur; sicut nec levitas natura.

Mm 4 tura.

tura mutatur, cum est in loco proprio, quod est ei naturale, & cum est extra proprium locum, quod est ei præter naturam. Animæ igitur secundum illum modum essendi quo corpori est unita, competit modus intelligendi per conversionem ad phantasmata corporum, quæ in corporeis organis sunt; cum autem fuerit a corpore separata, competit ei modus intelligendi per conversionem ad ea quæ sunt intelligibilia simpliciter, sicut & aliis substantiis separatis. Unde modus intelligendi per conversionem ad phantasmata est animæ naturalis, sicut & corpori uniri; sed esse separatam a corpore est præter rationem suæ naturæ: & similiter intelligere sine conversione ad phantasmata est ei præter naturam. Et ideo ad hoc uniri corpori ut sic operetur secundum naturam suam.

Sed hoc rursus habet dubitationem. Cum enim res semper ordinetur ad id quod melius est (est autem melior modus intelligendi per conversionem ad intelligibilia simpliciter quam per conversionem ad phantasmata) debuit sic a Deo institui animæ natura, ut modus intelligendi nobilior ei esset naturalis, & non indigeret corpori propter hoc uniri.

Considerandum est igitur, quod etsi intelligere per conversionem ad superiora sit simpliciter nobilior quam intelligere per conversionem ad phantasmata; tamen ille modus intelligendi, prout erat possibilis animæ, erat imperfectior. Quod sic patet. In omnibus enim substantiis intellectualibus invenitur virtus intellectiva per influentiam divini luminis: quod quidem in primo principio est unum, & simplex; & quanto magis creaturæ intellectuales distant a primo principio, tanto magis dividitur illud lumen, & diversificatur, sicut accidit in lincis a centro egredientibus. Et inde est quod Deus per unam suam essentiam omnia intelligit. Superiores autem intellectuales substantiarum etsi per plures formas intelligant, tamen intelligunt per pauciores, & magis universales, & virtuosiores ad comprehensionem rerum, propter efficaciam virtutis intellectivæ quæ est in eis. In inferioribus autem sunt formæ plures, & minus universales, & minus efficaces ad comprehensionem rerum, inquantum deficiunt a virtute intellectiva superiorum. Si ergo inferiores substantiæ haberent formas in il-

la universalitate in qua habent superiores, quia non sunt tantæ efficaciam in intelligendo, non acciperent per eas perfectam cognitionem de rebus, sed in quadam communitate, & confusione. Quod aliter apparet in hominibus. Nam qui sunt debilioris intellectus, per universales conceptiones magis intelligentium non accipiunt perfectam cognitionem, nisi ei singula in speciali explicantur. Manifestum est autem inter substantias intellectuales secundum naturæ ordinem infimæ esse animas humanas. Hæc autem perfectio universi exigebat ut diversi gradus in rebus essent. Si igitur animæ humanæ sic essent institutæ a Deo ut intelligerent per modum qui competit substantiis separatis, non haberent cognitionem perfectam, sed confusam in communi. Ad hoc ergo quod perfectam, & propriam cognitionem de rebus habere possent, sic naturaliter sunt institutæ ut corporibus uniantur, & sic ab ipsis rebus sensibilibus propriam de eis cognitionem accipiant, sicut homines rudēs ad scientiam induci non possunt nisi per sensibilia exempla. Sic ergo patet quod propter melius animæ est ut corpori uniantur, & intelligat per conversionem ad phantasmata; & tamen esse potest separata, & alium modum intelligendi habere.

Ad primum ergo dicendum, quod si diligenter verba Philosophi discutiantur, Philosophus hoc dixit ex quadam suppositione prius facta (Lib. eod. text. 12.) scilicet quod intelligere sit quidam motus coniuncti, sicut & sentire. Nondum enim differentiam ostendebat inter intellectum, & sensum.

Vel potest dici, quod loquitur de illo modo intelligendi qui est per conversionem ad phantasmata.

De quo etiam procedit secunda ratio.

Ad tertium dicendum, quod anima separata non intelligit per species ionatas, nec per species quas tunc abstrahit, nec solum per species conservatas, ut obiectio probat; sed per species ex influentia divini luminis participatas, quarum anima fit particeps, sicut & alia substantia separata, quamvis inferiori modo. (2.) Unde tam cito cessante conversione ad corpus, ad superiora convertitur. Nec tamen propter hoc cognitio, vel potentia non est naturalis: quia Deus est auctor non solum influentiæ gratuiti luminis, sed etiam naturalis.

AR-

(2.) Ita Rom. edit. cum Paravolis, Niselinus: Unde quam cito cessat conversio ad corpus, ad superiora convertitur.

ARTICULUS II. 444

Utrum anima separata intelligat substantias separatas.

III. P. quæst. XI. art. 1. ad 2. & de anima art. 17. corp. fin. & ad 10. & art. 18. ad 17.

AD secundum sic proceditur. Videtur quod anima separata non intelligat substantias separatas. Perfectior enim est anima corpori coniuncta quam a corpore separata; cum anima sit naturaliter pars humanæ naturæ. Quælibet autem pars perfectior est in suo toto. Sed anima coniuncta corpori non intelligit substantias separatas, ut supra habitum est (quæst. lxxxviii. art. 1.) Ergo multo minus cum fuerit a corpore separata.

2. Præterea. Omne quod cognoscitur, vel cognoscitur per sui præsentiam, vel per suam speciem. Sed substantiæ separatae non possunt cognosci ab anima per suam præsentiam, quia nihil illabitur animæ nisi solus Deus; neque etiam per aliquas species quas anima ab Angelo abstrahere possit, quia Angelus simplicior est quam anima. Ergo nullo modo anima separata potest cognoscere substantias separatas.

3. Præterea. Quidam Philosophi posuerunt, in cognitione separatarum substantiarum consistere ultimam hominis felicitatem. Si ergo anima separata potest intelligere substantias separatas, ex sola sua separatione consequitur felicitatem: quod est inconveniens.

Sed contra est quod animæ separatae cognoscunt alias animas separatas, sicut dives in inferno posuit vidit Lazarum, & Abraham: Luc. xvi. Vident ergo & daemones, & Angelos animæ separatae.

Respondeo dicendum, quod, sicut Augustinus dicit in IX. de Trinit. (cap. xii.) *mens nostra cognitionem rerum incorporarum per seipsam accipit, id est cognoscendo seipsam, sicut supra dictum est* (quæst. lxxxviii. art. 1. ad 1.) Per hoc ergo quod anima separata cognoscit seipsam, accipere possumus, qualiter cognoscit alias res separatas. Dictum est autem (art. præc.) quod quamdiu anima corpori est unita, intelligit convertendo se ad phantasmata. Et ideo nec seipsam potest intelligere, nisi inquantum sit actu intelligens per speciem a phantasmatibus ab-

tractam: sic enim per actum suum intelligit seipsam, ut supra dictum est (quæst. lxxxviii. art. 1.) Sed cum fuerit a corpore separata, intelligit non convertendo se ad phantasmata, sed ad ea quæ sunt secundum se intelligibilia: unde seipsam per seipsam intelligit. Est autem commune omni substantiæ separatae quod intelligat id quod est supra se, & id quod est infra se, per modum suæ substantiæ. Sic enim intelligitur aliquid, secundum quod est in intelligente: est autem aliquid in altero per modum eius in quo est. Modus autem substantiæ animæ separatae est intra modum substantiæ angelicæ, sed est conformis modo aliarum (a) animarum separatarum: & ideo de aliis animabus separatis perfectam cognitionem habet, de Angelis autem imperfectam, & deficientem, loquendo de cognitione naturali animæ separatae. De cognitione autem gloriæ est alia ratio.

Ad primum ergo dicendum, quod anima separata est quidem imperfectior, si consideretur natura corporis; sed tamen quodammodo est liberior ad intelligendum, inquantum per gravedinem, & occupationem corporis a puritate intelligentiæ impeditur.

Ad secundum dicendum, quod anima separata intelligit Angelos per similitudines divinitus impressas; quæ tamen deficiunt a perfecta representatione eorum, propter hoc quod animæ natura est inferior quam Angeli.

Ad tertium dicendum, quod in cognitione substantiarum separatarum quantumcumque non consistit ultima hominis felicitas, sed (b) solius Dei, qui non potest videri nisi per gratiam. In cognitione vero aliarum substantiarum separatarum est magna felicitas, est non ultima, si tamen perfecte intelligantur. Sed anima separata naturali cognitione non perfecte eas intelligit, ut dictum est (in corp. art. 1.)

ARTICULUS III. 445

Utrum anima separata omnia naturalia cognoscatur.

De anima art. 17. corp. fin. & ad 19. & art. 18. & art. 20. corp. fin.

AD tertium sic proceditur. Videtur quod anima separata omnia naturalia

(a) Ita cod. Alcan. edit. Rom. & Patav. 1698. Cod. Camer. & ex eo Theologi Lovan. & Doussal. Nicolaus, & edit. Patav. 1612. Separatarum substantiarum. (b) Ita cod. Alcan. & edit. Rom. ad in solius Dei.

lia cognoscat. In substantiis enim separatis sunt rationes omnium rerum naturalium. Sed animæ separatæ cognoscunt substantias separatas. Ergo cognoscunt omnia naturalia.

2. Præterea. Qui intelligit magis intelligibile, multo magis potest intelligere minus intelligibile. Sed anima separata intelligit substantias separatas, quæ sunt (a) maxima intelligibilia. Ergo multo magis potest intelligere omnia naturalia, quæ sunt intelligibilia minus.

3. Sed contra. In dæmonibus magis viget naturalis cognitio quam in anima separata. Sed dæmones non omnia naturalia cognoscunt, sed multa addiscunt per longi temporis experientiam, ut Ildorus dicit (Lib. I. de sum. bon. cap. xii. §. 17.) Ergo neque animæ separatæ omnia naturalia cognoscunt.

4. Præterea. Si anima statim cum est separata, omnia naturalia cognosceret, frustra homines studerent ad rerum scientiam capestrandam. Hoc autem est inconveniens. Non ergo anima separata omnia naturalia cognoscit.

Respondeo dicendum, quod, sicut supra dictum est (art. 1. huius quæst. ad 3.) anima separata intelligit per species quas recipit ex influentia divini luminis, sicut & Angeli. Sed tamen quia natura animæ est infra naturam Angelis, cui iste modus cognoscendi est naturalis; anima separata per huiusmodi species non accipit perfectam rerum cognitionem, sed quasi in communi, & confusam. Sicut igitur se habent Angeli ad perfectam cognitionem rerum naturalium per huiusmodi species, ita animæ separatæ ad imperfectam, & confusam. Angeli autem per huiusmodi species cognoscunt cognitione perfecta omnia naturalia: quia omnia quæ Deus fecit in propriis naturis, fecit in intelligentia angelica, ut dicit Augustinus II. super Gen. ad lit. (cap. viii.) Unde & animæ separatæ de omnibus naturalibus cognitionem habent, non certam, & propriam, sed communem, & confusam.

Ad primum ergo dicendum, quod nec ipse Angelus per suam substantiam cognoscit omnia naturalia, sed per species quasdam, ut supra dictum est (quæst. lxxxviii. art. 1.) Et ideo non propter hoc sequitur quod anima cognoscat omnia naturalia, quia cognoscit substantiam separatam.

Ad secundum dicendum, quod sicut

anima separata non perfecte intelligit substantias separatas, ita nec omnia naturalia perfecte cognoscit, sed sub quadam confusione, ut dictum est (in corp. art.)

Ad tertium dicendum, quod Ildorus loquitur de cognitione futurorum, quæ nec Angeli, nec dæmones, nec animæ separatæ cognoscunt, nisi vel in suis causis, vel per revelationem divinam. Nos autem loquimur de cognitione naturali.

Ad quartum dicendum, quod cognitio quæ acquiritur hic per studium, est propria, & perfecta; alia autem est confusa. Unde non sequitur quod studium addiscendi sit frustra.

ARTICULUS IV. 446

Utrum anima separata cognoscat singularia.

IV. dist. xxx. quæst. v. art. 1. & ver. quæst. xix. art. 2. & de anima art. 5. & 20.

AD quartum sic proceditur. Videtur quod anima separata non cognoscat singularia. Nulla enim potentia cognoscitiva remanet in anima separata nisi intellectus, ut ex supra dictis patet (quæst. lxxvii. art. 8.) Sed intellectus non est cognoscitivus singularium, ut supra habitum est (quæst. lxxxvi. art. 1.) Ergo anima separata singularia non cognoscit.

1. Præterea. Magis est determinata cognitio qua cognoscitur aliquid in singulari, quam illa qua cognoscitur aliquid in universalis. Sed anima separata non habet aliquam determinatam cognitionem de speciebus rerum naturalium. Multo igitur minus cognoscit singularia.

3. Præterea. Si cognoscit singularia, & non per sensum, pari ratione omnia singularia cognoscit. Sed non cognoscit omnia singularia. Ergo nulla cognoscit.

Sed contra est quod dives in inferno positus dixit: *Habeo quinque fratres*, ut habetur Luc. xvi. 28.

Respondeo dicendum, quod animæ separatæ aliqua singularia cognoscunt, sed non omnia, etiam quæ sunt præsentia.

Ad cuius evidentiam considerandum est, quod duplex est modus intelligendi. Unus per abstractionem a phantasmatis: & secundum istum modum singularia per intellectum cognosci non possunt directe, sed indirecte, sicut supra dictum est (quæst. lxxxvi. art. 1.) Alius modus intelligendi est per influentiam specierum a Deo: & per istum modum

(a) Ita ed. & edit. cit. Al. maxime intelligibiles.

intellectus potest singularia cognoscere. Sicut enim ipse Deus per suam essentiam, inquantum est causa universalium, & individualium principiorum, cognoscit omnia & universalia, & singularia, ut supra dictum est (*quæst. xiv. art. 11.*) ita substantiæ separatæ per species, quæ sunt quædam participatæ similitudines illius divinæ essentiae, possunt singularia cognoscere.

In hoc tamen est differentia inter Angelos, & animas separatas: quia Angeli per huiusmodi species habent perfectam, & propriam cognitionem de rebus: animæ vero separatæ confusam. Unde Angeli propter efficaciam sui intellectus, per huiusmodi species non solum naturas rerum in speciali cognoscere possunt, sed etiam singularia sub speciebus contenta; animæ vero separatæ non possunt cognoscere per huiusmodi species nisi solum singularia illa ad quæ quodammodo determinantur vel per præcedentem cognitionem, vel per aliquam affectionem, vel per naturalem habitudinem, vel per divinam ordinationem: quia omne quod recipitur in aliquo, recipitur in eo per modum recipientis.

Ad primum ergo dicendum, quod intellectus per viam abstractionis non est cognoscitivus singularium. Sic autem anima separatæ non intelligit ea, sed sicut dictum est (*in corp. art.*)

Ad secundum dicendum, quod ad illorum species, vel individua cognitio animæ separatæ determinatur ad quæ anima separatæ habet aliquam determinatam habitudinem, sicut dictum est (*in corp.*)

Ad tertium dicendum, quod anima separatæ non se habet æqualiter ad omnia singularia sed ad quædam habet aliquam habitudinem quam non habet ad alia. Et ideo non est æqualis ratio ut omnia singularia cognoscat.

ARTICULUS V. 447

Utrum habitus scientiæ hic acquisitæ remaneat in anima separatæ.

1. 2. *quæst. lxxvii. art. 2. & lll. dist. xlii. quæst. 11. art. 4. & lV. dist. l. quæst. 11. art. 2. & lI. cont. cap. lxxix. fin. & quod. lll. quæst. vi. art. 1. & quod. xlii. art. 3. & 13.*

AD quintum sic proceditur. Videtur quod habitus scientiæ hic acquisitæ

non remaneat in anima separatæ. Dicit enim Apostolus I. ad Cor. xlii. 8.

Scientia destruetur.
3. Præterea. Quidam minus boni in hoc mundo scientia pollent, aliis magis bonis carentibus scientia. Si ergo habitus scientiæ permaneret etiam post mortem in anima, sequeretur quod aliqui minus boni etiam in futuro statu essent potiores aliquibus magis bonis: quod videtur inconveniens.

3. Præterea. Animæ separatæ habebunt scientiam per influentiam divini luminis. Si igitur scientia hic acquisita in anima separatæ remaneat, sequeretur quod duæ erunt formæ unius speciei in eodem subiecto: quod est impossibile.

4. Præterea. Philosophus dicit in Lib. Prædicam. (*in prædicam. qualitatibus*) quod *habitus est qualitas difficile mobilis*. Sed ab æritudine, vel ab aliquo huiusmodi quandoque corrumpitur scientia: sed nulla est ita fortis immutatio in hac vita, sicut immutatio quæ est per mortem. Ergo videtur quod habitus scientiæ per mortem corrumpatur.

Sed contra est quod Hieronymus dicit in epist. ad Paulinum *Discamus in terris, quorum scientia nobis perseveret in celo.*

Respondeo dicendum, quod quidam posuerunt, habitum scientiæ non esse in ipso intellectu, sed in viribus sensitivis, scilicet imaginativa, cogitativa, & memorativa; & quod species intelligibiles non conservantur in intellectu possibili. Et si hæc opinio vera esset, sequeretur quod destructo corpore, totaliter habitus scientiæ hic acquisitæ destrueretur.

Sed quia scientia est in intellectu, qui est *locus specierum*, ut dicitur in III. de Anima (*tex. 6.*) oportet quod habitus scientiæ hic acquisitæ partim sit in prædictis viribus sensitivis, & partim in ipso intellectu. Et hoc potest considerari ex ipsis actibus ex quibus habitus scientiæ acquiritur. Nam *habitus sunt similes actibus ex quibus acquiruntur*, ut dicitur in II. Ethic. (*cap. 1.*) Actus autem intellectus, ex quibus in præsentia vita scientia acquiritur, sunt per conversionem intellectus ad phantasmata, quæ sunt in prædictis viribus sensitivis. Unde per tales actus & ipsi intellectui possibili acquiritur facultas quædam ad considerandum per species susceptas, & in prædictis inferioribus viribus acquiritur quædam habilitas, ut facilius per conversionem ad ipsas intellectus possit intelligibilia speculari.

Sed sicut actus intellectus principaliter quidem, & formaliter est in ipso intellectu, materialiter autem, & dispositive in inferioribus viribus; ita etiam dicendum est de habitu. Quantum ergo ad id quod aliquis praesentis scientiae habet in inferioribus viribus, non remanebit in anima separata; sed quantum ad id quod habet in ipso intellectu, necesse est ut remaneat: quia, ut dicitur in Lib. de longitudine & brevitate vitae (cap. 11.) dupliciter corrumpitur aliqua forma: uno modo per se, quando corrumpitur a suo contrario, ut calidum a frigido; alio modo per accidens, scilicet per corruptionem subiecti. Manifestum est autem quod per corruptionem subiecti scientia quae est in intellectu humano, corrumpi non potest; cum intellectus sit incorruptibilis, ut supra ostensum est (quaest. lxxxix. art. 2. ad 2.) Similiter etiam nec per contrarium corrumpi possunt species intelligibiles quae sunt in intellectu possibili: quia intentioni intelligibilium nihil est contrarium, & praecipue quantum ad simplicem intelligentiam, qua intelligitur quod quid est. Sed quantum ad operationem qua intellectus componit, & dividit, vel etiam ratiocinatur, sic invenitur contrarietas in intellectu, secundum quod falsum in propositione, vel argumentatione est contrarium vero. Et hoc modo interdum scientia corrumpitur per contrarium, dum scilicet aliquis per falsam argumentationem abducitur a scientia veritatis. Et ideo Philosophus in Libro praedicto (loc. cit.) ponit duos modos, quibus scientia per se corrumpitur, scilicet per oblivionem ex parte memorativae, & deceptionem ex parte argumentationis falsae. Sed hoc non habet locum in anima separata. Unde dicendum est, quod habitus scientiae secundum quod est in intellectu, manet in anima separata.

Ad primum ergo dicendum, quod Apostolus non loquitur ibi de scientia quantum ad habitum, sed quantum ad cognitionis actum. Unde ad huius probationem inducit: *Nunc cognosco ex parte.*

Ad secundum dicendum, quod sicut secundum statum corporis aliquis minus bonus erit maior aliquo magis bono; ita nihil prohibet aliquem minus bonum habere aliquem scientiae habitum in futuro, quoniam non habet aliquis magis bonus. Sed tamen hoc quasi nullius momenti est in comparatione ad alias praerogativas, quam meliores habebunt.

Ad tertium dicendum, quod utraque scientia non est unius rationis. Unde nullum inconveniens sequitur.

Ad quartum dicendum, quod ratio illa procedit de corruptione scientiae quantum ad id quod est ex parte sensitivarum virium.

ARTICULUS VI. 448

Utrum actus scientia hic acquisita maneat in anima separata.

1. 2. *quaest. lxxvii. art. 2. & 111. dist. xi. quaest. 11. art. 4. cor. fin. & IV. dist. i. quaest. 1. art. 2. ad 2.*

AD sextum sic proceditur. Videtur quod actus scientiae hic acquisitae non maneat in anima separata. Dicit enim Philosophus in I. de Anima (text. 66.) quod corrupto corpore, anima neque reminiscitur, neque amat. Sed considerare ea quae prius novit, est reminisci. Ergo anima separata non potest habere actum scientiae quam hic acquisivit.

2. Praeterea. Species intelligibiles non erunt potentiores in anima separata quam sint in anima corpori unita. Sed per species intelligibiles non possumus modo intelligere, nisi convertendo nos super phantasmata, sicut supra habitum est (quaest. lxxxiv. art. 7.) Ergo nec anima separata hoc poterit; & ita nullo modo per species intelligibiles hic acquisitas anima separata intelligere poterit.

3. Praeterea. Philosophus dicit in II. Ethic. (cap. 1.) quod habitus similes actus reddunt actibus per quos acquiruntur. Sed habitus scientiae hic acquiruntur per actus intellectus convertentis se supra phantasmata. Ergo non potest alios actus reddere. Sed tales actus non competunt animae separatae. Ergo anima separata non habebit al. quem actum scientiae hic acquisitae.

Sed contra est quod Lucae xvi. 25. dicitur ad divitem in inferno positum: *Recordare quia recipisti bona in vita tua.*

Respondeo dicendum, quod in actu est duo considerare, scilicet speciem actus, & modum ipsius. Et species quidem actus consideratur ex obiecto, in quod actus cognoscitivae virtutis dirigitur per speciem, quae est obiecti similitudo; sed modus actus pensatur ex virtute agentis: sicut quod aliquis videat lapidem, contingit ex specie lapidis, quae est in oculo; sed quod acute videat, contingit ex virtute visiva oculi. Cum igitur species

Intelligibiles maneant in anima separata, sicut dictum est (art. præc.) status autem animæ separatæ non sit idem sicut modo est; sequitur quod secundum species intelligibiles hic acquisitas anima separata intelligere possit quæ prius intellexit; non tamen eodem modo, scilicet per conversionem ad phantasmata sed per modum convenientem animæ separatæ. Et ita manet quidem in anima separata actus scientiæ hic acquisitæ, sed non secundum eundem modum.

Ad primum ergo dicendum, quod Philosophus loquitur de reminiscencia, secundum quod memoria pertinet ad partem sensitivam, non autem secundum quod memoria est quodammodo in intellectu, ut dictum est (quaest. lxxxix. ar. 6.)

Ad secundum dicendum, quod diversus modus intelligendi non provenit ex diversitate specierum, sed ex diverso statu animæ intelligentis.

Ad tertium dicendum, quod actus per quos acquiritur habitus, sunt similes actibus quos habitus causant, quantum ad speciem actus, non autem quantum ad modum agendi. Nam operari iusta, sed non iusto, idest deestabiliter, causar habitum iustitiæ politicæ, per quem deestabiliter operamur.

ARTICULUS VII. 449

Utrum distantia localis impediat cognitionem animæ separatæ.

IV. dist. 1. quæst. 1. art. 4. & de anima q. 10. ad 3. & 4.

AD septimum sic proceditur. Videtur quod distantia localis impediat cognitionem animæ separatæ. Dicit enim Augustinus in Libro de cura pro mort. agenda (cap. xlii.) quod anima mortuorum ibi sunt ubi ea quæ hic sunt, scire non possunt. Sciunt autem ea quæ apud eos aguntur. Ergo distantia localis impedit cognitionem animæ separatæ.

2. Præterea. Augustinus dicit in Libro de divinatione demonum (cap. iv. & v.) quod demones propter celeritatem motus aliqua nobis ignota deveniunt. Sed agilitas motus ad hoc nihil faceret, si distantia localis cognitionem demonis non impediret. Multo igitur magis distantia localis impedit cognitionem animæ separatæ, quæ est interior secundum naturam quam demon.

3. Præterea. Sicut distat aliquid secundum locum, ita secundum tempus.

Sed distantia temporis impedit cognitionem animæ separatæ, non enim cognoscit futura. Ergo videtur quod etiam distantia secundum locum animæ separatæ cognitionem impedit.

Sed contra est quod dicitur Luc. xvi. 23. quod dives, cum esset in tormentis, elevans oculos suos, vidit Abraham a longe. Ergo distantia localis non impedit animæ separatæ cognitionem.

Respondeo dicendum, quod quidam posuerunt, quod anima separata cognosceret singularia abstrahendo a sensibilibus. Quod si esset verum, posset dici, quod distantia localis impediret animæ separatæ cognitionem. Requiretur enim quod vel sensibilia agerent in animam separatam, vel anima separata in sensibilia; & quantum ad utrumque requiretur distantia determinata.

Sed prædicta positio est impossibilis: quia abstractio specierum a sensibilibus fit mediante sensibus, & aliis potentiis sensitivis, quæ in anima separata actu non manent.

Intelligit autem anima separata singularia per influxum specierum ex divino lumine: quod quidem lumen æqualiter se habet ad propinquum, & distans. Unde distantia localis nullo modo impedit animæ separatæ cognitionem.

Ad primum ergo dicendum, quod Augustinus non dicit, quod propter hoc quod ibi sunt animæ mortuorum, ea quæ hic sunt, videre non possunt, ut localis distantia huius ignorantie causa esse credatur; sed hoc potest propter aliquid aliud contingere, ut infra dicitur (art. seq.)

Ad secundum dicendum, quod Augustinus ibi loquitur secundum opinionem illam qua aliqui posuerunt, quod demones habent corpora naturaliter sibi unita: secundum quam positionem etiam potentias sensitivas habere possunt, ad quarum cognitionem requiritur determinata distantia. Et hanc opinionem etiam in eodem Lib. (cap. xii. & xv.) Augustinus expresse tangit; licet hanc opinionem magis recitando quam asserendo tangere videatur, ut patet per ea quæ dicit XXI. Lib. de civ. Dei (cap. x.)

Ad tertium dicendum, quod futura, quæ distant secundum tempus, non sunt entia in actu: unde in seipsis non sunt cognoscibilia: quia sicut deficit aliquid ab entitate, ita deficit a cognoscibilitate. Sed ea quæ sunt distantia secundum locum, sunt entia in actu, & secundum se

se cognoscibilia. Unde non est eadem ratio de distantia loci, & de distantia temporis.

ARTICULUS VIII. 450

Utrum anima separata cognoscant ea quæ hic aguntur.

2. quæst. lxxxiii. art. 4. ad 2. & IV. dist. l. quæst. 111. & IV. & ver. quæst. viii. art. 11. ad 12. & de anima art. 20. ad 3.

AD octavum sic proceditur. Videtur quod animæ separatae cognoscant ea quæ hic aguntur. Nisi enim ea cognoscerent, de eis curam non haberent. Sed habent curam de his quæ hic aguntur, secundum illud Luc. xvi. 28. *Habeo quinque fratres, ut conversetur illis, ne & ipsi veniant in hunc locum tormentorum.* Ergo animæ separatae cognoscunt ea quæ hic aguntur.

2. Præterea. Frequenter mortui vivos apparent vel dormientibus, vel vigilantibus; & eos admonent de his quæ hic aguntur; sicut Samuel apparuit Sauli, ut habetur I. Reg. xxviii. Sed hoc non esset, si ea quæ hic sunt, non cognoscerent. Ergo ea quæ hic aguntur, cognoscunt.

3. Præterea. Animæ separatae cognoscunt ea quæ apud eas aguntur. Si ergo quæ apud nos aguntur, non cognoscerent, impediretur earum cognitio per localem distantiam: quod supra negatum est (art. præc.).

Sed contra est quod dicitur Iob xiv. 21. *Sive fuerint filii eius nobiles, sive ignobiles, non intelligit.*

Respondendo dicendum, quod secundum naturalem cognitionem, de qua nunc hic agitur, animæ mortuorum nesciunt quæ hic aguntur. Et huius ratio ex dictis accipitur potest (art. 4. huius quæst.). Quia anima separata cognoscit singularia per hoc quod quodammodo determinata est ad illa per vestigiū alicuius præcedentis cognitionis, seu affectionis, vel per ordinationem divinam. Animæ autem mortuorum secundum ordinationem divinam, & secundum modum essendi segregatae sunt a conversatione viventium, & coniunctæ conversationi spiritualium substantiarum, quæ sunt a corpore separatae: unde ea quæ apud nos aguntur, ignorant. Et hanc rationem assignat Gregorius in XII. Moralium (cap. xiv. in princ.) dicens: *Mortui, vita in carne viventium post eos qualiter disponatur, ne-*

sciunt: quia, vita spiritus longe est a vita carnis: & sicut corporea, atque incorporea diversa sunt genere, ita sunt distincta cognitione. Et hoc etiam Augustinus videtur tangere in Lib. de cura pro mortuis agenda (cap. xiii.) dicens, quod anima mortuorum rebus viventium non interfert.

Sed quantum ad animas beatorum videtur esse differentia inter Gregorium, & Augustinum. Nam Gregorius ibidem subdit: *Quod tamen de animalibus sanctis sciendum non est: quia quæ intus omnipotentis Dei claritatem vident, nullo modo credendum est, quod sit foris aliquid quod ignorent.* Augustinus vero in Lib. de cura pro mortuis agenda (cap. xiii. & xvi.) expresse dicit, quod nesciunt mortui, etiam sancti, quid agant vivi, & eorum filii: ut habetur in Glossa (interl. Augustini) super illud, *Abraham nescivi vos*, Ista. lxxiii. Quod quidem confirmat per hoc quod a matre sua non visitabatur, nec in tristitia consolabatur, sicut quando vivebat; nec est probabile ut sit facta vita feliciore crudelior: & per hoc quod Dominus promissit Iosæ Regi quod prius moreretur, ne videret mala quæ erant populo superventura, ut habetur IV. Reg. xxii.

Sed Augustinus hoc dubitando dicit: unde præmitit: *Ut volet, accipiat quisque quod dicam:* Gregorius autem assertive: quod patet per hoc quod dicit: *Nullo modo credendum est.*

Magis tamen videtur secundum sententiam Gregorii quod animæ sanctorum Deum videntes omnia præsentia, quæ hic aguntur, cognoscant. Sunt enim Angelis æquales: de quibus etiam Augustinus (eod. Lib. de cura pro mor. agen. cap. xv.) asserit, quod ea quæ apud vivos aguntur, non ignorant. Sed quia sanctorum animæ sunt perfectissime iustitiæ divinæ coniunctæ, nec tristantur, nec rebus viventium se ingerunt, nisi secundum quod iustitiæ divinæ dispositio exigit.

Ad primum ergo dicendum, quod animæ mortuorum possunt habere curam de rebus viventium, etiam si ignorent eorum statum; sicut nos habemus de mortuis, eis suffragia impendendo, quamvis eorum statum ignoremus. Possunt etiam facta viventium non per seipsos cognoscere, sed vel per animas eorum qui hinc ad eos accedunt, vel per Angelos, seu demones, vel etiam spiritu Dei revelante, sicut Augustinus in eodem Lib. dicit (cap. xv.)

Ad:

ARTICULUS I. 451

Ad secundum dicendum, quod hoc quod mortui viventibus apparent qualitercumque, vel contingit per specialem Dei dispensationem, ut animæ mortuorum rebus viventium intersint; & est inter divina miracula computandum: vel huiusmodi apparitiones sunt per operationes Angelorum bonorum, vel maiorum, etiam ignorantibus mortuis; sicut etiam vivi ignorantes aliis viventibus apparent in somnis, ut Augustinus dicit in Lib. prædicto (cap. x.) Unde & de Samuele dici potest, quod ipse apparuit per revelationem divinam, secundum hoc quod dicitur Eccli. xlv. 23. quod dormiebat, & non fecit Regi finem vite sue: vel illa apparitio fuit procurata per demones, sicut tamen Ecclesiastici auctoritas non recipiatur, propter hoc quod inter canonicas Scripturas apud Hebræos non habetur. (Ex Aug. ibid. cap. xv.)

Ad tertium dicendum, quod ignorantia huiusmodi non contingit ex locali distantia, sed propter causam prædictam (in corp. art.)

QUAESTIO XC.

*De prima hominis productione quantum ad animam,
in quatuor articulos divisa.*

DEinde considerandum est de prima hominis productione: & circa hoc consideranda sunt quatuor. Primo de productione ipsius hominis. Secundo de hinc productionis. Tertio de statu, & conditione hominis primo producti. Quarto de loco eius.

Circa productionem autem consideranda sunt tria. Primo de productione hominis quantum ad animam. Secundo quantum ad corpus viri. Tertio quantum ad productionem mulieris.

Circa primum quaeruntur quatuor.

Primo, utrum anima humana sit aliquid factum, vel sit de substantia ipsius Dei.

Secundo, supposito quod sit facta, utrum sit creata.

Tertio, utrum sit facta mediantibus Angelis.

Quarto, utrum sit facta ante corpus.

Utrum anima sit facta, vel sit de substantia Dei.

II. dist. xvii. quaest. 1. art. 1. & II. con. cap. lxxxiii. & opusc. II. cap. xcv. & cccxi.

AD primum sic proceditur. Videtur quod anima non sit facta, sed sit de substantia Dei. Dicitur enim Genes. 11. 7. *Formavit Deus hominem de limo terrae, & inspiravit in faciem eius spiraculum vitae, & factus est homo in animam viventem.* Sed ille qui spirat, aliquid a se mittit. Ergo anima, qua homo vivit, est aliquid de substantia Dei.

2. Præterea. Sicut supra habitum est (quaest. lxxv. artic. 5.) anima est forma simplex. Sed forma est actus. Ergo anima est actus purus, quod est solius Dei. Ergo anima est de substantia Dei.

3. Præterea. Quaecumque sunt, & nullo modo differunt, sunt idem. Sed Deus, & mens sunt, & nullo modo differunt: quia oporteret quod aliquibus differentiis differrent; & sic essent composita. Ergo Deus, & mens humana idem sunt.

Sed contra est quod Augustinus in Lib. III. de orig. animæ (cap. xv.) enumerat quædam quæ dicit esse multum, aperteque perversa, & fidei catholice adversa: inter quæ primum est quod quidam dixerunt, *Deum animam non de nihilo, sed de se ipso fecisse.*

Respondetur dicendum, quod dicere animam esse de substantia Dei, manifestam improbabilitatem continet. Ut enim ex dictis patet (quaest. lxxxix. art. 4. & quaest. lxxxiv. art. 6. & 7.) anima humana est quandoque intelligens in potentia, & scientiam quodammodo a rebus acquirit, & habet diversas potentias: quæ omnia aliena sunt a Dei natura, qui est actus purus, & nihil ab alio accipiens, & nullam in se diversitatem habens, ut supra probatum est (quaest. xii. art. 7. & quaest. xii. art. 1.)

Sed hic error principium habuisse videtur ex duabus positionibus antiquorum. Primi enim qui naturas rerum considerare inceperunt, imaginationem transcendere non valentes, nihil præter corpora esse posuerunt: & ideo Deum dicebant esse quoddam corpus, quod aliorum corporum indicabant esse principium. Et quia animam ponebant esse de natura illius corporis quod dicebant esse principium, ut dicitur in I. de Ani-

ma (tex. 20. & seq.) per consequens sequeretur quod anima esset de substantia Dei, luxta quam positionem etiam Manichæi Deum esse quamdam lucem corpoream existimantes, quamdam partem illius lucis animam esse posuerunt corpori alligatam. Secundo vero processum fuit ad hoc quod aliqui aliquid incorporeum esse apprehenderunt, non tamen a corpore separatum, sed corporis formam. Unde & Varro dixit, quod Deus est anima mundum intrinsece, vel motu, & ratione gubernans, ut Augustinus narrat VII. de civit. Dei (cap. vi.) Sic igitur illius totalis animæ partem aliqui posuerunt animam hominis, sicut homo, est pars totius mundi, non valentes intellegendi pertinere ad distinguendos spirituum substantiarum gradus, nisi secundum distinctiones corporum. Hæc autem omnia sunt impossibilia, ut supra probatum est (quæst. 111. art. 1. & 2.) Unde manifeste falsum est animam esse de substantia Dei.

Ad primum ergo dicendum, quod inspirare non est accipiendum corporaliter. Sed idem est Deum inspirare, quod spiritum facere; quamvis & homo corporaliter spirans non emitat aliquid de sua substantia, sed de natura extranea.

Ad secundum dicendum, quod anima etsi sit forma simplex secundum suam essentiam, non tamen est suum esse, sed est ens per participationem, ut ex supra dictis patet (quæst. lxxv. art. 5. ad 4.) Et ideo non est actus purus, sicut Deus.

Ad tertium dicendum, quod differens proprie acceptum aliquo differt: unde ibi queritur differentia ubi est convenientia. Et propter hoc oportet differentia esse composita quodammodo, cum in aliquo differant, & in aliquo conveniant. Sed secundum hoc, licet omne differens sit diversum, non tamen omne diversum est differens, ut dicitur in X. Metaph. (tex. 24. & 25.) Nam simplicia diversa sunt se ipsis, non autem differunt aliquibus differentiis, ex quibus componantur, sicut homo, & alius differunt rationali, & irrationali differentiis: de quibus non est dicere, quod ulterius aliis differentiis differant.

ARTICULUS II. 453

Utrum anima sit producta in esse per creationem.

Inf. quæst. cxxviii. art. 2. & II. dist. xxviii. quæst. 11. art. 1. & 2. & pr. quæst. 111. art. 9. & quod. ix. art. 11. & opus. 17. cap. xciii. cxxxii. cxxxix. & cccxx. & opus. xxviii. cap. v.

AD secundum sic proceditur. Videtur quod anima non sit producta in esse per creationem. Quod enim in se habet aliquid materiale, sit ex materia. Sed anima habet in se aliquid materiale, cum non sit actus purus. Ergo anima est facta ex materia: non ergo est creata.

2. Præterea. Omnis actus materiæ alicuius videtur educi de potentia materiæ: cum enim materia sit in potentia ad actum, actus quilibet præexistit in materia in potentia. Sed anima est actus materiæ corporalis, ut ex eius definitione apparet. Ergo anima educitur de potentia materiæ.

3. Præterea. Anima est forma quædam. Si igitur anima sit per creationem, pari ratione omnes aliæ formæ; & sic nulla forma exivit in esse per generationem: quod est inconveniens.

Sed contra est quod dicitur Genes. 1. *Creavit Deus hominem ad imaginem suam.* Est autem homo ad imaginem Dei secundum animam. Ergo anima exivit in esse per creationem.

Respondeo dicendum, quod anima rationalis non potest fieri nisi per creationem: quod non est verum de aliis formis.

Cuius ratio est, quia cum fieri sit via ad esse, hoc modo alicui competit fieri, sicut ei competit esse. Illud autem proprie dicitur esse quod ipsum habet esse: quasi in suo esse subsistens. Unde solæ substantiæ proprie & veræ dicuntur entia; accidens vero non habet esse, sed eo aliquid est, & hac ratione ens dicitur; sicut albedo dicitur ens, quia ea aliquid est album. Et propter hoc dicitur in VII. Metaph. (tex. 2. & 3.) quod *accidens dicitur magis ensi quam ensi*. Et eadem ratio est de omnibus aliis formis non subsistentibus: & ideo nulli formæ non subsistenti proprie convenit fieri; sed dicuntur fieri per hoc quod composita subsistentia sunt. Anima autem rationalis est forma subsistens, ut supra hæ-

habitu est (quaest. lxxv. art. 2.) unde sibi proprie competit esse, & fieri. Et quia non potest fieri ex materia praeparata, neque corporali, quia sic esset naturae corporeae, neque spirituali, quia sic substantiae spirituales invicem transmutarentur; necesse est dicere, quod non fiat nisi per creationem.

Ad primum ergo dicendum, quod in anima est, sicut materiale, ipsa simplex essentia; formale autem in ipsa est esse participatum, quod quidem ex necessitate simul est cum essentia animae, quia esse per se consequitur ad formam. Et eadem ratio esset, si poneretur composita ex quadam materia spirituali, ut quidam dicunt: quia illa materia non est in potentia ad aliam formam, sicut nec materia caelestis corporis: alioquin anima esset corruptibilis. Unde nullo modo anima potest fieri ex materia praeparata.

Ad secundum dicendum, quod actum extrahi de potentia materiae nihil aliud est quam aliquid fieri actu quod prius erat in potentia. Sed quia anima rationalis non habet esse suum dependens a materia corporali, sed habet esse subsistens, & excedit capacitatem materiae corporalis, ut supra dictum est (quaest. lxxv. art. 1.) propterea non educitur de potentia materiae.

Ad tertium dicendum, quod non est simile de anima rationali, & de aliis formis, ut dictum est (in corp. art.)

ARTICULUS III. 453

Utrum anima rationalis sit producta a Deo immediate.

Locus supra art. 2. motus.

AD tertium sic proceditur. Videtur quod anima rationalis non sit producta a Deo immediate, sed mediantibus Angelis. Maior enim ordo in spiritualibus est quam in corporalibus. Sed corpora inferiora producuntur per corpora superiora, ut Dionysius dicit iv. cap. de divin. Nomin. (part. 1. aliquant. ante fin. lect. 2. & 3.) Ergo & inferiores spiritus, qui sunt animae rationales, producuntur per spiritus superiores, qui sunt Angeli.

2. Praeterea. Finis rerum respondet principio: Deus enim est principium, & finis rerum. Ergo & exitus rerum a principio respondet reductioni rerum in

S. Th. Oper. Tom. XX.

(2) Codi. Alex. & Nicelains habitum est i

finem. Sed infima reducuntur per prima, ut Dionysius dicit (cap. v. eccl. Hierar. part. 1.) Ergo & infima procedunt in esse per prima, scilicet animae per Angelos.

3. Praeterea. Perfectum est quod potest sibi simile facere, ut dicitur in V. Metaph. (tex. 21.) Sed spirituales substantiae sunt multo magis perfectae quam corporales. Cum ergo corpora faciant sibi similia secundum speciem, multo magis Angeli poterunt facere aliquid infra se, secundum speciem naturae, scilicet animam rationalem.

Sed contra est quod dicitur Gen. 11. 8. quod Deus ipse inspiravit in faciem hominis spiraculum vitae.

Respondendo dicendum, quod quidam ponunt, quod Angeli, secundum quod operantur in virtute Dei, causant animas rationales. Sed hoc est omnino impossibile, & a fide alienum. Ostensum est enim (art. praec.) quod anima rationalis non potest produci nisi per creationem. Solus autem Deus potest creare: quia solius primi agentis est agere, nullo praesupposito; cum semper agens secundum praesupponat aliquid a primo agente, ut supra habitum est (quaest. lxxv. art. 3.) Quod autem agit aliquid ex aliquo praesupposito, agit transmutando: & ideo nullum aliud agens agit nisi transmutando, sed solus Deus agit creando. Et quia anima rationalis non produciatur per transmutationem alicuius materiae, ideo non potest produci nisi a Deo immediate.

Et per hoc patet solutio ad obiecta. Nam quod corpora causant vel sibi similia, vel inferiora, & quod superiora reducunt inferiora, totum hoc provenit per quandam transmutationem.

ARTICULUS IV. 454

Utrum anima humana fuerit producta ante corpus.

Inf. quaest. cxviii. art. 3. & III. P. quaest. vii. art. 3. & 4. & III. dist. xvii. quaest. 2. art. 2. & cont. Lib. II. cap. lxxxii. & pos. quaest. lxi. art. 10.

AD quartum sic proceditur. Videtur quod anima humana fuerit producta ante corpus. Opus enim creationis praecessit opus distinctionis, & ornatus, ut supra (a) dictum est (quaest. lxxv. & lxx.) Sed anima producta est in esse per

N n crea-

creationem, ut supra habitum est (art. 2. huius quæst.) corpus autem factum est in fine ornatus. Ergo anima hominis producta est ante corpus.

2. Præterea. Anima rationalis magis convenit cum Angelis, quam cum animalibus brutis. Sed Angeli creati fuerunt ante cornora, vel statim a principio cum corporali materia; corpus autem hominis formatum est sexto die, quando & bruta animalia sunt producta. Ergo anima hominis fuit creata ante corpus.

3. Præterea Finis proportionatur principio. Sed anima in fine remanet post corpus. Ergo & in principio fuit creata ante corpus.

Sed contra est quod *alius proprius sit in potentia propria*. Cum ergo anima sit proprius actus corporis, anima producta est in corpore.

Respondeo dicendum, quod Origenes (Lib. I. Periar. cap. VII. & VIII.) posuit non solum animam primi hominis, sed animas omnium hominum ante corpora simul cum Angelis creatas, propter hoc quod credit, omnes spirituales substantias, tam animas, quam Angelos, æquales esse secundum suæ naturæ conditionem, sed solum merito distare; sic quod quedam earum corporibus alligantur (quæ sunt animæ hominum, vel celestium corporum) quedam vero in sui puritate secundum diversos ordines remanent. De qua opinione supra iam diximus (quæst. XLVII. art. 2.) & ideo relinquatur ad præsens.

Augustinus vero in VII. super Gen. ad lit. (cap. XXIV.) dicit, quod anima primi hominis ante corpus cum Angelis est creata, ob aliam rationem, quia scilicet ponit quod corpus hominis in illis operibus sex dierum non fuit productum in actu, sed solum secundum causales rationes: quod non potest de anima dici, quia nec ex aliqua materia corporali, aut spirituali præexistente facta fuit, nec ex aliqua virtute creata produci potuit. Et ideo videtur quod ipsamet anima in operibus sex dierum, in quibus omnia facta fuerunt, simul cum Angelis fuerit creata, & quod postmodum propria voluntate inclinata fuit ad corpus ad vivendum. Sed hoc non dicit asserendo, ut eius verba demonstrant: dicit enim (loco cit. cap. XXIX.) *Credatur, si nulla Scripturarum auctoritas, seu veritatis ratio contradicat, hominem ita factum sexto die, ut corporis quidem humani ratio causalis in*

elementis mundi esset, anima vero iam ipsa crearetur.

Potest autem utique hoc tolerari secundum eos qui ponunt quod anima habet per se speciem, & naturam completam; & quod non unitur corpori ut forma, sed solum ad ipsum administrandum. Si autem anima unitur corpori ut forma, & est naturaliter pars humanæ naturæ, hoc omnino esse non potest. Manifestum est enim quod Deus primas res instituit in perfecto statu sue naturæ, secundum quod uniuscuiusque rei species exigebat. Anima autem, cum sit pars humanæ naturæ, non habet naturam perfectionem, nisi secundum quod est corpori unita. Unde non fuisset conveniens animam sine corpore creari.

Sustinendo ergo opinionem Augustini de operibus sex dierum, dici poterit, quod anima humana præcessit in operibus sex dierum secundum quandam similitudinem generis, prout convenit cum Angelis in intellectuallī natura; ipsa vero fuit creata simul cum corpore. Secundum alios vero Sanctos tam anima, quam corpus primi hominis in operibus sex dierum sunt producta.

Ad primum ergo dicendum, quod si natura animæ haberet integram speciem, ita quod secundum se crearetur, ratio illa procederetur, ut per se in principio crearetur. Sed quia naturaliter est forma corporis, non fuit seorsum creanda, sed debuit creari in corpore.

Et similiter est dicendum ad secundum. Nam anima, si per se speciem haberet, magis conveniret cum Angelis; sed in quantum est forma corporis, pertinet ad genus animalium ut formale principium.

Ad tertium dicendum, quod animam remanere post corpus accidit per defectum corporis, qui est mors: qui quidem defectus in principio creationis animæ esse non debuit.

QUAESTIO XCI.

Deinde considerandum est de productione corporis primi hominis: & circa hoc quaeruntur quatuor.

Primo de materia ex qua productum est.

Secundo de auctore a quo productum est.

Tertio de dispositione quæ ei per productionem est attributa.

Quarto de modo, & ordine productionis ipsius.

A R-

ARTICULUS I. 455

Utrum corpus primi hominis sit de limo terræ.

II. dist. xvii. quest. 1. art. 1. ad 5. et art. 3. ad 2. et dist. III. quest. II. art. 2. cor. et ad 4.

AD primum sic proceditur. Videtur quod corpus primi hominis (a) non sit factum de limo terræ. Maioris enim virtutis est facere aliquid ex nihilo quam ex aliquo: quia plus distat ab actu non ens quam ens in potentia. Sed cum homo sit dignissima creaturarum inferiorum, decuit ut virtus Dei maxime ostenderetur in productione corporis eius. Ergo non debuit fieri ex limo terræ, sed ex nihilo.

2. Præterea. Corpora cælestia sunt nobiliora terrenis. Sed corpus humanum habet maximam nobilitatem, cum perficiatur a nobilissima forma, quæ est anima rationalis. Ergo non debuit fieri de corpore terrestri, sed magis de corpore cælesti.

3. Præterea. Ignis, & aer sunt nobiliora corpora quam terra, & aqua: quod ex eorum subtilitate apparet. Cum igitur corpus humanum sit dignissimum, magis debuit fieri ex igne, & ex aere, quam ex limo terræ.

4. Præterea. Corpus humanum est compositum ex quatuor elementis. Non ergo est factum ex limo terræ, sed ex omnibus elementis.

Sed contra est quod dicitur Genes. II. 7. *Formavit Deus hominem de limo terræ.*

Respondendum dicendum, quod cum Deus perfectus sit in operibus suis, perfectionem dedit omnibus secundum eorum modum, secundum illud Deut. xxxii. 4. *Dei perfecta sunt opera.* Ipse autem simpliciter perfectus est ex hoc quod omnia in se præhabet, non per modum compositionis, sed simpliciter, & unite, ut Dionysius dicit (cap. v. de div. Nom. lect. 4.) eo modo quo diversi effectus præexistunt in causa secundum eius virtutem unam. Ista autem perfectio ad Angelos quidem derivatur, secundum quod omnia sunt in eorum cognitione quæ sunt a Deo in natura producta per formas diversas; ad hominem vero derivatur inferiori modo huiusmodi perfectio: non enim in sua cognitione naturali habet omnium naturalium notitiam; sed est ex rebus omnibus quodammodo compositus, dum de genere spiritualium substantiarum habet in-

se animam rationalem; de similitudine vero cælestium corporum habet elongationem a contrariis per maximam æqualitatem complexionis; elementa vero secundum substantiam; ita tamen quod superiora elementa prædominantur in eo secundum virtutem, scilicet ignis, & aer, quia vita præcipue consistit in calido, quod est ignis, & humido, quod est aeris: inferiora vero elementa abundant in eo secundum substantiam. Aliter enim non posset esse mixtionis æqualitas, nisi inferiora elementa, quæ sunt minoris virtutis, secundum quantitatem in homine abundarent. Et ideo dicitur corpus hominis de limo terræ formatum, quia limus dicitur terra aquæ permixta. Et propter hoc homo dicitur minor mundus, quia omnes creature mundi quodammodo inveniuntur in eo.

Ad primum ergo dicendum, quod virtus Dei creantis manifestata est in corpore hominis, dum eius materia est per creationem producta. Oportuit autem ut ex materia quatuor elementorum fieret corpus humanum, ut homo haberet convenientiam cum inferioribus corporibus, quasi medium quoddam existens inter spirituales, & corporales substantias.

Ad secundum dicendum, quod quavis corpus cæleste sit simpliciter nobilior terrestri corpore, tamen quantum ad actus animæ rationalis est minus conveniens. Nam anima rationalis accipit notitiam veritatis quodammodo per sensus; quorum organa formari non possunt ex corpore cælesti, cum sit impossibile. Nec est verum quod quidam dicunt, aliquid de quinta essentia materialiter ad compositionem humani corporis advenire, ponentes, animam uniri corpori mediante quadam luce. Primo enim falsum est quod dicunt, lucem esse corpus. Secundo vero impossibile est aliquid de quinta essentia, vel de corpore cælesti dividi, vel elementis permisceri, propter cælestis corporis impassibilitatem. Unde non venit in compositionem mixtorum corporum: nisi secundum suæ virtutis effectum.

Ad tertium dicendum, quod si ignis, & aer, quæ sunt maioris virtutis in agendo, etiam secundum quantitatem in compositione humani corporis abundarent, omnino ad se traherent alia; & non posset fieri æqualitas mixtionis; quæ est necessaria in compositione hominis ad bonitatem sensus tactus, qui est

N n 2 inn-

(a) Ita cod. Alcan. aliquæ cum Narsio. Al. non sit de limo terræ.

fundamentum sensuum aliorum. Oportet enim organum cuiuslibet sensus non habere in actu contraria, quorum sensus est perceptivus, sed in potentia tantum: vel ita quod omnino careat toto genere contrariorum, sicut pupilla caret colore, ut sit in potentia ad omnes colores; quod in organo tactus non erat possibile, cum sit compositum ex elementis, quorum qualitates percipit tactus: vel ita quod organum sit medium inter contraria, ut necesse est in tactu accidere. Medium enim est in potentia ad extrema.

Ad quartum dicendum, quod in limo terræ est terra, & aqua conglutinans partes (a) terræ. De aliis autem elementis Scriptura mentionem non fecit: tum quia minus abundante secundum quantitatem in corpore hominis, ut dictum est (in corp. art.) tunc etiam quia in tota rerum productione, de igne, & aere, quæ sensu non percipiuntur a rudibus, mentionem non fecit Scriptura, quæ rudi populo tradebatur.

ARTICULUS II. 456

Utrum corpus humanum sit immediate a Deo productum.

Inf. quæst. xcii. art. 4.

AD secundum sic proceditur. Videtur quod corpus humanum non sit immediate a Deo productum. Dicit enim Augustinus in III. de Trinit. (cap. xv.) quod corporalia disponuntur a Deo per angelicam creaturam. Sed corpus humanum formatum fuit ex materia corporali, ut dictum est (art. præc.) Ergo debuit produci mediantibus Angelis, & non immediate a Deo.

1. Præterea. Quod fieri potest virtute creata, non est necessarium quod immediate producat a Deo. Sed corpus humanum produci potest per virtutem creatam celestis corporis: nam & quedam animalia ex putrefactione generantur per virtutem activam corporis celestis; & Albumazar dicit, quod in locis, in quibus nimis abundat calor, aut frigus, homines non generantur, sed in locis temperatis tantum. Ergo non oportuit quod immediate corpus humanum formaretur a Deo.

2. Præterea. Nihil fit ex materia corporali nisi per aliquam materiam transmutationem. Sed omnis transmutatio corporalis causatur ex motu celestis corpo-

ris, qui est primus motuum. Cum igitur corpus humanum sit productum ex materia corporali, videtur quod ad eius formationem aliquid operatum fuerit corpus celeste.

4. Præterea. Augustinus dicit VII. super Gen. ad litt. (cap. xxiv.) quod homo factus est secundum corpus in operibus sex dierum, secundum causales rationes, quas Deus inseruit creaturæ corporali; postmodum vero fuit formatum in actu. Sed quod præexistit in corporali creatura secundum causales rationes, per aliquam virtutem corpoream produci potest. Ergo corpus humanum productum est aliqua virtute creata, & non immediate a Deo.

Sed contra est quod dicitur Eccli. xviii. 1. *Deus de terra creavit hominem.*

Respondeo dicendum, quod prima formatio humani corporis non potuit esse per aliquam virtutem creatam, sed immediate a Deo.

Posuerunt siquidem aliqui, formam quæ sunt in materia corporali, a quibusdam formis immaterialibus derivari.

Sed hanc opinionem refellit Philosophus in VII. Metaph. (text. 25. 27. & 32.) per hoc quod formis non competit per se fieri, sed composito, ut supra expositum est (quæst. lxxv. art. 4. & quæst. xc. art. 2.) Et quia oportet agens esse simile factis, non convenit quod forma pura, quæ est sine materia, producat formam quæ est in materia, quæ non fit nisi per hoc quod compositum sit. Et ideo oportet quod forma quæ est in materia, sit causa formæ quæ est in materia secundum quod compositum a composito generatur. Deus autem, quantvis omnino sit immaterialis, tamen solus est qui sua virtute materia producere potest creando. Unde ipsius solius est formam producere in materia absque adminiculo præcedentis formæ materialis. Et propter hoc Angeli non possunt transmutare corpora ad formam aliquam, nisi adhibitis seminibus omnibusque, ut Augustinus dicit in III. de Trinit. (cap. ix.) Quia igitur corpus humanum nunquam formatum fuerat, cuius virtute per viam generationis aliud simile in specie formaretur, necesse fuit quod primum corpus hominis immediate formaretur a Deo.

Ad primum ergo dicendum, quod ceteri Angeli aliquod ministerium Deo exhibent in his quæ circa corpora operantur, aliqua tamen Deus in creatura corporea facit

(a) Ita c. d. Alcan. cum edit. Pat. Nicolai edit. Rom. aliæque textæ, & æquæ.

et quæ nullo modo Angeli facere possunt, sicut quod suscitatur mortuos, & illuminat cæcos : secundum quam virtutem etiam corpus primi hominis de limbo terræ formavit. Potuit tamen fieri ut aliquid ministerium in formatione corporis primi hominis Angeli exhiberent, sicut exhibebunt in ultima resurrectione, pulveres colligendo.

Ad secundum dicendum, quod animalia perfecta, quæ generantur ex semine, non possunt generari per solam virtutem cælestis corporis, ut Avicenna fingit; licet ad eorum generationem naturalem cooperetur virtus cælestis corporis, prout Philosophus dicit in II. Phys. (tex. 26.) quod *homo generat hominem ex materia*, & Sol. Et exinde est quod exigitur locus temperatus ad generationem hominum, & aliorum animalium perfectiorum. Sufficit autem virtus cælestium corporum ad generandum quædam animalia imperfectiora ex materia disposita. Manifestum est enim quod plura requiruntur ad productionem rei perfectæ quam ad productionem rei imperfectæ.

Ad tertium dicendum, quod motus cæli est causa transmutationum naturalium, non tamen transmutationum quæ sunt præter naturæ ordinem, & sola virtute divina, sicut quod mortui resuscitantur, quod cæci illuminantur: quibus est simile, quod homo ex limbo terræ formatur.

Ad quartum dicendum, quod secundum rationes causales in creaturis dicitur aliquid præexistere dupliciter. Uno modo secundum potentiam activam, & passivam, ut non solum ex materia præexistente fieri possit, sed etiam ut aliqua præexistens creatura hoc facere possit. Alio modo secundum potentiam passivam tantum, ut scilicet de materia præexistente fieri possit a Deo: & hoc modo secundum Augustinum corpus hominis præexistit in operibus productis, secundum causales rationes.

ARTICULUS III. 457

Utrum corpus hominis habeatur convenientem dispositionem.

2. 2. quæst. lxxiv. art. 2. ad 1. & mal. quæst. v. art. 3. cor. & de anima art. 8.

AD tertium sic proceditur. Videtur quod corpus hominis non habuerit convenientem dispositionem. Cum enim

S. Tb. Oper. Tom. XX.

homo sit nobilissimum animalium, corpus hominis debuit esse dispositum optime ad ea quæ sunt propria animalis, scilicet ad sensum, & motum. Sed quædam animalia inveniuntur acutioris sensus quam homo, & velocioris motus, sicut canes melius odorant, & aves velocius moventur. Ergo corpus hominis non est convenienter dispositum.

2. Præterea. Perfectum est cui nihil deest. Sed plura desunt humano corpori quam corporibus aliorum animalium, quæ habent tegumenta, & arma naturalia ad sui protectionem, quæ homini desunt. Ergo corpus humanum est imperfectissime dispositum.

3. Præterea. Homo plus distat a plantis quam ab animalibus brutis. Sed plantæ habent staturam rectam, animalia autem bruta pronam. Ergo homo non debuit habere staturam rectam.

Sed contra est quod dicitur Eccl. vii. 30. *Deus fecit hominem rectum.*

Respondeo dicendum, quod omnes res naturales productæ sunt ab arte divina: unde sunt quodammodo artificiatæ ipsius Dei. Quilibet autem artifex intendit suo operi dispositionem optimam inducere, non simpliciter, sed per comparisonem ad finem. Et si talis dispositio habet se cum adiunctum aliquem defectum, artifex non curat: sicut artifex qui facit ferram ad secandum, facit eam ex ferro, ut sit idonea ad secandum; nec curat eam facere ex vitro, quæ est pulchrior materia, quia talis pulchritudo esset impedimentum finis. Sic igitur Deus unicuique rei naturali dedit optimam dispositionem, non quidem simpliciter, sed secundum ordinem ad proprium finem: & hoc est quod Philosophus dicit in II. (Physic. (tex. 74.)) *Et quia dignius est sic, non tamen simpliciter, sed ad utriusque substantiam.* Finis autem proximus humani corporis est anima rationalis, & operationes ipsius. Materia enim est propter formam, & instrumenta propter actiones agentis. Dico ergo, quod Deus instituit corpus humanum in optima dispositione secundum convenientiam ad talem formam, & ad tales operationes.

Et si aliquis defectus in dispositione humani corporis esse videtur, considerandum est, quod talis defectus sequitur ex necessitate materie ad ea quæ requiruntur in corpore, ut sit debita proportio ipsius ad animam, & ad animæ operationes.

Nn 3

Ad

Ad primum ergo dicendum, quod talis, qui est fundamentum aliorum sensuum, est perfectior in homine quam in aliquo alio animali. Et propter hoc oportuit quod homo haberet temperatissimam complexionem inter omnia animalia. Praecepit etiam homo omnia alia animalia quantum ad vires sensitivas interiores, sicut ex supradictis apparet (quaest. lxxviii. art. 4.) Ex quadam autem necessitate contingit quod quantum ad aliquos exteriores sensus homo ab aliis animalibus deficiat, sicut homo inter omnia animalia habet pessimum olfactum. Necessarium enim fuit quod homo inter omnia animalia respectu sui corporis haberet maximum cerebrum: tum ut liberius in eo perferrentur operationes interiorum virium sensitivarum, quae sunt necessariae ad intellectus operationem, ut supradictum est (quaest. lxxxv. art. 7.) tum etiam ut frigiditas cerebri temperaret calorem cordis, quem necesse est in homine abundare, ad hoc quod homo sit rectus staturae. Magnitudo autem cerebri propter eius humiditatem est impedimentum olfactus, qui requirit siccitatem. Et similiter potest assignari ratio quare quaedam animalia sunt acutioris visus, & subtilioris auditus quam homo, propter impedimentum horum sensuum, quod necesse est consequi in homine ex perfecta complexionis aequalitate. Et eadem etiam ratio est assignanda de hoc quod quaedam animalia sunt homine velociora: cui excellentiae velocitatis repugnat aequalitas humanae complexionis.

Ad secundum dicendum, quod cornua, & ungulae, quae sunt quorundam animalium arma, & spissitudo corii, & multitudo pilorum, ac plumarum, quae sunt tegumenta animalium, attestantur abundantiae terrestriis elementis, quae repugnat aequalitati, & teneritudini complexionis humanae: & ideo haec homini non competeant. Sed loco horum habet rationem, & manus, quibus potest parere sibi arma, & tegumenta, & alia vitae necessaria, infinitis modis: unde & magis in III. de Anima (tex. 38.) dicitur *organum organorum*. Et hoc etiam magis competeat rationali naturae, quae est infinitarum conceptionum, ut haberet facultatem infinita instrumenta sibi parandi.

Ad tertium dicendum, quod habere staturam rectam conveniens fuit homini propter quatuor.

Primo quidem quia sensus sunt dan-

thomini non solum ad vitae necessariae procuranda, sicut aliis animalibus, sed etiam ad cognoscendum. Unde cum cetera animalia non delectentur in sensibilibus nisi per ordinem ad cibos, & venerea, solus homo delectatur in ipsa pulchritudine sensibilibus secundum seipsum. Et ideo quia sensus praecipue vigent in facie, alia animalia habent faciem pronam ad terram, quasi ad cibum quaerendum, & providendum sibi de victu; homo vero habet faciem erectam, ut per sensus, & praecipue per visum, qui est subtilior, & plures differentias rerum ostendit, libere possit ex omni parte sensibilia cognoscere & caelestia, & terrena, ut ex omnibus intelligibilem colligat veritatem.

Secundo ut interiores vires liberius suas operationes habeant; dum cerebrum, in quo quodammodo perficiuntur, non est depressum, sed super omnes partes corporis elevatum.

Tertio quia oportet, si homo haberet pronam staturam, quod uteretur manibus loco anteriorum pedum; & sic utilitas manuum ad diversa opera perficienda cessaret.

Quarto quia si haberet pronam staturam, & uteretur manibus loco anteriorum pedum, oportere quod cibum caperet ore; & ita haberet os oblongum, & labia dura, & grossa, & linguam etiam duram, ne ab exterioribus laederetur, sicut patet in aliis animalibus: & talis dispositio omnino impediret locutionem, quae est proprium opus rationis. Et tamen homo staturam rectam habens maxime distat a plantis. Nam homo habet superius sui, idest caput, versus superius mundi, & inferius sui versus inferius mundi: & ideo est optime dispositus secundum dispositionem totius. Plantae vero habent superius sui versus inferius mundi (nam radices sunt ori proportionales,) inferius autem sui versus superius mundi. Animalia vero bruta medio modo: nam superius animalis est pars qua accipit alimentum, inferius autem est pars qua emitte superfluum.

ARTICULUS IV. 458

Utrum convenienter corporis humani productio
in Scriptura describatur.

Sup. quæst. lxxii. art. unic. corp. fin. 10
ad 3. 10 4

AD quartum sic proceditur. Videtur
quod inconvenienter corporis huma-
ni productio in Scriptura describatur.
Sicut enim corpus humanum est factum
a Deo, ita & alia opera sex dierum.
Sed in aliis operibus dicitur: *Dixit Deus,
Fiat, & factum est*. Ergo similiter dici
debet de hominis productione.

2. Præterea. Corpus humanum a Deo
immediate est factum, ut supra dictum
est (art. 2. huius quæstionis). Ergo incon-
venienter dicitur: *Faciamus hominem*.

3. Præterea. Forma humani corporis
est ipsa anima, quæ est spiraculum vi-
tæ. Inconvenienter ergo, postquam dixit
rat, *Formavit Deus hominem de limbo terre*,
subiunxit: *Et inspiravit in faciem eius spiracu-
lum vitæ*.

4. Præterea. Anima, quæ est spiracu-
lum vitæ, est in toto corpore, & prin-
cipaliter in corde. Non ergo debuit di-
cere, quod *inspiravit in faciem eius spiracu-
lum vitæ*.

5. Præterea. Sexus masculinus, & fe-
mininus pertinent ad corpus, imago vero
Dei ad animam. Sed anima secundum
Augustinum (Lib. VII. sup. Gen. ad lit.
cap. xxiv.) (a) fuit facta ante corpus. In-
convenienter ergo, cum dixisset, *Ad
imaginem suam fecit illum*, addidit: *Masculi-
num & feminam creavit eum*.

In contrarium est auctoritas Scriptu-
ræ.

Respondeo dicendum ad primum, quod,
sicut Augustinus dicit in VI. super Gen.
ad lit. (cap. xii.) non in hoc præemi-
net homo alibi rebus quod Deus fecit ip-
sum hominem, quasi alia ipse non fe-
cerit, cum scriptum sit (Plal. cr. 20.)
Opera manuum tuarum sunt celi; & alibi
(Plal. xciv. 5.) *Aridam fundaverunt ma-
nus eius*; sed in hoc quod ad imaginem
Dei factus est homo. Uteitur tamen Scri-
ptura in productione hominis speciali
modo loquendi, ad ostendendum quod
alia propter hominem facta sunt. Ea enim
quæ principaliter intendimus, cum ma-
iori deliberatione, & studio consuevi-
mus facere.

Ad secundum dicendum, quod non est

intelligendum, Deum Angelis dixisse,
Faciamus hominem, ut quidam perversi in-
tellexerunt. Sed hoc dicitur ad signan-
dam pluralitatem divinarum personarum,
quarum imago expressus invenitur in
homine.

Ad tertium dicendum, quod quidam
intellexerunt corpus hominis prius tem-
pore formatum, & postmodum Deum for-
mato iam corpori animam infudisse.

Sed contra rationem perfectionis pri-
mæ institutionis rerum est quod Deus
vel corpus sine anima, vel animam sine
corpore fecerit; cum utrumque sit pars
humanæ naturæ. Et hoc etiam est ma-
gis inconveniens de corpore, quod depen-
det ex anima, & non e converso.

Et ideo ad hoc excludendum quidam
posuerunt, quod, cum dicitur, *Formavit
Deus hominem*, intelligitur productio cor-
poris, simul cum anima: quod autem additur,
Et inspiravit in faciem eius spiraculum vitæ,
intelligitur de Spiritu sancto; sicut &
Dominus insufflavimus in Apostolos, dicens
(Ioan. xx. 22.) *Accipite Spiritum san-
ctum*.

Sed hæc expositio, ut dicit Augusti-
nus in Lib. XIII. de civitate Dei (cap.
xxiv.) excluditur per verba Scripturæ:
nam subditur ad prædicta: *Et factus est
homo in animam viventem*; quod Apostolus
I. ad Cor. xv. non ad vitam spirituales,
sed ad vitam animalem refert.

Per spiraculum ergo vitæ intelligitur
anima; ut sic quod dicitur, *Inspiravit in
faciem eius spiraculum vitæ*, sit quasi expo-
sitionis eius: quod præmiserat: nam anima
est corporis forma.

Ad quartum dicendum, quod quia o-
perationes vitæ magis manifestantur in
facie hominis propter sensus ibi existen-
tes, ideo dicit, in faciem hominis in-
spiratum esse spiraculum vitæ.

Ad quintum dicendum, quod secun-
dum Augustinum (Lib. IV. super Gen.
ad lit. cap. xxiv.) omnia opera sex
dierum simul sunt facta. Unde animam
primi hominis, quam ponit simul factam
cum Angelis, non ponit factam ante
sextum diem; sed in ipso sexto die po-
nit esse factam & animam primi hominis
in acta, & corpus eius secundum ratio-
nes causales. Alii vero Doctores ponunt
& animam, & corpus hominis factum
sexto die in actu.

(a) Ita ed. Alcan. cum aliis. Editi non fuit facta.

QUAESTIO XCII.

De productione mulieris,
in quatuor articulos divisa.

DEinde considerandum est de productione mulieris: & circa hoc quaeruntur quatuor.

Primo, utrum in illa rerum productione debuerit mulier produci.

Secundo, utrum debuerit fieri de viro.

Tertio, utrum de costa viri.

Quarto, utrum facta fuerit immediate a Deo.

ARTICULUS I. 459

Utrum mulier debuerit produci in prima rerum productione.

Opusc. lxxv. cap. xvii.

AD primum sic proceditur. Videtur quod mulier non debuerit produci in prima rerum productione. Dicit enim Philosophus in Lib. II. de generat. animal. (cap. III. non procul a fin.) quod *femina est mas occasioarius*. Sed nihil occasioarius, & deficiens debuit esse in prima rerum institutione. Ergo in illa prima rerum institutione mulier producenda non fuit.

2. Præterea. Subiectio, & minotatio ex peccato est subiecta: nam ad mulierem dictum est post peccatum Gen. III. 16. *Sub viri potestate eris*. Et Gregorius dicit (Lib. de cura pastor. par. II. cap. VI.) quod *ubi non delinquimus, omnes pares sumus*. Sed mulier naturaliter est minoris virtutis, & dignitatis quam vir: semper enim *honorabilior est agens patiente*, ut dicit Augustinus XII. super Gen. ad litt. (cap. xvi. in med.) Ergo non debuit mulier produci in prima rerum productione ante peccatum.

3. Præterea. Occasionem peccatorum sunt amputandæ. Sed Deus præciavit quod mulier esset futura viro in occasione peccati. Ergo non debuit mulierem producere.

Sed contra est quod dicitur Genes. II. 18. *Non est bonum hominem esse solum: faciamus ei adiutorium simile sibi*.

Respondendo dicendum, quod necessarium fuit feminam fieri, sicut Scriptura dicit, *in adiutorium viri*; non quidem in adiutorium alicuius (a) alterius operis,

ut quidam dixerunt, cum ad quodlibet aliud opus convenientius iuvare possit vir per alium virum quam per mulierem; sed in adiutorium generationis. Quod manifestius videri potest, si in viventibus modus generationis consideretur. Sunt enim quædam vivencia quæ in seipsis non habent virtutem activam generationis, sed ab agente alterius speciei generantur, sicut plantæ, & animalia, quæ generantur sine semine ex materia convenienti per virtutem activam celestium corporum. Quædam vero habent virtutem generationis activam, & passivam coniunctam, sicut accidit in plantis quæ generantur ex semine: non enim est in plantis aliquod nobilius opus vite quam generatio. unic convenienter omni tempore in eis virtuti passivæ coniungitur virtus activa generationis. Animalibus vero perfectis competit virtus activa generationis secundum sexum masculinum, virtus vero passiva secundum sexum femininum. Et quia est aliquod opus vite nobilius in animalibus quam generatio, ad quod eorum vita principaliter ordinatur; ideo non omni tempore sexus masculinus feminino coniungitur in animalibus perfectis, sed solum tempore coitus; ut imaginemur per coitum sic fieri unum ex mare, & femina, sicut in planta omni tempore coniunguntur vis masculina, & feminina; est in quibusdam plus abundet una harum, in quibusdam plus altera. Homo autem adhuc ordinatur ad nobilius opus vite, quod est intelligere: & ideo adhuc in homine debuit esse maiori ratione distinctio utriusque virtutis, ut scilicet produceretur femina a mare, & tamen carnaliter coniungeretur in unum ad generationis opus. Et ideo statim post formationem mulieris dicitur Gen. II. 24. *Erunt duo in carne una*.

Ad primum ergo dicendum, quod per respectum ad naturam particularem femina est aliquid deficiens, & occasionatum: quia virtus activa quæ est in semine maris, intendit producere sibi simile perfectum secundum masculinum sexum; sed quod femina generetur, hoc est propter virtutis activæ debilitatem, vel propter aliquam materiæ indispositionem, vel etiam propter aliquam transmutationem ab extrinseco; puta a ventis auribus, qui sunt humidi, ut dicitur in Lib. IV. de generat. animal. (cap. II.) Sed per comparisonem ad naturam universalem femina non est aliquid occasio-

na-

(a) In edit. Rom. desit alterius.

natum, sed est de intentione naturæ ad opus generationis ordinata. Intentio autem naturæ universalis dependet ex Deo, qui est universalis auctor naturæ. Et ideo, instituendo naturam, non solum marem, sed etiam feminam produxit.

Ad secundum dicendum, quod duplex est subiectio. Una servilis, secundum quam præsidens utitur subiecto ad sui ipsius utilitatem: & talis subiectio introducta est post peccatum. Est autem alia subiectio æconomica, vel civilis, secundum quam præsidens utitur subiectis ad eorum utilitatem, & bonum: & ista subiectio fuisse etiam ante peccatum. Definisset enim bonum ordinis in humana multitudo, si quidam per alios sapientiores gubernati non fuissent. Et sic ex tali subiectione naturaliter femina subiecta est viro: quia naturaliter in homine magis abundat discretio rationis. Nec inæqualitas hominum excluditur per innocentie statum, ut infra dicitur (quaest. xcvi. art. 3.)

Ad tertium dicendum, quod si omnia ex quibus homo sumptus occasione peccandi, Deus subtraxisset a mundo, remanisset universum imperfectum. Nec debuit bonum commune tolli, ut vitaretur particulare malum; præsertim cum Deus sit adeo potens, ut quolibet malum possit ordinaré in bonum.

ARTICULUS II. 460

Utrum mulier debuerit fieri ex viro.

AD secundum sic proceditur. Videtur quod mulier non debuerit fieri ex viro. Sexus enim communis est homini, & aliis animalibus. Sed in aliis animalibus semina non sunt facta ex maribus. Ergo nec in homine fieri debuit.

2. Præterea. Eorum quæ sunt eiusdem speciei, eadem est materia. Sed mas, & femina sunt eiusdem speciei. Cum igitur vir fuerit factus ex limo terræ, ex eodem debuit fieri femina, & non ex viro.

3. Præterea. Natura facta est in adiutorium viro ad generationem. Sed nimia propinquitas reddit personam ad hoc ineptam: unde personæ propinquæ a matrimonio excluduntur, ut patet Levit. xviii. Ergo mulier non debuit fieri ex viro.

Sed contra est quod dicitur Eccli. xvi. 5. *Creatus ex ipso, scilicet viro, adiutor simile sibi*, scilicet mulierem.

Respondetur dicendum, quod conveniens fuit mulierem in prima rerum institutione

ne ex viro formari, magis quam in aliis animalibus.

Primo quidem ut in hoc quædam dignitas primo homini fervaretur; ut secundum Dei similitudinem esset & ipse principium totius suæ speciei, sicut Deus est principium totius universi. Unde & Paulus dicit Ad. xvii. 26. quod *Deus scit ex uno omne genus hominum*.

Secundo ut vir magis diligeret mulierem, & ei inseparabiliter inhaereret, dum cognosceret eam ex se esse productam. Unde dicitur Gen. ii. 23. *De viro sumpta est. Quamobrem relinquet virum patrem, & matrem, & adheret uxori suæ*. Et hoc maxime necessarium fuit in specie humana, in qua mas, & femina commanent per totam vitam: quod non contingit in aliis animalibus.

Tertio quia, ut Philosophus dicit in VIII. Ethic. (cap. xii.) mas, & femina coniunguntur in hominibus non solum propter necessitatem generationis, ut in aliis animalibus, sed etiam propter domesticam vitam, in qua sunt aliqua opera viri, & feminæ, & in qua vir est caput mulieris. Unde convenienter ex viro formata est femina sicut ex suo principio.

Quarta vero est ratio sacramentalis. Figuratur enim per hoc quod Ecclesia a Christo sumit principium. Unde Apostolus dicit ad Ephes. v. 32. *Sacramentum hoc magnum est: ego autem dico in Christo, & in Ecclesia*.

Et per hoc patet responsio ad primum.

Ad secundum dicendum, quod materia est ex qua aliquid fit. Natura autem creata habet determinatum principium; & cum sit determinata ad unum, etiam habet determinatum processum: unde ex determinata materia producit aliquid in determinata specie. Sed virtus divina, cum sit infinita, potest idem secundum speciem ex quacunque materia facere, sicut virum ex limo terræ, & mulierem ex viro.

Ad tertium dicendum, quod ex naturali generatione contrahitur quædam propinquitas, quæ matrimonium impedit. Sed mulier non est producta a viro per naturalem generationem, sed sola virtute divina: unde Eva non dicitur filia Adæ. Et propter hoc ratio non sequitur.

ARTICULUS III. 461

Utrum mulier debuerit formari de costa viri

1. *dist. XLIII, quaest. 1. art. 1. & 1. Cor. VII. lect. 7.*

AD tertium sic proceditur. Videtur quod mulier non debuerit formari de costa viri. Costa enim viri fuit multo minor quam corpus mulieris. Sed ex minori non potest fieri maius, nisi vel per additionem (quod si fuisse, magis ex illo addito mulier formata diceretur quam de costa) vel per rarefactionem: quia, ut dicit Augustinus X. super Genes. ad lit. (cap. ult. circ. fin.) non est possibile ut aliquod corpus crescat, nisi rareseat. Non autem invenitur corpus mulieris rariius quam viri, ad minus in ea proportionem quam habet costa ad corpus Eve. Ergo Eva non fuit formata de costa Adæ.

2. Præterea. In operibus primo creatis non fuit aliquid superfluum. Costa ergo Adæ fuit de perfectione corporis eius. Ergo, ea subtrahita, remansit imperfectum: quod videtur inconveniens.

3. Præterea. Costa non potest separari ab homine sine dolore. Sed dolor non fuit ante peccatum. Ergo costa non debuit separari a viro ut ex ea mulier formaretur.

Sed contra est quod dicitur Genes. 11. 22. *Aedificavit Dominus Deus costam, quam tulerat de Adam, in mulierem.*

Respondetur dicendum, quod conveniens fuit mulierem formari de costa viri. Primo quidem ad significandum quod inter virum, & mulierem debet esse socialis coniunctio: neque enim mulier debet dominari in virum; & ideo non est formata de capite: neque debet a viro despicere, tanquam serviliter subiecta; & ideo non est formata de pedibus. Secundo propter sacramentum: quia de latere Christi dormientis in cruce fluxerunt sacramenta, id est sanguis, & aqua, quibus est Ecclesia instituta.

Ad primum ergo dicendum, quod quidam dicunt, per multiplicationem materiz abique alterius additione formatum fuisse corpus mulieris, ad modum quo Dominus quinq; panes multiplicavit.

Sed hoc est omnino impossibile. Multiplicatio enim prædicta aut accedit secundum transmutationem substantiz ipsius

materiz, aut secundum transmutationem dimensionum eius; non autem secundum transmutationem substantiz ipsius materiz: tum quia materia in se considerata est omnino intransmutabilis, utpote existens in potentia, & habens solum rationem subiecti: tum etiam quia multitudo, & magnitudo sunt præter essentiam ipsius materiz. Et ideo nullo modo potest multiplicatio materiz intelligi eadem materia manente, abique additione, nisi per hoc quod maiores dimensiones accipiat. Hoc autem est rarefieri, scilicet materiam eandem accipere maiores dimensiones, ut Philosophus dicit in IV. Physic. (tex. 84.) Dicere ergo materiam eandem multiplicari abique rarefactione, est ponere contradictoria simul, scilicet definitionem abique dehnito.

Unde cum non appareat rarefactio in talibus multiplicationibus, necesse est ponere additionem materiz (a) vel per creationem, vel (quod probabilis est) per conversionem. Unde Augustinus dicit super Ioan. (tract. xxiv. cir. prin.) quod hoc modo Christus ex quinque panibus satiavit quinque milia hominum, quo modo ex paucis granis producit multitudinem segetum: quod fit per conversionem alimentum. Dicitur tamen ex quinque panibus turbas pavisse, vel ex costa mulierem formasse, quia additio facta est ad materiam præexistentem costæ, vel panum.

Ad secundum dicendum, quod costa illa fuit de perfectione Adæ, non prout erat individuum quoddam, sed prout erat principium speciei, sicut semen est de perfectione generantis, quod operatione naturali cum delectatione resolvitur. Unde multo magis virtute divina corpus mulieris potuit de costa viri formari abique dolore.

Et per hoc patet solutio ad tertium.

ARTICULUS IV. 462

Utrum mulier fuerit immediate formata a Deo.

Deo.

Sup. quaest. XCII. art. 2.

AD quartum sic proceditur. Videtur quod mulier non fuerit immediate formata a Deo. Nullum enim individuum ex simili secundum speciem productum sit immediate a Deo. Sed mulier

(a) Ita codd. *Aleacu. & Camer.* cum editis plurimis. Edit. Rom. vel per escutionem. quod probabilis est, vel per conversionem. Vide ill. Part. quaest. XLIV. art. 4. ad 4. & 11. dist. XLIII. quaest. 1. art. 2.

facta est de viro; qui est civitem speciei cum ipsa. Ergo non est facta immediate a Deo.

2. Præterea. Augustinus dicit III. de Trinit. (cap. IV. in princ.) quod corpora dispensantur a Deo per Angelos; Sed corpus mulieris ex materia corporali est formatum. Ergo est factum per ministerium Angelorum, & non immediate a Deo.

3. Præterea. Ea quæ præexistunt in creaturis secundum rationes causales, producuntur virtute alicuius creaturæ, & non immediate a Deo. Sed secundum causales rationes corpus mulieris in primis operibus productum fuit, ut Augustinus dicit IX. super Gen. ad litt. (cap. xv.) Ergo non fuit producta mulier immediate a Deo.

Sed contra est quod Augustinus dicit in eodem Lib. (ibid.) *Formare, vel adificare costam, ut mulier esset, non potuit nisi Deus, a quo universa natura subsistit.*

Respondendo dicendum, quod, sicut supra dictum est (artic. 2. hui. quest.) individuiusque speciei generatio naturalis est ex determinata materia. Materia autem ex qua naturaliter generatur hominem, est semen humanum viri, vel femine. Unde ex alia quacunque materia individuum humane speciei generari non potest naturaliter. Solus autem Deus, qui est naturæ institutor, potest præter naturæ ordinem res in esse producere. Et ideo solus Deus potuit vel virum de limbo terræ, vel mulierem de costa viri formare.

Ad primum ergo dicendum, quod ratio illa procedit quando individuum generatur ex simili secundum speciem generatione naturali.

Ad secundum dicendum, quod, sicut Augustinus dicit IX. super Gen. ad litt. (cap. xv. parum a princ.) an ministerium Angeli exhibuerint Deo in formatione mulieris, nescimus; certum tamen est quod sicut corpus viri de limbo non fuit formatum per Angelos, ita nec corpus mulieris de costa viri.

Ad tertium dicendum, quod, sicut Augustinus in eodem Lib. (cap. xviii. a med.) dicit, *non habuit prima rerum conditio ut semina omnino sic fieret; sed tamen hoc habuit ut sic fieri posset.* Et ideo secundum causales rationes præexistit corpus mulieris in primis operibus, non secundum potentiam activam, sed secundum potentiam passivam tantum, in ordine ad potentiam activam Creatoris.

QUAESTIO XCII.

De fine, sive termino productionis hominis, in novem articulos divisa.

DEinde considerandum est de fine, sive termino productionis hominis, prout dicitur factus ad imaginem, & similitudinem Dei: & circa hoc quaruntur novem.

Primo, utrum in homine sit imago Dei.

Secundo, utrum imago Dei sit in irrationalibus creaturis.

Tertio, utrum imago Dei sit magis in Angelo quam in homine.

Quarto, utrum imago Dei sit in omni homine.

Quinto, utrum in homine sit imago Dei per comparisonem ad essentiam, vel ad personas divinas orones, aut unam earum.

Sexto, utrum imago Dei sit in homine secundum potentias, aut secundum habitus, aut actus.

Septimo, utrum per comparisonem ad omnia obiecta.

Octavo, utrum imago Dei inveniat in homine solum secundum mentem.

Nono de differentia imaginis, & similitudinis.

ARTICULUS I. 463

Utrum imago Dei sit in homine.

1. 2. in prol. & I. dist. 111. quest. 111. & II. dist. xvi. art. 3. & IV. con. cap. xxvi. & ver. quest. x. art. 7. cor.

AD primum sic proceditur. Videtur quod imago Dei non sit in homine. Dicitur enim Isa. xl. 18. *Cui similem feceris Deum, aut quam imaginem ponetis ei?*

2. Præterea. Esse Dei imaginem est proprium primogeniti, de quo dicit Apostolus ad Coloss. i. 15. *Qui est imago Dei invisibilis, primogenitus omnis creature.* Non ergo in homine invenitur Dei imago.

3. Præterea. Hilarius dicit in Lib. de Syn. (can. 1.) quod *imago est eius rei ad quam imaginatur, species indifferens*; & iterum dicit (ibid.) quod *imago est rei ad rem cognandam indifferens, & unita similitudo.* Sed non est species indifferens Dei, & hominis; nec potest esse æqualitas ho-

minis

minis ad Deum. Ergo in homine non potest esse imago Dei.

Sed contra est quod dicitur Gen. 1. 26. *Faciamus hominem ad imaginem & similitudinem nostram.*

Respondeo dicendum, quod, sicut Augustinus dicit in Lib. lxxxiii. *Quaestio- num* (quaest. lxxiv.) *ubi est imago, con- tinuo est & similitudo; sed ubi est similitudo, non continuo est imago.* Ex quo patet quod similitudo est de ratione imaginis, & ima- go aliquid addit supra rationem similitu- dinis, scilicet quod sit ex alio expressa. Imago enim dicitur ex eo quod agitur ad imitationem alterius: unde ovum, quantumcumque sit alteri ovo simile, & aequale, quia tamen non est expressum ex illo, non dicitur (a) imago eius. Aequalitas autem non est de ratione ima- ginis: quia, ut Augustinus ibidem di- cit, *ubi est imago, non continuo est aequa- litas*, ut patet in imagine alicuius in speculo relucente. Est tamen de ratione perfectae imaginis: nam in perfecta ima- gine non deest aliquid imaginis, quod in- sit illi de quo expressa est.

Manifestum est autem quod in homi- ne invenitur aliqua Dei similitudo, quae deducitur a Deo sicut ab exemplari; non tamen est similitudo secundum aequalita- tem, quia in infinitum excedit exemplar hoc tale exemplatum. Et ideo in homi- ne dicitur esse imago Dei, non tamen perfecta, sed imperfecta. Et hoc signifi- cat Scriptura, cum dicit, *hominem factum ad imaginem Dei*. Praepositio enim *ad* ac- cessum quemdam significat, qui competit rei distanti.

Ad primum ergo dicendum, quod Pro- pheta loquitur de corporalibus imaginibus ab homine fabricatis; & ideo signan- ter dicit: *Quam imaginem ponetis ei?* Sed Deus ipse sibi in homine posuit spiritua- lem imaginem.

Ad secundum dicendum, quod primo- genitus omnis creaturae est imago Dei perfecta, perfecte implens illud cuius i- mago est. Et ideo dicitur *imago*, & num- quam *ad imaginem*. Homo vero & pro- pter similitudinem dicitur *imago*, & pro- pter imperfectionem similitudinis dicitur *ad imaginem*. Et quia similitudo perfecta Dei non potest esse nisi in identitate naturae, imago Dei est in Filio suo primo- genito, sicut imago Regis in filio si- bi connaturali; in homine autem sic- ut in aliena natura, sicut imago Regis in nummo argenteo, ut patet per Au-

gustinum in Lib. de decem chordis (cap. viii. cir. med.)

Ad tertium dicendum, quod cum u- num sit ens indivisum, eo modo dicitur species *indifferens*, quo *una*. Unum autem dicitur aliquid, non solum numero, aut specie, aut genere, sed etiam secundum analogiam, vel proportionem quamdam: & sic est unitas: vel convenientia crea- turae ad Deum. Quod autem dicit, *rei ad rem coaequantur*, pertinet ad rationem perfectae imaginis.

ARTICULUS II. 464

Utrum imago Dei invenitur in irrationalibus creaturis.

II. dist. xvi. art. 2. & III. dist. 11. quest. 11. art. 2. quest. 1. corp. & IV. con. cap. xx. fin. & I. Cor. xi. lect. 2.

AD secundum sic proceditur. Videtur quod imago Dei invenitur in ir- rationalibus creaturis. Dicit enim Dio- nysius in Lib. de divin. Nomin. (cap. 11. non remote a fin. lect. 2.) *Habent causata causarum suarum contingentes imagines*. Sed Deus est causa non solum rationalium creaturarum, sed etiam irrationalium. Ergo imago Dei invenitur in irrationa- libus creaturis.

1. Praeterea. Quanto est expressior si- militudo in aliquo, tanto magis accedit ad rationem imaginis. Sed Dionysius di- cit 1v. cap. de divin. Nomin. (aliquant. a princ. lect. 4.) quod *radius solaris maxi- me habet similitudinem divinae bonitatis*. Ergo est ad imaginem Dei.

3. Praeterea. Quanto aliquid est magis perfectum in bonitate, tanto magis est Deo simile. Sed totum universum est perfectius in bonitate quam homo: quia celsi bona sunt singula, tamen simul omnia dicuntur valde bona Gen. 1. Ergo totum universum est ad imaginem Dei, & non solum homo.

4. Praeterea. Boetius in Lib. III. de consol. (metr. ix.) dicit de Deo:

Mundum venie genus, similique in ima- gine formans.

Ergo totus mundus est ad imaginem Dei, & non solum rationalis creatu- ra.

Sed contra est quod dicit Augustinus VI. super Gen. ad litt. (cap. xii. circ. med.) *Hoc excellit in homine, quia Deus ad imaginem suam hominem fecit, propter hoc quod dedit ei mentem intellectualem, qua pra-*

(2.) Ita codd. Alex. & Tarrae. cum aliis fere omnibus. Edit. Rom. ad imaginem eius.

præstat pecoribus. Ea ergo quæ non habent intellectum, non sunt ad imaginem Dei.

Respondeo dicendum, quod non quælibet similitudo, etiam si sit expressa ex altero, sufficit ad rationem imaginis. Si enim similitudo sit secundum genus tantum, vel secundum aliquod accidens commune, non propter hoc dicitur aliquid esse ad imaginem alterius. Non enim posset dici, quod vermis, qui oritur ex homine, sit imago hominis, propter similitudinem generis. Neque iterum potest dici, quod si aliquid sit album ad similitudinem alterius, propter hoc sit ad eius imaginem: quia album est accidens commune pluribus speciebus. Requiritur autem ad rationem imaginis quod sit similitudo secundum speciem sicut imago Regis est in filio suo, vel ad minus secundum aliquod accidens proprium speciei, & præcipue secundum figuram, sicut hominis imago dicitur esse in cupro. Unde signanter Hilarius dicit (in Lib. de Synod. can. 1.) quod *imago est species indifferens*.

Manifestum est autem quod similitudo speciei attenditur secundum ultimam differentiam. Assimilantur autem aliqua Deo, primo quidem, & maxime communiter, in quantum sunt; secundo vero, in quantum vivunt; tertio vero, in quantum sapiunt, vel intelligunt: quæ, ut Augustinus dicit in Lib. lxxxiii. Q. (quæst. 12. in med.) *sic sunt Deo similitudine proxima, ut in creaturis nihil sit propinquius*. Sic ergo patet quod solæ intellectuales creature, proprie loquendo, sunt ad imaginem Dei.

Ad primum ergo dicendum, quod omne imperfectum est quædam participatio perfecti. Et ideo etiam ea quæ deficiunt a ratione imaginis, in quantum tamen aliqualem Dei similitudinem habent, participant aliquid de ratione imaginis. Et ideo Dionysius dicit, quod *causata habent causarum contingentes imagines*, id est quantum contingit ea habere, & non simpliciter.

Ad secundum dicendum, quod Dionysius assimilat radium solare divinæ bonitati quantum ad causalitatem, non secundum dignitatem naturæ, quæ requiritur ad rationem imaginis.

Ad tertium dicendum, quod universum est perfectius in bonitate quam intellectualis creatura, extensive, & diffusivè; sed intensive, & collective similitudo divinæ perfectionis magis inveni-

tur in intellectuali creatura, quæ est capax summi boni.

Vel dicendum, quod pars non dividitur contra totum, sed contra aliam partem. Unde cum dicitur, quod sola natura intellectualis est ad imaginem Dei, non excluditur quin universum secundum aliquam sui partem sit ad imaginem Dei, sed excluduntur aliæ partes universi.

Ad quartum dicendum, quod imago accipitur a Boetio secundum rationem similitudinis, qua artificiarum imitatur speciem artis, quæ est in mente artificis. Sic autem quælibet creatura est imago rationis exemplaris, quam habet in mente divina. Sic autem non loquimur nunc de imagine, sed secundum quod attenditur secundum similitudinem in natura, prout scilicet primo enti assimilantur omnia, in quantum sunt entia; & primæ vitæ, in quantum sunt viventia; & summæ sapientiæ, in quantum sunt intelligentia.

ARTICULUS III. 465

Utrum Angelus sit magis ad imaginem Dei quam homo.

I. dist. 112. quæst. 111. art. 1. ad 4. & II. dist. xvi. art. 3. & III. dist. 11. quæ. 1. art. 1. quæst. 1. & 2. corp. & p. viii.

AD tertium sic proceditur. Videtur quod Angelus non sit magis ad imaginem Dei quam homo. Dicit enim Augustinus in serm. de imagine (ser. xxvii. de verbis Apost. cap. 11. & de verbis Dom. ser. lxxiii. cap. vi.) quod *Deus nulli alii creature dedit quod sit ad imaginem suam nisi homini*. Non ergo verum est quod Angelus magis dicatur ad imaginem Dei quam homo.

2. Præterea. Secundum Augustinum in Lib. lxxxiii. Q. (quæst. 11. in med.) *homo ita est ad imaginem Dei, ut nulla interposita creatura ferretur a Deo; ideo nihil est illi coniunctius*. Sed imago Dei dicitur aliqua creatura, in quantum Deo coniungitur. Ergo Angelus non est magis ad imaginem Dei quam homo.

3. Præterea. Creatura dicitur ad imaginem Dei, in quantum est intellectualis naturæ. Sed intellectualis natura non intenditur, nec remittitur: non enim est de genere accidentis, cum sit in genere substantiæ. Ergo Angelus non est magis ad imaginem Dei quam homo.

Sed contra est quod dicit Gregorius in qua-

quadam homin. (xxxiv. in Evang. in
med.) quod *Angelus dicitur signaculum simi-*
litudinis, quia in eo similitudo divine ima-
ginis magis insinuat expressa.

Respondeo dicendum, quod de imagi-
ne Dei loqui dupliciter possumus. Uno
modo quantum ad id in quo primo confi-
deratur ratio imaginis, quod est intelle-
ctualis natura: & sic imago Dei est mag-
is in Angelis quam sit in hominibus:
quia intellectualis natura perfectior est
in eis, ut ex supra dictis patet (quæst.
lxii. art. 6. & quæst. lxxv. art. 7. ad
3.) Secundo potest considerari imago
Dei in homine quantum ad id in quo
secundario consideratur, prout scilicet in
homine invenitur quædam Dei imitatio,
inquantum scilicet homo est de homine,
sicut Deus de Deo; & inquantum ani-
ma hominis est tota in toto corpore ei-
us, & iterum tota in qualibet parte ei-
us, sicut Deus se habet ad mundum.
Et secundum hæc, & similia magis in-
venitur Dei imago in homine quam
in Angelo. Sed quantum ad hoc non at-
tenditur per se ratio divine imaginis in
homine, nisi præsupposita prima imitatio-
ne, quæ est secundum intellectualem
naturam: alioquin etiam animalia bruta
essent ad imaginem Dei. Et ideo cum
quantum ad intellectualem naturam An-
gelus sit magis ad imaginem Dei quam
homo, simpliciter concedendum est, An-
gelum magis esse ad imaginem Dei, ho-
minem autem secundum quid.

Ad primum ergo dicendum, quod Au-
gustinus excludit a Dei imagine alias
inferiores creaturas intellectu carentes,
non autem Angelos.

Ad secundum dicendum, quod sicut ig-
nis dicitur esse subtilissimum corporum
secundum suam speciem, cum tamen ve-
nus ignis sit alio subtilior; ita dicitur,
quod nihil est coniunctius Deo quam mens
humana, secundum genus intellectualis
naturæ: quia, sicut ipse supra præmiserat
(loc. cit. in arg.) *que sapiunt, ita*
sunt illi similitudine proxima, ut in creaturis
nihil sit propinquius. Unde per hoc non
excluditur quin Angelus sit (a) magis ad
Dei imaginem.

Ad tertium dicendum, quod cum di-
citur, quod substantia non recipit mag-
is, & minus, non intelligitur quod una
species substantiæ non sit perfectior quam
alia; sed quod unum & idem individuum
non participet suam speciem quandoque
magis, quandoque minus: nec etiam a

diversis individuis participatur species
substantiæ secundum magis, & minus.

ARTICULUS IV. 466

Utrum imago Dei invenitur in quolibet homine.

I. dist. lxx. in lit. & veri. quæst. xii. art. 1. ad 3. & pot. quæst. ix. art. 9. corp.

AD quantum sic proceditur. Videtur
quod imago Dei non invenitur in
quolibet homine. Dicit enim Apostolus
I. ad Cor. xi. 7. *quod vir est imago Dei,*
mulier autem est imago viri. Cum ergo mu-
lier sit individuum humanæ speciei, non
cuiuslibet individuo convenit esse imagi-
nem Dei.

2. Præterea. Apostolus dicit Rom.
viii. 29. *quod illos quos Deus præfixit*
conformes fieri imaginis Filii sui, hoc præde-
stinavit. Sed non omnes homines præde-
stinati sunt. Ergo non omnes homi-
nes habent conformitatem imaginis.

3. Præterea. Similitudo est de ratio-
ne imaginis, ut supra dictum est (art.
1. huius quæst.) Sed per peccatum sit
homo Deo dissimilis. Ergo amittit Dei im-
maginem.

Sed contra est quod dicitur in Psal.
xcviii. 7. *Verumtamen in imagine pertransi-*
it homo.

Respondeo dicendum, quod cum homo
secundum intellectualem naturam ad im-
maginem Dei esse dicatur, secundum hoc
est maxime ad imaginem Dei secundum
quod intellectualis natura Deum maxi-
me imitari potest. Imitatur autem in-
tellectus nature maxime Deum quan-
tum ad hoc quod Deus seipsum intelli-
git, & amat. Unde imago Dei triplici-
ter potest considerari in homine. Uno
quidem modo, secundum quod homo ha-
bet aptitudinem naturalem ad intelligen-
dum, & amandum Deum: & hæc apti-
tudo consistit in ipsa natura mentis, quæ
est communis omnibus hominibus. Alio
modo secundum quod homo actu, vel
habitu Deum cognoscit, & amat, sed
tamen imperfecte: & hæc est imago
per conformitatem gratiæ. Tertio
modo, secundum quod homo Deum actu
cognoscit, & amat perfecte: & sic at-
tenditur imago secundum similitudinem
gloriæ. Unde super illud Psal. xv. 7. *Ser-*
genatum est super nos lumen vultus tui, Dy-
mine, Gloria (ordinar.) distinguit tri-
magis, scilicet *creationis*, &
re-

(a) *Al. deus magis.*

recreationis, & similitudinis. Prima ergo imago invenitur in omnibus hominibus; secunda in iustis tantum; tertia vero solum in beatis.

Ad primum ergo dicendum, quod tam in viro, quam in muliere invenitur Dei imago quantum ad id in quo principaliter ratio imaginis consistit, scilicet quantum ad intellectuales naturam. Unde Gen. i. 27. cum dixerit, *Ad imaginem Dei creavit illum* (scilicet hominem) subiungit: *Masculum, & feminam creavit eos*. Et dixit pluraliter *eos*, ut Augustinus dicit (Lib. III. super Gen. cap. xxi. a med.) *ne intelligatur in uno individuo utraque sexus fuisse coniunctus*. Sed quantum ad aliquid secundarium imago Dei invenitur in viro, secundum quod non invenitur in muliere. Nam vir est principium mulieris, & finis, sicut Deus est principium, & finis totius creaturæ. Unde cum Apostolus dixisset, quod *vir imago, & gloria est Dei*, mulier autem *est gloria viri*, ostendit quare hoc dixerit, subdens: *Non enim vir est ex muliere, sed mulier ex viro; & vir non est creatus propter mulierem, sed mulier propter virum*.

Ad secundum, & tertium dicendum, quod illæ rationes procedunt de imagine, quæ est secundum conformitatem gratiæ, & gloriæ.

ARTICULUS V. 467

Utrum in homine sit imago Dei quantum ad Trinitatem personarum.

Sup. art. 3. cor. & vi. quest. x. et 3. cor. & quest. XIII. art. 2.

Ad quantum sic prædicitur. Videtur quod in homine non sit imago Dei quantum ad Trinitatem divinarum personarum. Dicit enim Augustinus (Fulgentius) in Lib. de fide ad Pet. (cap. i. a med.) *Una est sancta Trinitatis essentialiter Divinitas, & imago, ad quam factus est homo: & Hilar. in V. de Trinit. (a prin.) dicit, quod homo fit ad communem Trinitatis imaginem*. Est ergo in homine imago Dei quantum ad essentiam, & non quantum ad Trinitatem personarum.

2. Præterea. In Lib. de eccles. dog. (cap. ult.) dicitur, quod imago Dei attenditur in homine secundum æternitatem. Damascenus etiam dicit (Lib. II. de Fid. orth. cap. xii. a med.) quod hominem esse ad imaginem Dei significat intellectuales, & arbitrio liberum, & per se potestativum. Gregorius etiam Nyssenus (Lib.

de hom. opific. cap. xvi. cir. med.) dicit, quod cum Scriptura dicit, hominem factum ad imaginem Dei, tale est ac si diceret, *hominem naturam omnium boni factam esse participem. Bonitatis enim plenitudo Divinitas est*. Hæc autem omnia non pertinent ad distinctionem personarum, sed magis ad essentiam unitatem. Ergo in homine est imago Dei non secundum Trinitatem personarum, sed secundum essentiam unitatem.

3. Præterea. Imago ducit in cognitionem eius cuius est imago. Si igitur in homine est imago Dei secundum Trinitatem personarum, cum homo per naturalem rationem seipsum cognoscere possit, sequeretur quod per naturalem cognitionem posset homo cognoscere Trinitatem divinarum personarum: quod est falsum, ut supra ostensum est (quest. xxxii. art. 1.)

4. Præterea. Nomen imaginis non cuiuslibet trium personarum convenit, sed soli Filio. Dicit enim Augustinus in VI. de Trin. (cap. xi. cir. med.) quod *solum Filius est imago Patris*. Si igitur in homine attendetur Dei imago secundum personam, non esset in homine imago totius Trinitatis, sed Filii tantum.

Sed contra est quod Hilarius dicit in IV. de Trin. (cir. med.) *Per hoc quod homo dicitur ad imaginem Dei factus, ostendit pluralitatem divinarum personarum*.

Respondeo dicendum, quod, sicut supra habitum est (quest. xl. art. 2.) distinctio divinarum personarum non est nisi secundum originem, vel potius secundum relationes originis. Non autem est idem modus originis in omnibus; sed modus originis uniuscuiusque est secundum convenientiam suæ naturæ. Aliter enim producantur animata, aliter inanimata, aliter animalia, atque aliter plantæ. Unde manifestum est quod distinctio divinarum personarum est, secundum quod divinæ naturæ convenit. Unde esse ad imaginem Dei secundum imitationem divinæ naturæ non excludit hoc quod est esse ad imaginem Dei secundum representationem trium personarum, sed magis unum ad alterum sequitur.

Sic igitur dicendum est, in homine esse imaginem Dei & quantum ad naturam divinam, & quantum ad Trinitatem personarum: nam & in ipso Deo in tribus personis una existit natura.

Et per hoc patet responsio ad duo prima.

Ad tertium dicendum, quod ratio illa pro-

procederet, si imago Dei esset in homine perfecte repræsentans Deum, Sed, sic ut Augustinus dicit XV. de Trin. (cap. vi. verius fin.) maxima est differentia huius trinitatis quæ est in nobis, ad Trinitatem divinam. Et ideo, ut ipse ibidem dicit, *trinitatem, quæ in nobis est, videmus potius quam credimus; Deum vero esse Trinitatem credimus potius quam videmus.*

Ad quartum dicendum, quod quidam dixerunt, in homine esse solum imaginem Filii.

Sed hoc improbat Augustinus in XII. de Trinit. (cap. v. & vi.) Primo quidem per hoc quod, cum secundum æqualitatem essentia Filii sit Patri similis, necesse est, si homo sit factus ad similitudinem Filii, quod sit factus ad similitudinem Patris. Secundo quia si homo esset factus solum ad imaginem Filii, non diceret Pater: *Faciamus hominem ad imaginem & similitudinem nostram*; sed *eam*. Cum ergo dicitur, *Ad imaginem Dei fecit illum*, non est intelligendum quod Pater fecit hominem solum ad imaginem Filii, qui est Deus, ut quidam exposuerunt; sed intelligendum est quod Trinitas Deus fecit hominem ad imaginem suam, id est totius Trinitatis. Cum autem dicitur, quod Deus *fecit hominem ad imaginem suam*, potest dupliciter intelligi. Uno modo quod hæc propositio ad designet terminum actionis; ut sit sensus: *Faciamus hominem taliter ut sit in eo imago nostra*. Alio modo hæc propositio ad potest designare causam exemplarem; sicut cum dicitur: *Iste liber est factus ad illum*. Et sic imago Dei est ipsa essentia divina, quæ ab ipso imago dicitur, secundum quod imago ponitur pro exemplari; vel, secundum quod quidam dicunt, divina essentia dicitur imago, quia secundum eam una persona aliam inuitatur.

ARTICULUS VI. 468

Utrum imago Dei sit in homine solum secundum mentem.

I. dist. III. quæst. III. & II. dist. XVI. art. 3. & IV. cont. cap. XXVI.

AD sextum sic proceditur. Videtur quod imago Dei non sit in homine solum secundum mentem. Dicit enim Apostolus I. ad Cor. xi. 7. quod *vir est imago Dei*. Sed vir non est solum mens. Ergo imago Dei non attenditur solum secundum mentem.

2. Præterea. Genes. 1. 27. dicitur: *Creavit Deus hominem ad imaginem suam, ad imaginem Dei creavit illum, masculum, & feminam creavit eis*. Sed distinctio mascululi, & feminæ est secundum corpus. Ergo secundum corpus attenditur Dei imago in homine, & non secundum mentem tantum.

3. Præterea. Imago præcipue videtur attendi secundum figuram. Sed figura ad corpus pertinet. Ergo imago Dei attenditur in homine etiam secundum corpus, & non secundum mentem tantum.

4. Præterea. Secundum Augustinum XII. super Genes. ad litt. (cap. vii. & xxiv.) triplex visio invenitur in nobis, *corporalis, spiritalis*, sive imaginaria, & *intellectualis*. Si ergo secundum visionem intellectualem, quæ ad mentem pertinet, est aliqua trinitas in nobis, secundum quam sumus ad imaginem Dei, pari ratione & in aliis visionibus.

Sed contra est quod Apostolus dicit ad Ephes. iv. 23. *Renovamini spiritu mentis vestre, & induite novum hominem*. Ex quo videtur intelligi quod renovatio nostra, quæ sit secundum novi hominis indumentum, ad mentem pertinet. Sed ad Colos. iii. 10. dicit: *Inducentes novum hominem, qui renovatur in agnitionem Dei, secundum imaginem eius qui creavit eum*. Unde renovationem, quæ est secundum novi hominis indumentum, attribuit imagini Dei. Esse ergo ad imaginem Dei pertinet solum ad mentem.

Respondeo dicendum, quod cum in omnibus creaturis sit aliquis Dei similitudo, in sola creatura rationali invenitur similitudo Dei per modum *imaginis*, ut supra dictum est (art. 1. & 2. huius quæst.) in aliis autem creaturis per modum *vestigii*. Id autem in quo creatura rationalis excedit alias creaturas, est intellectus, sive mens. Unde relinquitur quod nec in ipsa rationali creatura invenitur Dei imago nisi secundum mentem; in aliis vero partibus, si quas habet rationalis creatura, invenitur similitudo vestigii, sicut & in ceteris rebus, quibus secundum partes huiusmodi assimilatur. Cuius ratio manifeste cognosci potest, si attendatur modus quo repræsentat *vestigium*, & quo repræsentat *imago*. Imago enim repræsentat secundum similitudinem speciei, ut dictum est (art. 2. huius quæst.) Vestigium autem repræsentat per modum effectus, qui sic repræsentat suam causam, quod tamen ad speciei similitudinem non pertingit. Inpressiones enim

quæ ex motu animalium relinquuntur, dicuntur vestigia: & similiter cinis dicitur vestigium ignis, & desolatio terræ vestigium hostilis exercitus. Potest ergo huiusmodi differentia attendi inter creaturas rationales, & alias creaturas & quantum ad hoc quod in creaturis rationalibus repræsentatur similitudo divinæ naturæ, & quantum ad hoc quod in eis repræsentatur similitudo Trinitatis increatæ. Nam quantum ad similitudinem divinæ naturæ pertinet, creaturæ rationales videntur quodammodo ad repræsentationem speciei pertinere, in quantum imitantur Deum, non solum in hoc quod est, & vivit, sed etiam in hoc quod intelligit, ut supra dictum est (art. 2. huius quæst.). Aliæ vero creaturæ non intelligunt; sed apparet in eis quoddam vestigium intellectus producentis, si earum dispositio consideretur. Similiter cum increata Trinitas distinguatur secundum processionem verbi a dicente, & amoris ab utroque, ut supra habitum est (quæst. xlv. art. 7.) in creatura rationali, in qua invenitur processio verbi secundum intellectum, & processio amoris secundum voluntatem, potest dici imago Trinitatis increatæ per quendam repræsentationem speciei. In aliis autem creaturis non invenitur principium verbi, & verbum, & amor; sed apparet in eis quoddam vestigium, quod hæc inveniantur in causa producente. Nam hoc ipsum quod creatura habet substantiam modificatam, & finitam, demonstrat quod sit a quodam principio. Species vero eius demonstrat verbum facientis, sicut formæ domus demonstrat conceptionem artificis. Ordo vero demonstrat amorem producentis, quo effectus ordinatur ad bonum, sicut ulus ædificii demonstrat artificis voluntatem. Sic igitur in homine invenitur Dei similitudo per modum imaginis secundum mentem, sed secundum alias partes eius per modum vestigii.

Ad primum ergo dicendum, quod homo dicitur imago Dei, non quia ipse essentialiter sit imago, sed quia in eo est Dei imago impressa secundum mentem; sicut denarius dicitur imago Cæsaris, in quantum habet Cæsaris imaginem. Unde non oportet quod secundum quamlibet partem hominis accipiat Deus imago.

Ad secundum dicendum, quod, sicut Augustinus dicit, XII. de Trin. (cap. v.) quidam imaginem Trinitatis in homine pos-

suerunt, non secundum unum individuum sed secundum plura, dicentes, quod est *Pater personam inimat, Filii vero, (a) quod de viro ita processit, ut de illo nasceretur; atque ita veram personam, velut Spiritum sanctum, dicunt esse mulierem, quæ ita de viro processit, ut non ipsa esset filius, aut filia. Quod prima facie absurdum videtur. Primo quidem quia sequeretur quod Spiritus sanctus esset principium Filii, sicut mulier est principium proles, quæ nascitur de viro. Secundo quia unus homo non esset nisi ad imaginem unius personæ. Tertio quia secundum hoc Scriptura de imagine Dei in homine mentionem facere non debuisset, nisi prodita iam prole. Et ideo dicendum est, quod Scriptura, postquam dixerat, *Ad imaginem Dei creavit illum*, addidit, *Masculum, & feminam creavit eo*, non ut imago Dei secundum distinctiones sexuum attendatur, sed quia imago Dei utriusque sexus est communis, cum sit fecundum mentem, in qua non est distinctio sexuum. Unde Apostolus ad Coloss. iij. postquam dixerat, *Secundum imaginem eius qui creavit illum*, subdit: *Ubi non est masculinus, & femina.**

Ad tertium dicendum, quod quamvis imago Dei in homine non accipitur secundum figuram corpoream; (b) tamen, quia corpus hominis solum inter terrenorum animalium corpora non pronom in alvum prostratum est. sed tale est ut ad contemplandum celum sit aptius, magis hoc ad imaginem, & similitudinem Dei, quam cetera corpora animalium, factum iure videri potest, ut Augustinus dicit in Lib. lxxxij. Qq. (quæst. lt.) Quod tamen non est sic intelligendum, quasi in corpore hominis sit imago Dei; sed quia ipsa figura humani corporis repræsentat imaginem Dei in anima per modum vestigii.

Ad quartum dicendum, quod tam in visione corporali, quam in imaginaria invenitur quædam trinitas, ut Augustinus dicit in Lib. XI. de Trin. (cap. ij.) In visione enim corporali est quidem primo species exterioris corporis: secundo vero ipsa visio, quæ fit per impressionem cuiusdam similitudinis prædictæ speciei in visum: tertio est ibi intentio voluntatis applicans visum ad videndum, & eum in re visa detinens. Similiter etiam in visione imaginaria invenitur primo species in memoria reservata: secundo ipsa imaginaria visio, quæ per-

O o ve

(a) Al. qui. (b) Ita edidi libri quos vidimus. Cod. Alcan. tamen corpus hominis, quæ &c.

venit ex hoc quod acies animæ, idest ipsa vis imaginaria, informatur secundum prædictam speciem: tertio vero invenitur intentio voluntatis coniungens utrumque. Sed utraque trinitas deficit a ratione divinæ imaginis. Nam ipsa species exterioris corporis est extra naturam animæ. Species autem quæ est in memoria, etsi non sit extra animam, est tamen adventitia animæ. Et ita utrobique deficit representatio connaturalitatis, & cœternitatis divinarum personarum. Visio vero corporalis non procedit tantum a specie exterioris corporis, sed simul cum hoc a sensu videntis. Et similiter visio imaginaria non solum procedit a specie, quæ in memoria conservatur, sed etiam a virtute imaginativa. Et ita per hoc non representatur convenienter processio Filii a solo Patre. Intentio vero voluntatis, quæ coniungit duo prædicta, non ex eis procedit neque in visione corporea, neque in spiritali. Unde non convenienter representatur processio Spiritus sancti a Patre, & Filio.

ARTICULUS VII. 469

Utrum imago Dei conveniat in anima secundum actus.

I. dist. III. quæst. IV. art. 1. & quæst. V. & VII. quæst. X. art. 3.

AD septimum sic proceditur. Videtur quod imago Dei non inveniat in anima secundum actus. Dicit enim Augustinus XI. de civit. Dei (cap. xxvi. a princ.) quod homo factus est ad imaginem Dei, secundum quod sumus, & nos esse novimus, (a) & nostrum esse, ac nosse diligimus. Sed esse non significat actum. Ergo imago Dei non attenditur in anima secundum actus.

3. Præterea. Augustinus in IX. de Trinit. (cap. IV.) assignat imaginem Dei in anima secundum hæc tria, quæ sunt mens, notitia, & amor. Mens autem non significat actum, sed magis potentiam, vel etiam essentiam intellectivæ animæ. Ergo imago Dei non attenditur secundum actus.

3. Præterea. Augustinus X. de Trinit. (cap. XI.) assignat imaginem Trinitatis in anima secundum memoriam, intelligentiam, & voluntatem. Sed hæc tria sunt vires naturales animæ, ut Magister

dicit I. dist. I. Lib. Sent. Ergo imago attenditur secundum potentias, & non secundum actus.

4. Præterea. Imago Trinitatis semper manet in anima. Sed actus non semper manet. Ergo imago Dei non attenditur in anima secundum actus.

Sed contra est quod Augustinus IX. de Trinit. (cap. VI.) assignat trinitatem in inferioribus animæ partibus secundum actualem visionem sensibilem, & imaginariam. Ergo & trinitas quæ est in mente, secundum quam homo est ad imaginem Dei, debet attendi secundum actualem visionem.

Respondeo dicendum, quod, sicut supra dictum est (art. 2. huius quæst.) ad rationem imaginis pertinet aliquis representatio speciei. Si ergo (b) imago Trinitatis divinæ debet accipi in anima, oportet quod secundum illud principaliter attendatur quod maxime accedit (prout possibile est) ad representandum speciem divinarum personarum. Divinæ autem personæ distinguuntur secundum processionem verbi a d'cente, & amoris connectentis utrumque. Verbum autem in anima nostra sine actuali cogitatione esse non potest, ut Augustinus dicit XIV. de Trinit. (cap. VII. a med.) Et ideo primo & principaliter attenditur imago Trinitatis in mente secundum actus prout scilicet ex notitia quam habemus, cogitando, interius verbum formamus, & ex hoc in amorem prorampimus. Sed quia principia actuum sunt habitus, & potentie, unumquodque autem virtualiter est in suo principio; secundario, & quasi ex consequenti imago Trinitatis potest attendi in anima secundum potentias, & præcipue secundum habitus, prout in eis scilicet actus virtualiter existunt.

Ad primum ergo dicendum, quod esse nostrum ad imaginem Dei pertinet quod est nobis proprium supra alia animalia: quod quidem esse competit nobis, in quantum mentem habemus. Et ideo eadem est hæc trinitas cum illa quam Augustinus ponit in IX. de Trinit. (loc. cit. in arg. 3.) quæ consistit in mente, notitia, & amore.

Ad secundum dicendum, quod Augustinus hanc trinitatem primo adinvenit in mente. Sed quia mens, etsi se totam quodammodo cognoscat, etiam quodammodo se ignorat, prout scilicet est ab aliis

(a) Ita cod. Alcan. cum editis plurimis. Edit. Rom. & nostrum esse ad nosse diligimus, (b) Ita eodem cod. cum editis pene omnibus. Edit. Rom. imago divina.

aliis distincta, & sic etiam se querit, ut Augustinus consequenter probat in X. de Trinit. (cap. III. & IV.) ideo quia notitia non totaliter menti coaequatur, accipit in anima tria quædam propria mentis, scilicet memoriam, intelligentiam, & voluntatem, quæ nullus ignorat se habere; & in illis tribus potius imaginem Trinitatis assignat, quasi prima assignatio sit quodammodo deficiens.

Ad tertium dicendum, quod, sicut Augustinus probat XIV. de Trin. (cap. VII.) intelligere dicimur, & velle, seu amare aliqua & quando de his cogitamus, & quando de his non cogitamus. Sed quando sine cogitatione sunt, ad solam memoriam pertinent, quæ nihil est aliud secundum ipsum quam habitualis retentio notitiæ, & amoris. Sed quia, ut ipse dicit (loc. cit.) *verbum ibi esse sine cogitatione non potest* (cogitamus enim omne quod dicimus etiam illo interiori verbo, quod ad nullius generis pertinet linguam) in tribus potius illis imago ista cognoscitur, memoria scilicet, intelligentia, & voluntate. Hanc autem nunc dico intelligentiam, quia intelligimus cogitantes, & eam voluntatem, siue amorem, vel dilectionem, quæ ipsam proleat, parentemque coniungit. Ex quo patet quod imaginem divinæ Trinitatis potius ponit in intelligentia, & voluntate actuali, quam secundum quod sunt in habituali retentione memoriæ; licet etiam quantum ad hoc aliquo modo sit imago Trinitatis in anima, ut idem dicitur. Et sic patet quod memoria, intelligentia, & voluntas non sunt tres vires, ut in Sententiis dicitur.

Ad quartum dicendum, quod aliquis respondere posset per hoc quod Augustinus dicit XIV. de Trinit. (cap. VI. ad fin.) quod *mens semper sui meminit, semper se intelligit, & amat*; quod quidam sic intelligunt, quasi animæ adsit actualis intelligentia, & amor sui ipsius. Sed hunc intellectum excludit per hoc quod subdit, quod *non semper se cogitat discretam ab his quæ non sunt quod ipsa*. Et sic patet quod anima semper intelligit, & amat se, non actualiter, sed habitualiter.

Quamvis dici possit, quod percipiendo actum suum seipsam intelligit, quodcumque aliquid intelligit. Sed quia non semper est actu intelligens, ut patet in dormiente; ideo oportet dicere, quod actus, etiam non semper manent in seipsis, manent tamen semper in suis principijs, scilicet potentijs, & habitibus. Unde Augustinus dicit XIV. de Trin. (cap. IV.)

Si secundum hoc facta est ad imaginem Dei anima rationalis, quod uti rationel, arguit intellectu ad intelligendum, & conspiciendum Deum potest, ab initio quo esse coepit, fuit in ea Dei imago.

ARTICULUS VIII. 470

Utrum imago divinæ Trinitatis sit in anima solum per comparisonem ad obiectum, quod est Deus.

II. dist. III. quæst. IV. art. 4. & ver. quæst. x. art. 7.

AD octavum sic proceditur. Videtur quod imago divinæ Trinitatis sit in anima non solum per comparisonem ad obiectum, quod est Deus. Imago enim divinæ Trinitatis invenitur in anima, sicut dictum est (art. præc.) secundum quod verbum in nobis procedit a dicente, & amor ab utroque. Sed hoc invenitur in nobis secundum quodcumque obiectum. Ergo secundum quodcumque obiectum invenitur in mente nostra imago divinæ Trinitatis.

2. Præterea. Augustinus dicit in XII. de Trinit. (cap. IV. in princ.) quod cum *querimus in anima Trinitatem, in tota querimus, non separantes adiectionem rationalem in temporalibus a contemplatione æternorum*. Ergo etiam secundum temporalia obiecta invenitur imago Trinitatis in anima.

3. Præterea. Quod Deum intelligamus, & amemus, convenit nobis secundum gratiæ donum. Si igitur secundum memoriam, intelligentiam, & voluntatem, seu dilectionem Dei attendatur imago Trinitatis in anima; non erit imago Dei in homine secundum naturam, sed secundum gratiam; & sic non erit omnibus communis.

4. Præterea. Sancti qui sunt in patria, maxime conformantur imagini Dei secundum gloriæ visionem. Unde dicitur II. Cor. III. 18. *In eandem imaginem transformamur a claritate in claritatem*. Sed secundum visionem gloriæ temporalia cognoscuntur. Ergo etiam per comparisonem ad temporalia Dei imago attenditur in nobis.

Sed contra est quod Augustinus dicit XIV. de Trinit. (cap. XII. in princ.) quod *non propterea est Dei imago in mente, quia sui meminit, & diligit, & intelligit se; sed quia potest etiam meminisse, intelligere, & amare Deum, a quo facta est*. Multo igitur minus secundum alia obiecta attenditur imago Dei in mente.

Respondeo dicendum, quod, sicut supra dictum est (art. 2. & 7. huius quæst.) imago importat similitudinem utcumque pertinentem ad speciem representationem. Unde oportet quod imago divine Trinitatis attendatur in anima secundum aliquid quod repræsentat divinas personas representatione speciei, sicut est possibile creaturæ. Distinguantur autem divine personæ, ut dictum est (art. præc.) secundum processionem verbi a dicente, & amoris ab utroque. Verbum autem Dei nascitur de Deo secundum notitiam sui ipsius, & amor procedit a Deo, secundum quod seipsum amat. Manifestum est autem quod diversitas obiectorum diversificat speciem verbi, & amoris. Non enim idem est species in corde hominis verbum conceptum de lapide, & de equo; nec idem species amor. Attenditur igitur divina imago in homine secundum verbum conceptum de Dei notitia, & amore exinde derivatum: & sic imago attenditur in anima, secundum quod fertur, vel nata est ferri in Deum. Fertur autem in aliquid meum dupliciter. Uno modo directe, & immediate; alio modo indirecte, & mediate: sicut cum aliquis videndo imaginem hominis in speculo dicitur ferri in ipsum hominem. Et ideo Augustinus dicit in XIV. de Trin. (cap. VIII. a princ.) quod *mens meminit sui, intelligit se, & diligit se. Hoc si cernimus, cernimus Trinitatem, nondum quidem Deum, sed iam imaginem Dei.* Sed hoc est, non quia fertur mens in seipsam absolute, sed prout per hoc ulterius potest ferri in Deum, ut patet per auctoritatem supra inductam (in arg. Sed cont.)

Ad primum ergo dicendum, quod ad rationem imaginis non solum oportet attendere quod aliquod procedat ab aliquo, sed etiam quid a quo procedat, scilicet quod verbum Dei procedit a notitia de Deo.

Ad secundum dicendum, quod in tota quidem anima invenitur aliqua trinitas, non quidem ita quod præter actionem temporalium, & contemplationem æternorum queratur aliquid tertium; quo trinitas impleatur, prout ibidem subditur; sed in illa parte rationis quæ derivatur a parte temporalium, etiam trinitas inveniri possit, non tamen imago Dei potest inveniri, ut postea dicitur (ibid.) quia huiusmodi temporalium notitia adventitia est animæ: & habitus etiam ipsi quibus temporalia cognoscuntur, non

semper adsunt; sed quandoque quidem præsentialiter adsunt, quandoque autem secundum memoriam tantum, etiam postquam adesse incipiunt; sicut patet de fide, quæ temporaliter nobis advenit in præsentem, in statu autem futuræ beatitudinis iam non erit fides, sed memoria fidei.

Ad tertium dicendum, quod (a) meritoria Dei cognitio, & dilectio non est nisi per gratiam. Est tamen aliqua cognitio, & dilectio naturalis, ut supra habitum est (art. 4. huius quæst.) Et hoc etiam ipsum naturale est quod mens ad intelligendum Deum ratione uti potest, secundum quod imaginem Dei semper diximus permanere in mente; five hæc imago Dei ita sit obsoleta, ut pene nulla sit, ut in his qui non habent usum rationis; five sit obscura, atque deformis, ut in peccatoribus; five sit clara, & pulchra, ut in iustis; sicut Augustinus dicit XIV. de Trin. (cap. IV.)

Ad quartum dicendum, quod secundum visionem gloriæ temporalia videbuntur in ipso Deo: & ideo huiusmodi temporalium visio ad Dei imaginem pertinebit: & hoc est quod Augustinus dicit XIV. de Trin. (cap. XIV. circ. fin.) quod *in illa natura cui mens feliciter adhaerebit, immutabile videbit omne quod videbitur*; nam & in ipso Verbo increato sunt rationes omnium creaturarum.

ARTICULUS IX. 475

Utrum similitudo ab imagine convenienter distinguatur.

I. dist. XXVIII. quæst. IV. art. 1. cor. & II. dist. XVI. art. 4. & I. co. cap. XI.

AD nonum sic proceditur: Videtur quod similitudo ab imagine non convenienter distinguatur. Genus enim non convenienter distinguitur a specie. Sed similitudo comparatur ad imaginem ut genus ad speciem: quia ubi est imago, ibi est consuetudo similitudo, sed non convertitur, ut dicitur in Lib. lxxxiii. Q. (quæst. lxxiv. in princ.) Ergo inconvenienter similitudo ab imagine distinguitur.

2. Præterea. Ratio imaginis attenditur non solum per representationem divinarum personarum, sed etiam secundum representationem divine essentiae; ad quam representationem pertinet immortalitas, & indivisibilitas. Non ergo convenienter dicitur, quod similitudo est in

(a) Ita edit. Rom. & Parav. Nicolaus: memoria Dei, cognitio, & dilectio.

essentia, quia est immortalis, & indivisibilis; imago autem in aliis.

3. Præterea. Imago Dei in homine est triplex, scilicet *natura*, *gratia*, & *gloria*, ut supra habitum est (art. 4. huius quæst.) Sed innocentia, & iustitia ad gratiam pertinent. Inconvenienter ergo dicitur, quod imago accipitur secundum memoriam, intelligentiam, & voluntatem; similitudo autem secundum innocentiam, & iustitiam.

4. Præterea. Cognitio veritatis ad intelligentiam pertinet, amor autem virtutis ad voluntatem: quæ sunt duæ partes imaginis. Non ergo convenienter dicitur, quod imago sit in cognitione veritatis, similitudo in dilectione virtutis.

Sed contra est quod Augustinus dicit in Lib. lxxxiii. Q. (quæst. li. cir. fin.) *Sunt qui non frustra intelligunt duo dicta esse ad imaginem, & similitudinem, cum, si una res esset, unum nomen sufficere potuisset.*

Respondendo dicendum, quod similitudo quædam unitas est: unum enim in qualitate similitudinem causat, ut dicitur in V. Metaph. (text. 20.) Unum autem, cum sit de transcendentibus, & commune est omnibus, & ad singula potest aptari, sicut & bonum, & verum. Unde dicitur bonum alicui rei particulari potest comparari ut præambulum ad ipsam, & ut subsequens, prout designat aliquam perfectionem ipsius; ita etiam est de comparatione similitudinis ad imaginem. Est enim bonum præambulum ad hominem, secundum quod homo est quoddam particulare bonum: & rursus bonum subsequitur ad hominem, in quantum aliquem hominem specialiter dicimus esse bonum propter perfectionem virtutis. Et similiter similitudo consideratur ut præambulum ad imaginem, in quantum est communis quam imago, ut supra dictum est (art. 1. huius quæst.) Consideratur etiam ut subsequens ad imaginem, in quantum significat quoddam imaginis perfectionem. Dicimus enim imaginem alicuius esse similem, vel non similem ei cuius est imago, in quantum perfecte, vel imperfecte repræsentat ipsum. Sic ergo similitudo potest ab imagine distingui dupliciter. Uno modo, prout est præambulum ad ipsam, & in pluribus existens: & sic similitudo attenditur secundum ea quæ sunt communiora proprietatibus naturæ intellectualis, secundum quas proprie attenditur imago. Et secundum hoc dicitur in Lib. lxxxiii. Q. (quæst. li. cir. fin.) quod *scimus*, id est mens, ad imaginem

nem Dei nullo dubitante factus est. Cetera autem hominis (scilicet quæ pertinent ad inferiores partes animæ, vel etiam ad ipsum corpus) ad similitudinem facta esse aliqui volunt. Secundum hoc etiam in Lib. de quantitate animæ (cap. 11.) dicitur, quod similitudo Dei attenditur in anima, in quantum est incorruptibilis. Nam corruptibile, & incorruptibile sunt differentiæ entis communis. Alio modo potest considerari similitudo, secundum quod significat imaginis expressionem, & perfectionem: & secundum hoc Damascenus dicit (Lib. II. Fid. orth. cap. xii.) quod id quod est secundum imaginem, intellectualitate significat, & arbitrio liberum, & per se potestativum; quod autem secundum similitudinem, virtutis (secundum quod homini possibile est habere) similitudinem. Et ad idem refertur quod similitudo dicitur ad dilectionem virtutis pertinere: non enim est virtus sine dilectione virtutis.

Ad primum ergo dicendum, quod similitudo non distinguitur ab imagine secundum commune rationem similitudinis (sic enim includitur in ratione ipsius imaginis); sed secundum quod aliqua similitudo deficit a ratione imaginis, vel etiam est imaginis perfectiva.

Ad secundum dicendum, quod essentia animæ pertinet ad imaginem, prout repræsentat divinam essentiam, secundum ea quæ sunt propria intellectualis naturæ, non autem secundum conditiones consequentes eis in comuni, ut est esse simplicem, & indissolubilem.

Ad tertium dicendum, quod etiam virtutes quædam naturaliter insunt animæ, ad minus secundum quædam earum semina: & secundum hoc posset attendi similitudo naturalis; quamvis non sit inconvenientis ut id quod secundum assignationem unam dicitur imago, secundum aliam dicatur similitudo.

Ad quartum dicendum, quod dilectio verbi, quod est animata noticia, pertinet ad rationem imaginis; sed dilectio virtutis pertinet ad similitudinem, sicut & virtus.

QUAESTIO XCIV.

De statu, & conditione primi hominis quantum ad intellectum, in quatuor articulis divisa.

DEinde considerandum est de statu, vel conditione primi hominis: & primo quantum ad animam; secundo quantum ad corpus.

Circa primum consideranda sunt duo. Primo de conditione hominis quantum ad intellectum. Secundo de conditione hominis quantum ad voluntatem.

Circa primum quaeruntur quatuor.

Primo, utrum primus homo viderit Deum per essentiam.

Secundo, utrum videre potuerit substantias separatas, idest Angelos.

Tertio, utrum habuerit omnium scientiam.

Quarto, utrum potuerit errare, vel decipi.

ARTICULUS I. 473

Utrum primus homo per essentiam Deum viderit.

2. 2. *quest. v. art. 1. & 2. cor. & 11. dist. XXXII. quest. 11. art. 1. & ver. quest. VIII. art. 1. per tot. & art. 2. cor.*

AD primum sic proceditur. Videtur quod primus homo per essentiam Deum viderit. Beatitudo enim hominis in visione divinae essentiae consistit. Sed primus homo in paradiso conversans beatam, & omnium divitum habuit vitam, ut Damascenus dicit in II. Lib. (orth. Fid. cap. xi. in princ.) & Augustinus dicit in XIV. de civit. Dei (cap. x. in princ.) *Si homines habebant affectus suos, quales nunc habemus, quomodo erant beati in illo (a) inenarrabilis beatitudinis loco, idest paradiso?* Ergo primus homo in paradiso vidit Deum per essentiam.

2. Praeterea. Augustinus dicit XIV. de civ. Dei (loc. cit.) quod *primo homini non aberat quicquam quod bona voluntas adipisceretur.* Sed nihil melius bona voluntas adipisci potest quam divinae essentiae visionem. Ergo homo per essentiam Deum videbat.

3. Praeterea. Visio Dei per essentiam est qua videtur Deus sine medio, & sine aenigmate. Sed homo in statu innocentiae vidit Deum sine medio, ut Magister dicit in I. dist. IV. Lib. Sentent. Vidit etiam sine aenigmate: quia *aenigma obscuritatem importat*, ut Augustinus dicit XV. de Trinit. (cap. ix. ante med.) obscuritas autem introducta est per peccatum. Ergo homo in primo statu vidit Deum per essentiam.

Sed contra est quod Apostolus dicit I. ad Cor. xv. 46. *quod non prius quod spirituale est, sed quod animale.* Sed maxime spirituale est videre Deum per essentiam.

Ergo primus homo in primo statu animalis vitae Deum per essentiam non vidit.

Respondeo dicendum, quod primus homo Deum per essentiam non vidit secundum communem statum illius vitae: nisi forte dicatur, quod viderit eum in rapto, quando *Deus immisit soporem in Adam*, ut dicitur Gen. II.

Et huius ratio est, quia cum divina essentia sit ipsa beatitudo, hoc modo se habet intellectus videns divinam essentiam ad Deum, sicut se habet quilibet homo ad beatitudinem. Manifestum est autem quod nullus homo potest per voluntatem a beatitudine averti. Naturaliter enim, & ex necessitate homo vult beatitudinem, & fugit miseriam. Unde nullus videns Deum per essentiam potest voluntate averti a Deo; quod est peccare. Et propter hoc omnes videntes Deum per essentiam sic in amore Dei stabiliuntur, quod in aeternum peccare non possunt. Cum ergo Adam peccaverit, manifestum est quod Deum per essentiam non videbat.

Cognoicebat tamen Deum quadam altiori cognitione quam nos nunc cognoscimus: & sic quodammodo eius cognitio media erat inter cognitionem praesentis status, & cognitionem patriae, qua Deus per essentiam videtur.

Ad cuius evidentiam considerandum est, quod visio Dei per essentiam dividitur contra visionem Dei per creaturam. Quanto autem aliqua creatura est altior, & Deo similior, tanto per eam Deus clarius videtur; sicut homo perfectius videtur per speculum, in quo expressius imago eius resultat. Et sic patet quod multo eminentius videtur Deus per intelligibiles effectus, quam per sensibiles, & corporeos. A consideratione autem plena, & lucida intelligibilium effectuum impeditur homo in statu praesenti per hoc quod distrahitur a sensibilibus, & circa ea occupatur. Sed, sicut dicitur Eccl. VII. 30. *Deus fecit hominem rectum.* Haec autem fuit rectitudo hominis divinitus instituti, ut interiora superioribus subderentur, & superiora ab inferioribus non impederentur. Unde homo primus non impidebatur per res exteriores a clara, & firma contemplatione intelligibilium effectuum, quos ex irradiatione primae veritatis percipiebat, sive naturali cognitione, sive gratuita. Unde dicit Augustinus in XI. super Genes. ad lit. (cap. XXXIII).

(a) Ita edit. Rom. & Pat. Nicolaus cum MS. & Augustini textu apud Samaritanos memorabili.

xxxiii. circ. princ.) quod *fortassis Deum primis hominibus antea loquebatur, sicut cum Angelis loquitur, ipsa incommutabili veritate illustrans mentes eorum, eis non tanta participatione divinae essentiae, quantum capiunt Angeli.* Sic igitur per huiusmodi intelligibiles effectus Dei Deum, clarius cognoscebat quam niodo cognoscimus.

Ad primum ergo dicendum, quod homo in paradiso beatus fuit non illa perfecta beatitudine in quam transferendus erat, quæ in divinæ essentiae visione consistit; habebat tamen beatam vitam secundum quemdam modum, ut Augustinus dicit XI. super Genes. ad litt. (cap. xviii. paulo a princ.) inquantum habebat integritatem, & perfectionem quandam naturalem.

Ad secundum dicendum, quod bona voluntas est ordinata voluntas. Non autem fuisset primi hominis ordinata voluntas, qui in statu meriti habere voluisset quod ei promittebatur pro præmio.

Ad tertium dicendum, quod duplex est medium. Quoddam in quo simul videtur quod per medium videri dicitur; sicut cum homo videtur per speculum, & simul videtur cum ipso speculo. Aliud medium est per cuius notitiam in aliquid ignotum devenimus, sicut est medium demonstrationis: & sine tali medio Deus videbatur; non tamen sine primo medio. Non enim oportebat primum hominem pervenire in Dei cognitionem per demonstrationem sumptam ab aliquo effectu, sicut nobis est necessarium; sed simul in effectibus, præcipue intelligibilibus, suo modo Deum cognoscebat. Similiter etiam est considerandum, quod obscuritas, quæ importatur in nomine ænigmati, dupliciter potest accipi. Uno modo, secundum quod quolibet creatura est quoddam obscurum, si comparatur ad immensitatem divinæ claritatis: & sic Adam videbat Deum in ænigmate, quia videbat Deum per effectum creatum. Alio modo potest accipi obscuritas quæ consecuta est ex peccato, prout scilicet impeditur homo a consideratione intelligibilium per sensibilibus occupationem: & secundum hoc non vidit Deum in ænigmate.

ARTICULUS II. 473

Utrum Adam in statu innocentie Angelos per essentiam viderit.

1. dist. xxxiii. quæst. 11. art. 1. cor. & verbi quæst. viii. art. 5. & quæst. iv. art. 6. corp.

AD sextum sic proceditur. Videtur quod Adam in statu innocentie Angelos per essentiam viderit. Dicit enim Gregorius in IV. Dial. (cap. 1. in princ.)

In paradiso quippe assueverat homo Verbo Dei perfrui, bonorum Angelorum spiritibus cordis munditia, & celsitudine visionis interesse.

2. Præterea. Anima in statu præsentis impeditur a cognitione substantiarum separatarum ex hoc quod est unita corpori corruptibili, quod aggravat animam, ut dicitur Sap. ix. Unde & anima separata substantias separatas videre potest, ut supra dictum est (quæst. lxxxix. art. 2.) Sed anima primi hominis non aggravabatur a corpore, cum non esset corruptibile. Ergo poterat videre substantias separatas.

3. Præterea. Una substantia separata cognoscit aliam cognoscendo seipsam, ut dicitur in Lib. de causis (prop. 13.) Sed anima primi hominis cognoscebat seipsam. Ergo cognoscebat alias substantias separatas.

Sed contra. Anima Adæ fuit eiusdem naturæ cum animabus nostris. Sed animæ nostræ non possunt nunc intelligere substantias separatas. Ergo nec anima primi hominis potuit.

Respondeo dicendum, quod status animæ hominis distingui potest dupliciter. Uno modo secundum diversum modum naturalis esse: & hoc modo distinguitur status animæ separatae a statu animæ coniunctæ corpori. Alio modo distinguitur status animæ secundum integritatem, & corruptionem, servato eodem modo esse secundum naturam: & sic status innocentie distinguitur a statu hominis post peccatum. Anima enim hominis in statu innocentie erat corpori perfecti, & gubernando accommodata, sicut & nunc. Unde dicitur primus homo factus fuisse in *animam viventem*, idest corpori vitam dantem, scilicet animalem. Sed huius vitæ integritatem habebat, inquantum corpus erat totaliter animæ subditum, in nullo ipsam impediens, ut supra dictum est (art. præc.) Manifestum est autem ex præmissis

O o 4 (quæst.

(quaest. lxxxiv. art. 7.) quod ex hoc quod anima est accommodata ad corporis gubernationem, & perfectionem secundum animalem vitam, competit animae nostrae talis modus intelligendi, qui est per conversionem ad phantasmata. Unde & hic modus intelligendi etiam animae primi hominis competebar. Secundum autem hunc modum intelligendi motus quidam invenitur in anima, ut Dionysius dicit xv. cap. de div. Nom. (par. 1. lect. 2. & 7.) secundum tres gradus. Quorum primus est, secundum quod a rebus exterioribus aggregatur anima ad seipsam. Secundus autem est, prout anima ascendit ad hoc quod uniatur virtutibus superioribus unitis, scilicet Angelis. Tertius autem gradus est, secundum quod ulterius manuducitur ad bonum quod est supra omnia, scilicet Deum. Secundum igitur primum processum animae, qui est a rebus exterioribus ad seipsam, persequitur animae cognitio, quia scilicet intellectualis operatio animae naturalem ordinem habet ad ea quae sunt extra, ut supra dictum est (quaest. lxxxiv. art. 6.) & ita per eorum cognitionem perfecte cognosci potest nostra intellectualis operatio, sicut actus per obiectum; & per ipsam intellectualem operationem perfecte potest cognosci humanus intellectus, sicut potentia per proprium actum. Sed in secundo processu non invenitur perfecta cognitio. Quia cum Angelus non intelligat per conversionem ad phantasmata, sed longe eminentiori modo, ut supra dictum est (quaest. iv. art. 2.) praedictus modus cognoscendi, quo anima cognoscit seipsam, non sufficienter ducit in Angeli cognitionem. Multo autem minus tertius processus ad perfectam notitiam terminatur: quia etiam ipsi Angeli per hoc quod cognoscunt seipsos, non possunt perungere ad cognitionem divinae substantiae, propter eius excessum.

Sic igitur anima primi hominis non poterat quidem videre Angelos per essentiam, sed tamen excellentiorem modum cognitionis habebat de eis quam nos habeamus: quia eius cognitio erat magis certa, & fixa circa interiora intelligibilia quam cognitio nostra: & propter tantam eminentiam dicit Gregorius (loc. cit. in arg. 1.) quod *inserretur Angelorum spiritibus*.

Unde patet solutio ad primum.

Ad secundum dicendum, quod hoc quod anima primi hominis deficiebat ab

intellectu substantiarum separatarum, non erat ex aggravatione corporis, sed ex hoc quod obiectum ei connaturale erat deficiens ab excellentia substantiarum separatarum. Nos autem deficiamus propter utrumque.

Ad tertium dicendum, quod anima primi hominis non poterat per cognitionem sui ipsius perungere ad cognoscendas substantias separatas, ut supra dictum est (in corp. art.) quia etiam unaquaeque substantia separata cognoscit aliam per modum sui ipsius.

ARTICULUS III. 474

Utrum primus homo habuerit scientiam omnium.

II. dist. xxiii. quaest. 11. art. 2. cor. & vtri. quaest. xviii. art. 2. & 4.

AD tertium sic proceditur. Videtur quod primus homo non habuerit scientiam omnium. Aut enim habuit talem scientiam per species acquisitas, aut per species connaturales, aut per species infusas. Non autem per species acquisitas: huiusmodi enim cognitio ab experientia causatur, ut dicitur in I. Metaph. (non multum a princ. Lib.) ipse autem non tunc fuerat omnia expertus. Similiter etiam nec per species connaturales: quia erat eiusdem naturae nobiscum: anima autem nostra est *sicut tabula, in qua nihil est scriptum*, ut dicitur in III. de Anima (tex. 14.) Si autem per species infusas; ergo scientia eius quam habebat de rebus, non erat eiusdem rationis cum scientia nostra, quam a rebus acquirimus.

2. Praeterea. In omnibus individuis eiusdem speciei est idem modus consequendi perfectionem. Sed alii homines non statim in sui principio habent omnium scientiam, sed eam per temporis successionem acquirunt secundum suum modum. Ergo nec Adam statim formatus habuit omnium scientiam.

3. Praeterea. Status praesentis vitae homini conceditur, ut in eo proficiat anima. & quantum ad cognitionem, & quantum ad meritum: propter hoc enim anima corpori videtur esse unita. Sed homo in statu illo profecisset quantum ad meritum. Ergo etiam profecisset quantum ad cognitionem rerum. Non ergo habuit omnium rerum scientiam.

Sed contra est quod ipse imposuit nomina animalibus, ut dicitur Genes. 11. Nomina autem debent naturis rerum congruere, Ergo Adam scivit naturas omnium animalium.

animalium; & pari ratione habuit omnium aliorum scientiam.

Respondeo dicendum, quod naturali ordine perfectum praecedat imperfectum, sicut & actus potentiam: quia ea quae sunt in potentia, non reducuntur ad actum nisi per aliquod ens actum. Et quia res primitus a Deo institutae sunt, non solum ut in seipsis essent, sed etiam ut essent aliorum principia, ideo productae sunt in statu perfecto, in quo possent esse principia aliorum. Homo autem potest esse principium alterius, non solum per generationem corporalem, sed etiam per instructionem, & gubernationem. Et ideo sicut primus homo institutus est in statu perfecto quantum ad corpus, ut statim posset generare; ita etiam institutus est in statu perfecto quantum ad animam, ut statim posset alios instruere, & gubernare. Non potest autem aliquis instruere, nisi habeat scientiam. Et ideo primus homo sic institutus est a Deo, ut haberet omnium scientiam in quibus homo natus est instrui. Et haec sunt omnia illa quae virtualiter existunt in primis principiis per se notis, quaecumque scilicet naturaliter homines cognoscere possunt.

Ad gubernationem autem vitae propriae, & aliorum non solum requiritur cognitio eorum quae naturaliter sciri possunt, sed etiam cognitio eorum quae naturalem cognitionem excedunt, eo quod vita hominis ordinatur ad quemdam finem supernaturalem: sicut nobis ad gubernationem vitae nostrae necessarium est cognoscere quae fidei sunt. Unde & de his supernaturalibus tantam cognitionem primus homo accepit, quanta erat necessaria ad gubernationem vitae humanae secundum statum illum. Alia vero quae nec naturali hominis studio cognosci possunt, nec sunt necessaria ad gubernationem vitae humanae, primus homo non cognovit; sicut sunt cogitationes hominum, futura contingentia, & quaedam singularia, puta quos lapides iaceant in flumine, & alia huiusmodi.

Ad primum ergo dicendum, quod primus homo habuit scientiam omnium per species a Deo infusus; nec tamen scientia illa fuit alterius rationis a scientia nostra, sicut nec oculus quos caeco nato Christus dedie, fuerunt alterius rationis ab oculis quos natura produxit.

Ad secundum dicendum, quod Adam debebat aliquid habere perfectionis, in-

quantum erat primus homo, quod ceteris hominibus non competit, ut ex dictis patet (in corp. art.)

Ad tertium dicendum, quod Adam in scientia naturalium scibilium non proficisceretur quantum ad numerum scitorum, sed quantum ad modum sciendi: quia quae sciebat intellectualiter, scivisset postmodum per experimentum. Quantum vero ad supernaturalia cognita, proficisceretur etiam quantum ad numerum per novas revelationes; sicut & Angeli proficiunt per novas illuminationes. Nec tamen est simile de profectu meriti, & scientiae: quia unus homo non est alteri principium merendi, sicut (a) & sciendi.

ARTICULUS IV. 475

Utrum homo in primo statu decipi potuisset.

II. dist. xxiii. quaest. 11. art. 3. & ver. quaest. xviii. art. 6.

AD quantum sic proceditur. Videtur quod homo in primo statu decipi potuisset. Dicit enim Apostolus I. ad Timotheum. 11. 24. quod mulier seducta, in gravitatione fuit.

2. Praeterea. Magister dicit xxii. dist. 11. Sentent. quod ideo mulier non berruit serpentem loquentem, quia officium loquendi eum accepisse a Deo putavit. Sed hoc falsum erat. Ergo mulier decepta fuit ante peccatum.

3. Praeterea. Naturale est quod quanto aliquid remotius videtur, tanto minus videtur. Sed natura oculi non est contracta per peccatum. Ergo hoc idem in statu innocentiae contigisset. Fuisse ergo homo deceptus circa quantitatem rei visae, sicut & modo.

4. Praeterea. Augustinus dicit XII. super Gen. ad litt. (cap. 11. circa fin.) quod in somno adhaeret anima similitudini, tanquam ipsi rei. Sed homo in statu innocentiae comedisset, & per consequens dormivisset, & somniasset. Ergo deceptus fuisset adhaerendo similitudinibus, tanquam rebus.

5. Praeterea. Primus homo nescivisset cogitationes hominum, & futura contingentia, ut dictum est (art. praec.) Si igitur aliquis super his sibi falsum diceret, deceptus fuisset.

Sed contra est quod Augustinus dicit (Lib. III. de lib. arb. cap. xviii. in fin.) Approbare vera pro falsis non est natura hominis, sed potius damnata.

Ref-

Respondendo dicendum, quod quidam dixerunt, quod in nomine deceptionis duo possunt intelligi; scilicet qualiscumque existimatio levis, qua aliquis adheret falso tanquam vero, sine assensu credulitatis; & iterum firma credulitas. Quantum ergo ad ea quorum scientiam Adam habebat, neutro istorum modorum homo decipi poterat ante peccatum; sed quantum ad ea quorum scientiam non habebat, decipi poterat, large accepta deceptione pro existimatione qualicumque sine assensu credulitatis. Quod ideo est dictum, quia existimare falsum in talibus non est noxium homini; & ex quo temere assensus non adhibetur, non est culpabile.

Sed hæc positio non convenit integritati primi status: quia, ut Augustinus dicit XLV. de civitate Dei (cap. x. ante med.) in illo statu erat devotissimo tranquillitas peccati, qua manente, nullum malum omnino esse poterat. Manifestum est autem quod sicut verum est bonum intellectus, ita falsum est malum eius, ut dicitur in VI. Ethicorum (cap. 11.) Unde non poterat esse quod, innocentia manente, intellectus hominis alicui falso acquiesceret quasi vero. Sicut enim in membris corporis primi hominis erat quidem carentia perfectionis alicuius, puta claritatis, non tamen aliquod malum inesse poterat; ita in intellectu poterat esse carentia notitiæ alicuius, nulla tamen poterat ibi esse existimatio falsi.

Quod etiam ex ipsa rectitudine primi status apparet. Sed quamdiu anima maneret Deo subdita, tamdiu in homine inferiora superioribus subderentur; nec superiora per inferiora impedirentur. Manifestum est autem ex præmissis (quæst. lxxv. art. 6.) quod intellectus circa proprium obiectum semper verus est: unde ex seipso numquam decipitur; sed omnis deceptio accidit in intellectu ex aliquo inferiori, puta phantasia, vel aliquo huiusmodi. Unde videmus quod quando naturale iudicatum non est ligatum, non decipimur per huiusmodi apparitiones, sed solum quando ligatur, iustitiae quantum ad dominum super alia patet in dormientibus. Unde manifestum est quod rectitudo primi status non compatiebatur aliquam deceptionem circa intellectum.

Ad primum ergo dicendum, quod illa seductio mulieris, (a) etsi præcesserit peccatum operis, subiecta tamen est peccatum internæ elationis. Dicit enim

Augustinus XI. super Gen. ad lit. (cap. xxx. cir. med.) quod mulier verba serpentis non crederet, nisi iam inisset menti eius amor: propria potestas, & quadam de se sumpta præsumptio.

Ad secundum dicendum, quod mulier putavit, serpentem hoc accepisse loquendi officium, non per naturam, sed aliqua supernaturali operatione; quamvis non sit necessarium auctoritatem Magistri Sententiarum in hac parte.

Ad tertium dicendum, quod si aliquid representatum fuisset sensui, vel phantasiæ primi hominis aliter quam sit in rerum natura, non tamen deciperetur, quia per rationem veritatem diiudicaret.

Ad quartum dicendum, quod id quod accidit in somno, non imputatur homini, quia non habet usum rationis, qui est proprius hominis actus.

Ad quintum dicendum, quod alicui dicenti falsum de contingentibus futuris, vel cogitationibus cordium hominum in statu innocentie non credidisset ita esse; sed credidisset quod hoc esset possibile: & hoc non esset existimare falsum.

Vel potest dici, quod divinitus ei subventum fuisset, ne deciperetur in his quorum scientiam non habebat.

Nec est instantia, quam quidam afferunt, quod in tentatione non fuit ei subventum ne deciperetur, licet tunc maxime indigeret: quia iam præcesserat peccatum in animo, & ad divinum auxilium recursum non habuit.

QUAESTIO XCV.

De his que attinent ad voluntatem primi hominis, gratia scilicet, & iustitia, in quatuor articulos divisa.

DEinde considerandum est de his quæ pertinent ad voluntatem primi hominis; & circa hoc consideranda sunt duo. Primo quidem de gratia, & iustitia primi hominis. Secundo de usu iustitiæ quantum ad dominum super alia.

Circa primum quaeruntur quatuor.

Primo, utrum homo creatus fuerit in gratia.

Secundo, utrum in statu innocentie habuerit animæ passiones.

Tertio, utrum habuerit virtutes omnes.

Quar-

(a) Ceterum Adam. et si præcessit. Al. et si non præcessit.

Quarto, utrum opera eius fuissent æque efficacia ad merendum, sicut modo sunt.

ARTICULUS I. 476

Utrum primus homo fuerit creatus in gratia.

2. 2. quæst. v. art. 1. corp. & II. dist. xx. quæst. 11. art. 3. corp. & dist. xxix. quæst. 1. art. 2. & quod, 1. art. 8. cor.

AD primum sic proceditur. Videtur quod primus homo non fuerit creatus in gratia. Apostolus enim I. Cor. xv. 45. distinguens Adam a Christo dicit: Factus est primus Adam in animam viventem, novissimus autem in spiritum vivificantem. Sed vivificatio spiritus est per gratiam. Ergo hoc est proprium Christi quod fuerit factus in gratia.

2. Præterea. Augustinus (alius Autor) dicit in Lib. de questionibus veteris, & novi Testamenti (quæst. cxxiii. in fin.) quod Adam non habuit Spiritum sanctum. Sed quicumque habet gratiam, habet Spiritum sanctum. Ergo Adam non fuit creatus in gratia.

3. Præterea. Augustinus dicit in Lib. de correptione, & gratia (cap. x. cir. med.) quod Deus sic ordinavit Angelorum, & hominum vitam, ut prius in eis ostenderet quid posset eorum liberum arbitrium, deinde quid posset suæ gratiæ beneficium, iustitiæque iudicium. Primo ergo condidit hominem, & Angelum in sola naturalis arbitrii libertate, & postmodum ei gratiam contulit.

4. Præterea. Magister dicit in xxiv. dist. Lib. II. Sent. quod homini in creatione datum est auxilium, per quod stare poterat, sed non poterat proficere. Quicumque autem habet gratiam, potest proficere per meritum. Ergo primus homo fuit creatus in gratia.

5. Præterea. Ad hoc quod aliquis accipiat gratiam, requiritur consensus ex parte recipientis; cum per hoc periciatur matrimonium quoddam spirituale inter Deum & animam. Sed consensus in gratiam esse non potest nisi prius existentis. Ergo homo non accepit gratiam in primo instanti suæ creationis.

6. Præterea. Natura plus distat a gratia quam gratia a gloria, quæ nihil est aliud quam gratia consummata. Sed in homine gratia præcessit gloriam. Ergo multo magis natura præcessit gratiam.

Sed contra. Homo, & Angelus æqua-

liter ordinantur ad gratiam. Sed Angelus est creatus in gratia: dicit enim Augustinus XII. de civir. Dei (cap. ix. a med.) quod Deus simul erat in eis condens naturam, & largiens gratiam. Ergo & homo creatus fuit in gratia.

Respondendo dicendum, quod quidam dicunt, quod primus homo non fuit creatus in gratia; sed tamen postmodum gratia fuit sibi collata, antequam peccasset. Plurimæ autem Sanctorum auctoritates attestantur, hominem in statu innocentie gratiam habuisse.

Sed quod fuerit etiam conditus in gratia, ut alii dicunt, videtur requirere ipsa rectitudo primi status, in qua Deus hominem fecit, secundum illud Eccle. vii. 30. Deus fecit hominem rectum. Erat enim rectitudo secundum hoc quod ratio subdebatur Deo; rationi vero inferiores vires, & animæ corpus. Prima autem subiectio erat causa & secundæ, & tertiæ. Quandiu enim ratio manebat Deo subiecta, inferiora ei subdebantur, ut Augustinus dicit (cap. xvi. Lib. I. de remissis. peccatorum). Manifestum est autem quod illa subiectio corporis ad animam, & inferiorum virium ad rationem non erat naturalis: alioquin post peccatum mansisset, cum etiam in dæmonibus datur naturalia post peccatum permanserint, ut Dionysius dicit iv. cap. de div. Nom. (par. iv. lect. 19.) Unde manifestum est quod & illa prima subiectio, qua ratio Deo subdebatur, non erat solum secundum naturam, sed secundum supernaturale donum gratiæ: non enim potest esse quod effectus sit potior quam causa. Unde Augustinus dicit XIII. de civ. Dei (cap. xiii. in princ.) quod postquam præcepti facta transgressus est, confessum, gratia deserente divina, de corporum suorum nuditate confusi sunt. Senserunt enim motum inobedientis carnis suæ, tanquam reciprocæ poenæ inobedientiæ suæ. Ex quo datur intelligi, si deserente gratia, soluta est obedientia carnis ad animam, quod per gratiam in anima existentem inferiora ei subdebantur.

Ad primum ergo dicendum, quod Apostolus illa verba inducit ad ostendendum esse corpus spirituale, sicut corpus animale: quia vita spiritualis corporis incepit in Christo, qui est primogenitus ex mortuis, sicut vita corporis animalis incepit in Adam. Non ergo in verbis Apostoli habetur quod Adam non fuit spiritualis secundum animam, sed quod non fuit spiritualis secundum corpus.

Ad

Ad secundum dicendum, quod, sicut Augustinus (alius Auctor) dicit in eodem Lib. (loco cit. in arg.) non negatur quin aliquo modo fuerit in Adam Spiritus sanctus, sicut & in aliis iustis; sed quod non sit fuerit in eo, sicut nunc est in fidelibus, qui admittuntur ad perfectionem hereditatis aeternae statim post mortem.

Ad tertium dicendum, quod ex illa auctoritate Augustini non habetur quod Angelus, vel homo prius fuerit creatus in naturali libertate arbitrii quam habuisset gratiam; sed quod ostendit quid in eis posset liberum arbitrium ante confirmationem, & quid postmodum consecutus essent per auxilium gratiae confirmantur.

Ad quartum dicendum, quod Magister loquitur secundum opinionem illorum qui posuerunt, hominem non esse creatum in gratia, sed in naturalibus tantum.

Vel potest dici, quod etsi homo fuerit creatus in gratia, non tamen habuit creatione naturae quod posset proficere per meritum, sed ex superadditione gratiae.

Ad quintum dicendum, quod cum motus voluntatis non sit continuus, nihil prohibet etiam in primo instanti suae creationis primum hominem gratiae consensisse.

Ad sextum dicendum, quod gloriam meremur per actum gratiae, non autem gratiam per actum naturae. Unde non est similis ratio.

ARTICULUS II. 477

Utrum in primo homine fuerint animae passiones.

corr. quaest. XXV. art. 2. cor. fi. 13 ad 6.

AD secundum sic proceditur. Videtur quod in primo homine non fuerint animae passiones. Secundum enim passiones animae contingit quod caro concupiscit adversus spiritum. (Gal. v. 17.) Sed hoc non erat in statu innocentiae. Ergo in statu innocentiae non erant animae passiones.

1. Praeterea. Anima Adae erat nobilior quam corpus. Sed corpus Adae fuit impassibile. Ergo nec in anima eius fuerunt passiones.

3. Praeterea. Per virtutem moralem comprimuntur animae passiones. Sed in

Adam fuit virtus moralis perfecta. Ergo totaliter passiones excluderentur ab eo.

Sed contra est quod dicit Augustinus XIV. de civ. Dei (cap. x. ante med.) quod erat in eis amor imperturbatus in Deum, *13* quodam alia animae passiones.

Respondeo dicendum, quod passiones animae sunt in appetitu sensuali, cuius obiectum est bonum, & malum. Unde omnium passionum animae quaedam ordinantur ad bonum, ut amor, & gaudium; quaedam ad malum, ut timor, & dolor. Et quia in primo statu nullum malum aderat, nec iminebat, nec aliquod bonum aberat, quod cuperet bona voluntas pro tempore illo habendum, ut patet per Augustinum XIV. de civ. Dei (loco cit.) omnes illae passiones quae respiciunt malum, in Adam non erant,

(a) ut timor, & dolor, & huiusmodi: similiter nec illae passiones quae respiciunt bonum non habitum, (b) & tunc habendum, ut cupiditas actus: illae vero passiones quae possunt esse boni praesentis, ut gaudium, & amor; vel quae sunt futuri boni in suo tempore habendi, ut desiderium, & spes non affligens, fuerunt in statu innocentiae; aliter tamen quam in nobis. Nam in nobis appetitus sensibilis, in quo sunt passiones, non totaliter subest rationi: unde passiones quandoque sunt in nobis praevinentes iudicio rationis, & impediunt; quandoque vero ex iudicio rationis consequentes, prout sensibilis appetitus aliquid rationi obedit. In statu vero innocentiae inferior appetitus erat rationi totaliter subiectus. Unde non erant in eo passiones animae, nisi ex rationis iudicio consequentes.

Ad primum ergo dicendum, quod caro concupiscit adversus spiritum per hoc quod passiones rationi repugnant: quod in statu innocentiae non erat.

Ad secundum dicendum, quod corpus humanum in statu innocentiae erat impassibile quantum ad passiones quae remouent dispositionem naturalem, ut infra dicitur (quaest. xcvi. art. 1. & 2.) & similiter anima fuit impassibilis quantum ad passiones quae impediunt rationem.

Ad tertium dicendum, quod perfecta virtus moralis non totaliter tollit passiones, sed ordinat eas. Temperati enim est concupiscere sicut oportet, & quae oportet, ut dicitur in III. Ethic. (cap. xxi. ad fin.)

A R-

(a) Nihil aliud ut dolor, & huiusmodi. (b) Ita codices Alcan. & Turren. ubi edidit per litteras. Ediz. Rom. cum Niclas & quac.

ARTICULUS III. 478

Utrum Adam habuerit omnes virtutes.

II. dist. XIX. art. 3. cor. & ad 1. & in exp. lit. 3.

AD tertium sic proceditur. Videtur quod Adam non habuerit omnes virtutes. Quaedam enim virtutes ordinantur ad reprimendam immoderantiam passionum; sicut per temperantiam retinetur immoderata concupiscentia, & per fortitudinem immoderatus timor. Sed immoderantia passionum non erat in statu innocentie. Ergo nec dicte virtutes.

2. Præterea. Quaedam virtutes sunt circa passiones respicientes malum, ut manuctudo circa iras, fortitudo circa timores. Sed tales passiones non erant in statu innocentie, ut dictum est (art. præc.) Ergo nec huiusmodi virtutes.

3. Præterea. Penitencia est quedam virtus respiciens peccatum prius commissum; misericordia etiam est quedam virtus respiciens misericordiam. Sed in statu innocentie non erat peccatum, nec miseria. Ergo neque huiusmodi virtutes.

4. Præterea. Perseverantia est quedam virtus. Sed hanc Adam non habuit, ut sequens peccatum offendit. Ergo non habuit omnes virtutes.

5. Præterea. Fides quedam virtus est. Sed hæc in statu innocentie non fuit: importat enim enigmaticam cognitionem, quæ perfectioni primi status repugnare videtur.

Sed contra est quod Augustinus dicit in quadam homil. (in conc. ad catechum. contra Iudæos; Pagan. & Arian. cap. 11. a med.) *Principi vitiorum vicit Adam de luto terra ad imaginem Dei factum, pudicitia ornatum, temperantia compositum, stantitate circumdatum.*

Respondendo dicendum, quod homo in statu innocentie aequaliter habuit omnes virtutes: & hoc ex dictis patet esse verum. Dictum est enim supra (art. 1. huius quest.) quod talis erat rectitudo primi status, quod ratio erat Deo subiecta, inferiores autem vires rationi. Virtutes autem nihil aliud sunt quam perfectiones quedam, quibus ratio ordinatur in Deum, & inferiores vires disponuntur secundum regulam rationis, ut magis patebit cum de virtutibus agetur (1. 2. quest. lxxiii. art. 2.) Unde rectitudo

primi status exigebat ut homo aequaliter omnes virtutes haberet.

Sed considerandum est, quod virtutum quedam sunt quæ de sui ratione nullam imperfectionem important, ut caritas, & iustitia: & huiusmodi virtutes fuerunt in statu innocentie simpliciter & quantum ad habitum, & quantum ad actum. Quedam vero sunt quæ de sui ratione imperfectionem important vel ex parte actus, vel ex parte materie. Et si huiusmodi imperfectio non repugnat perfectioni primi status, nihilominus huiusmodi virtutes poterant esse in primo statu; sicut fides, quæ est eorum quæ non videntur; & spes, quæ est eorum quæ non habentur. Perfectio enim primi status non se extendebat ad hoc ut videret Deum per essentiam, & ut haberet (a) cum fruitione finalis beatitudinis. Unde fides, & spes esse poterant in primo statu & quantum ad habitum, & quantum ad actum. Si vero imperfectio, quæ est de ratione virtutis aliquis, repugnat perfectioni primi status, poterat huiusmodi virtus ibi esse secundum habitum, & non secundum actum, ut patet de penitencia, quæ est dolor de peccato commisso, & de misericordia, quæ est dolor de miseria aliena. Perfectioni autem primi status repugnat tam dolor, quam culpa, & miseria. Unde huiusmodi virtutes erant in primo homine secundum habitum, & non secundum actum. Erat enim primus homo sic dispositus ut si peccatum præcessisset, doleret; & similiter si miseriam in alio videret, eam pro posse repelleret; sicut Philoosophus dicit in IV. Ethic. (cap. ult. in hn.) quod *verecundia, quæ est de turpi facti, contingit studiis solum sub conditione: est enim sic dispositus quod verecundaretur, si turpe aliquid committeret.*

Ad primum ergo dicendum, quod accidebat temperantie, & fortitudini quod superabundantiam passionum repellat, in quantum invenit passiones superabundantes in subiecto. Sed per se conveniebat huiusmodi virtutibus passiones moderari.

Ad secundum dicendum, quod illæ passiones ad malum ordinatæ repugnant perfectioni primi status quæ habent respectum ad malum in iplo qui afficitur passione, ut timor, & dolor. Sed passiones quæ respiciunt malum in altero, non repugnant perfectioni primi status. Poterat enim homo in primo statu habere odio malitiam demonum, sicut & diligere

(a) Ita Rom. edit. & Passavia. Codd. & Tarras. Alii cum Garcia, & N. s. s. e. cum sequuntur.

ligere bonitatem Dei. Unde & virtutes quæ circa tales passiones essent, possent esse in primo statu & quantum ad habitum, & quantum ad actum. Quæ vero sunt circa passiones respicientes malum in eodem subiecto, si circa huiusmodi solas passiones sunt, non poterant esse in primo statu secundum actum, sed solum secundum habitum; sicut de poenitentia, & misericordia dictum est (in corp.) Sed sunt quædam virtutes quæ non sunt circa has passiones solum, sed etiam circa alias; sicut temperantia, quæ non solum est circa tristitias, sed etiam circa delectationes; & fortitudo, quæ non solum est circa timorem, sed etiam circa audaciam, & spem. Unde poterat esse in primo statu actus temperantiæ, secundum quod est moderativa delectationum; & similiter fortitudo, secundum quod est moderativa audaciæ, sive spei, non autem secundum quod moderatur tristitiam, & timorem.

Ad tertium patet solutio ex his quæ dicta sunt (in corp. art.)

Ad quartum dicendum, quod perseverantia dupliciter sumitur. Uno modo prout est quedam virtus; & sic significat quandam habitum quo quis eligit perseverare in bono: & sic Adam perseverantiam habuit. Alio modo prout est circumstantia virtutis; & sic significat continuationem quandam virtutis absque interruptione: & hoc modo Adam perseverantiam non habuit.

Ad quintum patet responsio per ea quæ dicta sunt (in corp. art.)

ARTICULUS IV. 479

um opera primi hominis fuerint minus efficacia ad merendum quam opera nostra.

II. dist. XXX. art. 4.

AD quartum sic proceditur. Videtur quod opera primi hominis fuerint minus efficacia ad merendum quam opera nostra. Gratia enim ex Dei misericordia datur, quæ magis indigentibus subvenit magis. Sed nos indigemus magis gratia quam primus homo in statu innocentie. Ergo copiosius infunditur nobis gratia: quæ cum sit radix meriti, opera nostra efficaciora ad merendum redduntur.

1. Præterea. Ad meritum requiritur pugna quedam, & difficultas. Dicitur enim II. ad Timoth. 11. 9. *Non coronabitur nisi qui legitime certaverit*: & Philo-

phus dicit in II. Erhic. (cap. 111. ad fin.) *quod virtus est circa difficile, est bonum*. Sed nunc est maior pugna, & difficultas. Ergo & maior efficacia ad merendum.

3. Præterea, Magister dicit xxrv. dist. II. Lib. Sent. quod homo non merisset tentationi resistendo. Nunc autem moritur qui tentationi resistit. Ergo efficaciora sunt opera nostra ad merendum quam in primo statu.

Sed contra est, quia secundum hoc homo esset melioris conditionis post peccatum.

Respondeo dicendum, quod quantitas meriti ex duobus potest pensari. Uno modo ex radice caritatis, & gratiæ: & talis quantitas meriti respondet premio essentiali, quod consistit in Dei fruitione: qui enim ex maiori caritate aliquid facit, perfectius Deo fruitur. Alio modo pensari potest quantitas meriti ex quantitate operis: quæ quidem est duplex, scilicet absoluta, & proportionalis. Vidua enim quæ misit duo æra minuta in gazophylacium, minus opus fecit quantitate absoluta quam illi qui magna munera posuerunt; sed quantitate proportionali vidua plus fecit secundum intentionem Domini, quia magis eius facultatem superabat. Utraque tamen quantitas meriti respondet premio accidentaliter, quod est gaudium de bono creato.

Sic igitur dicendum, quod efficaciora fuissent hominis opera ad merendum in statu innocentie quam post peccatum, si attendatur quantitas meriti ex parte gratiæ, quæ tunc copiosior fuisset, nullo obstaculo in natura humana invento: similiter etiam, si consideretur absoluta quantitas operis: quia cum homo esset maioris virtutis, minus opus fecisset. Sed si consideretur quantitas meriti proportionalis, maior invenitur ratio meriti post peccatum propter hominis imbecillitatem. Magis enim excedit parvum opus potestatem eius qui cum difficultate operatur illud, quam opus magnum potestatem eius qui sine difficultate illud operatur.

Ad primum ergo dicendum, quod homo post peccatum ad plura indiget gratia quam ante peccatum, sed non magis: quia homo etiam ante peccatum indigebat gratia ad vitam æternam consequendam, quæ est principalis necessitas gratiæ; sed homo post peccatum super hoc indiget gratia etiam ad peccati remissionem, & infirmitatis sustentationem.

Ad

Ad secundum dicendum, quod difficultas, & pugna pertinent ad quantitatem meriti secundum quantitatem operis proportionalem, ut dictum est (in corp. art.) Et est signum promptitudinis voluntatis, quae conatur ad id quod est sibi difficile. Promptitudo autem voluntatis consistit ex magnitudine caritatis. Potest autem contingere quod aliquis ita prompta voluntate faciat opus aliquod facile, sicut alius difficile: quia paratus esset facere etiam quod sibi esset difficile. Difficultas tamen actualis, in quantum est poenalis, habet etiam quod sit satisfactoria pro peccato.

Ad tertium dicendum, quod resistere tentationi primo homini non fuisset meritorium, secundum opinionem ponentium quod gratiam non haberet, sicut nec modo est meritorium non habenti gratiam. Sed in hoc est differentia, quia in primo statu nihil erat interius impellens ad malum, sicut modo est. Unde magis tunc poterat homo resistere tentationi sine gratia quam modo.

QUAESTIO XCVI.

*De dominio, quod homini in statu innocentiae compete-
bat,*

in quatuor articulis divisa.

DEinde considerandum est de dominio, quod compete-*bat homini in statu innocentiae: & circa hoc quaeruntur quatuor.*

Primo, utrum homo in statu innocentiae animalibus dominaretur.

Secundo, utrum dominaretur omni creaturae.

Tertio, utrum in statu innocentiae omnes fuissent aequales.

Quarto, utrum homines hominibus dominarentur in illo statu.

ARTICULUS I. 480

Utrum Adam in statu innocentiae animalibus dominaretur.

II. dist. xlv. quest. 1. art. 3. & opus. xxix. cap. ix.

AD primum sic proceditur. Videtur quod Adam in statu innocentiae animalibus non dominabatur. Dicit enim Augustinus IX. super Genesim ad lit. (cap. xiv. ante med.) quod ministerio Angelorum animalia sunt adducta ad Adam, ut eis nomina imponeret. Non autem fuisset ibi necessarium Angelorum ministerium, si homo per seipsum animalibus dominabatur. Non ergo in statu innocentiae habuit dominium homo super alia animalia.

2. Præterea. Ea quæ ab invicem discordant, non recte sub uno dominio congregantur. Sed multa animalia naturaliter ab invicem discordant, sicut ovīs, & lupus. Ergo omnia animalia sub hominis dominio non continebantur.

3. Præterea. Hieronymus dicit, (nullibi id habetur apud Hier. at simile aliquid apud Bedam in suo Hexam. & re-
fertur in Glos. ordin.) quod homini ante peccatum non indigenti Deus animalium dominationem dedit; præstibat enim hominibus administratio animalium adiutorium fore post lapsum. Ergo ad minus usus domini super animalia non compete-*bat homini ante peccatum.*

4. Præterea. Proprium domini esse videtur præcipere. Sed præceptum non recte fertur nisi ad habentem rationem. Ergo homo non habebat dominium super animalia irrationalia.

Sed contra est quod dicitur Gen. i. 26. de homine: Præstabit eis piscibus maris, & volatilibus caeli, & bestis terræ.

Respondeo dicendum, quod, sicut supra dictum est (quest. xcv. art. 1.) inobedientia ad hominem eorum quæ ei debent esse subiecta, subsecuta est in poenam eius, eo quod ipse fuit inobediens Deo. Et ideo in statu innocentiae ante inobedientiam prædictam nihil ei repugnabat quod naturaliter deberet ei esse subiectum. Omnia autem animalia sunt homini naturaliter subiecta: quod apparet ex tribus. Primo ex ipso naturæ processu. Sicut enim in generatione rerum intelligitur quidam ordo, quo proceditur de imperfecto ad perfectum (nam materia est propter formam, & forma imperfectior propter perfectiorem) ita etiam est in usu rerum naturalium. Nam imperfectiora cedunt in usum perfectiorum: plantæ enim utuntur terra ad sui nutrimentum, animalia vero plantis, & homines plantis, & animalibus. Unde naturaliter homo dominatur animalibus: & propter hoc Philosophus dicit in I. Polit. (cap. v.) quod venatio stultissimum animalium est iusta, & naturalis: quia per eam homo vendicat sibi quod est naturaliter suum. Secundo apparet hoc ex ordine divinarum providentiarum, quæ semper inferiora per superiora gubernat. Unde cum homo sit supra cetera animalia, utpote ad imaginem

ginem Dei factus, convenienter eius gubernationi alia animalia subduntur. Tercio apparet idem ex proprietate hominis, & aliorum animalium. In aliis enim animalibus invenitur secundum æstimationem naturalem quædam participatio prudentiæ ad aliquos particulares actus; in homine autem universalis prudentia, quæ est ratio omnium agibilibus. Omne autem quod est per participationem, subditur ei quod est per essentiam, & universaliter. Unde patet quod naturalis est subiectio aliorum animalium ad hominem.

Ad primum ergo dicendum, quod in subiectis multa potest facere superior potestas quæ non potest facere inferior. Angelus autem est naturaliter superior homine. Unde aliquis effectus poterat fieri circa animalia virtute angelica qui non poterat fieri potestate humana, scilicet quod statim omnia animalia congregarentur.

Ad secundum dicendum, quod quidam dicunt, quod animalia quæ nunc sunt ferocia, & occidunt alia animalia, in statu illo fuissent mansueta, non solum circa hominem, sed etiam circa alia animalia. Sed hoc est omnino irrationabile. Non enim per peccatum hominis natura animalium est mutata; ut quibus nunc naturale est comedere aliorum animalium carnes, tunc vixissent de herbis, sicut leones, & falcones. Nec Glossa (a) Bedæ dicit Gen. 1. quod ligna, & herbe date sunt omnibus animalibus, & avibus in cibum, sed quibusdam. Fuisse ergo naturalis discordia inter quædam animalia. Nec tamen propter hoc subtraherentur dominio hominis; sicut nec nunc propter hoc subtrahuntur dominio Dei, cuius providentia hoc totum dispensatur. Et huius providentiæ homo executor fuisset, ut etiam nunc apparet in animalibus domesticis: ministrant enim falconibus domesticis per homines gallinæ in cibum.

Ad tertium dicendum, quod homines in statu innocentie non indigebant animalibus ad necessitatem corporalem; neque ad tegumentum, quia nudi erant, & non erubescerant, nullo incitante inordinatæ concupiscentiæ motu; neque ad cibum, quia lignis paradisi vescerantur; neque ad vehiculum, propter corporis robur: indigebant tamen eis ad experimentalem cognitionem fundendam de naturis eorum. Quod significatum est per hoc quod

Deus ad eum animalia adduxit, ut eis nomina imponeret, quæ eorum naturas designant.

Ad quartum dicendum, quod omnia animalia habent quamdam participationem prudentiæ, & rationis secundum æstimationem naturalem: ex qua coningit quod græves sequuntur ducem, & apes obediunt regi. Et sic tunc omnia animalia per se ipsa homini obediissent, sicut nunc quædam domestica ei obediunt.

ARTICULUS II. 481

Utrum homo habuisset dominium super omnes alias creaturas.

Locis sup. art. 1. notatis.

AD secundum sic proceditur. Videtur quod homo non habuisset dominium super omnes alias creaturas. Angelus enim naturaliter est maioris potestatis quam homo. Sed, sicut dicit Augustinus lib. de Trinit. (cap. viii.) materia corporalis non obediisset ad nutum etiam sanctis Angelis. Ergo multo minus homini in statu innocentie.

2. Præterea. In plantis non sunt de viribus animæ, nisi nutritiva, & augmentativa, & generativa. Hæ autem non sunt naturæ obedire rationi, ut in uno & eodem homine apparet. Ergo cum dominium competat homini secundum rationem, videtur quod homo in statu innocentie non dominaretur plantis.

3. Præterea. Quicumque dominatur alicui rei, potest illam rem mutare. Sed homo non potuisset mutare cursum cælestium corporum: hoc enim solius Dei est, ut dicit Dionysius in epist. ad Polycar. (vii. non procul a fin.) Ergo non dominabatur eis.

Sed contra est quod dicitur Genes. 1. 26. de homine: *Propter universa creaturæ.*

Respondeo dicendum, quod in homine quodammodo sunt omnia: & ideo secundum modum quo dominatur his quæ in seipso sunt, secundum hunc modum competit ei dominari aliis. Est autem in homine quatuor considerare: scilicet *rationem*, secundum quam convenit cum Angelis; *vires sensitivas*, secundum quas convenit cum animalibus; *vires naturales*, secundum quas convenit cum plantis; & *ipsum corpus*, secundum quod convenit cum rebus inanimatis. Ratio autem in ho-

(a) Oppositum patens habet Bedæ in sua Hexam. nec tale quidquam ex eo habet Glossa: unde ex corpore exemplari habuisse S. Thome; Nicolaus putat.

homine habet locum dominantis, & non subiecti dominio. Unde homo Angelis non dominatur in primo statu. Et quod dicitur, *omni creatura*, intelligitur, quæ non est ad imaginem Dei. Viribus autem sensitivis, sicut irascibili, & concupiscibili, quæ alicuius obediunt rationi, dominatur anima imperando. Unde in statu innocentie animalibus aliis per imperium dominatur; viribus autem naturalibus, & ipsi corpori homo dominatur, non quidem imperando, sed utendo. Et sic etiam homo in statu innocentie dominatur plantis, & rebus inanimatis, non per imperium, vel immutationem, sed absque impedimento utendo eorum auxilio.

Et per hoc patet responsio ad obiecta.

ARTICULUS III. 482

Utrum homines in statu innocentie fuissent æquales.

Sup. quest. XCII. art. 1. 2. & inf. art. 4. corp.

AD tertium sic proceditur. Videtur quod homines in statu innocentie omnes fuissent æquales. Dicit enim Gregorius (in Lib. pastoral. curæ part. 11. cap. vi.) quod ubi non deliquimus, omnes pares sumus. Sed in statu innocentie non erat delictum. Ergo omnes erant pares. 2. Præterea. Similitudo, & æqualitas est ratio mutue dilectionis, secundum illud Eccli. xiii. 19. *Omne animal diligit sibi simile; sic & omnis homo proximum sibi.* In illo autem statu inter homines (a) abundasset dilectio, quæ est vinculum pacis. Ergo omnes fuissent pares in statu innocentie.

3. Præterea. Cessante causa, cessat effectus. Sed causa inæqualitatis inter homines videtur nunc esse ex parte quidem Dei, quod quosdam pro meritis præmiat, quosdam vero iunit; ex parte vero naturæ, quia propter naturæ defectum quidam nascuntur debiles, & orbat, quidam autem fortes, & perfecti. quæ in primo statu non fuissent. Ergo &c.

Sed contra est quod dicitur Rom. xiii. 1. (b) *Quæ a Deo sunt, ordinata sunt.* Ordo autem maxime videtur in disparitate. S. Tb. Oper. Tum. XX.

consistere: dicit enim Augustinus XIX. de civ. Dei (cap. xiii. a princ.) *Ordo est parium, disparitatem rerum sua cuique loca tribuens dispositio.* Ergo in primo statu, qui decentissimus fuisset, disparitas inveniretur.

Respondeo dicendum, quod necesse est dicere, aliquam disparitatem in primo statu (c) futuram fuisse, ad minus quantum ad sexum: quia sine diversitate sexus generatio non fuisset: similiter etiam quantum ad ætatem: sic (d) enim quidam ex aliis nascebantur, nec illi qui (e) miscebantur, steriles erant.

Sed & secundum animam diversas fuisset & quantum ad iustitiam, & quantum ad scientiam. Non enim ex necessitate homo operabatur, sed per liberum arbitrium, ex quo (f) homo habet quod possit magis, & minus animum applicare ad aliquid faciendum, vel volendum, vel cognoscendum: unde quidam magis proficiscuntur in iustitia, & scientia, quam alii. Ex parte etiam corporis poterat esse disparitas. Non enim erat exemplum corpus humanum totali-ter a legibus naturæ, quin ex exterioribus agentibus aliquod commodum, auxilium recipere magis, & minus, cum etiam nibis eorum vita sustentaretur. Et sic nihil prohibet dicere quin secundum diversam dispositionem aeris, & diversum situm stellarum, aliqui robustiores corpore generarentur quam alii, & maiores, & pulchriores, & melius complexionati; ita tamen quod in illis qui excederentur, nullus esset defectus, vel peccatum sive circa animam, sive circa corpus.

Ad primum ergo dicendum, quod Gregorius per verba illa intendit excludere disparitatem quæ est secundum differentiam iustitiæ, & peccati: ex qua contingit quod aliqui prænaliter sunt sub aliis coercendi.

Ad secundum dicendum, quod æqualitas est causa quod dilectio mutua sit æqualis. Sed tamen inter inæquales potest esse maior dilectio quam inter æquales, licet non æqualiter utrinque respondeat: pater enim plus diligit filium naturaliter quam frater fratrem; licet filius

Pp non

(a) Ita Lavan, & Duaren Theologi in ed. Camer. Thomas Madalena in sue Alcan. ed. legendum prænot huiusmodi dabitur dilectio. Ed. Rom. & Patav. 1498. abundat. In edit. Nicolai typographum error emissum fuit hoc a. argumentum. (b) Vulgata: Quæ autem sunt, a Deo ordinata sunt. (c) Al. deest futuram. (d) Al. deest enim. (e) Ita ed. omnes quæ videmus, & ed. Alcan. prima manu, sed in nascebantur mutatum apparet. Passim ad marginem notatur al. nascebantur: quam sollemnem meliorem repetat Garcia, & Madalena. (f) Ita edd. quidam cum ed. Nicolai, Patav. & Theologi. Ed. Alcan. cum ed. Rom. ex quo ratio habet quod homo possit.

non tantum diligat patrem, sicut ab eo diligitur.

Ad tertium dicendum, quod causa disparitatis poterat esse ex parte Dei; non quidem ut puniret quoddam, & quoddam præmiaret; sed ut quoddam plus, quoddam minus sublimaret: ut pulchritudo ordinis magis in hominibus reluceret. Et etiam ex parte naturæ poterat disparitas causari secundum prædictum modum, absque aliquo defectu naturæ.

ARTICULUS IV. 483

Utrum homo in statu innocentie homini dominabatur.

2. 2. *quest. clxiv. art. 2. cor. 2. ad 1. & 11. dist. xlv. quest. 1. art. 3. & op. xx. Lib. II. cap. ix. & Lib. III. cap. ix. fin.*

AD quartum sic proceditur. Videtur quod homo in statu innocentie homini non dominabatur. Dicit enim Augustinus XIX. de civ. Dei (cap. xv. a princ.) *Hominem rationalem ad imaginem suam factum non voluit Deus nisi irrationalibus dominari, non hominem homini, sed hominem pecori.*

2. Præterea. Illud quod est introductum in poenam peccati, non fuisse in statu innocentie. Sed hominem subesse homini, introductum est in poenam peccati: dictum est enim mulieri post peccatum: *Sub potestate viri eris*, ut dicitur Gen. III. 16. Ergo in statu innocentie non erat homo homini subiectus.

3. Præterea. Subiectio libertati opponitur. Sed libertas est unum de principis bonis; quod in statu innocentie non defuisset, quare nihil aberrat quod bona voluntas cupere posset, ut Augustinus dicit XIV. de civ. Dei (cap. x.). Ergo homo homini in statu innocentie non dominabatur.

Sed contra. Condicio hominum in statu innocentie non erat dignior quam condicio Angelorum. Sed inter Angelos quidam aliis dominantur: unde & unus ordo *Dominacionum* vocatur. Ergo non est contra dignitatem status innocentie quod homo homini dominaretur.

Respondendo dicendum, quod dominium accipitur dupliciter. Uno modo secundum quod opponitur servituti: & sic dominus dicitur cui aliquis subditur ut servus. Alio modo accipitur dominium, secundum quod communiter refertur ad

subiectum qualitercumque: & sic etiam ille qui habet officium gubernandi & dirigendi liberos, dominus dici potest. Primo ergo modo accepto dominio, in statu innocentie homo homini non dominaretur; sed secundo modo accepto dominio, in statu innocentie homo homini dominari potuisset.

Cuius ratio est, quia servus in hoc differt a libero, quod *liber est causa sui*, ut dicitur in princip. Metaph. (cap. 11.) *servus autem ordinatur ad alium.* Tunc ergo aliquis dominatur alteri ut servo, quando eum cui dominatur, ad propriam utilitatem sui, scilicet dominantis, refert. Et quia unicuique est appetibile proprium bonum; & per consequens contristabile est unicuique quod illud bonum quod debet esse suum, cedat alteri tantum: ideo tale dominium non potest esse sine pœna subiectorum. propter quod in statu innocentie non fuisset tale dominium hominis ad hominem.

Tunc vero dominatur aliquis alteri ut libero, quando dirigit ipsum ad proprium bonum eius qui dirigitur, vel ad bonum commune: & tale dominium hominis ad hominem in statu innocentie fuisset propter duo. Primo quia homo naturaliter est animal sociale. Unde homines in statu innocentie socialiter vixissent. Socialis autem vita multorum esse non posset, nisi aliquis præligeret, qui ad bonum commune intenderet. Multi enim per se intendunt ad multa, unus vero ad unum. Et ideo Philosophus dicit in princip. Politic. quod quodcumque multa ordinantur ad unum, semper invenitur unum ut principale, & dirigens. Secundo quia si unus homo habuisset super alium supereminentiam scientie, & iustitie, inconveniens fuisset; nisi hoc exequeretur in utilitatem aliorum, secundum quod dicitur I. Pet. IV. 10. *Unusquisque gratiam, quam accepit, in alterutrum illam adjuvantes.* Unde Augustinus dicit XIX. de civ. Dei (cap. xiv. in fin.) quod iusti non dominandi cupiditate imperant, sed officio consulendi (& cap. xv.) *Hoc naturalis ordo præscribit: ita Deus hominem condidit.*

Et per hoc patet responsio ad omnia obiecta, quæ procedunt de primo modo dominii.

QUAESTIO XCVII.

De his quæ pertinent ad statum primi hominis quantum ad individui conservationem.

in quatuor articulos divisa.

DEinde considerandum est de his quæ pertinent ad statum primi hominis secundum corpus: & primo quantum ad conservationem individui; secundo quantum ad conservationem speciei.

Circa primum quærentur quatuor.

Primo, utrum homo in statu innocentie esset immortalis.

Secundo, utrum esset impassibilis.

Tertio, utrum indigeret cibis.

Quarto, utrum per lignum vitæ immortalitatem consequeretur.

ARTICULUS I. 484

Utrum homo in statu innocentie esset immortalis.

II. dist. XIX. quæst. 11. art. 4. & mai. quæst. V. art. 3. corp.

AD primum sic proceditur. Videtur quod homo in statu innocentie non erat immortalis. Mortale enim ponitur in definitione hominis. Sed remota definitione, aufertur definitum. Ergo, si homo erat, non poterat esse immortalis.

2. Præterea. Corruptibile, & incorruptibile genere differunt, ut dicitur in X. Metaph. (tex. 26.) Sed eorum quæ differunt genere, non est transmutatio in invicem. Si ergo primus homo fuit incorruptibilis, non posset homo in statu isto esse corruptibilis.

3. Præterea. Si homo in statu innocentie fuit immortalis, aut hoc habuit per naturam, aut per gratiam. Sed non per naturam, quia cum natura eadem maneat secundum speciem, nunc quoque esset immortalis: similiter nec per gratiam, quia primus homo gratiam per poenitentiam recuperavit, secundum illud Sap. x. 2. *Eduxit illum a delicto suo.* Ergo immortalitatem recuperasset; quod patet esse falsum. Non ergo homo erat immortalis in statu innocentie.

4. Præterea. Immortalitas promittitur homini in præmium, secundum illud Apoc. xxi. 4. *Mors ultra non erit.* Sed homo non fuit conditus in statu præmii, sed ut præmium mereretur. Ergo homo in statu innocentie non fuit immortalis.

Sed contra est quod dicitur ad Rom. v. 12. quod per peccatum intravit mors in mundum. Ergo ante peccatum homo erat immortalis.

Respondeo dicendum, quod aliquid potest dici incorruptibile tripliciter. Uno modo ex parte materie, eo scilicet quod vel non habet materiam, sicut Angelus, vel habet materiam quæ non est in potentia nisi ad unam formam, sicut corpus cælestis: & hoc dicitur secundum naturam incorruptibile. Alio modo dicitur aliquid incorruptibile ex parte forme, quia scilicet rei corruptibili per naturam inheret aliqua dispositio, per quam totaliter a corruptione prohibetur: & hoc dicitur incorruptibile secundum gloriam: quia, ut dicit Augustinus in epist. ad Dioscorum, tam potenti natura Deus fecit animam, ut ex eius beatitudine rediret in corpus plenitudo sanitatis, & incorruptionis vigor. Tertio modo dicitur aliquid incorruptibile ex parte causæ efficientis: & hoc modo homo in statu innocentie fuisse incorruptibilis, & immortalis: quia, ut Augustinus (alius Auctor) dicit in Lib. de Q. nov. & vet. Testam. (quæst. xix. in prin.) *Deus hominem fecit, qui quoadvis non peccaret, immortalitate vigeret, ut ipse sibi auctor esset aut ad vitam, aut ad mortem.* Non enim corpus eius erat indissolubile per aliquem immortalitatis vigorem in eo existentem; sed inerat animæ vis quædam supernaturaliter divinitus data, per quam poterat corpus ab omni corruptione præservare, quamdiu ipsa Deo subiecta mansisset. Quod rationaliter factum est: quis enim anima rationalis excedit proportionem corporalis materie, ut supra dictum est (quæst. lxxvi. art. 1.) conveniens fuit ut in principio ei virtus daretur, per quam corpus conservare posset supra naturam corporalis materie.

Ad primum ergo, & secundum dicendum, quod rationes illæ procedunt de incorruptibili, & immortalis per naturam.

Ad tertium dicendum, quod vis illa præservandi corpus a corruptione non erat animæ humanæ naturalis, sed per donum gratiæ: & quamvis gratiam recuperaverit ad remissionem culpæ, & meritum gloriæ, non tamen ad amissionem immortalitatis effectum: hoc enim referebatur Christo, per quem naturæ defectus in melius reparandus erat ut infra dicitur (III. P. quæst. 1. art. 2.)

P p 2 Ad

Ad quartum dicendum, quod differt immortalitas gloriæ, quæ promittitur in premium, ab immortalitate quæ fuit homini collata in statu innocentie.

ARTICULUS II. 485

Utrum homo in statu innocentie fuisset passibilis.

II. diff. XIX. art. 3. & diff. XXIII. quæst. 11. art. 3. & diff. XXIX. art. 3. cor.

AD secundum sic proceditur. Videtur quod homo in statu innocentie fuisset passibilis. Sentire enim est pati quoddam. Sed homo in statu innocentie fuisset sensibilis. Ergo fuisset passibilis.

2. Præterea. Somnus passio quædam est. Sed homo in statu innocentie dormivisset, secundum illud Gen. 11. 21. *Immisi Deus soporem in Adam*. Ergo fuisset passibilis.

3. Præterea. Ibidem subditur, quod *tulit unam de costis eius*. Ergo fuisset passibilis etiam per abscissionem partis.

4. Præterea. Corpus hominis molle fuit. Sed molle naturaliter passivum est a duro. Ergo si corpori primi hominis obvium fuisset aliquid corpus durum, ab eo passus fuisset; & sic primus homo fuit passibilis.

Sed contra est, quia si fuisset passibilis, fuisset corruptibilis: quia *passio maris facta abiicit a substantia*. (ex Philos. VI. Topic. cap. 111.)

Respondeo dicendum, quod passio dupliciter dicitur: Uno modo proprie; & sic pati dicitur quod a sua naturali dispositione removetur, passio enim est effectus actus. In rebus autem naturalibus contraria agunt, & patiuntur ad invicem, quorum unum removet alterum a sua naturali dispositione. Alio modo dicitur passio communiter secundum quamcumque mutationem, etiam si pertineat ad perfectionem naturæ, sicut intelligere, vel sentire dicitur pati quoddam. Hoc igitur secundo modo homo in statu innocentie passibilis erat, & patiebatur & secundum animam, & secundum corpus. Primo autem modo dicta passio erat impassibilis & secundum animam, & secundum corpus, sicut & immortalis. Poterat enim passionem prohibere, sicut & mortem, si absque peccato persistisset.

Et per hoc patet responsio ad duo prima. Nam sentire, & dormire non re-

movent hominem a naturali dispositione, sed ad bonum naturæ ordinantur.

Ad tertium dicendum, quod, sicut supra dictum est (quæst. XCII. art. 3. ad 2.) costa illa fuit in Adam, inquantum erat principium humani generis, sicut semen in homine, inquantum est principium per generationem. Sicut igitur descisso semine non est cum passione, quæ removeat hominem a naturali dispositione; ita etiam est dicendum de separatione illius costæ.

Ad quartum dicendum, quod corpus hominis in statu innocentie poterat conservari ne pateretur læsionem ab aliquo duro: partim quidem per propriam rationem, per quam poterat nociva vitare; partim etiam per divinam providentiam, quæ sic ipsum tuebatur, ut nihil ei occurreret ex improvviso, a quo læderetur.

ARTICULUS III. 486

Utrum homo in statu innocentie indigebat cibi.

II. diff. XIX. art. 2. ad 2. & 3. & II. contr. cap. LXXXII. & mal. quæst. V. art. 5. ad 8. & 9. & opusc. 11. cap. XIII.

AD tertium sic proceditur. Videtur quod homo in statu innocentie non indigebat cibi. Cibus enim necessarius est homini ad restaurationem desperditi. Sed in corpore Adæ nulla fiebat desperditio, quia incorruptibile erat. Ergo non erat ei cibus necessarius.

2. Præterea. Cibus est necessarius ad nutriendum. Sed nutritio non est sine passione. Cum ergo corpus hominis esset impassibile, non erat ei cibus necessarius, ut videtur.

3. Præterea. Cibus dicitur esse nobis necessarius ad vitæ conservationem. Sed Adam aliter vitam poterat conservare: quia si non peccaret, non moreretur. Ergo cibus non erat ei necessarius.

4. Præterea. Ad sumptionem cibi sequitur emissio superfluitatum, quæ habent quandam turpitudinem non convenientem dignitati primi status. Ergo videtur quod homo in primo statu cibus non uteretur.

Sed contra est quod dicitur Genes. 11. 16. *De omni ligno quod est in paradiso, (a) comedetis*.

Respondeo dicendum, quod homo in statu innocentie habuit vitam animale

ci-

(a) *Vulgata comede.*

cibis indigentem ; post resurrectionem vero habebit vitam spiritualem cibis non indigentem .

Ad cuius evidentiam considerandum est, quod anima rationalis & anima est, & spiritus . Dicitur autem esse anima secundum illud quod est commune sibi, & aliis animabus, quod est vitam corpori dare . Unde dicitur Genes. 11. 7. *Factus est homo in animam viventem*, id est vitam corpori dantem . Sed spiritus dicitur secundum illud quod est proprium sibi, & non aliis animabus, quod scilicet habeat virtutem intellectivam immaterialem . In primo igitur statu anima rationalis communicabat corpori id quod competit ei, inquantum est anima ; & ideo corpus illud dicebatur animale, inquantum scilicet habebat vitam ab anima . Primum autem principium vitæ in istis inferioribus, ut dicitur in Lib. II. de Anima (tex. 34. & 49.) est anima vegetabilis ; cuius opera sunt alimenta uti, & generare, & augeri : & ideo hæc opera homini in primo statu competebant . In ultimo vero statu post resurrectionem anima communicabit quodammodo corpori ea quæ sunt sibi propria, inquantum est spiritus : immortalitatem quidem quantum ad omnes ; impassibilitatem vero, & gloriam, & virtutem quantum ad bonos, quorum corpora spiritualia dicuntur . Unde post resurrectionem homines cibis non indigebunt ; sed in statu innocentie eis indigebant .

Ad primum ergo dicendum, quod, sicut dicit Augustinus (alius Auctor) in Lib. de quæst. vet. & nov. testam. (quæst. xix.) *quomodo immortale corpus habebat, quod cibo sustentabatur ? immortale enim non eget cibo, neque potu* . Dictum est enim supra (art. 1. huius quæst.) quod immortalitas primi status erat secundum vim quamdam supernaturalem in anima residentem, non autem secundum aliquam dispositionem corpori inherentem . Unde per actionem caloris aliquid de humido illius corporis poterat deperdi : & ne totaliter consumaretur, necesse erat per assumptionem cibi homini subveniri .

Ad secundum dicendum, quod in nutritionis est quedam passio, & alteratio ; scilicet ex parte alimentis, quod convertitur in substantiam eius quod alitur . Unde ex hoc non potest concludi, quod corpus hominis fuerit passibile, sed quod cibis assumptus erat passibilis ; quamvis etiam talis passio esset ad perfectionem nature .

S. Th. Oper. Tom. XX.

Ad tertium dicendum, quod si homo sibi non subveniret de cibo, peccaret, sicut peccavit sumendo vetitum cibum . Simul enim sibi præceptum fuit ut a ligno scientie boni, & mali abstineret, & ut de omni alio ligno paradisi vesceretur .

Ad quartum dicendum, quod quidam dicunt, quod homo in statu innocentie non assumpsisset de cibo nisi quantum fuisset ei necessarium . Unde non fuisset ibi superfluitatum emissio . Sed hoc irrationabile videtur, quod in cibo assumptum non esset aliqua facultas, quæ non esset apta ut converteretur in hominis nutrimentum ; unde oportebat superfluitates emitti . Tamen fuisset divinitus provisum, ut nulla ex hoc indementia esset .

ARTICULUS IV. 437

Utrum homo in statu innocentie per lignum vite immortalitatem consecutus fuisset .

II. dist. xix. art. 4. ad 5. & 6. & III. dist. xvi. quæst. 1. art. 3. ad 5. & mal. quæst. v. art. 5. ad 8. & 9.

AD quartum sic proceditur . Videtur quod lignum vitæ non poterat esse causa immortalitatis . Nihil enim potest agere ultra suam speciem, effectus enim non excedit causam . Sed lignum vitæ erat corruptibile ; aliqui non potuissent in nutrimentum assumi : quia alimentum convertitur in substantiam nutriti, ut dictum est (art. præc. ad 2.) Ergo lignum vitæ corruptibilitatem, seu immortalitatem conferre non poterat .

2. Præterea . Effectus qui causantur a virtutibus plantarum, & aliarum naturalium rerum, sunt naturales . Si ergo lignum vitæ immortalitatem causasset, fuisset illa immortalitas naturalis .

3. Præterea . Hoc videtur redire in fabulas antiquorum, qui dixerunt, quod dii, qui comdebant de quodam cibo, facti sunt immortales : quos irridet Philosophus in III. Metaph. (tex. 35.)

Sed contra est quod dicitur Gen. 111. 21. *Ne forte mittat manum suam, & sumat de ligno vite, & comedit, & vivat in æternum* .

Præterea . Augustinus (alius Auctor) in Lib. de Qæ. veter. & nov. testam. (quæst. xix.) dicit : *Gustus arboris vite corruptionem corporis inhibebat . Denique & post peccatum potuit insubilibus manere, si permissum esset illi edere de arbore vite* .

Pp 3

Rc

Respondendo dicendum, quod lignum vitae quodammodo immortalitatem causabat, non autem simpliciter. Ad cuius evidentiam considerandum est, quod duo remedia ad conservationem vitae habebat homo in primo statu, contra duos defectus. Primus enim defectus est deperditio humiditatis per actionem caloris naturalis, qui est animae instrumentum: & contra hunc defectum subveniebatur homini per esum aliorum lignorum paradisi, sicut & nunc subvenitur nobis per cibos quos sumimus. Secundus autem defectus est, quia, ut Philosophus dicit I. de generat. (text. 34. & 39.) illud quod generatur ex aliquo extraneo, adiunctum ei quod prius erat, humido praexistenti, imminuit virtutem activam speciei; sicut aqua adiuncta vino, primo quidem convertitur in saporem vini; sed secundum quod magis, & minus additur, dimittit vini fortitudinem; & tandem vinum fit aquosum. Sic igitur videmus quod in principio virtus activa speciei est adeo fortis quod potest convertere de alimentis non solum quod sufficit ad restaurationem deperditi, sed etiam quod sufficit ad augmentum; postmodum vero quod aggeneratur, non sufficit ad augmentum, sed solum ad restaurationem deperditi; tandem vero in statu senectutis nec ad hoc sufficit: unde sequitur decrementum, & finaliter dissolutio corporis. Et contra hunc defectum subveniebatur homini per lignum vitae. Habebat enim virtutem fortificandi virtutem speciei contra debilitatem proveniente ex admixtione extranei. Unde Augustinus dicit XIV. de civ. Dei (cap. xxvi. cir. prin.) quod *cibus aderat homini, ne esuriret; potus, ne frigeret; & lignum vitae, ne senectus eum dissolveret*; & (alius Auctor) in Lib. de Q. vet. & nov. testam. (quaest. xix. in fin.) dicit, quod *vita arbor medicinae modo corruptionem hominum prohibebat*. Non tamen simpliciter immortalitatem causabat: quia neque virtus quae inerat animae ad conservandum corpus, causabatur ex ligno vitae; neque etiam poterat immortalitatis dispositionem corpori praeferre, ut nunquam dissolvi posset: quod ex hoc patet, quia virtus cuiuscumque corporis est finita. Unde non poterat virtus ligni vitae ad hoc se extendere ut daret corpori virtutem durandi tempore infinito, sed usque ad determinatum tempus. Manifestum est enim quod quanto aliqua virtus est maior, tanto imprimitur durabiliorem effectum. Unde cum virtus

ligni vitae esset finita, semel sumptum praeservabat a corruptione usque ad determinatum tempus: quo finito, vel homo translatus fuisset ad spirituales vias, vel indiguisset iterum sumere de ligno vitae.

Et per hoc patet responso ad obiecta. Nam primae rationes concludunt, quod non causabat incorruptibilitatem simpliciter. Aliae vero concludunt, quod causabat incorruptibilitatem, impediendo corruptionem, secundum modum praedictum (in corp. art.)

QUAESTIO XCVIII.

De pertinentibus ad conservationem speciei, in duos articulos divisa.

DEinde considerandum est de his quae pertinent ad conservationem speciei: & primo de ipsa generatione; secundo de conditione prolis genitae.

Circa primum quaeruntur duo.

Primo, utrum in statu innocentiae fuisset generatio.

Secundo, utrum fuisset generatio per coitum.

ARTICULUS I. 488

Utrum in statu innocentiae fuisset generatio.

II. dist. xx. quaest. 1. art. 1.

AD primum sic proceditur. Videtur quod in statu innocentiae non fuisset generatio. Generationi enim corruptio est contraria, ut dicitur in V. Physic. (text. 51.) Contraria autem sunt circa idem. In statu autem innocentiae non fuisset corruptio. Ergo neque generatio.

2. Praeterea. Generatio ordinatur ad hoc quod conservetur in specie quod secundum individuum conservari non potest: unde in illis individuis quae in perpetuum durant, generatio non invenitur. Sed in statu innocentiae homo in perpetuum absque morte vixisset. Ergo in statu innocentiae generatio non fuisset.

3. Praeterea. Per generationem homines multiplicantur. Sed, multiplicatis dominis, necesse est fieri possessionum divisionem, ad evitandum confusionem dominii. Ergo, cum homo sit institutus dominus animalium, facta multiplicatione humani generis per generationem, secuta fuisset divisio dominii: quod videtur esse contrarium iuri naturali, secundum quod omnia sunt communia, ut.

ut Isidorus dicit (Lib. V. Etym. cap. iv.) Non ergo fuisset generatio in statu innocentiae.

Sed contra est quod dicitur Genes. 1. 28. *Crescite, & multiplicamini, & replete terram.* Huiusmodi autem multiplicatio absque nova generatione fieri non potuisset; cum duo tantum fuerint primitus instituti. Ergo in primo statu generatio fuisset.

Respondeo dicendum, quod in statu innocentiae fuisset generatio ad multiplicationem humani generis; alioquin peccatum hominis fuisset valde necessarium, ex quo tantum bonum consecutum est. Est ergo considerandum, quod homo secundum suam naturam est constitutus quasi medium quoddam inter creaturas corruptibiles, & incorruptibiles; nam anima eius est naturaliter incorruptibilis, corpus vero naturaliter corruptibile. Est autem considerandum, quod alio modo intentio naturae fertur ad corruptibiles, & ad incorruptibiles creaturas. Id enim per se videtur esse de intentione naturae quod est semper & perpetuum; quod autem est solum secundum aliquod tempus, non videtur esse principaliter de intentione naturae, sed quasi ad aliud ordinatum; alioquin, eo corrupto, naturae intentio cassaretur. Quia igitur in rebus corruptibilibus nihil est perpetuum, & semper manens, nisi species; bonum speciei est de principali intentione naturae, ad cuius conservationem naturalis generatio ordinatur. Substantiae vero incorruptibiles manent semper non solum secundum speciem, sed etiam secundum individua: & ideo etiam ipsa individua sunt de principali intentione naturae. Sic igitur homini ex parte corporis, quod corruptibile est secundum naturam suam, competit generatio; ex parte vero animae, quae incorruptibilis est, competit ei quod multitudine individuum sit per se intenta a natura, vel potius a naturae auctore, qui solus est humanarum animarum creator; & ideo ad multiplicationem humani generis generationem in humano genere statuit etiam in statu innocentiae.

Ad primum ergo dicendum, quod corpus hominis in statu innocentiae, quantum erat de se, corruptibile erat; sed potuit preservari a corruptione per animam. Et ideo non fuit homini subtrahenda generatio, quae debetur corruptibilibus rebus.

Ad secundum dicendum, quod genera-

tio in statu innocentiae etiam non fuisset propter conservationem speciei, fuisset tamen propter multiplicationem individuum.

Ad tertium dicendum, quod in statu isto, multiplicatis dominis, necesse est fieri divisionem possessionum: quia *communitas possessionis est occasio discordiae*, ut Philosophus dicit in II. Polit. (cap. 11.) Sed in statu innocentiae fuissent voluntates hominum sic ordinate, quod absque omni periculo discordiae communiter usi fuissent, secundum quod unicuique eorum competeret, rebus quae eorum dominio subdebantur; cum hoc etiam modo apud multos bonos viros observetur.

ARTICULUS II. 489

Utrum in statu innocentiae fuisset generatio per coitum.

II. dist. xx. quest. 1. art. 2.

AD secundum sic proceditur. Videtur quod in statu innocentiae non fuisset generatio per coitum. Quia, ut Damascenus dicit (Lib. II. orth. Fid. cap. xi. & Lib. IV. cap. xxv.) *primus homo erat in paradiso terrestri sicut Angelus eundem.* Sed in futuro resurrectionis statu, quando erunt homines Angelis similes, *neque nubent, neque nubentur*, ut dicitur Matth. xxii. 30. Ergo neque in paradiso fuisset generatio per coitum.

2. Præterea. Primi homines in perfecta ætate conditi fuerunt. Si igitur in eis ante peccatum generatio fuisset per coitum, fuissent etiam in paradiso carnaliter coniuncti: quod patet esse falsum secundum Scripturam.

3. Præterea. In coniunctione carnali maxime efficitur homo similis bestiis propter vehementiam delectationis. Unde etiam continentia laudatur, per quam homines ab huiusmodi delectationibus abstinent. Sed bestias homo comparatur propter peccatum, secundum illud Psal. xlviii. 21. *Homo, cum in bono esset, non intellexit; comparatus est iumentis insipientibus, & similis factus est illis.* Ergo ante peccatum non fuisset maris, & femine carnalis coniunctio.

4. Præterea. In statu innocentiae nulla fuisset corruptio. Sed per coitum corrumpitur integritas vaginalis. Ergo coitus in statu innocentiae non fuisset.

Sed contra est quod Deus ante peccatum masculum, & feminam fecit, ut dicitur Gen. 1. & 11. Nihil autem est

Pp 4 fru-

frustra in operibus Dei. Ergo etiam si homo non peccasset, fuisset coitus, ad quem distinctio sexuum ordinatur.

Præterea. Gen. 11. dicitur, quod mulier est facta in adiutorium viri. Sed non ad aliud, nisi ad generationem, quæ fit per coitum: quia ad quodlibet aliud opus convenientius adiuvari posset vir per virum quam per feminam. Ergo in statu innocentie fuisset generatio per coitum.

Respondendo dicendum, quod quidam antiquorum Doctorum considerantes concupiscentiæ scditatem, quæ invenitur in coitu in isto statu, posuerunt quod in statu innocentie non fuisset generatio per coitum. Unde Gregorius Nyssenus dicit in Lib. quem fecit de homine (cap. xvii.) quod in paradiso aliter fuisset multiplicatum genus humanum, sicut multiplicati sunt Angeli absque concubitu per operationem divinæ virtutis: & dicit, quod Deus ante peccatum fecit masculum, & feminam, respiciens ad modum generationis qui futurus erat post peccatum, cuius Deus præcius erat.

Sed hoc non dicitur rationabiliter. Ea enim quæ sunt naturalia homini, neque subrahuntur, neque dantur homini per peccatum. Manifestum est autem quod homini secundum animale vitam, quam etiam ante peccatum habebat, ut supra dictum est (quæst. præc. art. 3.) naturale est generare per coitum, sicut & ceteris animalibus perfectis: & hoc declarant naturalia membra ad hunc usum deputata. Et ideo non est dicendum, quod usus horum membrorum naturalium non fuisset ante peccatum, sicut & ceterorum membrorum.

Sunt igitur in coitu duo consideranda secundum præsentem statum. Unum quod naturæ est, scilicet coniunctio maris, & femine ad generandum. In omni enim generatione requiritur virtus activa, & passiva. Unde cum in omnibus in quibus est distinctio sexuum, virtus activa sit in mare, virtus vero passiva in femina; naturæ ordo exigit ut ad generandum convenient per coitum mas, & femina. Aliud autem quod considerari potest, est quædam deformitas immoderate concupiscentiæ: quæ in statu innocentie non fuisset, quando inferiores vires omnino rationi subdebantur. Unde Augustinus dicit in XIV. de civit. Dei (cap. xxvi. ante med.) *Abstine ut suspicemur non potuisse prolem fieri sine libidinis morbo; sed eo voluntatis nutu moverentur illa membra*

quo cetera, & sine ardore, & illecebrosa stimulo, cum tranquillitate animæ, & corporis.

Ad primum ergo dicendum, quod homo in paradiso fuisset sicut Angelus per spirituales mentes; cum tamen haberet vitam animale quantum ad corpus. Sed post resurrectionem erit homo similis Angelo, spiritualis effectus & secundum animam, & secundum corpus. Unde non est similis ratio.

Ad secundum dicendum, quod, sicut Augustinus dicit IX. super Genes. ad lit. (cap. iv. in princ.) ideo primi parentes in paradiso non coierunt, quia formata muliere, post modicum propter peccatum de paradiso eieci sunt: vel quia expectabatur divina auctoritas ad determinatum tempus commixtionis, a qua acceperunt universale mandatum.

Ad tertium dicendum, quod bestie carent ratione. Unde secundum hoc homo in coitu bestialis efficitur, quia delectationem coitus, & fervorem concupiscentiæ ratione moderari non potest. Sed in statu innocentie nihil huiusmodi fuisset, quod ratione non moderaretur: non quia esset minor delectatio secundum sensum, ut quidam dicunt (fuisset enim tanto maior delectatio sensibilis, quanto esset purior natura, & corpus magis sensibile); sed quia vis concupiscentis non ita inordinate se extulisset super huiusmodi delectatione regulata per rationem; ad quam non pertinet ut sit minor delectatio in sensu, sed ut vis concupiscentis non immoderate delectationi inhæreat. Et dico *immoderate*, propter mensuram rationis: sicut sobrius in cibo moderate assumpto non minorem habet delectationem quam gulosis; sed minus eius concupiscentis super huiusmodi delectatione requiescit. Et hoc sonant verba Augustini (inducta in fin. cor.) quæ a statu innocentie non excludunt magnitudinem delectationis, sed ardorem libidinis, & inquietudinem animi. Et ideo continentia in statu innocentie non fuisset laudabilis, quæ in tempore isto laudatur, non propter defectum secunditatis, sed propter remotionem inordinatæ libidinis. Tunc autem fuisset secunditas absque libidine.

Ad quartum dicendum, quod, sicut Augustinus dicit XIV. de civit. Dei (cap. xxvi. circa med.) *in illo statu nulla corruptione integritatis infunderetur gremio maritus uxoris. Ita enim potest utero contingi, salva integritate seminis genitalis, & sterile semen*

immitti, sicut nunc potest, eadem integritate salva, ex utero virginis fluxus menstrui cruoris emitti. Ut enim ad pariendum non doloris gemitus, sed maturitatis impulsus feminea viscera relaxares; sic ad concipiendum non libidininis appetitus, sed voluntariu. usus naturam utramque coniungeret.

QUAESTIO XCIX.

De conditione prolis generandae quantum ad corpus,
in duos articulos divisa.

DEinde considerandum est de conditione prolis generandae & primo quantum ad corpus; secundo quantum ad iustitiam; tertio quantum ad scientiam.

Circa primum quaeruntur duo.

Primo, utrum in statu innocentiae pueri mox geniti habuissent perfectam virtutem corpoream.

Secundo, utrum omnes fuissent nati in sexu masculino.

ARTICULUS I. 490

Utrum pueri in statu innocentiae mox nati virtutem perfectam habuissent ad motum membrorum.

II. dist. xx. quaest. 11. art. 1. & ver. quaest. xviii. art. 7. ad 4.

AD primum sic proceditur. Videtur quod pueri in statu innocentiae mox nati virtutem perfectam habuissent ad motum membrorum. Dicit enim Augustinus in Lib. 1. de bapt. parvul. (cap. xxxviii. in fin.) quod infirmitati mentis congruis hac infirmitas corporis, quae scilicet in pueris apparet. Sed in statu innocentiae nulla fuisset infirmitas mentis. Ergo neque talis infirmitas corporis fuisset in parvulis.

2. Praeterea. Quaedam animalia statim cum nascuntur, habent virtutem sufficientem ad usum membrorum. Sed homo est nobilior aliis animalibus. Ergo multo magis est naturalis homini quod statim natus virtutem habeat ad usum membrorum; & ita videtur esse poena ex peccato consequens.

3. Praeterea. Non posse consequi delectabile propositum, afflictionem inducit. Sed si pueri non habuissent virtutem ad movendum membra, frequenter accidisset quod non possent consequi aliquod delectabile eis propositum. Ergo fuisset in eis afflictio, quae non poterat

esse ante peccatum. Non ergo in statu innocentiae defuisset pueris virtus ad movendum membra.

4. Praeterea. Defectus senectutis videtur correspondere defectui pueritiae. Sed in statu innocentiae non fuisset defectus senectutis. Ergo neque etiam defectus pueritiae.

Sed contra est quod omne generatum prius est imperfectum quam perfectum. Sed pueri in statu innocentiae fuissent per generationem producti. Ergo a principio imperfecti fuissent & quantitate, & virtute corporis.

Respondeo dicendum, quod ea quae sunt supra naturam, sola fide tenemus; quod autem credimus, auctoritati debemus. Unde in omnibus asserendis sequi debemus naturam rerum, praeter ea quae auctoritate divina traduntur, quae sunt supra naturam. Manifestum est autem naturale hoc esse, utpote principii humanae naturae competens, quod pueri mox nati non habeant sufficientem virtutem ad movendum membra: quia homo naturaliter habet cerebrum maius in quantitate secundum proportionem sui corporis quam cetera animalia. Unde naturale est quod propter maximam humiditatem cerebri in pueris nervi, qui sunt instrumenta motus, non sunt idonei ad movendum membra. Ex alia vero parte nulli catholico dubium est quin divina virtute fieri possit ut pueri mox nati perfectam virtutem habeant ad motum membrorum. Constat autem per auctoritatem Scripturae (Eccl. vii. 30.) quod Deus fecit hominem rectum & haec rectitudo consistit, ut Augustinus dicit (Lib. XIV. de civit. Dei cap. xi.) in perfecta subiectione corporis ad animam. Sicut ergo in primo statu non poterat esse in membris hominis aliquid quod repugnaret ordinatae hominis voluntati; ita membra hominis deficere non poterant humanae voluntati. Voluntas autem hominis ordinata est quae tendit in actus sibi convenientes. Non sunt autem iidem actus convenientes homini secundum quamlibet aetatem. Dicendum est ergo, quod pueri mox nati non habuissent sufficientem virtutem ad movendum membra ad quoslibet actus, sed ad actus pueritiae convenientes puta ad sugendum ubera, & ad alia huiusmodi.

Ad primum ergo dicendum, quod Augustinus loquitur de ista infirmitate quae nunc in pueris apparet, etiam quantum ad actus eorum pueritiae convenientes, ut

ut patet per ea quæ præmittit, quod *iuxta se iacentibus mammis, magis possumus ejurientes flere quam iugere.*

Ad secundum dicendum, quod hoc quod quædam animalia statim nata habent usum membrorum, non est ex eorum nobilitate, cum quædam animalia perfectiora hoc non habeant; sed hoc eis contingit ex siccitate cerebri, & quia actus proprii talium animalium sunt imperfecti, ad quos etiam parva virtus sufficere potest.

Ad tertium patet solutio per ea quæ dicta sunt in corpore. Vel potest dici, quod nihil appetivissent, nisi ordinata voluntate convenisset eis secundum statum suum.

Ad quartum dicendum, quod homo in statu innocentie generatus fuisset, sed non fuisset corruptus. Et ideo in statu illo potuissent esse aliqui defectus pueriles, qui consequuntur generationem; non autem defectus seniles, qui ordinantur ad corruptionem.

ARTICULUS II. 491

Utrum in primo statu femine nata fuissent.

II. dist. xx. quest. 11. art. 1. ad 1. & quod. 111. quest. 11. & quod. 7. quest. 7. art. 1.

AD secundum sic proceditur. Videtur quod in primo statu femine natæ non fuissent. Dicit enim Philosophus in II. Lib. de gener. animal. (cap. 111.) quod *femina est mas occasionatus*, quasi præter intentionem naturæ proveniens. Sed in statu illo nihil evenisset innaturale in hominis generatione. Ergo femine natæ non fuissent.

2. Præterea, Omne generans generat sibi simile, nisi impediatur vel propter defectum virtutis, vel propter indispositionem materiæ: sicut parvus ignis non potest comburere ligna viridia. In generatione autem vis activa est in mare. Cum igitur in statu innocentie nullus fuisset defectus virtutis ex parte maris, nec indispositio materiæ ex parte femine, videtur quod semper masculi nati fuissent.

3. Præterea. In statu innocentie generatio ad multiplicationem hominum ordinabatur. Sed sufficienter homines multiplicari potuissent per primum hominem, & per primam feminam, ex quo in perpetuum victuri erant. Ergo non fuisset necessarium quod in statu innocentie femine nascerentur.

Sed contra est quod sic natura processisset in generando, sicut etiam Deus instituit. Sed Deus instituit mare, & feminam in natura humana, ut dicitur Gen. 11. & 2. Ergo etiam in statu illo fuissent mares, & femine generati.

Respondeo dicendum, quod nihil eorum quæ ad complementum humanæ naturæ pertinent, in statu innocentie defuisset. Sicut autem ad perfectionem universi pertinent diverſi gradus rerum, ita etiam diversitas sexus est ad perfectionem humanæ naturæ. Et ideo in statu innocentie uterque sexus per generationem productus fuisset.

Ad primum ergo dicendum, quod *semina dicitur mas occasionatus*, quia est præter intentionem naturæ particularis, non autem præter intentionem naturæ universalis, ut supra dictum est (quest. 111. art. 1. ad 2.).

Ad secundum dicendum, quod generatio semine non solum contingit ex defectu virtutis activæ, vel indispositione materiæ, ut obiectio tangit; sed quandoque quidem ex aliquo accidenti extrinseco, sicut Philosophus dicit in Lib. II. de Animal. (vel de gener. animal. cap. 11.) quod *ventus septemtrionalis coadjuvat ad generationem masculinam, australis vero ad generationem feminam*: quandoque etiam ex conceptione animæ, ad quam de facili immutatur corpus. Et præcipue in statu innocentie hoc esse poterat, quando corpus magis erat animæ subiectum, ut scilicet secundum voluntatem generantis distingueretur sexus in prole. Ad tertium dicendum, quod proles fuisset genita vivens vita animalis, ad quam sicut pertinet alimento uti, sic etiam generare. Unde conveniebat quod omnes generarent, & non solum primi parentes; ad quod consequens videtur, quod tot fuissent generatæ semine, quot mares.

QUAESTIO C.

De conditione prolis generandæ quantum ad iustitiam, in duos articulos divisa.

DEinde considerandum est de conditione prolis generandæ quantum ad iustitiam: & circa hoc quaeruntur duo.

Primo, utrum homines fuissent nati cum iustitia.

Secundo, utrum nascerentur in iustitia confirmati.

A R-

ARTICULUS I. 493

Utrum homines fuissent nati cum iustitia.

1. 2. *quaest. lxxxix. art. 2. corp. fin. & 11. dist. xx. quaest. 1. art. 1. & dist. xxiii. quaest. 11. art. 2. corp. & Rom. v. lect. 3.*

AD primum sic proceditur. Videtur quod homines non fuissent cum iustitia nati. Dicit enim Hugo de Sanct. Viſt. (Lib. I. de Sac. part. vi. cap. xxiv.) quod *primus homo ante peccatum generaretur quidem filius sine peccato, sed non paterna iustitia heredes.*

2. Præterea. Iustitia est per gratiam, ut Apostolus dicit ad Rom. v. Sed gratia non transfunditur, quia sic esset naturalis, sed a solo Deo infunditur. Ergo pueri cum iustitia nati non fuissent.

3. Præterea. Iustitia in anima est. Sed anima non est ex traduce. Ergo nec iustitia traducta fuisset a parentibus in filios.

Sed contra est quod Anselmus dicit in Lib. de conceptu Virgin. (cap. x. post med.) quod *simul cum rationalem haberent animam, iusti essent, quos generaret homo; si non peccaret.*

Respondeo dicendum, quod naturaliter homo generat sibi simile secundum speciem. Unde quæcumque accidentia consequantur naturam speciei, in his necesse est quod filii parentibus simulentur; nisi sit error in operatione naturæ, qui in statu innocentie non fuisset. In accidentibus autem individualibus non est necesse quod filii parentibus simulentur. Iustitia autem originalis, in qua primus homo conditus fuit, fuit accidens naturæ speciei non quasi ex principiis speciei causatum, sed tantum sicut quoddam donum divinitus datum toti naturæ. Et hoc apparet, quia opposita sunt unius generis. Peccatum autem originale, quod opponitur illi iustitiæ, dicitur esse peccatum naturæ: unde traducitur a parente in posterum: & propter hoc etiam filii parentibus assimilati fuissent quantum ad originale iustitiam.

Ad primum ergo dicendum, quod verbum *Hugonis* est intelligendum non quantum ad habitum iustitiæ, sed quantum ad executionem actus.

Ad secundum dicendum, quod quidam dicunt, quod pueri non fuissent nati cum iustitia gratuita, quæ est merendi principium, sed cum iustitia originali. Sed cum radix originalis iustitiæ, in cuius rectitudine factus est homo, consistat in

subiectione supernaturali rationis ad Deum, quæ est per gratiam gratum facientem, ut supra dictum est (quaest. xcv. art. 1.) necesse est dicere, quod si pueri nati fuissent in originali iustitia, etiam nati fuissent cum gratia; sicut & de primo homine supra diximus (ibid.) quod fuit cum gratia conditus. Non tamen fuisset propter hoc gratia naturalis: quia non fuisset transmissa per virtutem feminis, sed fuisset collata homini statim cum habuisset animam rationalem; sicut etiam statim cum corpus est dispositum, infunditur a Deo anima rationalis, quæ tamen non est ex traduce.

Unde patet solutio ad tertium.

ARTICULUS II. 493

Utrum pueri in statu innocentie nati fuissent in iustitia confirmati.

11. dist. xx. *quaest. 11. art. 3. ad 5. & 7. & mal. quaest. v. art. 4. ad 8. & quod. v. quaest. v. art. 1.*

AD secundum sic proceditur. Videtur quod pueri in statu innocentie nati fuissent in iustitia confirmati. Dicit enim Gregorius IV. Mor. (cap. xxviii.) super illud Iob 111. *Sonus meo requiescerem* &c. „ Si parentem primum nulla preterdo „ peccati corrumpere, nequaquam ex se „ filios gehennæ generaret; sed hi qui „ nunc per Redemptorem salvandi sunt, „ soli ab illo electi nascerentur. „ Ergo nascerentur omnes in iustitia confirmati.

2. Præterea. Anselmus dicit in Libro I. *Cur Deus homo* (cap. xviii. ante med.) quod *si primi parentes sic vivissent, ut tentati non peccassent, ita confirmarentur cum omni propagine sua, ut ultra peccare non possent.* Ergo pueri nascerentur in iustitia confirmati.

3. Præterea. Bonum est potentius quam malum. Sed propter peccatum primi hominis consecuta est necessitas peccandi in his qui nascuntur ex eo. Ergo si primus homo in iustitia persistisset, derivaretur ad posterum necessitas obervandi iustitiam.

4. Præterea. Angelus adhærens Deo, aliis peccantibus, statim est in iustitia confirmatus, ut ulterius spiccare non posset. Ergo similiter & homo, si tentationi resistisset, confirmatus fuisset. Sed qualis ipse fuit, tales alios generasset. Ergo & eius filii confirmati in iustitia nascerentur.

Sed contra est quod Augustinus dicit XIV.

XIV. de civitate Dei (cap. x. a. med.) *Tunc felix universa esset humana societas, si nec illi, scilicet primi parentes, malum in posterum traicerent; nec quisquam ex stirpe eorum iniquitatem committeret, quae damnationem reciperet.* Ex quo datur intelligi quod etiam si primi homines non peccassent, aliqui ex eorum stirpe potuissent iniquitatem committere. Non ergo nascerentur in iustitia confirmati.

Respondeo dicendum, quod non videtur possibile quod pueri in statu innocentiae nascerentur in iustitia confirmati. Manifestum est enim quod pueri in sua nativitate non habuissent plus perfectionis quam eorum parentes in statu generationis. Parentes autem, quamdiu generassent, non fuissent confirmati in iustitia. Ex hoc enim creatura rationalis in iustitia confirmatur quod efficitur beata per aptitudinem Dei visionem: cui visio non potest non inherere, cum ipse sit ipsa essentia bonitatis, a qua nullus potest averti; cum nihil desideretur, & amatur nisi sub ratione boni. Et hoc dico secundum legem communem: quia ex aliquo privilegio speciali secus accidere potest; sicut creditur de Virgine matre Dei. Quam cito autem Adam ad illam beatitudinem pervenisset quod Deum perfectissimam videret, efficeretur spiritualis & mente, & corpore; & animalis vita cessaret, in qua sola generationis usus fuisset. Unde manifestum est quod parvuli non nascerentur in iustitia confirmati.

Ad primum ergo dicendum, quod si Adam non peccasset, non generaret ex se filios gehennae, ita scilicet quod ab ipso peccatum contraherent, quod est causa gehennae; possent tamen fieri filii gehennae per liberum arbitrium peccando. Vel si filii gehennae non fierent per peccatum, hoc non esset per hoc quia essent in iustitia confirmati, sed propter divinam providentiam, per quam a peccato conservarentur immunes.

Ad secundum dicendum, quod Anselmus hoc non dicit asserendo, sed opinando: quod patet ex ipso modo loquendi, cum dicit: *Videtur quod si viderentur* &c.

Ad tertium dicendum, quod ratio ista non est efficax; quoniam per eam Anselmus motus fuisse videtur, ut ex eius verbis apparet (loc. in arg. 2. cit.) Non enim sic per peccatum primi parentis eius posterius necessitatem peccandi incurrit, ut ad iustitiam redire non possint: quod est tantum in damnatis. Unde

nec ira necessitatem non peccandi transmississet ad posterum, quod omnino peccare non possint: quod est tantum in beatis.

Ad quartum dicendum, quod non est simile de homine, & Angelo. Nam homo habet liberum arbitrium veritabile & ante electionem, & post; non autem Angelus, sicut supra dictum est (quaest. lxxv. art. 2.) cum de Angelis ageretur.

QUAESTIO CI.

De condicione prolis generandae quantum ad scientiam,

in duobus articulis divisa.

Deinde considerandum est de condicione prolis generandae quantum ad scientiam: & circa hoc quaeruntur duo. Primo, utrum pueri nascerentur in scientia perfecti.

Secundo, utrum statim post nativitatem habuissent perfectum usum rationis.

ARTICULUS I. 494.

Utrum in statu innocentiae pueri nati fuissent in scientia perfecti.

II. dist. xx. quaest. 11. art. 2. ad 3. & art. 2. per totum, & veri. quaest. xix.

Ad primum sic proceditur. Videtur quod in statu innocentiae pueri nati fuissent in scientia perfecti. Qualis enim fuit Adam, tales filios generasset. Sed Adam fuit in scientia perfectus, ut supra dictum est (quaest. xciv. art. 3.) Ergo filii nascerentur ab eo in scientia perfecti.

2. Praeterea. Ignorantia ex peccato causatur, ut Beda dicit (super illud Rom. 2. *Propter quod inexcusabilis es.*) Sed ignorantia est privatio scientiae. Ergo ante peccatum pueri mox nati omnem scientiam habuissent.

3. Praeterea. Pueri mox nati iustitiam habuissent. Sed ad iustitiam requiritur scientia, quae dirigat in agendis. Ergo scientiam habuissent.

Sed contra est quod anima nostra per naturam est sicut tabula rasa, in qua nihil est scriptum, ut dicitur in III. de Anima (tex. 14.) Sed eadem animae natura est modo quae tunc fuisset. Ergo anima purorum in principio scientia caruisset.

Respondeo dicendum, quod, sicut supra dictum est (quaest. lxx. art. 1.) de his quae sunt supra naturam, soli anima

ritata

ritati creditur. Unde ubi auctoritas deficiat, sequi debemus naturae conditionem. Est autem naturale homini ut scientiam per sensus acquirat, sicut supra dictum est (quaest. lv. art. 2. & quaest. lxxxiv. art. 6.) & ideo anima unitur corpori, quia indiget eo ad suam propriam operationem: quod non esset, si statim a principio scientiam haberet non acquisitam per sensitivas virtutes. Et ideo dicendum est, quod pueri in statu innocentiae non nascerentur perfecti in scientia, sed eam in processu temporis absque difficultate acquisivissent inveniendo, vel adducendo.

Ad primum ergo dicendum, quod esse perfectum in scientia fuit individuale accidens primi parentis, in quantum scilicet ipse instituebatur ut pater, & instructor totius humani generis: & ideo quantum ad hoc non generabat filios similes sibi, sed solum quantum ad accidentia naturalia, vel gratuita totius naturae.

Ad secundum dicendum, quod ignorantia est privatio scientiae, quae debet haberi pro tempore illo: quod in pueris mox natis non fuisset. Habuissent enim scientiam quae eis competebat secundum tempus illud. Unde ignorantia in eis non fuisset, sed nescientia respectu aliquorum; quam etiam Dionysius ponit in Angelis sanctis in vii. caelestis Hierarch. (a mod.)

Ad tertium dicendum, quod pueri habuissent sufficientem scientiam ad dirigendum eos in operibus iustitiae, in quibus homines diriguntur per universalia principia (a) iuris; quam multo plenius tunc habuissent quam nunc naturaliter habemus; & similiter aliorum universalium principiorum.

ARTICULUS II. 495

Utrum pueri mox nati habuissent perfectum usum rationis.

II. dist. xxiii. quaest. 11. art. 2. cor. & vii. quaest. xviii. art. 8.

AD secundum sic proceditur. Videtur quod pueri in statu innocentiae mox nati habuissent perfectum usum rationis. Nunc enim pueri perfectum usum rationis non habent propter hoc quod anima per corpus aggravatur. Hoc autem tunc

non erat: quia, ut dicitur Sapient. ix. 15. *Corpus quod corrumpitur, aggravat animam*. Ergo ante peccatum, & corruptionem a peccato subsecutam, pueri mox nati perfectum usum rationis habuissent.

2. Praeterea. Quaedam alia animalia mox nata habent naturalis industriae usum, sicut agnus statim fugit lupum. Multo ergo magis homines in statu innocentiae mox nati habuissent usum perfectum rationis.

Sed contra est quod natura procedit ab imperfecto ad perfectum in omnibus generatis. Ergo pueri non statim a principio habuissent perfectum usum rationis.

Respondetur dicendum, quod, sicut ex supradictis patet (quaest. lxxxiv. art. 7.) usum rationis dependet quodammodo ex usu virium sensitivarum: unde, ligato sensu, & impeditis inferioribus viribus sensitivis, homo perfectum usum rationis non habet, ut patet in dormientibus, & phreneticis. Vires autem sensitivae sunt virtutes quaedam corporalium organorum: & ideo, impeditis earum organis, necesse est quod earum actus impediatur, & per consequens rationis usus. In pueris autem est impedimentum harum virium propter nimiam humiditatem cerebri: & ideo in eis non est perfectus usus rationis, sicut nec aliorum membrorum. Et ideo pueri in statu innocentiae non habuissent perfectum usum rationis, sicut habituri erant in perfecta aetate. Habuissent tamen perfectiorem quam nunc, quantum ad ea quae ad eos pertinebant quantum ad statum illum, sicut & de usu membrorum superius est dictum (quaest. xcix. art. 1.)

Ad primum ergo dicendum, quod aggravatio accedit ex corruptione corporis in hoc quod usus rationis impeditur quantum ad ea etiam quae pertinent ad hominem secundum quamcumque aetatem.

Ad secundum dicendum, quod etiam alia animalia non habent ita perfectum usum industriae naturalis statim a principio, sicut postea: quod ex hoc patet, quod aves docent volare pullos suos: & similia in aliis generibus animalium inveniuntur. Et tamen in homine est speciale impedimentum propter abundantiam humiditatis cerebri, ut supra dictum est (quaest. xcix. art. 1.)

QUAE-

(a) Ita cod. Alcan. cum edit. Rom. Theologi addiderunt naturalis, quae secuta sunt posteriores editiones. Idem Theologi supplerunt verba in quibus homines dirigantur, ut superius, sed ea rationem non edicentes quae videmus omnes.

QUAESTIO CII.

*De loco hominis, qui est paradisus,
in quatuor articulos divisus.*

DEinde considerandum est de loco hominis, qui est paradisus: & circa hoc quaeruntur quatuor.

Primo, utrum paradisus sit locus corporeus.

Secundo, utrum sit conveniens locus habitationi humanae.

Tertio, ad quid homo in paradiso positis fuit.

Quarto, utrum in paradiso debuit fieri.

ARTICULUS I. 496

Utrum paradisus sit locus corporeus.

2. 2. *quaest. lxxxiv. art. 3. ad 3. & II. dist. xviii. quaest. 111. art. 2. & III. dist. ix. quaest. 1. art. 3. quaest. 3. ad 3.*

AD primum sic proceditur. Videtur quod paradisus non sit locus corporeus. Dicit enim Beda (super illud II. ad Cor. xii. *Raptus est in paradisum*) quod paradisus pertingit usque ad lunarem circumulum. Sed nullus locus terrenus talis esse potest: tunc quia contra naturam terrae esset quod tantum elevaretur; cum etiam quia sub globo lunari est regio ignis, qui terram consumeret. Non est ergo paradisus locus corporeus.

2. Præterea. Scriptura commemorat quatuor flumina in paradiso oriri, ut patet Genes. 11. Illa autem flumina quæ ibi nominantur, alibi habent manifestas origines, ut patet etiam per Philosophum Lib. I. Meteor. (duob. ult. cap.) Ergo paradisus non est locus corporeus.

3. Præterea. Aliqui diligentissime inquisierunt omnia loca terræ habitabiles; qui tamen nullam mentionem faciunt de loco paradisi. Ergo non videtur esse locus corporeus.

4. Præterea. In paradiso describitur lignum vitæ esse. Sed lignum vitæ est aliquid spirituale: dicitur enim Prov. xii. 18. *de Sapientia, quod est lignum vite his qui (a) apprehendunt eam.* Ergo & paradisus non est locus corporeus, sed spiritualis.

5. Præterea. Si paradisus est locus corporalis, oportet quod & ligna paradisi sunt corporalia. Sed hoc non vide-

tur; cum corporalia ligna sint producta tertio die; de plantatione autem lignorum paradisi legitur Genes. 11. post opera sex dierum. Ergo paradisus non est locus corporeus.

Sed contra est quod Augustinus dicit VIII. super Genes. ad lit. (in princ.) *Tres sunt de paradiso generales sententiae: una eorum qui tantummodo corporaliter paradisi intelligi volunt; alia eorum qui spiritualiter tantum; tertia eorum qui utroque modo paradisum accipiunt: quam mihi fateor placere sententiam.*

Respondendo dicendum, quod, sicut Augustinus dicit XIII. de civ. Dei (cap. xxi. in fin.) *quæ commode dici possunt de intelligendo spiritualiter paradiso, nemine prohibente dicantur; dum tamen & illius historia fidelissima veritas rerum gestarum narratione commendata credatur.* Ea enim quæ de paradiso in Scriptura dicuntur, per modum narrationis historice proponuntur. In omnibus autem quæ sic Scriptura tradit, est pro fundamento tenenda veritas historice, & desuper spirituales expositiones fabricandæ. Est ergo paradisus, ut Isidorus dicit in Lib. XIV. Etymolog. (cap. 111. in princ.) *locus in Orientis partibus constitutus, cuius vocabulum a Græco in Latinum vertitur Hortus.* Convenienter autem in parte orientali dicitur situs: quia credendum est quod in nobilissimo loco totius terræ sit constitutus. Cum autem Oriens sit dextera cæli, ut patet per Philosophum in II. de cæl. (tex. 15.) dextera autem est nobilior quam sinistra; conveniens fuit ut in orientali parte paradisus terrenus institueretur a Deo.

Ad primum ergo dicendum, quod Rædæ verbum non est verum, si secundum situm manifestum intelligatur. Potest tamen exponi, quod usque ad locum lunaris globi ascendit, non secundum situm eminentiam, sed secundum similitudinem: quia est ibi perpetua aeris temperies, ut Isidorus dicit (loc. sup. cit.) & in hoc assimilatur corporibus celestibus, quæ sunt absque contrarietate. Magis tamen fit mentio de lunari globo quam de aliis sphaeris, quia lunaris globus est terminus celestium corporum versus nos, & Luna etiam est magis terræ affinis inter omnia corpora celestia: unde & quasdam tenebras nebulosas habet, quasi accedens ad opacitatem. Quidam autem dicunt, quod paradisus pertingebat usque ad lunarem globum, id est usque

(a) *Vulgata apprehendebat.*

ARTICULUS II. 497

Utrum paradisus fuerit locus conveniens habitationi humanæ.

II. diff. XX. art. 3. cor. 3. op. II. cap. CXCI.

que ad medium aeris interstitium, in quo generantur pluviae, & venti, & huiusmodi: quia dominium super huiusmodi evaporationes maxime attribuitur Lunæ. Sed secundum hoc locus ille non esset conveniens habitationi humanæ, tum quia ibi est maxima intemperies, tum quia non est temperatus complexioni humanæ, sicut aer inferior magis terræ vicinus.

Ad secundum dicendum, quod, sicut Augustinus dicit VIII. super Genes. ad lit. (cap. VII. ad fin.) *credendum est, quod locus paradisi a cognitione hominum est remotissimus; flumina autem, quorum fontes esse dicuntur, alicubi esse sub terris, & post tractus prolixarum regionum locis alius evasisse. Nam hoc solere nonnullas aquas facere quis ignorat?*

Ad tertium dicendum, quod locus ille seclusus est a nostra habitatione aliis impedimentis vel montium, vel marium, vel alicuius æstuosæ regionis, quæ pertransiri non potest. Et ideo scriptores locorum de hoc loco mentionem non fecerunt.

Ad quartum dicendum, quod lignum vite: est quædam materialis arbor, sic dicta, quia eius fructus habebat virtutem conservandi vitam, ut supra dictum est (quæst. xcvii. art. 4.) & tamen aliquid significabat spiritualiter; sicut & petra in deserto fuit aliquid materiale, & tamen significavit Christum. Similiter etiam lignum scientiæ boni, & mali materialis arbor fuit, sic nominata propter eventum futurum: quia post eius esum homo per experimentum peccati dicitur quid interesset inter obedientiæ bonum, & inobedientiæ malum; & tamen spiritualiter potuit significare liberum arbitrium, ut quidam dicunt.

Ad quintum dicendum, quod secundum Augustinum (V. super Genes. ad lit. cap. v. & VIII. cap. III.) tertio die productæ sunt plantæ non in actu, sed secundum quasdam rationes seminales; sed post opera sex dierum productæ sunt plantæ tam paradisi, quam aliæ in actu. Secundum alios vero Sanctos oportet dicere, quod omnes plantæ productæ sunt in actu tertio die, & etiam ligna paradisi. Sed quod dicitur de plantatione lignorum paradisi post opera sex dierum, intelligitur per recapitulationem esse dictum. Unde littera nostra habet: *Plantaverat Dominus Deus paradisum voluptatis a principio.*

AD secundum sic proceditur. Videtur quod paradisus non fuerit locus conveniens habitationi humanæ. Homo enim, & Angelus similiter ad beatitudinem ordinantur. Sed Angelus statim a principio factus est habitator loci beatorum, scilicet cæli empyrei. Ergo etiam ibi debuit institui habitatio hominis.

1. Præterea. Si locus aliquis debetur homini, aut debetur ei ratione animæ, aut ratione corporis. Si ratione animæ, debetur ei pro loco cæli, qui videtur esse locus naturalis animæ, cum omnibus insitit sit appetitus cæli. Ratione autem corporis non debetur ei alius locus quam aliis animalibus. Ergo paradisus nullo modo fuit locus conveniens habitationi humanæ.

2. Præterea. Frustra est locus in quo nullum locatum continetur. Sed post peccatum paradisus non est locus habitationis humanæ. Ergo si est locus habitationi humanæ congruus, in vanum videtur a Deo institutus fuisse.

3. Præterea. Homini, cum sit temperatæ complexioni, congruus est locus temperatus. Sed locus paradisi non est locus temperatus: dicitur enim esse sub æquinoctiali circulo, qui locus videtur esse calidissimus, cum bis in anno Sol transeat super summitatem capitum eorum qui ibi habitant. Ergo paradisus non est locus congruus habitationi humanæ.

Sed contra est quod Damascenus dicit de paradiso (Lib. II. ort. Fid. cap. XI. circa princ.) quod est *divina regio, & digna eius qui secundum imaginem Dei erat, conversatio.*

Respondetur dicendum, quod, sicut supra dictum est (quæst. xcvii. art. 4.) homo sic erat incorruptibilis, & immortalis, non quia corpus eius dispositionem incorruptibilitatis haberet, sed quia inerat animæ vis quædam ad præservandum corpus a corruptione. Corruptum autem potest corpus humanum & ab interiori, & ab exteriori. Ab interiori quidem corrumpitur per consumptionem humiditatis, & per senectutem, ut supra dictum est (loc. cit.) cui corruptioni occurr-

currere poterat primus homo per esum ciborum. Inter ea vero quæ exterius corrumpt, præcipuum videtur esse differentia: aer: unde huic corruptioni maxime occurritur per temperiem aeris. In paradiso autem utrumque invenitur: quia, ut Damascenus dicit (loc. sup. cit.) est locus temperato, & tenuissimo, & purissimo aere circumfulgens, plantis semper floridis comatus. Unde manifestum est quod paradisi est locus convenientis habitationi humanæ secundum primæ immortalitatis statum.

Ad primum ergo dicendum, quod cælum empyreum est supremum corporalium locorum, & est extra omnem mutabilitatem. Et quantum ad primum horum est locus congruus naturæ angelicæ: quia, sicut Augustinus dicit in III. de Trinit. (cap. IV.) *Deus regis creaturam corporalem per spirituales.* Unde convenientis est quod spiritualis natura sit supra omnem corporalem constituta, sicut ei præsidens. Quantum autem ad secundum, convenit statui beatitudinis, qui est firmatus in summa stabilitate. Sic igitur locus beatitudinis, congruit Angeli secundum naturam suam: unde ibi creatus est. Non autem congruit homini secundum suam naturam, cum non præsideat toti corporali creaturæ per modum gubernationis; sed competit ei solum ratione beatitudinis. Unde non est positus a principio in cælo empyreo; sed illuc transferendus erat in statu finalis beatitudinis.

Ad secundum dicendum, quod ridiculum est dicere, quod animæ, aut alicui spiritualis substantiæ sit aliquis locus naturalis; sed per congruentiam quamdam aliquis specialis locus creaturæ (a) spirituali attribuitur. Paradisi enim terrestris erat locus congruus homini & quantum ad animam, & quantum ad corpus, in quantum scilicet in anima erat vis præservandi corpus humanum a corruptione: quod non competeat aliis animalibus. Et ideo, ut Damascenus dicit (loc. cit. in arg. Sed con.) in paradiso nullum irrationalem habitabat; licet ex quadam dispensatione animalia fuerint illuc divinitus adducta ad Adam, & serpens illuc accesserit per operationem diaboli.

Ad tertium dicendum, quod non propter hoc locus est frustratus, quia non est ibi hominum habitatio post peccatum; sicut etiam non frustra fuit homini at-

tributa immortalitas quædam, quam conservaturus non erat. Per huiusmodi enim ostenditur benignitas Dei ad hominem, & quid homo peccando amiserit: quamvis (ut dicitur) nunc Enoch, & Elias in illo paradiso habitent.

Ad quartum dicendum, quod illi qui dicunt, paradisi esse sub circulo æquinoctiali, opinantur sub circulo illo esse locum temperatissimum propter æqualitatem dierum & noctium omni tempore: & quia Sol nunquam multum ab eis elongatur, ut sit apud eos superabundantia trigroris; nec iterum est apud eos, ut dicunt, superabundantia caloris: quia etsi Sol pertransit super eorum caput, non tamen diu moratur ibi in hac dispositione. Aristoteles tamen in Lib. II. Meteor. expresse dicit (cap. v.) quod regio illa est inhabitabilis propter æstum: quod videtur probabilius: quia terræ, per quas nunquam Sol pertransit in directum capitis, sunt intemperatæ in calore propter solam vicinitatem Solis. Quicquid autem de hoc sit, credendum est, paradisi in loco temperatissimo constitutum esse, vel sub æquinoctiali, vel alibi.

ARTICULUS III. 498

Utrum homo sit positus in paradiso, ut operaretur & custodiret illum.

AD tertium sic proceditur. Videtur quod homo non sit positus in paradiso, ut operaretur, & custodiret illum. Quod enim introductum est in pœnam peccati, non fuisset in paradiso in statu innocentie. Sed agricultura introducta est in pœnam peccati, ut dicitur Genes. III. Ergo homo non fuit positus in paradiso, ut operaretur ibi.

2. Præterea. Custodia non est necessaria ubi non timetur violentus invasor. Sed in paradiso nullus timebatur violentus invasor. Ergo non erat necessarium ut paradisi custodiret.

3. Præterea. Si homo positus est in paradiso, ut operaretur, & custodiret ipsum, videtur sequi quod homo factus sit propter paradisi, & non e converso: quod videtur esse falsum. Ergo homo non est positus in paradiso, ut operaretur, & custodiret illum.

Sed contra est quod dicitur Gen. 11. *Tulit Dominus Deus hominem, & posuit illum*

(a) Ita Nicolaus cum edit. Pat. Edit. Rom. anni 1649. incorporasti. Cod. Alcan. cum edit. Rom. anni 1570. corporali, ut ad marginem codicis scribitur spirituali, quæ optima est lectio.

illum in paradiso voluptatis, ut operaretur, & custodiret illum.

Respondeo dicendum, quod, sicut Augustinus dicit VIII. super Genes. ad lit. (cap. x.) *verbum istud Genesius dupliciter potest intelligi.* Uno modo sic quod Deus posuit hominem in paradiso, ut ipse Deus operaretur, & custodiret hominem: operaretur, inquam, iustificando ipsum; cuius operatio fit ab homine cessat, continuo obtenebratur, sicut aer obtenebratur, si cesset influentia luminis; ut custodiret vero ab omni corruptione, & malo. Alio modo potest intelligi, ut homo operaretur, & custodiret paradysum. Nec tamen illa operatio esset laboriosa, sicut post peccatum; sed fuisset iucunda propter experientiam virtutis naturae. Custodia etiam illa non esset contra invasorem; sed esset ad hoc quod homo sibi paradysum custodiret, ne ipsum peccando amitteret. Et hoc totum in bonum hominis cedebat. Et sic paradysus ordinatur ab bonum hominis, & non e converso.

Et per hoc patet responsio ad obiecta.

ARTICULUS IV. 499

Utrum homo factus fuerit in paradiso.

AD quartum sic proceditur. Videtur quod homo factus fuerit in paradiso. Angelus enim in loco suae habitationis creatus fuit, scilicet in caelo empyreo. Sed paradysus fuit locus congruus habitationi humanae ante peccatum. Ergo videtur quod in paradiso homo debuit fieri.

2. Praeterea. Alia animalia conservantur in loco suae generationis, sicut pisces in aquis, & animalia gressibilia in terra, unde producta sunt. Homo autem conservatus fuisset in paradiso, ut dictum est (quæst. xcvi. art. 4.) Ergo in paradiso fieri debuit.

3. Praeterea. Mulier in paradiso facta fuit. Sed vir dignior est muliere. Ergo multo magis vir debuit fieri in paradiso.

Sed contra est quod dicitur Genes. 11. *Uisit Deus hominem, & posuit eum in paradiso.*

Respondeo dicendum, quod paradysus fuit locus congruus habitationi humanae quantum ad incorruptionem primi status. In corruptio autem illa non erat hominis secundum naturam, sed ex super-

8. Th. Oper. Tom. XX.

naturali Dei dono. Ut ergo hoc gratiae Dei imputaretur, non humanae naturae; Deus hominem extra paradysum fecit; & postea ipsum in paradiso posuit, ut habitaret ibi toto tempore animalis vitae. postmodum, cum spiritualem vitam adeptus esset, transferendus in calum.

Ad primum ergo dicendum, quod caelum empyreum est locus congruus Angelis: quantum ad eorum naturam; & idcirco ibi sunt creati.

Et similiter dicendum ad secundum. Loca enim illa congruunt animalibus secundum suam naturam.

Ad tertium dicendum, quod mulier facta fuit in paradiso, non propter dignitatem suam, sed propter dignitatem principii, ex quo corpus eius formabatur: & similiter filii in paradiso fuissent nati, in quo parentes iam erant positi.

QUAESTIO CIII.

De gubernatione rerum in communi, in octo articulis divisa.

Postquam praemissum est de creatione rerum, & distinctione earum, restat nunc tertio considerandum de rerum gubernatione: & primo in communi; secundo in speciali de effectibus gubernationis.

Circa primum quaeruntur octo.

Primo, utrum mundus ab aliquo gubernetur.

Secundo, quis sit finis gubernationis ipsius.

Tertio, utrum gubernetur ab uno.

Quarto de effectibus gubernationis.

Quinto, utrum omnia divinae gubernationi subsint.

Sexto, utrum omnia immediata gubernentur a Deo.

Septimo, utrum divina gubernatio cassetur in aliquo.

Octavo, utrum aliquid divinae providentiae contranitur.

ARTICULUS I. 500

Utrum mundus gubernetur ab aliquo.

2. 2. quæst. xc1. art. 3. cor. & 1. dist. 111. quæst. 1. art. 2. & 111. cont. cap. lxiv. & ver. quæst. v. art. 2. & 3. cor.

AD primum sic proceditur. Videtur quod mundus non gubernetur ab aliquo.

aliquo. Illorum enim est gubernari quæ moventur, vel operantur propter finem. Sed res naturales, quæ sunt magna pars mundi, non moventur, aut operantur propter finem, quia non cognoscunt finem. Ergo mundus non gubernatur.

2. Præterea. Eorum est proprie gubernari quæ ad aliquid moventur. Sed mundus non videtur ad aliquid moveri, sed in se stabilitatem habet. Ergo non gubernatur.

3. Præterea. Id quod in se habet necessitatem, quæ determinatur ad unum, non indiget exteriori gubernante. Sed principales mundi partes quadam necessitate determinantur ad unum in suis actibus, & moribus. Ergo mundus gubernationem non indiget.

Sed contra est quod dicitur Sap. xiv.

3. (a) *Tu autem, Pater, gubernas omnia providentia: & Boetius dicit in Lib. III. de consol. (metro 11.)*

O qui perpetua mundum ratione gubernas. Respondeo dicendum, quod quidam antiqui Philosophi gubernationem mundo subtraxerunt, dicentes, omnia fortuito agi.

Sed hæc positio ostenditur esse impossibilis ex duobus. Primo quidem ex eo quod apparet in ipsis rebus. Videmus enim in rebus naturalibus provenire quod melius est aut semper, aut in pluribus: quod non contingeret, nisi per aliquam providentiam res naturales dirigerentur ad finem boni, quod est gubernare. Unde ipse ordo certus rerum manifeste demonstrat gubernationem mundi; sicut si quis intraret domum bene ordinatam, ex ipsa domus ordinatione ordinatoris rationem pendere, ut ab Aristotele dictum Tullius introducit in Lib. II. de natura deor. (vel potius ut a Cleante, aliquant. a princip. Arist. tamen quid simile habet XII. Metaph. text. 52.) Secundo autem apparet idem ex consideratione divinæ bonitatis, per quam res in esse productæ sunt, ut ex supradictis patet (quæst. xix. art. 4. ad 1. & quæst. xlv. art. 1. & 2.) Cum enim optimi sit optima producere, non convenit summæ Dei bonitati quod res productas ad perfectum non perducatur. Ultima autem perfectio est uniuscuiusque in consecutione huius. Unde ad divinam bonitatem pertinet ut sicut produxit res in esse, ita etiam eas ad finem perducatur: quod est gubernare.

Ad primum ergo dicendum, quod ali-

quid movetur, vel operatur propter finem dupliciter. Uno modo sicut agens seipsum in finem, ut homo, & alie creaturæ rationales: & talium est cognoscere rationem finis, & eorum quæ sunt ad finem. Alio modo aliquid dicitur operari, vel moveri propter finem, quali ab aliquo actum, vel directum in finem, sicut sagitta movetur directa ad signum a sagittante, qui cognoscit finem, non autem sagitta. Unde sicut motus sagittæ ad determinatum finem demonstrat aperte quod sagitta dirigitur ab aliquo cognoscente; ita certus cursus naturalium rerum cognitione eorum manifeste declarat mundum ratione aliqua gubernari.

Ad secundum dicendum, quod in omnibus rebus creatis est aliquid stabile, ad minus prima materia; & aliquid ad motum pertinens, ut sub motu etiam operationem comprehendamus. Et quantum ad utrumque res indiget gubernatione: quia hoc ipsum quod in rebus est stabile, in nihilum decideret, quia ex nihilo est, nisi manu gubernatoris servaretur, ut infra patebit (quæst. civ. art. 1.)

Ad tertium dicendum, quod necessitas naturalis inhærens rebus quæ determinatur ad unum, est impressio quædam Dei dirigentis ad finem; sicut necessitas quæ sagitta agit, ut ad certum signum tendat, est impressio sagittantis, & non sagittæ. Sed in hoc differt, quia id quod creaturæ a Deo recipiunt, est earum natura; quod autem ab homine rebus naturalibus imprimitur, præter earum naturam, ad violentiam pertinet. Unde sicut necessitas violentiæ in motu sagittæ demonstrat sagittantis directionem; ita necessitas naturalis creaturarum demonstrat divinæ providentiæ gubernationem.

ARTICULUS II. 501

Utrum finis gubernationis mundi sit aliquid extra mundum.

1. 2. quæst. 1. art. 8. & III. con. cap. xvii. xxv. & xxvii. fin.

AD secundum sic proceditur. Videtur quod finis gubernationis mundi non sit aliquid extra mundum existens. Illud enim est finis gubernationis rei ad quod res gubernata perducitur. Sed illud ad quod res aliqua perducitur, est aliquid bonum in ipsa re, sicut infirmus perducitur-

(2) *Vulgata: Tu autem, Pater, providentia gubernas.*

citur ad sanitatem, quæ est aliquod bonum in ipso. Ergo finis gubernationis rerum non est aliquod bonum extrinsecum, sed aliquod bonum in ipsis rebus existens.

2. Præterea. Philosophus dicit I. Eth. (cap. 3.) quod finium quidam sunt operationes, quidam opera, idest operata. Sed nihil extrinsecum a toto universo potest esse operatum; operatio autem est in ipsis operantibus. Ergo nihil extrinsecum potest esse finis gubernationis rerum.

3. Præterea. Bonum multitudinis videtur esse ordo, & pax, quæ est tranquillitas ordinis, ut Augustinus dicit XIX. de civ. Dei (cap. xlii. in princ.) Sed mundus in quadam rerum multitudine consistit. Ergo finis gubernationis mundi est pacificus ordo, qui est in ipsis rebus. Non ergo finis gubernationis rerum est quoddam bonum extrinsecum.

Sed contra est quod dicitur Proverb. xvi. 4. *Univerſa propter ſe operatus eſt Dominus*. Ipse autem est extra totum ordinem universi. Ergo finis rerum est quoddam bonum extrinsecum.

Respondendo dicendum, quod cum finis respondeat principio, non potest fieri ut principio cognito, quis sit rerum finis ignoretur. Cum igitur principium rerum sit aliquid extrinsecum a toto universo, scilicet Deus, ut ex supra dictis patet (quæst. xix. art. 4. & quæst. xlv. art. 1. & 2.) necesse est quod etiam finis rerum sit quoddam bonum extrinsecum. Et hoc ratione apparet. Manifestum est enim quod bonum habet rationem finis: unde finis particularis alicuius rei est quoddam bonum particulare; finis autem universalis rerum omnium est quoddam bonum universale. Bonum autem universale est quod est per se, & per suam essentiam bonum, quod est ipsa essentia bonitatis; bonum autem particulare est quod est participative bonum. Manifestum est autem quod in tota universitate creaturarum nullum est bonum quod non sit participative bonum. Unde illud bonum quod est finis totius universi, oportet quod sit extrinsecum a toto universo.

Ad primum ergo dicendum, quod bonum aliquod consequimur multipliciter. Uno modo sicut formam in nobis existentem, ut sanitatem, aut scientiam. Alio modo ut aliquid per nos operatum, sicut ædificator consequitur finem faciendi domum. Alio modo sicut aliquod bonum habitum, vel possessum, ut ille qui emit, consequitur finem possidendo agrum. Unde nihil prohibet, illud ad

quod perducitur universum, esse quoddam bonum extrinsecum.

Ad secundum dicendum, quod Philosophus loquitur de finibus artium: quarum quedam habent pro finibus operationes ipsas, sicut citharistæ finis est citharizare; quedam vero habent pro fine quoddam operatum, sicut ædificatoris finis non est ædificare, sed domus. Contingit autem aliquid extrinsecum esse finem non solum sicut operatum, sed etiam sicut possessum, seu habitum, vel etiam seu representatum; sicut si dicamus, quod Hercules est finis imaginis, quæ sit ad eum representandum. Sic igitur potest dici, quod bonum extrinsecum a toto universo est finis gubernationis rerum sicut habitum, & representatum: quia ad hoc unaquæque res tendit, ut participet ipsum, & assimiletur ei quantum potest.

Ad tertium dicendum, quod finis quidem universi est aliquid bonum in ipso existens, scilicet ordo ipsius universi. Hoc autem bonum non est ultimus finis, sed ordinatur ad bonum extrinsecum ut ad ultimum finem; sicut etiam ordo exercitus ordinatur ad ducem, ut dicitur in XII. Met. (text. 52.)

ARTICULUS III. 502

Utrum mundus gubernetur ab uno.

II. dist. 1. quæst. 3. art. 2. 3. 4. ver. quæst. v. art. 2.

AD tertium sic proceditur. Videtur quod mundus non gubernetur ab uno. De causa enim per effectus iudicamus. Sed in gubernatione rerum apparet quod res non uniformiter gubernantur, & operantur: quedam enim sunt contingencia, quedam vero ex necessitate, & secundum alias diversitates. Ergo mundus non gubernatur ab uno.

2. Præterea. Ea quæ gubernantur ab uno, a se invicem non dissentiant, nisi propter imperitiam, aut insipientiam, aut impotentiam gubernant: quæ a Deo sunt procul. Sed res creatæ a se invicem dissentiant, & contra se invicem pugnant, ut in contrariis apparet. Non ergo mundus gubernatur ab uno.

3. Præterea. In natura semper invenitur quod melius est. Sed melius est simul esse duo quam unum, ut dicitur Eccle. iv. 9. Ergo mundus non gubernatur ab uno, sed a pluribus.

Sed contra est quod unum Deum, &

Q. 1

unum Dominum confitemur, secundum illud Apostoli I. ad Cor. viii. 6. *Nobis est unus Deus pater . . . & Dominus unus*: quorum utrumque ad gubernationem pertinet: nam ad dominum pertinet gubernatio subditorum; & Dei nomen ex providentia sumitur, ut supra dictum est (quaest. xiiii. art. 8.) Ergo mundus gubernatur ab uno.

Respondeo dicendum, quod necesse est dicere, quod mundus ab uno gubernetur. Cum enim finis gubernationis mundi sit quod est essentialiter bonum, quod est optimum, necesse est quod mundi gubernatio sit optima. Optima autem gubernatio est quae fit per unum. Cuius ratio est, quia gubernatio nihil aliud est quam directio gubernatorum ad finem, qui est aliquod bonum. Unitas autem pertinet ad rationem bonitatis, ut Boetius probat in III. de consol. (prosa xi.) per hoc quod sicut omnia desiderant bonum, ita desiderant unitatem, sine qua esse non possunt: nam unumquodque in tantum est, inquantum unum est. Unde videmus quod res repugnant suae divisioni quantum possunt, & quod dissolutio uniuscuiusque rei provenit ex defectu illius rei. Et ideo id ad quod tendit intentio multitudinis gubernantis, est unitas, sive pax. Unitatis autem causa per se est unum. Manifestum est enim quod plures multa unire, & concordare non possunt, nisi ipsi aliquo modo uniantur. Illud autem quod est per se unum, potest esse causa unitatis convenientius quam multi uniti: unde multitudo melius gubernatur per unum quam per plures. Relinquitur ergo quod gubernatio mundi, quae est optima, sit ab uno gubernante. Et hoc est quod Philosophus dicit XII. Metaph. (in fin.) *Entia non sunt disposita male, nec bonum pluracitas principatum: unus ergo princeps*.

Ad primum ergo dicendum, quod motus est actus mobilis a movente. Dissimilitudo ergo motuum est ex diversitate mobilium, quam requirit perfectio universi, ut supra dictum est (quaest. xviii. art. 1. & 2. & quaest. xlviii. art. 2.) non ex diversitate gubernantium.

Ad secundum dicendum, quod contraria est dissimilitudo quantum ad fines proximos, conveniunt tamen quantum ad finem ultimum, prout concluduntur sub uno ordine universi.

Ad tertium dicendum, quod in particularibus bonis duo sunt meliora quantum; sed ei quod est essentialiter bo-

num, non potest fieri aliqua additio bonitatis.

ARTICULUS IV. 503

Utrum effectus gubernationis sit unus tantum, & non plures.

AD quartum sic proceditur. Videtur quod effectus gubernationis mundi sit unus tantum, & non plures. Effectus enim gubernationis esse videtur id quod per gubernationem in rebus gubernatis causatur. Hoc autem est unum, scilicet bonum ordinis, ut in exercitu patet. Ergo gubernationis mundi est unus effectus.

2. Præterea. Ab uno natum est unum tantum procedere. Sed mundus gubernatur ab uno, ut ostensum est (art. præc.) Ergo & gubernationis effectus est unus tantum.

3. Præterea. Si effectus gubernationis non est unus tantum propter unitatem gubernantis, oportet quod multiplicetur secundum multitudinem gubernatorum. Hæc autem sunt nobis innumerable. Ergo gubernationis effectus non possunt comprehendi sub aliquo certo numero.

Sed contra est quod Dionysius dicit (cap. xii. de divin. Nom. lect. 1.) quod *Dei sunt providentia, & bonitate perfecta omnia continet, & in seipso implet*. Gubernatio autem ad providentiam pertinet. Ergo gubernationis divinæ sunt aliqui determinati effectus.

Respondeo dicendum, quod effectus cuiuslibet actionis ex fine eius pensari potest: nam per operationem efficitur ut pertingat ad finem. Finis autem gubernationis mundi est bonum essenziale, ad cuius participationem, & assimilationem omnia tendunt. Effectus igitur gubernationis potest accipi tripliciter. Uno modo ex parte ipsius finis: & sic est unus effectus gubernationis, scilicet assimilari summo bono. Alio modo potest considerari effectus gubernationis secundum ea quibus ad Dei assimilationem creatura perducitur: & sic in generaliter sunt duo effectus gubernationis. Creatura enim assimilatur Deo quantum ad duo, scilicet quantum ad id quod Deus bonus est, inquantum creatura est bona; & quantum ad hoc quod Deus est alius causa bonitatis, inquantum una creatura movetur ad bonitatem. Unde duo sunt effectus gubernationis, scilicet conservatio rerum in bono, & motio earum ad bo-

nam . Tertio modo potest considerari effectus gubernationis in particulari : & sic sunt nobis innumerabiles .

Ad primum ergo dicendum , quod ordo univ[er]si includit in se & conservationem rerum diversarum a Deo institutarum , & motionem earum : quia secundum hæc duo invenitur ordo in rebus , secundum scilicet quod una est melior alia , & secundum quod una ab alia movetur .

Ad alia duo patet responsio per ea quæ dicta sunt (in corp. art.)

ARTICULUS V. 104

Utrum omnia divina gubernationi subdantur .

Sup. quæst. xxii. art. 2. & 3. & I. dist. xxxix. quæst. 11. art. 1. & III. cons. cap. lxiv. xciv. & cxxxi. & ver. quæst. v. art. 2. & 4. & opus. 11. cap. cxxiv. cxxxi. & cxxxiii.

AD quantum sic proceditur . Videtur quod non omnia divinæ gubernationi subdantur . Dicitur enim Eccl[esiæ] ix. 11. *Vidi sub Sole nec velocium esse cursum , nec fortium bellum , nec sapientium panem , nec doctorem divitias , nec artificum gratiam , sed tempus , casumque in omnibus .* Quæ autem gubernationi alicuius subsunt , non sunt casualia . Ergo ea quæ sunt sub Sole , non subduntur divinæ gubernationi .

2. Præterea . Apostolus I. ad Corinth. ix. 9. dicit , quod *non est Deo cura de bobus .* Sed unicuique est cura eorum quæ gubernantur ab ipso . Non ergo omnia subduntur divinæ gubernationi .

3. Præterea . Illud quod seipsum gubernare potest , non videtur alterius gubernatione indigere . Sed creatura rationalis seipsam gubernare potest , cum habeat dominium sui actus , & per se agat , & non solum agatur ab alio ; quod videtur esse eorum quæ gubernantur . Ergo non omnia sunt divinæ gubernationi subdita .

Sed contra est quod Augustinus dicit V. de civitate Dei (cap. xi. circ. fin.) quod *Deus non solum calum , & terram , nec solum hominem , & Angelum , sed nec exigui , & contemptibiles animantis viscera , nec avi pennulam , nec herbe flosculum , nec arboris solum sine suarum partium convenientia derelinquit .* Omnia ergo eius gubernationi subduntur .

Respondendo dicendum , quod secundum eandem rationem competit Deo esse gubernatorem rerum , & causam earum : quia eiusdem est rem producere , & ei

perfectiorem dare ; quod ad gubernantem pertinet . Deus autem est causa non quidem particularis unius generis rerum , sed universalis totius entis , ut supra ostensum est (quæst. xlv. art. 1. & 2.) Unde sicut nihil potest esse quod non sit a Deo creatum ; ita nihil potest esse quod eius gubernationi non subdatur .

Patet etiam hoc idem ex ratione finis . Intantum enim alicuius gubernatio se extendit , inquantum se extendere potest finis gubernationis . Finis autem divinæ gubernationis est ipsa sua bonitas , ut supra ostensum est (art. præc. & quæst. xlv. art. 4.) Unde cum nihil esse possit quod non ordinetur in divinam bonitatem sicut in finem , ut ex supradictis patet (ibid.) impossibile est quod aliquid entium subtrahatur gubernationi divinæ .

Stulta igitur fuit opinio dicentium , quod hæc inferiora corruptibilia , vel etiam singularia , aut etiam res humanæ non gubernantur a Deo . Ex quorum persona dicitur Ezech. ix. 9. *Dereliquit Dominus terram .*

Ad primum ergo dicendum , quod sub Sole dicuntur esse ea quæ secundum motum Solis generantur , & corrumpuntur . In quibus omnibus calis invenitur ; non ita quod omnia quæ in eis sunt , sint casualia , sed quia in quolibet eorum aliquid casuale inveniri potest : & hoc ipsum quod aliquid casuale invenitur in huiusmodi rebus , demonstrat ea alicuius gubernationi esse subiecta . Nisi enim huiusmodi corruptibilia ab aliquo superiori gubernarentur , nihil intenderent , maxime quæ non cognoscunt ; & sic non evenirent in eis aliquid præter intentionem , quod facit rationem casus . Unde ad ostendendum quod casualia secundum ordinem alicuius superioris causæ proveniunt , non dicit simpliciter , quod vidit casum esse in omnibus ; sed dicit *tempus , & casum* , quia scilicet secundum aliquem ordinem temporis casuales defectus inveniuntur in his rebus .

Ad secundum dicendum , quod gubernatio est quædam mutatio gubernatorum a gubernante . Omnis autem motus est actus mobilis a movente , ut dicitur in III. Physic. (tex. 18.) Omnis autem actus proportionatur ei cuius est actus : & sic oportet quod diversa mobilia diversimode moveantur etiam secundum motionem unius motoris . Sic igitur secundum unam artem Dei gubernantis res diversimode gubernantur secundum earum diversitatem . Quædam enim secundum suam na-

turam sunt per se agentia, tamquam habentia dominium sui actus : & ista gubernantur a Deo non solum per hoc quod moventur ab ipso Ideo in eis interiori operante; sed etiam per hoc quod ab eo inducuntur ad bonum, & retrahuntur a malo per praecepta, & prohibitiones, praemia, & poenas. Hoc autem modo non gubernantur a Deo creaturae irrationales, quae tantum aguntur, & non agunt. Cum ergo Apostolus dicit, quod *Deo non est cura de bobus*, non totaliter subtrahit boves a cura gubernationis divinae, sed solum quantum ad modum qui proprie competit rationali creaturae.

Ad tertium dicendum, quod creatura rationalis gubernat seipsam per intellectum, & voluntatem: quorum utrumque indiget regi, & perfici ab intellectu, & voluntate Dei. Et ideo supra gubernationem qua creatura rationalis gubernat seipsam tamquam domina sui actus, indiget gubernari a Deo.

ARTICULUS VI. 505

Utrum omnia immediate gubernentur a Deo.

Sup. quaest. XXII. art. 3. & III. con. cap. lxxvii. lxxxii. lxxxiii. & xciv. & apud. II. cap. cxxxiii.

AD sextum sic proceditur. Videtur quod omnia immediate gubernentur a Deo. Gregorius enim Nyssenus (Lib. VIII. de providentia cap. III.) reprehendit opinionem Platonis, qui divisit providentiam in tria: primam quidem primi Dei, qui providet rebus caelestibus, & universalibus omnibus; secundam vero providentiam esse dixit secundorum deorum, qui caelum circumstant scilicet respectu eorum quae sunt in generatione, & corruptione; tertiam vero providentiam dixit quorundam demonum, qui sunt custodes circa terram humanarum actionum. Ergo videtur quod omnia immediate a Deo gubernentur.

2. Praeterea. Melius est aliquid fieri per unum quam per multa, si sit possibile, ut dicitur in VIII. Phys. (tex. 48.) Sed Deus potest per seipsum absque mediis causis omnia gubernare. Ergo videtur quod omnia immediate gubernet.

3. Praeterea. Nihil in Deo est deficiens, & imperfectum. Sed ad defectum gubernatoris pertinere videtur quod mediantibus aliquibus gubernet; sicut Rex

terrenus, quia non sufficit ad omnia agenda, nec ubique est praesens in suo regno, propter hoc oportet quod habeat suae gubernationis ministrorum. Ergo Deus immediate omnia gubernat.

Sed contra est quod Augustinus dicit in III. de Trinit. (cap. iv. in princ.) *Quemadmodum corpora grossiora, & inferiora per subtiliora, & potentiora quodam ordine reguntur; ita omnia corpora per spiritum vitae rationalis; & spiritus vitae rationalis deserunt, atque peccator per spiritum vitae rationalem plumbum, & iustum; & ille per ipsum Deum.*

Respondeo dicendum, quod in gubernatione duo sunt considerata; scilicet ratio gubernationis, quae est ipsa providentia; & executio. Quantum igitur ad rationem gubernationis pertinet, Deus immediate omnia gubernat; quantum autem pertinet ad executionem gubernationis, Deus gubernat quaedam mediantibus aliis.

Cuius ratio est, quia cum Deus sit ipsa essentia bonitatis, unumquodque attribuendum est Deo secundum sui optimum. (a) Optimum autem in omni genere, vel ratione, & cognitione practica (qualis est ratio gubernationis) in hoc consistit quod particularia cognoscantur, in quibus est actus; sicut optimus medicus est qui non considerat sola universalia, sed qui potest etiam considerare minima particularia: & idem patet in ceteris. Unde oportet dicere, quod Deus omnium etiam minimorum particularium rationem gubernationis habeat. Sed cum per gubernationem res quae gubernantur, sint ad perfectionem perducendae, tanto erit melior gubernatio, quanto maior perfectio a gubernante rebus gubernatis communicatur. Maior autem perfectio est quod aliquid in se sit bonum, & etiam sit aliis causa bonitatis, quam si esset solummodo in se bonum: & ideo sic Deus gubernat res, ut quaedam aliarum in gubernando causas instituat; sicut si aliquis magister discipulos suos non solum scientes faceret, sed etiam aliorum doctores.

Ad primum ergo dicendum, quod opinio Platonis reprehenditur, quia etiam quantum ad rationem gubernationis potuit, Deum non immediate omnia gubernare: quod patet per hoc quod divisit in tria providentiam, quae est ratio gubernationis.

Ad

(a) Ita cod. Alex. cum edit. Rom. & Nicolai. Cod. Tarra. cum Garcia, & edit. Parisi. Optimum (edit. Parisi. addit autem) in omni ratione, & cognitione practica.

Ad secundum dicendum, quod si solus Deus gubernaret, subtraheretur perfectio causalis a rebus. Unde non totum melius fieret per unum, quod fit per multa.

Ad tertium dicendum, quod non solum pertinet ad (a) imperfectionem Regis terreni quod executores habeat suae gubernationis, sed etiam ad Regis dignitatem: quia ex ordine ministrorum potestas regia praeclarior redditur.

ARTICULUS VII. 506

Utrum aliquid praeter ordinem divinae gubernationis contingere possit.

Sup. quaest. XXXI. art. 2. ad 1. & II. dist. VI. art. 1. ad 3.

AD septimum sic proceditur. Videtur quod aliquid praeter ordinem divinae gubernationis contingere possit. Dicit enim Boetius in III. de consol. (prosa XII. ante med.) quod *Deus per bonum causa disponit*. Si ergo nihil in rebus contingit praeter ordinem divinae gubernationis, sequeretur quod nihil esset malum in rebus.

1. Praeterea. Nihil est casuale quod evenit secundum praedestinationem alicuius gubernantis. Si igitur nihil accidit in rebus praeter ordinem gubernationis divinae, sequitur quod nihil in rebus sit fortuitum, & casuale.

3. Praeterea. Ordo divinae gubernationis est certus, & immutabilis, quia est secundum rationem aeternam. Si igitur nihil possit contingere in rebus praeter ordinem divinae gubernationis, sequitur quod omnia ex necessitate eveniant, & nihil sit in rebus contingens: quod est inconveniens. Potest igitur in rebus aliquid contingere praeter ordinem gubernationis divinae.

Sed contra est quod dicitur Esther XII. 9. *Domine Deus Rex omnipotens, in ditione tua cuncta sunt posita; & non est qui possit resistere tuae voluntati*.

Respondeo dicendum, quod praeter ordinem alicuius particularis causae aliquis effectus evenire potest, non autem praeter ordinem causae universalis. Cuius ratio est, quia praeter ordinem particularis causae nihil provenit nisi ex aliqua alia causa impediende; quam quidem causam

neceffe est reducere in primam causam universalem; sicut indigestio contingit praeter ordinem virtutis nutritivae ex aliquo impedimento, puta ex grossitie cibi, quam necesse est reducere in aliam causam, & sic usque ad causam primam universalem. Cum igitur Deus sit prima causa universalis non unius generis tantum, sed totius entis, impossibile est quod aliquid contineat praeter ordinem divinae gubernationis; sed ex hoc ipso quod aliquid ex una parte videtur exire ab ordine divinae providentiae, qui consideratur secundum aliquam particularem causam, necesse est quod in eundem ordinem relabatur secundum aliam causam.

Ad primum ergo dicendum, quod nihil invenitur in mundo quod sit totaliter malum: quia malum semper fundatur in bono, ut supra ostensum est (quaest. XLVIII. artic. 3. & quaest. XLIX. artic. 3.) Et id eo res aliqua dicitur mala per hoc quod exit ab ordine alicuius particularis boni. Si autem totaliter exiret ab ordine gubernationis divinae, totaliter nihil esset.

Ad secundum dicendum, quod aliqua dicuntur esse casualia in rebus per ordinem ad causas particulares, extra quantum ordinem hunc; sed quantum ad divinam providentiam pertinent, nihil sit casu in mundo, ut Augustinus dicit in Lib. LXXXIII. Qq. (quaest. XXIV.)

Ad tertium dicendum, quod dicuntur aliqui effectus contingentes per comparationem ad proximas causas, quae in suis effectibus deficere possunt; non propter hoc quod aliquid fieri possit extra totum ordinem gubernationis divinae: quia hoc ipsum quod aliquid contingit praeter ordinem causae proximae, est ex aliqua causa subiecta gubernationi divinae.

ARTICULUS VIII. 507

Utrum aliquid possit reniti contra ordinem gubernationis divinae.

AD octavum sic proceditur. Videtur quod aliquid possit reniti contra ordinem gubernationis divinae. Dicitur enim Isa. III. 8. *Linguae eorum, & adinventiones eorum contra Dominum*.

2. Praeterea. Nullus Rex iuste punit

Qq 4 eos

(*) Ita Nicolaus post edit. Duerossem. Cod. Alcan. absque defectum. Quidam Codd. & edit. ge-
shira, colan. Rom. & Patav. perfectionem. Mex edit. Rom. executorem & quia ordine ministro-
rum.

eos qui eius ordinationi non repugnant. Si igitur nihil contraniteretur divinæ ordinationi, nullus iuste puniretur a Deo.

3. Præterea. Quælibet res subicitur ordini divinæ gubernationis. Sed una res ab alia impugnatur. Ergo aliqua sunt quæ contranuntur divinæ gubernationi.

Sed contra est quod dicit Boetius in III. de cons. (prosa XII. cir. med.). *Non est aliquod quod summo huic bono vel velit, vel possit obesse. Est igitur summum bonum quod regit cuncta fortiter, suaviterque disponit, ut dicitur Sapient. VIII. de divina sapientia.*

Respondetur dicendum, quod ordo divinæ sapientie dupliciter potest considerari. Uno modo in generali, secundum scilicet quod progreditur a causa gubernativa totius. Alio modo in speciali, secundum quod progreditur a causa particulari, quæ est executiva divinæ gubernationis. Primo igitur modo nihil contranitur ordini divinæ gubernationis: quod ex duobus patet.

Primo quidem ex hoc quod ordo divinæ gubernationis totaliter in bonum tendit; & unaqueque res in sua operatione, & conatu non tendit nisi ad bonum: nullus enim respiciens ad malum operatur, ut Dionysius dicit (IV. cap. de div. Nom. lect. 22.) Alio modo apparet idem ex hoc quod, sicut supra dictum est (art. I. huius quæst. ad I.) omnis inclinatio alicuius rei vel naturalis, vel voluntaria, nihil est aliud quam quedam impressio a primo movente; sicut inclinatio sagittæ ad signum determinatum nihil aliud est quam quedam impressio a sagittante. Unde omnia quæ aguntur vel naturaliter, vel voluntarie, quasi propria sponte perveniunt in id ad quod divinitus ordinantur. Et ideo dicitur Deus omnia disponere suaviter.

Ad primum ergo dicendum, quod dicuntur aliqui vel cogitare, vel loqui, vel agere contra Deum; non quia totaliter renitantur ordini divinæ gubernationis (quia etiam peccantes intendunt aliquid bonum); sed quia contranuntur cuidam determinato bono, quod est eis conveniens secundum suam naturam, aut statum. Et ideo puniuntur iuste a Deo.

Et per hoc patet solutio ad secundum.

Ad tertium dicendum, quod ex hoc quod una res alteri contrapugnat, ostenditur quod aliquid reniti potest ordini qui est ex aliqua causa particulari, non

autem ordini qui dependet a causa universalis totius.

QUAESTIO CIV.

De effectibus divinæ gubernationis in speciali, in quatuor articulis divisa.

DEinde considerandum est de effectibus divinæ gubernationis in speciali: & circa hoc quaeruntur quatuor.

Primo, utrum creaturæ indigeant ut conserventur in esse à Deo.

Secundo, utrum conserventur a Deo immediate.

Tertio, utrum Deus possit aliquid redigere in nihilum.

Quarto, utrum aliquid in nihilum redigatur.

ARTICULUS I. 568

Utum creaturæ indigeant ut a Deo conserventur in esse.

2. 2. quæst. CIX. artic. 2. ad 3. & artic. 8. cor. & art. 9. ad 1. & III. con. cap. lxxv. & lxxvii. ratione 3. & cxiv. & pot. quæst. v. art. 1. & 70. v. lec. 2.

AD primum sic proceditur. Videtur quod creaturæ non indigeant ut a Deo conserventur in esse. Quod enim non potest non esse, non indiget ut conservetur in esse, sicut quod non potest abscedere, non indiget ut conservetur, ne abscedat. Sed quædam creaturæ sunt quæ secundum sui naturam non possunt non esse. Ergo non omnes creaturæ indigent ut a Deo conserventur in esse. Probatio mediæ. Quod per se inest alicui, necesse est ei inesse, & oppositum eius impossibile est ei inesse; sicut necessarium est binarium esse parum, & impossibile est eum esse impar. Esse autem per se consequitur ad formam: quia unumquodque secundum hoc est ens actu quod habet formam. Quædam autem creaturæ sunt quæ sunt forme quædam substantentes, sicut de Angelis dictum est (quæst. I. art. 2. & 3.) Et sic per se inest eis esse. Et eadem ratio est de illis quorum materia non est in potentia nisi ad unam formam, sicut supra dictum est de corporibus celestibus (quæst. lxxv. art. 2.) Huiusmodi ergo creaturæ secundum suam naturam ex necessitate sunt, & non possunt non esse. Potentia enim ad non esse non potest fundari neque in forma, quam per se sequitur esse; neque

in materia existentē sub forma, quam non potest amittere, cum non sit in potentia ad aliam formam.

2. Præterea, Deus est potentior quolibet creato agente. Sed aliquod creatum agens potest communicare suo effectui ut conservetur in esse, etiam eius operatione cessante; sicut, cessante actione ædificatoris, remanet domus; & cessante actione ignis, remanet aqua calefacta per aliquod tempus. Ergo multo magis Deus potest suæ creaturæ conferre quod conservetur in esse, sua operatione cessante.

3. Præterea, Nullum violentum potest contingere absque aliqua causa agente. Sed tendere ad non esse est innaturale, & violentum cuilibet creaturæ, quia quælibet creatura naturaliter appetit esse. Ergo nulla creatura potest tendere in non esse, nisi aliquo agente ad corruptionem. Sed quædam sunt ad quorum corruptionem nihil agere potest, sicut spirituales substantiæ, & corpora cælestia. Ergo huiusmodi creaturæ non possunt tendere in non esse, etiam Dei operatione cessante.

4. Præterea. Si Deus conservat res in esse, hoc erit per aliquam actionem. Per quolibet autem actionem agentis, si sit efficax, aliquid fit in effectu. Oportet igitur quod per actionem Dei conservantis aliquid fiat in creatura. Sed hoc non videtur: non enim per huiusmodi actionem fit ipsum esse creaturæ, quia quod iam est, non fit; neque iterum aliquid aliud superadditum, quia vel non continetur Deus conservaret creaturam in esse, vel continue aliquid adderetur creaturæ, quod est inconveniens. Non igitur creaturæ conservantur in esse a Deo.

Sed contra est quod dicitur Heb. 1. 3. *Portans omnia verbo virtutis sue.*

Respondeo dicendum, quod necesse est dicere & secundum fidem, & secundum rationem, quod creaturæ conservantur in esse a Deo. Ad cuius evidentiam considerandum est, quod aliquid conservatur ab altero dupliciter. Uno modo indirecte, & per accidens; sicut ille dicitur rem conservare qui renovet corrumpens; puta, si aliquis puerum custodiat, ne cadat in ignem, dicitur eum conservare: & sic etiam Deus dicitur aliqua conservare, sed non omnia: quia quædam sunt quæ non habent corruptentia, quæ necesse sit remove a rei conservatione. Alio modo dicitur aliquid rem aliquam conservare per se directe, quan-

do scilicet illud quod conservatur, dependet a conservante, ut sine eo esse non possit: & hoc modo omnes creaturæ indigent divina conservatione. Dependet enim esse cuiuslibet creaturæ a Deo, ita quod nec ad momentum subsistere possent, sed in nihilum redigerentur, nisi operatione divinæ virtutis conservarentur in esse, sicut Gregorius dicit (Lib. XVI. Moral. cap. xvi.)

Et hoc sic perspicui potest. Omnis enim effectus dependet a sua causa, secundum quod est causa eius. Sed considerandum est, quod aliquod agens est causa sui effectus secundum fieri tantum, & non directe secundum esse eius: quod quidem convenit & in artificialibus, & in rebus naturalibus. Aedificator enim est causa domus quantum ad eius fieri, non autem directe quantum ad esse eius: manifestum est enim quod esse domus consequitur formam eius; forma autem domus est compositio, & ordo: quæquidem forma consequitur naturalem virtutem quarundam rerum. Sicut enim coqus coquit cibum adhibendo aliquam virtutem naturalem activam, scilicet ignis; ita ædificator facit domum adhibendo cæmentum, lapides, & ligna, quæ sunt suscepeiva, & conservativa talis compositionis, & ordinis. Unde esse domus dependet ex naturis harum rerum, sicut fieri domus dependet ex actione ædificatoris. Et simili ratione est considerandum in rebus naturalibus: quia si aliquod agens non est causa formæ, in quantum huiusmodi, non erit per se causa illi quod consequitur ad talem formam, sed erit causa effectus secundum fieri tantum. Manifestum est autem quod si aliqua duo sunt eiusdem speciei, unum non potest esse per se causa formæ alterius, in quantum est talis forma, quia sic esset causa formæ propriæ, cum sit eadem ratio utriusque; sed potest esse causa huiusmodi formæ, secundum quod est in materia, id est quod hæc materia acquirat hanc formam: & hoc est esse causam secundum fieri, sicut cum homo generat hominem, & ignis ignem. Et idcirco quancumque naturalis effectus est natus impressionem agentis recipere secundum eandem rationem secundum quam est in agente, tunc fieri effectus dependet ab agente, non autem esse ipsius. Sed aliquando effectus non est natus recipere impressionem agentis secundum eandem rationem secundum quam est in agente, sicut patet in omnibus agentibus.

agentibus quæ non agunt simile secundum speciem; sicut caelestia corpora sunt causa generationis inferiorum corporum dissimilium secundum speciem: & tale agens potest esse causa formæ secundum rationem talis formæ, & non solum secundum quod acquiritur in hac materia; & ideo est causa non solum fieri, sed essendi. Sicut igitur fieri rei non potest remanere, cessante actione agentis quod est causa effectus secundum fieri; ita nec esse rei potest remanere, cessante actione agentis quod est causa effectus non solum secundum fieri, sed etiam secundum esse. Et hæc est ratio quare aqua calefacta retinet calorem, cessante actione ignis; non autem remanet aer illuminatus nec ad momentum, cessante actione Solis: quia scilicet materia aquæ susceptiva est caloris ignis secundum eandem rationem qua est in igne. Unde si perfecte perducatur ad formam ignis, retinebit calorem semper; si autem imperfecte participet aliquid de forma ignis secundum quamdam inchoationem, calor non semper remanebit, sed ad tempus, propter debilem participationem principii caloris. Aer autem nullo modo natus est recipere lumen secundum eandem rationem secundum quam est in Sole, ut scilicet recipiat formam Solis, quæ est principium luminis: & ideo quia non habet radicem in aere, statim cessat lumen cessante actione Solis.

Sic autem se habet omnis creatura ad Deum, sicut aer ad Solem illuminantem. Sicut enim Sol est lucens per suam naturam; aer autem fit luminosus participando lumen a Sole, non tamen participando naturam Solis: ita solus Deus est ens per essentiam suam, quia eius essentia est suum esse; omnis autem creatura est ens participative, non quod sua essentia sit eius esse. Et ideo Augustinus dicit IV. super Genes. ad lit. (cap. XII. cir. princ.) *Virtus Dei ab eis que creata sunt regendis si cessaret aliquando, simul & illorum cessaret species, omnisque natura consideres: & in VIII. eiusdem Lib. (cap. XII. circa med.)* dicit, quod *sicut aer presente lumine fit lucidus; sic homo Deo sibi presente illuminatur, absente autem continuo tenebratur.*

Ad primum. ergo dicendum, quod esse per se consequitur formam creaturæ, supposito tamen influxu Dei; sicut lumen sequitur diaphanum aeris supposito influxu Solis. Unde potentia ad non esse in spiritualibus creaturis, & corporibus ca-

lestibus magis est in Deo, qui potest subtrahere suum influxum, quam in forma, vel in materia talium creaturarum.

Ad secundum dicendum, quod Deus non potest communicare alicui creaturæ ut conservetur in esse, sua actione cessante; sicut non potest ei communicare quod non sit causa illius. Intantum enim indiget creatura conservari a Deo, in quantum esse effectus dependet a causa essendi. Unde non est simile de agente quod non est causa essendi, sed fieri tantum.

Ad tertium dicendum, quod ratio illa procedit de conservatione quæ est per remotionem corruptentis; qua non indigent omnes creaturæ, ut dictum est (in corp. art.)

Ad quartum dicendum, quod conservatio rerum a Deo non est per aliquam novam actionem, sed per continuationem actionis qua dat esse: quæ quidem actio est sine motu, & tempore; sicut etiam conservatio luminis in aere est per continuatum influxum a Sole.

ARTICULUS II. 599

Utrum Deus immediate omnem creaturam conservet.

AD secundum sic proceditur. Videtur quod Deus immediate omnem creaturam conservet. Eadem enim actione Deus est conservator rerum, qua & creator, ut dictum est (art. præc.). Sed Deus immediate est creator omnium. Ergo immediate est etiam conservator.

2. Præterea. Unaqueque res inagis est proxima sibi quam rei alteri. Sed non potest communicari alicui creaturæ quod conservet seipsam. Ergo multo minus potest ei communicari quod conservet aliam: ergo Deus omnia conservat absque alia media causa conservante.

3. Præterea. Effectus conservatur in esse ab eo quod est causa eius non solum secundum fieri, sed etiam secundum esse. Sed omnes causæ creatæ, ut videtur, non sunt causæ suorum effectuum nisi secundum fieri: non sunt enim causæ, nisi movendo, ut supra habitum est (art. præc.). Ergo non sunt causæ conservantes suos effectus in esse.

Sed contra est quod per idem conservatur res per quod habet eis. Sed Deus dat esse rebus mediantibus aliquibus causis mediis. Ergo etiam res in esse conservantur mediantibus aliquibus causis,

Respondeo dicendum, quod, sicut dictum est (art. præc.) dupliciter aliquid rem aliquam in esse conservat. Uno modo indirecte, & per accidens, per hoc quod removet, vel impedit actionem corruptentem. Alio modo directe, & per se, quia ab eo dependet esse alterius, sicut a causa dependet esse effectus. Utroque autem modo aliqua res creata invenitur esse alterius conservativa. Manifestum est enim quod etiam in rebus corporalibus multa sunt quæ impediunt actiones corruptentium, & per hoc dicuntur rerum conservativa; sicut sal impedit carnes a putrefactione, & simile est in multis aliis. Invenitur etiam quod ab aliqua creatura dependet aliquis effectus secundum suum esse. Cum enim sunt multæ causæ ordinatæ, necesse est quod effectus dependeat primo quidem & principaliter a causa prima, secundario vero ab omnibus causis mediis. Et ideo principaliter quidem prima causa est effectus conservativa; secundario vero omnes mediæ causæ, & tanto magis, quanto causa fuerit altior, & primæ causæ proximior. Unde superioribus causis etiam in corporalibus rebus attribuitur conservatio, & permanentia rerum, sicut Philosophus dicit in XII. Metaph. (tex 34.) quod primus motus, scilicet diurnus, est causa continuitatis generationis; secundus autem motus, qui est per Zodiacum, est causa diversitatis quæ est secundum generationem, & corruptionem. Et similiter Astrologi attribuant Saturno, qui est supremus planetarum, res fixas, & permanentes. Sic igitur dicendum est, quod Deus conservat res quasdam in esse, mediantibus aliquibus causis.

Ad primum ergo dicendum, quod Deus immutavit omnia creavit; sed in ipsa rerum (a) creatione ordinem in rebus instituit, ut quasdam ab aliis dependent, per quas secundario conservarentur in esse, præsupposita tamen principali conservatione, quæ est ab ipso.

Ad secundum dicendum, quod cum propria causa sit conservativa effectus ab ea dependentis, sicut nulli effectui præstari potest quod sit causa sui ipsius, potest tamen ei præstari quod sit causa alterius; ita etiam nulli effectui præstari potest quod sit sui ipsius conservativus, potest tamen ei præstari quod sit conservativus alterius.

Ad tertium dicendum, quod nulla crea-

tura potest esse causa alterius quantum ad hoc quod acquirat novam formam, vel dispositionem, nisi per modum aliquius mutationis: quia semper agit præsupposito aliquo subiecto. Sed postquam formam, vel dispositionem induxit in effectum, absque alia immutatione effectus huiusmodi formam, vel dispositionem conservat; sicut in aere, prout illuminatur de novo, intelligitur quædam mutatio; sed conservatio luminis est absque aeris immutatione, ex sola præsentia illuminantis.

ARTICULUS III. 570

Utrum Deus possit aliquid in nihilum redigere.

Vtr. quæst. v. art. 2. ad 6. & pot. quæst. v. art. 3. & 4. & quod. IV. quæst. 111. art. 1.

Ad tertium sic proceditur. Videtur quod Deus non possit aliquid in nihilum redigere. Dicit enim Augustinus in Lib. lxxxiii. Q. (quæst. xxi.) quod *Deus non est causa tendendi in non esse*. Hoc autem contingeret, si aliquam creaturam redigeret in nihilum. Ergo Deus non potest aliquid in nihilum redigere.

2. Præterea, Deus est causa rerum ut sint, per suam bonitatem: quia, ut Augustinus dicit in Lib. I. de doctr. christ. (cap. xxxii.) *in quantum Deus bonus est, facit*. Sed Deus non potest non esse bonus. Ergo non potest facere ut res non sint: quod faceret, si eas in nihilum redigeret.

3. Præterea, si Deus in nihilum aliqua redigeret, oporteret quod hoc fieret per aliquam actionem. Sed hoc non potest esse: quia omnis actio terminatur ad aliquod ens: unde etiam actio corruptentis terminatur ad aliquid generatum, quia generatio unius est corruptio alterius. Ergo Deus non potest aliquid in nihilum redigere.

Sed contra est quod dicitur Hieron. x. 24. *Corripe me Domine, verumtamen in iudicio, & non in furore tuo, ne forte ad nihilum redegas me.*

Respondeo dicendum, quod quidam posuerunt, quod Deus res in esse produxit agendo de necessitate naturæ. Quod si esset verum, Deus non posset rem aliquam in nihilum redigere, sicut non potest a sua natura mutari. Sed, sicut supra est habitum (quæst. xix. art. 4.) hæc positio est falsa, & a fide catholica penitus aliena, quæ consistit, Deus res libe-

(a) Ita eod. Alcan. & Tarrac. cum Nicolo. Edit. Rom. & Pat. repARATIONE.

libera voluntate produxisse in esse, secundum illud Psalm. cxxxiv. 6. *Omnia, quaecumque voluit, Dominus fecit*. Hoc igitur quod Deus creaturæ esse communicat, ex Dei voluntate dependet: nec aliter res in esse conservat, nisi in quantum eis continue inhiit esse, ut dictum est (art. 1. & 2. hui. quest.).

Sicut ergo antequam res essent, potuit eis non communicare esse, & sic eas non facere; ita postquam iam factæ sunt, potest eis non influere esse; & sic esse definirent; quod est eas in nihilum redigere.

Ad primum ergo dicendum, quod non esse non habet causam per se: quia nihil potest esse causa, nisi in quantum est ens: ens autem, per se loquendo, est causa essendi. Sic igitur Deus non potest esse causa tendendi in non esse; sed hoc habet creatura ex seipsa, in quantum est de nihilo. Sed per accedens Deus potest esse causa quod res in nihilum redigantur, subtrahendo scilicet suam actionem a rebus.

Ad secundum dicendum, quod bonitas Dei est causa rerum, non quasi ex necessitate naturæ (quia divina bonitas non dependet ex rebus creatis;) sed per liberam voluntatem. Unde sicut potuit sine præiudicio bonitatis suæ res non producere in esse; ita absque detrimento suæ bonitatis potest res in esse non conservare.

Ad tertium dicendum, quod si Deus rem aliquam redigeret in nihilum, hoc non esset per aliquam actionem, sed per hoc quod ab agendo cessaret.

ARTICULUS IV. 511

Utrum aliquid in nihilum redigatur.

I. dist. vii. quest. 111, art. 2. cor. & pos. quest. v. art. 9. ad 2.

AD quartum sic proceditur. Videtur quod aliquid in nihilum redigatur. Finis enim respondet principio. Sed a principio nihil erat nisi Deus. Ergo ad hunc finem res perducentur ut nihil sit nisi Deus; & ita creaturæ in nihilum rediguntur.

2. Præterea. Omnis creatura habet potentiam finitam. Sed nulla potentia finita se extendit ad infinitum: unde in VIII. Phys. (tex. 78.) probatur quod potentia finita non potest movere tempore infinito. Ergo nulla creatura potest

durare in infinitum; & ita quandoque in nihilum redigetur.

3. Præterea. Formæ, & accidentia non habent materiam partem sui, sed quandoque desinunt esse. Ergo in nihilum rediguntur.

Sed contra est, quod dicitur Eccle. 111. 14. *Didici, quod omnia opera quæ fecit Deus, perseverant in æternum.*

Respondeo dicendum, quod eorum quæ a Deo sunt circa creaturam, quædam proveniunt secundum naturalem cursum rerum; quædam vero miraculose operatur præter ordinem naturalem creaturis inditum, ut infra dicitur (quest. seq. art. 6.) Quæ autem facturus est Deus secundum ordinem naturalem rebus inditum, considerari possunt ex ipsis rerum naturis; quæ vero miraculose fiunt, ordinantur ad gratiæ manifestationem, secundum illud Apostoli I. ad Cor. xii.

7. *Unicuique datur manifestatio spiritus ad utilitatem*: & postmodum inter cetera subdit de miraculorum operatione. Creaturarum autem naturæ hoc demonstrant ut nulla earum in nihilum redigatur: quia vel sunt immateriales, & sic in eis non est potentia ad non esse; vel sunt materiales, & sic saltem remanent semper secundum materiam, quæ incorruptibilis est, utpote subiectum existens generationis, & corruptionis. Redigere etiam aliquid in nihilum non pertinet ad gratiæ manifestationem, cum magis per hoc divina potentia, & bonitas (a) ostendatur, quod res in esse conservat. Unde simpliciter dicendum est, quod nihil omnino in nihilum redigetur.

Ad primum ergo dicendum, quod hoc quod res in esse productæ sunt, postquam non fuerunt, declarat potentiam productis; sed quod in nihilum redigerentur, huiusmodi manifestationem impediret, cum Dei potentia in hoc maxime ostendatur quod res in esse conservat, secundum illud Apostoli Hebr. 1. 3. *Portans omnia verbo virtutis sue.*

Ad secundum dicendum, quod potentia creaturæ ad essendum est receptiva tantum; sed potentia activa est ipsius Dei, a quo est influxus essendi. Unde quod res in infinitum durent, sequitur infinitatem divinæ virtutis. Determinatio tamen quibuscumque rebus virtus ad manendum tempore determinato, in quantum impediri possunt ex aliquo contratio agente, ne percipiant influxum essendi, qui est ab eo, cui finita virtus non

(a) Ita MSS. cum edit. Rom. & Nicolai. Al. ordinetur, seu ostendatur.

non potest resistere tempore infinito, sed solum tempore determinato. Et ideo ea quæ non habent contrarium, quamvis habeant finitam virtutem, perleverant in æternum.

Ad tertium dicendum, quod formæ, & accidentia non sunt entia completa, cum non subsistant, sed quodlibet eorum est aliquid entis: sic enim ens dicitur, quia eo aliquid est. Et tamen eo modo quo sunt, non omnino in nihilum rediguntur, non quia aliqua pars eorum remanet, sed (a) remanent in potentia materiæ, vel subiecti.

QUAESTIO CV.

De mutatione creaturarum a Deo, in octo articulis divisa.

DEinde considerandum est de secundo effectu gubernationis divinæ, qui est mutatio creaturarum: & primo de mutatione creaturarum a Deo; secundo de mutatione unius creaturæ ab alia.

Circa primum queruntur octo.

Primo queritur, utrum Deus immediate possit movere materiam ad formam.

Secundo, utrum immediate possit movere aliquod corpus.

Tertio, utrum possit movere intellectum.

Quarto, utrum possit movere voluntatem.

Quinto, utrum Deus operetur in omni operante.

Sexto, utrum possit aliquid facere præter ordinem rebus inditum.

Septimo, utrum omnia quæ sic Deus facit, sint miracula.

Octavo de diversitate miraculorum.

ARTICULUS I. 512

Utrum Deus possit immediate movere materiam ad formam.

Inf. quæst. cx. art. 2. cor.

AD primum fit proceditur. Videtur quod Deus non possit immediate movere materiam ad formam. Sicut enim probat Philosophus in VII. Metaph. (tex. 14.) *formam in hac materia nihil facere potest nisi forma quæ est in materia: quia simile facit sibi simile.* Sed Deus non est forma in materia. Ergo non potest causare formam in materia.

2. Præterea. Si aliquid agens se ha-

beat ad multa, nullum eorum producet, nisi determinetur ad unum per aliquid aliud: ut enim in III. de Anima (text. 58.) dicitur, *universalis opinio non movet nisi mediante aliqua particulari apprehensione.* Sed virtus divina est universalis causa omnium. Ergo non potest producere aliquam particularem formam nisi mediante aliquo particulari agente.

3. Præterea. Sicut esse commune dependet a prima causa universalis; ita esse determinatum dependet a determinatis causis particularibus, ut supra habitum est (quæst. xlv. art. 5.) Sed determinatum esse alicuius rei est per propriam eius formam. Ergo propriæ rerum formæ non producuntur a Deo nisi median- tibus causis particularibus.

Sed contra est quod dicitur Genes. 11. 7. *Formavit Deus hominem de limo terre.*

Respondendo dicendum, quod Deus immediate potest movere materiam ad formam: quia ens in potentia passiva reduci potest in actum a potentia activa, quæ eam sub sua potestate continet. Cum igitur materia contineatur sub potestate divina, utpote a Deo producta, potest reduci in actum per divinam potentiam; & hoc est moveri materiam ad formam: quia forma nihil aliud est quam actus materiæ.

Ad primum ergo dicendum, quod effectus aliquis invenitur assimilari causæ agenti dupliciter. Uno modo secundum eandem speciem, ut homo generatur ab homine, & ignis ab igne. Alio modo secundum virtutem continentem, prout scilicet forma effectus virtualiter continetur in causa; & sic animalia ex putrefactione generata, & plantæ, & corpora mineralia assimilantur Soli, & stellis, quorum virtute generantur. Sic igitur effectus causæ agenti similatur secundum totum illud ad quod se extendit virtus agentis. Virtus autem Dei se extendit ad formam, & materiam, ut supra habitum est (quæst. xlv. art. 1. & 2.) Unde compositum, quod generatur, similatur Deo secundum virtutem continentem, sicut similatur composito generanti per similitudinem speciei. Unde sicut compositum generans potest movere materiam ad formam generando compositum sibi simile, ita & Deus; non autem aliqua alia forma non in materia existens, quia materia non continetur in virtute alterius substantiæ separatæ. Et ideo dæmones, & Angeli operantur circa hæc vi-

(a) al. remanet.

visibilia, non quidem imprimendo formas, sed adhibendo corporalia semina.

Ad secundum dicendum, quod ratio illa procederet, si Deus ageret ex necessitate naturæ. Sed quia agit per voluntatem, & intellectum, qui cognoscit rationes proprias omnium formarum, & non solum universales; inde est quod potest determinate hanc vel illam formam materie imprimere.

Ad tertium dicendum, quod hoc ipsum quod causæ secundæ ordinantur ad determinatos effectus, est illis a Deo: unde Deus, quia alias causas ordinat ad determinatos effectus, potest etiam determinatos effectus producere per seipsum sine quocumque alio.

ARTICULUS II. 513

Utrum Deus possit immediate movere aliquod corpus.

Opusc. X. art. 1. & 5.

AD secundum sic proceditur. Videtur quod Deus non possit immediate movere aliquod corpus. Cum enim movens, & motum oporteat esse simul, ut probatur in VII. Physic. (tex. 9. & seq.) oportet esse contactum quemdam moventis, & moti. Sed non potest esse contactus Dei, & corporis alicuius. Dicit enim Dionysius in 1. cap. de div. Nom. (a med. lect. 3.) quod *Dei non est aliquis tactus*. Ergo Deus non potest immediate movere aliquod corpus.

2. Præterea. Deus est movens non motum. Tale autem est appetibile apprehensum. Movet igitur Deus sicut desideratum, & apprehensum. Sed non apprehenditur nisi ab intellectu, qui non est corpus, nec virtus corporis. Ergo Deus non potest movere aliquod corpus immediate.

3. Præterea. Philosophus probat in VIII. Physic. (tex. 79.) quod *potentia infinita movet in instanti*. Sed impossibile est aliquod corpus in instanti moveri: quia cum omnis motus sit inter opposita, sequeretur quod duæ opposita simul inessent eidem: quod est impossibile. Ergo corpus non potest immediate moveri a potentia infinita. Potentia autem Dei est infinita, ut supra habitum est (quæst. xxv. art. 2.) Ergo Deus non potest immediate movere aliquod corpus.

Sed contra. Opera sex dierum Deus fecit immediate, in quibus continentur motus corporum, ut patet per hoc quod

dicunt Gen. 1. 9. *Congregentur aquæ . . . in locum unum*. Ergo Deus immediate potest movere corpus.

Respondeo dicendum, quod erroneum est dicere, Deum non posse facere per seipsum omnes determinatos effectus qui fiunt per quamcumque causam creatam. Unde cum corpora moveantur immediate a causis creatis, nulli debet venire in dubium quin Deus possit movere immediate quodcumque corpus. Et hoc quidem consequens est ad ea quæ supra dicta sunt (art. 1. hu. quæst.) Nam omnis motus corporis cuiuscumque vel consequitur formam aliquam, sicut motus localis gravium, & levium consequitur formam, quæ datur a generante, ratione cuius generans dicitur movens; vel est via ad formam aliquam, sicut calefactio est via ad formam ignis. Eiusdem autem est imprimere formam, & disponere ad formam, & dare motum consequentem formam. Ignis enim non solum generat alium ignem, sed etiam calefacit, & sursum movet. Cum igitur Deus possit immediate formam materię imprimere, consequens est ut possit secundum quencumque motum corpus quodcumque movere.

Ad primum ergo dicendum, quod duplex est tactus; scilicet corporalis, sicut duo corpora se tangunt; & virtualis, sicut dicitur, quod contristans tangit contristatum. Secundum igitur primum contactum Deus, cum sit incorporeus, non tangit, nec tangitur; secundum autem virtuale contactum tangit quidem movendo creaturas, sed non tangitur, quia nullius creaturæ virtus naturalis potest ad ipsum pertinere. Et sic intellexit Dionysius, quod *non est tactus Dei*, ut scilicet tangatur.

Ad secundum dicendum, quod movet Deus sicut desideratum, & intellectum. Sed non oportet quod semper moveat sicut desideratum, & intellectum ab eo quod movetur; sed sicut desideratum, & motum a seipso: quia omnia operatur propter suam bonitatem.

Ad tertium dicendum, quod Philosophus in VIII. Physic. (tex. 78. & seq.) intendit probare quod virtus primi motoris non sit virtus in magnitudine, tali ratione. Virtus primi motoris est virtus infinita (quod probat per hoc quod potest movere tempore infinito.) Virtus autem infinita si esset in aliqua magnitudine, moveret in non tempore; quod est impossibile. Ergo oportet quod infinita.

nita virtus primi motoris sit non in magnitudine. Ex quo patet quod corpus moveri in non tempore non consequitur nisi virtutem infinitam in magnitudine. Cuius ratio est, quia omnis virtus quae est in magnitudine, movet secundum totam, cum moveat per necessitatem naturae. Potentia autem infinita improprie abilitate excedit quamlibet potentiam finitam. Quanto autem maior est potentia moventis, tanto est maior velocitas motus. Cum igitur potentia finita moveat tempore determinato, sequitur quod potentia infinita non moveat in aliquo tempore: quia cuiuscumque temporis ad aliud tempus est aliqua proportio. Sed virtus quae non est in magnitudine, est virtus alicuius intelligentis, qui operatur in effectibus secundum quod eis convenit. Et ideo cum corpori non possit esse conveniens moveri in non tempore, non sequitur quod moveat in non tempore.

ARTICULUS III. 374

Utrum Deus moveat immediate intellectum creatum.

AD tertium sic proceditur. Videtur quod Deus non moveat immediate intellectum creatum. Actio enim intellectus est ab eo in quo est: non enim transiit in exteriorem materiam, ut dicitur in IX. Metaph. (text. 16.) Actio autem eius quod movetur ab alio, non est ab eo in quo est, sed a movente. Non ergo intellectus movetur ab alio: & ita videtur quod Deus non possit movere intellectum.

2. Praeterea. Id quod habet in se principium sufficiens sui motus, non movetur ab alio. Sed motus intellectus est ipsum intelligere eius, sicut dicitur, quod intelligere, vel sentire est motus quidam, secundum Philosophum in III. de Anima (text. 28.) Sufficiens autem principium intelligendi est lumen intelligibile inditum intellectui. Ergo non movetur ab alio.

3. Praeterea. Sicut sensus movetur a sensibili, ita intellectus ab intelligibili. Sed Deus non est intelligibilis a nobis, sed nostrum intellectum excedit. Ergo Deus non potest movere nostrum intellectum.

Sed contra. Docens movet intellectum addiscentis. Sed Deus docet hominem scientiam, sicut dicitur in Psalm. xciii.

10. Ergo Deus movet intellectum hominis.

Respondeo dicendum, quod sicut in motibus corporalibus movens dicitur quod dat formam, quae est principium motus; ita dicitur movere intellectum quod causat formam, quae est principium intellectualis operationis, quae dicitur motus intellectus. Operationis autem intellectus est duplex principium in intelligente: unum scilicet quod est ipsa virtus intellectualis, quod quidem principium est etiam in intelligente in potentia; aliud autem est principium intelligendi in actu, scilicet similitudo rei intelligendae in intelligente.

Dicitur ergo aliquid movere intellectum, sive det intelligenti virtutem ad intelligendum, sive imprimit ei similitudinem rei intellectae. Utrouque autem modo Deus movet intellectum creatum: ipse enim est ipsum primum ens immateriale. Et quia intellectualitas consequitur immaterialitatem, sequitur quod ipse sit primum intelligens. Unde cum primum in quolibet ordine sit causa eorum quae consequuntur, sequitur quod ab ipso sit omnis virtus intelligendi. Similiter cum ipse sit primum ens, & omnia entia praexistant in ipso sicut in prima causa, oportet quod sint in eo intelligibiliter secundum modum eius. Sicut enim omnes rationes rerum intelligibiles primo existunt in Deo, & ab eo derivantur in alios intellectus, ut actu intelligent; sic etiam derivantur in creaturas, ut subsistant.

Sic igitur Deus movet intellectum creatum, in quantum dat ei virtutem ad intelligendum vel naturalem, vel superadditam, & in quantum imprimit ei species intelligibiles, & utrumque tenet, & conservat in esse.

Ad primum ergo dicendum, quod operatio intellectualis est quidem ab intellectu in quo est, sicut a causa secunda, sed a Deo sicut a causa prima: ab ipso enim datur intelligenti quod intelligere possit.

Ad secundum dicendum, quod lumen intellectuale simul cum similitudine rei intellectae est sufficiens principium intelligendi; secundarium tamen, & ab ipso primo principio dependens.

Ad tertium dicendum, quod intelligibile movet intellectum nostrum, in quantum quodammodo imprimit ei suam similitudinem, per quam intelligi potest. Sed similitudines quas Deus imprimit intel-

intellectui creato, non sufficiunt ad ipsum Deum intelligendum per essentiam, ut supra habitum est (quæst. lvi. art. 3.) Unde movet intellectum creatum, cum tamen non sit ei intelligibilis, ut dictum est (quæst. xii. art. 2.)

ARTICULUS IV. 515

Utrum Deus possit movere voluntatem creatam.

Inf. quæst. cxl. art. 2. & quæst. cxv. art. 4. & 1. 2. quæst. ix. art. 6. & quæst. lxxx. art. 2. & II. dist. xv. quæst. quæst. 1. art. 3. & III. cont. cap. lxxxviii. lxxxix. xci. & xcii. prin. & ver. quæst. xcii. art. 8.

AD quartum sic proceditur. Videtur quod Deus non possit movere voluntatem creatam. Omne enim quod movetur ab extrinseco, cogitur. Sed voluntas non potest cogi. Ergo non movetur ab aliquo extrinseco; & ita non potest moveri a Deo.

2. Præterea. Deus non potest facere quod contradictoria sint simul vera. Hoc autem sequeretur, si voluntatem moveret: nam voluntarie moveri est ex se moveri, & non ab alio. Ergo Deus non potest voluntatem movere.

3. Præterea. Motus magis attribuitur moventi quam mobili: unde homicidium non attribuitur lapidi, sed proicienti. Si igitur Deus moveat voluntatem, sequitur quod opera voluntaria non imputentur homini ad meritum, vel demeritum. Hoc autem est falsum. Non igitur Deus movet voluntatem.

Sed contra est quod dicitur Philip. 11. 13. *Deus est qui operatur in nobis velle, & perficere.*

Respondendo dicendum, quod sicut intellectus, ut dictum est (art. præc.) movetur ab obiecto, & ab eo qui dedit virtutem intelligendi; ita voluntas movetur ab obiecto, quod est bonum, & ab eo qui causat virtutem volendi.

Potest autem voluntas moveri sicut ab obiecto a quocumque bono; non autem insufficienter, & efficaciter, nisi a Deo. Non enim sufficienter aliquid potest movere aliquid mobile, nisi virtus activa movens excedat, vel saltem adæquet virtutem passivam mobilis. Virtus autem passiva voluntatis se extendit ad bonum in universali: est enim eius obiectum bonum universale, sicut & intellectus obiectum est ens universale. Quodlibet autem bonum creatum est quoddam par-

ticulare bonum; solus autem Deus est bonum universale. Unde ipse solus implet voluntatem, & sufficienter eam movet ut obiectum. Similiter autem & virtus volendi a solo Deo causatur. Velle enim nihil aliud est quam incinatio quædam in obiectum voluntatis, quod est bonum universale. Inclinare autem in bonum universale est primi moventis, cui proportionatur ultimus finis; sicut in rebus humanis dirigere ad bonum commune est eius qui præest multitudini. Unde utroque modo proprium est Dei movere voluntatem, sed maxime secundo modo interius eam inclinando.

Ad primum ergo dicendum, quod illud quod movetur ab altero, dicitur cogi, si moveatur contra inclinationem propriam; sed si moveatur ab alio, quod sibi dat propriam inclinationem, non dicitur cogi, sicut grave, cum movetur deorsum a genante, non cogitur. Sic igitur Deus movendo voluntatem non cogit ipsam, quia dat ei eius propriam inclinationem.

Ad secundum dicendum, quod moveri voluntarie est moveri ex se, id est a principio intrinseco; sed illud principium intrinsecum potest esse ab alio principio extrinseco: & sic moveri ex se non repugnat ei quod movetur ab alio.

Ad tertium dicendum, quod si voluntas ita moveretur ab alio quod ex se nullatenus moveretur, opera voluntatis non imputarentur ad meritum, vel demeritum; sed quia per hoc quod movetur ab alio, non excluditur quin moveatur ex se, ut dictum est (in solut. præc.) ideo per consequens non tollitur ratio meriti, vel demeriti.

ARTICULUS V. 516

Utrum Deus operetur in omni operante.

III. cont. cap. lxxvi. & lxxvii. & IV. cap. xlii. & op. 111. cap. cxxxi. fin. & cxlv.

AD quintum sic proceditur. Videtur quod Deus non operetur in omni operante. Nulla enim insufficientia est Deo attribuenda. Si igitur Deus operatur in omni operante, sufficienter in quolibet operatur. Superfluum igitur esset quod agens creatum aliquid operaretur.

2. Præterea. Una operatio non est simul a duobus operantibus, sicut nec unus

unus numero motus potest esse duorum mobilium. Si igitur operatio creaturæ est a Deo in creatura operante, non potest esse simul a creatura; & ita nulla creatura aliquid operatur.

3. Præterea. Faciens dicitur esse causa operationis facti, inquantum dat ei formam qua operatur. Si igitur Deus est causa operationis rerum factarum ab ipso, hoc erit, inquantum dat eis virtutem operandi. Sed hoc est a principio, quando rem facit. Ergo videtur quod ulterius non operetur in creatura operante.

Sed contra est quod dicitur Isa. xxv. 12. *Omnia opera nostra operatur ei in nobis Domine.*

Respondeo dicendum, quod Deum operari in quolibet operante aliqui sic intellexerunt, quod nulla virtus creata aliquid operaretur in rebus, sed solus Deus immediate omnia operaretur; puta quod ignis non calefaceret, sed Deus in igne; & similiter de omnibus aliis.

Hoc autem est impossibile. Primo quidem quia sic subtraheretur ordo causæ, & causati a rebus creatis: quod pertinet ad impotentiam creatantis. Ex virtute enim agentis est quod suo effectui deet virtutem agendi. Secundo quia virtutes operative quæ in rebus inveniuntur, frustra essent rebus attributæ, si per eas nihil operarentur: quinimmo omnes res creatæ viderentur quodammodo esse frustra, si propria operatione destituerentur; cum omnes res sit propter suam operationem. Semper enim imperfectum est propter perfectius. Sicut igitur materia est propter formam; ita forma, quæ est actus primus, est propter suam operationem, quæ est actus secundus: & sic operatio est finis rei creatæ. Sic igitur intelligendum est Deum operari in rebus, quod tamen ipsæ res propriam habeant operationem.

Ad cuius evidentiam considerandum est, quod cum sit causarum quatuor genera; materia non est principium actionis, sed se habet subiectum recipiens actionis effectum; finis vero, & agens, & forma se habent ut actionis principium, sed ordine quodam. Nam primum quidem principium actionis est finis, qui movet agentem; secundo vero agens; tertio autem forma eius, quod ab agente applicatur ad agendum; quamvis & ipsum agens per formam suam agat, ut patet in

S. Th. Oper. Ton. 22.

in artificialibus. Artifex enim movetur ad agendum a fine, qui est ipsum operatum, puta arca, vel lectus; & applicat ad actionem securum, quæ incidit per suum acumen. Sic igitur secundum hæc tria Deus in quolibet operante operatur. Primo quidem secundum rationem finis: cum enim omnis operatio sit propter aliquod bonum verum, vel apparens (nihil autem est, vel apparet bonum, nisi secundum quod participat aliquam similitudinem summi boni, quod est Deus) sequitur quod ipse Deus sit cuiuslibet operationis causa ut finis. Secundo considerandum est, quod si sint multa agentia ordinata, semper secundum agens agit in virtute primi agentis. Nam primum agens movet secundum ad agendum: & secundum hoc omnia agunt in virtute ipsius Dei; & ita ipse est causa omnium actionum agentium. Tertio considerandum est, quod Deus movet non solum res ad operandum, quasi applicando formas, & virtutes rerum ad operationem (sicut etiam artifex applicat securum ad scindendum, qui tamen interdum formam securi non tribuit) sed etiam dat formas creaturis agentibus; & eas tenet in esse. Unde non solum est causa actionum, inquantum dat formam, quæ est principium actionis (sicut generans dicitur esse causa motus gravium, & levium) sed etiam sicut conservans formas, & virtutes rerum; prout Sol dicitur causa manifestationis colorum, inquantum dat, & conservat lumen, quo manifestantur colores. Et quia forma rei est intra rem, & tanto magis, quanto consideratur ut prior, & universalior; & ipse Deus est proprie causa ipsius esse universalis in rebus omnibus, quod inter omnia est magis intimum rebus; sequitur quod Deus in omnibus intine operetur. Et propter hoc in sacra Scriptura operationes naturæ Deo attribuantur quasi operanti in natura, secundum illud Iob x. 11. *Pelle, & carnis vestisti me, ossibus, & nervis composuisti me.*

Ad primum ergo dicendum, quod Deus sufficienter operatur (a) in rebus ad modum primi agentis; nec propter hoc superfluit operatio secundorum agentium.

Ad secundum dicendum, quod una actio non procedit a duobus agentibus unius ordinis; sed nihil prohibet quin una & eadem actio procedat a primo, & secundo agente.

R r

Ad

(a) Ita ed. Alcan. cum editis plurimis. Edit. Rom. in nobis.

Ad tertium dicendum, quod Deus non solum dat formas rebus, sed etiam conservat eas in esse, & applicat eas ad agendum, & est finis omnium actionum, ut dictum est (in corp. art.)

ARTICULUS VI. 517

Utrum Deus possit facere aliquid præter ordinem rebus inditum.

III. Part. quest. XLIII. art. 3. cor. & III. contra cap. XCIII. XCIX. & CLXI. & po. quest. VI. art. 1. & op. III. cap. CXXXV. & op. X. art. 1. & 27.

AD sextum sic proceditur. Videtur quod Deus non possit facere aliquid præter ordinem rebus inditum. Dicit enim Augustinus Lib. XXVI. contra Faustum (cap. III. ante med.) *Deus conditor, & creator omnium naturarum nihil contra naturam facit.* Sed hoc videtur esse contra naturam quod est præter ordinem naturaliter rebus inditum. Ergo Deus non potest facere aliquid præter ordinem rebus inditum.

2. Præterea. Sicut ordo iustitiæ est a Deo, ita & ordo naturæ. Sed Deus non potest facere aliquid præter ordinem iustitiæ: faceret enim tunc aliquid iniustum. Ergo non potest facere aliquid præter ordinem naturæ.

3. Præterea. Ordinem naturæ Deus instituit. Si igitur præter ordinem naturæ Deus aliquid faciat, videtur quod ipse sit mutabilis: quod est inconveniens.

Sed contra est quod Augustinus dicit Lib. XXVI. contra Faustum (loc. cit.) *quod Deus aliquando aliquid facit contra solitum cunctarum naturarum.*

Respondeo dicendum, quod a qualibet causa derivatur aliquis ordo in suos effectus, cum quælibet causa habeat rationem principii: & ideo secundum multiplicationem causarum multiplicantur & ordines, quorum unus continetur sub altero, sicut & causa continetur sub causa. Unde causa superior non continetur sub ordine causæ inferioris, sed e converso: cuius exemplum apparet in rebus humanis: nam ex patrefamilias dependet ordo domus, qui continetur sub ordine civitatis, qui procedit a civitatis rectore, cum & hic contineatur sub ordine Regis, a quo totum regnum ordinatur.

Si ergo ordo rerum consideretur, prout

dependet a prima causa, sic contra rerum ordinem Deus facere non potest: si enim sic faceret, faceret contra suam præscientiam, aut voluntatem, aut bonitatem. Si vero consideretur rerum ordo, prout dependet a qualibet secundarum causarum, sic Deus potest facere præter ordinem rerum: quia ordini secundarum causarum ipse non est subiectus; sed talis ordo ei subiicitur, quasi ab eo procedens, non per necessitatem naturæ, sed per arbitrium voluntatis. Potuisset enim & alium ordinem rerum instituire: unde & potest præter hunc ordinem institutum agere, cum voluerit; puta, agendo effectus secundarum causarum sine ipsis, vel producendo aliquos effectus, ad quos causæ secundæ non se extendunt. Unde & Augustinus dicit Lib. XXVI. contra Faustum (loc. sup. cit.) *quod Deus contra solitum cursum naturæ facit; sed contra summam legem nullo modo facit, quia contra seipsum non facit.*

Ad primum ergo dicendum, quod cum aliquid contingit in rebus naturalibus præter naturam inditam, hoc potest dupliciter contingere. Uno modo per actionem agentis qui inclinationem naturalem non dedit; sicut homo movet corpus grave sursum, quod non habet (a) ab eo ut moveatur deorsum; & hoc est contra naturam. Alio modo per actionem illius agentis a quo dependet actio naturalis; & hoc non est contra naturam, ut patet in fluxu, & refluxu maris, qui non est contra naturam, quamvis sit præter motum naturalem aquæ, quæ movetur deorsum: est enim ex impressione cælestis corporis, a quo dependet naturalis inclinatio inferiorum corporum. Cum igitur naturæ ordo sit a Deo rebus inditus, si quid præter hunc ordinem faciat, non est contra naturam. Unde Augustinus dicit Lib. XXVI. contra Faustum (loc. cit.) *quod id est cuilibet rei naturale quod ille fecerit a quo est omnis modus, numerus, & ordo naturæ.*

Ad secundum dicendum, quod ordo iustitiæ est secundum relationem ad causam primam, quæ est regula omnis iustitiæ: & ideo præter hunc ordinem Deus nihil facere potest.

Ad tertium dicendum, quod Deus sic rebus certum ordinem indidit, ut tamen sibi reservaret quod ipse aliquando aliter ex causa eliet facturus. Unde cum præter hunc ordinem agit, non mutat.

A R-

(a) *Nicolaus ab ea.*

ARTICULUS VII. 578

Utrum omnia quae Deus facit præter ordinem naturalem rerum, sint miracula.

Pot. quæst. vi. art. 2. & II. di. xviii. quæst. i. artic. 3. & III. com. cap. ci. & cii.

AD septimum sic proceditur. Videtur quod non omnia quæ Deus facit præter ordinem naturalem rerum, sint miracula. Creatio enim mundi, & etiam animarum, & iustificatio impij sunt a Deo præter ordinem naturalem: non enim sunt per actionem alicuius causæ naturalis: & tamen hæc miracula non dicuntur. Ergo non omnia quæ facit Deus præter ordinem naturalem rerum, sunt miracula.

2. Præterea. Miraculum dicitur: aliquid arduum, & insolitum (a) *supra facultatem naturæ, & spem admirantis proveniens*. Sed quædam sunt præter naturæ ordinem, quæ tamen non sunt ardua: sunt enim in minimis rebus, sicut in restauratione, vel sanatione ægrotorum: nec etiam sunt insolita, cum frequenter eveniant, sicut cum infirmi in plateis ponebantur, ut ad umbram Petri sanarentur: (Act. v.) nec etiam sunt supra facultatem naturæ, ut cum aliqui sanantur a febris: nec etiam supra spem, sicut resurrectionem mortuorum omnes speramus, quæ tamen fiet præter ordinem naturæ. Ergo non omnia quæ sunt præter naturæ ordinem, sunt miracula.

3. Præterea. Miraculi nomen ab admiratione sumitur. Sed admiratio est de rebus sensui manifestis: quandoque autem aliqua accidunt præter ordinem naturalem in rebus sensui non manifestis; sicut cum Apostoli facti sunt scientes neque invenientes, neque discitentes. Ergo non omnia quæ sunt præter ordinem naturæ, sunt miracula.

Sed contra est quod Augustinus dicit Lib. XXVI. contra Faustum (cap. iiii. a med.) quod cum Deus aliquid facit contra cognitum nobis cursum, solumque naturæ magnalia, vel mirabilia nominantur.

Respondendo dicendum, quod nomen miraculi ab admiratione sumitur. Admiratio autem confurgit, cum effectus sunt manifesti, & causa occulta; sicut aliquis admiratur, cum videt eclipsim Solis, & ignorat causam, ut dicitur in principio

Metaphys. (cap. ii.) Potest autem causa effectus alicuius apparentis alicui esse nota, quæ tamen est alii incognita. Unde aliquid est mirum uni quod non est mirum alii; sicut eclipsim Solis miratur rusticus, non autem astrologus. Miraculum autem dicitur quasi admiratione plenum, quod scilicet habet causam simpliciter, & omnibus occultam. Hæc autem est Deus. Unde illa quæ a Deo sunt præter causas nobis notas, miracula dicuntur.

Ad primum ergo dicendum, quod creatio, & iustificatio impij, etsi a solo Deo fiunt, non tamen, proprie loquendo, miracula dicuntur: quia non sunt nata fieri per alias causas; & ita non contingunt præter ordinem naturæ, cum hæc (b) ad ordinem naturæ non pertineant.

Ad secundum dicendum, quod arduum dicitur miraculum, non propter dignitatem rei in qua fit, sed quia excedit facultatem naturæ. Similiter etiam insolitum dicitur, non quia frequenter non eveniat, sed quia est præter naturalem consuetudinem. Supra facultatem autem naturæ dicitur aliquid, non solum propter substantiam facti, sed etiam propter modum, & ordinem faciendi. Supra spem etiam naturæ miraculum esse dicitur, non supra spem gratiæ, quæ est ex fide, per quam credimus resurrectionem futuram.

Ad tertium dicendum, quod scientia Apostolorum, quamvis secundum se non fuerit manifesta, manifestabatur tamen in effectibus, ex quibus mirabilis apparebat.

ARTICULUS VIII. 579

Utrum unum miraculum sit maius alio.

2. quæst. cxiii. art. io. corp. & III. com. cap. ci. fin.

AD octavum sic proceditur. Videtur quod unum miraculum non sit maius alio. Dicit enim Augustinus in epist. ad Volusianum: *In rebus mirabiliter factis tota ratio facti est potentia facientis*. Sed eadem potentia, scilicet Dei, sunt omnia miracula. Ergo unum non est maius alio.

2. Præterea. Potentia Dei est infinita. Sed infinitum improporcionabiliter excedit omne finitum. Ergo non magis est mirandum quod faciat hunc effectum

Rr 2 quam

(a) Ita ex Mss. residerunt Theologi. Edit. Rom. præter facultatem. (b) Ita ed. Alcan. cum duobus, & etiam fere omnes. Edit. Rom. ad facultatem naturæ.

quam illum: ergo unum miraculum non est maius altero.

Sed contra est quod Dominus dicit Ioan. xiv. 12. de operibus miraculosis loquens: *Opera quae ego facio, & ipse faciet, & maiora horum faciet.*

Respondeo dicendum, quod nihil potest dici miraculum ex comparatione potentiae divinae: quia quodcumque factum divinae potentiae comparatum est minimum, secundum illud Isa. xl. 15. *Ece gentes quasi strilla stivula, & quasi montium fauces reputatae sunt.* Sed dicitur aliquid miraculum per comparationem ad facultatem naturae, quam excedit. Et ideo secundum quod magis excedit facultatem naturae, secundum hoc maius miraculum dicitur. Excedit autem aliquid facultatem naturae tripliciter. Uno modo quantum ad substantiam facti, sicut quod duo corpora sint simul, vel quod Sol retrocedat, aut quod corpus humanum glorificetur; quod nullo modo natura facere potest: & ista tenent summum gradum in miraculis. Secundo aliquid excedit facultatem naturae, non quantum ad id quod fit, sed quantum ad id in quo fit, sicut resuscitatio mortuorum, & illuminatio caecorum, & similia: potest enim natura causare vitam, sed non in mortuo; & potest prestare visum, sed non caeco: & haec tenent secundum locum in miraculis. Tertio modo excedit aliquid facultatem naturae quantum ad modum, & ordinem faciendi; sicut cum aliquis subito per virtutem divinam a febre curatur absque curatione, & consueto processu naturae in talibus; & cum statim aer divina virtute in pluvias densetur absque naturalibus causis, sicut factum est ad preces Samuelis, & Eliae: (I. Reg. xii. & III. Reg. xviii.) & huiusmodi tenent infimum locum in miraculis. Quaelibet tamen horum habent diversos gradus, secundum quod diversimode excedunt facultatem naturae.

Et per hoc patet solutio ad obiectionem, quae procedunt ex parte divinae potentiae.

QUAESTIO CVI.

Quomodo una creatura moveat aliam, & primo de Angelorum illuminatione, in quatuor articulis divisa.

Deinde considerandum est, quomodo una creatura moveat aliam. Erit autem haec consideratio tripartita: ut primo consideremus, quomodo Angeli

moveant, qui sunt creaturae pure spirituales; secundo, quomodo corpora moveant; tertio, quomodo homines, qui sunt ex spirituali, & corporali natura compositi.

Circa primum tria consideranda occurrunt: primo, quomodo Angelus agat in Angelum; secundo, quomodo in creaturam corporalem; tertio, quomodo in homines.

Circa primum considerare oportet de illuminatione, & locutione Angelorum, & ordinatione eorum ad invicem, tam bonorum, quam malorum.

Circa illuminationem quaeruntur quatuor.

Primo, utrum unus Angelus moveat intellectum alterius illuminando.

Secundo, utrum unus moveat voluntatem alterius.

Tertio, utrum inferior Angelus possit illuminare superiorem.

Quarto, utrum superior Angelus illuminet inferiorem de omnibus quae cognoscit.

ARTICULUS I. 520

Utrum unus Angelus illuminet alium.

II. dist. 1x. art. 2. & dist. xi. quest. 11. art. 1. & ver. quest. vii. art. 1. & I. Cor. xiii. lect. 2.

AD primum sic proceditur. Videtur quod unus Angelus non illuminet alium. Angeli enim eandem beatitudinem possident nunc quatinus nos in futuro expectamus. Sed tunc unus homo non illuminabit alium, secundum illud Hier. xxxi. 34. *Non docebit ultra vir proximum suum, & vir fratrem suum.* Ergo etiam nunc unus Angelus non illuminat alium.

2. Praeterea. Triplex est lumen in Angelis, naturae, & gratiae, & gloriae. Sed Angelus illuminatur lumine naturae a creante, lumine gratiae a iustificante, lumine gloriae a beatificante: quod totum Dei est. Ergo unus Angelus non illuminat alium.

3. Praeterea. Lumen est forma quaedam mentis. Sed mens rationalis a solo Deo formatur, nulla interposita creatura, ut Augustinus dicit in Lib. lxxxiii. Qq. (quest. 12. non procul a fin.) Ergo unus Angelus non illuminat mentem alterius.

Sed contra est quod dicit Dionysius viii. cap. cael. Hier. (parum ante med.) quod Angeli secundae hierarchiae purgantur, & ii-

et illuminantur, et perficiuntur per Angelos prima hierarchia.

Respondeo dicendum, quod unus Angelus illuminat alium.

Ad cuius evidentiam considerandum est, quod lumen, secundum quod ad intellectum pertinet, nihil est aliud quam quodam manifestatio veritatis, secundum illud ad Eph. v. 13. *Omne quod manifestatur, lumen est.* Unde illuminare nihil aliud est quam manifestationem agnitionis veritatis alii tradere: secundum quem modum Apostolus dicit ad Ephes. 1. 11. *Adhibe omnium sanctorum minima data est gratia haec, illuminare omnes, quia sit dispensatio sacramenti absconditi a saeculis in Deo.* Sic igitur unus Angelus dicitur illuminare alium, inquantum ei manifestat veritatem quam ipse cognoscit. Unde Dionysius dicit vii. cap. caelest. Hierar. (post med.) quod *Theologi plane monstrant caelestium substantiarum (a) ordines a supremis membris doceri deificas scientias.*

Cum autem ad intelligendum duo concurrant, ut supra diximus (quaest. praec. art. 3.) scilicet virtus intellectiva, & similitudo rei intellectae; secundum haec duo unus Angelus alteri veritatem notam notificare potest. Primo quidem fortificando virtutem intellectivam eius: sicut enim virtus imperfectioris corporis confortatur ex situ proposita perfectionis corporis (ut minus calidum crecit in calore ex praesentia magis calidi) ita virtus intellectiva inferioris Angeli confortatur ex conversatione superioris Angeli ad ipsum: hoc enim facit in spiritualibus ordo conversionis quod facit in corporalibus ordo localis propinquitatis. Secundo autem unus Angelus alteri manifestat veritatem ex parte similitudinis rei intellectae. Superior enim Angelus notitiam veritatis accipit in universalis quadam conceptione, ad quam capiendam inferioris Angeli intellectus non esset sufficiens; sed est ei connaturalis ut magis particulariter veritatem accipiat. (b) Superior ergo Angelus veritatem quam universaliter concipit, quodammodo distinguit, ut ab inferiori capi possit, & sic eam cognoscendam illi proponit; sicut etiam apud nos, doctores quod in summa capiunt, multipliciter distinguunt, providentes capacitati aliorum. Et hoc est quod Dionysius dicit xv. cap. cael. Hier. (non remote a med.) *Unus*

queque substantia intellectualis datam sibi a divinitate uniformem intelligentiam (c) provida virtute dividit, et multiplicat ad inferioris sursum ductricem analogiam.

Ad primum ergo dicendum, quod omnes Angeli, tam superiores, quam inferiores, immediate vident Dei essentiam: & quantum ad hoc unus non docet alium: de hac enim doctrina Prophetia loquitur, unde dicit: *Non docetis vir fratrem suum, dicens, Cognosce Dominum: omnes enim cognoscunt me a minimo eorum usque ad maximum.* Sed rationes divinarum operum, quae in Deo cognoscuntur sicut in causa, omnes quidem Deus in seipso cognoscit, quia seipsum comprehendit; aliorum vero Deum videntium tanto unusquisque in Deo plures rationes cognoscit, quanto eum perfectius videt. Unde superior Angelus plura in Deo de rationibus divinarum operum cognoscit quam inferior; & de his eum illuminat: & hoc est quod dicit Dionysius xv. cap. de div. Nom. (non multum a princ. lect. 1.) quod *Angeli existentium illuminantur rationibus.*

Ad secundum dicendum, quod unus Angelus non illuminat alium, tradendo ei lumen naturae, vel gratiae, vel gloriae; sed confortando lumen naturale ipsius, & manifestando ei veritatem de his quae pertinent ad statum naturae, & gratiae, & gloriae, ut dictum est (in corp. art.)

Ad tertium dicendum, quod rationalis mens formatur immediate a Deo vel sicut imago ab exemplari, quia non est facta ad alterius imaginem quae Dei; vel sicut subiectum ab ultima forma completa, quia semper mens creata reputatur informis, nisi ipsi primae veritati inhaereat. Aliae vero illuminationes quae sunt ab homine, vel Angelo, sunt quasi dispositiones ad ultimam formam.

ARTICULUS II. 521

Utrum unus Angelus possit movere voluntatem alterius.

1. 2. quaest. ix. art. 4. & III. cont. cap. lxxxviii. & lxxxix.

AD secundum sic proceditur. Videtur quod unus Angelus possit movere voluntatem alterius. Quia secundum Dionysium sicut unus Angelus illuminat alium,

R r 3

(a) Ita ed. Alcan. & communiter editi. Edit. Rom. ornatus. (b) Ita ed. Alcan. Al. Superior vero Angelus veritatem, quam velociter concipit (Garcia, & Nicolaus accipit) quodammodo de. (c) Ita ed. Alcan. Al. propria.

lium, ita purgat, & perficit, ut patet ex auctoritate supradicta (art. præc. in arg. *Sed contra.*) Sed purgatio, & perfectio videntur pertinere ad voluntatem: nam purgatio videtur esse a sordibus culpæ, quæ pertinet ad voluntatem; perfectio autem videtur esse per consecutionem finis, qui est obiectum voluntatis. Ergo unus Angelus potest movere voluntatem alterius.

2. Præterea. Sicut Dionysius dicit vii. & viii. cap. cæl. Hierar. (circ. princ.) nomina Angelorum designant eorum proprietates. Seraphim enim *incendentes* dicuntur, aut *calcfacientes*; quod est per amorem, qui ad voluntatem pertinet. Unus ergo Angelus movet voluntatem alterius.

3. Præterea. Dicit Philosophus in III. de Anima (text. 57.) quod *appetitus superior movet appetitum inferiorem*. Sed sicut intellectus Angeli superioris superior est, ita etiam appetitus. Ergo videtur quod superior Angelus possit immutare voluntatem alterius.

Sed contra. Eius est immutare voluntatem cuius est iustificare; cum iustitia sit reſtitutio voluntatis. Sed solus Deus est qui iustificat. Ergo unus Angelus non potest mutare voluntatem alterius.

Respondendo dicendum, quod, sicut supra dictum est (quæst. præc. art. 4.) voluntas immutatur dupliciter, uno modo ex parte obiecti, alio modo ex parte ipsius potentie. Ex parte quidem obiecti movet voluntatem & ipsum bonum, quod est voluntatis obiectum (sicut appetibile movet appetitum) & ille qui demonstrat obiectum, puta qui demonstrat aliquid esse bonum. Sed, sicut supra dictum est (loc. cit.) alia quidem bona aequaliter inclinant voluntatem; sed nihil sufficienter movet voluntatem nisi bonum universale, quod est Deus: & hoc bonum solus ipse ostendit, ut per essentiam videatur a beatis, qui dicenti Moysi, *Ostende mihi gloriam tuam*, respondit: *Ego ostendam tibi omne bonum*, ut habetur Exod. xxxviii. 18. & 19. Angelus ergo non sufficienter movet voluntatem neque ut obiectum, neque ut ostendens obiectum; sed inclinat eam ut amabile quoddam, & ut manifestans aliqua bona creata ordinata in Dei bonitatem: & per hoc inclinare potest ad amorem creaturæ, vel Dei per modum suadentis. Ex parte vero ipsius potentie voluntas nullo modo potest moveri nisi a Deo.

Operatio enim voluntatis est inclinatio quædam volentis in volitum. Hanc autem inclinationem solus ille immutare potest qui virtutem volendi creaturæ contulit, sicut & naturalem inclinationem solum illud agens potest mutare quod potest dare virtutem quam consequitur inclinatio naturalis. Solus autem Deus est qui potentiam volendi tribuit creaturæ, quia ipse solus est auctor intellectualis naturæ. Unde Angelus voluntatem alterius movere non potest.

Ad primum ergo dicendum, quod secundum modum illuminationis est accipienda & purgatio, & perfectio. Et quia Deus illuminat, immutando intellectum, & voluntatem; purgat a defectibus intellectus, & voluntatis, & perficit in finem intellectus, & voluntatis. Angeli autem illuminationis referuntur ad intellectum, ut dictum est (art. præc.) ideo etiam purgatio Angeli intelligitur a defectu intellectus, qui est neſcientia; perfectio autem est consummatio in finem intellectus, qui est veritas cognita. Et hoc est quod dicit Dionysius vii. cap. eccl. Hier. (part. 3. inter med. & fin.) quod in *caeleſti hierarchia purgatio est in ſubieſtis eſſentis, tamquam ignorantis i' luminatio in perfectiorem ſciantiam inducens*; sicut si dicamus visum corporalem purgati, in quantum remouentur tenebræ; illuminari vero, in quantum perfunditur lumine; perfici vero, secundum quod perducitur ad cognitionem colorati.

Ad secundum dicendum, quod unus Angelus potest inducere alium ad amorem Dei per modum persuadentis, ut supra dictum est (in corp. art.)

Ad tertium dicendum, quod Philosophus loquitur de appetitu inferiori sensitivo, qui potest moveri a superiori intellectu, quia pertinet ad eandem naturam animæ; & quia inferior appetitus est virtus in organo corporali: quod in Angelis locum non habet.

ARTICULUS III.

320

Utrum Angelus inferior superiorem illuminare possit.

II. dist. IX. art. 2. & ver. quæst. IX. art. 3.

AD tertium sic proceditur. Videtur quod Angelus inferior superiorem illuminare possit. Ecclesiastica enim hierarchia derivata est a caelesti, & eam representat: unde & suprema Hierusalem

lem dicitur *mater nostra* Gal. iv. Sed (a) in Ecclesia etiam superiores illuminantur ab inferioribus, & docentur, secundum illud Apostoli I. ad Cor. xiv. 31. *Potestis omnes per singulos prophetare, ut omnes discant, & omnes exhortentur*. Ergo & in caelesti hierarchia superiores ab inferioribus possunt illuminari.

2. Præterea. Sicut ordo corporalium substantiarum dependet ex Dei voluntate, ita & ordo substantiarum spiritualium. Sed, sicut dictum est (quaest. præc. art. 6. & 7.) Deus quandoque præter ordinem substantiarum corporalium operatur. Ergo etiam quandoque operatur præter ordinem spiritualium substantiarum, illuminando inferiores non per medios superiores. Sic ergo inferiores illuminati a Deo possunt superiores illuminare.

3. Præterea. Unus Angelus alium illuminat, ad quem se convertit, ut supra dictum est (art. 1. huius quaest.) Sed cum ista conversio sit voluntaria, potest supremus Angelus ad infimum se convertere mediis prætermisiss. Ergo potest eum immediate illuminare; & ita potest illuminare superiores.

Sed contra est quod Dionysius dicit (cap. v. eccl. Hier. in princ.) *hanc legem esse Divinitatis immobiliter firmatam, ut inferiora reducantur in Deum per superiora*.

Respondendo dicendum, quod inferiores Angeli numquam illuminant superiores, sed semper ab eis illuminantur. Cuius ratio est, quia, sicut supra dictum est (quaest. præc. art. 6.) ordo continetur sub ordine, sicut causa continetur sub causa: unde sicut ordinatur causa ad causam, ita ordo ad ordinem. Et ideo non est inconveniens, si aliquando aliquid fiat præter ordinem inferioris causæ, ad ordinandum in superiore causam, sicut in rebus humanis prætermittitur mandatum prædictis, ut obediatur principi. Et ita contingit ut præter ordinem naturæ corporalis aliquid Deus miraculose operetur, ad ordinandum homines in eius cognitionem. Sed prætermisissio ordinis qui debetur spiritualibus substantiis, in nullo pertinet ad ordinationem hominum in Deum; cum operationes Angelorum non sint nobis manifestæ, sicut operationes sensibilium corporum. Et ideo ordo qui convenit spiritualibus substantiis, numquam a Deo prætermittitur, quin semper inferiora moveantur per superiora, & non e converso.

Ad primum ergo dicendum, quod ecclesiastica hierarchia imitatur caelestem aequaliter, sed non perfecte consequitur eius similitudinem. In caelesti enim hierarchia tota ratio ordinis est ex propinquitate ad Deum: & ideo illi qui sunt Deo propinquiore, sunt & gradu sublimiores, & scientia clariore; & propter hoc superiores numquam ab inferioribus illuminantur. Sed in ecclesiastica hierarchia interdum qui sunt Deo per sanctitatem propinquiore, sunt gradu infimi, & scientia non eminentes; & quidam in uno etiam secundum scientiam eminent, & in alio deficient: & propter hoc superiores ab inferioribus doceri possunt.

Ad secundum dicendum, quod non est similis ratio de hoc quod Deus agat præter ordinem naturæ corporalis, & spiritualis, ut dictum est (in corp. ar.) Unde ratio non sequitur.

Ad tertium dicendum, quod Angelus voluntate convertitur ad alium Angelum illuminandum; sed voluntas Angelis semper regulatur lege divina, quæ ordinem in Angelis instituit.

ARTICULUS IV. 523

Utrum Angelus superior illuminet inferiorem de omnibus sibi notis.

II. dist. ix. art. 2. & dist. xi. quaest. 11. art. 1. & ver. quaest. ix. art. 1.

AD quartum sic proceditur. Videtur quod Angelus superior non illuminet inferiorem de omnibus quæ ipse novit. Dicit enim Dionysius x. cap. caelest. Hierarch. (a med.) quod *Angeli superiores habent scientiam magis universalem, inferiores vero magis particularem, & subalternam*. Sed plura continentur sub scientia universali quam sub particulari. Ergo non omnia quæ sciunt superiores Angeli, cognoscunt inferiores per superiorum illuminationem.

2. Præterea. Magister dicit in xi. dist. 11. Sent. quod *superiores Angeli cognoverunt a saculis mysterium incarnationis; inferioribus vero ignotum fuit, usquequo completum esset*. Quod videtur per hoc quod quibusdam Angelis quærentibus: *Quis est iste Rex gloria?* quasi ignorantes alii respondent quasi scientes: *Dominus virtutum ipse est Rex gloria*: ut Dionysius exponit vii. cap. caelest. Hierarch. (a med.) Hoc autem non esset, si superiores Angeli illuminarent inferiores de omnibus

R r 4 quæ

(a) Ita dicit. In ed. Alcan. legendum in ecclesiastica sustinetur Thomas Malacta.

quæ ipsi cognoscunt. Non ergo eos illuminant de omnibus sibi notis.

3. Præterea. Si superiores Angeli inferioribus annuntiant omnia quæ cognoscunt, nihil inferioribus ignotum remanet quod superiores cognoscunt. Non ergo de cetero superiores poterunt illuminare inferiores; quod videtur inconveniens. Non ergo superiores de omnibus inferioribus illuminant.

Sed contra est quod Gregorius dicit (implic. hom. xxxiv. in Evang. a med. sed expref. Magister in ix. distict. II. Sent.) quod in illa celesti patria licet quædam data sint excellentior, nihil tamen possidet singulariter; & Dionysius dicit xv. cap. cæl. Hierar. (circa med.) quod unaquæque celestis essentia intelligentiam sibi a superiori datam inferiori communicat, ut patet ex auctoritate supra inducta (art. I. huius quæst.)

Respondetur dicendum, quod omnes creaturæ ex divina bonitate participant ut bonum quod habent, in alia diffundant; nam de ratione boni est quod se aliis communicet. Et inde est etiam quod agentia corporalia similitudinem suam aliis tradunt quantum possibile est. Quanto igitur aliqua agentia magis in participatione divinæ bonitatis constituentur, tanto magis perfectiones suas utuntur in alios transfundere, quantum possibile est. Unde B. Petrus monet eos qui divinam bonitatem per gratiam participant, dicens I. Pet. iv. 10. *Unusquisque sicut accepit gratiam, in alterutrum illam administrans, sicut boni dispensatores multiformis gratia Dei.* Multo igitur magis sancti Angeli, qui sunt in plenissima participatione divinæ bonitatis, quicquid a Deo percipiunt, subiectis impartiuntur.

Non tamen recipiunt ab inferioribus ita excellenter sicut est in superioribus; & ideo superiores semper remanent in altiori ordine, & perfectionem scientiam habent; sicut unam & eandem rem plenius intelligit magister quam discipulus, qui ab eo addiscit.

Ad primum ergo dicendum, quod superiorum Angelorum scientia dicitur esse universalior quantum ad eminentiorem modum intelligendi.

Ad secundum dicendum, quod verbum Magistri non est sic intelligendum quod inferiores Angeli penitus ignoraverint mysterium incarnationis; sed quia non ita plene cognoverunt sicut superiores; & in eius cognitionem postmodum profecerunt, dum illud mysterium impleverunt,

Ad tertium dicendum, quod usque ad diem iudicii semper nova aliqua superioribus Angelis revelantur divinitus de his quæ pertinent ad dispositionem mundi, & præcipue ad salutem electorum. Unde semper remanent superiores Angeli inferiores illuminant.

QUAESTIO CVII.

De locutionibus Angelorum, in quinque articulos divisa.

DEinde considerandum est de locutionibus Angelorum; & circa hoc quaeruntur quinque.

Primo, utrum unus Angelus loquatur alii.

Secundo, utrum inferior superior.

Tertio, utrum Angelus Deo.

Quarto, utrum in locutione Angeli aliquid distantia localis operetur.

Quinto, utrum locutionem unius Angeli ad alterum omnes cognoscant.

ARTICULUS I. 524

Utrum unus Angelus alteri loquatur.

II. dist. xi. quæst. xi. art. 3. & ver. quæst. ix. art. 4. 3. & 7.

AD primum sic proceditur. Videtur quod unus Angelus alteri non loquatur. Dicit enim Gregorius XVIII. Mor. (cap. xxvii. inter princ. & med.) quod in statu resurrectionis uniuscuiusque mentem ab alterius oculis membrorum corpulentia non abscondit. Multo igitur minus mens unius Angeli absconditur ab altero. Sed locutio est ad manifestandum alteri quod latet in mente. Non igitur oportet quod unus Angelus alteri loquatur.

2. Præterea. Duplex est locutio: interior, per quam aliquis sibi ipsi loquitur; & exterior, per quam aliquis loquitur alteri. Exterior autem locutio fit per aliquod sensibile signum, puta voce, vel nutu; vel aliquo corporis membro, puta lingua, vel digito, quæ Angelus competere non possunt. Ergo unus Angelus alteri non loquitur.

3. Præterea. Loquens excitat audientem ut attendat suæ locutioni. Sed non videtur quod unus Angelus excitet alium ad attendendum: hoc enim fit apud nos aliquo sensibili signo. Ergo unus Angelus non loquitur alteri.

Sed contra est hoc dicitur I. Cor. xiii. *Si linguis hominum loquar, & Angelorum*

R.

Respondeo dicendum, quod in Angelis est aliqua locutio. Sed, sicut dicit Gregorius II. Moral. (cap. iv. a prin.) *di- gnum est ut mens nostra qualitatem corporea locutionis excedat, ad sublimem, atque incongruit modis locutionis intima suspendatur.*

Ad intelligendum igitur qualiter unus Angelus alii loquatur, considerandum est, quod, sicut supra diximus (quaest. lxxxii. art. 4.) cum de actibus, & potentis animae ageretur, voluntas movet intellectum ad suam operationem. Intelligibile autem est in intellectu tripliciter. Primo quidem habitualiter, vel secundum memoriam, ut Augustinus dicit (X. de Trinit. cap. viii.) secundum autem ut in actu consideratum, vel conceptum: tertio ut ad aliud relatum. Manifestum est autem quod de primo gradu in secundum transferitur intelligibile per imperium voluntatis: unde in definitione habitus dicitur: *Quo quis utitur, cum voluerit.* Similiter autem de secundo gradu transferitur in tertium per voluntatem: nam per voluntatem conceptus mentis ordinatur ad alterum, puta vel ad agendum aliquid, vel ad manifestandum alteri. Quando autem mens convertit se ad actum considerandum quod habet in habitu, loquitur aliquis sibi ipsi: nam ipse conceptus mentis interior verbum vocatur. Ex hoc vero quod conceptus mentis angelicae ordinatur ad manifestandum alteri per voluntatem ipsius Angeli, conceptus mentis unius Angeli innotebit alteri; & sic loquitur unus Angelus alteri: nihil est enim aliud loqui ad alterum quam conceptum mentis alteri manifestare.

Ad primum ergo dicendum, quod in nobis interior mentis conceptus quasi duplici obstaculo clauditur. Primo quidem ipsa voluntate, quae conceptum intellectus potest retinere interiori, vel ad extra ordinare; & quantum ad hoc mentem unius nullus alius potest videre nisi solus Deus, secundum illud I. Cor. ii. 11. *Quae sunt hominis, nemo novit, nisi spiritus domini, qui in ipso est.* Secundo autem clauditur mens hominis ab alio homine per grossitatem corporis: unde cum etiam voluntas ordinat conceptum mentis ad manifestandum alteri, non statim cognoscitur ab alio; sed oportet aliquod signum sensibile adhibere. Et hoc est quod Gregorius dicit II. Mor. (cap. iv. a prin.) *Alienis oculis intra secretum mentis quasi post parietem corporis stamus; sed cum manifestare nosmetipsos cupimus, quasi per limbum sanium egerimus, ut quales sumus in-*

trinfecur, ostendamus. Hoc autem obstaculum non habet Angelus; & ideo quam cito vult manifestare suum conceptum, statim alius cognoscit.

Ad secundum dicendum, quod locutio exterior, quae fit per vocem, est nobis necessaria propter obsaculum corporis, unde non convenit Angelo; sed sola locutio interior, ad quam pertinet non solum quod loquatur sibi interiori concipiendo, sed etiam quod ordinet per voluntatem ad alterius manifestationem. Et sic lingua Angelorum metaphorice dicitur ipsa virtus Angeli, quia conceptum suum manifestat.

Ad tertium dicendum, quod quantum ad Angelos bonos, qui semper se invicem vident in Verbo, non esset necessarium ponere aliquid excitativum: quia sicut unus semper videt alium, ita semper videt in eo quicquid est ad se ordinatum. Sed quia etiam in statu naturae conditae sibi invicem loqui poterant, & mali etiam angeli nunc sibi invicem loquuntur, dicendum est, quod sicut sensus movetur a sensibili, ita intellectus movetur ab intelligibili. Sicut ergo per signum sensibile excitatur sensus, ita per aliquam virtutem intelligibilem potest excitari mens Angeli ad attendendum.

ARTICULUS II. 525

Utrum inferior Angelus superiori loquatur.

Inf. quaest. cxvii. art. 2. cor. 3. ver. quaest. ix. art. 5. & I. Cor. xlii.

AD secundum sic proceditur. Videtur quod inferior Angelus superiori non loquatur. Quia super illud I. Cor. xlii. *Si linguis hominum loquar, & Angelorum, dicit Glossa (ord. Nic. de l.yr.)* quod „locutiones Angelorum sunt illuminationes, quibus superiores illuminant inferiores.“ Sed inferiores nunquam illuminant superiores, ut supra dictum est (quaest. praec. art. 3.) Ergo nec inferiores superioribus loquuntur.

2. Praeterea. Supra dictum est (quaest. praec. art. 1.) quod illuminare nihil est aliud quam illud quod est alicui manifestum, alteri manifestare: & hoc idem est loqui. Ergo idem est loqui, & illuminare; & sic idem quod prius.

3. Praeterea. Gregorius dicit II. Mor. (cap. vi. a prin.) quod *Deus ad Angelos loquitur eo ipso quod eorum cordibus occultis suis invisibilibus ostendit.* Sed hoc ipsum est illuminare. Ergo omnis Dei locutio est illu-

illuminatio. Pari ergo ratione omnis Angeli locutio est illuminatio. Nullo ergo modo Angelus inferior superioris loqui potest.

Sed contra est quod, sicut Dionysius exponit cap. vii. cæl. Hierar. (a med.) inferiores Angeli superioribus dixerunt: *Quis est iste Rex gloria?*

Respondeo dicendum, quod Angeli inferiores superioribus loqui possunt. Ad cuius evidentiam considerandum est, quod omnis illuminatio est locutio in Angelis; sed non omnis locutio est illuminatio: quia, sicut dictum est (art. præc.) Angelum loqui Angelo nihil aliud est quam conceptum suum ordinare ad hoc ut ei innotescat per propriam voluntatem.

Ea vero quæ mente concipiuntur, ad duplex principium referri possunt; scilicet ad ipsum Deum, qui est prima veritas; & ad voluntatem intelligentis, per quam aliquid actu consideramus. Quia vero veritas est lumen intellectus, & regula omnis veritatis est ipse Deus; manifestatio eius quod mente concipitur, secundum quod dependet a prima veritate, & locutio est, & illuminatio; puta, si unus homo dicat alii, Cælum est a Deo creatum, vel, Homo est animal. Sed manifestatio eorum quæ dependent ex voluntate intelligentis, non potest dici illuminatio, sed locutio tantum; puta, si aliquis alteri dicat, Volo hoc addiscere, Volo hoc vel illud facere. Cuius ratio est, quia voluntas creata non est lux, nec regula veritatis, sed participans lucem. Unde communicare ea quæ sunt a voluntate creata, in quantum huiusmodi, non est illuminare. Non enim pertinet ad perfectionem intellectus mei, quid tu velis, vel quid tu intelligas, cognoscere, sed solum quid rei veritas habeat.

Manifestum est autem quod Angeli dicuntur superiores, vel inferiores per comparationem ad hoc principium quod est Deus: & ideo illuminatio, quæ dependet a principio quod est Deus, solum per superiores Angelos ad inferiores deducitur. Sed in ordine ad principium quod est voluntas, ipse volens est primus, & supremus: & ideo manifestatio eorum quæ ad voluntatem pertinent, per ipsum volentem deducitur ad alios quoscumque. Ex quantum ad hoc & superiores inferioribus, & inferiores superioribus loquuntur.

Et per hoc patet solutio ad primum, & ad secundum.

Ad tertium dicendum, quod omnis Dei locutio ad Angelos est illuminatio: quia cum voluntas Dei sit regula veritatis, etiam scire quid Deus velit, pertinet ad perfectionem, & illuminationem mentis creatæ. Sed non est eadem ratio de voluntate Angelii, ut dictum est (in corp. art.).

ARTICULUS III. 586

Utrum Angelus Deo loquatur.

Iob iv.

Ad tertium sic proceditur. Videtur quod Angelus Deo non loquatur. Locutio enim est ad manifestandum aliquid alteri. Sed Angelus nihil potest manifestare Deo, qui omnia novit. Ergo Angelus non loquitur Deo.

2. Præterea. Loqui est ordinare conceptum intellectus ad alterum, ut dictum est (art. i. huius quæst.). Sed Angelus semper conceptum suum mentis ordinat in Deum. Si ergo aliquando Deo loquitur, semper Deo loquitur: quod potest videri aliquibus inconvenienti, cum aliquando Angelus Angelo loquatur. Videtur ergo quod Angelus nunquam loquatur Deo.

Sed contra est quod dicitur Zachar. i. 12. (a) *Respondit Angelus Deo, & dixit: Domine exercituum, usquequo non misereris Hierusalem?* Loquitur ergo Angelus Deo.

Respondeo dicendum, quod, sicut dictum est (artic. i. huius quæst.) locutio Angeli est per hoc quod conceptio mentis ordinatur ad alterum. Sed aliquid ordinatur ad alterum dupliciter. Uno modo ad hoc quod communiqueet aliquid alteri, sicut in rebus naturalibus agens ordinatur ad patiens, & in locutione humana doctōr ordinatur ad discipulum: & quantum ad hoc nullo modo Angelus loquitur Deo neque de his quæ ad rerum veritatem pertinet, neque de his quæ dependent a voluntate creata: quia Deus est omnis veritatis, & omnis voluntatis principium, & conditor. Alio modo ordinatur aliquid ad alterum, ut ab eo aliquid accipiat, sicut in rebus naturalibus passivum ad agens, & in locutione humana discipulus ad magistrum: & hoc modo Angelus loquitur Deo, vel consulendo divinam voluntatem (b) de a-

gen-

(a) *Uigora*: Respondit Angelus Domini, & dixit. (b) *Al.* de Angelis.

gendis, vel eius excellentiam, quam numquam comprehendit, admirando, sicut Gregorius dicit II. Moral. (cap. iv. ante med.) quod *Angeli loquuntur Deo, cum per hoc quod super se invicem respiciunt, in motum admirationis surgunt.*

Ad primum ergo dicendum, quod locutio non semper est ad manifestandum alteri; sed quandoque ad hoc ordinatur finaliter, ut loquenti aliquid manifestetur, sicut cum discipulus quaerit aliquid a magistro.

Ad secundum dicendum, quod locutione qua Angeli loquuntur Deo, laudantes ipsum, & admirantes, semper Angeli Deo loquuntur; sed locutione qua eius sapientiam consulunt super agendis, tunc ei loquuntur, quando aliquod novum per eos agendum occurrit, super quo desiderant illuminari..

ARTICULUS IV. 527

Utrum localis distantia operetur aliquid in locutione angelica.

II. dist. ix. art. 2. ad 6. & dist. xi. quaest. II. art. 3. ad 3. & ver. quaest. IX. art. 6.

AD quantum sic proceditur. Videtur quod localis distantia operetur aliquid in locutione angelica. Sicut enim dicit Damascenus (Lib. II. ort. Fid. cap. iii. & Lib. I. cap. xviii.) *Angeli, ubi est, ibi operatur.* Locutio autem est quaedam operatio Angeli. Cum ergo Angelus sit in determinato loco, videtur quod usque ad determinatam loci distantiam Angelus loqui possit.

2. Praeterea. Clamor loquentis fit propter distantiam audientis. Sed Isa. vi. dicitur de Seraphim, quod *clamas alter ad alterum.* Ergo videtur quod in locutione Angelorum aliquid operetur localis distantia.

Sed contra est quod, sicut dicitur Luc. xvi. dives in inferno positus loquebatur Abraham, non impediens locali distantia. Multo igitur minus localis distantia potest impedire locutionem unius Angeli ad alterum.

Respondeo dicendum, quod locutio Angelus in intellectuali operatione consistit, ut ex dictis patet (art. 1. 2. & 3. hu. quaest.) Intellectualis autem operatio Angelus omnino abstracta est a loco, & tempore. Nam etiam nostra intellectualis operatio est per abstractionem ab his & nunc, nisi per accidens ex parte phan-

tasmatum, quae in Angelis nulla sunt. In eo autem quod est omnino abstractum a loco, & tempore, nihil operatur neque temporis diversitas, neque loci distantia. Unde in locutione Angeli nullum impedimentum facit distantia loci.

Ad primum ergo dicendum, quod locutio Angeli, sicut dictum est (art. 1. hu. quaest.) est locutio interior, quae tamen ab alio percipitur; & ideo est in Angelo loquente, & per consequens ubi est Angelus loquens. Sed, sicut distantia localis non impedit quin unus Angelus alium videre possit; ita etiam non impedit quin percipiat quod in eo ad se ordinatur: quod est eius locutionem percipere.

Ad secundum dicendum, quod clamor ille non est vocis corporeus, quae fit propter distantiam loci; sed significat magnitudinem rei quae dicebatur, vel magnitudinem afflictus, secundum quod dicit Gregorius II. Moral. (cap. iv. cir. med.) *Tanto quisque minus clamat, quanto minus desiderat.*

ARTICULUS V. 528

Utrum locutionem unius Angeli ad alterum omnes cognoscant.

Ver. quaest. ix. art. 7. corp.

AD quantum sic proceditur. Videtur quod locutionem unius Angeli ad alterum omnes cognoscant. Quod enim natus hominis locutionem non omnes audiant, facit inaequalis loci distantia. Sed in locutione Angeli nihil operatur localis distantia, ut dictum est (art. praec.) Ergo, uno Angelo loquente ad alterum, omnes percipiunt.

2. Praeterea. Omnes Angeli communicant in virtute intelligendi. Si ergo conceptus mentis unius ordinatus ad alterum cognoscitur ab uno, pari ratione cognoscitur ab aliis.

3. Praeterea. Illuminatio est quaedam species locutionis. Sed illuminatio unius Angeli ab altero pervenit ad omnes Angelos: quia, ut Dionysius dicit xv. cæl. Hier. (ante med.) *unaqueque celestis essentia intelligentiam sibi traditam aliis communicat.* Ergo & locutio unius Angeli ad alterum ad omnes perducitur.

Sed contra est quod unus homo potest alteri soli loqui. Multo igitur magis hoc in Angelis esse potest.

Respondeo dicendum, quod, sicut supra dictum est (art. 1. hu. quaest.) conceptus

ceptus mentis unius Angeli percipi potest ab altero per hoc quod ille cuius est conceptus, sua voluntate ordinat ipsum ad alterum. Potest autem ex aliqua causa ordinari aliquid ad unum, & non ad alterum: & ideo potest conceptus unius ab aliquo uno cognosci, & non ab aliis: & sic locutionem unius Angeli ad alterum potest percipere unus absque aliis, non quidem impediendo distantia locali, sed hoc faciente voluntaria ordinatione, ut dictum est (art. præc.)

Unde patet responsio ad primum, & secundum.

Ad tertium dicendum, quod illuminatio est de his quæ emanant a prima regula veritatis, quæ est principium commune omnium Angelorum: & ideo illuminationes sunt omnibus communes. Sed locutio potest esse de his quæ ordinantur ad principium voluntatis creatæ: quod est proprium unicuique Angelo: ideo non oportet quod huiusmodi locutiones sint omnibus communes.

QUAESTIO CVIII.

De ordinatione Angelorum secundum hierarchias, & ordines, in octo articulos divisa.

DEinde considerandum est de ordinatione Angelorum secundum hierarchias, & ordines: dictum est enim (quæst. cvj. art. 3.) quod superiores illuminant inferiores, & non e converso.

Circa hoc quærentur octo.

Primo, utrum omnes Angeli sint unius hierarchiæ.

Secundo, utrum in una hierarchia sit unus tantum ordo.

Tertio, utrum in uno ordine sint plures Angeli.

Quarto, utrum distinctio hierarchiarum, & ordinum sit a natura.

Quinto de nominibus, & proprietatibus singulorum ordinum.

Sexto de comparatione ordinum ad invicem.

Septimo, utrum ordines durent post diem iudicii.

Octavo, utrum homines assumantur ad ordines Angelorum.

ARTICULUS I. 529

Utrum omnes Angeli sint unius hierarchiæ.

II. dist. ix. art. 1.

AD primum sic proceditur. Videtur quod omnes Angeli sint unius hierarchiæ. Cum enim Angeli sint supremi inter creaturas, oportet dicere, quod sint optime dispositi. Sed optima dispositio est multitudinis, secundum quod continetur sub uno principatu, ut patet per Philosophum XII. Metaph. (in fin.) & in III. Polit. (cap. xi. & xii.) Cum ergo hierarchia nihil sit aliud quam sacer principatus, videtur quod omnes Angeli sint unius hierarchiæ.

2. Præterea. Dionysius dicit in iii. cap. cæl. Hier. (in princ.) quod *hierarchia est ordo, scientia, & actio*. Sed omnes Angeli conveniunt in uno ordine ad Deum, quem cognoscunt, & a quo in suis actionibus regulantur. Ergo omnes Angeli sunt unius hierarchiæ.

3. Præterea. Sacer principatus, qui dicitur hierarchia, invenitur in hominibus, & Angelis. Sed omnes homines sunt unius hierarchiæ. Ergo etiam omnes Angeli sunt unius hierarchiæ.

Sed contra est quod Dionysius vi. cap. cæl. Hierar. distinguit tres hierarchias Angelorum.

Respondeo dicendum, quod hierarchia est sacer principatus, ut dictum est (in arg. 1.) In nomine autem principatus duo intelliguntur, scilicet ipse princeps, & multitudo ordinata sub principe.

Quia igitur unus est Deus princeps non solum omnium Angelorum, sed etiam hominum, & totius creaturæ; ideo non solum omnium Angelorum, sed etiam totius rationalis creaturæ, quæ factorum particeps esse potest, una est hierarchia; secundum quod Augustinus dicit in XII. de civit. Dei (cap. 1. circ. princ.) *duas esse civitates, hoc est societates, unam in Angelis bonis, & hominibus, alteram in malis*. Sed si consideretur principatus ex parte multitudinis ordinatæ sub principe, sic unus principatus dicitur, secundum quod multitudo uno & eodem modo potest gubernationem principis recipere. Quæ vero non possunt secundum eundem modum gubernari a principe, ad diversos principatus pertinent; sicut sub uno Rege sunt diversæ civitates, quæ diversis reguntur legibus, & ministris. Manifestum est autem quod homines

nes alio modo divinas illuminationes percipiunt quam Angeli : nam Angeli percipiunt eas in intelligibili puritate, homines vero percipiunt eas sub sensibili et multitudine, ut Dionysius dicit 1. cap. cæl. Hier. Et ideo oportet distinguere humanam hierarchiam ab angelica. Et per eundem modum in Angelis tres hierarchiæ distinguuntur. Dicitur enim supra (quaest. iv. art. 3.) dum de cognitione Angelorum ageretur, quod superiores Angeli habent universaliorem cognitionem veritatis quam inferiores. Huiusmodi autem universalis acceptio cognitionis secundum tres gradus in Angelis distinguere potest. Possunt enim rationes rerum, de quibus Angeli illuminantur, considerari tripliciter. Primo quidem secundum quod procedunt a primo principio universali, quod est Deus: & iste modus convenit primæ hierarchiæ, quæ immediate ad Deum extenditur, & quasi in vestibulis Dei collocatur, ut Dionysius dicit vii. cap. cæl. Hier. (ante med.) Secundo vero prout huiusmodi rationes dependent ab universalibus causis creatis, quæ iam aliquo modo multiplicantur: & hic modus convenit secundæ hierarchiæ. Tertio autem modo secundum quod huiusmodi rationes applicantur singulis rebus, prout dependent a propriis causis: & hic modus convenit intimæ hierarchiæ. Quod plenus patebit cum de singulis ordinibus ageretur (art. 6. huius quaest.) Sic igitur distinguuntur hierarchiæ ex parte multitudinis subiectæ.

Unde manifestum est eos errare, & contra intentionem Dionysii loqui qui ponunt in divinis personis hierarchiam, quam vocant supercælestem. In divinis enim personis est quidam ordo naturæ, sed non hierarchiæ: nam, ut Dionysius dicit iii. cap. cælestis Hierar. (circa med.) ordo hierarchiæ est alios quidem purgare, & illuminare, & perficere; alios autem purgare, & illuminare, & perficere: quod abest ut in divinis personis ponamus.

Ad primum ergo dicendum, quod ratio illa procedit de principatu ex parte principis: quia optimum est quod multoties regatur ab uno principe, ut Philosophus in pluribus locis intendit (loc. in art. 3. cit.)

Ad secundum dicendum, quod quantum ad cognitionem ipsius Dei, quem omnes uno modo (scilicet per essentiam) vident, non distinguuntur in Angelis

hierarchiæ; sed quantum ad rationes rerum creaturarum, ut dictum est (in corp. art.)

Ad tertium dicendum, quod omnes homines sunt unius speciei, & unus modus intelligendi est eis connaturalis; non sic autem est in Angelis: unde non est similis ratio.

ARTICULUS II. 539

Utrum in una hierarchia sint plures ordines.

II. dist. ix. art. 3. & III. cont. cap. ix. & ad Eph. 1. lect. 7.

AD secundum sic proceditur. Videtur quod in una hierarchia non sint plures ordines. Multiplicata enim definitione multiplicatur & definitum. Sed hierarchia, ut Dionysius dicit (cap. iii. cæl. Hier. in princ.) est ordo. Si ergo sunt multi ordines, non erit una hierarchia, sed multæ.

2. Præterea. Diversi ordines sunt diversi gradus; & gradus in spiritualibus constituuntur secundum diversa dona spiritualia. Sed in Angelis omnia dona spiritualia sunt communia, quia nihil ibi singulariter possidet. Ergo non sunt diversi ordines Angelorum.

3. Præterea. In cælesti hierarchia distinguuntur ordines secundum purgare, illuminare, & perficere. Nam ordo Diaconorum est purgativus, Sacerdotum illuminativus, Episcoporum perfectivus, ut Dionysius dicit v. cap. ecclesiast. Hierar. (part. 1. in tit. de Sacer. perfectionib.) Sed quilibet Angelus purgat, illuminat, & perficit. Non ergo est distinctio ordinum in Angelis.

Sed contra est quod Apostolus dicit ad Eph. 1. 20. quod Deus constituit Christum hominem supra omnem Principatum, & Potestatem, & Virtutem, & Dominationem: qui sunt diversi ordines Angelorum, & quidam eorum ad unam hierarchiam pertinent, sicut infra patebit (art. 6. huius quaest.)

Respondeo dicendum, quod, sicut dictum est (art. præc.) una hierarchia est unus principatus, id est una multitudo ordinata uno modo sub principis gubernatione. Non autem esset multitudo ordinata, sed confusa, si in multitudine diversi ordines non essent. Ipsa ergo ratio hierarchiæ requirit ordinum diversitatem.

Quæ quidem diversitas ordinum secundum diversa officia, & actus consideratur,

tur, sicut patet quod in una civitate sunt diversi ordines secundum diversos actus: nam alius est ordo iudicantium, & alius pugnantium, & alius laborantium in agris, & sic de aliis.

Sed quamvis multi sint unius civitatis ordines, omnes tamen ad tres possunt reduci, secundum quod quaelibet multitudo perfecta habet principium, medium, & finem. Unde & in civitatibus triplex ordo hominum invenitur: quidam enim sunt supremi, ut optimates; quidam autem sunt infimi, ut vilis populus; quidam autem sunt medii, ut populus honorabilis. Sic igitur & in qualibet hierarchia angelica ordines distinguuntur secundum diversos actus, & officia: & omnis ista diversitas ad tria reducitur, scilicet ad summum, medium, & infimum: & propter hoc in qualibet hierarchia Dionysius (cap. vii. viii. & ix. c. i. Hier.) ponit tres ordines.

Ad primum ergo dicendum, quod ordo dupliciter dicitur. Uno modo ipsa ordinatio comprehendens sub se diversos gradus; & hoc modo hierarchia dicitur ordo. Alio modo dicitur ordo gradus unus; & sic dicuntur plures ordines unius hierarchiae.

Ad secundum dicendum, quod in societate Angelorum omnia possidentur communiter, sed tamen quaedam excellentius habentur a quibusdam quam ab aliis. Unumquodque autem perfectius habetur ab eo qui potest illud communicare, quam ab eo qui non potest; sicut perfectius est calidum quod potest calefacere, quam quod non potest; & perfectius scit qui potest docere, quam qui non potest. Et quanto perfectius donum aliquis communicare potest, tanto in perfectiori gradu est; sicut in perfectiori gradu magisterii est qui potest docere altioris scientiam. Et secundum hanc similitudinem consideranda est diversitas graduum, vel ordinum in Angelis secundum diversa officia, & actus.

Ad tertium dicendum, quod inferior Angelus est superior supremo homine nostrae hierarchiae, secundum illud Matth. x. 11. *Qui minor est in regno caelorum, maior est illo*, scilicet Ioanne Baptista, quo nullus maior inter natos mulierum surrexit. Unde minor Angelus caelestis hierarchiae potest non solum purgare, sed illuminare, & perficere, & altiori modo quam ordines nostrae hierarchiae. Et sic secundum distinctionem harum actionum non distinguuntur caelestes ordines, sed se-

cundum alias differentias actionum.

ARTICULUS III. 531

Utrum in uno ordine sint plures Angeli.

Locis sup. art. 2. indutis.

AD tertium sic proceditur. Videtur quod in uno ordine non sint plures Angeli. Dictum est enim supra (quaest. xlvii. art. 2. & quaest. l. art. 4.) omnes Angelos inaequales esse ad invicem. Sed unius ordinis esse dicuntur quae sunt aequalia. Ergo plures Angeli non sunt unius ordinis.

2. Praeterea. Quod potest sufficienter fieri per unum, superfluum est quod fiat per multa. Sed illud, quod pertinet ad unum officium angelicum, sufficienter potest fieri per unum Angelum, multo magis quam per unum Solem sufficienter sit quod pertinet ad officium Solis, quanto perfectior est Angelus caelestis corpore. Si ergo ordines distinguuntur secundum officia, ut dictum est (ar. praec.) superfluum est quod sint plures Angeli unius ordinis.

3. Praeterea. Supra dictum est (art. 1. huius quaest.) quod omnes Angeli sunt inaequales. Si ergo plures Angeli sunt unius ordinis (puta tres, vel quatuor) infimus superioris ordinis magis conveniet cum supremo inferioris quam cum supremo sui ordinis: & sic non videtur quod magis sit unius ordinis cum hoc quam cum illo. Non igitur sunt plures Angeli unius ordinis.

Sed contra est quod Isa. vi. 3. dicitur, quod *Seraphim clamabant alter ad alterum*. Sunt ergo plures Angeli in uno ordine Seraphim.

Respondeo dicendum, quod ille qui perfecte cognoscit res aliquas, potest usque ad minima & actus, & virtutes, & naturas earum distinguere; qui autem cognoscit eas imperfecte, non potest distinguere nisi in universalibus: quae quidem distinctio fit per pauciora: sicut qui imperfecte cognoscit res naturales, distinguit earum ordines in universalibus, ponens in uno ordine caelestia corpora, in alio corpora interiora inanimata, in alio plantas, in alio animalia; qui autem perfectius cognosceret res naturales, posset distinguere & in ipsis corporibus caelestibus diversos ordines, & in singulis aliorum.

Nos autem imperfecte Angelos cognoscimus, & eorum officia, ut Dionysius di-

dicit vii. cap. celest. Hierarch. (a prin.) Unde non potius distingui officia, & ordines Angelorum nisi in comuni; secundum quem modum multi Angeli sub uno ordine continentur. Si autem perfecte cognosceremus officia Angelorum, & eorum distinctiones, perfecte sciremus quod quilibet Angelus habet suum proprium officium, & suum proprium ordinem in rebus, & multo magis quam quilibet stella, et nos lateat.

Ad primum ergo dicendum, quod omnes Angeli unius ordinis sunt aliquo modo aequales quantum ad communem similitudinem, secundum quam constituuntur in ordine; sed simpliciter non sunt aequales. Unde Dionysius dicit x. cap. cæl. Hier. quod in uno & eodem ordine Angelorum est accipere primos, medios, & ultimos.

Ad secundum dicendum, quod illa specialis distinctio ordinum, & officiorum, secundum quam quilibet Angelus habet proprium officium, & ordinem, est nobis ignota.

Ad tertium dicendum, quod sicut in superficie, quæ partim est alba, & partim nigra, duæ partes quæ sunt in confinio albi, & nigri, magis conveniunt secundum suam quam aliæ duæ partes albi, minus tamen secundum qualitatem; ita duo Angeli, qui sunt in terminis duorum ordinum, magis secum conveniunt secundum propinquitatem naturæ quam unus eorum cum aliquibus aliis sui ordinis, minus autem secundum idoneitatem ad similia officia: quæ quidem idoneitas usque ad aliquem certum terminum protenditur.

ARTICULUS IV. 532

Utrum distinctio hierarchiarum, & ordinum sit a natura in Angelis.

II. dist. 1x. art. 7.

AD quartum sic proceditur. Videtur quod distinctio hierarchiarum, & ordinum non sit a natura in Angelis. Hierarchia enim dicitur *sacer principatus*: & in definitione eius Dionysius ponit (cap. iir. cæl. Hier. in princ.) quod (a) *deiformi quantum possibile est, assimilatur*. Sed sanctitas, & deiformitas est in Angelis per gratiam, non per naturam. Ergo distinctio hierarchiarum, & ordinum in Angelis est per gratiam, non per naturam.

2. Præterea. Seraphim dicuntur *ardentes*, vel *incendentes*, ut Dionysius dicit vii. cap. celest. Hierarch. (circ. princ.) Hoc autem videtur ad caritatem pertinere, quæ non est a natura, sed a gratia: *diffunditur enim in cordibus nostris per Spiritum sanctum, qui datus est nobis*, ut dicitur ad Rom. v. 5. quod non solum ad sanctos homines pertinet, sed etiam de sanctis Angelis dici potest, ut Augustinus dicit XII. de civ. Dei (cap. ix.) Ergo ordines in Angelis non sunt a natura, sed a gratia.

3. Præterea. Hierarchia ecclesiastica exemplatur a celesti. Sed ordines in hominibus non sunt per naturam, sed per donum gratiæ: non enim est a natura quod unus est Episcopus, & alius est Sacerdos, & alius Diaconus. Ergo neque in Angelis sunt ordines a natura, sed a gratia tantum.

Sed contra est quod Magister dicit ix. dist. II. Sent. quod *ordo Angelorum dicitur multitudo celestium spirituum, qui inter se aliquo munere gratia simulantur, sicut & naturalium datorum participatione conveniunt*. Distinctio ergo ordinum in Angelis est non solum secundum dona gratuita, sed etiam secundum dona naturalia.

Respondeo dicendum, quod ordo gubernationis, qui est ordo multitudinis sub principatu existentis, attenditur per respectum ad finem. Finis autem Angelorum potest accipi dupliciter. Uno modo secundum facultatem suæ naturæ, ut scilicet cognoscant, & ament Deum naturali cognitione, & amore: & secundum respectum ad hunc finem distinguuntur ordines Angelorum secundum naturalia dona. Alio modo potest accipi finis angelicæ multitudinis supra naturalem facultatem eorum, qui consistit in visione divinæ essentiae, & in immobili fruitione bonitatis ipsius; ad quem finem pertinere non possunt nisi per gratiam: unde secundum respectum ad hunc finem ordines distinguuntur in Angelis complete quidem secundum dona gratuita, dispositive autem secundum dona naturalia: quia Angelis data sunt dona gratuita secundum capacitatem naturalem: quod non est in hominibus, ut supra dictum est (quæst. lxxi. art. 2. & 3.) Unde in hominibus distinguuntur ordines secundum dona gratuita tantum, & non secundum naturam.

Et per hoc patet responsio ad obiecta.

A R-

(a) *Al. deiforme, item Dei formæ. Dionysius I. c. c. Est hierarchia sacer ordo qui assimilatur ad deiforme quantum licet.*

Utrum ordines Angelorum convenienter nominentur.

II. dist. ix. art. 4. & III. contra cap. lxxx.

AD quintum sic proceditur. Videtur quod ordines Angelorum non convenienter nominentur. Omnes enim caelestes spiritus dicuntur & Angeli, & Virtutes, & Potestates caelestes. Sed nomina communia inconvenienter aliquibus appropriantur. Ergo inconvenienter nominatur unus ordo Angelorum, & alius Virtutum.

2. Praeterea. Esse dominum est proprium Dei, secundum illud Psal. cxix. 3. *Scire, quoniam Dominus ipse est Deus.* Ergo inconvenienter unus ordo caelestium spirituum Dominatus vocatur.

3. Praeterea. Nomen Dominationis ad gubernationem pertinere videtur: similiter autem & nomen Principatum, & Potestatum. Inconvenienter ergo tribus ordinibus haec tria nomina imponuntur.

4. Praeterea. Archangeli dicuntur quasi principes Angelorum. Non ergo hoc nomen debet imponi alii ordini quam ordini Principatum.

5. Praeterea. Nomen Seraphim imponitur ab ardore, qui ad caritatem pertinet; nomen autem Cherubim imponitur a scientia. Caritas autem, & scientia sunt dona communia omnibus Angelis. Non ergo debent esse nomina specialium ordinum.

6. Praeterea. Throni dicuntur sedes. Sed ex hoc ipso Deus in creatura rationali sedere dicitur quod ipsam cognoscit, & amat. Non ergo debet esse alius ordo Thronorum ab ordine Cherubim, & Seraphim. Sic igitur videtur quod inconvenienter ordines Angelorum nominentur.

Sed contra est auctoritas sacrae Scripturae, quae sic eos nominat. Nomen enim Seraphim ponitur Isaiae vi. nomen Cherubim Ezech. i. nomen Thronorum Coloss. i. Dominationes autem, & Virtutes, & Potestates, & Principatus ponuntur Eph. i. nomen autem Archangelum ponitur in Canonica Iudae; nomen autem Angelorum in pluribus Scripturae locis.

Respondeo dicendum, quod in nominatione angelicorum ordinum considerare oportet, quod propria nomina singulorum ordinum proprietates eorum designant, ut Dionysius dicit vii. cap. cæl. Hierarch.

Ad videndum autem, quae sit proprie-

tas cuiuslibet ordinis, considerare oportet, quod in rebus ordinatis tripliciter aliquid esse contingit, scilicet per proprietatem, per excessum, & per participationem. Per proprietatem autem dicitur esse aliquid in re aliqua, quod adaequatur, & proportionatur naturae ipsius: per excessum autem, quando illud quod attribuitur alicui, est minus quam re cui attribuitur; sed tamen convenit illi rei per quemdam excessum, sicut dictum est (quaest. xiii. art. 2.) de omnibus nominibus quae attribuantur Deo: per participationem autem, quando illud quod attribuitur alicui, non plenarie invenitur in eo, sed deficienter, sicut sancti homines participative dicuntur dii. Si ergo aliquid nominari debeat nomine designante proprietatem ipsius, non debet nominari ab eo quod imperfecte participat, neque ab eo quod excedenter habet, sed ab eo quod est sibi quasi coaequatum; sicut si quis velit proprie nominare hominem, dicit eum substantiam rationalem, non autem substantiam intellectualem, quod est proprium nomen Angeli: quia simplex intelligentia convenit Angelo per proprietatem, homini vero per participationem: neque substantiam sensibilem, quod est nomen bruti proprium: quia sensus est minus quam id quod est proprium homini, & convenit homini excedenter praeter aliis animalibus. Sic igitur considerandum est in ordinibus Angelorum, quod omnes spirituales perfectiones sunt omnibus Angelis communes, & omnes abundantius existunt in superioribus quam in inferioribus. Sed cum in ipsis etiam perfectionibus sit quidam gradus, superior perfectio attribuitur superiori ordini per proprietatem, inferiori vero per participationem; e converso autem inferior attribuitur inferiori per proprietatem, superiori autem per excessum: & ita superior ordo a superiori perfectione nominatur.

Sic igitur Dionysius exponit ordinum nomina secundum convenientiam ad spirituales perfectiones eorum; Gregorius vero (hom. xxxiv. in Evang. cir. med.) in expositione horum nominum magis attendere videtur exteriora ministeria: dicit enim, quod Angeli dicuntur qui minima nuntiavit, Archangeli qui summa, Virtutes per quas miracula fiunt, Potestates quibus adversae potestates arcantur, vel repelluntur, Principatus qui ipsis bonis spiritibus praesunt.

Ad

Ad primum ergo dicendum, quod Angelus nuntius dicitur. Omnes ergo caelestes spiritus, in quantum sunt manifestatores divinarum, Angeli vocantur. Sed superiores Angeli habent quamdam excellentiam in hac manifestatione, a qua superiores ordines nominantur. Innus autem Angelorum ordo nullam excellentiam supra communem manifestationem addit; & ideo a simplici manifestatione nominatur: & sic nomen commune remanet infimo ordini quasi proprium, ut dicit Dionysius v. cap. cæl. Hier.

Vel potest dici, quod infimus ordo specialiter potest dici ordo Angelorum, quia immediate nobis annuntiant. Virtus autem dupliciter accipi potest. Uno modo communiter, secundum quod est media inter essentiam, & operationem: & sic omnes caelestes spiritus nominantur caelestes virtutes, sicut & caelestes essentiae. Alio modo secundum quod importat quendam excessum fortitudinis: & sic est proprium nomen ordinis. Unde Dionysius dicit viii. cap. cæl. Hier. (parum a princ.) quod nomen Virtutum significat quamdam virtutem, & inconcussam fortitudinem, primo quidem ad omnes operationes divinas eis convenientes, secundo ad suscipiendam divina: & ita significat quod sine aliquo timore aggrediuntur divina quae ad eos pertinent: quod videtur ad fortitudinem animi pertinere.

Ad secundum dicendum, quod, sicut dicit Dionysius xii. cap. de div. Nom. (in fin.) dominatio laudatur in Deo singulariter per quendam excessum; sed per participationem divina eloquia vocant Dominos principales ordines, per quos inferiores ex domo eius accipiunt. Unde & Dionysius dicit in viii. cap. cæl. Hier. (parum a princ.) quod nomen Dominationum primo quidem significat quamdam libertatem, quae est a servili conditione, & pedestri subiectione (sicut plebs subicitur) & a tyrannica oppressione, quam interdum etiam maior ei patitur. Secundo significat quamdam rigidam, & inflexibilem gubernationem, quae ad nullum servilem actum inclinatur, neque ad aliquem actum subiectionis, vel oppressoris a tyrannis. Tertio significat appetitum, & participationem veri domini, quod est in Deo. Et similiter nomen cuiuslibet ordinis significat participationem eius quod est in Deo; sicut nomen Virtutum significat participationem divinæ virtutis: & sic de aliis.

Ad tertium dicendum, quod nomen Dominationis, & Potestatis, & Principatus diversimode ad gubernationem pertinet.

St. Tb. Opes. Tom. XX.

Nam domini est solummodo præcipere de agendis. Et ideo Gregorius dicit (hom. xxxiv. in Evang. circ. med.) quod quaedam Angelorum agmina, pro eo quod eis cetera ad obediendum subiecta sunt, Dominationes vocantur. Nomen vero Potestatis ordinationem quamdam designat, secundum illud Apostoli ad Rom. xiii. 2. Qui potestati resistit, Dei ordinationi resistit. Et ideo Dionysius dicit (cap. viii. cæl. Hier. ante med.) quod nomen Potestatis significat quamdam ordinationem & circa susceptionem divinarum, & circa actiones divinas, quas superiores in inferiores agunt, eos sursum ducendo. Ad ordinem ergo Potestatum pertinet ordinare quae a subditis sint agenda. Principari vero, ut Gregorius dicit (loco nunc cit.) est inter aliquos princeps existere, quasi primi sint in executione eorum quae imperantur. Et ideo Dionysius dicit ix. cæl. Hier. (circa princ.) quod nomen Principatum significat ducivum cum ordine facere. Illi enim qui alios ducunt, primi inter eos existentes, Principes proprie vocantur, secundum illud Psal. lxxv. 26. Praeveniunt Principes consilium stultentibus.

Ad quartum dicendum, quod Archangeli, secundum Dionysium (cap. ix. cæl. Hier. a princ.) medii sunt inter Principatus, & Angelos. Medium autem comparatum uni extremo videtur alterum, in quantum participat naturam utriusque; sicut tepidum respectu calidi est frigidum, respectu vero frigidi est calidum. Sic & Archangeli dicuntur, quasi principes Angeli: quia respectu Angelorum sunt Principes, respectu vero Principatum sunt Angeli. Secundum Gregorium autem (hom. xxxiv. in Evang. ante med.) dicuntur Archangeli ex eo quod principantur soli ordini Angelorum, quasi magnanuntiantes; Principatus autem dicuntur ex eo quod principantur omnibus caelestibus virtutibus divinas iussiones explentibus.

Ad quintum dicendum, quod nomen Seraphim non imponitur tantum a caritate, sed a caritatis excessu, quem importat nomen ardoris, vel incendii. Unde Dionysius vii. cap. cæl. Hier. (a princ.) exponit nomen Seraphim secundum proprietates ignis, in quo est excelsus caliditatis. In igne autem tria possumus considerare. Primo quidem motum, qui est sursum, & qui est continuus: per quod significatur quod inclinabiliter moventur in Deum. Secundo vero virtutem activam eius, quae est

Sf

ca-

calidum: quod quidem non simpliciter invenitur in igne, sed cum quadam (a) acuitate, quia maxime est penetrativus in agendo, & pertingit usque ad minima, & iterum cum quodam superexcedenti fervore: & per hoc significatur affectio huiusmodi Angelorum, quam in subditos potenter exercent, eos in sublimem fervorem excitantes, & totaliter eos per incendium purgantes. Tertio consideratur in igne claritas eius: & hoc significat quod huiusmodi Angeli in se ipsis habent inextinguibilem lucem, & quod alios perfecte illuminant. Similiter etiam nomen *Cherubim* imponitur a quodam excessu scientiae: unde interpretatur *plenitudo scientiae*: quod Dionysius (cap. vii. cæl. Hier. a princ.) exponit quantum ad quatuor: primo quidem quantum ad perfectam Dei visionem; secundo quantum ad plenam susceptionem divini luminis; tertio quantum ad hoc quod in ipso Deo contemplantur pulchritudinem ordinis rerum a Deo derivatam; quarto quantum ad hoc quod ipsi pleni existentes huiusmodi cognitione, eam copiose in alios effundunt.

Ad sextum dicendum, quod ordo *Thronorum* habet excellentiam præ inferioribus ordinibus in hoc quod immediate in Deo rationes divinarum operum cognoscere possunt; sed *Cherubim* habent excellentiam scientiae, *Seraphim* vero excellentiam ardoris. Et licet in his duabus excellentiis includatur tertia; non tamen in illa quæ est *Thronorum*, includuntur alix duæ: & ideo ordo *Thronorum* distinguitur ab ordine *Cherubim*, & *Seraphim*. Hoc enim est commune in omnibus quod excellentia inferioris continetur in excellentia superioris, & non e converso. Exponit autem Dionysius (cap. vii. cæl. Hier.) nomen *Thronorum* per convenientiam ad materiales sedes: in quibus est quatuor considerare. Primo quidem situm, quia super terram sedes elewantur: & sic ipsi Angeli qui *Throni* dicuntur, elewantur usque ad hoc quod in Deo immediate rationes rerum cognoscant. Secundo in materialibus sedibus consideratur firmitas, quia in ipsis aliquis firmiter sedet; hic autem est e converso: nam ipsi Angeli firmitur per Deum. Tertio quia sedes suscipit sedentem, & in ea deferri potest: sic & ipsi Angeli suscipiunt Deum in seipsis, & eum quodammodo ad inferiores ferunt. Quarto ex figura, quia sedes ex una par-

te est aperta ad suscipiendum sedentem: ita & isti Angeli sunt per promptitudinem aperti ad suscipiendum Deum, & famulandum ipsi.

ARTICULUS VI. 534

Utrum convenienter gradus ordinum assignentur.

II. dist. ix. art. 5.

AD sextum sic proceditur. Videtur quod inconvenienter gradus ordinum assignentur. Ordo enim Prælatorum videtur esse supremus. Sed *Dominations*, *Principatus*, & *Potestates* ex ipsis nominibus prælationem quamdam habent. Ergo isti ordines debent esse inter omnes supremi.

2. Præterea. Quanto aliquis ordo est Deo propinquior, tanto est superior. Sed ordo *Thronorum* videtur esse Deo propinquissimus: nihil enim coniungitur propinquius sedenti quam sua sedes. Ergo ordo *Thronorum* est altissimus.

3. Præterea. Scientia est prior quam amor, & intellectus videtur esse altior quam voluntas. Ergo & ordo *Cherubim* videtur esse altior quam ordo *Seraphim*.

4. Præterea. Gregorius (hom. xxxiv. in Evang. in med.) ponit *Principatus* super *Potestates*. Non ergo collocantur immediate super *Archangelos*, ut Dionysius dicit (cap. ix. cæl. Hier. circa princ.)

Sed contra est quod Dionysius (cap. vii. cæl. Hier.) ponit in prima quidem hierarchia *Seraphim* ut primos, *Cherubim* ut medios, *Thronos* ut ultimos: in media vero *Dominations* ut primos, *Virtutes* ut medios, *Potestates* ut ultimos: in ultima *Principatus* ut primos, *Archangelus* ut medios, *Angeli* ut ultimos.

Respondeo dicendum, quod gradus angelicorum ordinum assignant & Gregorius (hom. xxxiv. in Evang.) & Dionysius (cap. vii. viii. & ix. cæl. Hier.) quantum ad alia quidem convenienter, sed quantum ad *Principatus*, & *Virtutes* differenter. Nam Dionysius collocat *Virtutes* sub *Dominationibus*, & supra *Potestates*; *Principatus* autem sub *Potestatibus*, & supra *Archangelos*. Gregorius autem ponit *Principatus* in medio *Dominationum*, & *Potestatum*; *Virtutes* vero in medio *Potestatum*, & *Archangelorum*. Et utraque assignatio fulcimentum habere potest ex auctoritate Apostoli, qui medios ordines ascendendo enumerans,

(a) Ita edit. Rom. Nicolai, & Lugo. M. accitente: Cod. Alex. activitate.

rans, dicit Ephes. 1. 30. quod *Deus constituit illum*, scilicet Christum, *ad dexteram suam in caelestibus supra omnem Principatum, & Potestatem, & Virtutem, & Dominationem*. Ubi *Virtutem* ponit inter *Potestatem*, & *Dominationem* secundum assignationem Dionysii. Sed ad Coloss. 1. 26. enumerans eosdem ordines descendendo dicit: *Sive Throni, sive Dominationes, sive Principatus, sive Potestates, omnia per ipsum, & in ipso creata sunt*. Ubi *Principatus* ponit medios inter *Dominationes*, & *Potestates*, secundum assignationem Gregorii.

Primo igitur videamus rationem assignationis Dionysii: in qua considerandum est, quod, sicut supra dictum est (art. 1. h. quæst.) prima hierarchia (a) inspicit rationes rerum in ipso Deo; secunda vero in causis universalibus; tertia vero secundum determinationem ad speciales effectus. Et quia Deus est finis non solum angelicorum ministeriorum, sed etiam totius creaturæ; ad primam hierarchiam pertinet consideratio finis; ad mediam vero dispositio universalis de agendis; ad ultimam autem applicatio dispositionis ad effectum, quæ est operis executionis: hæc enim tria manifestum est in quilibet operatione inveniri. Et ideo Dionysius (cap. vii. cæl. hier.) ex nominibus ordinum proprietates illorum considerans, illos ordines in prima hierarchia posuit quorum nomina imponuntur per respectum ad Deum, scilicet *Seraphim*, *Cherubim*, & *Throni*; illos vero ordines posuit in media hierarchia quorum nomina designant communem quandam gubernationem, sive dispositionem, idest *Dominationes*, *Virtutes*, & *Potestates*; illos vero ordines posuit in tertia hierarchia quorum nomina designant operis executionem, scilicet *Principatus*, *Angeli*, & *Archangeli*. In respectu autem ad finem tria considerari possunt. Nam primo aliquis considerat finem; secundo vero perfectam finis cognitionem accipit; tertio vero intentionem suam in ipso degit: quorum secundum ex additione se habet ad primum, & tertium ad utrumque. Et quia Deus est finis creaturarum, sicut dux est finis exercitus, ut dicitur in XII. Metaphys. (text. 32.) potest aliquid simile huius ordinis considerari in rebus humanis. Nam quidam sunt qui hoc habent dignitatis ut per seipsos tamiliat accedere possint ad Regem, vel ducem; quidam super hoc habent

ut etiam secreta eius cognoscant; alii vero insuper circa ipsum semper inhaerent, quasi ei coniuncti. Et secundum hanc similitudinem accipere possumus dispositionem in ordinibus primæ hierarchiæ, Nam *Throni* eleuantur ad hoc quod Deum familiariter in seipsis recipiant, secundum quod rationes rerum in ipso immediate cognoscere possunt; quod est proprium totius primæ hierarchiæ: *Cherubim* vero supereminenter divina secreta cognoscunt; *Seraphim* vero excellunt in hoc quod est omnium supremum, scilicet Deo ipsi uniri: ut sic ab eo quod est commune toti hierarchiæ, denominetur ordo *Thronorum*, sicut ab eo quod est commune omnibus celestibus spiritibus, denominatur ordo *Angelorum*. Ad gubernationis autem rationem tria pertinent: quorum primum est distinctio eorum quæ agenda sunt, quod est proprium *Dominationum*; secundum autem est præbere facultatem ad implendum, quod pertinet ad *Virtutes*; tertium autem est ordinare qualiter ea quæ præcepta, vel definita sunt, impleri possint, ut aliqui exequantur, & hoc pertinet ad *Potestates*. Executio autem angelicorum ministeriorum consistit in annuntiando divina. In executione autem cuiuslibet actus sunt quidam quasi incipientes actionem, & alios ducentes, sicut in cantu præcætores, & in bello illi qui alios ducunt, & dirigunt; & hoc pertinet ad *Principatus*. Alii vero sunt qui simpliciter exequuntur; & hoc pertinet ad *Angeli*. Alii vero medio modo se habent; quod ad *Archangelos* pertinet, ut supra dictum est (art. præc. ad 4.) Invenitur autem congrua hæc ordinum assignatio. Nam semper summum inferioris ordinis alinitatem habet cum ultimo superioris, sicut inima animalia parum distant a plantis. Primus autem ordo est divinarum personarum, qui terminatur ad Spiritum sanctum, qui est amor procedens; cum quo affinitatem habet lupremus ordo primæ hierarchiæ, ab incendio amoris denominatus. Infimus autem ordo primæ hierarchiæ est *Thronorum*, qui ex suo ordine habent quandam affinitatem cum *Dominationibus*: nam *Throni* dicuntur secundum Gregorium (hons. xxxiv. in Evang.) per quos *Deus sua iudicia exercet*: accipiunt enim divinas illuminationes per convenientiam ad immediate illuminandum secundam hierarchiam, ad quam pertinet dispositio divinorum ministeriorum. Ordo vero *Potestatum* affini-

S f 2 1a-

atem habet cum ordinis *Principatum*: nam cum *Potestatem* sit ordinem subiectis imponere, hæc ordinatio statim in nomine *Principatum* designatur, qui sunt primi in executione divinorum ministeriorum, utpote præsidentes gubernationi gentium, & regnorum; quod est (a) præcipuum in divinis ministeriis: nam bonum gentis est divinius quam bonum unius hominis: unde dicitur Dan. x. 13. *Princeps regni Persarum repositus mihi*.

Dispositio etiam ordinum, quam Gregorius ponit (loc. sup. cit.) congruitatem habet. Nam cum *Dominaciones* sint definiētes, & præcipientes ea quæ ad divina ministeria pertineant, ordines eis subiecti disponuntur secundum dispositionem eorum in quos divina ministeria exercentur. Ut autem dicit Augustinus in III. de Trinitate (cap. iv. a princip.) *corpora quodam ordine reguntur, inferiora per superiora, & omnia per spirituales creaturam, & spiritus malus per spiritum bonum*. Primus ergo ordo post *Dominaciones* dicitur *Principatum*, qui etiam bonis spiritibus principantur: deinde *Potestates*, per quas arcantur mali spiritus, sicut per potestates terrenas arcantur malefactores, ut habetur Rom. xiii. post quas sunt *Virtutes*, quæ habent potestatem super corporalem naturam in operatione miraculorum: post quas sunt *Angeli*, & *Archangeli*, qui nuntiant hominibus vel magna, quæ sunt supra rationem, vel parva, ad quæ ratio se extendere potest.

Ad primum ergo dicendum, quod in Angelis potius est quod subiciuntur Deo, quam quod inferioribus præsidet; & hoc derivatur ex illo: & ideo ordines nominati ad prælationem non sunt supremi, sed magis ordines nominati a conversione ad Deum.

Ad secundum dicendum, quod illa propinquitas ad Deum quæ designatur nomine *Thronorum*, convenit etiam *Cherubim*, & *Seraphim*, & excellentius, ut dictum est (in corp. art.)

Ad tertium dicendum, quod, sicut supra dictum est (quæst. xxvii. art. 3.) cognitio est, secundum quod cognita sunt in cognoscente; amor autem, secundum quod amans unitur rei amate. Superiora autem nobiliori modo sunt in seipsis quam in inferioribus; inferiora vero nobiliori modo sunt in superioribus quam in seipsis. Et ideo inferiorum quidem cognitio præminet dilectioni; superiorum au-

tem dilectio, & præcipue Dei, præminet cognitioni.

Ad quartum dicendum, quod si quis diligenter consideret dispositiones ordinum secundum Dionysium, & Gregorium, parum, vel nihil differunt, si ad rem referantur. Exponit enim Gregorius *Principatum* nomen ex hoc quod bonis spiritibus præfuit; & hoc convenit *Virtutibus*, secundum quod in nomine *Virtutum* intelligitur quædam fortitudo, dans efficaciam inferioribus spiritibus ad exequenda divina ministeria. Rursus *Virtutes* secundum Gregorium videntur esse idem quod *Principatus* secundum Dionysium. Nam hoc est primum in divinis ministeriis miracula facere: per hoc enim paratur via annuntiationi Archangelorum, & Angelorum.

ARTICULUS VII. 535

Utrum ordines remanebunt post diem iudicii.

II. dist. xi. quæst. 11. art. 6. & IV. dist. xlvii. quæst. 1. art. 2. quæst. 4. corp. & I. Cor. xv. lect. 3.

AD septimam sic proceditur. Videtur quod ordines non remanebunt post diem iudicii. Dicit enim Apostolus I. ad Corinthe. xv. 24. quod Christus *evacuabit omnem Principatum, & Potestatem, cum tradiderit regnum Deo, & Patri*: quod erit in ultima consummatione. Pari ergo ratione in illo statum omnes alii ordines evacuabuntur.

2. Præterea. Ad officium Angelorum pertinet purgare, illuminare, & perficere. Sed post diem iudicii unus Angelus non purgabit, aut illuminabit, aut perficiet alium, quia non proficiant amplius in scientia. Ergo frustra ordines angelici remanent.

3. Præterea. Apostolus dicit ad Heb. r. 14. de Angelis, quod *omnes sunt administratores spiritus, in ministerium missi propter eos qui hereditatem capiunt salutis*: ex quo patet quod officia Angelorum ordinantur ad hoc quod homines ad salutem adducantur. Sed omnes electi ulque ad diem iudicii salutem consequuntur. Non ergo post diem iudicii remanebunt officia, & ordines Angelorum.

Sed contra est quod dicitur Iudic. v. 10. *Stella manentes in ordine, & cursu suo*: quod exponitur de Angelis (in Gloss. interl.) Ergo Angeli semper in suis ordinibus remanebunt.

(a) A. principium.

Respondeo dicendum, quod in ordinibus angelicis duo possunt considerari, scilicet distinctio graduum, & executio officiorum. Distinctio autem graduum est in Angelis secundum differentiam gratiae, & naturae, ut supra dictum est (art. 4. huius quaest.) & utraque differentia semper in Angelis remanebit: non enim naturarum differentia ab eis auferri possent, nisi eis corruptis. Differentia etiam gloriae erit in eis semper secundum differentiam meriti praecedentis. Executio autem officiorum angelicorum aliquo modo remanebit post diem iudicii, & aliquo modo cessabit. Cessabit quidem, secundum quod eorum officia ordinantur ad perducendum aliquos ad finem; remanebit autem, secundum quod convenit in ultimum finis consecutione; sicut etiam alia sunt officia militarium ordinum in pugna, & in triumpho.

Ad primum ergo dicendum, quod Principatus, & Potestates evacuabuntur in illa finali consummatione quantum ad hoc quod alios ad finem perducant: quia consecuto iam fine, non est necessarium tendere in finem. Ex hac ratio intelligitur ex verbis Apostoli dicentis: *Cum tradideris regnum Deo, & Patri*, id est cum perduxerit fideles ad fruendum ipso Deo.

Ad secundum dicendum, quod actiones Angelorum super alios Angelos considerandae sunt secundum similitudinem actionum intelligibilium quae sunt in nobis. Inveniuntur autem in nobis multae intelligibiles actiones quae sunt ordinatae secundum ordinem causae, & causati; sicut cum per multa media gradatim in unam conclusionem devenimus. Manifestum est autem quod cognitio conclusionis dependet ex omnibus mediis praecedentibus non solum quantum ad novam acquisitionem scientiae, sed etiam quantum ad scientiae conservationem. Cuius signum est quod si quis oblivisceretur aliquod praecedentium mediolorum opinionem quidem, vel fidem de conclusione posset habere, sed non scientiam, ordine causarum ignorato. Sic igitur cum inferiores Angeli rationem divinarum operum cognoscant per lumen superiorum Angelorum, dependet eorum cognitio ex lumine superiorum non solum quantum ad novam acquisitionem scientiae, sed etiam quantum ad cognitionis conservationem. Licet ergo post iudicium non proficiant inferiores Angeli in cognitione aliquarum rerum, non tamen propter

hoc excluditur quin a superioribus illuminentur.

Ad tertium dicendum, quod etsi post diem iudicii homines non sint ulterius ad salutem adducendi per ministerium Angelorum; tamen illi qui iam salutem erunt consecuti, aliquam illustrationem habebunt per Angelorum officia.

ARTICULUS VIII. 536

Utrum homines assumantur ad ordines Angelorum.

II. dist. ix. art. 8.

AD octavum sic proceditur. Videtur quod homines non assumantur ad ordines Angelorum. Hierarchia enim humana continetur sub infima hierarchiarum caelestium, sicut infima sub media, & media sub prima. Sed Angeli infimae hierarchiae numquam transferentur in mediam, aut in primam. Ergo neque homines transferentur ad ordines Angelorum.

2. Praeterea. Ordinibus Angelorum aliqua officia competunt, utpote custodire, miracula facere, daemones arcere, & huiusmodi: quae non videntur convenire animabus sanctorum. Ergo non transferentur ad ordines Angelorum.

3. Praeterea. Sicut boni Angeli inducunt ad bonum, ita daemones inducunt ad malum. Sed erroneum est dicere, quod animae hominum malorum convertantur in daemones: hoc enim Chrysostomus reprobat super Matth. (hom. xxix. ante med.) Ergo non videtur quod animae sanctorum transferantur ad ordines Angelorum.

Sed contra est quod Dominus dicit Matth. xxii. 30. de sanctis, quod *erunt sicut Angeli Dei in caelo*.

Respondeo dicendum, quod, sicut supra dictum est (art. 4. huius quaest.) ordines Angelorum distinguuntur & secundum conditionem naturae, & secundum dona gratiae.

Si ergo considerentur Angelorum ordines solum quantum ad gradum naturae, sic homines nullo modo assumi possunt ad ordines Angelorum: quia semper remanebit naturarum distinctio.

Quam quidam considerantes posuerunt, quod nullo modo homines transferri possunt ad aequalitatem Angelorum, quod est erroneum: repugnat enim promissioni Christi dicentis Lucae xx. 36. *quod filii resurrectionis erunt aequales Angelis in caelis*.

Sc 3

S. Th. Oper. Tom. XX.

ratio. Illud enim quod est ex parte naturæ, se habet ut materiale in ratione ordinis; completivum vero est quod est dono gratiæ, quæ dependet ex liberalitate Dei, non ex ordine naturæ. Et ideo per donum gratiæ homines mereri possunt tantam gloriam, ut Angelis æquantur secundum singulos Angelorum gradus: quod est homines ad ordines Angelorum assumi.

Quidam tamen dicunt, quod ad ordines Angelorum non assumuntur omnes qui salvantur, sed soli virgines, vel perfecti; alii vero suum ordinem constituent, quasi condivisum toti societati Angelorum. Sed hoc est contra Augustinum, qui dicit XII. de civ. Dei (cap. 1. in princ.) quod non erunt due societates hominum, & Angelorum, sed una: quia omnium beatitudo est adhaerere uni Deo.

Ad primum ergo dicendum, quod gratia Angelis datur secundum proportionem naturalium. Non autem sic est de hominibus, ut supra dictum est (art. 4. huius quæst.) Et ideo sicut inferiores Angeli non possunt transferri ad naturalem gradum superiorum, ita nec ad gratuitum; homines vero possunt ad gratuitum conscendere, sed non ad naturalem.

Ad secundum dicendum, quod Angeli secundum naturæ ordinem mediū sunt inter nos, & Deum: & ideo secundum legem communem per eos administrantur non solum res humanæ, sed etiam omnia corporalia. Homines autem sancti etiam post hanc vitam sunt eiusdem naturæ nobiscum: unde secundum legem communem non administrant humanam, nec rebus vivorum interfunt, ut Augustinus dicit in Libro de cura pro mortuis agenda (cap. xvi. in princ.) Ex quadam tamen speciali dispensatione interdum aliquibus sanctis conceditur vel vivis, vel mortuis, huiusmodi officia exercere; vel miracula faciendo, vel demones arcendo, vel aliquid huiusmodi, sicut Augustinus in eodem Libro dicit (ibid.)

Ad tertium dicendum, quod homines ad poenam demonum transferri non est erroneum; sed quidam erronee posuerunt, demones nihil aliud esse quam animas delinctorum: & hoc Chrysostomus reprobat (loc. cit. in arg.)

QUAESTIO XIX.

De ordinariis malorum angelorum, in quatuor articulos divisa.

DEinde considerandum est de ordinatione malorum angelorum: & circa hoc quaeruntur quatuor.

Primo, utrum ordines sint in demonibus.

Secundo, utrum in eis sit prælatio.

Tertio, utrum unus illuminet alium.

Quarto, utrum subiciantur prælationibus bonorum Angelorum.

ARTICULUS I. 337

Utrum ordines sint in demonibus.

I. diff. vi. art. 4. & II. diff. xlvii. quæst. 1. art. 3. quæst. 4.

AD primum sic proceditur. Videtur quod ordines non sint in demonibus. Ordo enim pertinet ad rationem boni, sicut & modus, & species, ut Augustinus dicit in Lib. de natura boni (cap. iii.) & e contrario inordinatio pertinet ad rationem mali. Sed in bonis Angelis nihil est inordinatum. Ergo in malis angelis non sunt aliqui ordines.

1. Præterea. Ordines angelici sub aliqua hierarchia continentur. Sed demones non sunt sub aliqua hierarchia, quæ est *sacer principatus*, cum ab omni sanctitate sint vacui. Ergo in demonibus non sunt ordines.

3. Præterea. Demones de singulis ordinibus Angelorum ceciderunt, ut communiter dicitur. Si ergo aliqui demones dicuntur esse alicuius ordinis, quia de illo ordine ceciderunt, videtur quod deberent eis attribui nomina singulorum ordinum. Numquam autem invenitur quod dicantur *Seraphim*, vel *Throni*, vel *Dominationes*. Ergo pari ratione non sunt in aliis ordinibus.

Sed contra est quod Apostolus dicit ad Eph. ult. 12. *quod est nobis collustratio adversus principes, & potestates, adversus mundi rectores tenebrarum harum.*

Respondeo dicendum, quod, sicut iam dictum est (art. 4. & 8. præc. quæst.) ordo angelicus consideratur & secundum gradum naturæ, & secundum gradum gratiæ. Gratia vero habet duplicem statum; scilicet imperfectum, qui est status merendi; & perfectum, qui est status gloriæ consummatæ.

Si ergo considerentur ordines angelici quantum ad perfectionem gloriæ, sic dæmones neque sunt in ordinibus angelicis, neque umquam fuerunt; si autem considerentur quantum ad id quod est gratiæ imperfectæ, sic dæmones fuerunt quidem aliquando in ordinibus Angelorum, sed ab eis ceciderunt, secundum illud quod supra posuimus (quæst. lxxii. art. 3.) omnes Angelos sine gratia creatos fuisse. Si autem considerentur quantum ad id quod est naturæ, sic adhuc sunt in ordinibus: quia data naturalia non amiserunt, ut Dionysius dicit (cap. iv. de div. Nom. a med. lect. 19.)

Ad primum ergo dicendum, quod bonum potest inveniri sine malo; sed malum non potest inveniri sine bono, ut supra habitum est (quæst. lxx. art. 3.) & ideo dæmones, in quantum habent naturam bonam, ordinati sunt.

Ad secundum dicendum, quod ordinatio dæmonum si consideretur ex parte Dei ordinantis, est sacra, utitur enim dæmonibus propter seipsum; sed ex parte voluntatis dæmonum non est sacra, quia abutuntur sua natura ad malum.

Ad tertium dicendum, quod nomen *Seraphim* imponitur ab ardore caritatis; nomen autem *Thronorum* ab inhabitatione divina; nomen autem *Dominacionum* importat libertatem quamdam: quæ omnia opponuntur peccato: & ideo peccantibus angelis huiusmodi nomina non attribuantur.

ARTICULUS II. 337

Utrum in dæmonibus sit prælatio.

Sup. quæst. lxxiii. art. 2. & II. dist. vi. art. 4. & IV. dist. xlvii. art. 2. quæst. 4.

Ad secundum sic proceditur. Videtur quod in dæmonibus non sit prælatio. Omnis enim prælatio est secundum aliquem ordinem iustitiæ. Sed dæmones totaliter a iustitia ceciderunt. Ergo in eis non est prælatio.

2. Præterea. Ubi non est obedientia, & subiectio, non est prælatio. Hæc autem sine concordia esse non possunt; quæ in dæmonibus nulla est, secundum illud Proverb. xiiii. 10. *Inter superbos semper sunt iurgia.* Ergo in dæmonibus non est prælatio.

3. Præterea. Si in eis est aliqua prælatio, aut hoc pertinet ad eorum naturam, aut ad eorum culpam, vel poenam,

Sed non ad eorum naturam, quia subiectio, & servitus non est ex natura, sed est ex peccato subiectura; nec pertinet ad culpam, vel poenam, quia sic superiores dæmones, qui magis peccaverunt, inferioribus subdicerentur. Non ergo est prælatio in dæmonibus.

Sed contra est quod dicit Glossa (ordin. super illud, *Cum evacuaveris omnem principatum &c.*) I. Cor. 15. *Quandiu durat mundus, Angeli Angelis, bonis hominibus, & dæmones dæmonibus præfunt.*

Respondetur dicendum, quod cum actio sequatur naturam rei, quorumcumque naturæ sunt ordinatæ, oportet quod etiam actiones sub invicem ordinentur, sicut patet in rebus corporalibus. Quia enim inferiora corpora naturali ordine sunt infra corpora cælestia, actiones, & motus eorum subduntur actionibus, & motibus cælestium corporum. Manifestum est autem ex præmissis (ar. præc.) quod dæmonum quidam naturali ordine sub aliis constituuntur: unde & actiones eorum sub actionibus superiorum sunt; & hoc est quod rationem prælationis facit, ut scilicet actio subdigi subdatur actioni prælati. Sic igitur ipsa naturalis dispositio dæmonum requirit quod sit in eis prælatio. Convenit enim hoc divine sapientiæ, quæ nihil in universo inordinatum relinquit, quæ attingit a fine usque ad finem fortiter, & disponit omnia suaviter, ut dicitur Sapient. viii. 1.

Ad primum ergo dicendum, quod prælatio dæmonum non fundatur super eorum iustitia, sed super iustitia Dei cuncta ordinantis.

Ad secundum dicendum, quod concordia dæmonum, quæ quidam aliis obediunt, non est ex amicitia quam inter se habent, sed ex communi nequitia, quæ homines odiunt, & Dei iustitiæ repugnant. Est enim proprium hominum impiorum ut eis se adiungant, & subiciant, ad propriam nequitiam exequendam, quos potentiores viribus vident.

Ad tertium dicendum, quod dæmones non sunt æquales secundum naturam; unde in eis est naturalis prælatio: quod in hominibus non contingit, qui natura sunt pares. Quod autem superioribus inferiores subdantur, non est ad bonum superiorum, sed magis ad malum eorum: quia cum mala facere maxime ad miseriam pertineat, præfesse in malis est esse magis miserum.

ARTICULUS III. 339

Utrum in demonibus sit illuminatio.

AD tertium sic proceditur. Videtur quod in demonibus sit illuminatio. Illuminatio enim consistit in manifestatione veritatis. Sed unus demon potest alteri veritatem manifestare, quia superiores magis acumine naturalis scientie vigent. Ergo superiores demones possunt inferiores illuminare.

2. Præterea. Corpus quod superabundat lumine, potest illuminare corpus quod in lumine deficit, sicut Sol Lunam. Sed superiores demones magis abundant in participatione luminis naturalis. Ergo videtur quod superiores demones possunt inferiores illuminare.

Sed contra. Illuminatio cum purgatione est, & perfectione, ut supra dictum est (quæst. cxi. art. 1. in arg. Sed em. & art. 2. ad 1.) Sed purgare non convenit demonibus, secundum illud Eccli. xxxiv. 4. *Ab immundo quid mundabitur?* Ergo etiam neque illuminare.

Respondendo dicendum, quod in demonibus non potest esse illuminatio proprie. Dictum est enim supra (quæst. cxi. art. 1.) quod illuminatio proprie est manifestatio veritatis, secundum quod habet ordinem ad Deum, qui illuminat omnem intellectum. Alia autem manifestatio veritatis potest esse locutio, sicut cum unus Angelus alteri suum conceptum manifestat. Perverfissus autem demonum hoc habet quod unus alium non intendit ordinare ad Deum, sed magis ab ordine divino abducere: & ideo unus demon alium non illuminat; sed unus alii suum conceptum per modum locutionis intimare potest.

Ad primum ergo dicendum, quod non quælibet veritatis manifestatio habet rationem illuminationis, sed solum quæ dicta est (in corp. art.)

Ad secundum dicendum, quod secundum ea quæ ad naturalem cognitionem pertinent, non est necessaria manifestatio veritatis neque in Angelis, neque in demonibus: quia, sicut supra dictum est (quæst. lv. art. 2. & lxxii. art. 1.) statim a principio suæ conditionis omnia cognoverunt quæ ad naturalem cognitionem pertinent. Et ideo maior plenitudo naturalis luminis, quæ est in superioribus demonibus, non potest esse ratio illuminationis.

ARTICULUS IV. 340

Utrum boni Angeli habeant prælationem super malos.

AD quartum sic proceditur. Videtur quod boni Angeli non habeant prælationem super malos. Prælatio enim Angelorum præcipue attenditur secundum illuminationes. Sed mali angeli, cum sint tenebræ, non illuminantur a bonis. Ergo boni Angeli non sunt prælati super malos.

2. Præterea. Ad negligentiam prædictis pertinere videntur ea quæ per subditos male fiunt. Sed demones multa mala faciunt. Si igitur subiunt prælationibus bonorum Angelorum, videtur in Angelis bonis esse aliqua negligentia: quod est inconveniens.

3. Præterea. Prælatio Angelorum sequitur naturæ ordinem, ut supra dictum est (art. 1. huius quæst.). Sed si demones de singulis ordinibus ceciderunt, ut communiter dicitur, multi demones multis bonis Angelis sunt superiores ordine naturæ. Non ergo boni Angeli prælationem habent super omnes malos.

Sed contra est quod Augustinus dicit III. de Trinit. (cap. iv. a princ.) quod *spiritus vite deservit, atque peccator regitur per spiritum vite rationalem, piwm, & iustum*; & Gregorius dicit (hom. xxxiv. in Ev. circ. med.) quod *Potestates sunt Angeli quorum ditioni virtutes adversæ subiectæ sunt*.

Respondendo dicendum, quod totus ordoprælationis primo, & originaliter est in Deo; & participatur a creaturis, secundum quod Deo magis appropinquatur. Illæ enim creaturæ super alias influentiam habent quæ sunt perfectiores, & Deo propinquiores. Maxima autem perfectio, & per quam maxime Deo appropinquatur, est creaturarum fruendum Deo, sicut sunt sancti Angeli: quæ perfectione demones privantur: & ideo boni Angeli super malos prælationem habent, & hi per eos reguntur.

Ad primum ergo dicendum, quod per sanctos Angelos multa de divinis mysteriis demonibus revelantur, cum divina iustitia exigit ut per demones aliquando vel ad punitionem malorum, vel ad exercitationem bonorum, sicut in rebus humanis assessores iudicis revelant tortoribus eius sententiam. Huiusmodi autem revelationes, si ad Angelos reve-

la-

lantes comparentur, illuminationes sunt, quia ordinant eas ad Deum; ex parte vero dæmonum non sunt illuminationes, quia eas in Deum non ordinant, sed ad expletionem propriæ iniquitatis.

Ad secundum dicendum, quod sancti Angeli sunt ministri divinæ sapientiæ. Unde sicut divina sapientia permittit aliqua mala fieri per malos angelos, vel homines, propter bona quæ ex eis elicit; ita & boni Angeli non totaliter cohibent malos a nocendo.

Ad tertium dicendum, quod Angelus qui est inferior ordine naturæ, præest dæmonibus, quamvis superioribus ordine naturæ: quia virtus divinæ iustitiæ, cui inhærent boni Angeli, potior est quam virtus naturalis Angelorum. Unde & apud homines *spiritualis iudicat omnia*, ut dicitur I. ad Cor. 11. 15. & Philosophus dicit in Lib. III. Ethicor. (cap. IV.) quod *virtuosus est regala, & mensura omnium humanarum actuum*.

QUAESTIO CX.

De præsentia Angelorum super creaturam corporealem, in quatuor articulis divisa.

DEinde considerandum est de præsentia Angelorum super creaturam corporealem: & circa hoc quaeruntur quatuor.

Primo, utrum creatura corporalis administratur per Angelos.

Secundo, utrum creatura corporalis obediatur Angelis ad nutum.

Tertio, utrum Angeli sua virtute possint immediate movere corpora localiter.

Quarto, utrum Angeli boni, vel mali possint facere miracula.

ARTICULUS I. 541

Utrum creatura corporalis administratur per Angelos.

II. dist. XIV. art. 3. & III. cont. cap. LXXVIII. & LXXVIII. & VII. quæst. V. art. 8. & opusc. II. cap. CXXV. & opusc. X. art. 1. usque ad 15. & opusc. XX.

Ad primum sic proceditur. Videtur quod creatura corporalis non administratur per Angelos. Res enim quæ habent determinatum modum operandi, non indigent gubernari ab aliquo præsentante: ideo enim indigemus gubernari ne aliter operemur quam oporteat. Sed

res corporales habent determinatas actiones ex naturis sibi divinitus datis. Non ergo indigent gubernatione Angelorum.

2. Præterea. Inferiora in entibus gubernantur per superiora. Sed in corporibus quædam dicuntur inferiora, quædam superiora. Inferiora igitur gubernantur per superiora. Non ergo est necessarium quod gubernentur per Angelos.

3. Præterea. Diversi ordines Angelorum distinguuntur secundum diversâ officia. Sed si creaturæ corporales administrantur per Angelos, tot erunt officia Angelorum, quot sunt species rerum. Ergo etiam tot erunt ordines Angelorum, quot sunt species rerum: quod est contra supra dicta (quæst. CVIII, art. 2. & 6.) Non ergo corporalis creatura administratur per Angelos.

Sed contra est quod Augustinus dicit III. de Trinit. (cap. IV.) quod *omnia corpora reguntur per spiritum vite rationalem*: & Gregorius dicit in IV. Dial. (cap. V.) quod *in hoc mundo visibilibus nihil nisi per creaturam invisibilem disponi potest*.

Respondendo dicendum, quod tam in rebus humanis, quam in rebus naturalibus hoc communiter invenitur quod potestas particularis gubernatur, & regitur a potestate universali, sicut potestas ballivi gubernatur a potestate Regis. Et in Angelis etiam est dictum (quæst. IV. art. 3. & quæst. CVIII, art. 1.) quod superiores Angeli qui præsent inferioribus, habent scientiam magis universalem. Manifestum est autem quod virtus cuiuslibet corporis est magis particularis quam virtus spiritualis substantiæ: nam omnis forma corporalis est forma individua per materiam, & determinata ad hic & nunc; formæ autem immateriales sunt absolutæ, & intelligibiles. Et ideo sicut inferiores Angeli, qui habent formas minus universales, reguntur per superiores; ita omnia corporalia reguntur per Angelos. Et hoc non solum a sanctis Doctoribus ponitur, sed etiam ab omnibus Philosophis qui incorporeas substantias posuerunt.

Ad primum ergo dicendum, quod res corporales habent determinatas actiones; sed has actiones non exercent, nisi secundum quod moventur: quia proprium corporis est quod non agat nisi per motum. Et ideo oportet quod creatura corporalis a spirituali moveatur.

Ad secundum dicendum, quod ratio ista procedit secundum opinionem Aristotelis (III. Met. tex. 44.) qui posuit quod

quod corpora caelestia moventur a substantiis spiritualibus; quarum numerum conatus fuit assignare secundum numerum motuum qui apparent in corporibus caelestibus. Sed non posuit, quod essent aliquae substantiae spirituales quae haberent immediatam praesidentiam supra inferiora corpora, nisi forte animas humanas: & hoc ideo quia non consideravit aliquas operationes in inferioribus corporibus exerceri nisi naturales, ad quas sufficerebatur motus corporum caelestium. Sed quia nos ponimus, multa in corporibus inferioribus fieri praeter naturales actiones corporum, ad quas non sufficiunt virtutes caelestium corporum; ideo secundum nos necesse est ponere, quod Angeli habeant immediatam praesidentiam non solum supra caelestia corpora, sed etiam supra corpora inferiora.

Ad tertium dicendum, quod de substantiis immaterialibus diversimode Philosophi sunt locuti. Plato enim posuit, substantias immateriales esse rationes, & species sensibilibus corporum, & quasdam aliis universales: & ideo posuit, substantias immateriales habere praesidentiam immediatam circa omnia sensibilia corpora, & diversas circa diversa. Aristoteles autem posuit (XII. Metaph. tex. 43.) quod substantiae immateriales non sunt species corporum sensibilibus, sed aliquid altius, & universalius: & ideo non attribuit eis immediatam praesidentiam supra singula corpora, sed solum supra universalis agentia, quae sunt corpora caelestia. Avicenna vero mediam viam secutus est. Posuit enim cum Platone aliquam substantiam spirituales praesidentem immediate sphaerae activorum, & passivorum, eo quod sicut Plato ponebat, quod formarum sensibilibus derivantur a substantiis immaterialibus, ita etiam Avicenna hoc posuit. Sed in hoc a Platone differt, quod posuit unam tantum substantiam immaterialem praesidentem omnibus corporibus inferioribus, quam vocavit *intelligentiam agentem*. Doctores autem sancti posuerunt, sicut Platonici, diversas rebus corporeis substantias spirituales esse praepositas. Dicit enim Augustinus in Lib. lxxxiii. Qq. (quaest. lxxix. in prin.) *Unaqueque res visibilis in hoc mundo habet angelicam potestatem sibi praepositam: & Damascenus dicit (Lib. II. or. Fid. cap. iv.) Diabolus erat ex his angelicis virtutibus quae praerant terrestri ordini: & Origenes dicit super illud Num. x. xxi. Cum vidisset asina*

Angelum, quod opus est mundo Angelis, qui praesunt super bestias, & praesunt animalium navitatibus, & virgultorum, & plantarum, & ceterarum rerum incrementis. Sed hoc non est ponendum propter hoc quod secundum suam naturam unus Angelus magis se habeat ad praesidentem animalibus quam plantis: quia quilibet Angelus, etiam minimus, habet altiores virtutem, & universaliorem quam aliquod genus corporalium; sed ex ordine divinae sapientiae, quae diversis rebus diversos rectores praeposuit. Nec tamen propter hoc sequitur quod sint plures ordines Angelorum quam novem: quia, sicut supra dictum est (quaest. cviii. ar. 6.) ordines distinguuntur secundum generalia officia. Unde sicut secundum Gregorium (hom. xxxiv. in Evang. a med.) ad ordinem *Potestatum* pertinent omnes Angeli qui habent proprie praesidentiam super daemones; ita ad ordinem *Virtutum* pertinere videntur omnes Angeli qui habent praesidentiam super res pure corporeas: horum enim ministerio interdum etiam miracula fiunt.

ARTICULUS II. 542

Utrum materia corporalis obediat Angelis ad nutum.

1. 2. quaest. lxxx. art. 2. cor. & III. cont. cap. ciii. & per. quaest. vi. art. 3. & mal. quaest. xvi. art. 9. & 10. & quod. ix. art. 10.

AD secundum sic proceditur. Videtur quod materia corporalis obediat Angelis ad nutum. Maior est enim virtus Angeli quam virtus animae. Sed conceptioni animae obedit materia corporalis: immutatur enim corpus hominis ex conceptione animae ad calorem, & frigus, & quandoque usque ad senectutem, & aegritudinem. Ergo multo magis secundum conceptionem Angeli materia corporalis transmutatur.

2. Praeterea. Quicquid potest virtus inferior, potest virtus superior. Sed virtus Angeli est superior quam virtus corporalis: corpus autem sua virtute potest transmutare materiam corporalem ad formam aliquam, sicut patet: cum ignis generat ignem. Ergo multo fortius virtute sua Angeli possunt materiam corporealem transmutare ad aliquam formam.

3. Praeterea. Totam naturam corporalem administratur per Angelos, ut dictum est (1. ar. praec.) & sic videtur quod corpora se habent ad Angelos sicut instrumenta.

ta: nam ratio instrumenti est, quod sit movens motum. Sed in effectibus aliquid invenitur ex virtute principalium agentium quod non potest esse per virtutem instrumenti; & hoc est id quod est principaliter in effectu; sicut digestio nutrimenti est per virtutem caloris naturalis, qui est instrumentum animæ nutritivæ; sed quod generetur caro viva, est ex virtute animæ; similiter quod tecetur lignum, pertinet ad ferram, sed quod perveniatur ad formam lectionis, est ex virtute artificis. Ergo forma substantialis, quæ est principaliter in effectibus corporalibus, est ex virtute Angelorum. Materia ergo obedit ad sui informationem Angelis.

Sed contra est quod Augustinus dicit III. de Trinit. (cap. viii. in princ.) *Non est putandum, istis transgressoribus angelis ad nutum servire hanc obsequium veram materiam, sed soli Deo.*

Respondetur dicendum, quod Platonici poluerunt, formas quæ sunt in materia, causari ex immaterialibus formis, quia formas materiales ponebant esse participationes quidam immaterialium formarum. Et hoc quantum ad aliquid secutus est Avicenna, qui posuit, omnes formas quæ sunt in materia, procedere a conceptione intelligentiæ; & quod agentia corporalia sunt solum disponentia ad formas.

Qui in hoc videntur fuisse decepti, quia existimaverunt formam quasi aliquid per se factum, ut sic ab aliquo formali principio procederet. Sed, sicut Philosophus probat in VII. Met. (text. 27.) hoc quod proprie sit, est compositum. Hoc enim proprie est quasi subsistens; forma autem non dicitur ens, quasi ipsa sit, sed sicut quo aliquid est: & sic per consequens nec forma proprie sit: eius enim est fieri, cuius est esse, cum fieri nihil aliud sit quam vis in esse. Manifestum est autem quod factum est simile facienti, quia omne agens agit sibi simile. Et ideo id quod facit res naturales, habet similitudinem cum composito, vel quia est compositum, sicut ignis generat ignem; vel quia totum compositum & quantum ad materiam, & quantum ad formam est in virtute ipsius, quod est proprium Dei. Sic igitur omnis informatio materiæ vel est a Deo immediate, vel ab aliquo agente corporali, non autem immediate ab Angelo.

Ad primum ergo dicendum, quod anima nostra unitur corpori ut forma; &

sic non est mirum, si formaliter transmutatur ex conceptione ipsius; præsertim cum motus sensitivi appetitus, qui sit cum quadam transmutatione corporali, subdatur imperio rationis, Angelus autem non sic se habet ad corpora naturalia: unde ratio non sequitur.

Ad secundum dicendum, quod id quod potest virtus inferior, potest superior, non eodem, sed excellentiori modo; sicut intellectus cognoscit sensibilia excellentiori modo quam sensus. Et sic Angelus excellentiori modo transmutat materiam corporalem quam agentia corporalia, scilicet movendo ipsa agentia corporalia tamquam causa superior.

Ad tertium dicendum, quod nihil prohibet ex virtute Angelorum aliquos effectus sequi in rebus naturalibus ad quos agentia corporalia non sufficerent. Sed hoc non est Angelo obedire materiam ad nutum (sicut nec coquis obedit materia ad nutum, quia aliquem modum decoctionis operantur per ignem secundum aliquam artis moderationem, quam ignis per se non faceret) cum reducere materiam in actum formæ substantialis non excedat virtutem corporalis agentis: quia simile natum est sibi simile facere.

ARTICULUS III. 543

Utrum corpora obediunt Angelis ad motum localem.

Locis sup. art. 2. notatis.

AD tertium sic proceditur. Videtur quod corpora non obediunt Angelis ad motum localem. Motus enim localis corporum naturalium sequitur formas eorum. Sed Angeli non causant formas corporum naturalium, ut dictum est (ar. præc. & quæst. lxx. art. 4.) Ergo neque possunt causare in eis motum localem.

2. Præterea. In VIII. Phys. (a text. 54. usque ad 60.) probatur, quod motus localis est primus motuum. Sed Angeli non possunt causare alios motus, transmutando materiam formaliter. Ergo neque etiam possunt causare motum localem.

3. Præterea. Membra corporalia obediunt conceptioni animæ ad motum localem, in quantum habent in seipsis aliquid principium vitæ. In corporibus autem naturalibus non est aliquid principium vitæ. Ergo non obediunt Angelis ad motum localem.

Sed contra est quod Augustinus dicit III.

III. de Trinit. (cap. viii. & ix.) quod *Angeli adhibent semina corporalia ad aliquos effectus producendos*. Sed hoc non possunt facere nisi localiter movendo. Ergo corpora obediunt eis ad motum localem.

Respondeo dicendum, quod, sicut Dionysius dicit vii. cap. de div. Nom. (lect. 1.) *divina sapientia consumgit fines primorum principii secundorum*. Ex quo patet quod natura inferior in sui supremo attingitur a natura superiori. Natura autem corporalis est infra naturam spirituales. Inter omnes autem motus corporeos perfectior est motus localis, ut probatur in VIII. Physic. (text. 57.) Cuius ratio est, quia mobile secundum locum non est in potentia ad aliquid intrinsecum, inquantum huiusmodi, sed solum ad aliquid extrinsecum, scilicet ad locum. Et ideo natura corporalis nata est moveri immediate a natura spirituali secundum locum. Unde & Philosophi posuerunt, suprema corpora moveri localiter a spiritualibus substantiis: unde videmus quod anima movet corpus primo, & principaliter locali motu.

Ad primum ergo dicendum, quod in corporibus sunt alii motus locales præter eos qui consequuntur formas; sicut fluxus, & refluxus maris non consequitur formam substantialem aquæ, sed virtutem Lunæ: & multo magis aliqui motus locales consequi possunt virtutem spiritualium substantiarum.

Ad secundum dicendum, quod Angeli causando motum localem, tamquam priorem, per eum causare possunt alios motus, adhibendo scilicet agentia corporalia ad huiusmodi effectus producendos, sicut faber adhibet ignem ad emollicinam ferri.

Ad tertium dicendum, quod Angeli habent virtutem minus contractam quam animæ. Unde virtus motiva animæ contrahitur ad corpus unitum, quod per eam vivificatur; quo mediante alia potest movere. Sed virtus Angeli non est contracta ad aliquod corpus: unde potest corpora non coniuncta localiter movere.

ARTICULUS IV. 544

Utrum Angeli possint facere miracula.

2. 2. quæst. cxxxviii. art. 5. & III. con. cap. cii. & ciii. & po. quæst. vii. art. 3. & 4. & mal. quæst. xvi. art. 9. & opus. 11. cap. cxxxviii. & opus. xi. art. 5. usque ad 19.

AD quartum sic proceditur. Videtur quod Angeli possint facere miracula. Dicit enim Gregorius (hom. xxxiv. in Evang. circ. med.) *Virtutes vocantur illi spiritus per quos signa, & miracula sequentius fiunt*.

2. Præterea. Augustinus dicit in Lib. lxxxiii. Q. (quæst. lxxxix. a med.) quod *magi faciunt miracula per privatos contractus; boni Christiani per publicam iustitiam; mali Christiani per signa publica iustitiam*. Sed *magi faciunt miracula per hoc quod exaudiuntur a demonibus*, ut ipse alibi in eodem Lib. dicit (ibid.) Ergo demones miracula possunt facere. Ergo multo magis Angeli boni.

3. Præterea. Augustinus in eod. Lib. (loc. cit.) dicit, quod *omnia quæ visibiliter fiunt, etiam per inferiores potestates aeris huius non absurde fieri posse creduntur*. Sed quando effectus aliquis naturalium causarum proficitur abique ordine naturalis causæ, hoc dicimus esse miraculum, puta cum aliquis sanatur a febre non per operationem naturæ. Ergo Angeli, & demones possunt facere miracula.

4. Præterea. Virtus superior non subditur ordini inferioris causæ. Sed natura corporalis est inferior Angelo. Ergo Angelus potest operari præter ordinem corporalium agentium: quod est miracula facere.

Sed contra est quod de Deo dicitur in Psalm. cxxxv. 4. *Qui facit mirabilia magna solus*.

Respondeo dicendum, quod miraculum proprie dicitur, cum aliquid sit præter ordinem naturæ. Sed non sufficit ad rationem miraculi, si aliquid fiat præter ordinem naturæ alicuius particularis: quia sic cum aliquis proiecit lapidem sursum, miraculum faceret, cum hoc sit præter ordinem naturæ lapidis. Ex hoc ergo aliquid dicitur esse miraculum, quod sit præter ordinem totius naturæ creatæ. Hoc autem non potest facere nisi Deus: quia quicquid facit Angelus, vel quæcumque alia creatura propria virtute, hoc fit secundum ordinem naturæ creatæ; & sic non est miraculum.

Un-

Unde relinquitur quod solus Deus miracula facere possit.

Ad primum ergo dicendum, quod Angeli aliqui dicuntur miracula facere; vel quia ad eorum desiderium Deus miracula facit, sicut & sancti homines dicuntur miracula facere; vel quia aliquod ministerium exhibent in miraculis quae fiunt, sicut colligendo pulveres in resurrectione communi, vel huiusmodi aliquid agendo.

Ad secundum dicendum, quod miracula simpliciter loquendo dicuntur, ut dictum est (in corp. art.) cum aliqua fiunt praeter ordinem totius naturae creatae. Sed quia non omnis virtus naturae creatae est nota nobis, ideo cum aliquid fit praeter ordinem naturae creatae nobis notae per virtutem creatam nobis ignotam, est miraculum quoad nos. Sic igitur cum daemones aliquid faciunt sua virtute naturali, miracula dicuntur non simpliciter, sed quoad nos. Et hoc modo magi per daemones miracula faciunt: & dicuntur fieri per privatum contractum, quia quilibet virtus creaturae in universo se habet ut virtus alicuius privatae personae in civitate. Unde cum magus aliquid facit per pactum initum cum daemone, hoc fit quasi per quemdam privatum contractum. Sed iustitia divina est in toto universo sicut lex publica in civitate. Et ideo boni Christiani, in quantum per iustitiam divinam miracula faciunt, dicuntur facere miracula per publicam iustitiam; mali autem Christiani per signa publica iustitiae, sicut invocando nomen Christi, vel exhibendo aliqua sacramenta.

Ad tertium dicendum, quod spirituales potestates possunt facere ea quae visibiliter fiunt in hoc mundo, adhibendo corporalia semina per motum localem.

Ad quartum dicendum, quod licet Angeli possint aliquid facere praeter ordinem naturae corporalis; non tamen possunt aliquid facere praeter ordinem totius creaturae: quod exigitur ad rationem miraculi, ut dictum est (in corp. art.)

QUAESTIO CXI.

De actione Angelorum in homines, in quatuor articulos divisa.

DEinde considerandum est de actione Angelorum in homines: & primo

queritur, utrum possint eos immutare sua virtute naturali; secundo, quomodo mittantur a Deo in ministerium hominum; tertio, quomodo custodiant homines.

Circa primum quaerantur quatuor.

Primo, utrum Angelus possit illuminare intellectum hominis.

Secundo, utrum possit immutare affectum eius.

Tertio, utrum possit immutare imaginationem eius.

Quarto, utrum possit immutare sensum eius.

ARTICULUS I. 345

Utrum Angelus possit illuminare hominem.

1. 2. *quest. cxii. art. 2. ad 2. & II. diff. xviii. quest. II. art. 2. ad 3. 4. & 5. & III. cont. cap. lxxxii. & ver. quest. xi. art. 1. & quod. ix. quest. iv. art. 5. corp.*

AD primum sic proceditur. Videtur quod Angelus non possit illuminare hominem. Homo enim illuminatur per fidem: unde Dionysius in eccles. Hierarc. (cap. ii.) illuminationem attribuit baptismo, qui est fidei sacramentum. Sed fides immediate est a Deo, secundum illud ad Ephes. ii. 8. *Gratia estis salvati per fidem, & non ex vobis: Dei enim donum est.* Ergo homo non illuminatur ab Angelo, sed immediate a Deo.

2. Praeterea. Super illud Roman. i. *Deus illis manifestavit*, dicit Glossa (ordin.) quod „non solum ratio naturalis, ad hoc profuit ut divina hominibus, manifestarentur; sed Deus illis revelavit per opus suum, scilicet per creaturam. Sed utrumque est a Deo immediate, scilicet ratio naturalis, & creatura. Ergo Deus immediate illuminat hominem.

3. Praeterea. Quicumque illuminatur, cognoscit suam illuminationem. Sed homines non percipiunt se ab Angelis illuminari. Ergo non illuminantur ab eis.

Sed contra est quod Dionysius probat in iv. cap. cxi. Hierarc. quod revelationes divinarum perveniunt ad homines mediis Angelis, ut supra dictum est (quest. cxviii. art. 6.) Huiusmodi autem revelationes sunt illuminationes, ut supra dictum est (quest. cvi. art. 1. & quest. cxviii.

CVIII. art. 1.) Ergo homines illuminantur per Angelos.

Respondeo dicendum, quod cum divinae providentiae ordo habeat ut actionibus superiorum inferiora subdantur, ut supra dictum est (art. 1. quæst. præc.) sicut inferiores Angeli illuminantur per superiores; ita homines, qui sunt Angeli inferiores, per eos illuminantur.

Sed modus utriusque illuminationis quodammodo est similis, & quodammodo diversus. Dictum est enim supra (quæst. CVI. art. 1.) quod illuminatio quæ est manifestatio divinæ veritatis, secundum duo attenditur; scilicet secundum quod intellectus inferior confortatur per actionem intellectus superioris; & secundum quod proponuntur intellectui inferiori species intelligibiles quæ sunt in superiori, ut capi possint ab inferiori. Et hoc quidem in Angelis fit, secundum quod superior Angelus veritatem universalem conceptam dividit secundum capacitatem inferioris Angeli, ut supra dictum est (quæst. CVI. art. 1.) Sed intellectus humanus non potest ipsam intelligibilem veritatem nudam capere: quia connaturale est ei ut intelligat per conversionem ad phantasmata, ut supra dictum est (quæst. lxxxiv. art. 7.) Et ideo intelligibilem veritatem proponunt Angeli hominibus sub similitudinibus sensibilibus, secundum illud quod dicit Dionysius I. cap. cæli. Hier. quod impossibile est aliter nobis lucere divinum radium, nisi varietate sacrorum velaminum circumvelatum. Ex alia vero parte intellectus humanus, tamquam inferior, fortificatur per actionem intellectus angelici. Et secundum hæc duo attenditur illuminatio qua homo illuminatur ab Angelo.

Ad primum ergo dicendum, quod ad fidem duo concurrunt. Primo quidem habitus intellectus, quo disponitur ad obediendum voluntati tendenti in divinam veritatem. Intellectus enim assentit veritati fidei, non quasi convictus ratione, sed quia imperatur a voluntate. Nullus enim credit nisi volens, ut Augustinus dicit (tract. xxvi. in Ioan. a princ.) Et quantum ad hoc fides est a solo Deo. Secundo requiritur ad fidem quod credibilia proponantur credenti: & hoc quidem fit per hominem, secundum quod fides est ex auditu, ut dicitur Rom. x. 17. sed per Angelos principaliter, per quos hominibus revelantur divina. Unde Angeli operantur aiquid ad illuminationem fidei: & tamen homines il-

luminantur ab Angelis non solum decedendis, sed etiam de agendis.

Ad secundum dicendum, quod ratio naturalis, quæ est immediate a Deo, potest per Angelum confortari, ut dictum est (quæst. CVI. art. 1.) & similiter ex speciebus a creaturis acceptis tanto altior elicitur intelligibilis veritas, quanto intellectus humanus fuerit fortior. Et sic per Angelum adiuvatur homo, ut ex creaturis perfectiorem in divinam cognitionem deveniat.

Ad tertium dicendum, quod operatio intellectualis, & illuminatio dupliciter possunt considerari. Uno modo ex parte rei intellectæ; & sic quicumque intelligit, vel illuminatur, cognoscit se intelligere, vel illuminari, quia cognoscit rem sibi esse manifestam. Alio modo ex parte principii; & sic non quicumque intelligit aliquam veritatem, cognoscit quid sit intellectus, qui est principium intellectualis operationis. Et similiter non quicumque illuminatur ab Angelo, cognoscit se ab Angelo illuminati.

ARTICULUS II. 546

Utrum Angeli possint immutare voluntatem hominis.

1. 2. quæst. lxxv. art. 3. & II. dist. VIII. art. 5. corp. & III. con. cap. lxxviii. xci. & xcii. & ver. quæst. xxii. art. 9. & mal. quæst. xvi. art. 11.

AD secundum sic proceditur. Videtur quod Angeli possint immutare voluntatem hominis. Quia super illud Hebr. 1. 7. *Qui facit Angelos suos spiritus, & ministros suos flammam ignis*, dicit Glossa (ordin.) quod „ignis sunt, dum spirita servent, & vitia nostra urunt.“ Sed hoc non esset, nisi voluntatem immutarent. Ergo Angeli possunt immutare voluntatem.

2. Præterea. Beda dicit (super illud Math. xv. *Quæ procedunt de ore &c.*) quod *diabolus non est immisor malorum cogitationum, sed incensor*. Damascenus autem ulterius dicit, quod *etiam est immisor*. Dicit enim in II. Lib. (orth. Fid. cap. 19.) quod *omnis malitia, & immunda passiones ex demonibus excogitatur sunt, & immittunt homini sunt concessi*: & pari ratione Angeli boni immittunt, & incendunt bonas cogitationes. Sed hoc non possent facere, nisi immutarent voluntatem. Ergo immutant voluntatem.

3. Præterea. Angeli, sicut est dictum (art.

art. præc.) illuminat intellectum hominis mediatis phantasmatis. Sed sicut phantasia, quæ deservit intellectui, potest immutari ab Angelo; ita & appetitus sensitivus, qui deservit voluntati: quia ipse etiam est vis utens organo corporali. Ergo sicut illuminat intellectum, ita potest immutare voluntatem.

Sed contra est quod immutare voluntatem est proprium Dei, secundum illud Prov. xxi, 1. *Cor Regis in manu Domini; quocumque voluerit, vertet illud.*

Respondeo dicendum, quod voluntas potest immutari dupliciter. Uno modo ab interiori; & sic cum motus voluntatis non sit aliud quam inclinatio voluntatis in rem volitam, solius Dei est sic immutare voluntatem, qui dat naturæ intellectuali virtutem talis inclinationis. Sicut enim inclinatio naturalis non est nisi ab eo qui dat naturam; ita inclinatio voluntaria non est nisi a Deo, qui causat voluntatem.

Alio modo movetur voluntas ab exteriori; & hoc in Angelo est uno modo tantum, scilicet a bono appenso per intellectum: unde secundum quod aliquis est causa quod aliquid apprehendatur ut bonum ad appetendum, secundum hoc movet voluntatem. Et sic solus Deus efficaciter potest movere voluntatem; Angelus autem, & homo per modum suadentis, ut supra dictum est (quæst. cvi. art. 2.)

Sed præter hunc modum etiam aliter movetur in hominibus voluntas ab exteriori, scilicet ex passione existente circa appetitum sensitivum, sicut ex concupiscentia, vel ira inclinatur voluntas ad aliquid volendum. Et sic etiam Angeli, in quantum possunt concitare huiusmodi passiones, possunt voluntatem movere, non tamen ex necessitate: quia voluntas semper remanet libera ad consentiendum, vel resistendum passioni.

Ad primum ergo dicendum, quod ministri Dei (vel homines, vel Angeli) dicuntur urere vitia, & inflammare ad virtutes per modum persuasionis.

Ad secundum dicendum, quod demones non possunt immittere cogitationes, interius eas causando, cum ulus cogitative virtutis subiacet voluntati; dicitur tamen diabolus *incensor cogitationum*, in quantum incitat ad cogitandum, vel ad appetendum cogitata per modum suadentis, vel passionem concitantis. Et hoc ipsum *incendere* Damascenus vocat

immittere, quia talis operatio interius fit. Sed bonæ cogitationes attribuantur altiori principio, scilicet Deo, licet Angelorum ministerio procurentur.

Ad tertium dicendum, quod intellectus humanus secundum præsentem statum non potest intelligere nisi convertendo se ad phantasmata; sed voluntas humana potest aliquid velle ex iudicio rationis, non sequendo passionem appetitus sensitivi. Unde non est simile.

ARTICULUS III. 547

Utrum Angelus possit immutare imaginationem hominis.

II. dist. VIII. art. 3. corp. & ver. quæst. XI. art. 3. & quæst. XII. art. 8. & mal. quæst. XVI. art. 11.

AD tertium sic proceditur. Videtur quod Angelus non possit immutare imaginationem hominis. Phantasia enim, ut dicitur in Lib. II. de Anima (tex. 161.) *est motus factus a sensu secundum actum.* Sed si fieret per immutationem Angeli, non fieret a sensu secundum actum. Ergo est contra rationem phantasie, quæ est actus imaginativæ virtutis, ut sit per immutationem Angeli.

2. Præterea. Formæ eæ sunt in imaginatione, cum sint spirituales, sunt nobiliores formis quæ sunt in materia sensibili. Sed Angelis non potest imprimere formas in materia sensibili, ut dictum est (quæst. præc. art. 2.) Ergo non potest imprimere formas in imaginatione; & ita non potest eam immutare.

3. Præterea. Augustinus dicit XII. super Genes. ad lit. (cap. XII. in fin.) *Commixtio alterius spiritus fieri potest ut ea quæ ipse scit, per huiusmodi imagines, ei cui miscetur, ostendat, sive intelligenti, sive ut ut ab alio intellectu pendamus.* Sed non videtur quod Angelus possit misceri imaginationi humanæ, neque quod imaginatio possit capere intelligibilia quæ Angelus cognoscit. Ergo videtur quod Angelus non possit immutare imaginationem.

4. Præterea. In visione imaginaria homo adhæret similitudinibus rerum quasi ipsis rebus. Sed in hoc est quædam deceptio. Cum ergo Angelus bonus non possit esse causa deceptionis, videtur quod non possit causare imaginariam visionem, imaginationem immutando.

Sed contra est quod ea quæ apparent in somnis, videntur imaginaria

ria visione. Sed Angeli revelant aliquam in somnis, ut patet Matth. 1. & 11. de Angelo qui Ioseph in somnis apparuit. Ergo Angelus potest imaginationem movere.

Respondeo dicendum, quod Angelus tam bonus, quam malus virtute naturæ suæ potest movere imaginationem hominis. Quod quidem sic considerari potest. Dictum est enim supra (quæst. præc. art. 3.) quod natura corporalis obedit Angelo ad motum localem. Illa ergo quæ ex motu locali aliorum corporum possunt causari, subsunt virtuti naturali Angelorum. Manifestum est autem quod apparitiones imaginariæ causantur interdum in nobis ex locali mutatione corporum spirituum & humorum. Unde Aristoteles in Lib. de som. & vigil. (vel Lib. de insom. qui illi annectitur, cap. 111. & 14.) assignans causam apparitionis somniorum, dicit, quod cum animal dormit, descendente plurimo sanguine ad principium sensitivum, simul descendunt motus, idest impressiones reliquæ ex sensibilibus motionibus, quæ in spiritibus sensibilibus conservantur & movent principium sensitivum, ita quod sit quædam apparitio, ac si tunc principium sensitivum a rebus ipsis exterioribus mutaretur. Et tanta potest esse commotio spirituum, & humorum, quod huiusmodi apparitiones etiam vigilantibus fiant, sicut patet in phreneticis, & in aliis huiusmodi. Sicut igitur hoc fit per naturalem commotionem humorum, & quandoque etiam per voluntatem hominis, qui voluntarie imaginatur quod prius senserat; ita etiam hoc potest fieri virtute Angeli boni, vel mali, quandoque quidem cum alienatione a corporeis sensibus, quandoque autem absque tali alienatione.

Ad primum ergo dicendum, quod principium phantasie est a sensu secundum actum. Non enim possumus imaginari quæ nullo modo sentimus vel secundum totum, vel secundum partem; sicut cæcus natus non potest imaginari colorem. Sed aliquando imaginatio informatur, ut actus phantastici motus confluat ab impressionibus interius conservatis, ut dictum est (in corp. art.)

Ad secundum dicendum, quod Angelus transmutat imaginationem, non quidem imprimendo aliquam formam imaginariam nullo modo per sensum prius acceptam (non enim posset facere quod

cæcus imaginaretur colores;) sed hoc facit per motum localem spirituum, & humorum, ut dictum est (in corp. art.)

Ad tertium dicendum, quod commixtio illa spiritus angelici ad imaginationem humanam non est per essentiam, sed per effectum, quem prædicit modo in imaginatione facit; cui demonstrat quæ ipse novit, non tamen eo modo quo ipse novit.

Ad quartum dicendum, quod Angelus causans aliquam imaginariam visionem, quandoque quidem simul intellectum illuminat, ut cognoscat quid per huiusmodi similitudines significetur; & tunc nulla est deceptio: quandoque vero per operationem Angeli solummodo similitudines rerum apparent in imaginatione; nec tamen tunc causatur deceptio ab Angelo, sed ex defectu intellectus eius cui talia apparent; sicut nec Christus fuit causa deceptionis in hoc quod multa turbis in parabolis proposuit quæ non exposuit eis.

ARTICULUS IV. 527

Utrum Angelus possit immutare sensum humanum.

Locis supra art. 3. induit.

AD quartum sic proceditur. Videtur quod Angelus non possit immutare sensum humanum. Operatio enim sensitiva est operatio vitæ. Huiusmodi autem operatio non est a principio extrinseco. Non ergo operatio sensitiva potest causari ab Angelo.

2. Præterea. Virtus sensitiva est nobilior quam nutritiva. Sed Angelus, ut videtur, non potest mutare virtutem nutritivam, sicut nec alias formas naturales. Ergo neque virtutem sensitivam immutare potest.

3. Præterea. Sensus naturaliter movetur a sensibili. Sed Angelus non potest immutare naturæ ordinem, ut supra dictum est (quæst. ex. art. 4.) Ergo Angelus non potest immutare sensum, sed semper sensus a sensibili immutatur.

Sed contra est quod Angeli qui subverterunt Sodomani, percusserunt Sodomis cecitate, (vel (a) α-παίσια) ut offusio domus invenire non possent, ut dicitur Genes. XIX. 11. Et simile legitur IV. Regum VI. de Syris, quos Elisæus duxit in Samariam.

Respondeo dicendum, quod sensus immu-

mutatur dupliciter : uno modo ab exteriori , sicut cum mutatur a sensibili ; alio modo ab interiori . Videmus enim quod , perturbatis spiritibus , & humoribus , immutatur sensus . Lingua enim infirmi , quia plena est cholerico humore , omnia sentit ut amara : & simile contingit in aliis sensibus . Utroque autem modo Angelus potest immutare sensum hominum sua naturali virtute . Potest enim Angelus opponere exteriori sensui sensibile aliquid vel a natura formatum , vel aliquid de novo formando , sicut facit dum corpus assumit , ut supra dictum est (quæst. li. art. 2.) Similiter etiam potest interiori commovere spiritus , & humores , ut supra dictum est (art. præc.) ex quibus sensus diversimode immutentur .

Ad primum ergo dicendum , quod principium sensitivæ operationis non potest esse absque principio interiori , quod est potentia sensitiva . Sed illud interiori principium potest multipliciter ab exteriori principio commoveri , ut dictum est (in corp. art.)

Ad secundum dicendum , quod per commotionem interiori spiritui , & humorum potest Angelus aliquid operari ad immutandum actum potentiae nutritivæ , & similiter potentiae appetitivæ , & sensitivæ , & cuiuscumque potentiae corporali organo utentis .

Ad tertium dicendum , quod præter ordinem totius creaturæ Angelus facere non potest ; sed præter ordinem alicuius particularis naturæ facere potest , cum tali ordini non subdatur : & sic quoddam singulari modo potest sensum immutare præter modum communem .

QUAESTIO CXII.

*De missione Angelorum ,
in quatuor articulos divisa .*

DEinde considerandum est de missione Angelorum : & circa hoc quaeruntur quatuor .

Primo , utrum aliqui Angeli mittantur in ministerium .

Secundo , utrum omnes mittantur .

Tertio , utrum illi qui mittuntur , assistant .

Quarto , de quibus ordinibus mittantur .

ARTICULUS I. 349

Utrum Angeli in ministerium mittantur .

Ad Heb. xi. lch. 6.

AD primum sic proceditur . Videtur quod Angeli in ministerium non mittantur . Omnis enim missio est ad aliquem determinatum locum . Sed actiones intellectuales non determinant aliquem locum , quia intellectus abstrahit ab hic & nunc . Cum igitur actiones angelicæ sint intellectuales , videtur quod Angeli ad suas actiones agendas non mittantur .

2. Præterea . Cælum empyreum est locus pertinens ad dignitatem Angelorum . Si igitur ad nos mittantur in ministerium , videtur quod eorum dignitati aliquid depereat : quod est inconveniens .

3. Præterea . Exterior occupatio impedit sapientiæ contemplationem : unde dicitur Eccli. xxxviii. 27. *Quis minoratur actum , percipiet sapientiam* . Si igitur Angeli aliqui mittuntur ad exteriora ministeria , videtur quod retardentur a contemplatione . Sed tota eorum beatitudo in contemplatione Dei consistit . Si ergo mitterentur , eorum beatitudo minueretur : quod est inconveniens .

4. Præterea . Ministrare est inferioris , unde dicitur Luc. xlii. 27. *Quis maior est , qui recumbit , an ille qui ministrat ? nonne qui recumbit ?* Sed Angeli sunt maiores nobis ordine naturæ . Ergo non mittuntur in ministerium nostrum .

Sed contra est quod dicitur Exodi xxxiii. 20. *Ecce ego mittam Angelum meum , qui praecedat te* .

Respondeo dicendum , quod ex supradictis (quæst. cviii. art. 6.) manifestum esse potest quod aliqui Angeli in ministerium mittuntur a Deo . Ut enim supra dictum est (quæst. xliii. art. 1.) cum de missione divinarum personarum ageretur , ille mitti dicitur qui aliquo modo ab aliquo procedit , ut incipiat esse ubi prius non erat , vel ubi prius erat per alium modum . Filius enim , aut Spiritus sanctus mitti dicitur ut a Patre procedens per originem ; & incipit esse novo modo , idest per gratiam , vel naturam assumptam , ubi prius erat per Deitatis præsentiam : Dei enim proprium est ubique esse , quia cum sit universale agens , eius virtus attingit omnia entia , unde est in omnibus rebus , ut supra dictum est (quæst. viii. art. 1.) Virtus autem Angeli , cum sit particulare agens ,

T c non

non attingit totum universum, sed sic attingit unum quod non attingit aliud & ideo ita est hic, quod non alibi. Manifestum est autem per supradicta (quæst. cx. art. 1.) quod creatura corporalis per Angelos administratur. Cum igitur aliquid est sciendum per aliquem Angelum circa aliquam creaturam corpoream, de novo applicatur Angelus illi corpori sua virtute; & sic Angelus de novo incipit ibi esse. Et hoc totum procedit ex imperio divino. Unde sequitur secundum præmissa quod Angelus a Deo mittatur. Sed actio quam Angelus missus exercet, procedit a Deo sicut a primo principio; cuius nutu, & auctoritate Angeli operantur; & in Deum reducitur sicut in ultimum finem: & hoc facit ratione ministerii: nam minister est sicut instrumentum (a) intelligens. Instrumentum autem ab alio movetur, & eius actio ad aliud ordinatur: unde actiones Angelorum ministeria vocantur; & propter hoc dicuntur in ministerium mitti.

Ad primum ergo dicendum, quod aliqua operatio dupliciter dicitur intellectualis. Uno modo quasi in ipso intellectu consistens; ut contemplatio; & talis operatio non determinat sibi locum; immo, ut Augustinus dicit IV. de Trin. (cap. xx. a med.) *etiam nos, secundum quod aliquid æternum mente sapimus, non in hoc mundo sumus*. Alio modo dicitur aliqua actio intellectualis, quia est ab aliquo intellectu regulata, & imperata; & sic manifestum est quod operationes intellectuales interdum determinant sibi loca.

Ad secundum dicendum, quod cælum empyreum pertinet ad dignitatem Angeli secundum congruentiam quamdam: quia congruum est ut supremum corporum, naturæ quæ est supra omnia corpora, attribuat. Non tamen Angelus aliquid dignitatis accipit a cælo empyreo: & ideo quando actu non est in cælo empyreo, nihil eius dignitati subtrahitur, sicut nec Regi, quando non actu sedet in regali solio, quod congruit eius dignitati.

Ad tertium dicendum, quod in nobis exterior occupatio puritatem contemplationis impedit: quia actioni intimis secundum sensitivas vires, quarum actiones cum intenduntur, retardantur actiones intellectivæ virtutis. Sed Angelus per solam intellectualem operationem regulat suas actiones exteriores. Unde actiones exteriores in nullo impediunt eius

contemplationem: quia duarum actionum, quarum una est regula, & ratio altioris, una non impedit, sed iuvat aliam. Unde Gregorius dicit in II. Mor. (cap. 11. circ. med.) *quod Angeli non se foras exeunt, ut interne contemplationis gaudiis priventur*.

Ad quartum dicendum, quod Angeli in suis actionibus exterioribus ministrant principaliter Deo, & secundario nobis: non quia nos sumus superiores eis, simpliciter loquendo, sed quia quilibet homo, vel Angelus, inquantum adhærendo Deo fit unus spiritus cum Deo, est superior omni creatura. Unde Apostolus ad Philipp. 11. 3. dicit: *Superiores sibi invicem arbitrantur*.

ARTICULUS II. 359

Utrum omnes Angeli in ministerium mittantur,

II. dist. x. art. 1.

AD secundum sic proceditur. Videtur quod omnes Angeli in ministerium mittantur. Dicit enim Apostolus ad Hebr. 1. 14. *Omnes sunt administratorii spiritus, in ministerium missi*. (1.)

2. Præterea. Inter ordines supremus est ordo Seraphim, ut ex supradictis patet (quæst. cviii. art. 6.) Sed Seraphim est missus ad purgandum labia Prophetæ, ut habetur Isa. vi. Ergo multo magis inferiores Angeli mittuntur.

3. Præterea. Divinæ personæ in infinitum excedunt omnes ordines Angelorum. Sed divinæ personæ mittuntur. Ergo multo magis quicumque supremi Angeli.

4. Præterea. Si superiores Angeli non mittuntur ad exterius ministerium, hoc non est nisi quia superiores Angeli exequuntur divina ministeria per inferiores. Sed cum omnes Angeli sint inæquales, ut supra dictum est (quæst. cviii. art. 3. arg. 1.) quilibet Angelus habet inferiorem Angelum, præter ultimum. Ergo solus ultimus Angelus mitteretur in ministerium: quod est contra id quod dicitur Daniel. vii. 10. *Abissus multum ministrabant ei*.

Sed contra est quod Gregorius (hom. xxxiv. in Evang. a med.) dicit referens sententiam Dionysii. *Superiora agmina usum exterioris ministerii nequaquam habent*. Respondeo dicendum, quod sicut ex supradictis patet (quæst. cx. art. 1.) hoc habet ordo divinæ providentiæ non solum

(a) Ita ed. Alcan. cum editis. Cod. Camer. intellectus.

lum in Angelis, sed etiam in toto universo, quod inferiora per superiora administrantur. Sed ab hoc ordine in rebus corporalibus aliquando ex divina dispensatione receditur, propter altiores ordinem, secundum scilicet quod expedit ad gratiae manifestationem. Quod enim caecus natus, fuit illuminatus, quod Lazarus fuit infirmus, immediate a Deo factum est abique aliqua actione caelestium corporum. Sed & Angeli boni, & mali possunt aliquid in istis corporibus operari: praeter actionem caelestium corporum, condensando nubes in pluvias, & aliqua huiusmodi faciendo. Neque alieui debet esse dubium quin Deus immediate hominibus aliqua revelare possit non mediantibus Angelis, & superiores Angeli non mediantibus inferioribus.

Et secundum hanc considerationem quidam dixerunt, quod secundum communem legem superiores non mittuntur, sed inferiores tantum; sed ex aliqua dispensatione divina interdum etiam superiores mittuntur.

Sed hoc non videtur rationabile, quia ordo angelicus (a) attenditur secundum dona gratiarum. Ordo autem gratiarum non habet alium superiorem ordinem, propter quem praetermitti debeat: sicut praetermittitur ordo naturae propter ordinem gratiarum. Considerandum est etiam, quod ordo naturae in operatione miraeulorum praetermittitur propter fidei confirmationem: ad quam nihil valeret, si praetermitteretur ordo angelicus, quia hoc a nobis percipi non posset. Nihil etiam est ita magnum in ministeriis divinis, quod per inferiores ordines exerceri non possit. Unde Gregorius dicit (hom. xxxiv. in Evang. ante med.) quod qui summa annuntiant, Archangeli vocantur. Hinc est quod ad Virginem Mariam Gabriel Archangelus mittitur: quod tamen fuit summum inter omnia divina ministeria, ut ibidem subditur. Et ideo simpliciter dicendum est cum Dionysio: (cap. xxi. cæl. hier.) quod superiores Angeli nunquam ad exterius ministerium mittuntur.

Ad primum ergo dicendum, quod sicut in missionibus divinarum personarum aliqua est visibilis, quae attenditur secundum creaturam corpoream; aliqua invisibilis, quae fit secundum spirituale effectum: ita in missionibus Angelorum aliqua dicitur exterior, quae scilicet est ad aliquod ministerium circa corporalia exhibendum; & secundum hanc missionem

non omnes mittuntur: alia est interior secundum intellectuales effectus, quae scilicet unus Angelus illuminat alium; & sic omnes Angeli mittuntur.

Vel aliter dicendum, quod Apostolus inducit illud ad probandum quod Christus sit maior Angelis, per quos data est lex; ut sic ostendat excellentiam novae legis ad veterem. Unde non oportet quod intelligatur nisi de Angelis ministerii, per quos data est lex.

Ad secundum dicendum, secundum Dionysium (loc. sup. cit.) quod ille Angelus qui missus est ad purgandum labia Prophetarum, fuit de inferioribus Angelis; sed dictus est Seraphim, id est incendens aequivoce, propter hoc quod venerat ad incendendum labia Prophetarum.

Vel dicendum, quod superiores Angeli communicant propria dona, a quibus denominantur, mediantibus inferioribus Angelis. Sic igitur unus de Seraphim dictus est purgasse incendio labia Prophetarum, non quia hoc ipse immediate fecerit, sed quia inferior Angelus virtute eius hoc fecerit; sicut Papa dicitur absolvere aliquem, etiam si per alium officium absolutionis impendat.

Ad tertium dicendum, quod divinae personae non mittuntur in ministerium, sed aequivoce mitti dicuntur, ut ex praedictis patet (in cor. art. & quaest. xlii.)

Ad quartum dicendum, quod in divinis ministeriis est multiplex gradus. Unde nihil prohibet etiam inaequales Angelos immediate ad ministeria mitti; ita tamen quod superiores mittantur ad altiora ministeria, inferiores vero ad inferiora.

ARTICULUS III. 551

Utrum omnes Angeli qui mittuntur, assistant.

II. dist. x. art. 1.

Ad tertium sic proceditur. Videtur quod etiam Angeli qui mittuntur, assistant. Dicit enim Gregorius in hom. (xxxiv. in Evang. post med.) Mittuntur igitur Angeli, & assistant: quia est circumscriptus est angelicus spiritus; summus tamen spiritus, qui Deus est, circumscriptus non est.

2. Praeterea. Angelus Tobiae in ministerium missus fuit. Sed tamen ipse dixit: Ego sum Raphael Angelus, unus ex septem qui assistunt ante Deum, ut habetur Tobiae xii. 15. Ergo Angeli qui mittuntur, assistant.

3. Praeterea. Quilibet Angelus beatus

T t a

pro-

(a) Ad. non attenditur.

propinquior est Deo quam Satan. Sed Satan assistit Deo, secundum quod dicitur Iob 1. 6. *Cum assisteret filii Dei coram Domino, adfuit inter eos et Satan.* Ergo multo magis Angeli qui mittuntur in ministerium, assistunt.

4. Præterea, si inferiores Angeli non assistunt, hoc non est nisi quia non immediate, sed per superiores Angelos divinas illuminationes recipiunt. Sed quilibet Angelus per superiorem divinas illuminationes suscipit, excepto eo qui est inter omnes supremus. Ergo solus supremus Angelus assisteret: quod est contra illud quod habetur Dan. vii. 10. *Decies milles centena milia assistebant ei.* Ergo etiam illi qui ministrant, assistunt.

Sed contra est quod Gregorius dicit XVII. Moral. (cap. ix. a princ.) super illud Iob xxv. *Numquid cœnumeris militum eius?* „Assistunt (inquit) illæ Potestates quæ ad quædam hominibus nuntianda non exeunt.“ Ergo illi qui in ministerium mittuntur, non assistunt.

Respondeo dicendum, quod Angeli introducuntur *assistentes*, & *administrantes*, ad similitudinem eorum qui alicui Regi famulantur: quorum aliqui semper ei assistunt, & eius præcepta immediate audiunt; alii vero sunt ad quos præcepta regalia per assistentes nuntiuntur, sicut illi qui administrationi civitatum præbentur: & hi dicuntur *ministrantes*, sed non *assistentes*.

Considerandum est ergo, quod omnes Angeli divinam essentiam immediate vident: & quantum ad hoc omnes, etiam qui ministrant, assistere dicuntur. Unde Gregorius dicit in II. Moralium (cap. 31. circ. med.) quod *semper assistere, aut videre faciem Patris possunt quod ad ministerium exterius mittuntur pro nostra salute.* Sed non omnes Angeli secreta divinorum mysteriorum in ipsa claritate divinæ essentiae percipere possunt; sed soli superiores, per quos inferioribus denuntiantur: & secundum hoc soli superiores, qui sunt primæ hierarchiæ, assistere dicuntur, cuius proprium dicit esse Dionysius (cap. vii. cæl. Hier. cir. med.) immediate a Deo illuminari.

Et per hoc patet solutio ad primum, & secundum, quæ procedunt de primo modo assistendi.

Ad tertium dicendum, quod Satan non dicitur assistisse, sed inter assistentes assidue deservit: quia, ut Gregorius dicit II. Moral. (cap. 11. circ. fin.) *ipse*

beatitudinem perdidit, naturam tamen Angelis similem non amisit.

Ad quartum dicendum, quod omnes assistentes aliqua immediate vident in claritate divinæ essentiae: & ideo totius primæ hierarchiæ proprium esse dicitur immediate illuminari a Deo; sed superiores eorum plura percipiunt quam inferiores, de quibus illuminantur alios; sicut etiam inter eos qui assistunt Regi, plura scit de secretis Regis unus quam alius.

ARTICULUS IV. 552

Utrum Angeli secundæ hierarchiæ omnes mittantur.

II. diff. x. art. 3.

Ad quartum sic proceditur. Videtur quod Angeli secundæ hierarchiæ omnes mittantur. Angeli enim omnes vel assistunt, vel ministrant, secundum quod habetur Dan. vii. Sed Angeli secundæ hierarchiæ non assistunt: illuminantur enim per Angelos primæ hierarchiæ, sicut dicit Dionysius viii. cap. cæl. Hier. (ante med.) Omnes ergo Angeli secundæ hierarchiæ in ministerium mittuntur.

2. Præterea. Gregorius dicit XVII. Moral. (cap. ix.) quod *plures sunt qui ministrant, quam qui assistunt.* Sed hoc non esset, si Angeli secundæ hierarchiæ in ministerium non mitterentur. Ergo omnes Angeli secundæ hierarchiæ in ministerium mittuntur.

Sed contra est quod Dionysius dicit (cap. vii. cæl. Hier. a princ.) quod *Dominationes sunt majores non subiectione.* Sed mitti in ministerium ad subiectionem pertinet. Ergo Dominationes in ministerium non mittuntur.

Respondeo dicendum, quod, sicut supra dictum est (art. 1. huius quæst.) mitti ad exterius ministerium proprie convenit Angelo, secundum quod ex divino imperio operatur circa aliquam creaturam corporalem: quod quidem pertinet ad executionem divini ministerii. Proprietates autem Angelorum ex eorum nominibus manifestantur, ut Dionysius dicit vii. & viii. cap. cæl. Hier. (in princ.) & ideo Angeli illorum ordinum ad exterius ministerium mittuntur ex quorum nominibus aliqua executio datur intelligi. In nomine autem *Dominationum* non importatur aliqua executio, sed sola dispositio, & imperium de exequendis; sed

sed in nominibus inferiorum ordinum intelligitur aliqua executio: nam *Angeli* & *Archangeli* denominantur a denuntiando; *Virgines*, & *Potestates* dicuntur per respectum ad aliquem actum: Principis etiam est, ut Gregorius dicit (hom. xxxiv. in Evang. circ. med.) *inter alios operantes priorem existere*. Unde ad hos (a) quinque ordines pertinet in exterius ministerium mitti, non autem ad quatuor superiores.

Ad primum ergo dicendum, quod *Demonstrationes* computantur quidem inter Angelos ministrantes, non sicut exequentes ministerium, sed sicut disponentes, & mandantes quid per alios fieri debeat; sicut architectones in artificii nihil manu operantur, sed solum disponent, & praecipunt quid alii debeant operari.

Ad secundum dicendum, quod de numero assistentium, & ministrantium duplex ratio haberi potest. Gregorius enim dicit, plures esse ministrantes quam assistentes: intelligit enim quod dicitur, *Milia millium ministrabant ei*, non esse dictum multiplicative, sed partitive, ac si diceretur, *Milia de numero millium*: & sic ministrantium numerus ponitur indefinitus, ad significandum excessum; assistentium vero numerus finitus, cum subditur: *Et decies millies centena millia assistebant ei*. Et hoc procedit secundum rationem Platonicorum, qui dicebant, quod quanto aliqua sunt uni primo principio propinquiora, tanto sunt minoris multitudinis, sicut quanto numerus est propinquior unitati, tanto est multitudine minor. Et haec opinio salvatur quantum ad numerum certum, cum sex ministrent, & tres assistunt. Sed Dionysius ponit xiv. cap. cæl. Hier. quod multitudo Angelorum transcendit omnem materialem multitudinem; ut scilicet sicut corpora superiora transcendunt corpora inferiora magnitudine quasi in infinitum, ita superiores naturæ incorporæ transcendunt (b) multitudine omnes naturas corporeas: quia quod est melius, est magis a Deo intentum, & multiplicatum. Et secundum hoc, cum assistentes sint superiores ministrantibus, plures erunt assistentes quam ministrantes. Unde secundum hoc *Milia millium* legitur multiplicative, ac si diceretur, *Millies millia*. Et quia decies centum sunt mille, si diceretur, *Decies centena millia*, daretur intelligi, quod tot essent assistentes, quot ministrantes. Sed quia dicitur, *Decies*

millies centena millia, multo plures dicuntur assistentes quam ministrantes. Nec tamen hoc pro tanto dicitur, quia tantum solum sit Angelorum numerus, sed multo maior, quia omnem materialem multitudinem excedit: quod significatur per multiplicationem maximorum numerorum supra seipsos, scilicet denarii, centenarii, millenarii, ut Dionysius ibidem dicit.

QUAESTIO CXIII.

De custodia bonorum Angelorum, & impugnatione malorum, in octo articulis divisa.

Deinde considerandum est de custodia bonorum Angelorum, & de impugnatione malorum: & circa primum quaeruntur octo.

Primo, utrum homines ab Angelis custodiantur.

Secundo, utrum singulis hominibus singuli Angeli ad custodiam deputentur.

Tertio, utrum custodia pertineat solum ad ultimum ordinem Angelorum.

Quarto, utrum omni homini conveniat habere Angelum custodem.

Quinto, quando incipiat custodia circa hominem.

Sexto, utrum Angelus semper custodiat hominem.

Septimo, utrum debeat de perditione custodiri.

Octavo, utrum inter Angelos sit propria ratione custodia.

ARTICULUS I. 553

Utrum homines custodiantur ab Angelis.

II. dist. xi. quæst. 1. art. 1.

Ad primum sic proceditur. Videtur quod homines non custodiantur ab Angelis. Custodes enim deputantur aliquibus, vel quia nesciunt, vel quia non possunt custodire seipsos, sicut pueri, & infirmi. Sed homo potest custodire seipsum per liberum arbitrium, & scit per naturalem cognitionem legis naturalis. Ergo homo non custoditur ab Angelo.

2. Præterea. Ubi adest fortior custodia, infirmior superfluere videtur. Sed homines custodiuntur a Deo, secundum illud Psalm. cxx. 4. *Non dormitabit, neque dormiet qui custodit Israel*. Ergo non est necessarium quod homo custodiatur ab Angelo.

T t 3 3. Præ-

(a) et. quandoque. (b) Id est, Rem. deest multitudine.

3. Præterea. Perditio custoditi redun-
dat in negligentiam custodis: unde dicitur
cuidam III. Reg. xx. 39. *Custodi ve-*
rum istum: qui si lapsus fuerit, erit anima
tua pro anima eius. Sed multi homines
quotidie pereunt, in peccatum cadentes,
quibus Angeli subvenire possent,
vel visibiliter apparendo, vel miracula
faciendo, vel aliquo simili modo. Essent
ergo negligentes Angeli, si eorum custo-
diæ homines essent commissi: quod pa-
tet esse falsum. Non igitur Angeli sunt
hominum custodes.

Sed contra est quod dicitur in Psalm.
xc. 11. *Angeli suis mandavit de te, ut cu-*
stodiant te in omnibus viis tuis.

Respondeo dicendum, quod secundum
rationem divinæ providentiæ hoc in re-
bus omnibus invenitur quod mobilia, &
variabilia per immobilia, & invariabilia
moverentur, & regulantur; sicut omnia cor-
poralia per substantias spirituales, & im-
mobiles, & corpora inferiora per superio-
ra, quæ sunt invariabilia secundum sub-
stantiam. Sed & nos ipsi regulamur circa
conclusiones, in quibus possumus diver-
sitate opinari, per principia, quæ in-
variabiliter tenemus. Manifestum est autem
quod in rebus agendis cognitio, & affec-
tus hominis multipliciter variari, & de-
ficere possunt a bono: & ideo necessa-
rium fuit quod hominibus Angeli ad cu-
stodiam deputarentur, per quos regula-
rentur, & moverentur ad bonum.

Ad primum ergo dicendum, quod per
liberum arbitrium potest homo aliquammodo
malum vitare, sed non sufficienter: quia
infirmatur circa affectum boni propter
multiplices animæ passiones. Similiter
etiam universalis cognitio naturalis le-
gis, quæ homini naturaliter adest, ali-
qualiter dirigit hominem ad bonum, sed
non sufficienter: quia in applicando uni-
versalia principia iuris ad particularia
opera contingit hominem multipliciter
deficere. Unde dicitur Sap. ix. 14. *Cog-*
itationes mortalium timida, & incerta pro-
videntia nostra. Et ideo necessaria fuit ho-
mini custodia Angelis.

Ad secundum dicendum, quod ad bo-
num operandum duo requiruntur. Primo
quidem quod affectus inclinetur ad bo-
num; quod quidem fit in nobis per habi-
tum virtutis moralis. Secundo autem
quod ratio inveniat congruas vias ad
perficiendum bonum virtutis; quod qui-
dem Philosophus (Lib. X. Eth. cap. viii.
& Lib. VI. cap. xii.) attribuit pruden-
tiæ. Quantum ergo ad primum, Deus

immediate custodit hominem, infunden-
do ei gratiam, & virtutes; quantum au-
tem ad secundum, Deus custodit homi-
nem sicut universalis instructor, cuius
instructio ad hominem pervenit median-
tibus Angelis, ut supra habitum est
(quæst. cxi. art. 1.)

Ad tertium dicendum, quod sicut ho-
mines a naturali instinctu boni discedunt
propter passionem peccati; ita etiam di-
scedunt ab investigatione bonorum Ange-
lorum, quæ fit invisibiliter per hoc quod
homines illuminantur ab bene agendum.
Unde quod homines pereunt, non est
imputandum negligentiae Angelorum,
sed malitiæ hominum. Quod autem ali-
quando præter legem communem homi-
nibus visibiliter apparent, ex speciali
Dei gratia est, sicut etiam præter ordi-
nem naturæ miracula fiunt.

ARTICULUS II. 554

*Utrum singuli homines a singulis Angelis
custodiantur.*

IV. dist. XIX. quæst. 1. cor.

AD secundum sic proceditur. Videtur
quod non singuli homines a singulis
Angelis custodiantur. Angelus enim est
virtuosior quam homo. Sed unus homo suf-
ficit ad custodiam multorum hominum.
Ergo multo magis unus Angelus multos
homines potest custodire.

2. Præterea. Inferiora reducuntur in
Deum a superioribus per media, ut Dio-
nysius dicit (cap. iii. eccl. Hier. in tit.
de Sacerd. perf. in princ.) Sed cum om-
nes Angeli sint inæquales, ut supra di-
ctum est (quæst. cviii. art. 3. arg. 1.)
solus unus Angelus est inter quem, &
homines non est aliquis medius. Ergo
unus Angelus solus est qui immediate
custodit homines.

3. Præterea. Maiores Angeli maiori-
bus officiis deputantur. Sed non est ma-
ius officium custodire unum hominem
quam alium; cum omnes homines natu-
ra sint pares. Cum ergo omnium Ange-
lorum sit unus maior alio, secundum
Dionysium (cap. v. cæl. Hier.) videtur
quod diversi homines non custodiantur
a diversis Angelis.

Sed contra est quod Hieronymus ex-
ponens illud Matth. xviii. *Angeli eorum*
in cælis &c. dicit (Lib. II. comment.)
„Magna est dignitas animarum, ut una-
„quæque habeat ab ortu natiuitatis in-
„custodiam sui Angelum delegatum.“

Rei-

Respondeo dicendum, quod singulisdum est. Nam aliquis infimus Angelus hominibus singuli Angeli ad custodiam deputantur. Cuius ratio est, quia Angelorum custodia est quædam executio divinæ providentiæ circa homines. Providentiæ autem Dei aliter se habet ad homines, & ad alias corruptibiles creaturas, quia aliter se habent ad incorruptibilitatem. Homines enim non solum sunt incorruptibiles quantum ad communem speciem, sed etiam quantum ad proprias formas singulorum, quæ sunt animæ rationales: quod de aliis rebus corruptibilibus dici non potest. Manifestum est autem quod providentiæ Dei principaliter est circa illa quæ perpetuo manent; circa vero ea quæ transeunt, providentiæ Dei est, inquantum ordinat ipsa ad res perpetuas.

Sic igitur providentiæ Dei comparatur ad singulos homines, sicut comparatur ad singula genera, vel species corruptibilium rerum. Sed secundum Gregorium (hom. xxxiv. in Evang. ante med.) diversi ordines deputantur diversis rerum generibus, puta Potestates ad arcendos demones, Virtutes ad miracula facienda in rebus corporeis: & probabile est quod diversis speciebus rerum diversi Angeli eiusdem ordinis præficiantur. Unde etiam rationabile est ut diversis hominibus diversi Angeli ad custodiam deputentur.

Ad primum ergo dicendum, quod alicui homini adhibetur custos dupliciter. Uno modo inquantum est homo singularis; & sic uni homini debetur unus custos, & interdum plures deputantur ad custodiam unius. Alio modo inquantum est pars alicuius collegii; & sic toti collegio unus homo ad custodiam præponitur; ad quem pertinet providere ea quæ pertinent ad unum hominem in ordine ad totum collegium, sicut sunt ea quæ exterius aguntur, de quibus alii ædificantur, vel scandalizantur. Angelorum autem custodia deputatur hominibus etiam quantum ad invisibilia, & occulta, quæ pertinent ad singulorum salutem secundum seipsos. Unde singulis hominibus singuli Angeli deputantur ad custodiam.

Ad secundum dicendum, quod, sicut dictum est (quæst. præc. art. 3.) Angeli primæ hierarchiæ omnes quantum ad aliqua illuminantur immediate a Deo: sed quædam sunt de quibus illuminantur superiores tantum immediate a Deo, quæ inferioribus revelant: & idem etiam in inferioribus ordinibus consideran-

Ad tertium dicendum, quod quamvis homines natura sint pares, tamen inæqualitas in eis invenitur, secundum quod ex divina providentiâ quidam ordinantur ad maius, & quidam ad minus, secundum illud quod dicitur Eccli. xxxiii. 11. *In multitudine disciplina (a) Domini separavit eos; ex ipsis benedixit, & exaltavit, ex ipsis maledixit, & humiliavit.* Et sic maius officium est custodire unum hominem quam alium.

ARTICULUS III. 555

Utrum custodire homines pertineat solum ad infimum ordinem Angelorum.

II. dist. xi. quæst. 1. art. 2.

Ad tertium sic proceditur. Videtur quod custodire homines non pertineat solum ad infimum ordinem Angelorum. Dicit enim Chrysostomus (hom. lx. in Matth. a med.) quod hoc quod dicitur Matth. xviii. 10. *Angeli eorum in cælis &c.* intelligitur non de quibuscumque Angelis, sed de supereminentibus. Ergo superminentes Angeli custodiunt homines.

2. Præterea. Apostolus ad Hebr. i. 14. dicit, quod *Angeli sunt in ministerium missi propter eos qui hereditatem capiunt salutis; & sic videtur quod missi Angelorum ad custodiam hominum ordinetur.* Sed quinque ordines in exterius ministerium mittuntur, ut supra dictum est (quæst. præc. art. 4.) Ergo omnes Angeli quinque ordinum custodiæ hominum deputantur.

3. Præterea. Ad custodiam hominum maxime videtur esse necessarium arcere demones, quod maxime pertinet ad Potestates, secundum Gregorium (hom. xxxiv. in Evang. ante med.) & miracula facere, quod pertinet ad Virtutes. Ergo illi etiam ordines deputantur ad custodiam, & non solum infimus.

Sed contra est quod in Psal. xc. custodia hominum attribuitur Angelis, quorum ordo est infimus, secundum Dionysium (cap. ix. cæl. Hier.)

T t 4

Re-

Respondeo dicendum, quod, sicut supra dictum est (art. præc. ad 1.) homini custodia dupliciter adhibetur. Uno modo custodia particularis, secundum quod hominibus singuli Angeli ad custodiam deputantur: & talis custodia pertinet ad infinitum ordinem Angelorum, quorum secundum Gregorium (loc. sup. cit.) est minima nuntiare. Hoc autem videtur esse minimum in officiis Angelorum, procurare ea quæ ad unius hominis salutem pertinent.

Alia vero est custodia universalis; & hæc multipliciter secundum diversos ordines. Nam quanto agens fuerit universalis, tanto est superius.

Sic igitur custodia humanæ multitudinis pertinet ad ordinem Principatum, vel forte ad Archangelos, qui dicuntur Principes Angelorum. Unde & Michael, quem Archangelum dicimus, unus de Principibus dicitur Dan. x. Ulterius autem super omnes naturas corporeas habent custodiam Virtutes; & ulterius etiam super dæmones habent custodiam Potestates; & ulterius super bonos spiritus habent custodiam Principatus, vel Dominationes, secundum Gregorium (hom. xxxiv. in Evang. ante mod.).

Ad primum ergo dicendum, quod verbum Chrysostomi potest intelligi, ut loquatur de supremis in ordine infimo Angelorum: quia, ut Dionysius dicit (cap. iv. cæl. Hier. a med.) in quolibet ordine sunt primi, medii, & ultimi. Est autem probabile quod maiores Angeli deputentur ad custodiam eorum qui sunt ad maiorem gradum gloriæ a Deo electi.

Ad secundum dicendum, quod non omnes Angeli qui mittuntur, habent particularem custodiam super singulos homines; sed quidam ordines habent universalem custodiam, magis vel minus, ut dictum est (in sol. præc.).

Ad tertium dicendum, quod etiam inferiores Angeli exercent officia superiorum, inquantum aliquid de dono eorum participant, & se habent ad superiores sicut executores virtutis eorum: & per hunc modum etiam omnes Angeli infimi ordinis possunt & atterere dæmones, & miracula facere.

ARTICULUS IV. 636

Utrum omnibus hominibus Angeli ad custodiam deputentur.

II. dist. xi. quæst. 1. art. 2.

AD quartum sic proceditur. Videtur quod non omnibus hominibus Angeli ad custodiam deputentur. Dicitur enim de Christo Philippen. 11. 7. quod est in similitudinem hominum factus, & habitus inventus ut homo. Si igitur omnibus hominibus Angeli ad custodiam deputantur, etiam Christus Angelum custodem habuisset. Sed hoc videtur inconveniens; cum Christus sit maior omnibus Angelis. Non ergo omnibus hominibus Angeli ad custodiam deputantur.

2. Præterea. Omnium hominum primus fuit Adam. Sed sibi non competebar habere Angelum custodem, ad minus in statu innocentie, quia tunc nullis periculis angustabatur. Ergo Angeli non præficiuntur ad custodiam omnibus hominibus.

3. Præterea. Hominibus Angeli ad custodiam deputantur, ut per eos manuducantur ad vitam æternam, & ut incitentur ad bene operandum, & muniantur contra insultus dæmonum. Sed homines præferti ad damnationem, nunquam perveniunt ad vitam æternam: infideles etiam, etsi interdum bona opera faciant, non tamen bene faciunt, quia non recta intentione faciunt: fides enim intentionem dirigit, ut Augustinus dicit (in præfat. in Psal. xxxi. circa med.). Antichristi etiam adventus erit secundum operationem Satanae, ut dicitur II. ad Thessal. 11. Non ergo omnibus hominibus Angeli ad custodiam deputantur.

Sed contra est auctoritas Hieronymi supra inducta (art. 2. huius quæst. in arg. Sed con.) qui dicit, quod unaquaque anima ad sui custodiam habet Angelum deputatum.

Respondeo dicendum, quod homo in statu vitæ istius constitutus est quasi in quadam via, qua debet tendere ad patriam. In qua quidem via multa pericula homini imminunt tum ab interiori, tum ab exteriori, secundum illud Psal. cxli. 4. *In via hac, qua ambulabam, absconderunt laqueum mihi.* Et ideo sicut hominibus per viam non tutam ambulantibus dantur custodes; ita & cuilibet homini, quandiu viator est, custos Angelus deputatur.

putatur. Quando autem iam ad terminum viæ pervenerit, iam non habebit Angelum custodem; sed habebit in regno Angelum conregnantem, in inferno dæmonem punientem.

Ad primum ergo dicendum, quod Christus, secundum quod homo, immediate regulabatur a Verbo Dei: unde non indigebat custodia Angelorum; & iterum secundum animam erat comprehensor, sed ratione passibilitatis corporis erat viator. Et secundum hoc non debebatur ei Angelus custos tamquam superior, sed magis minister, tamquam inferior. Unde dicitur Matth. 18. 11. quod accesserunt Angeli, & ministrabant ei.

Ad secundum dicendum, quod homo in statu innocentie non patiebatur aliquod periculum ab interiori, quia interior erant omnia ordinata, ut supra dictum est (quæst. xcv. art. 4. ad 3.) sed imminere ei periculum ab exteriori propter insidias dæmonum, ut rei probavit eventus: & ideo indigebat custodia Angelorum.

Ad tertium dicendum, quod sicut præfati, & infideles, & etiam Antichristus non privantur interiori auxilio naturalis rationis; ita etiam non privantur exteriori auxilio totius naturæ humanæ divinitus concessio, scilicet custodia Angelorum; per quam etsi non inveniunt quantum ad hoc quod vitam æternam bonis operibus mereantur, iuvantur tamen quantum ad hoc quod ab aliquibus malis retrahantur, quibus & sibiipsis, & aliis nocere possent. Nam & ipsi dæmones arcantur per bonos Angelos, ne noceant quantum volunt. Et similiter Antichristus non tantum nocebit quantum vellet.

ARTICULUS V. 557

Utrum Angeli deputentur homini ad custodiam a sua nativitate.

AD quintum sic proceditur. Videtur quod Angelus non deputatur homini ad custodiam a sua nativitate. Angeli enim mittuntur in ministerium propter eos qui hereditatem salutis capiunt, ut Apostolus ad Hebr. 1. 14. dicit. Sed homines incipiunt hereditatem capere salutis quando baptizantur. Ergo Angelus deputatur homini ad custodiam a tempore baptismi, & non a tempore nativitatis.

3. Præterea. Homines ab Angelis custodiuntur, inquantum ab eis illuminantur per modum doctrinæ. Sed pueri mox

nati non sunt capaces doctrinæ, quia non habent usum rationis. Ergo pueri mox nati non deputantur Angeli custodes.

3. Præterea. Pueri in materno utero existentes habent animam rationalem aliquo tempore, sicut & post nativitatem ex utero. Sed cum sunt in materno utero, non deputantur eis Angeli ad custodiam, ut videtur: quia neque etiam ministri Ecclesiæ eos sacramentis imbuunt. Non ergo statim a nativitate hominibus Angeli custodiam deputantur.

Sed contra est quod Hieronymus dicit (loc. cit. art. 2. huius quæst. in arg. Sed con.) quod unaquæque anima ab ortu nativitatis habet in custodiam sui Angelum deputatum.

Respondendo dicendum, quod, sicut Origenes dicit super Matth. (hom. vi. ad fin.) super hoc est duplex opinio. Quidam enim dixerunt, quod Angelus ad custodiam hominis deputatur a tempore baptismi; alii vero, quod a tempore nativitatis.

Et hanc opinionem Hieronymus (loc. mox cit.) approbat, & rationabiliter. Beneficia enim quæ dantur homini divinitus, ex eo quod est Christianus, incipiunt a tempore baptismi, sicut perceptio Eucharistiæ, & alia huiusmodi. Sed ea quæ providentur homini a Deo, inquantum habet naturam rationalem, ex tunc ei exhibentur ex quo nascendo talem naturam accipit: & tale beneficium est custodia Angelorum; ut ex præmissis patet (art. 1. & 4. huius quæst.) Unde statim a nativitate habet homo Angelum ad sui custodiam deputatum.

Ad primum ergo dicendum, quod Angeli mittuntur in ministerium, efficaciter quidem propter eos solos qui hereditatem capiunt salutis, si consideretur ultimus effectus custodiæ, qui est perceptio hereditatis; nihilominus tamen & aliis ministerium Angelorum non subtrahitur: quamvis enim in eis hanc efficaciam non habeat, quod perducantur ad salutem, efficax tamen est circa eos Angelorum ministerium, inquantum a multis malis retrahuntur.

Ad secundum dicendum, quod officium custodiæ ordinatur quidem ad illuminationem doctrinæ, sicut ad ultimum, & principalem effectum; nihilominus tamen multos alios effectus habet, qui pueris competunt, scilicet arcere demones, & alia nocumenta tam corporalia, quam spiritualia prohibere.

Ad

Ad tertium dicendum, quod puer, quamdiu est in materno utero, non totaliter est a matre separatus; sed per quamdam colligationem est quodammodo adhuc aliquid eius, sicut & fructus pendens in arbore est aliquid arboris. Et ideo probabiliter dici potest, quod Angelus qui est in custodia matris, custodiat prolem in matris utero existentem. Sed in nativitate, quando separatur a matre, Angelus ei ad custodiam deputatur, ut Hieronymus dicit (loc. in argum. *Sed contra* citato.)

ARTICULUS VI. 558

Utrum Angelus custos quandoque deserat hominem.

I. dist. xi. quest. 1. art. 4.

AD sextum sic proceditur. Videtur quod Angelus custos quandoque deserat hominem cuius custodiæ deputatur. Dicitur enim Hier. li. 9. ex persona Angelorum: *Curavimus Babylonem, & non est curata: derelinquamus ergo eam: & Il. v. 5. Auferam sepem eius, & erit (a) in concultationem: Glossa (interlinearis), idest, Angelorum custodiam.*

2. Præterea. Principaliter custodit Deus quam Angelus. Sed Deus aliquando hominem derelinquit, secundum illud Psal. xxi. 1. *Deus Deus meus respice in me, quare me dereliquisti?* Ergo multo magis Angelus custos hominem derelinquit.

3. Præterea. Sicut dicit Damascenus (Lib. II. orth. Fid. cap. xii. cir. med.) *Angeli, cum sunt hic nobiscum, non sunt in cælo.* Sed aliquando sunt in cælo. Ergo aliquando nos derelinquant.

Sed contra. Dæmones nos semper impugnant, secundum illud I. Petr. v. 8. *Adversarius vester diabolus, tamquam leo rugiens, circumspiciat quem devoret.* Ergo multo magis boni Angeli semper nos custodiunt.

Respondeo dicendum, quod custodia Angeli, ut ex supradictis patet (art. 2. huius quest.) est quedam executio divinæ providentiæ circa homines facta. Manifestum est autem quod nec homo, nec res aliqua totaliter divinæ providentiæ subtrahitur. Inquantum enim aliquid participat de esse, inquantum subditur universali providentiæ entium. Sed inquantum Deus secundum ordinem suæ providentiæ dicitur hominem derelin-

quere, inquantum permittit hominem pati aliquem defectum vel pœnæ, vel culpæ. Similiter etiam dicendum est, quod Angelus custos nunquam totaliter dimittit hominem; sed ad aliquod interdum eum dimittit, prout scilicet non impedit quin subdatur alicui tribulationi, vel etiam quin cadat in peccatum, secundum ordinem divinorum iudiciorum. Et secundum hoc Babylon, & domus Israel ab Angelis derelictæ dicuntur, quia Angeli earum custodes non impediverunt quin tribulationibus subderentur.

Et per hoc patet solutio ad primum, & secundum.

Ad tertium dicendum, quod Angelus, etsi interdum derelinquat hominem loco, non tamen derelinquit eum quantum ad effectum custodiæ: quia etiam cum est in cælo, cognoscit quid circa hominem agatur; nec indiget mora temporis ad motum localem, sed statim potest adesse.

ARTICULUS VII. 559

Utrum Angeli doleant de malis eorum quos custodiunt.

II. dist. xi. quest. 1. art. 5.

AD septimum sic proceditur. Videtur quod Angeli doleant de malis eorum quos custodiunt. Dicitur enim Isai. xxxiii. 7. *Angeli pacis amare stebunt.* Sed stetus est signum doloris, & tristitiæ. Ergo Angeli tristantur de malis hominum quos custodiunt.

1. Præterea. Tristitia est, ut Augustinus dicit (Lib. XIV. de civ. Dei cap. xv. a med.) *de his quæ nobis nolentibus accidunt.* Sed perditio hominis custoditi est contra voluntatem Angeli custodis. Ergo tristantur Angeli de perditione hominum.

3. Præterea. Sicut gaudio contrariatur tristitia, ita poenitentia contrariatur peccatum. Sed Angeli gaudent de peccatore poenitentiam agente, ut habetur Luc. xv. Ergo tristantur de iusto in peccatum cadente.

4. Præterea. Super illud Num. xvi. 17. *Quicquid offerunt primitiarum &c.* dicit Glossa ord. Origenis: „Trahuntur Angeli in iudicium, utrum ex ipsorum negligentia, an hominum ignavia lapsi sint.“ Sed quilibet rationabiliter dolet de malis propter quæ in iudicium

(a) *Fulgens in derelictionem.*

cium tractus est. Ergo Angeli dolent de peccatis hominum.

Sed contra. Ubi est tristitia, & dolor, non est perfecta felicitas: unde dicitur Apocalypsis xxi. 4. *Mors ultra non erit, neque luctus, neque clamor, neque ulius dolor.* Sed Angeli sunt perfecte beati. Ergo de nullo dolent.

Respondeo dicendum, quod Angeli non dolent neque de peccatis, neque de poenis hominum. Tristitia enim, & dolor, secundum Augustinum (loc. cit. in argum. 2.) non est nisi de his quæ contrariantur voluntati. Nihil autem accidit in mundo quod sit contrarium voluntati Angelorum, & aliorum beatorum: quia voluntas eorum totaliter inhaeret ordini divinæ iustitiæ. Nihil autem fit in mundo nisi quod per divinam iustitiam fit, aut permittitur. Et ideo, simpliciter loquendo, nihil fit in mundo contra voluntatem beatorum. Ut enim Philosophus dicit in III. Ethic. (cap. 1. ad fin.) illud dicitur simpliciter voluntarium quod aliquis vult in particulari, secundum quod agitur, consideratis scilicet omnibus quæ circumstant, quamvis in universali consideratum non esset voluntarium; sicut nauta non vult proiectionem mercium in mare, absolute & universaliter considerando, sed imminente periculo salutis, hoc vult: unde magis est hoc voluntarium quam involuntarium, ut ibidem dicitur. Sic igitur Angeli peccata, & poenas hominum, universaliter & absolute loquendo, non volunt; volunt tamen quod circa hoc ordo divinæ iustitiæ servetur, secundum quam quidam poenis subduntur, & peccare permittuntur.

Ad primum ergo dicendum, quod verbum illud Isaïæ potest intelligi de Angelis, idest nuntiis Ezechiae, qui fleverunt propter verba Rapsacis, de quibus habetur (Isa. xxxvi.). & hoc secundum litteralem sensum. Secundum vero allegoricum Angeli pacis sunt Apostoli, & Prædicatores, qui stent pro peccatis hominum. Si vero secundum sensum anagogicum exponatur de Angelis bonis, tunc metaphorica erit locutio, ad designandum quod Angeli volunt in universali hominum salutem. Sic enim Deo, & Angelis huiusmodi passiones attribuantur.

Ad secundum patet solutio per ea quæ dicta sunt (in cor. art.)

Ad tertium dicendum, quod tam in poenitentia hominum, quam in peccato

manet una ratio gaudii Angelis, scilicet impletio ordinis divinæ providentiæ.

Ad quartum dicendum, quod Angeli ducuntur in iudicium pro peccatis hominum, non quasi rei, sed quasi testes, ad convincendum homines de eorum ignavia.

ARTICULUS VIII. 560

Utrum inter Angelos possit esse pugna, seu discordia.

II. dist. xi. quest. 1. art. 5.

AD octavum sic proceditur. Videtur quod inter Angelos non possit esse pugna, seu discordia. Dicitur enim Iob xxv. 2. *Qui facit concordiam in sublimibus.* Sed pugna opponitur concordia. Ergo in sublimibus Angelis non est pugna.

2. Præterea. Ubi est perfecta caritas, & iusta prælatio, non potest esse pugna. Sed hoc totum est in Angelis. Ergo in Angelis non est pugna.

3. Præterea. Si Angeli dicuntur pugnare pro eis quos custodiunt, necesse est quod unus Angelus foveat unam partem, & alius aliam. Sed si una pars habet iustitiam, constat quod alia pars habeat iniustitiam. Ergo sequitur quod Angelus bonus sit sator iniustitiæ: quod est inconveniens. Ergo inter bonos Angelos non est pugna.

Sed contra est quod dicitur Dan. x. 13. ex persona Gabrielis: *Princeps regni Persarum resistit mihi viginti & uno diebus.* Hic autem princeps Persarum erat Angelus regno Persarum in custodiam deputatus. Ergo unus Angelus resistit alii; & sic inter eos est pugna.

Respondeo dicendum, quod ista questio movetur occasione horum verborum Danielis.

Quæ quidem Hieronymus exponit (in illa verba relata in arg. Sed. con.) dicens, principem regni Persarum esse Angelum qui se opposuit liberationi populi Israelitici, pro quo Daniel orabat, Gabriele preces eius Deo præsentante. Hæc autem resistantia potuit fieri, quia princeps aliquis dæmonum Iudæos in Persidem ductos ad peccatum induxerat, per quod impedimentum præstatur orationi Danielis pro eodem populo deprecantis.

Sed secundum Gregorium XVII. Mor. (cap. viii. ante mod.) *Princeps regni Persarum bonus Angelus fuit custodia regni illius deputatus.*

Ad videntium igitur, qualiter unus An-

Angelus alteri resistere dicitur, considerandum est, quod divina iudicia circa diversa regna, & diversos homines per Angelos exercentur. In suis autem actionibus Angeli per divinam (a) sententiam regulantur. Contingit autem quandoque quod in diversis regnis, vel in diversis hominibus contraria merita, vel demerita inveniuntur, ut unus alteri subdat, aut praestet. Quid autem super hoc ordo divinae sapientiae habeat, cognoscere non possunt, nisi Deo revelante: unde necesse habent super his sapientiam Dei consulere. Sic igitur, in quantum de contrariis meritis, & sibi repugnantibus divinam consulunt voluntatem, resistere sibi invicem dicuntur; non quia sint eorum contrariae voluntates (cum in hoc omnes concordent quod Dei sententia impletur;) sed quia ea de quibus consulunt, sunt repugnantia.

Et per hoc patet solutio ad obiecta.

QUAESTIO CXIV.

*De demonum impugnatione,
in quinque articulis divisa.*

DEinde considerandum est de impugnatione demonum: & circa hoc quaeruntur quinque.

Primo, utrum homines a demonibus impugnentur.

Secundo, utrum tentare sit proprium diaboli.

Tertio, utrum omnia peccata hominum ex impugnatione, sive tentatione demonum proveniant.

Quarto, utrum possint vera miracula facere ad seducendum.

Quinto, utrum daemones qui ab hominibus superantur, ab impugnatione hominum arceantur.

ARTICULUS I. 561

Utrum homines impugnentur a demonibus.

De mal. quaest. 113. art. 3. & 4.

AD primum sic proceditur. Videtur quod homines non impugnentur a demonibus. Angeli enim deputantur ad hominum custodiam missi a Deo. Sed daemones non mittuntur a Deo; cum demonum intentio sit perdere animas, Dei autem salvare. Ergo daemones non deputantur ad hominum impugnationem.

2. Praeterea. Non est aequa conditio

pugnae, ut infirmus contra fortem, ignarus contra astutum exponatur ad bellum. Sed homines sunt infirmi, & ignari; daemones autem potentes, & astuti. Non est ergo permittendum a Deo, qui est omnis iustitiae auctor, ut homines a demonibus impugnentur.

3. Praeterea. Ad exercitium hominum sufficit impugnatio carnis, & mundi. Sed Deus permittit electos suos impugnari propter eorum exercitium. Ergo non videtur necessarium quod a demonibus impugnentur.

Sed contra est quod Apostolus dicit ad Eph. vi. 12. quod non est nobis colluctatio adversus carnem, & sanguinem, sed adversus principes, & potestates, adversus mundi rectores tenebrarum harum, contra spiritualia nequicia in caelestibus.

Respondendo dicendum, quod circa impugnationem demonum duo est considerare, scilicet ipsam impugnationem, & impugnationis ordinem. Impugnatio quidem ipsa ex demonum malitia procedit: qui propter invidiam profectum hominum impedire nituntur; & propter superbiam divinae potestatis similitudinem usurpant, deputando sibi ministros determinatos ad hominum impugnationem, sicut & Angeli Dei ministrant in determinatis officiis ad hominum salutem. Sed ordo impugnationis ipsius est a Deo, qui ordinate novit malis uti, ad bona ea ordinando. Sed ex parte Angelorum tam ipsa custodia, quam ordo custodire reducit ad Deum sicut ad primum auctorem.

Ad primum ergo dicendum, quod mali Angeli impugnant homines dupliciter. Uno modo, intelligendo ad peccatum; & sic non mittuntur a Deo ad impugandum, sed aliquando permittuntur secundum Dei iusta iudicia. Aliquando autem impugnant homines puniendo: & sic mittuntur a Deo, sicut missus est spiritus mendax ad puniendum Achab Regem Israel, ut dicitur III. Reg. ult. Poena enim refertur in Deum sicut in primum auctorem: & tamen daemones ad puniendum missi alia intentione puniunt quam mittuntur: nam ipsi puniunt ex odio, vel invidia; mittuntur autem a Deo propter eius iustitiam.

Ad secundum dicendum, quod ad hoc quod non sit inaequalis pugnae conditio, hinc ex parte hominis recompensatio principaliter quidem per auxilium divinae gratiae, secundario autem per custodiam

An-

(a) Ita plures edd. cum aliquo. & debet fieri omnes. Alii, scientiam, item providentiam.

Angelorum. Unde IV. Reg. vi. 16. *Elisæus dixit ad ministrum suum: Noli timere: plures enim nobiscum sunt quam cum illis.*

Ad tertium dicendum, quod infirmitati humanæ sufficeret ad exercitium impugnationis quæ est a carne, & mundo; sed malitiæ dæmonum non sufficit, quæ utroque utitur ad hominum impugnationem: sed tamen ex divina ordinatione hoc provenit in gloriam electorum.

ARTICULUS II. 562

Utrum tentare sit proprium diaboli.

2. 2. quæst. xcvii. art. 2. cor. 1. II. diff. xxi. quæst. 1. art. 1. 1. quæst. vii. cap. vii.

AD secundum sic proceditur. Videtur quod tentare non sit proprium diaboli. Dicitur enim Deus tentare, secundum illud Genes. xxii. 1. *Tentavit Deus Abraham*: tentat etiam caro, & mundus; & etiam homo dicitur tentare Deum, & hominem. Ergo non est proprium dæmonis tentare.

1. Præterea. Tentare (a) est ignorantis. Sed dæmones sciunt quid circa homines agatur. Ergo dæmones non tentant.

3. Præterea. Tentatio est via in peccatum. Peccatum autem in voluntate consistit. Cum ergo dæmones non possint voluntatem hominis immutare, ut per supra dicta patet (quæst. cxi. art. 2.) videtur quod ad eos non pertineat tentare.

Sed contra est quod dicitur I. ad Thes. iii. 5. *Ne forte tentaveritis vos is qui tentat*: Glossa (interlinear.) „ idest diabolus, „ cuius officium est tentare.

Respondeo dicendum, quod tentare est proprie experimentum sumere de aliquo. Experimentum autem sumitur de aliquo, ut sciatur aliquid circa ipsum: & ideo proximus finis cuiuslibet tentantis est scientia. Sed quandoque ulterius ex scientia queritur aliquis alius finis vel bonus, vel malus: bonus quidem, sicut cum aliquis vult scire qualis aliquis sit vel quantum ad scientiam, vel quantum ad virtutem, ut eum promoveat; malus autem, quando hoc scire vult, ut eum decipiat, vel subvertat. Et per hunc modum potest accipi, quomodo tentare diversis diversimode attribuitur. Homo enim tentare dicitur quandoque quidem, ut sciat tantum; & propter hoc tentare

Deum dicitur esse peccatum, quia homo quasi incertus experiri præsumit Dei virtutem: quandoque vero tentat, ut iuvet: quandoque vero, ut noceat.

Diabolus autem semper tentat, ut noceat, in peccatum precipitando: & secundum hoc dicitur proprium officium eius tentare. Nam etsi homo aliquando sic tentet, hoc agit, in quantum est minister diaboli. Deus autem tentare dicitur, ut sciat, eo modo loquendi quo dicitur scire quod facit alios scire. Unde dicitur Deut. xiii. 3. *Tentat vos Dominus Deus vestester, ut palam fiat, utrum diligatis eum.* Caro etiam, & mundus dicuntur tentare instrumentaliter, seu materialiter, in quantum scilicet potest cognosci qualis sit homo ex hoc quod sequitur, vel repugnat concupiscentiæ carnis, & ex hoc quod continet prospera mundi, & adversa: quibus etiam diabolus utitur ad tentandum.

Et sic patet solutio ad primum. Ad secundum dicendum, quod dæmones sciunt ea quæ exterius aguntur circa homines; sed interiori hominis conditionem solus Deus novit, qui est spirituum ponderator: ex qua aliqui sunt magis proni ad unum vitium quam ad aliud. Et ideo diabolus tentat explorando interiori conditionem hominis, ut de illo vicio tentet ad quod homo magis pronus est.

Ad tertium dicendum, quod dæmon etsi non possit immutare voluntatem, potest tamen, ut supra dictum est (quæst. cxi. art. 3. & 4.) aliquoties immutare inferiores hominis vires; ex quibus etsi non cogitur voluntas, tamen inclinatur.

ARTICULUS III. 563

Utrum omnia peccata procedant ex tentatione diaboli.

2. 2. quæst. lxxx. art. 4. & III. quæst. viii. art. 7. ad 1. & mal. quæst. lxi. art. 5.

AD tertium sic proceditur. Videtur quod omnia peccata procedant ex tentatione diaboli. Dicit enim Dionysius iv. cap. de div. Nom. (2. med.) quod *multitudo demonum est causa omnium malorum sibi, & aliis*: & Damascenus dicit (Lib. II. orth. Fid. cap. iv. ad fin.) quod *omnis malitia, & omnis immunditia a diabolo excogitata sunt.*

1. Præterea. De quolibet peccatore dici posset quod Dominus de Iudeis dicit Ioan.

(a) Ita ed. Alex. cum aliis plurimis. Al. proprium est.

Ioan. viii. 44. *Vos ex patre diabolo estis.* Hoc autem est, inquantum ipsi ex diaboli suggestione peccabant. Omne ergo peccatum est ex suggestione diaboli.

3. Præterea. Sicut Angeli deputantur ad custodiam hominum, ita dæmones ad impugnationem. Sed omnia bona quæ facimus, ex suggestione bonorum Angelorum procedunt, quia divina ad nos mediantibus Angelis perferuntur. Ergo & omnia mala quæ facimus, proveniunt ex suggestione diaboli.

Sed contra est quod dicitur in Lib. de eccl. dogm. (cap. lxxxix.) *Non omnes cogitationes nostræ male a diabolo excitantur, sed aliquoties ex nostri arbitrii motu emergunt.*

Respondeo dicendum, quod causa alicuius potest dici aliquid dupliciter, uno modo directe, alio modo indirecte. Indirecte quidem, sicut cum aliquid agens cansans aliquam dispositionem ad aliquem effectum, dicitur esse occasionaliter, & indirecte causa illius effectus; sicut si dicatur, quod ille, qui (a) siccatur ligna, est causa combustionis eorum: & hoc modo dicendum est, quod diabolus est causa omnium peccatorum nostrorum: quia instigavit primum hominem ad peccandum, ex cuius peccato consecuta est in toto genere humanam quædam pronitas ad omnia peccata. Et per hunc modum intelligenda sunt verba Damasceni, & Dionysii (inducta in arg. 1.) Directe autem dicitur esse aliquid causa alicuius quod operatur directe ad illud: & hoc modo diabolus non est causa omnis peccati. Non enim omnia peccata committuntur diabolo instigante, sed quædam ex libertate arbitrii, & carnis corruptione: quia, ut Origenes dicit (Lib. III. Periar. cap. 11.) *etiam si diabolus non esset, homines haberent appetitum ciborum, & venereorum, & huiusmodi;* circa quæ multa inordinatio contingit, nisi per rationem talis appetitus refrenetur, & maxime supposita corruptione naturæ. Refrenare autem, & ordinare huiusmodi appetitum, subiacet libero arbitrio. Sic ergo non est necessarium omnia peccata ex instinctu diaboli provenire. Si quæ tamen ex instinctu eius proveniunt, ad ea complenda eo blandimento decipiuntur homines nunc, quo primi parentes, ut Ildorus dicit (Lib. III. de sum. bono, sive sententiarum cap. v. §. 21.)

Et per hoc patet responsio ad primum. Ad secundum dicendum, quod si qua

peccata absque instinctu diaboli pertrahantur, per ea tamen sunt homines huius diaboli, inquantum ipsi primo peccantem imitantur.

Ad tertium dicendum, quod homo potest per seipsum ruere in peccatum; sed ad meritum proicere non potest nisi auxilio divino, quod homini exhibetur mediante ministerio Angelorum: & ideo ad omnia bona nostra cooperantur Angeli. Non tamen omnia nostra peccata procedunt ex dæmonum suggestione; quamvis nullum genus peccati sit quod non interdum ex dæmonum suggestione proveniat.

ARTICULUS IV. 364

Utrum dæmones possint homines seducere per aliqua miracula.

AD quartum sic proceditur. Videtur quod dæmones non possint homines seducere per aliqua miracula vera. Operatio enim dæmonum maxime vigeat in operibus Antichristi. Sed, sicut Apostolus dicit II. ad Thimoth. 11. 9. *eius adventus est secundum operationem Satana in omni virtute, & signis, & prodigiis mendacibus.* Ergo multo magis alio tempore per dæmones non fiunt nisi signa mendacia.

2. Præterea. Vera miracula per aliquam corporum immutationem fiunt. Sed dæmones non possunt immutare corpus in aliam naturam: dicit enim Augustinus XVIII. de civit. Dei (cap. xviii. ante med.) *Nec corpus quidem humanum ulla ratione crediderim dæmonum arte, vel potestate in membra bestialia posse converteri.* Ergo dæmones vera miracula facere non possunt.

3. Præterea. Argumentum efficacium non habet quod se habet ad opposita. Si ergo miracula vera possunt fieri a dæmonibus ad falsitatem persuadendam, non erunt efficacia ad veritatem fidei confirmandam: quod est inconveniens; cum dicatur Marc. ult. 20. *Domino cooperante, & sermone confirmante sequensibus signis.*

Sed contra est quod Augustinus dicit Lib. lxxxiii. Q. (quæst. lxxix. a med.) *quod magicis artibus fiunt miracula plerumque similia illis miraculis quæ fiunt per servos Dei.*

Respondeo dicendum, quod, sicut ex supradictis patet (quæst. cv. art. 8. & quæst. cx. art. 4.) si miraculum proprie accipia-

(a) Ita cod. Alcan. Editi fecat.

ur, dæmones miracula facere non possunt, nec aliqua creatura, sed solus Deus: quia miraculum proprie dicitur quod sit præter ordinem totius naturæ creatæ; sub quo ordine continetur omnis virtus creata. Dicitur tamen quandoque miraculum large, quod excedit humanam facultatem, & considerationem: & sic dæmones possunt facere miracula, quæ scilicet homines mirantur, inquantum eorum facultatem, & cognitionem excedunt. Nam & unus homo, inquantum facit aliquid quod est supra facultatem, & cognitionem alterius, ducit alium in admirationem sui operis, ut quodammodo miraculum videatur operari.

Sciendum est tamen, quod quamvis huiusmodi opera dæmonum, quæ nobis miracula videntur, ad veram rationem miraculi non pertingant, sunt tamen quandoque veræ res; sicut magi Pharaonis per virtutem dæmonum veros serpentes, & ranas fecerunt; & quando ignis de celo cecidit, & familiam Iob cum gregibus pecorum uno impetu consumpsit, & turbo domum deiiciens filios eius occidit, quæ fuerunt opera Sathanæ, phantasmata non fuerunt, ut Augustinus dicit XX. de civit. Dei (cap. xix. prope fin.).

Ad primum ergo dicendum, quod, sicut Augustinus dicit ibidem, Antichristi opera possunt dici esse signa mendacii: vel quia mortales sensus per phantasmata decepturi est, ut quæ non facit, videatur facere; vel quia si sint vera prodigia, ad mendacium tamen pertrahere credituros.

Ad secundum dicendum, quod, sicut supra dictum est (quæst. cx. art. 2.) materia corporalis non obedit Angelis bonis, seu malis ad nutum, ut dæmones sua virtute possunt transmutare materiam de forma in formam; sed possunt adhibere quædam semina, quæ in elementis mundi inveniuntur, ad huiusmodi effectus complendos, ut Augustinus dicit III. de Trinit. (cap. viii.). Et ideo dicendum est, quod omnes transmutationes corporalium rerum quæ possunt fieri per aliquas virtutes naturales, ad quas pertinent prædicta semina, possunt fieri per operationem dæmonum, huiusmodi seminibus adhibitis; sicut cum aliquæ res transmutantur in serpentes, vel ranas, quæ per putrefactionem generari possunt. Illæ vero transmutationes corporalium rerum quæ non possunt virtute naturæ fieri, nullo modo operatione dæmonum

secundum rei veritatem perfici possunt; sicut quod corpus humanum mutetur in corpus bestiale, aut quod corpus hominis mortuum reviviscat. Et si aliquando aliquid tale operatione dæmonum fieri videatur, hoc non est secundum rei veritatem, sed secundum apparentiam tantum. Quod quidem potest dupliciter contingere. Uno modo ab interiori, secundum quod dæmon potest mutare phantasia hominis, & etiam sensus corporeos, ut aliquid videatur aliter quam sit, sicut supra dictum est (quæst. ci. art. 3. & 4.) & hoc etiam interdum fieri dicitur virtute aliquarum rerum corporalium. Alio modo ab exteriori. Cum enim ipse possit formare corpus ex aere cuiuscumque formæ, & figuræ, ut illud assumens in eo visibiliter appareat, potest eadem ratione circumponere cuiuscumque rei corporeæ quamcumque formam corpoream, ut in eius specie videatur. Et hoc est quod Augustinus dicit XVIII. de civ. Dei (cap. xviii.) quod phantasticum hominis, quod etiam in cogitando, sive somnando per rerum innumerabilium genera variatur, velut incorporatum in aliquis animalis effigie sensibus apparet alienis. Quod non est sic intelligendum, quod ipsa vis phantastica hominis, aut species eius eadem numero incorporata alterius sensibus ostendatur; sed quia dæmon, qui in phantasia unius hominis format aliquam speciem, ipse etiam potest similem speciem alterius sensibus offerre.

Ad tertium dicendum, quod, sicut Augustinus dicit in Lib. lxxxiii. Qq. (quæst. lxxix, a med.) cum salia faciunt magi, qualia sancti, diverso fine, & diverso iure fiunt. Illi enim faciunt quærentes gloriam suam, isti quærentes gloriam Dei: & illi faciunt per quedam privata commercia, isti autem publica administratione, & iussu Dei, cui cuncta creata subiecta sunt.

ARTICULUS V. 565

Utrum dæmon qui superatur ab aliquo, propter hoc ab impugnatione arceatur.

II. dist. vi. art. 5.

Ad quintum sic proceditur. Videtur quod dæmon qui superatur ab aliquo, non propter hoc ab impugnatione arceatur. Christus enim efficacissime suum tentatorem vicit; sed tamen postea eum impugnavit, ad occisionem eius ludæos incitando. Ergo non est verum quod diabolus victus ab impugnatione cesset.

2. Præ-

2. Præterea. Infligere poenam ei qui in pugna succumbit, est incitare ad acius impugandum. Hoc autem non pertinet ad Dei misericordiam. Ergo demones superari non arcentur.

Sed contra est quod dicitur Matth. iv. 11. *Tunc reliquit eum diabolus*, scilicet Christum superantem.

Respondet dicendum, quod quidam dicunt, quod daemon superatus nullum hominem potest de cetero tentare nec de eodem, nec de alio peccato. Quidam autem dicunt, quod potest alios tentare, sed non eundem. Et hoc probabilius dicitur, si tamen intelligatur usque ad aliquod tempus. Unde & Luc. iv. dicitur, quod consummata omni tentatione, diabolus recessit a Christo usque ad tempus. Et huius ratio est duplex. Una est ex parte divinæ clementiæ: quia, ut Chrysostomus dicit super Matth. (alius Augustor hom. v. in op. imperf. a med. super illud Matth. iv. *Vade retro Satana*:) *Non tamdiu homines diabolus tentat, quamdiu vivit, sed quamdiu Deus permittit: quia etsi permittat paupers tentare, tamen repellit propter infirmam naturam*. Alia ratio sumitur ex astutia diaboli. Unde Ambrosius dicit super Lucam (cap. iv. sup. illud, *Diabolus recessit ab illo*) quod *diabolus inflare formidat, quia frequentius refugit triumphari*. Quod tamen aliquando diabolus redeat ad eum quem dimisit, patet per illud quod dicitur Matth. xxi. 44. *Revertar in domum meam, unde exiit*.

Et per hoc patet solutio ad obiecta.

QUAESTIO CXV.

De actione corporalis creaturae,

in sex articulos divisa.

Consequenter considerandum est de actione corporalis creaturae, & fato, quod aliquibus corporibus attribuitur. Circa actiones corporales quaeruntur sex.

Primo, utrum aliquod corpus sit activum.

Secundo, utrum in corporibus sint aliquae feminales rationes.

Tertio, utrum corpora caelestia sint causa eorum quae hic per inferiora corpora hunc.

Quarto, utrum sint causa humanorum actuum.

Quinto, utrum eorum actionibus demones subdantur.

Sexto, utrum caelestia corpora impos-

nant necessitatem his quae eorum actionibus subdantur.

ARTICULUS I. 366

Utrum aliquod corpus sit activum.

III. cont. cap. lxxix.

Ad primum sic proceditur. Videtur quod nullum corpus sit activum. Dicit enim Augustinus (Lib. V. de civ. Dei cap. ix. cir. fin.) quod *in rebus invenitur aliquid actum, & non agens, sicut sunt corpora; aliquid agens, & non actum, sicut Deus; aliquid agens, & actum, sicut substantia spirituales*.

2. Præterea. Omne agens, excepto primo agente, in suo opere indiget subiecto, quod sit susceptibile suae actionis. Sed infra substantiam corporealem non est substantia, quae sit receptibilis suae actionis, quia haec substantia tenet ultimum gradum in entibus. Ergo substantia corporalis non est activa.

3. Præterea. Omnis substantia corporalis concluditur quantitate. Sed quantitas impedit substantiam a motu, & actione, quia comprehendit eam, & mergitur in ea; sicut impeditur aer nubilus a perceptione luminis: & huius signum est, quod quanto magis accrevit quantitas corporis, tanto est ponderosius, & gravius ad hoc quod moveatur. Ergo nulla substantia corporalis est activa.

4. Præterea. Omne agens habet virtutem agendi ex propinquitate ad primum activum. Sed a primo activo, quod est simplicissimum, remotissima sunt corpora, quae sunt maxime composita. Ergo nullum corpus est agens.

5. Præterea. Si aliquod corpus est agens, aut agit ad formam substantialem, aut ad formam accidentalem. Sed non ad formam substantialem, quia non invenitur in corporibus principium actionis, nisi aliqua qualitas activa, quae est accidens, accidens autem non potest esse causa formae substantialis, cum causa sit potior quam effectus; similiter etiam neque ad formam accidentalem, quia accidens non se extendit ultra suum subiectum, ut Augustinus dicit IX. de Trin. (cap. iv. a prin.) Ergo nullum corpus est activum.

Sed contra est quod Dionysius xv. caelest. Hierar. (inter princ. & med.) inter ceteras proprietates corpori ignis dicit, quod *ad suscipiatis materias manifestat*.

stat sui ipsius magnitudinem, activum, & passivum.

Respondeo dicendum, quod sensibilibiter apparet aliqua corpora esse activa. Sed circa corporum actiones tripliciter aliqui erraverunt.

Fuerunt enim aliqui qui totaliter corporibus actiones subtraxerunt. Et hæc est opinio Avicæbron in libro fontis vite, ubi per rationes quæ tactæ sunt, probare nititur, quod nullum corpus agit; sed omnes actiones quæ videntur esse corporum, sunt actiones cuiusdam virtutis spiritualis, quæ penetrat per omnia corpora; ita quod ignis, secundum eum, non calefacit, sed virtus spiritualis penetrans per ipsam. Et videtur hæc opinio derivata esse ab opinione Platonis.

Nam Plato posuit, omnes formas quæ sunt in materia corporali, esse participatas, & determinatas, & contrarias ad hanc materiam; formas vero separatas esse absolutas, & quasi universales. Et ideo illas formas separatas dicebat esse causas formarum quæ sunt in materia. Secundum hoc ergo quod forma quæ est in materia corporali, determinata est ad hanc materiam individuatam per quantitatem, ponebat Avicæbron, quod a quantitate, prout est individuationis principium, retinetur, & arcetur forma corporalis, ne possit se extendere per actionem in aliam materiam; sed solum forma spiritualis, & immaterialis, quæ non est coarctata per quantitatem, potest esse per actionem in aliud. Sed ista ratio non concludit quod forma corporalis non sit agens; sed quod non sit agens universale. Secundum enim quod participatur aliquid, secundum hoc est necessarium quod participetur id quod est proprium ei; sicut quantum participatur de lumine, tantum participatur de ratione visibilis. Agere autem, quod nihil est aliud quam facere aliquid actu, est per se proprium actus, in quantum est actus. Unde & omne agens agit sibi simile. Sic ergo ex hoc quod aliquid est forma non determinata per materiam quantitativè subiectam, habet quod sit agens indeterminatum, & universale; ex hoc vero quod est determinata ad hanc materiam, habet quod sit agens contractum, & particulare. Unde si esset forma ignis separata, ut Platonici posuerunt, esset aliquo modo causa omnis ignitionis. Sed hæc forma ignis quæ est in hac materia corporali, est causa huius ignitionis quæ

est ab hoc corpore in hoc corpus: unde & fit talis actio per contactum duorum corporum. Sed tamen hæc opinio Avicæbron superexcedit opinionem Platonis. Nam Plato ponebat solum formas substantiales separatas; accidentia vero reducebat ad principia materialia, quæ sunt *magnam*, & *parvam*; quæ ponebat esse prima contraria; sicut alii *rarum* & *densum*. Et ideo tam Plato, quam Avicenna in aliquo ipsum sequentes, ponebant, quod agentia corporalia agunt secundum formas accidentales, disponendo materiam ad formam substantialem; sed ultima perfectio, quæ est per inductionem formæ substantialis, est a principio immateriali. Et hæc est secunda opinio de actione corporum, de qua supra dictum est (quaest. xlv. art. 8.) cum de creatione ageretur.

Tertia vero opinio fuit Democriti, qui ponebat, actionem esse per effluxum, nem atomorum a corpore agente, & passionem esse per receptionem earumdem in poris corporis patientis. Quam opinionem improbat Aristoteles in I. de gen. (tex. 75. & seq.) Sequeretur enim quod corpus non pateretur per totum, & quod quantitas corporis agentis diminueretur ex hoc quod agit: quæ sunt manifeste falsa.

Dicendum est ergo, quod corpus agit, secundum quod est in actu, in aliud corpus, secundum quod est in potentia.

Ad primum ergo dicendum, quod dictum Augustini est intelligendum de tota natura corporali simul accepta, quæ non habet aliquam inferiorem naturam infra se, in quam agat, sicut natura spiritualis in corporalem, & natura increata in creatam; sed tamen unum corpus est infra alterum, in quantum est in potentia ad id quod habet aliud in actu.

Et per hoc patet solutio ad secundum. Sciendum est tamen, quod cum Avicæbron sic argumentatur: *Est aliquid quod est movens non motum, scilicet primus factor rerum: ergo ex opposito est aliquid quod est motum, & patiens tantum: hoc concedendum est. Sed hoc est materia prima, quæ est potentia pura, sicut Deus est actus purus. Corpus etiam componitur ex potentia, & actu; & ideo est agens, & patiens.*

Ad tertium dicendum, quod quantitas non impedit formam corporalem omnino ab actione, sicut dictum est (in cor. art.) sed impedit eam ne sit agens universale, in quantum forma individuat, &

V u

propt

S. Th. Oper. Tom. XX.

prout est in materia quantitati subiecta. Signum tamen quod inducitur de ponderositate corporum, non est ad proprium. Primo quidem quia additio quantitatis non est causa gravitatis, ut probatur in IV. de celo, & mundo (tex. 9.) Secundo quia falsum est quod ponderositas faciat tardiores motum; immo quanto aliquid est gravius, tanto magis movetur motu proprio. Tertio quia actio non fit per motum localem, ut Democritus posuit, sed per hoc quod aliquid reducitur de potentia in actum.

Ad quartum dicendum, quod corpus non est id quod maxime distat a Deo: participat enim aliquid de similitudine divini esse secundum formam quam habet: sed id quod maxime distat a Deo, est materia prima, quae nullo modo est agens, cum sit in potentia tantum.

Ad quintum dicendum, quod corpus agit & ad formam accidentalem, & ad formam substantialem. Qualitas enim activa, ut calor, etsi sit accedens, agit tamen in virtute formae substantialis sicut eius instrumentum: & ideo potest agere ad formam substantialem, sicut & calor naturalis, in quantum est instrumentum animae, agit ad generationem carnis; ad accedens vero agit propria virtute. Nec est contra rationem accidentis quod excedat suum subiectum in agendo, sed quod excedat in essendo: nisi forsitan quis imaginetur, idem accedens numero desinere ab agente in patienti, sicut Democritus ponebat, fieri actionem per desinere atomorum.

ARTICULUS II. 567

Utrum in materia corporali sint aliqua rationes seminales.

II. dist. VII. inf. exp. lit. & dist. XVII. art. 1. cor. & dist. XVII. quæst. 1. art. 2. & ver. quæst. V. art. 9. ad 5.

AD secundum sic proceditur. Videtur quod in materia corporali non sint aliqua rationes seminales. Ratio enim importat aliquid secundum esse spirituale. Sed in materia corporali non est aliquid spiritualiter, (a) sed corporaliter, secundum scilicet modum eius in quo est. Ergo in materia corporali non sunt seminales rationes.

2. Præterea. Augustinus dicit III. de Trin. (cap. VII.) quod *dæmones quædam opera faciunt adhibendo occultis motibus*

quædam semina, quæ in elementis cognoscuntur. Sed ea quæ per motum localem adhibentur, sunt corpora, non rationes. Ergo inconvenienter dicitur, quod sunt in corporali materia seminales rationes.

3. Præterea. Semen est principium activum. Sed in materia corporali non est aliquid principium activum; cum materia non competat agere, ut dictum est (art. præc.) Ergo in materia corporali non sunt seminales rationes.

4. Præterea. In materia corporali dicuntur esse quædam causales rationes, quæ videntur sufficere ad rerum productionem. Sed seminales rationes sunt alia a causalibus: quia præter seminales rationes sunt miracula, non autem præter causales. Ergo inconvenienter dicitur, quod seminales rationes sunt in materia corporali.

Sed contra est quod Augustinus dicit III. de Trin. (loc. sup. cit.) *Omnium rerum quæ corporaliter, visibiliterque nascuntur, occulta quædam semina in istis corporeis mundi huius elementis latent.*

Respondeo dicendum, quod denominationes consueverunt fieri a perfectiori, ut dicitur in II. de Anima (tex. 49.) In tota autem natura corporea perfectiora sunt corpora viva: unde & ipsum nomen naturæ translatus est a rebus viventibus ad omnes res naturales. Nam ipsum nomen naturæ, ut Philosophus dicit in V. Metaph. (tex. 5.) primo impositum fuit ad significandam generationem viventium, quæ *nativitas* dicitur: & quia vivencia generantur ex principio coniuncto, sicut fructus ex arbore, & secus ex matre, cui colligatur, consequenter tractum est nomen naturæ ad omne principium motus, quod est in eo quod movetur. Manifestum est autem quod principium activum, & passivum generationis rerum viventium sunt semina, tex quibus vivencia generantur. Et ideo convenienter Augustinus (loc. cit. in arg. *Sed con.*) omnes virtutes activas, & passivas, quæ sunt principia generationum, & motuum naturalium, *seminales rationes* vocat. Huiusmodi autem virtutes activæ, & passivæ in multiplici ordine considerari possunt. Nam primo quidem, ut Augustinus dicit VI. super Genes. ad lit. (cap. x.) sunt principaliter, & originaliter in ipso Verbo Dei secundum rationes ideales. Secundo vero sunt in elementis mundi, ubi simul a principio productæ sunt, sicut in univers-

(a) Nihil aliud: sed materialiter tantum.

versalibus causis. Tercio vero modo sunt in iis quæ ex universalibus causis secundum successiones temporum producuntur, sicut in hac planta, & in hoc animali, tamquam particularibus causis. Quæro modo sunt in feminibus quæ ex animalibus, & plantis producuntur: quæ iterum comparantur ad alios effectus particulares: sicut primordiales causæ universales ad primos effectus producendos.

Ad primum ergo dicendum, quod huiusmodi virtutes activæ, & passivæ rerum naturalium, etsi non possint dici rationes, secundum quod sunt in materia corporali, possunt tamen dici rationes per comparationem ad suam originem, secundum quod deducuntur a rationibus idealibus.

Ad secundum dicendum, quod huiusmodi virtutes activæ, & passivæ sunt in aliquibus partibus corporalibus, quæ dum adhibentur a dæmonibus per motum localem ad aliquos effectus complendos, dicuntur semina adhiberi per dæmones.

Ad tertium dicendum, quod semen maris est principium activum in generatione animalis: sed potest etiam dici semen id quod est ex parte feminæ, quod est principium passivum. Et sic sub semine comprehendendi possunt vires activæ, & passivæ.

Ad quartum dicendum, quod ex verbis Augustini de huiusmodi rationibus feminilibus loquentis satis accipi potest quod ipsæ rationes seminales sunt etiam rationes causales, sicut & semen est quædam causa. Dicit enim in III. de Trin. (cap. ix. circ. princ.) quod *sicut matres gravidæ sunt foetibus, sic ipse mundus est gravidus causis nascentium*. Sed tamen rationes ideales possunt dici causales, non autem proprie loquendo seminales, quia semen non est principium separatum: & præter huiusmodi rationes non sunt miracula; similiter etiam neque præter virtutes passivas creaturæ inditas, ut ex ea fieri possit quicquid Deus mandaverit: sed præter virtutes activas naturales, & potentias passivas, quæ ordinantur ad huiusmodi virtutes activas, dicuntur fieri miracula, dum dicitur, quod sunt præter rationes feminales.

ARTICULUS III. 368

Utrum corpora caelestia sunt causa eorum quæ hic in inferioribus corporibus fiunt.

1. 2. quæst. xcv. art. 9. & quæst. xcvi. art. 2. ad 2. & opusc. v. art. 3. ad 2.

Ad tertium sic proceditur. Videtur quod corpora caelestia non sint causa eorum quæ hic in inferioribus corporibus fiunt. Dicit enim Damascenus (Lib. II. orth. Fid. cap. vii.) *Nos autem dicimus, quoniam ipsa, scilicet corpora caelestia, non sunt causa alicuius eorum quæ fiunt, neque corruptionis eorum quæ corrumpuntur; signa autem sunt magis imbrium, & aeris transmutationis.*

2. Præterea. Ad faciendum aliquid sufficit agens, & materia. Sed in istis inferioribus invenitur materia patiens, & inveniuntur etiam contraria agentia, scilicet calidum, & frigidum, & huiusmodi. Ergo non est necessarium ad causandum ea quæ hic inferius fiunt, causalitatem caelestibus corporibus attribueri.

3. Præterea. Agens agit sibi simile. Sed videmus quod omnia quæ fiunt hic inferius, fiunt per hoc quod calefiunt, & frigidantur, humectantur, & desiccantur, & aliis huiusmodi qualitatibus alterantur; quæ non inveniuntur in corporibus caelestibus. Ergo corpora caelestia non sunt causa eorum quæ hic fiunt.

4. Præterea. Sicut Augustinus dicit V. de civit. Dei (cap. vi. circa fin.) *nihil est magis corporeum quam corporis sexus*. Sed corporis sexus non causatur ex corporibus caelestibus: cuius signum esse videtur quod duorum geminorum sub una constellatione natorum unus est masculus, & alter est femina. Ergo corpora caelestia non sunt causa rerum corporalium quæ hic fiunt.

Sed contra est quod dicit Augustinus III. de Trin. (cap. iv. a princ.) quod *corpora crassiora, & inferiora per subtiliora, & potentiora quodam ordine reguntur*: & Dionysius dicit iv. cap. de div. Nom. (par. 1. lect. 4.) quod *lumen Solis ad generationem sensibilium corporum confert, & ad vitam ipsam movet, & nutrit, & auget, & perficit.*

Respondendo dicendum, quod cum omnis multitudo ab unitate procedat; quod autem immobile est, uno modo se habet, quod vero movetur, multiformiter; considerandum est in tota natura, quod omnis motus ab immobili procedit. Et

V u 2 id:0

ideo quanto aliqua magis sunt immobilia, tanto sunt magis causa eorum quæ sunt magis mobilia. Corpora autem cælestia sunt inter alia corpora magis immobilia, non enim moventur nisi motu locali. Et ideo motus horum inferiorum corporum, qui sunt varii, & multiformes, reducuntur in motum corporis cælestis sicut in causam.

Ad primum ergo dicendum, quod dictum Damasceni intelligendum est, quod corpora cælestia non sunt primo causa generationis, & corruptionis eorum quæ hic fiunt, sicut dicebant illi qui ponebant corpora cælestia esse deos.

Ad secundum dicendum, quod principia activa in istis inferioribus corporibus non inveniuntur nisi qualitates activæ elementorum, quæ sunt calidum, & frigidum, & huiusmodi. Et si sic esset quod forme substantiales inferiorum corporum non diversificarentur nisi secundum huiusmodi accidentia, quorum principia rarum, & densum antiqui Naturales posuerunt; non deberet super hæc inferiora corpora aliquid principium activum ponere; sed ipsa fuissent ad agendum. Sed recte considerantibus apparet quod huiusmodi accidentia se habent sicut materiales dispositiones ad formas substantiales naturalium corporum: materia autem non sufficit ad agendum; & ideo oportet super has materiales dispositiones ponere aliquid principium activum. Unde Platonicus posuerunt species separatas, secundum quarum participationem inferiora corpora substantiales formas consequuntur. Sed hoc non videtur sufficere: quia species separatae semper eodem modo se haberent, cum ponantur immobiles; & sic sequeretur quod non esset aliqua variatio circa generationem, & corruptionem inferiorum corporum: quod patet esse falsum. Unde secundum Philosophum in II. de gener. (tex. 56. & seq.) necesse est ponere aliquid principium activum mobile, quod per suam præsentiam, & absentiam causet varietatem circa generationem, & corruptionem inferiorum corporum: & huiusmodi sunt corpora cælestia. Et ideo quicquid in istis inferioribus generat, & movet ad speciem, est sicut instrumentum cælestis corporis, secundum quod dicitur II. Physic. (tex. 26.) quod homo generat hominem, & Sol.

Ad tertium dicendum, quod corpora cælestia inferioribus corporibus non sunt similia similitudine speciei, sed inquan-

tum sua universali virtute continent in se quicquid in inferioribus generatur: secundum quem modum dicimus etiam, omnia esse Deo similia.

Ad quartum dicendum, quod actiones corporum cælestium diversimode recipiuntur in inferioribus corporibus secundum diversam materię dispositionem. Contingit autem quandoque quod materia conceptus humani non est disposita totaliter ad masculinum sexum: unde partim formatur in masculum, partim in feminam. Unde & hoc introducit ab Augustino (Lib. V. de civ. Dei cap. vi.) ad repellendum divinationem quæ sit per astra: quia effectus astrorum variantur etiam in rebus corporis secundum diversam materię dispositionem.

ARTICULUS IV. 569

Utrum corpora cælestia sint causa humanorum actuum.

2. *quaest. xcvi. art. 5. cor. & mal. quaest. xxi. art. 7. ad 16. & quod. xii. art. 5. corp. & vi. lect. 3. com. 5.*

AD quartum sic proceditur. Videtur quod corpora cælestia sint causa humanorum actuum. Corpora enim cælestia, cum moventur a spiritalibus substantiis, sicut supra dictum est (quæst. cx. art. 2. & 3.) agunt in virtute earum quasi instrumenta. Sed illæ substantiæ spirituales sunt superiores animabus nostris. Ergo videtur quod possint imprimere in animas nostras, & sic causare actus humanos.

2. Præterea. Omne multiforme reducit in aliquid uniforme principium. Sed actus humani sunt varii, & multiformes. Ergo videtur quod reducuntur in uniformes motus cælestium corporum sicut in sua principia.

3. Præterea. Astrologi frequenter vera annuntiant de eventibus bellorum, & aliis humanis actibus, quorum principia sunt intellectus, & voluntas: quod facere non possent, nisi cælestia corpora essent humanorum actuum causa. Sunt ergo corpora cælestia humanorum actuum causa.

Sed contra est quod Damascenus dicit (Lib. II. orth. Fid. cap. vii.) quod corpora cælestia humanorum actuum nequaquam sunt causa.

Respondeo dicendum, quod corpora cælestia in corpora quidem imprimunt directe, & per se, sicut iam dictum est (art.

(*art. præc.*) in vires autem animæ quæ sunt actus organorum corpororum, (*a*) directe quidem, sed per accidens: quia necesse est huiusmodi actus harum potentiarum impediri secundum impedimenta organorum, sicut oculus turbatus non bene videt. Unde si intellectus, & voluntas essent vires corporeis organis alligatæ (sicut posuerunt aliqui dicentes, quod intellectus non differt a sensu) ex necessitate sequeretur quod corpora cælestia essent causa electionum, & actuum humanorum: & ex hoc sequeretur quod homo naturali instinctu ageretur ad suas actiones, sicut cetera animalia, in quibus non sunt nisi vires animæ corporeis organis alligatæ: nam illud quod fit in istis inferioribus ex impressione corporum cælestium, naturaliter agitur: & ita sequeretur quod homo non esset liberi arbitrii, sed haberet actiones determinatas, sicut & ceteræ res naturales: quæ manifeste sunt falsa, & contrarietati humanæ contraria.

Sciendum est tamen, quod indirecte, & per accidens impressiones corporum cælestium ad intellectum, & voluntatem pertinere possunt, inquantum scilicet tam intellectus, quam voluntas aliquo modo ab inferioribus viribus accipiunt quæ organis corporeis alligantur. Sed circa hoc diversimode se habent intellectus, & voluntas. Nam intellectus ex necessitate accipit ab inferioribus viribus apprehensivis: unde, turbata vi imaginativa, vel cogitativa, vel memorativa, ex necessitate turbatur actio intellectus: sed voluntas non ex necessitate sequitur inclinationem appetitus inferioris. Licet enim passionibus, quæ sunt in irascibili, & concupiscibili, habeant quandam vim ad inclinandum voluntatem; tamen in potestate voluntatis remanent sequi passionibus, vel eas refutare. Et ideo impressio cælestium corporum, secundum quam immutari possunt inferiores vires minus pertingit ad voluntatem, quæ est proxima causa humanorum actuum, quam ad intellectum. Ponere igitur cælestia corpora esse causam humanorum actuum, est proprium illorum qui dicunt, intellectum non differe a sensu. Unde quidam eorum dicebant, quod *talis est voluntas in hominibus, qualem in diem inducit pater virorum, deorumque*.

Quia ergo constat intellectum, & voluntatem non esse actus organorum corporum, impossibile est quod corpora

S. Tb. Oper. Tom. XX.

cælestia sint causa humanorum actuum. Ad primum ergo dicendum, quod spirituales substantiæ quæ cælestia corpora movent, in corporalia quidem agunt mediantibus cælestibus corporibus; sed in intellectum humanum agunt immediate illuminando; voluntatem autem immutare non possunt, ut supra habitum est (*quæst. cx. art. 2.*)

Ad secundum dicendum, quod sicut multiformitas corporalium motuum reducitur, sicut in causas, in uniformitatem motuum cælestium; ita multiformitas actuum qui sunt ab intellectu, & voluntate, reducitur in principium uniforme, quod est intellectus, & voluntas divina.

Ad tertium dicendum, quod plures hominum sequuntur passionibus, quæ sunt motus sensitivi appetitus, ad quas cooperari possunt corpora cælestia; pauci autem sunt sapientes, qui huiusmodi passionibus resistunt. Et ideo astrologi ut in pluribus vera possunt prædicere, & maxime in communi, non autem in speciali: quia nihil prohibet aliquem hominem per liberum arbitrium passionibus resistere. Unde & ipsi astrologi dicunt, quod *sapiens homo dominatur astris*, inquantum scilicet dominatur suis passionibus.

ARTICULUS V. 579

Utrum corpora cælestia possint imprimere in ipsos daemones.

II. dist. VII. quæst. III. art. 1. ad 4. 5^a art. 2. ad 3. 5^a pot. quæst. VI. art. 3. cor. 5^a art. 10. 5^a quæst. XI. art. 12.

AD quintum se proceditur. Videtur quod corpora cælestia possint imprimere in ipsos daemones. Daemones enim secundum certa augmenta Lunæ aliquos homines vexant; qui & propter hoc *lunatici* dicuntur, ut patet Matth. IV. & XVII. Sed hoc non esset, nisi corporibus cælestibus subiacerent. Ergo daemones subiacerent actionibus cælestium corporum.

1. Præterea. Necromantici observant certas constellationes ad invocandos daemones. Non autem per corpora cælestia invocarentur, si non eis subiacerent. Ergo daemones subiacerent actionibus cælestium corporum.

3. Præterea. Corpora cælestia virtuosiora sunt quam corpora inferiora. Sed

V u 3

qui-

(*a*) Ita cod. Alcan. alique enim edips plurimis, Edit. Rom. non dicitur.

quibusdam inferioribus corporibus dæmones accentur, scilicet herbis, & lapidibus, & animantibus, & quibusdam ionis certis, ac vocibus, &figurationibus, atque figmentis; ut a Porphyrio dictum Augustinus introducit in X. de civit. Dei (cap. xi.) Ergo multo magis dæmones subduntur actioni cælestium corporum.

Sed contra est quod dæmones sunt superiores ordine naturæ quam corpora cælestia. Agens autem est superius patiente, ut Augustinus dicit XII. super Gen. ad lit. (cap. xvi. in med.) Ergo dæmones non subduntur actioni corporum cælestium.

Respondendo dicendum, quod circa dæmones fuit triplex opinio. Prima Peripateticorum, qui posuerunt, dæmones non esse; sed ea quæ attribuuntur dæmonibus secundum artem necromanticam, fieri virtute cælestium corporum. Et hoc est quod Augustinus X. de civit. Dei (cap. xi.) introducit dictum a Porphyrio, quod fabricantur in terra ab hominibus potestates idonea fiderum variis effectibus exequendis. Sed hæc posicio est manifeste falsa. Experimento enim scitur, multa per dæmones fieri ad quæ nullo modo virtus cælestium corporum sufficeret; puta quod arripit loquuntur lingua ignota; quod recitant versus, & auctoritates, quas nunquam sciverunt; quod necromantici faciunt statuas loqui, & moveri; & similia.

Ex quibus Platonici moti fuerunt ut ponerent dæmones esse animalia corpore acta, animo passiva, ut ab Apuleio dictum Augustinus introducit VIII. de civ. Dei (cap. xvi. a princ.) Et hæc est secunda opinio; secundum quam dici posset, quod dæmones hoc modo subduntur corporibus cælestibus, sicut & de hominibus dictum est (art. præc.) Sed hæc opinio, ut ex superioribus patet (quæst. xi. art. 1.) est falsa.

Dicimus enim, dæmones esse substantias intellectuales corporibus non unitas. Unde patet quod non subduntur actioni cælestium corporum nec per se, nec per accidens, nec directe, nec indirecte.

Ad primum ergo dicendum, quod hoc quod dæmones secundum certa augmenta Lunæ homines vexant, contingit propter duo. Primo quidem ad hoc quod infament creaturam Dei, scilicet Lunam, ut Hieronymus (in cap. iv. Matth. in fin.) & Chrysostomus (hom. lvi. in Matth. cap. xvi.) dicunt. Secundo quia

cum non possint operari nisi mediantibus naturalibus virtutibus, ut supra dictum est (quæst. cx. art. 4.) in suis operibus considerant corporum aptitudines ad effectus intentos. Manifestum est autem quod cerebrum humidissimum est omnium partium corporis, ut Aristoteles dicit (Lib. de som. & vig. cap. v. post. med.) & ideo maxime subicitur operationi Lunæ, quæ ex sui proprietate habet movere humorem. In cerebro autem perficiuntur vires animales; & ideo dæmones secundum certa augmenta Lunæ perturbant hominis phantasiam, quando considerant cerebrum ad hoc esse dispositum.

Ad secundum dicendum, quod dæmones advocati in certis constellationibus propter duo veniunt. Primo quidem, ut homines in hunc errorem inducant quod credant aliquod nomen esse in stellis. Secundo quia considerant secundum aliquas certas constellationes materiam corporalem magis esse dispositam ad effectus pro quibus advocantur.

Ad tertium dicendum, quod, sicut Augustinus dicit XXI. de civitate Dei (cap. vi. a med.) dæmones alliciuntur per varia genera lapidum, herbarum, lignorum, animalium, carminum, rituum, non ut animalia cibis, sed ut spiritus signis; in quantum scilicet hæc eis exhibentur in signum divini honoris, cuius ipsi sunt cupidi.

ARTICULUS VI. 571

Utrum corpora cælestia imponant necessitatem his quæ eorum actioni subduntur.

III. cons. cap. lxxxvi. & ver. quæst. II. art. 14. ad 3. & quæst. v. art. 3. ad 1. & 2. & mal. quæst. xvi. art. 7. ad 11.

AD sextum sic proceditur. Videtur quod corpora cælestia imponant necessitatem iis quæ eorum actioni subduntur. Causa enim sufficiens posita, necesse est effectum poni. Sed corpora cælestia sunt sufficiens causa suorum effectuum. Cum igitur corpora cælestia cum suis motibus, & dispositionibus ponantur sicut ex necessitate entia, videtur quod effectus eorum ex necessitate consequantur.

2. Præterea. Effectus agentis ex necessitate sequitur in materia, quando virtus agentis tanta fuerit quod possit sibi subicere totam materiam. Sed tota materia inferiorum corporum subicitur virtuti cælestium corporum, tamquam

ex-

excellentiore. Ergo ex necessitate effectus caelestium corporum recipitur in materia corporali.

3. Præterea. Si effectus caelestis corporis non ex necessitate proveniat, hoc est propter aliquam causam impediendam. Sed quamlibet causam corpoream, quæ impedire possit effectum caelestis corporis, necesse est reduci in aliquod caeleste principium; cum caelestia corpora sint causa omnium quæ hic sunt. Ergo cum & illud caeleste principium sit necessarium, sequitur quod necesse sit impediri effectum alterius corporis caelestis; & sic omnia quæ hic contingunt, ex necessitate eveniunt.

Sed contra est quod Philosophus dicit in Lib. de somno, & vigil. (sive Lib. de divin. per somn. qui illianectitur, cap. 11.) quod neque eorum quæ in corporibus sunt, signorum caelestium, velut aquarum, & ventorum, inconvenientis est multa non evenire. Sic ergo non omnes effectus caelestium corporum ex necessitate eveniunt.

Respondendo dicendum, quod ista quaestio partim quidem absoluta est secundum præmissa, partim autem difficultatem habet.

Ostensum enim est (art. 4. huius quaest.) quod quamvis ex impressione corporum caelestium fiant aliquæ inclinationes in natura corporali, voluntas tamen non ex necessitate sequitur has inclinationes: & ideo nihil prohibet per voluntariam actionem impediri effectum caelestium corporum, non solum in ipso homine, sed etiam in aliis rebus, ad quas hominum operatio se extendit.

Sed nullum tale principium invenitur in rebus naturalibus quod habeat libertatem sequendi, vel non sequendi impressiones caelestes. Unde videtur quod in talibus ad minus omnia ex necessitate proveniant, secundum antiquam quorundam rationem, qui supponentes, omne quod est, causam habere, & quod posita causa, ex necessitate ponitur effectus, concludebant, quod omnia ex necessitate contingant. Quam quidem opinionem refellit Aristoteles in VI. Metaph. (text. 7.) secundum duo quæ ipsi supponunt. Primum enim non est verum quod, posita quacunque causa, necesse sit effectum poni: sunt enim quædam causæ quæ ordinantur ad suos effectus non ex necessitate, sed ut in pluribus; quæ quandoque deficiunt in minori parte. Sed quia huiusmodi causæ non deficiunt in minori parte nisi propter aliquam causam

impediendam, videtur adhuc prædictum inconveniens non vitari: quia & ipsum impedimentum talis causæ ex necessitate contingit. Et ideo secundo oportet dicere, quod omne quod est per se, habet causam; quod autem est per accidens, non habet causam, quia non est vere ens, cum non sit vere unum. Album enim causam habet, similiter & mulicum; sed album mulicum non habet causam, quia non est vere ens, neque vere unum. Manifestum est autem quod causa impediens actionem alicuius causæ ordinatæ ad suum effectum ut in pluribus, concurrat ei interdum per accidens: unde talis concursus non habet causam, inquantum est per accidens: & propter hoc, id quod ex tali concursu sequitur, non reducitur in aliquam causam præexistentem, ex qua ex necessitate sequatur; sicut quod aliquod corpus terrestre ignitum in superiori parte aeris generetur, & deorsum cadat, habet causam aliquam virtutem caelestem; & similiter etiam quod in superficie terræ sit aliqua materia combustibilis, potest reduci in aliquod caeleste principium; sed quod ignis cadens huic materię occurrat, & comburat eam, non habet causam aliquod caeleste corpus, sed est per accidens.

Et sic patet quod non omnes effectus caelestium corporum sunt ex necessitate.

Ad primum ergo dicendum, quod corpora caelestia sunt causa inferiorum effectuum mediantibus causis particularibus inferioribus, quæ deficere possunt in minori parte.

Ad secundum dicendum, quod virtus corporis caelestis non est infinita: unde requirit determinatam dispositionem in materia ad inducendum suum effectum & quantum ad distantiam loci, & quantum ad alias condiciones. Et ideo sicut distantia loci impedit effectum caelestis corporis (non enim Sol eundem caloris effectum habet in Dacia, quem habet in Aethiopia) ita & grossities materię, vel frigiditas, aut caliditas, aut alia huiusmodi dispositio impedire potest effectum corporis caelestis.

Ad tertium dicendum, quod licet causa impediens effectum alterius causæ deducatur in aliquod caeleste corpus sicut in causam; tamen concursus duarum causarum, cum sit per accidens, non reducitur in causam caelestem, ut dictum est (in corp. art.)

QUAESTIO CXVI.

De fato,

in quatuor articulos divisa.

DEinde considerandum est de fato: & circa hoc quaeruntur quatuor.

Primo, an fatum sit.

Secundo, in quo sit.

Tertio, utrum sit immobile.

Quarto, utrum omnia sublint fato.

ARTICULUS I. 572

Utrum fatum sit aliquid.

III. cont. cap. xciii. & opus. 11. cap. cxi. & opus. xxviii. cap. 1.

AD primum sic proceditur. Videtur quod fatum nihil sit. Dicit enim Gregorius in hom. Epiphania (quae est x. in Evang. circ. med.) *Abste a fidelium cordibus ut fatum esse aliquid dicant.*

2. Praeterea. Ea quae fato aguntur, non sunt improvisa: quia, ut Augustinus dicit V. de civit. Dei (cap. ix. in med.) *fatum a fando dictum intelligimus, id est a loquendo*, ut ea, fato fieri dicantur, quae ab aliquo determinante sunt ante praelocuta. Quae autem sunt provisae, non sunt fortuitae, neque casualia. Si igitur res fato aguntur, excluduntur casus, & fortuna a rebus.

Sed contra. Quod non est, non definitur. Sed Boetius in IV. de consol. (prosa vi. a princ.) definit fatum, dicens, *quod fatum est inbare: rebus mobilibus dispositio, per quam providentia suis quaeque nescit ordinibus*. Ergo fatum aliquid est.

Respondeo dicendum, quod in rebus inferioribus videtur quaedam a fortuna, vel casu provenire. Contingit autem quandoque quod aliquid ad inferiores causas relatum est fortuitum, vel casuale, quod tamen relatum ad causam aliquam superiorem invenitur esse per se intentum: sicut si duo servi alicuius domini mittantur ab eo ad eundem locum, uno de altero ignorante; concursus duorum servorum, si ad ipsos servos referatur, casualis est, quia accidit praeter utriusque intentionem; si autem referatur ad dominum, qui hoc praedixit, non est casuale, sed per se intentum.

Fuerunt igitur aliqui qui huiusmodi casualia, & fortuita, quae in his inferioribus accidunt, in nullam superiorem

causam reducere voluerunt: & hi fatum, & providentiam negaverunt, ut de Tullio Augustinus recitat in V. de civ. Dei (cap. ix.): *quod est contra ea quae superius de providentia dicta sunt (quaest. xxi. art. 2.)*

Quidam vero omnia fortuita, & casualia, quae in istis inferioribus accidunt, sive in rebus naturalibus, sive in rebus humanis, reducere voluerunt in superiorem causam, id est in caelestia corpora: & secundum hoc fatum nihil aliud est quam dispositio siderum in qua quilibet conceptus est, vel natus.

Sed hoc stare non potest propter duos. Primo quidem quantum ad res humanas: quia iam ostensum est (quaest. praec. art. 4.) quod humani actus non subduntur actioni caelestium corporum nisi per accidens & indirecte: causa autem fatalis, cum habeat ordinationem super ea quae fato aguntur, necesse est quod sit directe & per se causa eius quod agitur. Secundo quantum ad omnia quae per accidens aguntur: dictum est enim supra (quaest. praec. art. 6.) quod id quod est per accidens, non est proprie ens, neque unum: omnis autem naturae actio terminatur ad aliquid unum: unde impossibile est quod id quod est per accidens, sit effectus per se alicuius naturalis principii agentis. Nulla ergo natura per se hoc facere potest quod intendens fodere sepulcrum, inveniat thesaurum. Manifestum est autem quod corpus caeleste agit per modum naturalis principii: unde & effectus eius in hoc mundo sunt naturales. Impossibile est ergo quod aliqua virtus activa caelestis corporis sit causa eorum quae hic aguntur per accidens, sive a casu, sive a fortuna.

Et ideo dicendum est, quod ea quae hic per accidens aguntur sive in rebus naturalibus, sive in humanis, reducuntur in aliquam causam praedeterminantem, quae est providentia divina: quia nihil prohibet, id quod est per accidens, accipi ut unum ab aliquo intellectu: alioquin intellectus formare non posset hanc propositionem: *Fodiens sepulcrum invenit thesaurum*. Et sicut hoc potest intellectus apprehendere, ita potest efficere: sicut si aliquis sciens in quo loco sit thesaurus absconditus, instiget aliquem rusticum hoc ignorantem, ut ibi fodiat sepulcrum. Et sic nihil prohibet ea quae hic per accidens aguntur, ut fortuita vel casualia, reduci in aliquam causam

ar-

ordinantem, quæ per intellectum agit, & præcipue intellectum divinum: nam solus Deus potest voluntatem immutare, ut supra habitum est (quæst. cv. art. 4. & quæst. cvi. art. 2. & quæst. cxv. art. 2.) Et per consequens ordinatio humanorum actuum, quorum principium est voluntas, soli Deo attribui debet. Sic igitur inquantum omnia quæ hic aguntur, divinæ providentiæ subduntur, tamquam per eam (a) præordinata, & quali prælocuta, fatum ponere possumus: licet hoc nomine sancti Doctores uti recusaverint propter eos qui ad vana positionis siderum hoc nomen detorquebant. Unde Augustinus dicit in V. de civ. Dei (cap. 1. a princ.) *Si propterea quisquam res humanas fato tribuit, quia ipsam Dei voluntatem, vel potestatem fati nomine appellat; sententiam tenet, & linguam corrigat.* Et sic Gregorius (loc. cit. in arg. 1.) fatum esse negat.

Unde patet solutio ad primum.

Ad secundum dicendum, quod nihil prohibet aliqua esse sortuita, vel casuaria per comparisonem ad causas proximas, non tamen per comparisonem ad divinam providentiam: sic enim nihil temere fit in mundo, ut Augustinus dicit in Lib. lxxxiii. Q. (quæst. xxiv.)

ARTICULUS II. 573

Utrum fatum sit in rebus creatis.

I. dist. xxxix. quæst. ii. art. 1. ad 3. & III. contra cap. xciii. princ. & per. quæst. v. art. 1. ad 1. & quod. xii. art. 5. cor. & opusc. 11. cap. cxi. & opusc. xxviii. cap. 1.

AD secundum sic proceditur. Videtur quod fatum non sit in rebus creatis. Dicit enim Augustinus V. de civit. Dei (cap. viii. & ix.) quod ipsa Dei voluntas, vel potestas fati nomine appellatur. Sed voluntas, & potestas Dei non est in creaturis, sed in Deo. Ergo fatum non est in rebus creatis, sed in Deo.

2. Præterea. Fatum comparatur ad ea quæ fato aguntur, ut causa, sicut ipse modus loquendi ostendit. Sed causa universalis per se eorum quæ hic per accidens aguntur, est solus Deus, ut supra dictum est (art. præc.) Ergo fatum est in Deo, & non in rebus creatis.

3. Præterea. Si fatum est in creaturis aut est substantia, aut accidens: & quodcumque horum detur, oportet quod multiplicetur secundum creaturarum multi-

tudinem. Cum ergo fatum videatur esse unum tantum, videtur quod fatum non sit in creaturis, sed in Deo.

Sed contra est quod Boetius dicit in IV. de consol. (prosa vi. a princ.) quod *fatum est dispositio rebus mobilibus inherens.*

Respondeo dicendum, quod, sicut ex prædictis patet (quæst. cxii. art. 6.) divina providentia per causas medias suos effectus exequitur. Potest ergo ipsa ordinatio effectuum dupliciter considerari. Uno modo secundum quod est in ipso Deo: & sic ipsa ordinatio effectuum vocatur providentia. Secundum vero quod prædicta ordinatio consideratur in mediis causis a Deo ordinatis ad aliquos effectus producendos, sic habet rationem facti: & hoc est quod Boetius dicit IV. de consol. (loc. sup. cit.) *Sive famulantibus quibusdam providentiæ divine spiritibus fatum exercetur, seu anima, seu tota inferosiente natura, sive celestibus siderum motibus, seu angelica virtute, seu demonum varia solertia, seu aliquibus eorum, seu omnibus, fatalis seriet textitur:* de quibus omnibus per singula in præcedentibus dictum est (art. 1. huius quæst. & quæst. civ. art. 2. & quæst. cxv. art. 2.) Sic ergo est manifestum quod fatum est in ipsis causis creatis, inquantum sunt ordinatæ a Deo ad aliquos effectus producendos.

Ad primum ergo dicendum, quod ipsa ordinatio causarum secundarum, quam Augustinus (loc. cit. in arg.) *seriem causarum* nominat, non habet rationem facti, nisi secundum quod dependet a Deo: & ideo causaliter Dei potestas, vel voluntas dici potest fatum; essentialiter vero fatum est ipsa dispositio, seu series, id est ordo causarum secundarum.

Ad secundum dicendum, quod inquantum fatum habet rationem causæ, inquantum & ipsæ causæ secundæ, quarum ordinatio fatum vocatur.

Ad tertium dicendum, quod fatum dicitur dispositio, non quæ est in genere qualitatis, sed secundum quod dispositio designat ordinem, qui non est substantia, sed relatio. Qui quidem ordo si consideretur per comparisonem ad suum principium, est unus; & sic dicitur unum fatum: si autem consideretur per relationem ad effectus, vel ad ipsas causas medias, sic multiplicatur: per quem modum Poeta dixit: *Te tua fata trahunt.* (Virg. implic. V. Aeneid. ver. 509.)

A R-

(a) Ita ed. Alcan. cum idem pluribus. Ed. Rom. ordinata.

ARTICULUS III. 574

Utrum fatum sit immobile.

Veri. quæst. v. art. 1. ad 5. & quod. xii. art. 5. corp. & opus. xxviii. cap. 11. & cap. 111.

AD tertium sic proceditur. Videtur quod fatum non sit immobile. Dicit enim Boetius in IV. de consolatio. (prosa vi. ante med.) *Uti est ad intellectum ratiocinatio; ad id quod est, id quod gignitur; ad aternitatem tempus; ad punctum medium circulus; ita est fati series mobilis ad providentiam stabilem simplicitatem.*

2. Præterea. Sicut Philosophus dicit in II. Topic. (cap. 111. in declarat. loci 24.) *Motis nobis, moventur ea quæ in nobis sunt.* Sed fatum est dispositio inherens rebus mobilibus, ut Boetius dicit (V. de consol. prosa vi.) Ergo fatum est mobile.

3. Præterea. Si fatum est immobile ea quæ subduntur fato, immobiliter, & ex necessitate eveniunt. Sed talia maxime videntur esse contingentia, quæ fato attribuantur. Ergo nihil erit contingens in rebus, sed omnia ex necessitate eveniunt.

Sed contra est quod Boetius dicit (loc. cit.) quod fatum est immobilis dispositio.

Respondendo dicendum, quod dispositio secundarum causarum, quam fatum dicimus, potest dupliciter considerari: uno modo secundum ipsas causas secundas, quæ sic disponuntur, seu ordinantur; alio modo per relationem ad primum principium, a quo ordinantur, scilicet Deum.

Quidam ergo posuerunt, ipsam seriem, seu dispositionem causarum esse secundum se necessariam, ita quod omnia ex necessitate contingerent, propter hoc quod quilibet effectus habet causam; & causa posita, necesse est effectum poni. Sed hoc patet esse falsum per ea quæ supra dicta sunt (quæst. præc. art. 6.)

Alii vero e contrario posuerunt, fatum esse mobile, etiam secundum quod a divina providentia dependet. Unde Aegyptii dicebant, quibusdam sacrificiis fatum posse mutari, ut Gregorius Nyssenus dicit (vel Nemesius Lib. de anima cap. xxxvi.) Sed hoc supra exclusum est (quæst. xxxii. art. 8.) quia immobilitati divinæ providentiæ repugnat.

Et ideo dicendum est, quod fatum, secundum considerationem secundarum causarum, mobile est; sed secundum quod

subest divinæ providentiæ, immobilitatem sortitur, non quidem absolute necessitatis, sed conditionate: secundum quod dicimus, hanc conditionalem esse veram, vel necessariam: Si Deus præscivit hoc, futurum erit. Unde cum Boetius dixisset, fati seriem esse mobilem, post pauca subdit (IV. de consol. prosa vi. a med.) *Quæ cum ab immobilis providentia præfigatur exordis, ipsam quoque immutabilem esse necesse est.*

Et per hoc patet responso ad obiecta.

ARTICULUS IV. 575

Utrum omnia fato subdantur.

Sup. art. 1. cor. & opus. 11. cap. clx. & Mart. 11. & IV. Met. lect. 3.

AD quartum sic proceditur. Videtur quod omnia fato subdantur. Dicit enim Boetius IV. de consol. (prosa vi. a med.) *Series fati celum, & sidera movet, elementa in se invicem temperat, & alterna format transmutatione: eadem nascentia, occidentiaque omnia per finales seriem, seminumque renovat progressus: hæc actus, fortunaque hominum indissolubili causarum connexionne constringitur.* Nihil ergo excipi videtur quod sub fati serie non continetur.

2. Præterea. Augustinus dicit V. de civit. Dei (cap. viii.) quod fatum aliud est, secundum quod ad voluntatem, & potestatem Dei refertur. Sed voluntas Dei est causa omnium quæ sunt, ut Augustinus dicit in III. de Trinit. (cap. 111. & ix. in princ.) Ergo omnia subduntur fato.

3. Præterea. Fatum, secundum Boetium (loc. cit.) est dispositio rebus mobilibus inæternis. Sed omnes creaturæ sunt mutabiles, & solus Deus vere immutabilis, ut supra habitum est (quæst. ix. art. 1. & 2.) Ergo in omnibus creaturis est fatum.

Sed contra est quod Boetius dicit in IV. de consol. (loc. cit.) quod quædam quæ sub providentia locata sunt, fati seriem superant.

Respondendo dicendum, quod, sicut supra dictum est (art. 2. huius quæst.) fatum est ordinatio secundarum causarum ad effectus divinitus provisos. Quæcumque igitur causis secundis subduntur, ea subduntur & fato. Si qua vero sunt quæ immediate a Deo sunt, cum non subdantur secundis causis, non subduntur fato; sicut creatio rerum, glorificatio

spi-

Spiritualium substantiarum, & alia huiusmodi. Et hoc est quod Boetius dicit (loc. sup. cit.) quod ea quae sunt prima divinitati propinqua, stabiliter fixa, fatali ordinem mobilitatis excedunt. Ex quo etiam patet quod quanto aliquod longius a primo mente distat, nexibus fati maioribus implicatur: quia magis subiicitur necessitati secundarum causarum.

Ad primum ergo dicendum, quod omnia illa quae ibi tanguntur, sunt a Deo mediantibus causis secundis; & ideo sub fati serie continentur. Sed non est eadem ratio de omnibus aliis, ut supra dictum est (in corp. art.)

Ad secundum dicendum, quod fatum refertur ad voluntatem, & potestatem Dei sicut ad primum principium. Unde non oportet quod quicquid subiicitur voluntati divinae, vel potestati, subiiciatur fato, ut dictum est (in corp. art.)

Ad tertium dicendum, quod quavis omnes creaturae sint aliquo modo mutabiles, tamen aliquae earum non procedunt a causis creatis mutabilibus; & ideo non subiiciuntur fato, ut dictum est (in corp. art.)

QUAESTIO CXVII.

De his quae pertinent ad actionem hominis, in quatuor articulos divisa.

Postea considerandum est de his quae pertinent ad actionem hominis, qui est compositus ex spirituali, & corporali creatura: & primo considerandum est de actione hominis; secundo de propagatione hominis ex homine.

Circa primum quaeruntur quatuor.

Primo, utrum unus homo possit docere alium, causando in ipso scientiam.

Secundo, utrum (a) homo possit docere Angelum.

Tertio, utrum homo per virtutem suam animae possit immutare materiam corporalem.

Quarto, utrum anima hominis separata possit movere corpora motu locali.

ARTICULUS I. 576

Utrum unus homo possit alium docere.

II. *cont. cap. lxxxv. fin. & veri. quasi. xi. art. 1. & opus. xvi. cap. v. fin. & Matth. xxiii. com. 3. & Rom. 1. com. 6.*

Ad primum sic proceditur. Videtur quod unus homo non possit alium docere. Dicit enim Dominus Matth. xxxiii. *Nolite vocari Rabbi: ubi dicit Glossa Hieronymi (interl. ex Autore oper. imperl. in Matth. hom. xliii.)* „ Ne „ divinum honorem hominibus tribuas „ tis. „ Esse ergo magistrum pertinet proprie ad divinum honorem. Sed docere est proprium magistri. Homo ergo non potest docere, sed hoc est proprium Dei.

2. Praeterea. Si homo alium docet, hoc non est, nisi inquantum agit per scientiam suam ad causando scientiam in alio. Sed qualitas, per quam aliquis agit ad faciendum sibi simile, est qualitas activa. Ergo sequitur quod scientia sit qualitas activa, sicut & calor.

3. Praeterea. Ad scientiam requiritur lumen intelligibile, & species rei intellectae. Sed neutrum istorum potest causare unus homo in alio. Ergo unus homo non potest docendo causare scientiam in alio.

4. Praeterea. Doctor nihil agit ad discipulum, nisi quod proponit ei quaedam signa, vel vocibus aliquid significando, vel nutibus. Sed proponendo signa non potest aliquis alium docere, causando in eo scientiam: quia aut proponit signa rerum notarum, aut rerum ignotarum: si rerum notarum, ille ergo cui signa proponuntur, iam habet scientiam, & eam non acquirit a magistro; si autem rerum ignotarum, per huiusmodi signa nihil addiscit, sicut si aliquis proponeret alicui Latino verba Graeca, quorum significationem ignoraret, per hoc eum docere non posset. Nullo ergo modo unus homo potest, alium docendo, scientiam in eo causare.

Sed contra est quod Apostolus dicit I. ad Tim. ii. 7. *In quo posui sum ego predicator, & Apostolus, Doctor gentium in fide, & veritate.*

Respondetur dicendum, quod circa hoc diversae fuerunt opiniones. Averroes enim in comment. III. de Anima posuit unum intellectum possibilem esse omnium ho-

(a) *id.* unus homo.

hominum, ut supra dictum est (quaest. lxxvi. art. 1. & 2. & quaest. lxxix. art. 3.) & ex hoc sequatur quod eadem species intelligibiles sint omnium hominum. Et secundum hoc ponit, quod unus homo per doctrinam non causat aliam scientiam in altero ab ea quam ipse habet; sed communicat ei eandem scientiam quam ipse habet, per hoc quod movet eum ad ordinandumphantasmata in anima sua, ad hoc quod sint disposita convenienter ad intelligibilem apprehensionem. Quae quidem opinio quantum ad hoc vera est quod est eadem scientia in discipulo, & magistro, si consideretur identitas secundum (a) unitatem rei scitae: eadem enim rei veritas est quam cognoscit & discipulus, & magister. Sed quantum ad hoc quod ponit esse unum intellectum possibilem omnium hominum, & eandem species intelligibiles, differentes solum secundum diversa phantasmata, falsa est eius opinio, ut supra habitum est (quaest. lxxvi. art. 1. & 2. & quaest. lxxix. art. 3.)

Alia est opinio Platoniorum, qui posuerunt, quod scientia inest a principio animabus nostris per participationem formarum separatarum, sicut supra habitum est (quaest. lxxxiv. art. 3. & 4.) sed anima ex unione corporis impeditur ne possit considerare libere ea quorum scientiam habet: & secundum hoc discipulus a magistro non acquirit scientiam de novo, sed ab eo excitatur ad considerandum ea quorum scientiam habet; ut sic addicere nihil aliud rei quam reminisci. Sic etiam ponebant, quod agentia naturalia solummodo disponunt ad susceptionem formarum, quas acquirit materia corporalis per participationem specierum separatarum. Sed contra hoc supra ostensum est (quaest. lxxix. art. 2. & quaest. lxxxiv. art. 3. & 4.) quod intellectus possibilis animae humanae est in potentia pura ad intelligibilia, secundum quod etiam Aristoteles dicit in III. de Anima (tex. 14.)

Et ideo aliter dicendum est, quod docens causat scientiam in audiente, reducendo ipsum de potentia in actum, sicut dicitur in VIII. Physic. (tex. 32.) Ad cuius evidentiam considerandum est, quod effectum qui sunt ab exteriori principio, aliquis est ab exteriori principio tantum, sicut forma domus causatur in materia solum ab arte; aliquis autem effectus est quandoque quidem ab exteriori principio, quandoque autem ab in-

teriori; sicut sanitas causatur in infirmo quandoque ab exteriori principio, scilicet ab arte medicinae, quandoque autem ab interiori principio, ut cum aliquis sanatur per virtutem naturae. Et in talibus effectibus sunt duo attendenda.

Primo quidem quod ars imitatur naturam in sua operatione: sicut enim natura sanat infirmum, alterando digerendo, & expellendo materiam quae causat morbum; ita & ars. Secundo attendendum est, quod principium exterius, scilicet ars, non operatur sicut principale agens, sed sicut coadiuvans agens principale, quod est principium interius, confortando ipsum, & ministrando ei instrumenta, & auxilia quibus natura utatur ad effectum producendum; sicut medicus confortat naturam, & adhibet ei cibos, & medicinas, quibus natura utatur ad finem intentum. Scientia autem acquiritur in homine & ab interiori principio, ut patet in eo qui per inventionem propriam scientiam acquirit; & a principio exteriori, ut patet in eo qui addiscit. Inest enim unicuique homini quoddam principium scientiae, scilicet lumen intellectus agentis, per quod cognoscuntur statim a principio naturaliter quaedam universalis principia omnium scientiarum. Cum autem aliquis huiusmodi universalis principia applicat ad aliqua particularia, quorum memoriam, & experimentum per sensum accipit, per inventionem propriam acquirit scientiam eorum quae nesciebat, ex notis ad ignota procedens. Unde & quilibet docens, ex his quae discipulus novit, ducit eum in cognitionem eorum quae ignorabat, secundum quod dicitur in I. Poster. (in princ.) quod omnis doctrina, & omnis disciplina ex praecognitioni sui cognoscitur. Ducit autem magister discipulum ex praecognitis in cognitionem ignotorum dupliciter. Primo quidem proponendo ei aliqua auxilia, vel instrumenta, quibus intellectus eius utatur ad scientiam acquirendam; puta cum proponit ei aliquas propositiones minus universales, quas tamen ex praecognitis discipulus diiudicare potest; vel cum proponit ei aliqua sensibilia exempla, vel similia, vel opposita, vel aliqua huiusmodi, ex quibus intellectus audientis manuducitur in cognitionem veritatis ignotae. Alio modo cum confortat intellectum audientis, non quidem aliqua virtute activa quasi superioris naturae, sicut

sicut supra dictum est (quaest. cxi. art. 1. & quaest. cxii. art. 1.) de Angelis illuminantibus, quia omnes humani intellectus sunt unius gradus in ordine naturae; sed inquantum proponit discipulo ordinem principiorum ad conclusiones, qui forte per seipsum non habet tantam virtutem collativam, ut ex principis posset conclusiones deducere. Et ideo dicitur in I. Post. r. (tex. 5.) quod *demonstratio est syllogismus faciens scire*. Et per hunc modum ille qui demonstrat, auditorem scientiam facit.

Ad primum ergo dicendum, quod, sicut iam dictum est (in corp. art.) homo docens solomodo exterius ministerium adhibet, sicut medicus sanans; sed sicut natura inter se est principalis causa sanationis, ita & interius lumen intellectus est principalis causa scientiae. Utrumque autem horum est a Deo: & ideo sicut de Deo dicitur (Psal. cix. 3.) *Qui sanat omnes infirmitates tuas*; ita de eo dicitur (Psal. xciii. 10.) *Qui docet hominem scientiam*, inquantum lumen vultus eius super nos signatur, per quod nobis omnia ostenduntur.

Ad secundum dicendum, quod Doctor non causat scientiam in discipulo per modum agentis naturalis, ut Averroes obicit (Lib. III. de Anima comment. 5. versus fin.) Unde non oportet quod scientia sit qualitas activa, sed est principium, quo aliquis dirigitur in operando.

Ad tertium dicendum, quod magister non causat lumen intelligibile in discipulo, nec dicitur species intelligibiles; sed movet discipulum per suam doctrinam ad hoc quod ipse per virtutem sui intellectus formet intelligibiles conceptiones, quarum sub signa proponit exterius.

Ad quartum dicendum, quod signa quae magister discipulo proponit, sunt rerum notarum in universalibus, & sub quadam confusione, sed notarum in particularibus, & sub quadam distinctione: & ideo cum quisque per seipsum scientiam acquirit, non potest dici docere seipsum, vel esse seipsius magister, quia non praexistit in eo scientia completa, qualis requiritur in magistro.

ARTICULUS II.

577

Utrum homines possint docere Angelos.

II. dist. xi. art. 4. & Eph. iii. lect. 3.

AD secundum sic proceditur. Videtur quod homines possint docere Ange-

los. Dicit enim Apostolus ad Ephes. iii. 10. *Ut innoscat Principibus, & Potestatibus in caelestibus per Ecclesiam sicut formis sapientia Dei*. Sed Ecclesia est congregatio hominum fidelium. Ergo Angelus per homines aliqua innoscuntur.

2. Praeterea. Angeli superiores, qui immediate de divinis a Deo illuminantur, inferiores Angelos instruere possunt, ut supra dictum est (quaest. cxi. art. 1. & 3.) Sed aliqui homines immediate de divinis per Dei Verbum sunt instructi, sicut maxime patet de Apostolis, secundum illud ad Hebr. 1. 2. *Novissime diebus istis locutus est nobis in Filio*. Ergo aliqui homines aliquos Angelos docere (a) poterunt.

3. Praeterea. Inferiores Angeli a superioribus instruuntur. Sed quidam homines superiores sunt aliquibus Angelis; cum ad supremos ordines Angelorum aliqui homines assumantur, ut Gregorius dicit in quadam homilia (xxxiv. in Evan. a med.) Ergo aliqui inferiores Angeli per aliquos homines de divinis instrui possunt.

Sed contra est quod Dionysius dicit iv. cap. de div. Nom. (par. 1. lect. 1.) quod *omnes divina illuminationes perferuntur ad homines mediantibus Angelis*. Non ergo Angeli instruuntur per homines de divinis.

Respondeo dicendum, quod, sicut supra habitum est (quaest. cxii. art. 2.) inferiores Angeli quidem possunt superioribus Angelis, manifestando eis suas cogitationes; sed de rebus divinis superiores ab inferioribus numquam illuminantur. Manifestum est autem quod eo modo quo inferiores Angeli superioribus subduntur, supremi homines subduntur etiam infimis Angelorum: quod patet per id quod Dominus dicit Matth. xi. 11. *Inter natos mulierum non surrexit maior Ioanne Baptista; sed qui minor est in regno caelorum, maior est illo*. Sic igitur de rebus divinis ab hominibus Angeli numquam illuminantur; cogitationes tamen suorum cordium homines Angelis per modum locutionis manifestare possunt, quia secreta eorum sciunt folius Dei est.

Ad primum ergo dicendum, quod Augustinus V. super Gen. ad lit. (cap. xix. cir. med.) sic exponit illam Apostoli auctoritatem: praemisit enim Apostolus: *Mihi omnium sanctorum minister data est gratia hac illuminare omnes, quae sit dispensatio sacrae*

(a) Nescimus potest.

sacramenti absconditi a saeculis in Deo. Ita dico absconditi, ut tamen innotesceret Principibus, & Possessibus in caelestibus per Ecclesiam multiformis Sapientia Dei: quasi dicat: Ita hoc sacramentum erat absconditum hominibus, ut tamen Ecclesia caelesti, qua continetur in Principibus, & Possessibus, hoc sacramentum nunc esset a saeculis, non ante saecula: quia ibi primitus Ecclesia fuit, quo post resurrectionem & ista Ecclesia binumum congreganda est.

Potest tamen & aliter dici, quod illud quod absconditum est, non tantum in Deo innotescit Angelis; verum etiam hoc eis apparet, cum efficiunt, atque propagatur, ut Augustinus ibidem subdit: & sic, dum per Apostolos impleta sunt Christi, & Ecclesiae mysteria, Angelis aliqua apparuerunt de huiusmodi mysteriis, quae ante erant eis occulta. Et per hunc modum potest intelligi quod Hieronymus dicit (in cap. iv. ep. ad Ephes. sup. verba cit. in arg. 1.) quod *Apostoli praedicantibus Angeli aliqua mysteria cognoverunt*: quia scilicet per praedicationem Apostolorum huiusmodi mysteria explebantur in rebus ipsis; sicut praedicante Paulo Apostolo convertebantur gentes: de quo Apostolus ibi loquitur.

Ad secundum dicendum, quod Apostoli instruebatur immediate a Verbo Dei, non secundum eius Divinitatem, sed inquantum eius humanitas loquebatur. Unde ratio non sequitur.

Ad tertium dicendum, quod aliqui homines etiam in statu viae sunt maiores aliquibus Angelis, non quidem actu, sed virtute, inquantum scilicet habent caritatem tantae virtutis, ut possint mereri maiorem beatitudinis gradum quam quidam Angeli habeant; sicut si dicamus, semen alicuius magnae arboris esse maius virtute quam aliquam parvam arborem, cum tamen multo minus sit in actu.

ARTICULUS III. 578

Utrum homo per virtutem animae possit corporalem materiam immutare.

AD tertium sic proceditur. Videtur quod homo per virtutem animae possit corporalem materiam immutare. Dicit enim Gregorius II. Dialog. (cap. xxx. in med.) quod *Sancti miracula aliquando ex prece faciunt, aliquando ex potestate; sicut Petrus, qui Tabitham mortuam orando suscitavit; Ananiam, & Saphiram mentientes, morti increpando tradidit. Sed in*

operatione miraculorum fit aliqua immutatio materiae corporalis. Ergo homines virtute suae animae possunt materiam corporalem immutare.

2. Praeterea. Super illud ad Galat. 177. *Quis vos fascinavit ut non obediret dicitur Glossa (ordinaria) quod „quidam habent oculos urentes, qui solo aspectu „iniciunt alios, & maxime pueros. „Sed hoc non esset, nisi virtus animae possit materiam corporalem immutare. Ergo homo per virtutem suae animae potest materiam corporalem immutare.*

3. Praeterea. Corpus humanum est nobilissimum quam alia interiora corpora. Sed per apprehensionem animae humanae immutatur corpus humanum ad calorem, & frigus, ut patet in irascensibus, & timentibus; & quandoque etiam hac immutatio pervenit usque ad aegritudinem, & mortem. Ergo multo magis anima hominis potest sua virtute materiam corporalem immutare.

Sed contra est quod dicit Augustinus in III. de Trinit. (cap. viii. in princ.) quod *materia corporalis soli Deo obedit ad materiam.*

Respondendo dicendum, quod, sicut supra dictum est (quae. ex. art. 2.) materia corporalis non immutatur ad formam, nisi vel ab agente aliquo composito ex materia, & forma, vel ab ipso Deo, in quo virtualiter & materia, & forma praexistit sicut in primordiali causa utriusque. Unde & de Angelis supra dictum est (ibid.) quod materiam corporalem immutare non possunt naturali virtute, nisi applicando corporalia agentia ad effectus aliquos producentes. Multo igitur minus anima sua virtute naturali potest immutare materiam corporalem nisi mediante aliquibus corporibus.

Ad primum ergo dicendum, quod Sancti dicuntur miracula facere ex potestate gratiae, non naturae: quod patet per illud quod Gregorius ibidem dicit: *Quid filii Dei ex potestate sunt, ut dicit Iohannes, quid mirum, si signa facere ex potestate valeant?*

Ad secundum dicendum, quod fascinationis causam assignavit Avicenna ex hoc quod materia corporalis nata est obedire spirituali substantiae magis quam contrariis agentibus in natura. Et ideo quando anima fuerit fortis in sua imaginatione, corporalis materia immutatur secundum eam: & hanc dicit esse causam oculi fascinantis. Sed supra ostensum est (quae. ex. art. 2.) quod materia

ria

ria corporalis non obedit substantiæ spirituali ad nutum, nisi soli Creatori.

Et ideo melius dicendum est, quod ex forti imaginatione animæ immutatur spiritus corpori coniuncti: quæ quidem immutatio spirituum maxime fit in oculis, ad quos subtiliores spiritus perveniunt: oculi autem inhiunt aerem continuum usque ad determinatum spatium: per quem modum specula, si fuerint nova, & pura, contrahunt quandam impunitatem ex aspectu mulieris menstruatæ, ut Aristoteles dicit in Lib. de somn. & vig. (scu Lib. de insomniis cap. 11.) Sic igitur cum aliqua anima fuerit vehementer commota ad malitiam, sicut maxime in vultibus contingit, efficitur secundum modum prædictum aspectus eius venenosus, & noxius, maxime pueris, qui habent corpus tenerum, & de facili receptivum impressionis. Possibile est etiam quod ex Dei permissione, vel etiam ex aliquo (a) pacto occulto coope- retur ad hoc malignitas dæmonum, cum quibus velle fortilegæ aliquid foedus habent.

Ad tertium dicendum, quod anima corpori humano unitur ut forma, & appetitus sensitivus, qui obedit aequaliter rationi, ut supra dictum est (quæst. lxxxi. art. 3.) est actus alicuius organi corporalis: & ideo oportet quod ad apprehensionem animæ commoveatur appetitus sensitivus cum aliqua operatione corporali; ad exteriora vero corpora immutanda apprehensio animæ humanæ non sufficit nisi mediante immutatione proprii corporis, ut dictum est (ad 2. arg. præc.)

ARTICULUS IV. 579

Utrum anima hominis separata possit corpora saltem localiter movere.

Mal. quæst. xvi. art. 10. ad 2.

AD quartum sic proceditur. Videtur quod anima hominis separata possit corpora saltem localiter movere. Substantiæ enim spirituali naturaliter obedit corpus ad motum localem, ut supra dictum est (quæst. ex. art. 3.) Sed anima separata est substantia spiritualis. Ergo suo imperio potest exteriora corpora movere.

2. Præterea. In Itinerario Clementis (qui tamen Liber proscibitur in Decr.

dist. xv. cap. *Sancta Rom. Ecclesia*) dicitur, narrante Niceta ad Petrum, quod Simon magus per magicas artes pueri a se interfecti animam retinebat, per quam magicas operationes efficiebat. Sed hoc esse non potuisset sine aliqua corporum transmutatione; ad minus locali. Ergo anima separata habet virtutem localiter movendi corpora.

Sed contra est quod Philosophus dicit Lib. I. de Anima (tex. 52. & 53.) quod anima non potest movere quodcumque corpus, sed solummodo proprium.

Respondendo dicendum, quod anima separata sua naturali virtute non potest movere aliquod corpus. Manifestum est enim quod cum anima est corpus unita, non movet corpus nisi vivificatum: unde si aliquod membrum corporis mortificetur, non obedit animæ ad motum localem. Manifestum est autem quod ab anima separata nullum corpus vivificatur: unde nullum corpus obedit ei ad motum localem, quantum est de virtute suæ naturæ, supra quam potest aliquid ei conferri virtute divina.

Ad primum ergo dicendum, quod substantiæ quædam spirituales sunt quarum virtutes non determinantur ad aliqua corpora, sicut sunt Angeli, qui sunt naturaliter a corporibus absoluti: & ideo diversa corpora eis possunt obedire ad motum. Si tamen alicuius substantiæ separata virtus motiva determinetur naturaliter ad movendum aliquod corpus, non poterit illa substantia movere aliquod corpus maius, sed minus; sicut secundum Philosophos motor inferioris celi non posset movere cælum superius. Unde cum anima secundum suam naturam determinetur ad movendum corpus cuius est forma, nullum aliud corpus sua naturali virtute movere potest.

Ad secundum dicendum, quod, sicut dicit Augustinus X. de civ. Dei (cap. xi. a med.) & Chrysostomus super Matth. 8. hom. xxix. ante med.) frequenter dæmones simulant se esse animas mortuorum, ad confirmandum Gentilium errorem, qui hoc credebant. Et ideo credibile est quod Simon magus illudebatur ab aliquo dæmone, qui simulabat se esse animam pueri quem ipse occiderat.

QUAE-

(a) *See Theology*: v. = Nicetas & edit. Paris. 1722. Edit. Rom. cum Paris. 1698. factio al. factio. Garcia factio legendum parat. Cod. Alcan. factio obscure exhibet Tarrat. item obscure factio.

QUAESTIO CXVIII.

*De translatione hominis ex homine quantum
ad animam,*

in tres articulos divisa.

DEinde considerandum est de translatione hominis ex homine : & primo quantum ad animam ; secundo quantum ad corpus .

Circa primum quaeruntur tria .

Primo , utrum anima sensitiva traducatur cum semine .

Secundo , utrum anima intellectiva .

Tertio , utrum omnes animae fuerint simul creatae .

ARTICULUS I. 580

Utrum anima sensitiva traducatur cum semine .

II. dist. xviii. quaest. 11. art. 3. & II. con. cap. lxxxvi. §. 1. & pot. quaest. 111. art. 11.

AD primum sic proceditur . Videtur quod anima sensitiva non traducatur cum semine , sed sit per creationem a Deo . Omnis enim substantia perfecta quae non est composita ex materia , & forma , si esse incipiat , hoc non est per generationem , sed per creationem : quia nihil generatur nisi ex materia . Sed anima sensitiva est substantia perfecta ; alioquin non posset movere corpus & cum sit forma corporis , non est ex materia , & forma composita . Ergo non incipit esse per generationem , sed per creationem .

2. Praeterea . Principium generationis in rebus viventibus est per potentiam generativam ; quae cum numeretur inter vires animae vegetabilis , est infra animam sensitivam . Nihil autem agit ultra suam speciem . Ergo anima sensitiva non potest caulari per vim generativam animalis .

3. Praeterea . Generans generat sibi simile ; & sic oportet quod forma generati sit actu in causa generationis . Sed anima sensitiva non est actu in semine nec ipsa , nec aliqua pars eius : quia nulla pars animae sensitivae est nisi in aliqua parte corporis : in semine autem non est aliqua corporis particula , quia nulla particula corporis est quae non fiat ex semine , & per virtutem feminis . Ergo anima sensitiva non caulatur ex semine .

4. Praeterea . Si in semine est aliquod principium activum animae sensitivae , aut illud principium manet generato iam animali , aut non manet . Sed manere

non potest : quia vel esset idem cum anima sensitiva animalis generati ; & hoc est impossibile , quia sic esset idem generans , & generatum , & faciens , & factum : vel esset aliquid aliud ; & hoc etiam est impossibile , quia supra ostensum est (quaest. lxxvi. art. 1.) quod in uno animali non est nisi unum principium formale , quod est una anima . Si autem non manet , hoc etiam videtur impossibile : quia sic aliquod agens ageret ad corruptionem sui ipsius : quod est impossibile . Non ergo anima sensitiva potest generari ex semine .

Sed contra . Ita se habet virtus quae est in semine , ad animalia quae ex semine generantur , sicut se habet virtus quae est in elementis mundi , ad animalia quae ex elementis mundi producuntur , sicut quae ex putrefactione generantur . Sed in huiusmodi animalibus animae producuntur ex virtute quae est in elementis , secundum illud Genes. 1. 20. *Producant aqua reptile animae viventis* . Ergo & animalium quae generantur ex semine , animae producuntur ex virtute quae est in semine .

Respondeo dicendum , quod quidam posuerunt , animas sensitivas animalium a Deo creari . Quae quidem positio conveniens esset , si anima sensitiva esset res subsistens , habens per se esse , & operationem . Sic enim sicut per se haberet esse , & operationem ; ita per se deberetur ei fieri : & cum res simplex , & subsistens non possit fieri nisi per creationem , sequeretur quod anima sensitiva procederet in hoc per creationem . Sed ista radix est falsa , scilicet quod anima sensitiva per se habeat esse , & operationem , ut ex superioribus patet (quaest. lxxv. art. 3.) non enim corrumpetur , corrupto corpore .

Et ideo cum non sit forma subsistens , habet se in essendo ad modum aliarum formarum corporalium , quibus per se non debetur esse ; sed esse dicuntur , in quantum composita subsistentia per eas sunt . Unde & ipsis compositis debetur fieri . Et quia generans est simile generato , necesse est quod naturaliter tam anima sensitiva , quam aliae huiusmodi formae producantur in esse ab aliquibus corporalibus agentibus transmutantibus materiam de potentia in actum per aliquam virtutem corpoream quae est in eis . Quanto autem aliquod agens est potentius , tanto potest suam actionem diffundere ad magis distans ; sicut quanto aliquid

quod corpus est magis calidum, tanto ad remotius calefactionem producit. Corpora igitur non viventia, quæ sunt inferiora naturæ ordine, generant quidem sibi simile non per aliquod medium, sed per se ipsa, sicut ignis per seipsum generat ignem; sed corpora viventia, tamquam potentiora, agunt ad generandum sibi simile & sine medio, & per medium: sine medio quidem in opere nutritionis, in quo caro generat carnem; cum medio vero in actu generationis, quia ex anima generantis derivatur quedam virtus activa ad ipsum semen animalis, vel plantæ, sicut & a principali agente derivatur quedam vis motiva ad instrumentum: & sicut non refert dicere, quod aliquid moveatur ab instrumento, vel a principali agente; ita non refert dicere, quod anima generat causetur ab anima generantis, vel a virtute derivata ab ipsa, quæ est in semine.

Ad primum ergo dicendum, quod anima sensitiva non est substantia perfecta per se subsistens: & de hoc supra dictum est (quæst. lxxv. art. 3.) nec oportet hic iterare.

Ad secundum dicendum, quod virtus generativa non generat solum in virtute propria, sed in virtute totius animæ, cuius est potentia: & ideo virtus generativa plantæ generat plantam; virtus vero generativa animalis generat animal. Quanto enim anima fuerit perfectior, tanto virtus eius generativa ordinatur ad perfectiorem effectum.

Ad tertium dicendum, quod virtus illa activa quæ est in semine, ex anima generantis derivata, est quasi quedam motio ipsius animæ generantis; nec est anima, aut pars animæ nisi in virtute; sicut in ferris, vel securi non est forma levis, sed motio quedam ad talem formam. Et ideo non oportet quod illa vis activa habeat aliquod organum in actu, sed fundatur in ipso spiritu incluso in semine, quod est ipsum solum, ut attestatur eius albedo; in quo etiam spiritu est quidam calor ex virtute cælestium corporum, quorum etiam virtute agentia inferiora agunt ad speciem, ut supra dictum est (quæst. cxv. art. 3. ad 2.) Et quia in huiusmodi spiritu concurrunt virtus animæ cum virtute cælesti, dicitur, quod *homo generat hominem, & Sol*. Calidum autem elementare se habet instrumentaliter ad virtutem animæ, sicut etiam ad virtutem nutritivam, ut dicitur in II. de Anima (tex. 30.)

S. Th. Oper. Tom. XX.

Ad quartum dicendum, quod in animalibus perfectis, quæ generantur ex coitu, virtus activa est in semine maris, secundum Philosophum in Lib. I. de generat. animal. (cap. 11. & xx.) materia autem letus est illud quod ministratur a semine: in qua quidem materia statim a principio est anima vegetabilis, non quidem secundum actum secundum, sed secundum actum primum, sicut anima sensitiva in dormientibus; cum autem incipit attrahere alimentum, tunc iam actu operatur. Huiusmodi igitur materia transmutatur a virtute quæ est in semine maris, quousque perducatur in actum animæ sensitivæ; non ita quod ipsamet vis quæ erat in semine, fiat anima sensitiva, quia sic idem esset generans, & generatum: & hoc magis esset simile nutritioni, & augmento quam generationi, ut Philosophus dicit (Lib. I. de gen. & corrupt. tex. 33.) Postquam autem per virtutem principii activi quod erat in semine, producta est anima sensitiva in generato quantum ad aliquam partem principalem, tunc iam illa anima sensitiva prolis incipit operari ad complementum proprii corporis per modum nutritionis, & augmenti. Virtus autem activa quæ erat in semine, esse desinit, dissoluta semine, & evanescente spiritu qui inerat. Nec hoc est inconveniens: quia vis ista non est principale agens, sed instrumentale: motio autem instrumenti cessat, effectu iam producto in esse.

ARTICULUS II. 587

Utrum anima intellectiva causetur ex semine.

Sup. quæst. xc. art. 2. & II. dist. xviii. quæst. 11. art. 1. & II. con. cap. lxxxvi. lxxxviii. & lxxxix & pos. quæst. 111. art. 9. & quod. xii. art. 11. & opusc. 11. cap. xciv.

AD secundum sic proceditur. Videtur quod anima intellectiva causetur ex semine. Dicitur enim Genes. xlv. 26. *Cuncta anima qua egressa sunt de semore Iacob, sexaginta sex*. Sed nihil egreditur de semore hominis, nisi in quantum causatur ex semine. Ergo anima intellectiva causatur ex semine.

2. Præterea. Sicut supra ostensum est (quæst. lxxvi. art. 3.) in homine est una & eadem anima secundum substantiam, intellectivam, sensitivam, & nutritivam. Sed anima sensitiva in homine generatur ex semine, sicut in aliis animalibus: unde & Philosophus dicit in Lib. X x II.

II. de generat. animal. (cap. III.) quod non finis sit animal, & homo; sed prius sit animal habens animam sensitivam. Ergo & anima intellectiva causatur ex semine.

3. Præterea. Unum & idem agens est cuius actio terminatur ad formam, & materiam; aliquin ex forma, & materia non fieret unum simpliciter. Sed anima intellectiva est forma corporis humani, quod formatur per virtutem feminis. Ergo & anima intellectiva per virtutem feminis causatur.

4. Præterea. Homo generat sibi simile secundum speciem. Sed species humana constituitur per animam rationalem. Ergo anima rationalis est a generante.

5. Præterea. Inconveniens est dicere, quod Deus cooperetur peccantibus. Sed si animæ rationales crearentur a Deo, Deus interdum cooperaretur adulteris, de quorum illicito coitu proles interdum generatur. Non ergo animæ rationales creantur a Deo.

Sed contra est quod dicitur in Lib. de eccl. dog. (cap. XIV.) quod animæ rationales non jeminantur per coitum.

Respondendo dicendum, quod impossibile est virtutem activam quæ est in materia, extendere suam actionem ad producendum immaterialem effectum. Manifestum est autem quod principium intellectivum in homine est principium transcendens materiam: habet enim operationem in qua non communicat corpus. Et ideo impossibile est quod virtus quæ est in semine, sit productiva intellectivi principii. Similiter etiam quia virtus quæ est in semine, agit in virtute animæ generantis, secundum quod anima generantis est actus corporis utens ipso corpore in sua operatione; in operatione autem intellectus non communicat corpus: ideo virtus intellectivi principii, prout intellectivum est, non potest (a) a semine provenire. Et ideo Philosophus in Lib. II. de gener. anim. (cap. III.) dicit: *Relinquatur intellectus solum de foris advenire*. Similiter etiam anima intellectiva, cum habeat operationem vitæ sine corpore, est subsistens, ut supra habitum est (quæst. lxxv. art. 2.) & ita sibi debetur esse, & fieri: & cum sit immaterialis substantia, non potest causari per generationem, sed solum per creationem a Deo. Ponere ergo animam intellectivam a generante causari, nihil est aliud quam ponere eam non subsistentem, & per consequens corrumpi eam cum cor-

pore. Et ideo hæreticum est dicere, quod anima intellectiva traducatur cum semine.

Ad primum ergo dicendum, quod in auctoritate illa ponitur per synecdochen pars pro toto, id est anima pro toto homine.

Ad secundum dicendum, quod aliqui dixerunt, quod operationes vitæ quæ apparent in embryone, non sunt ab anima eius, sed ab anima matris, vel a virtute formativa quæ est in semine.

Quorum utrumque falsum est. Opera enim vitæ non possunt esse a principio extrinseco, sicut sentire, nutrire, & augeri: & ideo dicendum est, quod anima præexistit in embryone, a principio quidem nutritiva, postmodum autem sensitiva, & tandem intellectiva.

Dicunt ergo quidam, quod supra animam vegetabilem, quæ primo inerat, supervenit alia anima, quæ est sensitiva; supra illam iterum alia, quæ est intellectiva.

Et sic sunt in homine tres animæ, quarum una est in potentia ad aliam: quod supra improbatum est (quæst. lxxvi. art. 3.)

Et ideo alii dicunt, quod illa eadem anima quæ primo fuit vegetativa tantum, postmodum per actionem virtutis quæ est in semine, perducitur ad hoc ut ipsa eadem fiat sensitiva, & tandem ad hoc ut ipsa eadem fiat intellectiva, non quidem per virtutem activam feminis, sed per virtutem superioris agentis, scilicet Dei desoris illustrantis. Et propter hoc dicit Philosophus (Lib. II. de gener. animal. cap. xxxiii.) quod *intellectus venit ab extrinseco*.

Sed hoc stare non potest. Primo quidem quia nulla forma substantialis recipit magis, & minus; sed superadditio maioris perfectionis facit aliam speciem, sicut additio unitatis facit aliam speciem in numeris. Non est autem possibile ut una & eadem forma numero sit diversarum specierum. Secundo quia sequeretur quod generatio animalis esset motus continuus paulatim procedens de imperfecto ad perfectum, sicut accidit in alteratione. Tercio quia sequeretur quod generatio hominis, aut animalis non sit generatio simpliciter, quia subiectum eius esset ens actu. Si enim a principio in materia prolis est anima vegetabilis, & postmodum usque ad perfectum paulatim perducitur, erit semper additio per-

(a) Ita ed. Camerac. cum plurimis edis. Cod. Alcan. cum edis. Rim. ad semen provenire.

perfectiōnis sequentis sine corruptione perfectiōnis praecedentis : quod est contra rationem generatiōnis simpliciter . Quarto quia aut id quod causatur ex actione Dei , est aliquid subsistens ; & ita oportet quod sit aliud per essentiam a forma praexistente , quae non erat subsistens ; & sic redibit opinio ponentium plures animas in corpore : aut non est aliquid subsistens , sed quaedam perfectio animae praexistens ; & sic ex necessitate sequitur quod anima intellectiva corrumpatur corrupto corpore : quod est impossibile . Est autem & alius modus dicendi secundum eos qui ponunt unum intellectum in omnibus : quod supra improbatur est (quaest. lxxvi. art. 2. & quaest. lxxix. art. 3.)

Et ideo dicendum est , quod cum generatio unius semper sit corruptio alterius , necesse est dicere , quod tam in homine , quam in animalibus aliis , quando perfectior forma advenit , sit corruptio prioris ; ita tamen quod sequens forma habet quicquid habebat prima , & adhuc amplius : & sic per multas generatiōnes , & corruptiones pervenitur ad ultimam formam substantialem tam in homine , quam in aliis animalibus . Et hoc ad sensum apparet in animalibus ex putrefactione generatis . Sic igitur dicendum est , quod anima intellectiva creatur a Deo in fine generatiōnis humanae , quae simul est & sensitiva , & nutritiva , corruptis formis praexistentibus .

Ad tertium dicendum , quod ratio illa locum habet in diversis agentibus non ordinatis ad invicem . Sed si sint multa agentia ordinata , nihil prohibet virtutem superioris agentis pertingere ad ultimam formam , virtutes autem inferiorum agentium pertingere solum ad aliquam materiam dispositionem ; sicut virtus feminis disponit materiam , virtus autem animae dat formam in generatione animalis . Manifestum est autem ex praemis (quaest. cx. art. 1.) quod tota natura corporalis agit ut instrumentum spiritualis virtutis , & praecipue Dei . Et ideo nihil prohibet quin formatio corporis sit ab aliqua virtute corporali , anima autem intellectiva sit a solo Deo .

Ad quartum dicendum , quod homo generat sibi simile , inquantum per virtutem feminis eius disponitur materia ad susceptionem talis formae .

Ad quintum dicendum , quod in actione adulterorum illud quod est naturae , bonum est ; & huic cooperatur Deus :

quod vero est inordinatae voluptatis , malum est ; & huic Deus non cooperatur .

ARTICULUS III. 583

Utrum animae humanae fuerint creatae simul a principio mundi .

II. cont. cap. lxxxvii. & lxxxv. & Hebr. 11. lect. 4.

AD tertium sic proceditur . Videtur quod animae humanae fuerint creatae simul a principio mundi . Dicitur enim Gen. 11. 2. *Requievit Deus ab omni opere quod patrarat* . Hoc autem non esset , si quotidie novas animas crearet . Ergo omnes animae sunt simul creatae .

2. Praeterea . Ad perfectionem universi maxime pertinent substantiae spirituales . Si igitur animae simul crearentur cum corporibus , quotidie innumerabiles spirituales substantiae perfectioni universi adderentur ; & sic universum a principio fuisset imperfectum : quod est contra illud quod dicitur Genes. 11. 2. *Deum omne opus suum compluisse* .

3. Praeterea . Finis rei respondet eius principio . Sed anima intellectiva remanet destructo corpore . Ergo incepit esse ante corpus .

Sed contra est quod dicitur in Libro de eccles. dogm. (cap. xiv. & xviii.) quod *simul anima creatur cum corpore* .

Respondeo dicendum , quod quidam posuerunt , quod animae intellectivae acciderat uniri corpori , ponentes eam esse eiusdem conditionis cum substantiis spiritualibus quae corpori non uniuntur : & ideo posuerunt , animas hominum simul a principio cum Angelis creatas .

Sed haec opinio falsa est . Primo quidem quantum ad radicem . Si enim accidentaliter conveniret animae corpori uniri , sequeretur quod homo , qui ex ista unione constituitur , esset ens per accidens ; vel quod anima esset homo : quod falsum est , ut supra ostensum est (quaest. lxxv. art. 4.) Quod etiam anima humana non sit eiusdem naturae cum Angelis , ipse diversus modus intelligendi ostendit , ut supra ostensum est (quaest. lv. art. 2.) Homo enim intelligit a sensibus accipiendo , & convertendo se ad phantasmata , ut supra ostensum est (quaest. lxxxiv. art. 7.) & ideo anima eius indiget uniri corpori , quo indiget ad operationem sensitivae partis : quod de Angelo dici non potest . Secundo apparet falsitas in ipsa positione . Si enim animae

naturale est corpori uniri, esse sine corpore est sibi contra naturam, & sine corpore existens non habet suam naturam perfectionem. Non fuit autem conveniens ut Deus ab imperfectis suum opus inchoaret, & ab his quæ sunt præter naturam: non enim fecit hominem sine manu, aut sine pede, quæ sunt partes naturales hominis: multo igitur minus fecit animam sine corpore. Si vero aliquis dicat, quod non est naturale animæ corpori uniri, oportet inquirere causam quare sit corpori unita. Oportet autem dicere, quod aut hoc sit factum ex eius voluntate, aut ex alia causa. Si ex eius voluntate, videtur hoc esse inconveniens. Primo quidem quia hæc voluntas irrationabilis esset, si non indigeret corpore, & vellet ei uniri: si enim eo indigeret, naturale esset ei quod corpori uniretur, quia natura non deficit in necessariis. Secundo quia nulla ratio esset quare animæ a principio mundi creatæ post tot tempora voluntas accesserit ut nunc corpori uniat: est enim substantia spiritalis supra tempus, utpote revolutiones æli excedens. Tertio quia videretur a casu esse quod hæc anima huic corpori uniretur, cum ad hoc requiratur concursus diarum voluntatum, scilicet animæ adveniens, & hominis generantis. Si autem præter voluntatem ipsius corpori unitur, & præter eius naturam, oportet quod hoc sit ex causa violentiam inferente: & sic erit ei poenale, & triste: quod est secundum errorem Origenis, qui posuit (ut refert Epiphanius Lib. II. cont. hæres. hæc. lxxv.) animas incorporari propter poenam peccati.

Unde cum hæc omnia sint inconvenientia, simpliciter confitendum est, quod animæ non sunt creatæ ante corpora; sed simul creantur, cum corporibus infunduntur.

Ad primum ergo dicendum, quod Deus dicitur cessasse die septimo, non quidem ab omni opere, cum dicatur Ioan. v. 17. *Pater meus usque modo operatur*, sed a novis rerum generibus, & speciebus condendis, quæ in operibus primis non aliquo modo præextiterint. Sic enim animæ quæ nunc creantur, præextiterunt secundum similitudinem speciei in primis operibus, in quibus anima Adæ creata fuit.

Ad secundum dicendum, quod perfectioni universi, quantum ad numerum individuorum, quotidie potest addi aliquid, non autem quantum ad numerum specierum.

Ad tertium dicendum, quod hoc quod anima remanet sine corpore, contingit per corporis corruptionem, quæ consecuta est ex peccato. Unde non fuit conveniens quod ab hoc inciperent Dei opera: quia, sicut scriptum est Sap. 1. 13. *Deus mortem non fecit... sed impiis manibus, & verbis accersierunt eam.*

QUAESTIO CXIX.

De propagatione hominis quantum ad corpus, in duos articulos divisa.

DEinde considerandum est de propagatione hominis quantum ad corpus: & circa hoc quaeruntur duo.

Primo, utrum aliquid de alimento convertatur in veritatem humanæ naturæ. Secundo, utrum semen, quod est humanæ generationis principium, sit de superfluo alimenti.

ARTICULUS I. 383:

Utrum aliquid de alimento convertatur in veritatem humanæ naturæ.

II. dist. xxx. quest. 11. art. 1. & IV. dist. xlv. quest. 1. art. 2. quest. 1v. & quod. VIII. art. 5. corp.

AD primum sic proceditur. Videtur quod nihil de alimento transeat in veritatem humanæ naturæ. Dicitur enim Mat. xv. 17. *Omne quod in os intrat, in ventrem vadit, & per secessum emittitur.* Sed quod emittitur, non transit in veritatem humanæ naturæ. Ergo nihil de alimento in veritatem humanæ naturæ transit.

2. Præterea. Philosophus in I. de gener. (text. 35. 36. & 37.) distinguit carnem secundum speciem, & secundum materiam; & dicit, quod caro secundum materiam advenit, & recedit. Quod autem ex alimento generatur, advenit, & recedit. Ergo id in quod alimentum convertitur, est caro secundum materiam, & non caro secundum speciem. Sed hoc pertinet ad veritatem humanæ naturæ quod pertinet ad speciem eius. Ergo alimentum non transit in veritatem humanæ naturæ.

3. Præterea. Ad veritatem humanæ naturæ pertinere videtur humidum radicale; quod si deperdat, restitui non potest, ut Medici dicunt. Posset autem restitui, si alimentum converteretur in ipsum humidum. Ergo nutrimentum non

convertitur in veritatem humanæ naturæ.

4. Præterea. Si alimentum transiret in veritatem humanæ naturæ, quicquid in homine deperditur, restaurari posset. Sed mors hominis non accidit nisi per deperditionem alicuius. Posset igitur homo per sumptionem alimenti in perpetuum se contra mortem tueri.

5. Præterea. Si alimentum in veritatem humanæ naturæ transiret, nihil esset in homine quod non posset recedere, & reparari: quia id quod in homine generaretur ex alimento, & recedere, & reparari posset. Si ergo homo diu viveret, sequeretur quod nihil quod in eo fuit materialiter in principio suæ generationis, finaliter remaneret in ipso: & sic non esset idem homo numero per totam vitam suam; cum ad hoc quod sit idem numero, requiratur identitas naturæ. Hoc autem est inconveniens. Non ergo alimentum transit in veritatem humanæ naturæ.

Sed contra est quod dicit Augustinus in Lib. de ver. relig. (cap. xl. in prin.) *Alimenta carni corrupta, idest amissionis formam suam, in membrorum fabricam migrant.* Sed fabrica membrorum pertinet ad veritatem humanæ naturæ. Ergo alimenta transiunt in veritatem humanæ naturæ.

Respondeo dicendum, quod secundum Philosophum II. Met. (text. 4.) *hoc modo se habet unumquodque ad veritatem, sicut se habet ad esse.* Illud ergo pertinet ad veritatem naturæ alicuius quod est de constitutione naturæ ipsius. Sed natura dupliciter considerari potest: uno modo in comuni secundum naturam speciei; alio modo secundum quod est in hoc individuo. Ad veritatem igitur naturæ alicuius in comuni consideratæ pertinet forma, & materia eius in communi accepta; ad veritatem autem naturæ in hoc particulari consideratæ pertinet materia individualis signata, & forma per huiusmodi materiam individuata: sicut de veritate humanæ naturæ in communi est anima humana, & corpus; sed de veritate humanæ naturæ in Petro, & Martino est hæc anima, & hoc corpus. Sunt autem quedam quorum formæ non possunt salvari nisi in una materia signata, sicut forma Solis non potest salvari nisi in materia quæ actu sub ea continetur.

Et secundum hunc modum aliqui posuerunt, quod forma humana non potest salvari nisi in materia quadam signa-

ta, quæ scilicet a principio fuit tali forma formata in primo homine; ita quod quicquid aliud præter illud quod ex primo parente in posteros derivatur, additum fuerit, non pertinet ad veritatem humanæ naturæ, quasi non vere accipiat formam humanæ naturæ; sed illa materia quæ in primo homine formæ humanæ fuit subiecta, in seipsa multiplicatur. Et hoc modo multitudo humanorum corporum a corpore primi hominis derivatur. Et secundum hos alimentum non convertitur in veritatem humanæ naturæ; sed dicunt, quod alimentum accipitur ut quoddam somnium naturæ, idest ut resistat actioni caloris naturalis, ne consumatur humidum radicale; sicut plumbum, vel stannum adiungitur argento, ne consumatur per ignem.

Sed hæc positio est multipliciter irrationabilis. Primo quidem quia eiusdem rationis est quod aliqua forma possit heri in alia materia, & quod possit propriam materiam deserere: & ideo omnia generabilia sunt corruptibilia, & e converso. Manifestum est autem quod forma humana potest deicere ab hac materia quæ ei subicitur; alioquin corpus humanum corruptibile non esset. Unde relinquitur quod & alii materię advenire possit, aliquo alio in veritatem humanæ naturæ transeunte. Secundo quia in omnibus quorum materia invenitur tota sub uno individuo, non est nisi unum individuum in una specie, sicut patet in Sole, & Luna, & huiusmodi. Sic igitur non esset nisi unum individuum humanæ speciei. Tercio quia non est possibile quod multiplicatio materię attendatur nisi vel secundum quantitatem tantum, sicut accidit in rarefactis, quorum materia suscipit maiores dimensiones, vel etiam secundum substantiam materię. Sola autem eadem substantia materię manente, non potest dici, quod sit multiplicata: quia idem ad seipsum non constituit multitudinem, cum necesse sit omnem multitudinem ex aliqua divisione causari. Unde oportet quod aliqua alia substantia materię adveniat vel per creationem, vel per conversionem alterius in ipsam. Unde relinquitur quod non potest aliqua materia multiplicari nisi vel per rarefactionem, sicut cum ex aqua fit aer; vel per additionem alterius rei, sicut multiplicatur ignis per additionem lignorum; vel per creationem materię. Sed manifestum est multiplicationem materię in humanis cor-

pori-

poribus non accidere per rarefactionem: quia sic corpora hominum perfectæ ætatis essent imperfectiora quam corpora puerorum: nec iterum per creationem novæ materiæ: quia secundum Gregorium (Lib. XXXII. Moral. cap. ix. in princ.) omnia sunt simul creata secundum substantiam materiæ, licet non secundum speciem formæ. Unde relinquitur quod multiplicatio corporis humani non fit nisi per hoc quod alimentum convertitur in veritatem humani corporis. Quarto quia cum homo non differat ab animalibus, & plantis secundum animam vegetabilem, sequeretur quod etiam corpora animalium, & plantarum non multiplicarentur per conversionem alimenti in corpus nutritum, sed per quandam multiplicationem, quæ non potest esse naturalis, cum materia secundum naturam non extendatur nisi usque ad certam quantitatem, nec iterum invenitur aliquid naturaliter crescere nisi per rarefactionem, vel conversionem altius in ipsum. Et sic totum opus generativæ, & nutritivæ, quæ dicuntur vires naturales, esset miraculosum: quod est omnino inconveniens.

Unde alii dixerunt, quod forma humana potest quidem fieri de novo in aliqua alia materia, si consideretur natura humana in communi; non autem si accipiatur prout est in hoc individuo, in qua forma humana fixa manet in quadam materia determinata, cui primo imprimitur in generatione huius individui; ita quod illam materiam nunquam deserit usque ad ultimam individui corruptionem. Et hanc materiam dicunt principaliter pertinere ad veritatem humanæ naturæ. Sed quia huiusmodi materia non sufficit ad quantitatem debitam, requiritur ut adveniat alia materia per conversionem alimenti in substantiam nutriti, quantum sufficiat ad debitum augmentum. Et hanc materiam dicunt secundo pertinere ad veritatem humanæ naturæ: quia non requiritur ad primum esse individui, sed ad quantitatem eius. Iam vero si quid aliud advenit ex alimento, non pertinet ad veritatem humanæ naturæ, proprie loquendo.

Sed hoc etiam est inconveniens. Primum quidem quia hæc opinio indicat de materia corporum viventium ad modum corporum inanimatorum; in quibus etsi sit virtus ad generandum simile in specie, non tamen est virtus in eis ad generandum aliquid sibi simile secundum

individuum: quæ quidem virtus in corporibus viventibus est virtus nutritiva. Nihil ergo per virtutem nutritivam adderetur corporibus viventibus, si alimentum in veritatem naturæ ipsorum non converteretur. Secundo quia virtus activa quæ est in semine, est quædam impressio derivata ab anima generantis, sicut supra dictum est (quæst. præc. art. 1.) Unde non potest esse maioris virtutis in agendo quam ipsa anima, a qua derivatur. Si ergo ex virtute feminis vere assumit aliqua materia formam naturæ humanæ, multo magis anima in nutrimentum coniunctum poterit veram formam naturæ humanæ imprimere per potentiam nutritivam. Tercio quia nutrimento indiget non solum ad augmentum, alioquin terminato augmento necessarium non esset, sed etiam ad restaurandum illud quod perditur per actionem caloris naturalis. Non autem esset restauratio, nisi id quod ex alimento generatur, succederet in locum perempti. Unde sicut id quod primo inerat, est de veritate humanæ naturæ, ita id quod ex alimento generatur.

Et ideo secundum alios dicendum est, quod alimentum vere convertitur in veritatem humanæ naturæ, inquantum vere accipit speciem carnis, & ossis, & huiusmodi partium. Et hoc est quod dicit Philosophus in II. de Anima (text. 46. & I. de gen. text. 39.) *quod alimentum nutrit, inquantum est potentia caro.*

Ad primum ergo dicendum, quod Dominus non dicit, quod totum quod in os intrat, per secessum emittatur; sed oportet quod de quolibet cibo aliquid impurum per secessum emittatur.

Vel potest dici, quod quicquid ex alimento generatur, potest etiam per calorem naturalem resolvi, & per poros quosdam occultos emitti, ut Hieronymus exponit (sup. illud Matth. xv. Non intelligitis quod &c.)

Ad secundum dicendum, quod aliqui per carnem secundum speciem intellexerunt id quod primo accipit speciem humanam, quod sumitur a generante; & hoc dicunt semper manere, quousque individuum durat: carnem vero secundum materiam dicunt esse quæ generatur ex alimento; & hanc dicunt non semper permanere; sed quod sicut advenit, ita abscedit.

Sed hoc est contra intentionem Aristotelis. Dicit enim ibi (loc. cit. in arg.) *quod sicut in omni quoque habentium speciem*

in

in materia, puta in ligno, & lapide; ita & in carne hoc est secundum speciem, & illud secundum materiam. Manifestum est autem quod praedicta distinctio locum non habet in rebus inanimatis, quae non generantur ex semine, nec nutriuntur. Et iterum cum id quod ex alimento generatur, adiungatur corpori nutrito per modum mixtionis, sicut aqua miscetur vino, ut ponit exemplum ibidem Philosophus (Lib. I. de gen. text. 39. & 88.) non potest alia esse natura eius quod advenit, & eius cui advenit; cum iam sit factum unum per veram mixtionem. Unde nulla ratio est quod unum consumatur per calorem naturalem, & alterum maneat.

Et ideo aliter dicendum est, quod haec distinctio Philosophi non est secundum diversas carnes, sed est eiusdem carnis secundum diversam considerationem. Si enim consideretur caro secundum speciem, id est secundum id quod est formale in ipsa; sic semper manet, quia semper manet natura carnis, & dispositio naturalis ipsius. Sed si consideretur caro secundum materiam; sic non manet, sed paulatim consumitur, & restauratur; sicut patet in igne fornacis, cuius forma manet, sed materia paulatim consumitur, & alia in locum eius substituitur.

Ad tertium dicendum, quod ad humidum radicale intelligitur pertinere totum id in quo fundatur virtus speciei: quod si subtrahatur, restitui non potest; sicut si amputetur manus, aut pes, vel aliquid huiusmodi. Sed humidum nutrimentale est quod nondum pervenit ad suscipiendum perfecte naturam speciei, sed est in via ad hoc, sicut est sanguis, & alia huiusmodi. Unde si talia subtrahantur, remanet adhuc virtus speciei in radice, quae non tollitur.

Ad quartum dicendum, quod omnis virtus in corpore passibili per continuam actionem debilitatur, quia huiusmodi agentia etiam patiuntur. Et ideo virtus conservata in principio quidem tam fortis est, ut possit convertere non solum quod sufficit ad restorationem perditum, sed etiam ad augmentum; postea vero non potest convertere nisi quantum sufficit ad restorationem perditum, & tunc cessat augmentum; demum nec hoc potest, & tunc fit diminutio; deinde deficient huiusmodi virtute totaliter animal moritur; sicut virtus vini convertentis aquam admixtam paulatim per admixtionem aquae debilitatur, ut tandem totum fiat aquosum, ut Philosophus exempli-

cat in I. de generat. (text. 39. & 88.)

Ad quintum dicendum, quod, sicut Philosophus dicit in I. de generat. (text. 39.) quando aliqua materia per se convertitur in ignem, tunc dicitur ignis de novo generari; quando vero aliqua materia convertitur in ignem praexistentem, dicitur ignis nutriri: unde si tota materia simul amittat speciem ignis, & alia materia convertatur in ignem, erit alius ignis numero; si vero paulatim combusto uno ligno aliud substituitur, & sic deinceps quousque omnia prima consumantur, semper remanet idem ignis numero: quia semper quod additur, transit in praexistens. Et similiter est intelligendum in corporibus viventibus, in quibus ex nutrimento restauratur id quod per calorem naturalem consumitur.

ARTICULUS II. 384

Utrum semen sit de superfluo alimenti.

II. dist. xxx. quaest. 11. art. 2. & IV. dist. xlv. quaest. 1. art. 2. quaest. 4. & III. cont. cap. cxxi. princ. & cap. cxxii.

AD secundum sic proceditur. Videtur quod semen non sit de superfluo alimenti, sed de substantia generantis. Dicit enim Damasceus (Lib. I. orth. Fid. cap. viii. a med.) quod generatio est opus naturae ex substantia generantis productum illud quod generatur. Sed id quod generatur, generatur ex semine. Ergo semen est de substantia generantis.

2. Praeterea. Secundum hoc filius assimilatur patri quod ab eo aliquid accipit. Sed si semen, ex quo aliquid generatur, sit de superfluo alimenti, nihil acciperet aliquis ab avo, & praecedentibus, in quibus hoc alimentum nullo modo fuit. Ergo non assimilaretur aliquis avo, & praecedentibus magis quam aliis hominibus.

3. Praeterea. Alimentum hominis generantis quandoque est ex carnibus bovis, vel porci, & aliorum huiusmodi. Si igitur semen esset de superfluo alimenti, homo generatus ex semine maiorem affinitatem haberet cum bove, & porco quam cum patre, & aliis consanguineis.

4. Praeterea. Augustinus dicit X. super Gen. ad lit. (cap. xx.) quod non fuimus in Adam non solum secundum feminalem rationem, sed etiam secundum corpulentiam substantiam. Hoc autem non esset, si semen esset ex superfluo alimenti. Ergo semen non est ex superfluo alimenti.

Sed contra est quod Philosophus probat mul-

multipliciter in Lib. I. de gen. animal. (cap. xix.) quod *semen est superfluum alimenti*.

Respondeo dicendum, quod ista quaestio aliquid dependet ex praemissis (ar. praec. & quaest. cxviii. ar. 1.) Si enim in natura humana est virtus ad communicandum suam formam materiae alienae, non solum in alio, sed etiam in ipso, manifestum est quod alimentum, quod est in principio dissimile, in fine sit simile per formam communicatam. Est autem naturalis ordo ut aliqua gradatim de potentia reducat in actum. Et ideo in his quae generantur, invenimus quod primum nunquamque est imperfectum, & postea perficitur. Manifestum est autem quod commune se habet ad proprium, & determinatum, ut imperfectum ad perfectum: & ideo videmus quod in generatione animalis prius generatur animal quam homo, vel equus. Sic igitur & ipsum alimentum primo quidem accipit quandam virtutem communem respectu omnium partium corporis, & in fine determinatur ad hanc partem vel ad istam.

Non autem est possibile quod accipiat pro femine id quod iam conversum est in substantiam membrorum per quandam resolutionem: quia illud resolutum, si non retineret naturam eius a quo resolvitur, tunc iam esset recedens a natura generantis, quasi in via corruptionis existens; & sic non haberet virtutem converteendi aliud in similem naturam. Si vero retineret naturam eius a quo resolvitur, tunc esset contractum ad determinatam partem, & non haberet virtutem novendi ad naturam totius, sed solum ad naturam partis: nisi forte quis dicat, quod esset resolutum ab omnibus partibus corporis, & quod retineat naturam omnium partium; & sic semen esset quasi quoddam parvum animal in actu; & generatio animalis ex animali non esset nisi per divisionem, sicut lutum generatur ex luto, & sic ita accidit in animalibus quae decisa vivunt. Hoc autem est inconveniens. Relinquitur ergo quod semen non sit decisum ab eo quod erat actu totum, sed magis in potentia totum, habens virtutem ad productionem totius corporis derivatam ab anima generantis, ut supra dictum est (art. praec.)

Hoc autem quod est in potentia ad totum, est illud quod generatur ex ali-

mento, antequam convertatur in substantiam membrorum; & ideo ex hoc semen accipitur. Et secundum hoc virtus nutritiva dicitur deservire generativae: quia id quod est conversum per virtutem nutritivam accipitur a virtute generativa ut semen. Et huius signum ponit Philosophus (Lib. I. de gener. anim. cap. xviii.) quod animalia magni corporis, quae indigent multo nutrimento, sunt pauci feminis secundum quantitatem sui corporis, & paucae generationis: & similiter homines pingues sunt pauci feminis propter eandem causam.

Ad primum ergo dicendum, quod generatio est de substantia generantis in animalibus, & plantis, in quantum semen habet virtutem ex forma generantis, & in quantum est in potentia ad substantiam ipsius.

Ad secundum dicendum, quod assimilatio generantis ad genitum non fit propter materiam, sed propter formam agentis, quod generat sibi simile. Unde non oportet, ad hoc quod aliquis assimilatur ayo, quod materia corporalis seminis fuerit in ayo, sed quod sit in semine aliqua virtus derivata ab ayo, mediante patre.

Et similiter dicendum est ad tertium. Nam affinitas non attenditur secundum materiam, sed magis secundum derivationem formae.

Ad quartum dicendum, quod verbum Augustini non est sic intelligendum, quod in Adam actu fuerit aut seminalis ratio huius hominis propinqua, aut corporei eius substantia. Sed utrumque fuit in Adam secundum originem. Nam & materia corporalis, quae ministrata est a matre, quam vocat *corpulentiam substantiam*, derivatur originaliter ab Adam; & similiter virtus activa existens in semine patris, quae est huius hominis propinqua ratio seminalis. Sed Christus dicitur fuisse in Adam secundum *corpulentiam substantiam*, sed non secundum *seminalem rationem*: quia materia corporis eius, quae ministrata est a Matre Virgine, derivata est ab Adam; sed virtus activa non est derivata ab Adam, quia corpus eius non est formatum per virtutem virilis feminis, sed operatione Spiritus sancti. talis enim partus decebat eum qui est super omnia benedictus Deus in saecula saeculorum. Amen.



006659 084
Digitized by Google

